


Tupanaarü Ore i Tórü Cori ya Ngechuchu ya

Cristuchiga



New Testament in Ticuna (PE:tca:Ticuna)

Tupanaarü Ore i Tóru Cori ya Ngechuchu ya Cristuchiga New Testament in Ticuna (PE:tca:Ticuna)

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files dated 29 Jan 2022
9d5dc22a-30be-5d26-85a9-76047f4c89e6

Contents

| | |
|-----------------------------|-----|
| MATEU | 1 |
| MARCU | 51 |
| LUCA | 80 |
| CUÁŮ | 131 |
| PURACŮGŮ | 167 |
| DUMACŮĀX | 211 |
| 1 CORĪTIUCŮĀX | 234 |
| 2 CORĪTIUCŮĀX | 254 |
| GÁRATAANECŮĀX | 267 |
| EPĚCHIUCŮĀX | 275 |
| PIRIPUCŮĀX | 283 |
| COROCHACŮĀX | 288 |
| 1 TECHARÓNICACŮĀX | 293 |
| 2 TECHARÓNICACŮĀX | 297 |
| 1 TIMUTĚU | 300 |
| 2 TIMUTĚU | 306 |
| TITU | 310 |
| FILEMŮŮ | 313 |
| EBRĚUGŮ | 315 |
| CHAŮTIÁGU | 333 |
| 1 PEDRU | 338 |
| 2 PEDRU | 344 |
| 1 CUÁŮ | 348 |
| 2 CUÁŮ | 353 |
| 3 CUÁŮ | 354 |
| YUDA | 355 |
| APOCARÍCHIU | 357 |

ORE I MEXÜ GA MATEU ÜMATÜXÜ

*Ngechuchu ya Cristu natanüwa ngóxü ga duüxügüchiga
(Lc 3.23-38)*

¹ Ñaã nixi ga yema nuxcümáxügüxü ga duüxügü ga Ngechuchu ya Cristu natanüwa ngóxü. Rü yematanüwa rü Dabí nixi ga wüxi, rü Abráü nixi ga to.

² Rü Abráü rü Ichaánatü nixi.

Rü nüma ga Ichaá rü Acóbunatü nixi.

Rü nüma ga Acóbo rü Yudánatü rü naëneëgünatü nixi.

³ Rü Yudá rü Fárenatü rü Záranatü nixi. Rü Támara iyixi ga norü mamá.

Rü nüma ga Fáre rü Eróünatü nixi.

Rü nüma ga Eróü rü Aráünatü nixi.

⁴ Rü Aráü rü Aminadánatü nixi.

Rü nüma ga Aminadá rü Nachóünatü nixi.

Rü nüma ga Nachóü rü Charmóünatü nixi.

⁵ Rü Charmóü rü Boónatü nixi, rü Raá iyixi ga naë.

Rü nüma ga Boó rü Obénatü nixi, rü nae rü Rux iyixi.

Rü nüma ga Obé rü Ichaxínatü nixi.

⁶ Rü nüma ga Ichaxí rü äëxgacü ga Dabínatü nixi.

Rü nüma ga äëxgacü ga Dabí rü Charomóünatü nixi. Rü ngima ga Bechabé ga Uría namëxchirëx ixicü iyixi ga naë ga Charomóü.

⁷ Rü Charomóü rü Roboáünatü nixi.

Rü nüma ga Roboáü rü Abíanatü nixi.

Rü nüma ga Abía rü Achánatü nixi.

⁸ Rü Achá rü Yochapánatü nixi.

Rü Yochapá rü Yoráünatü nixi.

Rü nüma ga Yoráü rü Uchíanatü nixi.

⁹ Rü Uchía rü Yotáünatü nixi.

Rü Yotáü rü Acánatü nixi.

Rü nüma ga Acá rü Echequíanatü nixi.

¹⁰ Rü Echequía rü Manachénatü nixi.

Rü Manaché rü Amóünatü nixi.

Rü nüma ga Amóü rü Yochíanatü nixi.

¹¹ Rü Yochía rü Yeconíanatü rü naëneëgünatü nixi. Rü yexguma nixi ga Babiróniäcüäx ga churaragü Yudiügüxü iyauxüxü rü Babiróniäânëwa nagagüäxü.

¹² Rü yexguma Babiróniäwa Yudiügüxü nagagüguëna, rü Yeconía nane ga Charatíë nabu. Rü nüma ga Charatíë rü Chorobabénatü nixi

¹³ Rü Chorobabé rü Abiúnatü nixi.

Rü Abiú rü Eriaquíünatü nixi.

Rü nüma ga Eriaquíü rü Achónatü nixi.

¹⁴ Rü Achó rü Chadóxnatü nixi.

Rü Chadóx rü Aquíünatü nixi.

Rü nüma ga Aquíü rü Eriúnatü nixi.

¹⁵ Rü Eriú rü Ereachánatü nixi.

Rü Ereachá rü Matáünatü nixi.

Rü nüma ga Matáü rü Acóbunatü nixi.

¹⁶ Rü Acóbu rü Yúchenatü nixi. Rü nüma ga Yúche rü María ngíte nixi. Rü ngima ga María rü Ngechuchu ya Cristu naë iyixi. Rü guma Ngechuchuxü nixi ga naxunetaxü ga Tupana.

¹⁷ Rü yemaäcü Abráüwa inaxügü ga yema duüxügü rü 14 nixi ñuxmata Dabíwa nangu. Rü yemawëna to ga 14 inaxügü ga Dabíwa rü ñuxmata Babiróniäcüäx ga churaragü Yudiügüxü iyauxüxüwa nangu. Rü yemawëna to ga 14 inaxügü ga yexguma Yudiügüxü inayauüxguëna rü ñuxmata Cristu buxguwa nangu.

*Ngechuchu ya Cristuarü buxchiga
(Lc 2.1-7)*

¹⁸ Rü ñaäcü nixi ga yexguma nabuxgu ga Ngechuchu. Rü naë ga María rü marü Yúchemañ ixätechaü. Natürü naxüpa ga nügüna na nangugüxü rü marü Tupanaäë i Üünëxüärü inüäxü ixäxäcü.

19 Rū Yúche ga María ngítechaŭ ixĩcũ rũ wũxi ga mecũ nixĩ. Rũ yemacèx tama nanangoxèèchaŭ ga yema na naxãácũxũ ga María. Rũ nagu narũxinũ ga bexmamare ngĩxũ na inatãxũ. 20 Rũ yexguma yemagu inaxĩnũyane, rũ wũxi ga daxũcũãx ga Tupanaãrũ orearũ ngeruũ, rũ nanegũwa naxcèx nangox rũ namaã nidexa. Rũ ñanagũrũ nũxũ: —Pa Yúche Pa Dabítanũxũ, ¡tãxũ i ngĩxũ cuxoxũ i María na ngĩmaã cuxãmaxũ! Erũ Tupanaãe i Üünexũ ngĩxna inũxũgagu nixĩ i naxãácũxũ. 21 —Rũ ngĩma tá ngĩxũ nangèxma ya wũxi ya ngine, rũ cuma rũ tá Ngechuchugu cunaxũéga. Rũ ngẽma naega rũ 'maxèèruxũ' ñaxũchiga nixĩ, erũ nũma tá norũ pecadugũwa inananguxũxèe i norũ duũxũgũ —ñanagũrũ. 22 Rũ guxũma ga yema orearũ ngeruũ nũxũ ixuxũ rũ nangupetũ na yanguxũcèx ga Cori ga Tupanaãrũ ore ga nuxcũmaũxũ ga norũ orearũ uruũwa nũxũ yaxuxũ ga ñaxũ:

23 “Rũ tá tauemacũ ngĩxũ inayarũtaxu i ngẽma nge i taguma yatũxũ cuèxcũ. Rũ tá nayatũ.

Rũ Emanue tá nixĩ i naega. Rũ ngẽma naega rũ ‘Tupana tatanũwa nangu’, ñaxũchiga nixĩ”.

ñanagũrũ. 24 Rũ yexguma pewa nabèjãchigu ga Yúche, rũ nanaxũ ga yema Tupanaãrũ orearũ ngeruũ ga daxũcũãx namaã nũxũ ixuxũ. Rũ Mariamaã naxãmèx. 25 Natũrũ taguma ngĩxũnèxũ nacuèx ñuxmata nabu ga guma ngĩne. Rũ Ngechuchugu nanaxũéga.

2

Ngechuchuxũ inayadaugũ ga yatũgũ ga nũxũ cuèxũchigũxũ

1 Rũ Ngechuchu rũ Yudèaanewa yexmane ga iãne ga Berèũgu nabu ga yexguma Erode àèxgacũ ixĩxgu ga yema nachĩũãnewa. Rũ yexguma nixĩ ga iãne ga Yerucharéũwa nangugũxũ ga ñuxre ga yatũgũ ga nũxũ cuèxũchigũxũ ga woramacuriwa ngũexũ ga yaxũwa ne Ixũ ga uèxcũ ne ùxũwa. 2 Rũ duũxũgũna nacagũe, rũ ñanagũrũgũ: —¿Ngextã nixĩ i nangèxmaxũ ya yima Yudiũgũarũ àèxgacũ ya ngexwacèx bucũ? Toma rũ yéama tochiũãnewa nũxũ tadau ya norũ woramacuri rũ ngẽmacèx nũma taxĩ na nũxũ tayarũcuèxũũgũxũcèx —ñanagũrũgũ. 3 Rũ yexguma yemachigaxũ nacuèxgu ga àèxgacũ ga Erode rũ porãcũ naxoegaãe. Rũ guxũma ga duũxũgũ ga Yerucharéũcũãxgu rũ ta naxoegaãegũ. 4 Rũ yexguma ga àèxgacũ ga Erode rũ naxcèx nangema ga guxũma ga paigũarũ àèxgacũgũ rũ ngũexèèrũgũ ga ore ga mugũwa nguxèètaegũxũ. Rũ nũxna naca, rũ ñanagũrũ: —¿Ngextã nixĩ i nabuègaxũ ya Cristu? —ñanagũrũ. 5 Rũ nũmagũ nanangãxũgũ, rũ ñanagũrũgũ: —Nuã Yudèaanewa ngèxmane ya iãne ya Berèũgu tá nixĩ i nabuxũ. Yerũ nuxcũmaũcũ ga Tupanaãrũ orearũ uruũ rũ nachiga nanaxũmatũ, rũ ñanagũrũ ga yema ore:

6 “Rũ Berèũ ya iãne ya Yudèaanewa ngèxmane, rũ yima rũ tama wũxi ya ngexnerũñemare ya iãne nixĩ, erũ nagu tá nabu i ngẽma àèxgacũ i taxũ i Cristu. Rũ nũma tá nũxna nadau i guxũma i Tupanaãrũ duũxũgũ i Yudiũgũ”.

ñanagũrũ. 7 Rũ yexguma ga àèxgacũ ga Erode rũ bexma naxcèx naca ga yema yatũgũ ga nũxũ cuèxũchigũxũ ga yaxũwa ne Ixũ. Rũ nũxna naca ga tèxacũ rũ ngunexũ na nangoxũ ga noxri ga guma woramacuri. 8 Rũ ñuxũchi ga Erode rũ Berèũwa nanamugũ ga yema yatũgũ. Rũ ñanagũrũ nũxũ: —¡Rũ ngema pexĩ rũ meã naxcèx peyadèux i ngẽma buxũ. Rũ ngèxguma nũxũ ipeyangauxgu rũ chomaã nũxũ pixu na choma rũ ta ngema chaxũxũcèx, na nũxũ chayarũcuèxũũxũcèx i ngẽma buxũ! —ñanagũrũ. 9 Rũ yexguma yema orexũ naxĩnũèguwena, rũ inaxĩãchi ga yema yatũgũ. Rũ guma woramacuri ga noxri nũxũ nadaugũcũ rũ napèxegu nixũchigũ rũ ñuxmata guma bucũ ga Ngechuchu iyexmaxũtètuwa nangu. Rũ yéma nayachãchi. 10 Rũ yexguma guma woramacurixũ nadaugũgu ga yema yatũgũ, rũ porãcũ nataãegũ. 11 Rũ nagu nichocu ga guma I ga nawa nayexmane, rũ yexma nũxũ nayangau ga guma bucũ ngĩmaã ga naè ga María. Rũ guma bucũpegu nacaxãpũxũgũ, rũ nũxũ nicuèxũũgũ. Rũ ñuxũchi nayawãxna ga norũ baũxacũgũ, rũ õxchanana nanaxãmeregũ ga uiru rũ pumaragũ ga yixichixũ. 12 Rũ yemawena, ga yexguma napeeyane ga yema yatũgũ, rũ nanegũwa Tupana nayaxucũxègũ na tama Erodecèx nawoeguxũcèx. Rũ yemacèx to ga namagu nachĩũãnecèx nawoegu.

Equituanewa nabuxmũ

13 Rũ yexguma marũ iyaxĩguwena ga yema yatũgũ rũ wũxi ga daxũcũãx ga Tupanaãrũ orearũ ngeruũ, rũ nanegũwa Yúchecèx nangox, rũ ñanagũrũ nũxũ: —¡Nabèjãchi rũ írũda! ¡Rũ inaxũxũ namaã ya yima bucũ rũ naè rũ Equituanewa naxũ! ¡Rũ ngema pengèxmagũ ñuxmatãta choma cumaã nũxũ chixu na ñuxgu tá cutaeguxũ! Erũ àèxgacũ i Erode rũ yima bucũcèx tá nadau na yamáãxũcèx —ñanagũrũ nũxũ. 14 Rũ yexguma ga Yúche rũ nabèjãchi rũ inarũda. Rũ yexgumatama chũtacũ namaã inaxũãchi ga guma bucũ ga Ngechuchu rũ naè. Rũ Equituanewa naxĩ. 15 Rũ Equituanewa nayexmagũ ñuxmata nayux ga àèxgacũ ga Erode. Rũ yemaãcũ nangupetũ na yanguxũcèx ga Tupanaãrũ ore ga nuxcũmaũcũ ga norũ orearũ uruũ nũxũ ixuxũ ga ñaxũ:

“Naxcèx changema ya Chaune rũ Equituanena chanataeguxèè”,

ñaxũ ga yema ore.

Erode nanamu na tũxũ nadẽixũcẽx ga buxegũ

¹⁶ Rũ yexguma ãẽxgacũ ga Erode nũxũ cuẽxgu ga to ga namagu na nawoeguxũ ga yema yatũgũ ga nũxũ cuẽxũchigũxũ ga yaxũwa ne ìxũ, rũ poraãcũ nanu. Rũ Berẽũwa nanamugũ ga norũ churaragũ na guxũ ga yema naãnewa tũxũ nadẽixũcẽx ga guxãma ga guxema buxegũ ga iyatũxe ga yexwacẽx buexe rũ ñuxmata taxre ga tauncẽcũ tũxũ yexmagũxewa nangu. Yerũ yema yatũgũ ga yaxũwa ne ìxũ rũ marũ nũxũ nixugũgũ rũ taxre ga tauncẽcũ nixĩ ga noxri na nangõxũ ga guma woramacuri. ¹⁷ Rũ yemaãcũ ningũ ga ore ga nuxcũmaũxũ ga Tupanaãrũ orearũ uruũ ga Yeremiã ùmatũxũ ga ñaxũ:

¹⁸ “Rũ Ramãwa nũxũ taxĩnũẽ i wũxi i naga i poraãcũ ngechatũgaãcũma auxexũ. Rũ Raquera iyixĩ i ngĩxãcũgũcẽx poraãcũ auxcũ. Rũ taxuacũma ngĩxũ tataãẽxkẽẽga, erũ nayue i ngĩxãcũgũ”,

ñanagũrũ ga yema ore. ¹⁹ Natũrũ yexguma marũ nayuxguwena ga ãẽxgacũ ga Erode, rũ Equituanewa rũ wũxi ga daxũcũãx ga Tupanaãrũ orearũ ngeruũ rũ nanegũwa Yũchecẽx nangox. Rũ ñanagũrũ nũxũ: ²⁰ —Pa Yũchex, ÿrũda, rũ pechiũãnecẽx namaã pewoegu ya yima bucũ ya Ngechuchu! Erũ marũ nayue i ngema duũxũgũ ya yima bucũxũ imẽgũchaxũxũ —ñanagũrũ. ²¹ Rũ yexguma ga Yũche rũ ñarũda rũ nachiũãnecẽx namaã nataegu ga guma bucũ rũ naẽ. ²² Natũrũ yexguma Yũche nũxũ cuãchigagu na Aquerãnu ãẽxgacũxũ ingucuchixũ nanatũ ga Erodechicũũ ga Yudãanewa, rũ namuũ ga Yũche ga yema na naxũxũ. Yerũ wũxi ga daxũcũãx ga Tupanaãrũ orearũ ngeruũ nanegũwa nanaxuxẽ na tama yema Yudãanewa na naxũxũcẽx. Rũ yemacẽx Garirãanewa naxũ. ²³ Rũ yexguma Garirãanewa nangugũgũ, rũ ñãne ga Nacharẽtuwa naxĩ, rũ yexma naxãchiũgũ. Rũ yemaãcũ nangupetũ na yanguxũcẽx ga yema ore ga nuxcũmaũgũxũ ga Tupanaãrũ orearũ uruũgũ nũxũ ixugũxũ ga ñaxũ:

“Ngechuchu ya Cristu rũ Nacharẽtũãxmaã tá nanaxugũ”,
ñaxũ.

3

Cuãũ ga baiũxẽerũ nũxũ nixu ga Tupanaãrũ ore ga dauxchitawa ga ngextã taxũema ìxãpataxũwa

(Mr 1.1-8; Lc 3.1-9, 15-17; Cu 1.19-28)

¹⁻² Rũ yexguma Nacharẽtuwa nayexmagu ga Ngechuchu, rũ Cuãũ ga baiũxẽerũ ñanaxũgũ ga Tupanaãrũ orexũ na yaxuxũ ga Yudãanewa ga dauxchitawa ngextã taxũema ìxãpataxũwa. Rũ duũxũgũmaã nũxũ nixu rũ ñanagũrũ: —Ñũxũ perũxoe i pecũma i chixexũ! Erũ marũ ñingaica na perũ ãẽxgacũ na yĩixũ ya Tupana —ñanagũrũ. ³ Rũ guma Cuãũ ga baiũxẽerũchiga nixĩ ga naxũmatũãxũ ga nuxcũmaũcũ ga Tupanaãrũ orearũ uruũ ga Ichaxĩa ga yexguma ñaxgu:

“Rũ dauxchitawa i ngextã taxũema ìxãpataxũwa tá nangẽxma i wũxi i duũxũ i ngema tagaãcũ ñaxũ: ‘ÿPegũ pemexẽẽx naxcẽx ya Cori! ÿRũ naxcẽx ipeyanawẽxãchixẽẽx i perũ maxũ!’ ”

ñaxũ. ⁴ Rũ naxchiru ga Cuãũ rũ cameyutẽxanaxcẽx nixĩ, rũ norũ goyexũ rũ naxchẽxmũnaxcẽx nixĩ. Rũ beruremaã rũ munũmaã naxãwemũ. ⁵ Rũ yema Cuãũxtawa ñarũxĩnũẽgũxũ ga duũxũgũ ga Yerucharẽcũãx, rũ duũxũgũ ga guxũ ga Yudãanewa ne ìxũ, rũ duũxũgũ ga natũ ga Yudããrũ ngaicamagu ãchiũgũxũ. ⁶ Rũ guxema duũxũgũ ga nũxũ ixugũexe ga tũmaãrũ pecadugũ, rũ Cuãũ rũ tũxũ ñabaiũxẽẽ ga natũ ga Yudãũwa. ⁷ Natũrũ yexguma Cuãũ nũxũ dẽuxgu ga naxũtawa na nangugũxũ ga muxũma ga ãẽxgacũgũ ga Parichẽgũ rũ Chaduchẽgũ na ñabaiũxẽẽãxũcẽx, rũ Cuãũ ñanagũrũ nũxũ: —Pa ãxtapearũ Duũxũgũx, ÿrũ texẽ pemaã nũxũ tixu na naxchaxwa pibuxmũxũcẽx i ngẽma Tupanaãrũ poxch i ãũcũmaxũ i marũ ingaicaxũ? ⁸ —ÿRũ penaxwẽxe na Tupana naxwẽxẽãcũma pemaxẽxũ na ngẽmaãcũ guxũma i duũxũgũ nũxũ nadaugũxũcẽx na aixcũma marũ nũxũ perũxoexũ i ngẽma pecũma i chixexũ! ⁹ —Erũ Tupanapẽxewa rũ taxuwama name na pegũ pixuxũ na Abrãũtanũxũ i Yudiũgũ pixĩgũxũ erũ tama ngẽmacẽx nixĩ ya Tupana i duũxũgũxũ nayaxuxũ. Rũ pemaã nũxũ chixu rũ ngẽxguma Tupana naxwẽxegu, rũ tama nũxũ naguxcha na daa nutawa Abrãũtanũxũ nanguxũxẽẽxũ. ¹⁰ —Rũ Tupanaãrũ yuema rũ marũ ñimemare na nadaxũxũcẽx i ngẽma nanetũgũ i tama mexũ. Rũ guxũma i nanetũgũ i chixearũ õõxũ rũ tá nadaxũ, rũ ñuxũchi tá ñagu —ñanagũrũ. ¹¹ Rũ ñanagũrũ ta ga Cuãũ: —Choma rũ aixcũma dexãwamare pexũ ñchabaiũxẽẽ na togu i duũxũgũ nũxũ cuãxũcẽx na aixcũma marũ nũxũ perũxoexũ i pecũma i chixexũ. Natũrũ chowema tá ñangu i to i Tupanaãrũ orearũ uruũ. Rũ nũma tá pexũtawa nanamu i Tupanaãẽ i ùũnẽxũ na naporaxẽẽãxũ i ngẽma Tupanawe rũxũxũ, rũ nũma tá nanapoxcũe i ngẽma Tupanaxũ oexũ. Erũ nũma rũ poraãcũ choxũ narũyexera na ãẽxgacũ yĩixũ. Rũ choma rũ napẽxewa rũ taxuwama chame rũ bai i

norü chapatuarü ngewaxüra chame. ¹²—Rü nüma rü marü inamemare na ñoma i nañnewa yadexechiäxüçex i norü duüxügü ñoma wüxi i yatü trigu naätüna idexechixürü. Rü ngēmaäcü tá nayadexechi i ngēma noxrü ixīgüxü na naxütawa nangēxmagüxüçex, natürü ngēma tama noxrü ixīgüxü rü tá ñanagu nawa ya yima üxü ya taguma ixoxüne —ñanagürü ga Cuáü.

Ngechchuarü baiechiga

(Mr 1.9-11; Lc 3.21-22)

¹³ Rü yexguma nixi ga Gariréanewa ne naxüxü ga Ngechchuch. Rü Cuáüxütawa nangüxü ga Yudaü ga natüwa, na Cuáü ñabaieçéëxüçex. ¹⁴ Rü noxri rü tama Ngechchuxü ñabaieçéëchaü ga Cuáü. Rü ñanagürü nüxü: —Choxü waxi nixi i namexü na icübaieçéëxü. ¿Rü ñuxäcü i cuma i chauxütawa cuxüxü na choma cuxü ichabaieçéëxüçex? —ñanagürü. ¹⁵ Natürü ga Ngechchuch rü ñanagürü nüxü: —Name nixi i choxü icübaieçéë i ñuxmax. Erü name nixi i tanaxü i guxüma i ngēma Tupana tüxü muxü —ñanagürü. Rü yexguma ga Cuáü rü: —Ngü —ñanagürü. ¹⁶ Rü yexguma marü Cuáü Ngechchuxü ñabaieçéëguwena, rü dexáwa ñaxüächigu ga Ngechchuch. Rü yexgumatama niwäxna ga daxügüxü ga naäne, rü Ngechchuch nüxü nadau ga Tupanaäë i Üünexü ga wüxi ga muxtucurü na inagoxü rü nüxna na nangüxü. ¹⁷ Rü dauxüwa inanaxü ga wüxi ga naga ga ñaxü: —Daa nixi ya Chaune ya nüxü changechaüxüchicü, rü poraäcü namaä chataäëxüchicü —ñaxü.

4

Ngechchuxü naxü ga Chataná

(Mr 1.12-13; Lc 4.1-13)

¹ Rü yemawena rü Tupanaäë i Üünexü rü wüxi ga nachica ga ngextá taxüema íxäpataxüwa Ngechchuxü naga na yéma Chataná nüxü üxüçex. ² Rü taguma nachibü ga 40 ga ngunexü rü 40 ga chütaxü. Rü yemawena rü nataiya. ³ Rü yexguma ga ngoxo ga Chataná rü Ngechchuxütawa nangu, na nüxü naxüxüçex. Rü ñanagürü nüxü: —Ega aixcüma Tupana Nane quixügu, ¡rü daa nutagüxü namu na päüxü nangüxüçex! —ñanagürü ga Chataná. ⁴ Natürü Ngechchuch nanangäxü, rü ñanagürü: —Tupanaärü ore i ümatüxü rü ñanagürü: “Täütäma päüxica nanamaxéë i duüxügü, natürü guxüma i ore i Tupana nüxü ixuxü nixi i duüxügüxü maxéëxü”, ñanagürü. ⁵ Rü yexguma ga ngoxo ga Chataná rü guma ñäne ga üunene ga Yerucharéüwa nanaga. Rü tupaüca ga taxünetapéxegu nanamunagü. ⁶ Rü ñanagürü nüxü: —Ega aixcüma Tupana Nane quixügu, ¡rü nuä cügü rütäe! Erü Tupanaärü ore i ümatüxüwa rü ñanagürü: “Tupana tá nanamu i norü orearü ngeruügu i daxüçüax na cuxna nadaugüxüçex. Rü naxmëxmaä tá cuxü niyaxügü na tama açacü rü nutagu cungüxüçex”, ñanagürü. ⁷ Rü Ngechchuch nanangäxü rü ñanagürü: —Rü Tupanaärü ore i ümatüxü rü ñanagürü ta: “¡Tama name i nüxü na cuxüxü ya Cori ya curü Tupana!” ñanagürü. ⁸ Rü yexguma wenaxärü ga ngoxo ga Chataná rü wüxi ga mëxpüne ga máxpüxüchinetaapéxewa nanaga. Rü yéma Ngechchuxü nanawëx ga guxüma ga nachitüänegü na ñuxäcü yamexéchixü. ⁹ Rü Chataná rü ñanagürü nüxü: —Choma chi cuxna chanaxä i guxüma i ñaä cuxü chawéxü i ngéxguma chi chopéxegu cuxaxpüxügu rü choxü quicuëxügu —ñanagürü. ¹⁰ Rü yexguma ga Ngechchuch rü ñanagürü nüxü: —¡Choxna ixügachi, Pa Chataná! Erü Tupanaärü ore i ümatüxü rü ñanagürü: “¡Nüxü icuëxüü ya Cori ya curü Tupana, rü yimaäxüxicatama napuracü!” ñanagürü. ¹¹ Rü yexguma ga ngoxo ga Chataná rü Ngechchuchuna nixügachi. Rü Ngechchuxütawa nangügu ga daxüçüax ga Tupanaärü orearü ngeruügu. Rü Ngechchuxü narüngüxéëgu rü nüxna nadaugü.

Ngechchuch rü inanaxügu ga norü puracü ga Gariréanewa

(Mr 1.14-15; Lc 4.14-15)

¹² Rü yexguma Ngechchuch nüxü ñügu ga na napoxcuxü ga Cuáü ga baiüxéëruü, rü Gariréanewa naxü. ¹³ Natürü tama ñäne ga Nacharéтугу narüxäüx, rü ñäne ga Capernáüwa naxü na yexma yaxächüxüçex. Rü guma ñäne rü naxtaxa ga Gariréacutüwa nayexma ga Chaburáütanüxü rü Netarítanüxü ga duüxügü ixächügüxüwa. ¹⁴ Rü yema nangupetü na yangüxüçex ga ore ga nuxcümaäcü ga Tupanaärü orearü uruü ga Ichaxia ümatüxü ga ñaxü: ¹⁵⁻¹⁶ “Rü duüxügüçex tá nangox i wüxi i ngóonexéëruü i Chaburáüärü nañnewa, rü Netariärü nañnewa, rü Yudaüärü tocutüwa rü ngēma nama i taxtücutüwa nadaxüwa, rü Gariréanewa i ngextá duüxügü i tama Yüdügu ixīgüxü ixächügüxüwa. Rü ngēmaäcü i ngēma duüxügü ga noxri äñexüwa yexmagüxü, rü tá nüxü nadaugü i wüxi i taxü i

ngóonexêeruü. Rü ngêma duüxügü ga noxri yutüüwa yexmagüxü rü tá nüxü nabaxi i ngêma ngóonexêeruü”, ñanagürü ga yema Ichaxíaarü ore. ¹⁷ Rü yexgumaücüü nixí ga inaxügüãxü ga Ngechuchu ga nüxü na yaxuchigaxü ga norü ore ga ñaxü: —¡Nüxü perüxoe i pecüma i chixexü! Erü marü ningaica na perü äëxgacü na yüxü ya Tupana —ñaxü.

Ngechuchu rü naxcêx naca ga ägümücü ga püchaetanüxü
(Mr 1.16-20; Lc 5.1-11)

¹⁸ Rü yexguma naxtaxa ga Gariréaanacügu yaxüxgu ga Ngechuchu, rü yéma nüxü nadau ga taxre ga yatü ga nügüeneëgü ixíügüxü. Rü wüxi rü Chimáü ga Pedrugü äegaxü nixí. Rü to rü Aüdrégu äegaxü nixí. Rü nümagü rü ínapüchaegü, yerü woetama püchaetanüxü nixígü. ¹⁹ Rü yexguma ga Ngechuchu rü ñanagürü nüxü: —¡Chowe perüxí! Rü chorü puracüwa tá pexü chamugü na chauxütawa penagagüxücêx i duüxügü —ñanagürü. ²⁰ Rü yexgumatama ga yema taxre, rü yéma nanatêxgü ga norü püchagü. Rü Ngechuchuwe narüxí. ²¹ Rü yémaxütra naxü ga Ngechuchu, rü yéma nüxü nadau ga to ga taxre ga nügüeneëgü. Rü Acobu nixí ga wüxi, rü Cuáü nixí ga to. Rü Zebedéu nanegü nixí ga nümagü. Rü nanatümaá wüxi ga nguewa nayexmagü. Rü yéma ínanangáitagü ga norü püchagü. Rü Ngechuchu naxcêx naca. ²² Rü yexgumatama yéma nguewa tüxü natêxgü ga nanatü. Rü Ngechuchuwe narüxí.

Ngechuchu nanangüexêë ga muxüma ga duüxügü
(Lc 6.17-19)

²³ Rü guxü ga Gariréaanegu nixügüchigü ga Ngechuchu. Rü wüxichigü ga íánewa, rü duüxügüarü ngutaquëxepataüwa ningüxêëtaechigü. Rü duüxügümaá nüxü nixuchiga ga ore ga mexü na ñuxácü äëxgacü yüxü ya Tupana. Rü guxüma ga duüxügü ga yema ídaaweexü rü nanameëxêë ga woo nañuxraüxü ga norü ñaawe nüxü yexmaxü, rü naxcêx nitaanegü. ²⁴ Rü Ngechuchuxü nacuáchigagü ga guxüma ga duüxügü ga Chiríaanecüãx. Rü naxütawa nanagagü ga nagüxütraüxü ga daxweanemaá ídaaweexü. Rü yemataniüwa nayexma ga duüxügü ga ngúanemaá ídaaweexü, rü duüxügü ga poraacü naxünewa nangüxü, rü duüxügü ga ngoxo nawa yexmaxü, rü duüxügü ga óxwaãxgüxü, rü duüxügü ga nawáixächigüxü. Rü Ngechuchu nanameëxêë ga guxüma ga yema. ²⁵ Rü Ngechuchuwe narüxí ga muxüma ga duüxügü ga Gariréaanecüãx, rü Decaporíchiuanecüãx rü Yerucharéücüãx, rü Yudéaanecüãx, rü natü ga Yudáüarü tocutücüãx.

5

Ngechuchu rü mëxpünewa nüxü nixü ga Tupanaärü ore

¹ Rü yexguma Ngechuchu nüxü dëuxgu ga yema muxüma ga duüxügü, rü wüxi ga mëxpünewa inaxüächi namaá ga norü ngüexügü. Rü yéma narüto, rü norü ngüexügü nüxü ínachomaëguächi.

Yíxema taãëgüxechiga
(Lc 6.20-23)

² Rü inanaxügü ga Ngechuchu ga na nangüexêëãxü, rü ñanagürü: ³ —Tataãëgü ya yíxema nüxü icuëxächitanüxê i tumaärü pecadu rü nüxü rüxoexe. Erü tümacêx nixí i ngema daxügüxü i naane i Tupana äëxgacü íxíüwa. ⁴ —Tataãëgü ya yíxema ngechaügüxe, erü Tupana tá tüxü nataãëxêë. ⁵ —Tataãëgü ya yíxema tama tügü icuëxüxügüxe, erü tá tanayauxgü i ñoma i naane i Tupana tümamaá ixunetaxü. ⁶ —Tataãëgü ya yíxema poraacü tüxü nangüchaüxê na Tupanapêxewa meá tamaxêxü, erü Tupana tá tüxna nanaxá i ngêma maxü i mexü i naxcêx tadaugüxü. ⁷ —Tataãëgü ya yíxema togü i duüxügü tüxü ngechaütümüügüxe, erü tümagü rü tá ta Tupanaãxü tangechaütümüügü. ⁸ —Tataãëgü ya yíxema tama chixexügu rüxínüxê i tumaãëwa, erü yíxemagü tá taxígü ya Tupanaxü daugüxe. ⁹ —Tataãëgü ya yíxema togüarü chogürüü ixígüxe, erü Tupana rü nanegümaá tá tüxü naxu. ¹⁰ —Tataãëgü ya yíxema togü i duüxügü tümachi aiexe naxcêx na Tupana naxwêxexüãcüma meá tamaxêxü. Erü tümacêx nixí i ngema daxügüxü i naane i Tupana äëxgacü íxíüwa. ¹¹ —Petaãëgü i pema ega duüxügü tacü pemaá ixügüegu, rü chixri pemaá namaxëgu, rü chaugagu doramaá poraacü chixri pechiga yad exagügu. ¹² —¡Rü petaãëgüama rü tama pexoegaãëgü! Erü daxügüxü i naãnewa tá penayauxgü i wüxi i perü ämare i mexêchixü. Rü ngêma ñuxma pexü ngupetüxü rü nixí ga nüxü nangupetüxü ga nuxcümaügüxü ga Tupanaärü orearü uruügü, yerü ga duüxügü rü naxchi rü ta naxaie.

Yucürarüü rü omürüü pixígü i ñoma i naãnewa
(Mr 9.50; Lc 14.34-35)

¹³ —Pema rü ñoma yucürarüü pixígü i ñoma i naãnewa. Erü yima yucüra rü ñna na namexêëxürüü, rü ngëxgumarüü ta i pema rü ñoma i naãnecüãx i duüxügüarü mexêëruü pixígü. Natürü ngëxguma chi nangeacagu ya yucüra, çrü tacüwa chi i namexü i ngëxgumax?

Rü dücax, rü taxuwama name, rü itanätëxmare, rü ngema duüxügü nawa nangagü. ¹⁴ —Pema rü ñoma i naänecüäxärü ngóonexëëruü pixigü. Rü wüxi ya ñäne ya wüxi ya mëxpúnewa ngëxmane, rü taxuacüma inicux. ¹⁵ —Rü taxüema wüxi i omüwa tanangixichi na wüxi i caichäütüügu na tayaxücuchixüçëx. Natürü wüxi i omüwa tanangixichi na norü üchicaügu tanaxünaügüçëx, na ngema tüxü nabaxixüçëx ya guxäma ya yixema yima ñwa ngëxmagüxe. ¹⁶ —Rü name nixi i duüxügüpëxewa na meä pemaxëxü. Erü ngëmaäcü i pema rü omügürüü tá pinaigü. Rü ngëmaäcü duüxügü tá nüxü nadaugü i ngëma mexü i pexüxü, rü tá nüxü nicuëxüügü ya Penatü ya daxüwa ngëxmacü.

Ngechuchu nanangüexëë ga mugüchiga

¹⁷ —Tama name i nagu perüxinüë na nüma chaxüxü na ichayanaxoxëëxüçëx i Tupanaärü mugü ga Moiché ümatüxü, rü yema ore ga nuxcümaügüxü ga Tupanaärü orearü uruügü namaä nguxëëtaegüxü. Natürü nüma chaxü na meä chayanguxëëxüçëx i ngëma mugü, rü tama na ichayanaxoxëëxüçëx. ¹⁸ —Rü aixcüma pemaä nüxü chixu, rü ñuxma na tama nangupetüxü i daxüguxü i naane rü ñoma i naäne rü taxucürüwa naxüchicüxü i ngëma mugü, rü bai i irarüwa ñuxmatáta yangu i guxüma i ngema mugü nüxü nixuxü. ¹⁹ —Rü ngëmacëx ya yixema tama naga inüxë i ngëma mugü, rü woo i facü i iraxü i ngëma nüxü yaxuxü rü duüxügüxü tangüxëëxügu na nümagü rü ta tama naga naxinüxüçëx, rü yixema rü tá guxüärü yexera wixweama tatëx i Tupana äëxgacü ixixüwa. Natürü yixema naga inüxë i Tupanaärü mugü rü duüxügüxü ngüxëëxë na tümagü rü ta naga taxinüxüçëx, rü guxüpëxewa tá taxü i Tupana äëxgacü ixixüwa. ²⁰ —Rü pemaä nüxü chixu, rü ngëxguma tama Parichëügü rü ngüxëëruügü i ore i mugüwa nguxëëtaegüxüärü yexera meä pemaxëgu, rü tagutäma Tupana ingëmaxüwa pichocu.

Ngechuchu nanangüexëë na tama namexü na texé tümaëneëmaä na nuxü (Lc 12.57-59)

²¹ —Pema rü marü nüxü pexinüë ga Moichéärü ore ga nuxcümaügüxü ga duüxügümaä nüxü yaxuxü ga ñaxü:

“¡Täxü i pemäëtagüxü! Erü texé yamäëtaxe rü tá tapoxcu”, ñaxü. ²² —Natürü choma rü pemaä nüxü chixu rü texé ya tümaëneëmaä nuxë, rü tá tapoxcu. Rü texé ya facü tümaëneëmaä ixugüxe, rü äëxgacügüpëxewa tá tüxü nagagü na tüxü napoxcuxüçëx. Rü texé ya tümaëneëxü ngoxo wogüxe, rü äücümaxüwa tangëxma, erü ngürüächü tá tapoxcu nagu ya yima üxü ya ngoxo nagu poxcuene. ²³⁻²⁴ —Rü ngëxguma tupaucawa Tupana cunaxäxgu i curü dëru, rü ngëma nüxna cucuëxächü na facüçëx cumaä nanuxü i cuenëë, ¡rü ngëxma tupaucagutama naxü i ngëma curü ämare i Tupana cuxäxchaüxü! ¡Rü cuenëëxütawa naxü, rü namaä yamexëëxira i ngëma cuxchi na naxaixü! Rü ngëmawena rü marü name i tupaucacëx cutaegu na Tupana cuyaxämarexüçëx i curü dëru. ²⁵ —Rü ngëxguma chi wüxie wüxi i ngetanüçëx cuxü ixuaxügu, rü äëxgacüxütawa cuxü tagaxgu, rü name nixi i namawatama tüxü curüngümüxëë na tama äëxgacüpëxewa cuxü tagaxüçëx. Erü wüxicana na äëxgacüxütawa cunguxü, rü äëxgacü tá purichüagüna cuxü namu na cuxü napoxcuxüçëx. ²⁶ —Rü aixcüma cumaä nüxü chixu rü täütäma ngëma poxcupataüwa icunguxuchi ñuxmatáta ngixü cuxütanü i guxcü i ngëma dëru i nüxü ngixü cungetanüçü. Rü name nixi i paxa Tupana peca na pexü nüxü nangechaüxüçëx i perü pecadugü na tama pexü napoxcuexüçëx.

Ngechuchu namaä nangüexëëtae na tama namexü na wüxi i ngëmaä chixexügu rixinüxü

²⁷ —Pema marü nüxü pexinüë ga Tupanaärü mu ga Moiché nuxcüma nüxü ixuxü ga ñaxü: “¡Tama name i nai i ngëmaä na icupexü!”

ñaxü. ²⁸ —Natürü choma rü pemaä nüxü chixu, rü yixema texé ya wüxi i ngexü dawenüxë rü tüxü nangüchaüxë na ngëmaä itapexü, rü Tupanapëxewa rü marü chixexü ngëmaä taxü i tümaäëwa. ²⁹ —Rü ngëxguma chi yima curü tügünexëtü pecadu cuxü üxëëgu rü ñnoxtacüma nayaxu rü yaxügu naña! Erü narümemaë nixi na yima cuxetüxicatama iyarütaxuxü na tama guxü i cuxune iyarütaxuxüçëx nagu ya yima üxü ya ngoxogü nagu poxcuene. ³⁰ —Rü ngëxguma chi yima curü tügünemëxë pecadu cuxü üxëëgu, rü name nixi i noxtacüma icunadae rü yaxügu cuyaña. Erü narümemaë nixi na yima cuxmëxicatama iyarütaxuxü na tama guxü i cuxune iyarütaxuxüçëx nagu ya yima üxü ya ngoxogü nagu poxcuene. Rü ngëmaäcü ega woo pexü nguxchagu rü name nixi i nüxna pixigachi i guxüma i chixexü i nagu piyixchaüxü —ñanagürü.

Ngechuchu namaä nangüexëëtae na tama namexü na texé tümamëxü itäxü (Mt 19.9; Mr 10.11-12; Lc 16.18)

³¹ Rü ñanagürü ta ga Ngechuchu: —Moiché rü üpa nüxü nixu rü yixema tümamëxü itäxe, rü tanaxwëxe i ngixna tanaxä i wüxi i popera i nawa nüxü tixuxü na marü ngixü itatäxü. ³² —Natürü choma rü pemaä nüxü chixu, rü ngëxguma wüxi ya yatü naxmëxü itëxgu, rü chi tama

naŋ ya yatūmaā nangēāxūgagu yixīgu, rü āücūmaxūwa ngīxū tangēxmaxēē erü ngēmaācū ngürüāchi pecadu ixū. Rū yīxema ngīmaā āmaxē i wūxi i nge i marū ngīte ngīxū itēxcū, rü tūma rü ta pecadu taxū.

Ngechuchu namaā nangūexētae ga unetachiga

³³ Rū űanagürü ta ga Ngechuchu: —Pema rü marū nüxū pexīnūē ga Moīchéarü ore ga nuxcūmaūgūxū ga duūxūgūmaā nüxū yaxuxū ga űaxū:

“Ngēxguma Tupanaēgagu texēmaā űacūcēx icuxunetagu, rü name nixī i cuyanguxēē i ngēma curū uneta”,

űaxū. ³⁴ —Natürü choma rü pemaā nüxū chixu rü tama name i texēgagu rü ēxna űacūēgagu wūxi i duūxūmaā ipexuneta. Rü tama name i daxūguxū i naānegagu ipexuneta, erü ngema narūto ya Tupana. ³⁵ —Rü tama name i űoma i naānegagu ipexuneta, erü Tupanaārü cuaixcutūchica nixī. Rü tama name i Yerucharēūēgagu ipexuneta, erü Tupana ya guxūārü āēxgacūarü űane nixī. ³⁶ —Rü tama name i cugūēgagu icuxuneta, erü woo wūxitama i cuyae rü taxucürüwa cunaxūchicūü na nachóūcēx rü ēxna nawaxūxūcēx. ³⁷ —Rü ngēmacēx rü ngēxguma icuxunetagu rü narūmemaē nixī i: —Ngū, tá chanaxū —űaperūgū, rü ēxna: — Tāütāma chanaxū —űaperūgū. Erü guxūma i to i ore i namaā icuxunetaxū, rü ngoxo i Chatanāwa ne űxū nixī.

Ngechuchu namaā nangūexētae na űuxācü namexū na namaā ichopetūxū i ngēma duūxūgū i chixri tamaā maxēxū

³⁸ Rū űanagürü ta ga Ngechuchu: —Pema rü marū nüxū pexīnūē ga Tupanaārü mu ga Moīché nuxcūma nüxū ixuxū ga űaxū:

“Ngēxguma texē wūxi i duūxūxū ichāixetūxēēgu, rü tūmaxētūmaātama tayangutanūxēē. Rü texē wūxi i duūxūxū ibūepūtagu, rü tūmapūtaamaātama tayangutanūxēē”,

űaxū. ³⁹ —Natürü choma rü pemaā nüxū chixu rü tama name i pegūtama ipexoxū nüxna i duūxū i chixecūmaxū. Rü ngēxguma texē cuxū pechiwegu, rü marū name i curū tochiwe rü ta icunaxā na ngema rü ta cuxū tapechiwexūcēx rü tama name na cuxūtānūxū. ⁴⁰ —Rü ngēxguma texē cuxū űyaxuaxūgu rü cuxna tayapuchaxūgu i curū daxū, rü name nixī i curū gāuxūchiru rü ta noxtacūma tūxna cunaxā. ⁴¹ —Rü ngēxguma texē cuxū mūxgu na wūxi i kilómetrugu űacū tūxū quingexūcēx, rü name nixī i taxre i kilómetrugu tūxū cuyange. ⁴² —Rü ngēxguma texē curū ngēmaxūcēx cuxna caxgu, rü name nixī i tūxna cunaxā. Rü tama name na namaā cuxaūxū i curū ngēmaxūgū ega texē paxaāchi cuxna naxcēx caxgu.

Name nixī i nüxū tangechaū i ngema tamaā rūuwanūgūxū

⁴³ Rū űanagürü ta ga Ngechuchu: —Pema rü marū nüxū pexīnūē ga Tupanaārü mu ga Moīché nuxcūma nüxū ixuxū ga űaxū:

“űNüxū nangechaū i cumūcū, rü naxchi naxai i curū uwanūgū”

űaxū. ⁴⁴ —Natürü i choma rü pemaā nüxū chixu rü: —űNüxū pengechaū i perū uwanūgū! űRü naxcēx peyumūxē i ngēma duūxūgū i chixexūmaa pewe ingexūtānūxū! ⁴⁵ —Rü ngēxguma ngēmaācū pemaxēgu rü aixcūma Penatū ya daxūgucū nanegū tá pixīgū. Erü nūma rü inanabāixēē ya űēxcū naxcēx i mexū i duūxūgū rü chixexū i duūxūgū. Rü nanapuxēē naxcēx i duūxūgū i meā maxēxū rü duūxūgū i chixri maxēxū. ⁴⁶ —Rü ngēxguma chi ngēma duūxūgū i pexū ngechaūgūxūxūxīcatama pengechaūgūgu, űrü űacū rü āmare tá Tupanaxūtāwa peyaxūgu naxcēx i ngēma? Erü ngēma yatūgū i Dumaārü āēxgacūcēx dīeru ngīxū ideetanūxūwa puracūēxū rü ngēxgumarūū nanaxūgū. ⁴⁷ —Rü ngēxguma chi peeneēgūxūxīcatama perūmoxēgu, rü guxū i duūxūgūrūūtama pixīgū. Erü woo ngēma duūxūgū i tama Tupanaxū cuēxgūxū, rü ngēxgumarūūtama nanaxūgū. ⁴⁸ —Rü ngēmacēx penaxwae na aixcūma namexū i perū maxū naxrūxū ya Penatū ya Tupana ya aixcūma merū maxūācü.

6

Ngechuchu rü norū ngūetanūxūxū nangūexē na űuxācü mexū naxūgūxū

¹ Rū ngēxguma űacū rü mexū pexūxchaūgu, rü name nixī i pexuāē na tama duūxūgūpēxewa penaxūxū i ngēma na duūxūgū pexū daxūcēx rü pexū yacuēxūūgūxūcēx. Erü ngēxguma duūxūgū pexū icuēxūūgūxūcēx mexū pexūxgu, rü Penatū ya daxūgucū rü tāütāma āmare pexna naxā. ² —Rü ngēmacēx ngēxguma texēxū curūngūxēēchaūgu, rü name nixī i tama poraācü nüxū quixuchiga i ngēma. Rü tama name i ngēma duūxūgū i togūpēxewa meā maxēnetaxūrūū na quixū. Erü nūmagū rü norū me nixī i ngutaquēxepataūgūwa rü űtamūgūwa nüxū nixuchiga ega űacū rü mexū naxūgūgu. Rü ngēmaācü nanaxūgū na togū meā nachiga idexagūxūcēx. Natürü choma rü aixcūma pemaā nüxū chixu rü ngēma na duūxūgū nüxū icuēxūūgūxū nixī i norū āmare, rü tāütāma nanayaxūgū i to i āmare i Tupanaxūtāwa. ³⁻⁴ —Natürü i cuma rü ngēxguma űacū tūxna

cuxãxgu ya yíxema ngearü ngẽmaxüãxgũxe, rü name nixí i taxúema cuxü dauãcũma na cunaxüxü i ngẽma. Rü woo cumücüxüchi rü tama name i nüxü na nacuãxü i ngẽma. Rü Cunatü ya daxügucü ya nüxü daucü i ngẽma cuxicatama cuxüxü, rü tá cuxna nanaxã i curü ãmare.

Ngechuchu nanangüexẽ ga yumüxẽchiga
(Lc 11.2-4)

⁵—Rü ngẽxguma peyumüxẽgügu, rü tama name i ngẽma duüxügu i togüpëxewa meã maxënetaxürüü pixígu. Erü nümagü rü ngẽxguma nayumüxẽgügu, rü norü me nixí na chiãcü nayumüxẽgüxü i ngutaquëpataügüwa rü ítamügüwa na duüxügu nüxü na daugüxücëx. Rü aixcüma pemaã nüxü chixu rü ngẽma na duüxügu nüxü daugüxüxícata nixí i norü ãmare. ⁶—Natürü ngẽxguma cuyumüxëgu, rü name nixí i curü ucapugu cuxücu, rü cunawãxta i curü íãx, rü ngema cuyumüxë namaã ya Cunatü ya bexma cumaãxícata ngema ngẽxmacü. Rü ngẽxguma ya yima Cunatü ya Tupana ya nüxü daucü i ngẽma cüãcü cuxüxü, rü nüma tá cuxna nanaxã i curü ãmare. ⁷—Rü tama name i natüçëxma cunamëxëë i curü yumüxë naxrüü i ngẽma duüxügu i tama Tupanaxü cuëxgüxü. Erü nümagü rü nagu narüxünië rü ngẽma na namëxëëgüãxüçëx i norü yumüxë rü Tupana tá nüxü naxünië. ⁸—Rü tama name i ngẽma duüxügürüü pixígu, erü woo tauta naxcëx ípëcaxgu rü Penatü ya Tupana rü marü nüxü nacuëx na íacü pexü taxuxü. ⁹—Rü ngẽmacëx rü ñaãcü tá peyumüxëgu i pemax:

“Pa Tonatü ya Daxügucüx, rü aixcüma üü necü quixí i cumax. ¹⁰ ¡Rü nüma naxü na torü ãëxgacü quíxücëx! Rü tanaxwëxe i curü ngüchaü na naxügüxü i duüxügu i ñoma i naãnewa ngẽxgumarüü i daxüguxü i naãnewa na curü ngüchaü ínaxügüxürüü. ¹¹ ¡Rü toxna naxã i torü ñna i ñoma i ngunexüçëx íxíü! ¹² ¡Rü toxü nüxü nangechaü i torü chixexü i taxüxü ngẽxgumarüü i toma rü tüxü nüxü na tangechaüxürüü ya yíxema chixexü tomaã ügüxë! ¹³ ¡Tãxü i íacü rü chixexüpëxewa toxü cwogwüxü na tama nagu tayixücëx! Natürü tanaxwëxe i toxna cudau na tama ngẽma chixexü taxügüxücëx. Erü cuma rü guxüguma guxüãrü ãëxgacü quixí rü cuporaxüchi rü cumexëchi. Rü ngẽmaãcü yíi”.

¹⁴—Rü ngẽxguma pema nüxü nüxü pengechaügu i ngẽma duüxügu i chixexü pemaã ügüxü, rü Penatü ya daxügucü rü tá ta pexü nüxü nangechaü i perü pëcadugü. ¹⁵—Natürü ngẽxguma tama nüxü nüxü pengechaügu i ngẽma duüxügu i chixexü pemaã ügüxü, rü Penatü ya daxügucü rü tá ta ítãtãma pexü nüxü nangechaü i perü pëcadugü.

Ngechuchu nanangüexẽ ga aurechiga

¹⁶—Rü ngẽxguma tama pechibüëcüma peyumüxëgügu rü tama name i pegü pengechaüchíwëxëë naxrüü i ngẽma duüxügu i togüpëxewa meã maxënetaxü. Erü nümagü rü ngẽmaãcü nanaxügü na togü nüxü na daugüxücëx i ngẽma na Tupanacëx naxaureexü. Rü aixcüma pemaã nüxü chixu rü ngẽma na duüxügu nüxü daugüxüxícata nixí i norü ãmare. ¹⁷—Natürü ngẽxguma cuma rü tama cuchibüäcüma cuyumüxëgu rü name nixí i meã cügü cuyaxchiwe rü meã cügü curüxíxëëru. ¹⁸—Rü ngẽmaãcü i togü i duüxügu rü táxütãma nüxü nacuëxgü na tama cuchibüäcüma cuyumüxëxü. Rü Cunatü ya bexma cumaã ngema ngẽxmacüxícata tama cuxü nadau, rü tá cuxna nanaxã i curü ãmare naxcëx i ngẽma cuxüxü.

Ñuxãcü tüxü nangëxma i torü meruügü i daxüguxü i naãnewa
(Lc 12.33-34)

¹⁹—Rü tama name i pegüçëx penanutaquëxe i muxüma i perü meruügü i ñoma i naãnewa. Erü ñoma i naãnewa rü paxama nagux i perü ngẽmaxügü, rü naweane rü paxama nanachixexëë, rü ngítëëxgüxü rü naxcëx nangíxgü. ²⁰—Rü narümemae nixí i penamuxëë i perü meruü i daxüguxü i naãnewa. Erü ngema rü táxütãma nagux, rü naweane rü táxütãma nanachixexëë, rü ngítëëxgüxü rü táxütãma ngexma nachocu na naxcëx nangíxgüxücëx. ²¹—Erü ngëxtã ínangëxmaxüwa i perü ngemaxügü, rü ngëxma nixí i perüxüniëxü.

Taxüneãrü omüchiga
(Lc 11.34-36)

²²—Cuxetügü rü ñoma wüxi i omürüü nixí i cuxunecëx. Rü ngẽxguma ngẽma Tupana cuxü naxwëxëxücëx cudëuxgu, rü guxüma i curü maxü rü name. ²³—Natürü ngẽxguma ñoma i naãneãrü ngüchaüçëx cudëuxgu, rü guxüma i curü maxü rü chixexüwa nangëxma. Rü aixcüma nataxuma i ëãnexü i ngẽmaãrü yexera íxíü i Tupanapëxewa.

¡Texëçëx tá cumaxü, Tupanacëx rü ëxna dïërucëx?
(Lc 16.13)

²⁴—Taxucürüwa wüxi i duüxü rü nataxrearü coriãx. Erü wüxi i norü corichi rü tá naxai, rü ngêma to rü tá nüxü nangechaü. Rü êxna wüxicêx rü tá meã napuracü, rü ngêma to rü tá nüxü naxo. Rü taxucürüwa Tupanacêx pemaxê, ega perü dîeruguama perüxñüëgu.

Tupana rü naxãcüguna nadau
(Lc 12.22-31)

²⁵—Rü ngêmacêx pemaã nüxü chixu rü: ¡Tãxü i pexoegaãëgüxü naxcêx na ¡acü tá pengõxgüxü rü ¡acü tá pixaxgüxü, rü ¡acümaã tá na pexãxchirügüxü! Erü perü maxü rü ðnaãrü yexera nixi, rü pexene rü naxchiruarü yexera nixi. ²⁶—¡Dücêx penangugü i werigü i tama toegüchirêxü, rü tama nanetüarü o ibuxgüxü, rü ngepatagüxü na ngexta namaã nangügüxücêx i norü ðna! Natürü Penatü ya daxügü rü nanaxüwemü. Rü pema rü Tupanacêx rü guxüma i werigüarü yexera pixigü. ²⁷—Rü taxuwama name na ¡acücêx pexoegaãëgüxü. Erü taxucürüwa ya wüxie i pema rü wüxi i oragu rü ipenamêxãchixêê i perü maxü ega woo poraãcü naxcêx pexoegaãëgü. ²⁸—¡Rü tüxcüü pexoegaãëgü naxcêx i pexchiru? ¡Dücêx penangugü i ngêma putüragü i ngextámare yaexü i tama puracüxü, rü tama nügü üxchirügüxü! ²⁹—Natürü pemaã nüxü chixu rü woo guma ãëxgacü ga Charumóu ga na namexêchixü ga naxchiru, rü taguma wüxi ga putürachacurüü namexêchi. ³⁰—Rü ngêxguma Tupana ngêmaãcü nangêxãëgu i ngêma putüragü i ñuxma ngêxmagüxü natürü moxü rü marü taxuxü, rü yexera tá pexna nadau i pemax, Pa Yatügü i Tama Aïxcüma Meã Yaxõgüxü. ³¹—Rü ngêmacêx tama name i pexoegaãëgü rü ñaperügü: —¡¡Tacü tá tangõxgü? rü êxna —¡¡tacü tá tixaxgü? rü êxna —¡¡tacümaã tá taxãxchirügü? —ñaperügü. ³²—Erü ñoma i naãnecüãx i duüxügü rü naxcêx nadaugü i guxüma i ngêma pemaã nüxü chixuxü. Natürü pema rü pexü nangêxma ya Penatü ya daxügü rü nüêchama nüxü cuacü i pexü na nataxuxü i guxüma i ngêma. ³³—Natürü narümemã nixi i Tupanacêxira pedaugü na ngêma nüma pexü nanaxwêxexüxira pexügüxücêx. Rü naetü tá pexna nanaxã i guxüma i ¡acü i pexü taxuxü. ³⁴—¡Tãxü i naxcêx pexoegaãëgüxü i ngêma moxü tá üpetüxü! Erü ngêma moxüarü ngunexü rü tá nüxü nangêxma i guxchaxügü i namaã ínanguxü. Erü wüxichigü i ngunexü rü nüxü nangêxma i noxrütama guxchaxügü, rü ngêmacêx tama name i moxüarü guxchaxügücêx pexoegaãëgü i ñuxmax —ñanagürü.

7

Tama name i toguexü tixu
(Lc 6.37-38, 41-42)

¹ Rü Ngechuchu rü ñanagürü ta: —¡Rü taxü i togüxü pixuxü! Rü ngêxguma ya Tupana rü táxütama pexü nixu na pechixexü. ²—Erü ngêxgumarüü na togüxü pixuxü rü Tupana rü tá pexü nixu na pechixexü. Rü ngema na togüxü pepoxcuexü, rü ngemaãcü tátama nixi ya Tupana i pexü napoxcuexü. ³—¡Rü tüxcüü i nüxü cudawenüxü i ngêma cueneëarü üxaxetüxü i íraxü, ega chi tama naxcêx cuxoegaãëgu i ngêma cuxetüwatama ngêxmaxü i naïpüta i taxü? ⁴—Rü ngêxguma cuxetüwatama nangêxmagu i wüxi i naïpüta i taxü çrü ñuxãcü i cueneëxü cuchixewexü, rü ñãcuxü nüxü:

“¡Pa Chaueneëx, cuxü chanayauxchaü i ngêma curü üxaxetüxü!” —ñãcuxü? ⁵—Pa Duüxü i Meã Maxnetaxüx, rü name nixi i cunayauxira i ngêma naïpüta i cuxetüwatama ngêxmaxü, rü ngêmaãcü tá mea nüxü cudau na cunayaxuxücêx i ngêma cueneëarü üxaxetüxü. [Rü ngêmacêx name nixi i cuxira nüxü curüxo i ngêma chixexü i taxü i cumatama cuxüxü, rü ngêxguma tá cume na nüxü curüngüxêëxücêx i cueneë na nüxü naxoxücêx i ngêma chixexü i íraxü i naxüxü.] ⁶—Rü tama name i Tupanaãrü ore i üünexümaã penachixewe i ngêma duüxügü i chixecümagüxü i tama yaxõgüchaüxü, erü ngürtüãchi ngêmacêx tá pexü nimëxgü. Rü ngêxgumarüü tama name i Tupanaãrü oremaã penachixewe i ngêma duüxügü i tama nüxü cuëxgüchaüxü, erü tá ínanatëxgü.

Name nixi i törü yumüxêwa Tupanana naxcêx taca rü naxcêx tadaugü rü íãxwa: Tu tu tu, ñatarügügü

(Lc 6.31, 11.9-13)

⁷—¡Tupanana naxcêx peca! rü nüma tá pexna nanaxã. ¡Rü Tupanaxütagu naxcêx pedau! rü tá nüxü ípeyangau. ¡Rü norü íãxwa: Tu tu tu, ñapegü! rü tá pexcêx nayawãxna. ⁸—Erü guxãma ya yíxema naxcêx ícaxe, rü tanayaxu. Rü guxãma ya naxcêx dauxe, rü nüxü itayangau. Rü guxãma ya yíxema íãxwa: Tu tu tu, ñagüxe, rü tá tümacêx niwãxna. ⁹—Rü dücax i pemax, rü ngêxguma chi wüxi i pexacü pãücx icaxgu, rü çñuxãcü chi wüxi ya nuta nüxna pexãxü? ¹⁰—Rü ngêxguma chi choxnícêx pexna nacaxgu rü çñuxãcü chi i áxtape nüxna pexãxü? ¹¹—Rü pema na pichixecümachirêxü rü nüxü pecuëx na mexü i ámare pexacügüna pexãxü. Natürü Penatü ya daxügü rü ngêma pema pexacügüna pexãxüarü yexera tá tüxna naxã ya yíxema naxütawa naxcêx ícaxe. ¹²—Rü pemaã nüxü chixu, rü ngêma pema penaxwêxexü i togü pemaã na naxüxü, rü name nixi i pema rü ta ngêmaãcütama namaã

penaxü. Erü ngêmaâcü tüxü namu i Tupanaârü ore ga Moïché ümatüxü rü yema ore ga nuxcümaügüxü ga Tupanaârü orearü uruüügü ümatüxü.

Îâx i íraxüchiga
(Lc 13.24)

¹³ —Name nixi i ngêma îâx i íraxüwaama pichocu. Erü ngêma îâx i yuwa tüxü gaxü rü ngêma nama i yuwa daxü rü nata. Rü muxüchixüma i duüxüügü nagu naxi. ¹⁴ —Natürü ngêma nama i maxüwa nadaxü rü ngêma îâx i maxücêx nawa ixücuxü rü naxíra. Rü noxretama nixi i duüxüügü i nüxü iyangaugüxü.

Wüxi i nanetü rü norü owa nixi i nüxü icuáxü
(Lc 6.43-44)

¹⁵ —Rü naxcêx pexuêgü i ngêma doratêêgüxü i nügü ixügünetaxü na Tupanaârü orearü uruüügü yixüügüxü. Erü nümagü rü petanüwa nangugü, rü nügü mexü i duüxüügünetaxü nixüügüxü. Natürü naâêwa rü poraâcü chixexügu narüxünüê. ¹⁶ —Rü pema rü nacümwata tá nüxü pecuêx i ngêma duüxüügü, ngêxumarüü i wüxichigü i nanetügü rü norü owa na nüxü icuáxü rü ngoxi name rü êxna tama. Rü wüxi i torawa rü taxucürüwama ubagü tayaxu. Rü wüxi i chuchuxüwa rü taxucürüwama orix i igu tayaxu. ¹⁷ —Erü guxüma i nanetü i mexü rü name i norü o. Rü guxüma i nanetü i chixexü rü nachixe i norü o. ¹⁸ —Rü wüxi i nanetü i mexü rü taxucürüwama nachixe i norü o. Rü wüxi i nanetü i chixexü rü taxucürüwama name i norü o. ¹⁹ —Rü guxüma i nanetü i tama mexü i norü o rü tayadaxüchi, rü ñuxüchi tayagu. ²⁰ —Rü ngêxumarüü nacümwata tá nüxü pecuêx i ngêma duüxüügü i Tupanaârü orearü uruüügünetaxü ixüügüxü.

Täütama guxüma i duüxüügü nichocu i ngextá Tupana âêxgacü íixüüwa
(Lc 13.25-27)

²¹ —Rü tama guxüma i duüxüügü i nügü ixügüxü na chorü duüxüügü yixüügüxü rü tá nichocu i ngextá Tupana âêxgacü íixüüwa. Natürü yixema aixcüma Chaunatu ya daxügucüga ñnêxêxicatátama tixi ya ngema ichocuxe. ²² —Rü ngêxguma ngêma ngunexü i naâneârü guxwa nanguxgu, rü muxüma i duüxüügü rü choxü tá ñanagürügü: —Pa Corix, toma rü togü i duüxügümaã nüxü tixu i curü ore, rü cuégagu ítanawoxü i ngoxogü, rü cuégagu tanaxü i muxüma i mexü i taxü i Tupanaârü poramaã taxüxü —ñanagürügü tá choxü. ²³ —Natürü ngêxguma rü tá ñacharügü nüxü: —Taguma chorü duüxügü pixüügü. ¡Rü choxna pixügachi i pema i chixexü ügüe! —ñacharügü tá.

Yatü i Cristuga ñnuxü rü yatü i tama Cristuga ñnuxüchiga
(Mr 1.22, Lc 6.47-49)

²⁴ —Rü ngêmacêx ya yixema choxü ñnuxê rü naxüxe i ngêma choma tüxü chamuxü, rü wüxi ga yatü ga meã naâêxü cuácü ga nuta ga tacüétügu üpatacürüü tixi. ²⁵ —Rü pucü ga tacü ínangu, rü narümêx ga taxtü, rü nixüüchi ga wüxi ga tacü ga buanecü rü guma ígu nanguema. Natürü guma í rü tama niwêxatü yerü wüxi ga nutaétügu naxü. ²⁶ —Natürü yixema choxü ñnuxê rü tama naxüxe i ngêma choma tüxü chamuxü, rü wüxi ga yatü ga tama naâêxü cuácü ga naxnücügumare üpatacürüü tixi. ²⁷ —Rü pucü ga tacü ínangu, rü narümêx ga taxtü, rü wüxi ga tacü ga buanecü nixüüchi rü nagu nanguema ga guma í. Rü niwêxatü, rü yexma nayarüxo ga guxüma —ñanagürü ga Ngechuchu. ²⁸ Rü yexguma yagüegagu ga Ngechuchu ga na yadexaxü, rü ga duüxüügü rü nabêxächíâêgü namaã ga norü nguxêêtae. ²⁹ Yerü nüma rü Tupanaârü poramaã nanangüexêê, rü tama yema ngüexêêruügü ga ore ga mugüwa nguxêêtaegüxü rü nixi.

8

Ngechuchu rü wüxi ga rüchaxüñexücêx nayataanexêê
(Mr 1.40-45; Lc 5.12-16)

¹ Rü yexguma guma mëxpünewa yanaxüegu ga Ngechuchu, rü muxüma ga duüxüügü nawe narüxi. ² Rü Ngechuchucêx nixü ga wüxi ga yatü ga chaxünemaã ídaawecü. Rü Ngechuchupêxegu nayacaxãpüxü, rü ñanagürü nüxü: —Pa Corix, ngêxguma chi cuma cunaxwêxegu, rü chi cuxü natauxcha na choxü curümexêêxü —ñanagürü. ³ Rü yexguma ga Ngechuchu rü nüxü ningögü, rü ñanagürü nüxü: —Ngü, chanaxwêxe. ¡Rüme! —ñanagürü. Rü yexguma yema ñaxgu ga Ngechuchu, rü naxcêx nitaane ga guma yatü ga na nachaxüñexü. ⁴ Rü Ngechuchu rü ñanagürü nüxü: —¡Dücêx, taxuemaã tá nüxü quixu! ¡Natürü ngema paixütawa naxü, rü cugü iyawêx! ¡Rü nüxna naxâ i ngêma âmare ga Moïché tüxü muxü na duüxügü nüxü cuáxcêx na curümexü! —ñanagürü.

Ngechuchu rü Dumacüâx ga churaragüarü âêxgacüarü duüxüxü narümexêê
(Lc 7.1-10)

⁵⁻⁶ Rū Capernáúwa naxū ga Ngechuchu. Rū yexguma yéma nanguxgu, rú wūxi ga churaragūarū āēxgacū ga capitáū ga Dumacūāx rú Ngechuchucèx nixū. Rū Ngechuchuxū nacèèxū, rú ñanagūrū: —Pa Corix, chorū duūxū rú nanawāixāchi. Rū ngūrūcarewa nangēxma i chopatawa, rú poraēcūxichima ngūxū ninge —ñanagūrū. ⁷ Rū Ngechuchu rú ñanagūrū nūxū: —Marū tá ngema chaxū na naxcèx chayataanexēēxūcèx —ñanagūrū. ⁸ Natūrū nūma ga capitáū nanangāxū, rú ñanagūrū: —Pa Corix, choma rú taxuwama chame na chopatagu na cuxūcuxūcèx. Rū chanaxwēxe i curū orewaxicatama nūxū quixu, rú tá naxcèx nitaane i chorū duūxū. ⁹ —Erū choma rú ta rú chorū āēxgacūmēxēwa changēxma. Rū choxmēxwa nangēxmagū ta i ñuxre i churaragū. Rū ngēxguma chanamuxgu i wūxi na ngextá naxūxūcèx, rú ngema naxū. Rū ngēxguma chaugūxūtawa naxcèx changemagu i to, rú chauxūtawa nangu. Rū ngēxguma wūxi i chorū duūxūxū chamuxgu na ſacū na naxūxūcèx, rú choxū nanaxū —ñanagūrū. ¹⁰ Rū yexguma yemaxū naxīnūgu ga Ngechuchu rú nabēixāchiāe. Rū ñanagūrū nūxū ga yema duūxūgu ga nawe rūxūxū: —Aixcūma pemaā nūxū chixu rú taxūma i Yudiūgūtanūwa nūxū ichayangau i wūxi i duūxū i ñāa yatūrūū aixcūma yaxōxū. ¹¹ —Rū choma rú pemaā nūxū chixu rú muxūchixū i duūxūgu rú guxūwama tá ne naxī, rú Tupana āēxgacū ſixūwā tá nachibūe namaā ya tōrū oxigū ya Abráū rú Ichaá, rú Acobu. ¹² —Natūrū muxūma i Abráūtanūxūgū i Yudiūgu rú tāutāma nichocu i ngextá Tupana āēxgacū ſixūwā. Rū ēānexūwā tá nawogū. Rū ngema tá naxauxe, rú tá nixūxchapūtagū —ñanagūrū. ¹³ Rū yexguma ga Ngechuchu rú ñanagūrū yema capitáūxū: —jCupatacèx nataegu! Rū tá naxcèx nitaane i curū duūxū, erū cuyaxō na naxcèx tá yataanexū —ñanagūrū. Rū yexgumatama naxcèx nitaane ga yema capitáūarū duūxū.

Ngechuchu rú Pedru nēxēcèx nayataanexēē
(Mr 1.29-31; Lc 4.38-39)

¹⁴ Rū Pedrupatawa naxū ga Ngechuchu. Rū yéma ngīxū nadau ga Pedru nēxē ga ngūrūcaregu irūxāūxūcū yerū iyaxaxūne. ¹⁵ Rū Ngechuchu ngīxmēxgu ningōgū, rú yexgumatama igēūxāchi ga yema na yaxaxūnexū. Rū ſirūda ga ngīmax. Rū ñuxūchi naxcèx inamexēē ga ōna.

Ngechuchu rú muxūma ga idaaweexūcèx nayataanexēē
(Mr 1.32-34; Lc 4.40-41)

¹⁶ Rū yexguma marū yanaxūcuchaūgu ga ſūxūcū, rú Ngechuchuxūtawa nanagagū ga muxūma ga duūxūgu ga ngoxoāxgūxū. Rū wūxitama ga oremaā Ngechuchu ſnanawoxū ga yema ngoxogū. Rū nanameēxēē ta ga guxūma ga yema togū ga idaaweexū. ¹⁷ Rū yemaācū Ngechuchu nayanguxēē ga yema ore ga nuxcūmaūxū ga Tupanaarū orearū uruū ga Ichaxīa nūxū ixuxū ga ñaxū:

“Rū nūma rú tūxū naporaexēē i ngēxguma ituraegu, rú tūxū narūmeexēē i ngēxguma idaaweegu”,
ñaxū.

Duūxūgū ga Ngechuchuwe rūxūchaūxūchiga
(Lc 9.57-62)

¹⁸ Rū yexguma Ngechuchu nūxū dēuxgu ga muxūma ga duūxūgū na nūxū ſchomaēguāchixū, rú norū ngūexūgūmaā nūxū nixu, rú ñanagūrū: —jRū ngīxā, rú naxtaxaarū tocutūwa taxī —ñanagūrū. ¹⁹ Rū wūxi ga ngūexēēruū ga ore ga mugūwa nguxēētaexū, rú Ngechuchucèx nixū, rú ñanagūrū nūxū: —Pa Ngūexēēruū Pa Ngechuchux, cuwe charūxūchaū i ngextá cuma ſcuxūxūwā —ñanagūrū. ²⁰ Rū Ngechuchu nanangāxū rú ñanagūrū: —Ngowagū rú nūxū nangēxma i naxmaūgū, rú werigū rú nūxū nangēxma i naxchiāūgū. Natūrū choma i Tupana Nane na duūxūxū chīxū, rú natakuma i chauchica i ngextá nagu chicuxeruxū —ñanagūrū. ²¹ Rū wūxi ga to ga norū ngūexū, rú ñanagūrū nūxū: —Pa Corix, cuwe charūxūchaū, natūrū chanaxwēxe i chaunatū tūxū ichayatēxira —ñanagūrū. ²² Rū Ngechuchu nanangāxū, rú ñanagūrū nūxū: —jNoxtacūma chowe rūxū! Rū nūe i ngēma cutanūxū i tama yaxōgūxū iyatēxgū i ngēma yuexū —ñanagūrū.

Ngechuchu rú buanecūxū rú yuapexū ſnayachaxāchixēē
(Mr 4.35-44; Lc 8.22-25)

²³ Rū yexguma ga Ngechuchu rú wūxi ga ngegu nixūe. Rū norū ngūexūgū rú ta ſnayaxūmūcūgū, rú inaxīāchi. ²⁴ Rū ngūrūāchi naxtaxaarū ngāxūtūgu nūxū naxū ga wūxi ga buanecū ga taxūchicū. Rū guma nguewa rú niyaucuchichigū ga dexā. Natūrū ga Ngechuchu rú nape. ²⁵ Rū yexguma ga norū ngūexūgū rú ſnanabēixgūgū, rú ñanagūrūgū nūxū: —Pa Corix, jtoxū rūngūxēē, erū ngēmama itabaxūgū! —ñanagūrūgū. ²⁶ Rū Ngechuchu nanangāxū, rú ñanagūrū nūxū: —Pa Duūxūgū i Tama Aixcūma Yaxōgūxūx, jtūxūcūū pemūē? —ñanagūrū. Rū yexguma ga Ngechuchu rú ſnarūda. Rū buanecū rú yuapena nachogū. Rū ſnayachaxāchi ga buanecū, rú inayarūxo ga yuape, rú ſnachaxanemare. ²⁷ Rū

nümagü ga norü ngüexüğü rü nabëixächiãëgü, rü nügümaã ñanagürüğü: —¿Tacıü éxna nixí i ñaã yatü rü ngëmacëx woo ya buanecü rü yuape rü naga naxínüëxü? —ñanagürüğü.

Yatüğü ga Gadarácãx ga ngoxogü nawa yexmagüxü
(Mr 5.1-20; Lc 8.26-39)

²⁸ Rü Ngechuchu rü norü ngüexüğü rü naxtaxaarü tocutüwa nangugü ga Gadáraarü naãnewa. Rü yexguma yéma nangugüğü, rü Ngechuchucëx yéma nibuxmü ga taxre ga yatüğü ga duüxëchiquëxetanüğü yarüxauchigütanüëüxü. Rü yema taxre rü ningoxoãx, rü nidüraexüchi. Rü yemacëx taxucürüwama texé yéma namawa taxüpetü. ²⁹ Rü yema taxre rü aita naxüë, rü ñanagürüğü: —¿Tüxcüü toxü nüã cuyachixewe, Pa Ngechuchu ya Tupana Nane? ¿Éxna nüã cuxü na toxü ícuyawoxüxüçëx tauta nawa nanguyane na Tupana toxü poxcuexü? —ñanagürüğü. ³⁰ Rü yema nachicaarü ngaicamana nachibüë ga muxüma ga cuchigü. ³¹ Rü yema ngoxogü rü Ngechuchuxü nacëxëüğü, rü ñanagürüğü: —Rü ngëxguma toxü ícuwoxüğü, jrü ngëma cuchigüğü toxü nachocuxë! —ñanagürüğü. ³² Rü yexguma ga Ngechuchu, rü ñanagürü nüxü: —Écü, jngema pexí! —ñanagürü. Rü yexguma ga yema ngoxogü rü inachoxü nawa ga yema taxre ga yatüğü, rü yema cuchigüğü naya-chocu. Rü ñuxüchi guxüma ga yema cuchigü rü inaxüãchi, rü naxtaxacutüarü mëxpüxüwa nayarüyuxgü, rü yexma nayí. ³³ —Rü yema cuchigüarü dauruüğü rü nabëixächiãëgü, rü iãnecëx nibuxmü. Rü yexguma iãnewa nangugüğü, rü nüxü nixugüğü ga guxüma ga yema ngupetüxü ga ñuxácü naxcëx na yataanegüxü ga yema taxre ga yatüğü ga ngoxoãxgüxü. ³⁴ —Rü yexguma ga guxüma ga yema iãnecüãx ga duüxüğü, rü Ngechuchuxütawa naxí. Rü yexguma Ngechuchuxü nadaugüğü, rü nüxü nacëxëüğü na inaxüxüxüçëx ga yema norü naãnewa.

9

Ngechuchu rü wüxi ga yatü ga nawãixächicüçëx nayataanexëë
(Mr 2.1-12; Lc 5.17-26)

¹ Rü yexguma ga Ngechuchu rü wüxi ga ngeugu nixüë. Rü naxtaxaarü tocutüwa naxü, rü noxrütama iãnewa nangu. ² Rü yéma guma iãnewa rü duüxüğü rü Ngechuchuxütawa nanangetaüğü ga wüxi ga yatü ga nawãixächicü. Rü yexguma Ngechuchu nüxü dëuxgu ga ñuxácü aixüma na yaxögüãxü ga yema duüxüğü rü ñanagürü nüxü ga guma idaawecü: —¿Nataãë, Pa Chaunex! Erü curü pecadugü rü marü cuxü nüxü changechaü —ñanagürü. ³ Rü yéma nayexma ga ñuxre ga ngüexëëruüğü ga ore ga mugüwa nguxëëtaegüxü. Rü nümagü rü naãxëgüwa ñanagürüğü: —¿Ñaã yatü rü tacü Tupanamaã nixugü? —ñanagürüğü. ⁴ Natürü ga Ngechuchu rü nüxü nacüëxama ga yema naãëwa nagu naxínüëxü. Rü yemacëx ñanagürü nüxü: —¿Tüxcüü chixëüğü perüxinüë? ⁵ —¿Tacıü nixí i ngëma rütauxchamaëxü na namaã nüxü ixuxü ya daa nawãixächicü:

“Rü curü pecadugü rü marü cuxü nüxü changechaü”, rü éxna:

“¿Inachi rü íxü!” ñagüxü nüxü? ⁶ —Natürü i ñuxma rü tá pexü nüxü chadauxëë na Chaunatü ya Tupana núma choxü muxü na duüxügüaxü nüxü changechaüxüçëx i norü pecadugü —ñanagürü. Rü yexguma rü ñanagürü nüxü ga guma nawãixächicü: —¿Inachi, rü nayaxu i curü carüü, rü cupatawa naxü! —ñanagürü. ⁷ —Rü yexgumatama ga guma nawãixächicü rü inachi, rü napatawa naxü. ⁸ Rü yexguma yemaxü nadaugüğü ga duüxüğü, rü poraäcü namuüë. Rü Tupanaxü nicuëxüğü, rü ñanagürüğü: —Moxë, Pa Tupanax, erü cunaporaxëë i ñaã yatü na ngëmaäcü mexü toxcëx naxüxüçëx —ñanagürüğü.

Mateucëx naca ga Ngechuchu
(Mr 2.13-17; Lc 5.27-32)

⁹ Rü yexguma yéma inaxüãchigu ga Ngechuchu, rü yéma nüxü nadau ga wüxi ga yatü ga Mateugu äegaxü ga yéma rütoxü ga ngextá Dumaarü äëxgacüçëx diëru ngíxü ínayauxgüxüwa yerü woetama yemawa napuracü. Rü Ngechuchu rü ñanagürü nüxü: —¿Chowe rüxü! —ñanagürü. Rü yexguma ga Mateu rü inachi, rü nawa narüxü. ¹⁰ Rü Mateupatawa naxü ga Ngechuchu, rü yéma nachibü. Rü inangugü ta ga muxüma ga togü ga duüxüğü ga Dumaarü äëxgacüçëx diëru ngíxü yaxgüxüwa puracüëxü, rü togü ga duüxüğü ga taxüëma nacümmamaã taãëgüxü. Rü yema duüxüğü rü yéma mechawa narütogü namaã ga Ngechuchu rü norü ngüexüğü. ¹¹ Natürü yexguma yemaxü nadaugüğü ga Parichëüğü, rü Ngechuchuarü ngüexügüna nacagü, rü ñanagürüğü: —¿Nuxácü i perü ngüexëëruü rü namaã nachibü i äëxgacüarü duüxüğü i diëruarü yaxwa puracüëxü, rü duüxüğü i pecaduãxgüxü? —ñanagürüğü. ¹² Rü yexguma yemaxü naxínüğü ga Ngechuchu, rü ñanagürü nüxü ga Parichëüğü: —Ngëma poraëxü rü tama nanaxwëxëgü ya duturu, natürü ngëma idaaweëxü nixí i naxwëxëgüxü. ¹³ —¿Rü ípixí, rü nawa pengüë i Tupanaarü ore i ümatüxü i ñaxü:

“Choma rü tama chanaxwêxe i chauxcêx peyamêx i carnerugü, natürü chanaxwêxe i togü pexü nangechaütümügü”,

ñaxü! Rü ñanagürü ta ga Ngechuchu: —Choma rü tama mexügüna na chaxuxücêx nixi i nûma chaxüxü, natürü nûma chaxü na nûxna chaxuxücêx i ngêma pecaduãxgüxü na ngêmaãcü nüxü naxoexücêx i nacümagü i chixexügü —ñanagürü.

Ngechuchuna nacagüe ga aurechiga
(Mr 2.18-22; Lc 5.33-39)

¹⁴ Rû yexguma ga Cuáü ga baiüxêëruüärü ngüexügü, rû Ngechuchucêx naxi, rû nüxna nacagüe, rû ñanagürügü: —Toma i Cuáüärü ngüexügü na tixigüxü rû nûmagü i Parichéugü rû muëxpüxcüna tama tachibüëcûma tayumüxégü. ¿Rü tüxcüü i curü ngüexügü rû tama toxrüü tama nachibüäcûma nayumüxégü? —ñanagürügü. ¹⁵ Rû Ngechuchu nanangäxü rû ñanagürü: —¿Éxna wüxi i ngüärü petawa rû pexcêx namexü na nangechaüëxü rû naxaureexü i ngêma nüxna naxugüxü ega natanüwa nangëxmagu i ngêma yatü i ngexwacêx ämaxü? Maneca tama nixi. Natürü wüxi i ngunexügu rû ngêma yatü i ngexwacêx ämaxü rû tá namücügüna nixügachi. Rû ngêma ngunexügu tá nixi i aixcûma naxaureexü i namücügü. ¹⁶ —Rü taxüema tanapaita i wüxi i naxchiru i ngauxü namaã i wüxi i natüchi i ngexwacaxüxü i tauta nañaächimüxü. Erü ngëxguma nayauxgu i ngêma naxchiru rû tá nügü inanaxíraxächi i ngêma natüchi i ngexwacaxüxü, rû tá nanagauxêë i ngêma wexachiru. Rû noxriarü yexera tá nixi i na nagauxü. ¹⁷ —Rü ngëxgumarü ta rû taxüema ngexwacaxücü ya binu rû nagu tayabacuchi i wüxi i naxchixü i marü ngauxü i naxchëxmünaxcêx. Erü ngëxguma ngêmaãcü naxüxgu rû yima binu ya ngexwacaxücü rû narüngu, rû tá nayawäixêë i ngêma naxchixü i ngauxü i naxchëxmünaxcêx. Rû ngëxma tá nayarütaxu ya binu rû ngêma naxchixü rû ta. Rû ngëmacêx tanaxwêxe ya ngexwacaxücü ya binu rû ngexwacaxüxü i naxchixügu tayabacuchi. Rû ngêmaãcü täütama inayarütaxu. [Rü chorü nguxêëtae i ngexwacaxüxü rû ngëxgumarü ta nixi na taxucürüwama namaã nawüxigüxü i ngêma nuxcûmaüxü i pecümagü —ñanagürü ga Ngechuchu.]

Yáiruxacüchiga rû yema nge ga Ngechuchuchirugu ingögücüchiga
(Mr 5.21-43; Lc 8.40-56)

¹⁸ Rû yexguma yemaãcü inangüexêëtaeyane ga Ngechuchu, rû naxütawa nangu ga wüxi ga äëxgacü ga Yudiügarü. Rû Ngechuchupëxegu nayacaxápüxü, rû ñanagürü nüxü: —Pa Corix, chauxacü rû ngexwacêx iyu. Natürü ngëxguma chi ngema cuxüxgu rû ngixü quingögügu, rû wena chixarü imaxü —ñanagürü. ¹⁹ Rû inachi ga Ngechuchu, rû norü ngüexügümaã yema äëxgacüwe narüxü. ²⁰ Rû yexguma yema naxüyane ga Ngechuchu rû wüxi ga yema ga 12 ga taunecü ägüechacü rû naweama ne ixü. Rû naxpechinüchirugu iyangögü. ²¹ Yerü ngüma rû nagu irüxünü rû yexguma chi naxchiruxüxücatama yangögümaregu, rû chi ngüxcêx nitaane. ²² Natürü nüma ga Ngechuchu rû nügü ínidau, rû ngixü nadau ga yema nge. Rû ñanagürü ngixü: —¡Nataãë, Pa Chauxacüx! Marü cuxcêx nitaane, erü cuyaxö —ñanagürü. Rû yexgumatama ngüxcêx nitaane. ²³ Rû yexguma yema äëxgacüpatawa nanguxgu ga Ngechuchu, rû nüxü nadau ga paxetatanüxü ga marü na ínamemaregüxü na ngixü iyatëxgüxü ga yema bucü. Rû ga duüxügü rû nixáicha rû naxauxe. ²⁴ Rû Ngechuchu ñanagürü nüxü ga yema duüxügü: —¡Ípechoxü i nuã! Erü ngêma bucü rû tama iyu. Rû ipemare —ñanagürü. Natürü nûmagü ga duüxügü rû Ngechuchuxü nacugüeama. ²⁵ Rû yexguma Ngechuchu inachoxüxêëxgu ga duüxügü, rû yema bucüarü ucapügu naxücu. Rû ngüxmëxgu nayayauxächi, rû yexgumatama írúda ga ngümax. ²⁶ Rû guxüwama ga yema naãnewa, rû duüxügü nüxü nixuchigagü ga yema Ngechuchu üxü.

Ngechuchu naxcêx nayataanexêë ga taxre ga yatü ga ingexetixü

²⁷ Rû yexguma yema inaxüxgu ga Ngechuchu, rû taxre ga ngexetixü rû nawe nangëgü. Rû tagaãcü ñanagürügü: —Pa Ngechuchux, Pa Dabitanüxüx, ¡cuxü tangechaütümügü! —ñanagürügü. ²⁸ Rû yexguma Ngechuchu guma í ga nagu napexünegu naxücuxgu, rû yema taxre ga ngexetixü rû naxcêx naxi. Rû Ngechuchu nüxna naca, rû ñanagürü: —¿Peyaxögüxü yixü na chaporaxü na pexü charümeëxêëxücêx? —ñanagürü. Rû nûmagü nanangäxügü, rû ñanagürügü: —Ngü, Pa Corix, tayaxögü —ñanagürügü. ²⁹ Rû yexguma ga Ngechuchu rû naxëtügügu ningögü, rû ñanagürü nüxü: —¡Cü pexcêx yataane, erü peyaxögü! —ñanagürü. ³⁰ Rû naxcêx nitaanegü. Rû Ngechuchu rû poraãcü nayaxucüxégü na taxüemaãma nüxü na yaxugüxcêx ga yema nüxü ngupetüxü. ³¹ Natürü yema taxre rû yexguma yema inachoxügu rû guxüwama ga yema naãnewa rû nüxü nixugüeama ga yema Ngechuchu üxü.

Ngechuchu rû naxcêx nayataanexêë ga wüxi ga yatü ga tama idexacü

³² Rû yexguma yema taxre ga yatü ichoxüguwena, rû ñuxre ga duüxügü rû Ngechuchuxütawa nanagagü ga wüxi ga yatü ga tama idexacü yerü ngoxo nawa nayexma. ³³ Rû Ngechuchu inanatëxüchi ga yema ngoxo. Rû yexgumatama inanaxügü ga na yadexaxü

ga guma yatú. Rú nūmagú ga duúxǵú rú nabèjxāchiāēgú. Rú ñanagǵrǵú: —Taguma nūxǵú tatau i nuā tachiūñewa i ñacú i ñaarúú ixǵú —ñanagǵrǵú. ³⁴ Natǵrǵú ga Parichéugú rú ñanagǵrǵú: —Ñā yatú rú ngoxogǵarú āēxgacú i Chatanáárú poramaā nixǵú i ínawoxǵúāxǵú i ngoxogú —ñanagǵrǵú.

Ngechuchuaxǵú nangechaǵtǵmǵmǵú ga duúxǵú

³⁵ Rú yema naānewa rú guxǵnema ga íānegúgu rú íānexācǵgúgu nixǵgǵchigú ga Ngechuchu. Rú wǵxichigú ga íānewa, rú duúxǵgǵarú ngutaquēxepataúwa ningǵxēētaechigú. Rú duúxǵgǵumaā nūxǵú nixuchigú ga ore ga mexǵú na ñuxācú āēxgacú na yǵǵxǵú ya Tupana. Rú nanameēxēē ga duúxǵgú ga ídaaweexǵú. Rú woo nañuxraǵǵú ga norú daawe nūxǵú yexmaxǵú, rú nanameēxēē. ³⁶ Rú yexguma Ngechuchu nūxǵú deǵxgu ga yema muxǵma ga duúxǵgú ga naxǵtawa ngugǵxǵú, rú nūxǵú nangechaǵtǵmǵmǵú. Yerú carnerugú ga ngearú dauruǵāxǵrǵú nanaxǵāchiāēgú, rú tama nataāxǵú. ³⁷ Rú yexguma ga Ngechuchu rú ñanagǵrǵú rú norú ngǵexǵú: —Aixcǵma pemaā nūxǵú chixu rú nangēxma i muxǵchixǵú i duúxǵgú i ímemaregǵxǵú na yaxǵgǵāxǵú i Tupanaárú ore. Natǵrǵú nanoxreēxpǵx i Tupanaárú puracǵtanǵxǵú na namaā nūxǵú yaxugǵxǵcǵx i ngēma ore. ³⁸ Rú ngēmacǵx name nixǵú i duúxǵgǵarú yora ya Tupana na xaxcǵx peca i perú yumǵxēwa na yamugǵāxǵcǵx i norú puracǵtanǵxǵú i orearú uruǵú na ngēma duúxǵgǵumaā nūxǵú yaxugǵxǵcǵx i norú ore i mexǵú —ñanagǵrǵú ga Ngechuchu.

10

Ngechuchu nanade ga 12 ga norú ngǵexǵgú na toxnamana namugǵāxǵcǵx (Mr 3.13-19; Lc 6.12-16)

¹ Rú yexguma ga Ngechuchu, rú yema 12 ga norú ngǵexǵgǵcǵx naca. Rú nūxna naxǵga rú nanaporaēxēē na ínawoxǵúāxǵcǵx ga ngoxogú rú nameēxēēāxǵcǵx ga duúxǵgú ga ídaaweexǵú ga woo nañuxraǵǵú ga daawe nūxǵú yexmaxǵú. ² Rú ñāā nixǵú ga naēgagú ga yema 12 ga Ngechuchuarú ngǵexǵgú ga imugǵxǵú. Rú natanǵwa rú Chimáú ga Pedrugú āēgacú nixǵú ga naēru ixǵú. Rú to nixǵú ga Pedrueneē ga Aǵdré. Rú to nixǵú ga Chaǵtiágu rú to nixǵú ga Chaǵtiágueneē ga Cuáú. Rú yema taxre rú Zebedéu nanegú nixǵú. ³ Rú togú nixǵú ga Piripi, rú Baturumé, rú Tumachi, rú Mateu ga Dumaárú āēxgacǵcǵx dǵeruarú yaxwa puracǵchirécú. Rú togú nixǵú ga Chaǵtiágu ga Arupéu nane, rú Tadéu. ⁴ Rú to nixǵú ga Chimáú ga iporaāēcǵcǵcǵ. Rú to nixǵú ga Yuda ga Icarǵúte ga yixcama bexma cǵācǵ Ngechuchuxǵú íxuaǵǵxǵú.

Ngechuchu rú norú ngǵexǵgǵxǵú nimugú na nixǵú yanaxugǵexǵcǵx ga norú ore (Mr 6.7-13; Lc 9.1-6)

⁵ Rú Ngechuchu nayamugú ga yema 12 ga norú ngǵexǵgú. Rú nūxna naxǵga, rú ñanagǵrǵú: —jTāútáma natanǵwa pexǵú i ngēma duúxǵgú i tama Yudǵgú ixǵgǵxǵú! jRú tāútáma Chamǵriacǵāx i duúxǵgǵarú íānegǵwa pexǵú! ⁶ —Natǵrǵú chanaxwēxe i ngēma Yudǵgú i carnerugǵrǵú iyarútauxēxǵtanǵwa pexǵú. ⁷ —jRú ngēma natanǵwa nūxǵú peyarǵxu na marú yangaicaxǵú ya Tupana na norú āēxgacú yǵǵxǵú! ⁸ —jRú penameēxēēx i ngēma duúxǵgú i ídaaweexǵú! jRú wena penamaxēēxēēx i ngēma duúxǵgú i marú yuexǵú! jRú penameēxēēx i ngēma duúxǵgú i chaxǵnemaā ídaaweexǵú! Rú ngēma duúxǵgú i ngoxogú nawa ngēxmagǵxǵú jRú nūxǵú ípenawoxǵú! Rú tama name i penaxǵtanǵ ega texǵxǵ perǵmexēēxǵgu, erú pema rú pexǵú nangetanǵmare i ngēma pora. ⁹⁻¹⁰ —jRú tāútáma ípingearú dǵerǵāxǵgu na perú ñacǵcǵx petaxēgǵcǵx rú bai i perú choca i perú namawaǵú! jRú wǵxitama i pexchiru ípinge, rú bai i perú chapatu, rú bai ya perú caxǵchigǵxǵú ya naǵxmenēxǵ ípinge! Rú pemaā nūxǵú chixu rú wǵxi i puracǵtanǵxǵú rú name nixǵú i ngēma duúxǵú i nūxǵú napuracǵxǵtawa nachibú. ¹¹ —Rú ngēxguma wǵxi ya íānewa rú ēxna wǵxi ya íānexācǵwa pengugǵgu i pemax, jRú naxcǵx pedēux i wǵxi i duúxǵú i mecǵmaxǵú! jRú ngēmaxǵtagu perúcho ñuxmatáta ipexǵiāchi i ngēma íānewa! ¹² —Rú ngēxguma yima ípatagu pechocugu, rú meā tá nūxǵú perǵmoxǵgú i ngēma duúxǵgú i ngēma ngēxmagǵxǵú rú: “jTupana pexǵú rǵngǵxēēx!” ñaperǵgǵgú tá nūxǵú. ¹³ —Rú ngēxguma ngēma duúxǵgú rú meā pexǵú nayaxǵgu rú Tupana tá nūxǵú narǵngǵxēē. Natǵrǵú ngēxguma tama meā pexǵú nayaxǵgu i napatawa rú ñaperǵgǵgú tá nūxǵú:

“Marú name i toxnamana taxǵú”, ñaperǵgǵgú tá. ¹⁴ —Rú ngēxguma wǵxi ya íwa rú ēxna wǵxi ya íānewa duúxǵgú tama meā pexǵú yaxǵgúgu rú tama nūxǵú naxǵnǵēchaǵgu i perú ore, jRú ípechoxǵú! Rú ngēxguma ípechoǵxǵgu, jRú meā pegú ípepagǵcutú i perú úxaxǵcutú, na ngēmawa nūxǵú nacuēxǵxǵcǵx na chixexǵú na naxǵgǵxǵú i ngēma duúxǵgú! ¹⁵ —Rú aixcǵma pemaā nūxǵú chixu rú ngēma ngunexǵú i nagu nagǵxǵú i naāne, rú Chodomacǵāx rú Gomoracǵāx i duúxǵgǵarú yexera Tupana tá nanapoxcúe i ngēma duúxǵgú i tama meā pexǵú yaxǵgǵxǵú.

Guxchaxǵgǵmaā tá pewé ningēxǵtanǵú i duúxǵgú

¹⁶ –Düçèx, ãücümáxüwa pexü chamugü, ngëxgumarüü i carnerugüxü ágütanüwa imugüxüürüü. ¡Rü ngëmacèx penaxwëxe i äxtapegürüü pexuáëgü, natürü muxtucugürüü taxuüma i chixexü pexügü! ¹⁷ –¡Rü pegüna pedaugü! Erü duüxügü rü tá pexü ínayauxü, rü äëxgacügüxütawa tá pexü nagagü na pexü napoxcuexüçèx. Rü ngutaquëxepataügüü tá pexü niçuaixgü. ¹⁸ –Rü chaugagu tá äëxgacügü ya tacügüpëxewa pexü nagagü. Rü ngëmaäcü tá chauchigagu pidexagü napëxewa i ngëma äëxgacügü rü napëxewa i ngëma duüxügü i tama Yudiügü ixügüxü. ¹⁹ –Natürü ngëxguma äëxgacügüpëxewa pexü nagagü na pexü napoxcuexüçèx, ¡rü taxucèxtáma pexoegaäëgü na tacümaä tá penangäxüxü rü éxna tacüxü tá namaä na pixuxü! Erü ngëxguma nawa nanguxgu na pidexagüxü, rü Tupanaäë tá pexü nanguxëë na tacüxü tá namaä pixuxü. ²⁰ –Rü täütáma pema nixi i pidexagüxü, natürü Tupanaäë i Üünexü tá nixi i pewa idexaxü. ²¹ –Rü nügüeneëgüwa rü tá nügü ínaxuaxügü na äëxgacügü yamëxgüxüçèx. Rü ngëxgumarüü tá ta nanatügü rü naxäcügüxü ínaxuaxügü, rü naxäcügü rü nanatügüxü tá ínaxuaxügü na äëxgacügü tüxü imëxgüxüçèx. ²² –Rü chaugagu tá guxü i duüxügü pexchi naxaie. Natürü yíxema aixcuma yaxoömaxë i chorü ore rü tama choxü ítaxe, rü yíxema tá tixi ya nayaxúxe i ngëma maxü i taguma güxü. ²³ –Rü ngëxguma wüxi ya íänewa rü duüxügü pexü daixchaügu, rü name nixi i pibuxmü ya yima íänewa, rü nai ya íänewa pexü. Rü aixcuma pemaä nüxü chixu rü täütáma guxüne ya Yudiügüarü íänewa pengugü naxüpa na chataeguxü i chomax. ²⁴ –Rü taxuüma i wüxi i ngüxü rü norü ngüexëëruüxü narüyexera. Rü taxuüma i wüxi i coriarü duüxü rü norü corixü narüyexera. ²⁵ –Rü ngëma norü ngüexëëruüxü üpetüxüürüü tátama nüxü naxüpetü i ngëma norü ngüexü. Rü ngëma norü corixü üpetüxüürüü tátama nüxü naxüpetü i ngëma norü duüxü. Rü ngëxguma duüxügü rü ngoxo i Bechebü choxü nawogüegu, ¡rü ñuxäcü tá pexü naxu i pemax?

*Name nixi na Tupanaxü pemuüëxü
(Lc 12.2-7)*

²⁶ –Rü ngëmacèx ¡taxü i nüxü pemuüëxü i ngëma duüxügü! Erü guxüma i ngëma cúäcü üxü rü tá nangoxoma. Rü guxüma i ngëma ñuxma duüxügüçèx éxügüxü, rü yixcúra rü tá nüxü nacüëxgüama. ²⁷ –Rü guxüma i ngëma pemaäxcatama nüxü chixuxü, ¡rü meä duüxügüçèx penangoxëëx! Rü guxüma i ngëma bexma pemaä nüxü chixuxü, ¡rü tagaäcü guxü i duüxügümaä nüxü pixu! ²⁸ –¡Rü taxü i nüxü pemuüëxü i ngëma duüxügü i pexü daixchaüxü! Erü taxüñëxüçatama nimëxgü. ¡Natürü name nixi i nüxü pemuüë ya yima Tupana! Erü nüma nüxü nangëxma i pora na napoxcuäxüçèx i pexene rü peäë rü ta i ngëma ngoxogüxü ínapoxcuexügu. ²⁹ –¡Tama éxna wüxítachinü i díerugu namaä petaxe i taxre i werixacügü? Natürü bai i wüxi i ngëma werixacü rü ñaxtüanegu nangu, ega tama nanaxwëxegu ya Penatü ya Tupana. ³⁰ –Rü woo i peyae rü Tupana rü wüxichigü rü nayaxugü, rü nüxü nacüex na ñuxre ngëxmaxü. ³¹ –Rü ngëmacèx ¡taxü i pemuüëxü! Erü pema rü muxüma i werixacügüarü yexeraxüchi pexü nangechaü ya Tupana.

*Yíxema duüxügüpëxewa tügü ixuxe na Ngechuchu ya Cristuarü duüxügü tiixü
(Lc 12.8-9)*

³² –Rü guxüma ya texé i ñoma i naänewa i duüxügüpëxewa tügü ixuxe na chorü duüxü tiixü, rü choma rü tá ta Chaunatü ya daxügücüpëxewa tüxü chixu na chorü duüxü tiixü i tümax. ³³ –Natürü texé ya ñoma i naänewa i duüxügüpëxewa tügü ixuxe na tama chorü duüxü tiixü, rü choma rü tá ta Chaunatü ya daxügücüpëxewa tüxü chixu na tama chorü duüxü tiixü i tümax.

*Ngechuchugagu nixi i yatoyexü i duüxügü
(Lc 12.51-53; 14.26-27)*

³⁴ –Rü tama name i nagu perüxínüë na núma chaxüxü na guxü i duüxügü rü wüxigu naxínüëxüçèx. Natürü pemaä nüxü chixu rü núma chaxü na chaugagu yatoyexüçèx i duüxügü. ³⁵ –Rü nuä chaxü na wüxi ya yatü rü tama nanatümaä wüxigu naxínüxüçèx, rü wüxi i paxü rü tama naëmaä wüxigu naxínüxüçèx, rü wüxi i naneäx rü tama ngüxëmaä na wüxigu naxínüxüçèx. ³⁶ –Rü ngëmaäcü wüxi ya íwa, rü nügütanüxümaä tátama nax-uwanüäxgü. ³⁷ –Rü yíxema texé ya choxü na tangechaüxüarü yexera tümanatüxü rü éxna tümaëxü ngechaüxë, rü taxucürüwama chorü duüxü tixi. Rü yíxema texé ya choxü na tangechaüxüarü yexera tümanexü rü éxna tümaxäcüxü ngechaüxë, rü taxucürüwama chorü duüxü tixi. ³⁸ –Rü yíxema tama yaxna namaä ínüxë i ngëma guxchaxügü i chaugagu tümacèx íngüxü rü ngëmaäcü chowe rüxüxë, rü taxucürüwama chorü duüxü tixi. ³⁹ –Rü texé ya tügü maxëëchaüxë rü tá itayarütaxu. Natürü texé ya chaucèx yuxe rü tá tanayaxu i maxü i taguma güxü.

*Ámarechiga
(Mr 9.41)*

⁴⁰—Rü texé ya pexü yaxúxe rü choxü nixí i tayaxuxü. Rü texé ya choxü yaxúxe rü yima núma choxü mucü ya Chaunatüxü nixí i tayaxuxü. ⁴¹—Rü texé ya wüxi i orearü uruü i Tupana ngema muxüxü yaxúxe, rü ngématama amare i wüxi i orearü uruü yaxuxüraüxü tátama tayaxu. Rü texé ya wüxi i yatü i mecümaxüxü yaxúxe erü namecüma, rü ngématama amare i wüxi i yatü i mecümaxü yaxuxüraüxü tátama tayaxu. ⁴²—Rü texé ya wüxi i pochiyaucü i dexá i gëuxchiüxü núxna äxë i ngëxürrüxü i chorü buxügü i chowe rüxixü, rü aixcümaxüchi tá tanayaxu i tümaärü amare —ñanagürü ga Ngechuchu.

11

Cuáü ga baiüxëerüü nanamu ga ñuxre ga norü duüxügü na Ngechuchuxütawa íyadaugüxcëx

(Lc 7.18-35)

¹Rü yexguma nüxü nachauxgu ga Ngechuchu ga na yaxucuxëgüäxü ga yema 12 ga norü ngüxügü, rü inaxüächi ga yéma na duüxügüxü nangüxëxëxüxcëx rü nüxü yaxüxüxcëx ga ore ga mexü ga guxüne ga íanëgü ga yema naänewa yexmagünewa. ²⁻³Rü Cuáü ga baiüxëerüü rü yexguma poxcupataxüwa nayexmayane, rü nüxü nacuáxchiga ga yema Ngechuchu üxü. Rü yemacëx ga Cuáü rü Ngechuchuxütawa nanamugü ga ñuxre ga norü duüxügü na núxna yacagüxcëx rü aixcüma Cristu ga ínanguxëgücü yíi, rü éxna to tá yíi ya Cristu. ⁴Rü Ngechuchu nanangäxü rü ñanagürü nüxü ga yema duüxügü: —¡Pewoegu rü Cuáümaä nüxü peyarüxu i ngéma pematama nüxü pedaugüxü rü nüxü pexinüxëxü! ⁵—¡Rü namaä nüxü pixu rü ngéma ngexetügüxü rü marü nidauchigü, rü ngéma ichixeparaxü rü marü inachigü, rü ngéma chaxüneäxgüxü rü marü naxcëx nitaanëgü, rü ngéma ngauchixëgüxü rü marü ningoxnamachixëgü, rü ngéma yuexü rü wenaxäru namaxë, rü ngéma ngearü ngëmaxüäxgüxü rü marü namaä nüxü tixu i Tupanaärü ore i mexü! ⁶Rü tataäë ya yíxema texé ya tama nüxü rüxoxe na choxü tayaxöxü —ñanagürü ga Ngechuchu. ⁷Rü yexguma nawoeguxgu ga yema Cuáü ga baiüxëerüüärü duüxügü, rü Ngechuchu inanaxügü ga guma Cuáüchiga na yadexaxü. Rü ñanagürü nüxü ga duüxügü: —¿Tacü nixí ga pema ípeyadaugüxü ga dauhxchitawa ga ngextá taxüema íxäpataxüwa? —¿Éxna wüxi ga ngëxürrüxüümare ga yatü ga ñoma dexne ga buanecü yaxíäxxtanücüüxëëcürrüü íxixü nixí ga ípeyadaugüxü? ⁸—Rü éxna ega tama guma ípeyadaugü, ¿rü tacü nixí ga ípeyadaugüxü? ¿Éxna wüxi ga yatü ga poraäcü nügü ngëxäxü yíixü ga ípeyadaugüxü? Pema nüxü pecüx i ngéma poraäcü nügü ngëxäxëgüxü rü äëxgacügü ya tacügüpatawa nangëxmagü. ⁹—¿Tacü éxna nixí ga ípeyadaugüxü? ¿Éxna wüxi ga Tupanaärü orearü uruüxü? Ngëmaäcü aixcüma yema nixí ga ípeyadaugüxü. Rü pemaä nüxü chixu rü Cuáü ga baiüxëerüü rü tama wüxi i ngëxürrüxüümare i Tupanaärü orearü uruü nixí. ¹⁰—Rü Cuáüchiga nixí ga naxümatüxü ga yema Tupanaärü ore ga ñaxü:

“Cupëxegu chayamu i chorü orearü ngerüü na cuxcëx namexëëäxüxcëx i duüxügüärü maxü”,

ñaxü. ¹¹—Rü aixcüma pemaä nüxü chixu rü guxü i duüxügütanüwa rü nataxuma i Tupanaärü orearü uruü i Cuáü ya baiüxëerüüärü yexera íxixü. Natürü yíxema Tupana äëxgacü íxixüwa wixwëxüchi üxe, rü Cuáüärü yexera tixí. ¹²—Rü yexguma noxri Cuáü ya baiüxëerüü inaxügüga na nüxü yaxüxü i ñuxäcü Tupana äëgacü íxixüwa nangugüxü i duüxügü, rü núma ga duüxügü rü norütama ngüchaxümaä nawa nangugüchaxü i ngema nachica. Rü ñuxma rü ta ngemagutama narüxinü. ¹³—Rü guxüma ga Tupanaärü orearü uruüüärü orewa, rü ore ga mugü ga Moiché umatüxüwa rü nüxü nixuchigagü na ínanguégaxü ya Cristu na äëxgacü na yíixüxcëx. Rü yemaäcü nixí ñuxmata ínangu ga Cuáü. ¹⁴—Rü ngëxguma chi peyaxögüchaxüga i ñaä chorü ore, rü pemaä nüxü chixu rü Cuáü ya baiüxëerüü nixí ya yima yanguxëëcü ga yema ore ga guma nuxcümaäcü ga orearü uruü ga Ería ga ípenanguxëëcüchiga umatüxü. ¹⁵—Rü yíxema ächixëgüxë, ¡rü naga taxinüë i ngéma ore! —ñanagürü. ¹⁶Rü ñanagürü ta ga Ngechuchu: —¿Tacügu tá chanangu i ñaä duüxügü i ñuxma maxëxü? Maneca ñaä duüxügü rü taxumaäma nataäëgü ngëxgumarüü i ñuxre i buxügü i nügümaä íäxtüwa rütogüxü, rü íxinüxcëwxëgüxü, rü tagaäcü namücügüxü ñagüxü:

¹⁷“Marü wowerumaä pexcëx tapaxetagu, natürü tama ípixüächitanüxü. Rü marü ngechaü i wiyaeugu pexcëx tawiyaegü, natürü tama pexaxue”, ñagüxü. Rü ngéma buxügürrüü nixí i ñaä duüxügü. ¹⁸—Yerü núma naxü ga Cuáü ga baiüxëerüü rü tama páu nangöx rü tama binu nayaxaxü. Rü yexguma ga nümagü rü: “Nangoxöax” ñanagürügü nüxü. ¹⁹—Rü ñuxüchi núma chaxü i choma ya Tupana Nane na duüxüxü chíixü. Rü choma rü öna changöx rü binu chayaxaxü. Rü ngëxguma i nümagü rü taanüxüchixü rü ngäwxëxëxü choxü nawögü. Rü nüxü nixugü rü pecaduäxgüxümaä chaxämücü, rü namaä chaxämücü

i ngēma duñxügü i Dumaärü äëxgacücèx dīēru ngīxü ideetanüxü. Natürü Tupanaärü cuèx rü meāma nangox tūmawa ya yīxema aixcūma nawe rüxixè —ñanagürü ga Ngechuchu.

*Īnegü ga tama Tupanaga ĩñiēne
(Lc 10.13-15)*

²⁰ Rū yexguma ga Ngechuchu rü inanaxügü ga na yangagüäxü ga yema duñxügü ga guma ĩānegüçüäx ga ngextá yexeraäcü ĩnaxüaxüwa ga taxü ga mexügü ga Tupanaärü poramaā naxüxü. Rū poraäcü nayangagü, yerü yema duñxügü rü tama nüxü narüxoe ga norü chixexü. ²¹ Rū ñanagürü ga Ngechuchu: —Rü wüxi i ngechaü nixi i pexcèx, Pa Corachüçüäxgü rü Pa Bechaídacüäxgüx, yerü yexguma chi Tiruarü ĩānewa rü Chidäüärü ĩānewa chanaxüxgu ga yema mexügü ga cuèxruügü ga Tupanaärü poramaā petanüwa chaxüxü, rü woo ga na poraäcü yachixexü ga yema duñxügü rü nuxcümama chitama nüxü narüxoe ga yema nacüma ga chixexü, rü poraäcüxüchi chima nügümaā nangechaügü rü naxauxe, yerü chi nügü nicuèxächitanü ga na yapedaduäxgüxü. ²² —Natürü pemaā nüxü chixu rü ngēma ngunexü i Tupana nagu napoxcuexü i pecaduäxgüxü, rü ngēma ngunexüga rü Tirucüäxgü rü Chidäüçüäxgüarü yexera tá pexü napoxcue i pemax, Pa Corachüçüäxgü rü Bechaídacüäxgüx. ²³ —Rü pemax, Pa Capernäcüäxgü i Duñxügüx, çü pema nagu perüxñüēgu rü daxügüxü i naānewa tá ipexixü? Pemaā nüxü chixu rü naānetüüwa i ngextá Tupana Chatanaxü ĩpoxcuxüwa tá nixi i pewogüxü. Rū yexguma chi Chodomaärü ĩānewa chanaxüxgu ga yema mexügü ga cuèxruügü ga Tupanaärü poramaā petanüwa chaxüxü, rü guma ĩāne ga nuxcūma norü pecadugagu iyarüxoxüne rü ñuxma rü chi nangēma. ²⁴ —Natürü pemaā nüxü chixu rü ngēma ngunexü i Tupana nagu napoxcuexü i pecaduäxgüxü, rü ngēma ngunexüga rü Chodomacüäxgüarü yexera tá pexü napoxcue i pemax, Pa Capernäcüäxgüx —ñanagürü.

*Chauxcèx pexi na chauxttagu perüingüēxüçèx
(Lc 10.21-22)*

²⁵ Rū yexguma rü ñaäcü nayumüxè ga Ngechuchu, rü ñanagürü: —Pa Chaunatü ya Daxügüxü i Naāne rü Ñoma i Naāneärü Yorax, cuyü chicuèxüü, erü ñaā chorü ngüexügüxü nüxü cucuèxèē i ñaā ore i naxchaxwa iquicüxü i duñxügü i ñoma i naānewa nüxü cuèxüchigüxü. ²⁶ —Rü moxè cuxna chaxā, Pa Chaunatüx, erü cuma cunaxwèxe na ngēmaäcü cunaxüxü —ñanagürü. ²⁷ Rū ñanagürü ta ga Ngechuchu: —Chaunatü choxna nanaxā i guxüma i ñacü i ngēmaxü. Rū Chaunatüxicatama choxü nacuèx na texé chiixü i choma i Nane. Rū tama guxüma i duñxügü aixcūma nüxü nacuèx na texé yixü ya Chaunatü. Rū choma ya Nane, rü ngēma duñxügü i Chaunatüxü nüxü chadauxèēchaüxüxicatama nixi i aixcūma nüxü cuèxügüxü na texé yixü ya Chaunatü. ²⁸ —jRü nuā chauxttagu pexi i guxüma i pema ya ipaexe nagagu i perü chixexü rü perü ĩxachiäēgü! Rū choma rü tá pexna chanayaxu i pexweta na ĩperüngüēxüçèx. ²⁹ —jRü ñuxüchi penayaxu i chorü ucuxègü rü naxcèx pedauxütaegü i chaucüma! Erü choma rü yaxna pemaā chaxñü rü taguma chaugü chicuèxüxü. Rū ngemaäcü tá nüxü ipeyangau i ngema taāē i aixcūma ixixü. ³⁰ —Erü ngēma pexü chamuxü rü natauxcha na naga pexñüxü. Rū ngēma pexü chanaxwaexü rü tama naguxcha na penaxüxü —ñanagürü ga Ngechuchu.

12

*Ngechuchuarü ngüexügü rü trigu nicäüetanü ga ngüchigaarü ngunexügu
(Mr 2.23-28; Lc 6.1-5)*

¹ Rū wüxi ga ngüxchigaarü ngunexüga rü Ngechuchu rü norü ngüexügümaā trigunecügu nixü. Rū nataiyae ga norü ngüexügü, rü yemacèx ĩnaxiäcüma yoxocüne triguta nicäüetanü, rü inayangöetanü. ² Rū yexguma yemaxü nadaugüga ga Parichègu rü ñanagürügü Ngechuchuxü: —Dücèx i curü ngüexügü rü chixexü naxüe. Erü ngüxchigaarü ngunexügu napuracüe, rü nachuxu nixi i ngēma —ñanagürügü. ³ Rū Ngechuchu nanangāxü, rü ñanagürü: —çTaguma ēxna poperawa nüxü pedau ga ñacü na naxüxü ga nuxcümäçü ga äëxgacü ga Dabi ga yexguma nataiyèxgu ga nüma rü natanüxügü? ⁴ —Rü Tupanapatagu naxücu rü nanangöx ga yema päu ga üñexü ga Dabicèx rü natanüxügüçèx chuxuxü ga na nangöxgüäxü. Yerü paigücèxicatama nixi ga yema päu. ⁵ —Rü pemax, Pa Parichègüx çtaguma ēxna nawa pengüe ga yema ore ga mugüpanegu Moiché ümatüxü ga ñaxü rü marü name i paigü rü ngüxchigaarü ngunexüga napuracüe i tupauca ya taxünewa? Rū ngēma rü tama wüxi i pecadu nixi naxcèx i ngēma paigü. ⁶ —Natürü pemaā nüxü chixu rü nuā petanüwa nangēma i wüxi i duñxü i tupauca ya taxüneärü yexera ixixü i Tupanapèxewa. ⁷ —Natürü pema rü tama nüxü pecuèx i ñuxü ñaxüchiga nixi i ngēma Tupanaärü ore i ümatüxü i ñaxü:

“Choma rü tama chanaxwêxe i chauxcêx peyamêx i carnerugü, natürü chanaxwêxe i togü pexü nangechaütümügü”, ñaxü. Rü ngêxguma chi meã nüxü pecuêxgügu i ngêma ore, rü tãu chima chixri nachiga pidexagü i ñaã chorü ngúexügü i taxuüma i chixexü ügüxü i Tupanapêxewa. ⁸ –Rü choma i Tupana Nane na duüxüxü chíixü, rü aixcüma ngüxchigaarü yora chixí –ñanagürü ga Ngechuchu.

Wüxi ga yatü ga yumécüchiga
(Mr 3.1-6; Lc 6.6-11)

⁹ Rü yexguma yema nachicawa ínaxüüxgu ga Ngechuchu, rü guma íãneärü ngutaquêxepataügu naxücu. ¹⁰ Rü yéma nayexma ga wüxi ga yatü ga norü wüxichacüüwa yumécü. Rü númagü ga Parichéugü rü naxcêx nadaugü ga ñuxácü norü ãêxgacügüxütawa Ngechuchuxü na ínaxuaxügüxü. Rü yemacêx Ngechuchuna nacagüe, rü ñanagürügü: –¿Namexü yíixü na texé naxcêx yataanexêêxü i wüxi i daawexü i ngüxchigaarü ngunexügu? –ñanagürügü. ¹¹ Rü Ngechuchu nanangäxü, rü ñanagürü: –¿Texé i petanüwa rü ngêxguma chi ngüxchigaarü ngunexügu wüxi i perü carneru puchugu ngxugu, rü taux êxna i ngêxgumatama ípeyadaugüxü rü ípenatüächixü woo ngüxchigaarü ngunexü yixügu? ¹² –Natürü Tupanapêxewa rü wüxi i duüxü rü poraãcüxüchima wüxi i carneruarü yexera nixí. Rü ngêmacêx name nixí i mexü taxü i woo ngüxchigaarü ngunexü yixügu –ñanagürü. ¹³ Rü ñuxüchi ga Ngechuchu rü ñanagürü nüxü ga guma yatü ga yumécü: –¡Iyarüwêxächimêxê! –ñanagürü. Rü guma yatü rü inayarüwêxächimêxê, rü yexgumatama narümemêx, rü naí ga naxmêx ga mexünerüü nixí. ¹⁴ Rü yexguma yemaxü nadaugügu ga Parichéugü, rü ínachoxü ga yéma. Rü inanaxügüe na naxcêx nadaugüxü ga ñuxácü tá na Ngechuchuxü yamêxgüxü.

Nuxcümaixü ga ore ga Ngechuchuchiga

¹⁵ Rü yexguma Ngechuchu nüxü cuächigaga na Parichéugü na yamêxgüchauxü, rü ínaxüxü ga guma íãnewa. Rü muxüma ga duüxügü rü nawe narüxí. Rü núma ga Ngechuchu rü nanameêxêê ga guxüma ga yema duüxügü ga ídaaweexü. ¹⁶ Rü duüxügüna naxága na tama nüxü yaxugüexüçêx na texe na yíixü ga númax. ¹⁷ Rü yemaãcü nanaxü ga Ngechuchu na yangüxêêxüçêx ga yema ore ga nuxcümaücü ga Tupanaärü orearü uruü ga Ichaxía nüxü íxuxü ga ñaxü:

¹⁸ “Daa nixí ya chorü duü ya chomatama nüxü chaxunetacü rü nüxü changechaücü rü namaã chataãxüchicü. Rü Chauãe i Ünexü rü nüxna tá chanamu. Rü núma tá guxü i duüxügü i tama Yudiügu íxigüxümaã nüxü nixu i ore i mexü i aixcüma íxíxü. ¹⁹ Rü tagutáma ngextá texémaã níporagacüü rü taxüemaátáma ngextá nípura. Rü tagutáma texé íãneärü ítamügüwa nüxü taxínü na natagaxü. ²⁰ Rü núma rü tãütáma nanadai i ngêma duüxügü i norü ówa turaexü, rü tãütáma inayanaxoxêê i ngêma duüxügü i írarüwatama yaxógüxü. Rü ngêmaãcü tá nixí ñuxmatáta guxü i naãnewa nangu i ngêma norü ore i aixcüma íxíxü. ²¹ Rü guxü i duüxügü i tama Yudiügu íxigüxü rü tá naxcêx naxí na ngêmaãcü naxütawa nayauxgüãxüçêx i norü maxü i taguma güxü”, ñanagürü ga Ichaxía.

Parichéugü rü Ngechuchuxü níxugüe na ngoxoarü poramaã napuracüxü
(Mr 3.20-30; Lc 11.14-23, 12.10)

²² Rü Ngechuchuxütawa nanagagü ga wüxi ga yatü ga ngoxoãcü ga ngexetücü rü tama ídexacü. Rü Ngechuchu nanamexêê. Rü guma yatü rü yexgumatama nidauchi rü nidexa. ²³ Rü guxüma ga duüxügü rü nabêixächíãêgü ga yexguma yemaxü nadaugügu. Rü ñanagürügü: –¿Taux êxna daa yíixü ya Dabí nane ya Cristu? –ñanagürügü. ²⁴ Natürü yexguma yemaxü naxínüêgu ga Parichéugü, rü ñanagürügü: –Ñaa yatü i Ngechuchu, rü ngoxogünatü i Bechebúarü poramaã nixí i ínawoxüãxü i ngoxogü –ñanagürügü. ²⁵ Natürü núma ga Ngechuchu rü nüxü nacüexama ga tacügu na naxínüexü. Rü yemacêx ñanagürü nüxü: –Ngêxguma chi wüxi i nachíüãneçüãx i duüxügü nügü itoyegu rü nügütanüwa chitama nügü nadaixgu, rü nügü chitama naguxêê. Rü ngêxguma chi wüxi ya íãneçüãx rü êxna wüxi ya íclüãx nügümaã nuêêchagu rü nügü nadaixgu, rü nügü chitama naguxêê. ²⁶ –Rü ngêxguma chi Bechebú nügütama ítêxüchigu rü nügütama yamêxgu, ¿rü ñuxácü chí ãêxgacüecha yíixü? ²⁷ –Rü pemax, Pa Parichéugüx, rü choxü pixuxgu rü Bechebúarü poramaã íchanawoxü i ngoxogü. Natürü ngêxguma chi Bechebúarü poramaã íchanawoxüxgu i ngoxogü, ¿rü texearü poramaã nixí i perü ngúexügü rü ínawoxüãxü i ngoxogü? Rü dücax, rü ngêma perü ngúexügütama nixí i pexcêx nangoxêêxü na ípetüexü. ²⁸ –Natürü pemaã nüxü chixu rü aixcüma Tupanaãe i Ünexüärü poramaã nixí i íchanawoxüxü i ngoxogü. Rü ngêmawa pexü nüxü chacüxêê na marü núma petanüwa nanguxü ya Tupana, na perü ãêxgacü yíixüçêx. ²⁹ –¿Rü ñuxácü texé wüxi ya yatü ya poracüpatagu taxücu

na tanapuxüxcêc i norü ngêmaxügü, ega tama tayanêxiragu i noxrix? Rû ngêxguma tayanêxiraguxicatama nixî i nüxna tanapuxüxü i norü ngêmaxügü ya yima yatü ya poracü. ³⁰—Rû yíxema tama choxü ngechaüxê rû chauxchi taxai. Rû yíxema tama choxü rüngüxêxê na Tupanacêc tananutaquêxexü i duüxügü rû chauxchawa tanangianexêê. ³¹—Rû ngêmacêc pemaã nüxü chixu rû Tupana tá nüxü nüxü nangechaü i guxüma i pecadugü i duüxügü ügüxü rü guxüma i norü dexagü i chixexü. Natürü yíxema Tupanaãê i Üünexümaã tacü ixugüxe, rû Tupana rû tagutáma tüxü nüxü nangechaü i ngêma chixexü. ³²—Rû guxáma ya texé ya tacü chomaã ixugüxe rû Tupana tá tüxü nüxü nangechaü i ngêma. Natürü texé ya Tupanaãê i Üünexümaã tacü ixugüxe, rû Tupana rû tagutáma tüxü nüxü nangechaü i ngêma, rû bai i ñoma i naãnewa, rû bai i daxügüxü i naãnewa.

Wüxi i nanetü rü norü owa nixî i nüxü icuáxü na tacü rü nanetü yíxü
(Lc 6.43-45)

³³—Rû ngêxguma wüxi i nanetü rû namexgu, rû norü o rü ta name. Natürü ngêxguma wüxi i nanetü rû nachixêxgu, rû norü o rü ta nachixe. Rû wüxi i nanetü rû norü owa nixî i nüxü icuáxü ngoxi name rû êxna tama. ³⁴—Pa Áxtapearü Duüxügüx, ññuxácü i mexü i orexü pixuxü ega pematama rû pichixecümagu? Erü ngêma ore i peêxmaã nüxü pixuxü rû peãêwa nixî i ne naxüxü. ³⁵—Wüxi ya mecü ya yatü rü mexü i orexü nixu, erü naãêwa rû aixcüma mexügu narüxínü. Natürü wüxi i yatü i chixecümaxü rü chixexü i orexü nixu, erü naãêwa rü chixexügu narüxínü. ³⁶—Rû choma pemaã nüxü chixu rû ngêma ngunexü i nagu nagüxü i naãne, rû Tupana rü tá nüxna naca i guxü i duüxügü naxcêc i guxüma i ore i chixexü i nüxü yaxuxü i ñoma i naãnewa. ³⁷—Erü ngêma curü dexagüwa rû Tupana tá cuxü nangugü, rü tá cumaã nüxü nixu ngoxita cume i napêxewa rü êxna tama —ñanagürü ga Ngechuchu.

Duüxügü ga tama yaxögüchaüxü rü naxcêc ínacagü ga to ga cuêxruü ga Tupanaãrü poramaã üxü

(Mr 8.12; Lc 11.29-32)

³⁸ Rû yexguma rü ñuxre ga Parichéugü rü Yudiugüarü ngüxêêruüügü ga ore ga mugüwa ngüxêêtaegüxü rü ñanagürügü Ngechuchuxü: —Pa Ngüxêêruüx, cuxü tadauxchaü na cunaxüxü i wüxi i cuêxruü i mexü i Tupanaãrü poramaã cuxüxü —ñanagürügü. ³⁹ Rû Ngechuchu nanangãxü, rü ñanagürü: —Ñaa duüxügü i chixecümagüxü rü tama yaxögüxü rü naxcêc ínacagü i wüxi i cuêxruü i mexü i Tupanaãrü poramaã üxü. Natürü yema cuêxruü ga nuxcümaücü ga Tupanaãrü orearü uruü ga Yonáxü ngupetüxüxüxica tátama nadaugü. Rû taxaütáma i to i cuêxruü nüxü tadauxêê i ñaa duüxügü. ⁴⁰—Rû yexgumarüü ga Yoná ga tomaêxpüx ga ngunexü rü tomaêxpüx ga chütaxü choxni ga taxü ga bayenaãnuwa na nayexmaxü rü wenaxärü na nangóxü, rü ngêxgumarüü tá ta nixî i choma i tomaêxpüx i ngunexü rü tomaêxpüx i chütaxü i chatáxüwa changêxmaxü. Natürü wena táxaru changox. ⁴¹—Rû ngêxguma naãneärü guxgu rü Tupana rü ñaa duüxügüna nacaxgu i norü pecaduchiga, rü nuxcümaücüxü ga Ninibecüãx ga duüxügü rü tá inachigü. Rû Tupanapêxewa tá ínanaxuaxügü i ñaa duüxügü i ñuxma maxêxü. Yerü nümagü ga Ninibecüãx rü nüxü narüxoe ga nacümagü ga chixexü ga yexguma Yoná namaã nüxü ixuxgu ga Tupanaãrü ore. Natürü ñuxma nuã petanüwa nangêxma i wüxi i Yonáãrü yexera íxíxü. ⁴²—Rû ngêxguma naãneärü guxgu rü Tupana rü ñaa duüxügüna nacaxgu i norü pecaduchiga, rü ngüma ga nuxcümaücü ga Chabaaneärü aêxgacü rü tá íichi. Rü tá íinaxuaxü i ñaa duüxügü i ñuxma maxêxü. Yerü ngüma rü yaxüwaxüchi ne íxü na aêxgacü ga Charumóüxü naxínüxcêc ga ñuxácü poraãcü nüxü na nacüxüchixü. Natürü ñuxma nuã petanüwa nangêxma i wüxi i Charumóüarü yexera íxíxü.

ngoxo i taeguxüchiga
(Lc 11.24-26)

⁴³⁻⁴⁴—Rû ngêxguma wüxi i ngoxo rü wüxi ya yatüwa ínaxüüxgu, rü dauxchitawa i ngextá taxüema íxãpataxüwa rü nu ne nanaxümare. Rû naxcêc nadau na ngexta na nangüxcêc. Rû ngêxguma taxuxguma nüxü iyangauxgu na ngexta nangüxagaxü, rü nagu narüxínü na wena nataeguxü naxcêc ya yima yatü ga noxri nawa ínaxüxüchirécü. Rû ngêxguma nataegugu, rü nüxü inayangau ya yima yatü na wüxi ya í ya ngêácüne rü mexêene rü meã nabixichinerüü na yíixü. ⁴⁵—Rû ngêma ngoxo rü ínixü rü naxcêc nayadau i to i 7 i ngoxogü i norü yexera i chixexü. Rû guxüma i ngêma rü yima yatügu nayachocu, rü ngêxma naxächüügü. Rû ngêxguma ya yima yatü rü noxriarü yexera nachixe. Rû ngêxgumarüü tá ta nüxü naxüpetü i ñaa duüxügü i chixecümagüxü —ñanagürü ga Ngechuchu.

Ngechucharü mamá rü naãneägüchiga
(Mr 3.31-35; Lc 8.19-21)

⁴⁶ Rū yexguma duñxügümaã íyadexayane ga Ngechuchu, rū yéma tangu ga naë rū nañeñgü. Rū ípataarü düxétügu tarücho, rū Ngechuchumaã tidxagüchañ. ⁴⁷ Rū wüxi ga duñxü Ngechuchumaã nüxü nixu, rū ñanagürü: —Yéa düxétüwa tangëxma ya cue rū cueneñgü, rū cumaã tidxagüchañ —ñanagürü nüxü. ⁴⁸ Natürü Ngechuchu nanangãxñ ga yema duñxü ga namaã nüxü ixuxü ga yema ore, rū ñanagürü nüxü: —¿Texé tixí ya chae? ¿Rü texégü tixí ya chauenëñgü? —ñanagürü. ⁴⁹ Rū yexguma ga Ngechuchu rū norü ngüexügüxü naxuneta, rū ñanagürü: —Dücëx, daxe tixí ya chae, rū daagü nixí ya chauenëñgü. ⁵⁰ —Erü guxãma ya texé ya naxüxe i Chaunatü ya daxügücüarü ngüchañ, rū yíxema tixí ya chauenëñgü rū chaueyëx rū chae —ñanagürü ga Ngechuchu.

13

Ore ga toecügu ixuxü

(Mr 4.1-9; Lc 8.4-8)

¹ Rū yematama ngunëxügu ga Ngechuchu rū ínaxüxü nawa ga guma í ga nagu napexüñe. Rū naxtaxaãnacüwa nayarüto. ² Rū muxüma ga duñxügü rū yéma naxcëx nangutaquëxégü. Rū yemacëx düxwa wüxi ga nguëgu nixüe ga Ngechuchu, rū guma nguëwa narüto. Rū guxüma ga duñxügü rū yexma naxnecütëxëgu nachigü. ³ Rū yexguma ga Ngechuchu rū muxüma ga ore ga cuëxruüwa nanangüxëë ga duñxügü. Rū norü ngüxëëtaewa rū ñanagürü: —Rū wüxi ga yatü ga toecü rū trigumaã nanagüane. ⁴ —Rū yexguma trigumaã nagüaneãgu, rū ñuxre ga guma trigu rū namacüwagu nayí. Rū ínangügü ga werigü, rū nanawecu. ⁵ —Rū náigü ga trigu rū nutatanügu nayí ga ngextá ínaxixcaxüwa ga waixüümü. Rū paxa narüxügü ga guma trigu, yerü ga waixüümü rū tama nayaxcü. ⁶ —Rū yexguma nangunagügü ga üëxcü, rū narüngëxgü ga guma trigu. Rū nayue yerü tama poraãcü nixãmëxã. ⁷ —Rū náigü ga trigu rū tuxunecügu nayí. Rū yexguma nayaëgu ga tuxügü, rū guma triguxü ínawocu, rū nanadai. ⁸ —Natürü náigü ga trigu rū mexñ ga waixüümügu nayí. Rū yexguma nayaëgu rū muxüma ga trigu nawa ínanguxuchi. Rū nümaxñ rū wüxireewa rū 100 püxü ínanguxuchi ga norü o, rū náireegüwa rū 60, rū náireegüwa rū 30. ⁹ —Rū yíxema áchixëgüxe, írü nagu tarüxínüë i ngëma ore! —ñanagürü.

Tacücëx nixí ga yema ore ga cuëxruügügu ixuxü

(Mr 4.10-12; Lc 8.9-10)

¹⁰ Rū yexguma ga norü ngüexügü rū Ngechuchucëx naxí, rū nüxna nacagüe, rū ñanagürügü: —Pa Corix, ¿Tüxcüü i cuëxruügügu cuyaxuãcüma cunangüxëëxñ i ñaã duñxügü? —ñanagürügü. ¹¹ Rū Ngechuchu nanangãxñ, rū ñanagürü nüxü: —Tupana rū pexñixicatama nüxñ nacüxëë i ngëma ëxñguxñ na ñuxãcü ãëxgacü yíxñ i nümax. Natürü nüma i togü i duñxügü rū tama nüxñ nüxñ nacüxëë i ngëma. ¹² —Rü texé ya aixcüma naga íñixë i chorü ore, rū Tupana rū yexeraãcü tá tüxñ nüxñ nacüxëë. Rū ngëmaãcü tá tüxñ nangëxma i taxñ i cuëx. Natürü texé ya tama naga íñixë i ñaã ore rū Tupana tá tüxna nanayaxu íngëma íraxñ i cuëx i tüxñ ngëxmachirëxñ. ¹³ —Rü ngëmacëx nixí i ore i cuëxruümaã chanangüxëëxñ i ngëma duñxügü. Erü nümagü rū woo nüxñ nadaugügü, rū ñoma tama nüxñ nadaugüxñrüü nixígü. Rū woo nüxñ naxínüëgu, rū ñoma tama nüxñ naxínüëxñrüü nixígü. Rū tama nüxñ nacüxëgüéga. ¹⁴ —Rü aixcüma ngëma duñxügüchiga nixí ga yema Tupanaãrü ore ga nuxcümañcü ga norü orearü uruñ ga Ichaxía nüxñ ixuxü ga ñaxñ:

“Rü ngëma duñxügü rū tá aixcüma nüxñ naxínüë, natürü táütama nüxñ nacüxëgüéga i tacüchiga na yíxñ i ngëma nüxñ naxínüëxñ. Rū aixcüma tá nüxñ nadaugü, natürü táütama nüxñ nacüxëxgü na tacüchiga yíxñ i ngëma nüxñ nadaugüxñ. ¹⁵ Erü ngëma duñxügü rū táütama nüxñ nacüxëgüchañ i chorü ore, rū naxchaxwa tá nügü narütütamachixëgü rū tá naxchaxwa napexetügü. Rū ngëmaãcü tá nanaxügü na tama nüxñ nadaugüxñcëx i ngëma mexñ i naxcëx chaxüxñ, rū tama nüxñ naxínüëxñcëx i chorü ore, rū tama nüxñ nacüxëgüxñcëx na ñuxãcü choma chanaxwëxëxñcüma na namaxëxñ, rū tama chauxcëx nadaugüxñcëx na chanamaxëxëxñcëx”,

ñanagürü. ¹⁶ Rū ñanagürü ta ga Ngechuchu: —Natürü pemax, Pa Chorü Ngüexügüx, rū petaãgü erü pexetügümaãtama nüxñ pedaugü i ngëma chaxüxñ rū pexmachixëmaãtama nüxñ pexínüë i chorü ore. ¹⁷ —Rü aixcüma pemaã nüxñ chixu rū muxüchixñ ga nuxcümañgüxñ ga Tupanaãrü orearü uruñgü rū muxüchixñ ga duñxügü ga imecümaxñ, rū nüxñ nadaugüchañ i ngëma ñuxma chauxütawa nüxñ pedaugüxñ. Natürü tama nüxñ nadaugü. Rū nüxñ naxínüëchañ i ngëma ore i ñuxma chauxütawa nüxñ pexínüëxñ. Natürü tama nüxñ naxínüë —ñanagürü.

Ngechuchu rū meã nanangoxëë ga yema ore ga toecüchigagu yaxuxü

(Mr 4.13-20; Lc 8.11-15)

¹⁸ Rū ñanagürü ta ga Ngechuchu: —¿Dücëx, iperüxínüë na ñuxñ ñaxüchiga yíxñ i ngëma ore i cuëxruü i toecüchiga! ¹⁹ —Rü guma trigu ga namagu yixñnerüñ tixígü ya yíxema

nüxü ñnùxê i ore i mexü na ñuxácü ãëxgacü yïxü ya Tupana natürü tama nüxü cuëxgüxe i ñuxü ñaxüchiga na yïxü i ngëma ore. Rü tümáxütawa nangu i Chataná, rü tüxü nüxü inayarüngümaëxê i ngëma ore i tümáëwa ngëxmachiréxü. ²⁰—Rü guma trigu ga nutatanügu yixünerüü nixü i ngëma duüxügü i nüxü ñnùxê i Tupanaarü ore rü taãëcüma nayauxgüxü. ²¹—Natürü ngëma na tama aixcüma nagu naxüñnùxê i ngëma ore, rü paxaächitama nayaxögü, rü yixcüra ngëxguma ngëma oregagu guxchaxügü nüxü üpetügu rü éxna duüxügü naxchi aiegu, rü ñanatëxgü i ngëma ore. ²²—Rü guma trigu ga tuxunecügu yixünerüü nixü i ngëma duüxügü i Tupanaarü orexü ñnùxê rü yaxögüxü. Natürü ñoma i naãneärü ngëmaxügücëx oegaãëgüxü, rü ngëmaguama rüñnùxêxü, rü düxwa nüxü inayarüngümaë i ngëma ore. Rü guxüma i ngëma rü Tupanaarü orexü nüxü narüxoxêë na tama aixcüma meã Tupanawe naxüxcëx i ngëma duüxügü. ²³—Natürü guma trigu ga mexü ga waixüümügu yixünerüü nixü i ngëma duüxügü i nüxü ñnùxê i Tupanaarü ore, rü nüxü cuëxgüxü i tacüchiga na yïxü, rü naga ñnùxê rü meã naxcëx maxêxü. Rü tümáxê rü guma trigu ga 100 püxü nawa ñnguxuchinerüü tixü. Rü tümáxê rü guma 60 püxü nawa ñnguxuchinerüü tixü. Rü tümáxê rü guma 30 püxü nawa ñnguxuchinerüü tixü —ñanagürü ga Ngechuchu.

Ore ga chixexü ga natüane ga trigutanügu toxüchigagu ixuxü

²⁴ Rü Ngechuchu rü to ga ore ga cuëxruüxü duüxügümaã nixu, rü ñanagürü: —Rü nüma ya Tupana rü ñoma wüxi ga yatü ga mexüne ga triguchire naãnegu tocürüü tá nanaxü. ²⁵—Rü guma yatü rü yexguma ñapeyane rü wüxi ga norü uwanü ga naxchi aixü rü yëma naxü. Rü naëchita yexma trigunecügu nayatogü ga chixexü ga natüane. Rü ñuxüchi ñnixü. ²⁶—Rü yexguma naxügügu ga trigu rü nayaegu rü yexwacëx yaxoxgu, rü yema natüane rü ta nangox. ²⁷—Rü yexguma ga yema yatüarü duüxügü, rü namaã nüxü nayarüxügü, rü ñanagürügü:

“Pa Corix, cuma rü cuanegu rü triguxicachirëx ngëxma cuto. ¿Natürü ñuxácü i ñuxma rü chixexü i natüane rü ta ngëma naxügüxü?” ñanagürügü. ²⁸—Rü yexguma ga yema naãneärü yora, rü ñanagürü nüxü:

“Maneca wüxi i chorü uwanü i chauxchi aixü nixü i ngëma ngexü wagüxü” ñanagürü. Rü yexguma ga norü duüxügü rü nüxna nacagü, rü ñanagürügü:

“Pa Corix, ¿cunaxwëxëxü na tanabëxü i ngëma chixexü i natüane?” ñanagürügü. ²⁹—Natürü nüma ga norü cori rü ñanagürü nüxü ga yema norü duüxügü:

“¡Nüëtama ngëma nangëxmagü! Erü ngëxguma chi penabëxgu, rü ngürüächi trigumaã chi ta penangauxêë na penabëxü. ³⁰—Rü narümemae nixü i nüëtama ngëma nayae ñuxmatáta triguarü buxgüwa nangu. Rü ngëxguma rü ngëma tá chanamugü i chorü puracütanüxü, rü tá nanabëxira i ngëma chixexü i natüane. Rü tá ñanagoxücüta, rü ñuxüchi tá ñanagu. Rü ngëmawena tá nayabuxgü i trigu, rü naxchiügu tá choxü namaã nanguxügü” ñanagürü.

Ore ga motachachiregu ixuxü

(Mr 4.30-32; Lc 13.18-19)

³¹ Rü Ngechuchu rü to ga ore ga cuëxruüxü duüxügümaã nixu, rü ñanagürü: —Rü ngëma Tupanaarü ore rü yexera nixüchigü. Rü ñoma wüxi ya motachachire ya wüxi ya yatü naãnegu toxünerüü nixü. ³²—Rü woo naxiraxüchichirëx ya yima naxchire, natürü ngëxguma naxüxgu rü nayëxgu, rü wüxi i nanetü i taetaxü nixü. Rü ngëmacëx i werigü rü natanüwa naxü, rü ngëxma nayarüxüchüaügü —ñanagürü.

Ore ga päüärü puxëëruügu ixuxü

(Lc 13.20-21)

³³ Rü Ngechuchu rü to ga ore ga cuëxruüxü duüxügümaã nixu, rü ñanagürü: —Rü Tupanaarü ore rü duüxügütanüwa nangu. Rü nixüchigü rü nanaxüchicüxü i norü maxü. Rü ñoma ñraxü i päüärü puxëëruü i wüxi i nge taxü i ngrü päüchara namaã ipuxëëxürüxü nixü —ñanagürü ga Ngechuchu.

Cuëxruügu ixuxü ga oremaã nidëxa ga Ngechuchu na yanguxëëäxüxcëx ga Tupanaarü ore

(Mr 4.33-34)

³⁴ Rü guxüma ga yema ore ga Ngechuchu duüxügümaã nüxü ixuxü, rü cuëxruügu yaxuäcüma namaã nüxü nixu. Rü yemaäcüxicatama nixü ga namaã nüxü yaxuxü. ³⁵ Rü yemaäcü nanaxü ga Ngechuchu na yanguxëëäxüxcëx ga yema Tupanaarü ore ga nuxcümaücü ga norü orearü uruü ga Ichaxía ümatüxü ga ñaxü:

“Choma rü cuëxruügu ixuxü i oremaã tá duüxügümaã chidëxa. Rü tá namaã chanangoxêë i ngëma cuëx i ëxügüxü ga yexguma noxri naãne ixügügumama iicüxü”, ñaxü.

Ngechuchu nanangoxêë na tacüchiga yïxü ga yema ore ga chixexü ga natüane ga trigutanügu toxüchigagu ixuxü

³⁶ Rū Ngechuchu ínayamugū ga duñxūgū, rū guma ī ga nagu napexūnegu naxūcu. Rū norū nguēxūgū rū yéma naxcēx naxī, rū ñanagūrūgū nūxū: —Pa Corix, įtomaā nangoxēē na řacūchiga yīxū i ngēma chixexū i natūanegu ixuxū i ore! —ñanagūrūgū. ³⁷ Rū yexguma ga Ngechuchu rū ñanagūrū nūxū: —Rū yima mexū i trigumaā toecū, rū nūma nixī ya Tupana Nane ya duñxūxū ixīcū. ³⁸—Rū ngēma naāne i nagu natoexū, rū ñoma i naāne nixī. Rū ngēma mexū i trigu rū ngēma nixī i duñxūgū i Tupanaārū duñxūgū ixīgūxū. Rū ngēma chixexū i natūane, rū ngēma nixī i duñxūgū i Chatanāārū ixīgūxū. ³⁹—Rū ngēma norū uwanū i chixexū i natūanemaā naēchita naānegu yatoexū, rū ngēma nixī i Chataná. Rū ngēma ngunexū i nagu nabuxuxū i trigu rū naāneārū gūxchiga nixī. Rū ngēma puracūtanūxū i triguarū buxwa puracūexū, rū Tupanaārū orearū ngeruūgū i daxūcūāx nixīgū. ⁴⁰—Rū ngēxgumarū i ngēma chixexū i natūane rū na nabéxū rū ñuxūchi na ínaguxū, rū ngēxgumarū i ta nixī i naāneārū guxgu. ⁴¹—Rū choma i Tupana Nane na duñxūxū chīxū, rū tá chanamu i chorū orearū ngeruūgū i daxūcūāx na nadeāxūcēx i ngēma duñxūgū i chixexū ūgūxū rū ngēma duñxūgū i toguāxū chixexū ūgūxēēxū. Rū tá ínanawoxū. ⁴²—Rū tá ūxūxetūwa nayawocu. Rū ngema tá naxauxe rū tá nixūxchapūtagū. ⁴³—Natūrū guxūma i ngēma duñxūgū i Tupanaga íntūēxū, rū tá ūēxūrū inabaixgū i ngextá Tanatū ya Tupana āēxgacū íxīxūwa. Rū yīxema āchīxēgūxe, įrū nūxū taxīnūē i ngēma ore! —ñanagūrū.

Ore ga taxū ga đērū ga icūxūgu ixuxū

⁴⁴ Rū Ngechuchu rū to ga ore ga cuēxruñxū duñxūgūmaā nixu, rū ñanagūrū: —Rū ngēma na āēxgacū yīxū ya Tupana rū duñxūgūcēx rū namexechi ñoma wūxi i uiru i wūxi i naānegu icūxūrūxū. Rū wūxi ya yatū rū ngēxguma nūxū iyanguaxgu i ngēma uiru, rū paxa wena ngēma naānegu nayacux. Rū taāēcūma namaā nataxe i guxūma i norū ngēmaxūgū na naxcēx nataxēxūcēx i ngēma naāne na noxrū yīxūcēx i ngēma uiru —ñanagūrū.

Ore ga nuta ga ngēxāērūl ga tatanūcūgu ixuxū

⁴⁵ Rū ñanagūrū ta ga Ngechuchu: —Rū duñxūgū rū ñoma wūxi i taxetanūxū i nutagū ya ngēxāērūcēx dauxūrū nixīgū na poraācū Tupanaxcēx nadaugūxū na nūma norū āēxgacū yīxūcēx. ⁴⁶—Rū ngēma taxetanūxū rū ngēxguma dūxwa nūxū iyanguaxgu ya wūxi ya nuta ya ngēxāērūl ya guxūārū yexera mexēchicū, rū namaā nataxe i guxūma i norū ngēmaxūgū na naxcēx nataxēxūcēx ya yima nuta ya mexēchicū, na noxrū yīxūcēx.

Ore ga pūchagu ixuxū

⁴⁷—Rū ngēma Tupana na āēxgacū yīxūxū rū wūxi i pūcha i nagūxūrañxū i choxni namaā iyaxuxūxūrū nixī. ⁴⁸—Rū ngēxguma naxāācuxgu i ngēma pūcha, rū ngēma pūchaetanūxū rū naxnecūpechinūgu ínanatūāchīgū. Rū ngema narūtogū rū nayadexechi i ngēma mexū i choxni, rū pexchigu nananucu. Rū ngēma tama ingōxū i choxni rū ínanawogū. ⁴⁹⁻⁵⁰—Rū ngēxgumarū i ta nixī i ngēxguma naguxgu i naāne. Erū Tupanaārū orearū ngeruūgū i daxūcūāx, rū nūma tá naxī. Rū tá nayadexechi i ngēma mexū i duñxūgū nūxna i ngēma ichixexū, rū tá ūxūxetūwa nayawocu i ngēma duñxūgū i chixexū. Rū ngema tá naxauxe, rū tá nixūxchapūtagū —ñanagūrū ga Ngechuchu.

Ngexwacaxūgūxū rū nuxcūmatīgūxū i ngēmaxūgūchiga

⁵¹ Rū yexguma ga Ngechuchu rū norū nguēxūgūna naca, rū ñanagūrū: —¿Nūxū pecuáxū yīxū na řacūchiga yīxū i ngēma pemaā nūxū chixuxū? —ñanagūrū. Rū nūmagū nanangāxūgū rū ñanagūrūgū: —Ngēmaācū, Pa Corix, nūxū tacuēx —ñanagūrūgū. ⁵² Rū yexguma ga Ngechuchu rū ñanagūrū nūxū: —Rū ngēxguma wūxi i nguēxēērū i ore i mugūwa nguxēētaexū aīxcūma nūxū cuēxgu na ñuxācū āēxgacū yīxū ya Tupana, rū nanaxwēxe na meā nūxū nacuáxū i ngēma nuxcūmañxū i Tupanaārū ore rū ñaā ngexwacaxūxū i chorū ore rū ta, ngēxgumarū i wūxi i cori i norū taxepatawa duñxūgūcēx inawéxū i norū ngēmaxūgū i ngexwacaxūgūxū rū norū ngēmaxūgū i nuxcūmatīgūxū ta —ñanagūrū ga Ngechuchu.

*Ngechuchu rū Nacharétuwa nayexma
(Mr 6.1-6; Lc 4.16-30)*

⁵³ Rū yexguma Ngechuchu nūxū rúchaxgu ga yema ore ga cuēxruñgūxū na yaxuxū, rū inaxūāchi ga yéma. ⁵⁴ Rū guma íāne ga nawa nayaxūne ga Nacharétuwa naxū. Rū guma íāneārū ngutaqēxepataūgu naxūcu rū yéma nananguēxēē ga duñxūgū. Rū yema duñxūgū rū nabējāxchīāēgū namaā ga norū ore. Rū ñanagūrūgū: —¿Ngextá nūxū nacuēx i ngēma nguxēētae? ¿Rū ñuxācū nūxū nacuēx na naxūāxū i ngēma mexūgū i taxūgū i Tupanaārū poramaā naxūxū? ⁵⁵—¿Taux ēxna i daa yīxū ya carpinteru ya Yūche nane ya María ngīne, ya Chaūtiāgu rū Yūche rū Chimāu rū Yuda naēneē ixīcū? ⁵⁶—¿Rū taux ēxna i naēyēxgū rū nuxma tatanūgu naxāchīgūxū? ¿Rū ngēxguma i ngextá yīxū i nayauxāxū i ngēma nūxū nacuáxū? —ñanagūrūgū. ⁵⁷ Rū yemacēx ga duñxūgū rū tama nūxū inarūxīnūēchaū. Natūrū Ngechuchu rū ñanagūrū nūxū: —Guxūma i togū i duñxūgū rū namaā nataāēgū i wūxi i Tupanaārū orearū uruū. Natūrū ngēma orearū uruūchīāñawatama rū duñxūgū rū tama

namaã nataãëgü —ñanagürü. ⁵⁸ Rü yema duñxügütanüwa rü tama poraãcü nanaxü ga mexügü ga taxügü ga Tupanaärü poramaã naxüxü, yerü tama nüxü nayaxögüchaü ga yema duñxügü.

14

Nayu ga Cuáü ga baiñxëëruü
(Mr 6.14-29; Lc 9.7-9)

¹ Rü yema ngunexügü nixü ga Gariréaaneärü ãëxgacü, ga Erode rü Ngechuchuxü nacuáchigaxü. ² Rü Erode rü norü duñxügümaã ñanagürü: —Yima nixü ya Cuáü ga baiñxëëruü rü marü wena namaxü. Rü ngëmacëx nüxü nangëxma i pora na naxüãxü i ngëma mexügü i taxügü i Tupanaärü poramaã naxüxü —ñanagürü. ³ Rü yema ñanagürü, yerü nümatama ga Erode rü ðpaacü norü churaragüxü namu na Cuáüxü yayaxgüxüçëx rü cadenamaã yanëixgüãcuma poxcupataüwa nagagüãxüçëx. Rü yemaãcü nanaxü ga Erode, yerü yemaãcü naxçëx íca ga naxmëx ga Erodía ga naëneë ga Piripi naxmëxchirëx ixícü. ⁴ Rü Erode rü Cuáümaã nanu yerü ga Cuáü rü ñanagürü nüxü: —Tama name na cuxumëxmaã cuxãmaxü —ñanagürü. ⁵ Rü Erode rü Cuáüxü nimáxchaü, natürü duñxügüxü namuü yerü guxüma ga duñxügü rü nagu narüxinüë rü aixcuma Tupanaärü orearü uruü nixü ga Cuáü. ⁶ Natürü yexguma norü tauncëuarü ngunexüwa nanguxgu ga Erode rü wüxi ga peta naxü. Rü yema petawa rü Erodíaxacü rü íyayüxparachigüxü napëxewa ga yema petatanüxü. Rü nüma ga ãëxgacü ga Erode rü poraãcü norü me nixü ga yema naxüxü ga naxãcürücü. ⁷ Rü yemacëx ngümaã inaxuneta rü ñanagürü ngüxü: —jChoxna naxçëx naca i tacü i cunaxwëxexü, rü aixcuma tá cuxna chanaxã! —ñanagürü. ⁸ Rü yexguma ga ngüma rü ngüëxütawa ixü, rü ngüëna iyaca, rü ngügürügü: —Pa Ma, ztacü i cunaxwëxexü na naxçëx íchaçaxü? —ngügürügü. Rü ngüë ngüxü ingãxü, rü ngügürügü: —jNaxçëx ínaca i Cuáü ya baiñxëëruü! —ngügürügü ga ngüë. Rü yexguma ga yema pacü rü ngügürügü nüxü ga Erode: —Chanaxwëxe i wüxi ya poratugu choxna cunaxã i Cuáü ya baiñxëëruü —ngügürügü. ⁹ Rü yexguma ga ãëxgacü ga Erode rü inayarümaãchi namaã ga yema ore, natürü norü unetacëx rü norü petatanüxüçëx rü tama ngüxü nawomüxëëchaü. Rü nanamu ga ñuxre ga norü churaragü na ngüxna naxãgüãxüçëx ga yema naxçëx ínaçaxü. ¹⁰ Rü yemaãcü poxcupataüwa nanamu na yéma Cuáüxü yanadaenaãxüçëx. ¹¹ Rü yemawena wüxi ga poratugu ngüxütawa nanange ga Cuáüëru, rü yema pacüna nayaxã. Rü ngüma rü ñuxüchi ngüëna iyaxã. ¹² Rü yexguma ga Cuáüärü ngüexügü rü yéma naxü, rü nayangegü ga naxüne, rü inayatëxgü. Rü yemawena rü Ngechuchumaã nüxü nayarüxugüë.

Ngechuchu rü nanachibüexëë ga 5000 ga yatügü
(Mr 6.30-44; Lc 9.10-17; Cu 6.1-14)

¹³ Rü yexguma yemaxü nacuáchigagu ga Ngechuchu, rü nüxücatama wüxi ga ngegu nixüë, rü ínaxüxü ga yéma. Rü wüxi ga nachica ga taxüema íxãpataxüwa naxü. Natürü ga duñxügü rü nüxü nacuëxgüama ga ngextá na naxüxü. Rü ínachoxü ga norü íänegüwa, rü dauxchitagu nawe narüxü. ¹⁴ Rü yexguma nguewa ínaxüëgu ga Ngechuchu rü nüxü nadau ga yema muxüma ga duñxügü. Rü nüxü nangechaütümüügü. Rü nanameëxëë ga yema duñxügü ga idaaweexü ga naxçëx yéma nagagüxü. ¹⁵ Rü yexguma marü nachütachaügu rü Ngechuchucëx naxü ga norü ngüexügü, rü ñanagürügü nüxü: —Marü nachütachaü, rü ñuxüchi taxüema nuxma taxãpata i nuã. Rü name nixü ícuyamugü i ñaã duñxügü na íänëxãcügü ya ngaicamana ngëxmagünewa naxüxüçëx, rü ngema norü ðnatëx yataxegüxüçëx —ñanagürügü. ¹⁶ Natürü ga Ngechuchu rü ñanagürü nüxü: —Taxuacüma nawoegu. jRü penamata penachibüexëëx! —ñanagürü. ¹⁷ Rü nümagü nanangãxügü, rü ñanagürügü: —Natürü nuã rü wüximëëxpüx i pãü rü taxre i choxnixücatama toxü nangëxma —ñanagürügü. ¹⁸ Rü Ngechuchu nanangãxü rü ñanagürü: —jNuã chauxütawa penana! —ñanagürü. ¹⁹ Rü yexguma ga Ngechuchu rü duñxügüxü namu na maxëtëxewa natogüxüçëx. Rü ñuxüchi nanade ga yema wüximëëxpüx ga pãü rü yema taxre ga choxnigü. Rü daxügu nadawenüãcuma Tupanana moxë naxã, rü ñuxüchi inanabücu ga yema pãügü. Rü norü ngüexügüna nanana, rü yema duñxügüxü nayanu. ²⁰ Rü guxüma ga yema duñxügü rü meãma nachibüë. Rü yemawena rü 12 ga pexchigü nanapagüamatama namaã ga yema pãü rü choxnichipëxegü ga íyaxügüxü. ²¹ Rü yema yéma chibüexü rü 5000 ga yatügü nixü, natürü ga ngexügü rü buxügü rü tama nayaxugü.

Dexáëtügu nixü ga Ngechuchu
(Mr 6.45-52; Cu 6.16-21)

²² Rü yemawena ga Ngechuchu rü duñxügüxü íyamugüyane rü wüxi ga ngegu naya-choñxëë ga norü ngüexügü na yoxni nextaxaarü tocutüwa naxüxüçëx. ²³ Rü yexguma duñxügüxü íyamugüyuwena rü guma mëxpünewa ínaxüãchi ga Ngechuchu na nüxüca yéma

yayumüxëxëcëx. Rü yexma nüxīcatama nachūtaū. ²⁴ Natürü ga norü ngüexüğü rü naxtaxaarü ngäxütüchiügu nixägü ga yexguma. Rü tacü ga buanecü yexma nüxü naxü, rü poraäcü nayuaape. ²⁵ Rü yexguma marü yangunechaügu rü norü ngüexüğüwe inaxüāchi ga Ngechuchu. Rü dexāchiüétügu nixü naxcëx ga norü ngüexüğü. ²⁶ Rü yexguma norü ngüexüğü nüxü daugüga ga dexāchiüétügu na yaxüxü, rü poraäcü nabëixāchiāëgü. Rü norü muümaā aita naxüe, rü ñanagürü: —Wüxi i naxchiximare nixī —ñanagürüğü. ²⁷ Natürü ga Ngechuchu rü namaā nidexa rü ñanagürü nüxü: —jPeporael rü choma chixī. jRü täxü ipemuüxëxü! —ñanagürü. ²⁸ Rü yexguma ga Pedru rü Ngechuchumaā nidexa rü ñanagürü: —Pa Corix, ega chi cuma quixīgu, jrü choxü namu na choma rü ta dexāéttügu chixüxüxëcëx rü cuxütawa na chaxüxëcëx! —ñanagürü. ²⁹ Rü Ngechuchu ñanagürü nüxü: —Ëcü jnuā naxü! —ñanagürü. Rü yexguma ga Pedru rü inaxüe ga nguewa. Rü inanaxüğü ga dexāéttügu na yaxüxü na Ngechuchuxütawa naxüxëcëx. ³⁰ Natürü yexguma nüxü yacuëxāchigu ga na naporaxü ga buanecü rü namuü, rü inanaxüğü ga na dexāchiügu nanguxü. Rü aita naxü rü ñanagürü: —Pa Corix, jchoxü rüngüxëé! —ñanagürü. ³¹ Rü yexgumatama ga Ngechuchu rü Pedrumëxëgu nayayauxāchi, rü ñanagürü nüxü: —Cuma rü irarüwatama cuyaxö. jRü tüxcüü tama aixcüma cuyaxöxöchi? —ñanagürü. ³² Rü yexguma nguëgu yachoügu ga Ngechuchu rü Pedru, rü nangupetü ga guma buanecü. ³³ Rü guxüma ga norü ngüexüğü ga nguëwa yexmagüxü rü Ngechuchupëxëgu nacaxāpüxüğü rü nüxü nicuëxüüğü, rü ñanagürüğü nüxü: —Aixcümaxüchi cuma nixī i Tupana Nane quixü —ñanagürüğü.

Yenecharétuanewa Ngechuchu nanameëxëé ga idaaweexü
(Mr 6.53-56)

³⁴ Rü yexguma marü yanguüga ga nahtaawa, rü Yenecharétuanewa nangugü rü yéma inachöü. ³⁵ Rü yexguma yema duüxüğü ga yémacüāx nüxü icuëxāchitanügu ga Ngechuchu na yixüxü ga guma, rü guxüma ga yema nañëwa nanguchiga yéma na nayexmaxü ga Ngechuchu. Rü yemacëx naxütawa nanagagü ga yema duüxüğü ga idaaweexü. ³⁶ Rü Ngechuchuxü nacëëxüğü na naxchirupechinügmare yangögügüxüxëcëx. Rü guxüma ga yema naxchirupechinügu ingögüxü rü narümeé.

15

Tacü nixī i Tupanapëxëwa duüxüğüxü chixexëëxü
(Mr 7.1-23)

¹ Rü Ngechuchucëx naxī ga ñuxre ga Parichéugü rü ngüexëëruüğü ga ore ga mugüwa nguxëétaegüxü ga Yerucharétüwa ne ixü. Rü Ngechuchuna nacagü, rü ñanagürüğü: ² —jTüxcüü i curü ngüexüğü rü tama nagu naxī i nuxcümaüğüxü i tóru oxigücüma? jRü tüxcüü tama nayanguxëëgü i ngëma nacüma na Tupanacëx nayauxmëxgüxü naxüpa na nachibüexü? —ñanagürüğü. ³ Natürü ga Ngechuchu rü nüxna naca ga yema Parichéugü rü ngüexëëruüğü, rü ñanagürü nüxü: —jRü tüxcüü i pema rü nüxü pexo i Tupanaärü mu na nagu pexixüxëcëx i pecümagütama? ⁴ Erü Tupana rü norü orewa rü ñanagürü: “jTüxü nangechaü ya cunatü rü cue!”

ñanagürü. Rü ngëma orewa rü ñanagürü ta:

“Rü texé ya túmanatümaā rü éxna túmaëmaā guxchigaxe rü name nixī i noxtacüma ngëmacëx tüxü tayuxëé”,

ñanagürü. ⁵ Natürü pema rü ñaperüügü:

“Marü name ega wüxi ya yatü nanatüxü rü naëxü ñaxgu: ‘Taxucürüwa chorü ngëmaxümaā cuxü charüngüxëé erü guxüma i chorü ngëmaxü rü marü Tupanana chanaxā’,” ñaxgu. ⁶ Rü ngëxguma texé ngëma ñagüga rü pexcëx rü marü namexü na tama túmanatüxü rü túmaëxü tarüngüxëëxü. Rü ngëmaäcü ipeyanaxoxëé i Tupanaärü mu na nagu pexixüxëcëx i pecümagütama. ⁷ Pema nixī i duüxüğü i togüpëxëwa rü meā pemaxënetaxü, natürü peäëwa rü chixexügu perüxñüë. Rü aixcüma nixī ga yema ore ga nuxcümaäcü ga Tupanaärü orearü uruü ga Ichaxia pechiga ümatüxü ga ñaxü:

⁸ “Naā duüxüğü rü naäxmaämare choxü nicuëxüüğü. Natürü naäëwa rü tama aixcüma chaugu narüxñüë. ⁹ Rü taxuwama name na ngëmaäcü natüçëxma choxü yacuëxüüğüxü. Rü guxüma i norü nguxëëtae rü yatügiarü mugümare nixī rü tama aixcüma chorü mu nixī”,

ñaxü. ¹⁰ Rü ñuxüchi ga Ngechuchu rü duüxügüçëx naca, rü ñanagürü nüxü: —jMeā iperüxñüë i naā chorü ore, rü nagu perüxñüë! ¹¹ Ngëma öna i duüxüğü ngöxü rü tama ngëma nixī i napecaduāxëëgüxü. Natürü ngëma ore i chixexü i nüxü yaxuxü, rü ngëma waxi nixī i napecaduāxëëgüxü —ñanagürü. ¹² Rü ñuxüchi ga norü ngüexüğü rü naxcëx naxī, rü ñanagürüğü nüxü: —jPa Corix, tama éxna nüxü cucuëx na Parichéugüäëwa nangüxü i ngëma ore i namaā nüxü quixuxü? —ñanagürüğü. ¹³ Natürü nüma ga Ngechuchu rü nanangaxü rü ñanagürü nüxü: —Guxüma i ngëma nanetü i tama Chaunatü itoxü rü tá nanabëx. ¹⁴ Rü

nüetama i ngëma Parichéügü, erü namaärü cuèxruügü i ngexetüxürüü nixügü. Rü ngëxguma wüxi i ngexetüxü rü naxrüü ngexetüxümaä inacuëxgu rü ngürüächi ngëma taxre rü wüxi i äxmaxügu tá nügümaä nayayicu —ñanagürü. ¹⁵ Rü ñuxüchi ga Pedru rü Ngechuchuna naca, rü ñanagürü: —¡Tomaä meä nangoxëë na ñuxü ñaxüchiga yixü i ngëma ore i tomaä nüxü quixuxü! —ñanagürü. ¹⁶ Rü Ngechuchu nanangäxü rü ñanagürü: —¿Éxna pema rü ta tama nüxü pecuëxgüega i ngëma ore? ¹⁷ ¿Tama éxna nüxü pecuëx rü guxüma i ngëma öna i duüxügü ngöxü rü naänüwa naxü, rü yixcama rü ñuxüchi inaxüxü? ¹⁸ Natürü guxüma i ngëma ore i duüxügü nüxü ixuxü rü naäëwa nixü i ne naxüxü. Rü ngëma ore i chixexü waxi nixü i napecaduäxëëgüxü i ngëma duüxügü. ¹⁹ Erü naäëwa nixü i chixexügu naxinüëxü i duüxügü. Rü ngëma ne naxü na namáëtaxü, rü to i ngexü i ätexümaä na inapexü, rü na nangëämarexü, rü na nangixü, rü na yadoratëxäxü, rü na naguchigawëxëxü. ²⁰ Rü guxüma i ngëma chixexü waxi nixü i duüxügüxü pecaduäxëëxü. Natürü ngëma na tama nayauxmëxgüxü naxüpa na nachibüexü, rü ngëma rü tama nanapecaduäxëë i duüxügü —ñanagürü.

*Wüxi ga ngecü ga to ga nachüüñecüäx ga Ngechuchuauxü yaxöxcüchiga
(Mr 7.24-30)*

²¹ Rü yexguma yëma inaxüächigu ga Ngechuchu, rü Tiruane rü Chidäüäneärü ñanegüwa naxü. ²² Rü Ngechuchuxütawa ingu ga wüxi ga ngecü ga Canácüäx ga Tiruanegu ächiücü. Rü tagaäcü ngigürügü nüxü: —Pa Cori Pa Dabítanüxüx, ¡cuxü changechaütümüü! Erü chaucacü rü wüxi i ngoxo ngüwa nangëxma i poraacü ngixü chixewexü —ngigürügü. ²³ Natürü ga Ngechuchu rü tama ngixü nangäxü. Rü düxwa ga norü ngüëxügü rü naxcëx naxü, rü Ngechuchuxü nacëëxügü, rü ñanagürügü: —Pa Corix ¡ngümaä nüxü i xu i ngëma nge rü iyaxü, erü tawe iyacaechigü! —ñanagürügü. ²⁴ Rü yexguma ga Ngechuchu rü ñanagürü: —Tupana nüma choxü namu na Yudiügü i pecaduäxgüxüxcëxicatama na chadauxüxcëx —ñanagürü. ²⁵ Natürü ngëma ga yema nge ga tama Yudiü ixü rü Ngechuchucëx iyaxü. Rü napëxegu iyacaxäpüxü, rü ngigürügü nüxü: —Pa Corix ¡choxü rüngüxëë! —ngigürügü. ²⁶ Natürü Ngechuchu rü ñanagürü: —Tama name i taxacügüna tanapu i norü öna na airügüna naxäxüxcëx —ñanagürü. [Rü yema ñanagürü yerü nümagü ga Yudiügü rü nügü nixügü na Tupanaxäcügüxüchi yügüxü rü yema togü rü ñoma airügürü na yixügüxü.] ²⁷ Natürü ngëma ga yema nge rü ngigürügü: —Rü aixcüma nixü i curü ore, Pa Corix, natürü airügü rü ta norü yoraarü önatüchi i mechawa rüyixü nangöx —ngigürügü. ²⁸ Rü yexguma ga Ngechuchu rü ñanagürü ngixü: —Pa Ngecüx, aixcümaxüchi cuyaxö. Marü tá chanaxü i ngëma cuma cunaxwëxëxü —ñanagürü. Rü yexgumatama ngixcëx nitaane ga ngixäcü.

Ngechuchu rü nanameëxëë ga muxüma ga idaaweexü

²⁹ Rü yemawena ga Ngechuchu rü inaxüächi ga yema naänewa, rü naxtaxa ga Garirëacütüwa naxü. Rü ñuxüchi wüxi ga mëxpünewa inaxüächi, rü yëma nayarüto. ³⁰ Rü muxüma ga duüxügü naxütawa nangugü. Rü yëma naxütawa nanagagü ga duüxügü ga ichixeparagüxü, rü ngexetügüxü, rü tama idexagüxü, rü chixechacüügüxü, rü muxüma ga togü ga idaaweexü. Rü Ngechuchupëxegu nayamugü, rü nüma ga Ngechuchu rü nanameëxëë. ³¹ Rü ga duüxügü rü poraacü nabëjxäüiägü ga yexguma nüxü nadaugügu ga ñuxäcü yema noxri tama idexagüxü rü marü na yadexagüxü, rü yema noxri chixechacüügüxü rü marü naxcëx na yataanegüxü, rü yema noxri chixeparagüxü rü marü na nameparagüxü, rü yema noxri ngexetügüxü rü marü na yadauchigüxü. Rü yemacëx ga duüxügü rü Tupanaxü nicuëxüügü.

*Ngechuchu nanachibüexëë ga 4000 ga yatügü
(Mr 8.1-10)*

³² Rü ñuxüchi ga Ngechuchu rü norü ngüëxügücëx naca, rü ñanagürü nüxü: —Choxü nangechaütümüügü i ñaä duüxügü, erü marü tomaëxpüx i ngunexü nuä chauxütawa nangëxmagü, rü nüxü nataxuma i norü öna. Rü taxuacüma ngëmaäcümare nachüüwa chanamugü, erü ngürüächi namaga tá nayaturae —ñanagürü. ³³ Rü norü ngüëxügü rü ñanagürügü nüxü: —¿Natürü ngextá tá tanayaxu i öna naxcëx i guxüma i ñaä duüxügü? Erü taxüema nuxma taxäpata i nuä —ñanagürügü. ³⁴ Rü Ngechuchu nüxna naca, rü ñanagürü: —¿Ñuxre i päu pexü nangëxma i pemax? —ñanagürü. Rü nanangäxügü, rü ñanagürügü: —Toxü nangëxma i 7 i päu rü noxretama i choxnixäcügüxüxcatama —ñanagürügü. ³⁵ Rü ñuxüchi ga Ngechuchu rü duüxügüxü namu na ñaxtüanewa natogüxüxcëx. ³⁶ Rü nanade ga yema 7 ga päu rü yema choxnigü. Rü Tupanana moxë naxä. Rü ñuxüchi inanabücu. Rü norü ngüëxügüna nanana na duüxügüxü yanuäxüxcëx. ³⁷ Rü guxüma ga duüxügü rü meäma nachibüë. Rü yemawena rü 7 ga pexchigü nanapagüamatama namaä ga yema päu rü choxnichipëxëgü ga iyaxügüxü. ³⁸ Rü yëma yëma chibüexü rü 4,000 ga yatügü nixü, natürü

ga ngeçügü rü buxügü rü tama nayaxugü. ³⁹ Rü yemawena ga Ngechuchu rü duüxügüxü inimugü. Rü ñuxüchi wüxi ga ngegu nixüe, rü Magadäärü naänewa naxü.

16

Parichéugü rü Chaduchéugü naxcèx ínacagü na nüxü nüxü nadauxëégüxüçèx ga wüxi ga cuèxruü ga Tupanaärü poramaä naxüxü

(Mr 8.11-13; Lc 12.54-56)

¹ Rü ga Parichéugü rü Chaduchéugü rü Ngechuchuxü inayadaugü. Rü Ngechuchuna nacagüe na nüxü nüxü nadauxëégüxüçèx ga wüxi ga cuèxruü ga Tupanaärü poramaä naxüxü, yerü nüxü naxügüchaümare. ² Natürü nüma ga Ngechuchu rü nanangäxü, rü ñanagürü nüxü: —Pema rü yáuanecü rü ñaperügü:

“Name tá nixí i moxüärü ngunexü, erü nadautüweane”, ñaperügü. ³ Rü ngëxguma pëxmama nadautüweanegu rü poraäcü nacaixanegu, rü:

“Nachixe tá nixí i ngunexü” ñaperügü. Pema nixí i duüxügü i togüpëxewa meä pemaxënetaxü, natürü chixexügu perüxüñüë. Rü pema nüxü pecuèx na penangugüxü i ñuxgu tá nameänexü rü ñuxgu tá nachixeanexü. Natürü ñuxma na yanguxü i ngëma cuèxruügü ga nuxcüma Tupana pemaä ixunetaxü rü tama nüxü pecuèxgüéga na ñacüchiga yixü —ñanagürü. ⁴ Rü ñanagürü ta ga Ngechuchu: —Ñaa duüxügü i chixecümagüxü rü tama yaxögüxü rü naxcèx ínacagü i wüxi i cuèxruü i Tupanaärü poramaä üxü. Natürü yema cuèxruü ga nuxcümaüçü ga Tupanaärü orearü uruü ga Yonáxü ngupetüxüürüxüçicatátama nadaugü. Rü yexgumarüü na bayenaänüwa na ínaxüxüxü, rü choma rü ichatáxüwa tá íchaxüxü. Rü taxuxütáma i to i cuèxruüxü nüxü chadauxëë i ñaa duüxügü —ñanagürü. Rü ñuxüchi nüxna yéma nixü ga Ngechuchu, rü inaxüächü.

Parichéugüarü pãüärü puxëëruüchiga

(Mr 8.14-21)

⁵ Rü yexguma naxtaxaarü tocutüwa naxüxgu ga norü ngüexügü, rü nüxü inayarüngümaë na nawemü ta íyangegüxü. ⁶ Rü yexguma ga Ngechuchu rü ñanagürü nüxü: —jDüçèx, pexuäégü naxcèx i Parichéugü rü Chaduchéugüarü pãüärü puxëëruü! —ñanagürü. ⁷ Rü yema norü ngüexügü rü inanaxügüé ga nügü na ñagüxü: —Ngëma ñanagürü tüxü, erü tama tawemüta ítingegü —ñanagürü. ⁸ Natürü ga Ngechuchu rü nüxü nacüexama ga ñuxäcü na yadexagüxü ga norü ngüexügü. Rü yemacèx ñanagürü nüxü: —¿Tüxcüü,

“Tüxü nataxu i tawemü” ñaperügü? Pema rü tama aixcüma peyaxögü. ⁹ —¿Tama éxna nüxü pecuèxgüéga rü nüxna pecuèxächie ga yema wüximëëxpüx ga pãü ga yema 5,000 ga yatügüçèx ichabücxüxü? ¿Rü ñuxre ga pexchi penaxüäcuxü namaä ga yema naxchipëxegü ga íyaxügüxü? ¹⁰ —¿Rü tama éxna nüxna pecuèxächie ga yema 7 ga pãü ga yema 4,000 ga yatügüçèx ichabücxüxü? ¿Rü ñuxre ga pexchi penaxüäcuxü namaä ga yema naxchipëxegü ga íyaxügüxü? ¹¹ —¿Rü ñuxäcü nixí i tama nüxü pecuäxü i tama pãüchiga na chidexaxü i ngëxguma ñachagu:

“jPexuäégü naxcèx i Parichéugü rü Chaduchéugüarü pãüärü puxëëruü!” ñachagu? —ñanagürü ga Ngechuchu. ¹² Rü yexguma ga norü ngüexügü rü nüxü nacüexgü ga tama pãüärü puxëëruüchiga na yadexaxü ga Ngechuchu, natürü Parichéugü rü Chaduchéugüarü ngüçëtaechiga na yixü ga na yadexaxü.

Pedru nanangoxëë na Cristu na yixü ga Ngechuchu

(Mr 8.27-30; Lc 9.18-21)

¹³ Rü yexguma Checharéa ga Piripuanearü ngaicamana nanguxgu ga Ngechuchu, rü norü ngüexügüna naca, rü ñanagürü: —¿Ñuxü ñaxü i duüxügü i chauchiga na texé chüxü i chomax? —ñanagürü. ¹⁴ Rü nüma ga norü ngüexügü rü nanangäxü rü ñanagürügü: —Nangëxma i duüxügü rü:

“Cuäü ya baiüxëëruü quixí” ñagüxü. Rü togü i:

“Eria quixí” ñagüxü. Rü togü i:

“Yeremiä quixí” ñagüxü. Rü togü rü:

“Wüxi ga nuxcümaüçü ga Tupanaärü orearü uruü quixí” ñagüxü —ñanagürügü. ¹⁵ Rü yexguma ga Ngechuchu rü nüxna naca rü ñanagürü: —¿Rü pema i ñuxü ñapegüxü choxü na texé chüxü? —ñanagürü. ¹⁶ Rü Chimáü ga Pedru nanangäxü, rü ñanagürü nüxü: —Cuma nixí i Cristu ya Tupana ya maxüçü Nane quixü —ñanagürü. ¹⁷ Rü Ngechuchu nanangäxü rü ñanagürü nüxü: —Cuma rü aixcüma cutaäë, Pa Chimáüx, Pa Yoná Nanex, erü taxüüma i duüxü nixí i cuxü nüxü cuèxëëxü i ngëma, natürü Chaunatu ya daxügüçü nixí ya cuxü nüxü cuèxëëçü na Nane chüxü. ¹⁸ —Rü choma cumaä nüxü chixu rü cuma rü Pedru quixí. Rü ngëma cuéga rü “nuta” ñaxüchiga nixí. Rü cuma tá nixí i chorü duüxügüarü dauruü quixü. Rü Chataná rü täütáma nüxü narüyexera i ngëma chorü duüxügü. ¹⁹ —Rü choma rü tá cuxna

chanaxá i chorü ore na duñxügümaã nüxü quixuxüçèx na nüxü nacuèxgüxüçèx na ñuxácü daxügüxü i naãnewa nangugüxü i ngextá Tupana àëxgacü íxixüwa. Rü yíxema tama cuxü irüxínüèxé i ngéma ore rü tãütáma ngema tichocu. Natürü yíxema meã cuxü irüxínüèxé i ngéma ore rü aixcüma ngema Tupana àëxgacü íxixüwa tá tangugü —ñanagürü. ²⁰ Rü yexguma ga Ngechuchu rü norü ngüèxügümaã nüxü nixu, rü ñanagürü: —¡Taxüemaãtáma nüxü pixu na choma rü Cristu chiixü! —ñanagürü.

Ngechuchu nanaxunagü ga norü yuxchiga
(Mr 8.31-9.1; Lc 9.22-37)

²¹ Rü yemawena inanaxügü ga norü ngüèxügümaã nüxü na yaxuxü ga ñacü tá nüxü na üpetüxü. Rü ñanagürü: —Choma rü Yerucharéüwa tá chaxü, rü ngema poraãcü ngüxü tá choxü ningexëëgü. Rü choxü tá nimëxgü i Yudiñgüarü àëgacügüerügü rü paigüarü àëxgacügü rü ngüèxëeruügü i ore i mugüwa ngüèxëtaegüxü. Natürü tomaëxpüx i ngunexü ngupetügü rü wena táxaru chamaxü —ñanagürü. ²² Rü yexguma ga Pedru rü nüxíca noxrüwama Ngechuchuxü naga, rü inanaxügü ga na naxucuxëãxü, rü ñanagürü: —Pa Corix, Tupana rü tama nanaxwëxe na ngémaãcü quidexaxü. Rü tãütáma ngémaãcü cuxü nangupetü i cumax —ñanagürü. ²³ Natürü ga Ngechuchu rü Pedrucëx nadaueguãchi, rü ñanagürü nüxü: —¡Choxna ixügachi, Pa Chatanáx, Pa Chatanáx, erü chixexügu choxü cunguxëëchaü! Rü tama Tupana naga rüxínüxügu curüxínü, rü yatügü naga rüxínüxügumare curüxínü i cumax —ñanagürü. ²⁴ Rü yexguma ga Ngechuchu rü norü ngüèxügüxü ñanagürü: —Rü ngëxguma texë chowe rüxüxchaügu, jëcü nüxü tarüxo i túmaärü ngüchaü, rü namaã tapora i ngéma guxchaxügü i túmacëx ínguxü i ñoma curuchawa tipotaxürü tüxü ixíxëëxü, rü ngémaëtüwa chowe tarüxüãma! ²⁵ Erü yíxema tügü maxëchaxëëchaüxë rü tá tayu. Natürü yíxema chauxcëx yixë rü aixcüma tá tüxü nangëxma i maxü i taguma güxü. ²⁶ Rü çTacüwa i nüxü namexü ya wüxi ya yatü ega nayauãxgu i güxüma i ñoma i naãneärü ngëmamaxügu, natürü iyanatauxëëägu i norü maxü? Erü taxucürüwama wüxi ya yatü rü norü diërumaã naxcëx nataxe i norü maxü. ²⁷ Erü choma i Tupana Nane na duñxüxü chiixü rü wena táxaru núma chaxü. Rü ngëxguma rü Chaunatu ya Tupanarüü tá àëxgacü chixü, rü daxüçüãx i orearü ngeruügümaã tá íchangu. Rü ngëxguma tá nixü i nüxü chanaxütanüxü i wüxichigü i duñxügü i ngéma ñuxácü chauxcëx na namaxëxürüüãcüma maxëxü. ²⁸ Rü aixcüma pemaã nüxü chixu rü nangëxma i ñuxre i duñxügü i núma ngëxmagüxü rü tãütáma nayu ñuxmatáta choxü nadaugü na yuwa ícharüdaxü rü aixcüma àëxgacü ya poracü na chiixü —ñanagürü ga Ngechuchu.

17

Ngechuchu rü toraxüãcü nangox
(Mr 9.2-13; Lc 9.28-36)

¹ Rü 6 ga ngunexüguwena rü Ngechuchu ínayagagü ga Pedru rü Chaütiágu rü Cuáü ga Chaütiágueneë. Rü nüxícatama wüxi ga mëxpúnëwa noxrüwama namaã naxü. ² Rü yëma yema ngüèxügüpëxëwa rü toraxüãcü nangox ga Ngechuchu. Rü üèxcürüü nixü ga nachíwe ga na yayauracüxüxü. Rü naxchiru rü tá üèxcüemarüü nixü ga na ngüèxëëëãxü. ³ Rü ngürüãchi yëma naxcëx nangoxgü ga Moíché rü Ería. Rü Ngechuchumaã yëma nidexagü. ⁴ Rü yexguma ga Pedru rü ñanagürü Ngechuchuxü: —Pa Corix, name nixü nuã tangëxmagü. Rü ngëxguma cunaxwëxëgu rü tá tanaxü ya tomaëxpüx ya düxenü, rü wüxi ya cuxcëx, rü náí ya Moíhécëx, rü náí ya Eriacëx —ñanagürü. ⁵ Rü yexguma íyadexayane ga Pedru rü wüxi ga caixanexü ga nangóonëxëëxü rü natanügu nayangaixëma. Rü yema caixanexüwa inanaxü ga wüxi ga naga ga ñaxü: —Daa nixü ya Chaune ya nüxü changechaüxüchicü rü namaã chataãëxüchicü. ¡Rü naga pëxínüé! —ñanagürü. ⁶ Rü yexguma yemaxü naxínüëgu ga yema ngüèxügü, rü ñaxtüanëgu nanangücuchiächitanü, yerü poraãcü namuüë. ⁷ Natürü ga Ngechuchu rü naxcëx nixü, rü nüxü nayarüngögü, rü ñanagürü nüxü: —¡pëchigü rü táxü ipemuüëxü! —ñanagürü. ⁸ Rü yexguma wënaãrü nadaunagütanügu, rü Ngechuchuxüxícatama nadaugü rü taxüema ga toguexü nadaugü. ⁹ Rü yexguma ímaxügü ga guma mëxpúnëwa, rü Ngechuchu nayaxucuxëgü ga taxüemaãma na nüxü yaxugüèxüçèx ga yema yëma nüxü nadaugüxü, ñuxmatáta yuwa ínadaxgu rü wena namaüxgu. ¹⁰ Rü ñuxüchi ga yema ngüèxügü rü Ngechuchuna nacagü, rü ñanagürügü: —çTüxcüü i ngéma ngüèxëeruügü i ore i mugüwa ngüèxëtaegüxü rü ñanagürügü:

“Eria tá nixü ya nüxíra cuxüpa nuã ücü?” ñanagürügü. ¹¹ Rü Ngechuchu nanangãxü, rü ñanagürü: —Aixcüma nixü i Ería na nüxíra tá núma naxüxü na chauxüpa Tupanacëx yamexëëãxüçèx i duñxügü. ¹² Natürü choma pemaã nüxü chixu, rü Eria rü marü núma naxü, natürü duñxügü rü tama nüxü nacüxëgu na texe yíxü. Rü yemacëx chixri namaã nachopetü. Rü ngëxgumarüü tá ta nixü na chixri tá chomaã nachopetüxü i duñxügü —ñanagürü.

¹³ Rū yexguma ga yema nguëxügü rü nüxü nicuëxächitanü ga Cuáü ga baiüxëëruüchiga na yixü ga yema Ngechuchu namaä nüxü ixuxü.

*Ngechuchu rü nanamexëë ga wüxi ga bucü ga ngoxo nawa yexmacü
(Mr 9.14-29; Lc 9.37-43)*

¹⁴ Rū yexguma duüxügü iyexmaxüwa nangugü, rü wüxi ga yatü Ngechuchucè nixü. Rū napëxegu nayacaxápüxü rü ñanagürü nüxü: ¹⁵ —Pa Corix, ¡nüxü nangechaü ya chaune rü naxcëx yataanexëé! Erü muëxpüxcüna rü naxäüäëxü, rü poraäcü nüxü nangux. Rū muëxpüxcüna rü üxüxetügu nayanguxëë, rü ëxna dexägu. ¹⁶ —Rü nuä curü nguëxügüxtawa chanaga, natürü nümagü rü tama nüxü nacuëxgü na namexëëgüäxü —ñanagürü. ¹⁷ Rū yexguma Ngechuchu nanangäxü, rü ñanagürü nüxü ga yema duüxügü ga yéma yexmagüxü: —Pa Duüxügü i Tama Yaxögüxü i Chixri Maxëüx, ¡ñuxguratáta i pemaä chanuxmaxü rü yaxna pemaä chaxinüxü? ¡Nuä penaga ya yima bucü! —ñanagürü. ¹⁸ Rū Ngechuchu nananga ga yema ngoxo ga guma bucüwa yexmaxü. Rū yemaäcü ñanatëxüchi ga yema ngoxo. Rū yexgumatama naxcëx nitaane ga guma bucü. ¹⁹ Rū yemawena ga norü nguëxügü rü noxrüwama Ngechuchumaä nidexagü. Rū nüxna nacagü, rü ñanagürügü nüxü: —Pa Corix, ¡tüxcüü i toma rü taxuacüma ñanatëxüchi i ngëma ngoxo? —ñanagürügü. ²⁰ Rū Ngechuchu nanangäxü, rü ñanagürü nüxü: —Pema rü taxuacüma ipenatëxüchi erü tama aixcüma peyaxögü. Rū aixcüma pemaä nüxü chixu, rü ngëxguma chi woo wüxi ya motachahirerüxü naxiraxüchigu i perü ö, rü chi daa mëxpünemaä nüxü pixixgu na yaxügachixüçëx, rü chi pega naxinü. Rū taxuxü chima pexü naguxcha ega aixcüma peyaxögü. ²¹ —Natürü ñaärüü i ngoxo rü tama ñaxüxü ega tama ixaureäcüma iyumüxëgu —ñanagürü.

*Ngechuchu rü wenaxäru nanaxunagü ga norü yuxchiga
(Mr 9.30-32; Lc 9.43-45)*

²² Rū yexguma norü nguëxügümaä Garirëaarü nañegu yaxüxgu ga Ngechuchu, rü norü nguëxügümaä nüxü nixu, rü ñanagürü: —Choma ya Tupana Nane na duüxüxü chixü, rü chixri tá chomaä nachopetü rü äëxgacügüna tá choxü namugü i duüxügü. ²³ —Rü tá choxü nimëxgü, natürü tomaëxpüx i ngunëxüguwena rü wena táxaru chamaxü —ñanagürü. Rū yexguma yema orexü naxinüëgu ga norü nguëxügü, rü poraäcü nangechaügü.

Ngechuchu ngixü naxütanü ga yema diëru ga tupauca ga taxüncëx ngixü nayauxgücü

²⁴ Ngechuchu rü norü nguëxügümaä Capernäüärü iänewa naxü. Rū yexguma yéma nangugü rü Pedruxü ñayadaagü ga yema yatügü ga tupauca ga taxüncëx diëru ngixü yaxgüxü. Rū Pedrua nacagü rü ñanagürügü: —¡Yima curü Cori rü tama ëxna ngixü naxütanü i ngëma diëru i tupauca ya taxüncëx? —ñanagürügü. ²⁵ Rū Pedru nanangäxü, rü ñanagürü: —Ngëmaäcü nanaxütanü —ñanagürü. Rū yixcama ga yexguma ñxgu naxücxgu ga Pedru, rü Ngechuchuxira Pedrumaä nidexa, rü ñanagürü nüxü: —¡Nuxü ñacuxü i cumax, Pa Pedru, rü ngextá nixü i nayauxgüäxü i norü diëru i guxü i nachüäneärü äëxgacügü? ¡Cuxcëx i nügütanüwatama rü ëxna togü i duüxügütanüwa? —ñanagürü. ²⁶ Rū Pedru nanangäxü, rü ñanagürü: —Maneca togü i duüxügütanüwa nixü i nayauxgüäxü —ñanagürü. Rū ñuxüchi Ngechuchu nanangäxü rü ñanagürü: —Rü ngëxguma ngëmaäcü yixügu, rü yixema na Tupanaärü ixigüxü rü taxucëma tanaxütanügü. ²⁷ —Natürü ngëma na taxüema tamaä nuxüçëx, rü chanaxwëxe i cuyaxütanü i ngëma diëru. ¡Rü yéa naxtaawa naxü, rü ngëma yapoxwaxe! ¡Rü ngëma nüxüraüxü i choxni i cunapoxwaüxü rü naäxwa tá nüxü icuyangau i wüxi i diëru i nagu mexü na yangutanüxëëxüçëx i chauxcëx rü cuxcëx rü ta! ¡Rü tupauca ya taxünewa nange i ngëma diëru, rü yaxütanü! —ñanagürü.

18

*¡Texé tá tixü ya guxäärü yexera ixixë?
(Mr 9.33-37; Lc 9.46-48)*

¹ Rū yexguma ga norü nguëxügü rü Ngechuchucëx naxü rü nüxna nacagü, rü ñanagürügü: —¡Pa Corix, texé tá tixü ya guxäärü yexera ixixë i ngëma Tupana äëxgacü ñixüxüwa? —ñanagürügü. ² Rū yexguma ga Ngechuchu rü wüxi ga buxüçëx naca, rü norü nguëxügüärü ngäxütanügu nanachixëë. ³ Rū ñuxüchi ñanagürü nüxü: —Düçëx, Pa Chorü Ngüëxügüx, aixcüma pemaä nüxü chixu, rü ngëxguma tama nüxü perüxoëgu i ngëma na togüärü yexera pegü pixigüxëëchaüxü rü ñuxüchi tama ñaä buxürüü pegü ipëxüxragu, rü taxucürüwa pichocu i ngextá Tupana äëxgacü ñixüxüwa. ⁴ —Rü aixcüma yixema tügü íruxíraxe rü ñaä buxürüü ixixë, rü yixema tá tixü ya guxäärü yexera ixixë i ngextá Tupana äëxgacü ñixüxüwa. ⁵ —Rü texé ya chauégagu meä nayaxüxe i wüxi i buxü i ñaärüü ixixü rü choxü nixü i tayaxuxü.

*Naxäcüma nixü na pecadugu inguxü
(Mr 9.42-48; Lc 17.1-2)*

6—Rü texé ya pecadugu nanguxêxê i wüxi i ñaã buxügü i choxü yaxôgüxü rü tümacêx rü narümemaê chi nixi na noxtacüma wüxi ya nuta tümanaãwa nayangacuchixü, rü ñuxüchi ngêmaãcü taxtüchiüwa tüxü nayarütáexü na ngêxma tayuxüçêx. 7—Ñoma i naãnecüãx i duüxügüçêx rü wüxi i taxü i ngechaü nixi na nangêxmaxü i muxüchixü i ñacü i pecadugu nayixêexü. Rü guxüguma tá nangêxma i ngêma chixexügü, natürü wüxi i ngechaüxüchi tá nixi naxcêx i ngêma yatü i togüxü pecadugu nguxêexü. 8—Rü ngêmacêx i ngêxguma chi cuxmêx rü êxna cucutü pecadugu cuxü nguxêêgu, rü name nixi i noxtacüma icunadae rü yaxügu cuyaña. Erü narümemaê nixi i cuboxmêxácüma rü êxna cubocutüácüma na cunayaxuxü i curü maxü na tama guxüne ya cuxmêxmaã rü êxna guxüne ya cucutümaã üxü ya taguma ixoxünewa quitêxcuchixüçêx. 9—Rü ngêxguma chi cuxetü pecadugu cuxü nguxêêgu, rü name nixi i icunacaxüchi, rü yaxügu cunaña. Erü narümemaê nixi i wüxixetümaã na cunayaxuxü i curü maxü na tama guxüne ya cuxetümaã üxü ya ngoxogü nagu poxcuenewa na quitêxcuchixüçêx. [Rü ngêmaãcü woo cuxü naguxchagu, natürü name nixi i nüxna quixügachi i guxüma i ngêma chixexügü i nagu cunguchaüxü.]

Ore ga carneru ga iyarütaxuxügu ixuxü
(Lc 15.3-7)

10—Rü tama name i nüxü pexoox i wüxi i buxü i ñaarüü choxü yaxôxü. Erü ngêma norü dauruügü i orearü ngeruügü i daxüçüãx rü guxüguma Chaunatü ya daxügüçüpêxewa nangêxmagü na ngêma ngêma buxüçetüwa nachogüxüçêx. 11—Rü choma i Tupana Nane na duüxüxü chiüxü rü núma chaxü na chanamaxêxêxüçêx i duüxügü iyarütaxuxü. 12—¿Rü ñuxü ñapegüxü i pema ega wüxi ya yatü rü nüxü nangêxmagu i 100 i carnerugü rü wüxi nüxü iyarütaxuxü? ¿Taux êxna i nachitaügu namugüãxü i ngêma 99, rü ñuxüchi naxcêx yadauxü i ngêma nüxü iyarütaxuxü? 13—Rü ngêxguma nüxü iyangauxgu, rü namaã nataãêxüchi i ngêma norü carneru. Rü woo guxüguma namaã nataãê i ngêma 99 i tama iyarütaxuxü, natürü yexeraãcüchi namaã nataãê i ngêma wüxi i iyarütaxuxü, erü marü nüxü inayangau. 14—Rü ngêxgumarüü ta nixi ya Penatü ya daxügü na tama nanaxwêxêxü na wüxi i ñaã buxü na iyarütaxuxü.

Ñuxücü tamüçixü na ingechaüxüchiga
(Lc 17.3)

15—Rü ngêxguma cueneê chixexü cumaã üxgu, rü name nixi i nüxücatama namaã quidexa, rü nüxna nüxü cucuêxächixêê i ngêma norü chixexü i cumaã naxüxü. Rü ngêxguma cuga naxünügu, rü marü wexaxarü mexüçêx cunataeguxêê i ngêma cueneê. 16—Natürü ngêxguma tama cuga naxünügu i ngêma cueneê, rü name nixi i naxcêx cuca i wüxi rü êxna taxre i duüxügü na nümagü rü ta namaã yadexagüxüçêx i ngêma cueneê. 17—Rü ngêxguma rü ta tama nüxü inaxünügu i ngêma taxre i duüxügüarü ore, rü name nixi i guxü i yaxôgüxümaã nüxü quixu na ngêma cueneêmaã yadexagüxüçêx. Rü ngêxguma rü ta tama nüxü inaxünügu i ngêma yaxôgüxüarü ore, rü name nixi i wüxi i duüxü i tama yaxôxürüügu namaã curüxinü. 18—Rü aixcüma pemaã nüxü chixu rü yixema núma ñoma i naãnewa tama pexü irüxinüxê i chorü ore rü täütáma Tupana âêxgacü iixüüwa tichocu. Natürü yixema meã pexü irüxinüxê i ngêma ore rü aixcüma ngema tá tangu. 19—Rü pemaã nüxü chixu rü ngêxguma chi taxre i pema i núma ñoma i naãnewa rü wüxigu ñacüçêx ipecaxgu i Chaunatü ya daxügüçüxtawa, rü núma ya Chaunatü rü tá pexna nanaxã. 20—Erü ngêma ngextã taxre rü êxna tomaêxpüx i duüxügü chauégagu íngutaquêxexüwa, rü choma rü ta norü ngãxütanüwa changêxma —ñanagürü. 21 Rü yexguma ga Pedru rü Ngechuchêx nixü, rü nüxna naca, rü ñanagürü: —¿Pa Corix, ngêxguma chaueneê chixexü chomaã üxgu, rü ñuxreêxpüxcüna i namexü na nüxü nüxü changechaüxü naxcêx i ngêma chixexü i chomaã naxüxü? ¿Rü marü namexü i cuxcêx ega 7 êxpüxcüna yixügu na nüxü nüxü changechaüxü? —ñanagürü. 22 Rü Ngechuchu nanangãxü rü ñanagürü: —Tama name i 7 êxpüxcünaxücatama nüxü nüxü cungechaü. Natürü guxügütama nixi i nüxü nüxü na cungechaüxü woo 70 êxpüxcüna i 7 wa nangu —ñanagürü.

Ore ga âêxgacüarü duüxü ga tama namüçüaxü nüxü ngechaüxü ga norü ngetanügu ixuxü

23 Rü Ngechuchu rü ñanagürü: —Rü ngêma Tupana na âêxgacü iixü, rü ñoma wüxi ga nachüãneärü âêxgacü ga norü duüxügü ga nüxü nangetanügüxümaã namexêêchaüxürüü nixi. 24—Rü yexguma inaxügüãgu ga meã nüxü na yadaugüxü ga yema nüxü nange-tanügüxüpane, rü naxütawa nanagagü ga wüxi ga norü duüxü ga taxüchicü ga diêru nüxü ngixü ngetanüxü. 25—Natürü ga yema norü duüxü rü nangearü diêruãx, rü taxuacüma norü cori ga âêxgacüaxü nanaxütanüega. Rü yemacêx ga yema âêxgacü rü norü churaragüxü namu na to ga corixü namaã nataxegüxüçêx ga yema yatü, wüxigu tümamaã ga namxêx rü naxãcügü rü norü yemaxügü, na yema natanü ga diêrumaã naxütanüãxüçêx ga norü

ngetanü. ²⁶—Rü yexguma ga yema norü duüxü rü norü äëxgacüpëxegu nacaxäpüxü, rü nüxü nacëëxü, rü ñanagürü:

“Pa Corix jchoxü nangechaü! Rü marü tá chapuracü, rü tá cuxü chanaxütanü i guxüma”, ñanagürü. ²⁷—Rü yema norü äëxgacüaxü nangechaütümü, rü yemacëx namaã nüxü nixu ga marü tama nüxü na naxütanüäxücëx ga yema norü ngetanü. Rü ñuxüchi ñananguxchixëë. ²⁸—Natürü yexgumatama yema äëxgacüxtawa ñaxüüxgu ga yema yatü, rü nüxü inayangau ga wüxi ga namücü ga irarüwatama nüxü nangenatüxü. Rü yema yatü rü nüxna natüxüe, rü nananuxnaxä, rü ñanagürü nüxü:

“jChoxü ngixü naxütanü i ngëma dïëru i ngixü cungetanücü!” ñanagürü. ²⁹—Rü yexguma ga yema namücü rü yema yatüpëxegu nacaxäpüxü, rü nüxü nacëëxü, rü ñanagürü:

“Pa Chomëcux, jchoxü nangechaü! Rü marü tá chapuracü, rü tá cuxü chanaxütanü i guxüma”, ñanagürü. ³⁰—Natürü ga yema yatü rü tama nüxü nacüaxchaü ga yema ore. Rü poxcupataügu tüxü napoxcuama ñuxmata nüxü tanaxütanü ga yema tümaärü ngetanü. ³¹—Rü yexguma togü ga yema äëxgacüaru duüxügü nüxü daugügu ga yema ngupetüxü, rü poraäcü naäëwa nangux ga yema naxüxü ga yema yatü. Rü norü corixütawa naxü rü nüxü nayarüxugüe ga guxüma ga yema ngupetüxü. ³²—Rü yexguma ga yema äëxgacü rü nanamu ga norü churaragü na naxütawa nagagüäxücëx ga yema yatü. Rü yexguma naxütawa nanguxgu, rü ñanagürü nüxü:

“Wüxi i chixexü i chorü duüxü quixü. Choma rü cuxü nüxü changechaü ga yema choxü cungetanüxü, erü choxü cucëëxü na tama cuxü chapoxcuxücëx. ³³—Rü cuma rü chita nüxü nüxü cungechaü i ngëma cumücü i cuxü nangetanüxü, yexgumarüü ga choma rü cuxü nüxü na changechaüxürüü ga yema choxü cungetanüxü”, ñanagürü nüxü. ³⁴—Rü poraäcü nanuxüchi ga yema äëxgacü. Rü norü churaragüxü namu na napoxcugüäxücëx ga yema yatü ñuxmata guxü nüxü naxütanü ga yema nüxü nangetanüxü —ñanagürü ga Ngechuchu. ³⁵ Rü ñuxüchi ñanagürü ta: —Rü ngëxgumarüü tá pemaã nanaxü ya Chaunatü ya daxügücü i ngëxguma tama wüxichigü aixcüma peenexëgüaxü nüxü perüngümaegu i ngema chixexü i pemaã naxüxü —ñanagürü.

19

Parichëügü rü Ngechuchuna nacagüe i táxmëxchiga (Mr 10.1-12; Lc 16.18)

¹ Rü yema ñaxguwena ga Ngechuchu rü ñaxüächü ga Garirëaarü naänewa. Rü natü ga Yudaäärü tocutüwa naxü ga Yudeaarü naänewa. ² Rü muxüma ga duüxügü nawe narüxü, rü nüma ga Ngechuchu rü yema nanameëxëë ga yema idaaweexü. ³ Rü Ngechuchucëx naxü ga ñuxre ga Parichëügü, rü nüxna nacagü rü ñanagürügü: —jCuxcëx namexü i wüxi i yatü na ñatáxmëxmarexü ega tacü rü chixexü taxüxgu ya naxmëx? —ñanagürügü. Rü yemaäcü nüxna nacagü yerü Ngechuchuxü chixexüxü nanguxëëgüchaü. ⁴ Rü Ngechuchu nanangäxü rü ñanagürü: —jTaguma ëxna nawa pengüe i ngëma Tupanaärü ore i ümatüxü i nüxü ixuxü ga noxri Tupana naxüxgu ga duüxügü, rü yatüxü rü ngecüxü na naxüxü? ⁵—Rü ñanagürü ga Tupana:

“Rü ngëmacëx ya yatü rü tá nanatü rü naëna nixügachi na namëxmaã ñaxäüxücëx. Rü ngëmaäcü i ngëma taxre rü ñoma wüxitama i duüxürüü tá nixügü”.

⁶—Rü ñuxüchi tama taxre nixü, rü wüxitama nixü. Rü ngëmacëx taxucürüwa texé nügüna tayaxügachitanüxëë i ngëma taxre i Tupana nügüna mugüxü —ñanagürü. ⁷ Rü yexguma Ngechuchuna nacagü rü ñanagürügü: —jTüxcüü nixü ga Moiché ga duüxügümaã nüxü yaxuxü rü ngëxguma texé tümamëxü itáxchaügu rü name nixü i wüxi i popera i tëxgüpane ngüxna taxä, rü ñuxüchi ngixü itatëx? ñaxü —ñanagürügü. ⁸ Rü Ngechuchu nanangäxü, rü ñanagürü nüxü: —Pegagu nixü ga Moiché ga tama pexna nachüxäxü na pexmëxü ipetäxü. Yerü nüma nüxü nacüex na tama aixcüma peyaxögüxü. Natürü noxriarü ügügu rü tama yemaäcü nixü. ⁹—Rü choma pemaã nüxü chixu rü tama name na texé tümamëxü itáxü ega tama naï ya yatümaã nangëäëxügagu yixügu. Rü ngëxguma chi yima yatü rü ñuxüchi naï i ngemaã naxäxmëxgu, rü chixexü naxü, rü ñoma naï i ngemaãmare nangëäëxürüü nixü. Rü texé ya ngümaã ämaxë i ngëma nge i ngite ngixü itëxü, rü ñoma naï i ngemaãmare itapexürüü tixü —ñanagürü ga Ngechuchu. ¹⁰ Rü ñuxüchi ga norü ngüexügü rü ñanagürügü nüxü: —Ega ngëmaäcü yixügu rü name nixü i noxtacüma tama naxämëx ya yatü rü tama ixäte i nge —ñanagürügü. ¹¹ Rü Ngechuchu norü ngüexügüxü nangäxü rü ñanagürü: —Taxucürüwa guxüma i duüxügü nüxü nacüex i tacüchiga na yixü i ngëma nguxëëtae. Natürü yixema Tupana tüxü nüxü cuëxëxëxicatama tixü ya nüxü cuëxgüxe. ¹²—Rü nangëxma i nagüxütraüxü i guxchaxü na tama naxämëxücëx ya yatü. Erü nümaxü i yatü rü woetama taxucürüwa naxämëx erü norü bucüma nangepüxüchare. Rü nümaxü i yatü rü taxucürüwa naxämëx erü nayauxpüxücharee. Rü togü tama naxämëx erü Tupanaärü ngüchaüxicatama

naxügüchañ. Rü texé ya ngēmaācū maxchaūxē rü marü name i ngēmaācū tamaxū – ñanagürü ga Ngechuchu.

*Ngechuchu rü buxügüxü nameāxē
(Mr 10.13-16; Lc 18.15-17)*

¹³ Rü duūxügü rü Ngechuchuxütawa nanagagü ga ñuxre ga buxügü na Ngechuchu nüxü ingögüxcēx rü namaā nayumüxcēx. Natürü ga Ngechuchuarü ngüexügü rü inanaxügüe ga na yangagüaxü ga yema duūxügü ga Ngechuchuxütawa buxügüxü gagüxü. ¹⁴ Natürü ga Ngechuchu rü ñanagürü nüxü ga norü ngüexügü: –Marü name i chauxütawa naxi i buxügü. ¡Rü täxü i nüxna penachuxuxü! Erü Tupana āëxgacü ííxíüwa rü tümacēx nixi ya yixema ñaā buxügürü meā yaxögüxe –ñanagürü. ¹⁵ Rü ñuxüchi ga Ngechuchu rü yema buxügüetü naxümēx. Rü yemawena inaxüächi ga yēma.

*Wüxi ga ngextüxcü ga dīeruāxüchicü Ngechuchumaā nidexa
(Mr 10.17-31; Lc 18.18-30)*

¹⁶ Rü wüxi ga ngextüxcü rü Ngechuchuxütawa nangu, rü nüxna naca, rü ñanagürü: –Pa Ngüexēruü ya Mecüx, ¿tacü tá chaxüxü na chanayaxuxüxcēx i maxü i taguma güxü? –ñanagürü. ¹⁷ Rü Ngechuchu nanangāxü rü ñanagürü nüxü: –¿Tüxcüü “Mecü” ñacurügü choxü? Erü Tupanaxitama nixi ya mecü íxü, rü nataxuma i to. Natürü ngēxguma cunayauxchaüga i maxü i taguma güxü, rü ñaga naxinü i Tupanaärü mugü –ñanagürü. ¹⁸ Rü yexguma ga guma ngextüxcü rü ñanagürü: –¿Ngēxüüxü tá nixi i Tupanaärü mugü i naga chaxinüxü? –ñanagürü. Rü Ngechuchu nanangāxü rü ñanagürü nüxü: –¡Täütäma cumäeta, rü täütäma naí i ngemaā icupe, rü täütäma cüngtēex, rü täütäma doraxü quixu i togüchigal ¹⁹ –¡Rü tümaga naxinü ya cunatü rü cue, rü nüxü nangechañ i cumüxcü ngēma na cugü cungechauxürü! –ñanagürü. ²⁰ Rü yexguma ga guma ngextüxcü rü ñanagürü: –Guxüma i ngēma mugü i nüxü quixuxü rü woetama chorü bucüma meā chayanguxē. ¿Rü ¿tacü rü to tá chaxü na choxü nangēxmaxüxcēx i maxü i taguma güxü? –ñanagürü. ²¹ Rü Ngechuchu nanangāxü rü ñanagürü nüxü: –Ega aixcüma Tupanapēxewa mecü quixixchaüga, rü name nixi i namaā cutaxe i guxüma i curü ngēmaxügü rü togü i ngearü ngēmaxüāxgüxüna cunaxā i ngēma curü natanü. Rü ngēxguma tá cuxü nangēxma i cuchica i daxügüxü i naānewa. Rü ñuxüchi marü name i chowe curüxü –ñanagürü. ²² Natürü yexguma yemaxü naxinüga ga guma ngextüxcü rü poraācü nangechañ, yerü namuarü dīeruāxüchi. ²³ Rü yexguma ga Ngechuchu rü norü ngüexügü ñanagürü: –Aixcüma pemaā nüxü chixu rü naguxchaxüchi nixi na wüxi i duūxü i dīeruāxüchixü rü Tupana āëxgacü ííxíüwa na nanguxü. ²⁴ –Rü aixcüma pemaā nüxü chixu rü ñoma wüxi i cameyu na taxucürüwama wüxi ya ucumaxētüwa naxüpetüxüärü yexera narüguxchamaē naxcēx i wüxi i duūxü i dīeruāxüchixü na yaxüxcüxü i ngextä Tupana āëxgacü ííxíüwa –ñanagürü. ²⁵ Rü yexguma yemaxü naxinüga ga norü ngüexügü rü poraācü nabēixächiaēgü. Rü nügüna nacagüe rü ñanagürü: –¿Rü texé tá ēxna tixi ya nayaxüxe i maxü i taguma güxü? –ñanagürü. ²⁶ Rü Ngechuchu nüxü nadawenü rü ñanagürü nüxü: –Duūxügü rü taxuacüma nügü namaxē, natürü Tupanaāxü rü natauxcha na namaxēxēāxü –ñanagürü. ²⁷ Rü yexguma ga Pedru rü ñanagürü nüxü: –Pa Corix, toma rü marü itanawogü ga guxüma ga torü yemaxügü na cuwe tarüxüxcēx. ¿Rü ¿tacü tá nixi i torü natanü i ñuxmax? –ñanagürü. ²⁸ Rü Ngechuchu nanangāxü rü ñanagürü nüxü: –Aixcüma pemaā nüxü chixu rü ngēma ngunexü i Tupana nagu nangexwacaxüxēxü i guxüma, rü choma rü āëxgacü ya tacü tá chixi. Rü chorü tochica i mexēchixüwa tá charüto. Rü pema i 12 i chorü ngüexügü na chowe perüxixü rü pema rü tá ta pexü nangēxma i perü tochicaxü i mexēchixü i chauxütawa. Rü ngema tá perütogü na norü maxüchigacēx nüxü picagüxü i guxüma i Yudügü. ²⁹ Rü guxäma ya yixema tümapata chauxcēx ítaxe, rü ēxna tümäeneēgü rü tümäeyēxgüxü chauxcēx ítaxe, rü ēxna tümamatü rü tümäxü chauxcēx ítaxe, rü ēxna tümamēx rü tümäxügüxü rü tümäärü naāne chauxcēx ítaxe, rü 100 ēxpüxcüna i ngēma noxri tüxü ngēmaxüärü yexera tá tayaxu. Rü naetü tá tanayaxu i maxü i taguma güxü. ³⁰ –Natürü muxüma i nümaxü i ñoma i naānewa duūxügü wixpēxewa ügüxēxü, rü daxügüxü i naānewa rü Tupana tá wixweama nanaxügüxē. Rü muxüma i nümaxü i ñoma i naānewa duūxügü wixweama ügüxēxü, rü daxügüxü i naānewa rü Tupana tá wixpēxewa nanaxügüxē.

20

Ore ga puracütanixügu ixuxü

¹ –Rü ngēma Tupana āëxgacü ííxíüwa rü ñoma wüxi ga ubanecüarü yora ga pēxmama norü puracütanixü na yadaucürü nixi. ² Rü yema puracütanixümaā nanamexē na wüxitchinü ga dīerugu nüxü na naxütanüāxüxcēx ga wüxichigü ga ngunexügu. Rü ñuxüchi naānewa nanamugü na yēma yapuracüexüxcēx. ³ –Rü yixcama ga 9 arü oragu rü ínayadau ga

ngextá yatügü ga puracücèx daugüxü ñngutaquèxegüxüxüwa. Rü yexma nüxü nayangau ga ñuxre ga yatügü ga ngearü puracüâxgüxü. ⁴—Rü ñanagürü nüxü:

“¡Ngema chorü ubanecüwa peyapuracüe! Rü meã tá pexü chanaxütanü”, ñanagürü. Rü nümagü rü yéma naxí. ⁵—Rü yema ubanecüarü yora rü tocuchigu rü wenaxârü togü ga puracütanüxü ta nayadau. Rü tomaèxpüxaru oragu ga yáuanecü rü wenaxârü yexgumarü ta nayadau. ⁶—Rü yixcama ga wüximèèxpüxaru oragu ga yáuanecü rü wenaxârü ñayadau ga ngextá yatügü ga puracücèx daugüxü ñngutaquèxegüxüxüwa. Rü yexma nüxü nayangau ga ñuxre ga togü ga yatügü ga ngearü puracüâxgüxü. Rü ñanagürü nüxü:

“¿Tüxcüü i pema rü nüxá perüchomare i guxü i ñoma i ngunexügu, rü tama pepuracüe?” ñanagürü. ⁷—Rü nümagü nanangâxügü, rü ñanagürügü nüxü:

“Tama tapuracüe erü taxüema toxçèx tadau na tüxü tapuracüexüçèx”, ñanagürügü. Rü yexguma ga yema naâneärü yora rü ñanagürü nüxü:

“¡Pema rü ta ngema chorü ubanecüwa pexü rü peyapuracüe! Rü meã tá pexü chanaxütanü”, ñanagürü. ⁸—Rü yexguma marü nachütagu rü yema naâneärü yora, rü naxçèx naca ga norü puracütanüxüârü dauruü, rü ñanagürü nüxü:

“¡Naxçèx naca i ngëma puracütanüxü. Rü nüxíra nüxü naxütanü i ngëma wixwenaxüchima ngema íxü, rü nawa tá ícuyacuèxèè i ngëma nüxíra ngema puracüexü!” ñanagürü. ⁹—Rü yéma naxí ga yema puracütanüxü ga wüximèèxpüxaru oragu ga yáuanecü puracüwa íxü. Rü wüxichigü ngíxü nayauxgü ga wüxítachinü ga díeru. ¹⁰—Rü yemawena rü yéma naxí ga yema nüxírama puracüexü ga puracütanüxü. Rü nümagü nagu naxíñüègu rü yexera tá ngíxü nayauxgü ga díeru, natürü nümagü rü ta ngíxü nayauxgü ga wüxítachinütama ga díeru ga wüxichigü. ¹¹—Rü yexguma ngíxü nayauxgügu rü ñanaxügüè ga chixri na yadexagüxü nachigagu ga yema naâneärü yora. ¹²—Rü ñanagürügü:

“Yíxema rü guxü i ngunexügu üècxüetüwa tapuracüe, natürü i ñaã puracütanüxü i wixwenaxüchi ñngugüxü rü wüxi i oratama napuracüe. Natürü ngëma tüxü naxütanüxüèèxpüxatama nüxü nanaxütanü”, ñanagürügü. ¹³—Natürü ga yema ubanecüarü yora nanangâxü, rü ñanagürü nüxü ga wüxi ga yema puracütanüxü:

“Pa Chomücüx, tama cuxü changíx. ¿Tama èxna i wüxítachinügu yíxü ga chomaã cunamexèèxü na cuxü chanaxütanüxü i ngëma puracü? ¹⁴—¡Ñaã i curü díeru, rü íxü! Rü ngëma puracütanüxü i wüxi i oratama puracüexü, rü choma nüxna ngíxü chaxâxchaü i ngëma cuxna ngíxü chaxâcüèxpüx. ¹⁵—¿Tama èxna name i ngëma choma chanaxwèxèxüâcúma ngímaã na chaxüxü i chorü díeru? ¿Rü èxna quixâxüachi erü ngëmaâcü chamecüma?” ñanagürü. ¹⁶—Rü yixema ñuxma duüxügü wixweama tüxü ügüxèèxè, rü daxügüxü i nañewa rü Tupana tá wixpèxewa tüxü naxügüxèè. Rü yixema ñuxma duüxügü wixpèxewa tüxü ügüxèèxè rü daxügüxü i nañewa rü Tupana tá wixweama tüxü naxügüxèè. Erü Tupana rü muxüchiena naxu, natürü noxretama tixí ya yíxema tüxü nadexe —ñanagürü ga Ngechuchu.

Ngechuchu rü norü tomaèxpüçina nanaxunagü ga norü yuxchiga

(Mr 10.32-34; Lc 18.31-34)

¹⁷ Rü yexguma namagu yaxüxgu ga Ngechuchu ga Yerucharéüwa na naxüxü rü noxrüwama naxçèx naca ga yema 12 ga norü ngüexügü, rü ñanagürü nüxü: ¹⁸—Pema nüxü pecüèx na marü ingaicaxü na Yerucharéüwa ñngugüxü. Rü ngema rü duüxügü rü tá chixri chomaã nachopetü. Rü tá paigüarü àèxgacügü rü ngüexèèruügu i ore i mugüwa ngüèètaegüxüna tá choxü namugü. Rü nümagü rü tá chomaã nanaxuegügu na chayuxüçèx. ¹⁹—Rü tá to i nachüñanecüâxna choxü namugü. Rü ngëmagü tá nixí i chaugu idauxçuraügüxü rü choxü cuaixgüxü. Rü ñuxüchi tá curuchawa choxü nipotagü na ngëxma chayuxüçèx. Natürü tomaèxpüx i ngunexüguwena rü tá wenaxârü chamaxü —ñanagürü.

Wüxi ga ngüxèèçèx íca ga Chaütiágu rü Cuáüârü mamá

(Mr 10.35-40)

²⁰ Rü yéma iyexma ga naè ga Chaütiágu rü Cuáü. Rü yema taxre rü Zebedéu nanegü nixígü. Rü ngíma rü Ngechuchüçèx iyaxü namaã ga yema taxre ga ngínegü. Rü Ngechuchupèxegu iyacaxâpüxü, rü wüxi ga ngüxèèçèx nüxna iyaca. ²¹ Rü nüma ngíxna naca, rü ñanagürü: —¿Tacü nixí i cunaxwèxèxü? —ñanagürü. Rü ngíma ñanangâxü rü ngígürügü: —Pa Corix, ngëxguma àèxgacüxü quingucuchigu rü chanaxwèxe i cunamu na wüxi i ñaã chaune rü curü tügüncüwawa na natoxü, rü ngëma to i curü toxwecüwawa na natoxü —ngígürügü. ²² Natürü Ngechuchu ngíxü ñanangâxü rü ñanagürü: —Pema rü tama nüxü pecüèx na tacüçèx ípeçaxü. ¿Namaxá chi peporaexü i ngëma ngüxü i tá choxü üpetüxü? —ñanagürü. Rü nümagü nanangâxügü rü ñanagürügü: —Ngëmaâcü namaã tá taporae —ñanagürügü. ²³ Rü Ngechuchu nanangâxü rü ñanagürü nüxü: —Aixçüma tá nixí i chauxrü ngüxü pingegüxü. Natürü ngëma chorü tügüncüwawa rü chorü toxwecüwawa na perütögüxüçèx, rü tama choxmèxwa nangèxma na pexna chanaxâxü. Rü Chaunatumèxèwa

nixi na nangëmaxü i ngëma, rü nüma tá tuxna nanaxä ya yixema tümacëx íyíxë —ñanagürü. ²⁴ Rü yexguma yemaxü naxinüëgu ga yema togü ga 10 ga Ngechucharü ngüxügü, rü Chaütiágumaã rü Cuáümaã nanuë. ²⁵ Natürü Ngechuchu naxcëx naca rü ñanagürü nüxü: —Pema nüxü pecuëx rü guxü i nachüñanëgüarü äëxgacügü rü poraäcü nanamu i norü duüxügü. Rü ngëma äëxgacügü i taxügü rü norü duüxügüarü yora nügu nixigüxëë. ²⁶ —Natürü täütama ngëmaäcü nixi i petanüwa. Rü ngëxuma texë naxwëxegu na äëxgacü tixü i petanüwa, rü name nixi i noxri rü guxäärü ngüxëëruü tixi. ²⁷ —Rü ngëxuma chi texë i petanüwa naxwëxegu na tümamücügüeru na tixü, rü name nixi i noxri rü guxüma i tümamücügüarü ngüxëëruü tixi. ²⁸ —Yerü chomatama i Tupana Nane na duüxüxü chiüxü rü tama togü choxü rüngüxëëxüxcëx nixi i núma chaxüxü. Natürü núma chaxüxü na duüxügüxü charüngüxëëxüxcëx rü naxcëx na chayuxüxcëx rü ngëmaäcü chanaxütanüxüxcëx na muxüma i nümagü rü nüxü nangëmaxüxcëx i maxü i taguma güxü —ñanagürü.

Ngechuchu nanameëxëë ga taxre ga ngexetügüxü

(Mr 10. 46-52; Lc 18.35-43)

²⁹ Rü yexguma Ngechuchu norü ngüxügümaã Yericüarü ñanewa íchoüxgu, rü muxüma ga duüxügü nawe narüxü. ³⁰ Rü yéma namacüwawa narütogü ga taxre ga ingexetüxü. Rü yexguma nüxü naxinüëgu na Ngechuchu yéma üpetüxü, rü tagaäcü Ngechuchuna nacagüe, rü ñanagürügü: —Pa Corix, Pa Dabitanüxüx, ¡Cuxü tangechaütümügü! —ñanagürügü. ³¹ Rü yema duüxügü ga Ngechuchuwe rüxixü rü nayangagü na iyanangeëxgüxüxcëx. Natürü nümagü ga yema ingexetüxü rü yexeraäcü Ngechuchuna nacagüe, rü ñanagürügü: —Pa Corix, Pa Dabitanüxüx, ¡cuxü tangechaütümügü! —ñanagürügü. ³² Rü yexguma ga Ngechuchu rü yexma nayachiächi rü naxcëx naca ga yema ingexetüxü. Rü nüxna naca rü ñanagürü: —¿Tacü i penaxwëxëxü na pexcëx chanaxüxü? —ñanagürü. ³³ Rü nümagü nanangäxügü rü ñanagürügü: —Pa Corix, tanaxwëxe na toxü quidauchitanügüxëëxü —ñanagürügü. ³⁴ Rü yexguma ga Ngechuchu rü nüxü nangechaütümügü, rü naxëtügügu ningögü. Rü yexgumatama nidauchigü, rü Ngechuchuwe narüxü.

21

Yerucharëügu naxücu ga Ngechuchu

(Mr 11.1-11; Lc 19.28-40; Cu 12.12-19)

¹ Rü yexguma marü yangaicagügu ga Yerucharëüwa na nangugüxü, rü nawa nangugü ga guma ñane ga Bechaguë ga Oribunecüarü mëxpüneärü ngaicamana yexmane. Rü Ngechuchu nanamu ga taxre ga norü ngüxügü. ² Rü ñanagürü nüxü: —¡Gua törü toxmëxtawa ngëxmane ya ñanëxäcüwa pexü! Rü ngëxma tá ngixü pengau i wüxi i buru i ngëxma ngüxcücu namaã i wüxi i ngixäcü i yatüxü i ngixütagu irüxäüxü. ¡Rü ngixü piwëxü, rü nuã chauxütawa ngixü pega namaã i ngixäcü! ³ Rü ngëxguma texë pexna caxgu na ¡acüxcëx ngixü piwëxüxü, ¡rü tümamaã nüxü pixu rü ñapegügü:

“Torü Cori nangixwëxe namaã i ngixäcü, natürü paxa tá ngixü nawoëguxëë”, ñapegügü tixü! —ñanagürü. ⁴ Rü yema naxüpetü yerü yemaäcü Tupana nayanguxëë ga norü ore ga nuxcümaüxü ga norü orearü uruü ümatüxü ga ñaxü:

⁵ “¡Yerucharëücüäxgümaã nüxü pixu rü ñapegü: ‘¡Düxcëx ya perü äëxgacü ya nuã pexütawa ücü! Rü nüma rü tama nügu yacuëxüüäcü ínangu, rü wüxi i buruxacüëtügumare naxaunagü!’ ”

ñanagürü ga yema ore. ⁶ Rü yexguma ga yema taxre ga norü ngüxügü rü yéma naxü, rü nanaxügü ga yema Ngechuchu namaã nüxü ixuxü. ⁷ Rü Ngechuchuxütawa ngixü nagagü ga yema buru ngixacümaã. Rü yema norü ngüxügü rü naxchirumaã nanaçhatagü ga yema ngixacü, rü ñixüchi ga Ngechuchu rü natagu naxaunagü. ⁸ Rü yema muxüma ga duüxügü ga nawe rüxixü rü naxchirumaã nayaçhamatanü ga nama. Rü togü rü naixätü ta nadaügü rü yemamaã nayaçhamatanü ga nama. ⁹ Rü yema duüxügü ga napëxegu ägüxü, rü yema togü ga wixweama ägüxü, rü tagaäcü ñanagürügü: —¡Nüxü ticuëxüxügü ya daa äëxgacü ya Dabitanüxü! ¡Rü namecümäxüchi ya daa Tupanaëgagu núma ücü! ¡Rü pema rü ta, Pa Daxücüäx, rü nüxü picuëxüxügü ya Tupana! —ñanagürügü. ¹⁰ Rü yexguma Ngechuchu Yerucharëüwa ixücuxgu, rü guxüma ga yema ñanëcüäx rü nanaxixüächiäëgü, rü ñanagürügü: —¿Texe nixi ya daa? —ñanagürügü. ¹¹ Rü yema Ngechuchuwe rüxixü ga duüxügü rü nanangäxügü rü ñanagürügü: —Daa nixi ya Tupanaärü orearü uruü ya Ngechuchu ya Garirëaanewa ngëxmane ya ñane ya Nacharëtücüäx ixücü —ñanagürügü.

Ngechuchu rü tupauca ga taxünewa ínanawoxü ga duüxügü ga yéma taxëgüxü

(Mr 11.15-19; Lc 19.45-48; Cu 2.13-22)

¹² Rü tupauca ga taxünegu naxücu ga Ngechuchu, rü ínanawoxü ga yema yéma ¡acümaã taxëgüxü rü naxcëx taxëgüxü. Rü nanangüëgutanü ga norü mechagü ga yema duüxügü ga

yéma Tupanaarü ämarewa mexü ga diêrumaã taxegüxü rü muxtucugümaã taxegüxü. ¹³ Rü ñanagürü nüxü ga yema duüxüü: —Tupanaarü ore i ümatüxüwa rü ñanagürü: “Chopata rü yumüxëpataü nixü”.

Natürü pema rü ngüteëxgüxüpataü peyaxüxëë —ñanagürü. ¹⁴ Rü yéma tupauca ga taxüñewa rü Ngechuchucë naxü ga ñuxre ga ingexetügüxü rü ichixeparagüxü. Rü Ngechuchu nanameëxëë. ¹⁵ Natürü ga paigüarü äëxgacügü rü ngüxëëruüüü ga ore ga mugüwa ngüxëëtaegüxü, rü nüxü nadaugü ga yema mexüüü ga taxüüü ga Tupanaarü poramaã naxüxü ga Ngechuchu rü buxüüü naxüñüë ga na ñagüxü: —ñamexëchi ya daa äëxgacü ya Ngechuchu ya Dabitanüxü! —ñagüxü. Rü yemacëx ga yema äëxgacügü rü nanuë. ¹⁶ Rü ñanagürüüü Ngechuchuxü: —¿Nüxü cuxüñüxü i ngëma buxüüü namaã idexagüxü? —ñanagürüüü. Rü Ngechuchu nanangäxü, rü ñanagürü: —Ngü, nüxü chaxüñü. ¿Natürü taguma êxna nawa pengüë i Tupanaarü ore i ümatüxü i ñaxü:

“Rü ngëma buxüüü i íraxüchixü rü õxchanagü rü tá ta cuxü nicuëxüüüü”, ñaxü? —ñanagürü. ¹⁷ Rü yexguma ga Ngechuchu rü nüxna yema nixü, rü ñuxüchi ínaxüxü ga guma ñanewa. Rü ñäna ga Betaniawa naxü, rü yexma nayape.

Ngechuchu rü orix ga iguera ga ngearü õxümaã chixexü naxuegu
(Mr 11.12-14, 20-26)

¹⁸ Rü moxüäcü ga pëxmama rü yexguma wenaxärü Yerucharëcëx nataegugu ga Ngechuchu rü nataiya. ¹⁹ Rü namacüwawa nüxü nadau ga wüxi ga orix ga iguera. Rü naxcëx nixü, natürü taxuüma ga norü oxü inayangau, rü naätüxüxícatama inayangau. Rü yemacëx ñanagürü nüxü ga yema orix: —Rü tagutáma wena cuxox, —ñanagürü. Rü yexgumatama narüñexë ga yema orix. ²⁰ Rü yexguma yemaxü nadaugüüü ga norü ngüxüüü, rü nabëjxächíäëgü. Rü Ngechuchuna nacagüë rü ñanagürüüü: —¿Rü ñuxäcü i ñäã orix i paxama nañexëxü? —ñanagürüüü. ²¹ Rü Ngechuchu nanangäxü rü ñanagürü: —Aixcüma pemaã nüxü chixu rü ngëxguma chi meã peyaxögüüü rü tama ngëma igueramaã chaxüxüxíca chi pexü. Natürü yexeraxü chi pexü. Rü ngëxguma chi daa mëxpünemaã nüxü pixuxgu na yaxüügachixücëx rü taxü i taxüchiüwa naxüxücëx, rü pega chi naxüñü. ²² Rü guxüma i tacü i naxcëx ípëcaxü i perü yumüxëwa, rü tá penayauxgü ega aixcüma peyaxögüäcüma naxcëx ípëcaxgu.

Ngechuchuna nacagüë na texégagu tupauca ga taxüñewa nangüxëëtaexü
(Mr 11.27-33; Lc 20.1-8)

²³ Rü Ngechuchu rü tupauca ga taxüñegu naxücü. Rü yexguma yéma ínanguxëëtaeyane rü naxcëx naxü ga paigüarü äëxgacügü rü Yudiüüarü äëxgacügüerüüü. Rü Ngechuchuna nacagüë rü ñanagürüüü: —¿Rü texégagu nixü i cunaxüxü i ngëma núma cuxüxü? ¿Rü texé cuxü tamu na cunaxüxücëx i ngëma? —ñanagürüüü. ²⁴⁻²⁵ Rü Ngechuchu nanangäxü rü ñanagürü: —Choma rü tá ta pexna chaca, rü ngëxguma choxü pengäxüüü i ngëma pexna naxcëx chaçaxü, rü choma rü tá ta pemaã nüxü chixu na ngëxüüüüü i äëxgacü na choxü muxü na nuã changüxëëtaexü. ¿Rü texé tanamu ga Cuáü na duüxüüüüü ínabaiüxëëxücëx? ¿Pëxcëx rü Tupana yixü ga namucü rü êxna duüxüüüüü? —ñanagürü. Rü yexguma ga yema äëxgacügü rü ínanaxüüü ga nügümaã na yaporagatanücüüüxü. Rü nügümaãtama ñanagürüüü: —¿Nüxü ñagüüüüü tá? Erü ngëxguma chi nüxü íxuxgu na Tupana núma namuxü rü núma rü tá ñanagürü xüxü:

“¿Rü tüxücüü ga tama nüxü peyaxögüxü?” ñanagürü tá. ²⁶ —Rü ngëxguma chi nüxü íxuxgu na yatügüüüüü núma namuxü rü taxcëx rü tá naxäücüma, erü duüxüüüüü tá tüxüüüüü nadaí. Erü nümagü i duüxüüüüü rü nagu narüxüñüë na Tupana yixü ga Cuáüxü núma mucü —ñanagürüüü. ²⁷ Rü yemacëx Ngechuchuxü nangäxüüü rü ñanagürüüü: —Tama nüxü tacüëx ga texé núma na namuxü ga Cuáü ga baiüxëëruü —ñanagürüüü. Rü yexguma ga Ngechuchu rü ñanagürü nüxü: —Choma rü tá ta táütáma pemaã nüxü chixu na texé choxü muxü na chanaxüxü i ngëma choxna naxcëx peçaxü —ñanagürü.

Ore ga taxre ga nanegüüü íxuxü

²⁸ Rü ñanagürü ta ga Ngechuchu —¿Nüxü ñapegüxü naxcëx i ñäã ore i tá pemaã nüxü chixuxü? Rü wüxi ga yatü rü nüxü nayexma ga taxre ga nane. Rü wüxi ga guma nanemaã nüxü nixu rü ñanagürü nüxü:

“Pa Chaunex, chanaxwëxe i yéa chorü ubaarü buxüüwa cuyapuracü”, ñanagürü. ²⁹ —Rü guma nane nanangäxü rü ñanagürü:

“Choxü nawëxtümüü na ngema chaxüxü”, ñanagürü. Natürü ga yixcamaxüra rü nagu narüxüñü rü düxwa yéma nayapuracü. ³⁰ —Rü yixcüra ga guma nanatü rü naí ga nanexütawa naxü, rü yexgumarüü ta nüxü yema ñanagürü. Rü guma nane nanangäxü rü ñanagürü:

“Marü name, Pa Pa, rü ngema tá chaxü”, ñanagürü. Natürü tama aixcüma yéma naxü. ³¹ —Rü ñuxma chanaxwëxe i chomaã nüxü pixu rü ngëxçürüüüüü ga guma taxre ga nane

ga aixcūma naxūcū ga yema nanatū naxwèxexū —ñanagürü. Rū nūmagū nanangāxūgū rü ñanagürügū: —Ga guma nūxīra namuācū nixī ga naga ĩnūcū —ñanagürügū. Rū yexguma ga Ngechuchu rü ñanagürü nūxū: —Aixcūma pemaā nūxū chixu rü ngēma yatūgū i Dumaārū āēxgacūcēx dīeru ngīxū dexū rü ngēma ngexūgū i chixri maxēxū tá nixī i pexūpa nūxīra ichocuxū i ngextá Tupana āēxgacū ĩxīxūwa. ³²—Yerū Cuātū ga baiūxēerū rü nūma naxū na pemaā nūxū yaxuxūcēx na ĩuxācū tá na pemaxēxū, natürü ga pema rü tama nūxū peyaxōgū. Natürü ga yema yatūgū ga Dumaārū āēxgacūcēx dīeru ngīxū dexū rü yema ngexūgū ga chixri maxēxū rü Cuātūāxū nayaxōgū. Natürü ga pema rü woo nūxū na pedaxūgū ga ĩuxācū na yaxōgūāxū, rü tama nūxū perūxoechaū i pecūma i chixexū na peyaxōgūxūcēx —ñanagürü.

Ore ga chixexū ga puracūtanūxūgū ĩxuxū
(Mr 12.1-12; Lc 20.9-19)

³³ Rū ñanagürü ta ga Ngechuchu: —Rū chanaxwēxe i iperūxīnūē i ñāā to i ore i cuēxruū i tá pemaā nūxū chixuxū. Rū nayexma ga wūxi ga yatū ga nūxū nayexmacū ga wūxi ga norū naāne. Rū yexma nanato ga muxūma ga orīx ga uba. Rū ĩuxūchi ĩnanapoxegu, rü nanaxū ga wūxi ga ubaarū yaxūxūcēx rü wūxi ga dauxūtaechica. Rū ĩuxūchi ĩuxre ga puracūtanūxūna nūxū nadauxēē. Rū namaā nanamexēē na ngāxūgū namaā ngīxū yatoyexūcēx ga yema ubatanū. Rū ĩuxūchi ga yema naāneārū yora rü wūxi ga to ga nachīūāne ga yaxūguxūwa naxū. ³⁴—Rū yexguma norū ubaarū buxgūwa nangxgu, rü yema naāneārū yora rü yēma nanamugū ga ĩuxre ga norū duūxūgū na yema puracūtanūxūna ngīxcēx yaçaxūcēx ga yema ubatanū ga nūxna ũcū. ³⁵ Natürü ga yema puracūtanūxūgū rü ĩnanayauxū ga yema coriarū duūxūgū. Rū nanaçuaixgū ga wūxi, rü ga to rü nayamēxūchigū, rü ga yema to rü nutamaā ĩnanamuxūchigū. ³⁶—Rū yema naāneārū yora rü wenaxārū noxriarū yexera rūmumaēxū ga norū duūxūgū yēma namugū. Natürü ga yema puracūtanūxūgū rü yema togürūūtama chixri namaā nachopetū. ³⁷—Rū dūxwa ga yema naāneārū yora rü yēma nanexūchixū namu yerū nūma nagu naxīnūgū rü chi nanega naxīnūē ga yema puracūtanūxūgū. ³⁸—Natürü yexguma yema cori nanexū nadaugūga yema puracūtanūxūgū, rü nūgūmaā ñanagürügū:

“Ngēmaārū tá nixī i ñāā naāne i yīxcama. ĩRū ngīxā tayamēxgū na tóxrū yīxūcēx!” ñanagürügū. ³⁹—Rū nayayauxgū, rü toxnamana nanagagū, rü yexma nayamēxgū —ñanagürü. ⁴⁰ Rū yexguma ga Ngechuchu rü yema paigūarū āēxgacūgūna naca rü ñanagürü: —ĭRū ngēxguma ĩnanguxgu i ngēma naāneārū yora, rü taçū tá yema puracūtanūxūmaā naxū? —ñanagürü. ⁴¹ Rū yema āēxgacūgū rü Ngechuchuxū nangāxūgū, rü ñanagürügū: —Ngēma naāneārū yora rü tama nūxū nangechaūtūmūlācūma tá nanadai i ngēma puracūtanūxūgū i chixri maxēxū. Rū ĩuxūchi togū i puracūtanūxūgū i meā namaā ngīxū itoyexū i dīeruna tá nūxū nadauxēē —ñanagürügū. ⁴² Rū Ngechuchu rü ñanagürü nūxū: —ĭTaguma ēxna nawa pengūē i Tupanaārū ore i ũmatūxū? Erū ngēmawa rü ñanagürü:

“Rū yima nuta ya mecū ya ĩarū ũruūgū nūxū oechirécū rü ĩuxma rü yimatama nixī ya Tupana nūxīra yaxūcuchicū na namaā ĩnaxūgūāxūcēx ya ĩpata. Rū tóru Cori ya Tupana nixī ga naxūcū ga yema, rü ĩuxma rü namexēchi i taxcēx”, ñanagürü i ngēma ore. ⁴³—Rū ngēmacēx pemaā nūxū chixu rü woo pexcēxchirēx na yīxū i ngēma naāne i ngextá Tupana āēxgacū ĩxīxūwa, natürü pexna tá nanapu. Rū togū i duūxūgū i aixcūma Tupanaga ĩnūēxūna tá nanaxū. ⁴⁴—Rū yima nuta ega texē namaā yarūñaxgu rü tá itapoūgū. Rū yīxema tūmaetūgu nanguxe ya yima nuta, rü tá tūxū ĩñāñxmū —ñanagürü ga Ngechuchu. ⁴⁵ Rū yexguma ga paigūarū āēxgacūgū rü Parichēugū nūxū ĩnūēgu ga yema ore ga cuēxruū ga Ngechuchu namaā nūxū ĩxuxū, rü nūxū nicūēāchitanū ga nachīga na yīxū ga yema ore. ⁴⁶ Rū yexgumatama ga yema āēxgacūgū rü Ngechuchuxū niyauxgūēga. Natürü taxucūrūwama nayayauxgū yerū duūxūgūxū namuūē, yerū nūmagū ga duūxūgū rü nayaxōgū ga aixcūma Tupanaārū orearū uruū na yīxū ga Ngechuchu.

22

Ore ga ngīgūarū petagu ĩxuxū
(Lc 14.15-24)

¹ Rū Ngechuchu rü wenaxārū nanangūexēē. Rū ore ga cuēxruūga namaā nayaxu, rü ñanagürü nūxū: ²—Rū ngēma Tupana na āēxgacū ĩxīxū rü ñoma wūxi ga nachīūāneārū āēxgacū ga naneārū ngīgū ũchīūcūrūū nixī. ³—Rū norū duūxūgūxū namu na naxcēx yaçaxūcēx ga yema duūxūgū ga marū ũpaacū nūxna naxuxū. Natürü yema duūxūgū ga marū nūxna naxuchirēxū rü tama yēma naxīxchaū. ⁴—Rū wenaxārū togū ga norū duūxūgūxū yēma namugū. Rū ñanagürü nūxū:

“ĭNgēma pexī naxūtawa i ngēma duūxūgū i nūxna chaxuchirēxū, rü namaā nūxū peyarūxu rü marū ĩname i chorū ũna i taxū. Rū marū chanadai i chorū wocagū i ĩngūexū

rü guxüma marü ínamemare. Rü chanaxwèxe i paxa nuã naxí naxcèx i ñaã chorü peta!" ñanagürü. ⁵ —Natürü yema duüxügü ga nüxna naxuchiréxü rü tama naga naxínüë. Rü wüxi rü naãnewa naxü, rü ga to rü norü taxepataüwa naxü. ⁶ —Rü ga togü rü yema ãëxgacüaru duüxügüxü ñayauxü rü nayaçuaixgü ñuxmata nayuxëëã. ⁷ —Rü yexguma ga guma ãëxgacü rü poraãcü nanu. Rü norü churaragüxü yéma namugü na yadaiaüxcèx ga yema duüxügü ga máëtagüxü, rü na yagugüãxcèx ga guma norü ñane. ⁸ —Rü ñuxüchi ñanagürü nüxü ga norü duüxügü:

"Guxüma i chorü peta rü marü ínamemare. Naturü ga yema duüxügü ga nüxna chaxuchiréxü rü woetama nüxü chaxo na nuã naxíxcèx. ⁹ —¡Rü yéa taxü i ítamüwa pexí, rü nüxna peyaxu i guxü i duüxügü i ngema nüxü pedauxü, na núma chorü petawa naxíxcèx!" ñanagürü. ¹⁰ —Rü yema ãëxgacüaru duüxügü rü yéma ítamüwa naxí. Rü nüxna nixuetanü ga guxüma ga duüxügü ga mexügü rü chixexügü ga nüxü iyangaugüxü. Rü yemaãcü duüxügümaã nanapa ga guma ãëxgacüpata. ¹¹ —Rü yexguma ga guma ãëxgacü rü nixücu nawa ga yema ucapu ga nawa peta naxüxü, yerü ñayadau ga yema duüxügü ga nüxna naxuxü. Naturü yéma nüxü nadau ga wüxi ga yatü ga tama norü ngëãëchirugu icüxü. ¹² —Rü ñanagürü nüxü:

"Pa Chomücüx çñuxácü i nuxã cuxücüxü na tama curü ngëãëchirugu quicüxü?" ñanagürü. Naturü núma ga yema yatü rü nangeëxmare. ¹³ —Rü yexguma ga guma ãëxgacü rü ñanagürü nüxü ga yema norü duüxügü:

"¡Meã peyanëixpara rü peyanëixchacüügü i ñaã yatü, rü yéma düxétüwa i poraãcü ñaxëãnexüwa peyatá! Rü ngema tá narüdoxü rü tá nixütxchapüta erü poraãcü tá nüxü nangux", ñanagürü. ¹⁴ —Rü Tupana rü muxüchiena naxu, naturü noxretama tixí ya yíxema aixcüma Tupana tüxü ndexe —ñanagürü ga Ngechuchu.

*Dïeru i ãëxgacüna ngixü ixãcüchiga
(Mr 12.13-17; Lc 20.20-26)*

¹⁵ Rü yexguma ga Parichéügü rü nixígachi. Rü noxrüwama nügümaã nayamexëëgü na tacü rü oremaã tá Ngechuchuna nacagüexücèx na chixexügu nanguxëëgüãxcèx rü ñuxüchi ãëxgacüxütawa na ñaxuaxügüãxcèx. ¹⁶ Rü yemacèx Ngechuchuxütawa nanamugü ga ñuxre ga norü duüxügü namaã ga ñuxre ga Erodearu duüxügü na yema oremaã Ngechuchuna na yacagüexücèx. Rü yexguma Ngechuchuxütawa nangugü rü ñanagürügü: —Pa Ngüxëëruüx, nüxü tacuèx rü aixcüma nixí i ngéma nüxü quixüxü i curü ore. Rü aixcüma cunangüxëë i duüxügü na Tupana naxwëxëdüãcüma namaxëxücèx. Rü tama duüxügügamare cuxínü, erü tama norü düxétüxünegu cudawenü, naturü nacüma nixí i cungugüxü. ¹⁷ —¡Rü tomaã nüxü ixu! rü ngéma dïeru ya ãëxgacü ya tacü ya Dumacüãx totanüwa yayauxchãxü, çrü namexü yíxü na nüxna ngëxü taxãxü rü ñna tama? —ñanagürügü. ¹⁸ Naturü Ngechuchu nüxü nacüëxama na chixexügu naxínüëxü ga yema duüxügü, rü yemacèx ñanagürü nüxü: —Pema nixí i togüpëxewa meã pemaxënetaxü, naturü peãëwa rü chixexügu perüxínüë. çRü tüxcüü i chixexügu choxü penguxëëchãxü? ¹⁹ —¡Choxü ngixü pewé i wüxi i dïeru i ngémaã ãëxgacüaxü penaxütanücü! —ñanagürü. Rü yéma naxütawa ngixü nangegü ga wüxítachinü ga yema dïeru. ²⁰ Rü yexguma Ngechuchu ngixü dëuxgu, rü nüxna naca, rü ñanagürü —¡Rü texéhicünëxã rü texéëga nixí i ngígu üxü? —ñanagürü. ²¹ Rü nümagü nanangãxügü, rü ñanagürügü: —Dumacüãx ya ãëxgacü ya tacüchicünëxã nixí —ñanagürügü. Rü yexguma ga Ngechuchu rü ñanagürü nüxü: —¡ãëxgacüna ngixü pexã i ngéma ãëxgacüaru ixícü, rü Tupanana ngixü pexã i ngéma Tupanaãrü ixícü! —ñanagürü. ²² Rü yexguma yema orexü naxínüëgu, rü nabëixächiaëgü. Rü Ngechuchuna inixí.

*Ngechuchuna nacagüe rü ngoxi yuwa ínadagü i duüxügü
(Mr 12.18-27; Lc 20.27-40)*

²³ Rü yematama ngunexügu rü ñuxre ga Chaduchéügü rü Ngechuchuxütawa naxí. Rü nümagü nixí ga nagu naxínüëxü na yuxü rü tagutáma wena namaxëxü. Rü yemacèx Ngechuchuna nacagüe, rü ñanagürügü: ²⁴ —Pa Ngüxëëruüx, Moíché nüxü ixuxgu rü ngëxguma wüxi ya yatü naxãmèx rü nangexacüyane nayuxgu, rü name nixí i naëneëtama ngímaã naxãmèx i ngéma yutecü i naxümmèx, na ngémaãcü naxããcüxcèx nüxü ya yima naëneë ya marü yucü —ñanagürü ga yema ore. ²⁵ Rü ñanagürügü ta ga Chaduchéügü: —Nayexma ga totanüwa ga 7 ga nügüeneë. Rü naxãmèx ga guma yacü, naturü tauta naxããcüyane nayu. Rü yexguma ga naí ga naëneë nüxí ngímaã naxãmèx ga yema ngecü. ²⁶ —Rü guma rü ta nayu, rü nangexacü. Rü yexguma rü naí ga naëneë nüxí ngímaã naxãmèx. Rü yemaãcü gucüma ga guma 7 ga nügüeneë rü ngímaã naxãmèx ga yema nge. Rü gucüma nayue tauta naxããcüyane. ²⁷ —Rü yemawena rü ngíma rü ta iyu ga yema nge. ²⁸ —Rü ngëxguma yuxü wena maxëgu, çrü ngexcürüücü ga guma 7 ga nügüeneë naxmèx tá iyixí i ngéma nge? Yerü gucüma ga guma 7 ga nügüeneë ngímaã naxãmèx —ñanagürügü. ²⁹ Rü

yexguma ga Ngechuchu rü nanangãxü, rü ñanagürü: —Pema rü ípetüe erü tama nüxü pecuèx i Tupanaärü ore i ùmatüxü, rü tama nüxü pecuèx i ñuxãcü i Tupanaärü pora. ³⁰—Rü ngëxguma yuexü wena maxëgu rü taxüetãma tixãmëxgü rü éxna tixãtegü. Erü daxüçüãx i Tupanaärü orearü ngeruüñgürüü tá tixigü i ngëxguma. ³¹—Pema choxna peca i yuexüärü dagüchiga. ¿Natürü tama éxna nawa pengüe i Tupanaärü ore i ùmatüxü i ngextã Tupanatama ngëmachigaxü pemaã íyaxuxüwa? Erü ngema rü ñanagürü ya Tupana: ³²“Choma nixi i Abrãütãrü Tupana, rü Ichaäärü Tupana, rü Acobuarü Tupana”, ñanagürü. Rü ngëma orewa nüxü tacuèx rü woo ñoma i nañewa nayuegu i duüxügü, natürü Tupanaärü ñüwa rü guxüdguma namaxë —ñanagürü ga Ngechuchu. ³³Rü yexguma yemaxü naxinüëgu ga duüxügü, rü guxüma nabëjãchiãëgü namaã ga norü nguxëëtae ga Ngechuchu.

Ngëma Tupanaärü mu i guxü i norü mugüarü yexera ixixü
(Mr 12.28-34)

³⁴Rü nangutaguëxegü ga Parichëügü ga yexguma nüxü naxinüëgu ga ñuxãcü Ngechuchu rü yema Chaduchëügüxü na iyanangeëxgüëëxü. ³⁵Rü wüxi ga yema Parichëügü ga ore ga mugüwa nguxëëtaexü rü Ngechuchuxü chixexügu nanguxëëchaü. Rü yemacëx Ngechuchuna naca rü ñanagürü: ³⁶—Pa Ngüexëëruüx, ¿ngëxüürüxü i Tupanaärü mu nixi i guxü i norü mugüarü yexera ixixü? —ñanagürü. ³⁷Rü Ngechuchu nanangãxü rü ñanagürü: —Ngëma Tupanaärü mu i guxü i norü mugüarü yexera ixixü, rü ñanagürü:

“¡Rü nüxü nangechaü ya Cori ya curü Tupana i guxüne ya curü maxünemaã, rü guxü i cuãëmaã, rü guxü i nagu curüxinüxümaã!”

ñanagürü. ³⁸—Rü ngëma nixi i Tupanaärü mu i guxü i norü mugüarü yexera ixixü. Rü ngëma nixi i nüxüraüxü i norü mu ga duüxügüna naxãxü ga Tupana. ³⁹—Rü ngëma norü taxre i Tupanaärü mu, rü ngëma nüxüraüxü i norü murüütama nixi, rü ñanagürü:

“¡Nüxü nangechaü i cumücü ngëma na cugü cungechaüxüürüü!” ñanagürü. ⁴⁰—Rü ngëma taxre i Tupanaärü mugüwa nixi inaxügüxü i guxüma i Tupanaärü mugü ga Moiché ùmatüxü rü nuxcümaügüxü ga Tupanaärü orearü uruügü namaã nguxëëtaegüxü —ñanagürü.

¿Texëtaa yixü ya Cristu?
(Mr 12.35-37; Lc 20.41-44)

⁴¹⁻⁴²Rü yoxni ga Parichëügü rü yëma nangutaquëxegü, rü Ngechuchu nüxna naca, rü ñanagürü: —¿Rü ñuxü ñapegüxü i pema nüxü ya Cristu? ¿Rü texëtaa yixü? —ñanagürü. Rü nümagü ga Parichëügü rü nanangãxügü rü ñanagürügü: —Cristu rü nuxcümaücü ga äëxgacü ga Dabítaa nixi —ñanagürügü. ⁴³Rü yexguma ga Ngechuchu rü ñanagürü: —¿Tüxcüü ga Dabí ga norü Corimaã naxuxü ga Cristu ga yexguma Tupanaãe ga Ünexü Dabíxü idexaxëëgu? Yerü ga Dabí rü ñanagürü:

⁴⁴“Tupana rü chorü Cori ya Cristuxü ñanagürü: ‘¡Nuã chorü tügüneçüwawa rüto ñuxmatãta nüxü charüporamaë i curü uwanügü na cuga naxinüëxüçëx!’ ” ⁴⁵—Natürü çüñuxcüürüwa i Dabítãa yixü ya Cristu ega nümatama ga Dabí rü norü Corimaã naxuãgu? —ñanagürü ga Ngechuchu. ⁴⁶Rü taxumaãma nanangãxügügü ga yema Parichëügü, rü bai ga wüxi ga oremaã. Rü yemawena rü guxüma namuë na çacüçëx Ngechuchuna nacagüexü.

23

Ngechuchu rü duüxügüitanüwa ñanaxuxüxü ga Parichëügü rü ngüexëëruügü ga Moichéarü mugüwa nguxëëtaegüxü

(Mr 12.38-40; Lc 11.37-54, 20.45-47)

¹Rü yemawena ga Ngechuchu rü duüxügüxü rü norü ngüexügüxü ñanagürü: ²—Ngëma ngüexëëruügü i ore i mugüwa nguxëëtaegüxü rü Parichëügü, rü meãma nüxü nacüëxgü ga Tupanaärü ore ga Moiché ùmatüxü. ³—Rü ngëmacëx name i naga pexinüë i guxüma i ngëma pemaã nüxü yaxugüxü. Natürü tama name i nüma namaxëxüãcüma pemaxë, erü nüma nüxü nixugü i mexü i ore natürü chixri namaxë. ⁴—Erü nüma rü poraãcü pexü namu na naga pexinüëxüçëx i norü mugü i guxchaxü i taxucürüwama texë aurexü. Natürü nümagütama rü bai i írarüwa naga na naxinüëxü i ngëma nawa pexü namuxü. ⁵—Rü guxüma i ngëma naxügüxü, rü nanaxügü na duüxügü nüxü daugüxüçëx. Rü ina-yangegü i Tupanaärü ore na ngëmaãcü duüxügü nagu rüxinüëgu rü aixcüma Tupanaärü duüxügü na yügüxü. Rü nügü nangëxãëgü na duüxügü nüxü rüdaunüxüçëx. ⁶—Rü petagüarü ñnawa rü nümagü i Parichëügü rü nanaxwëxegü i ñnaärü yoraxütawaxüchi na natogüxü na duüxügü ngema nüxü rüdaunüxüçëx. Rü ngutaquëxepatügüwa rü nanaxwëxegü na napëxewaxüchi ügüxü i naxmëxwëxegüwa natogüxü. ⁷—Rü ñãneärü ítamügüwa rü nanaxwëxegü na duüxügü meã nüxü rümoxëgüxü ñoma äëxgacüxü meã rümoxëxüürü. Rü nanaxwëxegü na duüxügü

rü: “Pa Ngüexêëruüx” ñagüxü nüxü. ⁸ —Natürü pema rü täütáma ngêmagu perüxínüê! Erü guxâma i pema rü pegüeneëgü pixîgü, rü wüxixicatama nixî ya perü ngüexêëruü ixîcü. ⁹ —Rü tama name i ñoma i naânecüâxmaâ pexânátü, erü wüxixicatama nixî ya Penatü, rü nüma rü daxüwa nangêxma. ¹⁰ —Rü tama name i texé: “Pa Äëxgacüx” ñatarügü pexü. Erü chaxicatama nixî i perü äëxgacü chüüxü. ¹¹ —Rü yixema petanüwa guxâaru yexera ixixê rü tanaxwêxe na guxüma i tümamüciaru ngüxêëruü tiüxü. ¹² —Erü yixema tügü írütaxe rü Tupana tá tüxü naxânexêë. Natürü yixema tügü írúxírxaxé, rü Tupana tá tüxü nicüexüü. ¹³ —Pa Ngüexêëruügü i Ore i Mugüwa Nguxêëtaegüxü rü Pa Parichéugüx, pema nixî i togü i duüxügüpêxewa meâ pemaxênetaxü natürü peâëwa rü chixexügu perüxínüêxü. Rü wüxi i ngechaü nixî i pexcêx erü pegagu nixî na tama Tupanaxütawa nangugüxü i togü i duüxügü. Rü pema rü ta rü täütáma ngêxma pechocu, Rü ngêxgumarüü ta rü nüxü penaguxchaxêë na tama ngêxma nachocuxüçêx i togü i ngêxma chocuchaüxü. ¹⁴ —Pa Ngüexêëruügü i Ore i Mugüwa Nguxêëtaegüxü rü Pa Parichéugüx, pema nixî i togü i duüxügüpêxewa meâ pemaxênetaxü natürü peâëwa rü chixexügu perüxínüêxü. Rü wüxi i ngechaü nixî i pexcêx erü tüxna penapuxü ya tümapata ya yixema yutegüxé. Rü ñüxüchi penamêxêë i perü yumüxêgü na duüxügü nagu rüxínüëgu rü aixcüma mexü i Tupanaaru duüxügü na pixîgüxü. Rü ngêmacêx pema tá nixî i togü i duüxügüaru yexera pepoxcuexü. ¹⁵ —Pa Ngüexêëruügü i Ore i Mugüwa Nguxêëtaegüxü rü Pa Parichéugüx, pema nixî i togü i duüxügüpêxewa meâ pemaxênetaxü natürü peâëwa rü chixexügu perüxínüêxü. Rü wüxi i ngechaü nixî i pexcêx erü guxüwama pexî na togü i duüxügümaâ nüxü peyarüxüxüçêx i ore na wüxítama ya duüxê pexrüü na yaxôxüçêx. Rü ngêxguma marü pexü tanguüxgu, rü tüxü pechixêë na düxwa taxrêxpüxcüna perü yexera chixexüwa tangêxmaxüçêx. ¹⁶ —Pa Ngüexêëruügü i Ore i Mugüwa Nguxêëtaegüxü rü Pa Parichéugüx, pema rü ñoma cuèxruügü i ngexetüxürrüü pixîgü. Rü wüxi i ngechaü nixî i pexcêx, erü nüxü pixuxgu rü:

“Ngêxguma texé ya tupauca ya taxüneegagu ñacüçêx ixunetagu, rü marü name ega tama tayanguxêëgu i ngêma tümaärü uneta”, ñaperügügü. Natürü ngêxguma texé tupauca ya taxüneärü diëruëgagu ñacüçêx ixunetagu, rü:

“Tanaxwêxe i aixcüma tayanguxêë i ngêma tümaärü uneta”, ñaperügügü. ¹⁷ —Pema rü pengêäëgü rü ñoma pengexetügüxürrüü pixîgü. ¿Pexcêx rü ñacü nixî i yexera rümemaëxü, tupauca ya taxüneärü diëru rü êxna nümatama ya tupauca ya nagagu naxüünene i ngêma diëru? ¹⁸ —Rü tupauca ya taxünewa nangêxma i ngêma âmarechica i ngexta Tupanacêx ínadaiaxüwa i naxüñagü na Tupanana naxâmarexüçêx. Rü pema rü ñaperügügü:

“Rü ngêxguma texé ya tupauca ya taxüneärü âmarechicáegagu ñacüçêx ixunetagu, rü marü name ega tama tayanguxêëgu i ngêma tümaärü uneta. Natürü ngêxguma texé tupauca ya taxüneärü âmarechicawa ngêxmaxü i âmareëgagu ñacüçêx ixunetagu, rü tanaxwêxe i aixcüma tayanguxêë i ngêma tümaärü uneta”, ñaperügügü. ¹⁹ —Pema rü pengêäëgü rü ñoma pengexetügüxürrüü pixîgü. ¿Pexcêx rü ñacü nixî i yexera rümemaëxü, rü yima tupauca ya taxüneärü âmarechicawa ngêxmaxü i âmare rü êxna nümatama ya tupauca ya taxüneärü âmarechica i nagagu naxüünexü i ngêma âmare? ²⁰ —Erü yixema tupauca ya taxüneärü âmarechicáegagu ñacüçêx ixunetaxe, rü tama ngêma nachicáëgaguxicatama itaxuneta, natürü ngêma âmare i ngêma nachicawa ngêxmaxüëgagu rü ta itaxuneta. ²¹ —Rü yixema tupauca ya taxüneegagu ñacüçêx ixunetaxe, rü tama ngêma tupaucaëgaguxicatama itaxuneta, natürü Tupana ya ngêma maxüçüëgagu rü ta itaxuneta. ²² Rü yixema daxüguxü i naânëgagu ñacüçêx ixunetaxe, rü Tupanaaru toruüëgagu rü ta itaxuneta, rü ngêxgumarüü ta Tupana ya ngema rütocüëgagu rü ta itaxuneta. ²³ —Pa Ngüexêëruügü i Ore i Mugüwa Nguxêëtaegüxü rü Pa Parichéugüx, pema nixî i togü i duüxügüpêxewa meâ pemaxênetaxü, natürü peâëwa rü chixexügu perüxínüêxü. Rü wüxi i ngechaü nixî i pexcêx, erü woo ñacü i íraxü i pexü ngêxmaxü rü Tupanana penaxâ i ngêma nüxna üxü. Natürü tama naga pexínüë i Tupanaaru mugü i guxü i mugüaru yexera ixixü. Erü pexü nataxu na äëxgacügü i aixcüma meâma duüxügümaâ icuëxgüxü na pixîgüxü, rü pexü nataxu na duüxügü pexü nangechaütümüügüxü, rü aixcüma meâ Tupanamaâ pixaixümagüxü. Rü guxüma i ngêma nixî i Tupana naxwêxexü na penaxüxü, tama nüxü ipeyarüngümaëcüma i ngêma mexü i marü pexüxü. ²⁴ —Pa Cuèxruügü i Ngexetügüxüx, pema rü guxüma i mugü i woo íraxüchixü rü meâma penaxaure, natürü tama Tupana naxwêxexüäcüma pemaxê. Pema rü ñoma wüxi i duüxü i tunüçêx norü axexü bapetüxü rü ñüxüchi arü wüxi i cameyu íxaxwetaüxürrüü pixîgü. ²⁵ —Pa Ngüexêëruügü i Ore i Mugüwa Nguxêëtaegüxü rü Pa Parichéugüx, pema nixî i togü i duüxügüpêxewa meâ pemaxênetaxü natürü peâëwa rü chixexügu perüxínüêxü. Rü wüxi i ngechaü nixî i pexcêx, erü perü düxétüxünewaxicatama pegü pemexêëchaü, natürü perü maxüwa rü poraäcü pichixe. Erü penawomüxêëcüma poraäcü naxcêx pengüx i duüxügüaru ngêmaxügü, rü pegüguxicatama perüxínüë. ²⁶ —Pa Parichéugü i Ñoma Ngexetüxürrüü Íxügüxüx, name nixî i pegü pimexêë i perü aixepewa i

perü maxüwa. Rü ngëxguma tá nixí i perü düxétüwa rü tá ta pimexü. ²⁷⁻²⁸—Pa Ngúexëëruügi i Ore i Mugüwa Nguxëëtaegüxü rü Pa Parichëugüx, pema nixí i togü i düxüügüpëxewa meâ pemaxënetaxü natürü peâewa rü chixexügu perüñnëxü. Rü wüxi i ngechaü nixí i pexcëx, erü ñoma yuetachiquëxëgü i düxétüwa cómuxümaâ chauxetügüxü natürü aixepewa rü yuetachinaxãmaâ rü nagüxüraüxü i ãüächixümaâ napagüxü rü pixigü. Erü perü düxétüwa i düxüügü nüxü ídaugüxüwaxicatama pime, natürü aixepewa i peâewa rü poraäcü pichixe. ²⁹—Rü wüxi i ngechaü nixí i pexcëx, Pa Ngúexëëruügi i Ore i Mugüwa Nguxëëtaegüxü rü Pa Parichëugüx. Pema rü peyamecagü ga naxchiquëxëgü ga nuxcúmaügüxü ga Tupanaärü orearü uruügü rü yema düxüügü ga imexü ga yuexü. ³⁰—Rü ñuxüchi ñaperügügü:

“Rü yexguma chi nuxcúmaügüxü ga tóru oxigü maxëyane imaxëgu, rü tãü chima nüxü tarüngüxëë ga na nadaiäxü ga yema nuxcúmaügüxü ga Tupanaärü orearü uruügü”, ñaperügügü. ³¹—Rü ngëma oremaâ rü pegü pengoxëë na nataagü pixigüxü ga yema düxüügü ga nuxcúmaügüxü ga Tupanaärü orearü uruügüxü dëixü. ³²—¡Ëcü, noxtacúma chomaâ rü ta peyanguxëëx ga yema chixexü ga nuxcúmaügüxü ga perü oxigü ügüxü! ³³—Pa Äxtapearü Düxüügüx, pema rü poraäcü pichixe. ¿Ñuxäcü tá naxchaxwa pibuxmü ya yima üxü ya Tupana tá namaâ pexü poxcuene? ³⁴—Rü ngëmacëx i choma rü tá pexcëx núma chanamugü i Tupanaärü orearü uruügü, rü yatügü i mexügü i nüxü cuëxüchigüxü, rü ngüexëëruügi i mexügü. Natürü pema rü tá curuchawa peyapotagüácüma penadai i ñuxre. Rü togü rü ngutaquëxepataügüwa rü tá peyacuaxigü, rü togü rü ñanechigüwa rü tá nawe pingëxütanü na chixexü namaâ pexügüxëcëx. ³⁵—Natürü Tupana tá pexü napoxcue naxcëx i guxüma ga norü düxüügü ga imexügü ga perü oxigü dëixü. Rü Abëwa nixí ga inaxügüäxü ga na nadaiäxü rü Chacaría ga tupauca ga taxünegu peyamëxügücu nixí ga yacuäxü ga yema. ³⁶—Rü aixcúma pemaâ nüxü chixu rü guxüma ga yema chixëxëcëx rü Tupana tá nanapoxcue i düxüügü i ñomaücü maxëxü —ñanagürü ga Ngechuchu.

Ngechuchu rü Yerucharëücüäx ga düxüügüxëcëx naxaxu
(Lc 13.34-35)

³⁷ Rü ñanagürü ta ga Ngechuchu: —Pa Yerucharëücüäx, pema penadai i Tupanaärü orearü uruügü, rü nutamaâ ípenamuxüchigü i Tupanaärü orearü ngerügü i pexcëx núma namugüxü. Rü ñuxreëxpüxcúma wüxigu chaugüxütagu pexü chanutaquëxexëëchaü ñoma wüxi i ota i naxäcüxã nügütüügu tüxü nutaquëxexü rü. Natürü pema rü tama penaxwëxe. ³⁸—Düxcëx i ñuxma ya perü ñane, rü Tupana tá ínanatëx. ³⁹—Rü pemaâ nüxü chixu rü tãütãma wena choxü pedau ñuxmatãta daxügüxü i nañewa ne chaxü. Rü ngëxguma rü tá choxü pedaugü rü tá ñaperügügü:

“Namexëchi nixí ya yima Cori ya Tupana núma namucü”, ñaperügügü tá —ñanagürü ga Ngechuchu.

24

Ngechuchu nanaxunagü na tupauca ga taxüne rü tá nagu na napogüexü
(Mr 13.1-2; Lc 21.5-6)

¹ Rü yexguma tupauca ga taxünewa ínaxüüxgu ga Ngechuchu, rü norü ngüexüügü naxcëx naxí. Rü ñanagürügü nüxü: —Düxcëx, Pa Corix, ñuxäcü nimexëchi ya daa tupauca ya taxüneärü ípatagü —ñanagürügü. ² Natürü Ngechuchu nanangäxü rü ñanagürü: —Pema nüxü pedaugü ya guxünema ya yima tupauca ya taxüneärü ípatagü. Natürü pemaâ nüxü chixu rü aixcúma guxünema ya daa ípatagü rü tá nagu napogüe. Rü naxtapüxarü nutagü rü taxucütãma nügüétü naxüxüra, rü bai ya wüxi —ñanagürü.

Cuëxruügü i tá nüxü idauxü naxüpa na nagüxü i nañe
(Mr 13.3-23; Lc 17.22-24, 21.7-24)

³ Rü ñuxüchi guma Mëxpüne ga Oribunecügu äeganewa naxí. Rü yexguma guma mëxpünewa natöxgu ga Ngechuchu rü norü ngüexüügüxicatama naxütawa naxí na noxrüwama nüxna nacagüexüxëcëx. Rü ñanagürügü: —Tanaxwëxe i tomaâ nüxü quixu na ñuxgu tá nangupetüxü i ngëma nüxü quixuxü. ¿Rü íacü tá nixí i norü cuëxruü i nawa nüxü tacuäxü i ñuxgu tá wena núma na cuxüxü rü tá na nagüxü i nañe? —ñanagürügü. ⁴ Rü yexguma ga Ngechuchu rü ñanagürü nüxü: —¡Pexuäëgü na taxüema pexü womüxëëxüxëcëx! ⁵—Erü muxüchixü i düxüügü tá ínangugü, rü chaugu tá nügü nicuxgü rü tá ñanagürügü:

“Choma nixí i Cristu”, ñanagürügü tá. Rü muxüchixü i düxüügüxü tá nawomüxëë. ⁶—Rü tá nüxü pexinüechiga na nügü nadëixü i ñuxre i nachiüñegü rü nügü na nadaixchaüxü i togü i nachiüñegü. ¡Natürü tãütãma ngëmacëx pebëixächiäëgü! Erü woetama ngëmaäcü tátama nangupetü i noxrix. Natürü tãütãma nañeärü gux nixí i ngëma. ⁷—Erü wüxi i nachiüñe rü to i nachiüñemaâ tá nügü nadai. Rü wüxi i äëxgacü rü to i äëxgacúmaâ tá nanu, rü norü churaragü rü ngëma to i äëxgacüarü churaragümaâ tá nügü nadai. Rü tá taiya nangux, rü

tá nataküchi i ñaaweanegü, rü muxüma i nachicawa rü tá naxiãxãchiane. ⁸—Rü guxüma i ngëma pemaã nüxü chixuxü, rü ngëma nixi i norü ügümare i ngëma ngüxü i tá ngupetüxü. ⁹—Rü ngëxguma i togü i duüxügü rü tá pexü inayauxü na chixexü pemaã naxüügüxcèx. Rü tá pexü nadai. Rü guxü i naãnewa i duüxügü rü tá pexchi naxaie, erü chorü duüxügü pixigü. ¹⁰—Rü ngëxguma rü tá muxüchixü i chorü duüxügü inanatëxgü i chorü ore, rü nügütanüwa rü tá nügüchi naxaie. Rü nügüechita tá ãëxgacüxtüwawa nügü inayaxauxügü. ¹¹—Rü muxüchixü i orearü uruügüneta tá inangugü. Rü tá nüxü nixugügü na Tupana yixü ya nüma namugücü na nüxü yaxugüxcèx i ore. Rü ngëmaäcü tá muxüchixü i duüxügüxü nawomüxëgü. ¹²—Rü poraäcü tá nangëxma i chixexü, rü ngëmagagu rü muxüchixüütama i duüxügü rü täütama nügü nangechaügü. ¹³—Natürü yixema naëtüwa meã Tupanaãxü yaxôdmãxë rü yixema tá tixi ya aixcüma nayaxüxe i maxü i taguma güxü. ¹⁴—Rü ngëma Tupanaärü ore i mexü rü guxü i naãnewa tá nüxü nixugügü na guxü i duüxügü nüxü na cuëxgüxcèx. Rü ngëmawena tá nixi i nagüxü i naãne. ¹⁵—Rü nuxcümaücü ga Tupanaärü orearü uruü ga Danië nachiga nanaxümatü i ngëma chixexü i Tupanapëxewa ãüächixü i inguxchaüxü. Rü ngëxguma nüxü pedëuxgu na tupauca ya taxünewa nangóxü i ngëma chixexü i Tupanapëxewa chixexüchixü, rü name nixi i pexuãëgü. ¹⁶—Rü ngëxguma ngëma üpetügu, rü ngëma Yudeaanewa ngëxmagüxü i duüxügü rü nanaxwëxe na mëxpüneãnewa nabuxmüxü. ¹⁷—Rü ngëma ngunexügu ega texë tümapataëxtüwa ngëxmagu, rü tama name i tümapatagu tayangaxi na tümaärü ngëmaxü tayayaxuxüxcèx. ¹⁸—Rü texë ya tümaãnewa ngëmaxë rü tama name i tümapatacèx tataegu na tümachirugü tayayaxuxüxcèx. ¹⁹—Rü ngëma ngunexügü rü wüxi i ngechaü tá nixi i tümacèx ya yixema ngeãxtagü ya tacharaügüxe rü yixema imaiãcügüxe. ²⁰—jRü Tupanana naxcèx peça i perü yumüxëwa na tama gáuane ixüyane rü ëxna ngüxchigaarü ngunexüguyane pexü na nangupetüxüxcèx i ngëma chixexü! ²¹—Erü ngëma ngunexügü rü poraäcü tá nangëxma i ngüxü ga noxri naãne ixügügumama taguma yexmaxü, rü ngëmawena rü tagutáma wena nangëxma. ²²—Rü ngëxguma Tupana tama nanoxrexëgu i ngëma ngunexügu, rü taxüetama tamaxü. Natürü Tupana tá nananoxrexë i ngëma ngunexügu tümacèx ya yixema nüma tüxü nadexe. ²³—Rü ngëxguma texë pexü ñagügu:

“Düxcèx, daa nixi ya Cristu” ñagügu, rü ëxna:

“Gua nixi ya Cristu” ñagügu, jrü tama name i nüxü peyaxögü! ²⁴—Erü Cristugüneta rü Tupanaärü orearü uruügüneta tá inangugü. Rü tá nanaxügü i muxüma i cuëxruügü i taxügü na ngëmaäcü, ega nüxü natauxchagu, na tüxü nawomüxëgüxcèx ëjxrüxe ya yixema duüxëgü ya Tupanatama tüxü dexe. ²⁵—Düxcèx, naxüpa na nangupetüxü i guxüma i ngëma ngüxü, rü marü pemaã nüxü chixu i nachiga. ²⁶—Rü ngëmacèx i ngëxguma duüxügü ñagügu pexü:

“Düxcèx, yéa taxüema ixãpataxüwa nangëxma ya Cristu”, ñagügu, rü tama name i ngëma pexi. Rü ngëxguma ñagügu pexü:

“Düxcèx, nuã ucaupuwa nangëxma ya Cristu”, ñagügu, rü tama name i nüxü peyaxögü. ²⁷—Erü ñoma wüxi i bëjxbëxane i guxüwama nangöonexëxüürüü tá nixi i ngëxguma wenaxärü nüma chaxüxgu i choma i Tupana Nane na duüxüxü chixü. ²⁸ Rü duüxügü rü tá chauxcèx nangutaquëxëgü ñoma ëxchagü nawemüxcèx ngutaquëxëxüürüü.

Ñuxücü tá nixi i ngëxguma nataegugu ya Tupana Nane ya duüxüxü ixücü

(Mr 13.24-37; Lc 21.25-33, 17.26-30, 34-36)

²⁹—Rü nawena i ngëma ngüxügü rü tá nixu ya üëxcü, rü täütama inabáxi ya tauemacü. Rü woramacurigü rü ëxtagü rü tá narüyi. Rü guxüma i ñoma i naãne rü üëxcü rü tauemacü rü woramacurigü rü ëxtagü rü tá naxiãxãchitanü rü tá nu ne nanaxümare. ³⁰—Rü ñuxüchi duüxügü tá nüxü nadaugü na ñuxäcü daxüwa ne chaxüxü. Rü guxü i nachiüñacüãx i duüxügü rü tá naxauxe. Rü tá choxü nadaugü i ngëxguma caixanexügügu icharüixgu rü nüma chaxüxgu. Rü ngëxguma i choma rü ãëxgacü ya poraxüchicü rü mexëchicü tá chixi. ³¹—Rü tá chanamu i chorü orearü ngeruügü i daxücüãx na yacuegüãxüxcèx ya norü cornetagu na ngëmaäcü naxitaquëxëëãxüxcèx i guxüma i ngëma duüxügü i chadexü i guxüwama ngëxmagüxü ñuxmata naãne iyacuáxüwa ngëxmagüxü. ³²—jIperüxüñüë i ñaã ore i cuëxruü i orix i iguerachiga, rü naxcèx pengüë! Rü ngëxguma ngëxwacaxüxü i nachacüügü iyariyixgu rü naxüátügu, rü ngëmawa nüxü pecuëx na paxa tá taunecü na yixü. ³³—Rü ngëxgumarüü tá nixi i ngëxguma nagüxchaügu i naãne. Erü ngëxguma nüxü pedëuxgu na nangupetüxü i ngëma pemaã nüxü chixuxü, rü ngëmawa tá nüxü pecuëx na marü chingaicaxüchixü. ³⁴—Rü aixcüma pemaã nüxü chixu rü guxüma i ngëma nüxü chixuxü rü tá nangupetü naxüpa na nayuxü i duüxügü i ñomaücüü maxëxü. ³⁵—Rü ñoma i naãne rü ngëma daxüwa nüxü idauxü rü tá nagux. Natürü chorü ore rü tagutáma inayarüxo rü aixcüma tá ningü. ³⁶—Natürü ngëma ngunexü rü ora i nagu tá nangupetüxü i ngëma pemaã nüxü chixuxü, rü Chaunatü ya Tupanaxicatama nüxü nacuëx na ñuxgu tá nangupetüxü i ngëma, rü taxüema

ya toge nūxū tacuèx. Rū woo i norū orearū ngeruūgū i daxūcūāx rū tama nūxū nacuèxgū, rū woo i choma i Nane na chiūxū rū tama nūxū chacuèx na űuxu tá nangupetūxū i ngēma. ³⁷—Rū yexgumarūū ga duūxūgūxū ngupetūxū ga yexguma Noē maūxgu, rū ngēxgumarūū tá ta nūxū nangupetū i ngēxguma íchanguxgu i choma i Tupana Nane na duūxūxū chiūxū. ³⁸—Rū yexguma, naxūpa ga guma mucū ga taxūchicū ga guxūwama inanguanexēcū, rū ga duūxūgū rū nachibūe, rū naxaxegū, rū nixāmēxgū rū nixūtaxacūgū űuxmata nawa nangu ga yema ngunexū ga nagu Noē nawēgu ixūexū. ³⁹—Rū noxri ga yema duūxūgū rū tama nūxū nacuèxgūega ga űacū tá nūxū na ngupetūxū. Natūrū yexguma ínanguxgu ga guma mucū ga taxūchicū ga yema duūxūgūxū daicū, rū yexguma nixī ga nūxū yacuēāchitanūxū. Rū ngēxgumarūū tá ta nixī i ngēxguma wenaxārū nūma chaxūxgu i choma i Tupana Nane na duūxūxū chiūxū. ⁴⁰—Rū ngēma ngunexūgū rū taxre i yatūgū rū wūxi i naānēwa tá nūgūmaā nangēxmagū. Rū wūxi tá nixī i Tupana ígaxū rū ngēma to rū tá ngēma natēx. ⁴¹—Rū taxre i ngēxūgū tá nūgūmaā ínaeagū. Rū wūxi tá nixī i Tupana ígaxū rū ngēma to rū tá ngēma natēx. ⁴²—jRū pexuāēgū! Erū tama nūxū pecuèx i űacū rū ora tá íchangu i chomax. ⁴³—jRū nagu perūxīnūē i űāā ore! Rū ngēxguma chí wūxi i Ípataarū yora nūxū cuèxgu na űacū rū oragu tá ínanguxū i ngītēxáxū rū tāū chima nape. Erū nūxna chí nadau ya napata na tama ngēxma naxūcuxūcēx i ngēma ngītēxáxū na űacūcēx ngēma yangīxūcēx. ⁴⁴—Rū ngēmacēx name nixī i pexuāēgū i pemax. Erū ngēma ngunexū i tama nagu íperūxīnūēxūgū tá nixī i ngūrūāchi íchanguxū i choma i Tupana Nane na duūxūxū chiūxū.

Wūxi ga duūxū ga meā norū coriga ínūxū rū to ga tama meā norū coriga ínūxūchiga
(Lc 12.41-48)

⁴⁵—jRū texē tīxū ya tūmaārū coriarū duūxū ya aixcūma yangūxēxē rū tūmaāēxū cuāxe? jTama ēxna yixema tīxū ya tūmaārū cori tūxna āgaxe na meā nūxna tadauxūcēx rū meā oragu tanachibūēxēxūcēx i norū duūxūgū? ⁴⁶ Rū tataāē ya yixēma coriarū duūxū ega ngēxguma ínanguxgu i tūmaārū cori rū tūxū íyanguexūgū na meāma ítanaxūxū i ngēma puracū i nagu tūxū namuxū. ⁴⁷—Rū aixcūma pemaā nūxū chixu rū ngēma tūmaārū cori rū tá guxūma i norū ngēmāxūgūarū dauruūxū tá tūxū nixīxēē. ⁴⁸⁻⁵⁰—Natūrū ngēxguma chí ngēma coriarū duūxū rū wūxi i yatū i chixexū yixīgu, rū chí nagu naxīnūgu na tāūtāma paxa ínanguxū i norū cori, rū chí ínaxūgūāgu na chixri namuāxū i namūcūgū i norū coriarū duūxūgū, rū chí ngāxēxūtanūgu naxāxgu na namaā nachibūxūcēx rū naxaxexūcēx, rū ngūrūāchi ngēma ngunexū rū ngēma ora i tama nagu ínanguxēāxūgū rū tá ínangu i norū cori. ⁵¹—Rū poraācūxūchima tá nanapoxcu i ngēma norū duūxū, űoma meā maxēnetaxū i duūxūgūxū napoxcuexūrūū. Rū ngēma tá narūdoxū rū nixūxchapūta.

25

Ore ga 10 ga pacūgu ixuxū

¹ Rū űanagūrū ga Ngechuchu: —Pemaā tá nūxū chixu i wūxi i ore na nawa nūxū pecuāxūcēx i űuxācū tá duūxūgūarū āēxgacū na yixū ya Tupana i ngēxguma naguxgu i naāne. Rū iyexma ga 10 ga pacū ga ngīrū daparinamaā ngīgūarū petawa ícū na yaxūmūcūgūāxūcēx ga guma yatū ga ingīxchaūcū. ²—Rū 5 ga yema pacū rū tama ixuāēgū. Rū yema naī ga 5 ga pacū rū meāma ixuāēgū. ³—Rū yema tama uāēgūcū, rū yexguma ngīrū daparina íyangegūgu rū tama to ga ngīrū queruchinu ta íyangegū. ⁴—Natūrū ga yema uāēgūcū rū to ga ngīrū queruchinu ta íyangegū. ⁵—Natūrū ga guma yatū ga ingīxchaūcū rū tama paxa ínangu. Rū dūxwa ga yema pacūgū rū ípee yerū iyaxtae. ⁶—Rū yexguma ngāxūcūūwa nanguxgu, rū yema pacūgū nūxū ixīnūē ga wūxi ga naga ga űaxū:

“Domama nixī ya yima yatū ya ingīxchaūcū. jRū íperūdagū, rū ípeyadaugū!” űaxū. ⁷—Rū guxcūma ga yema pacūgū rū írūdagū, rū iyamexēēgū ga ngīrū daparinagū. ⁸—Rū yexguma ga yema 5 ga pacūgū ga tama uāēgūcū rū ngīgūrūgūgū ngīxū ga yema pacūgū ga uāēgūcū:

“jÍraxū i perū queruchinu toxnata pexā, erū torū omūgū rū nixogū!” ngīgūrūgūgū. ⁹—Natūrū ga yema pacūgū ga uāēgūcū rū ngīxū ingāxūgū, rū ngīgūrūgūgū:

“Taxucūrūwa pexna ta taxā, erū ngēxguma chí pexna ta taxāxgu rū tāū chima ningu i toxcēx rū pexcēx. Rū ngēmācēx narūmemaē nixī i ngextā namaā ínataxegūxūwa pegūxū nawa pexī”, ngīgūrūgūgū. ¹⁰—Natūrū yexguma ga yema 5 ga pacūgū ga tama uāēgūcū ngīrū queruchinuwa naxīyane, rū ínangu ga guma yatū ga ingīxchaūcū. Rū ga yema pacūgū ga uāēgūcū rū iyachocu nawa ga guma í ga nawa íyangīxūne. Rū űuxūchi narūwāxta ga íāx. ¹¹—Rū yemawena íngugū ga yema pacūgū ga tama uāēgūcū, rū ngīgūrūgūgū:

“jPa Corix, toxcēx yawāxna i íāx!” ngīgūrūgūgū. ¹²—Natūrū nūma ga cori, rū ngīxū nangāxū, rū űanagūrū:

“Pemaā nūxū chixu rū aixcūma tama pexū chacuèx na texēgū pixīgūxū”, űanagūrū. ¹³ Rū űuxūchi űanagūrū ga Ngechuchu: —jÍpexuāēgū! Erū tama nūxū pecuèx i űacū rū ngunexū rū űacū rū ora tá íchangu i choma i Tupana Nane na duūxūxū chiūxū —űanagūrū.

Ore ga dīerugu ixuxū
(Lc 19.11-27)

¹⁴Rū ñanagürü ta ga Ngechuchu: —Rū ngēma Tupana na duñxūgüarü ãexgacü na ixixū rü ñoma wüxi ga yatü ga ixüächichañü ga to ga nachüñanewa na naxūñcēxrü nixī. Rū nūma ga guma yatü rü norü duñxūgüçex naca, rü nūxna ngixū naxā ga dīeru na nūññ ngīmaā nanguxūñcēx rü ngīmaā na ñapuracüexcēx. ¹⁵—Rü wüxi ga yema norü duñxūna ngixū naxā ga 5000 tachinü ga dīeru. Rū yema tona ngixū naxā ga 2000 tachinü ga dīeru. Rū yema tona ngixū naxā ga 1000 tachinü ga dīeru. Rū yemañcü nanangugü na ñuxācū tá yema dīerumaā napuracüexü ga wüxichigü ga norü duñxūgü rü yemañcü wüxichigüna ngixū naxā ga yema dīeru. Rū ñuxūchi inaxūächi ga yema cori na to ga nachüñanewa naxūñcēx. ¹⁶—Rü yema norü duñxū ga 5000 tachinü ga dīeru ngixū yaxuxū, rü ngīmaā napuracü, rü nañ ga 5000 tachinü ngīmaā nayaxu. ¹⁷—Rü yexgumarüü ta ga yema norü duñxū ga 2000 tachinü ga dīeru ngixū yaxuxū, rü ngīmaā napuracü, rü nañ ga 2000 tachinü ngīmaā nayaxu. ¹⁸—Natürü ga yema norü duñxū ga 1000 tachinü ga dīeru ngixū yaxuxū, rü ngīmaā ñixū. Rū ngixū nixaixmañ, rü yexma ngixū natèx ga yema norü coriarü dīeru. ¹⁹—Rü nuxcūñrama nataegu ga yema duñxūgüarü cori. Rū yexguma ñanguxgu rü ñanaxügü ga norü duñxūgümaā na namexēñcēxü ga norü dīeruchiga. ²⁰—Rü nūñra norü corixñtawa naxū ga yema norü duñxū ga 5000 tachinü ga dīeru ngixū yaxuxū. Rū norü corina ngixū naxā ga yema 5000 tachinü. Rū ngīñtū ngixū inaxā ga nañ ga 5000 tachinü ga ngixū nayaxucü ngīmaā ga yema norü cori nūxna ngixū ãcū ga dīeru. Rū ñanagürü norü corixū:

“Düçex Pa Corix, ñaā iyixī ga yema 5000 tachinü ga dīeru ga choxna ngixū cuxācū. Marü ngīmaā chapuracü rü ngīmaā cuxñ ngixū chayaxu i ñaā nañ i 5000 tachinü”, ñanagürü. ²¹—Rü norü cori rü ñanagürü nūñtū:

“Pa Chorü Duñxūx, wüxi i mexēchixū quixī, rü meāma cupuracü. Rü meā nūxna cudau ga yema noxre ga dīeru ga cuxna ngixū chaxācū, rü meāma ngīmaā cupuracü. Rü ngēmacēx i ñuxma rü tá rümumaēcūna cuxñ chadauxēē. ¡Rü ixūcu i chopatawa rü ngixā tataāgüñ!” ñanagürü. ²²—Rü yemawena ñangu ga yema to ga norü duñxū ga 2000 tachinü ga dīeru ngixū yaxuxū. Rü ñanagürü norü corixū:

“Düçex Pa Corix, ñaā iyixī ga yema 2000 tachinü ga dīeru ga choxna ngixū cuxācū. Marü ngīmaā chapuracü rü ngīmaā cuxñ ngixū chayaxu i nañ i 2000 tachinü. Rü ñaā iyixī”, ñanagürü. ²³—Rü norü cori rü ñanagürü nūñtū:

“Pa Chorü Duñxūx, wüxi i mexēchixū quixī, rü meāma cupuracü. Rü meā nūxna cudau ga yema noxre ga dīeru ga cuxna ngixū chaxācū, rü meāma ngīmaā cupuracü. Rü ngēmacēx i ñuxmax rü tá rümumaēcūna cuxñ chadauxēē. ¡Rü ixūcu i chopatawa rü ngixā tataāgüñ!” ñanagürü. ²⁴—Natürü yexguma norü corixñtawa nanguxgu ga yema norü duñxū ga 1000 tachinü ga dīeru ngixū yaxuxū, rü ñanagürü norü corixū:

“Düçex Pa Corix, choma nūññ chacuèx rü wüxi i yatü i aññ quixī. Rü cunayaxu i nanetüarü o i ngextā tama ñcutoexñwa, rü cunabuxarü oñx i nanetü i tama ñcutoññ. ²⁵—Rü yemacēx chamuñ. Rü waixñmügu ngixū chixaixmañ rü ngixū ñchatèx. Natürü ñaā iyixī i ngēma curü dīeru”, ñanagürü. ²⁶Rü yexguma ga norü cori rü nanangāñ rü ñanagürü:

“Pa Chorü Duñxūx, wüxi i chixexü rü oxñ i chorü duñxū quixī. Rü cuma meāma nūññ cucuèx rü ngextā tama ñchatoexñwa rü chanayaxu i nanetüarü o, rü chanabuxarü oñx i nanetü i tama ñchatoññ. ²⁷—Rü yemacēx narümemaē chi nixī ga bancugu choññ ngīmaā na cunguxññ ga chorü dīeru na ngema choññ ngixū yamuxēñgüñcēx, rü ngēmañcü mucü ngixū na chayaxuxñcēx i ngēxguma ñchanguxgu”, ñanagürü. ²⁸—Rü yexguma ga yema cori rü nanamu ga yema togu ga norü duñxūgü ga yema yexmagüññ, rü ñanagürü nūñtū:

“¡Nūxna ngixū peyaux i ngēma dīeru, rü ngēma yatü i 10,000 i ngēma nūññ ngēmaxñna ngixū pexā! ²⁹—Erü yixema tüññ nangēmēxcü rü yexera tá tüxna ngixū taxā, rü ngēmañcü tá tüññ ñmüxñchi. Natürü yixema tüññ natauxcü rü woo ngēma noxre i tüññ ngēmēxcü rü tá tüxna ngixū tayaxu. ³⁰—¡Rü yēma düxētüwa i porañcü ñanaxññexñwa peyatā i ñaā chorü duñxū i taxuwama mexñ! Rü ngēma tá narüdoñ rü tá nixññchapñta”, ñanagürü.

Naññerü guxgu rü Cristupēxegu tá nangutaquēxegü i guññ i nachüñanewā ñcññ i duñxūgü na yadexechññcēx i ngēma mexñgü rü na napoxcueññcēx i ngēma chixexñgü

³¹Rü ñanagürü ga Ngechuchu: —Rü ngēxguma wenaxārü nūma chaxñxgu i choma i Tupana Nane na duñxūññ chñññ, rü chorü orearü ngeruñgü i daxññññ rü tá choññ naxñññcügü. Rü ãexgacü ya tacü tá chixñ rü chorü tochica i mexēchixñwa tá charñto. ³²—Rü guññ i nachüñanewāññ i duñxūgü rü tá chopēxegu nangutaquēxegü. Rü choma rü tá chayadexechi ñoma wüxi i carneruarü dauruñ i norü carnerugü rü chibugü noxñwama mugñññññ. ³³—Rü ngēma choxññ ixññññ rü chorü tügññcñwawa tá chanangēxmagññññ. Rü ngēma tama choxññ ixññññ rü chorü ñoxwecñwawa tá chanangēxmagññññ. ³⁴—Rü ngēxguma i choma i tá ãexgacü ya tacü na chñññ rü ñacharñgü tá nūññ i ngēma chorü duñxūgü:

“¡Nuã pexĩ i pema ya texé ya Chaunatü ya Tupana tüxü rüngüxëëgüxe, rü penayaxu i ngëma pechica i ngextá nüma ãëxgacü iyüxüwa! Yerü Chaunatü rü pexcëx nanamexëë i ngëma pechica ga yexguma tauta naãne naxüxgu. ³⁵ –Rü ngëmaãcü tá pemaã namecüma yerü yexguma chataiyagu rü pema rü choxü pechibüxëë. Rü yexguma chitawagu rü choxü pexaxëë. Rü yexguma tama nüxü pecuëxgu na texé chiixü rü meã choxü peyaxügü ga pepatawa. ³⁶ –Rü yexguma changexchirugu rü choxü pexüxchiru. Rü yexguma chidaawegu rü choxü perüngüxëë. Rü yexguma poxcupataüwa chayexmagu rü choxü ipeyadau”, ñacharügü tá nüxü. ³⁷ –Rü ngëxguma i ngëma duüxügü i chadexü rü ñanagürügü tá choxü:

“Pa Corix, ¿ñuxgu ga cuxü tadauxü ga na cutaiyaxü rü cuxü tachibüxëëxü? ¿Rü ñuxgu ga cuxü tadauxü ga na quiãawaxü rü cuxü taxaxëëxü? ³⁸ –¿Rü ñuxgu ga tochixüwa cunguxü rü meã cuxü tayauxgüxü ga woo tama cuxü tacuëxgü? ¿Rü ñuxgu ga cungexchiruxü rü cuxü taxüxchirügüxü? ³⁹ –¿Rü ñuxgu ga cuxü tadaugüxü na quidaawexü rü éxna poxcupataüwa cuyexmaxü rü cuxü itayadaugüxü?” ñanagürügü tá choxü. ⁴⁰ –Rü choma na ãëxgacü ya tacü na chiixü, rü tá chanangãxü, rü ñacharügü tá:

“Aixcüma pemaã nüxü chixu rü yexguma nüxü perüngüxëëgügu i ngëma chorü duüxü i yexeraãcü ngearü ngemaxüáxü, rü choxü nixü ga perüngüxëëgüxü”, ñacharügü tá nüxü. ⁴¹ Rü ñuxüchi i choma na ãëxgacü ya tacü na chiixü, rü ñacharügü tá nüxü i ngëma tama chorü duüxügü ixügüxü:

“¡Choxna pixigachi i pema i perü chixexücëx poxcuexe! ¡Rü ngëma pexĩ nawa ya yima üxu ya taguma ixoxüne ya Tupana imexëene naxcëx i ngoxo i Chataná rü norü duüxügü! ⁴² –Yerü yexguma chataiyagu rü pema rü tama choxü pechibüxëë. Rü yexguma chitawagu rü tama choxü pexaxëë. ⁴³ –Rü yexguma tama nüxü pecuëxgu na texé chiixü rü tama meã choxü peyaxügü ga pepatawa. Rü yexguma changexchirugu rü tama choxü pexüxchirügü. Rü yexguma chidaawegu rü poxcupataüwa chayexmagu rü tama choxü ipeyadaugü”, ñacharügü tá nüxü. ⁴⁴ –Rü ngëxguma i nümagü i tama chorü duüxügü ixügüxü, rü ñanagürügü tá choxü:

“Pa Corix, ¿ñuxgu tochixüwa cungü rü tama meã cuxü tayauxgü yerü tama cuxü tacuëxgü? ¿Rü ñuxgu ga cuxü tadaugüxü ga na cutaiyaxü, rü éxna na quiãawaxü, rü éxna na cungexchiruxü, rü éxna quidaawexü, rü éxna poxcupataüwa na cuyexmaxü, rü tama cuxü tarüngüxëëgüxü?” ñanagürügü tá choxü. ⁴⁵ –Rü choma na ãëxgacü ya tacü na chiixü, rü tá chanangãxü, rü ñacharügü tá nüxü:

“Aixcüma pemaã nüxü chixu rü yexguma tama nüxü perüngüxëëgügu ga wüxi ga duüxü ga yexeraãcü ngearü ngemaxüáxü, rü choxü rü ta tama perüngüxëëgü”, ñacharügü tá nüxü. ⁴⁶ –Rü ñuxüchi i ngëma duüxügü i tama chorü duüxügü ixügüxü rü tá poxcu i taguma güxüwa naxü. Natürü ngëma duüxügü i aixcüma meã chauxcëx maxëxü rü tá nanayauxgü i maxü i taguma güxü, –ñanagürü ga Ngechuchu.

26

Yudiugüarü ãëxgacügü naxcëx nadaugü na ñuxãcü Ngechuchuxü yayauxgüxü
(Mr 14.1-2; Lc 22.1-2; Cu 11.45-53)

¹ Rü yexguma Ngechuchu nüxü rüchauxgu ga yema orexü na yaxuxü, rü ñanagürü norü ngüexügüxü: ² –Pema nüxü pecuëx rü taxre i ngunexü nataxu na nangöxgüãxücëx i ngëma ñna i Üpetüchigaarü petacëx naxügüxü. Rü ngëxguma tá nixü i choxü yayauxgüxü i chorü uwanügü na curuchawa choxü yapotagüxücëx –ñanagürü. ³ Rü yexgumaãcüü ga paigüarü ãëxgacügü, rü ngüxëëruügü ga ore ga mugüwa nguxëëtaëgüxü, rü Yudiugüarü ãëxgacügüerügü rü nangutaquëxegü ga napatawa ga Caipá ga paigüarü ãëxgacü ixü. ⁴ Rü yema nügümaã nanamexëëgü na Ngechuchuxü nawomüxëëgüãcüma na yayauxgüãxücëx rü na yamëxgüãxücëx. ⁵ Natürü nügümaã ñanagürügü: –Taxucürüwama i ñuxma petagu tayayauxgü, erü duüxügü rü tá tamaã nanuë –ñanagürügü.

Wüxi ga nge rü Ngechuchuerugu inaba ga pumara
(Mr 14.3-9; Cu 12.1-8)

⁶ Rü Ngechuchu rü Betániãwa nayexma napatawa ga Chimáü ga rüchaxü necümaã naxügüãcü. ⁷ Rü Ngechuchucëx yéma iyaxü ga wüxi ga ngecü ga yéma nangecü ga wüxiweü ga pumara ga tatanüxüchixü ga mexëchicü ga butiyamaã ächiüxü. Rü yexguma mechawa inachibüyane ga Ngechuchu, rü ngüma rü naëru inaba ga yema pumara. ⁸ Rü yexguma yemaxü nadaugügu ga Ngechuchuarü ngüexügü, rü naãëwa nanguxgü, rü inanaxügüe ga na ñagüxü. –¿Tüxcüü ngëxma inaxaiyaxü i ngëma pumara? ⁹ –Rü narümemae chi nixü i tatanüxügü namaã itaxe, rü ñuxüchi ngëma dïerumaã nüxü irüngüxëë i ngëma duüxügü i ngearü ngëmaxüãxüxü –ñanagürügü. ¹⁰ Rü Ngechuchu nüxü naxünu. Rü ñuxüchi ñanagürü norü ngüexügüxü: –¿Tüxcüü ngüxü pechixewe i ngëma nge? Erü ngëma chomaã

naxüxü rü wüxi i mexü nixi. ¹¹ —Ngēma ngearü ngēmamaxüãxgüxü rü guxügutáma petanüwa nangēxmagü. Natürü choma rü tãütáma guxügu petanüwa changēxma. ¹² —Rü ngēma chomaã naxüxü i ñaã ngecü na chaxunegu nabaãxü i ngēma pumara i yixixü, rü ngēmaãcü inaxü erü paxa tá chayü rü tá choxü inatēxgü. Rü ngēmacēx nixi i chaxunegu nabaãxü i ngēma pumara. ¹³ —Rü aixcüma pemaã nüxü chixu rü gucü i naãnewa i ngextá duüxügü nüxü ixugügüxüwa i Tupanaãrü ore i mexü, rü ñaã ngecü chomaã üxü rü tá ta nüxü nixugügü. Rü ngēmaãcü tá ngüxna nacuēxächie i duüxügü —ñanagürü ga Ngechuchu.

Yuda rü ãxgacügümaã nanamexēē na ñuxãcü Ngechuchuxü yayauxgüxcēx
(Mr 14.10-11; Lc 22.3-6)

¹⁴ Rü ñuxüchi ga wüxi ga Ngechuchuarü ngüexü ga Yuda ga Icarüete rü paigüarü ãxgacügüxütawa naxü rü namaã nayarüdexa. ¹⁵ Rü Yuda rü ñanagürü nüxü: —¿Ñuxre tá choxü penaxütanüxü i ngēxguma pexü chanatauxchaxēēgu na Ngechuchuxü piyauxgüxcēx? —ñanagürü. Rü yexguma ga nümagü ga paigüarü ãxgacügü rü 30 tachinü ga ñerügu namaã naxuneta. ¹⁶ Rü yexgumama inanaxügü ga Yuda ga naxcēx na nadauxü ga ñuxãcü nüxü na natauxchaxēēgüãxü na Ngechuchuxü yayauxgüxcēx.

Coriarü ñnachiga

(Mr 14.12-25; Lc 22.7-23; Cu 13.21-30; 1 Co 11.23-26)

¹⁷ Rü nawa nangu ga ngunexü ga naga inaxügüxü ga yema peta ga pãu ga ngearü puxēēruüãxü naga nangōxgüxü. Rü norü ngüexügü rü Ngechuchucēx naxi, rü ñanagürügü nüxü: —¿Ngextá tá tanamexēē i nachica i nawa nangōxgüxü i ñna i Üpetüchigaarü petagu ingōxü? —ñanagürügü. ¹⁸ Rü nüma ga Ngechuchu rü ñanagürü nüxü: —¿Ngema ñanewa pexi, rü yima yatü ya pemaã nüxü chaxunetacüpatawa pexi! ¡Rü namaã nüxü pixu rü ñapegügü:

“Torü ngüexēēruü rü ñanagürü: ‘Marü ningaicaxüchi na chayuxü rü nuã cupatawa rü chorü ngüexügümaã chanangupetüxēēchaü i Üpetüchigaarü peta,’” ñaperügügü tá nüxü!

¹⁹ Rü yéma naxi ga yema norü ngüexügü. Rü yema Ngechuchu namaã nüxü ixuxürü nanaxügü. Rü nanamexēēgü ga yema ñna ga Üpetüchigaarü petagu tá nangōxgüxü. ²⁰ Rü yexguma nachütagu rü yéma mechawa nachibü ga Ngechuchu namaã ga yema 12 ga norü ngüexügü. ²¹ Rü yexguma ñnachibüeyane, rü Ngechuchu rü ñanagürü nüxü: —Aixcüma pemaã nüxü chixu rü wüxie i petanüwa tá tixi ya bexma chauechita choxü iyaxuaxüxē —ñanagürü. ²² Rü yexguma ga nümagü ga norü ngüexügü rü poraãcü nangechaxü. Rü wüxichigü nüxna nicachigü, rü ñanagürügü: —Pa Corix, ¿choma ēxna tá chíxü ya yixema cuxü iyaxuaxüxē? —ñanagürügü. ²³ Rü nüma ga Ngechuchu nanangãxü rü ñanagürü: —Ngēma wüxi ya poratuwa namaã tá chachibüxü, rü ngēma tá nixi i chauechita choxü iyaxuaxüxü. ²⁴ —Rü choma i Tupana Nane na duüxüxü chíxü rü tá chayü ngēxgumarüü i Tupanaãrü ore i ümatüxü nüxü ixuxürü. Natürü wüxi i ngechaüxüchi nixi naxcēx i ngēma yatü i choxü iyaxuaxüxü. Rü narümemã chi nixi ga noxtacüma tãu chima na nabuxü —ñanagürü. ²⁵ Rü nadexaãchi ga Yuda ga naēchita iyaxuaxüxü, rü ñanagürü: —Pa Ngüexēēruü, ¿tãütáma choma nixi? —ñanagürü. Rü Ngechuchu nanangãxü rü ñanagürü: —Ngēmaãcü cuma nixi —ñanagürü. ²⁶ Rü yexguma ñnachibüeyane rü Ngechuchu nanayaxu ga wüxi ga pãu. Rü Tupanana moxē naxã, rü inanabücu, rü norü ngüexügüxü nayanu. Rü ñanagürü: —Ñãã pãu rü chaxunechiga nixi. Rü ¡penangō! —ñanagürü. ²⁷ Rü yemawena rü nanayaxu ga wüxi ga pochiyu ga binumaã ããcuxü. Rü yexgumarüü ta Tupanana moxē naxcēx naxãxãra, rü ñuxüchi norü ngüexügüna nanaxü, rü ñanagürü nüxü: —¡Rü guxãma i pema rü peyaxēüx ya daa binu! ²⁸ —Erü daa binu rü nachiga nixi ya chaugü ya muxüma i duüxügücēx tá ibacü na ngēmaãcü Tupana nüxü nüxü nangechaüxüxcēx i norü pecadugü. Rü yimawa Tupana nanangoxēē na aixcüma yixü i norü uneta. ²⁹ —Rü pemaã nüxü chixu rü tagütáma wena binu chayaxaxü ñuxmatáta Chaunatü ya Tupana ãxgacügü ñixüxüwa ngexwacaxücu ya binu pemaã chayaxēüx —ñanagürü.

Ngechuchu nüxü nixu rü Pedru rü taxütáma nügü nixu na norü ngüexü yixü
(Mr 14.26-31; Lc 22.31-34; Cu 13.36-38)

³⁰ Rü ñuxüchi nawiyægü ga wüxi ga Tupanaãrü wiyægü. Rü yemawena rü guma Mēxpüne ga Orübunecügu ãeganewa naxi. ³¹ Rü yexguma ga Ngechuchu rü ñanagürü nüxü ga norü ngüexügü: —Guxãma i pema rü tá choxü ipetēxgü i ñna i chütaxügu. Erü Tupanaãrü ore i ümatüxüwa rü ñanagürü:

“Tá chayamēx ya carneruarü daurüü, rü tá nanaxüanemare i carnerügü”,

ñanagürü i ngēma ore. ³² —Natürü ngēxguma marü yuwa ícharüdaxguwena, rü tá chaxira pexüpa Gariréanewa chaxü —ñanagürü. ³³ Rü yexguma ga Pedru rü nanangãxü rü ñanagürü: —Rü woo guxüma i togü cuxü ítēxgu, natürü i chomax rü tãütáma cuxü íchatēx —ñanagürü. ³⁴ Rü Ngechuchu ñanagürü nüxü: —Aixcüma cumaã nüxü chixu rü ñomatama i chütaxügu rü naxüpa na otá íçaxü, rü tomaēxpüxcüna tá cügü iquicux na chorü duüxü

quiixü. ³⁵ Rü Pedru nanangãxü rü ñanagürü: —Rü woo wüxigu cumaã chayuxgu rü täütama chaugü ichicux na curü duixü chixü —ñanagürü. Rü guxüma ga togu ga norü ngüexüü rü ta yema ñanagürügü.

Ngechuchu rü Yechemaníwa nayayumüxë
(Mr 14.32-42; Lc 22.39-46)

³⁶ Rü Ngechuchu rü norü ngüexüü gumaã nawa nangugü ga wüxi ga nachica ga Yechemanígu äegaxü. Rü Ngechuchu rü ñanagürü nüxü: —¡Nuã perütogü! Rü paxa yoxni yéa chayayumüxë —ñanagürü. ³⁷ Rü Ngechuchu nügwé nanagagü ga Pedru rü Zebedéu nanegü ga Chaütiágu rü Cuáü. Rü Ngechuchucëx inaxüü ga na poraãcü nangechaüxü rü naxixächiaëxü. ³⁸ Rü yexguma ga Ngechuchu rü ñanagürü nüxü: —Poraãcü changechaü rü nagu charüxínü rü ngëmamaã tá chayü. ¡Rü nuxa perücho i pemax, rü chauxrüü ipedaue! —ñanagürü. ³⁹ Rü yexguma ga Ngechuchu rü yéaxüra naxü. Rü waixüümüanegu nanangücuchi. Rü nayumüxë rü ñanagürü: —Pa Chaunatüx, ngëxguma cuma cunaxwëxegu, ¡rü nüxna choxü inanguxuchixëë i ñaã ngüxü i tá choxü üpetüxü! Natürü chanaxwëxe i cuxrütama ngüchaü cuxü rü tama i choxrü —ñanagürü. ⁴⁰ Rü yemawena ga Ngechuchu rü nataegu ga yema norü ngüexüü iyexmagüxüwa. Rü nüxü inayangau ga na inapeexü. Rü ñanagürü Pedruxü: —Pa Pedrux, çtaxucürüwama éxna namaã peporae na chomaã ipedauexü, rü bai i wüxi i ora? ⁴¹ —¡Rü pexuãëgü rü Tupanana naxcëx peça na pexü nangüxëëxüxcëx na tama choxü ípetáxüxcëx ega ngëxguma çacü rü guxchaxü pexü üpetügu! Erü aücüma peãewa rü ípememare, natürü pexene nixü ituraxü —ñanagürü. ⁴² Rü yexguma rü wenaxäru noxri inayumüxëxüxcëx nataegu ga Ngechuchu. Rü wenaxäru nayumüxë, rü ñanagürü: —Pa Chaunatüx, ngëxguma tama cunaxwëxegu na nawa choxü ícunguxuchixëëxü i ñaã ngüxü i tá chingexü, rü marü name i ngëma cuma cunaxwëxëxüdcüma chomaã cunaxü —ñanagürü. ⁴³ Rü ñuxüchi wenaxäru norü ngüexüü iyexmagüxüwa naxü. Rü nüxü inayangau ga na inapeexü, yerü poraãcü nayaxtaexüchi. ⁴⁴ Rü yéma nüxna nixü, rü wenaxäru nayayumüxë. Rü noxriãcütama nayumüxë. ⁴⁵ Rü yemawena rü norü ngüexüü iyexmagüxüwa naxü. Rü ñanagürü nüxü: —¡Ñuxma waxi pepepe rü iperüngüë! Erü marü nawa nangu i ora na chorü uwanü choxü iyauxgüxü rü pecaduãxgüxüna choxü namugüxü. ⁴⁶ ¡Ipechigü rü ngixã ítxil! Erü marü ñomatáma nixü i ngëma choxü iyaxuaxüxü —ñanagürü.

Ngechuchuxü niyauxgü
(Mr 14.43-50; Lc 22.47-53; Cu 18.2-11)

⁴⁷ Rü yexguma iyadexayane ga Ngechuchu, rü ínangu ga Yuda ga norü ngüexüchirëx ixixü. Rü nawe narüxi ga müxüma ga duixüüü ga taramaã rü naímaã ixãxnexü. Rü yema nixü ga duixüüü ga paigüaru äëxgacüü rü Yudiugarü äëxgacüüerugü yéma mugüxü. ⁴⁸ Rü ga Yuda ga inaxuaxüxü rü marü yema duixüüü gumaã nanamexëë, rü ñanagürü: —Ngëma nüxü chachüxüxü tá nixü i Ngechuchu. Rü ngëma tá nixü i piyauxgüxü —ñanagürü. ⁴⁹ Rü yexguma Ngechuchucëx nixü, rü ñanagürü nüxü: —Nuxmaë Pa Ngüexëëruüx —ñanagürü. Rü ñuxüchi nüxü nachüxu. ⁵⁰ Rü Ngechuchu nanangãxü rü ñanagürü: —Pa Chomücüx, ççacüwa nuã cuxü? —ñanagürü. Rü yexgumatama Ngechuchuxü niyauxgü ga yema duixüüü ga Yudawe rüxixü. ⁵¹ Rü wüxi ga Ngechuchumücü nanawëxechi ga norü tara, rü paigüaru äëxgacüaru duixüxü inadaechinü. ⁵² Rü yexguma ga Ngechuchu rü ñanagürü: —¡Naxchiügu yaxücuchi i curü tara! Erü guxãma ya yixema taramaã nuëxë, rü taragu táama tayue. ⁵³ —¿Tama éxna nüxü cucuëx rü ngëxguma chi choma chanaxwëxegu, rü Chaunatüna chi naxcëx chaca na choxü núma namugüãxüxcëx i muxüma i norü orearu ngerüüü i daxüçüãx na choxü yanangüxëëgüxüxcëx? ⁵⁴ —Natürü ngëxguma chi ngëma chaxüxgu, rü çñuxäcü chi ningü i Tupanaãru ore i ümatüxü i nüxü ixuxü na choma rü tá chayuxü? ⁵⁵ Rü yexguma ga Ngechuchu rü ñanagürü nüxü ga yema duixüüü: —¿Tüxcüü taragü rü naíxmenëxägümaã chauxcëx nuã pexü na choxü peyarüyauxgüxüxcëx ñoma wüxi i ngütxëxäxü chixüxüüü? Rü guxü ga ngunexüü rü tupauca ga taxünewa changuxëëtae natürü taguma yexma choxü piyauxgü. ⁵⁶ —Natürü guxüma i ñaã ñuxma ngupetüxü, rü ngëmaãcü nangupetü na yanguxüxcëx i Tupanaãru ore ga nuxcümaüüüxü ga norü orearu uruüüü ümatüüüxü —ñanagürü. Rü yexguma ga guxüma ga norü ngüexüü rü nüxna nibuxmü. Rü nüxicatama yéma nanatëxgü ga Ngechuchu.

Äëxgacüü ga taxüüüpëxewa Ngechuchuxü nagagü
(Mr 14.53-65; Lc 22.54-55, 63-71; Cu 18.12-14, 19-24)

⁵⁷ Rü Caipá ga paigüaru äëxgacüxüta Ngechuchuxü nagagü ga yema duixüüü ga yayauxgüxü. Rü yexma nixü ga nangutaquëxegüxü ga ngüexëëruüüü ga ore ga mugüwa ngüxëëtaegüxü rü Yudiugarü äëxgacüüerugü. ⁵⁸ Natürü ga Pedru rü yaxüüü nawe nixächigü ñuxmata paigüaru äëxgacü ga Caipáxüta nangu. Rü purichüagü ga tupaucaaru dauruüüümaã yéma íãxüta narüto, yerü nüxü nadauxchaü ga çacü tá Ngechuchumaã na

naxüexü. ⁵⁹ Rü ga paigüarü äëxgacügü rü guxüma ga Yudiügiarü äëxgacügüerugü rü naxcëx nadaugü ga wüxi ga ore ga doramare ixüxü na yemamaä Ngechuchuxü inaxuaxüügüxüçëx na yamëxgüäxüçëx. ⁶⁰⁻⁶¹ Natürü woo muxüma ga duüxüügü doraxümare nachigaxü yéma yarüxugüe, natürü taxuxüma ga chixexü inayangaugü ga naxcëx tá yamëxgüäxü. Rü düxwa yéma naxi ga taxre ga yatügü ga doraxümare yéma yarüxugüxü. Rü ñanagürügü: —Toma nüxü taxinüë i ñaä yatü rü ñanagürü:

“Tá nagu chapogü ya daa tupauca ya taxüne ya Tupanaärü, rü tomaëxpüx i ngunexügu tá wenaxärü íchanadaxëë”, ñanagürügü. ⁶² Rü yexguma ga paigüarü äëxgacü ga Caipá rü inachi, rü ñanagürü Ngechuchuxü: —¿Rü íacümaä cunangäxü i ñuxmax? ¿Rü ñuxü ñaxü yíixü i ngëma cuchiga i nüxü yaxugüxü? —ñanagürü. ⁶³ Natürü ga Ngechuchu rü nangeëxmare. Rü yemacëx ga paigüarü äëxgacü ga Caipá rü ñanagürü nüxü: —Tupana ya Maxüçüëgagu chanaxwëxe i aixcüma tomaä nüxü quixu na texë quíixü. ¿Rü cuma ëxna i Cristu ya Tupana Nane quíixü, rü ëxna tama? —ñanagürü. ⁶⁴ Rü Ngechuchu nanangäxü rü ñanagürü: —Ngü, rü ngëma nüxü quixuxü chixi. Rü pemaä nüxü chixu rü tá choxü pedaugü i ngëxguma Chau-natü ya Poracüxütawa charütöxgu rü ngëxguma caixanexügu wenaxärü núma chaxüxgu —ñanagürü. ⁶⁵ Rü yexguma ga paigüarü äëxgacü rü norü numaä nügüchirugu nagaugü. Rü ñanagürü: —Rü ñaä yatü rü íacü Tupanamaä Nixonü. Rü taxucëxma marü tanaxwëxe i ñuxma i to i ore na napoxcuxëx i ñaä yatü. Rü pematama marü nüxü pëxínüë na ñuxäcü chixexümaä na yadexaxü. ⁶⁶ —¿Ñuxü ñapëgüxü i pëmax? —ñanagürü. Rü nümagü ga togü ga äëxgacügü rü nanangäxüügü rü ñanagürügü: —Ngëmaäcü chixexü naxü. Rü name nixü i noxtacüma nayu —ñanagürügü. ⁶⁷ Rü yexguma rü Ngechuchuchiwewa naçuaixgüe. Rü nüxna nanaçuaixcagü. Rü togü rü nanapegüchiewegü. ⁶⁸ Rü ñanagürügü: —Pa Cristux, ¡nüxü nacüex na texë cuxü pegüchiewëgüxü rü cuxna naçuaixcagüxü! —ñanagürügü.

Pedru rü tama nügü Nixonu na Ngechuchuxü nacüaxü
(Mr 14.66-72; Lc 22.56-62; Cu 18.15-18, 25-27)

⁶⁹ Rü yoxni ga Pedru rü äëxgacüpataëxtüwa narüto. Rü wüxi ga pacü ga äëxgacüarü duüxü ixüçü, rü Pedrucëx iyaxü. Rü ngügürügü nüxü: —Cuma rü ta namüçü quixü i ngëma Ngechuchu i Garirëaanecüäx —ngügürügü. ⁷⁰ Natürü ga Pedru rü guxü ga yema duüxüügüpëxewa rü tama nügü Nixonu na Ngechuchuarü duüxü yíixü, rü ñanagürü: —Choma rü tama nüxü chacuëx i íacüchiga nixü i ngëma nüxü quixuxü —ñanagürü. ⁷¹ Rü yexguma marü yema ípataëxtüarü íaxwa inaxüüxgu ga Pedru, rü naí ga pacü nüxü idau. Rü ngügürügü namaä ga yema duüxüügü ga yéma yexmagüxü: —Ñaä yatü rü Ngechuchu ya Nacharëtucüäxmüçü nixü —ngügürügü. ⁷² Natürü ga Pedru rü wenaxärü tama nügü Nixonu na Ngechuchuarü duüxü yíixü. Rü ñanagürü: —Choma rü tama nüxü chacuëx i ngëma yatü. Rü Tupana choxü poxcux ega tama aixcüma yixügu i chorü ore —ñanagürü. ⁷³ Rü yixcamaxüra rü yema duüxüügü ga yéma yexmagüxü rü Pedrucëx naxü, rü ñanagürügü nüxü: —Aixcüma nixü i cuma rü ta rü ngëma Ngechuchutanüxü quíixü, erü wüxi i Garirëaanecüäx idexaxürüü quidexa —ñanagürügü. ⁷⁴ Rü nüma ga Pedru rü poraäcü nügü nixü, rü ñanagürü nüxü: —Rü aixcüma tama nüxü chacuëx i ngëma yatü. Rü ngëxguma doraxü chixuxgu rü Tupana choxü poxcux —ñanagürü. Rü yexgumatama nica ga otá. ⁷⁵ Rü nüma ga Pedru rü yexguma nüxna nacüexächü ga yema ore ga Ngechuchu namaä nüxü ixuxü ga ñaxü:

“Rü naxüpa na otá íçaxü, rü cuma rü tomaëxpüxçüna cugü tá quixä na chorü duüxü quíixü”, ñaxü. Rü yéma inaxüxü ga Pedru rü poraäcüxüchima naxaxu.

27

Yudiügiarü äëxgacügü rü Piratuxütawa nanagagü ga Ngechuchu
(Mr 15.1; Lc 23.1-2; Cu 18.28-32)

¹ Rü yexguma yangunegu rü guxüma ga paigüarü äëxgacügü rü Yudiügiarü äëxgacügüerugü, rü nügümaä nanamexëëgü na ñuxäcü Ngechuchuxü yamëxgüxü. ² Rü nayanëxgüchacuüügü rü yemaäcü äëxgacü ga Piratuxütawa nanagagü. Piratu nixü ga Dumacüäx ga äëxgacü ga Yudëaanemaä ícuäcü.

Nayu ga Yuda

³ Rü nüma ga Yuda ga Ngechuchuxü íyaxuaxüxü rü nüxü nadau ga Ngechuchuxü na napoxcuxëxü. Rü poraäcü nagu narüxünu ga yema chixexü ga nümatama naxüxü. Rü yéma naxü naxütawa ga yema paigüarü äëxgacügü rü yema Yudiügiarü äëxgacügüerugü. Rü ngüxü nayataeguxëë ga yema 30 tachinu ga díeru ga nüxna ngüxü naxägüçü. ⁴ Rü ñanagürü nüxü: —Choma rü marü chixexü chaxü, erü naëchita íchayaxuaxü i wüxi i yatü i taxuüma i chixexü üxü, rü ñuxma rü tá ngëmagagu nayu —ñanagürü. Natürü nümagü ga äëxgacügü rü nanangäxüügü, rü ñanagürügü: —Toma rü tama nüxü tacuáxchä i ngëma. Cugagutama nixü, rü cuma i nüxü cucuáxü na ñuxäcü cügümaä cunamexëëxü i ngëma —ñanagürügü. ⁵ Rü

yexguma ga Yuda rü yexma tupauca ga taxünechiägu ngixü nawotanü ga yema dïeru. Rü ñuxüchi inixü rü nügü nayawëxna. ⁶ Rü ga paigüarü äëxgacügü rü ngixü nade ga yema dïeru. Rü ñanagürügü: —Taxucürüwa tupauca ya taxünearü dïeruchiügu ngixü tanu i ñaã dïeru, erü ngëmamaã tanaxütanü i ngëma yatü i tá yuxü —ñanagürügü. ⁷ Rü ñuxüchi nügümaã nanamexëëgü na yema dïerumaã naxcëx nataxegüxücëx ga wüxi ga naãne ga waixütmü ga üwechixü nawa nayauxgüxü. Rü yema naãnecëx nataxegü na nüxü nayexmaxücëx ga nachica ga ngexta na natëxgüäxücëx ga yema duüxügü ga togü ga nachidüñecüäx ixigüxü. ⁸ Rü ngëmacëx i ñuxma rü ta i ngëma naãne rü Nagüchitaügu naxäega. ⁹ Rü yemaäcü ningü ga Tupanaärü ore ga nuxcümaücü ga norü orearü uruü ga Yeremíä ümatüxü ga ñaxü:

“Rü nümagü ngixü nade ga yema 30 tachinü ga dïeru ga Cristutanü Yudiügü ngixü ixägücü.

¹⁰ Rü yema dïerumaã naxcëx nataxegü ga wüxi ga naãne ga waixütmü ga üwechixü nawa nayauxgüxü, yema Cori ga Tupana chomaã nüxü ixuxürü”, ñaxü.

Piratupëxewa nayexma ga Ngechuchu

(*Mr 15.2-5; Lc 23.3-5; Cu 18.33-38*)

¹¹ Rü äëxgacü ga Piratuxütawa Ngechuchuxü nagagü. Rü nüma ga Piratu rü Ngechuchuna naca, rü ñanagürü: —¿Cuma quüixü i Yudiügüarü äëxgacü ya tacü? —ñanagürü. Rü Ngechuchu nanangäxü, rü ñanagürü: —Ngü, rü ngëma nüxü quixuxü chixü i chomax —ñanagürü. ¹² Rü Ngechuchuxü inaxuaxügü ga paigüarü äëxgacügü rü Yudiügüarü äëxgacügüerügü. Natürü ga Ngechuchu rü taxuxümaã nanangäxü. ¹³ Rü yexguma ga Piratu rü ñanagürü: —¿Tama ëxna nüxü cuxinü i ngëma ore i namaã cuxü inaxuaxügüxü? —ñanagürü. ¹⁴ Natürü ga Ngechuchu rü taxuxümaã nanangäxü. Rü yemacëx poraäcü nabëixächiaë ga äëxgacü ga Piratu.

Piratu rü Ngechuchumaã nanaxuegu na nayuxülcëx

(*Mr 15.6-20; Lc 23.13-25; Cu 18.38-19.16*)

¹⁵ Rü guxüguma ga yema Üpetüchigarü petagu, rü Piratu inanguxuchixëëxü ga wüxi ga poxcuxü ga duüxügü naxcëx icagüxü, yerü yema nixü ga nacüma. ¹⁶ Rü yëma nayexma ga wüxi ga poxcuxü ga guxü ga duüxügü meã nüxü cuäxü. Rü Barabá nixü ga naega. ¹⁷ Rü yexguma yëma nangutaquëxëgü ga duüxügü, rü Piratu nüxna naca, rü ñanagürü: —¿Rü ngexürüxüxü i penaxwaexü na ichananguxuchixëëxü? ¿Penaxwëxëxü na Barabáxü ichananguxuchixëëxü rü ëxna Ngechuchu i Cristumaã naxugüxüxü ichananguxuchixëëxü? —ñanagürü. ¹⁸ Rü yema ñanagürü ga Piratu yerü nüxü nacüx na Ngechuchuchi naxaieüx ga Yudiügüarü äëxgacügü, rü yemacëx nixü ga naxütawa nagagüxü. ¹⁹ Rü yexguma norü tochicawa natoxgu ga Piratu, rü naxmëx yëma imuga, rü ngigürügü: —Tama name i cunapoxcu i ngëma yatü i taxuüma i chixexü üxü. Yerü nagagu ñe chütacü rü poraäcü chachixenëgü —ngigürügü. ²⁰ Natürü yema paigüarü äëxgacügü rü Yudiügüarü äëxgacügüerügü, rü duüxügüxü naxucuxëgü na naxcëx inacagüxücëx na Barabáxü inanguxuchixëëxücëx rü Ngechuchuxü na nayuxëëgüxücëx. ²¹ Rü äëxgacü ga Piratu rü wenaxäru duüxügüna naca, rü ñanagürü: —Ngëxürüüxü i ngëma taxrewa i pema penaxwëxëxü na ichananguxuchixëëxü? —ñanagürü. Rü nümagü ga duüxügü nanangäxügü, rü ñanagürügü: —Tanaxwëxe i Barabáxü icunguxuchixëë —ñanagürügü. ²² Rü yexguma ga äëxgacü ga Piratu rü nüxna naca, rü ñanagürü: —¿Tacü tá chaxüxü namaã i ngëma Ngechuchu i Cristugu äegaxü? —ñanagürü. Rü guxüma ga duüxügü rü nanangäxügü, rü ñanagürügü: —¿Curuchawa yapota! —ñanagürügü. ²³ Rü yexguma ga Piratu rü ñanagürü nüxü: —¿Natürü tacü rü chixexü naxü? —ñanagürü. Natürü ga nümagü ga duüxügü rü wenaxäru tagaäcü ñanagürügü: —¿Curuchawa yapota! —ñanagürügü. ²⁴ Rü yexguma Piratu nüxü dëuxgu ga marü taxucürüwama Ngechuchuxü na inanguxuchixëëgaxü, yerü ga duüxügü rü marü nanaxixächiaëgüchaü, rü yemacëx wüxi ga norü duüxüxü namu ga dexá naxütawa na tanangëxücëx. Rü nügü nayauxmëx ga Piratu napëxewa ga guxüma ga yema duüxügü. Rü ñanagürü: —Tama chaugagu tá nixü i na nayuxü i ñaã yatü i taxuüma i chixexü üxü, rü pegagu tátama nixü —ñanagürü. ²⁵ Rü guxüma ga yema duüxügü nanangäxügü, rü ñanagürügü: —Togagu rü toxocügüga tá nixü i nayuxü —ñanagürügü. ²⁶ Rü yexguma ga Piratu rü Barabáxü inanguxuchixëë. Rü ñuxüchi norü churaragüxü namu na Ngechuchuxü naçuaixgüxücëx, rü yemawena curuchawa na yanapotagüäxücëx. ²⁷ Rü ñuxüchi ga yema churaragü rü Piratupataarü aixepewa Ngechuchuxü nagagü. Rü yexma Ngechuchuxütagu nanangutaquëxëë ga guxüma ga churaragü. ²⁸ Rü ñuxüchi Ngechuchuxü inacuxuchigü, rü wüxi ga máxü ga naxchiru ga dauxügu nayacuxëëgü. ²⁹ Rü naëruwa nayangëxcuchigü ga wüxi ga boxü ga chuchuxüwa naxügüxü. Rü wüxi ga naixmenëxächicüxü nüxü nayayauxächixëë ga norü tügünemëxëwa. Rü ñuxüchi napëxegu nacaxäpüxügü, rü nüxü nacugüe, rü ñanagürügü: —¿Namaüx ya Yudiügüarü Äëxgacü ya Tacüx! —ñanagürügü. ³⁰ Rü nüxna naçuaixgüe. Rü nüxna nanayauxgü ga guma

naïxmenèxãxãcû, rû naêruwa namaã nanaçuaixcagû. ³¹ Rû yexguma nûxû nacugêguwena rû ñanaçuxchigû ga yema naxchiru ga daucharaxû. Rû wenaxârû naxchirugutama nayaçuxêgû. Rû ñuxûchi nayagagû na curuchawa yanapotagûãxûcêx.

Ngechuchuxû curuchawa nipotagû

(Mr 15.21-32; Lc 23.26-43; Cu 19.17-27)

³² Rû yexguma yéma inaxiãchigu, rû nûxû nadaugû ga wûxi ga yatû ga Chirêneçûãx ga Chimãûgu ãegacû. Rû guma yatûxû ngîxû iningexêêgû ga Ngechuchuarû curucha. ³³ Rû nawa nangûgû ga wûxi ga nachica ga Gôrgutagu ãegaxû. Rû ngêma naega rû Duûxêêruchinêxã ñaxûchiga nixî. ³⁴ Rû nûxna nanaxãgû ga binu ga ngûxûârû naãchixêêruûmaã ãexûcû na yaxaxãxûcêx. Rû Ngechuchu nûxû naxaxneta, natûrû tama nayaxaxû. ³⁵ Rû yexguma marû curuchawa yapotagûãxguwena rû ga churaragû rû nanade ga Ngechuchuchiru. Rû ñuxûchi wûxi ga dêru ngîxû nañanagûgû na yemawa nûxû nacuêxgûxûcêx na ãacû tá nayaxuxû ga wûxichigû. ³⁶ Rû ñuxûchi yéma narûtogû ga churaragû na Ngechuchuna yéma nadaugûxûcêx. ³⁷ Rû norû curuchatapêxewa nayapocuchi ga wûxi ga mûrapewa ga ãegatachinûxû ga nûxû ixuxû ga ãacûcêx Ngechuchuxû curuchawa na yapotagûxû. Rû ñanagûrû: “Naã nixî i Ngechuchu i Yudiugûarû ãexgacû ya Tacû”, ñanagûrû. ³⁸ Rû yexgumarû ta curuchawa nayapotagû ga taxre ga máêtagûxû. Rû wûxi rû Ngechuchuarû tûgûneçuwawa naxû, rû to ga norû toxwecûwawa. ³⁹⁻⁴⁰ Rû yema duûxûgû ga yéma chopetûxû, rû Ngechuchumaã naguxchigagû, rû nanexãêrugûãcûma ñanagûrûgû: —Dûcêx, cema cunangutaûxêêega ya tupauca ya taxûne, rû tomaêxpûxi i ngunexûgu wenaxârû ícunadaxêêega. ¡Cugûutama namaxêê i ñuxmax! Rû ngêxguma chi aixcûma Tupana Nane quixûgu, rû ¡rûxî i curuchawa! —ñanagûrûgû. ⁴¹ Rû yexgumarû ta Ngechuchuxû nacugûecûraxû ga paigûarû ãexgacûgû, rû ngûexêêrugû ga ore ga mugûwa ngxûêtaegûxû, rû Parichêgû, rû Yudiugûarû ãexgacûgûerugû. Rû nûgûmaã ñanagûrûgû: ⁴² —Rû nûma rû togûxû namaxêêê natûrû i ñuxma rû tama nûxû nacuêx na nûgûtama namaxêêxû. Rû ngêxguma chi aixcûma Yudiugûarû ãexgacû yixûgu, ¡rû ñuxma rû inaxî i curuchawa na nûxû yaxôgûxûcêx! ⁴³ —Rû nûma nagu naxinûgu rû Tupana tá nûxû narûngûxêê. Êcû, ñuxma rû Tupana nûxû rûngûxêêega aixcûma nûxû nangûxêêchaûgu. ¿Tama êxna nûmatama tamaã nûxû yaxuxû na Tupana Nane yixû? —ñanagûrûgû. ⁴⁴ Rû woo ga yema máêtagûxû ga naxrûû curuchawa ipotagûxû, rû namaã naguxchigagû.

Nayu ga Ngechuchu

(Mr 15.33-41; Lc 23.44-49; Cu 19.28-30)

⁴⁵ Rû yexguma rû guxû ga naãnewa naxêãne. Rû tocuchigu inaxûgû ga yema ñuxmata tomaêxpûxarû orawa nangu ga yáuanecû. ⁴⁶ Rû yema tomaêxpûxarû oragu nixî ga Ngechuchu ga tagaãcû aita naxûxû, rû ñaxû: —Eri, Eri, ¿damá chabátani? —ñanagûrû. Rû ngêma rû ñaxûchiga nixî:

“Pa Chorû Tupana, Pa Chorû Tupanax, ¿tûxcû choxna quixûgachixû?” ñaxûchiga nixî. ⁴⁷ Rû nûmaxû ga duûxûgû ga yéma yexmagûxû rû nûxû naxinûe, rû ñanagûrûgû: —Naã yatû rû nuxcûmaûcû ga Tupanaârû orearû uruû ga Eriacêx naca —ñanagûrûgû. ⁴⁸ Rû yexgumatama rû wûxi ga yema duûxûgû ga yéma yexmagûxû rû inañaãchi rû Ngechuchuxûtawa nanange ga wûxi ga tûaxmû ga binu ga marû ngûchiêxûchicûmaã yawaixêêxû. Rû wûxi ga dexnewa nayanêjx. Rû ñuxûchi Ngechuchuxêxgu nanawêx na nûxû natuxuxûcêx. ⁴⁹ Natûrû ga yema togû ga duûxûgû ga yéma yexmagûxû rû ñanagûrûgû: —Yixrûma. Rû ngîxã itarûdaunû ngoxita Eria nuã û na nûxû yanangûxêêxûcêx —ñanagûrûgû. ⁵⁰ Rû wenaxârû tagaãcû aita naxû ga Ngechuchu, rû ñuxûchi nayu. ⁵¹ Rû yexgumatama ga tupauca ga taxûneârû tûyemachiãxû rû taxregu narûgaute. Rû daxûwa inanaxûgû ga na nagautexû rû ñuxmata ñaxtûwa nangu. Rû naxiãxãchiane, rû narûngûxtegu ga nutagû ga itacû. ⁵² Rû yuetamaûgû rû ningenagû. Rû wena namaxê ga muxûma ga duûxûgû ga yuechirêxû ga Tupanaãxû yaxôgûxû. ⁵³ Rû yexguma Ngechuchu wena maûxguwena, rû naxmaûwa inachoxû ga yema duûxûgû ga wena maxêxû. Rû Yerucharêtwa naxî. Rû muxûma ga duûxûgû nûxû nadaugû. ⁵⁴ Rû yema churaragûarû ãexgacû rû norû churaragû ga Ngechuchuna ídaugûxû, rû nûxû nadaugû ga na naxiãxãchianexû rû guxûma ga yema ngupetûxû. Rû yexguma rû poraãcû namuûê, rû ñanagûrûgû: —Aixcûma nixî ya daa yatû i Tupana Nane na yixû —ñanagûrûgû. ⁵⁵ Rû iyexmagû ga mucûma ga ngeçûgû ga yéma yaxûwa nûxû rûdaunûcû. Rû yema ngeçûgû iyixî ga Ngechuchuxû íxûmûcûgûcû rû nûxû rûngûxêêgûcû ga yexguma Garirêaanewa ne naxûxgu. ⁵⁶ Rû yema ngeçûgûtanûwa iyexma ga Maria ga Magadãûãx, rû María ga Chaûtiãgu rû Yûche naê, rû Zebedêu namêx ga Chaûtiãgu rû Cuãû naê.

Ngechuchu rû naxmaûgu nayaxûcuchigû

(Mr 15.42-47; Lc 23.50-56; Cu 19.38-42)

⁵⁷ Rū yexguma marū nachūtachaŕgu, rū yéma nangu ga wūxi ga yatū ga Arimatéacūāx ga taarū dīeruācū ga Yúhegu āegacū. Rū nūma rū ta Ngechuchuaŕū nayaxō. ⁵⁸ Rū nūma rū Piratuna nayaca rū ngoxita name na nayauxāxū ga Ngechuchuxūne ga curuchawa. Rū Piratu norū churaragūxū namu na nūxna naxāgūāxūcēx ga Ngechuchuxūne. ⁵⁹ Rū Yúche nanayaxu ga Ngechuchuxūne ga curuchawa. Rū wūxi ga naxchāpenūū ga ngēmataxūmaā nananuque. ⁶⁰ Rū yema naxmaū ga yexwacaxūxū ga Yúche nūgūcētama duūxūgūxū yacaxmaxēēxū ga nuta ga tacūarū mēxpūxūwa yexmaxūgu nayaxūcuchi ga Ngechuchuxūne. Rū űuxūchi nanangūxtaū namaā ga wūxi ga nuta ga taxūchicū. Rū yemawena rū ínixū. ⁶¹ Rū yéma Ngechuchumaāŕū toxmēxtawa irūtogū ga María ga Magadācūāx rū naī ga María.

Parichīagū nūxna nadaugū ga yema naxmaū ga Ngechuchuxū nagu yaxūcuchigūxū

⁶² Rū moxūācū ga ngūxchigaarū ngunexūgu rū paigūarū āēxgacūgū rū Parichēgū rū yéma Piratuxūtawa naxī. ⁶³ Rū űanagūŕūgū nūxū: —Pa Corix, nūxna tacuēāchie ga yema yatū ga Ngechuchu ga idoratēaxū rū yexguma namaūxgu rū űanagūŕū tomaā:

“Ngēxguma chayuxgu rū tomaēxpūx i ngunexūguwena rū wena táxarū ícharūda”, űanagūŕū tomaā. ⁶⁴ —Rū ngēmācēx tanaxwēxe i churaragū ngēma cumugū na nūxna yadaugūxūcēx i ngēma naxmaū űuxmatāta tomaēxpūx i ngunexūwa nangu na tama chūtacū ngēma naxīxūcēx i norū ngūexūgū na yayauxgūāxūcēx i naxūne rū űuxūchi duūxūgūmaā nūxū na yaxugūxūcēx na marū wena namaxūxū. Erū ngēxguma chí ngēmācū naxūpetūgu, rū noxriarū yexera tá nixī na duūxūgūxū nawomūxēēxū —űanagūŕūgū. ⁶⁵ Rū Piratu űanagūŕū nūxū: —Ngēāgū nixī i churaragū i pēxcēx. ícēx ngēma namaā pēxi na meāma pema penaxwēxēxūcūma nūxna pedaugūxūcēx i naxmaū! —űanagūŕū. ⁶⁶ Rū yema churaragūmaā yéma naxī, rū meāma nayataixēēgū ga guma nuta ga Ngechuchumaxū namaā rūngūxtaūcū. Rū nanaxūarū cuēruūāxgū na taxūema naēchita ínaxūgachigūxūcēx ga guma nuta. Rū űuxūchi yexma nanamugū ga churaragū na nūxna nadaugūxūcēx.

28

Yuwa ínarūda ga Ngechuchu

(Mr 16.1-8; Lc 24.1-12; Cu 20.1-10)

¹ Rū sabaduarū ngunexūguwena ga yūxūarū pēxmama, rū yéma naxmaūwa íyadaugū ga María ga Magadācūāx rū naī ga María. ² Rū ngūŕūāchi porācū naxīāxāchiane, yerū wūxi ga daxūcūāx ga Cori ga Tupanaarū orearū ngeruū ínarūxū, rū naxmaūwa nangu rū ínanangūxgachi ga guma nuta ga namaā nangūxtaūcū ga yema naxmaū. Rū űuxūchi guma nutaētūwa narūto. ³ Rū yema orearū ngeruū rū wūxi ga bēixbēxanexūŕū níyauracūū. Rū nacōmūxūchi ga naxchiru. ⁴ Rū yexguma yemāxū nadaugūgu ga churaragū rū norū muūmaā nidyruxe, rū yexma niyuāchitanū. ⁵ Rū yexguma ga yema orearū ngeruū, rū űanagūŕū ngīxū ga yema ngecūgū: —íTāxū i pemuūēxū! Choma nūxū chacuēx rū naxcēx pedaugū ya Ngechuchu ga guma curuchawa yapotagūācū. ⁶ Nataxuma i nuā, erū marū wena namaxū, yema nūma űpa pemaā nūxū yaxuxūŕū. íRū nūā pēxi, rū ípeyadēux i naxmaū i ngēma ínaxūgūāxūwa ga naxūne! ⁷ íRū paxa ípixī, rū norū ngūexūgūmaā nūxū peyarūxugūe rū marū ínarūda rū wena namaxū ya Ngechuchu! Rū űuxma rū marū pēxūpa nūxīra Gariréaanewa naxū i nūmax. Rū ngēma tá nixī i nūxū peyadauxū. Rū ngēma nixī i ore i pemaā nūxū chayarūxuxū —űanagūŕū. ⁸ Rū yexguma ga yema ngecūgū rū paxama nūxna íyaxī ga yema naxmaū. Rū imuūē, natūŕū itaāēgū ta. Rū porācū íxūāchi na Ngechuchuarū ngūexūgūmaā nūxū na yanaxugūxūcēx ga yema ore ga daxūcūāx ngīmaā nūxū íxuxū. ⁹ Rū yexguma ínaxūāchīyane, rū ngūŕūāchi yéma ngīxcēx nangōx ga Ngechuchu, rū ngīxū narūmoxē. Rū ngīmagū rū Ngechuchucēx iyabuxmū rū nūxū iyacuēxūgū, rū naparawa ínēīxāchitanū. ¹⁰ Rū nūma ga Ngechuchu rū űanagūŕū ngīxūgū: —íTāxū i pemuūēxū! íRū ípixī rū chaueneēgū i chorū ngūexūgūmaā nūxū peyarūxu rū Gariréaanewa naxī! Rū ngēma tá nixī i choxū nadaugūxū —űanagūŕū.

Churaragū rū paigūarū āēxgacūgūmaā nūxū nayarūxugūe ga yema ngupetūxū

¹¹ Rū yexguma ga yema ngecūgū rū namaga naxīyane, rū űuxre ga churaragū ga yéma naxmaūwa daxūtaegūxū rū Yerucharēūwa naxī. Rū paigūarū āēxgacūgūmaā nūxū nayarūxugūe ga guxūma ga yema ngupetūxū. ¹² Rū yema paigūarū āēxgacūgū rū namaā nayarūdexagū ga Yudiugūarū āēxgacūgūerugū. Rū nūgūmaā nanamexēēgū ga űacūmaā tá churaragūxū na yaxucūxēgūxū. Rū űuxūchi nūxna ngīxū naxāgū ga tacū ga dīeru. ¹³ Rū namaā nūxū nixugūe rū űanagūŕūgū: —íPema rū űaperūgūgū tá:

“Ngēxguma chūtacū tapeeyane, rū norū ngūexūgū toechita ngēma naxī rū nayayauxgū ga naxūne” űaperūgūgū tá! ¹⁴ Rū ngēxguma āēxgacū ya Piratu tá nūxū cuēxu i ngēma ngupetūxū, rū toma rū tá namaā tidexagū rū namaā tá tanamexēē na taxūma pemaā naxūxūcēx —űanagūŕūgū. ¹⁵ Rū yexguma ga yema churaragū rū ngīxū nayauxgū ga yema

dīēru. Rū yema ãēxgacūgū namaã nūxū ixugūxūrūū duūxūgūmaã nūxū nixugūe. Rū ñūxma rū ta ngēmatama dexa nixī i nūxū yaxugūxū i Yudíugū.

Ngechuchu nanamu ga norū ngūexūgū
(Mr 16.14-18; Lc 24.36-49; Cu 20.19-23)

¹⁶ Rū yema 11 ga Ngechuchuarū ngūexūgū rū Gariréa- anewa naxī ga guma mēxpúne ga Ngechuchu namaã nūxū ixuxūnewa. ¹⁷ Rū yexguma Ngechuchuxū nadaugūgu rū nūxū nicuēxūūgū, woo ñūxre ga norū ngūexūgū rū tama aixcūma nayaxōgū na Ngechuchu yīixū. ¹⁸ Rū yexguma ga Ngechuchu rū naxcēx nixū, rū ñanagūrū nūxū: —Tupana rū ãēxgacūxū choxū nixīxēē i guxū i daxūguxū i naānewa rū guxū i ñoma i naānewa. ¹⁹ —Rū ñūxma rū chanaxwēxe i guxū i nachīūānewa pexī i guxū i duūxūgūtanūwa. ¡Rū chorū duūxūgūxū peyaxīgūxēēx! ¡Rū ípenabaiūxēēx chauégagu rū Chaunatuégagu rū Naāē i Üünexūégagu! ²⁰ ¡Rū penangūexēēx na naga naxīnūēxūcēx i guxūma i ngēma pexū chamuxū! ¡Rū dūcax, guxūgutáma pexūtawa changēxmaēcha ñūxmatáta nagú i naāne! —ñanagūrū ga Ngechuchu.

ORE I MEXÜ GA MARCU ÜMATÜXÜ

Cuáü ga baiüxëerüü nüxü nixu ga Tupanaärü ore ga dauxchitawa ga ngextá taxúema íxãpataxüwa

(Mt 3.1-12; Lc 3.1-9, 15-17; Cu 1.9-28)

¹ Ñaã nixi i norü ügü i ore i mexü ya Ngechuchu ya Cristu ya Tupana Nanechiga. ² Rü nüxcümaücü ga Tupanaärü orearü uruü ga Ichaxia ümatüxü ga Tupanaärü ore, rü ñanagürü:

“Cupëxegu chayamu i chorü orearü ngeruü na namexëëãxüxcëx i cumaü. ³ Rü dauxchitawa i ngextá taxúema íxãpataxüwa rü tá nangëxma i wüxi i duüxü i ngema tagaãcü ñaxü: ‘jPegü pemexëëx naxcëx ya Cori. Rü naxcëx ipeyanawëxãchixëëx i perü maxü!’ ”

ñaxü tá. ⁴ Rü Cuáü rü dauxchitawa ga ngextá taxúema íxãpataxüwa nangox rü yéma ínanabaiüxëë ga duüxügü. Rü namaã nüxü nixu ga na namexü na Tupanacëx nadaugüxü rü ínabaiüxü na Tupana nüxü nüxü nangechaüxüxcëx ga norü pecadugü. ⁵ Rü guxüma ga duüxügü ga Yudéaanecüãx rü ñane ga Yerucharëücüãx rü yéma Cuáüxütawa naxüxü ga na nüxü iyanaxüñüëxüxcëx. Rü nümagü rü norü pecadugüxü yéma nayarüxügüxü, rü Cuáü rü natü ga Yudáüwa ínayabaiüxëëtanü. ⁶ Rü naxchiru ga Cuáü rü cameyütëxanaxcëx nixi, rü norü goyexü rü naxchëxmünaxcëx nixi. Rü beruremaã rü munümaã naxãwemü. ⁷ Rü Cuáü rü yema nüxü yaxuxü ga orewa, rü ñanagürü: —Chowëama tá ne naxü ya choxü rüyexeracü. Rü choma rü taxuwama chame rü bai na ichayarümaxãchixü na íchayawëxüxcëx i norü chapatucunügü. ⁸ —Choma rü dexáwamare pexü íchabaiüxëë, natürü nüma rü tá Tupanaãe i Üünexü pexna nanguxëë —ñanagürü ga Cuáü.

Ngechuchuarü baiechiga

(Mt 3.13-17; Lc 3.21-22)

⁹ Rü yema ngunexüügü, rü Ngechuchu rü ínaxüxü nawa ga guma ñane ga Nacharétu ga Gariréaanewa yexmane. Rü Cuáü rü natü ga Yudáüwa ínanabaiëxëë. ¹⁰ Rü yexguma dexáwa ínaxüãchigu, rü Ngechuchu nüxü nadau ga na yangenaxü ga daxüwa. Rü yema Tupanaãe i Üünexü rü wüxi ga muxtucurüü inanago, rü Ngechuchuna nangu. ¹¹ Rü daxüwa ínanaxü ga wüxi ga naga ga ñaxü: —Cuma nixi i Chaune i cuxü changechaüxüchixü rü cumaã chataãëxüchixü —ñaxü.

Ngechuchuxü naxü ga Chataná

(Mt. 4.1-11; Lc 4.1-13)

¹² Rü yemawena rü Tupanaãe i Üünexü rü dauxchitawa ga ngextá taxúema íxãpataxüwa Ngechuchuxü naga. ¹³ Rü yéma nayexma ga 40 ga ngunexü. Rü naëügü ga idüraexü íyexmagüxüwa nayexma, rü ngoxo ga Chataná rü nüxü naxü. Natürü Tupanaärü orearü ngerüügü ga daxücüãx rü Ngechuchuxü narüngüxëëgü.

Ngechuchu rü Gariréaanewa ínanaxügü ga norü puracü

(Mt 4.12-17; Lc 4.14-15)

¹⁴ Rü nawena ga poxcupataügu na napoxcuxü ga Cuáü, rü Gariréaanewa naxü ga Ngechuchu na naxunagüãxüxcëx ga Tupanaärü ore i mexü. ¹⁵ Rü ñanagürü: —Marü nawa nangu i ngunexü ga Tupana nagu unetaxü, rü pexcëx ningaica na perü ãëxgacü na yüüxü. jRü ñuxma rü name nixi i Tupanacëx pedaugü rü peyaxögü i ngëma norü ore i mexü! —ñanagürü.

Ngechuchu rü ägümücü ga püchaetanüxüxcëx naca

(Mt 4.18-22; Lc 5.1-11)

¹⁶ Rü yexguma nextaxa ga Gariréaanecügu yaxüxgu ga Ngechuchu, rü yéma nüxü nadau ga Chimáü rü naëneë ga Aüdré. Rü nümagü rü woetama püchaetanüxü nixigü rü yéma nextaawa napüchaegü. ¹⁷ Rü Ngechuchu rü ñanagürü nüxü: —jChowë perüxü rü tá pexü charüngüxëë na chauxütawa penagagüxüxcëx i duüxügü! —ñanagürü. ¹⁸ Rü yexgumatama ga yema taxre, rü yéma nanawogü ga norü püchagü. Rü Ngechuchuwe narüxü. ¹⁹ Rü yéamaxüra naxü ga Ngechuchu, rü yéma nüxü nadau ga Chaütiágu rü naëneë ga Cuáü. Rü Zebedéu nanegü nixigü ga nümagü. Rü wüxi ga nguewa nayexmagü, rü yéma ínanangáitagü ga norü püchagü. ²⁰ Rü yexgumatama Ngechuchu naxcëx naca. Rü nümagü rü yéma nguewa tüxü natëxgü ga nanatü ga Zebedéu namaã ga tümaärü puracütanüxügü, rü Ngechuchuwe narüxü.

Wüxi ga yatü ga ngoxo nawa yexmaxüchiga

(Lc 4.31-37)

²¹ Rū ĩāne ga Capernáúwa nangugū. Rū yexguma ngūxchigaarū ngunexūwa nanguxgu, rū Ngechuchu rū ngutaquēxepataūwa naxū rū yexma naxūcu. Rū yéma inanaxūgū ga na nangūxēētaexū. ²² Rū duūxūgū rū nabējāchiāēgū namaā ga norū nguxēētae, yerū aixcūma Tupanaārū poramaā meā nanangūxēē rū tama ngūxēēruūgū ga Moīchēarū mugūwa nguxēētaegūxūrū nixī. ²³⁻²⁴ Rū guma ĩāneārū ngutaquēxepataūwa nayexma ga wūxi ga yatū ga ngoxo nawa yexmaxū. Rū aita yéma naxū, rū ĩānagūrū: —jTūxcūđ totanūwa cuxū, Pa Ngechuchu Pa Nacharētūđāx? jNuā cuxū na toxđ cuyadējūxcēx? Choma rū cuxū chacuēx na Tupana Nane ya Ūñecū quīxū —ĩānagūrū. ²⁵ Rū Ngechuchu nūxū naxoox ga yema ngoxo, rū ĩānagūrū: —jlyarūngeēx rū ĩnaxūxū nawa ya yīma yatū! —ĩānagūrū. ²⁶ Rū yexguma ga yema ngoxo rū guma yatūxū niyuāchixēē, rū tagaācū aita naxūācūma nawa ĩnaxūxū. ²⁷ Rū guxūma ga duūxūgū rū nabējāchiāēgū, rū namūcūgūma nicachigū rū ĩānagūrūgū: —jTacū nixī i ĩāā? Maneca wūxi i ngexwacaxūxū i nguxēētae nixī. Nūma rū aixcūma Tupanaārū poramaā meā nanguxēētae. Rū woo i ngoxogū rū naga naxīnūē i ngēxguma namuāxgu —ĩānagūrūgū. ²⁸ Rū yemaācū nixī ga paxa guxūwama ga Gariréaanewa rū Ngechuchuchigaxū nacuēxgūxū ga duūxūgū.

*Ngechuchu rū Chimáú ga Pedru nēxēcēx nayataanexēē
(Mt 8.14-15; Lc 4.38-39)*

²⁹ Rū yexguma ngutaquēxepataūwa ĩnaxūxūgū ga Ngechuchu, rū Chađtīágu rū Cuáđmaā Chimáú rū Ađdrépatawa naxū. ³⁰ Rū Chimáú nēxē rū ngūrūcarewa iyexma, yerū iyaxaxūne. Rū Ngechuchumaā ngīxū nixugūe. ³¹ Rū ngīxcēx nixū, rū ngīxmēxgu nayayauxāchi, rū ngīxū ĩnarūđaxēē. Rū yexgumatama igēūxāchi ga na yaxaxūnēxū. Rū ĩrūđa, rū ĩnaxūgū ga naxcēx na namēxēēāxū ga ōna.

*Ngechuchu rū muxūma ga ĩdaaweexūcēx nayataanexēē
(Mt 8.16-17; Lc 4.40-41)*

³² Rū yexguma marū yanaxūcuxgu ga ūēxcū ga na nachūtachaūxū, rū Ngechuchuxūtawa nanagagū ga guxūma ga duūxūgū ga ĩdaaweexū rū guxūma ga ingoxoāxgūxū. ³³ Rū guxūma ga yema ĩānecūđāx rū yexma guma ĩpataarū ĩāxwa naxcēx nangutaquēxegū. ³⁴ Rū nūma nanameēxēē ga muxūma ga duūxūgū ga nagūxūraūxū ga đaawemaā ĩdaaweexū. Rū ĩnanawoxū ga muxūma ga ngoxogū, natūrū nūxna nanachuxu ga na yadexagūxū, yerū nūmagū ga ngoxogū rū nūxū nacuēxgū na texē yīxū.

*Ngechuchu rū nanaxunagū ga ore ga mexū ga ngutaquēxepataūwachigū
(Lc 4.42-44)*

³⁵ Rū ngunetūđ ga tauta yangóonegu, rū ĩnaxūāchi ga Ngechuchu. Rū ĩāneārū yéaxūra ga ngextā taxúema ĩxāpataxūwa naxū na yéamaxūra yayumūxēxūcēx. ³⁶ Rū Chimáú rū namūcūgūmaā Ngechuchucēx nayadaugū. ³⁷ Rū yexguma nūxū ĩyangaugūgu, rū ĩānagūrūgū nūxū: —Guxūma i duūxūgū rū cuxcēx nadaugū —ĩānagūrūgū. ³⁸ Natūrū ga nūma rū nanangāxū rū ĩānagūrū nūxū: —jNgīxā rū toxnamana taxī náigu ya ĩānēācūgū ya ngaicamagūnēwa na ngema rū ta chanaxunagūxūcēx i ore i mexū! Erū woetama ngēmacēx nixī i Capernáúārū ĩānēwa ĩchaxūxūxū. ³⁹ Rū yemaācū ga Ngechuchu rū guxūma ga Gariréaanegu nixūāgūchigū. Rū wūxichigū ga ĩāneārū ngutaquēxepataūwa rū nūxū nixuchigū ga ore ga mexū, rū ĩnayawoxūētanū ga ngoxogū.

*Ngechuchu rū wūxi ga rūchaxūnēxūcēx nayataanexēē
(Mt 8.1-4; Lc 5.12-16)*

⁴⁰ Rū Ngechuchucēx nixū ga wūxi ga yatū ga chaxūnemaā ĩdaawecū. Rū napēxegu nayacaxāpūxūācūma ĩānagūrū nūxū: —Pa Corix, ngēxguma cunaxwēxegu na choxđ curūmēxēēxū, rū cuxū natauxcha na chauxcēx cuyataanēxēēxū —ĩānagūrū. ⁴¹ Rū Ngechuchuxaxū nangechāđtūmūđ ga guma yatū. Rū nūxū ningōgū rū ĩānagūrū nūxū: —Ngū, chanaxwēxe. jMarū curūme! —ĩānagūrū. ⁴² Rū yexgumatama nūxū ĩnayarūxo ga na nachaxūnēxū ga guma yatū. Rū meāma naxcēx nitaane. ⁴³⁻⁴⁴ Rū Ngechuchu rū yexgumatama ĩnayamu. Rū meāma nanaxucuxē rū ĩānagūrū nūxū: —jDūcēx, tāxūtāma texémaā nūxū quixu! jNatūrū ngema paixūtawa naxū, rū cugū nūxū yadauxēē! jRū curū mexēēcēx nūxna yaxuaxū i curū āmare ga yema Moīché tūxū muxū na nūxū nacuāxūcēx i duūxūgū na curūmēxū nawa i curū daawe! —ĩānagūrū. ⁴⁵ Natūrū nūma ga guma yatū rū ĩnaxū rū inanaxūgū ga na guxāmaāma nūxū yaxuxū ga yema nūxū ngupetūxū. Rū yemacēx ga Ngechuchu rū marū taxucūrūwa ngóđwama duūxūgūpēxewa ĩānēgūgu naxūcu. Natūrū dauxchitagu ga ngextā duūxūgū ĩtaxuxūgu narūxāūx. Rū yéma naxcēx naxīxū ga duūxūgū ga guxūānēwa ne ĩxū.

2

*Ngechuchu rü wüxi ga yatü ga nawāixāchicüçèx nayataanexèè
(Mt 9.1-8; Lc 5.17-26)*

¹⁻² Rü yixcama ga ñuxre ga ngunexüwena rü wenaxärü Capernáüärü ñānegu naxücu ga Ngechuchu. Rü yexguma duüxügü nüxü cuächigagügu na ipatawa nayexmaxü, rü yéma nangutaquéxegü ga muxüma ga duüxügü. Rü düxwa ga ñāxtüwa rü nanapá. Rü nüma ga Ngechuchu rü namaā nüxü nixu ga ore i mexü. ³ Rü yéma nangugü ga āgümücü ga yatügü ga yéma nangetaügüxü ga wüxi ga yatü ga nawāixāchicü. ⁴ Natürü yema na namuxüchixü ga duüxügü, rü taxucürüwama Ngechuchuxütawa nangugü. Rü yemacèx ñanapogüétü ga Ngechuchu iyexmaxüwa ga guma ipata. Rü yéma norü caruügu ñanachüxüetaügü ga guma nawāixāchicü. ⁵ Rü yexguma Ngechuchu nüxü dèuxgu ga ñuxäcü aixcüma na yaxögüāxü ga yema duüxügü, rü ñanagürü nüxü ga guma nawāixāchicü: —Pa Chaunex, curü pecadugü rü marü cuxü nüxü changechaü —ñanagürü. ⁶⁻⁷ Natürü ñuxre ga ngüexèèruügü ga Moïchéarü mugüwa nguxèètaegüxü rü yéma narütogü. Rü naāéwa ñaxügu narüxñüé: —¿Ñuxäcü tama namuü na ngémaacü yadexaxü? ¿Rü ñacü Tupanamaā yaxugüxü? Erü Tupanaxicatama nixü ya duüxügüarü pecaduxü ngechaücü —ñaxügu narüxñüé. ⁸ Natürü yexgumatama ga Ngechuchu rü nüxü nicuèxāchi ga yema nagu naxñüéxü, rü yemacèx nüxna naca rü ñanagürü nüxü: —¿Tüxcüü ngémagu perüxñüé i pemax? ⁹ —¿Tüxcü nixü i rütauchamaèxü na namaā nüxü ixuxü ya daa nawāixāchicü:

“Curü pecadugü rü marü cuxü nüxü changechaü”, rü éxna:

“¿Inachi, rü nayaxu i curü caruü, rü ñixü!” ñaxü? ¹⁰⁻¹¹ —Natürü ñuxma rü tá pexü nüxü chadauxèè na Chaunatü nüma choxü muxü na duüxügüaxü nüxü changechaüxüçèx i norü pecadugü —ñanagürü. Rü yexguma yema ñaxguwena rü guma nawāixāchicüxü ñanagürü: —Cumaā nüxü chixu rü ñinachi, rü nayaxu i curü caruü, rü cupatawa naxü! —ñanagürü. ¹² Rü yexgumatama inachi ga guma idaawecü. Rü nanayaxu ga norü caruü, rü ñaxüxü napéxewa ga guxüma ga yema duüxügü ga yéma yexmagüxü. Rü yemacèx ga yema duüxügü rü nabeixāchiāégü, rü Tupanaxü nicuèxüügü, rü ñanagürügü: —Taguma nüxü tadau i ñacü i ñaärüü ixixü —ñanagürügü.

*Lebicèx naca ga Ngechuchu
(Mt 9.9-13; Lc 5.27-32)*

¹³ Rü yemawena rü wenaxärü naxtaacutüwa naxü ga Ngechuchu. Rü yema muxüma ga duüxügü rü naxcèx naxü. Rü nüma rü nanangüexèè. ¹⁴ Rü yexguma yéma naxüpetügu ga Ngechuchu, rü yéma nüxü nadau ga Lebí ga Arupéu nane. Rü nüma ga Lebí rü yéma narüto nawa ga yema nachica ga duüxügüna dièru ngixü ñayaxuxüwa naxcèx ga Dumacüāxärü āèxgacü yerü woetama yema nixü ga norü puracü. Rü Ngechuchu rü ñanagürü nüxü: —¿Chowe rüxü! —ñanagürü. Rü inachi ga Lebí, rü nawe narüxü. ¹⁵ Rü yéma Lebípatawa nachibü ga Ngechuchu. Rü yéma nachibüe ga muxüma ga duüxügü ga Lebírüü Dumaärü āèxgacüçèx dièru ngixü yauxgüxü. Rü nayexmagü ta ga togü ga duüxügü ga taxüema nacümamaā taāégüxü ga yéma mechawa rütogüxü namaā ga Ngechuchu rü norü ngüexügü. Yerü namu ga yema nawe rüxixü. ¹⁶ Rü yéma nayexmagü ta ga ñuxre ga Parichéugü rü ngüexèèruügü ga Moïchéarü mugüwa nguxèètaegüxü. Rü yexguma nüxü nadaugüga ga yema togümaā na nachibüxü ga Ngechuchu, rü norü ngüexügüna nacagü, rü ñanagürügü: —¿Ñuxäcü i perü ngüexèèruü rü namaā nachibü i āèxgacüarü duüxügü i dièruarü yauxwa puracüexü rü duüxügü i pecadüxügüxü? —ñanagürügü. ¹⁷ Rü yexguma yemaxü naxñügu ga Ngechuchu rü ñanagürü nüxü: —Ngéma poraèxü rü tama nanaxwèxe ya duturu, natürü ngéma idaaweexü waxi nixü i naxwèxexü ya duturu. Choma rü tama mexügüna na chaxuxüçèx nixü ga núma chaxüxü, natürü núma chaxü na nüxna chaxuxüçèx i pecadüxügüxü —ñanagürü.

*Ngechuchuna aurechigacèx nacagüe
(Mt 9.14-17; Lc 5.33-39)*

¹⁸ Rü wüxi ga ngunexügu rü tama nachibüe yerü Tupanacèx naxauree ga Cuätü ga baitüxèèrüärü ngüexügü rü Parichéugüarü ngüexügü. Rü yemaxü nadaugüga ga ñuxre ga duüxügü, rü Ngechuchuxütawa naxü rü nüxna nayacagüe, rü ñanagürügü: —Ngéma Cuätüarü ngüexügü rü Parichéugüarü ngüexügü rü naxauree. ¿Rü tüxcüü i curü ngüexügü i tama naxaureexü? —ñanagürügü. ¹⁹ Rü Ngechuchu nanangāxü rü ñanagürü nüxü: —¿Éxna wüxi i ngügüarü petawa rü pexcèx namexü na naxaureexü i ngéma nüxna naxugüxü ega natanüwa nangèxmagu i ngéma yatü i ngexwacèx āmaxü? Pemaā nüxü chixu rü ngèxguma natanüwa nangèxmayane i ngéma yatü i ngexwacèx āmaxü rü taxucürüwama naxauree i ngéma nüxna naxugüxü. ²⁰ —Natürü wüxi i ngunexü rü ngéma yatü i ngexwacèx āmaxü rü tá namüçügüna nixügachi. Rü ngéma ngunexügu tá nixü i naxaureexü. [Rü

chorü ngüexügü rü taxucürüwama naxauree i ñuxma erü natanüwa changëxma. Natürü inangu tá i ngëma ngunexü na nüxna chixügachixü, rü ngëxguma tá nixí i naxaureexü.]
 21 —Rü taxúema wüxi i naxchirutüchi i ngexwacaxüxümaã tanapaita i wüxi i naxchiru i ngauxü. Erü ngëxguma nañaächimügu i ngëma natüchi i ngexwacaxüxü, rü tá nanagüxëë i ngëma ngauxü i naxchiru. Rü noxriarü yexera tá narügáu. 22 —Rü ngëxgumarüü ta taxúema ngexwacaxücü ya binu rü wüxi i marü ngauxü i naxchiü i naxchëxmünaxcëxu tayabacuchi. Erü ngëxguma ngëmaãcü naxüxgu rü yima binu ya ngexwacaxücü rü narüngu, rü tá nayawãixëë i ngëma naxchiü i ngauxü i naxchëxmünaxcëx. Rü ngëxma tá inayarüxo ya binu rü naxchiü rü ta. Rü ngëmacëx tanaxwëxe ya ngexwacaxücü ya binu rü ngexwacaxücü i naxchiügu tayabacuchi. [Rü chorü ngüxëëtae i ngexwacaxüxü rü ngëxgumarüü ta nixí na taxucürüwama namaã nawüxiguxü i ngëma nuxcümaüxü i pecümagü —ñanagürü ga Ngechuchu.]

Ngechuchuarü ngüexügü rü trigu nibuxetanü ga ngüxchigaarü ngunexügu
 (Mt 12.1-8; Lc 6.1-5)

23 Wüxi ga ngüxchigaarü ngunexügu ga Ngechuchu rü norü ngüexügümaã trigunecüwa nachopetü. Rü nümagü ga norü ngüexügü rü inaxiäcüma inanaxügüe ga trigu na yabuxetanüxü. 24 Rü yema Parichëgü rü Ngechuchuna nacagü rü ñanagürügü: —Dücëx ¿rü tüxücüü i curü ngüexügü rü nanaxügü i ngëma tama mexü i ngüxchigaarü ngunexügu na naxüxü? —ñanagürügü. 25 Natürü nüma ga Ngechuchu rü ñanagürü nüxü: —¿Taguma éxna poperawa nüxü pedau ga tacü na naxüxü ga nuxcümaücü ga äëxgacü ga Dabi rü natanüxügü ga yexguma ðna nüxü tauxgu rü nataiyaegu? 26 Rü yexguma paigüarü äëxgacü yixügu ga Abiatáru, rü Dabi rü Tupanapatagu naxücu. Rü nanangöx ga yema páu ga üünexü ga paigücëxicatama ixüxü. Rü nüma ga Dabi rü natanüxümaã rü ta nangau ga yema páu —ñanagürü. 27 Rü ñanagürü ta ga Ngechuchu: —Ngëma ngüxchigaarü ngunexü rü duüxügücëx nixí ga naxüxü. Rü tama ngüxchigaarü ngunexücëx nixí ga naxüxü ga duüxügü. 28 —Rü ngëmacëx ya Tupana Nane ya duüxüxü ixücü rü namaã inacüex ta i ngüxchigaarü ngunexü —ñanagürü.

3

Wüxi ga yatü ga yumécüchiga
 (Mt 12.9-14; Lc 6.6-11)

1 Rü wenaxäru ngutaquëxepataügu naxücu ga Ngechuchu. Rü yéma nayexma ga wüxi ga yatü ga norü wüxichacüwa yumécü. 2 Rü yema Parichëgü, rü Ngechuchuxü nangugügü ngoxi tá namexëëã ga ngüxchigaarü ngunexügu, na yemaãcü nüxü nayexmaxücëx ga tacücëx na inaxuaxügüäxü. 3 Rü yexguma ga Ngechuchu rü ñanagürü nüxü ga guma yumécü: —¿Írúda, rü nuxã ngäxütanügu yachi! —ñanagürü. 4 Rü yexguma ga Ngechuchu rü yema togü ga yéma yexmagüxüna naca, rü ñanagürü nüxü: —¿Tacü nixí i mexü na naxüxü i ngüxchigaarü ngunexügu? ¿Namexü na naxüxü i mexü rü éxna chixexü? ¿Rü namexü na namaxëëxü rü éxna yamáxü? —ñanagürü. Natürü ga nümagü rü yexma nayarüngeëxgümare. 5 Rü nüma ga Ngechuchu rü nuchametüäcüma nüxü nidaugüächi ga yema nüxü íchomaëguächixü. Rü nangechaü yerü tama inaxínüechaü ga yema duüxügü. Rü guma yatüxü ñanagürü: —¿Iyanawëxächixëë ya cuxmëx! —ñanagürü. Rü yexguma ga guma yatü rü nügü inayarüwëxächimëxëë. Rü yexgumatama rü narümemëx. 6 Natürü yexguma yemaxü nadaugügu ga Parichëgü, rü inachoxü ga yéma. Rü Erodetanüxümaã inanaxügüe ga na naxcëx nadaugüxü ga ñuxäcü tá na Ngechuchuxü yamëxgüxü.

Naxtaacutüwa Ngechuchucëx nangutaquëxegü ga muxüma ga duüxügü

7 Rü Ngechuchu rü norü ngüexügümaã naxtaacutüwa naxü. Rü muxüma ga duüxügü ga Garirëaanecüäx rü nawe narüxü. 8 Rü yexguma nüxü nacuächigagügu ga guxüma ga yema mexügü ga naxüxü ga Ngechuchu, rü naxcëx naxítaquëxe ga muxüma ga duüxügü ga Yudeaanecüäx, rü Yerucharëcüäx, rü Iduméãanecüäx, rü Yudáüaru tocutücüäx rü yema naãne ga Tiru rü Chidáüaru iãnegü nawa yexmaxücüäx. 9 Rü yemacëx ga Ngechuchu rü norü ngüexügüxü namu na wüxi ya ngue naxcëx namexëëgüxücëx na tama yéma yaxüxtügüäxücëx ga yema muxüma ga duüxügü. 10 Yerü nüma rü nanameëxëë ga muxüma, rü yemacëx guxüma ga yema idaaweexü rü naxcëx naxí na nüxü yangögügüxücëx. 11 Rü yexguma yema ngoxoäxgüxü ga duüxügü nüxü daugügu, rü napëxegu nacaxäpüxügü rü tagaäcü ñanagürügü: —Cuma nixí ya Tupana Nane quiüxü —ñanagürügü. 12 Natürü nüma ga Ngechuchu rü poraäcü nayaxucüxëgü na tama duüxügümaã nüxü yaxugüexücëx ga nachiga.

Ngechuchu nanade ga 12 ga norü ngüexügü na toxnamana namugüäxücëx
 (Mt 10.1-4; Lc 6.12-16)

¹³ Rū yemawena ga Ngechuchu rü wüxi ga mëxpünewa inaxũãchi. Rū yéma naxcèx naca ga yema ngüexũgü ga nūma nanaxwèxexũ. Rū naxũtagu naxĩtaquèxegü. ¹⁴ Rū yematanüwa nayadexechi ga 12 ga norü ngüexũgü na namücüügüxüchi yĩĩxũcèx, rü na yamugüãxũcèx ga norü orearü unagiüwa. Rū yemagü rü Imugüxũgu nanaxüéga. ¹⁵ Rū pora nüxna naxã na Tupanaãrü poramaã inawoxũãxũcèx ga ngoxogü. ¹⁶ Rū ñaãgü nixĩ ga naega ga yema 12 ga norü ngüexũgü ga naxexũ. Rū wüxi nixĩ ga Chimáü ga Pedregu naxüéga. ¹⁷ Rū togü nixĩ ga Chaũtiágu rü naëneë ga Cuáũ. Rū nūmagü rü Zebedéu nanegü nixĩ. Rū Ngechuchu rü Boanéregu nanaxüéga. Rū ngēma nixĩ i Duruanexü Nanegü –ñaxũchiga. ¹⁸ Rū togü nixĩ ga Aũdré, rü Piripi, rü Baturumé, rü Mateu, rü Tumachi, rü Chaũtiágu ga Arupéu nane, rü Tadeü, rü Chimáü ga iporaãcëcüü. ¹⁹ Rū to nixĩ ga Yuda ga Icarüite ga yixcama bexma Ngechuchuxũ íxuaxũxũ.

*Ngechuchuxũ nixugü na ngoxoarü poramaã napuracüxũ
(Mt 12.22-32; Lc 11.14-23, 12.10)*

²⁰ Rū yemawena rü wüxi ga İpatagu naxücu ga Ngechuchu. Rū wenaxãrü naxcèx nangutaquèxegü ga muxũma ga duũxũgü. Rū yemacèx woo na nachibüexũcèx rü nangechicagü ga nūma rü norü ngüexũgü. ²¹ Rū yexguma yemaxũ taxĩnũégu ga guxema natanüxũgü ga Ngechuchu, rü İtayadaugü na tayagagüxũcèx, yerü nüxũ tixugügü rü: –Naxãũãemare –ñatagürügü. ²² Rū yexgumarũ ta ga yema ngüexëëruügü ga Moichëarü mugüwa ngüxëëtaegüxũ ga Yerucharéüwa ne İxũ, rü ñanagürügü: –Ñã yatü i Ngechuchu, rü ngoxogĩnatü i Bechebüarü poramaã nixĩ i inawoxũãxũ i ngoxogü –ñanagürügü. ²³ Natürü ga Ngechuchu rü naxcèx naca ga yema ngüexëëruügü. Rū wüxi ga ore ga cuèxruũxũ namaã nixu, rü ñanagürü: –¿Rü ñuxãcü i Chataná i nügütama inatèxüchixũ? ²⁴ –Rü ngëxguma chi wüxi i nachĩũãnecũãx i duũxũgü rü nügütanüxũwatama nügü nadaixgu, rü taxuacüma natai i ngēma nachĩũãne. ²⁵ –Rü ngëxguma chi wüxi ya İpatacũãx nügü itoyegu, rü taxuacüma natai ya yima İpata. ²⁶ –Rü ngëxgumarũ chi ta nixĩ i Chataná ega nügümaã nanuxgu rü nügü yamèxgu, rü taxuacü chima natai i ngëxguma. Rü chi ngëxma nagux. ²⁷ –Rü taxuacüma texé wüxi ya yatü ya poracüpatagu taxücu na nüxna tanapuxũxũcèx i norü ngëmaxũgü, ega tama tayanèixiragu. Erü ngëmaãcüxica tá nixĩ i tũxũ nanguxũxũ na tanapuxũxũ i norü ngëmaxũgü. ²⁸ –Rü aixcüma pemaã nüxũ chixu rü Tupana tá nüxũ nüxũ nangechaũ i duũxũgü i guxũma i norü pecadugü rü guxũma i tacü i chixexũ i namaã yadexagüxũ. ²⁹ –Natürü texé ya chixexũ namaã ixugüxe i Tupanaãe i Üünexũ, rü tagutáma tũxũ nüxũ nangechaũ ya Tupana. Rü guxũgütáma chixexũwa tũxũ natèx –ñanagürü. ³⁰ Rū yema ñanagürü ga Ngechuchu, yerü yema ngüexëëruügü ga Moichëarü mugüwa ngüxëëtaegüxũ rü: “Nangoxoãx” ñanagürügü nüxũ.

*Ngechucharü mamá rü naëneëgüchiga
(Mt 12.46-50; Lc 8.19-21)*

³¹ Rū yexgumayane rü İtangugü ga Ngechucharü mamá rü naëneëgü. Natürü İpataarü düxëtügu tarücho, rü naxcèx yéma tangemagü. ³² Rū yema duũxũgü ga Ngechuchuxũ İchomaëguãchixũ, rü ñanagürügü nüxũ: –Curü mamá rü cueneëgü rü cueyèxgü, rü yéa düxëtüwa tangëxmagü, rü cuxcèx tadaugü –ñanagürügü. ³³ Rū nūma nanangãxũ, rü ñanagürü: –¿Texé tixĩ ya chaurü rü chaueneëgü? –ñanagürü. ³⁴ Rū yema nüxũ İchomaëguãchixũxũ nidaugüãchi, rü ñanagürü: –Rü daxegü tixĩ ya chaurü rü chaueneëgü. ³⁵ –Erü guxãma ya texé ya naxũxe i Tupanaãrü ngüchaũ, rü yixema tixĩ ya chaueneë rü chaueyèx rü chaurü –ñanagürü.

4

*Ore ga toecügu ixuxũ
(Mt 13.1-9; Lc 8.4-8)*

¹ Rū wenaxãrü inanaxügü ga Ngechuchu ga na nangüexëëãxũ ga duũxũgü ga guma naxtaxaãnacüwa. Rū muxũma ga duũxũgü yexma naxcèx nangutaquèxegü. Rū yemacèx düxwa wüxi ga ngue ga yéma naxtaawa yexmanegu nixüe ga Ngechuchu, rü gumawa narüto. Rū yema duũxũgü rü naxtaxaãnacügu narücho. ²⁻³ Rū yexguma ga Ngechuchu rü inanaxügü ga muxũma ga ore ga cuèxruũwa na nangüexëëãxũ ga duũxũgü. Rū norü ngüxëëtaewa rü ñanagürü: –¿Düçèx, İperüxĩnũe i ñãã ore! Wüxi ga yatü ga toecü rü triguarü towa naxũ. ⁴ –Rü yexguma triguchiremaã nagüaneëgu, rü ñuxre ga triguchire rü namagu nayi. Rū İnangugü ga werigü, rü nanawecu. ⁵ –Rü náigü ga triguchire rü nutatanügu nayi ga ngextá İnachicaxũwa ga waixũmü. Rū paxa narüxũgü ga guma triguchire, yerü ga waixũmü rü tama nayaxcü. ⁶ –Natürü yexguma nangunagügu ga üexcü, rü İnanagu ga guma trigu rü narüñèxgü. Rū nayue, yerü tama poraãcü nixãmaxã. ⁷ –Rü náigü ga triguchire rü toranecügu nayi. Rū yexguma nayaegu ga tora, rü guma triguxũ inawocu, rü yemacèx tama

nixo. ⁸—Natürü náigü ga triguchire rü mexü ga waixüümügu nayi. Rü meäma nayae, rü muxüma ga trigu nawa ínanguxuchi. Rü nümaxüneyëxawa rü 30 püxü ínanguxuchi ga norü o, rü náigüwa rü 60, rü náigüwa rü 100 ínanguxuchi —ñanagürü. ⁹ Rü ñuxüchi ñanagürü ta: —Rü yixema áchixëgüxe, írü nüxü taxínüë i ñaã ore! —ñanagürü.

Tacüchiga nixí ga yema ore ga cuëxruügu ixuxü
(Mt 13.10-17; Lc 8.9-10)

¹⁰ Rü yemawena ga yexguma nanüxcëxgu ga Ngechuchu, rü yema naxütagügüxü wüxigu namaã ga yema 12 ga norü ngüexügu, rü nüxna nacagüe ga na tacüchiga yixü ga yema ore ga cuëxruügu ixuxü. ¹¹⁻¹² Rü nüma nanangäxü rü ñanagürü nüxü: —Tupana rü pexü nüxü nacuëxëë i ngëma ëxügüxü i taxuüma i togü nüxü cuáxü na ñuxäcü äëxgacü na yixü i nümax. Natürü ngëma togü i tama tatanüxü ixüxcëx rü cuëxruügu chayaxuäcüma namaã nüxü chixu i ore na woo nüxü nadaunügu rü ñoma tama nüxü nadaugüxürü na yixüxcëx, rü woo nüxü naxínüëgu rü tama nüxü na nacuëxgüxcëx. Rü ngëmaäcü namaã nüxü chixu na tama nüxü naxoëxüxcëx i nacüma i chixexü rü tama Tupana nüxü nüxü ngechäxüxcëx i norü pecadugü —ñanagürü.

Ngechuchu rü meã nanangoxëë ga yema ore ga cuëxruü ga toecüchigagu ixuxü
(Mt 13.18-23; Lc 8.11-15)

¹³ Rü Ngechuchu ñanagürü nüxü: —¿Pema rü ta ëxna tama nüxü pecuëxgü na tacüchiga yixü i ngëma ore i cuëxruü i nüxü chixuxü? ¿Rü ñuxücüruwa tá nüxü nacuëxgü i ngëma togü? ¹⁴ —Rü yixema toexe, rü yixema tixí ya ore i mexü unagüxe. ¹⁵ —Rü nangëxma i duüxügü i guma triguchire ga namagu yixünerüü ixügüxü. Rü nümagü rü nüxü naxínüë i ore i mexü, natürü yixcama marü nüxü naxínüëguwena, ngëma nangu i Chataná rü nüxna nanapu i ngëma ore i mexü ga noxri yaxögüxü. ¹⁶ —Rü togü rü ngëma triguchire ga nutatanügu yixünerüü nixigü. Rü ngëmagü nixí i nüxü ínüëxü i ore i mexü, rü taëëäcüma nayauxgüxü. ¹⁷ —Natürü ngëma na tama aixcüma nagu naxínüëxü i ngëma ore, rü paxaächitama nayaxögü. Rü ngëmacëx i yixcama ngëxguma ngëma oregagu guxchaxügü nüxü üpetügu rü ëxna duüxügü naxchí aiegu, rü nüxü narüxoe i ngëma ore ga noxri yaxögüxü. ¹⁸⁻¹⁹ —Rü togü rü guma triguchire ga toranecügu yixünerüü nixigü. Nümagü rü nüxü naxínüë i ngëma ore i mexü, natürü ñoma i naãneärü ngëmaxügüxcëx naxoëgaãëgü rü norü díeruguma narüxínüë, rü nanaxwëxëgü i nüxü na nangëmaxü i muxüma i to i norü ngëmaxügü. Rü guxüma i ngëma rü nüxü nüxü inayarüngümaëxëë i ngëma ore i mexü rü nüxü nüxü narüxoëxëë na tama naxügüäxüxcëx i ngëma mexü i Tupana nüxü naxwëxëxü. ²⁰ —Rü togü rü guma triguchire ga mexü ga waixüümügu yixünerüü nixigü. Ngëmagü nixí i nüxü ínüëxü i ore i mexü rü nayauxgüxü rü meã Tupana naxwëxëxüäcüma maxëxü. Rü nümaxü rü guma trigu ga 30 püxü nawa ínguxuchinerüü nixigü. Rü nümaxü rü guma 60 püxü nawa ínguxuchinerüü nixigü. Rü nümaxü rü guma 100 püxü nawa ínguxuchinerüü nixigü —ñanagürü.

Ore ga omügu ixuxü
(Lc 8.16-18)

²¹ Rü yexgumarüü ta ñanagürü nüxü: —¿Éxna nuã tanange i wüxi i omü na wüxi i caichäütüdügu rü ëxna wüxi i pechicatüügu na yaxüchixüxcëx? Tama ngëmaäcü nixí, erü wüxi i omü rü dauxnagu tanaxünagü na ngëma ínabaxixüxcëx. ²² —Rü ngëxgumarüü ta i guxüma i tacü íicüxü, rü yixcüra rü duüxügü rü tá nüxü nacuëxgüma. Rü guxüma i ngëma ñuxma duüxügüxcëx ëxügüxü rü tá nangoxoma i yixcüra. ²³ —Rü yixema áchixëgüxe, írü nüxü taxínüë i ngëma ore! —ñanagürü. ²⁴ Rü yexgumarüü ta ñanagürü nüxü: —¿Meã naga pexínüë i ngëma nüxü pexínüëxü! Rü ngëma pema naga na pexínüëxürüü tá nixí i Tupana i pexna naxäãxü i cuëx. Rü naëtü tá poraäcü pexü narüngüxëë. ²⁵ —Rü pemaã nüxü chixu, rü texé ya aixcüma naga ínüëx i ñaã ore i mexü rü Tupana rü yexeraäcü tá tüxü nüxü nacuëxëë. Natürü yixema tama naga ínüëx i ñaã ore rü Tupana tá tüxna nanayaxu i ngëma íraxü i cuëx i tüxü ngëxmachirëxü —ñanagürü.

Ore ga triguchire ga rüxixügu ixuxü

²⁶ Rü Ngechuchu rü ñanagürü ta: —Pemaã tá nüxü chixu i wüxi i ore i cuëxruü na nüxü pecuáxüxcëx na ñuxäcü äëxgacü na yixü ya Tupana. Rü wüxi ya yatü rü waixüümügu nanato ya triguchire. ²⁷ —Rü nüma ya yatü rü chütacü nape rü moxüäcü ínarüda, rü yoxni ya yima triguchire rü narüxü rü niyachigü. Natürü nüma ya yatü rü tama nüxü nacuëx na ñuxäcü na naxüxü rü na nayaxü. ²⁸ —Rü ngëmaäcü i ngëma waixüümü rü nüëchamatama nanaxüxëë ya yima triguchire. Rü naätügüxira narüxü rü yixcama i nachacu rü ngëmawena nachacuwa nanguxü i norü o. ²⁹ —Rü ngëxguma marü yadauxgu i ngëma norü o, rü nanabuxu erü marü nawa nangu i norü buxgü —ñanagürü.

Ore ga motachachiregu ixuxi
(Mt 13.31-32; Lc 13.18-19)

³⁰ Rū ñanagürü ta ga Ngechuchu: —Rū Tupanaarü ore rü yexera nixüchigü ¿Rü nanatacüraxü rü tacügu tanangu? ³¹⁻³² —Rü ñoma wüxi ya motachachire ya waixüümügu itoxünerüü nixi. Rū woo guxünema ya nanetüchirexü narüxíramaë, natürü ngëxguma inatoxgu, rü narixü rü naya ñuxmata guxüma i togü i nanetüxü nayexera. Rü nachacüü rü nita, rü woo werigü rü natanügu nixüachiäü —ñanagürü.

Cuëxruügu ixuxil ga oremaä nidexa ga Ngechuchu
(Mt 13.34-35)

³³ Rū yemaäcü ga Ngechuchu rü muxüma ga nayexgumaächiraüxü ga ore ga cuëxruügümaä nanangüxëë ga duüxügü. Natürü yema cuëxruügü rü tama yema duüxügüarü cuëxü nangupetü. ³⁴ Rū ore ga cuëxruügu ixuxilxícatama nixi ga norü nguxëëtae. Rū yixcama ga yexguma nanüxícëxgügu, rü norü ngüexügücëx meäma nanangoxëë ga guxüma.

Ngechuchu rü buanecüxü rü yuapexü inayachaxächixëë
(Mt 8.23-27; Lc 8.22-25)

³⁵ Rū yematama ngunexügu ga marü nachütachaügu, rü Ngechuchu rü ñanagürü nüxü ga norü ngüexügü: —¡Ngixä rü nextaxaarü tocutüwa taxil! —ñanagürü. ³⁶ Rū yexguma duüxügüna yéma inaxiächi. Rü norü ngüexügü rü Ngechuchuxü nigagü nagu ga guma ngue ga marü nawa nayexmane. Rū yexgumarüü ta ga togü ga duüxügü rü naïgü ga ngegügu inayaxüümücü. ³⁷ Rū yexguma yaxäüyane rü inaxü ga wüxi ga buanecü ga taxüchicü. Rū yema na nataxüchixü ga buanecü, rü guma ngegu niyaxucuchichigü ga yuape, rü yexma nabaxügüchaü. ³⁸ Natürü ga Ngechuchu rü guma ngeuchinüwa wüxi ga cüxeruügu naca, rü yéma nape. Rū inanabaixgügü, rü ñanagürügü nüxü: —Pa Ngüxëëruüx, ¿éxna curü me nixi na nuxma ibaxügüxü? —ñanagürügü. ³⁹ Rū yexguma inarüda ga Ngechuchu. Rū buanecüna nachogü rü ñanagürü nüxü ga guma nextaxa: —¡Iyarüchiane rü iyachaxächil! —ñanagürü. Rū inayachaxächi ga buanecü rü guxüwama inachaxanemare. ⁴⁰ Rū yemawena ga Ngechuchu rü norü ngüexügüxü ñanagürü: —¿Tüxcüü ngëmaäcü poraäcü pemuüë? ¿Ñuxma rü ta éxna tama aixcüma peyaxögü? —ñanagürü. ⁴¹ Natürü nümagü ga norü ngüexügü rü poraäcü namuüë. Rü nügüna nacagüe rü ñanagürügü: —¿Texe éxna nixi ya daa rü éixrücü ya buanecü rü yuape rü naga naxinüëxü? —ñanagürügü.

5

Yatü ga Gadarácüx ga ngoxogü nawa yexmagüxü
(Mt 8.28-34; Lc 8.26-39)

¹ Rū nextaxaarü tocutüwa nangugü ga Gadáranewa. ²⁻³ Rū yexguma marü nguewa inaxüegu ga Ngechuchu, rü yéma naxcëx nixü ga wüxi ga yatü ga ngoxo nawa yexmaxü. Rū yema yatü rü duüxëgüchiquëxewa ne naxü, yerü yexma nixi ga yanaxachigünëxüxü. Rū taxüexüma nanguxü na tayanáixü, woo cadenamaä. ⁴ Rū woo muëxpüxcüna cadenamaä nayanëxparagü rü nayanëxchacüügü, natürü nüma rü guxüguma íraxügu inanacauügüama, rü yemaäcü taxüexüma nanguxü. ⁵ Rū ngunecü rü chütacü rü yue-tachiquëxetanügu rü naxpüxgügu nanaxachigüane. Rū yexma nanacaeane, rü nutamaä nügügu napogü. ⁶ Natürü yexguma yaxügutama Ngechuchuxü nadëuxgu, rü naxcëx inañaächi, rü napëxegu nayacaxäpüxü. ⁷ Rū aita naxüäcüma ñanagürü nüxü: —¿Tüxcüü nuä choxü cuyachixewe, Pa Ngechuchux, Pa Tupanaxüchi Nanex? Rü Tupanaegagu cuxü chacëxü na tama ngxüü choxü quingexëëxü —ñanagürü. ⁸ Rū yemaäcü nidexa ga yema ngoxo yerü Ngechuchu rü marü ñanagürü nüxü: —Pa ngoxox, ¡inaxüxü nawa ya yima yatü! —ñanagürü. ⁹ Rū yexguma ga Ngechuchu rü nüxna naca, rü ñanagürü: —¿Tacü nixi i cuéga? —ñanagürü. Rü nüma ga ngoxo nanangäxü, rü ñanagürü: —Muxüchixü nixi i chauéga, erü tamu i tomox —ñanagürü. ¹⁰ Rū poraäcü Ngechuchuxü nacëxügü na tama inawoxüäxücxë ga yema naänewa. ¹¹ Rū yema nachicaarü ngaicamana ga naxpüxpechinüwa rü nayexmagü ga muxüma ga cuchigü ga yéma chibüexü. ¹² Rū yemacëx ga yema ngoxogü rü Ngechuchuxü nacëxügü, rü ñanagürügü: —¡Ngema cuchitanüwa toxü namugü na nagu tachocuxücxë! —ñanagürügü. ¹³ Rū Ngechuchu rü: —Ngü —ñanagürü. Rū yexguma ga yema ngoxogü rü guma yatüwa inachoxü, rü yema cuchigügu nayachocu. Rū yema cuchigü ga wixgu 2000 ixügüxü rü inaxüächi, rü nextaacutüarü mëxpüxüwa nayarüyuxgü. Rū yexma nayi. ¹⁴ Rū yema cuchigüarü dauruügu rü iänewa nabuxmü. Rü iänewa rü yema iäneärü ngaicamana ipeagüxü ga duüxügütanüwa nüxü nayarüxügügü ga yema üpetüxü. Rü ga duüxügü rü inayadaugü. ¹⁵ Rū yexguma Ngechuchu íyexmaxüwa nangugügu, rü yéma nüxü nadaugü ga guma yatü ga ngoxoäxchirëcü. Rü yéma narüto, rü naxäxchiru, rü meäma naäëxü nacüë. Rü

poraáčü nabaixächiaägü ga duüxügü. ¹⁶ Rü yema cuchigüarü dauruügü ga nüxü daugüxü ga facü na nüxü ngupetüxü ga guma yatü ga ngoxoächirécü rü facü nüxü na ngupetüxü ga yema cuchigü, rü yema nixü ga togü ga duüxügümaa nüxü ixügüexü ga guxüma ga yema ngupetüxü. ¹⁷ Rü yexguma yemaxü naxinüegu ga duüxügü, rü inanaxügüe ga Ngechuchuxü na nacéèxügüxü ga na ínaxüxüxcèx ga yema naañewa. ¹⁸ Rü yexguma wenaxäru ngegu yaxüegu ga Ngechuchu, rü guma yatü ga ngoxoächirécü, rü nüxü nacéèxü na Ngechuchuwe naxüxcèx. ¹⁹ Natürü ga Ngechuchu rü tama nanaxwèxe, rü ñanagürü nüxü: —¡Cuchiüwa naxü rü cutanüxümaa nüxü yarüxu i guxüma i ngéma cuxcèx naxüxü ya Cori ya Tupana, rü ñuxäcü nüxü na cungechaitümüxü! —ñanagürü. ²⁰ Rü nüma ga guma yatü rü ínixü. Rü inanaxügü ga guxüma ga Decaporíchuanewa yexmagüne ga íañegüwa nüxü na yaxuxü ga yema Ngechuchu naxcèx üxü. Rü guxüma ga duüxügü rü nabaixächiaägü.

*Yáirucächigga rü yema nge ga Ngechuchuchirugu ingögüciichiga
(Mt 9.18-26; Lc 8.40-56)*

²¹ Rü yexguma ngegu nextaxaarü tocutüwa nataegugu ga Ngechuchu, rü muxüma ga duüxügü rü naxcèx yéma nangutaquèxegü. Rü nüma rü nextaapechinüwa nayexma. ²² Rü yexguma yéma nayexmayane, rü yéma naxütawa nangu ga ngutaquèxepataüaru äèxgacü ga Yáirugu äegacü. Rü yexguma Ngechuchuxü nadèuxgu, rü napèxegu nanangücuchi. ²³ Rü poraáčü nüxü nacéèxü, rü ñanagürü nüxü: —Chauxacü rü ifuraxüchi. Rü chanaxwèxe i ngema cuxü na ngüxü cuyarüngögüxcèx na ngüxcèx yataanexüxcèx rü namaxüxcèx —ñanagürü. ²⁴ Rü yexguma ga Ngechuchu rü nawe narüxü. Rü muxüma ga duüxügü ínayaxümücügü. Rü yéma nayaxüxtügü. ²⁵ Rü yema muxü ga duüxügütanüwa iyexma ga wüxi ga nge ga 12 ga taunecü ídaawecü namaä ga na naxägüechaxü. ²⁶ Rü muxüma ga duturugü ngüxü naxüxügü rü poraáčü ngüxü ngüxü ningexèégü. Rü yemaáčü natüxcèxma ngüxü igüxèè ga guxcü ga ngüru díeru. Natürü tama ngüxcèx nitaaneega, rü niyexeraguchigüama ga ngüru daawe. ²⁷ Rü üpaacü togüexwa Ngechuchuchigaxü íxinü. Rü yemacèx yéma íxü. Rü natanüwa ga yema muxüma ga duüxügü rü Ngechuchuweama ne íxü rü naxchirugu iyangögü. ²⁸ Yerü ñaxügu irüxinü: —Ngèxguma chi naxchiruxümare chingögügu, rü chi chauxcèx nitaane —ñaxügu iruxinü. ²⁹ Rü yexgumatama ínayachaxächi ga ngügü, rü nüxü iyacuèxächi ga ngüxünewa ga na ngüxcèx yataanexü. ³⁰ Natürü ga Ngechuchu rü nüxü nicuèxächi ga na nawa ínaxüxü ga pora. Rü naxcèx nadauegu ga yema muxüma ga duüxügü, rü nüxna naca, rü ñanagürü: —¿Texé tíxü ya chauxchirugu ingögüxe? —ñanagürü. ³¹ Rü norü ngüxügü nanangäxügü, rü ñanagürügü: —Cuma nüxü cudadu i ñuxre i duüxügü ngema cuxü na yaxütügüxü rü ngèxguma rü ta:

“¿Texé ya choxü ingögüxe?” ñacuxü —ñanagürügü. ³² Natürü ga Ngechuchu rü nüxü nidaugüächiana na tüxü nadauxüxcèx ga na texé na tíxü ga guxema nüxü ingögüxe. ³³ Rü yexguma ga yema nge rü ngüru muümaa yaduruxäcüma naxütawa ingu, yerü nüxü icuèx ga facü na ngüxü ngupetüxü. Rü napèxegu iyacaxäpüxü, rü aixcümäxüchi namaä nüxü iyaxu ga guxüma. ³⁴ Rü nüma ga Ngechuchu rü ñanagürü ngüxü: —Pa Chauxacüx, curüme erü cuyaxö. ¡Rü taäèäcüma íxü, erü marü naxüxü i curü daawe! —ñanagürü. ³⁵ Rü yexguma iyadexayane, yéma nangugü ga ñuxre ga natanüxügü ga guma ngutaquèxepataüaru äèxgacü rü ñanagürügü nüxü: —Cuxacü rü marü iyu. ¿Tüxcüü nüxü cuchixeweecha ya Ngüxèèrüü? —ñanagürügü. ³⁶ Natürü ga Ngechuchu rü tama nüxü nacuáxchaü ga yema duüxügüaru dexa. Rü yemacèx guma ngutaquèxepataüaru äèxgacüxü ñanagürü: —¡Täxü i cumüxü, rü yaxömare! —ñanagürü. ³⁷ Rü yexguma ga Ngechuchu rü ínayagagü ga Pedru rü Chaütiágu rü Cuáü ga Chaütiágueneè. Natürü tama nanaxwèxe na texé ga toge nawe rüxüxü. ³⁸ Rü yexguma guma ngutaquèxepataüaru äèxgacüpatawa nangugügu, rü Ngechuchu nüxü nadau ga na íyacuxcuxü rü poraáčü aita naxüècüma naxaxexü ga duüxügü. ³⁹ Rü guma ípatagu naxücu ga Ngechuchu, rü ñanagürü: —¿Tüxcüü ípicuxcu rü ngémaáčü pexauxe? Ngéma bucü rü tama iyu. Rü ípeware —ñanagürü. ⁴⁰ Rü nüxü nacugüecuraxüdüama ga duüxügü. Natürü nüma ga Ngechuchu rü íaxtüwa nanamugü ga guxüma. Rü yema bucünatüxcèx naca rü ngé, rü yema namücügu, rü namaä nixücu ga ínayexmaxüwa ga yema bucü. ⁴¹ Rü ngüxmèxgu nayayauxächi, rü ñanagürü ngüxü: —Tarita cumi —ñanagürü. Rü ngéma ore rü ñaxüchiga nixü:

“¡Inachi, Pa Bucü, ñacharügü cuxü!” ñaxüchiga nixü. ⁴² Rü yexgumatama ga yema bucü ga 12 ga taunecü ngüxü yexmèxcü, rü írúda rü iyaxü. Rü poraáčü nabaixächiaägü ga duüxügü. ⁴³ Natürü ga Ngechuchu rü poraáčü nüxna nanachuxu na taxüemaäma nüxü yaxugüexüxcèx ga yema ngupetüxü. Rü ñuxüchi nanamu na ngüxü naxüwemügüxcèx ga yema bucü.

6

*Nacharétuwa nayexma ga Ngechuchu
(Mt 13.53-58; Lc 4.16-30)*

¹ Rū yéma inaxūāchi ga Ngechuchu, rū guma iāne ga Nacharétu ga nawa nayaxūnewatama naxū. Rū norū ngūexūgū rū nawe narūxī. ² Rū yexguma ngūxchigaarū ngunexūwa nanguxgu rū inanaxūgū ga na nangūexēētaexū ga ngutaquēxepataūwa. Rū yema muxūma ga duūxūgū ga yéma irūxīnūexū, rū naḥaixāchiāegū. Rū nūgūna nacagūe rū ḥanagūrūgū: —¿Ngextá naxcēx nangux i guxūma i ngēma nguxēētae? ¿Rū ngextá nanayaxu i ngēma cuēx? ¿Rū ḥuxācū nanaxū i ngēma mexūgū i taxūgū i naxūxū? ³ —¿Taux ēxna ḥāā yīxū i carpinteru i Ngechuchu, i Mariane, ya Chaūtiāgu rū Yúche rū Chimáú rū Yudaēneē ixīcū? ¿Rū taux ēxna i naēyēxgū rū nuxma tatanūgu naxāchiūgūxū? —ḥanagūrūgū. Rū yemacēx ga yema duūxūgū rū tama naga naxīnūēchaū. ⁴ Natūrū ga Ngechuchu rū ḥanagūrū nūxū: —Wūxi i Tupanaārū orearū uruū rū guxūwama i duūxūgū rū nūxū nangechaūgū. Natūrū norū iānewatama rū natanūxūgūtanūwatama rū napatawatama rū tama aixcūma nūxū nangechaūgū —ḥanagūrū. ⁵ Rū yemacēx taxuacūma yéma nanaxū ga muxūma ga mexūgū ga Tupanaārū poramaā naxūxū. Rū noxretama ga duūxūgū ga iḍaaweexūxūxīcatama ningōgū rū naxcēx nayataanexēēgū. ⁶ Rū naḥaixāchiāē ga Ngechuchu, yerū yema duūxūgū rū tama nūxū nayaxōgū.

*Ngechuchu rū norū ngūexūgūxū nimugū na nūxū yanaxugūexūcēx ga Tupanachiga
(Mt 10.5-15)*

Rū Ngechuchu rū guma ngaicamagūne ga iānexācūgūgu nixūgūchigū, rū nayangūexēētanū ga duūxūgū. ⁷ Rū naxcēx naca ga yema 12 ga norū ngūexūgū, rū inanaxūgū ga na namuāxū ga taxrechigū. Rū nūxna nanaxā ga pora na ínawoxūāxūcēx ga ngoxogū. ⁸ Rū nūxna naxāga ga na taxuxūma íyangegūxūcēx ga norū namawaxū, rū bai ga choca rū bai ga pāu rū bai ga norū ḍiēru. Rū nanaxwēxe ga naxnetūxūxīcatama na íyangegūxū. ⁹ Rū namaā nūxū nixu na nacuaxcuxū ga norū chapatu. Natūrū tama nanaxwēxe ga taxre ga naxchiru na íyangegūxū. ¹⁰ Rū ḥanagūrū nūxū: —Rū ngēxguma wūxi ya iānewa wūxi ya ígu pechocuxgu, írū ngēxma pepegū ḥuxmata pema ḥuxgu ngema ipexīāchix nawa ya yima iāne! ¹¹ —Rū ngēxguma ngexnerūíne ya iānewa tama meā pexū nayauxgūchaūgu rū tama pexū inaxīnūēchaūgu, írū ípechoxū i ngema! Rū ngēxguma ipexīāchigu, írū ipenapagū i perū ūxaxūcutū na ngēmawa nūxū nacuēxgūxūcēx na nataxūchixū tā i norū poxcu i ngēxguma naguxgu i naāne! —ḥanagūrū. ¹² Rū yexguma inaxīāchi ga norū ngūexūgū. Rū duūxūgūmaā nūxū nixugūe ga na nūxū naxoexūcēx ga nacūma ga chixexū rū Tupanacēx na nadaugūxūcēx. ¹³ Rū ínanawoxū ta ga muxūma ga ngoxogū. Rū chixūmaā yachagūācūma nanameēxēē ga muxūma ga iḍaaweexū.

*Nayu ga Cuáú ga baiūxēēruū
(Mt 14.1-12; Lc 9.7-9)*

¹⁴ Rū Ngechuchuchigaxū naxīnū ga āēxgacū ga Erobe, yerū guxūwama duūxūgū poraācū nachiga nīdexagū. Rū yexguma ga Erobe rū ḥanagūrū: —Rū ngēma Ngechuchu nixī i Cuáú i baiūxēēruū ixīxū rū wena namaxū, rū ngēmācēx nixī i nūxū nangēxmaxū i pora na naxūāxūcēx i ngēma taxū i mexū i Tupanaārū poramaā naxūxū. ¹⁵ Natūrū ga togū rū ḥanagūrūgū: —Nuxcūmaūcū ga orearū uruū ga Eria nixī —ḥanagūrūgū. Rū togū rū ḥanagūrūgū: —Wūxi i Tupanaārū orearū uruū i nuxcūmaūgūxūrū nixī —ḥanagūrūgū. ¹⁶ Natūrū yexguma yemaxū naxīnūga Erobe, rū ḥanagūrū: —Rū ngēma Ngechuchu nixī i Cuáú ga chorū churaragūxū chidayenaxāxēēchirēxū, rū ḥuxma rū wenaārū namaxū —ḥanagūrū. ¹⁷ Rū yema ḥanagūrū ga Erobe yerū marūchirēx Cuáúxū niyaxu rū poxcupataūgu cadenamaā nayachota. Rū yemaācū nanaxū ngīgagu ga naxmēx ga Erodía ga naēneē ga Piripimēxchirēx ixīcū ga ngīxū napucū ga Erobe. ¹⁸ Yerū ūpaacū ga Cuáú rū Erodemaā ḥanagūrū: —Tama name i cuxmēxū cuyaxīxēē i cueneēmēx —ḥanagūrū. ¹⁹ Rū yemacēx ga Erodía rū poraācū Cuáúchī ixai rū inaxwēxe ga na yamāāxū, natūrū poraācū ngīxū naguxcha. ²⁰ Yerū ngīte ga Erobe rū Cuáúxū namuū, yerū nūxū nacuēxchirēx na wūxi ga yatū ga mecū rū ūneecū na yīxū, rū yemacēx nixī ga naēṭūwa nachogūxū. Rū yexguma Cuáúārū orexū naxīnūga Erobe, rū naxoegaāe, natūrū meā nūxū inarūxīnū. ²¹ Natūrū wūxi ga ngunexū nawa nangu na ngīxū natauxchaxū na yamāāxūcēx ga Cuáú, ga yexguma Erodearū taunecūarū ngunexūwa nanguxgu rū wūxi ga peta ga taxū naxūxgu naxcēx ga norū ḥatūgumaēgūxū ga āēxgacūgū, rū norū churaragūarū āēxgacūgū rū yema Garirēaneēūāx ga corigū ga taxūgū. ²² Rū yema petawa iyaxūcu ga Erodíaxacū, rū yema petatanūxūpēxewa íyaḥāāchixūchigūxū. Rū poraācū norū me iyixī ga Erobe rū norū petatanūxūgū. Rū yemacēx ga nūma ga āēxgacū ga Erobe rū ḥanagūrū ngīxū ga yema pacū: —¿Choxna naxcēx naca i ṭacū i cunaxwēxexū, rū tā cuxna chanaxā! —ḥanagūrū.

²³ Rū aixcūmaxūchi ngīmaā inaxuneta, rū ñanagürü: —Ngēxūrūxū i tacū i choxna naxcèx cuçaxū rū tā cuxna chanaxā, woo ngāxūgu i chorū naāne yixūgu —ñanagürü. ²⁴ Rū nüxna iyaxūgachi, rū ngīēna iyaca, rū ngīgürügü: —¿Tacū i cunaxwèxexū na naxcèx íchaçaxū? — Ngīgürügü. Rū ngīē ngīxū ingāxū, rū ngīgürügü: —¡Naxcèx ínaca i Cuáū ya baiūxēerūñē! —ngīgürügü. ²⁵ Rū yexgumatama ga yema pacū rū paxa iyaxūcu ga āēxgacūxūtawa rū ngīgürügü: —Chanaxwèxe i ñuxmatama paxa wūxi ya poratugu choxna cunaxā i Cuáū ya baiūxēerūñē —ngīgürügü. ²⁶ Rū nüma ga āēxgacū rū poraācū inayarūmaāchi, natürü yema norū petatanūxūpēxewa marū ngīmaā na inaxunetaxūcèx, rū tama ngīxū nawomūxēēchaū. ²⁷ Rū yemacèx ga Erode rū yexgumatama yēma ínapoxcūxūwa nanamu ga wūxi ga churara na naxūtawa nangeaxūcèx ga Cuáūñē. ²⁸ Rū poxcupataūwa naxū ga yema churara, rū Cuáūxū nidaeru. Rū wūxi ga poratugu āēxgacūxūtawa nanange ga yema naēru. Rū yema pacūna nanaxā. Rū ngīma rū ngīēna iyaxā. ²⁹ Rū yexguma yemaxū nacuáchigagūgu ga norū ngūexūgü ga Cuáū, rū yēma poxcupataūwa nayayauxgü ga naxūne, rū inayatēxgü.

Ngechuchu rū nanachibūexēē ga 5000 ga yatūgü
(Mt 14.13-21; Lc 9.10-17; Cu 6.1-14)

³⁰ Rū yemawena rū yema norū ngūexūgü ga yamugūxū rū Ngechuchumaā nangutaquēxegü. Rū namaā nüxū nixugüe ga guxūma ga yema naxūgūxū rū yema nanguxēētaegūxū. ³¹ Rū Ngechuchu rū ñanagürü nüxū: —¡Nuā pexī, rū ngīxā, wūxi i nachica i ngextā taxúema íxāpataxūwa taxī, na paxaāchi ngēxma yarūngūgūxūcèx! — ñanagürü. Rū yema ñanagürü yerū namu ga duūxūgü ga yēma ingugūtanūcūxū rū woegūxū ga togū. Rū yemacèx ga Ngechuchu rū norū ngūexūgü rū woo na nachibūexūcèx rū nangechicagü. ³² Rū yemacèx wūxi ga ngegu nichoū, rū noxrūwama wūxi ga nachica ga taxúema íxāpataxūwa naxī. ³³ Natürü muxūma ga duūxūgü nüxū nadaugū ga yexguma inaxīchigü, rū nüxū nacuēxgü ga texégü na yīxū. Rū yemacèx guxūne ga guma íānegūcūāx ga duūxūgü, rū dauxchitagu nibuxmū rū napēxegu nayayi. ³⁴ Rū yexguma nguewa ínaxūegu ga Ngechuchu, rū nüxū nadau ga yema muxūma ga duūxūgü. Rū nüxū nangechaūtūmūgü yerū ñoma carnerugü ga ngearū dauurūāxgūxūrū nixīgü. Rū inanaxūgü ga na nangūexēēāxū ga muxūma ga norū ore. ³⁵ Rū yexguma marū nayáuanegü, rū norū ngūexūgü rū naxcèx naxī, rū ñanagürügü: —Marū nayáuanexūchi rū ñaā rū wūxi i nachica i taxúema nagu āpataxū nixī. ³⁶ —Rū ngēmacèx name nixī i ícuyamugü i duūxūgü na namapechinūwa ipeagūxū i duūxūgūxūtawa rū íānexācūgü ya ngaicamagūnewa naxīxūcèx na ngema norū ōnacèx yataxegūxūcèx —ñanagürügü. ³⁷ Natürü ga Ngechuchu rū nanangāxū, rū ñanagürü nüxū: —¡Pematama penaxūwemū! —ñanagürü. Rū nümagü nanangāxūgü rū ñanagürügü: —¿Éxna cunaxwèxe i 200 tachinū i díēru naguxū i pāucèx nüxū tayataxexū na ngēmamaā tanachibūexēēxūcèx? —ñanagürügü. ³⁸ Rū yexguma ga Ngechuchu rū ñanagürü nüxū: —¿Ñuxre i pāu pexū nangēxma? ¡Rū ípeyadēux! —ñanagürü. Rū yexguma íyadaugūāgu, rū ñanagürügü nüxū: —Toxū nangēxma i wūximēēxpūx i pāu rū taxre i choxni —ñanagürügü. ³⁹ Rū yexguma ga Ngechuchu rū duūxūgūxū namu na ñuxrechigü nügūxūtawa rūtogūxūcèx ga maxētēxewa. ⁴⁰ Rū ínarūtogü ga 100 chigü rū 50 chigü ga duūxūgü. ⁴¹ Rū yexguma ga Ngechuchu rū nanade ga yema wūximēēxpūx ga pāu rū yema taxre ga choxni. Rū daxūgūxū ga naānegu nadawenūācūma Tupanana moxē naxā. Rū inanabūcu ga yema pāu, rū norū ngūexūgūna nanana na yema duūxūgūxū yanūāxūcèx. Rū yema taxre ga choxni rū ta guxūma ga yema duūxūgūxū nüxū nayanuxēē. ⁴² Rū guxūma nachibūe ñuxmatama meāma nüxū yangu. ⁴³ Rū yemawena rū 12 ga pexchigü nanapagūamatama namaā ga yema pāu rū choxni ga íyaxūgūxū. ⁴⁴ Rū yema yēma pāugü ngōxgūxū rū 5000 ga yatūgü nixi.

Dexáétügu nixū ga Ngechuchu
(Mt 14.22-27; Cu 6.16-21)

⁴⁵ Rū yemawena ga Ngechuchu rū duūxūgūxū íyamugūyane rū wūxi ga ngegu nay-achoūxēē ga norū ngūexūgü na yoxni naxtaxaarū tocutūwa Bechaidawa naxīxūcèx. ⁴⁶ Rū yexguma duūxūgūxū íyamugūguwena, rū mēxpūnewa naxū ga Ngechuchu na yēma yayumūxēxūcèx. ⁴⁷ Rū yexguma marū nachūtagu, rū naxtaxaarū ngāxūtuwa nayexmāga ga norū ngūexūgü. Rū Ngechuchu rū nüxīcatama dauxchitawa nayaxūāchi. ⁴⁸ Rū nüxū nadau na guxchaxūācūma yaxāgūxū ga norū ngūexūgü, yerū ga buanecū rū nawaama nabuxuchi. Rū yexguma marū yangunechaūgu, rū Ngechuchu rū dexáétügu nawe narūxū. Natürü ñoma nüxū naxūpetūchaūxūrū nūgū nixīxēē. ⁴⁹⁻⁵⁰ Rū yexguma norū ngūexūgü nüxū daugūgu ga dexáétügu na yaxūxū, rū nagu narūxīnūē ga wūxi ga naxchiximare na yīxū. Rū yemacèx aita naxūe, yerū guxūma nüxū nadaugū rū poraācū nabaixāchiāēgü. Natürü yexgumatama ga Ngechuchu rū namaā nidexa rū ñanagürü nüxū: —¡Peporae! Rū chomachirēxtama chixī. ¡Tāxū i pemutēxū! —ñanagürü. ⁵¹⁻⁵² Rū ngegu nixūe, rū ínarūxó

ga buanecú. Natürü nümagü ga norü ngüexüğü rü nabaixächiãëgümare yerü woo nüxü na nadağuxü ga yema mexü ga Tupanaärü poramaã naxüxü ga Ngechuchu ga yexguma yema pãu yamuxëëgu, natürü tama nüxna nacuè x-ãchie na Tupana Nane na yiixü yerü nüxü naguxcha na yaxögüãxü.

Yenecharétuanewa Ngechuchu nanameëxëë ga idaaweexü
(Mt 14.34-36)

⁵³ Rü yexguma marü yanguügu ga naxtaawa, rü Yenecharétuanewa nangugü. Rü yexma naxãnacügu nanangaxüğü ga naweü. ⁵⁴ Rü yexguma nguewa ínachoügu, rü yexgumatama ga duüxüğü rü nüxü nicuèxächitanü ga Ngechuchu na yiixü. ⁵⁵ Rü yema naãnewa rü guxüne ga İğüwa nabuxmü ga yema duüxüğü. Rü yexguma nüxü nacüexgügu ga ngextá na nayexmaxü ga Ngechuchu, rü yema norü caruüğügu naxcèx nanağagü ga idaaweexü. ⁵⁶ Rü guxüwama ga ngextá íyanguchigüxüwa ga Ngechuchu, ga İãnexácüğüwa rü İãnegü ga itaxünewa, rü İãnepechinüwa, rü yexma ítamüpechinügu naxcèx nayamugü ga idaaweexü. Rü nüxü nacëëxüğü na tama nüxna nachüxãxüçex na naxchirupechinügu mare yangögügüxüçex. Rü guxüma ga yema nüxü ingögüexü, rü naxcèx nitaanegü.

7

Tacü nixi i Tupanapëxewa duüxüğüxü chixexëëxü
(Mt 15.1-20)

¹ Rü Ngechuchucèx naxi ga Parichëüğü namaã ga ñuxre ga ngüexëëruüğü ga mugüwa nguxëëtaegüxü ga Yerucharëüwa ne ixü. ² Rü yexguma ñuxre ga Ngechuchuarü ngüexüğüxü nadağugü ga tama Yudiüğücüma na yanguxëëgüxü, rü tama Yudiüğü yauxmëxgüxürüü na nayauxmëxgüxü naxüpa na nachibüexü, rü chixri nachiga nidexagü. ³ Yerü nümagü ga Parichëüğü rü guxüma ga toğü ga Yudiüğü rü nagu naxi ga norü oxigücüma na nayauxmëxiraxü na yemaãcü Tupanapëxewa nüğü yamexëëgüxü naxüpa ga na nachibüexü. ⁴ Rü ngëxguma taxepataüwa ne naxixgu ga nümagü rü tama nachibüe ega tama ngëmaãcü nüğü nayauxmëxiragu. Rü nangëxma i muxüma i toğü i nuxcümaüxü i nacümagü. Rü ngëmacèx nagu naxi i ngëma nacümagu na Tupanacèx nayauxgüãxü i norü pochiyugü rü basugü rü paneragü rü pechicaxüğü. ⁵ Rü yemacèx ga yema Parichëüğü rü ngüexëëruüğü rü Ngechuchuna nacagü, rü ñanagürüğü: —İTüxcüü i curü ngüexüğü i tama nagu naxixü i ngëma törü oxigücüma rü tama toma tayauxmëxgüxürüü nayauxmëxgüxü naxüpa na nachibüexü? —ñanagürüğü. ⁶ Natürü Ngechuchu nanangãxü rü ñanagürü: —Pa Duüxüğü ya Pegü Naxaixcümaraüğüxe, rü aixcüma pechiga nixi ga yema ore ga nuxcümaüçü ga Tupanaärü orearü uruü ga Ichaxia ümatüxü ga ñaxü:

“Ñaa duüxüğü rü naãxmaãmare choxü nicuèxüüğü, natürü naãëwa rü tama chaugu narüxñüë. ⁷ Rü taxuüma name na ngëmaãcü natüçexma choxü yacuèxüğüxü. Erü guxüma i ngëma norü nguxëëtae rü yatüğüarü mugümare nixi, rü tama aixcüma chorü mu nixi”

ñaxü. ⁸ —Rü pema i ñuxma rü aixcüma nüxü perüxoe i Tupanaärü mugü na nagu pexixüçex i ngëma duüxüğücümamare ixixü —ñanagürü. ⁹ Rü yexgumarüü ta ñanagürü nüxü: —Pema rü penagexrü i Tupanaärü mugü na pecümagügutama pexixüçex. ¹⁰ —Yerü ga Moiché rü ñanagürü:

“İTüxü nangechaü ya cunatü rü cue!”

ñanagürü. Rü ñanagürü ta:

“Texe ya tümanatümaã rü ëxna tümaëmaã chixexü ixugüxe, rü aëxgacü tá tümamaã nanaxuegu na tayuxüçex”,

ñanagürü. ¹¹ —Natürü pema rü ñaperüğüğü:

“Marü name ega wixi ya yatü nanatüxü rü naëxü ñaxgu: ‘Taxucürüwama chorü ngëmaxümaã cuxü charüngüxëë, erü guxüma i chorü ngëmaxü rü marü Tupanana chanaxã’,” ñaxgu. ¹² —Rü ngëxguma texe ngëma ñagügu, rü pexcèx rü marü namexü na tama tümanatüxü rü tümaëxü tarüngüxëëxü. ¹³ —Rü ngëmaãcü ipeyanaxoxëë i Tupanaärü mugü, na nagu pexixüçex i pecümagütama i toğüwa pexüexëëxü. Rü ngëxgumarüü ta muxüma i to i pecümagü i ngëmarüü ixixüğü pexi —ñanagürü. ¹⁴ Rü yexgumawena duüxüğüçex naca ga Ngechuchu, rü ñanagürü nüxü: —İMeã choxü iperüxñüë, rü nüxü pecuá i ñaa chorü ore! ¹⁵ —Rü taxuüma i İacü i düxëtüwa ne üxü rü taëxwa ixücuxü nixi i Tupanapëxewa tüxü chixexëëxü. Natürü ngëma taãëwa ne üxü, rü ngëma waxi nixi i tüxü chixexëëxü i Tupanapëxewa. ¹⁶ —Rü ngëxguma pixächixëgu, İrü nüxü pexinüë i ngëma ore! —ñanagürü. ¹⁷ Rü yexguma Ngechuchu duüxüğüna ixügachigu rü İpatagu naxücuxgu, rü norü ngüexüğü nüxna nacagü nachiga ga yema nguxëëtae. ¹⁸ Rü nüma rü ñanagürü nüxü: —İPema rü ta ëxna tama nüxü pecuëxëga i ngëma? İëxna tama i nüxü pecuáxü na taxuüma i İacü i düxëtüwa ne üxü rü taëxwa ixücuxü yiixü i Tupanapëxewa tüxü chixexëëxü? ¹⁹ —Erü guxüma i ngëma

dùxétüwa ne üxü rü taèxwa ixücuxü, rü tama taãëwa nangu. Natürü taanüwa naxümare na yixcama taxünewa ínaxüxüxcèx –ñanagürü. Rü yemaäcü nüxü nixu na guxüma i òna rü namexü na nangóxü. ²⁰ Rü ñanagürü ta: –Rü ngéma duüxüãëwa ne üxü, rü ngéma waxi nixi i Tupanapëxewa nachixexëëxü. ²¹⁻²² –Erü norü aixepewa i naãëwa nixi i ne naxüxü i muxüma i chixexügu. Rü ngéma nixi i chixexügu na naxinüxü, rü naxünearü ngüchäuwe na naxüxü, rü na nangixü, rü na namáëtaxü, rü naí i ngemaá na ínapexü, rü togüarü ngëmaxü na nüxü nanguchaüxü, rü chixexü na naxüxü, rü na yadoratëxäxü, rü chixexü i nacümagügu na naxäüxü, rü na yaxäüxächiwëxexü, rü na naxoregütëxäxü, rü nügu na yacuëxüüxü, rü tama meã naãëxü na nacüáxü. ²³ –Rü guxüma i ngéma chixexügu rü duüxüarü aixepewa nixi i ne naxixü, rü ngéma nixi i Tupanapëxewa nachixexëëxü –ñanagürü.

Wüxi ga ngecü ga to ga nachüãñecüãx ga Ngechuchuaxü iyaxöcüchiga (Mt 15.21-28)

²⁴ Rü yemawena rü íãne ga Tiru nawa yexmaxü ga naãnewa naxü ga Ngechuchu. Rü yéma wüxi ga ípatawa nangu, natürü tama nanaxwëxe na texé nüxü cuáxü ga yéma na nanguxü. Natürü taxuacüma nügu ínicux. ²⁵ Rü paxama nüxü icuáchiga ga wüxi ga nge ga ngüxäcüwa ngoxo yexmëxcü. Rü yéma ixü, rü Ngechuchupëxegu iyacaxäpüxü. ²⁶ Rü yema nge rü to ga nachüãñecüãx ga Chiropeníchiucüãx iyixi. Rü Ngechuchucëx iyaxü, rü nüxü icëëxü na ngüxäcüwa ínatëxüchiãxücëx ga yema ngoxo. ²⁷ Natürü ga Ngechuchu rü ñanagürü ngixü: –Name nixi i taxactügxüxüra tachibüxëë. Erü tama name i taxacüguina tanayaxu i norü òna na airugüna naxäxüxcèx –ñanagürü. [Rü yema ñanagürü yerü nümagü ga Yudügu rü nügu nixugüe na Tupanaxäcüguüchi yixigüxü rü yema togü rü ñoma airugürü na yixigüxü.] ²⁸ Natürü ngíma ga yema nge rü inangäxü, rü ngígürügü: –Aixcüma nixi i curü ore, Pa Corix, natürü woo airugü rü ta nanangöx i ngéma ònatüchi i mechatüügu nayixëëxü i ngéma ípataarü yoraxacügu –ngígürügü. ²⁹ Rü yexguma ga Ngechuchu rü ñanagürü ngixü: –Aixcüma name nixi i ngéma nüxü quixuxü. Rü marü name i cutaegu, erü ngéma ngoxo rü marü ínaxüxü ngüwa i cuxacü –ñanagürü. ³⁰ Rü yexguma ngípatawa nanguxgu ga yema ngecü, rü yema ngürü ngürücarewa ngixü iyanguéü ga ngürü bucü. Natürü marü ngüxna ínaxüxü ga yema ngoxo.

Ngechuchu nanamexëë ga wüxi ga yatü ga ngauchixëcü rü moxücü

³¹ Rü Tiruanewa nataegu ga Ngechuchu. Rü Chidäüarü íãnewa naxüpetü, rü ñüxüchi Decaporíchiuaneärü íãnegüwa rü ta naxüpetü rü ñuxmata Gariréaaneärü naхтаawa nangu. ³² Rü yéma naxütawa nanagagü ga wüxi ga yatü ga ngauchixëcü rü moxücü, rü nüxna naxëx nacagü ga nüxü na yangögüxcëx. ³³ Rü yexguma ga Ngechuchu rü noxrüwama duüxüguina nanaga. Rü naxmachixëgu nixuxmëx, rü naxbüxägümaã nügu yawaixmëxëëacüma norü conügu ningögü. ³⁴ Rü yemawena rü daxü nadawenüacüma yaxna narüngü, rü guma yatüxü ñanagürü: –Epéta –ñanagürü. Rü ngéma rü: “¡Ingoxna!” ñaxüchiga nixi. ³⁵ Rü yexgumatama ningoxnamachixë ga guma ngauchixëcü, rü norü conü rü marü narüme rü meã nidexa. ³⁶ Rü Ngechuchu rü duüxüguüxü namu na taxüemaãma nüxü yaxugüexücëx. Natürü yexguma yexeraäcü duüxüguina nachüxägu ga na taxüemaãma nüxü yaxugüexücëx ga nachiga rü yexeraäcü nüxü nixugüeama. ³⁷ Rü poraäcü nañaxächüãëgü ga duüxügu, rü ñanagürügü: –Meãma nanaxü i guxüma rü woo ngauchixëgüxü rü nayangoxnamachixëgüxëë, rü ngeëgxüxü rü nayadexagüxëë –ñanagürügü.

8

Ngechuchu nanachibüxëë ga 4000 ga duüxügu (Mt 15.32-39)

¹ Rü wüxi ga ngunexügu wenaxärü naxcëx naxítaquëxe ga muxüma ga duüxügu, rü nüxü nataxuma ga norü ònagü. Rü Ngechuchu rü norü ngüexügüxcëx naca, rü ñanagürü nüxü: ² –Choxü nangechäütümüügü i ñaã duüxügu, erü marü tomaëxpüx i ngunexü nuã chauxütawa nangëxmagü, rü nataxuma i nawemü i nangoxgüxü. ³ –Rü ngëxguma chí ngémaäcümare íchayamugügu, rü chí ngürüächü namagu tá nayaturae, erü nümaxügu rü yaxüwama ne naxi –ñanagürü. ⁴ Rü norü ngüexügu rü nanangäxügu, rü ñanagürügü: –¿Natürü ñuxäcü tá tanachibüxëë i núma i ngextá taxüema íxäpataxüwa? –ñanagürügü. ⁵ Rü Ngechuchu nüxna naca, rü ñanagürü: –¿Nüxre i päu pexü nangëxma i pemax? –ñanagürü. Rü nümagü nanangäxügu, rü ñanagürügü: –Toxü nangëxma i 7 i päu –ñanagürügü. ⁶ Rü ñüxüchi ga Ngechuchu rü duüxüguüxü namu na ñaxtüanewa natogüxcëx. Rü nanade ga yema 7 ga päu, rü Tupanana moxë naxä. Rü ñüxüchi ínanabücu, rü norü ngüexüguina nanana. Rü nümagü rü duüxüguüxü nayanu. ⁷ Rü nüxü nayexma ta ga ñuxre

ga choxnixácüğü. Rü Ngechuchu rü Tupanana moxê naxã, rü ñuxüchi norü ngüexügüxü namu na iyanuãxücêx. ⁸ Rü guxüma ga yema duüxügü rü meãma nachibüe ñuxmata meã nüxü yangu. Rü yexguma rü ta 7 ga pexchi nanapagü namaã ga yema iyaxügüxü. ⁹ Rü yema duüxügü ga yema chibüexü rü maneca 4000 nixi. Rü yemawena ga Ngechuchu rü duüxügüxü inimugü. ¹⁰ Rü ñuxüchi wüxi ga nguegu nixüe namaã ga norü ngüexügü, rü Damanútaanewa naxü.

Parichéugü naxcêx ínacagü ga wüxi ga cuèxruü ga Tupanaãrü poramaã üxü
(Mt 16.1-4; Lc 12.54-56)

¹¹ Rü Ngechuchuxütawa nangugü ga Parichéugü, rü inanaxügüe ga na namaã yaporaganücüüxü. Rü nüxna nacagüe na nüxü nüxü nadauxêxücêx ga wüxi ga cuèxruü ga Tupanaãrü poramaã naxüxü, na yemaãcü nüxü naxügüxücêx, rü nüxü nacuèxgüxücêx ngoxi aixcüma Tupana Nane yiüxi. ¹² Rü Ngechuchu rü poraãcü yaxna narüngü, rü ñanagürü: —¿Tüxcüü i ñãã duüxügü naxcêx ínacagü i wüxi i cuèxruü i Tupanaãrü poramaã üxü? Rü aixcüma pemaã nüxü chixu rü bai i wüxi i cuèxruü tá nüxü chawêx —ñanagürü. ¹³ Rü yema ñaxguwena, rü nüxna yema nixü ga yema duüxügü. Rü wenaxãrü nguegu nixüe rü naxtaxaarü tocutüwa naxü.

Parichéuarü pãüãrü puxêëruüchiga
(Mt 16.5-12)

¹⁴ Natürü ga norü ngüexügü rü nüxü inayarüngümaê ga norü òna na íyangegüxü, rü wüxixicatama ga pãü nüxü nayexma ga nguewa. ¹⁵ Rü yexguma ga Ngechuchu rü nayaxucüxêgü, rü ñanagürü nüxü: —¿Dücêx, pexuãê naxcêx i Parichéugüarü rü Erodearü pãüãrü puxêëruü! —ñanagürü. ¹⁶ Rü yema norü ngüexügü rü inanaxügüe na nügümaã ñagüxü: —Ngêma ñanagürü tüxü erü tama tawemü ta ítingegü —ñanagürügü. ¹⁷ Natürü ga Ngechuchu rü nüxü nacuèxama na yema ñagüxü, rü yemacêx ñanagürü nüxü: —¿Tüxcüü “Tangearü ònaãx”, ñaperügügü? ¿Éxna ñuxma rü ta tama nüxü pecuèxgüéga rü tama nüxü picuèxãchitanü i ngêmachiga? ¿Éxna pexcêx naxê i ngêma? ¹⁸ Pema rü pexãxëtügüchirêx, ¿rü ñuxãcü i tama nüxü pedauxü? Rü pexãxmachixêgüchirêx, ¿rü ñuxãcü i tama nüxü pexinüèxü? ¿rü éxna tama nüxna pecuèxãchie ga yexguma chayamuxêëgu ga yema pãü rü choxni? ¹⁹ —Rü yexguma yema 5000 ga duüxügüxü chayanuxgu ga yema wüximêëxpüp ga pãü, ¿rü ñuxre ga pexchigü yiüxü ga napagücü ga yexguma penadexgu ga yema iyaxügüxü? —ñanagürü. Rü nümagü nanangãxügü rü ñanagürügü: —Rü 12 ga pexchigü —ñanagürügü. ²⁰ Rü ñuxüchi ñanagürü ta ga Ngechuchu: —Rü yexguma yema 4000 ga duüxügüxü chayanuxgu ga yema 7 ga pãü, ¿rü ñuxre ga pexchigü yiüxü ga napagücü ga yexguma penadexgu ga yema iyaxügüxü? —ñanagürü. Rü nanangãxügü rü ñanagürügü: —7 ga pexchigü —ñanagürügü. ²¹ Rü yexguma rü ñanagürü nüxü: —¿Rü ñuxma rü ta taítama nüxü pecuèxgüéga xü na Parichéugücüma rü Erodecüma i chixexüchiga yiüxü i ngêma pãüãrü puxêëruüga pemaã chixuxü? —ñanagürü.

Ngechuchu rü nanamexêê ga wüxi ga ngexetücü ga Bechaídawa

²² Rü yemawena rü Bechaídaarü íanewa nangugü. Rü yema Ngechuchuxütawa nanagagü ga wüxi ga ngexetücü. Rü nüxü naceèxügü na nüxü yangögüxücêx. ²³ Rü Ngechuchu rü guma ngexetücümêxêgu nayayauxãchi, rü íanearü yéamaxüra nanaga. Rü yema naxbüxágümaã nayawaixetüxêê, rü ñuxüchi naxëtügu ningögü, rü nüxna naca ngoxi marü tacüxü nadau. ²⁴ Rü yexguma ga guma ngexetücü rü inanaxügü ga na yadauchixü. Rü ñanagürü: —Nüxü chadau i duüxügü i ñoma naígü i ixixünerü i ixigüxü —ñanagürü. ²⁵ Rü yexguma ga Ngechuchu rü wenaxãrü naxëtügu ningögü. Rü nüma ga guma yatü rü meãma inadawenü. Rü yemaãcü naxcêx nitaane rü meãma naxcêx nangox ga guxüma. ²⁶ Rü yemawena ga Ngechuchu rü napatawa nanamu. Rü namaã nüxü nixu na tama íanecêx nataeguxü.

Pedru nüxü nixu rü Ngechuchu nixi ya yima Tupana nüxü unetacü ya Cristu
(Mt 16.13-20; Lc 9.18-21)

²⁷ Rü yemawena rü Checharéa ga Piripuanewa yexmane ga íanexãcüguwa naxü ga Ngechuchu norü ngüexügümaã. Rü namawa rü Ngechuchu rü norü ngüexügüna naca, rü ñanagürü nüxü: —¿Nüxü ñagüxü i duüxügü i chauchiga na texê chixü i chomax? —ñanagürü. ²⁸ Rü norü ngüexü nanangãxügü rü ñanagürügü: —Nangêxma i duüxügü rü: “Cuãü ya baiüxêëruü quixi”, ñagüxü, rü togü i: “Eria quixi”, ñagüxü, rü togü rü: “Wüxi ga nuxcümaücü ga Tupanaãrü orearü uruü quixi”, ñagüxü —ñanagürügü. ²⁹ Rü yexguma Ngechuchu rü nüxna naca rü ñanagürü: —¿Rü pema i ñuxü ñapegügüxü choxü na texê chixü? —ñanagürü. Rü Pedru nanangãxü rü ñanagürü: —Cuma nixi i Cristu i Tupana

cuxũ unetacũ quiĩxũ —ñanagũrũ. ³⁰ Rũ yexguma ga Ngechuchu rũ norũ ngũexũgũxũ namu na taxũemaãma nũxũ yaxugũexũcẽx ga yema ore ga nachiga.

Ngechuchu nanaxunagũ ga norũ yuchiga
(Mt 16.21-28; Lc 9.22-27)

³¹ Rũ yemawena rũ Ngechuchu inanaxũgũ ga norũ ngũexũgũmaã nũxũ na yaxuxũ ga taçũ tá nũxũ na ũpetũxũ. Rũ ñanagũrũ nũxũ: —Choma i Tupana Nane na duĩxũxũ chĩĩxũ, rũ poraãcũ ngũxũ tá chinge. Rũ choxũ tá naxoxgũ i Yudiũgũarũ ãexgacũgũerũgũ, rũ paigũarũ ãexgacũgũ, rũ ngẽma ngũexẽẽruũgũ i Moĩchẽarũ mugũwa ngũxẽẽtaegũxũ. Rũ tá choxũ nimẽxgũ, natũrũ tomaẽxpũx i ngunexũgũ rũ wena táxaru chamaxũ —ñanagũrũ. ³² Rũ yema ore rũ meãma namaã nanangoxẽẽ. Natũrũ yexguma ga Pedru rũ nũxĩca noxrũwama Ngechuchuxũ naga, rũ inanaxũgũ ga na naxucũxẽãxũ na tama yemaãcũ yadeaxũcẽx. ³³ Natũrũ ga Ngechuchu rũ nadauegu, rũ norũ ngũexũgũxũ nadawenũ. Rũ Pedruxũ nanga, rũ ñanagũrũ: —¡Choxna ixũgachi, Pa Chatanáx! Cuma rũ tama Tupana nagu rũxinũxũgu curũxinũ, erũ yatũgũ nagu rũxinũxũgũmare nixĩ i curũxinũxũ —ñanagũrũ. ³⁴ Rũ yexguma ga Ngechuchu rũ norũ ngũexũgũcẽx rũ duĩxũgũcẽx naca. Rũ ñanagũrũ nũxũ: —Rũ ngẽxguma texẽ chowe rũxũxchaũgu, jẽcũ nũxũ tarũxo i tũmaãrũ ngũchalũ, rũ ñoma wũxi i curucha ngĩxũ tayaxuxũrũũ namaã tapora i guxũma i ngũxũ i chauxcẽx tingexũ, rũ chowe tarũxũ! ³⁵ —Erũ yĩxema tũgũ maxẽchaxẽẽchaũxẽ rũ tá tayu. Natũrũ yĩxema chaugagu rũ ore i nayũyagu yuxe, rũ aixcũma tá tamaxũ. ³⁶ —¡Rũ taçũwa nũxũ namexũ ya yatũ ega ngẽxguma mexũxãgu i guxũma i ñoma i naãneãrũ ngẽmaxũgũ, natũrũ norũ maxũ iyanatauxẽẽgu? ³⁷ —Rũ ngẽxgumarũũ ta, ¡rũ ñuxre i dẽru iyangu na ngẽmamaã naxcẽx nataxexũ i norũ maxũ i wũxi ya yatũ? ³⁸ —Rũ ngẽxguma texẽ i ñaã duĩxũgũ i pecaduãxgũxũ i tama yaxõgũxũpẽxewa chauxcẽx taxãnegu rũ naxcẽx taxãnegu i chorũ ore, rũ choma i Tupana Nane i duĩxũxũ na chĩĩxũ rũ tá ta tũmacẽx chaxãne i ngẽxguma Chaunatũarũ poramaã rũ norũ orearũ ngerũgũ i daxũcũãx i ũnegũxũmaã wenaxãrũ nũma chaxũxgu.

9

¹ Rũ yexgumarũũ ta ga Ngechuchu rũ ñanagũrũ nũxũ: —Aixcũma pemaã nũxũ chixu rũ ñuxre i duĩxũgũ i nuã ngẽxmagũxũ rũ tãũtãma nayu ñuxmatãta nũxũ nadẽux na ñuxãcũ ãexgacũ ya poracũ na yĩxũ ya Tupana —ñanagũrũ.

Ngechuchu rũ toraxũãcũ nangox
(Mt 17.1-13; Lc 9.28-36)

² Rũ 6 ga ngunexũguwena rũ Ngechuchu rũ wũxi ga mẽxpũnewa naxũ. Rũ ñayagagũ ga Pedru rũ Chaũtiãgu rũ Cuãĩxĩcatama. Rũ yẽma yema ngũexũgũpẽxewa toraxũãcũ nangox ga Ngechuchu. ³ Rũ niyauracũũ ga naxchiru rũ nacõmũxũchi. Rũ nataxuma i yaxuchiruxũ i nũxũ cuãxũ na ngẽmaãcũ nacõmũxẽẽãxũ. ⁴ Rũ nũxũ tũchĩchi ga Eria rũ Moĩchẽ ga yẽma Ngechuchumaã idexagũxũ. ⁵ Rũ yexguma ga Pedru rũ ñanagũrũ Ngechuchuxũ: —Pa Ngũexẽẽruũx, namexẽchi nixĩ na nuã ingẽxmagũxũ. Rũ tá tanaxũ ya tomaẽxpũx ya dũxenũ, rũ wũxi ya cuxcẽx, rũ naĩ ya Moĩchẽcẽx, rũ naĩ ya Eriãcẽx —ñanagũrũ. ⁶ Rũ yema na poraãcũ nabaixãchiãegũxũ ga yema ngũexũgũ, rũ yemacẽx ga Pedru rũ tama nũxũ nacueũ ga na ñuxũ ñaxũ. ⁷ Rũ yexgumatama wũxi ga caixanexũ ñarũxĩ, rũ natanũgu nayangẽixema. Rũ yema caixanexũwa inanaxũ ga wũxi ga naga ga ñaxũ: —Daa nixĩ ya Chaune ya nũxũ changechaũxũchicũ. ¡Rũ nũxũ iperũxinũẽ! —ñaxũ. ⁸ Rũ yexgumatama nũgũcũwagu ñadaueguãchitanũ, rũ taxũexũma ga toguexũ nadaugũ, rũ Ngechuchuxũĩcatama. ⁹ Rũ yexguma ñaxĩgũgu nawa ga guma mẽxpũne, rũ Ngechuchu nũxna naxãga ga taxũemaãma na nũxũ yaxugũexũ ga yema yẽma nũxũ nadaugũxũ, ñuxmatãta yuwa ñadaxgu ga nũmax. ¹⁰ Rũ yemacẽx ga yema ngũexũgũ rũ bexma nũxũ nacueũxgũ ga yema nũxũ nadaugũxũ. Natũrũ nũgũna nacagũ ga taçũchiga na yĩxũ ga:

“Yuwa ñadaxgu”, ñaxũ. ¹¹ Rũ ñuxũchi ga yema ngũexũgũ rũ Ngechuchuna nacagũ, rũ ñanagũrũgũ: —¡Tũxcũũ i ngũexẽẽruũgũ i ore i mugũwa ngũxẽẽtaegũxũ rũ ñanagũrũgũ:

“Eria tá nixĩ ya nũxĩra cuxũpa nũma ũcũ?” ñanagũrũgũ. ¹² Rũ Ngechuchu nanangãxũ, rũ ñanagũrũ nũxũ: —Aixcũma nixĩ i Eria na nũxĩra nũma naxũxũ na chauxũpa namexẽẽãxũcẽx i guxũma. ¡Natũrũ tũxcũũ i ore i ũmatũxũwa i ñaxũ:

“Rũ Tupana Nane ya duĩxũxũ ixĩcũ rũ tá ngũxũ ninge, rũ duĩxũgũ rũ tá nũxũ naxoe”, ñaxũ? ¹³ Natũrũ i choma rũ pemaã nũxũ chixu, rũ Eria rũ marũ nũma naxũ. Natũrũ ga duĩxũgũ rũ nũmagũ nanaxwẽxegũxũãcũma poraãcũ chixri namaã nachopetũ, yexgumarũũ ga ore ga ũmatũxũwa nũxũ yaxuxũrũũ —ñanagũrũ.

Ngechuchu nanamexẽẽ ga wũxi ga buxũ ga ngoxo nawa yexmaxũ
(Mt 17.14-21; Lc 9.37-43)

¹⁴ Rũ yexguma yema togũ ga norũ ngũexũgũtanũwa nangugũgu, rũ yẽma nũxũ nadaugũ ga muxũma ga duĩxũgũ ga yema ngũexũgũxũ i chomaẽguãchixũ. Rũ ñuxre ga ngũexẽẽruũgũ ga

Moïchéarü mugüwa nguxëëtaegüxü, rü yéma niporagatanücüü namaã ga yema ngüexüğü. ¹⁵ Rü yexguma Ngechuchuxü nadaugüga ga yema muxüma ga duüxüğü, rü poraäcü nabaixächiãëgü. Rü guxüma naxcëx nibuxmü na nüxü yanamoxëgüxüxcëx. ¹⁶ Rü nüma ga Ngechuchu rü nüxna naca, rü ñanagürü nüxü: —¿Tacü nixi i pema namaã naxcëx ipiporagatanücüüxü? —ñanagürü. ¹⁷ Rü wüxi ga yema duüxüğü ga yéma yexmagüxü rü nanangäxü, rü ñanagürü: —Pa Ngüexëëruüx, nuã cuxcëx tüxü chaga ya chaune, erü tümawa nangëxma i wüxi i ngoxo i tüxü ngegaxëëxü. ¹⁸ —Rü ngextá itangëxmaxüwa rü ngëxma tüxü yaxüxgu rü waixümüänegu tüxü naña. Rü tarüchiëx, rü tixüxchapüta, rü ngëxma tiyuächi. Rü marü nüxü chacëëxü i curü ngüexüğü na tümawa ínatëxüchiãxüxcëx i ngëma ngoxo, natürü tama nüxü inaxünu —ñanagürü. ¹⁹ Rü Ngechuchu nanangäxü, rü ñanagürü: —Pa Duüxüğü i Tama Yaxögüxü, ¿ñuxgurátáta i pemaã chanuxmaxü rü yaxna pemaã chaxünuxü? ¡Nuã penaga ya yima bucü! —ñanagürü. ²⁰ Rü Ngechuchuxütawa nanagagü ga guma bucü. Natürü yexguma Ngechuchuxü nadëuxgu ga yema ngoxo, rü guma bucüxü naxü ga na yayüächixëëxü. Rü yexma ñaxtüänegu nayangu. Rü yexma nidixegügü, rü narüchiëx. ²¹ Rü Ngechuchu rü guma bucünatüna naca, rü ñanagürü: —¿Rü ñuxgumama nixi ga naxcëx inaxüğüxü ga yema? —ñanagürü. Rü guma bucünatü nanangäxü rü ñanagürü: —Nabuxgumamatama. ²² Rü muëxpüxcüna i ngëma ngoxo rü üxüxetügu rü dexägü nanañaüxü na ngëmaäcü yamaãxüxcëx. Rü ngëmacëx ega cumaã nanguxüga na tacü toxcëx cuxüxü, ¡rü cuxü tangechaütümüüğü, rü toxü rüngüxëe! —ñanagürü. ²³ Rü yexguma ga Ngechuchu rü ñanagürü nüxü: —¿Rü tüxcüü “ega chomaã nanguüxgu”, ñacurügü? Erü guxüma natauxcha tümacëx ya yíxema yaxöxë —ñanagürü. ²⁴ Rü yexguma ga guma bucünatü rü tagaäcü ñatarügü: —Chayaxö. ¡Choxü rüngüxëë na yexeraäcü chayaxögüxcëx! —ñatarügü. ²⁵ Rü yexguma Ngechuchu nüxü dëuxgu na muxüma ga duüxüğü marü yexma ngutaquëxëxü, rü nananga ga yema ngoxo. Rü ñanagürü nüxü: —Pa ngoxo i Ngegaxëëruü rü Ngauchixëëruüx, ¡choma cuxü chamu na nawa ícuxüxüxü ya daa bucü, rü tagütáma wena nagu cuyaxüxcüxü! —ñanagürü. ²⁶ Rü yexguma ga yema ngoxo rü aita naxü, rü wenaxärü guma bucüxü niyuächixëë. Rü ñuxüchi nawa inaxüxü, rü ñoma nayuxuchixürü rü yéma nanatëx. Rü yemacëx ga muxüma ga duüxüğü rü ñanagürügü: —Marü nayuxuchi nixi —ñanagürügü. ²⁷ Natürü ga Ngechuchu rü namxëgu nayayauxächi, rü ínanadaxëë. Rü nüma ga guma bucü rü inachi. ²⁸ Rü yemawena ga Ngechuchu rü wüxi ga ípatagu nayaxücu namaã ga norü ngüexüğü. Rü yéma nüxíca nüxna nacagü, rü ñanagürügü nüxü: —Pa Corix, ¿tüxcüü i toma rü taxuacüma ínatatëxüchi i ngëma ngoxo? —ñanagürügü. ²⁹ Rü Ngechuchu nanangäxü rü ñanagürü: —Tama ngëmaäcümare ínatatëxüchi i ngëmarüü íxüxü i ngoxo. Natürü tanaxwëxe i Tupanana tanaxuaxü i torü yumüxëwa na nüma ínatëxüchiãxüxcëx. Rü ngëmaäcüxícátama nixi i ínaxüxüxü —ñanagürü.

*Ngechuchu ru wenaxärü nanaxunagü ga norü yuchiga
(Mt 17.22-23; Lc 9.43-45)*

³⁰⁻³¹ Rü yéma inaxíächi rü Gariréaanewa nachopetü. Natürü ga Ngechuchu rü tama nanaxwëxe ga texë nüxü na cuáxü ga na yéma nayexmaxü, yerü norü ngüexüğüxü ínangüxëë. Rü ñanagürü nüxü: —Tupana Nane ya duüxüxü íxícü, rü duüxüğü tá nayayauxgü rü tá nayamëxgü. Natürü tomaëxpüx i ngunëxügu rü wena tá ínarüda —ñanagürü. ³² Natürü ga nümagü rü tama meã nüxü nacüëxgü ga tacüchiga na yíixü ga yema ore, rü namuëë ga nüxna na nacagüxü.

*¿Texë tá tixi ya guxäärü yexera íxíxë?
(Mt 18.1-5; Lc 9.46-48)*

³³ Rü Capernáiarü íanewa nangügü. Rü yexguma íxwa nayexmagügu, rü Ngechuchu nüxna naca, rü ñanagürü: —¿Rü tacü nixi ga pegümaã naxcëx piporagaetanüxü ga namawa? —ñanagürü. ³⁴ Natürü ga nümagü rü nangeëxgümare, yerü ga namawa rü nachigagu nügümaã niporagaetanü ga texë tíixü ga natanüwa rüyexeramaëxë. ³⁵ Rü yexguma ga Ngechuchu rü ínarütü, rü naxcëx naca ga yema 12 ga norü ngüexüğü, rü ñanagürü nüxü: —Rü ngëxguma texë naxwëxegu na guxäëtüwa na taxüxü, rü name nixi i noxri rü guxäärü ñaxtümaëwa tügü taxüxëë na guxäärü ngüxëëruü tíixü —ñanagürü. ³⁶ Rü yemawena rü norü ngäxütanügu nayachixëë ga wüxi ga buxü. Rü ñuxüchi nachacüügu yayauxächiäcüma ñanagürü: ³⁷ —Rü texë ya chäuëgagu meã nayaxüxe i wüxi i buxü i ñaarüü, rü choxü nixi i tayaxuxü. Rü texë ya choxü yaxüxe, rü tama choxüxícátama tayaxu, natürü yima nüma choxü mucü ya Chaunatüxü rü ta nixi i tayaxuxü —ñanagürü.

*Texë ya tama taxchi aixe rü torü ngüxëëruü tixi
(Mt 10.42; Lc 9.49-50)*

³⁸ Rü yexguma ga Cuáü rü ñanagürü nüxü: —Pa Ngüexëëruüx, nüxü tadau ga wüxi ga yatü ga cuëgagu ngoxogü íwoxüxü. Natürü toma nüxna tanachëxu ga yema, yerü tama tatanüxü

nixi ga nūmax —ñanagürü. ³⁹ Natürü Ngechuchu nanangãxü, rü ñanagürü: —Tama name i nūxna na penachuxuxü. Erü texé ya chauégagu naxúxe i wüxi i mexü i Tupanaärü poramaã üxü, rü taxucürüwama yixcama chixri chauchiga tidexa. ⁴⁰ Erü texé ya tama taxchi aixe, rü törü ngüxëerü tixi. ⁴¹ Rü texé ya woo wüxitama i pochiyuäcu i dexá pexna äxë naxcëx na chorü duüxügü pixigüxü, rü aixcüma pemaã nūxü chixu rü tá tüxü nangëxma i tümaärü ämare —ñanagürü.

Naxäcüma nixi na pecadugu inguxü
(Mt 18.6-9; Lc 17.1-2)

⁴² Rü ñanagürü ta: —Texé ya pecadugu nanguxëxë i wüxi i ñaã buxügü i choxü yaxögüxü, rü tümacëx rü narümeaë chi nixi i noxtacüma wüxi ya nuta ya tacü tümanaxäwa tayangacuchi, rü ngëmaäcü taxtüchiüwa tüxü tayatäe. ⁴³⁻⁴⁴ —Rü ngëxguma chi wüxi ya cuxmëx pecadugu cuxü nguxëëgu, rü name nixi i noxtacüma icunadae. Erü narümeaë nixi i cuboxmëxäcüma cunayaxu i curü maxü na tama guxüne ya cuxmëx ya mexünemaã nawa quitëxcuchixücëx ya yima üxü ya ngoxogü nagu poxcuene ya taguma ixoxüne. ⁴⁵⁻⁴⁶ —Rü ngëxguma chi wüxi ya cutütü pecadugu cuxü nguxëëgu, rü name nixi i noxtacüma icunadae. Erü narümeaë nixi i cubocutiäcüma cunayaxu i curü maxü na tama guxüne ya cutütü ya mexünemaã nawa quitëxcuchixücëx ya yima üxü ya ngoxogü nagu poxcuene. ⁴⁷⁻⁴⁸ —Rü ngëxguma chi wüxi ya cutütü pecadugu cuxü nguxëëgu, rü name nixi i noxtacüma icunacaxüchi. Erü narümeaë nixi i wüxitama ya cutütümaã Tupana äëxgacü iixixüwa quixücu, na tama guxüne ya cutütü ya mexünemaã nawa quitëxcuchixücëx ya yima üxü ya taguma ixoxüne ya ngoxogü nagu poxcuene i ngextá ðxmigü taguma iyuxüwa. ⁴⁹ —Rü aixcüma ñoma ðnawa yücüra nagüxürüü tá nixi na guxätáma guxchaxüwa chopetixü. ⁵⁰ —Name ya yücüra. Natürü ngëxguma chi nangeacagu, çrü ñuxäcü tá wenaxärü naxäãca; ¡Rü meã pegüna pedaugü na ñoma yücüra ya taguma iyarüngeacacürüü na namexücëx i perü maxü! ¡Rü meã pegümaã pemaxë! —ñanagürü.

10

Ngechuchu namaã nangüxëëtae na tama namexü na texé tümamëxü itáxü
(Mt 19.1-12; Lc 16.18)

¹ Rü yexguma ga Ngechuchu rü Capernáürü iñewa inaxüachi. Rü Yudéanewa naxüpetü rü ñuxmata natü ga Yudáürü tocütüwa nangu. Rü yéma rü wenaxärü naxcëx nangutaquëxegü ga duüxügü. Rü nüma rü inanaxügü ga na nangüxëëtaexü guxügurüü. ² Rü ñuxre ga Parichëügü rü naxcëx naxi ga na nūxü yaxügüxücëx yerü chixëxügu nananguxëëgüchäl. Rü yemacëx nūxna nacagüe, rü ñanagürügü: —¿Namexü i cuxcëx na wüxi ya yatü rü naxmëxü inatáxü? —ñanagürügü. ³ Rü nüma nanangãxü, rü ñanagürü nūxü: —¿Rü tacü yixü ga Moiché pexü muxü? —ñanagürü. ⁴ Rü nümagü nanangãxügü, rü ñanagürügü: —Moiché nūxü nixu ga na tama nachuxuxü na wüxi ya yatü rü inatámaxü, ega wüxi i popera i tëxgüpane ngixna naxãxü —ñanagürügü. ⁵ Rü yexguma ga Ngechuchu rü nanangãxü, rü ñanagürü nūxü: —Rü yema na taxüegama na pexinüëxügagu nixi ga Moiché ga tama pexna nachüãxü ga pexmëxü na ipetáxü. ⁶ —Natürü noxriarü ügügu, rü Tupana nanaxü ga yatüxü rü ngexü. ⁷ —Rü ngëmacëx ya yatü rü tá nanatü rü naëna nixügachi na naxmëxmaã inaxüxücëx. ⁸ —Rü ngëmaäcü i ngëma taxre rü ñoma wüxitama i duüxürüü tá nixigü. Rü marü täütáma taxre nixi, erü wüxi tátama nixi. ⁹ —Rü ngëmacëx taxucürüwa texé nügüna tayaxigachixëë i ngëma taxre i Tupana nügüna mugüxü —ñanagürü. ¹⁰ Rü yexguma marü ipatawa nangugügu, rü norü ngüëxügü rü wenaxärü nūxna nacagüe naxcëx ga yema. ¹¹ Rü Ngechuchu rü ñanagürü nūxü: —Rü yixema tümamëxü itáxe rü nai i ngemaã ämaxë rü pecadu taxü ngümaã i ngëma noxriäcü i tümamëx. ¹² —Rü ngëxgumarüü ta, ega wüxi i nge itëxtegu rü nai ya yatümaã naxätegu, rü ngüma rü ta pecadu ixü —ñanagürü.

Ngechuchu rü buxügüxü nameãxë
(Mt 19.13-15; Lc 18.15-17)

¹³ Rü yéma Ngechuchuxütawa tüxü nagagü ta ga ñuxre ga buxegü na tüxü yangögügüxücëx. Natürü ga yema norü ngüëxügü rü inanaxügü ga tüxü na yangagüxü ga guxema tümaxäcüxëgüxü Ngechuchuxütawa gagüxe. ¹⁴ Rü yexguma yemaxü nadëuxgu ga Ngechuchu, rü naäëwa nangux, rü ñanagürü nūxü: —Chanaxwëxe i chauxütawa naxi i buxügü. ¡Rü tãxü i nūxna penachuxuxü! Erü Tupana äëxgacü iixixüwa rü tümacëx nixi ya yixema ñaã buxügürüü taxuüma i chixëxüxü icuáxe. ¹⁵ —Rü aixcüma pemaã nūxü chixu rü texé ya tama wüxi i buxürüü Tupanaxü yaxúxe na tümaärü äëxgacü yixücëx, rü tagütáma nagu taxücu i ngëma naäne i Tupana äëxgacü iixixüwa —ñanagürü. ¹⁶ Rü nüma rü tüxü naganagütanü ga guxema buãxta, rü tümaërugügu naxümëxäcüma ñanagürü tüxü: —¡Tupana pexü rüngüxëëx! —ñanagürü.

*Wixi ga yatü ga dïeruãxüchixü Ngechuchumaã nidexa
(Mt 19.16-30; Lc 18.18-30)*

¹⁷ Rü yexguma marü inaxüãchichaügu ga Ngechuchu, rü yéma naxcèx niña ga wüxi ga yatü. Rü napèxegu nayacaxãpüxü, rü nüxna naca rü ñanagürü nüxü: –Pa Ngüexëëruü ya mecüx, çtacü tá chaxüxü na chanayaxuxücè i maxü i taguma gúxü? –ñanagürü. ¹⁸ Rü Ngechuchu nanangãxü, rü ñanagürü nüxü: –çTüxcüü, “Mecü” ñacurügü choxü? Erü Tupanaxicatama nixi ya mecü ixïcü, rü nataxuma i to. ¹⁹ Cuma rü marü nüxü cucuèx i Tupanaärü mugü i ñaxü:

“iTãütáma cumáëta, rü tãütáma nai i ngemaã icupe, rü tãütáma cungtëèx, rü tãütáma doraxü quixu i togüchiga, rü tãütáma quidoratëèx, rü tûmaga naxinü ya cunatü rü cue!” ñaxü –ñanagürü. ²⁰ Rü yexguma ga guma yatü rü ñanagürü nüxü: –Pa Ngüexëëruüx, rü chorü bucumatama meã chanaxaure i guxüma i ngéma mugü i nüxü quixuxü –ñanagürü. ²¹ Rü yexguma ga Ngechuchu rü nüxü nangechaüãcuma nüxü nadawenü, rü nanangãxü rü ñanagürü: –Rü wüxixicatama cuxü nataxu. iRü íxü, rü namaã yataxe i guxüma i curü ngëmaxüügü, rü ñuxüchi togü i ngearü ngëmaxüãxgüxüna naxã i ngéma curü natanü! Rü ngëmaãcü tá cuxü nangëxma i cuchica i daxüguxü i naãnewa. Rü ngëmaxwena rü marü name i chowe curüxü –ñanagürü. ²² Natürü nüma ga guma yatü rü nanaxixãchiãe ga yexguma nüxü naxinügu ga yema ore. Rü nangechaüãcuma ínixü, yerü namuxüchi ga norü yemaxüügü. ²³ Rü Ngechuchu rü nüxü nidaugüãchi, rü ñanagürü norü ngüexüügüxü: –Naguxchaxüchi tá nixi na Tupana ãëxgacü íyüxüwa na yachocuxü i ngéma dïeruãxüchigüxü –ñanagürü. ²⁴ Rü naãaixãchiãëgü ga norü ngüexüügü namaã ga yema ore. Natürü ga Ngechuchu rü wenaxãrü namaã nüxü nixu, rü ñanagürü: –Pa Chauxacügüx, ñuxãcü wüxi i guxchaxüchixü nixi na Tupana ãëxgacü íyüxüwa na yaxücuxü i wüxi i duüxü. ²⁵ –Rü aixcuma pemaã nüxü chixu rü ñoma wüxi i cameyu na taxucürüwama wüxi ya ucumaxëtüwa naxüpetüxüãrü yexera narüguxchamaë naxcèx i wüxi i duüxü i dïeruãxüchixü na yaxücuxü i ngëxtã Tupana ãëxgacü íxüxüwa –ñanagürü. ²⁶ Rü yexguma yemaxü naxinüëgu ga norü ngüexüügü, rü yexeraãcü naãaixãchiãëgü. Rü nügüna nacagüe, rü ñanagürügü: –çRü texé tá êxna tixi ya nayaxüxe i maxü i taguma gúxü? –ñanagürügü. ²⁷ Rü Ngechuchu rü nüxü nadawenü, rü nanangãxü rü ñanagürü nüxü: –Yatügü rü taxuacuma nügü namaxëë, natürü Tupanaãxü rü natauxcha i ngéma, erü Tupanacèx rü nataxuma i tacü i guxchaxü –ñanagürü. ²⁸ Rü yexguma inanaxüügü ga Pedru ga na yadexaxü, rü ñanagürü nüxü: –Toma rü marü yéma tanawogü ga guxüma ga torü yemaxüügü na cuwe tarüxüxücèx –ñanagürü. ²⁹⁻³⁰ Rü Ngechuchu nanangãxü, rü ñanagürü: –Aixcuma pemaã nüxü chixu rü texé ya chaugagu rü ore i maxëxëëruüãgagu tümapatana, rü êxna tûmaëneëgüna, rü êxna tûmaëyëxgüna, rü êxna tûmaëna, rü êxna tûmanatüna, rü êxna tûmaxãcügüna, rü êxna tûmaãnegüna ngema ixüxë, rü tá tanayaxu i tûmaärü natanü. Rü aixcuma ñuxma i ñoma i naãnewa rü tá tanayaxu i 100 êxpüxcüna ya tümapatagü, rü tûmaëneëgü, rü tûmaëyëxgü, rü tûmaëgü, rü tûmaxãcügü, rü tûmaãnegü. Natürü ngëxgumarüü tá ta tanayaxu i ngxüügü i togü tá tüxü ingexëëgüxü. Natürü yixcamaxüra i daxüguxü i naãnewa rü tá tanayaxu i maxü i taguma gúxü. ³¹ –Natürü muxüma i nümaxü i ñuxma ñoma i naãnewa duüxügü wixpëxewa ügüxëëxü, rü daxüguxü i naãnewa rü Tupana tá wixweama nanaxüügüëë. Rü muxüma i nümaxü i ñuxma ñoma i naãnewa duüxügü wixweama ügüxëëxü, rü daxüguxü i naãnewa rü Tupana tá wixpëxewa nanaxüügüëë –ñanagürü.

*Ngechuchu rü wenaxãrü nanaxunagü ga norü yuxchiga
(Mt 20.17-19; Lc 18.31-34)*

³² Rü Yerucharëtüwaama naxi. Rü nüma ga Ngechuchu rü norü ngüexüügüpëxegu nixü. Rü nümagü rü naãaixãchiãëgü, rü yema togü ga duüxügü ga wixweama ägüxü rü namuüë. Rü Ngechuchu rü wenaxãrü noxrüwama naxcèx naca ga yema 12 ga norü ngüexüügü. Rü inanaxüügü ga namaã nüxü na yaxuxü ga çtacü tá nüxü na ngupetüxü. ³³ Rü ñanagürü nüxü: –Pema nüxü pecuèx na marü ingaicaxü na Yerucharëtüwa ingugüxü. Rü ngema rü duüxügü rü tá chixri chomaã nachopetü. Rü paigüarü ãëxgacügü rü ngüexëëruügü i ore i mugüwa nguxëëtaegüxüna tá choxü naxuaxügü. Rü nümagü rü tá chomaã nanaxuegügü na chayuxü, rü tá ngéma Dumacüãxgüna choxü namugü. ³⁴ Rü ngëmagü tá nixi i chaugu idauxcürüãgüxü. Rü tá choxna nacuaixgüe, rü tá choxna nanaçuaixcagü, rü tá choxü nayuxëëgü. Natürü tomaëxpüx i ngunëxüguwena táxarü chamaxü –ñanagürü.

*Chaütiãgu rü Cuãü rü wüxi ga ngüxëëcèx ínacagü
(Mt 20.20-28)*

³⁵ Rü Ngechuchucèx naxi ga Chaütiãgu rü Cuãü ga Zebedü nanegü, rü ñanagürügü nüxü: –Pa Ngüexëëruüx, tanaxwëxe i toxcèx cunaxü i ngéma ngüxëë i naxcèx tá cuxna çacaxü –ñanagürügü. ³⁶ Rü nüma rü nüxna naca, rü ñanagürü: –çTãcü nixi i penaxwëxexü na peccèx chanaxüxü? –ñanagürü. ³⁷ Rü ñanagürügü: –Rü ngëxguma ãëxgacüxü quingucuchigu, rü

tanaxwèxe na wüxie i toma rü curü tügüncëwawa tarütöxü, rü togue i curü toxwecüwawa – ñanagürügü. ³⁸ Rü Ngechuchu nanangäxü, rü ñanagürü nüxü: –Pema rü tama nüxü pecuèx na tacücèx ípeçaxü. ¿Rü pexü chi natauxchaxü i na peyaxaxüxü i ngëma axexü i üxchiüxü i choma tá chixaxüxü? ¿Rü namaã chi peporaexü i ngëma ngüxü i tá chingexü? –ñanagürü. ³⁹ Rü nümagü nanangäxügü rü ñanagürügü: –Ngëmaãcü, namaã tá taporae –ñanagürügü. Rü Ngechuchu nanangäxü, rü ñanagürü nüxü: –Aixcüma tá nixi i chauxrüü peyaxaxüxü i ngëma axexü i üxchiüxü rü chauxrüü ngüxü na pingegüxü. ⁴⁰ –Natürü ngëma chorü tügüncëwawa rü chorü toxwecüwawa na perütögüxüxcèx, rü tama choxmëxwa nangëxma na pexna chanaxäxü, erü Chaunatu tá tüxna nanaxä ya yixema tümacèx íyixë –ñanagürü. ⁴¹ Rü yexguma yemaxü naxinüëgu ga yema togü ga 10 ga ngüexügü, rü Chaütigumaã rü Cuãümaã nanuë. ⁴² Natürü Ngechuchu naxcèx naca rü ñanagürü nüxü: –Pema nüxü pecuèx i togü i nachinüëguwa rü nangëxmagü i äëxgacügü i nügü nacüexgügu na namexü na nuácü namuäxü i norü duüxügü. Rü ngëma äëxgacügü i taxügü rü norü duüxügüaru yora nügü nixigüxëë. ⁴³ –Natürü täitama ngëmaãcü nixi i petanüwa. Erü ngëxguma texé naxwëxegu na guxäärü yexera na tiixü i petanüwa, rü name nixi i noxri rü guxäärü ngüxëeruü na tiixü. ⁴⁴ –Rü ngëxguma chi texé i petanüwa naxwëxegu na tümamücügüeru na tiixü, rü name nixi i noxri rü guxüma i tümamücügüaru ngüxëeruü na tiixü. ⁴⁵ –Rü woo i choma i Tupana Nane na duüxügü chiixü, rü tama togü choxü rüngüxëëxüxcèx nixi i núma chaxüxü. Natürü núma chaxü na duüxügüxü charüngüxëëxüxcèx rü naxcèx ichanaxäxüxcèx i chorü maxü, na ngëmaãcü chanaxütanüxüxcèx na norü pecadugüna ínangüxüxüxcèx i muxüma i duüxügü –ñanagürü.

*Bartiméü ga ngexetücüxü narümeëë ga Ngechuchu
(Mt 20.29-34; Lc 18.35-43)*

⁴⁶ Rü Yericüaruü íānëwa nangugü. Rü Ngechuchuwe narüxi ga norü ngüexügü rü muxüma ga togü ga duüxügü. Rü yexguma guma íānëaruü guxwa nangugüchaügu ga nüxna na ínaxoxüxü, rü yéma namacüwawa narüto ga wüxi ga ngexetücü ga Bartiméügu äëgacü ga Timéü nane. ⁴⁷ Rü yexguma guma ngexetücü nüxü ínügü ga Ngechuchu ga Nacharetücüäx na yixü ga guma yéma üpetücü, rü ínanaxügü ga poraäcü aita na naxüxü, rü: –Pa Ngechuchu ya Dabitanüxüx, ¡cuxü changechaütümüü! –ñanagürü. ⁴⁸ Natürü muxüma ga yema duüxügü rü ínanangaxüchigüama ga na íyanangeäxüxcèx. Natürü ga núma rü yexeraäcü aita naxüma, ñaxümaã: –Pa Dabitanüxüx, ¡cuxü changechaütümüü! –ñaxümaã. ⁴⁹ Rü yexguma ga núma ga Ngechuchu rü ínayachiächi, rü ñanagürü: –¡Naxcèx peca! –ñanagürü. Rü guma ngexetücüxcèx nacagü, rü ñanagürügü: –¡Nataãë rü inachi! Rü cuxcèx nixi i naçaxü –ñanagürügü. ⁵⁰ Rü guma ngexetücü rü yexacü nanaña ga norü gáuxüchiru. Rü ínayuxnagü rü Ngechuchucèx nixü. ⁵¹ Rü Ngechuchu nüxna naca, rü ñanagürü nüxü: –¿Tacü nixi i cunaxwëxexü na cuxcèx chanaxüxü? –ñanagürü. Rü núma ga guma ngexetücü, rü nanangäxü, rü ñanagürü: –Pa Ngüexëeruüx, chanaxwëxe na chidauchixü –ñanagürü. ⁵² Rü yexguma ga Ngechuchu, rü ñanagürü nüxü: –¡Ecü, íixü! Rü marü cuxcèx nitaane erü cuyaxö –ñanagürü. Rü yexgumatama ga guma ngexetücü rü nidauchi, rü Ngechuchuwe narüxi ga namawa.

11

*Ngechuchu rü Yerucharéügu naxücu
(Mt 21.1-11; Lc 19.28-40; Cu 12.12-19)*

¹ Rü marü Yerucharéüaruü ngaicamana nangugü ga Oríbunecüaruü Mëxpüñëaruü ngaicamana yexmagüne ga íānëxäcügu ga Bechagué rü Betániã. Rü yexguma yéma nangugügu, rü Ngechuchu nanamu ga taxre ga norü ngüexügü. ² Rü ñanagürü nüxü: –¡Gua törü toxmëxtawa ngëxmane ya íānëxäcüwa pexi! Rü ngëxguma nawa pengügü, rü ngëxma tá nüxü peyangau i wüxi i buru i ngëxma ngaxüxü i taguma texé natagu aunagüxü. ¡Rü peyawëxü rü nuã penaga! ³ –Rü ngëxguma texé pexna caxgu na tacücèx peyawëxüxü i ngëma buru, ¡rü tümamaã nüxü pixu rü ñapegügü:

“Torü Cori nanaxwëxe, rü ñuxma tátama nanataeguxëë”, ñapegügü! ⁴ Rü yéma naxi. Rü yexma namacüwagu nüxü nayangaugü ga yema buru ga wüxi ga ípataëxütagu ngaxüxü. ⁵ Rü ñuxre ga duüxügü ga yéma yexmagüxü rü nüxna nacagüe, rü ñanagürügü: –¿Tacü ípexüe? ¿Rü tüxcüü peyawëxü i ngëma buru? –ñanagürügü. ⁶ Rü nümagü ga yema ngüexügü, rü yema ore ga Ngechuchu namaã nüxü ixuxüäcü nanangäxügü. Rü yemacèx tama nüxna nanaçuxgü. ⁷ Rü natagu nanaçagümü ga naxchirügü. Rü yemaãcü Ngechuchuxütawa nanagagü. Rü núma ga Ngechuchu rü natagu naxaunagü. ⁸ Rü muxüma ga duüxügü rü naxchirumaátama nanaçhamagü. Rü togü rü naixätügü ga naānëwa nadaüxümaã nayaçhamagü. ⁹ Rü yema duüxügü ga napëxegu ägüxü rü yema togü ga wixweama ägüxü, rü tagaäcü ñanagürügü: –¡Cuxü ticüexüxügü! ¡Rü naxüüne ya daa Tupanaëgagu núma ücü!

10 jRü ãëxgacü ya Dabírüxü namecümäxüchi ya daa ãëxgacü ya núma ngücü! jRü pema rü ta, Pa Daxücüãx, rü nüxü picüëxüxügü ya Tupana! —ñanagürügü. 11 Rü Yerucharéügu naxücu ga Ngechuchu, rü tupauca ga taxü necëx nixü. Rü meãma guxüwama inanadauaxüne. Rü ñuxüchi yema norü 12 ga ngüëxügümaã Betániãärü ñä necëx nataegu, yerü marü nayáuane.

Ngechuchu rü orix ga iguera ga ngearü oõxümaã chixexü naxuegu
(Mt 21.18-19)

12 Rü moxüãcü yexguma Betániãwa inaxiãchigu ga Ngechuchu rü nataiya. 13 Rü yaxügu nüxü nadau ga wüxi ga orix ga iguera ga äätüxü. Rü núma ga Ngechuchu rü naxcëx nixü na íyadauãxüçëx rü ngoxi nayexmëx ga norü o. Natürü yexguma naxütawa nanguxgu, rü taxuüma inayangau, rü naätüxüxícatama, yerü tauta norü owa nangu. 14 Rü yexguma rü ñanagürü igueraxü: —jTagutãma texé wena cuxü tamüärü oõx! —ñanagürü. Rü norü ngüëxügü rü nüxü naxinüë ga yema.

Ngechuchu ínanawoxü ga yema tupauca ga taxünewa taxegüxü ga duüxügü
(Mt 21.12-17; Lc 19.45-48; Cu 2.13-22)

15 Rü yexguma Yerucharéüwa nangugügu, rü Ngechuchu rü tupauca ga taxünegu naxücu. Rü inanaxügü ga na ínawoxüãxü ga yema yéma íacümaã taxegüxü rü naxcëx taxegüxü. Rü nanangüegutanü ga norü mechagü ga yema duüxügü Tupanaarü ãmarewa mexü ga díërumaã taxegüxü rü muxtucumaã taxegüxü. 16 Rü nanachüxu ga texé íacü na yéma ngepetüxü tupauca ga taxünemachiawa. 17 Rü inanaxügü ga na nangüexëëtaexü, rü ñanagürü: —Tupanaärü ore i ümatüxüwa rü ñanagürü: “Chopata rü guxüma i nachiüñä necüãxgüarü yumüxëpataügu tá naxãega”, ñanagürü. Natürü pema rü ngítëëxgüxüpataü peyaxíxëë —ñanagürü. 18 Natürü yexguma yemaxü naxinüëgu ga paigüarü ãëxgacügü rü ngüexëëruügu ga Moíchéarü mugüwa ngüxëëtaegüxü, rü inanaxügüë ga naxcëx na nadaugüxü ga ñuxãcü Ngechuchuxü na yamëxgüxü. Natürü duüxügüxü namuüë, rü yemacëx taxucürüwama duüxügüpegu nayayauxgü. Yerü núma ga duüxügü rü namaã nataãxëgü ga yema Ngechucharü ngüxëëtae. 19 Natürü yexguma marü nayáuanegu, ga Ngechuchu rü norü ngüëxügümaã nawa ínaxochü ga guma íäne.

Narüñexë ga yema iguera ga ngearü oõxü
(Mt 21.20-22)

20 Rü moxüãcü pëxmama rü igueraxütawa nachopetü. Rü yéma nüxü nadaugü ga na nañëxëxü ñuxmata naxchümëxãwa nangu. 21 Rü yexguma ga Pedru rü nüxna nacüëxãchi ga yema íneãcü ngupetüxü, rü ñanagürü Ngechuchuxü: —Pa Ngüexëëruüx, dücax i iguera ga chixexü namaã cuxuegüxü, rü marü narüñexëë —ñanagürü. 22 Rü Ngechuchu nanangãxü, rü ñanagürü: —jNüxü peyaxögü ya Tupana! 23 —Rü aixcüma pemaã nüxü chixu rü ngëxguma chí wüxie daa mëxpünëxü tamuxgu na yaxügachixüçëx rü taxtü i taxüchiüwa nügu na yataëxüçëx, rü chí pega naxinü, ega aixcüma peyaxögüãcüma nüxü ngëma ñapegügu. 24 —Rü ngëmacëx pemaã nüxü chixu rü guxüma i íacü i naxcëx ípeçaxü i perü yumüxëwa, rü name nixü na peyaxögüxü na marü penayaxuxü, rü aixcüma tá penayaxu. 25 —Rü ngëxguma peyumüxëgügu, natürü nangëxmagu i íacüçëx texémaã na penüëxü, jrü tüxü nüxü pengechaü! na Penatü ya daxügücü rü ta pexü nüxü nangechaüxüçëx i perü pecadugü. 26 —Natürü ngëxguma pema tama tüxü nüxü pengechaügügu, rü Penatü ya daxügücü rü tá ta táütãma pexü nüxü nangechaü —ñanagürü.

Ngechuchuna nacagüë na texëarü oregagu tupauca ga taxünewa nangüxëëtaexü
(Mt 21.23-27; Lc 20.1-8)

27 Rü yemawena rü Yerucharéüçëx nawoegu. Rü yexguma Ngechuchu rü tupauca ga taxünegu yaxügüchigüyane, rü naxcëx naxü ga paigüarü ãëxgacügü, rü ngüexëëruügu ga Moíchéarü mugüwa ngüxëëtaegüxü, rü Yudiügüarü ãëxgacügüerügü. 28 Rü nüxna nacagüë, rü ñanagürügü: —jTexëarü mugagu nixü i cunaxüxü i ngëma núma cuxüxü? jRü texé cuxü tamu na cunaxüxüçëx i ngëma? —ñanagürügü. 29-30 Rü yexguma ga Ngechuchu rü nanangãxü, rü ñanagürü nüxü: —Choma rü tá ta pexna chaca, rü ngëxguma choxü pengãxügu i ngëma pexna naxcëx chaçaxü, rü choma rü tá ta pemaã nüxü chixu na texé choxü muxü na chanaxüxüçëx i ngëma. jRü texé tanamu ga Cuáü na duüxügüxü ínabaiüxëëxüçëx? jRü Tupana yíixü ga namücü rü ëxna duüxügümare? —ñanagürü. 31 Rü yexguma ga nümagü rü inanaxügüë ga nügümaã na yaporagatanücüüxü, rü ñanagürügü: —Rü ngëxguma chí: “Tupana núma nanamu”, ñagügügu, rü núma rü chí ñanagürü tüxü: “jTüxücüü ga tama nüxü peyaxögüxü?” ñanagürü chí tüxü. 32 jRü ñuxücürüwa rü: “Yatügümare núma nanamu”, ñatarügügu tá? Rü yema ñanagürügü yerü duüxügüxü namuüë. Yerü guxüma ga duüxügü rü nayaxögü rü aixcüma Tupana nanamu ga Cuáü na nüxü yaxuxüçëx ga norü ore. 33 Rü yemacëx Ngechuchuxü nangãxügü, rü ñanagürügü:

—Tama nüxü tacuëx ga texé núma na namuxü ga Cuáü ga baiüxëëruü —ñanagürügü. Rü yexguma ga Ngechuchu rü nanangäxü rü ñanagürü nüxü: —Choma rü ta tãütãma pemaã nüxü chixu na texé choxü muxü na chanaxüxü i ngëma choxna naxcëx peçaxü —ñanagürü.

12

Ore i puracütanüxü i chixexügu ixuxü

(Mt 21.33-46; Lc 20.9-19)

¹ Rü Ngechuchu rü inanaxügu ga ore ga cuëxruügu ixuxümaã na nangüexëëtaexü. Rü ñanagürü nüxü: —Nayexma ga wüxi ga yatü ga norü naãnegu ubanecü ücü. Rü ñanapoxegu, rü nanaxü ga wüxi ga ubaarü yauxtüxüxüchica, rü wüxi ga dauxütaechica na meã nüxna nadauxüçëx ga guxüma. Rü ñuxüchi ñuxre ga puracütanüxüna nüxü nadauxëë. Rü namaã nanamexëë na ngäxügu namaã ngixü yatoyexüçëx ga yema ubatanü. Rü ñuxüchi ga yema naãneärü yora rü to ga nachüãnewa naxü. ² —Rü yexguma nawa nanguxgu ga na yadauxü ga yema ubagü, rü guma yatü rü yéma puracütanüxüxütawa nanamu ga wüxi ga norü duüxüxü na naxcëx iyaxüxüçëx ga yema ubagü ga nüxna üxü. ³ —Natürü yema puracütanüxügu rü nayayauxgü, rü nanaçuaixgü ga guma yatüarü duüxü. Rü taxuüma ga ubagü nüxna naxägu, rü yemaãcü ñayamugü. ⁴ —Rü yexguma ga guma yatü rü to ga norü duüxüxü yéma namu. Natürü ga guma rü nayamëxërugü, rü namaã naguxchigagü. ⁵ —Rü yexguma rü to ga norü duüxüxü yéma namu. Natürü nayamëxgü. Rü yemawena, rü yéma nanamugü ga muxüma ga togü ga norü duüxüxü. Natürü ga yema puracütanüxügu rü nayayauxgü ga ñuxre, rü togü rü nanada. ⁶ —Rü yexguma rü nüxü ñayaxü ga nanexüchi ga poraãcü nüxü nangechaücü. Rü düxwa guma nanexü yéma namu, yerü nüma nagu naxünuügu rü chi nanega naxünuë ga yema puracütanüxügu. ⁷ —Natürü yexguma guma cori nanexü nadaugüga ga yema puracütanüxügu, rü nügümaã ñanagürügü:

“Ngëmaärü tá nixü i ñaã naãne. ¡Rü ngixã tayamëxgü na töxru na yixüçëx!” ñanagürügü. ⁸ —Rü yemaãcü nayayauxgü, rü nayamëxgü. Rü yema ubanecüpechinüwa nayatëxgü ga naxüne. ⁹ —Rü ñuxma rü pexna chaca, çpexcëx rü tacü tá naxü ya yima ubaneciarü yora namaã i ngëma puracütanüxügu i chixexügu? Rü dücax, rü ngema tá naxü, rü tá nanada i ngëma puracütanüxügu, rü togüna tá nanaxã i ngëma ubanecü. ¹⁰ —¿Taguma éxna nawa pengüe i Tupanaärü ore i ümatüxü? Erü ngëmawa rü ñanagürü:

“Rü yima nuta ya mecü ya ñärü üruügu nüxü oechirëcü, rü ñuxma rü yimatama nixü ya Tupana nüxra yaxüçuchicü na namaã inaxüguãxüçëx ya ñpata. ¹¹ Rü törü Cori ya Tupana nixü ga naxüçü ga yema, rü ñuxma rü namexëchi i taxcëx”, ñanagürü i ngëma ore. ¹² Rü yexguma ga yema paigüarü äëxgacügü, rü ngüexëëruügu ga Moichëarü mugüwa nguxëëtaegüxü, rü Yudüguarü äëxgacügüerugü, rü Ngechuchuxü niyauxgüchaü. Yerü nüxü nacüexgü ga nachiga na yixü ga yema ore ga cuëxruügu yaxuxü. Natürü duüxüxü namuüë rü yemacëx taxuüma namaã naxüe. Rü nüxna yéma ñinixmare.

Äëxgacüaxü dterumaã naxütanüxüchiga

(Mt 22.15-22; Lc 20.20-26)

¹³ Rü yexguma ga yema äëxgacügü rü Ngechuchuxütawa nanamugü ga ñuxre ga norü duüxügu ga Parichëugü rü Erodetanüxügu na nüxna yacagüexüçëx, rü ngoxi tacü rü chixexü ga dexamaã nüxü nangäxü na yemaãcü äëxgacügüxütawa na iyaxuaxüguãxüçëx. ¹⁴ Rü nümagü rü naxütawa naxü, rü ñanagürügü nüxü: —Pa Ngüexëëruüx, nüxü tacuëx rü aicxüma nixü i ngëma nüxü quixuxü i ore. Rü tama duüxüguãmare cuxünu, erü tama norü düxëtüxünegu cudawenü, natürü nacüma nixü i cungugüxü. Rü aicxüma cunangüexëë i duüxügu na Tupana naxwëxëüãcüma namaxëxüçëx. ¡Tomaã nüxü ixu! Rü ngëma dteru ya äëxgacü ya tacü ya Dumacüãx totanüwa ngixü yauxchaücü çrü namexü yixü na nüxna ngixü taxäxü, rü éxna tama? —ñanagürügü. ¹⁵ Natürü ga Ngechuchu rü nüxü nacüexama ga na chixexügu namaã naxünuëxü ga yema duüxügu woo meã namaã na yanadexagüxü. Rü yemacëx ñanagürü nüxü: —¿Tüxcüü chixexügu choxü penguxëëchaüxü? ¡Nuã ngixü pinge i wüxıtachinü i dteru na ngixü chadauxüçëx! —ñanagürü. ¹⁶ Rü yéma naxütawa ngixü nangegü ga wüxıtachinü ga dteru. Rü Ngechuchu rü ñanagürü nüxü: —¿Texëchicünëxã rü texëéga nixü i ngügu üxü? —ñanagürü. Rü nümagü nanangäxüxü, rü ñanagürügü: —Dumacüãx ya äëxgacü ya tacüchicünëxã nixü —ñanagürügü. ¹⁷ Rü yexguma ga Ngechuchu rü ñanagürü nüxü: —¡Äëxgacüna ngixü pexã i ngëma äëxgacüarü ixicü, rü Tupanana ngixü pexã i ngëma Tupanaärü ixicü! —ñanagürü. Rü yexguma yema orexü naxünuëgu, rü namaã nabaixächiaëgü.

Ngechuchuna nacagüe rü ngoxi wena namaxë i duüxügu

(Mt 22.23-33; Lc 20.27-40)

¹⁸ Rū yemawena rū Ngechuchuxūtawa ínayadaugū ga ñuxre ga Chaduchéugū. Rū nūmagū nixī i nūxū yaxugūexū na tagutáma wena namaxēxū i yuexū. Rū yemacēx Ngechuchuna nayacagūe, rū ñanagūrūgū: ¹⁹ —Pa Ngúexēēruūx, Moíchéarū mugūwa rū ñanagūrū: “Rū ngēxguma wūxi ya yatū naxmēx ngexacūyane nayuxgu, rū name nixī i naēneētama ngímaā naxāmēx i ngēma yutecū i naxūmēx, na ngēmaācū naxāxācūxūcēx ya naēneē ga marū yucū”, ñanagūrū ga yema ore. ²⁰ —Dūcēx, nayexma ga 7 ga nūgūeneēgū. Rū naxāmēx ga guma yacū, natūrū tauta naxāxācūyane nayu. ²¹⁻²² —Rū yexguma ga naī ga naēneē nūxī ngímaā naxāmēx ga yema ngecū, natūrū guma rū ta nayu rū nangexacū. Rū yexguma ga guma norū tomaēxpūx ga naēneē nūxī ngímaā naxāmēx, natūrū ū yexgumarūūtama nūxū nangupetū. Rū yemaācū, gucūma ga guma 7 ga nūgūeneē rū ngímaā naxāmēx ga yema nge. Rū gucūma nayue tauta naxāxācūyane. Rū dūxwa ngíma rū ta iyu ga yema nge. ²³ —Rū dūcax, ngēxguma yuexū wena maxēgu, ħrū ngexcūrūūcū naxmēx tá iyixī i ngēma nge? Yerū gucūma ga guma 7 ga nūgūeneēgū ngímaā naxāmēx —ñanagūrūgū. ²⁴ Rū yexguma ga Ngechuchu rū nanangāxū, rū ñanagūrū nūxū: —Pema rū ípetūe erū tama nūxū pecuēx i Tupanaārū ore i ūmatūxū, rū tama nūxū pecuēx i ñuxācū na naporaxū ya Tupana. ²⁵ —Rū ngēxguma yuexū wena maxēgu, rū taxūetáma tixāmēxgū rū ēxna tixātegū. Erū daxūcūāx i Tupanaārū oreatū ngeruđgūrū tá tixīgū i ngēxguma. ²⁶ —Pema choxna peca i yuexūārū dagūchiga. ħNatūrū tama ēxna nawa pengūe i Tupanaārū ore ga Moíché ūmatūxū ga naīxācū ga íyiauxratanūnechigaxū íyaxuxūwa? Erū yema orewa rū Moíchéxū ñanagūrū ga Tupana: “Choma nixī i Abráūrū Tupana, rū Ichaárū Tupana, rū Acobuarū Tupana”, ñanagūrū. ²⁷ —Rū ngēma orewa nūxū tacuēx rū Tupana rū maxēxūrū Tupana nixī rū tama yuexūārū Tupana nixī, erū Tupanaarū ínūwa rū taxūema tayu. Rū ngēmaācū i pema rū poraācū ípetūe —ñanagūrū.

Ngēma Tupanaārū mu i guxū i norū mugūarū yexera íxīxū
(Mt 22.34-40)

²⁸ Rū wūxi ga ngúexēēruū ga Moíchéarū mugūwa nguxēētaexū, rū nūxū naxīnū ga yema togū ga namūcūgū ga Ngechuchumaā na íyaporagatanūcūxū. Rū nūma rū nūxū nicuēxāchi ga meāma na nangāxūāxū. Rū yemacēx Ngechuchucēx nixū, rū nūxna naca, rū ñanagūrū nūxū: —Pa Ngúexēēruūx, ħngēxūrūūxū i Tupanaārū mu nixī i guxū i norū mugūarū yexera íxīxū? —ñanagūrū. ²⁹ Rū Ngechuchu nanangāxū, rū ñanagūrū: —Ngēma Tupanaārū mu i guxū i norū mugūarū yexera íxīxū, rū ñāa nixī, ñanagūrū: “íperūxīnūē, Pa Iraēanecūāxgū! Rū nūma ya Cori ya tórū Tupana, rū yixicatama nixī ya tórū Cori. ³⁰ ħRū nūxū nangechaū ya Cori ya curū Tupana guxūne ya curū maxūnemaā, rū guxū i cuāēmaā, rū guxū i nagu curūxīnūxūmaā, rū guxū i curū poramaā!” ñanagūrū. ³¹ —Rū ngēma norū taxre i Tupanaārū mu, rū ñanagūrū: “ħRū nūxū nangechaū i cumūcū na cugū cungechaūxūrū!” ñanagūrū. Rū nataxuma i to i Tupanaārū mu i ngēmagūarū yexera íxīxū —ñanagūrū. ³² Rū yexguma ga yema ngúexēēruū ga mugūwa nguxēētaexū, rū ñanagūrū Ngechuchuxū: —Marū name, Pa Ngúexēēruūx, erū aixcūma nixī i ngēma nūxū quixuxū na wūxixicatama na yīxū ya Tupana, rū nataxuma ya naī. ³³ —Rū ngēma Tupanaxū na ingechaūxū guxūne ya tórū maxūnemaā, rū guxū i nagu rūxīnūxūmaā, rū guxū i tórū poramaā, rū nūxū na ingechaūxū i tamūcū i yigū na ingechaūxūrū, rū ngēma rū guxūma i carnerugū i Tupanacēx idējūxū rū íguxūarū yexera narūmemae —ñanagūrū. ³⁴ Rū yexguma Ngechuchu nūxū dēuxgu ga mexūgu na naxīnūcūma na nangāxūāxū ga yema ngúexēēruū ga mugūwa nguxēētaexū, rū ñanagūrū nūxū: —Marū tama taxū cuxū nataxu na cunayaxuxū ya Tupana na curū āēxgacū yīxūcēx —ñanagūrū. Rū yemawena rū marū taxūma nūgū naporaxēē na nūxna yacachīgūxūcēx.

ħTexē nane nixī ya Cristu?
(Mt 22.41-46; Lc 20.41-44)

³⁵ Rū yexguma tupauca ga taxūnewa ínangúexēētaeyane ga Ngechuchu, rū duūxūgūna naca, rū ñanagūrū: —ħTūxcūū nixī i ngēma ngúexēēruūgū i mugūwa nguxēētaegūxū i ñagūxū: “Yima Cristu ya Tupana nūxū unetacū rū nuxcūmaūcū ga āēxgacū ga Dabítaa nixī”, ñagūxū? ³⁶ —ħRū ñuxācū i ngēmaācū yadexagūxū? Yerū nūmatama ga Dabí, rū yexguma Tupanaāē i Ūnēxū naāēwa ideaxgu rū ñanagūrū: “Cori ya Tupana rū chorū Corixū ñanagūrū: ‘ħNuā chorū tūgūnecūwawa rūto ñuxmatáta nūxū charūporamaē i curū uwanūgū na cuga naxīnūēxūcēx!’ ” ñanagūrū ga yema orewa. ³⁷ —ħNatūrū ñuxūcūrūwa i Dabítaa yīxū ya Cristu, ega nūmatama ga Dabí, rū norū Corímaā naxūāgu? —ñanagūrū. Rū yema muxūma ga duūxūgū ga yéma yexmagūxū, rū taāēcūma Ngechuchuxū inarūxīnūē.

Ngechuchu rü nüxü nixu na tama yameärü maxüäxgüxü ga yema ngüexëerüügü ga Moichëarü mugüwa nguxëëtaegüxü

(Mt 23.1-36; Lc 11.37-54, 20.45-47)

³⁸ Ngechuchu rü norü nguxëëtaewa rü ñanagürü: —¡Pexuäëgü naxcëx i ngëma ngüexëerüügü i Moichëarü mugüwa nguxëëtaegüxü! Erü nümagü rü norü me nixi i mexü i naxchirumaä na naxiäneäxü. Rü nanaxwëxegü na itamüwa duüxügü meä nüxü na rümoxëgüxü. ³⁹ —Rü ngutaquëxepataügüwa rü norü me nixi i äëxgacügümëxwëxewa na natogüxü. Rü ðnagü i taxüwa rü ngëma ðnaärü yoraxütawa ügüxü i nachicacëx nadaugü. ⁴⁰ —Natürü tüxna nanapuxü ya tûmapatagü ya yixema yutegüxe. Rü ñüxüchi nanamëxëë i norü yumüxëgü na ngëmagu nügü yacuxgüxüçëx rü duüxügü nagu rüxüñüxüçëx na aixcüma mexügü na yixügüxü. Natürü nümagü tá nixi i yexeraäcü napoxcuxü —ñanagürü.

Yutecü ga ngearü dïeruäxcü ga Tupanacëx dïeru ngüxü ixäcü
(Lc 21.1-4)

⁴¹ Wüxicana ga Ngechuchu rü tupauca ga taxüneärü dïeruchiüärü toxmëxtawa narüto. Rü yéma inadawenü ga ñuxäcü duüxügü yexma ngüxü yanaxüchigüxü ga norü dïerügü. Rü muxüma ga duüxügü ga idïeruäxgüxüchixü rü yexma ngüxü nayarüxüchigü ga muxüchicü ga norü dïeru. ⁴² Rü ngürü yéma ingu ga wüxi ga yutecü ga ngearü dïeruäxcü. Rü ngüma rü wüxi ga yema dïeruchiügu ngüxü iyarüxüchicü ga taxretachinü ga dïeruxacü ga itanücü. ⁴³ Rü yexguma ga Ngechuchu rü norü ngüexügüçëx naca, rü ñanagürü nüxü: —Aixcüma pemaä nüxü chixu rü ñaä negcü i yutecü i ngearü dïeruäxcü, rü guxü i ngëma togü i dïeruchiügu dïeru ngüxü ixüchigüxüärü yexera ngüxü ixä. ⁴⁴ Erü guxüma i togü rü ngüxü inaxägü i ngëma nüxü iyaxügücü. Natürü ngüma ngüxü natauxyane ngüxü ixä i guxücüma i ngüxü ngëxmëxcü i ngürü ðnatani —ñanagürü.

13

Ngechuchu nanaxunagü na tupauca ga taxüneagu tá na napögüexü
(Mt 24.1-2; Lc 21.5-6)

¹ Rü yexguma tupauca ga taxünewa inaxüxügu ga Ngechuchu, rü wüxi ga norü ngüexügü rü ñanagürü nüxü: —Pa Ngüexëerüxü ¡dücax ñuxäcü nimexëchi ya daa tupauca ya itaxüne rü naxtapüxarü nutagü! —ñanagürü. ² Natürü Ngechuchu nanangäxü, rü ñanagürü: —Pema nüxü pedaugü ya guxüñema ya yima tupauca ya taxüneärü ipatagü. Natürü pemaä nüxü chixu rü aixcüma guxüñema ya daa ipatagü rü tá nagu napögüe. Rü norü nutagü rü taxucütáma nügüetü naxüxüra, rü bai tá ya wüxi —ñanagürü.

Cuëxruügü i tá nüxü idauxü naxüpa na nagüxü i naäne
(Mt 24.3-28; Lc 21.7-24, 17.22-24)

³⁻⁴ Rü yemawena rü Orübunecüarü Mëxpüne ga tupauca ga taxüneärü toxmëxtawa yexmanewa naxi. Rü yéma narüto ga Ngechuchu. Rü Pedru rü Chaütiágu rü Cuáü rü Aüdré rü naxütawa naxi na noxrüwama nüxna nacagüexüçëx. Rü ñanagürügü: —Tanaxwëxe i tomaä nüxü quixu na ñuxgu tá nangupetüxü i ngëma nüxü quixuxü. ¿Rü ¡acü tá nixi i norü cuëxruü i nawa nüxü tacuáxü ega nawa tá nanguxgu i ngëma? —ñanagürügü. ⁵ Rü yexguma ga Ngechuchu rü nanangäxü rü ñanagürü nüxü: —¡Pexuäëgü na taxüema pexü womüxëëxüçëx! ⁶ —Erü muxüchixü i duüxügü tá inangugü, rü chaugu tá nügü nicuxgü, rü ñanagürügü tá:

“Choma nixi i Cristu”, ñanagürügü tá. Rü muxüchixü i duüxügüxü tá nawomüxëë. ⁷ —Rü ngëxguma nüxü pexüñüegü na nügü nadëjüxü i nachüñänegü i ngaicamagüxü rü togü i nachüñänegü i yaxügügüxü, ¡rü täütáma ngëmacëx pebaixächiaëgü! Erü woetama ngëmaäcü tá nangupetü. Natürü täütáma naäneärü gux nixi i ngëma. ⁸ —Erü wüxi i nachüñäne rü to i nachüñänemaä tá nügü nadai. Rü wüxi ya äëxgacüarü churaragü rü to i äëxgacüarü churaragümaä tá nügü nadai. Rü muxüma i nachicawa rü tá naxüäxächiane. Rü tá taiya nangux. Natürü guxüma i ngëma rü norü ügümare nixi i ngëma ngüxü i tá ínguxü. ⁹ —¡Rü meä pegüna pedaugü! Erü äëxgacügüpëxewa tá pexü nagagü, rü ngutaquëxepataügüga tá pexü nücaixgü. Rü nachüñänegarü äëxgacügüpëxewa tá pexü nagagü naxcëx na chorü duüxügü na pixügüxü. Natürü ngëmaäcü tá pexü natauxcha na ngëma äëxgacügümaä nüxü pixuxü i chauchiga. ¹⁰ —Natürü naxüpa na nagüxü i naäne rü tá nüxü nixugüe i Tupanaärü ore i guxü i nachüñänegüwa. ¹¹ —Natürü ngëxguma äëxgacügüpëxewa pexü nagagügu, ¡rü täütáma pexoegaäëgü naxcëx na ¡acümaä tá penangäxüxü! ¡Rü namaä nüxü pixu i ngëma ore i ngëxgumatama Tupana pexna äxü na nüxü pixuxüçëx! Erü täütáma pema nixi na pidexagüxü, natürü Tupanaäë i Üünëxü tá nixi i pewa idexaxü. ¹² —Rü nügüeneëgüwa tátama rü äëxgacügüxütawa nügü inayaxuaxügü na ngëmaäcü tüxü nadëjüçëx. Rü ngëxgumarüü tá ta i papágü rü mamágü rü tá naxäcügüxü inayaxuaxügü. Rü nümagü i naxäcügü rü tá nanatügümaä rü naëgümaä nanuë, rü tá tüxü inayaxuaxügü na äëxgacügü tüxü nadëjüçëx.

13—Rü guxü i naãnewa rü duüxügü tá pexchi naxaie naxcèx na chorü duüxügü pixüügü. Natürü yixema naetüwa meã Tupanaãxü yaxõmáxë, rü yixema tá tixi ya aixcüma nayaxüxe i maxü i taguma güxü. 14—Rü ngëxguma nüxü pedëuxgu i ngëma ãüãchixü rü ãücümaxüchixü i chixexëerü i ngextá tama ínaaxwëxexüwa na nangëxmaxü, rü ngëxguma ya yixema Yudeaanewa ngëxmagü, rü tanaxwëxe i mëxpüneãnewa tabuxümü. Rü texé ya yixema nüxü daumatixe, jrü name nixi i meã nagu tarüxünü i ngëma! 15—Rü ngëma ngunexügu texé tûmapataëxtüwa ngëxmagu, rü tama name i tûmapatagu tayangaxi na tacü i tûmaãrü ngëmaxü tayayaxuxüçëx. 16—Rü texé ya tûmaãnewa ngëxmaxë rü tama name i tûmapataçëx tataegu na tûmachirugü tayayaxuxüçëx. 17—Rü ngëma ngunexüügü, rü wüxi i ngechaü tá nixi i tûmacèx ya yixema ngexegü ya itacharaügüxe rü yixema maíxácügüxe. 18—jrü Tupanana naxcèx peca i perü yumüxëwa na tama gáuane ixüyane pexü na nangupetüxüçëx i ngëma chixexü! 19—Erü ngëma ngunexüügü rü poraãcü tá nangëxma i ngüxü ga noxri Tupana naãne ixügügamata taguma yexmaxü, rü ngëmawena rü tagutáma nangëxma. 20—Rü ngëxguma Tupana tama nanoxrexëgü i ngëma ngunexügü, rü taxüetáma tamaxü. Natürü Tupana rü marü nananoxrexëë i ngëma ngunexügü erü tüxü nangechaü ya yixema noxrüxü tüxü nadexe. 21—Rü ngëxguma texé pexü ñagügu:

“Dücèx, daa nixi ya Cristu”, ñagügu, rü éxna:

“Gua nixi ya Cristu”, ñagügu, jrü táxü i nüxü peyaxõgüxü! 22—Erü Cristugüneta rü Tupanaãrü orearü uruügüneta tá ínangugü. Rü tá nanaxügü i muxüma i cuëxrüügü i taxügü. Rü ngëmaãcü, ega nüxü natauxchagu, rü tá tüxü nawomüxëëgü woo ya yixema duüxëgü ya Tupanatama tüxü dexe. 23—jPexuãëgü! Erü guxüma i ngëma tá ngupetüxü, rü marü naxüpa pemaã nüxü chixu.

*Ñuxãcü tá nixi i ngëxguma nataegugu ya Tupana Nane ya duüxüxü ixücü
(Mt 24.29-35, 42, 44; Lc 21.25-36)*

24—Natürü marü nangupetügu i ngëma ngüxügü, rü ngëma ngunexüügü rü tá nixu ya üëxcü rü täütáma ínabaxi ya tauemacü. 25—Rü woramacurigü rü ëxtagü rü tá narüyi. Rü guxüma i daxüwa ngëxmaxü rü tá naxiãxächitanü rü nachicana tá nixigächitanü. 26—Rü ngëxguma i duüxügü rü tá nüxü nadaugü ya Tupana Nane ya duüxüxü ixücü na caixanexügu ínaxixü i guxüma i norü poramaã rü norü ngóonexümaã. 27—Rü tá nanamu i norü orearü ngeruügü i daxüçüãx na tüxü nanutaquëxexüçëx ya yixema Tupana tüxü idexechixe ya guxüwama ngëxmagüxe ñuxmatáta naãne íyacuãxüwa nangu. 28—jIperüxüñüë i ñaã nguxëëtae i orix i iguerachiga, rü naxcèx pengü! Rü ngëxguma ngexwacaxüxü i nachacüüxácügü iyarüyixgu rü naxüátügu, rü ngëmawana nüxü pecuèx na paxa tá taunecü yixü. 29—Rü ngëxgumarüü ta, rü ngëxguma nüxü pedëuxgu na nangupetüxü i ngëma pemaã nüxü chixuxü, rü ngëmawa tá nüxü pecuèx na paxaxüchi tá ínanguxü ya Tupana Nane ya duüxüxü ixücü. 30—Rü guxüma i ngëma ñuxma pemaã nüxü chixuxü rü aixcüma tá nangupetü naxüpa na nayuxü i ngëma duüxügü i ngëxguma maxëxü. 31—Daxügüxü naãne rü ñoma i naãne rü tá inayarüxo. Natürü chorü ore rü tagutáma inayarüxo, rü aixcüma tá ningü. 32—Natürü ngëma ngunexü rü ora i nagu tá nangupetüxü i ngëma pemaã nüxü chixuxü, rü Tanatü ya Tupanaxicatama nüxü nacuèx i ñuxgu tá na nangupetüxü i ngëma, rü taxüema ya togue nüxü tacuèx. Rü woo i norü orearü ngeruügü i daxüçüãx rü tama nüxü nacuèxgü, rü woo i choma na Nane chiüxü rü tama nüxü chacuèx i ñuxgu tá na nangupetüxü i ngëma. 33—Rü ngëmacèx, jipedaue rü pexuãëgü! Erü tama nüxü pecuèx i tacü rü ora tá íchangu i chomax. 34—Rü guxüma i ngëma pemaã nüxü chixuxü, rü ñoma wüxi ga yatü ga ixüãchichaücü na to ga nachüüãnewa naxüxüçëxrüxü nixi. Rü yemacèx norü puracütanüxüna naxãga na mea nüxna nadaugüxüçëx ga guma napata. Rü ñuxüchi wüxichigüna nanaxã ga norü puracü. Rü yëma íãxãrü dauruü rü nagu nanamu na mea nadauxütaegüxüçëx. 35-36—jrü ngëmacèx i pema rü name na ípexuãëxgüxü! Erü tama nüxü pecuèx i ñuxgu tá ínangu ya yima cori ya ípataarü yora, rü bexmana noxri nachütagu, rü éxna ngãxücüügu, rü éxna otá ícaxgu, rü éxna noxri yangóonegu. jrü ngëmacèx ipedaue na ngürüãchi ínanguxgu tama ípepeeyane pexü na íyanguéüxüçëx! 37—Rü ngëma ore i pemaã nüxü chixuxü, rü guxü i duüxügüçëx nixi. jrü ipedaueecha! —ñanagürü.

14

*Ãëxgacügü naxcèx nadaugü na ñuxãcu Ngechuchuxü yayauxgüxü
(Mt 26.1-5; Lc 22.1-2; Cu 11.45-53)*

1 Rü taxre ga ngunexü nataxu ga na nawa nanguxü ga Yudiügüarü peta ga Üpetüchiga ga nagu nangõxgüãxü ga päu ga ngearü puxëëruüãxü. Rü ga paigüarü ãëxgacügü rü ngüxëëruügü ga mugüwa nguxëëtaegüxü rü naxcèx nadaugü ga ñuxãcü bexma duüxügüëchita Ngechuchuxü na yayauxgüxü rü na yamëxgüãxüçëx. 2 Yerü nümaxü rü

ñanagürügü: —Taxucürüwama ñuxma petagu tayayauxgü, erü duüxügü rü tá tamaã nanuë —ñanagürügü.

*Wüxi ga nge rü Ngechuchuerugu inaba ga pumara
(Mt 26.6-13; Cu 12.1-8)*

³ Rü Ngechuchu rü Betániãwa naxü napatawa ga Chimáü ga rüchaxü necümaã naxugüäcü. Rü yexguma mechawa natoyane, rü yéma ingu ga wüxi ga ngecü ga wüxiweü ga pumara ga yixichixü ga tatanüxüchixü yéma ngecü. Rü iyapoyenagu ga yema pumarachixü ga nuta ga mexêchicünaxcêx, rü Ngechuchuerugu inaba. ⁴ Natürü ñuxre ga yema yéma yexmagüxü rü nanuë naxcêx ga yema naxüxü ga yema ngecü, rü nügümaã ñanagürügü: —¿Tüxcüü ngêxma inaxaiyaxü i ngêma pumara? ⁵ —Rü narümemae chi nixi i 300 tachinü i diêrugu namaã itaxe, rü ñuxüchi ngêma diêrumaã nüxü perüngüxêë i ngêma duüxügü i ngearü diêruãxgüxü —ñanagürügü. Rü yemaãcü ngîchiga nidexagü ga yema nge. ⁶ Natürü ga Ngechuchu rü ñanagürü nüxü: —¡Ngexrüma! ¿Tüxcüü ngîxü pechixewe? Erü ngêma chomaã naxüxü, rü wüxi i mexü nixi. ⁷ —Rü ngêma ngearü diêruãxgüxü rü guxügutáma petanüwa nangêxmagü, rü ngêmaãcü pexü natauxcha na nüxü perüngüxêëxü i ngêxguma penaxwêxegu. Natürü i choma rü tãütáma guxügu petanüwa changêxma. ⁸ —Rü ñaã nge rü inaxü i guxüma i ngêma ngîxü tauxchaxü, rü ngêmacêx yoxni choxü ipumaraxüne naxüpa na ichtaxü. ⁹ —Rü aixcüma pemaã nüxü chixu rü guxü i naãnewa i ngextá duüxügü nüxü íxugügüxüdwá i ore i maxêxêruü, rü ñaã ngecü chomaã üxü rü tá ta nüxü nixugügü. Rü ngêmaãcü tá ngîxna nacüëächie i duüxügü —ñanagürü ga Ngechuchu.

*Yuda rü ãxgacügümaã nanamexêë na ñuxäcü tá na Ngechuchuxü yayauxgüxücêx
(Mt 26.14-16; Lc 22.3-6)*

¹⁰ Rü Yuda Icarüite ga wüxi ga yema 12 ga ngüexütanüxü ixixü, rü Yudíugüarü paigüarü ãxgacügütanüwa naxü na namaã yamexêëaxücêx na ñuxäcü tá na Ngechuchuxü yayauxgüxücêx. ¹¹ Rü yexguma yemaxü naxinüëgu, rü nümagü ga yema ãxgacügü rü nataãëgü. Rü diêru Yudana ngîxü naxuaxügü. Rü yexgumama inanaxügü ga Yuda ga naxcêx na nadauxü ga ñuxäcü nüxü na natauxchaxêëgüãxü na duüxügüechita Ngechuchuxü yayauxgüxücêx.

*Coriarü ðnachiga
(Mt 26.17-29; Lc 22.7-23; Cu 13.21-30; 1 Co 11.23-26)*

¹² Rü nawa nangu ga ngunexü ga nagu inaxügüxü ga yema peta ga pãu ga ngearü puxêëruüãxü nagu nangõxgüxü. Rü yema nixi ga ngunexü ga nagu carneruxacü naxcêx yamêxgüxü ga Üpetüchigaarü peta. Rü yexguma ga norü ngüexügü rü Ngechuchuna nacagüe, rü ñanagürügü: —¿Ngextá cunaxwêxe na tanamexêëxü i ðna i Üpetüchigaarü petagu ingõxü? —ñanagürügü. ¹³ Rü yexguma ga nüma rü nanamu ga taxre ga norü ngüexügü, rü ñanagürü nüxü: —¡Ëcü, yéa ñãnewa pexi! Rü ngêxma tá nüxü peyangau i wüxi i yatü i wüxi ya tüxü ya dexámaã ãacuxe ngêxma tüxü ingexü. ¡Rü nawe perüxü! ¹⁴ —¡Rü yima ípata ya nagu yaxülcune i ngêma yatü, rü yima íãrü yoramaã nüxü pixu, rü ñapegügü nüxü:

“Torü ngüexêëruü nüxü nacüãxchaü na ngêxü yixü i ngêma ucapu i norü ngüexügümaã tá nawa nachibüxü i Üpetüchigaarü ðnagu”, ñapegügü nüxü! ¹⁵ —Rü nüma tá pexü nüxü nadauxêë i wüxi i ucapu i taxü i marü meã mexêëxü i norü daxüchiwá ngêxmaxü. ¡Rü ngema penamexêëx i tórü ðna i Üpetüchigacêx ixixü! —ñanagürü nüxü. ¹⁶ Rü inaxiãchi ga yema taxre ga ngüexügü, rü ñãnewa naxi. Rü yexma nüxü inayangaugü ga guxüma yema Ngechuchu namaã nüxü ixuxüruü. Rü yéma nanamexêë ga ðna ga Üpetüchigacêx ixixü. ¹⁷ Rü yexguma marü nachütachaügu, rü inangu ga Ngechuchu namaã ga yema 12 ga norü ngüexügü. ¹⁸ Rü yexguma mechawa inachibüeyane, rü Ngechuchu rü ñanagürü nüxü: —Aixcüma pemaã nüxü chixu rü wüxie ya petanüwa i ñuxma chomaã nuã chibüxe tá tixü ya bexma choxü iyaxuaxüxê —ñanagürü. ¹⁹ Rü yexguma ga nümagü ga norü ngüexügü rü poraãcü nangechaügü. Rü inanaxügüe ga na wüxichigü nüxna icachigüxü, rü ñanagürügü: —Pa Corix, ¿choma tá chiixü i cuxü íchayaxuaxüxü? —ñanagürügü. ²⁰ Rü nüma ga Ngechuchu nanangãxü rü ñanagürü nüxü: —Wüxi i pema i 12 tanüwa i daatama poratuwa norü pãu iwaixêëxü, rü ngêma tá nixi i choxü iyaxuaxüxü. ²¹ —Rü choma i Tupana Nane na duüxüxü chiixü, rü tá chayü ngêma Tupanaãrü ore i úmatüxü nüxü ixuxüruü. Natürü wüxi i ngechaüxüchi nixi naxcêx i ngêma yatü i choxü iyaxuaxüxü. Rü narümemae chi nixi ga noxtacüma tãu chima na nabuxü —ñanagürü. ²² Rü yexguma inachibüeyane, rü Ngechuchu nanayaxu ga pãu. Rü Tupanana moxê naxã, rü inanabücu, rü norü ngüexügüxü nayanu. Rü ñanagürü nüxü: —¡Penayaux i ñaã pãu! Rü ngêma rü chaxunehiga nixi —ñanagürü. ²³ Rü yemawena nanayaxu ga wüxi ga pochuyu ga binumaã ãacuxü. Rü yexgumarüü ta Tupanana moxê naxcêx naxãira, rü ñuxüchi norü ngüexügüna nanaxã. Rü guxüma nawa naxaxegü. ²⁴ Rü ñanagürü nüxü: —Daa binu ya chaugü i muxüma i duüxügüxêx ibacüchiga

nixí. Rú yimawa Tupana meãma nanangoxêê na aixcûma yîixû i norû uneta. ²⁵—Rû aixcûma pemaã nûxû chixu rû tâxûtâma wena chayaxaxû ya daa binu ñuxmatâta Tupana âêxgacû ñixîxûwa binu ya ngexwacaxûcû chayaxaxûx —ñanagûrû.

Ngechuchu nûxû nixu rû Pedru rû taxûtâma nûgû nixu na norû ngûexû yîixû
(Mt 26.30-35; Lc 22.31-34; Cu 13.36-38)

²⁶ Rú ñuxûchi nawiyaegû ñuxre ga Tupanaârû wiyaeu. Rú yemawena rû Orîbunecûarû Mèxpûnewa naxí. ²⁷ Rú yexguma ga Ngechuchu rû ñanagûrû nûxû: —Guxãma i pema rû tá choxû ípetêxgû. Erû ngêmaacû nûxû nixu i Tupanaârû ore i ûmatûxû i ñaxû: “Tá chayamêx ya carneruarû dauruû, rû tá nanaxûanemare i carnerugû”, ñaxû. ²⁸—Natûrû ngêxguma marû yuwa ícharûdaxguwena, rû chaxira tá pexûpa Gariréaanewa chaxû —ñanagûrû. ²⁹ Rú yexguma ga Pedru rû ñanagûrû nûxû: —Woo guxûma i togû cuxû ítêxgu, rû choma rû tâxûtâma cuxû íchatêx —ñanagûrû. ³⁰ Rú Ngechuchu nanangãxû rû ñanagûrû nûxû: —Aixcûma cumaã nûxû chixu rû ñomatama i chûtaxûgu rû naxûpa na taxreêxpûxcûna yaçaxû i otá, rû tomaêxpûxcûna taxûtâma cugû quixu na chorû duûxû quíixû —ñanagûrû. ³¹ Natûrû nûma ga Pedru rû ñanagûrûama: —Woo wûxigu cumaã chayuxgu, rû tâxûtâma chaugû ichicux na curû duûxû chíixû —ñanagûrû. Rú guxûma ga togû ga norû ngûexûgû rû ta yema ñanagûrûgû.

Ngechuchu rû Yechemaníwa nayayumûxê
(Mt 26.36-46; Lc 22.39-46)

³² Rú yemawena rû Ngechuchu rû norû ngûexûgû rû nawa naxí ga wûxi ga nachica ga Yechemanígu âegaxû. Rú Ngechuchu rû ñanagûrû nûxû: —¡Nuã perûtogû yoxni paxa yéa chayayumûxê! —ñanagûrû. ³³ Rú ñuxûchi ínayagagû ga Pedru, rû Chaútiagu, rû Cuátû. Rú naxcêx inaxûgû ga na poraãcû nangechaûxû rû naxíxãchiãêxû. ³⁴ Rú yexguma rû ñanagûrû nûxû: —Poraãcû changechaû, rû nagu charûxînú na ngêmamaã tá chayuxû. ¡Rû nuxa perûcho i pemax, rû ipedaue! —ñanagûrû. ³⁵ Rú yexguma ga Ngechuchu rû yéaxûra naxû. Rú ñaxtûanegu nanangûcuchi. Rú Tupanana naxcêx naca na nawa ínanguxuchixûcêx ga yema ngûxû ga yexguma chi Tupanaârû ngûchaû yixígu. ³⁶ Rú norû yumûxêwa rû ñanagûrû: —Pa Chaunatûx, cuxcêx rû guxûma natauxcha. ¡Rû nûxna choxû ínanguxuchixêê i ñaã ngûxû i tá choxû ípetûxû! Natûrû chanaxwêxe i cunaxû i cuxrûtama ngûchaû rû tama i choxrû —ñanagûrû. ³⁷ Rú ñuxûchi nataegu ga norû ngûexûgû íyexmagûxûwa. Rú nûxû ínayangau ga na ínapeexû. Rú ñanagûrû Pedruxû: —Pa Chimáûx, ¿cupe? ¿Tama êxna namaã cupora na icudauxû, rû bai i wûxi i ora? ³⁸ —¡Rû ipedaue, rû Tupanana naxcêx peça na pexû nangûxêxûcêx na tama choxû ípetáxûcêx i ngêxguma íacû rû guxchaxû pexû ípetûgû! Erû aixcûma peãêwa rû ípememare, natûrû pexene nixí i ngêma turaxû —ñanagûrû. ³⁹ Rú wenaxârû ínixû, rû noxrirûûtama nayayumûxê. ⁴⁰ Rú yexguma wenaxârû norû ngûexûgûcêx nataegugu, rû nûxû ínayangau ga na wenaxârû ínapeexû, yerû poraãcû nayaxtaexûchi. Rú yemacêx ga nûmagû rû tama nûxû nacûexgû ga na íacûmaã tá nangãxûgûãxû. ⁴¹ Rú norû tomaêxpûxcûna wenaxârû norû ngûexûgûcêx nataegu, rû ñanagûrû nûxû: —¿Ñuxma rû ta êxna ípepeema rû íperûngûêãma? ¡Rû marûtama! Erû choma i Tupana Nane na duûxûxû chíixû rû marû nawa nangu i ora na choxû na yayauxgûxû rû nûxna na choxû namugûxûcêx i duûxûgû i chixexû i pecaduãxgûxû. ⁴² —¡Rû ípechigû, rû ngíxã ítixí! Erû marû ñomama nixí i ngêma choxû íyaxuaxûxû —ñanagûrû.

Ngechuchuxû niyauxgû
(Mt 26.47-56; Lc 22.47-53; Cu 18.2-11)

⁴³ Rú yexguma íyadexayane ga Ngechuchu, rû ínangu ga Yuda ga norû ngûexûchirêx íxixû. Rú nawe narûxí ga muxûma ga duûxûgû ga taramaã rû naímaã íxãnxêxû. Rú yema nixí ga duûxûgû ga yema namugûxû ga paigûarû âêxgacûgû rû ngûexêêruûgû ga mugûwa ngûxêetaegûxû rû Yudíngûarû âêxgacûgûerugû. ⁴⁴ Rú Yuda ga ínaxuaxûxû rû marû yema duûxûgûmaã nanamexêê, rû ñanagûrû:

“Ngêma nûxû chachûxuxû nixí i Ngechuchu. Rú ngêma tá nixí i piyauxgûxû rû meã peyanáíacûma peyagagûxû” —ñanagûrû. ⁴⁵ Rú yemaãcû Ngechuchucêx nixû, rû ñanagûrû nûxû: —Pa Ngûexêêruûx —ñanagûrû. Rú ñuxûchi nanachûxu. ⁴⁶ Rú yexgumatama Ngechuchuxû niyauxgû. ⁴⁷ Natûrû wûxi ga Ngechuchutanûxû nanawêxechi ga norû tara, rû yemamaã paigûarû âêxgacûarû duûxûxû ínadaechinû. ⁴⁸ Rú yexguma ga Ngechuchu rû yema duûxûgûna naca, rû ñanagûrû nûxû: —¿Tûxcûû taragû rû naíxmenêxãgûmaã chauxcêx nuã pexí na choxû peyarûyauxgûxûcêx ñoma wûxi i ngíxãxû chíixûrû? ⁴⁹ —Rû guxû ga ngunexûgu rû petanûwa chayexma ga yexguma tupauca ga taxûnewa changuxêetaegu, rû taguma choxû piyauxgû. Natûrû ñaã ñuxma ngupetûxû, rû nangupetû na yanguxûcêx i Tupanaârû ore i ûmatûxû —ñanagûrû. ⁵⁰ Rú yexguma ga guxûma ga norû ngûexûgû rû nûxna nibuxmû. Rú nûxícatama yéma nanatêxgû ga Ngechuchu. ⁵¹ Natûrû wûxi ga ngextûxûcû

ga düxruümaãĩca nügu nuquecũ nawe nixũchigũ. Rũ yema duũxũgũ rũ nayayauxgũ.
 52 Natũrũ nũma rũ nüxũ ningẽga ga yema düxruũ, rũ yemaãcũ ngexchiruãcũma niña.

*Ãexgacũgũpẽxewa Ngechuchuxũ nagagũ
 (Mt 26.57-68; Lc 22.54-55, 63-71; Cu 18.12-14, 19-24)*

53 Rũ yexguma ga yema duũxũgũ rũ paigũarũ ãexgacũpẽxewa nanagagũ ga Ngechuchu. Rũ yexma nangutaquẽegũ ga guxũma ga togũ ga paigũ ga ãexgacũgũ ixĩgũxũ, rũ yema Yudiũgũarũ ãexgacũgũerũgũ, rũ yema ngũexẽerũgũ ga mugũwa nguxẽetaegũxũ. 54 Natũrũ ga Pedru rũ yaxũgu nawe nixãchigũ ñuxmata guma paigũarũ ãexgacũpataẽxtũwa nangu. Rũ purichĩagũ ga tupauca ga taxũneãrũ dauruũgũmaã yẽma iãxtũwa narũto. Rũ nügu yẽma nanaĩxũ üxixũtawã. 55 Rũ yema paigũarũ ãexgacũgũ rũ guxũma ga yema togũ ga ãexgacũgũ ga itaxũ rũ naxcẽx nadaugũ ga ñuxãcũ Ngechuchuxũ na inaxuaxũgũxũ rũ na yamẽxgũãxũcẽx. Natũrũ taxucũrũwa nüxũ inayangaugũ ga ãacũcẽx tá na yamẽxgũãxũ. 56 Yerũ woo muxũma ga duũxũgũ rũ nüxũ nixugũe ga doramare ga nachiga, natũrũ nügũtanũwatama rũ tama nawũxigu ga norũ ore. 57-58 Rũ ñuxre ga togũ inachigũ rũ doraxũmare nixugũe ga Ngechuchuhiga. Rũ ñanagũrũgũ: –Toma nüxũ taxĩnũe ga na ñaxũ: “Tã chanangutaãxũeẽ ya daa tupauca ya taxũne ya duũxũgũ üxũne. Rũ tomaẽxpũxũ i ngunexũgu tá chanaxũ ya nãĩ ya tama duũxũgũ üxũne”, ñaxũ –ñanagũrũgũ. 59 Natũrũ woo yema oremaã, rũ tama nawũxigũeãga ga norũ ore. 60 Rũ yexguma ga guma paigũarũ ãexgacũ rũ guxũpẽxewa inachi. Rũ Ngechuchuna naca, rũ ñanagũrũ: –¿Ëxna taxuxũmaãma cunangãxũ i ñuxmax? ¿Rũ ãacũ nixĩ i ngẽma nüxũ yaxugũxũ i cuchiga? –ñanagũrũ. 61 Natũrũ ga Ngechuchu rũ nangeẽxmare, rũ taxuxũmaãma nanangãxũ. Rũ yemacẽx ga nũma ga paigũarũ ãexgacũ rũ wenaxãrũ nüxna naca, rũ ñanagũrũ: –¿Rũ cuma quĩĩxũ ya Cristu ya Tupana ya mecũ Nane? –ñanagũrũ. 62 Rũ Ngechuchu rũ ñanagũrũ nüxũ: –Ngũ. Ngẽma nüxũ quixuxũ chixĩ. Rũ tá choxũ pedaugũ i ngẽxguma Tupana ya poracũarũ tũgũnecũwawa charũtoãxgu rũ ngẽxguma caixanexũgu wenaxãrũ nũma chaxũxgu –ñanagũrũ. 63 Rũ yexguma ga guma paigũarũ ãexgacũ rũ norũ numaã nügũchiruga nagaugũ. Rũ ñanagũrũ: –¿Tũxcũũ marũ tanaxwẽxe i to i duũxũ i nüxũ ixugũxũ i nachiga? 64 –Rũ pematama marũ nüxũ pexĩnũe na ñuxãcũ Tupanamaã naguxchigaxũ. ¿Rũ ñuxũ ñapegũxũ i ñuxmax? –ñanagũrũ. Rũ güxũma wũxigu narũxĩnũe rũ: –Aixcũma nixĩ na chixexũ naxũxũ rũ namexũ na nayuxũ –ñanagũrũgũ. 65 Rũ ñuxre ga nümagũ rũ inanaxũgũe ga nüxna na naãuaixgũexũ. Rũ nanatũxetũgũ rũ ñuxũchi nüxũ nidagũgũ ñaxũtmaã: –¡Nũxũ nacũex na texẽ cuxũ idagũxũ! –ñanagũrũgũ. Rũ yema tupauca ga taxũneãrũ dauruũgũ ga purichĩagũ rũ nanapechiewegũ.

*Pedru rũ tama nügu nixu na Ngechuchuxũ nacuãxũ
 (Mt 26.69-75; Lc 22.56-62; Cu 18.15-18, 25-29)*

66 Rũ yoxni ga Pedru rũ ñaxtũwa ãexgacũpataẽxtũwa nayexma. Rũ yexgumayane yẽma ingu ga wũxi ga pacũ ga guma ãexgacũarũ duũxũ ixĩcũ. 67 Rũ yexguma Pedruxũ nadẽũxgu ga yẽma üxũxũtawã nügu na nanaĩxũxũ, rũ meã nüxũ idawenũ, rũ ngĩgũrũgũ nüxũ: –Cuma rũ ta namũcũ quixĩ i ngẽma Ngechuchu i Nacharẽtucũãx –ngĩgũrũgũ. 68 Natũrũ ga Pedru rũ nügu inicũx na Ngechuchuarũ duũxũ yĩixũ, rũ ñanagũrũ: –Choma rũ tama nüxũ chacũex ya yima. Rũ tama nüxũ chacũex i ãacũchiga nixĩ i ngẽma nüxũ quixuxũ –ñanagũrũ. Rũ yexguma ga nũma rũ İpataẽxtũarũ düxẽtũwa naxũ. Rũ yexgumatama nica ga otã. 69 Natũrũ ga yema pacũ rũ wenaxãrũ Pedruxũ idau, rũ inaxũgũ ga yema togũmaã nüxũ na yaxuxũ, rũ ngĩgũrũgũ: –Ñãã rũ wũxi i natanũxũ nixĩ –ngĩgũrũgũ. 70 Natũrũ nũma ga Pedru rũ wena tama nügu nixu. Rũ yixcamaxũra rũ yema duũxũgũ ga yẽma yexmagũxũ rũ wenaxãrũ ñanagũrũgũ nüxũ: –Aixcũma nixĩ na cuma rũ ta ngẽma Ngechuchutanũxũ na quĩĩxũ, erũ wũxi i Garirẽaanecũãx quixĩ –ñanagũrũgũ. 71 Rũ yexguma ga Pedru rũ porãcũ nügu nixã, rũ ñanagũrũ: –Rũ aixcũma tama nüxũ chacũex i ngẽma yatũ i nachiga pidexagũxũ. Rũ ngẽxguma doraxũ chixuxgu rũ [Tupana choxũ poxcux! –ñanagũrũ. 72 Rũ yexgumatama norũ taxreẽxpũxcũna nica ga otã. Rũ yexguma ga Pedru rũ nüxna nacũexãchi ga yema ore ga İpaacũ Ngechuchuna namaã nüxũ ixuxũ ga ñaxũ:

“Rũ naxũpa na taxreẽxpũxcũna otã icãxũ, rũ cuma rũ tá tomaẽxpũxcũna cugũ quicũx na chorũ duũxũ quĩĩxũ”, ñaxũ. Rũ yexguma ga Pedru rũ porãcũxũchima naxaxu.

15

*Piratupẽxewa nayexma ga Ngechuchu
 (Mt 27.1-2, 11-14; Lc 23.1-5; Cu 18.28-38)*

1 Rũ yexguma yangunegu, rũ nangutaquẽegũ ga ãexgacũgũ ga taxũgũ ga paigũarũ ãexgacũgũ rũ Yudiũgũarũ ãexgacũgũerũgũ rũ ngũexẽerũgũ ga mugũwa nguxẽetaegũxũ rũ guxũma ga togũ ga yema ãexgacũgũtanũwa ügũxũ. Rũ Ngechuchuxũ yanẽjxgũchacũãcũma

ãëxgacü ga Piratuxütawa nanagagü. ² Rü nüma ga Piratu rü Ngechuchuna naca rü ñanagürü: —¿Cuma quiñxü i Yudiügarü ãëxgacü ya tacü? —ñanagürü. Rü Ngechuchu nanangãxü, rü ñanagürü: —Ngü, yima nüxü quixucü chixi —ñanagürü. ³⁻⁴ Natürü yema paigüarü ãëxgacügü rü poraacü inanaxuaxüügüama, rü yemacëx ga Piratu rü wenaxärü Ngechuchuna naca, rü ñanagürü: —¿Ëxna taxuxümaäma cunangãxü? ¡Dücëx i ñuxre i cuchiga i nüxü yaxugüexü! —ñanagürü. ⁵ Natürü ga Ngechuchu rü taxuxümaäma nanangãxü. Rü yemacëx ga Piratu rü poraacü nabaixächiaë.

Piratu rü Ngechuchumaã nanaxuegu na nayuxücëx
(Mt 27.15-31; Lc 23.13-25; Cu 18.38-19.16)

⁶ Rü gucü ga taunecügu ga yexguma yema Üpetüchigarü petawa nanguxgu rü Piratu inanaxuchixiëëxü ga wüxi ga poxcuxü ga duñxügu naxcëx ícagüxü, yerü yema nixi ga nacüma. ⁷ Rü wüxi ga yatü ga Barabágu ägaxü, rü poxcupatañgu napoxcu wüxigu namaã ga togu ga natanüxü ga máëtagüxü ga yexguma ãëxgacüxü inatëxüchigüchaügu. ⁸ Rü yema duñxügu rü yéma Piratuxütawa nangugü. Rü inanaxügüe ga Piratuna na nacagüexü na naxcëx yangëãxücëx ga wüxi ga poxcuxü aixrügumarü. ⁹ Rü Piratu nanangãxü, rü ñanagürü: —¿Penaxwëxexü na pexcëx íchananguchixiëëxü ya yima Ngechuchu ya duñxügu Yudiügarü ãëxgacümaã naxugüacü? —ñanagürü. ¹⁰ Rü yema ñanagürü ga Piratu yerü nüxü nacüex ga na yema paigüarü ãëxgacügü rü na yaxauxächixiëëxü yixü ga Ngechuchu nüxna yamugüaxü. ¹¹ Natürü ga yema paigüarü ãëxgacügü rü duñxüguñ namugü ga na tagaacü naxcëx ínacagüxü ga na Barabáxü yangëxücëx. ¹² Rü yexguma ga Piratu rü nüxna naca, rü ñanagürü: —¿Rü tacü nixi i penaxwëxexü na chanaxüxü namaã ya yima Yudiügarü ãëxgacügu pexüégacü? —ñanagürü. ¹³ Rü nümagü ga duñxügu rü tagaacü nanangãxügu, rü ñanagürügu: —¡Curuchawa yapota! —ñanagürügu. ¹⁴ Rü yexguma ga Piratu rü ñanagürü nüxü: —¿Natürü tacü rü chixexü naxü? —ñanagürü. Natürü ga nümagü rü wenaxärü tagaacü ñanagürügu: —¡Curuchawa yapota! —ñanagürügu. ¹⁵ Rü yexguma ga Piratu rü Barabáxü inanguchixiëë, yerü duñxüguñ nataãëxëëchaü. Rü yexguma churaragüxü Ngechuchuxü nacuaixëëguwena ga Piratu, rü ñuxüchi nüxna nanamu na curuchawa yanapotagüãxücëx. ¹⁶ Rü yexguma ga nümagü ga churaragü rü ãëxgacüpataëxüwena nanagagü. Rü yéma nanangutaquëxëë ga guxüma ga namücügü ga churaragü. ¹⁷ Rü ñuxüchi ga yema churaragü rü wüxi ga máxü ga daucharaxü ga naxchirugu nayacuxëëgü. Rü naëruwa nayangëxuchigü ga wüxi ga boxü ga chuchuxüwa naxügüxü. ¹⁸ Rü yemawena inanaxügüe na tagaacü ñagüxü: —¡Namaxü ya Yudiügarü ãëxgacü! —ñagüxü. ¹⁹ Rü wüxi ga naixnemëxamaã naëruwa nanaçuaixcagü, rü nüxna nacuaixgüe. Rü napëxegu nacaxäpüxügü rü nüxü nicuëxüügünetä. ²⁰ Rü yexguma yemaäcü nagu yadauxcüraxüügüwena, rü inanaxuchigü ga yema naxchiru ga daucharaxü. Rü wenaxärü naxchirugutama nayacuxëëgü. Rü ñuxüchi inanaxüchigü na curuchawa yanapotagüãxücëx.

Ngechuchuxü curuchawa nipotagü
(Mt 27.32-44; Lc 23.26-43; Cu 19.17-27)

²¹ Rü yéma naxüpetü ga wüxi ga yatü ga Chireneçüãx ga Chimáügu ägacü ga Areyáüdrü rü Rufu nanatü ixücü ga nañewä ne ücü. Rü yexguma yéma naxüpetügu rü yema churaragü rü guma yatüxü ngixü iningexëëgü ga Ngechuchuarü curucha. ²² Rü Ngechuchuxü nawa nagagü ga wüxi ga nachica ga Górgutagu ägaxü. Rü yema naega rü: Duñxëëruchinëxächitaü, ñaxüchiga nixi. ²³ Rü nüxna nanaxägü ga binu ga miramaã äëücü. Natürü nüma ga Ngechuchu rü tama nayaxaxü. ²⁴ Rü yemawena curuchawa nayapotagü. Rü nümagü ga churaragü rü wüxi ga diëru ngixü nañanagügü na yemawa nüxü nacüëxgüxücëx na ñuxäcü tá nügümaã yatoyeãxücëx ga Ngechuchuchiru, rü tacü tá na yangexü ga wüxichigü. ²⁵ Rü meäma 9 arü oragu ga pëxmama nixi ga curuchawa yapotagüãxü. ²⁶ Rü yéma nayapocuchi ga wüxi ga mürapewa ga ägatachinüxü ga nüxü ixuxü ga tacücëx curuchawa na yapotagüãxü. Rü yema naega ga mürapewagu üxü, rü ñanagürü: “Yudiügarü ãëxgacü”, ñanagürü. ²⁷ Rü naxrüü curuchawa nayapotagü ga taxre ga méëtagüxü rü wüxi ga norü tügüneçüwawa rü to ga norü toxweçüwawa. ²⁸ Rü yemaäcü ningü ga Tupanaärü ore ga ümatüxü ga ñaxü:

“Ngëma chixexü ügüxütanüwama natëx”, ñaxü. ²⁹⁻³⁰ Rü yema duñxügu ga yéma chopetüxü, rü Ngechuchumaã naguxchigagü, rü nanexäërugüacüma ñanagürügu: —¡Dücëx! Cuma cunangutañxëëga ya tupauca ya taxüne, rü tomaëxpüx i ngunexügu wenaxärü ícunadaxëëga. ¡Ëcü! ¡Cugütama namaxëë i ñuxmax, rü íruxi i curuchawa! —ñanagürügu. ³¹ Rü yexgumarü ta Ngechuchuxü nacugüecüraxü ga paigüarü ãëxgacügü, rü ngüxëëruñgü ga ore ga mugüwa nguxëëtaëgüxü. Rü ñanagürügu: —Nüma rü togüxü namaxëëë, natürü taxucürüwama nügütama namaxëë. ³² —¡Ñuxma rü

ínaxix i curuchawa i ngēma Cristu i Iraeanecūāxārū Āēxgacū na nūxū idaugūxūcēx rū nūxū yaXōgūxūcēx! —ñanagūrūgū. Rū woo ga yema máētagūxū ga naxrūū curuchawa ipotagūxū, rū namaā naguxchigagū.

Nayu ga Ngechuchu

(Mt 27.45-56; Lc 23.44-49; Cu 19.28-30)

³³ Rū yexguma tocuchiwa nanguxgu, rū guxū ga naānewa naxēāne ñuxmata yáuanecū tomaēxpūxarū orawa nangu. ³⁴ Rū yematama oragu rū tagaācū aita naxū ga Ngechuchu, rū ñanagūrū: —Erix, Erix, ¿damá chabátani? —ñanagūrū. Rū ngēma rū ñaxūchiga nixī: “Pa Chorū Tupanax, Pa Chorū Tupanax ¿tūxūcū choxū nuā cutēx?” ñaxūchiga nixī. ³⁵ Rū nūmaxū ga duūxūgū ga yēma yexmagūxū, rū nūxū naxīnūē rū ñanagūrūgū: —¡Dūcēx, nūxū pexīnūē! Nuxcūmaūcū ga Tupanaārū orearū uruū ga Eriácēx naca —ñanagūrūgū. ³⁶ Rū yexguma rū wūxi ga yema duūxūgū ga yēma yexmagūxū, rū inañaāchi rū wūxi ga tūaxmū niwaixēē namaā ga binu ga marū ngūchiēxūchicū. Rū wūxi ga dexnewa nayanēix, rū ñuxūchi Ngechuchuxēgu nanawēx na nūxū natuxuxūcēx. Rū yema togūxū ñanagūrūgū: —¡Yixrūma! ¡Ngīxā rū itarūdaunū ngoxita Eriá nuā ū na curuchawa ínaxixēēxūcēx! —ñanagūrūgū. ³⁷ Natūrū nūma ga Ngechuchu rū tagaācū aita naxū, rū ñuxūchi nayu. ³⁸ Rū yexguma ga tupauga ga taxūneārū tūyemachiāxū rū taxregu narūgaute. Rū daxūwa ínaxūgū ga na nagautexū rū ñuxmata ñaxtūwa nangu. ³⁹ Rū guma churaragūarū āēxgacū ga Dumacūāx ga Ngechuchupēxewa yexmacū, rū yexguma nūxū nadēuxgu ga na nayuxū, rū ñanagūrū: —Aixcūma nixī ya daa yatū i Tupana Nane na yīxū —ñanagūrū. ⁴⁰ Rū iyexmagū ta ga ñuxre ga ngecūgū ga yēma yaxūwa nūxū rūdaunūcū. Rū yematanūwa iyexmagū ga María ga Magadácūāx, rū Charumé, rū María ga Yúche rū Chaūtiāgu ga rūbumaēcū naē. ⁴¹ Rū yema ngecūgū iyixī ga Ngechuchuxū íixūmūcūgūcū rū nūxū rūngūxēēgūcū ga yexguma Garirēanewa nayexmagu. Rū yexgumarūū ta yēma iyexmagū ga mucūma ga naigū ga ngecūgū ga Ngechuchuwe rūxīcū ga yexguma Yerucharēūwa naxūxgu.

Ngechuchu rū naxmaxūgu nayanaxūcuchigū

(Mt 27.57-61; Lc 23.50-56; Cu 19.38-42)

⁴²⁻⁴³ Rū yexguma marū nachūtachaūgu ga yema ngunexū ga Yudiūgū nagu nūgū imexēēgūxū naxcēx ga ngūxchigaarū ngunexū, rū noxtacūma Piratuxūtawa naxū ga Yúche ga Arimatéacūāx. Rū nūma ga guma Yúche rū Yudiūgūarū āēxgacūgū ga tacūtānūwa naxū, rū wūxi ga āēxgacū ga poraācū nūxū nangechaūgūcū nixī. Rū nūma rū ta ínananguxēē na Tupana norū āēxgacū yīxūcēx. Rū Piratuxūtawa naxcēx ínayaca ga Ngechuchuxūne. ⁴⁴ Rū nabaixāchiāē ga Piratu ga marū na nayuxū. Rū yemacēx norū churaragūarū āēxgacūcēx nangema na nūxna naçaxūcēx na ñuxgama yīxū ga marū na nayuxū. ⁴⁵ Rū yexguma norū churaragūarū āēxgacū namaā nūxū ixuxgu ga marū na nayuxū, rū nūma ga Piratu rū Yúchena nanaxā ga naxūne. ⁴⁶ Rū yexguma ga Yúche rū naxcēx nataxe ga wūxi ga naxchápenūū ga mexēchixū. Rū curuchawa nanayaxu ga Ngechuchuxūne, rū yema naxchápenūūmaā nananuxē. Rū wūxi ga mēxpūne ga nutanaxcēxgu ūpaacū yacaxmaūgūxū ga naxmaxūgu nayanaxūcuchi. Rū ñuxūchi wūxi ga nuta ga tacūmaā nanangūxtāū. ⁴⁷ Rū María ga Magadácūāx rū María ga Yúche naē rū nūxū irūdaunū ga ngexta na yanaxūcuchigūāxū.

16

Wenaxārū namaxū ga Ngechuchu

(Mt 28.1-10; Lc 24.1-12; Cu 20.1-10)

¹ Rū sabaduarū ngunexūguwena, rū María ga Magadácūāx, rū Charumé, rū María ga Chaūtiāgu naē naxcēx itaxegū ga pumara na namaā naxaāxūcēx ga Ngechuchuxūne. ² Rū pēxmamaxūchi ga noxri ūēxcū iyarūgoxgu ga yūxūarū ngunexūgu, rū yema ngecūgū rū íyadaugū ga yema naxmaxū ga nagu yanaxūcuchigūāxūwa. ³ Rū ngīgū ngīgūrūgūgū: —¿Texé tá taxcēx ítanaxūgachi ya yima nuta ya namaā nangūxtācū? —ngīgūrūgūgū. ⁴ Natūrū yexguma meāma nūxū nadaunūgu, rū nūxū idaugū ga marū na ínaxūgachixū ga guma nuta ga tacū ga namaā nangūxtācū ga yema naxmaxū. ⁵ Rū yexguma nagu nadaugūga yema naxmaxū, rū nūxū idaugū ga wūxi ga ngextūxūcū ga mēxchiruxū ga cómūchiruxū ga yēma naxmaxūārū tūgūnecūwawa rūtōxū. Rū poraācū ibaixāchiāēgū ga yema ngecūgū. ⁶ Natūrū nūma rū ñanagūrū ngīxū: —¡Tāxū i pebaixāchixū! Pema rū naxcēx pedaūgu ya Ngechuchu ya Nacharētucūāx ga guma curuchawa yapotagūācū. Marū wena namaxū, rū nataxuma i nuā. ¡Dūcēx, meā nūxū pedēux i ñāā nachica ga nagu naxūgūāxū! ⁷ —¡Rū paxa ípixī rū Pedrumaā rū ngēma togū i ngūxūgūmaā nūxū peyarūxugū, rū ñapegūgū nūxū:

“Nūma ya Ngechuchu rū marū nūxīra pexūpa Garirēanewa naxū. Rū ngema tá nūxū peyadaūgu ngēma pemaā nūxū yaxuxūrūū”, ñapegūgū nūxū! —ñanagūrū. ⁸ Rū yexguma

ga yema ngecügü rü nüxna íyabuxmü ga yema naxmaxü, yerü ngîrû muñēmaā poraācū iyaduruxe. Rû taxüemaāma nüxü iyaxugü, yerü poraācū imuñē.

*Ngechuchu rü ngîxcêx nangox ga María ga Magadácüâx
(Cu 20.11-18)*

⁹ Rû yexguma Ngechuchu yuwa írüdaxguwena ga noxri yangunegu ga yüxüarü ngunexügu, rü ngîxcêxira nangox ga María ga Magadácüâx ga ngîwa ínawoxüâcū ga 7 ga ngoxogü. ¹⁰ Rû ngîma rü íyaxü, rü namaā nüxü iyarüxu ga yema Ngechuchumücügü ga ingechaügüxü rü íxauxexü. ¹¹ Natürü ga nümagü rü tama nayaxögüchaü ga yexguma nüxü naxîñüegu ga na namaxüxü ga Ngechuchu rü na nüxü nadauxü ga ngîmax.

*Ngechuchu rü taxre ga norü ngüexügücêx nangox
(Lc 24.13-35)*

¹² Rû yemawena ga Ngechuchu rü tödcü nangox naxcêx ga taxre ga norü ngüexügü ga yexguma nama ga naānewaama nadaxügu naxîxgu. ¹³ Rû nümagü rü nawoegu, rü yema togü ga ngüexügümaā nüxü nayarüxugü. Natürü yemagüaxü rü ta tama nayaxögü.

*Ngechuchu nanamu ga norü ngüexügü
(Mt 28.16-20; Lc 24.36-49; Cu 20.19-23)*

¹⁴ Rû yemawena ga Ngechuchu rü naxcêx nangox ga yema 11 ga norü ngüexügü ga yexguma mechawa ínachibüeyane. Rû nayangagü naxcêx ga tama aixcüma na yaxögüâxü rü tama na inaxîñüexü. Yerü ga nümagü rü tama nüxü nayaxögüchaü ga yema nüxü daugüxü ga marü wena na namaxüxü. ¹⁵ Rû ñanagürü nüxü: —jGuxü i naānewa pexî rü guxü i duñxügümaā nüxü peyarüxu i ore i mexü! ¹⁶ —Rü yíxema yaxöxê rü íbaixe rü tá tüxü nangêxma i maxü i taguma güxü. Natürü yíxema tama yaxöxê rü tá tapoxcu. ¹⁷ —Rü ñaā tá nixî i cuèxruügü i nawa nüxü icuáxü i ngêma yaxögüxü. Rû chauégagu tá ínanawoxü i ngoxogü. Rû ngexwacaxüxü i nagagüwa tá nidexagü. ¹⁸ —Rü naxmêxmaā tá nüxü nayayauxâchi i äxtapegü. Rû ngêxguma yaxaxgüâgu i ñacü i nawa iyuxü, rü tãütáma nanachixexê. Rû tá tüxü ningögügü ya ídaaweexe rü tá tümacêx nitaanegü —ñanagürü.

*Ngechuchu rü daxügüxü ga naānewa naxü
(Lc 24.50-53)*

¹⁹ Rû nüma ga Cori ga Ngechuchu rü yexguma norü ngüexügümaā yadeaxguwena, rü Tupana rü daxügüxü ga naānewa nanaga. Rû Tupanaârü tügüñecüwawa nayarüto. ²⁰ Rû nümagü ga norü ngüexügü rü inaxîâchi na guxüwama nüxü yanaxugüexü ga ore i mexü. Rû nüma ga Cori rü nüxü narüngüxê, rü nanangoxê na aixcüma yiixü ga yema ore, yerü wüxigu namaā napuracü na naxügüâxücêx ga mexü ga taxügü ga Tupanaârü poramaā naxügüxü.

ORE I MEXÛ GA LUCA ÜMATÛXÛ

Norü ügü i ore ga Ngechuchuchiga

¹⁻² Pa Mecü Pa Teóquirux, nayexma ga tacü ga totanüwa ngupetüxü. Rü muxüma ga duüxügü rü marü nanaxümatügü ga yemachiga, yexgumarüü ga tomaä nüxü na yax-ugüexürüü ga yema duüxügü ga noxriarü ügügumama Ngechuchuxü daugüxü rü nüxü rüngüxëëgüxü ga norü orearü uchigawa. ³⁻⁴ Rü ngëmacëx, Pa Teóquirux, rü choma rü ta meäma naxcëx íchaca ga nachiga ga guxüma ga yema Ngechuchu üxü. Rü ñuxma rü chauxcëx rü name na meäma cuxcëx chanaxümatüxü i ngëma na meäma nüxü cucuáxücëx na aixcüma yüxü ga yema ore ga marüchirëx cuxü nanguxëëgüxü ga togü.

Tupanaärü orearü ngeruü ga daxüçüäx nanaxunagü ga Cuáü ga baiüxëëruüärü buxchiga

⁵ Rü yexguma Erode äëxgacü ixüxu ga Yudéaanewa, rü yéma nayexma ga wüxi ga Yudiügüarü pai ga Zacariagu äëgacü. Rü pai ga Aräütaa ga Abiatanüxü nixü ga nümax. Rü namëxëga rü Erichabé nixü. Rü tüma rü ta pai ga Aräütanüxü tixü. ⁶ Rü nüma ga Zacaria rü namëx ga Erichabé rü meäma Tupanapëxewa, namaxë rü aixcüma naga naxüñëë ga norü mugü. Rü yemaäcü taxucüruwa texé chixri nachiga tidexagü. ⁷ Natürü nangexacügü yerü namëx rü ingexacü. Rü ñuxüchi ga nümagü rü marü yaguäxgü nixügü. ⁸ Rü wüxi ga ngunexügu rü yema paigütücumü ga Zacaria natanüwa üxügu nangu na tupauca ga taxünewa Tupanaärü puracü naxügüxücëx. ⁹ Rü yema paigü rü nacüma nixü ga nüxü na naxunetagüxü ga wüxi ga natanüxü na tupaucaarü aixepugu naxüxücëx rü yéma Tupanacëx na yaguäxücëx ga pumara ga yixixü. Rü yema ngunexügu rü Zacariagu nangu na tupaucaarü aixepugu naxüxücëx na yéma yaguäxücëx ga pumara. ¹⁰ Rü yema pumara iyaguyane rü guxüma ga duüxügü ga düxëtüwa yexmagüxü rü inayümüxëgü. ¹¹ Rü ngürüächi Zacariacëx nangox ga wüxi ga Tupanaärü orearü ngeruü ga daxüçüäx. Rü yema nachica ga pumara nawa yagugüxüärü tügüñecüwagu nachü. ¹² Rü yexguma Zacaria nüxü dëuxgu ga yema Tupanaärü orearü ngeruü ga daxüçüäx, rü poraäcü nabaixächiaë, rü poraäcü namuü. ¹³ Natürü yema daxüçüäx ga Tupanaärü orearü ngeruü rü ñanagürü nüxü: —Pa Zacariax, itäxü i cumuüxü! Erü Tupana rü marü nüxü naxüñü i curü yumüxë. Rü cuxmëx i Erichabé rü cuxü tá ixäxäcü, rü Cuáügu tá cunaxüéga. ¹⁴ —Rü cuma rü tá poraäcü cutaäëxüchi i ngëxguma nabuxgu. Rü muxüma i togü i duüxügü rü tá ta nataäëgüxüchi. ¹⁵ —Erü yima cune rü Tupanapëxewa rü tá wüxi ya mexëchicü nixü. Rü täütäma binu nayaxaxü, rü taxüüma to i tacü rü ngüchixäxü tá nixaxü. Rü tauta nabuyane rü Tupanaäë i Üünexü rü tá nüxna nangu. ¹⁶ —Rü nüma tá muxüma i Yudiügüxü narüngüxëë na norü Cori ya Tupanacëx nawoeguxücëx. ¹⁷ —Rü nüma ya Cuáü rü tá Cori ya Cristupëxëgu nixü. Rü nuxcümaäcü ga Tupanaärü orearü uruü ga Eriarüü tá nixü erü tá nüxü nangëxma i Tupanaäë i poraxü. Rü ngëmaäcü tá nüxü narüngüxëë i papägü na naxäcügüxü nangechaüxü, rü ngëma tama Tupanaga inüëchaüxü rü na aixcüma inaxüñëxücëx. Rü ngëmaäcü tá duüxügüxü inamexëë naxcëx ya Cori ya Cristu —ñanagürü ga yema daxüçüäx. ¹⁸ Rü Zacaria rü yema daxüçüäxna naca, rü ñanagürü: —¿Ñuxäcü tá nixü i ngëma na naxäxäcüxü i choxmëx? Erü marü chayaxüchi i chomax rü ngüma rü ta marü iya —ñanagürü. ¹⁹ Rü Zacariaxü nangäxü ga yema daxüçüäx, rü ñanagürü: —Choma nixü i Gabi i Tupanaärü puracü chaxüxü. Rü nüma nüma choxü namu na cumaä nüxü na chixuxücëx i ñaä ore i mexü. ²⁰ —Natürü ñuxma i cuma rü tama choxü cuyaxö i ngëma ore i cumaä nüxü chixuxü. Rü ngëmacëx i ñuxma rü tá cungega ñuxmatäa nabu i ngëma cune. Natürü ngëma cumaä nüxü chixuxü, rü aixcüma tá ningu nagu i ngëma ngunexü i Tupana ixunetaxü —ñanagürü. ²¹ Rü yoxni ga duüxügü rü tupaucaarü düxëtüwa Zacariaxü nananguxëëgü. Rü nügüna nacagüë ga tacüçëx na tama paxa yéma inaxüxüxü. ²² Rü yexguma Zacaria tupaucawa ixüüxgu, rü taxucüruwa duüxügümaä nixëa, yerü nangega. Rü nümagü ga duüxügü rü nüxü nicüëächitanü ga tacüxü na nadauxü ga Zacaria ga tupaucaarü aixepena. Rü Zacaria rü namxëxmaä duüxügüxü nüxü nacüëxëë ga tacü nüxü na üpetüxü, yerü nangega. ²³ Rü yexguma Zacaria naguxëëgu ga na naxüäxü ga Tupanaärü puracü ga tupauca ga taxünewa, rü wenaxä rü napatacëx nataegu. ²⁴ Rü yemawena rü Zacaria namëx ga Erichabé rü ixäxü. Rü ngüpatagu irüxäüëcha, rü wüximëëxpüx ga tauemacü taguma düxëtüwa ixü. ²⁵ Rü ngüxícatama ngügürügü: —Cori ya Tupana rü poraäcü choxü narüngüxëë. Rü ñuxma rü marü täütäma chixri chauchiga nidexagü i duüxügü naxcëx na changexacüxü —ngügürügü.

Wüxi ga Tupanaärü orearü ngeruü ga daxüçüäx nüxü nixu ga Ngechuchuariü buxchiga

²⁶ Rü 6 ga tauemacü marü ngüxü mexgu ga Erichabé ga yema na naxäxäcüxü, rü Gariréaanewa yexmane ga ñäne ga Nacharétuwa Tupana nanamu ga norü orearü ngeruü

ga Gabi. ²⁷ Rū ngīxūtawa naxū ga wūxi ga pacū ga taguma yatū ngīmaā maūxcū. Rū María nixī ga ngīega. Rū ngīma rū ixātechaū namaā ga wūxi ga yatū ga Yúhegu āegacū. Rū nūma ga Yúche rū nuxcūmaūcū ga āēxgacū ga Dabitanūxū nixī. ²⁸ Rū yema nachica ga María nawa yexmaxūgu naxūcu ga Gabi, rū űanagūrū ngīxū: —Nuxmaē Pa María. Tupana rū poraācū cumaā nataāē. Rū Cori ya Tupana rū cuxūtawa nangēxma, rū guxū i ngexūgūarū yexera marū cuxū narūngūxēē —űanagūrū. ²⁹ Natūrū yexguma María nūxū dēuxgu ga yema daxūcūāx ga Tupanaārū orearū ngeruū, rū namaā ībaixāchiāē ga yema norū ore ga ngīmaā nūxū yaxuxū. Rū ngīgūāēwa nāgu irūxīnū ga tūxcūū yemaācū ngīxū na namoxēxū. ³⁰ Rū yexguma ga Gabi rū űanagūrū ngīxū: —Pa María, tama name na cumūxū, erū Tupana rū poraācū cumaā nataāē. ³¹ —Rū űuxma rū tá tauemacū cuxū inayarūtaxu, rū tá cuxāxācū, rū tá nayatū i cuxacū. Rū Ngechuchugu tá cunaxūēga. ³² —Rū nūma rū wūxi ya āēxgacū ya taxūchicū tá nixī. Rū Tupana ya Taxūchicū Nane tá nixī i naega. Rū Cori ya Tupana rū tá nuxcūmaūcū ga āēxgacū ga Dabírūū āēxgacūxū nayaxīxēē. ³³ —Rū nūma rū guxūgutāma Yudiugūarū āēxgacū nixī. Rū tagutāma īnanguxuchi na āēxgacū na yīixū —űanagūrū. ³⁴ Rū yexguma ga María rū Gabina ica, rū ngīgūrūgū: —Ĵűuxācū tá nixī i ngēma na chaxāxācūxū, erū tauta chaxāte? —ngīgūrūgū. ³⁵ Rū nūma ga Gabi rū ngīxū nangāxū, rū űanagūrū: —Tupanaāē i Ūnēxū tá cuxna nangu. Rū Tupana ya Tacūarū pora rū wūxi i caixanēxūrūū tá cugu nayangaixema. Rū ngēmacēx ngēma ōxchana i namaā cuxāxācūxū rū Tupanāpēxewa mecūxūchi tá nixī, rū Tupana Nanemaā tá nanaxugū i duūxūgū. ³⁶ —Rū cutanūxū i Erichabé rū marū ixāxācū woo marū yaguāxchirēx na yīixū. Rū woo ga duūxūgū rū:

“Tagutāma ixāxācū” űanagūrūgū ngīxū, natūrū i űuxma rū marū 6 ya tauemacū ngīxū name na marū naxāxācūxū. ³⁷ —Erū Tupanaāxū rū taxuūma naguxcha —űanagūrū. ³⁸ Rū yexguma ga María rū ngīgūrūgū: —Chorū Cori ya Tupanaārū duūxū chixī i chomax. Rū marū name i chomaā nanaxū i ngēma chomaā nūxū quixuxūācūma —ngīgūrūgū. Rū yexguma ngīxna īnixū ga yema Tupanaārū orearū ngeruū ga daxūcūāx ga Gabi.

María rū Erichabéxūtagu inaxūāne

³⁹ Rū yexgumaūcūū ga María rū paxama nawa ixū ga guma īāne ga Zacarīapata nawa yexmane ga Yudēaaēarū dauxchitawa. ⁴⁰ Rū Zacarīapatawa ingu, rū iyaxūcu, rū Erichabéxū irūmoxē. ⁴¹ Rū yexguma Erichabé nūxū īnūgu ga Maríaarū mōxē, rū ngīrū ōxchana ga ngīānūwa yexmaxū rū nixīxācūū. Rū Tupanaāē ga Ūnēxū rū Erichabēna nangu. ⁴² Rū yexguma ga Erichabé rū tagaācū Maríaxū ngīgūrūgū: —Guxū i ngexūgūarū yexera Tupana cuxū narūngūxēē. Rū ngēxgumarūū ta cunēxū narūngūxēē. ⁴³ —ĴTacūwa chame na nuā chauxūtagu cunaxūānēxū? Pa Chorū Cori Naēx. ⁴⁴ —Erū ngēxguma nūxū chaxīnūgu i curū mōxē, rū chauxacū i chauanūwa ngēmaxū rū norū taēmaā nixīāxūcū. ⁴⁵ —Cuma rū cutaāē erū nūxū cuyaxō i norū ore ya Tupana. Rū ngēmacēx Tupana tá nayanguxēē i ngēma ore i cumaā nūxū yaxuxū —ngīgūrūgū ga Erichabé. ⁴⁶ Rū yexguma ga María rū ngīgūrūgū: —Choma rū chauāēwa poraācū Tupanaxū chicuēxū. ⁴⁷ —Rū chorū Cori ya chorū Maxēerūmaā chataāēxūchi. ⁴⁸ —Rū woo wūxi i Tupanaārū duūxū i ngearū dīerūāxē chixī, natūrū Tupana chaugu narūxīnū. Rū űuxmaūcūū i duūxūgū rū taāēxcūmaā guxūgutāma choxū naxugūē. ⁴⁹ —Erū Tupana ya Poracū rū taxū i mexū chauxcēx naxū. Rū naxūūne i naega ya Tupana. ⁵⁰ —Rū nūma ya Tupana rū guxūgutāma nūxū tangechaūtūmūūgū ya guxāma ya yīxema aixcūma nūxū muūēxē. ⁵¹ —Rū guxū ga norū poramaā tūxū narūyexera ga guxema tūgūtama icuēxūūgūxē. ⁵² —Rū marū īnanawoxū ga yema āēxgacūgū ga nūgū icuēxūūgūxū. Natūrū guxema duūxēgū ga tama tūgū icuēxūūgūxē, rū poraācū tūxū narūngūxēē. ⁵³ —Rū guxema tūxū natakūxē, rū muxūma tūxna naxā. Natūrū guxema muārū dīerūāxūxē rū taxuūma tūxna naxāācūma tūxū īnimugū. ⁵⁴ —Rū poraācū nūxū narūngūxēē ga norū duūxūgū ga Yudiugū. Rū tama nūxū inarūngūma na nūxū ingechaūtūmūūgūxū, yexgumarūū ga nuxcūmaūgūxū ga tatanūxūmaā na inaxunetaxū. ⁵⁵ —Yerū yemaācū inaxuneta namaā ga tōrū ōxi ga Abrāū rū namaā ga tatanūxūgū na guxūgutāma tūxū nangūxēēxū —ngīgūrūgū ga María. ⁵⁶ Rū tomaēxpūx ga tauemacū Erichabéxūtagu irūxūūx ga María. Rū űuxūchi ngīpatacēx itaegu.

Cuāū ga baiūxēerūārū buxchiga

⁵⁷ Rū nawa nangu ga ngunēxū ga na naxīraxacūxū ga Erichabé. Rū nayatū ga ngīxācū. ⁵⁸ Rū yexguma nūxū nacūēxgūgu na űuxācū Tupana ngīmaā mecūmaxū, rū ngīrū ngaicamagu pegūxū ga duūxūgū rū ngītanūxūgū rū ngīxū īnayadaugū, rū ngīxū narūmoxēgū rū ngīxū nayataāēgūxēē. ⁵⁹ Rū 8 ga ngunēxūguwena rū īnayawiechēxmūpēxechiraūgū ga guma ngīne. Rū nanatū ga Zacarīagu nanaxūēgagūchaū ga duūxūgū. ⁶⁰ Natūrū naē ga Erichabé rū tama inaxwēxe. Rū ngīgūrūgū: —Narūmemaē nixī i Cuāūgu tanaxūēga —ngīgūrūgū. ⁶¹ Rū duūxūgū rū űanagūrūgū ngīxū: —ĴTūxcūū cunaxwēxe i ngēma naega? Erū cutanūxūtanūwa rū tataxuma ya texé ya ngēmāgu āegaxe —űanagūrūgū. ⁶² Rū yexguma ga duūxūgū rū

naxmêxwa nanatü ga Zacaríaana nacagüe ga ñacü rü naegagu tá na naxüégaãxü. ⁶³ Rü yexguma ga Zacaría rü poperaxü naxuneta na yexma na naxümatüãxücêx ga naega. Rü yexma nanaxümatü, rü ñanagürü:

“Cuãü tá nixü i naega”, ñanagürü ga namatü. Rü guxüma ga duüxügü rü nabaixãchiãëgü ga yexguma yema naegaxü nadaugü. ⁶⁴ Rü yexgumatama wenaxärü nidexa ga Zacaría. Rü inanaxügü ga Tupanaxü na yacuëüxü. ⁶⁵ Rü yemacêx guxüma ga yema duüxügü ga norü ngaicamagu âpatagüxü rü poraäcü nabaixãchiãëgü. Rü guxüwama ga yema naãnewa ga Yudëaanewa rü duüxügü nüxü nixuchigagü ga yema ngupetüxü. ⁶⁶ Rü guxüma ga nüxü cuächigagüxü ga yema ngupetüxü, rü nügüãxëwa nagu narüxüinüëêcha, rü ñanagürügü: — ¿Tacü tá nixü i ngëma buxü? Erü Tupana rü aixcüma naxütawa nangêxma —ñanagürügü.

Zacaría rü Tupanaxü nicuëxüü

⁶⁷ Rü nanatü ga Zacaríaana nangu ga Tupanaãë i Ünëxü. Rü nüxü nixu ga yema ore ga Tupana namaã nüxü ixuxü. ⁶⁸ Rü ñanagürü: —Name nixü i nüxü ticuëxüügü ya törü Cori ga nuxcümaücü ga törü oxü ga Iraëarü Tupana. Erü núma tatanüwa nangu na tüxü yamaxëëxücêx i yixema i norü duüxügü na ixigüxü. ⁶⁹ —Rü ngëmacêx tüxna nanamu ya wüxi ya poracü ya törü maxëëëruü ga nuxcümaücü ga norü duüxü ga Dabítanüxüwa ne ücü. ⁷⁰ —Rü yemaäcü Tupana tamaã inaxuneta nawa ga yema nuxcümaügüxü ga norü orearü uruügü ga üünegüxü. ⁷¹ —Rü yema orearü uruügüwa nüxü nixu rü tá tüxü ñangüxüxëë naxmêxwa i törü uwanügü rü guxüma i ngema duüxügü i taxchi aixü. ⁷² —Rü nuxcümaügüxe ga törü oxigümaã nüxü nixu na nüxü tangechaütümüügüxü rü tagutáma nüxü iyanangümaxü ga yema tümamaã inaxunetaxü. ⁷³⁻⁷⁵ —Rü yemaäcü ga Tupana rü nuxcümaücü ga törü oxü ga Abráümaã inaxuneta. Rü namaã nüxü nixu rü tá tüxü ñangüxüxëë nüxna i törü uwanügü na tama imuüëäcüma naxüxücêx i Tupanaärü puracü rü aixcüma mecü na ixigüxü napêxewa i guxü i törü maxüwa i wüxichigü i ngunexügu —ñanagürü ga Zacaría. ⁷⁶ Rü ñanagürü ta: —Cumax, Pa Chaunex, rü Tupana ya Taxüchicüarü orearü uruümaã tá cuxü naxugü. Erü cuma rü tá Corixüpa yoxni duüxügümaã nüxü quixu i nachiga ya Cori. ⁷⁷ —Cuma rü Coriarü duüxügüxü tá nüxü cucuëxëë na Tupana tá nüxü nüxü ngechaüxü i norü pecadugü na ngëmaäcü nayauxgüãxücêx i maxü i taguma güxü. ⁷⁸⁻⁷⁹ —Erü nüxü tangechaütümüügü ya Tupana ya poraäcü tüxü ngechaücü. Rü ngëmacêx daxügüxü i naãnewa taxcêx ne nanamu i ñoma i naãneärü ngóonexëëruü i ngexwacaxüxü na nangóonetanüxëãxücêx i ngëma duüxügü ga noxri guxügüma norü chixexügüga äücümáxüwa yexmagüxü. Rü núma tá tüxü narüngüxëë na Tupanamaã rüngüxmüxücêx —ñanagürü ga Zacaría. ⁸⁰ Rü yema buxü rü niyachigü rü wüxichigü ga ngunexügu yexeraäcü Tupanaxü nicuächigü. Rü dauxchita ga ngextá taxüema íxápataxüwa nayexma ñuxmata yema ngunexüwa nangu ga na Yudiügüxü nügü nacuëxëëxü.

2

Ngechucharü buxchiga (Mt 1.18-25)

¹ Rü yexguma Agutu äëxgacü ga tacü ixüxgu ga Dumawa, rü nanaxunagü ga na yaxugüãxü ga guxüma ga duüxügü ga guxü ga naãnewa. ² Rü yema nüxüraüxü ga duüxügüarü ugüchiga, rü nanaxü ga yexguma Quirinu äëxgacü ixüxgu ga Chíriarü naãnewa. ³ Rü guxüma ga duüxügü rü wüxichigü norü ñãne ga nagu nabuxünewa nixüchigü ga yéma na yaxugüãxücêx. ⁴ Rü yemacêx ga Yúche rü Garirëaanewa yexmane ga ñãne ga Nacharëtuwa ñaxüxü, rü Yudëaarü naãnewa yexmane ga ñãne ga Berëüwa naxü. Rü guma nixü ga ñãne ga nuxcümaücü ga äëxgacü ga Dabí nagu buxüne. Rü yemacêx nixü ga Yúche ga yéma naxüxü, yerü Dabítanüxü nixü ga nümax. ⁵ Rü Berëüwa naxü ga Yúche na yaxugüxücêx wüxigu ngímaã ga María ga ngímaã naxámëxchaücü. Natürü ga María rü itacharaü ga na naxãxácüxü. ⁶ Rü yexguma Berëüwa nayexmagüyane, ngíxna nangu ga ngírü ngunexü ga na naxíraxacüxü ga María. ⁷ Rü yexma nabu ga nüxüraücü ga ngíne. Rü naxchápenüümaã inanuque. Rü wüxi ga wocaarü chibüchicagumare inacanagüxëë, yerü marü guxüma nixããcu ga ucapu nawa ga guma pegüpataü.

Tupanaärü orearü ngeruü ga daxücüãx rü carnerugüarü dauruücêx nangox

⁸ Rü Berëüarü ngaicamana nayexmagü ga ñuxre ga carnerugüarü dauruügü ga chütacü nachitaüwa norü carnerugüna ídaugüxü. ⁹ Rü ngürüãchi yema carnerugüarü dauruügücêx nangox ga wüxi ga orearü ngeruü ga daxücüãx. Rü Cori ya Tupanaärü üüne rü nawa nayexma rü yemacêx poraäcü nangóone. Rü yema carnerugüarü dauruxügü rü poraäcü namuüë. ¹⁰ Natürü yema orearü ngeruü ga daxücüãx, rü ñanagürü nüxü: — ¡Tãxü i pemuüëxü! erü pexcêx nuã chanange i wüxi i ore i mexëchixü i guxü i duüxügüarü taãxëëruü tá ixüxü. ¹¹ —Erü ñuxma rü Berëügu nabu ya perü maxëëëruü. Rü núma

rü Cori ya Cristu nixí. ¹² —Rü ñaã tá nixí i perü cuèxruü. Rü tá nüxü ipeyangau i wüxi i õxhana i naxchápenüümaã nuquexü rü wocaarü chibüchicagu caxü —ñanagürü. ¹³ Rü yexgumatama ngürüächi yema daxüçüãx ga orearü ngeruüxütawa nangox ga muxüma ga togü ga daxüçüãx ga orearü ngeruügü. Rü Tupanaxü nicuèxüügü, rü ñanagürügü: ¹⁴ —Rü ñuxma rü Tupanaxü ñnicuèxüügü rü ñnataægü i daxügxü i naãnewa. Rü pema i ñoma i naãnecüãx i Tupana pemaã taægüe, rü name nixí i pegümaã perüngüxmüë —ñanagürügü. ¹⁵ Rü yexguma daxüwa naxíxguwena ga yema orearü ngeruügü rü yema carnerugüarü dauruügü rü nügümaã ñanagürügü: —ñNgixã Ítayadau i Beréüwa i ngëma ngu-petüxü i Cori ya Tupana tamaã nüxü ixuxü nawa i norü orearü ngeruügü! —ñanagürügü. ¹⁶ Rü paxa inaxíächi, rü yéma naxí. Rü yexma inayangaugü ga Yüche rü María rü guma bucü ga wocaarü chibüchicagu cacü. ¹⁷ Rü yexguma yema bucüxü nadaugüga ga yema carnerugüarü dauruügü, rü duüxügümaã nüxü nixugüe ga yema ore ga Tupanaãrü orearü ngeruü ga daxüçüãx namaã nüxü ixuxü ga guma bucüchiga. ¹⁸ Rü guxüma ga duüxügü ga nüxü ñnüèxü ga yema carnerugüarü dauruügüarü ore rü namaã nabaixächiaægü. ¹⁹ Natürü ga María rü inayaxu ga guxüma ga yema ngupetüxü rü ngíãëgu namaã inguxü rü nagu irüxüñüècha. ²⁰ Rü nawoegu ga yema carnerugüarü dauruügü. Rü taãëcüma Tupanaxü nicuèxüügü naxcëx ga guxüma ga yema nüxü naxíñnüèxü rü nüxü nadaugüxü yerü aixcüma yema orearü ngeruü ga daxüçüãx namaã nüxü ixuxüäcüma nangupetü.

Bucü ga Ngechuchu rü tupauca ga taxünewa nanagagü

²¹ Rü yexguma 8 ga ngunexü nüxü yexmagu ga na nabuxü ga õxhana, rü ñnanawiechëxmüpëxechiraügü. Rü Ngechuchugu nanaxüëgagü. Rü yematama nixí ga naega ga daxüçüãx ga Tupanaãrü orearü ngeruü Maríaã nüxü ixuxü ga tauta namaã naxãxäcügu. ²² Rü yexguma marü yanguxgu ga yema ngunexü na tupauca ga taxünewa Tupanapëxewa na nügü yamexëëgüxü rü yéma naxí na yemaäcü Tupanapëxewa yanguxëëgüãxüçëx ga yema Moïchëarü mugü nüxü ixuxürü. Rü Yerucharéüwa ga tupauca ga taxünewa nanagagü ga guma bucü na Tupanana namugüãxüçëx. ²³ Rü yemaäcü nanaxügü yerü Tupanaãrü mugüwa naxümatü, rü ñnanagürü:

“Ngëxguma wüxi i nge rü nayatügu i nüxüiraüxü i ngíxäcü, rü name i Cori ya Tupanana inamu”,

ñnanagürü. ²⁴ Rü yéma naxí rü yéma nanagagü ga taxre ga muxtucugü ga yexwacëx yaexü, na Tupanacëx nadaiãxüçëx ga paigü ga tupaucawa, yerü yema ñnanagürü ga Tupanaãrü mugüwa. ²⁵⁻²⁶ Rü yexgumaäcüü Yerucharéügu naxächü ga wüxi ga yatü ga Chimeügu äegacü. Rü wüxi ga yatü ga mecümacü nixí ga nümax, rü aixcüma Tupanaxü ngechatücü nixí. Rü nüma rü guxüguma ñnananguxëë na ñuxguacü tá ñnanguxü ya Yudiüguarü nguxüxëëruü ya Cristu. Rü Tupanaãë i Üünexü rü Chimeüxütawa nayexma, rü nüxü nüxü nacüxëë na täütáma nayuxü ega tama nüxü nadauxiragu ya Cristu ya Cori ya Tupana nüma namucü. ²⁷ Rü yema ngunexügu rü tupauca ga taxünewa Chimeüxü naxüxëë ga Tupanaãë i Üünexü. Rü yéma nayexma ga Chimeü ga yexguma Yüche rü María tupaucawa nagagüga ga guma bucü ga Ngechuchu na Tupanana namugüãxüçëx na yemaäcü yanguxëëgüãxüçëx ga Moïchëarü mu. ²⁸ Rü Ngechuchuxü naganagü ga Chimeü. Rü Tupanaxü nicuèxüü, rü ñnanagürü: ²⁹ —Pa Corix, ñuxma rü marü name na chayuxü, erü marü cuyanguxëë ga yema chomaã icuxunetaxü. ³⁰⁻³¹ —Rü chauxetümaãxüchi nüxü chadau ya daa Maxëëëruü ya guxü i duüxügüçëx nüma cunamucü. ³² —Rü nüma nixí i ngóonexëëruü naxcë i guxüma i duüxügü i tama Yudiügu ixigüxü. Rü ñaã õxchanagagu rü togü i duüxügü tá nüxü nicuèxüügü i curü duüxügü i Yudiügu —ñnanagürü. ³³ Rü Yüche rü María rü nabaixächiaægü namaã ga Chimeüarü ore ga ñuxäcü guma õxchanachigamaã na yadexaxü. ³⁴ Rü yexguma ga Chimeü rü Tupanana naca na meã nüxü nangupetügüxüçëx ga Yüche rü María rü guma õxhana. Rü ñnanagürü ngixü ga María ga Ngechuchu naë: —Düçëx, daa õxhana rü tá nanamaxëë i muxüma i Yudiügu, natürü ngëma tama nüxü yaxögüchaxü rü tá inayarütaxe. Rü nüma rü wüxi i cuèxruü tá nixí i duüxügüçëx, rü muxüma tá nüxü naxoe. ³⁵ —Rü ngëmaäcü tá nanangoxëëãma i guxüma i naãewa nagu naxíñnüèxü i muxüma i duüxügü. Rü guxüma i ngëma tá ñaã õxchanaxü ngupetüxü rü ñoma wüxi i cüxchi i curü maxünewa yarüwaxürüü tá cuxü nangux, Pa Maríax —ñnanagürü. ³⁶ Rü yéma ta iyexma ga wüxi ga ngecü ga Tupanaãrü orexü ixucü. Rü Ana nixí ga ngëga. Rü Panuxäcü iyixí, rü Ácherutanüxü iyixí. Rü marü yaguãxüchi iyixí. Rü yexguma napaxüchigutama ixäte. Natürü 7 ga taunecü- guxicatama ngítemaã iyarüxüüxü, yerü nayu ga ngíte. ³⁷ Rü yemaäcü wüxi ga yutecü ga yaguãxüchi iyixí, yerü 84 nixí ga ngíru taunecü. Rü taguma tupauca ga taxünewa íixüxü. Rü guxüguma ngunecü rü chütacü rü naxaureäcüma iyumüxëëcha. Rü yemaäcü Tupanaxü iyacuèxü rü inataxëë. ³⁸ Rü yexgumatama Chimeü íidexayane, rü yéma ingu ga Ana. Rü Tupanana moxë ixä. Rü iinaxügü ga õxhana ga Ngechuchuchiga na yadexaxü napëxewa ga guxüma

ga yema Yudiugü ga Yerucharéüçüâx ga Cristuxü ínanguxêëgüxü na norü ngxuchixêëruü yíxüçèx.

Îâne ga Nacharéüçèx nawoegu

³⁹ Rû yexguma marü yanguxêëgüâguwena ga guxüma ga yema Tupanaârü mugü nüxü íxuxü, rü Yüche rü Maria rü naxcèx nawoegu ga norü îâne ga Nacharéü ga Gariréaanewa yexmane. ⁴⁰ Rû guma bucü rü niyachigü, rü yexeraâcü niporachigü, rü yexeraâcü nüxü nicuâchigü. Rû Tupana rü poraâcü nüxü narüngüxêë.

Bucü ga Ngechuchu rü tupaüca ga taxünewa naxo

⁴¹ Nanatü rü naë rü gucü ga taunecügu Yerucharéüwa taxüxü naxcèx ga Üpetüchigaarü peta. ⁴² Rû yexguma Ngechuchu 12 ga taunecü nüxü yexmagu, rü Yerucharéüwa taxü namaâ ga nanatü rü naë, yerü yema nixü ga Yudiugüçüma naxcèx ga Üpetüchigaarü peta. ⁴³ Rû yexguma yagüechigagu ga Üpetüchigaarü peta, rü tümachiüçèx tawoegu ga nanatü rü naë. Natürü ga Ngechuchu rü tümäçhita tüxna Yerucharéügu narüxüâx. ⁴⁴ Rû tümä nüxü tacuèxgügu rü yema muxü ga duüxügu ga tümaweama íxüütanüxütanügu naxâ ga Ngechuchu. Rû yemaâcü marü itaxü ga wüxi ga ngunexü. Natürü yexguma naxcèx tadaugügu tümatanüxütanügu rü yema tüxü cuèxgüxütanügu rü tama nüxü itayangaugü. ⁴⁵ Rû yemacèx wenaârü Yerucharéüçèx tawoegu na yexma naxcèx tayadaugüxüçèx. ⁴⁶ Rû tomaëxpüx ga ngunexüguwena Ngechuchuxü itayangaugü ga tupaüca ga taxünewa. Rû yéma narüto natanüwa ga yema ngüexêëruügu ga Tupanaârü mugüwa ngxüçètaegüxü, rü inarüxüna ga norü ngxüçètae, rü nüxna nicachigü. ⁴⁷ Rû guxüma ga yema duüxügu ga Ngechuchuxü ínüexü, rü naüaixächiâëgü na nüxâcü nüxü nacuèxüchixü rü meâma nangâxüâxü. ⁴⁸ Rû yexguma nanatü rü naë nüxü daugügu rü taüaixächiâëgü. Rû naë rü ñatarügu nüxü: —Pa Chaunex, çtüxcüü tomaâ ngexü cuwagü? Cunatü rü choma rü poraâcü cuxcèx taxoegaëçüma cuxcèx tadaugüecha —ñatarügu. ⁴⁹ Rû yexguma ga Ngechuchu rü ñanagürü: —çTüxcüü chauxcèx pedaügu? çTama êxna nüxü pecuèx na woetama Chaunatüchüüwa tá changèxmaxü? —ñanagürü. ⁵⁰ Natürü ga tümägu rü tama nüxü tacuèxgüega ga yema tümamaâ nüxü yaxuxü. ⁵¹ Rû yexguma ga Ngechuchu rü tümawe nataegu ga Nacharéüwa. Rû guxüguma meâ tümäga naxüüëcha. Rû naë ga Maria rü ngüâewa nagu irüxüüëcha ga guxüma ga yema ngupetüxü. ⁵² Rû niyachigü ga Ngechuchu, rü yexeraâcü nüxü nicuâchigü. Rû Tupana rü namaâ nataâë, rü guxüma ga duüxügu rü ta namaâ nataâëgü.

3

Cuáü ga baiüxêëruü nüxü nixu ga Tupanaarü ore ga dauxchitawa ga ngextá taxüema íxâpataxüwa

(Mt 3.1-12; Mr 1.1-8; Cu 1.19-28)

¹ Rû yexguma Tíberü 15 ga taunecü Dumaarü äëxgacü yixüxgu, rü yexguma nixü ga Pöüchiu Piratu rü Yudeáaneârü äëxgacü yíxü, rü Erode rü Gariréaaneârü äëxgacü yíxü, rü naëneë ga Piripi rü Itüreane rü Traconíteaneârü äëxgacü yíxü, rü Lichániü rü Abiriniâneârü äëxgacü yíxü. ² Rû yexguma ga Aná rü Caipá rü paigüeru nixügu. Rû yexguma nixü ga Zacaría nane ga Cuáümaâ yadexaxü ga Tupana ga dauxchitawa ga ngextá taxüema íxâpataxüwa. ³ Rû guxüma ga yema nachicagu ga Yudáücutüaru ngaicamana yexmagüxügu nixügüchigü ga Cuáü. Rû duüxügümaâ nüxü nixuchigü na nüxü naxoexüçèx ga nacümagü ga chixexü rü inabaiüxüçèx na yemaâcü Tupana nüxü nüxü rüngümaxüçèx ga norü pecadugü. ⁴ Rû guma nuxcümaâcü ga Ichaxía ga Tupanaârü orearü uruü naxümatüürüü nixü ga nangupetüxü. Yerü duüxügüaru maxüaru mexêëchigaxü nixu ga yexguma ñaxgu:

“Ngéma nachica i ngextá taxüema íxâpataxüwa rü tá nangèxma i wüxi i duüxü i ngema tagaâcüma ñaxü: ‘¡Pegü pemexêë naxcèx ya Cori! ¡Rü naxcèx ipeyanawéxächixêë i perü maxü!’ ⁵ Rû guxâaru maxü rü tá inayarüwéxächi ñoma wüxi i ngatexü rügütaxüürüü na iyawéxüçèx i nama. Rû guxâma ya yíxema togüétüwa tügü ngèxmaxêëgüxe rü tá itarüxi ñoma wüxi ya mëxpüne rü wüxi i ngüchitaeru idoxochixêëxüürüü. Rû guxüma i nacüma i wüxü rü tá inayarüwéxächigü. Rû ngéma duüxügüaru maxüwa tama mexü rü tá nayamexêëgü. ⁶ Rû guxüma i duüxügu rü tá nüxü nadaugü ya yima Maxêëruüwa ya Tupana núma namucü”, ñanagürü ga Ichaxía ümatüxü ga ore. ⁷ Rû yexguma Cuáüxütawa naxüxgu ga duüxügu na inabaiüxêëaxüçèx, rü núma ga Cuáü rü ñanagürüama nüxü: —Pa Áxtapearü Duüxügu çRü ñüxâcü nagu perüxüne na naxchaxwa pibuxmüxü i ngema poxcu i marü ingaicamaxü ega tama nüxü perüxoegu i pecüma i chixexü? ⁸ —¡Rü meâ pemaxê na ngémaâcü guxüma i

duñxügü nüxü daugüxcêx na aixcûma marü nüxü perüxoexü i pecûma i chixexü! Rû tama name i ñaperügügü:

“Tãitáma Tupana toxü napoxcue, erü Abrãütanüxü tixügü” ñaperügügü. Erü tama ngêmacêx nixü ya Tupana i duñxügüxü nayaxuxü. Rû pemaã nüxü chixu rû ngêxguma Tupana naxwêxegu rû tama nüxü naguxcha na daa nutawa Abrãütanüxü nanguxüxêexü.⁹ —Tupanaärü yema rû marü ñimemare na yadaxüãxüxcêx i ngêma nanetügü i tama mexü. Rû guxüma i nanetügü i chixearü õõxü rû tá nadaxü, rû ñuxüchi üxüwa tá ñagu —ñanagürü ga Cuáü. ¹⁰ Rû yexguma ga duñxügü rû Cuáüna nacagü, rû ñanagürügü: —¿Tacü êxna nixü i mexü na tanaxüxü? —ñanagürügü. ¹¹ Rû Cuáü rû nanangãxü rû ñanagürü: —Texé ya taxrearü gáuxüchiruãxê rû name nixü i texé ya tüxüñataxükena tanaxã. Rû texé ya õnaãxê rû name nixü i texé ya ngearü õnaãxêmaã tangau i túmaärü õna —ñanagürü. ¹² Rû Cuáüxütawa naxü ta ga ñuxre ga yatügü ga Dumaärü ãêxgacüxcêx dïeru ngixü ideetanüxü. Rû nanaxwêxegü ga Cuáü na ñabaiüxêexü. Rû Cuáüna nacagü, rû ñanagürügü: —Pa Ngüexêruüx, ¿Tacü nixü i mexü na tanaxüxü i tomax? —ñanagürügü. ¹³ Rû Cuáü rû ñanagürü nüxü: —Tama name i ãêxgacü pemaã nüxü ixuxüärü yexera penayauxgü i dïeru i duñxügüxütawa —ñanagürü. ¹⁴ Rû ñuxre ga churaragü rû ta Cuáüna nacagü, rû ñanagürügü: —¿Toma rû tacü nixü i mexü na tanaxüxü? —ñanagürügü. Rû nanangãxü ga Cuáü rû ñanagürü: —Tama name i texéxü pexãxüneãcûma túmaärü ngêmaxügü pepuxü. Rû tama name i tacü rû doraxü tümachigaxü pixu na ngêmaãcü túmaärü ngêmaxügü pepuxüxcêx. Rû name nixü i ngêma dïeru i ãêxgacü pexü ngîmaã naxütanücûmaãtama petaãégü rû tama yexeracüxcêx ípeca —ñanagürü. ¹⁵ Rû yexguma ga duñxügü rû poraãcü ñananguxêégü na paxa ñanguxü ga Tupana Nane ga Cristu. Rû nagu narüxinüê ga na bexmana Cuáü rû Cristu yixü. ¹⁶ Natürü ga Cuáü rû guxãxü ñanagürü: —Aixcûma i choma rû dexãwamare pexü íchabaiüxêe, natürü tá ñangu i to i Tupanaärü orearü uruü, rû nûma tá pexna nananguxêê i Tupanaãe i Üünexü wüxi i üxüemarüü. Erü nûma rû poraãcü choxü narüyexera na ãêxgacü yixü. Rû choma rû napêxewa rû taxuwama chame rû bai i norü chapatucunüärü wêgüwa chame. ¹⁷ —Rû nûma rû marü ñanamemare na ñoma i naãnewa yadexechiãxüxcêx i norü duñxügü ñoma wüxi ya yatü trigu naãtûna idexechixürü. Rû ngêmaãcü tá nayadexechi i ngêma noxrü ixügüxü na naxü-tawa nangêmagüxcêx, natürü ngêma tama noxrü ixügüxü, rû tá ñanagu nawa ya yima üxü ya taguma ixoxüne —ñanagürü. ¹⁸ Rû yema oremaã rû muxüma ga to ga ucuxêgümaã, rû Cuáü duñxügümaã nüxü nixu ga ore ga mexü ga Ngechuchuchiga. ¹⁹ Rû Cuáü rû ãêxgacü ga Erodexü nanga, yerü ngîmaã naxãmêx ga Erodía ga naêneê ga Piripi namêx. Rû nananga ta naxcêx ga yema togü ga chixexü ga naxüxü. ²⁰ Natürü ga Erode rû tama Cuáüga naxünü. Rû yexeraxü ga chixexü naxü, yerü poxcupataüwa Cuáüxü namu.

*Ngechucharü baiechiga
(Mt 3.13-17; Mr 1.9-11)*

²¹ Rû yexguma taxüta napoxcugu ga Cuáü, rû guxü ga duñxügüxü ñabaiüxêexyane, rû yexguma ta nixü ga Ngechuchuxü ñabaiexêexü. Rû yexguma Ngechuchu íyumüxêyane rû ningena ga daxügüxü ga naãne. ²² Rû Tupanaãe i Üünexü rû wüxi ga muxtucurüü ñanago rû Ngechuchuna nangu. Rû daxüwa ñanaxü ga wüxi ga naga ga ñaxü: —Cuma nixü, Pa Chaunex, i cuxü changechaüxüchixü rû cumaã chataãexü —ñaxü.

*Ngechuchu ya Cristu natanüwa ngóxü ga duñxügüchiga
(Mt 1.1-17)*

²³ Ngechuchu rû 30 ga taunecü nüxü nayexma ga yexguma ñaxügüãgu na guxüwama duñxügümaã nüxü yaxuxü ga Tupanaärü Ore. Rû duñxügü nagu narüxinüê rû Yúche nane nixü ga nûmax.

Rû Yúche rû Erí nane nixü.

²⁴ Rû Erí rû Matáx nane nixü.

Rû Matáx rû Lebí nane nixü.

Rû Lebí rû Merequí nane nixü.

Rû Merequí rû Yana nane nixü.

Rû Yana rû Yúche nane nixü.

²⁵ Rû Yúche rû Matatía nane nixü.

Rû Matatía rû Amó nane nixü.

Rû Amó rû Naüü nane nixü.

Rû Naüü rû Echi nane nixü.

Rû Echi rû Nagái nane nixü.

²⁶ Rû Nagái rû Maãx nane nixü.

Rû Maãx rû Matatía nane nixü.

Rû Matatía rû Chemeí nane nixü.

- Rü Chemeĭ rü Yuchéx nane nixĭ.
 Rü Yuchéx rü Yudá nane nixĭ.
- 27 Rü Yudá rü Yuanáŭ nane nixĭ.
 Rü Yuanáŭ rü Récha nane nixĭ.
 Rü Récha rü Chorobabé nane nixĭ.
 Rü Chorobabé rü Charatía nane nixĭ.
 Rü Charatía rü Nerí nane nixĭ.
- 28 Rü Nerí rü Merequí nane nixĭ.
 Rü Merequí rü Adí nane nixĭ.
 Rü Adí rü Cocháŭ nane nixĭ.
 Rü Cocháŭ rü Elmadáŭ nane nixĭ.
 Rü Elmadáŭ rü Erú nane nixĭ.
- 29 Rü Erú rü Yochué nane nixĭ.
 Rü Yochué rü Erieché nane nixĭ.
 Rü Erieché rü Yoríŭ nane nixĭ.
 Rü Yoríŭ rü Matáx nane nixĭ.
 Rü Matáx rü Lebí nane nixĭ.
- 30 Rü Lebí rü Chimeŭŭ nane nixĭ.
 Rü Chimeŭŭ rü Yudá nane nixĭ.
 Rü Yudá rü Yúche nane nixĭ.
 Rü Yúche rü Yonáŭ nane nixĭ.
 Rü Yonáŭ rü Eriaquíŭ nane nixĭ.
- 31 Rü Eriaquíŭ rü Meréa nane nixĭ.
 Rü Meréa rü Ména nane nixĭ.
 Rü Ména rü Matáta nane nixĭ.
 Rü Matáta rü Natáŭ nane nixĭ.
 Rü Natáŭ rü Dabí nane nixĭ.
- 32 Rü Dabí rü Ichaxí nane nixĭ.
 Rü Ichaxí rü Obé nane nixĭ.
 Rü Obé rü Boó nane nixĭ.
 Rü Boó rü Cháru nane nixĭ.
 Rü Cháru rü Nachóŭ nane nixĭ.
- 33 Rü Nachóŭ rü Aminadá nane nixĭ.
 Rü Aminadá rü Admíŭ nane nixĭ.
 Rü Admíŭ rü Arni nane nixĭ.
 Rü Arni rü Esróŭ nane nixĭ.
 Rü Esróŭ rü Fare nane nixĭ.
 Rü Fare rü Yudá nane nixĭ.
- 34 Rü Yudá rü Acóbu nane nixĭ.
 Rü Acóbu rü Ichaá nane nixĭ.
 Rü Ichaá rü Abráŭ nane nixĭ.
 Rü Abráŭ rü Taré nane nixĭ.
 Rü Taré rü Nacúx nane nixĭ.
- 35 Rü Nacúx rü Cherúx nane nixĭ.
 Rü Cherúx rü Ragáu nane nixĭ.
 Rü Ragáu rü Peréx nane nixĭ.
 Rü Peréx rü Ebéx nane nixĭ.
 Rü Ebéx rü Cháru nane nixĭ.
- 36 Rü Cháru rü Caináŭ nane nixĭ.
 Rü Caináŭ rü Arpacháx nane nixĭ.
 Rü Arpachá rü Chéŭ nane nixĭ.
 Rü Chéŭ rü Noę nane nixĭ.
 Noę rü Laméx nane nixĭ.
- 37 Rü Laméx rü Matucharéŭ nane nixĭ.
 Rü Matucharéŭ rü Enóx nane nixĭ.
 Rü Enóx rü Yaréx nane nixĭ.
 Rü Yaréx rü Maararéx nane nixĭ.
 Rü Maararéx rü Caináŭ nane nixĭ.
- 38 Rü Caináŭ rü Enóx nane nixĭ.
 Rü Enóx rü Chex nane nixĭ.
 Rü Chex rü Adáŭ nane nixĭ.
 Rü Adáŭ rü Tupana nane nixĭ.

4

Ngechuchuxü naxü ga Chataná
(Mt 4.1-11; Mr 1.12-13)

¹ Ngechuchuxütawa nayexma ga Tupanaãe i Üünexü. Rû yexguma Yudaüchiüwa ínaxüächigu ga Ngechuchu, rû Tupanaãe i Üünexü rû dauxchitawa ga ngextá taxúema íxápataxüwa nanaga. ² Rû yéma nayexma ga 40 ga ngunexü. Rû ngoxo ga Chataná rû nüxü naxü. Rû yexguma yéma nayexmagu rû taguma nachibü. Natürü ga yixcama rû nataiya. ³ Rû yexguma ga ngoxo ga Chataná rû ñanagürü nüxü: —Ega aixcüma Tupana Nane quixügu, rû jdaa nutamaã nüxü ixu na pâüxü nanguxuchixücê! —ñanagürü ga Chataná. ⁴ Rû Ngechuchu nanangãxü rû ñanagürü: —Tupanaãrû ore i ümatüxüwa rû ñanagürü: “Täütáma õnamaãxüca namaxê i duüxügü, natürü guxüma i ore i Tupana nüxü ixuxü tá nixü i duüxügüxü maxêxêxü”, ñanagürü. ⁵ Rû yexguma ga ngoxo ga Chataná rû wüxi ga mëxpünechitaeruwa nanaga. Rû yéma paxaãchi nüxü nüxü nadauxêê ga guxüma ga nachüüñanegü ga ñoma ga naãnecüãx. ⁶ Rû Chataná rû ñanagürü nüxü: —Guxü i ñaã nachüüñanegü i mexü rû norü ngêmaxügü rû chi cuxna chanaxã. Erü choxrü nixü i guxüma i ñaãgü, rû tüxna chanaxã ya texé ya choma chorü me íxixê na tüxna na chanaxãxü. ⁷ —Rû ngêxguma chi chopêxegu cucaxãpüxügu rû choxü quicuêxüügu rû cuxrü chi nixü i guxüma i ñaã cuxü chawéxü —ñanagürü. ⁸ Natürü ga Ngechuchu rû nanangãxü, rû ñanagürü: —¡Choxna íxügachi! Pa Chata- náx. Erü Tupanaãrû ore i ümatüxüwa rû ñanagürü: “¡Nüxü icuêxüü ya Cori ya curü Tupana, rû yimaãxüxücatama napuracü!” ñanagürü. ⁹ Rû yexguma ga ngoxo ga Chataná rû Yerucharéü ga ñãnewa nanaga. Rû tupauca ga taxünetapêxegu nanamunagü. Rû ñanagürü nüxü: —Ega aixcüma Tupana Nane quixügu, rû jnuã cügü rütae! ¹⁰ —Erü Tupanaãrû ore i ümatüxüwa rû ñanagürü: “Tupana tá nanamu i norü orearü ngeruügü i daxücüãx na cuxna nadaugüxücêx. ¹¹ Rû naxmêxmaã tá cuxü niyaxügü na tama taçü rû nutagu cunguxücêx”, ñanagürü. ¹² Rû Ngechuchu nanangãxü rû ñanagürü: —Tupanaãrû ore i ümatüxüwa rû ñanagürü ta: “¡Tama name i nüxü na cuxüxü ya Cori ya curü Tupana!” ñanagürü. ¹³ Rû yexguma marü taxucürüwama Ngechuchuxü naxüxgu, rû nüma ga Chataná rû nüxna ñña ñuxmata nüxü iyangau na ñuxãcü wena nüxü na naxüxü.

Ngechuchu rû Gariréaanewa ínanaxügü ga norü puracü
(Mt 4.12-17; Mr 1.14-15)

¹⁴ Rû Ngechuchu rû Gariréaanecêx nataegu. Rû Tupanaãe i Üünexü rû naxütawa nayexma rû poraãcü nanaporaxêê. Rû ga duüxügü rû nachiga nidexagü ga guxü ga yema naãnewa. ¹⁵ Rû wüxichigü ga ñãneãrü ngutaquêxepataüguwa rû nanguxêêtae. Rû guxüma ga duüxügü rû nüxü nicuêxüügü.

Nacharétuwa nayexma ga Ngechuchu
(Mt 13.53-58; Mr 6.1-6)

¹⁶ Rû Nacharétuwa naxü ga Ngechuchu. Rû guma nixü ga ñãne ga nanatügü nawa nayaxêêgüne. Rû ngüxchigaarü ngunexügu rû ngutaquêxepataügu naxücu, yerü yema nixü ga nacüma ga guxü ga ngüxchigaarü ngunexügu. Rû yéma inachi rû duüxügücêx nüxü nadaumatü ga Tupanaãrû ore ga ümatüxü. ¹⁷ Rû nüxna nanaxãgü ga popera ga Tupanaãrû orearü uruü ga Ichaxía ümatüxü. Rû yexguma yangenaãtüãgu, rû nüxü inayangau ga ngextá ínaxümatüxüwa ga ore ga ñaxü:

¹⁸ “Cori ya Tupanaãe rû chauxütawa nangêxma. Rû nüma rû choxü naxuneta na nüxü chixuxücêx i ore i mexü namaã i ngêma duüxügü i ngearü ngêmaxüãxgüxü. Rû choxü namu na ngêma duüxügü i pecadutüüwa ngêxmagüxümaã nüxü na chixuxücêx rû tá na ínanguxüxü. Rû choxü namu na chayadauchixetüxêêgüxücêx i ngêma ingexetügüxü rû na íchananguxüxêêxücêx i ngêma duüxügü i togümêxêwa ngêxmagüxü. ¹⁹ Rû nüma choxü namu na duüxügümaã nüxü chixuxücêx na Tupana nüxü rüngüxêêchaüxü i ngêma nüxü yaxögüxü”,

ñanagürü ga yema ore. ²⁰ Rû yexguma ga Ngechuchu rû nügüna nananuxãchiátü ga popera. Rû ngutaquêxepataüãrü dauruüna nanaxã rû ñuxüchi ínarüto. Natürü guxüma ga yema ngutaquêxepataüwa yexmagüxü ga duüxügü rû nüxü narüdaunüêcha. ²¹ Rû yexguma ga Ngechuchu rû ínanaxügü ga na yadexaxü, rû ñanagürü: —Ñuxmatama nixü i pepêxewa Tupana yanguxêêxü i ñaã ore ga Ichaxía ümatüxü —ñanagürü. ²² Rû guxüma ga duüxügü rû meã Ngechuchuchiga nidexagü. Rû ñaãxãchiãêgü namaã ga yema ore ga mexü ga namaã nüxü yaxuxü. Natürü tama aixcüma nayaxögüchaü. Rû yemacêx nügüna nacagü

rü ñanagürügü: —¿Taux êxna daa yîixü ya Yúche nane? —ñanagürügü. ²³ Rü Ngechuchu rü ñanagürü nüxü: —Choma nüxü chacüxë rü tá chomaâ penaxuxuchi i ngëma ore i ñaxü:

“Pa Duturux ¡Cugütama rümexêê!” ñaxü. Rü êxna tá choxü ñaperügügü:

“Yema mexü ga taxü ga nüxü taxîñüxü ga Tupanaârü poramaâ cuxüxü ga Capernáüwa, rü tanaxwëxe i nuâ curü ñanewa rü ta na cunaxüxü”, ñaperügügü tá. ²⁴ Rü nayadaxêê ga Ngechuchu na yadexaü rü ñanagürü: —Aixcúma pemaâ nüxü chixu rü guxüma i Tupanaârü orearü uruü, rü norü ñanewatama i duüxügü rü tama meâ nanayaugü. ²⁵ —Rü aixcúma pemaâ nüxü chixu rü Iraéanewa rü nayexma ga muxüchixüma ga ngexügü ga iyutegüxü ga yexguma Eria maüxgu. Rü yexguma nixi ga tomaêxpüx ga tauneciarü ngâxü rü taguma napuxü, rü poraâcü nangüxü ga taiya ga guxü ga ñaa nachixüanewa. ²⁶ —Natürü ga Tupana rü tama wüxi ga Iraéanecüâx ga yutecüxütawa Eriaxü namu. Natürü ngixütawa nanamu ga yema yutecü ga Charépacüâx ga Chidáüârü ñanéârü ngaicamagu âchiücü. ²⁷ —Rü yexguma namaüxgu ga Erichéu, rü Iraéanewa nayexmagü ta ga muxüma ga duüxügü ga chaxünemaâ idaaweexü. Natürü taxuüma ga yema idaaweexü ga Iraéanewa yexmagüxü rü naxcëx nitaaneê. Rü Namáü ga Chíríaanecüâxícatama nixi ga guma naxcëx yataanecü —ñanagürü ga Ngechuchu. ²⁸ Rü yexguma yema orexü naxîñüëgu, rü guxüma ga yema duüxügü ga guma ngutaquêxepataüwa yexmagüxü rü poraâcü naxcëx nanuê. ²⁹ Rü inachigü ga duüxügü rü Ngechuchuxü ñatêxüchigü ga guma ñanewa. Rü guma mëxpüne ga guma ñane nawa yexmanechitaeruwa nanagagü na yéma yanataegüâxücëx. ³⁰ Natürü ga Ngechuchu rü norü ngâxütanüwa ñaxüxüâma, rü ñixü.

Wüxi ga yatü ga ngoxo nawa yexmaxüchiga
(Mr 1.21-28)

³¹ Rü yexguma ga Ngechuchu rü Gariréaaneârü ñane ga Capernáüwa naxü. Rü ngüxchigaarü ngunexügu yéma duüxügüxü nangüxêê. ³² Rü duüxügü rü nabaixächiaëgü namaâ ga norü nguxêëtae, yerü Tupanaârü poramaâ nidexa. ³³ Rü guma ngutaquêxepataüwa nayexma ga wüxi ga yatü ga ngoxo nawa yexmaxü. Rü aita yéma naxü, rü ñanagürü: ³⁴ —¡Тохна ixügachi! ¿Tüxcüü totanüwa cuxü, Pa Ngechuchux, Pa Nacharétucüâx? ¿Nuâ cuxü na toxü cudêixücëx? Choma cuxü chacuëx na Tupana Nane ya Üünecü na quüxü —ñanagürü. ³⁵ Rü Ngechuchu nananga ga yema ngoxo rü ñanagürü: —¡Iyarüngeëx rü ñaxüxü nawa ya yima yatü! —ñanagürü. Rü yexguma ga yema ngoxo rü duüxügüpêxegu nayanguxêê ga guma yatü, rü nawa ñaxüxü. Natürü tama nanapixêê. ³⁶ Rü guxüma ga duüxügü rü nabaixächiaëgü. Rü nügümücügümaächigü nachiga nidexagü, rü ñanagürügü: —¿Tacü rü ore nixi i ngëma? Erü ñaa yatü rü aixcúma ngëma ngoxogümaâ ñacuëx rü poraâcü nanamu. Rü nümagü rü naga naxîñüë, rü ñnaxoxü —ñanagürügü. ³⁷ Rü guxüwama ga yema naânewa rü Ngechuchuchigaxü nixugüe ga duüxügü.

Ngechuchu rü Chimáü ga Pedru nëxêcëx nayataanexêê
(Mt 8.14-15; Mr 1.29-31)

³⁸ Rü guma ngutaquêxepataüwa ñaxüxü ga Ngechuchu rü Chimáüpatawa naxü. Rü Chimáü nëxê rü poraâcü iyaxaxüne. Rü Ngechuchuna nacagüe ga ngixcëx na yataanexêêâxücëx. ³⁹ Rü nüma rü ngixütagu nayachi rü narümêxächi rü nananga ga yema axüne. Rü yexgumatama igèüxächi ga na yaxaxünexü. Rü yexgumatama írüda, rü naxcëx ñanexêê ga ñna.

Ngechuchu rü muxüma ga idaaweexücëx nayataanexêê
(Mt 8.16-17; Mr 1.32-34)

⁴⁰ Rü yexguma marü yanaxüchüaügu ga üëxcü, rü Ngechuchuxütawa nanagagü ga guxüma ga duüxügü ga nagüxüraüxü ga ñaaweanemaâ idaaweexü. Rü ga Ngechuchu rü wüxichigü ga yema duüxügüxü ñingögü, rü yemaâcü naxcëx nayataanexêêchigü. ⁴¹ Rü nanameêxêê ga muxüma ga duüxügü ga idaaweexü ga ngoxo nawa yexmagüxü. Rü yema ngoxogü rü aita naxüe, rü ñanagürügü: —Cuma nixi i Tupana Nane quüxü —ñanagürügü. Natürü ga Ngechuchu rü nayangagü ga yema ngoxogü. Rü nüxna nanachuxu ga na yadexagüxü, yerü yema ngoxogü rü nüxü nacüëxgü na Cristu yîixü.

Ngechuchu rü nanaxunagü ga ore ga mexü ga ngutaquêxepataüwachigü
(Mr 1.35-39)

⁴² Rü yexguma noxri yangóonegu rü yema ñanewa ñaxüxü ga Ngechuchu. Rü wüxi ga nachica ga taxüema íxâpataxüwa naxü. Natürü ga duüxügü rü naxcëx nadaugü rü düxwa naxütawa nangugü. Rü nüxü nacêëxügü ga tama na ñaxüxüxücëx ga yema norü naânewa. ⁴³ Natürü ga Ngechuchu rü ñanagürü nüxü: —Taxucürüwama petanügu charüxâüêcha erü chanaxwëxe na náigü ya ñanegüwa ngëxmagüxü i duüxügümaâ rü ta nüxü chixuxü na ñuxâcü âëxgacü yîixü ya Tupana. Erü woetama ngëmacëx nüma choxü namu —ñanagürü. ⁴⁴ Rü

yemaãcü Ngechuchu nüxü nixuchigü ga ore ga ngutaquëxepataügwachigü ga guxüma ga Gariréaanewa.

5

Muxüma ga choxni na inayauxüxüchiga (Mt 4.18-22; Mr 1.16-20)

¹ Rü wüxicana ga yexguma naxtaxa ga Yenecharétuanacüwa nayexmagu ga Ngechuchu, rü muxüma ga duüxüdü rü naxütawa nangugü. Rü düxwa yéma nayaxäütügü, yerü nüxü naxinüechaü ga Tupanaärü ore. ² Rü Ngechuchu yéma nüxü nadau ga taxre ga ngue ga ingeäcume. Rü guma nguegü rü naxnecüpechinüwa nanadagü, yerü ga püchaetanüxü rü nüxma yéma inachoü, yerü norü pücha niyauxgü. ³ Rü wüxi ga guma nguegu nixüe ga Ngechuchu. Rü guma ngue rü Chimáüärü nixü. Rü Chimáüna naca ga naxnecüpechinüärü ngäxütüwaxüra na nangeaxücëx. Rü guma nguewa narüto ga Ngechuchu. Rü yéma inanaxügü ga duüxüdü na nangüexëxü. ⁴ Rü yexguma yagüegagu ga Ngechuchu ga na yadexaxü, rü Chimáüxü ñanagürü: —jyéa inamátamaxüwa namaã naxá ya daa ngue. Rü ngema penatáe i perü pücha na choxnita piyauxgüxücëx! —ñanagürü. ⁵ Rü Chimáü nanangäxü, rü ñanagürü nüxü: —Pa Ngüexëëruüx, ngewëx rü guxü i chütaxü rü tapüchae, natürü taxuüma i choxni tiyaxu. Natürü ñuxma na choxü cumuxü rü wena táxaru íchanatáe i chorü pücha —ñanagürü. ⁶ Rü yexguma inatáegüägu ga norü pücha, rü muxüma ga choxni inayauxü. Rü düxwa narügäuxchaü ga norü pücha yerü namuxüchi ga choxni. ⁷ Rü naxmëxmaã náí ga nguewa yexmagüxü ga natanüxügücëx nacagü na nüxü yanangüxëgüxücëx. Rü yéma naxü ga yema natanüxügü ga naxcëx nacagüxü. Rü nanaxüacügü ga guma taxre ga ngue rü wixgutaëx inangutaügü yerü namuxüchi ga choxni. ⁸ Rü yexguma yemaxü nadëuxgu ga Chimáü ga Pedru, rü Ngechuchupëxegu nayacaxápüxü, rü ñanagürü nüxü: —jChoxna ixügachi! Pa Corix. Erü choma rü wüxi i duüxü i pecaduäxü chixü —ñanagürü. ⁹ Rü yema ñanagürü ga Chimáü yerü nüma rü guxüma ga natanüxügü rü namaã nabaixächiaëgü ga yema muxüma ga choxni na inayauxüxü. ¹⁰ Rü nabaixächiaëgü ta ga Chimáümücügü ga Chaütüagu rü Cuäü ga Zebedéu nanegü. Natürü Ngechuchu rü Chimáüxü ñanagürü: —jTäxü i cumuüxü! Erü ñuxmacürüwa rü tá choxü cupuracü na chauxütawa cunagagüxücëx i duüxügü —ñanagürü. ¹¹ Rü yexguma naxñacüwa namaã nangugüga ga naweügü, rü yéma nanawogü ga norü guxüma rü Ngechuchuwe narüxi.

Ngechuchu rü wüxi ga rüchaxünexücëx nayataanexëë (Mt 8.1-4; Mr 1.40-45)

¹² Rü yexguma wüxi ga yéma yexmagüne ga iñewa nayexmagu ga Ngechuchu, rü yéma naxütawa nangu ga wüxi ga yatü ga chaxünemaã idaawexü. Rü yexguma Ngechuchuxü nadëuxgu rü napëxegu nayacaxápüxü rü yexma nanangücuchi. Rü Ngechuchuxü nacëëxü, rü ñanagürü: —Pa Corix, ngëxguma cuma cunaxwëxegu, rü cuxü natauxcha na choxü curümexëëxü nawa i chorü daawe —ñanagürü. ¹³ Rü yexguma ga Ngechuchu rü nüxü ningögü, rü ñanagürü nüxü: —Ngü, chanaxwëxe. jRüme! —ñanagürü. Rü yexguma yema ñaxgu ga Ngechuchu, rü naxcëx nitaane ga yema yatü ga chaxüneäxü. ¹⁴ Rü Ngechuchu nanaxucüxë rü ñanagürü nüxü: —jDücëx, taxüemaatáma nüxü quixu, natürü paixü cügü yadauxëë na curümexü rü yanguxëë i ngéma Tupana Moíchéwa nüxü ixuxü na duüxügü nüxü cuäxücëx na marü curümexü nawa i curü daawe! —ñanagürü. ¹⁵ Natürü ga Ngechuchuchiga rü guxüwama ninguchigüama. Rü muxüma ga duüxügü rü naxcëx naxütaquëxegü na norü orexü naxinüëxücëx, rü naxcëx na yataaneëxëëäxücëx ga norü daawegüwa. ¹⁶ Natürü Ngechuchu rü ñuxguacü rü ngextá taxüema ixápataxüwa naxüxü. Rü yéma nayayumüxëxü.

Ngechuchu rü wüxi ga yatü ga nawäixächicücëx nayataanexëë (Mt 9.1-8; Mr 2.1-12)

¹⁷ Rü wüxi ga ngunexü Ngechuchu ingüxëëtaeyane, rü yéma narütogü ga ñuxre ga Parichëgü rü ñuxre ga ngüexëëruügü ga Moíchéarü mugümaã ngüxëëtaegüxü ga guxü ga Gariréaanearü iñaxëcügüwa ne íxü, rü Yudeaanewa ne íxü, rü Yerucharéüwa ne íxü. Rü Tupana rü poraãcü Ngechuchuwa inanawëx ga norü pora rü muxüma ga idaaweexü narümeëxëë. ¹⁸ Rü Ngechuchuxütawa nangugü ga ñuxre ga yatügü, rü naxcëx yéma nanangetaügü ga wüxi ga yatü ga nawäixächicü. Rü ípatagu nananגעuchitaügüchaü na Ngechuchupëxegu yaxütaügüäxücëx. ¹⁹ Natürü taxuacüma yexma nananגעuchitaügüéga, yerü namuxüchi ga duüxügü. Rü yemacëx íacëxwëxgu naxígü. Rü meäma Ngechuchu iyexmaxüëtüwa inapanogüäxügü ga guma ípata. Rü yéma duüxügütanüwa Ngechuchupëxewa inanachüxüetaügü ga guma nawäixächicü. ²⁰ Rü yexguma Ngechuchu nüxü dëuxgu ga na nüxü yaxögüäxü ga yema yatügü, rü ñanagürü guma nawäixächicüxü: —Pa Chaunex, marü cuxü nüxü changechaü i curü pecadugü —ñanagürü. ²¹ Natürü yema ngüexëëruügü

ga Moichéarü mugüarü nguxêëtaeruüü rü Parichéugü, rü nagu narüxñüë, rü nügüäëwa ñanagürüü: —¿Tacü nixi i ñaã yatü ecëx Tupanamaã chixexü yaxugüxü? Erü taxüema pora tüxü nangëxma na duüxügüaxü pecaduxü tangechaüxü. Rü Tupanaxicatama nixi ya nüxü nangëxmacü i ngëma pora —ñanagürüü naäëwa. ²² Natürü ga Ngechuchu rü nüxü nacüëx ga tacüü na ínaxñüëxü. Rü yemacëx ñanagürü nüxü: —¿Tüxcüü ngë-magu perüxñüë i pemax? ²³ —¿Tacü nixi irütauxchamaëxü na namaã nüxü ixuxü ya daa yatü ya nawäixächicü:

“Curü pecadugü rü marü cuxü nüxü changechaü”, rü êxna:

“¡Inachi rü íixü!” ñágüxü nüxü? ²⁴ —Natürü ñuxma rü tá pexü nüxü chadauxëë na Chaunatü núma choxü muxü na duüxügüaxü nüxü changechaüxücëx i norü pecadugü —ñanagürü. Rü yexguma yema ñaxguwena rü guma nawäixächicüxü ñanagürü: —Cumaã nüxü chixu rü inachi, rü nayaxu i curü caruü, rü cupatawa naxü! —ñanagürü. ²⁵ Rü yexgumatama guxü ga duüxügüpëxewa inachi ga guma nawäixächicü. Rü nanayaxu ga norü caruü ga nagu nacaxü. Rü Tupanaxü yacuëxüüchigüäcúma napatawa naxü. ²⁶ Rü guxüma ga duüxügü rü nabaixächíäëgü. Rü Tupanaxü nicuëxüüü. Rü poraäcü namuüëäcúma ñanagürüü: —Ñuxma rü nüxü tadaugü i ñuxre i Tupanaärü puracügü i aixcúma mexëchixügü —ñanagürüü.

*Lebicëx naca ga Ngechuchu
(Mt 9.9-13; Mr 2.13-17)*

²⁷ Rü yemawena ga Ngechuchu rü ínaxüxü ga guma íwa. Rü wüxi ga yatü ga Dumaärü äëxgacücëx díeru ngíxü ideetanüxüxütawa naxüpetü. Rü guma yatü rü Lebí nixi ga nagega. Rü yéma díeru ngíxü ínaxëxüwa narüto. Rü Ngechuchu rü ñanagürü nüxü: —¿Chowe rüxü! —ñanagürü. ²⁸ Rü inachi ga Lebí, rü yéma nanatëx ga norü guxüma, rü Ngechuchuwe naríxü. ²⁹ Rü yixcama ga Lebí rü Ngechuchucëx napatawa wüxi ga taxü ga óna naxü. Rü muxüma ga yatügü ga Lebírüü díeruarü degüwa puracüëxü, rü muxüma ga togü ga duüxügü rü ta yéma mechawa narütögü. ³⁰ Natürü ga yema Parichéugü rü ngüxëëruüü ga Moichéarü mugüarü nguxêëtaeruüü, rü inanaxüë na Ngechuchuarü ngüxügüchigagu chixri yadexagüxü. Rü ñanagürüü: —¿Tüxcüü wüxiwa pechibü rü namaã pexaxegü i ngëma yatügü i Dumaärü äëxgacücëx díeru ngíxü dexü rü ngëma pecaduäxgüxü? —ñanagürüü. ³¹ Rü Ngechuchu nanangäxü, rü ñanagürü nüxü: —Ngëma poraëxü rü taxucëxma duturu nanaxwëxegü, natürü ngëma ídaaweëxü nixi i duturu naxwëxegüxü. ³² —Choma rü tama mexüçüna na chaxuxücëx nixi i núma chaxüxü, natürü pecaduäxgüxüna na chaxuxücëx nixi i núma chaxüxü na ngëmaäcü nüxü naxoëxücëx i nacümagü i chixexügü rü Tupanawe naxíxü —ñanagürü.

*Ngechuchuna nacagüë ga aurechiga
(Mt 9.14-17; Mr 2.18-22)*

³³ Rü yexguma Ngechuchuna nacagüë ga duüxügü, rü ñanagürüü: —Cuäü ya baiüxëëruüärü ngüëxügü rü Parichéugüarü ngüëxügü rü nayümüxëgüëcha, rü muëxpüçüna rü naxauree rü tama nachibüë erü Tupanagü narüxñüë. Natürü i curü ngüëxügü, rü guxügüma nachibüë rü naxaxegümare —ñanagürüü. ³⁴ Natürü ga Ngechuchu rü nanangäxü, rü wüxi ga ore ga nügüchigaxütama namaã nixu, rü ñanagürü: —¿Êxna wüxi i ngígüarü petawa rü pexcëx namexü na penaxaurexëëxü i ngëma nüxna naxugüxü ega natanüwa nangëxmagu i ngëma yatü i ngexwacëx ämaxü? Rü tama nixi. ³⁵ —Natürü wüxi i ngunexü rü ngëma yatü i ngexwacëx ämaxü, rü tá namüçügüna nixügachi. Rü ngëma ngunexüga tá nixi i aixcúma naxaureëxü i namüçügü —ñanagürü. ³⁶ Rü yexguma ga Ngechuchu rü namaã nüxü nixu ga wüxi ga ore ga yema duüxügücúma ga nuxcümaüxüchiga rü noxrütama nguxëëtae i ngexwacaxüüchiga. Rü ñanagürü: —Taxüema wüxi i ngexwacaxüü i naxchiruta tyo na namaã tanapaitaxüçëx i wüxi i naxchiru i marü ngauxü. Erü ngëxguma ngëmaäcü tanaxüxgu rü tanachixexëë i ngëma naxchiru i ngexwacaxüü. Rü ñuxüchi ngëma natüchi i ngexwacaxüü rü tama nüxü nayatäxüü i ngëma naxchiru i marü ngauxü. ³⁷ —Rü ngëxgumarüü ta rü taxüema ngexwacaxüü ya binu rü nagu tayabacuchi i wüxi i naxchiü i marü ngauxü i naxchëxmünaxcëx. Erü ngëxguma ngëmaäcü naxüxgu rü yima binu ya ngexwacaxüü rü tá narüngu, rü tá nayawäixëë i ngëma naxchiü i ngauxü i naxchëxmünaxcëx. Rü ngëxma tá nayarütaxu ya binu rü ngëma naxchiü rü ta. ³⁸ —Rü ngëmacëx tanaxwëxe na yima ngexwacaxüü ya binu rü ngexwacaxüü i naxchiügu yabacuchixü. Rü ngëmaäcü rü taxuütama inayarütaxu. ³⁹ —Rü taxüema ya texé ya tümamaã yaxüxe na ngüchiacü ya binu tayaxaxüü rü tüxü nangüchaü na tayaxaxüü ya binu ya ngexwacaxüü ya maücuracü. Rü ngëxgumarüü ta nixi i ngëma duüxügü i marü namaã yaxüxü i nuxcümaüxü i nacüma i chixexü rü tama nanayauxgüchaü i ngëma mexü i nguxëëtae i ngexwacaxüü —ñanagürü ga Ngechuchu.

6

Ngechuchuarü ngüexüğü rü trigu nicãütanü ga ngüxchigaarü ngunexüğü
(Mt 12.1-8; Mr 2.23-28)

¹ Rü wüxi ga ngüxchigaarü ngunexüğü rü Ngechuchu rü norü ngüexüğümaã trigunecüwa nachopetü. Rü norü ngüexüğü rü inaxiãcüma yoxocüne trigu nicãütanü. Rü naxmëxmaã nanadaxi ga trigu rü nayangöetanü. ² Rü ñuxre ga Parichéugü rü yema ngüexüğüna nacagü, rü ñanagürüğü: —¿Tüxcüü ngüxchigaarü ngunexüğü penabuxi i trigu? Erü ngüxchigaarü ngunexüğü rü nachuxu na texé puracüxü —ñanagürüğü. ³ Rü Ngechuchu nanangãxü, rü ñanagürü: —¿Taguma êxna poperawa nüxü pedau ga ñacü na naxüxü ga nuxcümaücü ga âëxgacü ga Dabí ga yexguma nataiyagu ga nüma rü natanüxüğü? ⁴ —Rü Tupanapatagu naxücu rü nüxü nadau ga yema pâü ga üünexü ga yexma nüxü. Rü yema pâü rü nachuxu ga ngerüxemare na nangöxü, rü paigücëxicatama nixi. Natürü Dabí nanayaxu ga yema pâü rü nanangöx, rü natanüxümaã rü ta nangau —ñanagürü. ⁵ Rü ñanagürü ta ga Ngechuchu: —Tupana Nane ya duüxüxü ixicü rü namaã inacüx i ngüxchigaarü ngunexü —ñanagürü.

Wüxi ga yatü ga yumécüchiga
(Mt 12.9-14; Mr 3.1-6)

⁶ Rü to ga ngüxchigaarü ngunexüğü rü Ngechuchu rü ngutaquëxepataügu naxücu. Rü inanaxüğü ga na nangüxëtaexü. Rü yéma nayexma ga wüxi ga yatü ga norü tügünewa yumécü. ⁷ Rü yema ngüexëerüüğü ga Moíchéarü mugüwa ngüxëtaegüxü rü Parichéugü, rü Ngechuchuxü nangugüğü ngoxita ngüxchigaarü ngunexüğü guma yumécüxü namexëe, yerü naxcëx nadaugü ga ñuxãcü norü âëxgacügüxütawa na ínaxuaxüğüãxü. ⁸ Natürü nüma ga Ngechuchu rü nüxü nacüx ga yema naãëwa nagu naxinüxü ga yema yatüğü. Rü yemacëx guma yumécüxü ñanagürü: —¿Írüda rü nuxã ngãxütanügu yachi! —ñanagürü. Rü guma yumécü rü inachi rü norü ngãxütanügu nayachi. ⁹ Rü yexguma ga Ngechuchu rü nüma naca ga yema Parichéugü rü yema mugüwa ngüxëtaegüxü, rü ñanagürü nüxü: —¿ñacü nixi i ngema mexü ixüxü i ngüxchigaarü ngunexüğü? ¿Rü ngema mexü rü êxna chixexü? ¿Rü namexü i na namaxëëxü rü êxna yamáxü? —ñanagürü. ¹⁰ Rü yexguma Ngechuchu nüxü nidaugüãchi ga yema duüxüğü ga yéma yexmagüxü. Rü guma yumécüxü ñanagürü: —¿yanawëxãchixëë ya cuxmëx! —ñanagürü. Rü guma yatü rü nügü inayarüwëxãchixëë, rü narümemëx. ¹¹ Natürü yema Parichéugü rü ngüexëerüüğü ga Moíchéarü mugüwa ngüxëtaegüxü, rü poraãcü nanuë. Rü nügü nixucüxëgü na ñuxãcü tá Ngechuchuxü na yamëxgüxü.

Ngechuchu nanade ga 12 ga norü ngüexüğü na tóxnamana namugüãxülcëx
(Mt 10.1-4; Mr 3.13-19)

¹² Rü yexguma ga Ngechuchu rü dauxchitawa, wüxi ga mëxpünewa naxü na yéma yayumüxëxcëx. Rü guxü ga yema chütaxügu rü yéma nayumüxë. ¹³ Rü yexguma yangóonegu, rü Ngechuchu norü ngüexügücëx naca. Rü natanüwa nayadexechi ga 12. Rü yema nixi ga yatüğü ga Ngechuchu nüxü unetagüxü na tóxnamana nangegüãxülcëx ga norü ore. ¹⁴ Rü yema yatüğü ga nadexü rü Chimáü ga Pedrugu nanaxüega nixi ga wüxi. Rü to nixi ga Auðré ga Chimáü naëneë, rü Chaütiágu rü Cuáü, rü Piriipi, rü Baturumë, ¹⁵ rü Mateu, rü Tumachi, rü Chaütiágu ga Arupéu nane rü Chimáü ga iporaãcücü, ¹⁶ rü Yuda ga Chaütiágueneë, rü Yuda Icarüite ga yixcama Ngechuchuxü íxuaxüxü naëchita.

Ngechuchu rü muxüma ga duüxügüxü nangüexëë
(Mt 4.23-25)

¹⁷ Rü Ngechuchu rü yema yatüğü ga nadexümaã ínarüxüğü nawa ga guma mëxpüne. Rü wüxi ga nachica ga ínemetachinüãnexüwa nayachaxãchitanü. Rü yéma nayexmagü ga muxüma ga duüxüğü ga guxü ga Yudeanewa ne íxü, rü Yerucharéüwa ne íxü, rü taxtü ga taxüãnactüwa ga Chidáüwa rü Tiruwa ne íxü. Rü yéma naxi yerü Ngechuchuxü naxinüëchaü, rü nanaxwëxëgü ga Ngechuchu na nameëxëëxü ga norü ñawegüwa. ¹⁸ Rü yema duüxüğü ga chixexü ga naãë nawa yexmagüxü rü ta naxcëx nitanegü. ¹⁹ Rü guxüma ga duüxüğü rü Ngechuchuxü ningögügüchaü, yerü norü poramaã nanameëxëë.

Duüxüğü i taãëgüxüchiga rü duüxüğü i ngechaügüxüchiga
(Mt 5.1-12)

²⁰ Rü yexguma Ngechuchu rü norü ngüexügüxü nadawenü, rü ñanagürü nüxü: —¿Petaãëgü i pema ya ingearü ngëmaxüãxgüxe! Rü Tupana âëxgacü íxixüwa rü pema rü tá ta pexãchica. ²¹ —¿Rü petaãëgü i pema i ñuxma taiyaexe! ¿Rü tá meãma pingãxcharaügü! ¿Rü petaãëgü i pema i ñuxma auxexe! Rü yixcama rü tá pecugüe. ²² —¿Rü petaãëgü i pema i ngëxguma duüxüğü pexchi aiegu, rü pexü ínawüxgu, rü ñacü pemaã yaxugüegu, rü chaugagu chixri pechiga yadexagügu! ²³ —Rü ngëxguma ngëma pexü üpetügu, rü

¡petaãëgüama rü tama pexoegaãëgü! Erü daxügüxü i naãnewa rü tá penayauxgü i wüxi i perü ämare i mexëchixü. Rü dücax, ñaã duüxügü i ñuxma pexchi aiexüärü oxigü rü yexgumarüü ta nixi ga naxchi na naxaieüxü ga nuxcümaügüxü ga Tupanaärü orearü uruügü. ²⁴—Natürü wüxi i ngechaü tá nixi i pexcëx i pema ya muärü ngëmaxüãxgüxe erü nüma ñoma i naãnewa rü marü petaãëgü. ²⁵—Rü wüxi i ngechaü tá nixi i pexcëx i pema ya marü ingaxcharaügüxe erü tá petaiyae. Rü wüxi i ngechaü tá nixi i pexcëx i pema i ñuxma marü cügüaxe, erü yixcama rü perü ngechaümaã tá pexauxe. ²⁶—Rü wüxi i ngechaü tá nixi i pexcëx i ngëxguma guxüma i duüxügü pexü icuëxüügügu. Erü ngëma duüxügü i ñuxma pexü icuëxüügüxüärü oxigü rü yexgumarüü nüxü nicuëxüügü ga nuxcümaügüxü ga orearü uruügünetä.

Name nixi i nüxü tangechaü i ngëma tamaã rüxüwanügüxü!
(Mt 5.38-48, 7.12)

²⁷—Natürü pema i ñuxma na choxü pexüñüexü rü pemaã nüxü chixu rü: —¡Nüxü pengechaü i ngema pemaã rüxüwanügüxü! ¡Rü meã nüxü perüngüxëëx i ngëma pexchi aiexü! ²⁸—¡Rü meã nachiga pidexagü rü naxcëx ípeca i Tupanaärü ngüxëë naxcëx i ngëma pemaã guxchigagüxü! ¡Rü naxcëx peyumüxëgü i ngëma chixri pechigamaã idexagüxü! ²⁹—Rü ngëxguma texé cumaã nuxgu rü cuxü tapechiwegu rü name nixi i tama cuxütanü ega woo curü tochiwewa rü ta cuxü tapechiwegu. Rü ngëxguma texé cuxü napuarü gáuxüchiruãxgu, rü name nixi i tüxü cungechaüãma ega woo curü daxü rü ta cuxna tanapuxgu. ³⁰—¡Rü tüxna naxá ya texé ya curü ngëmaxüçëx íçaxe! Rü ngëxguma texé curü ngëmaxü cuxna napuxgu, rü tama name i naxcëx cungema. ³¹—Rü ngëma mexü i pema pena-xwëxexü na togü pemaã naxüxü, rü name nixi i pema rü ta ngëmaãcü mexü namaã pexü. ³²—Rü ngëxguma pema rü ngëma duüxügü i pexü ngechaüxüxüxícatama pengechaügu, rü çtacüwa namexü i ngëma? Erü ngëma duüxügü i tama yaxögüxü rü ngëmaãcü nanaxügü. ³³—Rü ngëxguma ngëma duüxügü i cuxü rüngüxëëxüxícatama curüngüxëëgu, rü çtacüwa namexü i ngëma? Erü ngëma duüxügü i tama yaxögüxü rü ngëmaãcü nanaxügü. ³⁴—Rü ngëxguma ngëma duüxügü i ixãärü diëruãxünaXícatama cunaxãxgu i curü diëru, rü çtacüwa namexü i ngëma? Erü ngëma duüxügü i tama yaxögüxü rü ngëmaãcü nanaxügü, erü nüxü nacuëxü rü tá nüxü nanataeguxëë i ngëma diëru. ³⁵—Natürü pema rü name nixi i nüxü pengechaü i ngema pemaã rüxüwanügüxü, rü nüxü perüngüxëë. Rü ngëxguma facüçëx pexna nacaxgu, rü name nixi i tama pexoegaãëacüma nüxna penaxá ega woo nagu perüxüñüëgu na ngürüächí tãütãma pexü nataeguxëëãxü. Erü ngëxguma ngëmaãcü penaxüxgu, rü Tupana rü ngëmaärü yexera tá poraãcü pexü nanataeguxëë, rü naxãcügü tá pixígü ya yima Tupana ya Poraxüchicü ya nüxü rüngüxëëcü ta i ngëma taguma moxë nüxna ägüxü rü ngëma chixecümagüxü. ³⁶—Rü pema rü name nixi i pengechaüwaxegü, ngëma Penatü ya Tupana na ngechaüwaxexürü.

Tama name i chixexügu namaã perüxüñüe i togü
(Mt 7.1-5)

³⁷—¡Rü taxü i togüxü pixuxü! Rü ngëxguma ya Tupana rü täxütãma pexü nixu na pechixexü. ¡Rü taxü i poxcu namaã pexueguxü i togü! Rü ngëxguma ya Tupana rü täxütãma poxcu pemaã naxuegu. ¡Rü nüxü nüxü perüngümae i norü chixexü i togü! Rü ngëxguma ya Tupana rü tá pexü nüxü narüngüma i perü chixexü. ³⁸—¡Rü togümaã pengau i perü ngemaxügü! Rü ngexguma ya Tupana rü tá pexna nanaxã. ³⁹—Rü ñoma wüxi i choca i meãma napaxürü rü meama ípoçucüxürü tá Tupana pexna nanaxã. Erü ngema nguruxü i namaã cumüçüna cuxãxü i curü ngemaxü rü ngematama nguruxümaã tá Tupana cuxna nanaxã —ñanagürü. ³⁹ Rü Ngechuchu rü ñaã cuëxruü norü ngüexügümaã nixu, rü ñanagürü: —¿Ñuxãcü i wüxi i ngexetüxü rü to i ngexetüxüxü namaxü nacuëxëëxü? Erü ngëma taxre i ngexetüxü rü wüxi i äxmaxügu tá nügümaã nayayicu. ⁴⁰—Rü taxüma i ngüexü rü norü ngüexëëruüxü narüyexera. Natürü ngexguma meã nanguxgu rü tá naxrüxü nixi ya norü ngüexëëruü. ⁴¹—¿Rü tüxcüü nachiga quidexa i cumüçü naxcëx i ngëma íraxü i chixexü i naxüxü natürü tama cügütama cungügü naxcëx i ngëma chixexü i taxü i cuxüxü? ⁴²—Rü ngëxguma tama nüxna cucuëxãchigü i ngëma chixexü i taxü i cumatama cuxüxü, rü çñuxüçürüwa i nagu curüxüñüxü na cunamexëëxü i ngëma cumüçüarü chixexü i íraxü? Pa Duüxü i Meã Maxnetaxüx, name nixi i cuxira nüxü curüxo i ngëma chixexü i taxü i cumatama cuxüxü, rü ngëxguma tá cume na nüxü curüngüxëëxüçëx i cumüçü na nüxü naxoxüçëx i ngëma chixexü i íraxü i naxüxü.

Wüxi i nanetü rü norü owa nixi i nüxü icuáxü
(Mt 7.17-20, 12.34-35)

⁴³—Nataxuma i nanetü i mexü i chixearü oóxü. Rü nataxuma i nanetü i chixexü i meärü oóxü. ⁴⁴—Rü wüxichigü i nanetü rü norü owa nixi i nüxü icuáxü. Rü wüxi i torawa rü taxucürüwama wüxi i orix i imüxü tayaxu. Rü wüxi i chuxchuxüwa rü taxucürüwa uba tayaxu. ⁴⁵—Rü wüxi ya mecü ya yatü rü mexü i orexü nixu, erü naãëwa rü aixcüma mexügu

narüxînu. Natürü wüxi i yatü i chixecümaxü rü chixexü i orexü nixu, erü chixexügu narüxînu. Rü ngëma naäëwa ngexmaxü i chixexü nixi i nüxü yaxuxü.

Īpata ya nutaétiugu üxüñe rü ĩpata ya naxnücüétiugu üxüñechiga
(Mt 7.24-27)

⁴⁶ –¿Tüxcüü i pema rü: “Pa Torü Corix” ñaperügü choxü, natürü tama penaxü i ngëma pemaã nüxü chixuxü? ⁴⁷ –Rü ñuxma tá pemaã nüxü chixu na ñuxacü tixü ya yixema chowe rüxüxë rü choxü ñnuxë rü naxüxe i ngëma tümamaã nüxü chixuxü. ⁴⁸ –Rü tüma rü wüxi ga yatü ga üpatacü rü yamëxmaücü ga norü caxta ñuxmata nutawa nangucürüü tixi. Rü yexguma namëxgu ga taxtü rü yabaixügu ga napata, rü woo ga na naporauçhiüxü, rü tama niwëxtaü, yerü meëma inapugüarü caxtaãx ga guma ĩ. ⁴⁹ –Natürü yixema nüxü ñnumarexe i chorü ore natürü tama naxüxe i ngëma tümamaã nüxü chixuxü, rü wüxi ga yatü ga naxnücüétiugumare üpatacürüü tixi. Rü yexguma namëxgu ga taxtü, rü nibaixü ga napata, rü naporauçhiü. Rü niwëxtaü ga napata, rü yexma nayarüxo ga guma ĩ.

7

Ngechuchu rü Dumacüãx ga churaragüarü äëxgacüarü duüxüxü narümejëë
(Mt 8.5-13)

¹ Rü yexguma nüxü nachauxgu ga duüxügümaã na yadexaxü ga Ngechuchu, rü Capernáüwa naxü. ² Rü yëma nayexma ga wüxi ga churaragüarü capitáü ga Dumacüãx. Rü guma capitáü rü nüxü nayexma ga wüxi ga norü duüxü ga poraãcü nüxü nangechaüxü. Rü yema norü duüxü rü niäaawe, rü naturaxüchi. ³ Rü yexguma Ngechuchuxü naxñüchigagu ga guma capitáü, rü Ngechuchuxütawa nanamugü ga ñuxre ga Yudiügüarü äëxgacügüerugü. Rü ñanagürü nüxü: –Ñgema Ngechuchuxütawa pexi na nüxü pecëxügüxcëx rü núma naxü na chorü duüxüxcëx yanataanëxëëxüxcëx! –ñanagürü. ⁴ Rü Ngechuchuxütawa naxi, rü poraãcü nüxü nacëxügü, rü ñanagürügü: –Name nixi i nüxü curüñgüxëë ya torü capitáü. ⁵ –Erü núma rü guxü i Yudiügüxü nangechaü. Rü nümatama nanaxütanü na naxügüãxüxcëx ga torü ngutaquëxepataü –ñanagürügü. ⁶ Rü yexguma ga Ngechuchu rü nawe narüxü. Natürü yexguma marü capitáüpataxü yangaicagu, rü núma ga capitáü rü Ngechuchucëx yëma nanamu ga ñuxre ga namücügü na namaã nüxü yanaxugüxcëx ga norü ore ga ñaxü: –Pa Corix, tama cuxü chachixewechaü na chopatawa cunguxü erü choma rü taxuwa chame na chopatagu na cuxücuxü. ⁷ –Rü ngëmacëx nixi i tama chomatama cuxcëx chayaçaxü. Rü chanaxwëxe i curü orewaxicatama nüxü qixu na naxcëx yataanëxü tá i chorü duüxü. ⁸ –Erü choma rü ta chorü äëxgacümëxëwa changëma, rü choxmëxwa nangëxmagü ta i ñuxre i churaragü. Rü ngëxguma chanamüxgu i wüxi na ngextá naxüxcëx, rü ngema naxü. Rü ngëxguma chaugüxütawa naxcëx changemagu i to, rü chauxütawa nangu. Rü ngëxguma chorü duüxüxü chamüxgu na ñacü na naxüxcëx, rü choxü nanaxü –ñanagürü. ⁹ Rü núma ga Ngechuchu rü yexguma nüxü naxñügu ga yema capitáüãrü ore rü nabaixächiaë. Rü yema duüxügü ga nawe rüxüxü nadawenü, rü ñanagürü: –Aixcüma pemaã nüxü chixu rü taxuüma i Yudiügütanüwa nüxü ichayangau i wüxi i duüxü i ngëma yatürüü aixcüma yaxöxü –ñanagürü. ¹⁰ Rü yexguma nawoegugu ga yema capitáümücügü ga Ngechuchuxütawa namugüxü, rü nüxü ñayangaugü ga marü naxcëx na yataanëxü ga yema capitáüãrü duüxü.

Ngechuchu ñnanadaxëë ga wüxi ga yutecü ngïne

¹¹ Rü yemawena ga Ngechuchu rü wüxi ga iãne ga Naïgu äeganewa naxü. Rü nawe narüxi ga norü ngüxügü, rü muxüma ga togü ga duüxügü. ¹² Rü yexguma guma iãneãrü ngaicamana nanguxgu, rü tüxü nadau ga wüxi ga yueta ga tëxgüwa tüxü nangegüxe. Rü guxema yuetaarü mamá rü tayute rü guma yucü rü guxicatama nixi ga tümane ixüci. Rü muxüma ga duüxügü ga guma iãnecüãx rü tüxü ñinxümücügü. ¹³ Rü yexguma Cori ga Ngechuchu guma yucüarü mamaxü dëuxgu, rü nüxü ingechaütümüü. Rü ñanagürü ngixü: –¿Tãxü i cuxaxuxü! –ñanagürü. ¹⁴ Rü yexguma ga Ngechuchu rü yuetacëx nixü, rü nüxü ningögü ga tümachiü. Rü yema tüxü ingetaügüxü rü tümamaã ñnayachiãchitanü. Rü ñanagürü ga Ngechuchu tüxü ga guxema yueta: –Pa Ngextüxcüx, jirüda! –ñanagürü. ¹⁵ Rü yexguma ga guxema yuchirëxe rü itarüto, rü itanaxügü ga na tidexaxü. Rü Ngechuchu rü tümameã tüxü namu. ¹⁶ Rü yexguma yemaxü nadaugüga duüxügü, rü guxüma namuüë. Rü ñnanaxügü ga Tupanaxü na yacuëxügüxü. Rü ñanagürügü: –Wüxi i Tupanaãrü orearü uruü i poraxü tatanüwa nangox. Rü ñanagürügü ta: –Tupana nuã naxü na norü duüxügüxü yanangüxëëxüxcëx –ñanagürügü. ¹⁷ Rü guxüma ga Yudëaanewa rü norü ngaicamana, rü duüxügü nüxü nacüachigagü ga yema Ngechuchu üxü.

Cuãü ga baiüxëëruü rü Ngechuchuxütawa nanamugü ga taxre ga norü duüxügü
(Mt 11.2-19)

18 Rū Cuáú ga baiúxēeruú rú nūxú nacuáchiga ga guxúma ga yema Ngechuchu úxú, yerú norú nguéxúgü ga Cuáú rú namaá nūxú nixugú. Rú yemacèx ga Cuáú tú taxre ga norú nguéxúgücèx naca. 19 Rú Ngechuchuxútawa nanamugú. Rú Cuáú rú ñanagúru nūxú: — ¡Ngema pexí rú Ngechuchuna peca rú ñapegúgü nūxú: “¿Cuma yíixú i Cristu i cuxú ítananguxéxú, rú éxna to tá yixí i Cristu?” ñapegúgü nūxú! 20 Rú yema yatúgü ga Cuáú Ngechuchuxútawa mugúxú, rú Ngechuchucèx naxí. Rú ñanagúruú nūxú: — Cuáú ya baiúxēeruú núma cuxútawa toxú namugú na cuxna tayacagúxúcèx rú ¿aixcúma cuma quíixú i Cristu ya núma ngxuchaúcü, rú éxna to tá yixí i Cristu? —ñanagúruúgü. 21 Rú yexgumatama Ngechuchuxútawa nangugúga Cuáúárú nguéxúgü, rú Ngechuchu nanameéxéé ga muxúma ga duúxúgü ga nagúxúraúxú ga daawemaá idáawexú rú yema ingoxoáxú. Rú nayadauchigúxéé ga muxúma ga ingexetúxú. 22 Rú yemacèx Ngechuchu nanangáxú rú ñanagúru: — ¡Pewoegu rú Cuáúmaá nūxú peyarúxu i ngéma pematama nūxú pedauxú rú nūxú pexínúéxú! ¡Rú namaá nūxú pixu i ñuxácú i ngéma ingexetúxú rú marú nidauchigú, rú ngéma ichixeparaxú rú marú inachigú, rú ngéma chaxúneáxgúxú rú marú naxcèx nitaanegú, rú ngéma ngauchixégúxú rú marú ningoxnamachixégú, rú ngéma yuexú rú wenaxáru namaxé, rú ngéma ingearú ngémaxúáxúmaá rú marú nūxú tixu i Tupanaáru ore i mexú! 23 —Rú tataáé ya yíxema texé ya tama choxú rúxoxe —ñanagúru ga Ngechuchu. 24 Rú yexguma nawoexgugú ga yema duúxúgü ga Cuáú yéma mugúxú, rú Ngechuchu inanaxúgü ga guma Cuáúchiga na yadexaxú. Rú duúxúgúmaá nūxú nixu, rú ñanagúru: — ¿Tacú nixí ga pema ípeyadaugúxú ga dauxchitawa ga taxúema íxápataxúwa? ¿Éxna wúxi ga yatú ga turaxú ga ñoma dexne ga buanecú yaxíáxtanúcüúxéécúruú íixú nixí ga ípeyadaugúxú? 25 —Rú éxna tama guma ípeyadaugúga, ¿rú tacú nixí ga ípeyadaugúxú? ¿Éxna wúxi ga yatú ga poraácú núgü ngéxáécú ípeyadaugú? Pema nūxú pecuèx i ngéma poraácú núgü ngéxáégúxú rú áxgacúgü ya tacúgúpatawa nangéxmagú, rú taxucéxna dauxchitawa nangéxmagú. 26 —¿Tacú éxna nixí ga ípeyadaugúxú? ¿Éxna wúxi ga Tupanaáru orearú uruú? Ngémaácú aixcúma yema nixí ga ípeyadaugúxú. Rú pemaá nūxú chixu rú Cuáú ya baiúxēeruú rú tama wúxi i nguéxúruúxú i Tupanaáru orearú uruú nixí. 27 —Rú Cuáúchiga nixí ga naxúmatúxú ga yema Tupanaáru ore ga ñaxú:

“Cupéxegu chayamu i chorú orearú ngerú na cuxcèx namexééáxúcèx i duúxúgúarú maxú”, ñaxú. 28 —Rú pemaá nūxú chixu rú guxú i duúxúgútanúwa rú nataxuma i Tupanaáru orearú uruú i Cuáú ya baiúxēeruúárú yexera. Natúru yíxema Tupana áxgacú íixúúwa wixwexúchi úxe, rú Cuáúárú yexera tixí —ñanagúru. 29 Rú guxúma ga duúxúgü rú woo yema yatúgü ga Dumaáru áxgacúcèx díeru ngíxú ideetanúxú, rú nūxú naxínúé ga yema Ngechucharú ore rú ñuxúchi Tupanaxú nicuèxúgü yerú nūxú nicuèxáchantú na aixcúma mecú yíixú ga Tupana. Rú yema nixí ga duúxúgü ga úpaacú Cuáú íbaiúxééxú. 30 Natúru yema Parichéugú rú yema nguéxéeruúgü ga Moichéarú mugúwa ngxuètaegúxú rú tama nanaxwèxegú ga Cuáú na ínabaiúxééxú. Rú yemaácú nūxú naxoe ga yema mexú ga Tupana naxcèx úxchaúxú. 31 Rú núma ga Cori ga Ngechuchu rú ñanagúru: — ¿Tacúga tá chanangu i ñomaúcúú maxéxú i duúxúgü? ¿Rú nanañacúraúgü? 32 —Rú ñaá duúxúgü rú taxuxúmaáma nataáégü ngéxgumarúú i gema buxúgü i íáxtúwa rútoqúxú, rú íxínúcèxwèxégúxú, rú tagaácú namúcúgúxú ñagúxú:

“Marú wowerumaá pexcèx tapaxetagú natúru tama ípixúáchantúxú. Rú marú ngechaúxú i yuyaegu pexcèx tawiyaegú natúru tama pexauxe”, ñagúxú. Rú ngéma buxúgúruú taxuxúmaáma nataáégü i ñomaúcúú i duúxúgü. 33 —Yerú ga Cuáú ga baiúxēeruú rú núma naxú, rú tama páu nangóx rú tama binu nayaxaxú. Rú yexguma ga pema rú: “Nangoxoáx” ñaperúgü nūxú. 34 —Rú ñuxúchi núma chaxú i choma ya Tupana Nane na duúxúxú chíixú, rú óna changóx rú binu chayaxaxú. Rú ngéxguma i pema rú ñaperúgügü choxú:

“Choma rú chataanúxúchi rú changáxwèxe, rú pecaduá x-gúxú i duúxúgúmaá chaxámúcú, rú yatúgü i Dumaáru áxgacúcèx díeru ngíxú ideetanúxúmaá chaxámúcú”, ñaperúgügü choxú. 35 —Natúru Tupanaáru cuèx rú meáma nangox túmawa ya yíxema aixcúma nawe rúxíxé —ñanagúru ga Ngechuchu.

Ngechuchu rú Chimáú ga Parichéupatawa nayexma

36 Rú wúxi ga Parichéu rú Ngechuchuna naxu na napatawa nachibúxúcèx. Rú yéma naxú ga Ngechuchu rú yema Parichéuarú mechawa nayarúto. 37 Rú wúxi ga ngecú ga chixri maúxcú ga guma íanecúáx, rú yexguma nūxú nacuáchigagu na Parichéupatawa tá na nachibúxú ga Ngechuchu, rú yéma íxú. Rú yéma inange ga wúxi ga pumara ga yixixú ga wúxi ga butiya ga nutanaxcèxmaá áxchiúxú. 38 Rú naxauxácúma Ngechuchucutúxútawa iyarútoóchi. Rú ngíxgúxúxétúmaá iyawaicutúxéé. Rú ngíyemaá ínapicutú, rú inachucutú.

Rü ñuxüchi yema pumaramaã inachacutü. ³⁹ Rü yexguma yemaxü nadëuxgu ga yema Parichéu ga Ngechuchuna uxü, rü naaëwa nagu narüxünü rü nügümaãtama ñanagürü: — Ngëxguma chi ñaã Ngechuchu rü aixcüma wüxi i Tupanaärü orearü uruü yixügu, rü nüxü chi nacüëx na ñacü yïixü i ñaã ngexü i nüxü ingögüxü rü ñuxäcü na namaxüxü rü poraäcü na napacaduäxü —ñanagürü ga naaëwa. ⁴⁰ Rü yexguma ga Ngechuchu rü nüxü nacüëxama rü Parichéuxü ñanagürü: —Pa Chimáüx, choxü nangëxma i wüxi i ore i cumaã nüxü chixuxchaüxü —ñanagürü. Rü nüma ga Parichéu rü Ngechuchuxü nangäxü, rü ñanagürü: —jËcü, chomaã nüxü ixu, Pa Ngüëxëëruüx! —ñanagürü. ⁴¹ Rü ñanagürü ga Ngechuchu: —Taxre ga yatügu rü wüxi ga corixütawa nanangetanü. Rü wüxi nanangetanü ga 500 tachinü ga dïëru rü to nanangetanü ga 50 tachinü. ⁴² —Natürü yema taxre rü taxuacü nanaxütanü ga norü ngetanü. Rü yemacëx düxwa yema norü cori rü nüxü nüxü narüngüma ga yema nüxü na nangetanügüäxü. Rü ñuxmax, Pa Chimáüx, rü jchomaã nüxü ixu! rü çngëxürüüxü ga yema taxre ga yatügu rü yexeraäcü norü corixü nangechaü? —ñanagürü. ⁴³ Rü Ngechuchuxü nangäxü ga Chimáü, rü ñanagürü: —Chauxcëx ga yema yexeraäcü nüxü nangetanüxü nixi ga yexeraäcü norü corixü ngechaüxü —ñanagürü. Rü Ngechuchu rü ñanagürü nüxü: —Ngëmääcü aixcüma nüma nixi —ñanagürü. ⁴⁴ Rü yexguma ga Ngechuchu rü ngixü nadawenü ga yema ngecü, rü ñanagürü Chimáüxü: —çNgixü cudauxü i ñaã ngecü? Rü cupatagu chaxücu i chomax, Pa Chimáüx, natürü tama dexá choxnata cuxä chorü yaxcutürü. Natürü ñaã ngecü rü ngixgüxüxetümaã choxü iyawaicutüxëë, rü ngïyaemaã choxü ípicutü. ⁴⁵ —Cuma rü tama choxü cuchuxu i noxri choxü curümoxëgu, natürü ngïma i ñaã ngecü rü noxri nüma changuxgumama rü choxü iyachuxcutüchigü. ⁴⁶ —Cuma rü tama pumaramaã choxü cuchaeruxüra, natürü ngïma i ñaã ngecü rü chaucütügu inaba i pumara. ⁴⁷ —Rü ngëmacëx woo namu i ngïrü pecadugü natürü Tupana ngixü nüxü nangechaü i guxüma, erü ngïma rü aixcüma choxü ingechaü. Natürü yixema tama aixcüma ngechaücëx iyaçaxe, rü tama poraäcü Tupanaxü tangechaü —ñanagürü. ⁴⁸ Rü yexguma ga Ngechuchu rü yema ngecüxü ñanagürü: —Curü pecadugü rü marü cuxü nüxü changechaü —ñanagürü. ⁴⁹ Rü yema togü ga nüxna naxugüxü ga yema Ngechuchumaã mechawa yexmagüxü, rü inanaxügü ga nügümücügümaãchigü na yadexagüxü. Rü ñanagürügü: —çTacü nixi i ñaã yatü, ecëx ngëmääcü duüxgüaxü pecaduxü nangechaüxü? —ñanagürügü. ⁵⁰ Natürü Ngechuchu rü ñanagürü ngixü ga yema ngecü: —Marü cuxü nangëxma i maxü i taguma güxü, erü choxü cuyaxö. jñuxma rü taäëäcüma cuchiüwa naxü! —ñanagürü.

8

Ngexügü ga Ngechuchuxü rüngüxëëgüxü

¹ Rü yemawena ga Ngechuchu rü Gariréaaneärü ñanagügu nixüägüchigü. Rü duüxgümaã nüxü nixuchigü ga Tupanaärü ore na ñuxäcü äëxgacü yïixü ya Tupana. Rü inayaxümücügu ga yema 12 ga ngüëxügü ga marü nadexü. ² Rü yexgumarüü ta iiyaxümücügu ga ñuxre ga ngecügu ga üpaacü ngoxogü ngïwa inawoxücü rü ngïrü daaweewa ngixü nameëxëëcü. Rü yematanüwa iyexma ga María ga Magadácüäxmaã ngixü naxugücü ga üpaacü Ngechuchu 7 ga ngoxo ngïwa inawoxücü. ³ Rü yema iyexma ta ga Cuána ga Cuchu naxmëx. Rü Cuchu nixi ga wüxi ga äëxgacü ga Erodeaxü puracüxü. Rü yema nayexmagü ta ga Chuchana rü mucüma ga náigü ga ngecügu ga ngïrü dïërumaã Ngechuchuxü rüngüxëëgüxü.

Ore ga toecügu ixuxü

(Mt 13.1-9; Mr 4.1-9)

⁴ Rü muxüma ga yema ñanagücüäx ga duüxgü, rü Ngechuchuxütawa inayadaagü. Rü yexguma yema nangutaquëxëgüga ga muxüma ga duüxgü, rü Ngechuchu namaã nüxü nixu ga wüxi ga ore ga cuëxruü, rü ñanagürü nüxü: ⁵ —Wüxi ga yatü ga toecü rü trigumaã nanagüane. Rü yexguma trigumaã nagüaneägu rü ñuxre ga trigu, rü namagu nayi. Rü duüxgü nawa nangagüxü, rü werigü rü nanawecu. ⁶ —Rü náigü ga trigu rü nutatanügu nayi. Rü yexguma naxügüga ga guma trigu, rü nipagü rü nayuemare, yerü nataxuma ga norü waianexü. ⁷ —Rü náigü ga trigu rü tuxunecügu nayi. Natürü yexguma nayaegu ga tuxugü rü guma triguxü inawocu rü nanadai. ⁸ —Natürü náigü ga trigu rü mexü ga waixümügu nayi. Rü yemacëx ga yexguma nayaegu rü muxüma ga trigu nawa inanguxuchi. Rü wüxipüxü ga triguwa inanguxuchi ga 100 püxü ga trigu —ñanagürü. Rü yemawena rü Ngechuchu tagaäcü ñanagürü nüxü ga duüxgü: —Rü yixema ächixëgüxe, rü jnaga taxinüë i ngëma ore! —ñanagürü.

Tacüchiga nixi ga yema ore ga cuëxruügügu ixuxü

(Mt 13.10-17; Mr 4.10-12)

⁹ Rü yexguma ga norü ngüëxügü rü nüxna nacagüë na ñacüchiga yïixü ga yema ore ga yatü ga toecügu ixuxü. ¹⁰ Rü Ngechuchu ñanagürü nüxü: —Tupana rü pexü nüxü nacüëxë i

ngêma êxûnguxû i taxuûma i togû nüxû cuáxû i ñuxácû ãêxgacû na yîxû i nümax. Natürü togücêx rü cuêxruûgu chayaxûácûma namaã nüxû chixu i ore. Rü ngexguma woo nüxû nadaugûgu rü ñoma tama nüxû nadaugûxûrûü nixîgû, rü woo nüxû naxîñüêgu rü ñoma tama nüxû naxîñüêxûrûü nixîgû –ñanagürü.

Ngechuchu rü meã nanangoxêê ga yema ore ga toecüchigagu yaxuxû
(Mt 13.18-23; Mr 4.13-20)

¹¹ Rü Ngechuchu rü ñanagürü: –Ngêma ore i toecüchigagu pemaã chixuxû rü ñaächiga nixî. Rü ngêma trigupûxû rü Tupanaärü orechiga nixî. ¹² –Rü guma trigu ga namagu yixûnerüü nixî i duûxûgû i ngêma orexû ñnüêxû. Natürü Chataná rü ngêma duûxûgûxû nüxû inayarüngümaêxêê i ngêma ore, na tama yaxôgûãxûcêx rü tama nayauxgûãxûcêx i maxû i taguma gûxû. ¹³ –Rü guma trigu ga nutatanûgu yixûne, rü ngêma nixî i duûxûgû i nüxû ñnüêxû i Tupanaärü ore rü taãêácûma yaxôgûxû. Natürü tama aixcûma nanayauxgû i ngêma ore, erü paxaãchi nayaxôgû, rü yixcûra guxchaxû nüxû üpetûgu, rü nüxû narüxoe i ngêma ore. ¹⁴ –Rü guma trigu ga tuxunecûgu yixûne, rü ngêma nixî i duûxûgû i Tupanaärü orexû ñnüêxû rü yaxôgûxû natürü ñoma i naãneärü ngêmaxûcêx oegaãêgûxû, rü norü ngêmaxûguama rüxîñüêxû rü tama nüxû rüxoechaûxû i norü ngûchaûgû. Rü ngêmagagu düxwa tama Tupanacêx namaxê. ¹⁵ –Natürü guma trigu ga mexû ga waixûmûgu yixûne, rü ngêma nixî i duûxûgû i aixcûma taãêácûma nayauxgûxû i Tupanaärü ore, rü naga ñnüêxû, rü meã naxcêx maxêxû. Rü ngêma nixî i duûxûgû i aixcûma Tupanawe rüxîxû rü naxûgûxû i ngêma nüma nanaxwêxêxû.

Cuêxruuxû ga omûgu ixuxû
(Mr 4.21-25)

¹⁶ –Taxûema wûxi i omûwa tanangixichi na tanatûxpechitaxûcêx rü êxna tûmaärü pechicatûûgu tayaxûcuchixûcêx. Natürü ngôxûgu tanaxû na tûxû nabaxixûcêx ya yixema ngexma chocuxe. ¹⁷ –Rü ngêxumarûü ta i guxûma i tacû i cuãcûma ixuxû rü yixcûra rü duûxûgû tá nüxû nacûêxgûama. Rü guxûma i ngêma ñuxma duûxûgûcêx êxûnguxû rü tá nangoxoma. ¹⁸ –¡Meã iperûxîñüê i ñuxmax! Erü texê ya naga ñnüêê i ngêma ore i mexû, rü Tupana tá yexeraãcû tûxû nüxû nacûêxêê. Natürü yixema tama naga ñnüêê, rü yexeraãcû tá tûxna nanayaxu i ngêma íraxû i tûmaärü cuêx i noxri tûxû ngêxmachirêxû –ñanagürü.

Ngechucharü mamá rü naêneêgûchiga
(Mt 12.46-50; Mr 3.31-35)

¹⁹ Rü naê ga Ngechuchu rü naêneêgû, rü yema Ngechuchu iyexmaxûwa tangugû. Natürü taxuacû naxûtawaxûchi tangugû, yerü namuxûchi ga duûxûgû. ²⁰ Rü wûxi ga duûxû Ngechuchumaã nüxû nixu, rü ñanagürü: –Yêa düxêtûwa tangêxma ya cue rü cueneêgû, rü cuxû tadaugûchaû –ñanagürü. ²¹ Natürü nüma ga Ngechuchu rü ñanagürü nüxû ga duûxûgû: –Rü yixema nüxû ñnüêxe i Tupanaärü ore rü nagu maxexe rü yixema tixî ya chaue rü chaueneêgû ixîgûxe –ñanagürü.

Ngechuchu rü buanecûxû rü yuapexû ínayachaxâchixêê
(Mt 8.23-27; Mr 4.35-41)

²² Rü wûxi ga ngunexûgu ga Ngechuchu rü norü ngûexûgûmaã wûxi ga ngegu nichoû. Rü ñanagürü nüxû: –¡Ngîxâ daa naxtaxaarü tocutûwa taxî! –ñanagürü. Rü inaxîachi. ²³ Rü yexguma yaxâûyane rü nipechigû ga Ngechuchu. Rü ngürüachi yexma nüxû naxû ga wûxi ga tacû ga buanecû. Rü guma nguewa rü niyauxcuchichigû ga dexá. Rü düxwa inayangutaûgûchaû. ²⁴ Rü yemacêx nüma ga norü ngûexûgû rü Ngechuchuxû nacagû ga na inadaxûcêx. Rü ñanagürügû nüxû: –Pa Ngûexêêruûx, ngêmana itabaxûgû –ñanagürügû. Rü yexguma ga Ngechuchu rü ínarûda, rü buanecûxû rü yuapexû nanga. Rü ínayachaxâchi ga buanecû, rü inayarûxo ga yuape, rü ínachaxanemare. ²⁵ Rü yexguma ga Ngechuchurü ñanagürü nüxû ga norü ngûexûgû: –¿Tacû pexû naxûpetû ecêx tama meã peyaxôgûxû? –ñanagürü. Natürü ga nümagû rü nañaxîachiãêgû. Rü nügûmücûgûna nicachigû, rü ñanagürügû: –¿Tacû êxna nixî i ñaã yatû rü ngêmacêx êjxrcûcû ya buanecû rü yuape rü naga naxîñüêxû? –ñanagürügû.

Yatû ga Gadarácûãx ga ngoxogû nawa yexmagûxû
(Mt 8.28-34; Mr 5.1-20)

²⁶ Rü düxwa naxtaxaarü tocutûwa nangugû ga Gadáraarü naãnewa. Rü yema naane rü Garirêaaneärü toxmêxtawa nayexma. ²⁷ Rü yexguma marü nguewa inaxûlegu, ga Ngechuchu, rü naxcêx nixû ga wûxi ga yatû ga guma íanecûãx ga mucû ga taunecû ngoxogû nawa yexmagûcû. Rü guxûguma nangexchiruecha. Rü tama íwa nayexma, yerü duûxêchíqûêxetanûgu nayarûxaxuchigûñexû. ²⁸ Rü yexguma Ngechuchuxû nadêuxgu, rü napêxegu nayacaxâpûxû. Rü aita naxûácûma ñanagürü: –¿Tûxçûü nuã choxû cuyachixewe, Pa Ngechuchux, Pa Tupana ya Tacûxûchi Nanex? Rü cuxû chacêêxû na tama ngûxû

choxŭ quingexêêxŭ —ñanagŭrŭ. ²⁹ Rŭ yema ñanagŭrŭ yerŭ Ngechuchu marŭ nanamu ga yema ngoxogŭ na ñachoxŭxŭcêx. Rŭ muêxpŭxcŭna rŭ guma yatŭxŭ naxăăxêêxŭ ga yema ngoxogŭ. Rŭ duŭxŭgŭ rŭ cadenamaă nayanêixchacŭiŭgŭxŭ rŭ nayanêixparagŭxŭ na taxuwama naxŭxŭcêx. Natŭrŭ nŭma rŭ nagu nacagŭama ga cadenagŭ. Rŭ yema ngoxogŭ rŭ dauxchitawa ga taxŭema ñăpataxŭwana nacagŭ. ³⁰ Rŭ Ngechuchu nŭxna naca rŭ ñanagŭrŭ: —¿Tacŭ nixŭ i cuéga? —ñanagŭrŭ. Rŭ nŭma rŭ Ngechuchuxŭ nangăxŭ, rŭ ñanagŭrŭ: —Muxŭchixŭ nixŭ i chauéga —ñanagŭrŭ. Rŭ yema ñanagŭrŭ yerŭ namuxŭchi ga yema ngoxogŭ ga guma yatŭgu chocuxŭ. ³¹ Rŭ yema ngoxogŭ rŭ Ngechuchuna nacagŭ ga tama ngêma poxcuchica i âxmaxŭ i taguma iyacuăxŭgu na nawocuăxŭcêx. ³² Rŭ guma mêxpŭneărŭ tuăchiwa nayexmagŭ ga muxŭma ga cuchigŭ ga yema chibŭexŭ. Rŭ yemacêx ga yema ngoxogŭ rŭ Ngechuchuxŭ nacêêxŭgu na yema cuchigŭgu nayachocuxŭcêx. Rŭ Ngechuchu rŭ: —Ngŭ —ñanagŭrŭ. ³³ Rŭ yexguma ga yema ngoxogŭ rŭ guma yatŭwa ñachoxŭ rŭ yema cuchigŭgu nayachocu. Rŭ guxŭma ga yema cuchigŭ rŭ ñaxŭtăchi, rŭ naxtaacutŭarŭ mêxpŭxŭwa nayarŭyuxgŭ, rŭ yexma nayŭ. ³⁴ Rŭ yexguma yema cuchigŭarŭ dauruŭgŭ nŭxŭ daugŭgu ga yema ngupetŭxŭ, rŭ năbaixăchiăêgŭ rŭ ñibuxmŭ. Rŭ ñanewa nŭxŭ nayarŭxugŭe, rŭ yema ñanearŭ ngaicamana ipeagŭxŭ ga duŭxŭgŭtanŭwa rŭ ta nŭxŭ nayarŭxugŭgŭ. ³⁵ Rŭ ga duŭxŭgŭ rŭ ñayadaugŭ ga yema ngupetŭxŭ. Rŭ yexguma Ngechuchuxŭtawa nangugŭgu, rŭ yema nŭxŭ nadaugŭ ga guma yatŭ ga ngoxoăxchirêcŭ. Rŭ Ngechuchucutŭxŭtawa narŭto, rŭ marŭ tama naxăă. Rŭ namuê ga duŭxŭgŭ. ³⁶ Rŭ yema duŭxŭgŭ ga nŭxŭ daugŭxŭ ga yema ngupetŭxŭ, rŭ yema ñayadaugŭxŭmaă nŭxŭ nixugŭgŭ ga ñuxăcŭ Ngechuchu na namexêêxŭ ga guma yatŭ ga ngoxoăxchirêcŭ. ³⁷ Rŭ yexguma yemăxŭ naxŭnŭegŭ, rŭ guxŭma ga yema Gadăraanecŭăx ga duŭxŭgŭ, rŭ Ngechuchuxŭ nacêêxŭgu na ñaxŭxŭcêx ga yema naănewa, yerŭ poraăcŭ namuê. Rŭ yemacêx ga Ngechuchu rŭ nguegu nixŭe, rŭ ñaxŭtăchi. ³⁸ Rŭ guma yatŭ ga ngoxoăxchirêcŭ rŭ Ngechuchuxŭ nacêêxŭ ga nawe na naxŭxŭcêx. Natŭrŭ ga Ngechuchu rŭ nanamu ga yexma na naxăăxŭcêx, rŭ ñanagŭrŭ nŭxŭ: ³⁹ —¿Cuchŭwa naxŭ, rŭ duŭxŭgŭmaă nŭxŭ yarŭxu ga tacŭ cucxêx na naxŭxŭ ga Tupana! —ñanagŭrŭ. Rŭ ñixŭ ga guma yatŭ, rŭ guxŭma ga yema ñanecŭăx ga duŭxŭgŭmaă nŭxŭ nayarŭxu ga tacŭ naxcêx na naxŭxŭ ga Ngechuchu.

*Yáiruxacŭchiga rŭ yema nge ga Ngechuchuchirugu ñngŭcŭchiga
(Mt 9.18-26; Mr 5.21-43)*

⁴⁰ Rŭ yexguma Ngechuchu wenaxărŭ taegugu ga naxtaxaarŭ tocutŭwa, rŭ duŭxŭgŭ rŭ taăêacŭma nanayauxgŭ, yerŭ guxŭma ñananguxêêgŭ. ⁴¹ Rŭ yema Ngechuchuxŭtawa nangu ga wŭxi ga yatŭ ga Yáiru ga naega. Rŭ nŭma ga Yáiru rŭ wŭxi ga ngutaquêxepatađărŭăêxgacŭ nixŭ. Rŭ Ngechuchupêxegu nayacaxăpŭxŭ rŭ nŭxŭ nacêêxŭ ga napatawa na naxŭxŭcêx. ⁴² Yerŭ nŭxŭ iyexma ga wŭxi ga naxăcŭ ga ngŭgŭmaă wŭxicacŭ, rŭ iyadaawe, rŭ ituraxŭchi. Rŭ ngŭma rŭ maneca 12 ga taunecŭ ngŭxŭ nayexma. Rŭ yexguma Yáirupatawa naxŭxu ga Ngechuchu, rŭ muxŭchixŭ ga duŭxŭgŭ nawe narŭxŭ, rŭ dŭxwa ñayaxŭxtŭgŭ. ⁴³ Rŭ yema duŭxŭgŭtanŭwa iyexma ga wŭxi ga ngecŭ ga 12 ga taunecŭăgŭechacŭ. Rŭ yemamaă iyadaawechea. Rŭ duturugŭxŭtagu ngŭxŭ iguxêê ga guxcŭ ga ngŭrŭ đŭeru, natŭrŭ taxŭema ga texê ngŭxcêx tayataanexêêega. ⁴⁴ Rŭ yema ngecŭ ga Ngechuchuweama ne ixŭ, rŭ naxpechinŭchirugu iyangŭgŭ. Rŭ yexgumatama ñayachaxăchi ga na naxăgŭxŭ. ⁴⁵ Rŭ yexguma ga Ngechuchu rŭ duŭxŭgŭna naca, rŭ ñanagŭrŭ: —¿Texê tixŭ ya choxŭ ñngŭgŭxe? —ñanagŭrŭ. Rŭ guxŭma ga duŭxŭgŭ rŭ: —Taxŭema —ñanagŭrŭgŭ. Rŭ yexguma ga Pedru rŭ namŭcŭgŭ rŭ ñanagŭrŭgŭ: —Pa Ngŭxêêruŭx, cuma nŭxŭ cudau i ñuxre i duŭxŭgŭ ngema cucŭ na nayaxŭxtŭgŭxŭ, rŭ ngêxguma rŭ ta:

“¿Texê ya choxŭ ñngŭgŭxe?” ñacuxŭ —ñanagŭrŭgŭ. ⁴⁶ Natŭrŭ ga Ngechuchu rŭ ñanagŭrŭ: —Ngêmaăcŭ wŭxie choxŭ ñngŭgŭ, erŭ nŭxŭ chicuêxăchi na chorŭ poramaă tŭxŭ na charŭmexêêxŭ —ñanagŭrŭ. ⁴⁷ Rŭ yexguma nangoxomagu ga na nŭxŭ nacŭexamaxŭ ga Ngechuchu ga yema nŭxŭ na yangŭgŭxŭ, rŭ yadurŭxăcŭma naxŭtawa ixŭ ga yema ngecŭ. Rŭ napêxegu iyacaxăpŭxŭ. Rŭ guxŭ ga duŭxŭgŭpêxewa namaă nŭxŭ iyaxu ga tacŭcêx nŭxŭ na yangŭgŭxŭ, rŭ ñuxăcŭ yexgumatama ngŭxcêx na yataanexŭ. ⁴⁸ Rŭ yexguma ga Ngechuchu rŭ ñanagŭrŭ ngŭxŭ: —Pa Chauxacŭx, cucxêx nitaane, erŭ cuyaxŭ. Rŭ ñuxma rŭ taăêacŭma ñixŭ! —ñanagŭrŭ. ⁴⁹ Rŭ yexguma iyadexayane ga Ngechuchu, rŭ yema nangu ga wŭxi ga duŭxŭ ga ngutaquêxepatađărŭăêxgacŭ ga Yáirupatawa ne ŭxŭ. Rŭ ñanagŭrŭ Yáiruxŭ: —Cuxacŭ rŭ marŭ iyu. ¿Rŭ tăxŭ i cuyachixewechigŭxŭ ya Ngŭxêêruŭ! —ñanagŭrŭ. ⁵⁰ Natŭrŭ yexguma yema orexŭ naxŭnŭgu ga Ngechuchu, rŭ ñanagŭrŭ Yáiruxŭ: —¿Tăxŭ i cuyanguăêxŭ! Erŭ ngêxguma cuyaxŭxgu rŭ cucuxŭ rŭ tá wena imaxŭ —ñanagŭrŭ. ⁵¹ Rŭ yexguma Yáirupatawa nangugŭgu, rŭ Ngechuchu nayachocuxêê ga Pedru rŭ Chaŭtiăgu rŭ Cuăŭ rŭ ngŭnatŭ rŭ ngŭe ga yema bucŭ ga yuxcŭ. Natŭrŭ tama nanaxwêx na togŭ yexma chocuxŭ. ⁵² Rŭ guxŭma ga duŭxŭgŭ ga yema yexmagŭxŭ rŭ naxaxue rŭ ngŭxcêx nangechaŭgŭ. Natŭrŭ Ngechuchu rŭ ñanagŭrŭ nŭxŭ: —¿Tăxŭ i pexauxexŭ! Erŭ ngêma

bucü rü tama nixi i nayuxü. Rü ipemare —ñanagürü. ⁵³ Natürü ga yema duüxügü rü Ngechuchuxü nacugüeama, yerü ngixü nadaugü rü aixcüma marü iyu. ⁵⁴ Rü yexguma ga Ngechuchu rü ngixmëxgu nayayauxâchi, rü tagaäcü ñanagürü: —Pa Bucüx, jírüda! —ñanagürü. ⁵⁵ Rü yexguma ga ngüma rü wena imaxü, rü yexgumatama írüda. Rü Ngechuchu rü duüxügümaä nüxü nixu na ngixü naxüwemügüxcëx. ⁵⁶ Rü nginatü rü ngie ga yema bucü, rü poraäcü tabaixâchiäëgü. Natürü Ngechuchu rü tüxü namu na taxüemaäma nüxü na tixuxüxcëx ga yema ngupetüxü.

9

Ngechuchu norü ngüexügüxü namu na nüxü yanaxugüxcëx ga Tupanaarü ore
(Mt 10.5-15; Mr 6.7-13)

¹ Rü Ngechuchu rü nanangutaquëxexëë ga yema 12 ga norü ngüexügü. Rü pora nüxna naxâ rü nüxna naxâga na ñawoxüäxüxcëx ga nagüxüraüxü ga ngoxogü, rü na nameëxëëäxüxcëx ga duüxügü ga idaaweexü. ² Rü nayamugü na duüxügümaä nüxü yaxugüexüxcëx ga ore ga mexü na ñuxäcü äëxgacü yixü ya Tupana, rü na nameëxëëäxüxcëx ga duüxügü ga idaaweexü. ³ Rü ñanagürü nüxü: —jRü taxuxütama ípinge i perü namawaü, rü bai ya perü caxüchigüxü ya naixmenëxâ, rü bai i perü choca, rü bai i perü päu, rü bai i perü díeru. Rü wüxitama i perü daxü ípinge, rü tama i taxre! ⁴ —Rü ngëxguma wüxi ya ñanewa pengügü, jrü wüxi ya ípatagutama perücho rü ñuxmata ipexiächi nawa ya yima ñane! ⁵ —Rü ngextá tama pexü ñayauxgüxüwa, jrü ípechoxü nawa ya yima ñane! Rü ngëxguma ngema ipexiächigu jrü ípepagücutü i perü üxaxücutü na ngëmawa nüxü nacüexgüxcëx na chixexü naxügüxü i ngëma duüxügü! —ñanagürü. ⁶ Rü inaxiächi, rü guxüma ga ñanexäcügüwa naxi. Rü nüxü nixugüetanü ga Tupanaarü ore ga mexü. Rü guxüwama nanameëxëetanü ga duüxügü ga idaaweexü.

Eróde rü tama nüxü nacüexéga na texe yixüxü ga Ngechuchu
(Mt 14.1-12; Mr 6.14-29)

⁷ Rü Gariréaaneärü äëxgacü ga Erode, rü nüxü nacüächiga ga guxüma ga yema Ngechuchu üxü. Rü poraäcü nagu narüxínü rü naxoegaäë ga Erode, yerü nümaxü ga duüxügü rü ñanagürügü: —Cuáü ya baiüxëëruü nixi ya yima, rü marü wena namaxü —ñanagürügü. ⁸ Natürü togü rü ñanagürügü: —Nuxcümaücü ga Tupanaarü orearü uruü ga Eria nixi, rü wena nangox —ñanagürügü. Rü togü rü ñanagürügü: —Bexmana naí ga nuxcümaücü ga Tupanaarü orearü uruü nixi, rü wena namaxü —ñanagürügü. ⁹ Natürü Erode rü ñanagürü: —Chomatama chanamu ga churaragü na Cuáüxü yadaenaxägüxcëx. ¿Rü tacü ëxna nixi i ngëma yatü i duüxügü ngëmaäcü poraäcü nüxü ixuchigagüexaxü? —ñanagürü. Rü Erode rü nüxü nangüchüxüchi na ñuxäcü Ngechuchuxü na nadauxü.

Ngechuchu rü nanachibüexëë ga 5000 ga yatügü
(Mt 14.13-21; Mr 6.30-44; Cu 6.1-14)

¹⁰ Rü yexguma nawoëxgu ga yema Ngechucharü ngüexügü ga yamugüxü, rü Ngechuchumaä nüxü nixugü ga yema naxügüxü. Rü nüma ga Ngechuchu rü yema norü ngüexügümaä nixügachi, rü Bechaídaarü ñanewa namaä naxü. ¹¹ Natürü yexguma duüxügü nüxü cuëxügü ga ngextá na nayexmaxü, rü Ngechuchuwe narüxi. Rü Ngechuchu rü meäma yema duüxügüxü nayaxu, rü namaä nüxü nixu na ñuxäcü äëxgacü yixü ya Tupana. Rü nanameëxëë ga yema duüxügü ga idaaweexü. ¹² Rü yexguma marü nayáuanegu, rü Ngechuchucëx naxi ga yema 12 ga ngüexügü ga yamugüxü. Rü ñanagürügü nüxü: —jlyamugü i ñaä duüxügü na ñanexäcügü rü ípatagü ya ngaicamana ngëxmagünewa na naxiüxcëx, rü ngëxma na napegüxcëx rü norü ñonateëx yataxegüxcëx! Erü nuä ñingëxmagüxüwa rü nataxuma i tacü rü ñna —ñanagürügü. ¹³ Natürü Ngechuchu rü ñanagürü nüxü: —jPematama penaxüwemü! —ñanagürü. Rü nanangäxügü, rü ñanagürügü: —Wüximëëxpüx i päu rü taxre i choxnixicatama toxü nangëxma. ¿Rü ëxna cunaxwëxe na naxcëx tayataxegüxü i ñna naxcëx i guxüma i ñaä duüxügü? —ñanagürügü. ¹⁴ Rü 5000 ga yatügü nixi ga yema yëma yexmagüxü. Natürü Ngechuchu rü ñanagürü nüxü ga norü ngüexügü: —jËcü ípenatogüxëëx rü 50 chigü i wüxi tücumüwachigü! —ñanagürü. ¹⁵ Rü yemaäcü nanaxügü ga norü ngüexügü. Rü ñanatogüxëë ga guxüma ga duüxügü. ¹⁶ Rü yexguma ga Ngechuchu rü nanade ga yema wüximëëxpüx ga päu rü yema taxre ga choxni. Rü daxügu nadawenäcüma Tupanana moxë naxâ, rü ñuxüchi ñanabücu ga yema päu rü choxni. Rü norü ngüexügüna nanaxâ na nüxü yanüäxüxcëx ga yema duüxügü. ¹⁷ Rü guxüma ga yema duüxügü rü meäma nachibüe. Rü yemawena rü 12 ga pexchigü nanapagüamatama namaä ga yema päu rü choxnichipëxegü ga iyaxügüxü.

Pedru nanangoxëë na Cristu na yixü ga Ngechuchu
(Mt 16.13-19; Mr 8.27-29)

¹⁸ Rū wūxi ga ngunexũ rü Ngechuchu norũ ngúexũgũmaã noxrũwama yayumũxëgu, rü nũma rü norũ ngúexũgũna naca, rü ñanagürü: —¿Ñuxũ ñaxũ i duũxũgũ i chauchiga i choma na texé chĩixũ? —ñanagürü. ¹⁹ Rū norũ ngúexũgũ nanangãxũgũ rü ñanagürügũ: —Nangëxma i duũxũgũ rü:

“Cuãũ ya baiũxëëruũ quixĩ”, ñagũxũ, rü togũ rü:

“Eria quixĩ”, ñagũxũ, rü togũ rü:

“Wũxi ga nuxcũmaũcũ ga Tupanaãrũ orearũ uruũ i wena maxũcũ quixĩ”, ñagũxũ — ñanagürügũ. ²⁰ Rū yexguma Ngechuchu nũxna naca rü ñanagürü: —¿Rũ pema i ñuxũ ñapegũxũ choxũ na texé chĩixũ? —ñanagürü. Rū Pedru nanangãxũ rü ñanagürü: —Cuma nixĩ i Cristu i Tupana Nane —ñanagürü.

Ngechuchu nanaxunagũ ga norũ yuxchiga

(Mt 16.20-28; Mr 8.30-9.1)

²¹ Rū Ngechuchu rü nayaxucũxëgũ ga norũ ngúexũgũ na taxúemaãma nũxũ yaxugũexũcëx ga nũma rü Cristu na yĩixũ. ²² Rū ñanagürü nũxũ ga norũ ngúexũgũ: —Choma i Tupana Nane na duũxũxũ chĩixũ, rü poraãcũ ngũxũ tá chinge. Rū choxũ tá naxooxgũ i Yudiũgũarũ ãëxgacũgũerũgũ, rü paigũarũ ãëxgacũgũ, rü ngëma ngúexëëruũgũ i Moĩchëarũ mugũwa nguxëëtaegũxũ. Rū tá choxũ nimëxgũ, natürü tomaëxpũx i ngunexũgũ rü wena táxaru chamaxũ —ñanagürü. ²³ Rū yixcama rü guxũma ga norũ ngúexũgũxũ ñanagürü: —Rü ngëxguma texé chowe rüxũxchaũgu, jëcũ nũxũ tarũxo i tũmaãrũ ngũchaũ, rü namaã tapora i ngëma guxchaxũgũ i tũmacëx ñngũxũ i ñoma curuchawa tipotaxũrũũ tũxũ ixĩxëëxũ, rü ngëmaëtuwa chowe tarũxũama! ²⁴ —Erũ yixema tũgũ maxëchaxëëchaũxë rü tá tayu, natürü yixema chaucëx yuxe rü aixcũma tá tũxũ nangëxma i maxũ i taguma gũxũ. ²⁵ ¿Rũ ñacũwa i nũxũ namexũ ya wũxi ya yatũ ega nayauxãgu i guxũma i ñoma i naãneãru ngëmaxũgũ, natürü iyanataxëëãgu i norũ maxũ? ²⁶ —Rü ngëxguma texé chaucëx ãnegũ rü naxcë taxãnegũ i chorũ ore, rü choma i Tupana Nane i duũxũxũ na chĩixũ rü tá ta tũmacëx chaxãne i ngëxguma ãëxgacũ chixĩãcũma nũma chaxũxgu. Rū ngëxguma wenaxãrũ nũma chaxũxgu rü Chaunatu ya Tupanarũ tá chapora, rü daxũcũãx i Tupanaãrũ orearũ ngeruũgũ i üünegũxũrũũ tá chamexëchi. ²⁷ —Rü aixcũma pemaã nũxũ chixu rü ñuxre i duũxũgũ i nuã ngëxmagũxũ rü tá nũxũ nadaugũ na ñuxãcũ ãëxgacũ na yĩixũ ya Tupana naxũpa na nayuexũ —ñanagürü.

Ngechuchu rü toraxũ nangox

(Mt 17.1-8; Mr 9.2-8)

²⁸ Rū 8 ga ngunexũguwena ga na yema ñaxũ, rü Ngechuchu rü wũxi ga mëxpũnewa naxũ na yema yayumũxëxũcëx. Rū ñnayaxũmũcũgũ ga Pedru rü Chaũtiãgu rü Cuãũ. ²⁹ Rū yexguma ñayumũxëyëna ga Ngechuchu rü nachiwe rü ngürũãchi niyauracũũ, rü naxchiru rü ta niyauracũũ, rü poraãcũxũchima nacómũ. ³⁰ Rū yexguma rü yëma nangox ga taxre ga yatũgũ ga Ngechuchumaã idexagũxũ. Rū Moĩché nixĩ ga wũxi, rü Eria nixĩ ga to. ³¹ Rū yema taxre iyexmagũxũwa rü poraãcũxũchi nangõone. Rū ñindexagũ nachiga ga ñuxãcũ Yerucharëũgu tá na nayuxũ ga Ngechuchu. ³² Rū woo ga Pedru rü namũcũgũ rü poraãcũ na nayaxtaexũ rü tama napee. Rū nũxũ nadaugũ ga ñuxãcũ poraãcũ na nangõonexũ ga naxũtawa ga Ngechuchu rü yema taxre ga yatũgũ ga namaã yexmagũxũxũtawa. ³³ Rū yexguma yema taxre ga yatũgũ Ngechuchuna ixĩgachitanũgu, rü Pedru rü ñanagürü Ngechuchuxũ: —Pa Ngúexëëruũx, namexëchi nixĩ na nuã ingëxmagũxũ. ¿Rũ ngĩã tanaxũ ya tomaëxpũx ya dũxenũ, rü wũxi ya cuxcëx, rü nãf ya Moĩchëcëx, rü nãf ya Eriacëx! —ñanagürü. Natürü ga Pedru rü tama nũxũ nacuëx ga na ñuxũ ñaxũ yerũ poraãcũ nañaxãchiãe. ³⁴ Rū yexguma iyadexayane ga Pedru, rü wũxi ga caixanexũ natanũgu nayangëixema. Rū poraãcũ namuũë ga yema ngúexũgũ ga yexguma yema caixanexũ natanũgu yangëixemagu. ³⁵ Rū yema caixanexũwa inanaxũ ga wũxi ga naga ga ñaxũ: —Daa nixĩ ya Chaune ya nũxũ changechaxũxũchicũ. ¿Rũ naga pexĩnũe! —ñaxũ. ³⁶ Rū yexguma yema ñaxguwena ga yema naga rü Ngechuchuarũ ngúexũgũ rü taxúexũma ga toguexũ nadaugũ, rü Ngechuchuxũxĩcatama nadaugũ. Rū yema ngúexũgũ rü taxúemaãma nũxũ nixugũe ga yema nũxũ nadaugũxũ.

Ngechuchu rü nanamexëë ga wũxi ga bucũ ga ngoxo nawa yexmacĩ

(Mt 17.14-21; Mr 9.14-29)

³⁷ Rū yexguma moxũãcũ ga guma mëxpũnewa yanachoũgu, rü muxũma ga duũxũgũ yexma Ngechuchuxũ nayangaugũ. ³⁸⁻³⁹ Rū yema duũxũgũtanũwa rü wũxi ga yatũ tagaãcũ Ngechuchuxũ ñanagürü: —Pa Ngúexëëruũx, ¿choxũ rüngũxëë, rü tũxũ nadau ya chaune! Erũ tũgũmaã choxũ tawũxícëx, rü wũxi i ngoxo tũmawa nangëxma. Rū ngëxguma tũxũ naxũxgu, rü aita tũxũ naxũxëë, rü tũxũ naxãũãxëëë, rü tũxũ narũchiëxëë. Rü chixexũ tũmamaã naxũ, rü tama tũxũ ningëxchaũ. ⁴⁰ Rū marũ nũxũ chacëëxũ i curũ ngũexũgũ na tũmawa

ínatèxùchigüãxúcèx i ngëma ngoxo, natürü tama nüxü inaxinü —ñanagürü. ⁴¹ Rû yexguma Ngechuchu nanangãxü, rû ñanagürü: —Pa Duüxügü i Tama Yaxögüxüx, ¿Ñuxgurátá i pemaã chanuxmaxü rû yaxna pemaã cha xi-nüxü? ¡Nuã naga ya cune! —ñanagürü. ⁴² Natürü yexguma Ngechuchuxütawa nanguxgu ga guma bucü, rû yema ngoxo rû guma bucüxü ñaxtüanegu nayanguxëë, rû nanaxãüãëëë. Natürü Ngechuchu nananga ga yema ngoxo, rû nanamexëë ga guma bucü. Rû ñuxüchi nanatüxütawa nanamu. ⁴³ Rû guxüma ga duüxügü rû nabaixächiaëgü ga yexguma nüxü nadaugügu ga ñuxãcü na naporaxü ya Tupana.

Ngechuchu rû wenaxãrû nanaxunagü ga norü yuxchiga
(Mt 17.22-23; Mr 9.30-32)

Rû yexguma duüxügü namaã baixächieyane ga yema Ngechuchu üxü, rû ñanagürü ga Ngechuchu nüxü ga norü ngüexügü: ⁴⁴ —¡Meã iperüxínüë i ñaã ore i pemaã nüxü chixuxü! ¡Rû tãütãma nüxü ipeyarüngümaë! Choma i Tupana Nane na duüxüxü chiixü, rû chaechita tá choxü inaxuaxügü i duüxügü na ãëxgacügü choxü iyauuxgüxücèx —ñanagürü. ⁴⁵ Natürü ga norü ngüexügü rû tama nüxü nacüëxgüëga ga yema namaã nüxü yaxuxü. Yerü Tupana rû tama naxcèx nanangoxëë ga yema ore na nüxü nacüëxgüxücèx. Rû yema ngüexügü rû namuüë ga Ngechuchuna na nacagüxü na meã namaã nangoxëëãxücèx ga yema namaã nüxü yaxuxü.

¿Texé tá tixí ya guxããrû yexera ixixë?
(Mt 18.1-5; Mr 9.33-37)

⁴⁶ Rû yexguma ga norü ngüexügü rû inanaxügüë ga nügümaã na yaporagatanücüüxü nachiga ga texé tá tixü ya natanüwa guxããrû yexera ixixë. ⁴⁷ Natürü Ngechuchu rû nüxü nacüëxama ga yema norü ngüexügü nagu rüxínüëxü. Rû yemacèx wüxi ga buxü nügüxütawa naga, rû nügüxütagu nayachixëë. ⁴⁸ Rû ñanagürü nüxü ga norü ngüexügü: —Texé ya ñaã buxüxü meã yaxüxe chauëgagu, rû choxü nixí i tayaxuxü. Rû yíxema meã choxü yaxüxe, rû Chaunatü ya núma choxü mucüxü rû ta meã tayaxu. Rû yíxema guxããrû yexera tügü írúxiraxe, rû yíxema tixí ya guxããrû yexera ixixë —ñanagürü.

Texé ya tama taxchi aixe rû tórü ngüxëëruü tixí
(Mr 9.38-40)

⁴⁹ Rû yexguma ga Cuãü rû ñanagürü nüxü: —Pa Ngüexëëruüx, nüxü tadau ga wüxi ga yatü ga cuëgagu ngoxogü íwoxüxü. Rû toma nüxna tanachuxu ga yema yerü tama tatanüxü nixí ga nümax —ñanagürü. ⁵⁰ Natürü Ngechuchu rû ñanagürü nüxü: —Tama name i nüxna na penachuxuxü. Erü texé ya tama taxchi aixe, rû tórü ngüxëëruü tixí —ñanagürü.

Ngechuchu nayangagü ga Chaütiágu rû Cuãü

⁵¹ Rû yexguma marü yangaicagu ga Ngechuchu ga daxügüxü ga naãnewa na naxüxü, rû tama namuüãcüma inaxüãchi ga Yerucharëüwa na naxüxü. ⁵² Rû nügüpëxegu nayamugü ga ñuxre ga norü orearü ngeruügü. Rû nümagü rû nawa naxí ga wüxi ga ñëxãcü ga Chamãriaanewa yexmane, na yexma naxcèx yadaugüxücèx ga wüxi ga í na Ngechuchu nagu pexüxü. ⁵³ Natürü yema Chamãriaanecüãx rû tama nanayauxgüchaü, yerü nüxü nacüëxgü ga Yerucharëüwa tá na naxüxü. ⁵⁴ Rû yexguma yemaxü nadaugügu ga norü ngüexügü ga Chaütiágu rû Cuãü, rû ñanagürü Ngechuchuxü: —Pa Corix, ¿cunaxwëxexü na Tupanana naxcèx tacaxü na daxüwa ne namuãxücèx ya üxü na naguxëëãxücèx i guxüma i ñaã duüxügü, yema nuxcümaücü ga Tupanaãrü orearü uruü ga Eria üxüüü? —ñanagürü. ⁵⁵ Rû yexguma ga Ngechuchu rû nüxü nadawenü, rû nayangagü, rû ñanagürü nüxü: —Pema rû tama nagu perüxínüë na texëarü duüxügü pixígüxü. ⁵⁶ —Erü choma i Tupana Nane na duüxüxü chiixü, rû tama duüxügüarü tauxexëëwa núma chaxü, natürü núma chaxü na duüxügüxü chamaxëëëxücèx —ñanagürü. Rû yexguma rû náí ga ñëxãcüwa naxí.

Duüxügü ga Ngechuchuwe rüxíxchãüxüchiga
(Mt 8.19-22)

⁵⁷ Rû yexguma namagu naxíxgu rû wüxi ga yatü Ngechuchuxü ñanagürü: —Pa Corix, cuwe charüxüxchãü i ngextã cuma ícuxüüwa —ñanagürü. ⁵⁸ Rû Ngechuchu nanangãxü rû ñanagürü: —Ngowagü rû nüxü nangëxma i naxmaxügü, rû werigü rû nüxü nangëxma i naxchiãügü, natürü choma i Tupana Nane na duüxüxü chiixü, rû nataxuma i chauchica i ngextã nagu chicuxeruxü —ñanagürü. ⁵⁹ Rû Ngechuchu ñanagürü nüxü ga wüxi ga to ga yatü: —¡Chowe rüxü! —ñanagürü. Natürü núma ga yema yatü rû ñanagürü nüxü: —Pa Corix, noxri chanawëxe i chaunatüxü ichayatëxira —ñanagürü. ⁶⁰ Rû Ngechuchu nanangãxü rû ñanagürü: —Nüë ngëma cutanüxü i tama yaxögüxü iyatëxgü i ngëma naxrüü yuexü, natürü cuma rû curü puracü nixí na paxa duüxügümaã nüxü cuyarüxuxü i Tupanaãrü ore na ñuxãcü guxããrü ãëxgacü na yíxü i nümax —ñanagürü. ⁶¹ Rû wüxi ga to ga duüxü rû ñanagürü

Ngechuchuxú: —Pa Corix, ngēmáácú cuwe charúxúxchaú, natürü noxri chanaxwêxe i nüxú chayarümoxê i ngêma chopatacúâxgü —ñanagürü. ⁶² Natürü Ngechuchu rü ñanagürü nüxú: —Texé ya yíxema inaxügüxe na Tupanaârü puracúwa tapuracúxú natürü túmaârü ngēmáxúguama rüxinüê, rü tama tame na Tupanaâxú tapuracúxú —ñanagürü.

10

Ngechuchu nayamugü ga 72 ga norü ngüexügu

¹ Rü yemawena ga Cori ga Ngechuchu rü nayadexechi ga 72 ga to ga norü ngüexügu. Rü taxrechigü inayamugü na yoxni guxú ga yema iânegü rü nachicagü ga Ngechuchu nawa úxchaúxúwa na naxíxúcêx. ² Rü ñanagürü nüxú: —Aixcúmaxúchi nangêxma i muxúchixú i duúxügu i yaxôgúchaúxú natürü ngema Tupanaârü orearü uwa puracúxú rü noxretama nixí. Rü ngêmacêx name i perü yumúxêwa nüxna peca ya yima puracüârü yora na ngema norü puracúwa namugúâxúcêx i to i puracútanúxú. ³ —¡Rü ipexíâchi rü ngema pexí! Rü dücax, ñoma carnerugü i aigütanúwa imugúxúrüü nixí i pexú chimugúxú. ⁴ —¡Rü táütama choca ípinge, rü bai i perü díêru, rü bai i perü chapatu! Rü tama chanaxwêxe i namagu penúcú i ngêxguma namawa texéxú perümüxêgü. ⁵ —Rü ngêxguma wüxi ya íwa pengügü, rü ñaâcú tá nüxú perümüxêgü i ngêma duúxügu:

“¡Petaâxê erü Tupana rü napetanügu!”, ñaperügü tá. ⁶ —Rü ngêxguma ngema nangêxmagu i duúxügu i Tupanaxú cuêxgúchaúxú rü Tupana rü tá nüxna nanaxâ i taâxê. Natürü ngêxguma ngema nataxuxgu i duúxügu i Tupanaxú cuêxgúchaúxú, rü ngema Tupanaârü taâxê rü pexrüâxuma nixí. ⁷ —¡Rü wüxi ya ígutama perücho, rü ngema pechibúe rü peyaxú i ngêma nüxú ngêxmaxú i ngêma ícúâxgü! Erü wüxi i puracútanúxú rü name nixí na nayauxâxú i norü natanú naxcêx i norü puracú. Rü yima iânewa pengêxmagüyane rü tama chanaxwêxe i náí ya ígu peyapegü. ⁸ —Rü ngêxguma wüxi ya íâne ya nawa meâ pexú nayaxunewa pengügü, ¡rü penangó i ngêma óna i pexna naxâgúxú! ⁹ —¡Rü penameêxêx i ngêma ídaaweexú i yima iânewa ngêxmagúxú! ¡Rü namaâ nüxú pixu rü ñapegü nüxú:

“Tupanaârü pora rü marü pexna nangaicama rü napexútagu”, ñapegü nüxú! ¹⁰ —Natürü ega nawa pengügü ya wüxi ya íâne i ngextá duúxügu tama meâ pexú íyauxgúxúwa, ¡rü ngêma ítamügu ípechoxú rü ñapegü nüxú i ngêma íânecúâx!

¹¹ “Rü woo ñaâ perü íâneârü úxaxú i tocutúwa yaxúxú, rü itanapagü, na ngêmawa nüxú pecuáxúcêx na Tupana rü tama pemaâ nataâxêxú. ¡Natürü tama nüxú ipeyarüngümaê na marü pexna nangaicamaxúchichiréxú ya Tupana na perü âêxgacú yíxú”, ñaperügü tá nüxú i ngêma íânecúâx! ¹² —Rü pemaâ nüxú chixu rü ngêma ngunexú i nagu nagúxú i naâne, rü Chodomacúâx i duúxügüârü yexera Tupana tá nanapoxcue i ngêma duúxügu i tama meâ pexú yauxgúxú.

Íânegü ga tama Tupanaga ínüene (Mt 11.20-24)

¹³ —Rü wüxi i ngechaú nixí i pexcêx, Pa Corachíçúâx rü Bechaídacúâx i Duúxügu, yerü yexguma chi Tiruarü iânewa rü Chidáúârü iânewa chanaxúxgu ga yema mexügu ga cuêxrüügu ga Tupanaârü poramaâ petanúwa chaxúxú, rü woo ga na poraâcú yachixéxú ga yema Tirucúâx rü Chidáúçúâx ga duúxügu rü nuxcú mama chitama nüxú narúxoe ga nacúma ga chixéxú, rü poraâcúxúchi chima nügümaâ nangechaúgu rü naxauxe, yerü chí nügü nicúêxáchitanú ga na yapedacuâxgúxú. ¹⁴ —Natürü pemaâ nüxú chixu rü ngêma ngunexú i Tupana nagu napoxcúxú i pecaduâxgúxú, rü ngêma ngunexügu rü Tirucúâx rü Chidáúçúâxârü yexera tá pexú napoxcue i pemax. ¹⁵ —Rü pemax, Pa Capernáucúâxgü i Duúxügu xéxna pema nagu perüxinüêgu rü daxüguxú i naânewa tá pexíxú? Pemaâ nüxú chixu rü naânetúúwa i ngextá Tupana Chatanáxú ípoxcúxúwa tá nixí i pewogúxú. ¹⁶ Rü ñuxúchi norü ngüexügu ñanagürü: —Rü yíxema pega ínüêxê, rü chauga rü ta taxínüê. Natürü yíxema tama pega ínüêxê, rü chauga rü ta tama taxínüê. Rü yíxema tama chauga ínüêxê, rü tama naga taxínüê ya Chaunatú ya núma choxú mucú —ñanagürü ga Ngechuchu.

Nawoegu ga yema 72 ga Ngechuchuariü ngüexügu

¹⁷ Rü taâêácúma nawoegu ga yema 72 ga norü ngüexügu ga yamugúxú. Rü ñanagürügü nüxú: —Pa Corix, ngêxguma cuêgagu tidexagügu, rü êixrüxú i ngoxogü rü toga naxínüê —ñanagürügü. ¹⁸ Rü Ngechuchu rü ñanagürü nüxú: —Ngēmáácú aixcúma nixí. Yerü nüxú chadau ga Chataná ga daxüguxú ga naânewa na nataéxú wüxi ga âemacürüü. ¹⁹ —Rü choma nixí ga pexna chanaxâxú ga pora na tama chixéxú pemaâ naxügúxúcêx ega woo âxtapegúwa rü êxna tuxchinawegüwa pengagügu. Rü yexgumarüü ta pexna chanaxâ ga pora na nüxú perü- yexeraxúcêx i guxúma i Chatanáârü pora na ngêmaâcú taxucürüwama ¡cú rü chixéxú pemaâ naxíxúcêx. ²⁰ —¡Natürü táxú i petaâégúxú naxcêx i ngêma na pega

naxĩnũexũ i ngoxogũ! Rũ narũmemaẽ nixĩ i petaãẽgũ naxcẽx na marũ naxũmatũxũ i peẽga i Tupanaãrũ poperawa i daxũguxũ i naãnewa –ñanagũrũ.

*Ngechuchu rũ nataãẽ
(Mt 11.25-27, 13.16-17)*

²¹ Rũ yexgumatama ga Tupanaãẽ ga Üünexũ rũ poraãcũ Ngechuchuxũ nataãẽxẽẽ. Rũ ñanagũrũ ga Ngechuchu: –Pa Chaunatũ, Pa Daxũguxũ i Naãne rũ Noma i Naãneãrũ Yorax, cuxũ chicuẽxũ, yerũ ñaã chorũ ngũexũgũxũ nũxũ cucuẽxẽẽ i ñaã ore ga naxchaxwa iguicũxũ ga duũxũgũ i ñoma i naãnewa nũxũ cuẽxũchigũxũ. Rũ yemaãcũ cunaxũ, Pa Chaunatũx yerũ yemaãcũ nixĩ ga cunaxwẽxexũ –ñanagũrũ. ²² Rũ ñanagũrũ ga Ngechuchu: –Chaunatũ choxna nanaxã i guxũma i tacũ i ngẽxmaxũ, rũ namaãxĩca ñanagũrũ: –Tataãẽgũ ya yĩxema tũmaxẽtũmaãxũchi nũxũ daugũxe i ñaã ñũxma pema nũxũ pedagũxũ. ²⁴ –Erũ pemaã nũxũ chixu, rũ muxũma ga nuxcũmaũgũxũ ga Tupanaãrũ orearũ uruũgũ rũ ãẽxgacũgũ ga tacũgũ, rũ nũxũ nangũchaũ ga nũxũ na nadaugũchaũxũ i ñaã ñũxma pema chauxũtawa nũxũ pedagũxũ. Natũrũ tama nũxũ nadaugũ. Rũ nũxũ nangũchaũ ga nũxũ na naxĩnũẽchaũxũ i ñaã ñũxma pema chauxũtawa nũxũ pexĩnũẽxũ. Natũrũ tama nũxũ naxĩnũẽ –ñanagũrũ.

Ore ga mecũ ga Chamãriacũãxgu ixuxũ

²⁵ Rũ yexguma inachi ga wũxi ga ngũexẽẽruũ ga Moĩchẽarũ mugũwa nguxẽẽtaexũ, rũ Ngechuchuxũtawa naxũ na namaã yanadexaxũcẽx. Rũ Ngechuchuxũ naxũxchaũ, rũ yemacẽx nũxna naca rũ ñanagũrũ: –Pa Ngũexẽẽruũ ya Ngechuchux, ¿Tacũ nixĩ i mexũ na chanaxũxũ na choxũ nangẽxmaxũcẽx i maxũ i taguma gũxũ? –ñanagũrũ. ²⁶ Rũ Ngechuchu nanangãxũ, rũ ñanagũrũ: –¿Nũxũ ñaxũ i ngẽma ore i Moĩchẽarũ mugũwa ũmatũxũ? ¿Rũ tacũxũ i cumaã yaxuxũ? –ñanagũrũ. ²⁷ Rũ yema ngũexẽẽruũ ga Moĩchẽarũ mugũwa nguxẽẽtaexũ, rũ Ngechuchuxũ nangãxũ, rũ ñanagũrũ: –Nũxũ nangechaũ ya Cori ya curũ Tupana i guxũma i curũ maxũmaã, rũ guxũ i cuãẽmaã, rũ guxũ i curũ poramaã, rũ guxũ i nagu curũxĩnũũmaã! ¿Rũ nũxũ nangechaũ i cumũcũ ngẽma na cugũtama cungechaũxũrũ! –ñanagũrũ. ²⁸ Rũ yexguma ga Ngechuchu rũ ñanagũrũ nũxũ: –Ngẽma ore i choxũ namaã cungãxũxũ rũ marũ name. Rũ ngẽxguma ngẽma ore quinguxẽẽxgu, rũ tá cunayaxu i maxũ i taguma gũxũ –ñanagũrũ. ²⁹ Natũrũ ga yema ngũexẽẽruũ ga Moĩchẽarũ mugũwa nguxẽẽtaexũ, rũ ngũtẽtũwa nachogũchaũ. Rũ yemacẽx Ngechuchuna naca, rũ ñanagũrũ: –¿Rũ texẽ tixĩ ya chomũcũ? –ñanagũrũ. ³⁰ Rũ yexguma ga Ngechuchu rũ nanangãxũ, rũ ñanagũrũ nũxũ: –Wũxi ga yatũ Yerucharẽtũwa ne naxũ, rũ Yericũ ga iãnewa naxũ. Rũ namagu nũxũ nangaugũ ga ngĩtẽexũgũxũ. Rũ guxũma ga norũ yemaxũcẽx nangĩxgũ, rũ ẽjrxũxũ ga naxchiru rũ ta naxcẽx nangĩxgũ. Rũ nanacuaixgũ, rũ nayayuãchixẽẽgũ, rũ yemaãcũ yẽma nanatẽxgũ. ³¹ –Rũ yematama namawa naxũpetũ ga wũxi ga Yudũgũarũ pai. Natũrũ yexguma yema yatũxũ nadẽuxgu rũ nũxũ yẽma naxũpetũmare. ³² –Rũ yẽma naxũpetũ ta ga wũxi ga Lebĩtanũxũ ga tupauca ga taxũnewa puracũxũ. Rũ yexguma yema yatũxũ nadẽuxgu, rũ nũma rũ ta nũxũ naxũpetũmare. ³³ –Natũrũ yixcũra rũ wũxi ga Chamãrianeccũãx ga yatũ rũ yematama namawa naxũpetũ. Rũ yexguma guma yatũxũ nadẽuxgu rũ nũxũ nangechaũtũmũũ. ³⁴ –Rũ guma yatũcẽx nixũ. Rũ chixũ rũ binumaã nanaxũxũ ga norũ oxrigũ, rũ meãma nayanẽixgũ ga yema norũ oxrigũ. Rũ ñũxũchi norũ burugu nanamunagũ, rũ wũxi ga pegũchicawa nanaga. Rũ yẽma nũxna nadau. ³⁵ –Rũ moxũãcũ ga yexguma inaxũãchigu ga yema Chamãrianeccũãx, rũ ngĩxũ nayaxu ga taxretachinũ ga norũ diẽru, rũ yema pegũchicaarũ yorana ngĩxũ naxã. Rũ ñanagũrũ nũxũ:

“Nũxna nadau i ñaã yatũ! Rũ ngẽxguma yexeragu naxãtanũgu na nuã nangẽxmaxũ, rũ choma tá cuxũ chanaxũtanũ i ngẽxguma chataeguxgu”, ñanagũrũ. ³⁶ Rũ ñanagũrũ ga Ngechuchu nũxũ ga yema ngũexẽẽruũ ga Moĩchẽarũ mugũwa nguxẽẽtaexũ: –Nũxma chanaxwẽxe i chomaã nũxũ quixu i ngẽxũrũxũ ga yema tomaẽxpũxtanũwa ga aixcũma namũcũ ixixũ ga yema yatũ ga ngĩtẽexgũxũ imẽxgũxũ –ñanagũrũ ga Ngechuchu. ³⁷ Rũ yexguma ga yema ngũexẽẽruũ ga Moĩchẽarũ mugũwa nguxẽẽtaexũ rũ ñanagũrũ: –Yema Chamãrianeccũãx nixĩ ga yema yatũmũcũ ixixũ, yerũ nũxũ nangechaũtũmũũ –ñanagũrũ. Rũ yexguma ga Ngechuchu rũ ñanagũrũ nũxũ: –Nũxma rũ ñixũ rũ yema Chamãrianeccũãx ũxũrũ naxũ! –ñanagũrũ nũxũ.

³⁸ Rū yexguma Ngechuchu namagu ixūxgu norū ngūexūgūmaā rū wūxi ga īānexācūwa nangu. Rū yēma guma īānexācūwa rū wūxi ga nge ga Martagu āegacū ngīgūpatawa inan-guxēē. ³⁹ Rū Martaaxū iyexma ga wūxi ga ngīēyēx ga Marīagu āegacū. Rū ngīma rū Ngechuchucutūxūttawa irūto na inaxīnūxcēx ga Ngechuchuarū ore. ⁴⁰ Natūrū ga Marta rū itaarū puracūāx rū yemaācū ngīrū puracūguama irūxīnū. Rū yemacēx Ngechuchucēx iyaxū, rū ngīgūrūgū nūxū: —Pa Corix, ζtama ēxna nagu curūxīnū i ngēma na chataarū puracūāxū rū ngēma chaueyēx rū choxnaxīca na natāāxū i guxūma i ngēma puracū? jRū namaā nūxū ixu na choxū nangūxēēxūcēx! —ngīgūrūgū. ⁴¹ Natūrū Ngechuchu rū ngīxū nangāxū, rū űanagūrū ngīxū: —Pa Martax, cuma rū poraācū curū puracūcēx cuxoegaāē, rū muxūma i ngēmaxūgu curūxīnū. ⁴² —Natūrū wūxixicatama nixī i guxūārū yexera i mexū na nagu rūxīnūxū. Rū Marīa iyixī i ngēmagu rūxīnūcū. Rū taxūetāma ngīxna tayanuxū i ngēma — űanagūrū ga Ngechuchu.

11

Ngechuchu nanangūexēē ga yumūxēchiga
(Mt 6.9-15, 7.7-11)

¹ Rū wūxicana wūxi ga nachicawa nayumūxē ga Ngechuchu. Rū yexguma nūxū nachauxgu, rū wūxi ga norū ngūexū rū űanagūrū nūxū: —Pa Corix jtoxū nangūexēē na űuxācū tayumūxēgūxū, yema Cuāū ga baiūxēēruū norū ngūexūgūxū nangūexēēxūrūū! — űanagūrū. ² Rū Ngechuchu űanagūrū nūxū: —Rū ngēxguma peyumūxēgūgu rū űaperūgūgū tā:

“Pa Tonatū ya Daxūgucūx, rū aixcūma Ūūnecū quixī i cumax. jRū nūma naxū na torū āēxgacū quīxūcēx! Rū tanaxwēxe i curū ngūchaū na naxūgūxū i duūxūgū i űoma i naānēwa, ngēma daxūguxū i naānēwa na curū ngūchaū inaxūgūxūrūū. ³ jRū toxna naxā i torū űna i wūxichigū i ngunexūcēx ixīxū! ⁴ jRū toxū nūxū nangechaū i torū pecadugū, erū toma rū ta tūxū nūxū tangechaū ya guxāma ya yīxema chixri tomaā chopetūxe! jRū tāxū i tacū rū chixexūpēxewa toxū cuwogūxū na tama naxu tayixūcēx!”

űanagūrū. ⁵ Rū űanagūrū ta ga Ngechuchu: —Ngēxguma chi wūxie i pema rū tūxū nangēmaxgu i wūxi i tūmamūcū, rū chi ngāxūcūū napatawa taxūxgu rū űatagūgu nūxū:

“Pa Chomūcūx, jtoxaēxpūx i pāū choxna naxā! ⁶ —Erū wūxi i chomūcū rū yaxūwa ne naxū, rū ngexwacēx chopatawa nangu. Rū choma rū changearū űnaāx, rū taxuūmaāma chanachibūxēēega”, űatagūgu. ⁷ —Rū ngēma tūmamūcū i napatawa ngēmaxū, rū chi tūxū nangāūxgu rū űaxgu:

“jTāxū i choxū cuchixewexū! Chorū īāx rū marū narūwāxta, rū choma rū chauxacūgū rū ngūrūcarewa tangēxmagū. Rū ngēmacēx taxucūrūwa icharūda na tacū cuxna na chaxāxūcēx”, űaxgu chi tūxū. ⁸ —Rū pemaā nūxū chixu, rū ngēma na tūmamūcū yīxūcēx rū tāūtāma īnarūda na tacū tūxna naxāxūcēx. Natūrū tā īnarūda na tama tanachixewechaxūcēx, rū tā tūxna nanaxā i guxūma i tacū i tanaxwēxexū. ⁹ —Rū ngēmacēx pemaā nūxū chixu rū, jNaxcēx īpeca rū Tupana rū tā pexna nanaxā! jRū Tupanacēx pedēux rū tā nūxū ipeyangau! jRū īāxwa: Tu tu tu űapegū, rū tā pexcēx niwāxna i īāx! ¹⁰ —Erū guxāma ya yīxema naxcēx īcaxe rū tanayaxu, rū guxāma ya naxcēx dauxe rū nūxū itayangau. Rū guxāma ya īāxwa: Tu tu tu űagūxe, rū tūmacēx tā niwāxna i īāx. ¹¹ —jRū űuxācū i wūxi i pema na papāgū piīxū rū penēna penaxāxū ya wūxi ya nuta ega pāucēx pexna nacaxgu, rū ēxna wūxi i āxtape ega choxnīcēx pexna nacaxgu? ¹² —jRū texē i petanūwa rū penēna penaxā i tuxchinawe ega wūxi ya otacharāūcēx pexna nacaxgu? ¹³ —Rū ngēma pema na pichixecūmachirēxū natūrū nūxū pecuēx na űuxācū mexū i āmare pexacūgūna na pexāxū, rū pemaā nūxū chixu rū Penatū ya Daxūgucū rū perū yexera tā nixī na pexna mexū naxāxū. Rū guxāma ya yīxema Tupanaxūttawa Naāē i Ūūnēxūcēx īcaxe, rū tā tūxna nanaxā —űanagūrū ga Ngechuchu.

Ngechuchuxū nixugūē na ngoxoarū poramaā napuracūxū nawogūē
(Mt 12.22-30; Mr 3.20-27)

¹⁴ Rū Ngechuchu īnanatēxūchi ga wūxi ga ngoxo ga wūxi ga yatūxū ngegaxēēxū. Rū yexguma inaxūūxgu ga yema ngoxo rū guma yatū rū nidexa. Rū guxūma ga duūxūgū rū nabaixāchiāēgū ga yexguma yemaxū nadaugūgu. ¹⁵ Natūrū űuxre ga duūxūgū rū űanagūrūgū: —űāā yatū i Ngechuchu, rū Bechebū i ngoxogūarū āēxgacūarū poramaā nixī i īnanawoxūāxū i ngoxogū —űanagūrūgū. ¹⁶ Natūrū ga togū rū nūxū naxūgūchaū, rū yemacēx naxcēx īnacagū ga nūxū na nawēaxū ga wūxi ga cuēxruū ga daxūcūāx na yemawa nūxū nacūēgūxūcēx rū ngoxi aixcūma Cristu yī. ¹⁷ Natūrū nūma ga Ngechuchu rū nūxū nacūēxama ga tacūgu na naxīnūēxū, rū yemacēx űanagūrū nūxū: —Ngēxguma chi wūxi i nachīūānecūāx i duūxūgū nūgū itoyegu rū nūgūtanūwa chitama nūgū nadaixgu, rū nūgū chitama naguxēē. Rū ngēxguma chi wūxi ya īcūāx nūgūmaā nuēēchagu rū nūgū nadaixgu, rū nūgū chitama naguxēē. ¹⁸ —jRū ngēxguma chi Chatanā nūgūmaātama nuxgu, rū nūgūtama

yamèxgu, rü ñuxácü chi i ãëxgacüecha yíixü? Rü ngëma ñacharügü i ñuxma erü pema choxü pixuxgu rü Bechebúarü poramaã íchanawoxü i ngoxogü. ¹⁹ –Natürü ngëxguma chi Chatanáärü poramaã íchanawoxü i ngoxogü, rü perü ngüexügü rü chita Chatanáärü poramaã ínanawoxü i ngoxogü. Rü ngëmawa meã nüxü tacüëx na pema rü ípetüëxü. ²⁰ –Natürü pemaã nüxü chixu rü aixcüma Tupanaärü poramaã nixü i íchanawoxü i ngoxogü. Rü ngëmawa pexü nüxü chacüëë na núma petanüwa nangüxü ya Tupana na ãëxgacü yíixüëx. ²¹ –Rü ngëxguma wüxi ya yatü ya poracü rü meãma nügü naxüxnegu rü nüxna nadëuxgu ya napata, rü taxüetáma naxcëx tangüx i norü ngëmaxü i napatawa ngëmaxü. ²² –Natürü ngëxguma ínanguxgu i to i yatü i nüxü rüporamaëxü, rü nüxü nayexeragu, rü tá nüxna nanapuxü ya naxne ya nügü namaã ínaporaãxüne, rü tá nüxna nanapuxü i guxüma i norü ngëmaxü, rü tá nayana. ²³ –Yíxema tama choxü ngechaüxë rü chauxchi taxai. Rü yíxema tama choxü rüngüxëëxë na Tupanacëx tayagagüxü i duüxügü rü chauxchawa tanangianexëë.

ngoxo i taeguxüchiga

(Mt 12.43-45)

²⁴ –Rü ngëxguma wüxi i ngoxo rü wüxi ya yatüwa ínaxüüxgu, rü dauxchitagu nanañaãne, rü naxcëx nadau na ngextá na nangüxü. Rü ngëxguma taxuguma nangüëgagu, rü nügü ínicüëx rü ñanagürü:

“Maneca naxcëx tá chataegu ya yima yatü ga noxri nawa íchaxüxüchirécü”, ñanagürü. ²⁵ –Rü ngëxguma nataegugu, rü yima yatüxü ínyangau na ñoma wüxi ya i ya mexëene rü meã nabixichinerüü na yíixü. ²⁶ –Rü ínixü rü naxcëx nayadau i to i 7 i ngoxogü i norü yexera i chixexü. Rü guxüma i ngëma ngoxogü rü wüxigu yima yatügu nachocu, rü ngëxma naxächüügü. Rü ngëxguma ya yima yatü rü noxriarü yexera nachixe –ñanagürü.

Taãë i aixcüma íxüxüchiga

²⁷ Rü yemaxü íyaxuyane, rü wüxi ga ngecü rü duüxügütanüwa tagaãcü ngügürügü: –Tataãë ya yíxema tügüanüwa cuxü yaxëëxë rü tügü nixüwa cuxü maixë –ngügürügü. ²⁸ Natürü ga Ngechuchu rü ñanagürü: –Yexeraãcü tataãë ya yíxema nüxü ínúxë i Tupanaärü ore rü naga ínúxë –ñanagürü.

Duüxügü ga tama yaxögüchaxüxü rü naxcëx ínacagüama ga to ga cuëxruü ga Tupanaärü poramaã íxü

(Mt 12.38-42; Mr 8.12)

²⁹ Rü nimüetanü ga duüxügü ga Ngechuchuxütawa ngutaquëxegüxü. Rü ínanaxügü ga Ngechuchu ga namaã na yadexaxü. Rü ñanagürü: –Ñãã duüxügü i ñomaücüü maxëxü rü nichixecüma. Rü naxcëx ínacagü i wüxi i cuëxruü i mexü i Tupanaärü poramaã üxü. Natürü Tupana rü wüxixicatama i cuëxruü tá nüxü nawëx. Rü ngëma nixü i cuëxruü ga Tupanaärü orearü uruü ga Yonáwa duüxügüxü nawëxü na nüxü nacüëxgüxüëx na aixcüma Tupana yíixü ga guma yéma namücü. ³⁰ –Rü yexgumarüü ga Yoná rü wüxi ga cuëxruü nixü naxcëx ga Nínibecüãx ga duüxügü, rü ngëxgumarüü tá ta nixü ya Tupana Nane ya duüxüxü íxü na wüxi i cuëxruü tá yíixü naxcëx i ñomaücüü maxëxü i duüxügü. ³¹ –Rü ngëxguma naãneärü guxgu rü Tupana rü ñomaücüü maxëxü i duüxügüna nacëxgu i norü pecaduchigacëx, rü ngüma ga nuxcümaücü ga Chabaaneärü ãëxgacü tá írúda rü tá ílinaxuaxü i ñomaücüü maxëxü i duüxügü. Yerü ngüma rü yaxüwaxüchi ne íxü ga na ãëxgacü ga Charumóüxü naxínúxüëx ga ñuxácü poraãcü nüxü na nacüëxüchixü. Natürü ñuxma nuã petanüwa nangëxma i wüxi i Charumóüärü yexera íxü. ³² –Rü ngëxguma naãneärü guxgu rü Tupana rü ñomaücüü maxëxü i duüxügüna nacëxgu norü pecaduchigacëx, rü nuxcümaügüxü ga Nínibecüãx ga duüxügü rü tá ínarüdagü rü tá ínanaxuaxü i ñomaücüü maxëxü i duüxügü. Yerü nümagü ga Nínibecüãxgu ga duüxügü rü nüxü narüxoe ga nacümagü ga chixexü ga yexguma Yoná namaã nüxü íxuxgu ga Tupanaärü ore. Natürü ñuxma nuã petanüwa nangëxma i wüxi i Yonáärü yexera íxü.

Taxüneärü omüchiga

(Mt 5.15, 6.22-23)

³³ –Taxüema wüxi i omüwa tanangixichi rü ñuxüchi itayacux rü ëxna íacütüügu tayaxücuchi. Natürü norü üchicauü tanaxünagü na ngema tüxü nabaxixüëx ya yíxema duüxëgü ya yima ígu chocuxe. ³⁴ –Cuxetügü rü ñoma wüxi i omürüü nixü i cuxunecëx. Rü ngëxguma ngëma Tupana cuxü nawëxëxüëx cudëuxgu, rü guxüma i curü maxü rü name. Natürü ngëxguma ñoma i naãneärü ngüchaüëx cudëuxgu, rü guxüma i curü maxü rü chixexüwa nangëxma. ³⁵ –ÍMeã cügüna nadau na tama eãnexüxü nanguxuchixüëx i ngëma ore i mexü i cuxü ngëxmaxü, i ñoma wüxi i omürüü íxü! ³⁶ –Ngëxguma chi guxü i curü maxüwa nangëxmagü i Tupanaärü ngónexü rü taxuwama nachixëxgu i curü maxü, rü meã chi nüxü cucüëx i Tupanaärü ngüchaü ñoma wüxi i omü i cuxü baxixüürü –ñanagürü.

Ngechuchu rü duüxügütanüwa ínanaxaxü ga Parichéugü rü ngúexêëruügu ga Moïchéarü mugüwa nguxêëtaegüxü

(Mt 23.1-36; Mr 12.38-40; Lc 20.45-47)

³⁷ Rü yexguma nüxü nachauxgu ga na yadexaxü ga Ngechuchu rü wüxi ga Parichéu nüxna naxu ga napatawa na yachibüxcêx. Rü yema Parichéupatawa naxü, rü mechawa nararüto. ³⁸ Rü yema Parichéu rü nabaixächiaê ga yexguma Ngechuchuxü nadêuxgu na tama yanguxêëaxü ga yema Moïchéarü mu na nayauxmêxgüxiraxü ga yexguma nachibüegu. ³⁹ Natürü nüma ga Cori ga Ngechuchu rü ñanagürü nüxü: —Pema i Parichéugü rü ñoma pochiyu rü poratu i düxétüwaxicatama iyaxuxürüü pixigü. Natürü i peãxêwa rü nagu perüxñüê na pengixü rü chixexü pexüxü. ⁴⁰ —Pa Naêchitamare Maxêux, ¿tama êxna nüxü pecuêx na guma Tupana ga naxücü i ngêma tórü düxétüxünewa ngêxmaxü, rü gumatama yiixü ga naxücü ga tórü maxü i tórü aixepewa ngêxmaxü? ⁴¹ —Rü name nixi i Tupanana penaxã i perü maxü na aixcüma naxcêx pemaxêxücêx. Rü ngêmaacü tá pime i guxüwama. ⁴² —Natürü wüxi i ngechaü nixi i pexcêx, Pa Parichéugüx, erü pema rü perü ngêmaxüwa rü meã Tupanana penaxã i ngêma noxrü ixixü, natürü perü maxüwa rü tama aixcüma naga pexñüê rü tama nüxü pengechaü. Rü marü name na perü ngêmaxüwa Tupanana penaxãxü i ngêma noxrü ixixü. Natürü perü maxüwa rü ta penaxwêxe i meã naga na pexñüêxü rü nüxü na pengechaüxü. ⁴³ —Rü wüxi i ngechaü nixi i pexcêx, Pa Parichéugüx, erü pema rü pexü nangúchaü i âexgacüchicagüwa na perütogüxü i ngutaquêxepataügüwa. Rü penaxwêxe na ñoma âexgacüxü rü moxêxürüü na meã pexü namoxêgüxü i duüxügü i ítamügüwa. ⁴⁴ —Rü wüxi i ngechaü nixi i pexcêx, erü ñoma yuetamaügü i tama nüxü idaaxü i duüxügü naêchitamare naetüwa chopetüxürüü pixigü. Erü woo perü düxétüwa pime, natürü aixepewa i peãêwa rü poraãcü pichixe —ñanagürü ga Ngechuchu. ⁴⁵ Rü wüxi ga ngúexêëruü ga Moïchéarü mugüwa nguxêëtaexü, rü Ngechuchuxü nangãxü rü ñanagürü: —Pa Ngúexêëruü Pa Ngechuchux, rü ngêma na ngêma ñacuxü, rü toma rü toãêwa nangux —ñanagürü. ⁴⁶ Natürü Ngechuchu rü ñanagürü nüxü: —Wüxi i ngechaü nixi i pexcêx, Pa Ngúexêëruüga i Moïchéarü Mugüwa Nguxêëtaegüxüx, erü poraãcü penamu i duüxügü na naga naxñüêxücêx i ngêma Moïchéarü mugü i guxchaxü i pematama bai i írarüwa naga pexñüêchaüxü. ⁴⁷ —Rü wüxi i ngechaü nixi i pexcêx, erü peyamexêëgü i tûmamaügü ga guxema nuxcümaügüxe ga Tupanaärü orearü uruügü ga perü oxigü tüxü dêjêxe. ⁴⁸ —Rü ngêmwawa nüxü tacuêx na pema rü ta ipexãgüxü nawa ga yema chixexü ga perü oxigü ügüxü. Yerü nümagü rü tüxü nadai ga guxema Tupanaärü orearü uruügü, rü ñuxma i pema rü peyamexêëgü i tûmamaügü. ⁴⁹ —Rü yemacêx nixi ga Tupana ga ñaxü:

“Ngêma duüxügütanüwa tá chanamugü i chorü orearü uruügü rü chorü orearü ngeruügü.

Natürü ngêma duüxügü i chixexügü rü tá nanadai i nümaxü rü togüxü rü tá nachixewegü rü tá nawe ningêxütanü”,

ñaxü ga Tupana. ⁵⁰⁻⁵¹ Rü ñanagürü ga Ngechuchu: —Rü pemaã nüxü chixu rü Tupana tá nayapeguãchixêê i pema i ñuxma maxêê erü pema rü ta perü oxigücümagu pexi. Nümagü rü noxritama naãneärü ügügumama rü nanadai ga muxüma ga Tupanaärü orearü uruügü. Rü nüxira nayamêxgü ga Abé rü gumawena nayadaietanü ga muxüma ga togü ñuxmata Zacaria ga tupauca ga taxünegu yamêxgüãcüwa nangu. Rü guxüma ga yema orearü uruügü ga perü oxigü dêjêxücêx rü Tupana tá pexna naca, erü pema rü ta perü oxigürüütama pixigü rü tama nüxü perüxoechaü i ngêma chixexü i pexüxü. ⁵² —Rü wüxi i ngechaü nixi i pexcêx, Pa Ngúexêëruüga i Moïchéarü Mugüwa Nguxêëtaegüxüx, erü duüxügüchaxwa ipeyacuxü i Tupanaärü ore i aixcüma ixixü i pematama tama pixögüxü. Rü nüxna penachuxu i togü i duüxügü i aixcüma yaxögüchaüxü na nümagü rü ta tama yaxögüãxücêx —ñanagürü ga Ngechuchu. ⁵³⁻⁵⁴ Rü yexguma Ngechuchu yema ñaxgu, rü yema ngúexêëruüga ga Moïchéarü mugüwa nguxêëtaegüxü rü yema Parichéugü rü poraãcü Ngechuchumaã nanuê. Rü inanaxügü ga nüxna na nacagüexü naxcêx ga muxüma ga ore ga guxchaxümaã na yemaacü chi nüxü iyangaugüxücêx ga ore ga chixexü na yemamaã norü âexgacügüxütawa Ngechuchuxü iyaxuaxügüxücêx.

12

Ngechuchu nanangüexêê na tama namexü na duüxügüpêxewa meã imaxnetaxü natürü taãêwa rü chixexügu rüxñüxü

¹ Rü yoxni yexma nangutaquêxegü ga muxüchixü ga duüxügü. Rü yema na namuxüchixücêx rü düxwa nügücutüwa ningagüetanü ga duüxügü. Rü Ngechuchu inanaxügü ga norü ngúexügümaãxira na yadexaxü, rü ñanagürü: —Pexuãêgü naxcêx i Parichéugü! Erü duüxügüpêxewa meã namaxênetatürü naêêwa rü chixexügu narüxñüê. ² —Natürü guxüma i ñacu i wüxie cúacü üxü rü tá nangoxoma. Rü guxüma i ñacu iicüxü rü yixcüra rü tá duüxügü nüxü nacuêxgüama. ³ —Rü ngêmacêx guxüma i ngêma ore i êanêxüwa cúacü

nüxü pixuxü rü yixcúra rü tá nangoxoma rü guxü i duüxügü tá nüxü naxünü. Rü ngéma ore i ucapuarü aixepewa cüácü nüxü pixuxü, rü yixcúra rü guxápéxewa tá nüxü nixugügü i duüxügü.

Name nixí na Tupanaxü pemuüëxü
(Mt 10.26.31)

⁴—Rü ngémacëx i pemax, Pa Chomücügüx, rü pemaã nüxü chixu rü jtama nüxü pemuüë i ngéma duüxügü i pexü daixchaüxü! Erü taxünexüxícatama nimëxgü, natürü taxucürüwama taãëxü nimëxgü. ⁵—Natürü pemaã tá nüxü chixu na texéxü tá na pemuüëxü. ¡Nüxü pemuüë ya Tupana! Erü nüma nüxü nangëxma i pora na yamáãxü i pexene, rü napoxcúãxü i peãë i ngextá ngoxogüxü ínapoxcuxügu. ¡Rü yimaxü tá nixí i pemuüëxü! ⁶—¿Tama éxna taxretachinü i díëruxacügu namaã petaxe i wüximëxpüx i werixacügü? Natürü Tupana rü tama tüxü inayarüngüma ya yíxema werixacüãxgü, rü bai ya wüxi. ⁷—Rü woo i peyaeü rü Tupana nüxü nacüëx na ñuxre i peyae ngëxmaxü. Rü ngémacëx, ¡täxü i pexoegaãëgüxü! Erü pema rü muxüma i werixacügüarü yexeraxüchi pexü nangechaü ya Tupana.

Yíxema duüxügüpéxewa tügü ixuxe na Ngechuchu ya Cristuarü duüxü tiixü
(Mt 10.32-33, 12.32)

⁸—Rü pemaã nüxü chixu rü guxáma ya texé i ñoma i naãnewa duüxügüpéxewa tügü ixuxe na chorü duüxü tiixü, rü choma i Tupana Nane na duüxüxü chíixü, rü napéxewa i Tupanaarü orearü ngeruügü i daxüçüãx rü tá tüxü chixu na chorü duüxü tiixü i tümax. ⁹—Natürü texé ya ñoma i naãnewa duüxügüpéxewa tügü ixuxe na tama chorü duüxü tiixü, rü choma rü tá ta napéxewa i Tupanaarü orearü ngeruügü i daxüçüãx rü tá tüxü chixu na tama chorü duüxü tiixü i tümax. ¹⁰—Rü guxáma ya texé ya chíxri chauchiga idexaxe i choma i Tupana Nane na duüxüxü chíixü, rü Tupana tá tüxü nüxü nangechaü i ngéma. Natürü texé ya Tupanaãë i Üünexüchiga chíxri idexaxe, rü Tupana rü tãütama tüxü nüxü nangechaü i ngéma. ¹¹—Rü ngëxguma duüxügü ngutaquëxepatabüwa rü éxna ãëxgacügüpéxewa pexü nagagügu na pexü napoxcuxëcëx, rü ¡täxü i pexoegaãëgüxü na ¡acümaã tá penangãxüxü rü éxna ¡acüxü tá namaã na pixuxü! ¹²—Erü ngëxguma nawa nanguxgu na pidexagüxü, rü Tupanaãë i Üünexü tá pexü nanguxëë na ¡acüxü tá namaã pixuxü —ñanagürü ga Ngechuchu.

Wüxi i ãücümaxü nixí na imuãrü díëruãxü

¹³ Rü yema duüxügütanüwa rü wüxi ga yatü Ngechuchuxü ñanagürü: —Pa Ngüxëëruüx, ¡namaã nüxü ixu ya chaueneë rü choxna naxãã i ngéma chaunatü ga yucüarü ngëmaxü i choxna üxü! —ñanagürü. ¹⁴ Natürü Ngechuchu rü ñanagürü nüxü: —Pa Yatüx, ¿texé perü ãëxgacüxü choxü tingucuchixëë na chatatoyexüçëx i ngéma penatüarü ngëmaxü? —ñanagürü. ¹⁵ Rü ñanagürü ta ga Ngechuchu: —¡Pexuãë na tama pexü nangüchaüxüçëx i togüarü ngëmaxü! Erü wüxi i duüxü rü tama ngéma na namuãrü ngëmaxüãxüçëx nixí i nayauxãxü i norü maxü i taguma gëxü —ñanagürü. ¹⁶ Rü yexguma wüxi ga ore ga cüëruüxü namaã nixu, rü ñanagürü: —Nayexma ga wüxi ga yatü ga muãrü díëruãcü, rü guxüma ga yema nanetügü ga naãnegu natogüxü rü meãma nüxü nixo. ¹⁷—Rü guma yatü rü nagu narüxünü rü naãëwa ñanagürü:

“¿¡acü tá chaxüxü i ñuxmax? Erü nataxuma i chorü nachica i ngexta namaã na changuxüxü i chaunetügüarü o”, ñanagürü. ¹⁸—Rü naãëwa ñanagürü:

“Marü nüxü chacuëx na ¡acü tá chaxüxü. Rü nagu tá chapogü ya guxüdnema ya chorü ípatagü ga nagu namaã changuxüne ga chaunetügüarü o. Rü náí ya taxüragüne tá chaxü na ngëxma namaã changuxüxüçëx i guxüma i chaunetügüarü o rü guxüma i chorü ngëmaxügü.

¹⁹—Rü ngëxguma marü namexgu i guxüma, rü chaugümaã tá ñacharügü: ‘Ñuxma rü tá icharüngü rü meã tá chachibü rü meã chaxaxe rü ngémaãcü tá chataãë. Erü namuxüchi i chorü ngëmaxügü, rü mucüma ya taunecü tá choxü natai’, ñacharügü tá chaugümaã”. ²⁰—Natürü Tupana rü ñanagürü guma yatüxü:

“Pa Yatüx, cüngëãëmare i cuma erü ñoma i chütaxügu tátama cuyu. Rü ngéma curü ngëmaxügü i namaã cünguxüxü, rü ¿texéarü tá nixí i ngëxguma?” ñanagürü ga Tupana. ²¹—Rü ngëxgumarüü tá ta namaã nangupetü i ngéma duüxügü i nügüçëxtama norü ngëmaxügümaã nguxüxü rü tama nügü ímexëëxü i Tupanapéxewa —ñanagürü ga Ngechuchu.

Tupana rü naxácügüna nadau
(Mt 6.25-34)

²² Rü yemawena rü norü ngüxëgüxü ñanagürü ga Ngechuchu: —Pemaã nüxü chixu ¡rü täxü i pexoegaãëgüxü naxcëx i ¡acü tá na pengöxü rü ¡acümaã tá na pixãxchiruxü! ²³—Erü perü maxü rü ñnaãrü yexera nixí, rü pexene rü naxchiruarü yexera nixí. ²⁴—¡Düçëx penangugü i werigü i tama toëgüchirëxü, rü tama nanetüarü o íbuxgüxü, rü ngepatagüxü

na ngexta namaã nanguxũgũxc̄ex i norũ ðna! Natũrũ Tupana rũ nanaxũwemũ. Rũ pema rũ Tupanac̄ex rũ poraãcũ guxũma i werigũarũ yexera pixĩgũ. ²⁵ —Rũ taxuwama name na pexoegaãẽgũxũ. Erũ taxucũrũwama wũxie i pema rũ pegũtama ipemẽxãchixẽẽ ngãxũ ya metruyu ega woo poraãcũ naxc̄ex pexoegaãẽgũgũ. ²⁶ —Rũ ngẽxguma tama pemaã nanguxũ i ngẽma íraxũ rũ taxucũrũwama pegũtama ipemẽxãchixẽẽ ega woo naxc̄ex pexoegaãẽgũgũ, rũ çtũxcũi i ngẽxguma rũ ta çacũ i togũ i ngẽmaxũgũc̄ex pexoegaãẽgũxũ? ²⁷ —¡Dũc̄ex penangũgũ i putũragũ na ñuxãcũ nayaexũ i nachacu! Rũ tama napuracũexũ, rũ tama nũgũ ùxchirugũxũ. Natũrũ woo guma ãẽxgacũ ga Charumóu ga na namexẽchixũ ga naxchiru rũ taguma wũxi ga putũrachacuarũ mexdrũũ nixĩ. ²⁸ —Rũ marũ nũxũ pedau i ñuxãcũ Tupana na nangẽxãẽxũ i putũragũ i ñuxma naãnewa rũxũgũmarexũ natũrũ moxũ rũ marũ taxuxũ. Rũ ngẽxguma Tupana ngẽmaãcũ nangẽxãẽgũ i putũragũ rũ pema rũ tá ngẽmaãrũ yexera pexchiru pexna naxã, Pa Duũxũgũ i Írarũwatama Yaxõgũxũx. ²⁹ —Rũ ngẽmac̄ex tama name i pexoegaãẽ naxc̄ex i çacũ tá na pengõxũ rũ çacũ tá na pixaxũxũ. ³⁰ —Erũ ñoma i naãnecũãx i duũxũgũ rũ naxc̄ex nadaugũ i guxũma i ngẽma pemaã nũxũ chixuxũ. Natũrũ pema rũ pexũ nangẽxma ya Penatũ ya Tupana ya nũechama nũxũ cuácũ na pexũ nataxuxũ i guxũma i ngẽma. ³¹ —Rũ ngẽmac̄ex narũmemaẽ nixĩ na Tupanaãrũ ngũchaũc̄ex pedaugũxũ na perũ ãẽxgacũ yĩxũc̄ex. Rũ ñuxũchi nũma rũ tá pexna nanaxã i guxũma i çacũ i pexũ taxuxũ.

Ñuxãcũ tũxũ nangẽxma i tóru ngẽmaxũgũ i daxũguxũ i naãnewa (Mt 6.19-21)

³² —¡Tãxũ i pemuũẽxũ, Pa Chauzacũgũx! Pema rũ noxretama pixĩgũ natũrũ Penatũ ya Tupana rũ norũ ngũchaũ nixĩ na pexna naxããxũ i pechica i ngextã nũma ãẽxgacũ iyĩxũtwa. ³³ —¡Rũ namaã petaxe i perũ ngẽmaxũgũ rũ togũ i duũxũgũ i nũxũ nataxuxũna penaxã i ngẽma diẽru! Rũ ngẽmaãcũ tá pegũxũ penangẽxmaxẽẽ i perũ ngẽmaxũgũ i taguma pexũ ngauxũ rũ taguma gũxũ i daxũguxũ i naãnewa i ngextã tama íyaxũcuxũtwa i ngĩtẽxãxũ rũ naweane tama ínachixẽẽxũtwa. ³⁴ —Erũ ngextã ínangẽxmaxũtwa i perũ ngẽmaxũgũ, rũ ngẽxma nixĩ i perũxĩnũẽxũ.

Name nixĩ i yigũ ítamexẽẽgũ naxũpa na ínanguxũ ya Cristu

³⁵ —¡Rũ ípememare namaã i perũ omũgũ i naĩgũxũ! ³⁶ —Rũ name nixĩ i wũxi i coriarũ duũxũgũ i ímemaregũxdrũũ na pixĩgũxũ. Rũ penaxwẽxe na ñoma duũxũgũ i íãxwa norũ corixũ nanguxẽẽgũxdrũũ na pixĩgũxũ. Rũ ngẽxguma norũ cori rũ wũxi i ngĩgũarũ petawa ne naxũxgu rũ: Tu tu tu ñaxgu, rũ paxa naxc̄ex nayawãxnagũ i íãx. ³⁷ —Rũ nataãẽgũ i ngẽma coriarũ duũxũgũ ega inadauegu i ngẽxguma ínanguxgu i norũ cori. Rũ pemaã nũxũ chixu rũ ngẽma cori rũ norũ mechawa tátama nanatogũxẽẽ i ngẽma norũ duũxũgũ i nũxũ ínanguxẽẽgũxũ, rũ nũma tátama ngẽma norũ duũxũgũxũ inaxũwemũ. ³⁸ —Rũ woo ngãxũcũi inanguxgu rũ ãxna marũ yangunehaũgu rũ nataãẽgũ i ngẽma coriarũ duũxũgũ ega inadauegu i ngẽxguma ínanguxgu i norũ cori. ³⁹ —Rũ ngẽxguma chi wũxi ya íarũ yora nũxũ cuẽxgu na ñuxguacũ ínanguẽgaxũ i ngĩtẽxãxũ, rũ tãũ chima nape. Rũ chi nũxna nadau ya napata na tama yawãnaãxũc̄ex rũ tama na nũxũ nangĩxũc̄ex. ⁴⁰ —Rũ pema rũ ta penaxwẽxe na ípememarexũ. Erũ ngũrũãchi tama nagu íperũxĩnũẽyane tá íchangu i choma i Tupana Nane na duũxũxũ chĩxũ —ñanagũrũ ga Ngechuchu.

Wũxi ga duũxũ ga meã norũ coriga ínũxũ rũ to ga tama meã norũ coriga ínũxũchiga (Mt 24.45-51)

⁴¹ Rũ yexguma ga Pedru rũ Ngechuchuna naca rũ ñanagũrũ: —Pa Corix, çtoxc̄exicatama ãxna nixĩ i ñaã ore i cuẽxruũ i tomaã nũxũ quixuxũ, rũ ãxna guxũ i duũxũgũc̄ex yĩxũ? —ñanagũrũ. ⁴² Rũ ñanagũrũ ga Cori ga Ngechuchu: —çTẽxẽ tĩxũ ya yĩxema tũmaãrũ coriarũ duũxẽ ya aixcũma yanguxẽxẽ rũ meã tũmaãẽxũ cuãxe? çTama ãxna yĩxema tĩxũ ya tũmaãrũ cori tũxna ãgaxe na meã nũxna tadauxũc̄ex rũ meã oragu tanachibũxẽẽxũc̄ex i norũ duũxũgũ? ⁴³ —Rũ tataãẽ ya yĩxema coriarũ duũxẽ i ngẽxguma ínanguxgu i tũmaãrũ cori rũ tũxũ íyanguẽũgu na meãma ítanaxũxũ i ngẽma puracũ i nagu tũxũ namuxũ. ⁴⁴ —Rũ aixcũma pemaã nũxũ chixu rũ ngẽma tũmaãrũ cori rũ tá guxũma i norũ ngẽmaxũgũarũ dauruũxũ tá tũxũ nixĩxẽẽ. ⁴⁵⁻⁴⁶ —Natũrũ ngẽxguma chi ngẽma duũxũ nagu rũxĩnũgu rũ norũ cori rũ tama paxa na ínanguxũ, rũ ínaxũgũũgu na chixri namuãxũ i natanũxũgũ i yatũxũgũ rũ ngexũgũ, rũ peta naxũxgu rũ nachibũxgu, rũ naxaxegu, rũ nũgũ nangãxẽẽgũ, rũ ngũrũãchi ngẽma ngunexũ rũ ngẽma ora i tama nagu ínanguxẽẽãxũgũ tá ínangu i norũ cori. Rũ poraãcũxũchi tá nanapoxcu ngẽma duũxũgũ i tama norũ coriga ínũẽxũxũ napoxcuxũrũũ. ⁴⁷ —Rũ ngẽma coriarũ duũxũ i nũxũ cuẽxchirẽxũ na çacũ nanaxwẽxexũ i norũ cori, natũrũ tama nũgũ ímexẽẽxũ rũ tama norũ coriga ínũxũ, rũ tá poraãcũ nanaçuxaxi. ⁴⁸ —Natũrũ ngẽma coriarũ duũxũ i tama nũxũ nacuããcũma chixri norũ coriga ínũxũ, rũ chixexũ ùxũ, rũ tá írarũwaxũra nanaçuxaxi. Rũ tẽxẽ ya Tupana muxũma tũxna ãxẽ, rũ muxũc̄extãma tũxna naca. Rũ tẽxẽ ya muxũna tũxũ nadauxẽxẽ rũ tá yexeraãcũ tũxna naca.

Ngechuchugagu nixi i yatoyexü i duixügi
(Mt 10.34-36)

⁴⁹—Núma chaxü na ñoma i nañewa duixügi xü chidauchitanü xë xü cëx. Rü chierü aixcüma marü yadauchitanügu. ⁵⁰—Rü choma rü tá poraacü ngüxü chinge, rü chanaxixächiãe ñuxmatáta yangu i ngëma. ⁵¹—Rü tama name i nagu perüxinüe na núma chaxüü na guxü i duixügi rü wüxi gu naxinü xü cëx. Natürü pemaã nüxü chixu rü núma chaxü na chaugagu yatoyexü cëx i duixügi. ⁵²—Erü ñaãwena ega wüxi ya ñpatawa nangëxmagu i wüximë xpüx i duixügi, rü tomaë xpüx tá choxü nayaxögü rü taxre i tama, rü éxna taxre tá choxü nayaxögü rü tomaë xpüx i tama. ⁵³—Rü wüxi i papá tá nayaxö rü nane rü täütáma nayaxö, rü éxna nane tá nayaxö natürü nanatü i tama. Rü ngëxgumarüü ta wüxi i mamá tá iyaxö rü ngixäcü rü täütáma iyaxö xchäü, rü éxna ngixäcü tá iyaxö rü ngie rü täütáma iyaxö xchäü. Rü wüxi ya ngixë tá iyaxö rü ngineãx rü täütáma iyaxö, rü éxna ngineãx tá iyaxö rü ngixë rü täütáma iyaxö —ñanagürü ga Ngechuchu.

Cuëxruügi i nachiga i tacü tá nangupetüxü
(Mt 16.1-4; Mr 8.11-13)

⁵⁴ Rü Ngechuchu ñanagürü ta nüxü ga duixügi: —Ngëxguma nüxü pedëuxgu na naxëächianexü, rü nagu perüxinüe tá na napuxü. Rü aixcüma ngëmaäcü nixi. ⁵⁵—Rü pema nüxü pecuëx na ñuxäcü penangugüxü ya buanecü, rü ngëmaäcü nüxü pecuëx rü tá na nanguxetüxü. Rü aixcüma ngëmaäcü nixi. ⁵⁶—Pa Duixügi, pema rü togü i duixügüpëxewa meã pemaxënetá, natürü peãewa rü chixexügu perüxinüe. Pema nüxü pecuëx na ñuxäcü penangugüxü ega tá napuxgu rü éxna tá nanguxetügu. ¿Rü ñuxäcü i ñuxma i tama nüxü pecuáxü na Tupana yixü ya petanüwa ngucü?

Name nixi na curüngüxmüxü namaã i curü uwanü
(Mt 5.25-26)

⁵⁷—Rü tüxcüü tama nüxü pecuáxchäü i ngëma nama i mexü i Tupana pexü naxwëxexü na nagu pexixü. ⁵⁸—Rü ngëxguma chi wüxie wüxi i ngetanü cëx cuxü íxaxügu rü äëxgacüxütawa cuxü tagaxgu, rü name nixi i namawatama tüxü icurüngüxmüxëë na tama äëxgacüpëxewa cuxü tagaxü cëx. Erü wüxicana na äëxgacüxütawa cunguxü rü äëxgacü tá purichíagüna cuxü namu. Rü purichíagü tá cuxü napoxcu. ⁵⁹—Rü cumaã nüxü chixu rü ngëxma poxcuchicagu tá curüxäüx ñuxmatáta ngixü cuxütanü i guxcü i dñeru i nüxü ngixü cungetanücü. [Rü aixcüma ngëxgumarüü tá cumaã nanaxü ya Tupana ega tama namaã cunamexëëxgu i curü maxü —ñanagürü ga Ngechuchu.]

13

Wüxi i mexü nixi na nüxü rüxoexü i tacüma i chixexü

¹ Rü yexgumatama Ngechuchuxütawa nangugü ga ñuxre ga duixügi. Rü Ngechuchumaã nüxü nixugü ga na ñuxäcü äëxgacü ga Piratu namuxü ga norü churaragü na nadaixü cëx ga ñuxre ga yatügü ga Gariréaanecüãx ga yexguma yema yatügü rü Tupanacëx carneru nadaixgu tupauca ga taxünewa. ² Rü Ngechuchu nüxna naca rü ñanagürü nüxü: —¿Pema nagu perüxinüëgu rü yemaäcü nüxü nangupetü ga yema yatügü, yerü yema togü ga Gariréaanecüãxärü yexera nipecaduãxgü? ³—Pemaã nüxü chixu rü tama nixi. Rü ngëxguma chi pema rü tama nüxü perüxoegu i pecüma i chixexü, rü guxäma i pema rü tá ta ipeyarütaxe. ⁴—¿Rü éxna pema nagu perüxinüëgu rü guxü ga Yerucharéücüãxärü yexera nipecaduãxgü ga yema 18 ga yatügü ga yuxü ga yexguma Chirúewa yexmaxü ga dauxütæchica naëtü rüngutaügu? ⁵—Pemaã nüxü chixu rü tama nixi. Rü ngëxguma chi pema rü tama nüxü perüxoegu i pecüma i chixexü, rü guxäma i pema rü tá ta ipeyarütaxe —ñanagürü ga Ngechuchu.

Ore ga nanetü ga iguera ga ngearü õõxügu íxixü

⁶ Rü núma ga Ngechuchu rü nüxü nixu ga wüxi ga ore ga igueragu íxixü, rü ñanagürü: —Rü wüxi ga yatü nüxü nayexma ga wüxi ga ubanecü. Rü yexma nanato ga wüxi ga iguera. Rü núma ga guma yatü rü inayadauxü ga yema iguera rü ngoxi naxöó, natürü taxuxüma ga norü oxü inayangau. ⁷—Rü yemacëx yema norü duixü ga norü nañena dauxüxü ñanagürü: “Dü cëx, tomaë xpüx ya taunecü guxüguma ichayadauxü i ñaã iguera, rü taguma naxo. Rü ngëmacëx chanaxwëxe na cuyadaxüchixü na tama natü cëxma nuã nañewa naxiãeãxü cëx”, ñanagürü nüxü. ⁸—Natürü ga yema norü duixü ga norü nañena dauxü, rü norü corixü nangäxü, rü ñanagürü:

“Pa Corix, ñüëtama doma taunecüxcátama nangëmëx! Rü tá chanaxaimüãnepüne rü waxmüãnexümaã tá chanagüpüne. ⁹—Rü bexmana ngëxguma rü tá naxo. Natürü ngëxguma täütáma naxoxgu rü tá chayadaxüchi”, ñanagürü.

Ngechuchu rü ngüxchigaarü ngunexügu ngüxcèx nayataanexèè ga wüxi ga ngecü ga püccèxwecü

¹⁰ Rü wüxi ga ngüxchigaarü ngunexügu rü Ngechuchu nangüxèètae ga wüxi ga ngutaquèxepataüwa. ¹¹ Rü yéma iyexma ga wüxi ga ngecü ga 18 ga taunecü idaawecü. Rü ipücèxwe yerü wüxi ga ngoxo ngixü napücèxwexèè, rü taxuacüma iyarüwèxächi. ¹² Rü yexguma Ngechuchu ngixü dèuxgu rü ngüxcèx naca, rü ñanagürü ngixü: —Pa Ngecüx, ñuxma rü marü cuxcèx nitaane i curü ñaawewa —ñanagürü. ¹³ Rü yexguma rü ngixü ningögü, rü yexgumatama iyarüwèxächiwemüxü, rü inaxügü ga Tupanaxü na yacuèxüüxü. ¹⁴ Natürü yema ngutaquèxepataüärü äëxgacü rü nanu, yerü Ngechuchu rü ngüxchigaarü ngunexügu ngixü narümcèè ga yema nge. Rü yemacèx ga yema äëxgacü rü ñanagürü duüxügüxü: —Nangèxma i 6 i ngunexü i nagu namexü na ipuracüexü. Rü ngéma ngunexügügu nixi i namexü na nuä pexixü na pegü peyarümexèègüxcèx rü tama i ngüxchigaarü ngunexügu —ñanagürü. ¹⁵ Rü yexguma ga Cori ga Ngechuchu rü nanangäxü, rü ñanagürü: —Pa Duüxügüx, pema rü togü i duüxügüpèxewa meä pemaxènetä, natürü peäewa rü chixexügu perüxinüè. ¿Tama èxna guxä i pema rü ngüxchigaarü ngunexügu peyawèxü i perü woca rü èxna perü buru na peyaxaxexèègüxcèx? ¹⁶ —Rü ñaä ngecü rü Abräütanüxü iyixi, rü Chataná rü 18 ya taunecü ngixü nachixexèè namaä i ñaä ñaawewa. ¿Rü taux èxna i namexü na ngüxcèx chayataanexèèxü i ngüxchigaarü ngunexügu? —ñanagürü. ¹⁷ Rü yexguma yema ñaxgu ga Ngechuchu, rü guxüma ga norü uwanügü rü poraäcü naxäneè. Natürü guxüma ga togü ga duüxügü rü nataäègü ga yexguma nüxü nadaugüga ga yema mexügü ga Ngechuchu üxü.

Ore i motacha- chiregu ixuxü

(Mt 13.31-32; Mr 4.30-32)

¹⁸ Rü ñanagürü ga Ngechuchu: —¿Ñuxäcü nixi i äëxgacü na yixü ya Tupana, rü nañuxraüxü i nüma äëxgacü iyixüwa? ¿Rü tacügu tá chanangu? ¹⁹ —Maneca wüxi ya motachachire ya wüxi ya yatü naänegu toxünerüü nixi. Rü woo naxiraxüchichirèx ya naxchire natürü narüxü, rü naya ñuxmata wüxi i nanetü i taetaxü nixi. Rü ngémacèx i werigü rü natanügu nixüachiäü —ñanagürü.

Ore i päüärü puxèèruügu ixuxü

(Mt 13.33)

²⁰ Rü ñanagürü ta ga Ngechuchu: —¿Ñuxäcü nixi i Tupana äëxgacü íixüwa? ¿Rü tacügu tá chanangu? ²¹ —Rü päüärü puxèèruüü nixi na guxüwama nanguxü. Erü wüxi i ngecü rü íraxü- tama i päüärü puxèèruümaä inaxüéü i taxü i ngürü päüchara. Rü ngéma päüärü puxèèruü rü woo naxira rü nayapuxèè i guxüma i ngürü päüchara —ñanagürü ga Ngechuchu.

Íax i íraxüchiga

(Mt 7.13-14, 21-23)

²² Rü inixüchigü ga Ngechuchu ga Yerucharéüwa na naxüxü. Rü yexguma namagu yaxüxgu rü íanegüwa rü íanexäcügüwa nixüpetüchigü, rü yéma nayangüxèètanü ga duüxügü.

²³ Rü wüxi ga duüxü nüxna naca rü ñanagürü: —Pa Corix ¿noxretátama nixi i ngéma nayauxgüxü i maxü i taguma güxü? —ñanagürü. Rü nüma ga Ngechuchu nanangäxü, rü ñanagürü: ²⁴ —Daxügüxü i naäneärü íax rü naxiraxüchi. ¿Rü paxa naxcèx pedau na nawa pichocüxcèx! Erü pemaä nüxü chixu rü muxüchixüma i duüxügü tá nüxü nangüchaü na nawa yachocuxü, natürü täütáma nawa nichocu. ²⁵ —Erü ngèxguma íärü yora marü nawäxtagu i íax, rü pema i düxétüwa ngèxmagüxe rü tá penatutuüü. Rü ñaperügügü tá:

“Pa Corix, ¿paxa toxcèx yawäxna i íax!” ñaperügügü tá. Natürü nüma i cori rü tá pexü nangäxü, rü ñanagürü tá:

“Tama pexü chacuèx na ngextäcüíax pixügüxü”, ñanagürü tá pexü. ²⁶ —Rü ngèxguma rü tá ñaperügügü nüxü:

“Cumaächirèx wüxiwa tachibüe rü taxaxegü. Rü toxü cungüxèè ga torü íaneärü ítamügüwa”, ñaperügügü tá. ²⁷ —Natürü nüma rü tá pexü nangäxü rü ñanagürü tá: “Marü pemaä nüxü chixu rü tama pexü chacuèx na ngextäcüíaxgü pixügüxü. ¿Rü ípixi i nuä chauxütawa i guxäma i pemax, Pa Chixiri Maxèüxü!” ñanagürü tá. ²⁸ —Rü ngema tá pexaxe, rü tá pixüxchapütägü i ngèxguma nüxü pedèuxgu i Abräü rü Ichaä rü Acobu rü guxüma i Tupanaärü orearü uruügü na Tupana äëxgacü íixüwa na nangèxmagüxü rü pema rü nüxna na ípewoxüxü. ²⁹ —Erü guxüwatáma ne naxi i duüxügü. Rü Tupana äëx- gacü íixüwa tá nangèxmagü. Rü ngema tá narütogü na ngema nachibüexèèx. ³⁰ —Rü tá nangèxma i nümaxü i ñoma i naänewa duüxügü nüxü oexü, natürü daxügüxü i naänewa rü Tupana tá wixpèxewa nanaxügüxèè. Rü tá nangèxma i nümaxü i ñoma i naänewa duüxügü nüxü icuèxüügüxü, natürü daxügüxü i naänewa rü Tupana rü tá wixweama nanaxügüxèè —ñanagürü ga Ngechuchu.

*Ngechuchu rü Yerucharéütcüâx ga duüxügücêx naxaxu
(Mt 23.37-39)*

³¹ Rü yematama ga ngunexügu rü Ngechuchuxütawa nangugü ga ñuxre ga Parichéugü. Rü ñanagürügü Ngechuchuxü: —Ííxü i nuã! Erü äëxgacü ya Erode rü cuxü nimèxéga — ñanagürügü. ³² Natürü nüma ga Ngechuchu nanangäxü rü ñanagürü: —ÍNaxütawa pexí i ngéma yatü i nüxü cuèxüchixü na ñuxäcü duüxügüxü nawomüxéëxü, rü namaã nüxü pixu rü ñuxma rü moxü rü tá ichana- woxü i ngoxogü, rü tá chanameëxëë i ngéma duüxügü i idaaweexü, rü pèxmaäcü tá chanaguxéë! ³³ —Natürü chanaxwëxe i ichixüchigü i ñuxma rü moxü rü paxmaäcü ñuxmatáta Yerucharéüwa changu. Erü Yerucharéügu nixí i na nayuxü i guxüma i Tupanaärü orearü uruügü. ³⁴ —Rü dücax, Pa Yerucharéütcüâx, pema peyadaietanü i Tupanaärü orearü uruügü, rü nutamaã ípenamuxüchigü i Tupanaärü orearü ngeruügü i pexcêx nüma namugüxü. Rü ñuxreëxpüxcüna wüxigu chaugüxütagu pexü chanutaquëxëëchaü, ñoma wüxi i ota ya naxäcüâx nügütütagu tüxü nutaquëxëxürü. Natürü pema rü tama penaxwëxe. ³⁵ —Dücêx i ñuxma ya perü íane, rü Tupana tá ínanatêx. Rü pemaã nüxü chixu rü täütama wena choxü pedau ñuxmatáta daxügüxü i naãnewa ne chaxü. Rü ngëxguma rü tá choxü pedau rü tá ñaperügügü:

“Namexêchi nixí ya yima Cori ya Tupana nüma namucü”, ñaperügügü tá —ñanagürü ga Ngechuchu.

14

Ngechuchu rü naxcêx nayataanexëë ga wüxi ga yatü ga rüchaxüñexü

¹ Rü wüxi ga ngüxchigaarü ngunexügu rü Ngechuchu rü wüxi ga Parichéupatawa nayachibü. Rü yéma nayexmagü ga togü ga Parichéugü ga yéma bexma Ngechuchuxü ngugüxü. ² Rü yéma nayexma ta ga wüxi ga yatü ga idaawexü ga rüchaxüñexü. ³ Rü yexguma ga Ngechuchu rü yema ngüxëëruügü ga Moíchéarü mugüwa nguxëëtaegüxüna rü Parichéugüna naca, rü ñanagürü: —¿Tama penachuxuxü ega ngüxchigaarü ngunexügu chanamexëëxgu i wüxi i idaawexü? —ñanagürü. ⁴ Natürü ga nümagü rü nangeëxgümare. Rü yexguma ga Ngechuchu rü naxmëxgu nayayauxächi ga yema idaawexü, rü nanamexëë. Rü namaã nüxü nixu ga na íyaxüxücêx. ⁵ Rü Ngechuchu rü ñanagürü Parichéugüxü: — ¿Texé i pema i ngëxguma perü buru rü êxna perü woca puchugu nagoxgu, rü taux êxna i ngëxgumatama ípeyadauxü rü ípe- yatüächixü i woo ngüxchigaarü ngunexügu? —ñanagürü. ⁶ Rü nümagü rü taxuümaãma nanangäxügü.

Duüxügü ga ngügarü petawa nüxna naxugüxüchiga

⁷ Rü yexguma mechawa natogüxüchiga ga yema nüxna naxugüxü, rü Ngechuchu nüxü nadau na wüxichigü rü íärü yoraxütawaxüchi natoxchaüxü. Rü yexguma yemaxü nadëuxgu rü nayaxucuxëgü, rü ñanagürü: ⁸ —Ngëxguma texé cuxna uxgu i wüxi i ngügarü petawa, rü tama name i petaarü yoraxütawaxüchi üxü i naxmëxwëxewa cuyarüto. Erü yixcúra ngürüächí tá ínganu i to i nüxna naxuxü i curü yexeraxüchi íxíxü. ⁹ —Rü ngéma petaarü yora i pexna uxü, rü tá cumaã nüxü nayarüxu na icuchixücêx i ngéma nachicawa na ngéma natoxëëäxücêx i ngéma to i curü yexera íxíxü. Rü ngëxguma i cuma rü poraäcü cuxãneäcüma rü nawa iyacuáxü i naxmëxwëxewa tá cuyarüto. ¹⁰ —Rü narümemaë ega texé cuxna uxgu, rü nawa iyacuáxü i naxmëxwëxewa curüto. Rü ngëxguma i ngéma petaarü yora i cuxna uxü rü ñanagürü tá cuxü:

“Pa Chomücüx, ¡nuã chauxütawa yarüto!” ñanagürü tá cuxü. Rü ngémaäcü ngéma petaarü yora rü wüxi i mexü tá cumaã naxü napëxewa i guxüma i duüxügü i nüxna naxuxü i cumaã ngema rütogüxü. ¹¹ —Erü texé ya tügü írütaxe rü Tupana tá tüxü naxãñexëë. Natürü texé ya tügü írúxiraxe rü Tupana tá tüxü nicüëxüxü —ñanagürü ga Ngechuchu. ¹² Rü ñanagürü ta ga Ngechuchu nüxü ga yema yatü ga nüxna uxü: —Rü ngëxguma wüxi i ðnacêx rü êxna petacêx texéna cuxuxcháugü, rü tama name i nüxna cuxu i cumücügü, rü bai i cueneëgü, rü bai i cutanüxügü, rü bai i curü ngaicamagu pegüxü i duüxügü i díeruäxügü. Erü nümagü rü tá nüxü cuxna naxugüe, rü ngémaäcü tá cuxü nanaxütanügü. ¹³ —Natürü ngëxguma wüxi i peta cuxüxgu, rü narümemaë nixí i nüxna cuxu i duüxügü i ngearü díeruäxügüxü, rü duüxügü i taxucürüwama puracüëxü, rü ngéma ichixeparagüxü, rü ngéma ingexetügüxü. ¹⁴ —Rü tá cutaãëxüchí i ngëxguma erü nümagü rü taxucürüwa cuxü nanaxütanügü. Natürü tá cunayaxu i curü natanü i ngëxguma wena namaxëgu i Tupanaärü duüxügü i mexü — ñanagürü.

*Ore i taxü i ðnagu íxuxü
(Mt 22.1-10)*

¹⁵ Rü yexguma yemaxü naxínügu ga wüxi ga yatü ga mechawa rüttoxü rü Ngechuchuxü ñanagürü: —Rü tataãe ya yíxema Tupana äëxgacü íixíxüwa chibüxe —ñanagürü. ¹⁶ Rü

yexguma ga Ngechuchu rü ñanagürü nüxü: —Wüxi ga yatü nanaxü ga wüxi ga ðna ga taxü. Rü norü duüxü namu na nüxna yaxuxüçex ga muxüma ga duüxügü. ¹⁷ —Rü yexguma marü namexgu ga norü ðna, rü wena norü duüxü namu na yema duüxügü ga marü nüxna naxugüümaä nüxü na yanaxuxüçex ga marü na namemarexü ga norü ðna, rü paxa yema na naxüxüçex. ¹⁸ —Natürü guxüma ga yema nüxna naxugüxü, rü inanaxügu ga nügu na ñnaxegüxü. Rü yema nüxira nüxna naxu rü ñanagürü:

“Ngexwacaxtama naxçex chataxe i wüxi i naäna. Rü paxa tá íchayadau. ¡Rü namaä nüxü ixu i cori rü taxucürüwama ngema chaxü!” ñanagürü. ¹⁹ —Rü ga yema to rü ñanagürü:

“10 i wocagü i puracürüçex chataxe, rü tá ngëmaxü chayaxü. ¡Rü namaxä nüxü ixu i cori rü taxucürüwama ngema chaxü.” ²⁰ —Rü ga to rü ñanagürü:

“Ngexwacaxtama chaxämëx rü ngëmacëx taxucürüwama ngema chaxü”, ñanagürü. ²¹ —Rü yexguma nataegugu ga yema coriarü duüxü, rü norü corimaä nüxü nixu ga guxüma ga yema ore. Rü yexguma ga norü cori rü nanu, rü ñanagürü nüxü ga norü duüxü:

“¡Paxa ngema ñtamügü i taxüwa rü ñtamüacügüwa naxü, rü nuä nagagü i ngëma duüxügü i ngearü diëruäxgüxü, rü ngëma duüxügü i taxucürüwama puracüexü, rü ngëma ichix-eparagüxü, rü ngëma ingexetügüxü!” ñanagürü. ²² —Rü yixcamaxüra ga yema norü cori namaä nüxü ixuxü naxüxguwena rü yema norü duüxü ñanagürü nüxü:

“Pa Corix, marü chanaxü i ngëma chomaä nüxü quixuxürüü, natürü naxächicaaneämatama i nuä cupatawa”, ñanagürü. ²³ —Rü yexguma ga norü cori rü ñanagürü nüxü:

“¡Paxa ngema nama i taxügüwa rü nama i íraxügüwa naxü, rü nuä nagagü i togü i duüxügü na nuxä chopatagu nachocuxüçex, rü ngëmaäcü na naxäcuxüçex ya daa chopata! ²⁴ Erü pemaä nüxü chixu rü taxuüma ga yema nüxira nüxna chaxuxü rü nuä chorü ðnawa tá nachibüe”, ñanagürü.

Tama natauxcha na Cristuwe rüxüxü
(Mt 10.37-38)

²⁵ Rü muxüchixüma ga duüxügü Ngechuchuwe narüxí. Rü nadauegu ga Ngechuchu, rü ñanagürü nüxü: ²⁶ —Rü ngëxguma texé chowe rüxüxüchaügu, rü tanaxwëxe i choxü tangechaü tümanatüarü yexera, rü tümaëarü yexera, rü tümamëxärü yexera, rü tümaxäcügiarü yexera, rü tümaëneëgiarü yexera, rü tümaëyëxgiarü yexera, rü tümaärü maxüärü yexera rü ta. Rü ngëxguma tama ngëmaäcü choxü tangechaügu rü taxucürüwama aixcüma chorü ngüexü tixí. ²⁷ —Rü yixema tama naxwëxë na chaugagu ngüxü tingeäcüma chowe tarüxüxü, rü taxucürüwama chorü ngüexü tixí. ²⁸ —Rü ngëxguma chi wüxie i petanüwa rü wüxi ya ípata ya taxüne taxüxüchaügu, ¿rü tama ëxna i noxri i tanangugüxiraxü na ñuxre i diëru tá nagu ngüxü itatäxü? Rü ngëmawa nüxü tacüex rü marü tüxü iyangu i ngëma tümaärü diëru i tüxü ngëxmacü na tayanguxëëxüçex ya yima í. ²⁹ —Erü ngëxguma chi tama meä tanangugügu i tümaärü diëru na ñuxregu tá naxätanüxü ya yima í, rü norü caxtaxica chi itapugügu rü yixcüra rü taxucürüwa chi tanaguxëëgu i ngëma puracü, rü guxüma i duüxügü i nüxü daugüxü i ngëma tümaärü puracü rü tá tüxü nacugüe. ³⁰ —Rü ñanagürügü tá:

“Ngëma yatü inanaxügü na naxüpataxü, natürü taxucürüwama nayanguxëë”, ñanagürügü tá. ³¹ —Rü ngëxguma wüxi i nachiüñeärü äëxgacü rü to i nachiüñeärü äëxgacümaä nügu nadaixüchaügu, ¿rü tama ëxna i noxri inanangüäxü rü ngoxi 10,000 i churaragü rü yangu na nügu nadaixüçex namaä i norü uwanü i 20,000 i churaragü nüxü ngëxmaxü? ³² —Rü ngëxguma nangugüägu na tama yanguxü i norü churaragü rü, ¿taxu ëxna i ngëxguma yaxüwa nangëxmagutama i norü uwanü, rü naxütawa namugüäxü i norü orearü ngeruügü, rü namaä nüxü na yanaxugüexüçex na nügümaä nangüxmüexü? ³³ —Rü ngëxgumarüü tá ta nixü i pemax, erü ngëxguma ngexerüxüxe i petanüwa tama ngëma tanawogügu i guxüma i tüxü ngëxmaxü na chowe tarüxüxüçex, rü taxucürüwama aixcüma chorü ngüexü tixí.

Ngëxguma nangeacagu ya yucüra rü taxuwama name
(Mt 5.13; Mr 9.50)

³⁴ —Pema rü ñoma yucürarüü pixügü i ñoma i naänewa, erü yima yucüra rü ðna na namexëëxürüü rü pema rü ñoma i naänecüäx i duüxügütanüwa rü norü mexëëruü pixügü. Name ya yucüra. Natürü ngëxguma chi nangeacagu, ¿rü ñuxäcü tá wenaxärü naxääca? ³⁵ —Rü taxuwama name. Rü woo waixüümüärü waxmüänexëëruüçex rü tama name. Rü ítanatëxmare. Rü yixema aixcüma ächixexë, ¿rü name nixü i nagu tarüxüñüe i ñaä ore! —ñanagürü.

¹ Rū guxūma ga yema yatūgū ga Dumaārū āēxgacūcèx dīeru ngīxū ideetanūxū, rū togū ga duūxūgū ga chixexū ga nacūmagu īxū, rū Ngechuchucèx naxī na iyanaxīnūēxūcèx ga norū ore. ² Rū yemacèx ga Parichéugū rū ngūxēēruūgū ga Moīchēarū mugūwa nguxēētaegūxū, rū Ngechuchuxū nixugū, rū űanagūrūgū: —űaā yatū rū norū me nixī i pecaduāxgūxūmaā na naxāmūcūxū, rū namaā na nachibūxū —űanagūrūgū. ³ Rū yexguma ga Ngechuchu rū űaā ore ga cuēruūxū namaā nixu, rū űanagūrū: ⁴ —ĵTexé i petanūwa rū ngēxguma tūxū nangēxmagu i 100 i tūmaārū carnerugū rū wūxi tūxū iyarūtāuxgu, rū taux ēxna i nachitaūwa tanawogūxū i ngēma 99, rū naxcèx tayadauxū i ngēma tūxū iyarūtāuxū űuxmata nūxū itayangau? ⁵ —Rū ngēxguma nūxū itayangēuxgu rū taāēācūma tūgūātūgu tayagaxū. ⁶ —Rū ngēxguma tūmapatawa tanguxgu, rū tanangutaquēxexēē i tūmamūcūgū, rū duūxūgū i tūmaārū ngaicamagu pegūxū, rū űatagūxū nūxū:

“ĵWūxigu chomaā petaāēgū, Pa Chomūcūgūx! Erū marū nūxū ichayangau i ngēma chorū carneru ga iyarūtāuxū”, űatagūxū nūxū. ⁷ —Rū pemaā nūxū chixu rū ngēxgumarūū ta nataāēgū i daxūcūāx i ngēxguma nangēxmagu i 99 i duūxūgū i mexgū i marū Tupanaārū ixīgūxū, natūrū yexeraācū nataāēgū i ngēxguma wūxi i duūxū i pecaduāxū nūxū rūxoxgu i nacūma i chixexū rū Tupanaāxū yaxōōgu —űanagūrū.

Ore ga dīeru ga iyarūtāuxcūgu ixuxū

⁸ Rū Ngechuchu rū wūxi ga to ga ore ga cuēruūxū nixu, rū űanagūrū: —Ngēxguma chi wūxi i ngecūaxū nangēxmagu i 10 tachinū i dīeru, rū wūxi ngīxū iyarūtāuxgu, ĵrū taux ēxna i omūwa nangixichīāxū rū nabixichīāxū ya ngīpata, rū meāma ngīxcèx nadauxū űuxmata ngīxū iyangau? ⁹ —Rū ngēxguma ngīxū iyangauxgu, rū inangutaquēxexēē i ngīmūcūgū i ngēxūgū rū ngītanūxūgū i ngīrū ngaicamagu pegūxū, rū ngīxū nūxū:

“ĵWūxigu chomaā petaāēgū, Pa Chomūcūgūx! Erū marū ngīxū ichayangau i ngēma chorū dīeru ga iyarūtāuxchirēxū”, ngīxū. ¹⁰ —Rū pemaā nūxū chixu rū ngēxgumarūū ta nataāēgū i daxūcūāx i Tupanaārū orearū ngerūgū i ngēxguma wūxi i duūxū i pecaduāxū nūxū rūxoxgu i nacūma i chixexū rū Tupanaāxū yaxōōgu —űanagūrū ga Ngechuchu.

Ore ga wūxi ga ngextūxūcū ga nanatūna ixūcūgu ixuxū

¹¹ Rū űanagūrū ta ga Ngechuchu: —Nayexma ga wūxi ga yatū ga taxre ga nane nūxū yexmacū. ¹² —Rū guma rūbūmaēcū, rū nanatūxū űanagūrū:

“Pa Pa, ĵchoxna naxā i ngēma curū ngēmāxūgū i choxna űxū!” űanagūrū. Rū yexguma ga nanatū rū yema taxre ga nanemaā nayatoye ga norū yemāxūgū. ¹³ —Rū űuxre ga ngunexūguwena rū guma nane ga rūbūmaēcū rū nananutaquēxe ga guxūma ga norū yemāxūgū rū namaā nataxe. Rū yema dīerūmaā rū to ga nachīūānēwana naxū. Rū chixri yēma namaxū, rū yemaācū ngīxū naguxēē ga guxcūma ga norū dīeru. ¹⁴ —Natūrū yexguma marū ngīxū naguxēēguwena ga guxcūma ga norū dīeru, rū poraācū nataxu ga űna ga yema nachīūānēwana. Rū yemacèx ga guma ngextūxūcū rū inanaxūgū ga taiya nūxū na ngūxū. ¹⁵ —Rū yexguma rū norū puracūcèx nadau naxūtagu ga wūxi ga yatū ga yema nachīūānēcūāx. Rū nūma ga yema yatū rū norū naānēwana nanamu na yēma norū cuchigūna yadauxūcèx. ¹⁶ —Rū dūxwa nūxū nachīxēga ga yema cuchiwemū, yerū poraācū nataiyaxūchi. Natūrū taxūema űna nūxna taxā. ¹⁷ —Rū yexguma naāēwana nagu narūxīnū, rū űanagūrū:

“ĵNuxre i chaunatūrū puracūtanūxū rū nūxū nangēxma i űna rū nūxū īnayaxū? Rū choma i nuā rū taiyamaā tá nuxma chayū. ¹⁸ —Rū chaunatūcèx tá chataegu, rū űachagūrū tá tūxū: ‘Pa Papax, marū chixexū Tupanapewa chaxū rū cupewa rū ta. ¹⁹ —Rū tama marū chame na Chaune, űacuxū choxū. ĵRū wūxi i curū puracūtanūxū choxū ixīxēē! ĵncharūgū tá tūxū ya chaunatū’, űanagūrū. ²⁰ —Rū inaxūāchi rū nanatūpatacèx nataegu. Rū yexguma yangaicagu ga nanatūpata, rū yaxūgu nūxū tadau ga nanatū, rū tūxū nangechaūtūmū. Rū naxcèx tiña, rū nūxna tanējāchi, rū nūxū tachūxu. ²¹ —Rū yexguma ga nūma ga tūmane rū űanagūrū tūxū: ‘Pa Papax, marū chixexū Tupanapewa chaxū, rū cupewa rū ta. Rū ngemacèx marū tama name na ‘Chaune’ űacuxū choxū’, űanagūrū. ²² —Natūrū tūma ga nanatū rū tūmaārū duūxūgūxū űatarūgū:

“ĵPaxa nuā penange i naxchiru i mexēchixū rū peyacūxcuchix! ĵRū wūxi i anera ta namxēxwa ngīxū pingēxcuchix! ĵRū chapatu rū ta nuāta penge, rū peyacūaīxcuchix! ²³ —ĵRū peyayaxū i ngēma wocaxacū i rūngūmaexū, rū peyamā, rū ngīxā namaā tachībūe rū tapetae! ²⁴ —Erū daa chaune rū chauxcèx rū marū nayu, natūrū maxūcū chauxcèx īnangu. Rū marū inayarūtāuxchirēx, rū wenaxārū nangox”, űanagūrū. Rū yexguma inanaxūgūe ga na napetaegūxū. ²⁵ —Rū yoxni ga guma nane ga rūyamaēcū, rū naānēwana nayexma. Rū yexguma nataegugu rū marū ĵārū ngaicamana nangugu, rū nūxū naxīnū ga na īnapaxetāgūxū rū īyaxūāchitanūxūxū. ²⁶ —Rū wūxi ga nanatūarū duūxūcèx naca, rū nūxna naca ga ĵacū na īnaxūexū ga īwa. ²⁷ —Rū yema nanatūarū duūxū rū nanangāxū, rū űanagūrū: “Cueneē rū marū īnangu. Rū ngēmacèx cunatū toxū tamu na tayamāxūcèx i ngēma wocaxacū i rūngūmaexū, erū cueneē rū mecū īnangu rū tama nīdaawe”, űanagūrū nūxū. ²⁸ —Natūrū ga

guma naēneē ga rüyamaēcü rü nanu, rü tama İgu naxücuchañ. Rü yemacèx düxwa ga nanatü rü naxcèx itaxüxü, rü nüxü tayacèxü na yaxücuxüçèx. ²⁹—Rü nüma rü ñanagürü tüxü ga nanatü:

“Cuma nüxü cucuèx i ñuxre ya taunecü cuxü chapuracü, rü taguma chixri cuga chaxinü. Rü bai i ñuxgu wüxicana wüxi i chibuxacü choxna cumu na chomüçügümaā chapetaexüçèx. ³⁰—Natürü ñuxma na ínanguxü i ngēma cune i chixri curü diēru ngixü guxēèxü nagu i ngexüğü i ngēāèxü, rü naxcèx cuyamèx i ngēma wocaxacü i rüngümaexü, ñanagürü. ³¹—Rü yexguma ga nanatü rü ñatarügü nüxü:

“Pa Chaunex, cuma rü guxüguma chauxütawa cungēxma, rü guxüma i chorü ngēmamaxüğü rü cuxrü nixi. ³²—Natürü ñuxma rü name nixi na ipetaegüxü rü na itaāègüxü erü cueneē ga guma chauxcèx rü marü yucü, rü maxücü taxcèx ínangu. Rü woo tüxna inayarütaxu, rü wenaxärü taxcèx nangox”, ñatarügü.

16

Ore ga yatü ga chixri norü coriarü yemaxüna dauxügu ixixü

¹ Rü ñanagürü ta ga Ngechuchu norü ngüexüğüxü: —Nayexma ga wüxi ga cori ga muärü yemaxüğüxüchixü. Rü nüxü nayexma ga wüxi ga norü duüxü ga norü yemaxüärü dauruü. Natürü togü ga duüxüğü rü norü corimaā nüxü nixugü na yema norü duüxü rü chixri norü yemaxüna na nadauxü. ²—Rü yexguma ga yema cori rü yema norü duüxüçèx naca, rü ñanagürü nüxü:

“Dücèx, cuchigaxü chomaā nixugüğü i duüxüğü. ¿Rü tacü nixi i ngēma? ¡Rü chomaā nüxü ixu rü ñuxäcü nixi i curü puracü, erü marü täütama chorü ngēmamaxüärü dauruüxü cuxü chixixēè!” ñanagürü nüxü. ³—Rü yexguma ga yema coriarü duüxü rü nagu narüxinü, rü nügläewa ñanagürü:

“¿Tacü tá chaxü i ñuxmax, erü chorü cori rü marü choxü ínatèxüchi i ngēma chorü puracüwa? Tama chapora na naānewa chapuracüxüçèx, rü chaxāne na diērucèx na íchaçaxü nüxna i togü. ⁴—Rü marü nüxü chacuèx na tacü tá na chaxüxü na choxü nangēxmaxüçèx na texé tümapatawa choxü yaxuxü i ngēxguma changearü puracüğüxü”, ñanagürü. ⁵—Rü yexguma nüxügütawa naxcèx naca ga wüxichigü ga yema duüxüğü ga norü coriaxü yangetanügüxü. Rü yema nüxra yēma naxütawa nguxüna naca, rü ñanagürü:

“¿Ñuxre i nüxü cungetanüxü i chorü cori?” ñanagürü. ⁶—Rü nüma nanangäxü, rü ñanagürü:

“Nüxü chanangetanü i 100 i data i chixü”, ñanagürü. Rü yema coriarü duüxü rü ñanagürü nüxü:

“Ñā nixi i popera i curü ngetanü nawa ngóxü. ¡Rü paxa írütö rü to i popera naxü, rü 50 i dataguxicatama naxü i curü ngetanü!” ñanagürü. ⁷—Rü yemawena rü yema to ga duüxü ga norü coriaxü nangetanüxüna naca, rü ñanagürü:

“¿Cuma rü ñuxre yixü i nüxü cungetanüxü i chorü cori?” ñanagürü. Rü nüma rü nanangäxü, rü ñanagürü:

“Nüxü chanangetanü i 100 i choca i trigu”, ñanagürü. Rü yema coriarü duüxü rü ñanagürü nüxü:

“Ñā nixi i popera i curü ngetanü nawa ngóxü. ¡Rü paxa írütö rü to i popera naxü rü 80 i chocaguxicatama naxü i curü ngetanü!” ñanagürü. ⁸—Rü norü cori rü nüxü nicuèxüdüma ga yema norü duüxü ga chixexü, yerü nüxü nadau ga ñuxäcü na naxāèxüchixü. Rü pemaā nüxü chixu rü ñoma i naānecüäx i duüxüğü, rü ngēma Tupanaäxü yaxögüxü i duüxügüarü yexera paxa naxcèx nadaugü na ñux- äcü nüxü natüxü i duüxüğü. ⁹—Rü pemaā nüxü chixu rü ngēma ñoma i naāne i chixexüwa pexü ngēxmaxü rü name nixi i ngēmamaā nüxü penangüchaüxēè i duüxüğü na Tupanaxütawa nangugüxü. Rü ngēmaäcü i ngēxguma naguxgu i ngēma ñoma i naānewa pexü ngēxmaxü rü peyuxgu, rü tá pexü nangēxma ya Penatü ya pexü yaxucü i daxüguxü i naānewa. ¹⁰—Yixema meā namaā icuáxe ega woo noxretama tümamēxēwa ngēxmagu, rü ngēxguma muxüma tümamēxēwa ngēxmagu rü tá ta meā namaā itacuèx. Natürü yixema chixri namaā icuáxe ega noxretama tümamēxēwa ngēxmagu, rü ngēxguma muxüma tümamēxēwa ngēxmagu rü ngēxgumarüü tá ta chixri namaā itacuèx. ¹¹—Rü ngēxguma tama meā namaā ipecuèxgu i ngēma pexmēxwa ngēxmaxü i ñoma i naāne i chixexüwa, ¿rü texé tá pexmēxgu tanaxü i ngēma aixcüma mexü i Tupanaärü ixixü? ¹²—Rü ngēxguma tama meā namaā ipecuèxgu i ngēma Tupana pexna äxü i ñoma i naānewa, ¿rü ñuxäcü tá pexna nanaxā i pechica i daxüguxü i naānewa? ¹³—Taxucürüwama i wüxi i duüxü rü nataxrearü coriäx. Erü wüxi i norü corichi rü tá naxai, rü ngēma to rü tá nüxü nangechañ. Rü ēxna wüxicèx rü tá meā napuracü rü ngēma to rü tá nüxü naxo. Rü pema rü taxucürüwama Tupanacèx pemaxé ega perü diēruguxicatama perüxinüēgu —ñanagürü ga Ngechuchu. ¹⁴ Natürü ga yema Parichéugü rü poraäcü norü diēruguma

narüxinüë. Rü yemacëx Ngechuchuxü nacugüe ga yexguma nüxü naxinüëgu ga guxüma ga yema ore. ¹⁵ Rü yexguma ga Ngechuchu rü ñanagürü nüxü: —Pema nixi i duüxügüpëxewa meã pemaxënetaxü, natürü Tupana pexü nacuëx na tacügu perüxinüëxü. Rü woo duüxügü pexü nicuëxüügü naxcëx i ngëma pexüxü, natürü Tupana rü naãewa nangux i ngëma —ñanagürü ga Ngechuchu.

Tupanaärü mugü ga Moïché ümatüxü rü ñuxäcü äëxgacü na yixü ya Tupanachiga

¹⁶ Rü yexguma ga Ngechuchu rü ñanagürü: —Noxri nayexma ga Tupanaärü mugü ga Moïché duüxügüxü ngxëëxü, rü yema ngxëëtae ga nuxcúmaügüxü ga Tupanaärü orearü uruügü duüxügüxü namaã ngxëëxü. Natürü yexguma Cuáü ga baiüxëëruü ínguxguwena, rü marü duüxügümaã nüxü chixuchiga i Tupanaärü ore i mexü i ñuxäcü äëxgacü na yixü. Rü ñuxma rü guxüma i ngëma duüxügü rü poraäcü nügü naporaexëë na yachocuxücëx i ngëma Tupana äëxgacü íxixüwa. ¹⁷ —Naxüpa na yanguxü i Tupanaärü mugü rü woo wüxi i mu i íramarexü yixügu, rü naguxchaxüchi na iyanaxoxü i ngëma nüxü yaxuxü. Natürü aixcúma narütauxchamaë nixi na iyanaxoxü i ñoma i naãne rü guxüma i ngëma daxüwa nüxü idauxü.

Ngechuchu namaã nangüexëëtae na tama namexü na texé tümamaxü ítaxü (Mt 19.1-12; Mr 10.1-12)

¹⁸ —Ngëxguma wüxi ga yatü ítamëxgu rü naí i ngëmaã naxãmëxgu rü Tupanapëxewa rü pecadu naxü. Rü texé ya yixema ngümaã ämaxë i wüxi i nge i ngíte ngixü ítéxcü, rü Tupanapëxewa rü tümä rü ta pecadu taxü.

Yatü i diëruäxüchixüchiga rü Dácharuchiga

¹⁹ —Nayexma ga wüxi ga yatü ga diëruäxüchixü ga guxüguma mexëchixü ga naxchirugu icüxü. Rü guxü ga ngunexügu rü taxüma ga ðna naxü rü napetaexü. ²⁰ —Rü nayexma ta ga wüxi ga yatü ga ngearü diëruäcü ga Dácharugu äegacü. Rü guxüguma yema diëruäxüchixüpataëxwa nayarütooxü. ²¹ —Rü guma Dácharu rü nanangöxchaü ga yema ðnatüchi ga yema yatü ga diëruäxüchixüärü mechawa rüyixü. Rü naxcëx naxi ga airugü, rü nanawearü oxriäxgü. ²² —Rü wüxi ga ngunexü nayu ga guma ngearü diëruäcü, rü daxücüäx ga Tupanaärü orearü ngeruügü rü daxüguxü ga naãnewa nanagagü na wüxiwa Abráümaã nayexmaxücëx. Rü nayu ta ga yema yatü ga diëruäxüchixü, rü inayatëxgü ga duüxügü. ²³ —Rü ngëma nachica i Tupana ngxogüxü nagu poxcuxüwa naxü ga yema yatü ga diëruäxüchixü rü yema poraäcü ngüxü ninge. Rü daxü nadau, rü yaxügu Abráüxü nadau na Dácharumaã wüxiwa nayexmaxü ga daxüguxü ga naãnewa. ²⁴ —Rü yexguma ga yema yatü ga diëruäxüchixüchirëxü rü aita naxü rü ñanagürü:

“Pa Oxi Pa Abráüx, juxü changechaütümü, rü nuã namu ya Dácharu na dexámaã nügü yawaixpëxemëxëäcüma choxü yanawaixpëxearü conüäxücëx! Erü poraäcü choxü nangux i nuã üxüwa”, ñanagürü. ²⁵ —Natürü Abráü rü ñanagürü nüxü:

“Pa Chaunex, jñuxna nacuëxächi na taxüma cuxü taxuxü ga yexguma cumaüxgu! Natürü Dácharu rü poraäcü chixexü nüxü naxüpetü. Rü ngëmacëx i ñuxma rü nuã mexüwa nangëxma, rü cuma rü ngëma poxcuchicawa ngüxü quinge. ²⁶ —Rü ñuxüchi nangëxma i wüxi i taxüchixü i ngatëxü i tóru ngäxüwa üxü. Rü ngëmacëx ega númacüäx ngëma íxchaügu, rü taxucürüwama ngëma naxi. Rü woo ngemacüäx núma íxchaügu rü taxucürüwama núma naxi”, ñanagürü. ²⁷ —Rü yexguma ga yema yatü ga diëruäxüchixüchirëxü rü ñanagürü:

“Cuxü chacëëxü, Pa Oxi, Pa Abráüx, na chaunatüpatawa cumamuxücëx ya Dácharu. ²⁸ —Erü ngëma nangëxmagü ya wüximëëxpüx ya chaueneëgü. Rü chanaxwëxe na namaã nüxü na yanaxuxücëx na tama nuã ñaã poxcuchica i poraäcü choxü inangüxüwa naxixücëx”, ñanagürü. ²⁹ —Natürü ga Abráü rü ñanagürü nüxü:

“Cueneëgü nüxü nangëxma i Tupanaärü mugü ga Moïché ümatüxü rü yema ore ga nuxcúmaügüxü ga Tupanaärü orearü uruügü ümatüxü. Rü name nixi i ngëma orega na naxinüëxü”, ñanagürü. ³⁰ —Rü yexguma ga yema yatü ga diëruäxüchixüchirëxü rü Abráüxü nangäxü, rü ñanagürü:

“Ngëmääcü, Pa Oxi, Pa Abráüx, natürü ngëxguma chi wüxi i duüxü i yuchirëxü ngëma üxgu rü namaã nüxü yanaxuxgu, rü chi nüxü narüxoe i nacüma i chixexü”, ñanagürü. ³¹ —Natürü Abráü, rü ñanagürü nüxü:

“Ngëxguma tama naga naxinüëgu ga yema ore ga Moïché ümatüxü rü yema ore ga nuxcúmaügüxü ga Tupanaärü orearü uruügü ümatüxü, rü woo chi wüxi i marü yuwa írudaxü i duüxü ngëma üxgu, rü namaã nüxü yanaxuxgu i ore, rü täu chima nüxü nayaxögü”, ñanagürü.

17

*Naxãũcũma nixĩ na pecadugu inguxũ
(Mt 18.6-7, 21-22; Mr 9.42)*

¹ Rũ Ngechuchu rũ norũ ngũexũgũxũ ñanagũrũ: —Rũ guxũgutãma nangẽxma i ñacũ i duũxũgũxũ pecaduãxẽexũ. Natũrũ wũxi i ngechaũ tá tũmacẽx nixĩ ya yĩxema duũxẽ ya togũxũ pecadugu nguxẽexẽ. ²⁻³ —Rũ tũmacẽx rũ narũmemaẽ nixĩ na tũmanaxãwa yangacuchixũ ya wũxi ya nuta ya tacũ rũ ngẽmaãcũ taxtũwa tũxũ na itãexũ naxũpa na pecadugu tananguxẽxũ i wũxi i chorũ duũxũ. ¡Rũ ngẽmacẽx name nixĩ i pexuãẽgũ i pemax! Rũ ngẽxguma wũxi i cueneẽ chixexũ cumaã ùxgu rũ ¡meã naxuxcuxẽ! Rũ ngẽxguma nũxũ naxoxgu i nacũma i chixexũ rũ ¡nũxũ nũxũ nangechaũ i ngẽma! ⁴ —Rũ woo 7 ẽxpũxcũna chixexũ cumaã naxũxgu i wũxi i ngunexũgu, rũ 7 ẽxpũxcũna cuxna yacaxgu na nũxũ nũxũ cungechaũxcẽx, rũ name nixĩ i nũxũ nũxũ cungechaũ —ñanagũrũ ga Ngechuchu.

Ñũxãcũ tapora ega yaxõxgu

⁵ Rũ norũ ngũexũgũ ga norũ orearũ uwa namugũxũ rũ ñanagũrũgũ: —Pa Corix, ¡toxũ rũngũxẽẽ na yexeraãcũ tayaxõgũxũcẽx! —ñanagũrũgũ. ⁶ Rũ yexguma ga Cori ga Ngechuchu rũ ñanagũrũ nũxũ ga norũ ngũexũgũ: —Rũ ngẽxguma chi woo naxĩfraxũchigu i perũ õ, rũ daa naĩ rũ chi pega naxĩnũ ega ñapegũgu: “¡Cugũ nabẽx i nuã rũ taxtũchiũgu cugũ yato!” ñapegũgu, rũ chi pega naxĩnũ.

Wũxi i ngũxẽẽruũrũ puracũchiga

⁷ —Ngẽxguma chi wũxie i petanũwa rũ tũxũ nangẽxmagu i wũxi i tũmaãrũ duũxũ i tũmaãnewa ne ùxũ i puracũwa rũ ẽxna carneruarũ dauwa, rũ tama nũgũcẽxira naxũwemũ. ⁸ —Natũrũ norũ corixũxĩra naxũwemũ na nachibũxũcẽx rũ naxaxexũcẽx, rũ nũma rũ yixcama nachibũ. ⁹ —Rũ norũ cori rũ tama moxẽ nũxna naxã na naxũwemũãxũcẽx, erũ woetama ngẽma nixĩ i norũ puracũ i ngẽma norũ duũxũ. ¹⁰ —Rũ ngẽxgumarũũ tá pixĩgũ i pemax. Erũ ngẽxguma ngẽma Tupana pexũ ùxẽẽxũxĩcatama pexũxgu, rũ penaxwẽxe i pegũ ñaperũgũgũ:

“Puracũtanũxũ i taxuwama mexũ tixĩgũ, erũ ngẽma nawa tũxũ namuxũxĩcatama nixĩ i tinguxẽẽxũ”, ñaperũgũgũ —ñanagũrũ ga Ngechuchu.

Ngechuchu nanameẽxẽẽ ga 10 ga yatũgũ ga chaxũneãxgũxũ

¹¹ Rũ yexguma namagu yaxũxgu ga Ngechuchu ga Yerucharẽũwa na naxũxũ, rũ Chamãriaane rũ Garirẽaane nũgũmaã ¡xũyexũwa naxũpetũ. ¹² Rũ yexguma wũxi ga ¡ãnexãcũwa nanguxgu, rũ yexma napẽxegu nayayi ga 10 ga yatũgũ ga chaxũnemaã ¡daaweexũ. Rũ yaxũgu nũxũ nachigũ. ¹³ Rũ tagaãcũ ñanagũrũgũ nũxũ: —Pa Ngechuchux, Pa Ngũxẽẽruũx, ¡cuxũ tangechaũtũmũgũ! —ñanagũrũgũ. ¹⁴ Rũ yexguma Ngechuchu nũxũ deũxgu, rũ ñanagũrũ nũxũ: —¡Yẽa paigũxũtawã pexĩ, rũ nũxũ pegũ peyawẽxgũ! —ñanagũrũ. Rũ yexguma namagu naxĩyane, rũ naxcẽx nitaanetanũ ga yema yatũgũ. ¹⁵ Natũrũ natanũwa rũ nayexma ga wũxi ga Ngechuchucẽx taeguxũ ga yexguma marũ nũgũ nadẽuxgu ga naxcẽx na yataanexũ. Rũ tagaãcũ Tupanaxũ nicuexũũchigũ. ¹⁶ Rũ Ngechuchupẽxegu nanangũcuchi rũ moxẽ nũxna naxã. Rũ yema yatũ rũ Chamãriaaneũãx nixĩ. ¹⁷ Rũ yexguma ga Ngechuchu rũ ñanagũrũ: —¿Taux ẽxna i 10 chirẽx pixĩgũxũ na pexcẽx chayataanexẽẽgũxũ? ¿Ngẽxũgũ nixĩ i ngẽma togũ i 9 i yatũgũ? ¹⁸ —¿Rũ ñãã to i nachĩũãnecũãx i duũxũxĩcatama nixĩ itaeguxũ na Tupanaxũ yacuexũũxũcẽx? —ñanagũrũ. ¹⁹ Rũ yexguma rũ guma yatũxũ ñanagũrũ: —¡Inachi rũ fixũ! Cuxcẽx nitaane, erũ cuyaxõ —ñanagũrũ.

*Ñũxãcũ tá nixĩ i ngẽxguma ¡nanguxgu ya Tupana na ãẽxgacũ yĩxũ
(Mt 24.23-28, 36-41)*

²⁰ Rũ Parichẽugũ rũ Ngechuchuna nacagũ, rũ ñanagũrũgũ: —¿Ñuxgu tá nixĩ na yangucuchixũ ya Tupana na ãẽxgacũ yĩxũcẽx i nũma? —ñanagũrũgũ. Rũ Ngechuchu nanangãxũ, rũ ñanagũrũ: —Norũ nguchiga ya Tupana rũ tama wũxi i ñacũ i nũxũ idaaxũrũũ nixĩ. ²¹ —Rũ taxuacũma ñaperũgũgũ:

“Daa nixĩ”, rũ ẽxna “Gua nixĩ”, ñaperũgũgũ. Erũ marũ petanũwa nangu ya Tupana na ãẽxgacũ yĩxũcẽx —ñanagũrũ. ²² Rũ yexguma norũ ngũexũgũxũ ñanagũrũ: —Rũ tá pexcẽx ¡nangu i ngunexũ i nagu porããcũ tá choxũ pedaugũchaũxũ woo wũxi i paxããchicẽxtama yixĩgu. Natũrũ tãutãma choxũ pedaugũ i ngẽxguma. ²³ —Rũ duũxũgũ rũ tá ñanagũrũgũ pexũ: “Daa nixĩ ya Cristu”, rũ ẽxna, “Gua nixĩ ya Cristu”, ñanagũrũgũ tá. Natũrũ pemax ¡rũ tãutãma nũxũ peyaxõgũ, rũ tãutãma nawe perũxĩ! ²⁴ —Rũ ngẽxguma ¡changuxgu i choma i Tupana Nane na duũxũxũ chĩxũ, rũ wũxi i ãẽmacũ i guxũãneguma baxixũrũũ tá chixĩ. ²⁵ —Natũrũ noxri rũ tá porããcũ ngũxũ chinge, rũ ñõma i naãnecũãx i duũxũgũ i ñũxma maxẽxũ rũ tá choxũ naxoe. ²⁶ —Rũ yexgumarũũ ga duũxũgũ na chixri maxẽxũ ga yexguma Noẽ

maixgu, rü ngëxgumarüü tá ta chixri namaxë i duixügü i ngëxguma íchanguxgu i choma i Tupana Nane na duixüxü chixü. ²⁷—Rü ga duixügü ga yexguma rü nachibüe, rü naxaxegü, rü nixãmëxgü, rü nixütëxácügü ñuxmata nawa nangu ga yema ngunexü ga Noë naweügu nagu ixüxü. Rü ínangu ga mucü ga taxüchicü, rü guxüma ga yema duixügü rü nayue. ²⁸—Rü yexgumarüü ta nangupetü ga yexguma nuxcúmaücu ga Lox maixgu. Rü duixügü rü nachibüe, rü naxaxegü, rü norü yemaxüçëx nataxegü, rü namaã nataxegü, rü nixüanegü rü nitoegü, rü nixüpatagü. ²⁹—Natürü yexguma Lox ixüxgu nawa ga guma íane ga Chodoma, rü daxüwa narüyi ga üxü ga naxíchine, rü nanadai ga guxüma ga yema duixügü. ³⁰—Rü ngëxgumarüü tá ta nangupetü i ngëxguma íchanguxgu i choma i Tupana Nane na duixüxü chixü. ³¹Rü ngëma ngunexügu rü texé tama túmapataarü aixepewa ngëxmagu, rü tama name i túmapatagu tayangaxi na túmaärü ngëmaxügü tayatoxüçëx. Rü texé ya túmaãnewa ngëmaxë, rü tama name i túmapataçëx tataegu na tacü ngëma tayayaxuxüçëx. ³²—Rü nüxna pecuëächie ga ñuxácü ngixü na naxüpetüxü ga Lox namëx ga na nayuxü, ga yexguma ngigüweama nadëuxgu. ³³—Erü yíxema tügü maxëchaxëchaxüçë rü tá itayarütaxu, natürü yíxema chauxçëx yuxe rü aixcúma tá tüxü nangëxma i maxü i taguma güxü. ³⁴—Rü pemaã nüxü chixu rü ngëma chütaxügu rü wüxi i ngürücarewa tá nangëxmagü i taxre i duixügü. Rü wüxi tá niga, rü ngëma to rü tá ngëma natëx. ³⁵—Rü taxre i ngëxügü tá nügümaã ínaçaegü. Rü wüxi tá niga rü ngëma to rü tá ngëma natëx. ³⁶—Rü taxre i yatügü rü wüxi i naãnewa tá nangëxmagü. Rü wüxi tá niga rü ngëma to rü tá ngëma natëx —ñanagürü ga Ngechuchu. ³⁷Rü yemaxü naxínüëgu ga norü ngüexügü, rü Ngechuchuna nacagü, rü ñanagürügü: —Pa Corix, ¿ngëxtá tá nixí i nangupetüxü i ngëma nüxü quixuxü? —ñanagürügü. Rü núma ga Ngechuchu rü nanangäxü, rü ñanagürü: —Duixügü rü tá chauxçëx nangutaquëxegü ñoma ëxchagü nawemüçëx ngutaquëxëxürü —ñanagürü.

18

Ore ga ãëxgacügu rü yutecügu ixuxü

¹ Rü Ngechuchu rü wüxi ga to ga orexü namaã nixu na yemawa nangüexëëãxüçëx na ñuxácü nanaxwëxëxü na taguma nüxü nachaueäcúma guxüguma nayumüxëgüxü. ² Rü ñanagürü nüxü ga norü ngüexügü: —Wüxi ga íanewa nayexma ga wüxi ga ãëxgacü ga tama Tupanaga ínüxü rü taxüxüma ngechaxü. ³—Rü guma íanewatama iyexma ga wüxi ga nge ga yutecü ga ngixü nayexmacü ga wüxi ga guxcha namaã ga to ga duixü. Rü yemaçëx yema ãëxgacüxütawa ixüxëcha na ngixü namexëëãxüçëx ga yema guxcha. ⁴—Rü muëxpüxcüna yema ixüxü, natürü yema ãëxgacü rü tama ngixü narüngüxëchaxü. Natürü düxwa nagu narüxínü ga yema ãëxgacü rü naãëwa ñanagürü:

“Choma rü tama Tupanaxü changechaxü, rü taxüxüma chacuáxchaxü. ⁵—Natürü ngëma choxü na nachixweechaxüçëx i ñaã nge, rü noxtacúma tá ngixü charüngüxëë na tama yeüçürü choxü nachixweechaxüçëx”, ñanagürü. ⁶ Rü Cori ga Ngechuchu rü ñanagürü: —Yema nixí ga norü ore ga yema ãëxgacü ga chixëxü. ⁷—¿Taux éxna i Tupana rü paxa tüxü ínapoxüxü ya yíxema duixë ya tüxü nayaxuxe i ngëxguma chütacü rü ngunecü rü norü ngüxëçëx nüxna tacaxgu i túmaärü yumüxëwa? ⁸—Rü pemaã nüxü chixu rü Tupana rü paxatáma tüxü narüngüxëë. Natürü ngëxguma wenaxärü núma chaxüxgu i choma i Tupana Nane na duixüxü chixü, ¿rü ñuxre i duixügü i aixcúma yaxögüxüxü tá ichayangau i ñoma i naãnewa? —ñanagürü ga Ngechuchu.

Ore i Parichëgu ixuxü rü díëruarü deruügu ixuxü

⁹ Rü Ngechuchu rü nüxü nixu ga ñaã ore nachiga ga yema duixügü ga nügü írümegünetaxü rü tama togüxü cuáxchaxüxü. ¹⁰ Rü ñanagürü: —Taxre ga yatü rü tupauca ga taxünewa nayayumüxëgü. Rü wüxi rü Parichéu nixí, rü yema to rü wüxi ga yatü ga Dumaärü ãëxgacüçëx díëru ngixü dëxü nixí. ¹¹—Rü yema Parichéu rü yexma nachi, rü ñaãácü nayumüxë:

“Pa Tupanax, moxë cuxna chaxá erü tama togü i duixügürü chixí. Rü tama togürü changítëx, rü tama ngëmarüü taxü i chixëxü chaxü rü éxna wüxi i nge i átecúmaã ichape. Rü bai i ñaã yatü i Dumaärü ãëxgacüçëx díëru ngixü dëxürü chixí. ¹²—Choma rü guxçü ya yüxügu rü taxrexpüxcüna chaxaure rü tama chachibü na cugu charüxínüxüçëx. Rü chorü díëruwa rü guxüguma meã cuxna chanaxá i ngëma cuxna üxü”, ñanagürü. ¹³—Natürü ga guma yatü ga Dumaärü ãëxgacüçëx díëru ngixü decü, rü yaxügu narüxäxü. Rü namuü ga daxü na nadawenüxü, rü yema norü ngechaxümaã nügü napaxremü, rü ñanagürü:

“Pa Tupanax, ¡Cuxü changechaxütümüü! Erü wüxi i pecaduáxü chixí”, ñanagürü ga guma yatü. ¹⁴—Rü ngëmacëx pemaã nüxü chixu rü guma yatü ga Dumaärü ãëxgacüçëx díëru ngixü decü rü yexguma napataçëx nataegugu rü Tupanapëxewa rü mecü nixí. Natürü yema Parichéu rü Tupana rü tama namaã nataãë. Erü texé ya tügü icuëxüxë rü Tupana tá

tüxü naxãnexêê. Natürü texé ya tama tügü icuèxüxüxe rü Tupana rü tá tüxü nicuèxüxü —ñanagürü ga Ngechuchu.

*Ngechuchu rü meã buãxgüxü nayaxu
(Mt 19.13-15; Mr 10.13-16)*

¹⁵ Rü yéma Ngechuchuxütawa tüxü tagagü ta ga buãxgü na tüxü yangögüchigüxüxcè. Natürü yexguma norü ngüexüügü yemaxü dauxgügu rü tüxü ningagü ga guxema tümacèx naca ga guxema buãxta rü ñanagürü norü ngüexüügüxü: —Chanaxwexe i chauxütawa naxi i buxüügü. ¡Rü täxü i nüxna penachuxuxü! Erü Tupana äëxgacü íixüüwa rü tümacèx nixi ya yixema ñãã buxügürüü íixüügü. ¹⁷ —Aixcúma pemaã nüxü chixu rü texé ya tama wüxi i buxürüü Tupanaxü yaxüxe na tümäärü äëxgacü na yixüxcèx, rü tagutáma nagu taxücu i Tupana äëxgacü íixüüwa —ñanagürü ga Ngechuchu.

*Wüxi ga yatü ga diëruãxüchicü Ngechuchumaã nidexa
(Mt 19.16-30; Mr 10.17-31)*

¹⁸ Rü wüxi ga yema Yudiügüarü äëxgacü rü Ngechuchuna naca rü ñanagürü: —Pa Ngüexëerüü ya Mecüx, çtacü tá chaxüxü na chanayaxuxüxcè i maxü i taguma güxü? —ñanagürü. ¹⁹ Rü Ngechuchu nanangãxü rü ñanagürü nüxü: —¿Tüxcüü “Mecü” ñacurügü choxü? Erü Tupanaxücatama nixi ya mecü íixü, rü nataxuma i to i mecü íixü. ²⁰ —Cuma nüxü cucuèx i Tupanaärü mugü i ñaxü:

“¡Tãütáma naí i ngemaã icupe, rü tãütáma cumáëta, rü tãütáma cungitëèx, rü tãütáma doraxü quixu i togüchiga, rü tümaga naxinü ya cunatü rü cue!”

ñaxü. ²¹ Rü yexguma ga guma yatü rü ñanagürü Ngechuchuxü: —Woetama chorü bucüma meãma chayanguxëè i guxüma i ngëma mugü i nüxü quixuxü —ñanagürü. ²² Rü yemaxü naxinüga ga Ngechuchu rü ñanagürü: —Wüxixicatama cuxü nataxu, rü ngëma nixi na namaã cutaxexü i guxüma i curü ngëmaxüügü rü togü i ngearü ngëmaxüãxgüxüna na cunaxãxü i curü natanü, rü ngëxguma rü tá cuxü nangëxma i cuchica i daxüguxü i naãnewa. Rü ñuxüchi marü name i chowe curüxü —ñanagürü. ²³ Natürü yemaxü naxinüga ga guma yatü rü poraãcü inayarümaãchi, yerü namuãrü diëruãxüchi. ²⁴ Rü yexguma Ngechuchu nüxü dëuxgu ga ñuxãcü na nangechaüxü, rü ñanagürü nüxü ga norü ngüexüügü: —Naguxchaxüchi tá nixi na Tupana äëxgacü íixüüwa na yachocuxü i ngëma diëruãxüchigüxü. ²⁵ —Rü dücax, wüxi i cameyu rü taxucürüwama wüxi ya ucumaxëtüwa naxüpetü. Rü ngëxgumarüü ta nixi i wüxi i duüxü i diëruãxüchixü rü taxucürüwama Tupana äëxgacü íixüüwa nixücu [ega norü diërugüama naxinüga rü tama yaxôögü —ñanagürü.] ²⁶ Rü yexguma yemaxü naxinüëgu ga duüxüügü rü ñanagürügü: —¿Éxna texé tá ya nayaxüxe i maxü i taguma güxü? —ñanagürügü. ²⁷ Rü Ngechuchu ñanagürü nüxü: —Duüxüügü rü taxuacüma nügü namaxëè, natürü Tupanaãxü rü nataxucha na namaxëxëèãxü —ñanagürü. ²⁸ Rü Pedru ñanagürü Ngechuchuxü: —Pa Corix, toma rü yéma tanawogü ga guxüma ga torü yemaxüügü na cuwe tarüxüxcèx —ñanagürü. ²⁹⁻³⁰ Rü yexguma ga Ngechuchu rü ñanagürü nüxü ga norü ngüexüügü: —Aixcúma pemaã nüxü chixu rü texé ya Tupanacèx tümapatana, rü éxna tümangatüna, rü éxna tümãëna, rü éxna tümãëneëgüna, rü éxna tümãëyëxgüna, rü éxna tümãmëxna, rü éxna tümacügüna ngema íxüxë na Tupanaãxü tapuracüxcèx, rü ñoma i naãnewa tátama poraãcü tanayaxu i tümäärü natanü. Rü daxüguxü i naãnewa rü tá ta tanayaxu i maxü i taguma güxü —ñanagürü.

*Ngechuchu rü wenaxärü nanaxunagü ga norü yuxchiga
(Mt 20.17-19; Mr 10.32-34)*

³¹ Rü Ngechuchu rü noxrüwama naxcèx naca ga norü ngüexüügü, rü ñanagürü nüxü: —Ñuxma rü Yerucharëüwa tá taxü na ngëma yanguxüxcèx i guxüma ga yema ore ga nuxcúmaügüxü ga Tupanaärü orearü uruügü ümatüxü ga chauchiga. ³² —Rü Yerucharëüçãxi i duüxüügü rü tá to i nachüãnecüãxna choxü namugü. Rü ngëma duüxüügü rü tá chaugu nidauxcürãügü, rü tá chomaã naguxchigagü, rü tá chauchiwewa nacuaixgüe. ³³ —Rü tá choxü naçuaixgü, rü yixcürã rü tá choxü nimëxgü. Natürü tomaëxpüx i ngunexüguwena rü tá wenaxärü chamaxü —ñanagürü. ³⁴ Natürü yema norü ngüexüügü rü tama nüxü nacüëxgüëga ga na çacüchiga yixü ga yema ore ga namaã nüxü yaxuxü. Yerü poraãcü nüxü naguxcha ga aixcúma nüxü na nacüëxgüxüxcèx.

*Ngechuchu nanamexëè ga wüxi ga ngexetücü ga Yericúwa
(Mt 20.29-34; Mr 10.46-52)*

³⁵ Rü yexguma Ngechuchu iãne ga Yericúwa nguxchaügu, rü yéma namacüwawa narüto ga wüxi ga yatü ga ngexetücü ga diërucèx yéma iwémécü. ³⁶ Rü yexguma guma ngexetücü nüxü ñnuga ga muxüma ga duüxüügü na yéma chopetüxü, rü duüxüügüna naca ga çacü na ngupetüxü. ³⁷ Rü nanangãxüügü, rü ñanagürügü: —Ngechuchu ya Nacharëtucüãx na

naxüpetü –ñanagürügü. ³⁸ Rû yexguma ga guma ngexetücü rû tagaäcü ñanagürü: –Pa Ngechuchux, Pa Dabítanüxüx, ¡cuxü changechaütümüü! –ñanagürü. ³⁹ Rû yema duüxügü ga Ngechuchupëxegu íxü, rû nanangagü ga na iyanangeáxüçëx. Natürü guma ngexetücü rû yexeraäcü tagaäcü ñanagürü: –Pa Dabítanüxüx, ¡cuxü changechaütümüü! –ñanagürüama. ⁴⁰ Rû yexma nayachiächi ga Ngechuchu, rû duüxügüxü namu na naxütawa nagagüáxüçëx. Rû yexguma marü naxütawa nanguxgu, rû guma ngexetücüna naca ga Ngechuchu, rû ñanagürü: ⁴¹ –¿Tacü i cunaxwëxëxü na cumaã chanaxüxü? –ñanagürü. Rû guma ngexetücü nanangäxü rû ñanagürü: –Pa Corix, chanaxwëxe na choxü quidauchixëëxü –ñanagürü. ⁴² Rû Ngechuchu ñanagürü nüxü –¡Idauchi! Rû marü cuxcëx nitaane erü cuyaxó –ñanagürü. ⁴³ Rû yexgumatama nidauchi ga guma ngexetücü, rû Ngechuchuwe narüxü, rû Tupanaxü nicuëxüüchigü. Rû guxüma ga duüxügü ga nüxü daugüxü ga yema ngupetüxü rû Tupanaxü nicuëxüügü ta.

19

Ngechuchu rû Zaquéuchiga

¹ Rû Ngechuchu rû Yericüaru íanewa naxüpetü. ² Rû yéma nayexma ga wüxi ga yatü ga díeruáxüchixü ga Zaquéuü ägegaxü. Rû nüma nixí ga naëru ga yema yatügü ga Dumaärü äëxgacüçëx díeru ngíxü ideetanüxü. ³ Rû yema Zaquéu rû poraäcü nüxü nangüchaü ga Ngechuchuxü na nadauxü na nüxü nacuáxüçëx. Natürü taxuacüma nüxü nadau, yerü namuxüchi ga duüxügü, rû ñuxüchi nanuxchanexüchi ga nümax. ⁴ Rû yemacëx Ngechuchupëxegu nayangu, rû namacüwawa wüxi ga naügu naxínagü na Ngechuchuxü nadauxüçëx ga yexguma yéma naxüpetügu. ⁵ Rû yexguma yéma naxüpetügu ga Ngechuchu, rû daxü nadau natüüwa ga guma naí. Rû ñanagürü nüxü: –Pa Zaquéux, ¡paxa íruxí i ngema! Erü cupatawa tá changu i ñuxma –ñanagürü. ⁶ Rû paxa inarüxi ga Zaquéu, rû taäëcüma Ngechuchuxü nayaxu. ⁷ Rû yexguma yemaxü nadaugügu ga duüxügü, rû guxüma inanaxügüe ga chixri Ngechuchuchiga na yadexagüxü. Rû ñanagürügü: –¿Ñuxäcü i nüma rû wüxi i duüxü i pecaduáxüpatawa nangu? –ñanagürügü. ⁸ Rû yexguma ga Zaquéu rû inachi rû ñanagürü Ngechuchuxü: –Dücëx, Pa Corix, choma rû ngearu díeruáxgüxüna tá chanaxä i ngäxügü i guxüma i chorü ngëmaxügü. Rû ngëxguma chi texé tüxü chawomüxëëcüma tüxü changíxgu, rû ägümücüëxpüxcüna tá tüxü ngíxü chataeguxëë i ngëma túmaärü díeru –ñanagürü. ⁹ Rû Ngechuchu rû ñanagürü nüxü: –Rû ñoma i ngunexügu cupatawa nangu i maxü i taguma güxü, erü cuma rü ta rû Abráürü cuayaxó. ¹⁰ –Rû choma i Tupana Nane na duüxüxü chíxü, rû ñoma i nañewa chaxü na naxcëx chayadauxüçëx i ngëma duüxügü i iyarütauxëxü na chanamaxëxëxüçëx –ñanagürü.

Ore i díeruü ixuxü (Mt 25.14-30)

¹¹ Rû yoxni yema Ngechuchuarü ore inaxínüeyane ga duüxügü, rû Ngechuchu rû wüxi ga to ga ore ga cuëxruüxü namaã nixu, yerü marü Yerucharéxüxü ningaica, rû duüxügü nagu rüxínüëgu rû paxa tá ínangu ga Tupana na norü äëxgacü yíxüçëx. ¹² Rû yexguma ga Ngechuchu rû nügüchiga nidexa rû ñanagürü nüxü: –Nayexma ga wüxi ga yatü ga taxü ga cori íxüçü ga nayaxücü ga ore na nachíüñeärü äëxgacüxütawa naxüxüçëx ga yaxüwa na yema äëxgacü nüxü unetaxüçëx na guma nawa ne naxüxüne ga íñeärü äëxgacü yíxüçëx. ¹³ –Rû yexguma tauta inaxüächigu, rû naxcëx nangema ga 10 ga norü duüxügü. Rû wüxichigüna ngíxü naxä ga wüxítachinü ga tatanücü ga díeru. Rû ñanagürü nüxü: “¡Ngímaã pepuracüe rû ngíxü pimuxëë i ñaã díeru ñuxmatáta chataegu!” ñanagürü. ¹⁴ –Natürü yema íñecüäx ga duüxügü rû naxchi naxaie ga guma cori. Rû yemacëx nawenaãma nayamugü ga ñuxre ga orearu ngeruügü na nachíüñeärü äëxgacümaã nüxü yanaxugüxüçëx na tama nanaxwëxëgüxü na norü äëxgacüxü na yíxüçëx ga guma cori. ¹⁵ –Natürü nachíüñeärü äëxgacü rû nayangucuchixëëãma ga guma cori. Rû ñuxüchi ga guma cori rû norü íñecëx nataegu na yéma äëxgacü na yíxüçëx. Rû yexguma ínanguxgu rû naxcëx nangema ga yema 10 ga norü duüxügü ga díeru nüxna ngíxü naxäxü, yerü nüxü nacuáxüçü ga ñuxrechigü ngíxü na yamuxëëxü ga norü díeru ga wüxichigü ga yema norü duüxügü. ¹⁶ –Rû yema nüxíra díeru nüxna ngíxü naxäxü rû norü corixütawa nangu, rû ñanagürü: “Pa Corix, curü díeru rû 10 ëxpüxcüna ngíxü chimuxëë”, ñanagürü. ¹⁷ –Rû guma Cori ga yexwaca äëxgacüxü ingucuchicü rû nanangäxü, rû ñanagürü: “Wüxi i mexü i chorü duüxü quixi. Maneca meãma namaã cupuracü i ngëma íraxü i díeru i cuxna chaxäxü. Rû ñuxma rû 10 ya íñegüaru äëxgacüxü tá cuxü chixíxëë”, ñanagürü. ¹⁸ –Rû yéma nangu ga to ga norü duüxü, rû ñanagürü: “Pa Corix, curü díeru rû wüximëxpüxcüna ngíxü chimuxëë”, ñanagürü. ¹⁹ –Rû norü cori nanangäxü rû ñanagürü nüxü:

“Cuma rü wüximêëxpüx ya İānegüarü äëxgacüxü tá cuxü chixixêë”, ñanagürü. ²⁰—Rü yéma nangu ga to ga norü duüxü rü ñanagürü nüxü:

“Pa Corix, ñaā iyixi i curü dīeru. Rü wüxi ya dechugu ngixü chanuque, rü ngēmaācü ngīmaā changuxü. ²¹—Yerü cuxcèx chamuü, erü wüxi i yatü i aüxü quixi. Rü cunayaxtanü i ngēma tama cuxrü ixixü, rü cunayaxu i nanetüarü o i ngextá tama cuma icutoexüwa”. ²²—Rü yexguma ga guma äëxgacü rü ñanagürü nüxü:

“Wüxi i chorü duüxü i chixexü quixi i cumax. Rü curü oretama nixi i cuxü ixixü na cuchixexü. Marü nüxü cucuèxchiréx ga na chaxaüxü, rü chanayautanüxü i ngēma tama choxrü ixixü, rü chanayaxuxü i nanetüarü o i tama choma ichatoxü. ²³—¿Natürü tüxücü tama bancugu choxü ngīmaā cunguxü i chorü dīeru na ngema choxü ngixü yamuxêëgüxüçèx, rü ngēmaācü mucü ngixü na chayaxuxüçèx i ngëxguma ichanguxgu?” ñanagürü. ²⁴—Rü yexguma ga äëxgacü rü yema yexmagüxümaā nüxü nixu, rü ñanagürü:

“¡Nüxna ngixü peyaxu i ngēma dīeru, rü ngēma 10 i dīeru nüxü ngëxmaxüna ngixü pexá!” ñanagürü. ²⁵—Rü nümagü rü nanangäxüğü, rü ñanagürüğü:

“Natürü, Pa Corix, nüma rü marü nüxü ingëxma i 10 i dīeru”, ñanagürüğü. ²⁶—Rü guma äëxgacü nanangäxü, rü ñanagürü:

“Pemaā nüxü chixu rü texé ya chauga İñüxê rü yexera tá tüxna chanaxā. Natürü texé ya tama chauga İñüxê rü tá tüxna chanayaxu i woo ngēma İraxü i tüxü ngëxmaxü. ²⁷—Rü yema chorü uwanüğü ga tama naxwëxegüxü ga norü äëxgacüxü na chixü, ¡rü nüā penagagü, rü nüā chopëxegu peyadai!” ñanagürü.

Ngechuchu rü Yerucharéügu naxücu
(Mt 21.1-11; Mr 11.1-11; Cu 12.12-19)

²⁸ Rü yema orexü yaxuxguwena ga Ngechuchu, rü inixüchigü ga Yerucharéüwa na naxüxü. ²⁹ Rü yexguma marü nawa nangugüchaügu ga guma İānegü ga Bechagué rü Betāniā ga Orībuncüarü Mëxpüneärü ngaicamana yexmagüne, rü Ngechuchu nanamu ga taxre ga norü ngüexüğü. ³⁰ Rü ñanagürü nüxü: —¡Gua İānexäcüwa pexi! Rü ngëxma tá nüxü peyangau i wüxi i buru i ngexwaca yaxü i ngëxma ngaxüxü i taguma texé natagu aunagüxü. ¡rü peyawëxü, rü nüā penaga! ³¹—Rü ngëxguma texé pexna çaxgu na İacüçèx peyawëxüxü i ngēma buru, ¡rü tümamaā nüxü pixu rü ñapegüğü:

“Torü Cori nanaxwëxe”, ñapegüğü tüxü! ³² Rü yéma naxi ga yema taxre ga norü ngüexüğü. Rü yexma nüxü nayangau ga yema buru ga Ngechuchu namaā nüxü ixuxürü. ³³ Rü yexguma yawëxüğüāgu ga yema buru, rü norü yoragü rü yema ngüexüğüna nacagüe, rü ñanagürüğü: —¿Tüxücü peyawëxü i ngēma buru? —ñanagürüğü. ³⁴ Rü nümagü nanangäxüğü, rü ñanagürüğü: —Rü tayawëxü erü torü Cori nanaxwëxe —ñanagürüğü. ³⁵ Rü Ngechuchuxütawa nanagagü ga yema buru. Rü yema norü ngüexüğü rü norü gäüxüchirumaā nanatütagü. Rü ñüxüchi Ngechuchuxü natagu naxaunagüxëgü. ³⁶ Rü duüxüğü rü Ngechuchupëxewa norü gäüxüchirumaā nayaçhamagü ga nama. ³⁷ Rü yexguma inaxüğüāgu na İnaxigüxü nawa ga yema nama ga Orībuncüarü Mëxpünewa yarüdaexü, rü güxüma ga yema duüxüğü ga yaxögüxü ga nawe rüxixü rü İnanaxüğü ga taäëcüma aita na naxüexü rü tagaäcü Tupanaxü na yacuëxüğüxü naxcèx ga güxüma ga yema cuëxruüğü ga taxü ga nüxü nadaugüxü ga Tupanaärü poramaā naxüxü ga Ngechuchu. ³⁸ Rü ñanagürüğü: —¡Namecümaxüchi ya daa törü äëxgacü ya Tupanaégagu nüma ücü! ¡Rü pema rü ta, Pa Daxüçüāx, rü petaäxëgü rü nüxü picuëxüğü ya Tupana! —ñanagürüğü. ³⁹ Rü yéma duüxüğütanüwa nayexmagü ga ñuxre ga Parichëgü. Rü ñanagürüğü Ngechuchuxü: —Pa Ngüxëëruüx, ¡Yangagü i ngēma cuwe rüxixü i duüxüğü na yanachi-anegüxüçèx! —ñanagürüğü. ⁴⁰ Natürü Ngechuchu nanangäxü rü ñanagürü nüxü: —Pemaā nüxü chixu rü ngëxguma chi İyanangeëxüğü i ñaā duüxüğü, rü daa nutagü ya namacüwawa ngëxmagücü rü chi nüxi aita naxüe —ñanagürü. ⁴¹ Rü yexguma Yerucharéüarü ngaicamana nanguxgu ga Ngechuchu, rü guma İānecüāx ga duüxüğüçèx naxaxu. ⁴² Rü ñanagürü: —Pa Yerucharéüçüāxgü, chierü ñoma i ngunexüğü nüxü pecuëxgu na texé aixcüma taäë pexna äxü. Natürü ngēma rü pexchawa İnicüx i ñüxma, rü taxuacüma nüxü pecuëx. ⁴³—Rü tá guxchaxüğü pexü naxüpetü. Rü perü uwanüğü tá nanaxü i norü poxüchica i norü güxüçüwawa ya perü İāne. Rü norü churaragü tá pexü İnachoeguächi, rü güxüçüwawa tá pexcèx ne naxi. ⁴⁴—Rü tá nagu napogüe ya perü İāne, rü tá pexü nadai. Rü taxucütāma ya nuta ngextá nügüxëtü nanugüxüra i perü İāneärü poegüxütapüwa. Rü ngēmaācü tá pexü naxüpetü, yerü tama nüxü pecuëxgüchaü ga yexguma Tupana petanügu naxüānegu —ñanagürü.

Ngechuchu rü tupauca ga taxünewa İnanawoxü ga duüxüğü ga yéma taxegüxü
(Mt 21.12-17; Mr 11.15-19; Cu 2.13-22)

⁴⁵ Rū Ngechuchu rü tupauca ga taxūnewa nangu rü yexma naxūcu. Rū inanaxūgü na inawoxūāxūl ga yema duūxūgü ga tupauca ga taxūnewa taxegūxūl. ⁴⁶ Rū Ngechuchu rü ñanagürü nüxū: —Tupanaärü ore i ūmatūxūwa rü ñanagürü:

“Chopata rü yumūxēpataū nixī”.

Natürü pema rü ngētēxgūxūpataū peyaxīxēē —ñanagürü. ⁴⁷ Rū guxū ga ngunexūgü rü tupauca ga taxūnewa nayanguxēētae ga Ngechuchu. Natürü ga paigūarū āēxgacūgü, rü ngūexēēruūgü ga Moīchéarū mugūwa nguxēētaegūxūl, rü Yerucharēūārū āēxgacūgü, rü naxcēx nadaugū ga ñuxācū tá na yamēxgūāxūcēx. ⁴⁸ Natürü taxucürüwa űacū namaā naxūgü, yerü guxūma ga duūxūgü rü namaā nataāēgü, rü meā inarūxīnūē ga norü ore.

20

Ngechuchuna nacagü na texēarū oregagu tupauca ga taxūnewa nanguxēētaexūl
(Mt 21.23-27; Mr 11.27-33)

¹ Wūxi ga ngunexūl ga Ngechuchu rü tupauca ga taxūnewa nayexma. Rū nanangūxēē ga duūxūgü, rü namaā nüxū nixu ga Tupanaärü ore. Rū yexguma iyadexayane rü yēma nangugü ga paigūarū āēxgacūgü, rü ngūexēēruūgü ga Moīchéarū mugūwa nguxēētaegūxūl, rü Yudiūgūarū āēxgacūgūerūgü. ² Rū ñanagürügü nüxū: —¿Texēarū mugagu nixī i cunaxūxūl i ngēma nūma cuxūxūl? ¿Rū texē cuxū tamu na cunaxūxūcēx i ngēma? —ñanagürügü. ³ Rū yexguma ga Ngechuchu rü ñanagürü nüxū: —Choma rü tá ta pexna chaca, rü chanaxwēxe i choxū pengāxūgü. ⁴ —¿Rū texē tanamu ga Cuāū na duūxūgūxūl inabaiūxēēxūcēx? ¿Pexcēx rü Tupana yīxū ga namucū rü ēxna duūxūgūmare? —ñanagürü. ⁵ Rū yexguma ga Parichēugü rü inanaxūgūe ga nūgūmaā na yaporagatanūcūxū. Rū nūgūmaātama ñanagürügü: —¿Ñuxū ñagūgūxūl tá? Erü ngēxguma chi:

“Tupana nūma nanamu”, ñagūgu, rü nūma rü chi ñanagürü tüxūl:

“¿Rū tüxūcūl ga tama nüxū peyaxōgūxūl?” ñanagürü chi tüxūl. ⁶ —Rū ngēxguma chi ñagūgu:

“Yatūgūmare nuā nanamu”, ñagūgu, rü guxū i duūxūgü chi nutamaā tüxūl inamuxūchigūl, rü tüxūl chi nadai. Erü nūmagü i duūxūgü rü nagu narūxīnūē na Tupana yīxū ga Cuāūxūl mucū. ⁷ Rū Ngechuchuxūl nangāxūgū rü ñanagürügü: —Tama nüxū tacuēx ga texē nūma na namuxūl ga Cuāū ga baiūxēēruūl —ñanagürügü. ⁸ Rū yexguma ga Ngechuchu rü ñanagürü nüxū: —Choma rü ta tāitāma pemaā nüxūl chixu na texē choxū muxū na chanaxūxūcēx i ngēma choxna naxcēx peçaxūl —ñanagürü.

Ore ga puracūtanūxūl ga chixēxūgu ixuxūl
(Mt 21.33-44; Mr 12.1-11)

⁹ Rū inanaxūgü ga Ngechuchu ga duūxūgūmaā na yadexaxūl. Rū ñāā ore ga cuēxruūxūl namaā nixu, rü ñanagürü: —Nayexma ga wūxi ga yatūl ga wūxi ga ubanecū ūcū ga norū naānēwa. Rū ñuxūchi ñuxre ga puracūtanūxūl na nanaxā na nūxna nadaugūxūcēx rü yīxcama rü norū yoramaā na yayauyegūāxūcēx ga yema norū o. Rū ñuxūchi ga guma yatū rü nixū ga yēma rü nuxcūma nataegu. ¹⁰ —Rū yexguma nawa nanguxgu ga na yadauxūl ga yema ubagū, rü guma yatū rü yēma puracūtanūxūgūxūl tawa nanamu ga wūxi ga norū duūxūl na naxcēx iyaçaxūcēx ga yema ubagū ga nūxna ūxūl. Natürü yema puracūtanūxūgü rü nanaçauixgū ga guma yatūarū duūxūl, rü taxuūma ga uba nūxna naxāgū. Rū yemaācū inayamugū. ¹¹ —Rū yexguma ga guma yatū rü wenaxārū to ga norū duūxūl yēma ta namu. Natürü ga yema puracūtanūxūgü rü chixexūl namaā nixugūe, rü nanaçauixgū, rü taxuūma ga uba nūxna naxāgū. Rū yemaācū inayamugū. ¹² —Rū wenaxārū to ga norū duūxūl yēma ta namu ga guma yatū. Natürü ga yema puracūtanūxūgü rü nanapixēē, rü inanatēxūchigūl ga yema naānēwa. ¹³ —Rū dūxwa ñanagürü ga guma naānēarū yora:

“¿űacū tá chaxūxūl i ñuxmax? Rū name nixī i chaune ya nüxū changechaūcū ngema chanamu. Rū ngēxguma nüxūl nadaugūgu rü bexmana naga tá naxīnūē”, ñanagürü. ¹⁴ —Natürü ga yema puracūtanūxūgü rü yexguma guma yatū nanexūl nadaugūgu, rü nūgūmaā ñanagürügü:

“Naāārū tá nixī i ñāā naāne i yīxcama. ¿Rū ngīxā tayamēxgū na tōrū na yīxūcēx!” ñanagürügü. ¹⁵ —Rū inanatēxūchigūl ga yema naānēwa, rü nayamēxgū —ñanagürü ga Ngechuchu. Rū yexguma ga Ngechuchu rü duūxūgūna naca, rü ñanagürü: —¿űacū tá ngēma puracūtanūxūl maā naxū i ngēma naānēarū yora i ñuxmax? ¹⁶ —Rū ngema tá naxū rü tá nanadai i ngēma puracūtanūxūgü, rü togūna tá nanaxā i norū naāne —ñanagürü ga Ngechuchu. Rū yexguma yemaxūl naxīnūēgu ga duūxūgü rü ñanagürügü: —Chierū tama ngēmaācū nangupētīxēēxgu ya Tupana —ñanagürügü. ¹⁷ Natürü Ngechuchu rü nüxūl nadawenū, rü ñanagürü nüxū: —¿Natürü ñuxū ñaxūchiga nixī i ngēma Tupanaärü ore i ūmatūxūl i ñaxūl?:

“Yīma nuta ya mecū ya ĩarū ūruūgü nüxūl oechirécū, rü ñuxma rü yimatama nixī ya Tupana nūxīra yaxūcuchicū na namaā inaxūgūāxūl ya ĩpata”,

ñaxũ. ¹⁸ Rũ ñanagũrũ ta ga Ngechuchu: —Texé ya yima nutamaã yarũñaxê, rũ tá itapoũgũ. Rũ yixema tũmaetũgu nanguxe ya yima nuta, rũ tá tũxũ ñiñáixmũ —ñanagũrũ ga Ngechuchu. ¹⁹ Rũ ga paigũarũ ãexgacũgũ rũ ngũexêẽruũgũ ga Moĩchearũ mugũwa nguxêẽtaegũxũ, rũ yexgumatama Ngechuchuxũ niyauxgũchaũ. Yerũ nũxũ nacuèxgũ ga nachiga na yĩxũ ga yema ore ga cuèxruũ ga nũxũ yaxuxũ. Natũrũ tama nayayauxgũ, yerũ duũxũgũxũ namuũê.

*Ãexgacũaxĩ dũerumaã naxũtanũxũchiga
(Mt 22.15-22; Mr 12.13-17)*

²⁰ Rũ yemacèx ga yema paigũarũ ãexgacũgũ rũ Ngechuchuxũtawana nanamugũ ga ñuxre ga norũ duũxũgũ na mexũ i duũxũgũrũyũ yema iyanaxĩnũexũcèx natũrũ naxcèx na nadaugũxũcèx ga ñuxacũ nachĩũãneãrũ ãexgacũxũtawana Ngechuchuxũ na Ínaxuaxũgũxũcèx. ²¹ Rũ yemacèx Ngechuchuna nacagũ rũ ñanagũrũgũ: —Pa Ngũexêẽruũx, toma nũxũ tacuèx rũ aixcũma nixĩ i ngẽma nũxũ quixuxũ rũ ngẽma namaã cungũexêẽtaexũ. Rũ tama duũxũrũ dũxétũxũnegu cudawenũ erũ nacũma nixĩ i cungugũxũ. Rũ aixcũma cunangũexêẽ i duũxũgũ na Tupana naxwèxexũãcũma namaxèxũcèx. ²² —Rũ dũcax, ngẽma ñãneãrũ dũerũ i ãexgacũ ya tacũ ya Dumacũãx naxwèxexũ na tanaxũtanũxũ, ¿rũ namexũ yĩxũ na nũxũ tanaxũtanũxũ rũ èxna tama? —ñanagũrũgũ. ²³ Natũrũ Ngechuchu nũxũ nacuèxama na chixexũgu naxĩnũexũ ga yema duũxũgũ, rũ yemacèx ñanagũrũ nũxũ: —¿Tũxcũtũ i chixexũgu choxũ penguxêẽchaũ? ²⁴ —¿Choxũ ngĩxũ pewe i wũxi i dũerũ na ngĩxũ chadauxũcèx! ¿Rũ texèchicũnèxã rũ texèéga ngĩgu ãx? —ñanagũrũ. Rũ nanangãxũgũ rũ ñanagũrũgũ: —Dumacũãx ya ãexgacũ ya tacũchicũnèxã nixĩ —ñanagũrũgũ. ²⁵ Rũ yexguma ga Ngechuchu rũ ñanagũrũ nũxũ: —¿Ãexgacũna ngĩxũ pexã i ngẽma ãexgacũarũ ixĩcũ, rũ Tupanana ngĩxũ pexã i ngẽma Tupanaãrũ ixĩcũ! —ñanagũrũ. ²⁶ Rũ yemaãcũ ga Ngechuchu rũ woo norũ orewa rũ taxucũrũwama chixexũgu nananguxêẽgũ ga duũxũgũpèxewa, yerũ meãma nanangãxũ. Rũ guxũma ga duũxũgũ rũ nangeèxgũmare yerũ naãaixãchiãègũ namaã ga yema norũ ore.

*Chaduchéugũ rũ Ngechuchuna nacagũe rũ ngoxi wena namaxê i duũxũgũ
(Mt 22.23-33; Mr 12.18-27)*

²⁷ Rũ Ngechuchuxũtawana Ínayadaugũ ga ñuxre ga Chaduchéugũ. Rũ nũmagũ nixĩ ga nagu naxĩnũexũ na tagutãma wena namaxèxũ i yuexũ. Rũ yemacèx Ngechuchuxũ ñanagũrũgũ: ²⁸ —Pa Ngũexêẽruũx, Moĩchearũ mugũwa rũ ñanagũrũ:

“Ngèxguma wũxi ya yatũ naxmèx ngexacũyane nayuxgu, rũ name nixĩ i naèneètama ngĩmaã naxãmèx i ngẽma yutecũ i naxũmèx, na ngẽmaãcũ naxãxãcũxũcèx nũxũ ya naèneè ya marũ yucũ”,

ñanagũrũ ga yema ore. ²⁹ Rũ ñanagũrũgũ ta ga Chaduchéugũ: —Nayexma ga 7 ga nũgũeneè. Rũ naxãmèx ga guma yacũ, natũrũ tauta naxãxãcũyane nayu. ³⁰ —Rũ yexguma naĩ ga naèneè nũxĩ ngĩmaã naxãmèx ga yema ngecũ. Rũ guma rũ ta nayu, rũ nangexacũ. ³¹ —Rũ yexguma rũ naĩ ga naèneè nũxĩ ngĩmaã naxãmèx. Rũ yemaãcũ gucũma ga guma 7 ga nũgũeneègũ rũ ngĩmaã naxãmèx ga yema nge. Rũ gucũma nayue tauta naxãxãcũyane. ³² —Rũ ngĩma rũ ta dũxwa iyu ga yema nge. ³³ Rũ ngèxguma yuexũ wena maxègu, ¿rũ ngecurũcũ naxmèx tá iyixĩ i ngẽma nge? Yerũ yexguma namaxègu rũ gucũma ga guma 7 ga nũgũeneè ngĩmaã naxãmèx —ñanagũrũgũ. ³⁴ Rũ yexguma ga Ngechuchu rũ nanangãxũ rũ ñanagũrũ: —Noma i nañnewa rũ yatũgũ rũ nixãmèxgũ rũ ngexũgũ rũ nixãtegũ. ³⁵ —Natũrũ ngẽma duũxũgũ i Tupanapèxewa mexũ na wena namaxèxũ na daxũguxũ i nañnewa naxĩxũcèx rũ ngema rũ tãutãma nixãmèxgũ rũ èxna nixãtegũ. ³⁶ —Erũ ngema rũ tagutãma nayue. Rũ daxũcũãx i Tupanaãrũ orearũ ngerũgũrũ tá nixĩgũ. Rũ aixcũma Tupanaxãcũgũ nixĩgũ erũ yuwa Ínarũdagũ. ³⁷ —Rũ yema ore ga naĩxãcũ ga iyauratanũcũxũnechigawa, rũ Moĩché tũxũ nũxũ nacuèxêẽ rũ yuexũ rũ tá wena na namaxèxũ. Erũ yema orewa, rũ ñanagũrũ ga Cori ga Tupana:

“Choma nixĩ i Abrãũãrũ Tupana, rũ Ichaãarũ Tupana, rũ Acobuarũ Tupana”, ñanagũrũ. ³⁸ —Rũ ngẽmawa nũxũ tacuèx rũ woo ñoma i nañnewa nayuegu i duũxũgũ, natũrũ Tupanacèx rũ guxũguma namaxè —ñanagũrũ. ³⁹ Rũ yexguma ga ñuxre ga ngũexêẽruũgũ ga Moĩchearũ mugũwa nguxêẽtaegũxũ rũ ñanagũrũgũ: —Aixcũma meãma nũxũ quixu, Pa Ngũexêẽruũx —ñanagũrũgũ. ⁴⁰ Rũ yemawena rũ marũ namuũê ga ãacũchigacèx Ngechuchuna na nacagũexũ.

*¿Texé nane nixĩ ya Cristu?
(Mt 22.41-46; Mr 12.35-37)*

⁴¹ Rũ Ngechuchu rũ ñanagũrũ nũxũ: —¿Tũxcũtũ duũxũgũ nũxũ nixugũe rũ Cristu rũ nuxcũmaũcũ ga ãexgacũ ga Dabĩtaa nixĩ? ⁴²⁻⁴³ —Yerũ Dabĩtama ñããcũ nanaxũmatũ ga Wiyãegũarũ poperawa:

“Tupana rũ chorũ Cori ya Cristuxũ ñanagũrũ: ‘¡Nuã chorũ tũgũnecũwawa rũto, ñuxmatãta cuxmèxwa chanangèxmagũxêẽ i curũ uwanũgũ na namaã icucuãxũcèx!’ ”

ñaãñcú nanaxúmatú. ⁴⁴ Rû ñanagürü ga Ngechuchu: —¿Ñuxüürüwa i Dabítáa yíixü ya Cristu ega númerata ga Dabí rü norü Corimáa naxuãgu? —ñanagürü.

Ngechuchu rü nüxü nixu na tama nameärü maxüãxgüxü ga yema ngüexëeruügu ga Moichëärü mugüwa nguxëëtaegüxü

(Mt 23.1-36; Mr 12.38-40; Lc 11.37-54)

⁴⁵ Rû guxüma ga duüxügu rü yéma inarüxinüë ga yexguma Ngechuchu norü ngüexüüguü ñaxgu: ⁴⁶ —Pexuãëgü naxcëx i ngëma ngüexëeruügu i Moichëärü mugüwa nguxëëtaegüxü! Erü nümagü rü norü me nixü i mexü i naxchirumáa na naxüãneãxü. Rû itamüwa nanaxwëxëgu na duüxügu meã nüxü rümoxëgüxü. Rû ngutaquëxepataüguwa rü norü me nixü i ãëxgacügümëxwëxëwa na natogüxü. Rû ñna i taxüwa rü ngëma ñnaärü yoraxütawa ügüxü i nachicacëx nadaugü. ⁴⁷ —Rü tüxü nawomüxëëgüãcüma tüxna nanapuxü ya tümapatagü ya yixëma yutegüxë. Rû ñuxüchi nanamëxëë i norü yumüxëgu na duüxügu nagu rüxinüëxüçëx na aixcüma mexügu yíigüxü. Natürü nümagü tá nixü i yexeraãcü napoxcuexü —ñanagürü.

21

Yutecüarü ãmarechiga

(Mr 12.41-44)

¹ Rû yexguma tupauca ga taxünewa nayexmagu ga Ngechuchu, rü yéma nüxü nadau ga ñuxãcü duüxügu ga idïëruãxü Tupanana ngüxü na naxãgüxü ga norü dïëru ga tupaucaarü dïëruchiüwa. ² Rû ngüxü nadau ta ga wüxi ga ngecü ga yutecü ga ngearü dïëruãxcü ga tupaucaarü dïëruchiügu taxretachinü ga íraxüchicü ga dïëru ngüxü ixüchicü. ³ Rû ñanagürü ga Ngechuchu: —Aixcüma pemaã nüxü chixu rü ñna ngecü i yutecü i ngearü dïëruãxcü rü guxü i togü i dïëru ngüxü ixãgüüärü yexera ngüxü ixã. ⁴ —Erü guxüma i togü rü ngüxü inaxã i ngëma nüxü íyaxüügüçë. Natürü ngüma ngüxü natauxyane ngüxü ixã i guxcüma i ngüxü ngexmaxcü i ngürü ñnatanü —ñanagürü.

Ngechuchu nanaxunagü na tupauca ya taxünegu tá napogüexü

(Mt 24.1-2; Mr 13.1-2)

⁵ Rû ñuxre ga norü ngüexügu rü nidexagü nachiga ga tupauca ga taxüne ga ñuxãcü na namexëchixü ga naxtapüx ga nutanaxcëxgü, rü na namexëchixü ga guxüma ga guma tupaucaarü yemaxügu ga duüxügu nüxna ãmarexü. Rû yexguma ga Ngechuchu rü ñanagürü: ⁶ —Rü nawa tá nangu i ngunexügu i guxünetama ya daa tupauca ya nüxü pedauxüne, rü tá nagu napogüë. Rû naxtapüxarü nutagü rü taxucütáma nügüëtü naxüxüra, rü bai ya wüxi —ñanagürü.

Cüërxügu i tá nüxü idauxü naxüpa na nagüxü i naãne

(Mt 24.3-28; Mr 13.3-23)

⁷ Rû yexguma ga norü ngüexügu rü Ngechuchuna nacagü, rü ñanagürügu: —Pa Ngüexëeruüx, ¿ñuxgu tá nixü i nangupetüxü i ngëma nüxü quixuxü? ¿Rü tacüwa tá nüxü tacüx na nangupetüxü tá i ngëma? —ñanagürügu. ⁸ Rû Ngechuchu rü ñanagürü: —Pexuãëgü tá na taxüüma pexü womüxëëxüçë! Erü muxüchixü tá chaugu nügü nicüxgü rü tá ínangugü rü ñanagürügu tá:

“Choma nixü i Cristu, rü paxa tá nagux i naãne”, ñanagürügu tá pexü. ¡Natürü täütáma nüxü peyaxögü! ⁹ —Rü ngëxguma tá nüxü pexüñëgu na nügü nadëixü i wüxi i nachiüãne to i nachiüãnemaã, rü ñna nüxü pexüñëgu na wüxi i nachiüãnewatama rü duüxügu rü norü ãëxgacümaã nügü nadëixü, ¡rü täütáma peñaxüchixü! Erü ngëmaãcü tá nangupetü i noxrix. Natürü täütáma naãneärü gux nixü i ngëma. ¹⁰ —Erü wüxi i ãëxgacüarü churaragü rü to i ãëxgacüarü churaragümaã tá nügü nadai. Rû wüxi i nachiüãne rü to i nachiüãnemaã tá nügü nadai. ¹¹ —Rü nümamaxü i nachiüãnegüwa rü porãcü tá naxüãxãchiane, rü porãcü tá nangux i taiya, rü tá nataxüchi i ñaaweane. Rû duüxügu tá nüxü nadaugü i daxüwa i tacü i namaã nañaxüchixü, rü taxü i cuërxügu. ¹² —Natürü naxüpa i guxüma i ngëma rü duüxügu tá pexü ínayaxü, rü tá pewe ningëxütanü. Rû ngutaquëxepataüguwa tá pexü nagagü na ngëma pexna nacagüxüçë, rü tá pexü napoxcë. Rû nachiüãnegüarü ãëxgacügüpëxëwa tá pexü nagagü, naxcëx na chorü duüxügu pixüxü. ¹³ —Rü ngëmaãcü tá pexü natauxcha na ãëxgacügümaã nüxü pixüxü i chauchiga. ¹⁴ —Rü ngëxguma tá ngëma pexü nagagü, ¡rü táxü i pexoegaãëgüxü naxcëx na tacümaã tá penangãxüxü na pegüëtüwa pechogüxüçë! ¹⁵ —Erü choma tá pexü charüngüxëë na nüxü pecuãxüçëx na tacümaã penangãxüxü i perü uwanügü. Rû nümagü rü täütáma nüxü nacüxëgu na tacümaã pexü nangãxüxü i ngëxguma. ¹⁶ —Natürü pema rü woo penatügü, rü peegü, rü peeneëgü, rü peeyëxü, rü petanüxügu, rü pemücügü rü tá napechitaegü na purichigüxütawa pexü iyaxuaxüxü. Rû purichigü rü tá pexü nadai i ñuxre i pemax. ¹⁷ —Rü guxü i naãnewa

rü duüxügü tá pexchi naxaie, erü choxü peyaxögü rü chorü duüxügü pixü. 18 —Natürü woo tacü pexü üpetügu rü Tupanamëxëwa tá pengëxmagü, rü nüma tá pexü inapoxü rü bai i wüxi i peyae tá inayarütaxu. 19 —Rü ngëxguma aixcüma peyaxögüamagu rü tama choxü ipetëxgu, rü tá penayarügü i maxü i taguma güxü. 20 —Rü ngëxguma nüxü pedëuxgu na perü uwanügülarü churaragü Yerucharëüxü íchomaëguächixü, rü ngëmawa tá nüxü pecuëx na paxa tá nagu napogüexü ya yima íane. 21 —Rü yíxema Yudeánaewa ngëxmagüxe rü name nixü i mëxpüneánaewa tabuxmü. Rü yíxema Yerucharëüwa ngëxmagüxe rü tanaxwëxe na paxa ítachoxüxü. Rü yíxema túmaánaewa ngëxmagüxe rü tama name na íanecëx tawoeguxü. 22 —Erü ngëma ngunexügü tá ínangu i Tupanaärü poxcu. Rü ngëmaäcü tá nayanguxëë i guxüma i ngëma norü ore i úmatüxüwa nüxü yaxuxü. 23 —Rü ngëma ngunexügü rü tá poraäcü tüxü naguxcha ya yíxema ngexegü ya ítacharaügüxe rü yíxema imaíxäcüügüxe. Erü tá nangëxma i taxü i ngüxü, rü Tupana rü poraäcü tá nanapoxcue i ngëma duüxügü. 24 —Rü ñuxre, rü tá norü uwanügü taramaá nanadai. Rü togü, rü tá ínanayauxü na to i nachüánaewa nagagüaxüçëx. Rü ñuxüchi i ngëma norü uwanügü rü tá nagu napogüe ya yima íane ya Yerucharëü. Rü ngëmaäcü tá nangupetü ñuxmatáta nawa nangu na Tupana ínamuxüxü i ngëma.

Tupana Nanearü taeguchiga
(Mt 24.29-35, 42-44; Mr 13.24-37)

25 —Rü ngëxguma rü tá nangox i cuëxruüxügü. Rü üëxcü rü taemacü rü woramacurigü rü tá nixügachitanü i nachicawa.. Rü guxü i nachüánaegüwa rü duüxügü rü tá nanaxíxächíäetanü rü tá nabaixächíäëgü namaá na poraäcü naxäügaächixü i taxü i taxtü rü norü yuapegü. 26 —Rü duüxügü rü norü muümaá tá inayaiäxë i ngëxguma nüxü nadaugu i ngëma üpetüchaxü i ñoma i naánaewa. Erü woo guxüma i tacü i daxüwa nüxü idauxü rü tá naxíäxächitanü rü tá nu ne nanaxímare. 27 —Rü ngëxguma rü guxü i duüxügü i ñoma i naäncëüäx rü tá choxü nadaugü i ngëxguma wüxi i caixanexügu ícharüxügu rü núma chaxüxgu namaá i chorü pora rü üüne. 28 —Rü ngëxguma inaxügügu na naxüpetüxü i ngëma pemaá nüxü chixuxü, rü name nixü na petaäëgüxü rü meá pedaunagüxü, erü paxa tá íchangu na pexü íchangüxüxëxüçëx —ñanagürü. 29 Rü yemawena rü wüxi ga ore ga cuëxruüxü namaá nixu ga Ngechuchu, rü ñanagürü: —jDüçëx penangü i iguera, rü éxna ngëxürüüxümare i to i naígü! 30 —Rü ngëxguma nüxü pedëuxgu na ngëxwaca naxüátüxü, rü ngëmawa nüxü pecuëx na paxa tá taunecü na yixü. 31 —Rü ngëxgumarüü ta i ngëxguma nüxü pedëuxgu na nangupetüxü i ngëma pemaá nüxü chixuxü, rü ngëmawa tá nüxü pecuëx na yimama yixü ya Tupana na äëxgacü yixüçëx. 32 —Aixcüma pemaá nüxü chixu rü guxüma i ngëma nüxü chixuxü rü tá ningu naxüpa na nayuxü i duüxügü i ñuxma maxëxü. 33 —Daxügüxü i naäne rü ñoma i naäne rü tá nagux. Natürü chorü ore rü tagutáma inayarüxo. 34 —jPexuäëgü na tama tacü rü chixexügüagu düxwa nüxü perüxoexü na peyaxögüxü! Rü ngëmacëx penaxwëxe na pegüna pedaugüxü na tama pengäxëxü rü éxna ñoma i naäneärü ngüchäüguama na perüxüñüxëxü. Erü ngürüächí ngëmagu íperüxüñüeyane tá pexü íchayäbaixü. 35 —Rü ñoma wüxi ya yüta ya ngürüächí tacü iyaxünerüü tá nixü naxcëx i guxüma i duüxügü i ñoma i naäncëüäx i ngëxguma wenaxärü núma chaxüxgu. 36 —Rü ngëmacëx name nixü i pegü ípemëëëgü. jRü guxüguma peyumüxëgü na ngëmaäcü tama pexü naxüpetüxüçëx i ngëma äücümaxügü, rü aixcüma pimëxüçëx i ngëxguma chopëxewa pengügü! —ñanagürü ga Ngechuchu. 37 Rü guxü ga ngunexügügu rü tupauca ga taxünewa nayexma ga Ngechuchu, rü duüxügüxü nangüexëë. Rü chütacü rü guma Mëxpüne ga Oribunecügu äeganegu nayapeexü. 38 Rü guxüma ga duüxügü rü pëxmamaxüchi tupauca ga taxünewa nangügüxü na Ngechuchuxü naxüñüxëxëx.

22

Äëxgacügü naxcëx nadaugü na ñuxäcü Ngechuchuxü yayauxgüxü
(Mt 26.1-5, 14-16; Mr 14.1-2, 10-11; Cu 11.45-53)

1 Rü marü ningaica ga Yudiügüarü peta ga Üpetüchiga ga nagu nangöxgüäxü ga päu ga ngearü puxëëruüäxü. 2 Rü ga paigüarü äëxgacügü rü ngüxëëruüügü ga Moichëarü muguüwa nguxëëtaegüxü rü naxcëx nadaugü ga ñuxäcü duüxügüechita Ngechuchuxü na yamëxgüxü, yerü duüxügüxü namuüë. 3 Rü yexguma ga Chataná rü Yuda ga Icarüütegu nangaxi. Rü nüma ga Yuda rü yema 12 ga Ngechucharü ngüxügü ga imügüxütanüxüchirëx nixü. 4 Rü nüma ga Yuda rü ínayadau natanüwa ga paigüarü äëxgacügü rü tupauca ga taxüneärü purichüagüarü äëxgacügü. Rü namaá nüxü nixu ga ñuxäcü na natauxchaxü ga Ngechuchuxü na yayauxgüxüçëx. 5 Rü númagü ga yema äëxgacügü rü nataäëgü. Rü díëru Yudana ngíxü naxuaxügü. 6 Rü Yuda rü ngixü nayaxu ga yema díëru. Rü inanaxügü ga naxcëx na nadauxü ga ñuxäcü duüxügüechita Ngechuchuxü na yayauxgüxü ga äëxgacügü.

*Ûpetüchigaarü ðnawa nachibü ga Cori**(Mt 26.17-29; Mr 14.12-25; Cu 13.21-30; 1 Co 11.23-26)*

⁷ Rü nawa nangu ga yema petaarü ngunexü ga nagu nangõxgüãxü ga pâü ga ngearü puxëeruüãxü. Rü yema nixi ga ngunexü ga nagu carneruxacü yamëxgüxü naxcëx ga Ûpetüchigaarü peta. ⁸ Rü Ngechuchu nanamu ga Pedru rü Cuãü, rü ñanagürü nüxü: — ¡Peyamexëëx i tóru ðna i Ûpetüchigacë! —ñanagürü. ⁹ Rü nümagü Ngechuchuxü nangãxügü, rü ñanagürügü: —¿Ngextá nixi i cunaxwëxexü na tanamexëëxü? —ñanagürügü. ¹⁰ Rü Ngechuchu nanangãxü, rü ñanagürü: —Ngëxguma Yerucharéüwa pengugü rü ngëxma tá nüxü peyangau i wüxi ya yatü i wüxi i tüxü i dexamáã äácucü ngixü ingexü. ¡Rü nawe perüxi ñuxmatáta napatawa pengugü! ¹¹ —¡Rü yima ípata ya nagu yaxücune ya yima yatü, rü yima íaru yoramaã nüxü pixu rü ñapegügü nüxü:

“Torü ngüxëeruü rü nüxü nacuãxchaü na ngëxürüüxü yixü i ngëma ucapu i norü ngüxügümaã tá nawa nachibüxü i Ûpetüchigaarü ðnacëx”, ñapegügü nüxü! ¹² —Rü tá pexü nüxü nadauxëë i wüxi i ucapu i taxü i marü mexëëxü i norü daxüchiüwa ngëxmaxü. ¡Rü ngëmawa tá penamexëë i ngëma ðna i Ûpetüchigacë ixixü! —ñanagürü nüxü. ¹³ Rü yéma naxi ga nümagü rü nüxü inayangaugü ga guxüma yema Ngechuchu namaã norü ixuxürüü. Rü yéma nanamexëëgü ga ðna ga Ûpetüchigacë ixixü. ¹⁴ Rü yexguma nawa nanguxgu ga ora ga na nachibüxü, rü mechawa narüto ga Ngechuchu namaã ga norü ngüxügü. ¹⁵ Rü yexguma ga Ngechuchu rü ñanagürü: —Ñuxãcü poraãcü choxü nangüchaü na pemaã chachibüxü i ñaã Ûpetüchigaarü ðnawa naxüpa na chayuxü. ¹⁶ —Natürü pemaã nüxü chixu rü täütáma wenaxãrü Ûpetüchigaarü ðnawa chachibü, ñuxmatáta chowa yangu i ngëma Tupana naxwëxexü —ñanagürü. ¹⁷ Rü yexguma nanayaxu ga wüxi ga pochüyu ga binumaã äácuxü. Rü Tupanana moxë naxãxira, rü ñuxüchi ñanagürü nüxü ga norü ngüxügü: — ¡Peyaxaxü ya daa binu, rü pegümaã pengau! ¹⁸ —Erü pemaã nüxü chixu rü tagütáma wena chayaxaxü ya binu ñuxmatáta nawa nangu na pecaduarü ütanücëx chayuxü na aixcüma pemaã inacuãxücëx ya Tupana —ñanagürü. ¹⁹ Rü nanayaxu ta ga pâü, rü Tupanana moxë naxcëx naxã. Rü ñuxüchi inanabücu, rü norü ngüxügüna nanaxã. Rü ñanagürü nüxü: — Naã pâü rü chaxune i pexcëx yuxüchiga nixi. ¡Rü ñaãwena rü ñaãcü tá penaxü na choxna pecuëxãchixëücë! —ñanagürü. ²⁰ Rü marü chibüwena rü to ga pochüyu ga binumaã äácuxü norü ngüxügüna naxã, rü ñanagürü: —Daa binu rü Tupanaãrü uneta i ngëxwacaxüãrü cuëxruü nixi. Rü chaugü ya pexcëx ibacüwa Tupana pexü nüxü nadauxëë na aixcüma yixü i ngëma norü uneta. ²¹ —Natürü ngëma yatü i chauechita äëxgacügüna choxü muxchaüxü, rü nuã mechawa tamaã narüto i ñuxmax. ²² —Rü choma i Tupana Nane na duüxüxü chixü, rü Chaunatü ixunetaxürüü tá chayü. Natürü wüxi i ngechaüxüchi tá nixi naxcëx i ngëma yatü i äëxgacügüna choxü muxü. ²³ Rü yexguma ga norü ngüxügü rü inanaxügüe ga nügüna na nacagüxü, rü ñanagürügü: —¿Texë tá tixi ya yixema naëchita äëxgacügüna namuxë? —ñanagürügü.

Norü ngüxügü rü nügüna nacagüe na texë tá tixüxü ya guxãxü rü yexeraxe i natanüwa

²⁴ Rü yexguma ga yema ngüxügü rü nügümaã niporagatanücüü nachiga na texë tá tiixü ya natanüwa guxãrü yexera ixixë. ²⁵ Natürü ga Ngechuchu rü ñanagürü nüxü: —Ñoma i naãnewa rü guxü i nachüãnegüarü äëxgacügü, rü poraãcü norü duüxügüxü namugü. Rü ñuxüchi nügü yaxugügu rü norü duüxügüarü dauruü i mexügü nixigü. ²⁶ —¡Natürü pema rü täütáma ngëxgumarüü pixigü! Rü ngëxguma texë naxwëxegu na guxãrü yexera tiixü i petanüwa, rü name nixi na tügü itarüxiraxü i guxüma i tümamücügütanüwa. Rü texë naxwëxegu na peeru tiixü i petanüwa, rü name nixi i noxri rü guxãrü ngüxëeruü tixi. ²⁷ —Rü ñoma i naãnewa rü corigü rü mechawa narütogü na nachibüxëcëx, rü norü duüxügü nixi i ngëma naxcëx ðna ixixü rü nüxü rüngüxëëxü. Natürü tatanüwa rü tama ngëmaãcü nixi, erü choma i perü cori na chixü rü perü ngüxëeruü chixi. ²⁸ —Rü pemagü nixi ga guxügüma chauxütawa peyexmagüxü ga yexguma ngüxü chingexgu. ²⁹ —Rü ngëmacëx i choma rü äëxgacügüxü pexü chixigüxëë yema chaunatü äëxgacüxü choxü ingucuchixëëxürüü. ³⁰ —Rü ngëmaãcü äëxgacü íchixüwa rü chomaã tá pechibüe rü tá pexaxegü. Rü äëxgacüchicawa tá perütogü na norü maxücëx nüxna pecagüxü i guxüma i Yudiugü —ñanagürü.

*Ngechuchu nüxü nixu na Pedru tá nügü icüxü na norü ngüxü yixü**(Mt 26.31-35; Mr 14.27-31; Cu 13.36-38)*

³¹ Rü Pedruxü ñanagürü ta ga Cori ga Ngechuchu: —Pa Pedrux, Chataná rü pexcëx ínaca na chixëümaã poraãcü pexü naxixücëx. ³² —Natürü choma rü Chaunatüxü cuxcëx chacëëxü na taguma nüxü curüxoxücëx na cuyaxõxü. Rü ngëmacëx i cumax, Pa Pedru, rü ngëxguma chaucëx cutaeguxgu, rü chanaxwëxe i nüxü curüngüxëë i cumücügü na

nümagü rü yaxöögüechaãxücëx –ñanagürü. ³³ Rü ñanagürü ga Pedru: –Pa Corix, choma rü marü íchamemare na wüxigu cumaã na chapoxcuxü rü êxna wüxigu cumaã na chayuxü –ñanagürü. ³⁴ Natürü Ngechuchu rü ñanagürü nüxü: –Pa Pedrux, cumaã nüxü chixu rü ñomatama i chütaxüga naxüpa na otá içaxü, rü cuma rü tomaêxpüpüxcüna tá nüxü quixu na tama choxü cucuáxü –ñanagürü.

Marü ningaica ga na guxchaxüğü nüxü üpetüxü

³⁵ Rü yexguma ga Ngechuchu rü norü ngüexüğüna naca, rü ñanagürü: –Yexguma pexü chimugüga ngearü choçaãxügüxemaã rü ngearü diëruãxügüxemaã rü ngearü chapatuãxügüxemaã, ¿rü tacü pexü taxuxü ga yexguma? –ñanagürü. Rü nümagü nanangãxüğü rü ñanagürüğü: –Taxuüma –ñanagürüğü. ³⁶ Rü yexguma norü ngüexüğüxü ñanagürü ga Ngechuchu: –Natürü ñuxma rü texé ya petanüwa ya choçaãxé rü tanaxwëxe na ítayangexü i túmaärü choça rü túmaärü diërchixü rü ta. Rü ngëxguma texé ngearü taraãxgu rü tanaxwëxe i namaã tataxe i túmaärü gáuxüchiru na túmaärü poxüruü i taracëx tataxexücëx. ³⁷ –Erü pemaã nüxü chixu rü chauchiga nixü i ngëma Tupanaärü ore i úmatüxü i ñaxü: “Wüxi i máetaxüruü tá nanapoxcugü rü tá nayamëxgü”, ñaxü. Erü guxüma i ngëma chauchiga úmatüxü i Tupanaärü ore i úmatüxüwa rü aixcüma ngëmaãcü tá ningu –ñanagürü. ³⁸ Rü yexguma ga norü ngüexüğü rü ñanagürüğü: –Pa Corix, nuã nangëxma i taxre i tara –ñanagürüğü. Rü nüma ga Ngechuchu rü nanangãxü rü ñanagürü: –Marü ningu i ngëma –ñanagürü.

Ngechuchu rü Yechemanüwa nayayümüxë

(Mt 26.36-46; Mr 14.32-42)

³⁹ Rü yexguma ga Ngechuchu rü ínaxüxü ga guma íänewa. Rü Oríbnecüarü Mëxpünewa naxü, yerü woetama nacüma nixü ga yéma na naxüüxüxü. Rü norü ngüexüğü rü ta nawe narüxü. ⁴⁰ Rü yexguma yema nachicawa nanguxgu, rü norü ngüexüğüxü ñanagürü: –¿Tupana naxcëx peça na pexü nangüxëxücëx na tama Chatanáärü ügagu chixexüğü peyixücëx! –ñanagürü. ⁴¹ Rü yexguma ga Ngechuchu rü yéamaxüra 50 ga metruwa norü ngüexüğüna naxü. Rü yexma nacaxápüxü rü nayümüxë. ⁴² Rü ñanagürü: –Pa Chaunatüx, ngëxguma cuma cunaxwëxegu, ¿rü nüxna choxü ínanguxchixë i ñaã ngüxü i tá choxü üpetüxü! Natürü chanaxwëxe i cunaxü i curü ngüchaü rü tama i choxü –ñanagürü. ⁴³ Rü yexguma wüxi ga daxücüãx ga Tupanaärü orearü ngeruü rü naxcëx nangox, rü nanaparaxëë. ⁴⁴ Rü poraãcü nanaxixächiaë ga Ngechuchu, rü yemacëx yeraãcü nayümüxë. Rü yema na naxixächiaëxümaã poraãcü nanaxaiyaächí. Rü guma norü aiyacümaã nichuruxüne. Rü ñoma nagü waixüümüãnewa ichuruxüruü nixü ga norü aiyacü. ⁴⁵ Rü yema ínayümüxëxüwa rü inachi ga Ngechuchu, rü norü ngüexüğütanüwa naxü. Rü nüxü inayangau ga na ínapexü yerü norü ngechatümaã düxwa nayaxtae. ⁴⁶ Rü yexguma ga Ngechuchu rü ñanagürü nüxü: –¿Tüxcüü ípepee? Íperüdagü rü Tupana naxcëx peça na pexü nangüxëxücëx na tama Chatanáärü ügagu chixexüğü peyixücëx! –ñanagürü.

Ngechuchuxü niyaxüğü

(Mt 26.47-56; Mr 14.43-50; Cu 18.2-11)

⁴⁷ Rü yexguma íyadexayane ga Ngechuchu, rü yéma nangugü ga muxüma ga düxüğü. Rü Yuda ga Ngechuchuarü ngüexüchirëx íxixü nixü ga naxüpëxexü. Rü Ngechuchucëx nixü na nüxü nachüácüma nüxü namoxëxücëx. ⁴⁸ Rü Ngechuchu rü ñanagürü: –Pa Yudax, ¿tüxcüü wüxi i chüxumaã cuhauechitae? –ñanagürü. ⁴⁹ Rü yema togü ga Ngechuchuarü ngüexüğü ga naxütawa yexmagüxü, rü yexguma nüxü nadaugügu ga yema ngupetüxü rü ñanagürüğü nüxü: –Pa Corix, ¿cunaxwëxexü na taramaã tanadëixü? –ñanagürüğü. ⁵⁰ Rü wüxi ga Ngechuchuarü ngüexü rü paigüarü äëxgacüarü düxüxü nanapixëë, rü ínanadae ga norü tügünechinü. ⁵¹ Natürü Ngechuchu rü ñanagürü: –¿Ngexrüma na pegü namaã pedëixü! –ñanagürü. Rü yexguma ga Ngechuchu rü yema yatü ga ídaechinüxüxü ningögü, rü nanamexëë. ⁵² Rü Ngechuchu namaã nidexa ga yema äëxgacüğü ga norü yauxwa yéma íxü. Rü yema äëxgacüğütanüwa nayexmagü ga paigüarü äëxgacüğü, rü tupaoca ga taxünearü purichiaüarü äëxgacüğü, rü Yudiügarü äëxgacüğüerugü. Rü Ngechuchu rü ñanagürü nüxü: –¿Tüxcüü taragü rü naixmenëxägümaã chauxcëx nuã pexü ñoma wüxi i ngítëxáxü chüxüruü? ⁵³ –Rü guxü ga ngunexüğü ga yexguma petanüwa chayexmagu ga tupaoca ga taxünewa, rü tama choxü piyaxüğü. Natürü marü nawa nangu na pexü natauxchaxü na choxü piyaxüğüxü, erü ñoma nixü i ora na naporaxü i Chataná –ñanagürü.

Pedru inayacux na Ngechuchuxü nacuáxü

(Mt 26.57-58, 69-75; Mr 14.53-54, 66-72; Cu 18.12-18)

⁵⁴ Rü Ngechuchuxü niyaxüğü, rü paigüarü äëxgacüpatawa nanagüğü. Rü Pedru rü nawe narüxü, natürü yaxüguma nüxü nixüchigü. ⁵⁵ Rü yéma paigüarü äëxgacüpatëxüarü ngãxüwa, rü purichiaü nanaxüğü ga wüxi ga üxü. Rü nüxü ínachomaëguächí. Rü Pedru

rü ta yéma natanüwa narüto. ⁵⁶ Rü yexguma yéma üxücutüwa natoxgu ga Pedru, rü wüxi ga ngecü ga äëxgacüaru düüxü nüxü idau. Rü meäma nüxü idawenü, rü ngüürügü: –Ñaa yatü rü Ngechuchutanüxü nixi –ngüürügü. ⁵⁷ Natürü Pedru rü tama nüxü nacuáxchaü ga yema ore, rü ñanagürü: –Pa Ngecüx, choma rü tama nüxü chacuëx ya yima Ngechuchu –ñanagürü. ⁵⁸ Natürü yixcamaxüra rü to ga düüxü Pedruxü nadau, rü ñanagürü nüxü: –Cuma rü ta Ngechuchutanüxü quixü –ñanagürü. Natürü Pedru nanangäxü rü ñanagürü: –Tama nixi, Pa Yatüx. Tama natanüxü chixi –ñanagürü. ⁵⁹ Rü wüxi ga ora ngupetüguwena rü to ga düüxü rü nüxü ñanagürüama: –Aixcümáxüchi ñaa yatü rü Ngechuchutanüxü nixi, erü Gariréaanecüáx nixi –ñanagürü. ⁶⁰ Rü yexguma ga Pedru rü ñanagürü: –Pa Yatüx, tama nüxü chacuëx na tacüchigaxü quixuxü –ñanagürü. Rü yexgumatama Pedru ídexayane rü nica ga otá. ⁶¹ Rü yexguma ga Cori ga Ngechuchu rü Pedrucëx nügü ínidau. Rü nüma ga Pedru rü nüxna nacuëxáchi ga yema ore ga Cori ga Ngechuchu namaä nüxü íxuxü ga ñaxü:

“Ñomatama í chütaxügu naxüpa na otá íçaxü, rü tomaëxpüxcüna taxütáma cugü quixu na chorü düüxü quíixü”, ñaxü. ⁶² Rü yexguma ga Pedru rü ínaxüxü ga yéma. Rü poraäcüxüchi naxaxu.

Ngechuchugu nidau-x- cüraügu

(Mt 26.67-68; Mr 14.65)

⁶³ Rü yema yatügu ga Ngechuchuna daugüxü, rü nagu nidauxcüraügu, rü nüxna nanaçuaixcagüxü. ⁶⁴ Rü nayadüxëtügu, rü nachiwegu nidagügu, rü ñanagürügü: –¡Nüxü nacuëx na texé cuxü na idagüxü! –ñanagürügü. ⁶⁵ Rü muxüma ga to ga ore ga chixexü namaä nixugüe.

Äëxgacügu ga tacügüpëxewa nanagagü ga Ngechuchu

(Mt 26.59-66; Mr 14.55-64; Cu 18.19-24)

⁶⁶ Rü yexguma yangunegu rü nangutaquëxegü ga Yudiügarü äëxgacügüerugü, rü paigüaru äëxgacügu, rü ngüexëëruügu ga Moíchearu mügüwa ngüxëëtaegüxü. Rü ñuxüchi norü purichíagüxü namu na napëxewa Ngechuchuxü nagagüxüçëx. Rü yéma Ngechuchuna nacagü, rü ñanagürügü: ⁶⁷ –Toma rü nüxü tacuáxchaü rü cuma quíixü í Cristu rü éxna tama. ¡Tomaä cugü íxu! –ñanagürügü. Rü Ngechuchu nanangäxü rü ñanagürü: –Ngëxguma chi pemaä nüxü chixuxgu na choma chíixü í Cristu, rü táu chima choxü peyáögü. ⁶⁸ –Rü ngëxguma chi pexna chacaxgu na tacüçëx choxna peçaxü, rü táu chima choxü pengäxüga, rü táu chima choxü pingëxü. ⁶⁹ –Natürü ñuxmawena rü choma í Tupana Nane na düüxüxü chíixü rü Chaunatü ya Tupana ya poracüxütawa tá changëxma –ñanagürü. ⁷⁰ Rü yexguma guxüma ga yema äëxgacügu nüxna nacagü, rü ñanagürügü: –¿Éxna cuma quíixü í Tupana Nane? –ñanagürügü. Rü Ngechuchu nanangäxü, rü ñanagürü: –Ngü. Tupana Nane chíixü ngëxgumarüü í pematama nüxü pixuxüruü –ñanagürü. ⁷¹ Rü yexguma nügümaä ñanagürügü ga yema äëxgacügu: –Ñuxma rü marü taxucëxma naxcëx tadau í to í düüxügu í nüxü íxuxü í ñaa yatüchiga. Erü yixematama marü naëxwatama nüxü taxinüe í norü ore na ñuxü ñaxü –ñanagürügü.

23

Piratupëxewa nayexma ga Ngechuchu

(Mt 27.1-2,11-14; Mr 15.1-5; Cu 18.28-38)

¹ Rü guxüma ga yema äëxgacügu rü inachigü, rü äëxgacü ga Dumacüáx ga Piratuxütawa Ngechuchuxü nagagü. ² Rü yéma Piratupëxewa inanaxüguë ga Ngechuchuxü na yaxugüexü. Rü ñanagürügü: –Ñaa yatü rü nüxü itayangaugü na cumaä nanuëxëëäxü í düüxügu. Rü tomaä nüxü nixu na tama namexü na äëxgacü ga Dumawa ngëxmacüáxü na tanaxütanüxü. Rü nügü nixu na nüma na yíixü í torü äëxgacü í Cristu –ñanagürügü. ³ Rü yexguma ga Piratu rü Ngechuchuna naca rü ñanagürü: –¿Cuma quíixü í Yudiügarü äëxgacü? –ñanagürü. Rü Ngechuchu nanangäxü rü ñanagürü: –Ngëmaäcü, ngëma nüxü quixuxü chíixü í chomax –ñanagürü. ⁴ Rü yexguma ga Piratu rü ñanagürü nüxü ga paigüaru äëxgacügu rü togü ga düüxügu: –Chauxcëx rü taxuüma í chixexü naxü í ñaa yatü –ñanagürü. ⁵ Natürü nümagü rü yexeraäcü Ngechuchuxü nixugüëama, rü ñanagürügü: –Nüma rü guxü í Yudeáanewa nanangüexëe í düüxügu na cuxchi naxaíexüçëx. Rü Gariréaanewa inanaxügu ga yemaäcü na düüxüguíxü nangüexëëxü, rü ngëmaäcü nanaxü ñuxmata nüma Yudeáanewa nangu –ñanagürügü.

Erodepëxewa nayexma ga Ngechuchu

⁶ Rü yexguma yemaxü naxinügu ga Piratu, rü düüxügüna naca rü ngoxi Gariréaanecüáx yixi ga Ngechuchu. ⁷ Rü yexguma Piratu nüxü ínu gu ga aixcüma Gariréaanecüáx na yíixü ga Ngechuchu rü Gariréaanëaru äëxgacü ga Erodexütawa nanamu, yerü Yerucharëüwa

nayexma ga Erode ga yexguma. ⁸ Rū yexguma Ngechuchuxū nadēuxgu ga Erode rū naitāēxūchi. Yerū nuxcūmama poraācū nūxū nadauxchaū, yerū ūpaacū nūxū naxīnū ga nachiga. Rū inananguxēē na Ngechuchuxū nadauxchaūxū na napēxewa naxūāxū ga wūxi ga mexū ga taxū ga Tupanaārū poramaā naxūxū. ⁹ Rū muēxpūxcūna Ngechuchuna naca ga Erode. Natūrū Ngechuchu rū tama nanangāxū. ¹⁰ Rū yēma nayexmagū ta ga paigūarū āēxgacūgū rū ngūexēēruūgū ga Moīchēarū mugūwa nguxēētaegūxū. Rū nūmagū rū poraācū Ngechuchuxū īnaxuaxūgū. ¹¹ Rū yexguma ga Erode rū norū churaragū rū poraācū chixri Ngechuchumaā nachopetū. Rū nagu nidauxcūraūgū. Rū űuxūchi wūxi ga āēxgacūchirugu nayacūxēēgū na yemaācū nūxū nacugūexūcēx. Rū yemawena Piratuxūta wenaxārū Ngechuchuxū namu ga Erode. ¹² Rū woo ūpaacū ga Piratu rū Erodemaā nūgūchi na naxaieū, natūrū yema ngunexūgu nixī ga nūgūmaā nangūxmūēxū.

Piratu rū Ngechuchumaā nanaxuegu na nayuxūcēx
(Mt 27.15-26; Mr 15.6-15; Cu 18.39-19.16)

¹³ Rū yexguma ga Piratu rū nanangutaquēxexēē ga paigūarū āēxgacūgū, rū togū ga Yudiūgūarū āēxgacūgū, rū guxūma ga duūxūgū ga yēma yexmagūxū. ¹⁴ Rū Piratu űanagūrū nūxū: —Pema nuā chauxcēx penaga i űaā yatū, rū nūxū pixu na chomaā nanuēxēēāxū i duūxūgū. Natūrū pepēxewa nūxna chaca i ngēmachiga rū űuxma rū marū nūxū pedau na taxuūma nawa ichayangauxū i ngēma chixexū i naxcēx īpenaxuaxūxū. ¹⁵ —Rū Erode rū tā taxuūma nawa inayangau i ngēma chixexū, rū ngēmācēx wenaxārū taxcēx nanamuēgu. Rū dūcax, taxuūma i chixexū naxū na ngēmāgagu nayuxūcēx. ¹⁶ —Rū ngēmācēx chorū churaragūxū tā chamu na nacuaixgūāxūcēx, rū űuxūchi tā chayangēx —űanagūrū. ¹⁷ Rū nūma ga Piratu rū guxūguma ga yexguma yema petawa nanguuūxgu rū duūxūgūxū nataēxēēchaū namaā ga na yangēāxū ga wūxi ga yatū ga poxcuxū. ¹⁸ Natūrū guxūma ga yema duūxūgū rū wūxigu inanaxūgūe ga aita na naxūēxū. Rū űanagūrūgū: —¡Nāpoxcu i ngēma Ngechuchu! ¡Rū Barabāxū waxi īnanguxuchixēē! —űanagūrūgū. ¹⁹ Rū yema Barabā rū napoxcu yerū ūpaacū Yerucharētūwa āēxgacūmaā nananuēxēē ga duūxūgū, rū űuxūchi namāēta. ²⁰ Natūrū ga Piratu rū wenaxārū duūxūgūmaā nidexa, yerū nūma rū Ngechuchuxū ningēxchaū. ²¹ Natūrū ga duūxūgū rū yexeraācū aita naxūe rū űanagūrūgū: —¡Curuchawa yapota! ¡Curuchawa yapota! —űanagūrūgū. ²² Rū Piratu norū tomaēxpūxcūna duūxūgūmaā nidexa, rū űanagūrū: —Dūcēx, ¡tacū rū chixexū ēxna naxū? Choma rū taxuūma i chixexūxū nawa ichayangau na ngēmācēx chanayuxēēxū. Rū chorū churaragūxū tā chamu na nacuaixgūāxūcēx, rū űuxūchi tā chayangēx —űanagūrū. ²³ Natūrū nūmagū ga duūxūgū rū yexeraācū aita naxūeama, rū naxcēx īnacagū na curuchawa yapotaāxūcēx. Rū yema na nayexeragūamaxū ga yema duūxūgū rū dūxwa ga Piratu rū duūxūgūga naxīnū. ²⁴ Rū nūma ga Piratu rū norū churaragūxū namu na naxūgūāxūcēx ga yema duūxūgū naxwēxegūxū. ²⁵ Rū Barabāxū ningēx, yerū yema nixī ga duūxūgū naxcēx īcagūxū. Rū yema Barabā nixī ga poxcuxū naxcēx na duūxūgūxū āēxgacūmaā nanuēxēēxū rū namāētāxū. Rū yexguma ga Piratu rū duūxūgūma Ngechuchuxū namu na namaā naxūgūāxūcēx ga yema nūmagū nanaxwēxegūxū.

Ngechuchuxū curuchawa nipotagū
(Mt 27.32-44; Mr 15.21-32; Cu 19.17-27)

²⁶ Rū yema duūxūgū rū Ngechuchuxū nigagū na curuchawa yanapotagūāxūcēx. Rū yexguma Ngechuchuxū yagagūyane, rū yexma namagu nūxū nangaugū ga wūxi ga yatū ga Chirenećūāx ga naānewa ne ūcū. Rū Chimāū nixī ga naēga. Rū Chimāūxū niyaxugū ga duūxūgū, rū naātūgu ngīxū naxūnagūgū ga curucha na Ngechuchuwe ngīxū nangenxūcēx. ²⁷ Rū muxūma ga duūxūgū rū nawe narūxī. Rū yema duūxūgūtanūwa nayexmagū ga muxūma ga ngexūgū ga auxexū rū aita ūexū, yerū Ngechuchucēx nangechaūgū. ²⁸ Natūrū ga Ngechuchu rū yema ngexūgūxū nadawenū, rū űanagūrū nūxū: —Pa Ngećūgūx, Pa Yerucharētūāx ¡tāxū i chauxcēx pexauxexū, natūrū pegūcēxtama pexauxe rū pexacūgūcēx! ²⁹ —Erū nawa tā nangu i ngunexūgū i nagu űagūxū tā i duūxūgū:

“Tataēgū ya yīxema ngeēxta ya taxuacūma āxācūgūxe, rū taguma tacharaūgūxe, rū taguma maīxācūgūxe, erū taxucatāma tūmaxācūgūcēx taxauxe”, űagūxū. ³⁰ —Rū ngēxguma i duūxūgū rū tā mēxpūnegūxū nacēēxūgū rū űanagūrūgū tā:

“¡Toētūgu rūbuemū!” űanagūrūgū tā. Rū tā ngūchitaerugūxūxū nacēēxūgū, rū űanagūrūgū tā:

“¡Toxū idūxētūgū!” űanagūrūgū tā. ³¹ —¿Erū űuxācū tā namaā nachopetū i ngēma duūxūgū i aixcūma chixexū ūgūxū, ega űaā chixexū chomaā naxūgūgu na woo taxuūma i chixexū chaxūchirēxū? —űanagūrū ga Ngechuchu. ³² Rū yēma nanagagū ta ga taxre ga māētagūxū na Ngechuchurūl curuchawa yanapotagūāxūcēx. ³³ Rū yexguma nawa nangugūgu ga yema nachica ga Duūxēeruchinēxāgu āegaxū, rū yēma curuchawa Ngechuchuxū nipotagū. Rū yema taxre ga māētagūxū rū ta Ngechuchurūl curuchawa nipotagū, wūxi ga norū

tügüncëwawa rü to ga norü toxwecüwawa. ³⁴ Rü yexguma Ngechuchuxü curuchawa íyapotagüyane, rü ñanagürü ga Ngechuchu: —Pa Chaunatüx, ¡nüxü nangechaü i ñaã duüxügü, erü tama nüxü nacuëxgü na ¡acü rü chixexü naxüexü! —ñanagürü. Rü yema churaragü rü nanade ga Ngechuchuchiru. Rü ñuxüchi wüxi ga dïeru ngixü nañanagügü na yemawa nüxü nacuëxgüxcëx na texëarü tá yïixü ga yema Ngechuchuchiru. ³⁵ Rü duüxügü rü yema inarüdaunü. Natürü yema Yudiügüarü äëxgacü rü Ngechuchuxü nacugüe, rü ñanagürügü: —Nüma rü togüxü namaxëëë. ¡ëcü, ñuxma rü nügütama namaxëë ega aixcüma Cristu ya Tupana nüxü unetacü yixügu! —ñanagürügü. ³⁶ Rü yema churaragü rü ta Ngechuchuxü nacugüe. Rü naxütawa naxü, rü nüxna nanaxã ga binu ga üxchiücü. ³⁷ Rü ñanagürügü nüxü: —Ega Yudiügüarü äëxgacü ya tacü quixügu, ¡rü cugütama rüngüxëë i ñuxmax, na ícunguxuchixüxcëx! —ñanagürügü. ³⁸ Rü norü curuchatapëxewa nipota ga wüxi ga mürapewaxacü ga äegatachinüxü ga Griëgügügawa rü Dumacüäxgügügawa rü Yudiügügawa ümatüxü ga ñaxü: —Daa nixü ya Yudiügüarü Äëxgacü ya Tacüxüchi —ñaxü. ³⁹ Rü wüxi ga yema máëtaxü ga naxrüü curuchawa ípotaxü rü Ngechuchumaã naguxchiga, rü ñanagürü: —Ega aixcüma Cristu quixügu, ¡rü cugütama rüngüxëë na ícunguxuchixüxcëx, rü toxü rü ta rüngüxëë na ítangüxüxcëx! —ñanagürü. ⁴⁰ Natürü ga yema to ga máëtaxü rü namücüxü ínangaxüchiam, rü ñanagürü nüxü: —Cuma rü naxrüü na curuchawa quipotachirëxü, ¡rü ngëxguma rü ta tama Tupanaxü cumuüxü? ⁴¹ —Yixema rü name nixü na ípoxcuxü erü tagagutama nixü i ngüxü íngëgüxü erü ngëma nixü i tóru natanü naxcëx ga yema chixexü ga ixügüxü. Natürü daa yatü rü taxuüma i chixexü naxü —ñanagürü. ⁴² Rü yexguma ga yema máëtaxü rü ñanagürü: —Pa Ngechuchux, ¡choxna nacuëxächü i ngëxguma wenaxärü núma cuxüxgu rü äëxgacüxü ícunguxgu! —ñanagürü. ⁴³ Rü Ngechuchuxü nanangãxü rü ñanagürü: —Aixcüma cumaa nüxü chixu rü ñomatátama i ngunëxügu chomaã cüngëxma i mexëchixü i nañëwawa —ñanagürü.

Nayu ga Ngechuchu

(Mt 27.45-56; Mr 15.33-41; Cu 19.28-30)

⁴⁴ Rü yexguma tocuchiwa nanguxgu rü guxüwama naxëäne ñuxmata tomaëxpüxarü orawa nangu ga yáuanecü. ⁴⁵ Rü ga üëxcü rü nixo. Rü tupauca ga taxüneärü tüyemachiüxü rü ngãxügu narügautë. ⁴⁶ Rü yexguma ga Ngechuchu rü poraäcü aita naxü rü ñanagürü: —Pa Chaunatüx, cuxmëxwa chanangëx i chauãë —ñanagürü. Rü yema ñaxguwena rü nayu. ⁴⁷ Rü yexguma yema churaragüarü äëxgacü ga Dumacüäx nüxü dëuxgu ga yema ngupetüxü, rü Tupanaxü nicuëxüü, rü ñanagürü: —Aixcüma ñaã yatü rü taxuüma i chixexü naxü —ñanagürü. ⁴⁸ Rü guxüma ga yema togü ga duüxügü ga yema yexmagüxü rü nüxü daugüxü ga yema ngupetüxü, rü poraäcü nangechaügüäcüma napatacëx nawoegu. ⁴⁹ Natürü guxüma ga yema duüxügü ga aixcüma Ngechuchuxü cuëxgüxü rü yaxüwawa- tama nüxü narüdaunü ga yema ngupetüxü. Rü yema duüxügütanüwa ta íyexmagü ga yema ngecügü ga Ngechuchuwe rüxcü ga yexguma Garirëaanewa ne naxüxgu.

Ngechuchu rü naxmaügu nayanaxüchigü

(Mt 27.57-61; Mr 15.42-47; Cu 19.38-42)

⁵⁰ Rü nayexma ga wüxi ga yatü ga Yudëaanewa yexmane ga íäne ga Arimatëacüäx, rü Yüche nixü ga naëga. Rü nüma rü Yudiügüarü äëxgacügütanüwa naxü, natürü namecüma rü meã namaxü. ⁵¹ Rü nüma rü poraäcü ínanangüxëë na ínangüxü ga Tupana na yema äëxgacü yïxüxcëx. Rü yemacëx tama norü me nixü ga yema Ngechuchumaã naxügüxü ga yema togü ga namücügü ga äëxgacügü. ⁵² Rü nüma ga Yüche rü Piratuxütawa naxü, rü Ngechuchuxüncëx ínayaca. ⁵³ Rü curuchawa nayayaxu ga Ngechuchuxüne, rü wüxi ga düxruümaã nananuque. Rü wüxi ga naxmaü ga nutaarü mëxpüxüwawa yacaxmaügüxügu nayanaxüchü. Rü yema naxmaü rü nayexwacaxü, rü taguma texëxü nagu yaxüchigüxüxü nixü. ⁵⁴ Rü yema nixü ga ngunëxü ga nagu Yudiügü nügü ímexëëgüxü naxcëx ga ngüxchigaarü ngunëxü. Rü marü ningóonechaü ga yema ngüxchigaarü ngunëxü. ⁵⁵ Rü yema ngecügü ga Ngechuchumaã Garirëaanewa ne ícü, rü Ngechuchuxü íyaxüchigüxüwawa íyadaugü. Rü nüxü idaugü ga ñuxäcü na íyaxüchigüxüxü ga naxüne. ⁵⁶ Rü yexguma ngüpatawa nangugügu, rü ínamexëëgü ga pumara rü chixü. Rü írüngügü ga ngüxchigaarü ngunëxügu, yerü yema nixü ga Tupanaärü mu.

24

Yuwa ínarüda ga Ngechuchu

(Mt 28.1-10; Mr 16.1-8; Cu 20.1-10)

¹ Rü pëxmamaxüchi ga yüxüarü ngunëxügu, rü yema ngecügü rü wenaxärü naxmaüwawa íyadaugü. Rü yema ínangëgü ga yema pumara ga yamexëëgüxü. Rü naügu ga ngecügü rü ta ngixü íyaxümcügü. ² Rü yexguma yema nangugügu, rü nüxü íyangaugü ga marü na

ínaxügachixü ga guma nutsa ga naxmañärü ngüxtaüxü. ³ Rü yexma nagu ichocu, natürü taxuüma idaugü ga naxüne ga Cori ga Ngechuchu. ⁴ Rü yema ngecügü rü poraäcü ðbaixächiaëgü, rü tama nüxü icuëxgüéga ga tacü na naxügüxü. Rü ngürüächi nüxü idaugü ga taxre ga yatügü ga ngxütagu chigüxü ga poraäcü iyaurachirutanücüxü. ⁵ Rü yema ngecügü rü iyarümaxächierügü, yerü poraäcü imuë. Rü yemacëx ga yema yatügü rü ñanagürügü ngüxü: —¿Tüxcüü nuxá yuetamaügu naxcëx peyadau ga yima maxücü? ⁶ — Nataxuma i nuá ya Ngechuchu, erü marü wena namaxü. ¡Rü nüxna pecuëxächie ga yema ore ga pemañ nüxü yaxuxü ga yexguma Gariréaanewa nayexmagu! ⁷ —Yerü pemañ nüxü nixu ga ñuxäcü pecaduäxgüxü tá na yayauxgüxü, rü curuchawa na yapotagüäxü, rü ñuxäcü tomaëxpüx i ngunexügu tá wena na namaxüxü —ñanagürügü ga yema yatügü. ⁸ Rü yexguma ga yema ngecügü rü nüxna icuëxächie ga yema Ngechucharü ore. ⁹ Rü nüxna iwoegu ga yema naxmañ. Rü yema 11 ga Ngechucharü ngüexügümañ nüxü iyarüxügüe ga guxüma ga yema nüxü nadaugüxü. Rü guxüma ga togü ga yaxögüxü ga yema yexmagüxümañ rü ta nüxü iyarüxügüe. ¹⁰ Rü María ga Magadäcüäx, rü Cuána, rü María ga Chaütüägu naë, rü naigü ga ngecügü iyixü ga wüxigu yema Ngechucharü ngüexügüxütawa nangegücü ga yema ore. ¹¹ Natürü yema ngüexügüxëc rü ñnucamare nixü ga yema ore, rü tama ngüxü nayaxögüchäx. ¹² Natürü ga Pedru rü inañächü, rü ñnayadau ga naxmañwa. Rü yexguma nagu yadaucuchigu ga naxmañ, rü nüxü nadau ga düxruügü ga wüxicüwagu na nanuxü. Rü poraäcü ñaþaixächiaë namañ ga yema ngupetüxü, rü þaixächiaëcüma napatacëx nataegu.

Emañärü namawa nangox ga Ngechuchu
(Mr 16.12-13)

¹³ Rü yema ngunexügutama rü taxre ga yema Ngechucharü ngüexügü rü wüxi ga ñane ga Emañwa naxü. Rü norü yaxü ga guma ñane rü 11 ga kilómetru nixü nüxna ga Yerucharéü. ¹⁴ Rü yexguma namagu naxüyane, rü nachigagu nixetanü ga guxüma ga yema ngupetüxü. ¹⁵ Rü yexguma yemachigagu iyadexatanüyane, rü nümatama ga Ngechuchu rü ngürüächi naxcëx yema nixü, rü natanügu nixüchigü. ¹⁶ Natürü yema ngüexügü rü woo Ngechuchuxü nadaugü, rü tama nüxü nacuëxgüéga na Ngechuchu yüxü, yerü Tupana rü nanatoðégü na tama Ngechuchuxü nacuëxgüxëc. ¹⁷ Rü yexguma ga Ngechuchu, rü yema taxre ga ngüexügüna naca, rü ñanagürü: —¿Tacüchiga nixü i pidexatanüxü na nuxá namagu na pexüxü? ¿Rü tacücëx nixü i pengechaüëxü? —ñanagürü. ¹⁸ Rü wüxi ga yema ngüexü ga Creopágu äegaxü nanangäxü, rü ñanagürü: —Guxüma i duüxügü nixü i nüxü cuáxü ga yema yexwaca ngupetüxü ga Yerucharéüwa. Rü cuma na yexma cunaxüañechiréxü rü maneca cucicatama nixü i tama nüxü cucuáxü ga yema ngupetüxü —ñanagürü. ¹⁹ Rü yexguma ga nüma ga Ngechuchu rü ñanagürü: —¿Tacü nangupetü ga Yerucharéüwa? —ñanagürü. Rü nanangäxügü ga yema ngüexügü, rü ñanagürügü: —Poraäcü chixexü nüxü naxüpetü ga Ngechuchu ga Nacharétüäx. Nüma ga Ngechuchu rü Tupanañrü orearü uruü ga mecü nixü. Rü Tupanaþexewa rü duüxügüþexewa namecüma rü nanaxü ga taxü ga cuëxruügü ga Tupanañrü poramañ naxüxü, rü meä duüxügüxü nangüxëë. ²⁰ —Natürü ga paigüarü äëxgacügü rü tóru äëxgacügü rü nayayauxgü. Rü Dumacüäx ga äëxgacügüna nanamugü na curuchawa yapotagüäcüma nayuxëégüäxücëx. Rü yemaäcü nayamagü. ²¹ —Toma nüxü tacuëxgu rü nüma tá nixü i tomañ naporaxü na ñanagüchixücëx i tachiüñane nüxna i Dumacüäxärü äëxgacü. Rü ñuxma rü marü tomaëxpüx i ngunexü nawena nixü ga na yamëxgüäxü. ²²⁻²³ —Natürü tama ngëxücatama nixü, yerü ñuxre ga ngexügü ga totanüxü rü toxü ñayabaixgügu. Yerü yema ngëxügü rü yemamaxüchi ñayadaugü ga naxmañwa, rü tama nüxü ñayangaugü ga naxüne ga guma Ngechuchu. Rü yemacëx ga yema ngëxügü rü toxcëx nawoegu, rü tomañ nüxü nayarüxügüe ga nüxü na nadaugüxü ga Tupanañrü orearü ngeruügü ga daxücüäx. Rü yema daxücüäxgü rü namañ nüxü nixügü ga Ngechuchu rü na namaxüxü —ñanagürügü. ²⁴ Rü yexguma yema ngëxügüarü orexü taxüñüëgu, rü ñuxre ga tomücügü rü naxmañwa ñayadaugü. Rü yema ngëxügü nüxü ixügüxüñü nüxü ñayangaugü ga naxmañ. Natürü tama Ngechuchuxü nadaugü —ñanagürügü. ²⁵ Rü yexguma ga Ngechuchu rü ñanagürü nüxü: —¿Tüxcüü tama peäëta ipexü i pemax? ¿Rü ñuxgura tá ta ipeyaxögüxü i nuxcümaügüxü ga Tupanañrü orearü uruügüarü ore? ²⁶ ¿Rü tama éxna nüxü pecuëx ga yema ngüxü tá na yangexü ga Cristu naxüpa na daxügüxü i nañnewa naxüxü, na ngema äëxgacü yüxücëx? —ñanagürü. ²⁷ Rü yexguma inanaxügü ga namañ na nangoxëëäxü ga guxüma ga Tupanañrü ore ga nachiga ümatüxü. Rü yema Tupanañrü ore ga Moíché ümatüxümañ inanaxügü. Rü ñuxüchi namañ nüxü nixu ga guxüma ga yema Tupanañrü ore ga nuxcümaügüxü ga Tupanañrü orearü uruügü ümatügüxü. ²⁸ Rü yexguma yema ñane ga Emañwa nangugügu, rü Ngechuchu rü nümaxü toxnamana nügü naxüxëënetä. ²⁹ Natürü ga yema ngüexügü rü nüxü nacëëxügü na yexma naxäxücëx, rü ñanagürügü: —¡Nuxma toxütagu nape, erü marü nayáuane, rü

paxa tá nachüta! —ñanagürügü. Rû yexguma ga Ngechuchu rû nawe yexma narüxãüx.³⁰ Rû yexguma chibüçèx wüxiwa mechawa natogügu, rû Ngechuchu nanayaxu ga pãü. Rû Tupanana moxè naxcèx naxã. Rû ñuxüchi inanabücu, rû wüxichigüna nanaxã.³¹ Rû yexgumatama naãèxü nicuèxãchitanü. Rû nüxü nacuèxgü na guma yixü ga Ngechuchu. Natürü yexgumatama ngürüächi inayarütaxu ga nümax.³² Rû yema taxre ga ngüexügü rû nügümaã ñanagürügü: —¿Tama êxna ga itaãègüxü ga tórü maxünewa ga yexguma namawa tamaã yadeaxgu rû tamaã nangoxèëãgu ga Tupanaãrû ore i ümatüxü? —ñanagürügü.³³ Rû yexgumatama ga yema taxre ga ngüexügü rû inaxiächi ga Yerucharéüçèx na nawoeguxü. Rû yexma nüxü nayangau ga na íngutaquèxegüxü ga yema 11 ga Ngechuchuarü ngüexügü rû togü ga natanüxügü.³⁴ Rû yema duüxügü ga íngutaquèxegüxü rû ñanagürügü nüxü: —Aixcüma nixi i marü wena namaxüxü ya Cori ya Ngechuchu. Rû Chimáü ga Pedru rû marü nüxü nadau —ñanagürügü.³⁵ Rû yexguma ga yema taxre ga ngüexügü rû ta nüxü nixugügü ga yema nüxü ngupetüxü ga namawa, rû ñuxacü nüxü na yacuèxãchitanüxü ga guma na yixü ga Ngechuchu ga yexguma pãü inabüçuxgu.

*Ngechuchu rû norü ngüexügüçèx nangox
(Mt 28.16-20; Mr 16.14-18; Cu 20.19-23)*

³⁶ Rû yexguma yemaãcü íyadexagüyane, rû ngürüächi norü ngãxütanügu nachi ga Ngechuchu. Rû nüxü narümoxè, rû ñanagürü: —Nuxmaè Pa Chorü Duüxügüx —ñanagürü.³⁷ Natürü nümagü rû nabaixächiãègü, rû poraãcü namuüè, yerü nagu naxinüègu rû wüxi ga naxchixixümare nadaugü.³⁸ Natürü ga Ngechuchu rû ñanagürü nüxü: —¿Tüxcüü pebaixächiãègü rû tama peyaxögü na choma chixü? ³⁹ —¿Düçèx, nüxü pedèux ya choxmèxgü rû chaucutügü! Rû chomatama chixi. ¿Rü choxü pingögü rû meã choxü perüdaunü! Erü wüxi i naxchixi rû tama choxü pedauxürü naxãmachi rû naxãchinèã —ñanagürü.⁴⁰ Rû yema ñaxguwena, rû nüxü nanawèx ga naxmèx rû nacutü.⁴¹ Natürü ga yema duüxügü rû yexguma rû ta tama nüxü nayaxögü, yerü nabaixächiãègü rû nataãègü. Rû yemaçèx ga Ngechuchu rû nüxna naca rû ñanagürü nüxü: —¿Pexü nangèxmaxü i òna i nuã? —ñanagürü.⁴² Rû yexguma nüxna nanaxãgü ga wüxi ga choxni ga íguxüchipegu rû wüxiweü ga berure.⁴³ Rû nüma ga Ngechuchu rû nanayaxu. Rû yema duüxügüpèxewa nanangöx.⁴⁴ Rû ñuxüchi ñanagürü nüxü: —Rû yema choxü ngupetüxü rû yema nixi ga pemaã nüxü chixuxü ga yexguma tauta chayuxgu rû petanüwa chayexmagu. Yerü yexguma rû pemaã nüxü chixu rû ñacharügü:

“Rû tá ningü i guxüma i Tupanaãrû ore i chauchiga ümatüxü i Wiyaegüarü poperawa, rû Moichè ümatüxü i mugüwa, rû ore i nuxcümaügüxü ga Tupanaãrü orearü uruügü ümatüxüwa”, ñacharügüchirèx pexü.⁴⁵ Rû yemaãcü namaã nanangoxèè ga Tupanaãrü ore ga ümatüxü.⁴⁶ Rû ñanagürü nüxü: —Tupanaãrü ore i ümatüxüwa rû nüxü nixu rû choma i Cristu rû tá chayü, rû tomaèxpüx i ngunexügu rû tá wena chamaxü.⁴⁷ —Rû yematama ore i ümatüxüwa nüxü nixu rû tá chauégagu tá nixi i nüxü yaxugüxü i ore i mexü. Rû Yerucharéüwa tá inaxügü i ngèma ñuxmatáta guxü i naãnewa nangu na ngèmaãcü duüxügü nüxü rüxoèxüçèx i nacüma i chixexü na Tupana nüxü nüxü ngechaüxüçèx i norü pecadugü.⁴⁸ —Rû ñuxma rû pematama nixi i chorü orearü uruügü, rû tá duüxügümaã nüxü pixu ga yema chauxütawa nüxü pedaugüxü rû nüxü pexinüèxü.⁴⁹ —Rû dücax, choma rû pexçèx tá nüma chanamu i Naã i Üünexü ga pexçèx nüxü naxunetaxü ya Chaunatü. Natürü chanaxwèxe i númatáta daa íane ya Yerucharéüwa pengèxmagü, ñuxmatáta penayauxgü i ngèma Tupanaãè i Üünexü i daxüwa ne üxü i tá pexü poraexèèxü —ñanagürü.

*Ngechuchu rû daxügüxü ga naãnewa naxü
(Mr 16.19-20)*

⁵⁰ Rû yexguma ga Ngechuchu rû Yerucharéülarü toxnamana norü ngüexügüxü nagagü, ñuxmata Betániãrü ngaicamana nangugü. Rû yema norü ngüexügüetü nawémèx, rû Tupanana naxcèx naca na nüxü nangüxèèxüçèx.⁵¹ Rû yexguma yema ngüexügüçèx nayumüxèguwena rû nüxna nixügachi. Rû Tupana daxügüxü ga naãnewa nanaga.⁵² Rû nümagü ga norü ngüexügü rû Ngechuchuxü nicuèxüügü. Rû ñuxüchi taãècüma Yerucharéüçèx nawoegu.⁵³ Rû guxüguma tupauca ga taxünewa naxiüxü, rû yema Tupanaxü nicuèxüügü. Rû ngèmaãcü yí.

ORE I MEXŪ GA CUAŪ ŪMATŪXŪ

Tupana Nane rü duŭxŭäcü nangox

¹ Naxŭpa ga guxŭma, rü marŭ nayexma ga Tupana Nane. Rü Tupanamaä nayexma rü woetama Tupana nixŭ ga nümax. Nüma rü Tupanaärü Ore nixŭ i naega erü tamaä nüxŭ nixu i Tupanachiga. ² Rü naxŭpa ga guxŭma rü nüma ga Tupana Nane rü naxŭtawatama nayexma. ³ Rü guma Nanexŭ nixŭ ga namuxŭ ga Tupana na naxŭäxŭcèx ga guxŭma. Rü nataxuma i tacü i ñuxma ngèxmaxŭ i tama nüma naxŭxŭ. ⁴ Rü Nanewa nixŭ i nangexmaxŭ i maxŭ. Rü ngema maxŭ rü guxŭ i duŭxŭgüarü ngóonexèerü nixŭ. ⁵ Rü yima Nane rü woo chixexŭ iporaxŭwa rü duŭxŭgüxŭ nüxŭ nacuèxèe i Tupanachiga. Rü ngèma chixexŭ rü taxucü-rüwama ngèma mexŭxŭ narüyexera. ⁶⁻⁷ Rü nayexma ga wüxi ga yatü ga Cuáŭ ga baiŭxèerügu äegacü. Rü guma nixŭ ga Tupana nüma namucü na nüxŭ yaxuxŭcèx ga nachiga ga guma ngóonexèerü na yemaäcü guxäma nüxŭ yaxöguxŭcèx. ⁸ Rü nüma ga Cuáŭ rü tama Tupana Nane ya duŭxŭgüarü ngóonexèerü nixŭ. Natürü nüma nixŭ ga Tupana nüma namuxŭ na nüxŭ yaxuxŭcèx ga nachiga ga guma ngóonexèerü. ⁹ Rü ñoma ga naänewa nangu ya yima aixcüma Tupana Nane ixicü i guxŭma i duŭxŭgüxŭ ngóonetanüxèècü. ¹⁰ Rü nüma ga guma Nane ga Tupanaärü Ore ixicü rü ñoma ga naänewa nayexma. Rü woo nagagu nixŭ ga naxŭäxŭ ga guxŭma ga ñoma ga naäna, natürü ñoma ga naäna-cŭäx ga duŭxŭgü rü tama nüxŭ nacuèxgü na texe yŭxŭ. ¹¹ Nuä norü naänewatama nangu, natürü norü duŭxŭgü ga Yudiugü rü tama nanayauxgü. ¹² Natürü guxema nayauxgüxe rü nüxŭ yaxöguxe rü tüxŭ nanatauxchaxèe na Tupanaxäcügu tixŭgüxŭ. ¹³ Rü ñuxma rü Tupanaxäcügu tixŭgü ga guxema yaxöguxe. Natürü tama noxri tabuxèŭgagu nixŭ i ngèma rü tama tümanatüguarü ngüchaŭgagu nixŭ. Natürü i ñuxma rü Tupanaxäcügu tixŭgü ga guxema yaxöguxe yerü nümatama ga Tupana rü naxäcüguxŭ tüxŭ nixŭgüxèe. ¹⁴ Rü nüma ya yima Nane ya Tupanaärü ore ixicü rü duŭxŭäcü nangox. Rü totanüwa nayexma rü poraäcü toxŭ nangechaŭ rü aixcüma nixŭ ga norü ore. Rü toma nüxŭ tadaugu ga ñuxäcü na naxüünexŭ. Rü Nanatüxŭtawa nanayaxu ga yema üüne yerü nügümaä nüxŭ nawüxicèx ga nüma. ¹⁵ Rü gumachigaxŭ nixŭ ga yaxuxŭ ga Cuáŭ ga yexguma ñaxgu: —Daa nixŭ ga guma pemaä nüxŭ chixuchigacü ga yexguma ñachaxgu:

“Rü yima choweama ne ücü rü choxŭ rüyexeracü nixŭ, yerü woetama marŭ nayexma ga tauta chabuxgu ga chomax”, ñanagürü ga Cuáŭ. ¹⁶ Rü yima Tupana Nane rü namecümamaxŭchi rü naxmèxwa nangèxma i guxŭma. Rü naxŭtawa nixŭ i nayauxgüxŭ i guxŭma i ngüxèègü. ¹⁷ Rü Moichéxŭ nixŭ ga namuxŭ ga Tupana na tüxŭ nangüxèèxŭcèx ga yema norü mugü. Natürü Ngechuchu ya Cristuxŭ nixŭ ga namuxŭ na tüxŭ nangüxèèxŭcèx na yigü ingechaŭgüxŭ rü nagu imaxèxŭcèx i ore i aixcüma ixixŭ. ¹⁸ Taguma texé ñuxgu nüxŭ tadau ga Tupana. Natürü Nane ya nügümaä nüxŭ wüxicacü nixŭ ya tüxŭ nüxŭ cuèxèècü. Rü yima Nane rü Tupanaxŭchi nixŭ, rü Nanatümaä wüxiwa nangèxmagü.

Cuáŭ ga baiŭxèerü rü nüxŭ nixu ga Ngechuchu ya Cristuchiga

(Mt 3.11-12; Mr 1.7-8; Lc 3.15-17)

¹⁹ Rü yema Yudiugüarü äëxgacügü ga Yerucharéüclŭx rü Cuáŭ ga baiŭxèerüxŭtawa nanamugü ga paigü rü Lebitanüxŭgü na nüxna yacagüxŭcèx na texe yŭxŭ. ²⁰ Rü nüma ga Cuáŭ rü meäma nügü nixu, rü ñanagürü: —Tama nixŭ i Cristu chiixŭ i chomax — ñanagürü. ²¹ Rü wenaxärü nüxna nacagü rü ñanagürügü: —¿Texé èxna quixŭ? ¿Éxna cuma ga nuxcümaŭcü ga Tupanaärü orearü uruŭ ga Eria quixŭ? —ñanagürügü. Rü Cuáŭ nanangäxŭ rü ñanagürü: —Tama Eria chixŭ —ñanagürü. Rü nümagü rü wenaxärü nüxna nacagüe rü ñanagürügü: —¿Éxna cuma quixŭ ya yima orearü uruŭ ga Moiché nüxŭ ixucü ga inguxchaŭcü? —ñanagürügü. Rü Cuáŭ nanangäxŭ rü ñanagürü: —Tama yima chixŭ — ñanagürü. ²² Rü yexguma ñanagürügüama: —¿Éxna texé quixŭ? Erü tanaxwèxe i ngèma nüma toxŭ mugüxŭxŭtawa tanange i curü ngäxŭga. ¿Rü ñuxŭ ñacuxŭ i ñuxma na texé quixŭ? —ñanagürügü. ²³ Rü Cuáŭ nanangäxŭ rü ñanagürü nüxŭ: —Choma nixŭ i ngèma duŭxŭ i dauxchitawa i ngextä taxüema ixäpataxŭwa tagaäcü ñachaxŭ:

“¡Rü nüxŭ perüxoe i pecüma i chixexŭ rü ipeyanawèxächixèèx i perü maxŭ naxcèx ya Cori ya Tupana!” ñachaxŭ, guma nuxcümaŭcü ga orearü uruŭ ga Ichaxía nüxŭ ixuxŭrüŭ —ñanagürü. ²⁴⁻²⁵ Rü yexguma ga yema paigü rü Parichègü yema mugüxŭ ga Cuáŭmaä na yanadexagüxŭcèx rü wenaxärü nüxna nacagüe, rü ñanagürügü: —Rü ngèxguma tama Cristu quixŭgu, rü tama Eria quixŭgu, rü tama yima orearü uruŭ ya inguxchaŭcü quixŭgu, ¿rü tüxcüü i duŭxŭgüxŭ ícubaiŭxèèxŭ i ñuxmax? —ñanagürügü nüxŭ. ²⁶⁻²⁷ Rü Cuáŭ nanangäxŭ rü ñanagürü: —Choma rü dexäwamare íchanabaiŭxèe i duŭxŭgü. Natürü petanüwa nangèxma

ya yima tama nüx̃ pecuácü ya choweama ne ücü. Rü choma rü napêxewa rü taxuwama chame, rü bai i norü chapatucunügiarü wêgüwa chame –ñanagürü ga Cuaŭ. ²⁸ Rü yema nachica ga Betániägu äegaxüwa nix̃ ga Cuaŭ ga nüx̃ yaxuxü ga yema ore. Rü natü ga Yudaäärü tocutüwa nix̃ ga yema nachica ga ngextá Cuaŭ duüxügüx̃ ibaiüxêxüwa.

Ngechuchu nix̃ ga Tupana núma namucü na duüxügüarü pecaducêx nayuxúcêx

²⁹ Rü moxüäcü ga Cuaŭ rü Ngechuchuxü nadau ga naxcêx na yaxüxü. Rü ñanagürü ga Cuaŭ: –jRü dücax! Daa nix̃ ya yima Tupana núma namucü na nayuxúcêx na fioma i naä necüäx̃ i duüxügüarü pecaduxü iyanaxoxêxücêx. ³⁰ –Rü choma rü daa Ngechuchuchigaxü nix̃ ga chixuxü ga yexguma ñachagu:

“Rü choweama ne naxü ya wüxi ya chorü yexeracü, yerü núma rü woetama nayexma ga tauta chabuxgu ga chomax”, ñachagu. ³¹ –Rü chomatama ga noxri tü tama nüx̃ chacuêx ga texe na yix̃ü ga númax. Natürü núma chaxü na dexáwamare duüxügüx̃ íchibaiüxêetanüxücêx na tatanüxü i Yudiügu nüx̃ cuêxgüxücêx na texé yix̃ü –ñanagürü. ³² Rü ñanagürü ta ga Cuaŭ: –Rü chomatama nüx̃ chadau ga Tupanaäê ga Üünexü ga yexguma wüxi ga muxtucurü düxüwa ínaxexeeu rü Ngechuchuxünegu yanawêxgux. ³³ –Choma rü noxri tama nüx̃ chacuêx ga texe na yix̃ü ga númax. Natürü ga Tupana ga choxü mucü na dexáwamare duüxügüx̃ íchabaiüxêêxücêx, rü ñanagürü choxü:

“Rü yima nüx̃ cudadü ya chauäê i Üünexü naetügu íruxexecü, rü yima tá nix̃ ya chauäê i Üünexü duüxügüna nguxêêcü”, ñanagürü choxü. ³⁴ –Choma rü marü yima Ngechuchuxü chadau rü pemaä nüx̃ chixu na núma rü aixcüma Tupana Nane yix̃ü –ñanagürü.

Nüx̃raüxü ga norü ngüxügü ga Ngechuchu

³⁵ Moxüäcü rü wenaxärü Cuäümaä yema nachicawa tayexmagü ga toma ga taxre ga norü ngüxügü. ³⁶ Rü yexguma Ngechuchuxü nadêuxgu ga yéma na naxüpetüxü, rü Cuaŭ rü ñanagürü toxü: –jDücê! Yima nix̃ ya Tupana núma namucü na pecaducêx nayuxúcêx –ñanagürü. ³⁷ Rü toma ga Cuäüärü ngüxügü rü nüx̃ taxinüê ga yexguma yema ñaxgu. Rü Ngechuchuwe tarüxü. ³⁸ Rü nügü ímidau ga Ngechuchu, rü toxü nadau ga nawe na tarüxixü. Rü toxna naca rü ñanagürü toxü: –jTacücêx pedau? –ñanagürü. Rü tomagü rü ñatarügügü: –Pa Ngüxêêruüx, ¿ngexta nix̃ i cupexü? –ñatarügügü. ³⁹ Rü Ngechuchu toxü nangäxü, rü ñanagürü toxü: –jNuä chowe perüxü rü ípeyadêux! –ñanagürü. Rü nawe tarüxü, rü nüx̃ tadaugü ga na ngexta napexü. Rü yexguma yéma tangugügu, rü marü ägümücüarü orawa nangu ga na nayáuanexü. Rü yexma naxütagu tarücho rü ñuxmata nachüta. ⁴⁰ Rü choma chixi ga noxri Cuaŭ ga baiüxêëruüxü chaxinüxü ga yixcama Ngechuchuwe charüxüxü. Rü chomücü rü Äüdré nix̃. Rü núma rü Pedru ga Chimáüëneê nix̃. ⁴¹ Rü yexgumatama ga Äüdré, rü naëneê ga Chimáücêx nayadau. Rü ñanagürü nüx̃: –Rü marü nüx̃ itayangau ya yima Cristu ga nuxcüma Tupana nüx̃ unetacü –ñanagürü. ⁴² Rü yemawena, rü Ngechuchu iyexmaxüwa Chimáüx̃ naga ga Äüdré. Rü yexguma Ngechuchu Chimáüx̃ dêuxgu, rü ñanagürü nüx̃: –Cuma nix̃ i Chimáü i Cuaŭ nane quix̃ü. Natürü i ñuxmawena rü Nuta tá nix̃ i cuéga –ñanagürü. Rü ngéma naega rü Pedru ñaxüchiga nixi.

Ngechuchu rü naxcêx naca ga Piripi rü Natanae

⁴³ Rü moxüäcü ga Ngechuchu rü nügü namexêê na Gariréaanewa naxüxücêx. Rü Piripixü inayangau rü ñanagürü nüx̃: –jChowe rüxü! –ñanagürü. ⁴⁴ Rü núma ga Piripi rü íane ga Bechaidacüäx̃ nix̃. Rü yemacüäx̃ ta nix̃ ga Äüdré rü Pedru. ⁴⁵ Rü Piripi rü Natanaeêx̃ nayadau, rü ñanagürü nüx̃: –Marü nüx̃ itayangau ya yima Cristu ga Moiché nachiga naxümatücü ga mugüarü poperawa, rü nuxcümaügiüxü ga Tupanaärü orearü urügü ta nachiga naxümatügücü. Yima nix̃ ya Yúche nane ya Ngechuchu ya Nacharétcüäx̃ –ñanagürü. ⁴⁶ Rü ñanagürü ga Natanae: –jÑuxäcü i tacü rü mexü i Nacharétuwa ne naxüxü? –ñanagürü. Rü Piripi nanangäxü, rü ñanagürü nüx̃: –jDücê, ngüx̃ rü ítayadau! –ñanagürü. ⁴⁷ Rü yexguma Ngechuchu Natanaeêx̃ dêuxgu ga naxcêx na yaxüxü, rü ñanagürü: –jDücê! Yéa ne naxü i wüxi i yatü i aixcüma Yudiü ix̃ü i aixcüma ngearü chixexüäx̃ –ñanagürü. ⁴⁸ Rü yexguma ga Natanae rü Ngechuchuna naca, rü ñanagürü nüx̃: –jÑuxäcü i choxü cucuáxü? –ñanagürü. Rü Ngechuchu nanangäxü rü ñanagürü nüx̃: –Naxüpa ga Piripi cuxcêx na yaçaxü, rü choma rü cuxü chadau ga yexguma orix̃ ga igueratüügu curixügüx̃ –ñanagürü. ⁴⁹ Rü Natanae nanangäxü rü ñanagürü nüx̃: –Pa Ngüxêêruüx, cuma rü Tupana Nane quix̃. Rü cuma nix̃ i guxüma i Yudiügiarü Äêxgacü quix̃ü –ñanagürü. ⁵⁰ Rü Ngechuchu nanangäxü, rü ñanagürü nüx̃: –Cuma rü choxü cuyaxó erü cumaä nüx̃ chixu na igueratüüwa cuxü na chadauxü. Rü ngêmacêxicatama nixi i cuyaxóxü. Natürü ngéma ñuxma nüx̃ cudadüärü yexera tá nix̃ i nüx̃ cudadüxü i yixcüra –ñanagürü. ⁵¹ Rü ñanagürü ta ga Ngechuchu: –Rü aixcüma pemaä nüx̃ chixu rü tá nüx̃ pedaugü na yawáxnaxü i daxügüxü i naëne. Rü tá nüx̃ pedaugü i Tupanaärü orearü ngerüügi i daxüdüäx̃ i ngéma daxü ígüxü rü íruxügüxü i naetüwa ya Tupana Nane ya duüxüxü ixicü –ñanagürü.

2

Ngĩarũ peta ga ãne ga Canáwa ìxũ ga Gariréaanewa

¹ Rũ yexguma marũ tomaẽxpũx ga ngunexũ Gariréaanearũ ãne ga Canáwa nayexmagu ga Ngechuchu, rũ nayexma ga wũxi ga ngĩarũ peta. Rũ yemawa ngxina naxugũ ga naẽ ga Ngechuchu. ² Rũ Ngechuchuna rũ toxna rũ ta naxugũe na yema taxĩxũcèx. ³ Rũ nagux ga norũ axexũ ga binu. Rũ Ngechuchu naẽ ngĩgũrũgũ nũxũ ga Ngechuchu: —Marũ nagũarũ binuãxgũ —ngĩgũrũgũ. ⁴ Natũrũ Ngechuchu ngĩxũ nangãxũ, rũ ñanagũrũ: —Pa Mamax, ¿tũxçũũ chomaa nũxũ quixu i ngẽma? Erũ tauta nawa nangu na chanaxũxũcèx i tacũ rũ mexũ i Tupanaarũ poramaã ùxũ —ñanagũrũ. ⁵ Natũrũ ga ngĩma ga naẽ rũ ngĩgũrũgũ nũxũ ga yema baegũxũ namaã ga binuchiũ: —jPenaxũx i guxũma i ngẽma nũma pemaã nũxũ yaxuxũ! —ngĩgũrũgũ. ⁶ Rũ yema iyexma ga 6 ga tũxũ ga nutagũngĩxçèx. Rũ wũxichigũ ga yema tũxũwa rũ maneca yexma name ga 50 rũ ãxna 70 litrugũ ga dexã. Rũ yema tũxũgũ iyixĩ ga yema Yudũgũ ngĩxũ ixũgũãcugũcũ ga yexguma dexãmaa nũgũ yayauxmẽxgũchaũgu na Tupanacèx nũgũ yamexẽegũxũcèx. ⁷ Rũ Ngechuchu rũ yema baegũxũxũ namu, rũ ñanagũrũ: —jDexãmaa ngĩxũ pixũgũãcu i ñaa tũxũgũ! —ñanagũrũ. Rũ nũmagũ ga yema baegũxũ rũ meãma ngĩxũ nixũgũãcu. ⁸ Rũ Ngechuchu ñanagũrũ nũxũ: —Rũ ñuxma chanaxwẽxe i íraxũ peyaxu, rũ petaarũ yoraxũtawa penange —ñanagũrũ. Rũ yemaãcũ nanaxũgũ ga yema baegũxũ. ⁹ Rũ yema petaarũ yora nũxũ naxaxneta ga yema dexã ga binuxũ nacèxichixũ. Natũrũ tama nũxũ nacũx ga ngextã na nayauxgũãxũ. Rũ yema baegũxũxĩcatama nixĩ ga nũxũ cuèxgũxũ ga dexãmare na yĩxũ ga noxrix. Rũ yexgumatama ga yema petaarũ yora rũ yema yatũ ga ingĩxũcèx naca. ¹⁰ Rũ ñanagũrũ nũxũ: —Guxũ i naãnewa rũ duũxũgũ rũ noxri rũ namaã nabae ya mecũ ya binu. Rũ ngẽxguma marũ meãma guxũma axegũga i ngẽma nũxna naxuxũ, rũ ngẽmawena rũ nũxna nanaxã ya ngexcũrũũcũmare ya binu. Natũrũ i cuma rũ marũ nagũxchaũgu i peta, rũ mexèchicũ ya binumaãtama cuyaxaxegũxèe i duũxũgũ —ñanagũrũ. ¹¹ Rũ guma Gariréaanewa yexmane ga ãne ga Canáwa nixĩ ga yema naxũxũ ga Ngechuchu. Rũ yema nixĩ ga nũxĩraũxũ ga cuèxruũ ga Tupanaarũ poramaã ùxũ ga nawa nũgũ inawèxũ ga Tupana Nane na yĩxũ. Rũ toma ga norũ ngũexũgũ rũ nũxũ tayaxõgũ. ¹² Rũ yemawena rũ Capernãũ ga ãnewa naxũ ga Ngechuchu. Rũ naẽ rũ naẽneegũ rũ toma ga norũ ngũexũgũ rũ ta ítayaxũmũcũgũ. Rũ yema guma ãnewa tayexmagũ ga ñuxre ga ngunexũ.

Ngechuchu rũ tupauca ga taxĩnewa ãnanawoxũ ga yema duũxũgũ ga yema taxegũxũ (Mt 21.12-13; Mr 11.15-18; Lc 19.45-46)

¹³ Rũ toma ga Yudũgũ rũ marũ ñingaica ga torũ peta ga Ûpetũchiga. Rũ yemacèx ga Ngechuchu rũ Yerucharẽtwa naxũ. ¹⁴ Rũ yexma tupauca ga taxĩnegu nũxũ nayangau ga duũxũgũ ga yema norũ wocagũmaã rũ carnerugũmaã rũ muxtucugũmaã taxegũxũ. Rũ yema nũxũ nadau ta ga duũxũgũ ga norũ taxechicawa rũtõgũxũ rũ Tupanaarũ ãmawewa mexũ ga dẽrũmaã yema taxegũxũ. ¹⁵ Rũ yexguma yemaxũ nadẽuxgu ga Ngechuchu, rũ nanaxũ ga wũxi ga cwaixruũ ga naxchẽmũnaxcèx. Rũ yemamaã tupauca ga taxĩnewa ãnanawoxũ ga yema duũxũgũ guxũma ga norũ carnerugũmaã rũ wocagũmaã. Rũ yema dẽrucèx taxegũxũãrũ dẽru rũ ngĩxũ narũwoũ ñaxtũanegu. Rũ norũ mechagũ rũ ta nũxũ nawoneta. ¹⁶ Rũ yema muxtucugũmaã taxegũxũxũ ñanagũrũ: —jIpeyana i ngẽma perũ muxtucugũ i nuã! Tama name i taxepataũxũ peyaxĩxèe ya daa Chaunatũpata —ñanagũrũ. ¹⁷ Rũ yexguma ga toma ga norũ ngũexũgũ rũ nũxna tacuèxãchie ga nuxcũmaũxũ ga ùmatũxũ ga ñaxũ: “Duũxũgũ rũ ta chauxchi naxaie erũ chanachuxu i tacũ i chixexũ na naxũgũxũ i Tupanapatawa”,

ñaxũ. ¹⁸ Rũ yexguma ga yema ãexgacũgũ rũ Ngechuchuna nacagũ, rũ ñanagũrũgũ: —¿Tacũ rũ cuèxruũxũ toxũ cudadaxèe na nawa nũxũ tacuãxũcèx na aixcũma Tupana yĩxũ ya cuxũ mucũ na ãcunawoxũxũcèx i ñaa duũxũgũ i nuã? —ñanagũrũgũ. ¹⁹ Rũ Ngechuchu nanangãxũ, rũ ñanagũrũ: —jNagu pepogũe ya daa tupauca ya taxĩne! Rũ choma rũ tomaẽxpũx i ngunexũgũ rũ tá wena íchanadaxèe —ñanagũrũ. ²⁰ Rũ yexguma ga yema ãexgacũgũ rũ nanangãxũgũ, rũ ñanagũrũgũ: —Rũ 46 ga taunecũ nawa napuracũe ga duũxũgũ na naxũgũãxũcèx ga daa tupauca ya taxĩne. ¿Rũ ñuxãcũ tá i cuma i tomaẽxpũx i ngunexũ tátama wena ãcunadaxèexũ? —ñanagũrũgũ. ²¹ Natũrũ guma Tupanapata ga Ngechuchu nachiga idexna rũ naxũnechigatama nixĩ. ²² Rũ yemacèx ga toma ga norũ ngũexũgũ, rũ yexguma Ngechuchu yuwa írũdaxgu, rũ nũxna tacuèxãchie ga yema ore ga Ngechuchu nũxũ ixuxũ. Rũ aixcũma tayaxõgũ ga yema ore ga nũxũ yaxuxũ rũ yema Tupanaarũ ore ga nuxcũmaũgũxũ ga orearũ uruũgũ Ngechuchuchigagu ùmatũgũxũ.

Ngechuchu rũ nũxũ nacũx i guxũma i duũxũgũ

²³ Rũ yexguma Ngechuchu Ûpetũchigaarũ petacèx Yerucharẽtwa yexmagu, rũ muxtũma ga duũxũgũ rũ nũxũ nayaxõgũ, yerũ nũxũ nadaugũ ga yema taxũ ga mexũgũ ga Tupanaarũ

poramaã naxũxũ. ²⁴ Natũrũ ga nũma ga Ngechuchu rũ tama yema duũxũgũmẽxẽwa nũgũ nayexmaxẽẽchaũ, yerũ woetama marũ nũxũ nacuẽx ga ãcũgu na naxĩnũxũ ga guxũma ga yema duũxũgũ. ²⁵ Rũ yemacẽx ga nũma rũ taxucẽxma texẽ namaã nũxũ tixu na ãcũgu naxĩnũxũ ga yema duũxũgũ. Yerũ nũmatama marũ nũxũ nacuẽx ga ãcũgu na naxĩnũxũ ga naãẽwa ga wũxichigũ.

3

Ngechuchuxũtagu nanaxũãne ga Nicodẽmu

¹ Nayexma ga wũxi ga Parichẽu ga Nicodẽmugu ãegacũ. Rũ nũma rũ wũxi ga ãẽxgacũ ga nũxũ nangechaũgũcũ nixĩ ga Yudiũgũtanũwa. ² Rũ guma Nicodẽmu rũ Ngechuchuxũtagu nanaxũãne ga chũtacũ. Rũ ñanagũrũ Ngechuchuxũ: —Pa Ngũxẽẽruũx, toma nũxũ tacuẽx na aixcũma Tupana nũma cuxũ muxũ na toxũ cungũxẽẽxũcẽx. Erũ taxucũrũwa texẽ cuxrũũ tanaxũ i ngẽma taxũ i mexũgũ i Tupanaãrũ poramaã ũxũ, ega tama Tupana tũmaxũtwa ngẽxmagu —ñanagũrũ. ³ Rũ Ngechuchu nanangãxũ rũ ñanagũrũ nũxũ: —Aixcũma cumaã nũxũ chixu, rũ yĩxema tama wenaxãrũ buxe rũ taxucũrũwama Tupana ãẽxgacũ ñixũtwa tangu —ñanagũrũ. ⁴ Rũ Nicodẽmu rũ Ngechuchuna naca, rũ ñanagũrũ nũxũ: —¿Natũrũ ñuxãcũ i wũxi i yatũ i marũ yaxũ i wena nabuxũ? ¿Ëxna wena naãẽnũgu naxũcuxũ rũ ngẽmaãcũ wena nabuxũ? —ñanagũrũ. ⁵ Rũ Ngechuchu nanangãxũ rũ ñanagũrũ: —Rũ aixcũma cumaã nũxũ chixu rũ yĩxema tama nũxũ rũxoxe i tũmaãrũ pecadu rũ tama Tupanaãe i ũnẽxũwa nayaxũxe i maxũ i ngexwacaxũxũ, rũ taxucũrũwama Tupana ãẽxgacũ ñixũtwa tichocu ⁶ —Yĩxema duũxũtwa buxe rũ duũxũtama tixĩ. Natũrũ yĩxema Naãe i ũnẽxũwa nayaxũxe i maxũ i ngexwacaxũxũ, rũ Tupanaxãcũ tixĩ. ⁷ —¿Tãũtãma cubãixãchiãe na cumaã nũxũ chixuxũ na Tupana naxwẽxexũ na guxũma i duũxũgũ rũ wena nabuexũ! ⁸ —Ya buanecũ rũ nũma ñanaxwẽxexũwa nabu. Rũ nũxũ cuxĩnũ i naga, natũrũ tama nũxũ cucuẽx na ngextãama ne naxũxũ rũ ngextãama na naxũxũ. Rũ ngẽxgumarũũ ta tixĩgũ ya guxãma ya yĩxema Naãe i ũnẽxũwa nayaxũxe i maxũ i ngexwacaxũxũ —ñanagũrũ. ⁹ Rũ Nicodẽmu wenaxãrũ Ngechuchuna naca, rũ ñanagũrũ: —¿Natũrũ ñuxãcũ nixĩ i ngẽma? —ñanagũrũ. ¹⁰ Rũ Ngechuchu nanangãxũ, rũ ñanagũrũ nũxũ: —Cuma rũ Yudiũgũarũ ngũxẽẽruũ i nũxũ cuãxũ quixĩ. ¿Rũ ñuxãcũ chi i cuma i tama nũxũ cucuãxũ i ngẽma? ¹¹ —Aixcũma cumaã nũxũ chixu rũ toma rũ namaã tidexagũ i ngẽma nũxũ tacuãxũ. Rũ norũ urũ tixĩgũ i ngẽma nũxũ tadaugũxũ. Natũrũ pema rũ tama toxũ peyaxõgũ i ngẽma pemaã nũxũ tixuxũ. ¹² —Rũ ñuxma na tama choxũ peyaxõgũxũ i ngẽma pemaã nũxũ chixuxũ i ñoma i naãneãrũ ngẽmaxũchiga, rũ ¿ñuxãcũ tá peyaxõgũxũ ega pemaã nũxũ chixuxgu i daxũguxũ i naãneãrũ ngẽmaxũchiga? ¹³ —Taguma texẽ daxũguxũ i naãnewa taxũ. Natũrũ i choma i Tupana Nane na duũxũxũ chĩxũ, rũ chaxicatama nixĩ i ngema ne chaxũxũ rũ ngema tá chaxũxũ. ¹⁴⁻¹⁵ —Pema nũxũ pecuẽx ga ñuxãcũ nuxcũmaxũchima yema nachica ga ngextã taxũema ñapataxũwa, rũ Moĩchẽ wũxi ga naĩgu nanaxũnagũ ga yema ãxtape ga ãĩerũmũmaxcẽx. Rũ ngẽxgumarũũ tá ta i choma i Tupana Nane i duũxũxũ chĩxũ, rũ wũxi i naĩgu tá choxũ naxũnagũgũ i duũxũgũ na guxãma ya texẽ ya choxũ yaxõgũxe rũ tũxũ nangẽxmaxũcẽx i maxũ i taguma gũxũ.

Tupana rũ poraãcũ nũxũ nangechaũ i ñoma i naãnecũãx

¹⁶ —Rũ Tupana rũ poraãcũ nũxũ nangechaũ i ñoma i naãnecũãx i duũxũgũ. Rũ yemacẽx inanamu ga Nane ga nũgũmaã wũxicacũ na guxãma ya texẽ ya nũxũ yaxõgũxe rũ tama itarũtauxexũcẽx rũ tũxũ nangẽxmaxũcẽx i maxũ i taguma gũxũ. ¹⁷ —Yerũ ga Tupana rũ tama ñoma ga naãnewa nanamu ga Nane na duũxũgũmaã naxueguãxũcẽx na napoxcuxũ. Natũrũ nũma nanamu na namaxẽxẽãxũcẽx i duũxũgũ. ¹⁸ —Rũ yĩxema Tupana Naneãxũ yaxõxẽ, rũ Tupana rũ tama tũmamaã nanaxuegu na tapoxcuxũ. Natũrũ yĩxema tama nũxũ yaxõxẽ, rũ marũ tũmamaã nanaxuegu na tapoxcuxũ, erũ tama nũxũ tayaxõ ya yima Tupana Nane ya nũgũmaã wũxicacũ. ¹⁹ —Rũ yĩxema tama nũxũ yaxõgũxe, rũ Tupana rũ marũ tũmamaã nanaxuegu na tapoxcuxũ. Yerũ yexguma ñoma ga naãnewa nanguxgu ga Tupana Nane ya duũxũgũarũ ngõonexẽerũ, rũ tama nawe tarũixchaũ. Natũrũ yexera tũmaãrũ me nixĩ ga ãnẽxũwaama na tayexmagũxũ, yerũ chixexũ taxũgũ. ²⁰ —Guxãma ya yĩxema chixexũ ũgũxe rũ naxchi taxaie i ngõonexũ. Rũ tama nũxna tangaicamagũchaũ erũ tama tanaxwẽxe na nangõxũ i ngẽma chixexũ i itaxũgũxũ. ²¹ —Natũrũ yĩxema aixcũma Tupanaãrũ ore nũxũ ixuxũtũcũma meã maxẽxẽ rũ nũxna tangaicama i ngẽma ngõonexũ. Rũ ngẽmaãcũ tanaxũ na meã nangõxũcẽx na Tupanaãrũ ngũchaũãcũma na yĩxũ i guxũma i ngẽma taxũgũxũ —ñanagũrũ.

Cuaũ ga baiũxẽerũ rũ wenaxãrũ nũxũ nixu ga Ngechuchuchiga

²² Rũ yemawena rũ tomaã Yudẽaanewa naxũ ga Ngechuchu. Rũ ñuxre ga ngunexũ tomaã yema nayexma rũ yema duũxũgũxũ itabaiũxẽẽgũ. ²³ Rũ Cuaũ ga baiũxẽerũ rũ Enõãrũ

ĩānewa ga Charíarũ ngaicamana rũ ínanabaiũxēē ta ga duũxũgũ yerũ yēma nayexma ga taxũ ga dexá. Rũ yema yēma íngüētanũxũ ga duũxũgũ, rũ Cuáũ ínayabaiũxēētanũ. ²⁴ Rũ yemaácũ nangupetũ naxũpa ga na poxcupataũgu yatēxcuchixũ ga Cuáũ. ²⁵ Rũ yexguma rũ ñuxre ga norũ ngüēxũgũ ga Cuáũ, rũ wũxi ga Yudiũmaã niporagatanũcũũ nachiga ga nacũmagũ na ñuxácũ namexũ na Tupanacēx nügũ yamexēēgũxũ ga duũxũgũ. ²⁶ Rũ Cuáũmaã nüxũ nayarĩxugüē, rũ ñanagũrũgũ: —Pa Ngüēēēruũx, dũcax guma yatũ ga tomaã nüxũ quixucũ rũ cumaã yexmacũ ga natũ i Yudáũrũ tocutũwa, rũ yima rũ ñuxma rũ duũxũgũxũ ínabaiũxēē, rũ guxũma i duũxũgũ rũ nawe narũxĩ —ñanagũrũgũ. ²⁷ Rũ Cuáũ nanangãxũ rũ ñanagũrũ nüxũ: —Taxũema řacũ tüxũ nangēxma ega Tupana tama tüxna naxãxgu. ²⁸ —Pematama rũ marũ choxũ pexĩnũē ga yexguma ñachagu:

“Choma rũ tama Cristu chixĩ. Natũrũ choma chixĩ i Tupana yima Cristupēxegu choxũ imuxũ na nüxũ chixuxũcēx i nachiga”, ñachagu. ²⁹ —Rũ wũxi i ngĩgũwa rũ yima yatũ ya íngicũ rũ naxmēxãrũ yora nixĩ. Rũ yima yatũmũcũ i naxũtawa ngēxmaxũ rũ nüxũ inarũxĩnũ i norũ ore. Rũ nataãē i ngēxguma nüxũ naxĩnũgu i ngēma na yadexaxũ. Rũ ngēxgumarũũ i choma rũ aixcũma Cristumaã chataãēxũchi i ñuxmax. ³⁰ —Nũma rũ tá nixĩnagũchigũ na ãēxgacũ yĩixũ, natũrũ i choma rũ tá ícharũxĩchigũ.

Yima daxũwa ne ũxcũchiga

³¹ —Rũ yima Cristu ya daxũwa ne ũxcũ rũ guxãētũwa nangēxma. Natũrũ i choma rũ ñoma i naãnewa changēxma, rũ ñoma i naãnecũãx chixĩ, rũ ngēma ñoma i naãnewa ngēxmaxũchigaxũ chixu. Natũrũ i nũma ya Cristu ya daxũwa ne ũxcũ, rũ guxãētũwa nangēxma. ³² —Rũ nũma rũ tamaã nüxũ nixuchiga ga yema nüxũ nadauxũ rũ nüxũ naxĩnũxũ. Natũrũ noxretama nüxũ nayaxõgũ i ngēma nüxũ yaxuxũ. ³³ —Natũrũ ngēxguma texē nüxũ yaxõxgu i norũ ore, rũ ngēmaácũ tanangoxēē na aixcũma yĩixũ i ngēma Tupana nüxũ ixuxũ. ³⁴ —Rũ yima Tupana nũma namucũ, rũ Tupanaãrũ orexũ nixu. Erũ Tupana rũ nũxna nanamu i Naãē i ũũnecũ na guxũguma naxũtawa nangēxmaxũcēx. ³⁵ —Rũ Tanatũ ya Tupana rũ Nanexũ nangechaũ. Rũ ngēmacēx marũ naxmēxwa nanangēxmaxēē i guxũma i řacũ i ngēxmaxũ. ³⁶ —Rũ yixema Tupana Naneãxũ yaxõē rũ tüxũ nangēxma i maxũ i taguma gũxũ. Natũrũ yixema tama nüxũ yaxõxchaũxē ya Tupana Nane, rũ tãũtãma tüxũ nangēxma i ngēma maxũ i taguma gũxũ. Natũrũ tá tanayaxu i ngēma ãũcũmaxũ i poxcu i Tupana tá namaã tüxũ poxcuxũ —ñanagũrũ ga Cuáũ ga baiũxēerũ.

4

Ngechuchu rũ Chamãriaanecũãx ga ngecũ

¹ Rũ Parichéugũ rũ nüxũ nacuáchigagũ ga Ngechuchu rũ Cuáũrũ yexera nüxũ na nayexmaxũ ga norũ ngũexũgũ, rũ norũ yexera duũxũgũxũ na ínabaiũxēēxũ. ² Natũrũ tama Ngechuchu nixĩ ga ínabaiũxēēcũ ga duũxũgũ. Rũ toma ga norũ ngũexũgũ tixĩ ga tanaxũxũ ga yema. ³ Rũ yexguma Ngechuchu nüxũ ínũgu ga Parichéugũ rũ nachigagu na yadexagũxũ, rũ yēma Yudēaanewa ítachoxũ na Garirēaanecēx tawoeguxũ. ⁴ Natũrũ ga yema nama ga nagu tawoeguxũ rũ Chamãriaanewa nadapetũ. ⁵ Rũ yemacēx ga toma rũ nawa tangugũ ga wũxi ga Chamãriaaneãrũ íāne ga Chicharu. Rũ guma íāneãrũ ngaicamana nayexma ga yema naãne ga nuxcũmaũcũ ga Acobuaxũ yexmaxũ rũ yixcama rũ nane ga Yũchena naxãxũ. ⁶ Rũ yēma nayexma ga wũxi ga puchu ga duũxũgũ dexácēx íxaixmaũgũcũ ga Acobuarũ Puchugu ãegacũ. Rũ poraãcũ nipa ga Ngechuchu ga namagu na yaxũxũ. Rũ yemacēx guma puchuxũtawa nayarũtoõchi. Rũ tocuchiwa nanguxchaũ ga yexguma. ⁷⁻⁸ Rũ toma ga norũ ngũexũgũ rũ guma íānewa taxĩ na torũ õnacēx tayataxegũxũcēx. Rũ towena yēma ingu ga wũxi ga ngecũ ga Chamãriaanecũãx ga guma puchuwa dexáwa ũcũ. Rũ Ngechuchu rũ ñanagũrũ ngĩxũ: —Ířaxũ i dexá choxna naxã! —ñanagũrũ. ⁹ Natũrũ ga yema nge rũ íbaixãchiãē yerũ ga Yudiũgũ rũ Chamãriaanecũãxgũmaã nügũchi naxaie rũ yemacēx ga yema nge rũ inangãxũ rũ ngĩgũrũgũ nüxũ: —¿Ñuxácũ i cuma na Yudiũ quixũ i dexácēx choxna cuçaxũ i choma na Chamãriaanecũãx chiĩxũ? —ngĩgũrũgũ. ¹⁰ Rũ Ngechuchu ngĩxũ nangãxũ, rũ ñanagũrũ: —Ngēxguma chi nüxũ cucuēxgu i ngēma mexũ i Tupana cuxna ãxchaũxũ, rũ chi nüxũ cucuēxgu na texē yĩixũ ya yima dexá cuxna řacacũ, rũ cuma rũ chi nũxnata cuca i dexá i maxũ nawa ngēxmaxũ rũ nũma rũ chi cuxna nanaxã i ngēma dexá —ñanagũrũ. ¹¹ Rũ yema ngecũ inangãxũ, rũ ngĩgũrũgũ nüxũ: —Pa Corix, ¿ñuxácũ tá i dexáta cuyaxu? Erũ daa puchu rũ namátamaxũchi rũ cuxũ nataxuma na řacũmaã cunayaxuxũcēx i dexá. ¿Rũ ngextá tá i cunayaxuxũ i ngēma dexá i maxũ nawa ngēxmaxũ na choxna cunaxũcēx? ¹² —Nuxcũmaũcũ ga tórũ õxi ga Acobu toxcēx nũma Chamãriaanewa nanatēx ga daa puchu. Rũ gumawa nixĩ ga naxaxexũ ga nũma rũ nanegũ rũ norũ wocagũ. ¿Rũ ñuxácũ chi i cuma i norũ yexera quixũ? —ngĩgũrũgũ. ¹³ Rũ Ngechuchu ngĩxũ nangãxũ, rũ ñanagũrũ: —Rũ guxãma ya texē ya daa pucharũ dexáwa axexe, rũ wena táxaru řitãwae. ¹⁴ —Natũrũ texē ya yixema choma tüxna chaxãxũ i dexáwa axexe, rũ tagutãma wena řitãwa.

Erü ngêma dexá i choma tûxna chaxãxũ rü wüxi ya puchu ya guxũguma ibaibecürüü tá nixi i tûmawa, erü ngêma dexáwa nangêxma i maxũ i taguma gũxũ —ñanagürü. ¹⁵ Rü ngîma ga yema nge rü inangãxũ rü ngîgürügü: —Pa Corix, ¡choxna naxã i ngêma dexá na taguma wena chitawaxũcêx, rü taguma wena daa puchuwa dexáwa chaxũcêx! —ngîgürügü. ¹⁶ Rü Ngechuchu ñanagürü ngîxũ: —¡Íyadau ya cute, rü naxcêx yaca, rü nuã pexil! —ñanagürü. ¹⁷ Rü yema ngecü rü inangãxũ, rü ngîgürügü nüxũ: —Nataxuma ya chaute —ngîgürügü. Rü Ngechuchu ñanagürü ngîxũ: —Aixcûma nixi i ngêma nüxũ quixuxũ na nataxũma ya cute. ¹⁸ —Yerü wüximêëxpũxchirêx nixi ga cute, rü yima ñuxma cuxũtawa ngêxmacü rü tama aixcûma cutexũchi nixi. Rü ngêmacêx aixcûma nixi i curü ore i chomaã nüxũ quixuxũ —ñanagürü. ¹⁹ Rü yexguma yemaxũ naxĩnũgu ga yema ngecü, rü ngîgürügü: —Pa Corix, nüxũ chicuêxãchi rü cuma rü wüxi i Tupanaãrũ orearũ uruũ quixi. ²⁰ —Nuxcûmaũgũxũ ga torü oxigü ga Chamáriaanecũãxgü rü daa mëxpúne ga Garachũwa Tupanaxũ nicuêxũgü. Natürü i pema i Yudiugü rü ñaperügügü:

“Rü Yerucharêü nixi i nachica i mexũ i ngextã Tupanaxũ ticuêxũgü”, ñaperügügü. ²¹⁻²² Rü Ngechuchu ngîxũ nangãxũ rü ñanagürü: —Pema i Chamáriaanecũãxgü rü tama aixcûma nüxũ pecuêxgü ya yima nüxũ picuêxũgücü. Natürü toma i Yudiugü rü aixcûma nüxũ tacuêx ya yima nüxũ ticuêxũgücü, erü Yudiugügagu nixi i Tupana namaxêxêëxũ i guxũma i duũxũgü. ¡Choxũ yaxõ, Pa Ngecü! Rü aixcûma inangu tá i ngunexũ na tãitãma daa mëxpúnewa rü êxna Yerucharêüwa tá nüxũ na picuêxũgüxũ ya Tanatü ya Tupana. ²³ —Erü yixema aixcûma Tupanaxũ icuêxũgüxe rü nügetama nixi i ngêxürüxũmare i nachicawa Tupanaxũ ticuêxũgü. Erü ñuxma rü ngêma Naãe i Üünexũ naxwêxexũ nixi na guxũma i tûmaãemaã rü tûmaãrũ maxũmaã aixcûma Tupanaxũ ticuêxũgüxũ. Rü ngêmaãcü nixi i nanaxwêxexũ ya Tanatü na nüxũ ticuêxũgüxũ. ²⁴ —Erü Tupana rü wüxi i Naãe nixi. Rü ngêmacêx yixema texé ya nüxũ icuêxũgüxe rü tanaxwêxê i guxũma i tûmaãemaã rü tûmaãrũ maxũmaã na aixcûma nüxũ ticuêxũgüxũ, ngêma Naãe i Üünexũ naxwêxexũãcûma —ñanagürü. ²⁵ Rü yema ngecü inangãxũ rü ngîgürügü: —Choma nüxũ chacuêx rü tá ñoma i naãnewa nangu ya yima Cristu ya Tupana nüxũ unetacü. Rü ngêxguma yima núma ũxgu rü tá tamaã nanangoxêë i guxũma i Tupanachiga —ngîgürügü. ²⁶ Rü Ngechuchu rü ñanagürü ngîxũ: —Choma na cumaã chidexaxũ, rü yima chixi —ñanagürü. ²⁷ Rü yexguma íyadexayane rü ítangugü ga toma ga norü ngüexũgü. Rü tabaixãchiãëgü yerü ga Ngechuchu rü wüxi ga ngecümaã inidexa. Natürü taxũema ga toma rü togü taporaxêë ga nüxna na tacagũxũ ga ¡acu ngĩmaã na nanaxwêxexũ rü ¡acũchiga yĩxũ ga ngĩmaã na íyadexaxũ. ²⁸ Rü yexguma ga yema ngecü rü yema ngîxũ itêx ga ngĩrũ tũxũ. Rü íanewa íxũ na duũxũgũmaã nüxũ yanaxuxũcêx. ²⁹ Rü ngîgürügü: —¡Ngĩxã rü ítayadaugü i wüxi i yatü i chomaã nüxũ ixuxũ ga guxũma ga ¡acu ga chaxũxũ! ¿Taux êxna yima yĩxũ ya Cristu? —ngîgürügü. ³⁰ Rü inaxĩãchi ga yema íanecũãx, rü Ngechuchu íyexmaxũwa naxi. ³¹ Rü yoxni ga toma ga norü ngüexũgü rü Ngechuchuxũ tachixewegü na nachibũxũcêx. ³² Natürü ga núma rü ñanagürü toxũ: —Choma rü choxũ nangêxma i chowemü i pema tama nüxũ pecuãxũ —ñanagürü. ³³ Rü yexguma ga toma ga norü ngüexũgü rü togüna tacagüe, rü ñatarügügü: —Bexmana marü ¿texé nuã tanange i nawemü? —ñatarügügü. ³⁴ Natürü ga Ngechuchu rü ñanagürü toxũ: —Ngêma õna i choxũ poraxêëxũ nixi na chanaxũxũ i norü ngũchaũ ya yima nuã choxũ mucü ya Chaunatü, rü na chayanguxêëxũ i norü puracü. ³⁵ —Rü pema rü ñaperügügü:

“Rü ägümücü ya tauemacü nataxu na yabuxgũxũ i trigu”, ñaperügügü. Natürü i choma rü ñacharügü pexũ:

“¡Dücêx, rü meã penangugü i duũxũgü! Erü marü ínategü na Tupanaxũ nayauxgũxũcêx, ngêxgumarũ i wüxi i trigunecü i marü nawa nanguxũ na yabuxgũxũ erü marü nidau”. ³⁶ —Rü yixema Tupanacêx nadexe i duũxũgü rü tá tanayaxu i tûmaãrũ nanatü. Rü guxũma i ngêma duũxũgü i tũxũ irũxĩnũëxũ rü tá nanayauxgü i maxũ i taguma gũxũ. Rü ngêmaãcü rü wüxigu tá tataãëgü ya yixema tũxira ngêma duũxũgũmaã Tupanaãrũ orexũ ixuxe rü yixema yixcama ngêma duũxũgũxũ Tupanacêx dexe. ³⁷ —Rü aixcûma nixi i ngêma ore i ñaxũ:

“Wüxie tixi ya namaã toexe i trigu rü togue tixi ya yixema yabuxgüxe i norü o”, ñaxũ. [Rü ngêxgumarũ rü wüxie tixi ya tũxira duũxũgũmaã nüxũ ixuxe i Tupanaãrũ ore, rü togue tixi ya yixcama ngêma duũxũgũxũ dexe Tupanacêx.] ³⁸ —Rü noxri rü togü nixi ga duũxũgũmaã nüxũ ixuxũ ga Tupanaãrũ ore, natürü ga duũxũgü rü tama nayaxõgü ga yexguma. Rü yemawena rü pexũ chamu na yema duũxũgũmaã nüxũ pixuxũcêx ga yema ore. Rü pema nixi ga yema duũxũgũxũ pedexũ Tupanacêx, yerü nayaxõgü ga yexguma namaã nüxũ pixuxgu ga yema ore. Rü yemaãcü ga pema rü marü peyoxniê nawa ga togüarü puracü —ñanagürü. ³⁹ Rü muxũma ga guma Chamáriaanewa yexmane ga íanecũãx rü Ngechuchuxũ nayaxõgü, yerü nüxũ nayaxõgü ga yema ore ga yema ngecü namaã nüxũ ixuxũ ga yexguma ngĩxgu:

“Guxŭma ga tacü ga ũpa chaxŭxŭ rŭ chomaã nŭxŭ nixu” ngŭxgu. ⁴⁰ Rŭ yemacêx ga yema Chamáriaanecŭãxgŭ rŭ yexguma Ngechuchuxŭtawana nangugŭ rŭ nŭxŭ nacêxŭgŭ ga yexma natanŭgu na naxãŭxŭcêx. Rŭ taxre ga ngunexŭ yexma natanŭgu narŭãŭx ga Ngechuchu. ⁴¹ Rŭ muxŭma ga togŭamachigŭ ga Chamáriaanecŭãxgŭ rŭ Ngechuchuxŭtawana nayaxôgŭ ga yexguma nŭxŭ naxŭnŭëgu ga yema norŭ ore ga nŭmatama nŭxŭ yaxuxŭ. ⁴² Rŭ yexguma ga yema duŭxŭgŭ rŭ ñanagŭrŭgŭ ngŭxŭ ga yema ngecŭ: —Ñŭxma waxi nixŭ i aixcŭma nŭxŭ tayaxôgŭxŭ erŭ tomatama nŭxŭ taxinŭë i ngêma norŭ ore i tomaã nŭxŭ yaxuxŭ. Rŭ ngêma nŭxŭ tacuèx na aixcŭma yima yŭxŭ ya Cristu ya ñoma i naãnecŭãx i duŭxŭgŭarŭ maxêxêruŭ. Rŭ tama ngêma cuma tomaã nŭxŭ quixuxŭcêxicatama tayaxôgŭ —ñanagŭrŭgŭ.

Ngechuchu rŭ nanamexêe ga wŭxi ga ãexgacŭ nane

⁴³ Rŭ taxre ga ngunexŭguwena ga Ngechuchu rŭ tomaã inaxŭãchi ga Chamáriaanewa na Gariréaanewa naxŭxŭcêx. ⁴⁴ Rŭ nŭmatama ga Ngechuchu ga ũpaacŭ rŭ ñanagŭrŭ: —Wŭxi i Tupanaãrŭ orearŭ uruŭ, rŭ norŭ naãnewatama i duŭxŭgŭ rŭ tama meã nanayauxgŭ —ñanagŭrŭ. ⁴⁵ Natŭrŭ yexguma Gariréaanewa tangugŭ, rŭ yema naãnecŭãx ga duŭxŭgŭ rŭ meãma nanayauxgŭ. Yerŭ nŭmagŭ ga yema naãnecŭãxgŭ rŭ Yerucharêŭwa naxŭ ta naxcêx ga Ũpetŭchigaarŭ peta, rŭ yema nŭxŭ nadaugŭ ga yema taxŭ ga mexŭgŭ ga Tupanaãrŭ poramaã naxŭxŭ ga Ngechuchu ga yexguma. ⁴⁶ Rŭ ga Ngechuchu rŭ tomaã nataegu naxcêx ga guma ñãne ga Caná ga Gariréaanewa yexmane. Rŭ guma ñãnewa nixŭ ga binuxŭ nanguxchixêãxŭ ga dexá. Rŭ ñãne ga Capernáŭwa nayexma ga wŭxi ga tacü ga ãexgacŭ, rŭ niãaawe ga wŭxi ga nane. ⁴⁷ Rŭ yexguma guma ãexgacŭ nŭxŭ cuáchigagu ga Ngechuchu rŭ Gariréaanewa na nanguxŭ ga Yudéaanewa na ne naxŭxŭ, rŭ naxŭtawana naxŭ. Rŭ nŭxŭ nayacêxŭ na napatawana naxŭxŭcêx, rŭ naxcêx na yanataanexêãxŭcêx ga guma nane ga marŭ turaxŭchicŭ. ⁴⁸ Rŭ Ngechuchu nanangãxŭ, rŭ ñanagŭrŭ nŭxŭ: —Pema rŭ tama peyaxôgŭ ega tama nŭxŭ pedauxiragu i taxŭ i cuèxruŭgŭ i Tupanaãrŭ poramaã ŭxŭ —ñanagŭrŭ. ⁴⁹ Natŭrŭ ga guma ãexgacŭ rŭ ñanagŭrŭ nŭxŭ: —Pa Corix, ipaxa chowe rŭxŭ naxŭta pa nayuxŭ ya chaune! —ñanagŭrŭ. ⁵⁰ Rŭ Ngechuchu nanangãxŭ rŭ ñanagŭrŭ nŭxŭ: —¡Nataegu i cupatawa! Erŭ cune rŭ marŭ naxcêx nitaane —ñanagŭrŭ. Rŭ guma yatŭ rŭ nayaxô ga yema ore ga Ngechuchu namaã nŭxŭ ixuxŭ. Rŭ napatacêx nataegu. ⁵¹ Rŭ yexguma napatawana nanguxchaŭgu ga guma ãexgacŭ, rŭ norŭ duŭxŭgŭ napêxegu nayayi, rŭ ñanagŭrŭgŭ nŭxŭ: —Cune rŭ marŭ naxcêx nitaane —ñanagŭrŭgŭ. ⁵² Rŭ yexguma rŭ norŭ duŭxŭgŭna naca, rŭ ñanagŭrŭ nŭxŭ: —¿Tacŭ rŭ oragu inaxŭgŭxŭ na naxcêx yataanexŭ? —ñanagŭrŭ. Rŭ yema norŭ duŭxŭgŭ nanangãxŭ rŭ ñanagŭrŭgŭ: —Ñe tocuchiguwena nixŭ ga nŭxŭ nangupetŭxŭ ga na yaxaxŭnexŭ —ñanagŭrŭgŭ. ⁵³ Rŭ guma bucŭ nanatŭ rŭ nŭxna nacuèxãchi ga yema oragu na yŭxŭ ga Ngechuchu ga ñaxŭ nŭxŭ:

“Cune rŭ marŭ naxcêx nitaane” ñaxŭ. Rŭ nŭma ga guma ãexgacŭ rŭ guxŭma ga napatacŭãx rŭ Ngechuchuxŭtawana nayaxôgŭ. ⁵⁴ Rŭ yexguma Yudéaanewa ne naxŭxgu ga Ngechuchu, rŭ yema nixŭ ga norŭ taxre ga cuèxruŭ ga taxŭ ga Tupanaãrŭ poramaã duŭxŭgŭxŭ nawêxŭ ga Gariréaanewa.

5

Ngechuchu rŭ nanamexêe ga wŭxi ga yatŭ ga idaawexŭ ga Betechawa yexmaxŭ

¹ Rŭ ñuxre ga ngunexŭgŭ ngupetŭguwena rŭ nayexma ga wŭxi ga peta ga Yudiŭgŭ auregŭxŭ na yemaãcŭ Tupanaxŭ yacuèxŭgŭxŭcêx. Rŭ yemacêx ga Ngechuchu rŭ Yerucharêcêx nataegu. ² Rŭ guma ñãneãrŭ poxeguxŭ rŭ nŭxŭ nayexma ga wŭxi ga ñãx ga Carneruarŭ Choxŭchicagu ãegaxŭ. Rŭ yema ñãxãrŭ ngaicamana nayexma ga wŭxi ga puchu ga Yudiŭgŭgawa Betechagu ãegaxŭ. Rŭ guma puchuanacŭwana nayexma ga wŭximêxpŭx ga chopetŭchicaga ga ãxpatãŭtŭgŭxŭ. ³ Rŭ yema chopetŭchicagu nacagŭ ga muxŭma ga duŭxŭgŭ ga idaaweexŭ. Rŭ nŭmaxŭ rŭ nangexetŭgŭ, rŭ togŭ rŭ nachixeparagŭ, rŭ togŭ rŭ nanawãixãchigŭ. Rŭ yema idaaweexŭ rŭ yema nananguxêëgŭ ga guma puchu ga na naxŭãxãchichixŭcêx. ⁴ Yerŭ ñuxguacŭ rŭ guma puchugu inarŭxŭxŭ ga wŭxi ga daxŭcŭãx ga Tupanaãrŭ orearŭ ngeruŭ, rŭ nayaxŭãxchixŭcŭxêëxŭ. Rŭ guxema tŭxira tŭgŭ yema táexe nachixŭwa ga guma puchu ga yexguma yaxŭãxchixŭcŭgŭ, rŭ tŭmacêx nitaane woo ga ngêxŭrŭdmare ga ãaawe tŭxŭ yexmaxê. ⁵ Rŭ yema natanŭwana nayexma ga wŭxi ga yatŭ ga marŭ 38 ga taunecŭ idaawecŭ. ⁶ Rŭ yexguma Ngechuchu nŭxŭ dŭxgu ga guma yatŭ ga yexma na nacaxŭ, rŭ nŭxŭ nacuáchiga ga marŭ mucŭma ga taunecŭ na yadaawexŭ. Rŭ yemacêx nŭxna naca rŭ ñanagŭrŭ nŭxŭ: —¿Cunaxwêxexŭ i cuxcêx na yataanexŭ? —ñanagŭrŭ. ⁷ Rŭ Ngechuchuxŭ nangãxŭ ga guma idaawecŭ, rŭ ñanagŭrŭ: —Pa Corix, tataxuma ya texé ya choxŭ rŭngŭxêëxê na ngema choxŭ tataéxŭcêx i ngêxguma naxŭãxãchichixŭgu ya daa puchu. Rŭ guxŭguma i ngêxguma ngema chaugŭ chatáechaŭgu, rŭ yoxni i togŭ rŭ marŭ nŭxra nŭgŭ ngema nataëgŭ —ñanagŭrŭ. ⁸ Rŭ Ngechuchu rŭ ñanagŭrŭ

nüxŭ: —¡Inachi, rü nayaxu i curü caruŭ, rü íixü! —ñanagürü. ⁹⁻¹⁰ Rü yexgumatama naxcêx nitaane ga guma yatü. Rü nanayaxu ga norü caruŭ, rü ínixü. Natürü ga yema ngunexŭ rü ngüxchigaarü ngunexŭ nixí. Rü yemacêx ga yémacŭâxgü ga Yudiügüarü âêxgacügü rü ñanagürügü nüxŭ ga guma yatü ga naxcêx itaanecü: —Ñoma nixí i ngüxchigaarü ngunexŭ. Rü ngêmacêx nachuxu nixí na cuyangexŭ i curü caruŭ erü yemaâcü tamaâ nüxŭ nixu ga Moíché —ñanagürügü. ¹¹ Natürü ga guma yatü rü yema Yudiügüarü âêxgacügüxŭ nangâxŭ, rü ñanagürü: —Yima choxŭ rü mexêêcü rü ñanagürü choxŭ:

“¡Nayaxu i curü caruŭ rü íixü!” ñanagürü. ¹² Rü yexguma ga yema âêxgacügü rü nüxna nacagü, rü ñanagürügü: —¿Texé ngêma ñatarügü cuxŭ:

“¡Nayaxu i curü caruŭ rü íixü!” ñatarügü cuxŭ? —ñanagürügü. ¹³ Natürü ga guma yatü rü tama nüxŭ nacuêx ga texé naxcêx na yataanexêêxŭ, yerü namuxŭchi ga duŭxŭgü ga yéma, rü yexma nayarütaxu ga Ngechuchu. ¹⁴ Natürü yixcama ga Ngechuchu rü tupauca ga taxŭnegu nüxŭ nayangau ga guma yatü, rü ñanagürü nüxŭ: —¡Dücêx i ñuxma marü cuxcêx na yataanexŭ, rü tãütama wena chixexŭ cuxŭ na tama quidaawexŭcêx namaâ i wüxi i ñaawe i ngêma marü cuxŭ ngupetüxŭarü yexera íixü! —ñanagürü. ¹⁵ Rü ínixü ga guma yatü, rü Yudiügüarü âêxgacügümaâ nüxŭ nayarüxu ga Ngechuchu na yíxŭ ga guma namexêêcü. ¹⁶ Rü yemacêx nixí ga yema âêxgacügü ga Ngechuchucêx nadaugŭxŭ na yamêxgüâxŭcêx, yerü ngüxchigaarü ngunexŭgu napuracü. ¹⁷ Natürü ga Ngechuchu rü ñanagürü nüxŭ: —Chaunatü ya Tupana rü guxŭ i ngunexŭgu napuracü rü mexŭ naxŭ. Rü ngêmacêx i choma rü ta naxrüŭ chapuracü —ñanagürü. ¹⁸ Rü yemacêx ga yema Yudiügüarü âêxgacügü rü yexeraâcü Ngechuchuxŭ nimêxgüchaŭ. Yerü tama naxrüŭ nanaxaure ga ngüxchigaarü ngunexŭ rü ñuxŭchi nüxŭ nixu ga Nanatüxŭchi na yíxŭ ga Tupana, rü yemaâcü nügü ga Nanatü ga Tupanamaâ na nawüxiguxŭ.

Nüma ga Tupanatama nixí ga Nanena naxãaxŭ ga pora

¹⁹ Rü yexguma ga Ngechuchu rü ñanagürü nüxŭ ga yema âêxgacügü: —Aixcúma pemaâ nüxŭ chixu rü choma i Tupana Nane rü tama chorü poramaâ chanaxŭ i ñacü rü puracü i mexŭ. Natürü ngêma nüxŭ chadauxŭ i Chaunatü üxŭxŭcatama nixí ichaxŭxŭ. Rü guxŭma i ngêma Chaunatü üxŭ, rü choma ya Nane rü ta chanaxŭ. ²⁰ —Chaunatü ya Tupana rü choxŭ nangechaŭ, rü ngêmacêx choxŭ nüxŭ nadauxêê i guxŭma i ñacü i nüma naxŭxŭ. Rü ngêma ñuxma choxŭ nüxŭ nadauxêêxŭarü yexera tá choxŭ nüxŭ nadauxêê i yixcúra. Rü ngêxguma i pema ega ngêmaxŭ pedaugügu, rü tá pebaixŭchiâêgü namaâ. ²¹ —Rü Chaunatü rü ñanadagüxêê i yuexŭgü rü wena nanamaxêêê. Rü ngêxguma-rüŭ ta i choma i Nane rü tüxna chanaxã i maxŭ ya yíxema chatümawêxêxe na tüxna chanaxãxŭ. ²²⁻²³ —Rü tama Chaunatü nixí ya duŭxŭgüxŭ icagücü i norü maxŭchiga. Natürü choxŭ nixí i namuxŭ na chanaxŭxŭcêx i ngêma, na choxŭ yacuêxŭgüxŭcêx i duŭxŭgü, ngêma Chaunatüxŭ na yacuêxŭgüxŭrŭŭ. Rü yíxema tama choxŭ icuêxŭxŭcêx, rü tama nüxŭ ticuêxŭŭ ta ya Chaunatü ya choxŭ nuã mucü. ²⁴ —Aixcúma pemaâ nüxŭ chixu rü yíxema texé ya choxŭ irüxŭnê i chorü ore, rü nüxŭ yaxôxê ya yima Chaunatü ya nüma choxŭ mucü, rü tüxŭ nangêxma i maxŭ i taguma guxŭ. Rü Chaunatü rü tãütama túmamaâ nanaxuegu na tapoxcuxŭ erü marü nawa ífanguxuchi na tayuxŭ, rü tüxŭ nangêxma i maxŭ i taguma guxŭ. ²⁵ —Rü aixcúma pemaâ nüxŭ chixu rü marü nawa tá nangu i ngunexŭ rü ñuxmatama nixí i chauga naxŭnêxŭ tá i ngêma duŭxŭgü i norü pecadugu yuexŭ rü iyarütauxexŭ. Rü texé ya chauga ínêxê rü tá tamaxê. ²⁶ —Nüma ya Chaunatü rü nüxŭ nangêxma i pora na namaxêêêxŭcêx i duŭxŭgü. Rü ngêma pora rü choxna nanaxã ya Chaunatü na choma rü ta duŭxŭgüxŭ chamaxêêêxŭcêx. ²⁷ —Rü Chaunatü ya Tupana choxŭ namu na duŭxŭgüna chaçaxŭcêx naxcêx i norü maxŭchiga, erü choma nixí i Nane i duŭxŭxŭ chiixŭ. ²⁸ —¡Tãxŭ i pebaixŭchiâêgüxŭ namaâ i ñaa ore i pemaâ nüxŭ chixuxŭ! Erü tá ínangu i ngêma ngunexŭ i nagu guxŭma i duŭxŭgü i yuexŭ rü tá na nüxŭ naxŭnêxŭ i chauga. ²⁹ —Rü naxmatügüwa tá ínachoxŭ. Rü ngêma meã maxêxŭ, rü tá ínarüdagü na nayaugüâxŭcêx i maxŭ i taguma guxŭ. Natürü ngêma chixexŭ ügüxŭ, rü tá ínarüdagü na napoxcuxêxŭcêx.

Nawa nüxŭ icuãxŭ na Tupana yíxŭ ga Ngechuchuna naxãga ga pora

³⁰ —Choma rü taxucürüwa ñacü chaxŭ chauechamatama ega tama choxŭ naxŭxêêägu ya Chaunatü. Rü Chaunatü chomaâ nüxŭ ixuxŭcêx nixí i nüxna chaçaxŭ i duŭxŭgü i norü maxŭchiga. Rü ngêxguma nüxna chaçaxgu rü aixcúma meãma chanangugü i duŭxŭgü. Erü tama choxrütama ngüchaŭ nixí i ngêma chaxŭxŭ, natürü Chaunatü ya nuã choxŭ mucüarü ngüchaŭ nixí i ngêma chaxŭxŭ. ³¹ —Rü ngêxguma chi chauchigaxŭtama chixuxgu rü taxuwama name i ngêma. ³² —Natürü nangêxma i to i chauchigaxŭ ixuxŭ. Rü nüxŭ chacuêx rü aixcúma nixí i norü ore i pemaâ nüxŭ yaxuxŭ. ³³ Pema rü Cuáŭ ya baiüxêerüxŭtawa penamugü ga perü duŭxŭgü na nüxŭ pecuãxŭcêx ga ore ga aixcúma íxixŭ ga chauchiga. Rü yema ore ga Cuáŭ pexŭ namaâ ngãxŭxŭ rü aixcúma nixí. ³⁴ —Natürü i choma rü tama chanaxwêxe i ñacü rü yatü chauétüwa nachogü, erü choma tátama chaugüna

chadau. Natürü pemaã nüxü chixu i ngêma Cuáũârü ore na choxŷ peyaxögüxcèx rü na penayauxgüxcèx i maxŷ i taguma gúxü. ³⁵—Cuáũ rü wüxi ga omü ga iyauracüüxü rü pexŷ báxixü-rüü nixŷ ga pexcèx. Rü pema rü paxaãchi namaã petaãëgü. ³⁶—Natürü nangêxma i ÷acü i Cuáũârü orearü yexera chauétüwa íchogüxü. Rü ngêma nixŷ ga yema taxügü ga cuèrxüügü ga Chaunatü choxŷ muxŷ na norü poramaã chanaxüxcèx. Rü yemawa pexŷ nüxü chadauxêê na aixcüma Chaunatü ya Tupana yíixü ga núma choxŷ mucü. ³⁷—Rü ngêxgumarüü ta ya Chaunatü ga guma núma choxŷ mucü, rü marü chauétüwa ínachogü, woo taguma nüxü pexínüê ga naga rü taguma nüxü pedau. ³⁸—Rü ngêma Chaunatüarü ore rü ta tama peãêwa nixücu, erü tama choxŷ peyaxögü woo Chaunatü núma choxŷ na muxŷ. ³⁹⁻⁴⁰—Pema meëma nawa pengüe i Tupanaãrü ore i úmatüxü, erü nagu perüxinüê rü ngêmawa tá nüxü ipeyangau i perü maxŷ i taguma gúxü. Natürü woo ngêmatama Tupanaãrü ore i úmatüxüwa rü chauchiga meã na yadexaxü, natürü i pema rü tama choxŷ peyaxögüchaŷ na ngêmaãcü penayauxgüxcèx i ngêma maxŷ. ⁴¹⁻⁴²—Rü choma rü tama chanaxwèxe na choxŷ picuèxüügüxü erü meëma pexŷ chacuèx, rü nüxü chacuèx na tama aixcüma Tupanaxü pengechaügüxü. ⁴³—Chaunatü ya Tupana nixŷ ga núma choxŷ mucü, natürü i pema rü tama choxŷ peyaxgüchaŷ. Natürü ngêxguma chi tomare i yatü nagagutama núma úxgu, rü ngêma chi nixŷ i taãêãcüma peyaxgüxü. ⁴⁴—¿Rü ñuxãcü chi choxŷ peyaxögü ega penaxwèxegu na pemücügütama pemaã taãêxü rü tama naxcèx pedaugüga na Tupanaxüchi pemaã taãêxü? ⁴⁵—¡Tãxü i nagu perüxinüèxü na choma tá yíixü na pexŷ chixugüxü i Chaunatüxütawa! Erü Moíché ga guma perü maxüxcèx nüxü peyaxögücü tátama nixŷ ya yima pexŷ ixugücü i Chaunatüxütawa. ⁴⁶—Rü ngêxguma chi peyaxögüga i ngêma ore ga Moíché úmatüxü, rü choxŷ rü chi ta peyaxögü. Erü ga Moíché rü chauchigagu nixŷ ga naxümatüãxü ga norü poperawa. ⁴⁷—Natürü ngêxguma tama peyaxögüga i ngêma Moíché úmatüxü i ore, ¿rü ñuxãcü tá peyaxögü i ngêma choma pemaã nüxü chixuxü? —ñanagürü ga Ngechuchu.

6

Ngechuchu rü nanachibüexêê ga 5000 ga yatügü
(Mt 14.13-21; Mr 6.30-44; Lc 9.10-17)

¹ Rü yemawena ga Ngechuchu rü naxtaxa ga Gariréagu ãeganearütocutüwa tomaã naxü. Rü norü toëga ga guma naxtaxa rü Tibéria nixŷ. ² Rü muxüma ga duüxügü rü nawe narüxü. Yerü úpaacü rü marü nüxü nadaugü ga ñuxãcü Ngechuchu na naxüxü ga taxü ga mexügü ga Tupanaãrü poramaã úxü ga yexguma duüxügü ga ídaaweegüxcèx yataanexêëgüãgu. ³ Rü yexguma ga Ngechuchu rü wüxi ga mëxpünewa tomaã ínaxüãchi. Rü wüxigu tomaã yéma narüto. ⁴ Rü marü ningaica ga yema Yudiügarü peta ga Úpetüchiga. ⁵ Rü yexguma Ngechuchu nüxü dawanügu rü nüxü nadau ga muxüma ga duüxügü ga nawe rüxüxü. Rü yemacèx Piripina naca, rü ñanagürü: —¿Rü ngextá tá naxcèx tataxe i nawemü i ñãã duüxügü na nachibüexêèxüxcèx? —ñanagürü. ⁶ Rü númatama ga Ngechuchu rü marü nüxü nacuèx ga ÷acü tá na naxüxü. Natürü yema ñanagürü Piripixü, yerü nüxü nacuáxchaŷ ga ÷acümaã tá na nangãxüãxü. ⁷ Rü yexguma Ngechuchuxü nangãxü ga Piripi, rü ñanagürü: —Woo chi naxcèx itaxegüga i 200 i díeru naguxü i pãü, rü tãü chima nüxü ningu ega woo wüxichigüma íraxü íxãchigüga —ñanagürü. ⁸⁻⁹ Rü yexguma ga Aüdré ga Ngechucharü ngüexü ga Pedru ga Chimáü naëneë, rü ñanagürü: —Nuã nangêxma i wüxi i buxü rü nüxü nangêxma i 5 i pãü i chebadanaxcèx rü taxre ta i choxni. ¿Natürü ÷acüwa name i ngêma naxcèx i ñãã muxüchixü i duüxügü? —ñanagürü. ¹⁰ Rü yexguma ga Ngechuchu rü ñanagürü toxü: —¡Écü, namaã nüxü pixu i duüxügü na ínatogüxcèx! —ñanagürü. Rü yema nachicawa rü nametêxean ga guma maxê. Rü gumatêxewa narütogü ga duüxügü. Rü maneca 5000 wa nangu ga yexguma yatügüxica ixugüga. ¹¹ Rü yexguma ga Ngechuchu rü nanade ga yema pãügü, rü Tupanana moxê naxã. Rü yemawena rü toxü nayanu na yema duüxügü ga yéma rütogüxüxü tayanuxüxcèx. Rü yexgumarüü ta ga choxni rü nüxü toxü nayanuxêê, ñuxmata meëma nachibüe ga guxüma ga yema duüxügü. ¹² Rü yexguma marü meã nachibüegu ga guxüma, rü Ngechuchu toxü namu rü ñanagürü toxü: —¡Penade i ngêma naxchipexegü i íyaxügüxü na tama inaxaiyèxüxcèx! —ñanagürü. ¹³ Rü tanade ga yema naxchipexegü ga yema 5 ga pãüwa íyaxüxü, rü 12 ga pexchi namaã tanaxüãcügü. ¹⁴ Rü yexguma yema duüxügü nüxü daugüga ga yema mexü ga taxü ga Tupanaãrü poramaã naxüxü ga Ngechuchu, rü ñanagürü: —Aixcümaxüchi daa nixŷ ya Tupanaãrü orearü urüü ga guma ínanguxêëcü —ñanagürü. ¹⁵ Natürü ga Ngechuchu rü nüxü nicuèxãchi ga duüxügü rü na norü ãëxgacüxü yangu-cuchixêëgüchaüãxü. Rü yemacèx nüxna nixügachi rü yémaxüra naxü nawa ga guma mëxpüne na nüxícatama nayexmaxüxcèx.

Dexáëtügu nixü ga Ngechuchu
(Mt 14.22-27; Mr 6.45-52)

¹⁶ Rū yexguma marū nachūtagu, rū toma ga Ngechucharū ngúexǵgū rū wenaxārū naxtaacutūwa taxī. ¹⁷ Rū poraācū naxēāne. Rū tama inangu ga Ngechuchu. Rū yemacēx wūxi ga ngue ga taxūnegu tichoŭ, rū itaxīāchi ga na tocutūwa taxīxū ga Capernáŭārū ūnēwa na tangugūxūcēx. ¹⁸ Rū yexguma tixāŭyane rū inaxūgū ga na poraācū yabuaxū. Rū yemagagu rū poraācū nayuape. ¹⁹ Rū yexguma marū 5 ga kilōmetru tixāŭgu, rū Ngechuchuxū tadaugu ga na dexāchiŭtēgu yaxūxū. Rū toma ga norū ngúexǵgū rū poraācū tamuŭē. ²⁰ Natūrū nūma ga Ngechuchu rū ūnagūrū toxū: —Choma chixī. ¡Rū tāxū i pemuŭēxū! —ūnagūrū. ²¹ Rū yexguma ga toma ga norū ngúexǵgū rū taāēacūma tanayauxǵchaŭ ga towēdwa. Rū yexgumatama itangugū ga yema itaxīxūwa.

Ngechuchucēx nadaugū ga duŭxǵgū

²² Rū moxūācū ga yema duŭxǵgū ga naxtaxaarū tocutūgu rūchoxū, rū nūxū nicuēāchitanū ga toma ga Ngechucharū ngúexǵgū ga marū nagu na taxīxū ga guma ngue ga taxūne ga nūgūmaā wūxicane. Rū nūxū nacuēxǵgū ta ga Ngechuchu rū tama towe na naxūxū. ²³ Rū yexguma yemagu inaxīnūēyane, rū yoxocūne inangugū ga náŭgu ga ngue ga itaxūne ga Tibériaarū ūnēwa ne ūxūne. Rū norū ngaicamana nangugū ga yema nachica ga ngextā Ngechuchu inachibūexēēxūwa ga yema muxūma ga duŭxǵgū ga yexguma moxē inaxāxgu naxcēx ga yema pāu. ²⁴ Rū yexguma yema duŭxǵgū nūxū daugūgu ga guma nguewa na Ngechuchu rū toma ga na tatauxēxūma rū yexma guma nguegūgu nichoŭ na Ngechuchucēx yadaugūxū Capernáŭārū ūnēgu.

Ngechuchu nixī i pāu i maxū tūxna āxū

²⁵ Rū yexguma guma naxtaxaarū tocutūwa nangugūgu ga yema duŭxǵgū, rū Ngechuchuxū yexma nayangaugū. Rū nūxna nacagūe, rū ūnagūrūgū: —Pa Ngúexēerūŭx, ŷŭuxgu nixī i nuā cunguxū? —ūnagūrūgū. ²⁶ Rū Ngechuchu nanangāxū, rū ūnagūrū nūxū: —Aixcūma pemaā nūxū chixu rū tama yema nūxū na picuēāchitanūxūcēx ga yema mexūgū ga Tupanaarū poramaa chaxūxū nixī i chauxcēx pedaugūxū. Natūrū chauxcēx pedaugū yerū meāma pechibūe nawa ga yema ōna ga pexna chaxāxū. ²⁷ —¡Tāxū i naxcēx pepuracūxū i ōna i paxama gūxū! Rū narūmemaē nixī i naxcēx pepuracūe i ngema maxū i aixcūma ixīxū i taguma gūxū. Rū ngēma nixī i maxū i choma i Tupana Nane ya dūxūxū chixīcū tá pexna chaxāxū, erū Chaunatū ya Tupana rū marū nanangoxēē na aixcūma Nane chīxū —ūnagūrū. ²⁸ Rū yexguma ga nūmagū rū nūxna nacagū, rū ūnagūrūgū: —ŷTacū tá taxūe na tayanguxēxūcēx i ngēma Tupana toxū naxwēxexū? —ūnagūrūgū. ²⁹ Rū Ngechuchu nanangāxū rū ūnagūrū nūxū: —Rū Tupana rū nūma choxū namu. Rū ngēma nūma pexū nanaxwēxexū nixī na choxū peyaxōgūxū —ūnagūrū. ³⁰ Rū yexguma ga nūmagū rū nūxna nacagū, rū ūnagūrūgū nūxū: —ŷTacū rū cuērxūxū tá toxū cudadūxēē na cuxū tayaxōgūxūcēx na aixcūma Cristu quixū? ŷRū ŷacu i to i mexū tá toxcēx cuxīxū i ŭuxmax? ³¹ Yerū nuxcūmaŭgūxū ga tōrū oxīgū, rū nanangōxgū ga yema pāu ga Tupana nūxna āxū ga chianēxūwa ga ngextā taxūema ŷāpataxūwa. Rū Tupanaarū ore i ūmatūxūwa rū ūnagūrū: “Tupana rū daxūcūāx ga pāuāma nanachibūexēē ga duŭxǵgū”, ūnagūrū i ngēma orewa. ³² Rū Ngechuchu nanangāxū rū ūnagūrū nūxū: —Aixcūma pemaā nūxū chixu rū tama nixī ga Moiché yīxū ga nūxna naxāxū ga yema pāu ga daxū- cūāx, natūrū Chaunatū ga Tupana nixī ga nūxna naxācū. Rū nūma nixī i ŭuxma i pexna naxāxū i pāu i aixcūma ixīxū i daxūwa ne ūxū. ³³ —Erū ngēma pāu i Tupana ixāxū, rū daxūgūxū i naānēwa ne naxū rū nanamaxēxēē i ūoma i naānecūāx i duŭxǵgū —ūnagūrū. ³⁴ Rū nūmagū rū naxcēx inacagū, rū ūnagūrūgū nūxū: —Pa Corix, ¡guxūma toxna naxāēcha i ngēma pāu! —ūnagūrūgū. ³⁵ Rū Ngechuchu ūnagūrū nūxū: —Choma nixī i ngēma pāu i maxēxēerū chīxū. Rū yīxema texē ya chauxūtawa ūxē rū tagutāma tataiya. Rū texē ya choxū yaxōxē rū tagutāma ūtāwa. ³⁶ —Natūrū marū pemaā nūxū chixu rū woo na choxū pedaugūxū rū tama choxū peyaxōgū i pemax. ³⁷ —Rū guxāma ya yīxema duŭxēgū ya Chaunatū choxna tūxū mugūxe rū chorū duŭxǵgū tixīgū. Rū texē ya choxū yaxōgūxe rū tāūtāma tūxū chaxoqx. ³⁸ —Yerū tama choxrūtama ngūchaŭ na chaxūxūcēx nixī ga daxūgūxū ga naānēwa ne chaxūxū. Natūrū nūma chaxū na chanaxūxūcēx i norū ngūchaŭ ya Chaunatū ya nūma choxū mucū. ³⁹ —Rū ngēma norū ngūchaŭ ya Chaunatū ya Tupana ya nūma choxū mucū nixī i na taxūēxūma ichayarūtauxēēxū ya yīxema choxna tūxū namugūxe. Erū nūma ya Chaunatū nanaxwae na tūxū yuwa ŷcharūdagūxēēxū i naānēarū guxgu. ⁴⁰ —Choma nixī i Tupana Nane chīxū. Rū ngēma norū ngūchaŭ ya Chaunatū ya Tupana ya nūma choxū mucū nixī na tūxū nangēxmaxū i maxū i taguma gūxū ya guxāma ya texē ya choxū daugūxe rū choxū yaxōgūxe. Erū choma tá nixī i tūxū ŷcharūdagūxēēxū i naānēarū guxgu —ūnagūrū. ⁴¹ Rū yexguma yema orexū naxīnūēgu ga yema Yudiugū, rū inanaxūgūe ga Ngechuchuchiga na yadexagūxū. Yerū ūnagūrū ga Ngechuchu: —Choma nixī i pāu i daxūgūxū i naānēwa ne chaxūxū —ūnagūrū. ⁴² Rū ūnagūrūgū: —ŷTaux ēxna ūā yīxū i Ngechuchu i Yūche nane? Rū yixema rū tūxū tacūēx ya nanatū rū naē. ŷRū ūnācū i

núma i “Daxúwa ne naxúxú”, ñaxú? —ñanagürügü. ⁴³ Rû Ngechuchu ñanagürü nüxú: —jNúxú perúxoe na choxú na pixuechaxú! ⁴⁴ —Taxúema chauxútawa tangu ega tama choxna túxú namuxgu ya chaunatú ga guma núma choxú mucú. Rû texé ya chauxútawa ngugúxe rû choma rû tá wena túxú chamaxéxé i naâneárü guxgu. ⁴⁵ —Nuxcúmaügúxú ga Tupanaárü orearü uruügüarü poperawa naxúmatü i ore i ñaxú:

“Tupana tá guxáxú nangúxéê”,

ñaxú. Rû ngémacèx guxáma ya texé ya Chaunatúxú ñnuxé rû naxútawa ngúxe, rû chauxútawa taxí. ⁴⁶ —Taguma texé Chaunatú ya Tupanaxú tadau. Rû chaxicatama nixí i núxú chadauxú erü naxútawa ne chaxú. ⁴⁷ —Aixcúma pemaã núxú chixu rû texé ya choxú yaxóxé rû túxú nangéxma i maxú i taguma gúxú. ⁴⁸ —Choma nixí i páü i maxéxéeruú chixú. ⁴⁹ —Rû perü oxigü ga nuxcúmaügúxú rû nanangõx ga yema páü ga Tupana núxna áxú ga yema nachica ga ngextá taxúema íxápataxúwa. Natürü woo nanangõxgü ga yema páü rû nayueamatama. ⁵⁰ —Natürü ñaã páü i pemaã núxú chixuxú i daxúwa ne úxú rû chomatama chixí. Rû guxáma ya texé ya choxú yaxúxe ñoma páü tangóxúrüü rû tá tamaxécha. ⁵¹ —Chomatama nixí i páü i maxéxéeruú i daxúwa ne chaxúxú. Rû texé ya ñoma chomaã taxáwemúxúrüü choxú yaxóxé rû guxúgutáma tamaxécha. Erü ngéma páü i choma túxna chaxáxú rû chaxunetama nixí. Rû ichanaxá i chaxune na namaxéxúcèx i ñoma i naãnecúãx i duúxügü —ñanagürü ga Ngechuchu. ⁵² Rû yexguma ga yema Yudiügü rû poragaãcú nügüna nacagüe, rû ñanagürügü: —¿Ñuxácü tá i ñaã yatü i naxúne tátama túxú nangóxéxú? —ñanagürügü. ⁵³ Rû Ngechuchu ñanagürü nüxú: —Rû choma i Tupana nane na duúxúxú chixú rû aixcúma pemaã núxú chixu rû ngéxguma pema rû tama chaxunemaã pexáwemügü rû tama nawa pexaxégü ga chaugü, rû táütáma pexú nangéxma i maxú i taguma gúxú. ⁵⁴ —Texé ya chaxunemaã áwemúxé rû chaugüwa axexe rû túxú nangéxma i maxú i taguma gúxú. Erü choma rû tá túxú chamaxéê ega naãneárü guxgu. ⁵⁵ —Erü chaxune rû ñnaxúchi nixí rû chaugü rû axexúxúchi nixí. ⁵⁶ —Texé ya chaxunemaã áwemúxé rû chaugüwa axexe rû chowa tayaxúx rû choma i túmawa. ⁵⁷ —Chaunatú ga núma choxú mucü rû namaxú. Rû núma choxna nanaxá i maxú. Rû ngéxgumarúü ta i choma rû tá túxna chanaxá i maxú ya yíxema choxú yaxúxe rû choxú yaxóxé. ⁵⁸ —Marü pemaã núxú chixu na choma rû páü i daxúwa ne úxú chixú. Natürü choma rû tama yema páü ga nuxcúmaügúxú ga perü oxigü ngóxgúxú ga páürüü chixí. Yerü woo ga yema páü na nangóxgúxú ga perü oxigü rû nayueamatama. Natürü texé ya choxú yaxúxe, ñoma páü tangóxúrüü, rû choxú yaxóxé rû guxúgutáma tamaxú —ñanagürü. ⁵⁹ Rû Ngechuchu rû duúxügümaã núxú nixu ga yema ore ga yexguma nangúxéxéãgu ga Yudiügüarü ngutaquéxepataúwa ga ñane ga Capernáúwa.

Ngechuchuarü orewa nangéxma i maxú i taguma gúxú

⁶⁰ Rû yexguma núxú naxúñüégu ga yema nguxéêtae, rû muxúma ga yema duúxügü ga nawe rúxúxú rû ñanagürügü: —Rû ngéma tamaã núxú yaxuxú, rû naguxchaxúchi na núxú icuáxú na ñuxú ñaxú. ¿Ñuxácü texé túxú natauxcha na naga taxíñúxú? —ñanagürügü. ⁶¹ Natürü ga Ngechuchu rû núxú nacuéxama ga yemaãcú nügümaã na íyadexagúxú naxcèx ga yema nguxéêtae, rû yemacèx núxna naca, rû ñanagürü: —¿Éxna peãéwa nangux i ngéma ore? ⁶² —Rû ngéxguma peãéwa nanguxgu i ngéma ore i pemaã núxú chixuxú, rû ¿jacúgu chí perúxúñéxú ega choxú pedéxgu na wenaxárü daxú na chaxíxú, ga noxri ne chaxúxúwa na chaxúxú i choma i Tupana Nane na duúxúxú chixú? ⁶³ —Tupanaãe i Úñenxú nixí i inaxáxú i maxú i taguma gúxú. Rû tama pexene nixí i pexú maxéxééxú. Rû ngéma ore i pemaã núxú chixuxú rû peãcèx nixí, rû nawa nangéxma i maxú i taguma gúxú. ⁶⁴ —Natürü tangéxma i petanúwa ya ñuxre ya tama yaxóxé —ñanagürü. Rû yema ñanagürü ga Ngechuchu yerü noxriarü úgügümarü marü núxú nacuéx ga texé tá núxú na yaxóxúxú, rû texé tá cúãcú ínaxuaxúxú. ⁶⁵ Rû ñanagürü ta: —Rû ngémacèx marü pemaã núxú chixu rû taxuacúma texé chauxútawa tangu ega tama Chaunatú chauxútawa túxú gaxgu —ñanagürü. ⁶⁶ Rû yexguma inanaxúgüe ga núxna na yaxíxúxú ga muxúma ga yema duúxügü ga noxri nawe rúxúchiréxú. Rû marü tama nawe ínaxúxú. ⁶⁷ Rû yexguma ga Ngechuchu rû norü 12 ga ngúxéxúgüna naca, rû ñanagürü nüxú: —¿Éxna pema rû ta choxna pixígachitanúchaú? —ñanagürü. ⁶⁸ Natürü Chimáú ga Pedru rû nanangáxú, rû ñanagürü: —Pa Corix, ¿Texéxútawa chí taxíxú ega cuxna tíxígachitanúgu? Erü cuma rû cuxú nangéxma i ore i nawa nangéxmaxú i maxú i taguma gúxú. ⁶⁹ —Toma rû marü cuxú tayaxógü, rû núxú tacuéx na cuma quíxú ya Cristu ya Úñenecü ya Tupana Nane —ñanagürü. ⁷⁰ Rû Ngechuchu toxú nangáxú, rû ñanagürü: —¿Taux éxna choma yíxú ga pexú chidexechixú ga pema ga 12? Natürü nangéxma i wúxi i petanúwa i Chatanáárü duúxú íxíxú —ñanagürü. ⁷¹ Rû Yuda ga Icaríute ga Chimáú nanechiga nixí ga yadexaxú ga Ngechuchu. Yerü Yuda tá nixí ga cúãcú ínaxuaxúxú rû woo ga núma rû wúxi ga totanúxúchiréx na yíxú.

7

Ngechuchuenēgū rü tama nüxl̄ nayaxōgū

¹ Rü yemawena ga Ngechuchu rü Gariréaanewa yexmagüne ga iānegūgu nixūāgūchigi. Rü tama Yudéaanewa nayexmachaŭ yerü yémacūāx ga Yudiūgiarū āēxgacūgi rü naxcēx nadaugū ga na yēmēxgūchaŭxūcēx. ² Natürü marü ningaica ga yema Yudiūgiarū peta ga naga norü düxenūgū yaxūgūxū na yemawa nüxna nacuēxāchiexūcēx ga űuxācū nuxcūmaŭgūxū ga norü oxigū ga naxūgūxū ga norü düxenūgū ga naixātūnaxcēx ga yexguma Moichéwe naxixgu ga ngextá taxūema íxāpataxūwa. Rü yemacēx nixī ga Düxenūgiarū Petagu naxāegaxū. ³ Rü naēneēgū ga Ngechuchu rü űanagürügū nüxū: —Tama name i nuxā Gariréaarü naānegu curūxāŭx. Rü name nixī i petacēx Yudéawa cuxū, na ngēma duŭxūgū i cuwe rixixū i ngēma ngēxmagūxū nüxū daugūxūcēx i ngēma cuēxruūgū i mexūgū i Tupanaarū poramaā cuxūxū. ⁴ —Erü ngēxguma chi wūxi ya yatü rü duŭxūgūxū nügū nacuēxēchaŭgu rü tama cūācū nanaxū i tacū i naxūxū. Rü űuxma na cunaxūxū i muxūma i mexūgū i Tupanaarū poramaā cuxūxū, rü name nixī i guxū i duŭxūgūpēxewa cunaxū —űanagürügū. ⁵ Rü yema űanagürügū ga naēneēgū yerü woo ga nūmagū rü ta tama nüxl̄ nayaxōgū. ⁶ Rü yexguma ga Ngechuchu rü nanangāxū, rü űanagürü nüxū: —Tauta nawa nangu i ngunexū na petawa chaxūxū. Natürü pexcēx rü ngēxürüxūmare i ngunexū nixī i mexū na petawa naga pexixū. ⁷ —Ngēma duŭxūgū i űoma i naāneēcūāx rü tama pexchi naxaie. Natürü chauxchi naxaie erü chanangoxēē i ngēma naxūgūxū rü na nachixexū. ⁸ —Name nixī i petawa pexi i pemax. Choma rü tauta ngema chaxū erü tauta nawa nangu i ngunexū i naga ngema chaxūxū —űanagürü ga Ngechuchu. ⁹ Rü yexguma yema űaxguwena, rü Gariréaanegu narūxāŭx.

Ngechuchu rü Düxenūgiarū Petawa naxū

¹⁰ Natürü nawena ga naēneēgū ga petawa na naxixū, rü Ngechuchu rü ta yēma naxū. Natürü cūācū yēma naxū, rü tama poraācū duŭxūgūxū nügū nadauxēē. ¹¹ Rü yema Yudiūgiarū āēxgacūgi rü naxcēx nadaugū ga yema petawa, rü űanagürügū: —¿Ngextá nangēxma i ngēma yatü? —űanagürügū. ¹² Rü nügūtanūwa ga yema duŭxūgū ga yēma yexmagūxū, rü poraācū Ngechuchuchiga ímidexagū. Rü űuxre ga yema duŭxūgū rü űanagürügū: —Yima rü wūxi ya yatü ya mecū nixī —űanagürügū. Natürü ga togū rü űanagürügū: —Ngēma yatü rü tama name erü duŭxūgūxū nawomūxēē —űanagürügū. ¹³ Natürü taxūma ga duŭxūgū rü mea togūpēxewa Ngechuchuxū nicuēxūūgūchaŭ, yerü yema Yudiūgiarū āēxgacūgūxū namuē. ¹⁴ Rü yexguma marü yema petaarü ngāxūwa nanguxgu, rü nixūcu ga Ngechuchu nawa ga tupauca ga taxūne. Rü inanaxūgū ga na nanguxēētaexū. ¹⁵ Rü yema Yudiūgiarū āēxgacūgi, rü naŭaixāchiāēgū namaā ga yema ore ga Ngechuchu nüxū ixuxū. Rü űanagürügū: —¿Nuxācū i ngēmaācū poraācū nüxū nacuāxū, rü taguma texé nanguxēē? —űanagürügū. ¹⁶ Rü Ngechuchu nanangāxū rü űanagürü nüxū: —Naā chorü nguxēētae rü tama choxrü nixī, erü Chaunatü ya nūma choxū mucūarü nixī. ¹⁷ —Ngēxguma texé naxūxchaŭgu i Tupanaarü ngūchaŭ rü yixema tá nüxū tacuēx ngoxi aixcūma Tupanaxūtawa chanayaxu i ngēma chorü nguxēētae rü ēxna chaugūxtawatama chayaxuxū yixi i ngēma. ¹⁸ —Yixema texé ya mexū i tūmachigaxūtama ixuxe rü ngēmaācū tanaxū erü tanaxwēxe i duŭxūgū na tūxū icuēxūgūxū. Natürü texé nüxū tixu i ore i mexū nachiga i ngēma tūxū muxū, rü aixcūma nixī i tūmaarü ore. Rü tama dora nixī i ngēma nüxū tixuxū. ¹⁹ —¿Tama ēxna aixcūma yixū ga Moiché pexna naxāxū ga Tupanaarü mugū? Natürü taxūema i pema naga pexinūē i ngēma mugū. ¿Rü űuxma rü tūxcūü nixī i choxū pimēxgūchaŭxū? —űanagürü. ²⁰ Rü yema duŭxūgū nanangāxūgū, rü űanagürügū: —Cuma rü ngoxo cuwa nangēxmamare. ¿Éxna texé cuxū timēxgūchaŭ? —űanagürügū. ²¹ Natürü ga Ngechuchu rü űanagürü nüxū: —Choma rü ngūxchigaarü ngunexūgu chanamexēē ga wūxi ga yatü. Rü guxāma i pema rü penuāēgū naxcēx ga yema wūxitama ga mexū ga ngūxchigaarü ngunexūgu chaxūxū. ²² —Natürü pema rü ta ngūxchigaarü ngunexūgu pepuracūe na naga pexixūcēx ga Moichéarü mugū. Rü Moiché pemaā nüxū nixu na tūxū ípewiechēxmūpēxechiraŭxū ya guxāma ya yatūxe ya buxe. Natürü tama Moiché nixī ga inaxūgūcū ga yema, yerü nuxcūmaŭgūxū ga perü oxigūwa nixī ga ne naxūxū. Rü űuxma i pema rü yema mugagu rü tūxū ípewiechēxmūpēxechiraŭ ya guxāma ya buxe ya yatūxe woo ngūxchigaarü ngunexū yixūgu. ²³ —Rü ngēmaācū i pema rü ngūxchigaarü ngunexūgu buxexū ípewiechēxmūpēxechiraŭ erü naga pexinūēchaŭ i Moichéarü mugū. ¿Rü űuxma rü tūxcūü yixū i chomaā penuēxū naxcēx na ngūxchigaarü ngunexūgu chanamexēēxū ga wūxi ga yatü ga idaawecū? ²⁴ —Rü ngēmacēx tama name i ngürūmare penangugū i ngēma chaxūxū. Rü penaxwēxe i meā naga perūxīnūēxira, na aixcūma meā penangugūxūcēx —űanagürü ga Ngechuchu.

Ngechuchu rü Tupana Nane nixī

²⁵ Rū ñuxre ga yema duñxügü ga Yerucharéügu áchiügüxü rü nügüna nacagüe, rü ñanagürügü: —¿Taux éxna daa yíixü ya yima yatü ya áëxgacügü naxcëx daugüe na yamëxgüchañáxüxcëx? ²⁶ —¿Düxcë! Gua nixi rü yéa guxü i duñxügüpëxewa nidexa rü taxúema ñuxü ñatarügü nüxü. ¿Taux éxna i tóru áëxgacügü i marü nüxü yaxögüáxü na aixcüma Cristu na yíixü i nümax? ²⁷ —Natürü i yixema rü nüxü tacuëxgü na ngextá ne naxüxü i nümax. Natürü ngëxguma aixcüma Cristu núma üxgu rü taxütáma nüxü tacuëx na ngextá na ne naxüxü —ñanagürügü. ²⁸ Rü núma ga Ngechuchu rü tupauca ga taxünewa ñanangüëë ga duñxügü. Rü yexguma nüxü naxínügu ga yema ore ga Yudiügü nüxü ixugüëxü ga nachiga, rü tagaäcü ñanagürü: —Pema rü marü choxü pecuëx rü nüxü pecuëx na ngextá na ne chaxüxü. Natürü tama chaugagu nixi i núma chaxüxü. Choma núma chaxü yerü núma choxü namu ga Tupana ya naxwëxecü na nüxü yaxögüxü natürü i pema rü tama nüxü pecuácü. ²⁹ —Choma rü nüxü chacuëx yerü naxütawa ne chaxü, rü núma nixi i núma choxü namuxü —ñanagürü. ³⁰ Rü yexguma ga yema áëxgacügü rü Ngechuchuxü niyauxgüchañ. Natürü taxuüma nayayauxgü, yerü tauta nawa nangu ga ngunëxü ga na yayauxgüáxü rü na yamëxgüáxüxcëx. ³¹ Natürü muxüma ga duñxügü rü nüxü nayaxögü. Rü ñanagürügü: —¿Ngëxguma ñanguxgu ya Cristu rü tacü rü cuëxruü i taxü tá naxü ya daa yatü tama üxü i ñuxmax? —ñanagürügü.

Parichéugü rü Ngechuchuxü niyauxgüchañ

³² Rü yema Parichéugü rü duñxügüxü naxínüë ga yemaäcü Ngechuchuchiga na yadex-agüxü. Rü yemacëx ga nümagü rü paigüarü áëxgacügü rü yéma nanamugü ga tupauca ga taxüneärü purichíagü na Ngechuchuxü yanayauxgüxüxcëx. ³³ Rü yexguma ga Ngechuchu rü ñanagürü nüxü: —Paxaächi tátama nixi i petanüwa changëmaxü, rü ñuxüchi tá chataegu naxütawa ya yima núma choxü mucü. ³⁴ —Pema rü tá chauxcëx pedaugü, natürü tãütáma choxü ipeyangaugü. Erü ngëma ngextá tá íchangëxmaxüwa rü taxuacü ngema pengügu. ³⁵ Rü yexguma ga yema Yudiügüarü áëxgacügü rü nügüna nacagüe, rü ñanagürügü: —¿Ngextá tá naxü ega taxuacütáma nüxü iyarüngaugügu? ¿Éxna ngëma Yudiügü i to i nachiñánewa ngëmaxüxütanüwa tá naxü rü éxna ngëma tama Yudiügü ixíxüxütanüwa tá naxü na yangüxëëáxüxcëx? ³⁶ —¿Rü tacüchiga nixi i ngëma na ngëma ñaxü:

“Tá chauxcëx pedaugü natürü tãütáma choxü ipeyangaugü, erü taxuacütáma ngema pëxi i ngëma tá íchangëxmaxüwa”, ñaxü? —ñanagürügü.

Dexá i maxëëruñchiga nidexa ga Ngechuchu

³⁷ Rü yema nawa iyacuáxü ga petaarü ngunëxü nixi ga guxü ga togü ga ngunëxüärü yexera rümemaëxü naxcëx ga Yudiügü. Rü yema ngunëxügu nixi ga inachixü ga Ngechuchu rü tagaäcü ñaxü: —Rü ngëxguma texé itawaxgu rü juñá chauxütawa taxü rü tayaxaxe! ³⁸ —Rü “texé ya choxü yaxöxë rü tümaärü maxünewa tá nibaiibe i taxü i dexá i maxëëruñ” ngëma Tupanaärü ore i ümatüxü nüxü ixuxürüñ —ñanagürü. ³⁹ Rü yexguma yema ñaxgu ga Ngechuchu rü Tupanaäë i Üünëxüchiga nixi ga yadexaxü. Rü nüxü nixu ga guxüma ga yema nüxü yaxögüxü rü tá na nayauxgüáxü i Naäë i Üünëxü. Natürü tama yexgumatama nanayauxgü, yerü tauta wenaxärü daxüguxü ga naäncëx nataegu ga Ngechuchu na guxüärü áëxgacü na yíixüxcëx.

Ngechuchugagu nügü nitoye ga duñxügü

⁴⁰ Rü nümaxü ga yema duñxügü rü yexguma nüxü naxínüëgu ga yema Ngechuchu nüxü ixuxü, rü ñanagürügü: —Aixcüma ñaä yatü nixi i ngëma Tupanaärü orearü uruü i ínguxchañüñ —ñanagürügü. ⁴¹ Rü togü rü ñanagürügü: —Daa nixi ya Cristu —ñanagürügü. Natürü togü rü ñanagürügü: —Tama nixi, erü taxucürüwa Gariréaanecüñax nixi ya Cristu. ⁴² —Erü Tupanaärü ore i ümatüxüwa rü ñanagürü:

“Cristu rü tá Dabítaa nixi, rü tá nangox i iäne i Beréüwa ga ngextá Dabí íbuxüwa”, ñanagürügü. ⁴³ Rü yemaäcü Ngechuchugagu nügü nitoye ga duñxügü. ⁴⁴ Rü ñuxre ga yema duñxügü rü Ngechuchuxü niyauxgüchañ, natürü taxuüma nayayauxgü.

Yudiügüarü áëxgacügü rü tama Ngechuchuxü niyaxögüchail

⁴⁵ Rü yema tupauca ga taxüneärü purichíagü, rü Parichéugüxcëx rü paigüarü áëxgacügüxcëx nawoegu. Rü yema áëxgacügü rü nüxna nacagü, rü ñanagürügü: —¿Tüxcüñü tama nuä penaga? —ñanagürügü. ⁴⁶ Rü yema purichíagü rü nanangäxügu rü ñanagürügü: —Taguma texé tidexa i ñaä yatü idexaxürüñ —ñanagürügü. ⁴⁷ Rü yexguma ga Parichéugü rü ñanagürügü nüxü: —¿Éxna pëxü rü ta marü nawomüxëë i nümax? ⁴⁸ —Düxcëx, rü taxúema i tomax i Parichéugü rü taxuüma i tóru áëxgacügü rü nüxü nayaxögü i ngëma Ngechuchu. ⁴⁹ —Natürü ñaä duñxügü i tama Tupanaärü mugüxü cuëxgüxü rü marü nachixëxügu —ñanagürügü. ⁵⁰ Natürü Nicodému ga Parichéu ixícü ga wüxicana Ngechuchuxütagu naxüñecü, rü ñanagürü nüxü: ⁵¹ —Ngëma tóru mugü i ümatüxüwa rü ñanagürü:

“Taxuacüma wüxi i yatüxŭ tapoxcu ega tama nüxŭ ixĩnũexĩragu i norũ dexa na nüxŭ icuaxŭcèx na ãacü na naxüxŭ”, ñanagürü. ⁵² Rü yexguma ga natanüxŭgü rü nanangäxŭgü, rü ñanagürügü nüxŭ: —¿Éxna cuma rü ta Gariréaanecŭãx quixĩ? ¡Nawa nangux i Tupanaãrũ ore i ñmatüxŭ rü ngema tá nüxŭ cudau rü taxuŭtãma i Tupanaãrũ orearũ uruũ rü Gariréaanecŭãx nixĩ! —ñanagürügü. ⁵³ Rü yexguma ga wüxichigü rü nachĩtwa naxĩ.

8

Nge ga ätecü ga naĩ ga yatümaã ngẽãexcü

¹ Rü Ngechuchu rü Orĩbunecügu äegane ga mèxpũnewa naxü. ² Rü moxŭãcü ga yexguma yangunegu, rü wenaxãrũ tupauca ga taxũnecèx nataegu. Rü ga duũxŭgü rü naxcèx naxĩ. Rü nüma ga Ngechuchu rü ñnarũto, rü ñnanaxügü ga na nangũexẽãxŭ ga duũxŭgü. ³ Rü yema ngũexẽerũxŭ ga Moĩchearũ mugüwa nguxẽetaegũxŭ rü Parichéugü, rü Ngechuchuxŭtawã ngĩxŭ nagagü ga wüxi ga nge ga ätecü ga ngĩxŭ nadaugüçü ga naĩ ga yatümaã na ñnapexŭ. Rü guxũma ga yema duũxŭgü ga yema yexmagũxŭpèxegu ngĩxŭ nayachixẽegü. ⁴ Rü ñanagürügü Ngechuchuxŭ: —Pa Ngũexẽerũxŭ, ñnaã nge i ätecü rü ngĩxŭ itayangau na naĩ ya yatümaã na ñnapexŭ. ⁵ Moĩchearũ mugüwa tamaã nüxŭ nixu na nutamaã ngĩxŭ ñimuxũchiãcũma ngĩxŭ ñmãxŭ i wüxi i nge i ngẽmaãcũ maxŭcũ. ¿Ñuxŭ ñacuxŭ i cuma i ññuxmax? —ñanagürügü. ⁶ Rü yema ñanagürügü ga nümagü, yerü Ngechuchuxŭ guxchaxŭgu nanguxẽegüchaũ na nüxŭ nayexmaxŭcèx ga ãacüçèx na ñnaxuaxŭgüãxŭ. Natürü ga Ngechuchu rü ñnarũmaxãchi rü ñnanaxügü ga naxmèxmaã waixũmũwa na naxũmatũãxŭ. ⁷ Natürü nüxŭ nacèxgũgüama, rü yemacèx dũxwa wenaxãrũ nadaunagü ga Ngechuchu, rü ñanagürü nüxŭ: —Ngexerũxe i petanũwa ya ngearũ pecaduãxè rü tũxira nuta ngĩxŭ tanaña —ñanagürü. ⁸ Rü wenaxãrũ ñnarũmaxãchi ga Ngechuchu rü naxmèxmaã nanaxũmatü ga waixũmũwa. ⁹ Natürü yexguma nüxŭ naxĩnũegü ga yema ore ga Parichéugü rü ñnanaxügü ga nügü na yawũxĩxŭ ga nügũwe na ñnaxoxŭxŭ. Rü yaguãxŭ ga Parichéugüwa ñnanaxügü ga na ñnaxoxŭxŭ rü dũxwa guxũma ñnaxoxŭ. Rü yexguma marü guxũma ga Parichéugü ñnaxoxŭgu, rü Ngechuchu rü yema ngeçixicatama yema duũxŭgüpèxewa nayaxügü. ¹⁰ Rü yexguma ga Ngechuchu rü wena nadaunagü. Rü ngĩxna naca rü ñanagürü ngĩxŭ: —Pa Ngeçũx, ¿Ngèxŭgü nixĩ i ngẽma cuxŭ ixugũexŭ? ¿Rü taxuũma cuxŭ ñmãxchaũ? —ñanagürü. ¹¹ Rü ngĩma rü ngĩgürügü nüxŭ: —Taxuũma Pa Corix —ngĩgürügü. Rü yexguma ga Ngechuchu rü ñanagürü ngĩxŭ: —Choma rü ta tama cuxŭ chapoxcu. Ñuxma rü marü name rü ñquixŭ rü tama wena pecadu cuxŭ —ñanagürü.

Ngechuchu rü ñoma i naãñearũ ngõonex-ẽerũxŭ nixĩ

¹² Rü wenaxãrũ duũxŭgümaã ñnaxca ga Ngechuchu, rü ñanagürü nüxŭ: —Choma nixĩ i ñoma i naãñecũãxãrũ ngõonexẽerũ. Rü yixema chowe rüxũxè rü chorü ngõonexũtwa tangèxma rü tũxna chanaxã i maxŭ. Rü tá nüxna ñtanguxuchi i tũmaãrũ chixexŭ —ñanagürü. ¹³ Rü yexguma ga Parichéugü rü ñanagürügü nüxŭ: —Cuma rü cugũchigãxŭtama quixu. Rü ngẽma cuchiga i nüxŭ quixuxŭ rü taxuwama name —ñanagürügü. ¹⁴ Rü Ngechuchu nanangãxŭ rü ñanagürü nüxŭ: —Rü ngẽma ore i chauchiga nüxŭ chixuxŭ rü aixcũma nixĩ woo chomatama yixũgu i namaã chaugüetũwa chidexaxŭ. Erü choma rü nüxŭ chacuèx i ngextã ne chaxũxŭ, rü ngextã tá chaxũxŭ. Natürü pema rü tama nüxŭ pecuèx na ngextã ne chaxũxŭ rü tama nüxŭ pexcèx na ngextã tá chaxũxŭ. ¹⁵ Pema rü choxŭ pengügü i ñoma i naãñecũãx i duũxŭgü nãgu rüxĩnũexũãcũmamare. Natürü i choma rü taxũexũma changugü. ¹⁶ Natürü ngèxguma chi texèxŭ changugügu rü aixcũma meãma tũxŭ changugü. Erü tama chaxicatama tũxŭ changugü, natürü yima Chaunatü ga nüma choxŭ mucũmaã nixĩ i wũxigu tũxŭ tangugũxŭ. ¹⁷ Rü ngẽma mugü ga Moĩché ñmatüxŭ i nãgu pexĩxŭ, rü ñanagürü:

“Ngèxguma taxre i duũxŭgü rü wũxitama i orexŭ yaxugügu, rü ngẽmawa äexgacü nüxŭ nacuèx na aixcũma yixŭ i ngẽma nüxŭ yaxugũexŭ”, ñanagürü. ¹⁸ Rü dücac, choma nixĩ i wüxi i chauchigaxŭ chixuxŭ rü Chaunatü ga nüma choxŭ mucü nixĩ ya naĩ. ¿Rü tũxçüũ tama choxŭ peyaxõgũchaũ i ññuxmax? —ñanagürü. ¹⁹ Rü yexguma ga nümagü rü nüxna nacagü rü ñanagürügü: —¿Ngeçü ya yima Cunatü? —ñanagürügü. Rü Ngechuchu nanangãxŭ rü ñanagürü: —Choxŭ rü tama pecuèx rü Chaunatüxŭ rü ta tama pecuèx. Rü ngèxguma chi choxŭ pecuèxgügu rü Chaunatüxŭ rü chi ta pecuèxgü —ñanagürü. ²⁰ Rü yema orexŭ nixu ga Ngechuchu ga yexguma nanguxẽetaegu ga tupauca ga taxũnewa naxũtawã ga yema nachica ga ngextã duũxŭgü tupaucana dũerũ ngĩxŭ ñxãgũxũwa. Natürü taxuũma Ngechuchuxŭ niyaxugü, yerü tauta nawa nãgu ga yema ngunexŭ ga nãgu yayauxgũãxŭ.

Ngechuchu rü Parichéugümaã nüxŭ nixu rü ngextã nüma ñnaxũxũtwa rü taxucürũwa ngẽma naxĩ

²¹ Rü Ngechuchu rü wenaxãrũ namaã nüxŭ nixu, rü ñanagürü: —Choma rü tá pexna chixü i nüma, rü pema rü tá chauxcèx pedaugü, natürü tá perü pecadugu peyue. Rü ngextã

íchaxũxũwa rŭ taxucũrũwama ngema pexĩ —ñanagũrũ. ²² Rũ yexguma ga yema Yudiũgũ rŭ ñanagũrũgũ: —¿Éxna nũgũ tátama nimèx rŭ ngémacèx tamaã nũxũ yaxuxũ na taxucũrũwama ngema íxĩũ i ngẽma ínaxũxũwa? —ñanagũrũgũ. ²³ Rũ Ngechuchu ñanagũrũ nũxũ: —Pema rŭ ñoma i naãnecũãx i duũxũgũ pixĩgũ, natũrũ i choma rŭ daxũguxũ i naãnewa ne chaxũ. Pema rŭ ñoma i naãneãrũ duũxũgũ pixĩgũ natũrũ i choma rŭ tama ñoma i naãnecũãx chixĩ. ²⁴ —Rũ ngémacèx pemaã nũxũ chixu rŭ tá perũ pecadugu payue. Erũ ngẽxguma tama choxũ peyaxõgũga na choma chixũ i Cristu, rŭ perũ pecadugu tá payue —ñanagũrũ. ²⁵ Rũ yexguma nũxna nacagũe, rŭ ñanagũrũgũ: —¿Natũrũ texé quixĩ i cumax? —ñanagũrũgũ. Rũ Ngechuchu nanangãxũ, rŭ ñanagũrũ: —Marũ noxritama pemaã nũxũ chixu na texé chĩxũ. ²⁶ —Rũ choma rŭ choxũ nangẽxma i muxũma i ñacũ i chomatama pexũ changũxẽchẽchãxũ rŭ ñacũcèx pexna na chaxaxũ, natũrũ tãitãma chanaxũ i ngẽma. Erũ yima Chaunatũ ga nũma choxũ mucũ chomaã nũxũ ixuxũ i orexicatama nixĩ i ñoma i naãnecũãxgũmaã nũxũ chixuxũ. Rũ guxũma i ngẽma nũxũ yaxuxũ ya Chaunatũ, rŭ aixcũma nixĩ —ñanagũrũ. ²⁷ Natũrũ nũmagũ rŭ tama nũxũ nacuxẽgũega ga Nanatũ ya Tupanachiga na yĩũũ na yema ñaxũ ga Ngechuchu. ²⁸ Rũ yemacèx ga Ngechuchu rŭ ñanagũrũ nũxũ: —Choma nixĩ i Tupana Nane i duũxũxũ chĩxũ. Rũ yixcũra ngẽxguma curuchawa choxũ pipotagũgu, rŭ tá nũxũ picuxẽchitanũ na Cristu na chĩxũ. Rũ tá nũxũ pecuèx na taxũma chaucehamatama chaxũxũ. Rũ ngẽma Chaunatũ chomaã nũxũ ixuxũxĩcatama nixĩ i pemaã nũxũ chixuxũ. ²⁹ —Yima nũma choxũ mucũ ya Chaunatũ rŭ chauxũtawa nangẽxma. Rũ taguma choxna nixũgachi, erũ choma rŭ guxũguma chanaxũ i ngẽma norũ ngũchã íxĩũ —ñanagũrũ. ³⁰ Rũ yexguma yema ñaxgu ga Ngechuchu rŭ muxũma ga duũxũgũ nũxũ nayaxõgũ.

Yĩxema Tupanaxãcũgũ íxĩgũxechiga, rŭ yĩxema pecadutũũwa ngẽxmagũxechiga

³¹ Rũ yexguma ga Ngechuchu rŭ ñanagũrũ nũxũ ga yema Yudiũgũarũ ãexgacũgũ ga nũxũ yaxõgũxũ: —Ngẽxguma pema meãma peyaxõgũechagu i ngẽma pemaã nũxũ chixuxũ, rŭ aixcũmaxũchi tá chorũ ngũxũgũ pixĩgũ. ³² —Rũ tá nũxũ pecuèx i ore i aixcũma íxĩxũ. Rũ ngẽma ore tá pexũ ínangũxũxẽ —ñanagũrũ. ³³ Rũ nũmagũ rŭ Ngechuchuxũ nangãxũgũ, rŭ ñanagũrũgũ: —Toma rŭ nuxcũmaũcũ ga torũ oxĩ ga Abrãũtaa tixĩgũ rŭ taguma texémèxewa tangẽxmagũ. ¿Ñuxãcũ i cumax rŭ tá na ítangũxũxũ, ñacuxũ? —ñanagũrũgũ. ³⁴ Rũ Ngechuchu ñanagũrũ nũxũ: —Aixcũma pemaã nũxũ chixu rŭ guxãma ya pecaduãxẽ rŭ pecadutũũwa tangẽxmagũ. ³⁵ —Wũxi i coriarũ duũxũmare rŭ tama norũ coripatacũãx nixĩ. Natũrũ wũxi i cori nane rŭ guxũguma nanatũ nane nixĩ. ³⁶ —Choma rŭ Tupana Nane chixĩ. Rũ ngẽxguma chí choma pecaduna pexũ íchanguũxẽgũ, rŭ aixcũma tá nũxna ípengũ. ³⁷ —Marũ nũxũ chacuèx na Abrãũtaa pixĩgũxũ i pemax. Natũrũ choxũ pimèxgũchã erũ tama aixcũma choxũ peyaxõgũ i ngẽma ore i pemaã nũxũ chixuxũ. ³⁸ —Choma rŭ yema Chaunatũ choxũ wéxũ nixĩ i pemaã nũxũ chixuxũ. Natũrũ pema rŭ penaxũ i ngẽma penatũ pemaã nũxũ ixuxũ —ñanagũrũ ga Ngechuchu. ³⁹ Rũ nũmagũ rŭ Ngechuchuxũ nangãxũ rŭ ñanagũrũgũ: —Torũ oxĩ nixĩ ga Abrãũ —ñanagũrũgũ. Natũrũ Ngechuchu nanangãxũ rŭ ñanagũrũ nũxũ: —Ngẽxguma chí aixcũma Abrãũtaa pixĩgũgũ rŭ chí Abrãũ úxũrũũ penaxũ. ⁴⁰ —Natũrũ woo pemaã nũxũ chixu i ore i aixcũma íxĩxũ ga Chaunatũ ga Tupana choxũ nguxẽxũ, rŭ pema rŭ choxũ pimèxgũchã. Natũrũ ga Abrãũ rŭ taguma yemaãcũ nanaxũ. ⁴¹ —Pema rŭ penaxũ i penatũgũcũmatama —ñanagũrũ. Rũ yexguma ga nũmagũ rŭ ñanagũrũgũ: —Toma rŭ tama tangũrũwatũgũmare, rŭ toxũ nangẽxma ya wũxitama ya tonatũ. Rũ yima nixĩ ya Tupana —ñanagũrũgũ. ⁴² Rũ Ngechuchu nanangãxũ, rŭ ñanagũrũ nũxũ: —Ngẽxguma chí aixcũma Tupana yixĩgu ya penatũ rŭ choxũ chí pengechã, erũ choma rŭ Tupanaxũtawa nixĩ i ne chaxũxũ, rŭ ngémacèx chanuxma. Rũ tama chaucehamatama nũma chaxũ, natũrũ nũma chaxũ yerũ Chaunatũ ya Tupana nũma choxũ namu. ⁴³ —¿Tũxũtũ tama nũxũ pecuèxega i ngẽma pemaã nũxũ chixuxũ? Pexũ naguxcha erũ woetama tama iperũxĩnũchã i ngẽma pemaã nũxũ chixuxũ i ore. ⁴⁴ —Penatũ rŭ Chataná nixĩ rŭ pema rŭ naxãcũgũ pixĩgũ. Rũ ngémacèx penaxũ i ngẽma nũma pexũ nanaxwèxexũ. Rũ ngẽma Chataná rŭ noxriarũ úgũgumama wũxi i mãetaxũ nixĩ. Rũ taguma ore i aixcũmaxũgu narũxĩnũ rŭ taguma ore i aixcũmaxũ nixu. Rũ ngẽxguma yadeaxgu rŭ doraxũxĩcatama nixu, erũ nũma rŭ wũxi i doratèxãxũ nixĩ. Rũ guxũma i doratèxãxũnatũ nixĩ. ⁴⁵ —Natũrũ i pema rŭ tama choxũ peyaxõgũchã erũ ore i aixcũmaxũ chixu. ⁴⁶ —¿Texé ya petanũwa choxũ dauxe na pecadu chaxũxũ? Rũ ñuxma na nũxũ chixuxũ i ore i aixcũma íxĩxũ, rŭ ¿tũxũcũũ tama choxũ peyaxõgũ? ⁴⁷ —Texé ya Tupanaãrũ duũxũ íxĩxẽ rŭ itarũxĩnũ i Tupanaãrũ ore. Natũrũ i pema rŭ tama Tupanaãrũ duũxũgũ pixĩgũ, rŭ ngémacèx nixĩ i tama iperũxĩnũchãxũ i Tupanaãrũ ore —ñanagũrũ.

Tauta nangõxgu ga Abrãũ rŭ Cristu rŭ marũ nayexma

⁴⁸ Rũ yexguma ga yema Yudiũgũarũ ãexgacũgũ rŭ ñanagũrũgũ nũxũ: —Rũ aixcũma nixĩ ga yema torũ ore ga yexguma ñatagũgũgu:

“Cuma rü wüxi i Chamáriacũãx quixĩ, rü ngoxo cuwa nangẽxma”, ñatagũgũga – ñanagũrũgũ. ⁴⁹ Rũ Ngechuchu nanangãxũ, rü ñanagũrũ nüxũ: –Chowa rü nataxuma i ngoxo. Rũ ngẽma chaxũxũ nixĩ na Chaunatũxũ chicuẽxũũxũ, natũrũ i pema rü chixri chauchiga pidexagũ. ⁵⁰ –Choma rü tama naxcẽx chadau na texẽ choxũ icuẽxũũgũũcẽx. Natũrũ Tupana nixĩ ya naxwẽxecũ na duũxũgũ choxũ icuẽxũũgũxũ. Rũ nüma tá nanapoxcue i ngẽma chauxchi aixexũ. ⁵¹ –Aixcũma pemaã nüxũ chixu, rü texẽ ya naga ñũxẽ i ngẽma tũmamaã nüxũ chixuxũ rü guxũgutãma tamaxẽcha –ñanagũrũ. ⁵² Rũ yexguma ga yema Yudiũgũarũ ãẽxgacũgũ, rü Ngechuchuxũ nangãxũgũ, rü ñanagũrũgũ: –Ñũxma rü meãxũchima nüxũ tacuẽx na cuwa nangẽxmaxũ i wüxi i ngoxo. Yerũ ga Abrãũ rü guxũma ga nuxcũmaũgũxũ ga Tupanaãrũ orearũ uruũgũ rü nayue. Natũrũ cuma rü ñũxma tomaã nüxũ quixu rü texẽ ya naga ñũxẽ i ngẽma curũ ore rü guxũgutãma tamaxẽcha –ñacurũgũ. ⁵³ –¿Ëxna cuma rü tórũ oxĩ ga Abrãũãrũ yexera quixĩ? Yerũ nüma rü nayu rü guxũma ga nuxcũmaũgũxũ ga Tupanaãrũ orearũ uruũgũ rü ta nayue. ¿Rũ cugũcẽx rü texẽ quixĩ? –ñanagũrũgũ. ⁵⁴ Rũ Ngechuchu nanangãxũ, rü ñanagũrũ nüxũ: –Ëga chaugũ chitama chicuẽxũũgũ rü ngẽma rü taxuwama name. Natũrũ yima choxũ icuẽxũũcũ rü Chaunatũ nixĩ. Rũ yima Chaunatũtama nixĩ ya perũ Tupana ixĩcũ –ñapegũcũ nüxũ. ⁵⁵ –Natũrũ i pema rü tama aixcũma nüxũ pecuẽx ya Chaunatũ ya Tupana. Natũrũ i choma rü ngẽmããcũ nüxũ chacuẽx. Rũ ngẽxguma chi:

“Tama nüxũ chacuẽx”, ñachaxgu, rü pexrũũ chi wüxi i doratẽxãxũ chixĩ. Natũrũ i choma rü aixcũmaxũchima nüxũ chacuẽx ya Chaunatũ ya Tupana, rü naga chaxĩmũ i guxũma i norũ ore i chomaã nüxũ yaxuxũ. ⁵⁶ –Perũ oxĩ ga Abrãũ rü nataãẽ yerũ aixcũma nayaxõ rü tá na íchanguxũ i ñoma i naãnewa. Rũ yemaxũ nacuẽx rü yemacẽx nataãẽ –ñanagũrũ ga Ngechuchu. ⁵⁷ Rũ yexguma ga yema Yudiũgũarũ ãẽxgacũgũ rü Ngechuchuxũ nangãxũgũ, rü ñanagũrũgũ: –Cuma rü tauta 50 ya taunecũ cuxũ nangẽxma. ¿Ñũxãcũ Abrãũxũ cudau ga tauta cungoxgux ga yexguma? –ñanagũrũgũ. ⁵⁸ Rũ Ngechuchu nanangãxũ rü ñanagũrũ nüxũ: –Aixcũma pemaã nüxũ chixu rü tauta Abrãũ ngoxgu rü choma rü marũ chayexma –ñanagũrũ. ⁵⁹ Rũ yexguma ga nũmagũ rü nutane nanayauxgũ na gumamaã ñamaxũchigũãxũcẽx. Natũrũ ga Ngechuchu rü naxchaxwa ñicux. Rũ yemaãcũ ñanaxũxũ nawa ga guma tupauca ga taxũne.

9

Ngechuchu nanamexẽẽ ga wüxi ga yatũ ga norũ bucũma ngexetũcũ

¹ Rũ yexguma namagu tomaã yaxũxgu ga Ngechuchu, rü yéma nüxũ nadau ga wüxi ga yatũ ga woetama norũ bucũma ngexetũcũ. ² Rũ toma ga norũ ngũexũgũ rü nüxna tacagũ, rü ñatarũgũgũ: –Pa Ngũxẽẽruũx, ¿Tũxcũũ ngexetũcũma nabu ya daa yatũ? ¿Ëxna nanatũ rü naẽãrũ pecadugagu rü Ëxna norũ pecadugagutama? –ñatarũgũgũ. ³ Rũ Ngechuchu toxũ nangãxũ, rü ñanagũrũ toxũ: –Tama norũ pecadugagu rü tama i nanatũ rü naẽãrũ pecadugagu nixĩ i ngẽmããcũ nabuxũ. Natũrũ ngẽmããcũ nabu na nawa nüxũ pedauxũcẽx na ñũxãcũ Tupana tũxũ na rũmexẽẽxũ. ⁴ –Rũ ñoma rü ta nangune rü name nixĩ na paxama na naxũxũ i ngẽma puracũ ya Chaunatũ ga nũma choxũ mucũ tũxna ãxũ. Erũ paxa tá nachũta rü ngẽxguma rü taxucũrũwama texẽ tá tapuracũ. ⁵ –Rũ ñũxma na ñoma i naãnewa changẽxmaxũ rü ñoma i naãneãrũ ngõonexẽẽruũ chixĩ –ñanagũrũ. ⁶ Rũ yexguma yema ñaxguwena rü Ngechuchu waixũmũãnewa nacuaxi. Rũ yema waixũmũ ga iwaixũmãã nanachaxetũ ga guma yatũ ga ngexetũcũ. ⁷ Rũ yexguma guma ngexetũcũxũ ñanagũrũ: –¿Dexãmaã cugũ yayauxetũ i Chiruẽarũ puchuwa! –ñanagũrũ. Rũ ngẽma naega rü “Tũxũ muxũ”, ñaxũchima nixĩ. Rũ yéma naxũ ga guma ngexetũcũ rü nügũ dexãmaã nayauxetũ. Rũ yexguma nataegugu rü marũ nidauchixetũ. ⁸ Rũ yexguma ga yema duũxũgũ ga guma ngexetũcũpataarũ ngaicamagu pegũxũ rü yema duũxũgũ ga ñpaacũ nüxũ daugũxũ ga na nangexetũxũ, rü ñanagũrũgũ: –¿Taux Ëxna i ñãã yĩxũ ga yema yatũ ga ngexetũchirẽxũ ga duũxũgũxũ diẽrucẽx cẽexũxũ? –ñanagũrũgũ. ⁹ Rũ nümaxũ rü ñanagũrũgũ: –Ngẽmããcũ nüma nixĩ –ñanagũrũgũ. Rũ togũ rü ñanagũrũgũ: –Tama nixĩ i yima yĩxũ, natũrũ nanangẽxgumarãxũchĩ –ñanagũrũgũ. Natũrũ nümatama ga guma yatũ ga ngexetũchirẽcũ, rü ñanagũrũ: –Ngẽmããcũ choma chixĩ –ñanagũrũ. ¹⁰ Rũ yexguma ga yema duũxũgũ rü nüxna nacagũ rü ñanagũrũgũ: –¿Rũ ñũxãcũ nixĩ i marũ quidauchixũ i ñũxmax? –ñanagũrũgũ. ¹¹ Rũ nüma nanangãxũ rü ñanagũrũ: –Yima yatũ ya Ngechuchugu ãegacũ rü yima waixũmũãnewa nacuaxi. Rũ yema waixũmũ ga iwaixũmãã choxũ nachaxetũ. Rũ ñanagũrũ choxũ:

“¿Yéa Chiruẽarũ puchuwa naxũ rü ngema dexãmaã cugũ yayauxetũ!” ñanagũrũ choxũ. Rũ yéma chaxũ, rü yexguma dexãmaã chaugũ chayauxetũgũ rü chidauchi –ñanagũrũ ga guma yatũ. ¹² Rũ yexguma nüxna nacagũe, rü ñanagũrũgũ: –¿Ngextã nangẽxmaxũ i ñũxma

ya yima yatü ga cuxü rümexêêcü? –ñanagürügü. Rū nūma ga guma yatü ga ngexetüchirécü rü ñanagürü: –Tama nūxü chacuèx –ñanagürü.

Parichéugü rü guma ngexetücü ga Ngechuchu namexêêcüna nacagüe

¹³⁻¹⁴ Natürü yema ngunexü ga Ngechuchu nagu namexêêxü ga guma ngexetücü, rü ngüxchigaarü ngunexü nixü. Rū yemacèx ga duñxügü rü Parichéugüxütawa nanagagü ga guma yatü ga ngexetüchirécü. ¹⁵ Rū yexguma ga yema Parichéugü rü nūxna nacagüe ga guma yatü, rü ñanagürügü: –¿Ñuxácü i marü curümexëtüxü i ñuxmax? –ñanagürügü. Rū nūma nanangäxü rü ñanagürü: –Waixümü ga naxbüxágümaã yawaixêêxümaã choxü nachaxetü ga Ngechuchu, rü ñuxüchi dexámaã chaugü chayayauxetü, rü ngêmacèx marü chidauchi –ñanagürü. ¹⁶ Rū yexguma ga ñuxre ga Parichéugü rü ñanagürügü: –Yema yatü ga cuxü rümexêêxü rü tama Tupanaärü duñxü nixü, erü tama nanaxaure i ngüxchigaarü ngunexü –ñanagürügü. Natürü togü ga Parichéugü rü ñanagürügü: –¿Ñuxácü nanaxü i ngêma cuèxruü i mexü i taxü ega wüxi i pecaduáxü yixüxug? –ñanagürügü. Rū yemaácü nügü nitoye ga nagu naxüñüxüwa ga yema Parichéugü. ¹⁷ Rū wena nūxna nacagüe ga guma yatü ga ngexetüchirécü, rü ñanagürügü: –¿Natürü cuma rü ñuxü ñacuxü nachiga i ngêma yatü ga cuxü rümexêêxü? –ñanagürügü. Rū nūma nanangäxü, rü ñanagürü: –Chauxcèx rü wüxi i Tupanaärü orearü uruü nixü –ñanagürü. ¹⁸ Natürü ga yema Yudiugüarü äëxgacügü rü tama nūxü nayaxögüchañ ga nūma na yüxü ga na nangexetüchiréxü ga noxrix, rü ñuxma rü marü na yadauchixü. Rū yemacèx ga yema äëxgacügü rü tümacèx nangemagü ga nanatü rü naë ga guma yatü ga rümexëtücü. ¹⁹ Rū tüxna nacagü, rü ñanagürügü: –¿Daa yüxü ga guma pene ga nūxü pixucü ga woetama ngexetüácü bucü? ¿Ñuxácü i ñuxma i yadauchixü? –ñanagürügü. ²⁰ Rū nanatü rü naë tanangäxügü rü ñatarügügü: –Ngêmaácü nūxü tacuèx rü daa nixü ya tone ga ngexetüácüma buchirécü. ²¹ Natürü tama nūxü tacuèx ga ñuxácü na yadauchixü i ñuxmax. Rū tama nūxü tacuèx ga texé na namexëtüxêêxü. ¿Ecü nūxnatama pecagü! Erü nūma rü marü naya, rü nūmatama pemaã nūxü na yaxuxücèx –ñatarügügü. ²² Rū yema ñatarügügü ga nanatü rü naë, yerü tamuñê. Yerü ga Yudiugüarü äëxgacügü rü marü nügümaã nanamexêêgü na tüxü ñnatèxüchigüxcèx ga ngutaquèxepatañwa ga texé ga Ngechuchuaxü yaxöxê na Cristu yüxü. ²³ Rū yemacèx nixü ga nanatü rü naë ga ñatagügüxü: “¿Ecü, nūxnatama pecagü! Erü nūma rü marü naya i pecaduáxü na yaxuxücèx –ñatarügügü. ²⁴ Rū yexguma ga yema Yudiugüarü äëxgacügü rü wenaxärü naxcèx nacagü ga guma ngexetüchirécü. Rū ñanagürügü nūxü: –Rü ñuxma tanaxwèxe i Tupanapèxewa rü aixcüma tomaã nūxü quiXu na texé cuxü rümexêêxü. Erü toma rü meãma nūxü tacuèx i ngêma Ngechuchu rü wüxi i pecaduáxü na yüxü –ñanagürügü. ²⁵ Rū nūma nanangäxü rü ñanagürü nūxü: –Choma rü tama nūxü chacuèx ega wüxi i pecaduáxü yixüga rü éxna tama. Rū ngêma nūxü chacuáxü nixü ga na changexetüchiréxü ga noxrix rü ñuxma rü na chidauchixü –ñanagürü. ²⁶ Rū wenaxärü nūxna nacagüe, rü ñanagürügü: –¿Rü tacü nixü ga cumaã naxüxü? ¿Rü ñuxácü ga naxüáxü ga cuxü na yadauchixetüxêêxü? –ñanagürügü. ²⁷ Rū nanangäxü rü ñanagürü nūxü: –Marü pemaã nūxü chixu, rü tama choxü iperüxüñüéchañ. ¿Tüxcüü penaxwèxe na wena pemaã nūxü chixuxü? ¿Éxna pema rü ta nūxü peyaxögüchañ? –ñanagürü. ²⁸ Rū yexguma rü guma yatümaã chixexü nixugüe, rü ñanagürügü: –Cumaerü nixü i nūxü cuyaxöxü i ngêma yatü, natürü i toma rü Moïchéarü oreaxü nixü i tayaxögüxü. ²⁹ –Toma rü nūxü tacuèx ga Tupana rü aixcüma Moïchémaã na yadexaxü, natürü ngêma Ngechuchu rü tama nūxü tacuèx na ngextá na ne naxüxü –ñanagürügü. ³⁰ Rū guma yatü nanangäxü, rü ñanagürü nūxü: –¿Ñuxácü nixü i ngêma? Nūma rü marü choxü narümexëtüxêê, natürü ¿ñuxácü i pema i tama nūxü pecuáxü na ngextá ne naxüxü? ³¹ –Rü guxäma i yixema rü meãma nūxü tacuèx rü Tupana tama nūxü naxüñü i pecaduáxügüñärü yumüxê. Natürü Tupana rü tüxü nūxü naxüñü i tümaärü yumüxê ya yixema nūxü icuèxütügüxe rü naxüxe i Tupanaärü ngüchañ. ³² –Taguma ñuxgu nūxü taxüñüchiga i wüxi i yatü na yadauchixêêäxü i wüxi i duñxü i norü bucüma ngexetüxü. ³³ –Rü ngëxguma chi tama Tupana nūma namuxgux ya daa yatü ya choxü rümexêêcü, rü taxuacü chima mexü naxü –ñanagürü ga guma yatü ga ngexetüchirécü. ³⁴ Rū yexguma ga yema Yudiugüarü äëxgacügü, rü ñanagürügü nūxü: –Cuma na pecadugu na cubuxü, ¿rü ñuxácü cunaxwèxe na toxü cungüxêêéchañ? –ñanagürügü. Rū ñuxüchi ñanatèxüchigü ga ngutaquèxepatañwa.

Duñxügü i tama yaxögüxü rü ngexetüxürüü nixügü

³⁵ Rū Ngechuchu rü nūxü nacuáchiga ga na ñnatèxüchigüáxü ga guma ngexetüchirécü. Rū yexguma nūxü nadèuxgu, rü ñanagürü nūxü: –¿Nūxü cuyaxöxü ya Tupana Nane ya duñxüxü ixücü? –ñanagürü. ³⁶ Rū yexguma ga nūma rü Ngechuchuxü nangäxü rü ñanagürü: –Pa Corix, ¿chomaã nūxü ixu na texe yüxü na nūxü chayaxöxücèx! –ñanagürü. ³⁷ Rū Ngechuchu nanangäxü, rü ñanagürü: –Marü nūxü cudadu ya Tupana Nane. Rū

chomatama nixi i cumaã na íchidexaxŦ chĩxŦ —ñanagŦrũ. ³⁸ Rũ yexguma ga guma yatũ ga ngexetũchirécũ rũ Ngechuchupéxegu nacaxãpũxũ, rũ nũxũ nicuèxũŦ, rũ ñanagŦrũ nũxũ: —Ngẽmaãcũ cuxŦ chayaxõ, Pa Corix —ñanagŦrũ. ³⁹ Rũ yexguma ga Ngechuchu rũ ñanagŦrũ: —Rũ ñoma i nañewa chaxũ na chayadexechixũcèx i chorũ duũxũgũ nũxna i ngẽma duũxũgũ i tama choxrũ ixĩgũxũ. Rũ nuã chaxũ na chanameẽxẽxũcèx i ngẽma duũxũgũ i noxri tama Tupanaxũ cuèxgũxũ. Rũ ngẽgumarũŦ ta nũma chaxũ na duũxũgũ i tama choxũ cuèxgũchaxũxũŦ chanawèxũ na duũxũgũ i ngexetũxŦrũŦ na yixĩgũxũ, erũ tama choxũ nayaxõgũchaũ —ñanagŦrũ. ⁴⁰ Rũ ñuxre ga Parichéugũ ga yẽma Ngechuchumaã yexmagũxũ, rũ yexguma yema orexũ naxĩnũegu, rũ Ngechuchuna nacagũ, rũ ñanagŦrũgũ: —¿Ëxna toma rũ ta tama Tupanaxũ tacuèxgũ ñacuxũ? —ñanagŦrũgũ. ⁴¹ Rũ Ngechuchu nanangãxũ rũ ñanagŦrũ nũxũ: —Ngẽxguma chi tama aixcũma Tupanaxũ pecuèxgũgu rũ tãu chima pegagu nixi na pepecaduãxgũxũ. Natũrũ ngẽma na pegũ pixuxũ na Tupanaxũ pecuãxũ rũ ngẽmacèx pegagutama nixi na pepecaduãxgũxũ i ñuxmax —ñanagŦrũ.

10

Carnerugũarũ dauruũ rũ norũ carnerugũ

¹ Rũ yexguma ga Ngechuchu rũ ñanagŦrũ: —Rũ aixcũma pemaã nũxũ chixu rũ ngẽma yatũ i tama carnerupũxũãrũ ãxwa ixũcuxũŦ rũ wũxi i ngŦtèxãxũ nixi i ngẽma, erũ ngextãmare nixũcu. ² —Natũrũ ngẽma carnerupũxũãrũ ãxwa meãma ixũcuxũŦ, rũ ngẽma nixi i norũ dauruũxũchi i carnerugũ. ³ —Rũ ngẽma yatũ i carnerupũxũãrũ ãxwa dauxũ rũ nayawãxna i ãx na yaxũcuxũcèx i carnerugũarũ dauruũ. Rũ nũma i carnerugũ rũ nũxũ nacuèxgũ i naga i ngẽma norũ dauruũ. Rũ ngẽma norũ dauruũ rũ wũxichigũ i norũ carneru rũ naegamaã naxcèx naca na ínamuxũãxũcèx i naxpũxũwa. ⁴ —Rũ ngẽxguma ínamuxũãxgu i guxũma i norũ carnerugũ, rũ nũma i norũ dauruũ rũ napéxegu nixũchigũ. Rũ nũmagũ i carnerugũ rũ nawe narixũ, erũ nũxũ nacuèxgũ i naga. ⁵ —Natũrũ ngẽxguma wũxi i yatũ i tama aixcũma norũ dauruũ ixĩxũ, rũ tama nawe narixũ i ngẽma carnerugũ. Rũ nũxna naxĩgũ, erũ tama nũxũ nacuèxgũ i naga i ngẽma tama norũ dauruũ ixĩxũ —ñanagŦrũ ga Ngechuchu. ⁶ Rũ Ngechuchu rũ duũxũgũmaã nũxũ nixu ga yema ore ga cuèxruũ, natũrũ ga nũmagũ rũ tama nũxũ nacuèxgũega ga ãacũchiga na yĩxũ.

Ngechuchu rũ carneruarũ dauruũ ya mecũ nixi

⁷ Rũ yexguma ga Ngechuchu rũ wenaxãrũ ñanagŦrũ nũxũ: —Aixcũma pemaã nũxũ chixu rũ choma nixi i carnerupũxũãrũ ãx i nawa yachocuxũxũ i carnerugũ. ⁸ Guxũma ga yema chopegu nũxira nũma íxũ rũ ngŦtèèxgũxũ rũ máètagũxũ nixĩgũ. Natũrũ yema carnerugũ rũ tama naga naxĩnũe. ⁹ Choma nixi i ãx. Rũ texè ya chowa ixũcuxè rũ tá tamaxũ. Rũ meãma tá tũxũ naxũpetũ ngẽxgumarũŦ i wũxi i carneru i naxpũxũgu ùcuxũŦ rũ íxũxũxũŦ rũ nũxũ iyangaucũ ya mecũ ya maxè. ¹⁰ Ngẽma ngŦtèxãxũ rũ nũma naxũ na yangŦxũcèx rũ namáètaxũcèx rũ nachixexèèãxũcèx. Rũ ngẽmacèxicatama nũma naxũ. Natũrũ i choma rũ nũma chaxũ na chanamaxèxèxũcèx i duũxũgũ rũ na aixcũma nũxũ nangèxmaxũcèx i maxũ i taguma gũxũ. ¹¹ Choma nixi i carneruarũ dauruũ ya mecũ chĩxũ. Erũ wũxi i carneruarũ dauruũ ya mecũ rũ norũ carnerugũxũ ínapoxũŦ rũ ñuxmata naxcèx nayux. ¹² Natũrũ ngẽma dĩerucèxmare puracũxũ, rũ ega ngẽxguma aixũ nadèuxgux rũ carnerugũna ngema niãa. Rũ ngẽmaãcũ nanaxũ erũ tama aixcũma norũ dauruũ nixi i nũmax, rũ tama noxru nixi i ngẽma carnerugũ. Rũ ngẽma ai rũ carnerugũxũ ínayauxũ rũ ngèxma tũxũ naxũanexèèmare. ¹³ Rũ ngẽma yatũ rũ niãa, erũ norũ dĩerucèxicatama ngẽma napuracũ. Rũ tama aixcũma carnerugũgu narũxĩnũ. ¹⁴⁻¹⁵ Choma nixi i carnerugũarũ dauruũ ya mecũ chĩxũ. Rũ ngẽxgumarũŦ ya Chaunatũ na choxũ nacuãxũ rũ choma rũ Chaunatũxũ na chacuãxũ, rũ ngẽxgumarũŦ ta nũxũ chacuèx i chorũ carnerugũ, rũ nũmagũ rũ choxũ nacuèxgũ. Rũ choma rũ naxcèx chayũ i chorũ carnerugũ. ¹⁶ Rũ choxũ nangèxmagũ ta i togũ i carnerugũ i tama ñaã naxpũxũwa ngèxmagũxũ. Rũ ngèmagũ rũ tá ta nuã chanagagũ, rũ tá chauga naxĩnũe. Rũ wũxĩtũcumũ tãtama nixi rũ choma tãtama nixi i norũ dauruũ chĩxũ. ¹⁷ Chaunatũ rũ choxũ nangechaũ, erũ chorũ carnerugũcèx chayũ rũ wena táxaruũ chamaxũ. ¹⁸ Taxũema choxũ tayuxèe, natũrũ chomatama chorũ ngũchaũmaãtama ichanaxã i chorũ maxũ. Erũ choxmèxwa nangèxma na ichanaxãxũcèx, rũ wena na chanayaxuxũcèx, yerũ yemaãcũ choxũ namu ga Chaunatũ —ñanagŦrũ. ¹⁹ Rũ yexguma yema orexũ naxĩnũegu ga yema Yudũgũarũ ãèxgacũgũ rũ wenaxãrũ nũgũ nitoye ga yema nagu naxĩnũèxũwa. ²⁰ Rũ muxũma ga nũmagũ rũ ñanagŦrũgũ: —¿TũxũcũŦ nũxũ íperũxĩnũe i ñaã yatũ i ngèãèxũ i ngoxo nawa ngèxmaxũ? —ñanagŦrũgũ. ²¹ Natũrũ ga togũ rũ ñanagŦrũgũ: —Taxũma i yatũ i ngoxo nawa ngèxmaxũ rũ ñaãrũŦ meã nidexa. ¿Nũxãcũ i wũxi i yatũ i ngoxo nawa ngèxmaxũ rũ tũxũ narũmexètũxèe ya wũxi ya ngexetũxe? —ñanagŦrũgũ.

Yudũgũarũ ãèxgacũgũ rũ Ngechuchuxũ naxoe

²² Rū nawa nangu ga yema peta ga gucū ga taunecūgu norū tupauca ga taxūnecēx naxūgūxū ga Yudiūgū na nūxna nacūēxāchigūxūcēx ga yema ngunexū ga nagu yanguxū ga guma tupauca. Rū nagāuane ga Yerucharēūwa ga yexguma. ²³ Rū guma tupauca ga taxūnēwa nayexma ga wūxi ga chopetūchica ga Charumōūārū Chopetūchicagu āegaxū. Rū yemagu nayarūxūxū ga Ngechuchu. ²⁴ Rū ga yema Yudiūgiārū āēxgacūgu rū nūxū īnachomaēguāchi, rū űanagūrūgū nūxū: —ĴNuxguratāta tomaā quixaixcūma na cugū quixuxū na texē na quīxū? Ega aixcūma cuma rū Cristu quixūgu, rū jmeā noxtacūma tomaā nūxū ixu! —űanagūrūgū. ²⁵ Rū Ngechuchu nanangāxū, rū űanagūrū nūxū: —Marū pemaā nūxū chixu, natūrū i pema rū tama choxū peyaxōgū. Guxūma i űacū i chaxūxū rū Chaunatiārū poramaā nixī i chanaxūxū, rū ngēmawa meāma pexū nūxū chadauxēē na choma rū Cristu na chīxū. ²⁶ —Natūrū pema rū tama peyaxōgū, erū tama chorū carnerugūtanūxū pixīgū. ²⁷ —Chorū carnerugū rū nūxū nacūēx i chauga, rū choma rū chorū carnerugūxū chacuēx, rū nūma rū chowe narūxī. ²⁸ —Rū choma rū nūxna chanaxā i maxū i taguma gūxū. Rū nūmagū rū tagutāma inayarūtauxe, rū taxūētāma choxna tanapuxū i choxmēxwa. ²⁹ —Rū yīxema Chaunati choxna tūxū mugūxe ya chorū carnerugū, rū guxūārū yexera tixī i napēxewa. Rū taxūema texē nūxna tūxū tapuxū. ³⁰ —Chaunati rū choma rū wūxitama tixīgū —űanagūrū. ³¹ Rū yexguma ga yema Yudiūgiārū āēxgacūgu rū wenaxārū nutane nanayauxgū na gumamaā Ngechuchuxū īnamuxūchigūxūcēx. ³² Natūrū ga Ngechuchu rū űanagūrū nūxū: —Pepēxewa chanaxū i muxūma i mexūgū i Chaunatiārū poramaā chaxūxū. ĴRū ngēxūrūxūxū i ngēma mexū i chaxūxūcēx nixī i choxū nutamaā īpemuxūchigūchaūxū? —űanagūrū. ³³ Rū yema Yudiūgiārū āēxgacūgu rū Ngechuchuxū nangāxūgū, rū űanagūrūgū: —Tama wūxi i puracū i mexūcēx cuxū ītamuxūchigūchaū. ³⁴ Natūrū cuxū ītamuxūchigūchaū erū Tupanamaā rū űacū quixugū. Cuma rū wūxi i duūxūmare quixī rū cugū Tupanaxū quixīxēchaū —űanagūrūgū. ³⁵ Rū nūma ga Ngechuchu rū űanagūrū nūxū: —Perū mugūpanewa rū naxūmatū i Tupanaārū ore i űaxū: “Rū pematama nixī i tupanagū pixīgūxū”, űaxū. ³⁶ —Rū ngēma Tupanaārū ore i űmatūxūwa nūxū yaxuxū, rū nūxū tacūēx rū taxucūrūwama texē itayanaxoxēē. Rū ngēma orewa rū Tupana rū űanagūrū: “Guxāma ya yīxema texē yanayauxgūxe i chorū ore rū tupanagū tixīgū”, űanagūrū i ngēma orewa. ³⁷ —Rū Tupana choxū nayaxu na chanaxūxūcēx i norū puracū, rū yemacēx űoma ga naānēwa choxū namu. ĴRū űuxācū i pema nagu perūxīnūēgu rū chixexū Tupanamaā chaxūxū i ngēxguma Tupana Nane chixī —űachagu pemaā? ³⁸ —Rū ngēxguma chi tama chanaxūxgu i ngēma mexū i Chaunati űxū, rū marū name ega woo tama choxū peyaxōgū. ³⁹ —Natūrū ngēxguma chanaxūxgu i ngēma Chaunati űxū, rū woo tama choxū peyaxōgū, rū chanaxwēxe i nūxū peyaxōgū i ngēma taxū i mexūgū i Chaunatiārū poramaā chaxūxū. Erū ngēmawa tā nūxū pecūēx na Chaunati rū chowa nangēxmaxū rū choma i nawa —űanagūrū. ⁴⁰ Rū wenaxārū Ngechuchuxū niyauxgūchaū ga yema Yudiūgiārū āēxgacūgu. Natūrū nūma ga Ngechuchu rū naxchaxwa űīna. ⁴¹ Rū yexguma ga Ngechuchu rū natū ga Yudāūārū tocutūcēx tomaā nataegu. Rū yema nachica ga Cuāū duūxūgūxū űpaacū nawa ībaiūxēēxūgu tomaā narūxāūx. ⁴² Rū muxūma ga duūxūgū rū Ngechuchuxū īnayadaugū, rū űanagūrūgū: —Cuāū rū taxūma ga taxū ga mexū ga cuēxruū naxū ga Tupanaārū poramaā. Natūrū guxūma ga ore ga Cuāū tamaā nūxū ixuxū ga űāa yatūchiga rū aixcūma nixī —űanagūrūgū. ⁴³ Rū yema nachicawa rū muxūma ga duūxūgū rū Ngechuchuxū nayaxōgū.

11

Dácharuarū yuxchiga

¹ Nayexma ga wūxi ga yatū ga idaawecū ga Dácharugu āegacū. Rū nūma rū naēyēxgū ga María rū Marta rū īāne ga Betāniācūlāx nixīgū. ² Rū yema María yixī ga Cori ga Ngechuchucutūgu pumara bacū rū űuxūchi ngīyaemaā īnapicutūcū. Rū guma Dácharu ga idaawecū nixī ga ngēnēē. ³ Rū porācū nīdaawe ga Dácharu. Rū yemacēx ga naēyēxgū, rū Ngechuchuxūtawa imugagū, rū ngīgūrūgūgū: “Pa Corix, cumūcū ya Dácharu ya nūxū cungechalcū rū nīdaawe”, ngīgūrūgūgū. ⁴ Rū yexguma yema orexū naxīnūga ga Ngechuchu, rū űanagūrū: —Ngēma daawe rū tāūtāma yumaā inayacuēx. Natūrū nīdaawe na duūxūgū nūxū nadaugūxūcēx na űuxācū naporaxū ya Tupana rū űuxācū choma i Nane rū ta na chororaxū —űanagūrū. ⁵ Rū Ngechuchu porācū María rū Marta rū Dácharuxū nangechaū. ⁶ Natūrū yexguma nūxū naxīnūgu ga na yađaawexū ga Dácharu, rū tama paxa īnayadau. Rū taxre ga ngunexūāmatama yexma narūxāūx ga yema nachica ga nawa nayexmaxūwa. ⁷ Rū yixcama ga yemawena rū toxū űanagūrū: —ĴNgīxā rū wena Yudēaanewa taxī! —űanagūrū. ⁸ Rū toma ga norū ngūexūgū rū űatarūgūgū nūxū: —Pa Ngūxēerūxū, yexwacatama nixī ga yēmacūlāx ga Yudiūgiārū āēxgacūgu yexma nutamaā

cuxŭ ímuxeŭchigüchaŭxŭ. ¿Rü tüxcüü wena ngema cuxŭchaŭ i ñuxmax? —ñatarügügü. ⁹ Rü Ngechuchu rü tomaã nüxŭ nixu ga wüxi ga ore na nüxŭ tacuèxgüxcèx na tauta nawa nanguxŭ na nayuxŭ ga nümax. Rü ñanagürü toxŭ: —¿Taux éxna i wüxi i ngunexŭ rü 12 i ora nawa ngèxmaxŭ? Ngèxguma texè nguncèü ixŭxgu rü tama tacümaã itayarüña, erü tümacèx nangóone. ¹⁰ —Natürü ngèxguma wüxie chütacü ixŭxgu rü ngèmaácü tacümaã itayarüña, erü tümacèx naxèñe —ñanagürü. ¹¹ Rü yemaácü nanangoxèè na tauta nawa nanguxŭ na nayuxŭ ga nümax. ¹¹ Rü yemawena ga Ngechuchu rü ñanagürü toxŭ: —Tamücü ya Dácharu rü napemare. Natürü ñuxma rü tá chayabaixächixèè —ñanagürü. ¹² Rü yexguma ga toma ga norü ngüexŭgü rü ñatarügügü: —Pa Corix, ega napemaregu, rü ngèmwawa nüxŭ tacuèx na naxcèx tá yataanexŭ —ñatarügügü. ¹³ Natürü ga Ngechuchu rü nüxŭ nixuxchaŭchirèx ga Dácharu ga marü na nayuxŭ. Natürü ga toma nüxŭ tacuèxgügü rü na napemarexŭchigaxŭ yixŭ ga tomaã yaxuxŭ. ¹⁴ Rü yexguma ga Ngechuchu rü meãma tomaã nüxŭ nixu rü ñanagürü: —Dácharu rü marü nayu. ¹⁵ —Natürü choma rü chataaè na tama ngema changèxmaxŭ, erü ngèmaácü nixi i namemaèxŭ i pexcèx na choxŭ peyaxögüxcèx. ¡Rü ngŭxã rü ítayadaugü! —ñanagürü. ¹⁶ Rü yéma nayexma ga totanüxŭ ga Tumachi ga Wüxigu Buexŭ ga Taxreèxpŭxŭmaã, naxugüxŭ. Rü nüma ga Tumachi rü ñanagürü toxŭ: —¡Ngŭxã i yixema rü ta ngema taxŭ na wüxigu Ngechuchumaã iyuxèxcèx! —ñanagürü.

Ngechuchu nixŭ i wena namaxèxèèxŭ i yuexŭ

¹⁷ Rü yexguma Betániãwawa tomaã nanguxgu ga Ngechuchu, rü marü ägümücü ga ngunexŭ nangupetü ga na iyatèxgüaxŭ ga Dácharu. ¹⁸ Rü guma Betániã rü Yerucharétiãrü ngaicamana nayexma. Rü tomaèxpŭx ga kilómetru nixŭ ga norü yaxŭ. ¹⁹ Rü muxŭma ga Yudiügü rü Dácharueyèx ga Marta rü Mariaxŭtawawa naxŭ na ngŭxŭ yataaèxègègüxcèx, yerü nayu ga ngŭeneè. ²⁰ Rü yexguma Marta nüxŭ cuèxgu ga marü na inanguxŭ ga Ngechuchu, rü nüxŭ iyatŭxáchi. Natürü ga María rü Íxgutama irüxáŭx. ²¹ Rü Marta rü ngŭgürügü nüxŭ ga Ngechuchu: —Pa Corix, yexguma chi cuma cunumèxgu rü tãu chima nayu ga chaueneè. ²² —Natürü choma nüxŭ chacuèx na woo i ñuxma na nayuxŭ, rü Tupana tá cuxna nanaxã i guxŭma i tacü i naxcèx ícuçaxŭ —ngŭgürügü. ²³ Rü Ngechuchu ngŭxŭ nangãxŭ rü ñanagürü: —Cueneè rü wena tá namaxŭ —ñanagürü. ²⁴ Rü Marta ngŭgürügü nüxŭ: —Ngèmaácü nüxŭ chacuèx rü wena tá namaxŭ i ngèxguma naguxgu i naãne rü ngèxguma wena namaxègu i guxŭma i yuexŭ —ngŭgürügü. ²⁵ Rü yexguma ga Ngechuchu rü ñanagürü: —Choma nixŭ i íchanadagüxèèxŭ i yuexŭgü, rü wena chanamaxèèèxŭ. Rü yixema choxŭ yaxòxè rü woo tayuxgu rü tá wenaxãrü tamaxŭ. ²⁶ —Rü guxãma ya texè ya maxŭxè rü choxŭ yaxòxè, rü guxŭgutãma tamaxŭ. ¿Cuyaxòxŭ yŭxŭ i ngèma? —ñanagürü ga Ngechuchu. ²⁷ Rü ngŭma rü ngŭgürügü nüxŭ: —Ngŭ, Pa Corix, choma rü chayaxò na cuma rü Tupana Nane ya Cristu ga ítananguxèècŭ na quŭxŭ —ngŭgürügü.

Dácharu itãxŭwawa naxaxu ga Ngechuchu

²⁸ Rü yema ñaxguwena rü Marta rü ngŭyèx ga Mariacè x iyaca. Rü bexma ngŭmaã nüxŭ iyarüxu, rü ngŭgürügü: —Marü nuã nangu ya Ngüexèèruŭ ya Ngechuchu, rü choxŭ cuxcèx nayacaxèè —ngŭgürügü. ²⁹ Rü yexguma María nüxŭ ínúgu ga marü yéma na nanguxŭ ga Ngechuchu, rü paxa ichi, rü Ngechuchuxŭ íyadau. ³⁰ Rü Ngechuchu rü tauta íãnewa nangu ga yexguma, rü yema nachica ga Marta nüxŭ ídauxŭwatama nixŭ ga nayexmaxŭ. ³¹ Rü Mariapatawa nayexma ga ñuxre ga yémacŭãx ga Yudiügüarü äèxgacügü ga ngŭxŭ yéma taãèxègègüxŭ. Rü yexguma ngŭxŭ nadaugügü ga paxa na inachixŭ rü na inaxŭxŭxŭ, rü ngŭwe narüxŭ. Yerü nüma nüxŭ nacuèxgügü rü yéma Dácharu itãxŭwawa ixŭ na yéma yaxaxuxŭcèx. ³² Rü yexguma Ngechuchuxŭtawawa nanguxgu ga María, rü napèxgu iyacaxãpŭxŭ, rü ngŭgürügü: —Pa Corix, yexguma chi cuma cunumèxgu rü tãu chima nayu ga chaueneè ya Dácharu —ngŭgürügü. ³³ Rü yexguma Ngechuchu ngŭxŭ dèuxgu ga na naxaxuxŭ rü na naxaxuxŭ ga yema Yudiügüarü äèxgacügü ga ngŭwe rüxixŭ, rü poraãcü ngechaŭ nüxŭ nangux. ³⁴ Rü Ngechuchu nüxna naca rü ñanagürü: —¿Ngexta nixŭ i ipenatãxŭ? —ñanagürü. Rü nümagü nanangãxŭ rü ñanagürügü: —Pa Corix, ¡dücax, nuã naxŭ, rü iyadau! —ñanagürügü. ³⁵ Rü naxaxu ga Ngechuchu. ³⁶ Rü yema Yudiügü rü ñanagürügü: —¡Düxcèx ñuxãcü poraãcü Dácharuxŭ nangechaŭ! —ñanagürügü. ³⁷ Natürü ñuxre ga yema äèxgacügü ga Yudiügüarü rü ñanagürügü: —Daa nixŭ ga guma yatü ga ngexetüxcüxŭ rümexèècŭ. ¿Rü tüxcüü tacucürüwawa tacŭ rü mexŭ Dácharucèx naxŭ na tama nayuxŭcèx? —ñanagürügü.

Wenaxãrü namaxŭ ga Dácharu

³⁸ Rü Ngechuchu poraãcü ngechaŭ nüxŭ nangux rü Dácharumaxŭcèx nixŭ. Rü wüxi ga mèxpüneãrü äxmaxŭ nixŭ ga yema naxmaxŭ. Rü nayexma ga wüxi ga nuta ga norü ngŭxtaãruŭ. ³⁹ Rü Ngechuchu rü ñanagürü: —¡Ípenangŭxgachixŭ ya yima nuta ya namaã nangŭxtaãcü! —ñanagürü. Natürü ga Marta ga Dácharueyèx rü ngŭgürügü: —Pa Corix, cuxã marü nayixane nixŭ, erü marü ägümücü i ngunexŭ naetü nixŭ ga na nayuxŭ —ngŭgürügü.

40 Natürü ga Ngechuchu rü ñanagürü ngĩxũ: ¿Taux ěxna i marü cumaã nüxũ chixuchiréxũ rü ngéxguma cuyaxõxgu rü tá nüxũ cudau i wüxi i mexũ i taxũ i Tupana üxũ? —ñanagürü. 41 Rü yexguma ñanangũxgachigü ga guma nuta. Rü Ngechuchu daxũgu nadawenüãcũma ñanagürü: —Pa Chaunatü Pa Tupanax, moxê cuxna chaxã erü marü choxũ cuxĩnũ. 42 —Choma nüxũ chacuêx rü guxũguma choxũ cuxĩnũ. Natürü moxê cuxna chaxã i ñuxma erü chanaxwêxe i ñãã duũxũgü na yaxõgũãxũ na cuma nũma choxũ cumuxũ i ñanagürü. 43 Rü yexguma yema ñaxguwena, rü tagaãcü ñanagürü: —Pa Dácharux, jĩnaxũxũ i ngema! —ñanagürü. 44 Rü ñaxũxũ ga Dácharu ga naxchãpenũtũmaã guxũwama rübuxpũxũcũ. Rü Ngechuchu ñanagürü nüxũ ga duũxũgü: —jĩpeyawẽxpũxũ na iyaxũxũcèx! —ñanagürü.

Ãëxgacũgũ naxcèx nadaugũ na ñuxãcü Ngechuchuxũ yayauxgũxũ
(Mt 26.1-5; Mr 14.1-2; Lc 22.1-2)

45 Rü yema Yudiũgũarü ãëxgacũgũ ga Mariawe rüxũxũ rü nüxũ nadaugũ ga yema Ngechuchu üxũ, rü muxũma Ngechuchuxũ nayaxõgü ga yexguma nüxũ nadaugũga ga ñuxãcü wena Dácharuxũ na namaxẽëxũ. 46 Natürü ñuxre ga yema ãëxgacũgũ rü Parichéugũmaã nüxũ nayarũxugü ga yema Ngechuchu üxũ. 47 Rü yexguma ga yema Parichéugü rü paigũarü ãëxgacũgũ rü nangutaquẽxegü namaã ga guxũma ga yema ãëxgacũgũtũcumũwa ügũxũ. Rü ñanagürügü: —¿Tacũ tá taxũe? Erü ñãã yatü i Ngechuchu rü nanaxũ i muxũma i mexũ i cuẽxruũgũ. 48 —Ngéxguma chi tama yayauxgũgu, rü guxũtãma i duũxũgü rü tá nüxũ nayaxõgü, rü Dumacũãxgũarü churaragü rü nũma chi naxĩ rü nagu napõgũe ya tóru tupauca ya taxũne, rü düxwa tãu chima tóxru nixĩ i ñãã tachiũãne —ñanagürügü. 49 Natürü guma taunecũgu rü yema paigũtanũwa rü Caipã nixĩ ga norü ãëxgacũ. Rü nũma rü ñanagürü nüxũ: —Pemagü rü taxuũma pecuèx. 50 —¿Éxna tama nüxũ pecuèx rü taxcèx rü na namemaèxũ na wũxitama i yatü guxũ i duũxũgũcèx na yuxũ, na tama nayuexũcèx i guxũma i tachiũãnecũãx i duũxũgü? —ñanagürü. 51 Natürü ga Caipã rü tama nüèchama yema ñanagürü, yerü guma taunecũgu rü nũma nixĩ ga paigũarü ãëxgacũ yĩxũ. Rü yemacèx rü Tupana nixĩ ga Caipãwa idexacũ ga yexguma nüxũ yaxuxgu na Ngechuchu rü guxũma i Yudiũgũcèx tá na nayuxũ. 52 Rü yema orewa rü nanangõxèe na tama Yudiũgũcèxatama tá na nayuxũ, natürü guxũma i Tupanaãrũ duũxũgü i guxũ i naãnewa ngéxmagũxũcèx rü tá ta na nayuxũ, na ngẽmaãcü wũxigu nangutaquẽxèxèx i guxũma i ngẽma duũxũgü i Tupanaãrũ ixĩgũxũ. 53 Rü yexgumaũcüü nixĩ ga ñaxũgũeãxũ ga Yudiũgũarü ãëxgacũgũ ga nagu na naxĩnũèxũ ga ñuxãcü tá na Ngechuchuxũ yamèxgũxũ. 54 Rü yemacèx ga Ngechuchu rü marü tama yema Yudiũgũ ñuxũtanũgu naxã. Rü tomaã ñaxũxũ ga Yudeanewa, rü wũxi ga ñãnexãcü ga Efraigũ ãeganewa naxũ. Rü yexma tomaã narũxãũx. Rü guma ñãne rü wũxi ga nachica ga ngextã taxũema ñãpataxũãrũ ngaicamana nayexma. 55 Rü marü ningaica ga yema Yudiũgũarü peta ga Üpetũchiga. Rü yemacèx muxũma ga duũxũgü ga nãr ga ñãnecũãx rü Yerucharũwa naxĩ na Tupanacèx nõgũ yamèègũxũcèx naxũpa ga yema peta. 56 Rü Ngechuchucèx nadaugũ ga duũxũgü. Rü tupauca ga taxũnewa nõgũna nicagũetanũ, rü ñanagürügü: —¿Ñuxũ ñapegũxũ i pemax? ¿Ñoma i petawa tá naxũxũ rü ěxna tama? —ñanagürügü. 57 Rü yema Parichéugü rü paigũarü ãëxgacũgũ rü duũxũgũna naxãgagũ, rü ñanagürügü: —Ngéxguma ngextã nüxũ pedaugũgu i ngẽma Ngechuchu, jĩrũ tomaã nüxũ peyarũxu na tayayauxgũxũcèx! —ñanagürügü.

12

Wũxi ga nge rü Ngechuchucutũgu pumara iba
(Mt 26.6-13; Mr 14.3-9)

1 Rü 6 ga ngunexũ naxũpa ga Üpetũchigaarü peta, rü Ngechuchu rü tomaã Betãniãwa naxũ. Rü guma ñãne nixĩ ga nagu naxãchixũne ga Dácharu ga Ngechuchu wena namaxèëcũ. 2 Rü yema Dácharuchixũwa Ngechuchucèx nanaxũgü ga taxũ ga õna. Rü totanũwa ga yema mechawa yexmagũxe rü Dácharu nixĩ ga Ngechuchuxũtawama chibũcũ. Rü Marta iyixĩ ga ñaxũcũ ga õna. 3 Rü yexguma ga Maria rü yema inange ga wũxi ga taxũraweũxũ ga pumara ga yixichixũ rü tatanũxũchixũ. Rü Ngechuchuxũ namaã iyixcutü. Rü ñuxũchi ngĩyemaã ñinapicutü. Rü guma i rü guxũwama nayixmachĩã namaã ga yema pumara. 4-5 Rü yexguma ga Yuda ga Icarĩute ga wũxi ga totanũxũchirèx ixĩxũ ga yixcama bexma cúãcü Ngechuchuxũ ñuxũxũxũ, rü ñanagürü: —¿Tũxũcũ tama tatanũxũgũ namaã itaxe i ngẽma pumara na ngẽma diẽrumaã nüxũ nangũxèèxũcèx i ngẽma duũxũgü i ngearũ diẽruãxgũxũ? —ñanagürü. 6 Natürü ga Yuda rü tama aixcũma nagu narũxĩnũ ga yema ngearũ diẽruãxgũxũ. Natürü yema ñanagürü yerü nũma rü wũxi ga ngĩtèxãxũ nixĩ. Rü naxmèxwa nayexma ga yema choca ga diẽru ngĩxũ nagu taxũgũxũ ga guxãma ga toma ga Ngechuchuarü ngũxũgü. Rü Yuda rü ñuxguacũ rü noxruũxũtama ngĩxne nangĩxĩxũ. 7 Rü yexguma ga Ngechuchu rü ñanagürü nüxũ: —jĩTãxũ i ngĩxũ cuchixewexũ! Erü choma rü paxa tá chayu rü tá ichtatèx.

Rü ngëmacëx nixi i ngëma pumaramaã choxü nachaxü. ⁸ –Ngëma ngearü dïerüãxgüxü rü guxügutäma petanüwa nangëxmagü. Natürü i choma rü täütäma guxügu petanüwa changëxma –ñanagürü.

Paigüarü äëxgacügü rü nügümaã nanamexëëgü ga ñuxäcü Dácharuxü tá na yamëxgüxü

⁹ Rü muxüma ga Yudíugü rü nüxü nacuáchigaga ga Betániãwa na nayexmaxü ga Ngechuchu. Rü yëma naxi na nüxü nadaugüxüçëx. Rü tama Ngechuchuxüxicatama nadaugüchaü natürü nüxü nadaugüchaü ta ga Dácharu ga Ngechuchu wena namaxëëcü. ¹⁰ Rü yëxguma ga paigüarü äëxgacügü rü nügümaã nanamexëëgü ga Dácharuxü rü ta na yamëxgüxüçëx. ¹¹ Yerü Dácharugagu nixi ga muxüma ga Yudíugü ga Ngechuchuxüxü yaxögüãxü rü yëma paigüna naxígüxü.

Ngechuchu rü Yerucharéügu naxücu
(Mt 21.1-11; Mr 11.1-11; Lc 19.28-40)

¹² Rü muxüma ga duüxügü rü Yerucharéüwa naxi naxçëx ga Üpetüchigaarü peta. Rü moxüäcü duüxügü nüxü nacuáchigagü ga Ngechuchu rü guma iãnewa na nanguxchaüxü. ¹³ Rü yëxguma moruátüta nadaügü rü yëmamaã Ngechuchuxü nayatüxgütanüãchi. Rü tagaäcü ñanagürügü: –;Rü naxüüne rü namecümäxüchi ya daa Tupanaégagu núma ücü ;Rü yixëma na Iraétanüxü ixígüxü rü namecümäxüchi ya daa tóru äëxgacü! –ñanagürügü. ¹⁴ Rü Ngechuchu nüxü inayangau ga wüxi ga buru, rü naëtgü naxaunagü ga yëma Tupanaärü ore ga ümatüxü nüxü ixuxürüü ga yëxguma ñaxgu:

¹⁵ “;Tãxü i pemuëxü, Pa Yerucharéücüãxgüxü! ;Rü iperüdaunü na ngëma ne naxüxü ya perü äëxgacü ya wüxi i buru i íraxüëtügu aunagücül!”

ñaxü. ¹⁶ Rü noxri ga toma ga norü ngüexügü rü tama nüxü tacuëxgüéga ga Ngechuchuchiga na yíxü ga yëma ore. Natürü yixcüra marü Ngechuchu Tupanaxütawa üxgu, rü yëxguma nixi ga nüxna tacuëxächixü ga guxüma ga yëma Ngechuchuxü ngupetüxü, rü yëma Tupanaärü ore nüxü ixuxüãcütama nüxü na nangupetüxü. ¹⁷ Rü yëma duüxügü ga Ngechuchuxütawa yëxmagüxü ga yëxguma Dácharuxü wena namaxëëgu, rü nüxü nixügü ga yëma nüxü nadaugüxü. ¹⁸ Rü yëmacëx nixi ga duüxügü ga Ngechuchuxü yatüxächitanüxü na nayauxgüãxüçëx, yerü nüxü nacuáchigagü ga yëma taxü ga mexü ga Tupanaärü poramaã naxüxü. ¹⁹ Natürü ga yëma Parichéügü rü nügümaã ñanagürügü: – Marü nüxü pedauxü i ñuxma na taxucürüwama tacü namaã ixüxü. ;Rü dücax, guxüma i duüxügü rü nawe narüxü! –ñanagürügü.

Griégügü rü Ngechuchuxü nadaugüchaü

²⁰ Rü muxüma ga duüxügü rü petacëx Yerucharéüwa naxi na yëma Tupanaxü na yanacuëxüügüçëx. Rü yëma duüxügütanüwa nayëxma ga ñuxre ga Griégügü. ²¹ Rü yëma Griégügü rü Piripicëx naxi. Rü núma ga Piripi rü Gariréaaneärü iãne ga Bechaidacüãx nixi. Rü nüxü nacëëxügü rü ñanagürügü: –Pa Corix, nüxü tadauxchaü ya Ngechuchu –ñanagürügü. ²² Rü Piripi rü Aüdrëmaã nüxü nayarüxu. Rü yëma taxre rü wüxigu Ngechuchuxütawa naxi, rü namaã nüxü nayarüxügü. ²³ Rü yëxguma ga Ngechuchu rü ñanagürü nüxü: –Rü marü nawa nangu tá na chayuxü rü wenaxäru Chaunatüxütawa tá na chaxüxü i choma i Tupana Nane i duüxüxü chíxü. ²⁴ –Rü aixcüma pëmaã nüxü chixu rü ngëxguma chi wüxipüxü i trigu tama waixüümüãnegu toxgu rü wüxipüxüçëchatama nixi. Natürü ega waixüümügu natoxgu, rü ngëma naxüxgu, rü muxüchinëma ínanguxuchi. [Rü ngëxgumarüü tá ta Tupanaxütawa nangügü i muxüma i duüxügü ega chayuxgux.] ²⁵ –Rü pëmaã nüxü chixu rü texë ya yixëma tümaärü maxüxü ngechaüxë i ñoma i naãnewa rü tá itayarütaxu. Natürü texë ya yixëma tama tümaärü maxüxü ngechaüxë rü tama yuxü muüxë i ñoma i naãnewa, rü tá tüxü nangëxma i maxü i taguma güxü. ²⁶ –Rü ngëxguma texë choxü puracüchaügu rü name nixi i chowe tarüxü. Rü ngëma choma tá íchangëxmaxüwa rü ngëma rü tá ta tangëxma i tümax. Rü ngëxguma texë choxü puracügu rü Chaunatü ya Tupana rü tá tümamaã nataãë –ñanagürü.

Ngechuchu nanaxunagü ga norü yuxchiga

²⁷ –Rü Ngechuchu ñanagürü: –Rü ñuxma rü poraäcü changechaü rü chanaxixächiaë. ;Rü tacüxü tá Chaunatümaã chixuxü? Taxucürüwa namaã nüxü chixu na choxü ínanguxuchixëëxüçëx na tama chayuxüçëx, erü woetama ngëmacëx núma chaxü –ñanagürü. ²⁸ Rü ñanagürü: –Pa Chaunatüx, ;Choxü rüngüxëë na duüxügüpëxëwa cuxü chataxëëxüçëx! –ñanagürü. Rü yëxguma ga yëma duüxügü ga yëma yëxmagüxü rü nüxü naxüñüë ga wüxi ga naga ga daxüwa inaxüxü ga ñaxü: –Marü cuxü charüngüxëë na choxü cutaxëëxü ga noxrix, rü wëna táxarü cuxü charüngüxëë na choxü cutaxëëxüçëx –ñanagürü ga yëma naga. ²⁹ Rü yëma duüxügü ga yëma yëxmagüxü ga nüxü inüëxü ga yëma naga, rü ñanagürügü: –Wüxi i duruanëxü nixi –ñanagürügü. Natürü togü rü ñanagürügü: –Wüxi i Tupanaärü orearü ngerüü i daxüçüãx nixi i namaã idëxaxü –ñanagürügü. ³⁰ Rü yëxguma ga Ngechuchu rü

ñanagürü nüxü: —Tama chauxcèx nixí i nüxü pexínüèxü i ngêma naga. Rû pexcètama nixí i nüxü pexínüèxü. ³¹ —Rû ñuxma tá nixí i Tupana inaxügüãxü na tüxü napoxcuèxü ya duüxè naxcèx i túmaãrü pecadugü. Rû ñuxma tá nixí i Tupana ínatèxüchixü i ngêma ñoma i naãnewa poraxü i Chataná. ³² —Rû ngêxguma curuchawa chipotagu rû chaugüxütawa tá chanagagü i guxüma i duüxügü —ñanagürü ga Ngechuchu. ³³ Rû yema orewa duüxügümaã nüxü nixu ga ñuxácü tá na nayuxü. ³⁴ Rû yema duüxügü nanangãxügü, rû ñanagürügü: —Torü mugü i úmatüxüwa nüxü tadaugü na guxügütama namaxèchaxü ya Cristu. ¿Rû ñuxácü i cuma rû ñacurügü: “Rû Tupana Nane ya duüxüxü ixíçü rû curuchawa tá nipota”, ñacurügü? ¿Rû texé tixí ya yíxema Tupana Nane ya duüxüxü ixíçé? —ñanagürügü. ³⁵ Rû yexguma ga Ngechuchu rû ñanagürü nüxü: —Ñoma rû ta petanüwa changèxma na ñoma i naãnewa pexü changüèèxüçèx rû ngêmaãcü pexü changóonetanüèèxüçèx. Natürü paxaãchicèxicatama petanüwa changèxma. Rû name nixí i paxa choxü peyaxögü ñoma rû ta pexcèx chanangóonexèè naxüpa na naxèãnexü. Erü yíxema èãnexüwa ngèxmaxè rû tama nüxü tacuèx na ngexá taxüxü. ³⁶ —Rû ñoma rû ta petanüwa changèxma rû name nixí i paxa choxü peyaxögü na chorü ngóonexüwa pengèxmagüxüçèx —ñanagürü. Rû yema ñaxguwena rû natanüwa ínaxüxü ga Ngechuchu. Rû naxchaxwa inicux.

Tacüçèx nixí ga Yudiügü ga tama Ngechuchuaxü yaxögüãxü

³⁷ Rû woo ga Ngechuchu rû duüxügüpèxewa nanaxü ga muxüma ga taxü ga mexü ga cuèxruügü ga Tupanaãrü poramaã naxüxü, natürü yexguma rû ta tama nüxü nayaxögü ga duüxügü. ³⁸ Rû yemaãcü Tupana nayanguxèè ga yema ore ga Ichaxía úmatüxü ga ñaxü: “Pa Corix, taxúema tayaxó ga yema ore ga tüxü tangüèèxü. Rû woo nüxü tadaugü na ñuxácü naporaxü ya Tupana, rû tama tayaxögü”, ñaxü. ³⁹⁻⁴⁰ Rû yemaãcü ga yema duüxügü rû tama nayaxögü yema Ichaxía úmatüxüwa nüxü yaxuxürü, rû:

“Yema duüxügü rû tama nüxü nadaugüchaü rû tama nayaxögüchaü rû tama Tupanacèx nawoeguchaü. Rû yemacèx ga Tupana rû nüxma nixü na tama nüxü nadaugüxüçèx rû tama yaxögüãxüçèx rû tama naxcèx nawoeguxüçèx na nüma nüxna naxèãxüçèx i maxü i ngexwacaxü”,

ñaxü. ⁴¹ Rû yema ñanagürü ga Ichaxía yerü nangoxetügu marü nüxü nadau na ñuxácü èëxgacü ya tacüxüchi na yíxü ya Ngechuchu ya Cristu. Rû yemaãcü nachiga nidxa. ⁴² Natürü muxüma ga yema Yudiügüarü èëxgacügü rû Ngechuchuaxü yaxögü, rû woo ga ñuxre ga naèrugü rû ta nayaxögü, natürü tama nügü nixügüchaü ga duüxügüpèxewa, yerü namuüè na Parichéugü ngutaquèxepataüwa ínawoxüxü. ⁴³ Rû yemaãcü tama nügü nixügüchaü, yerü norü me nixí ga duüxügü namaã nataègüxü rû tama aixcüma naxcèx nadaugü na Tupana namaã taèxü.

Texé ya tama Ngechucharü oreaxü yaxóxè rû tá tapoxcu

⁴⁴ Rû tagaãcü ñanagürü ga Ngechuchu: —Texé ya choxü yaxóxè rû tama choxüxícatama tayaxó. Natürü Chaunatü ya núma choxü mucüaxü rû ta tayaxó. ⁴⁵ —Rû texé ya choxü dauxe, rû Chaunatü ya núma choxü mucüxü rû ta tadau. ⁴⁶ —Choma na ngóonexèèruü chixü, rû ñoma i naãnewa changu na guxüma ya texé ya choxü yaxóxè rû tama èãnexüwa na tangèxmagüèchaxüçèx. ⁴⁷ —Natürü ngèxguma texé nüxü ínuü i chorü ore rû tama tayaxóxü rû tama choma nixí i tüxü chapoxcuxü. Erü tama ñoma i naãnewa changu na chanapoxcuèxçèx i duüxügü, natürü núma chaxü na chanamaxèèèxüçèx. ⁴⁸ —Yíxema texé ya tama choxü yaxóxè rû tama chauga ínuèxè rû marü tüxü nangèxma na tacüçèx tá Tupana tüxü choxü. Erü ngêma ore i nüxü chixuxügüga tátama nixí ya Tupana i tüxü napoxcuxü i naãneãrü guxgu, erü tama tayaxó i ngêma ore i nüxü chixuxü. ⁴⁹ —Tama chaugagutama chidexa, natürü guma Chaunatü ga núma choxü mucü, rû guma nixí ga chomaã nüxü ixucü na tacüxü tá duüxügümaã chixuxü rû ñuxácü tá chanangüèèèxü. ⁵⁰ —Rû nüxü chacuèx na Chaunatüarü orewa nangèxmaxü i maxü i taguma güxü. Rû ngêmacèx i ngêma ore i nüxü chixuxü, rû ngêmatama ore nixí i Chaunatü choxü muxü na nüxü chixuxü —ñanagürü ga Ngechuchu.

13

Ngechuchu rû norü ngüèxügüxü niyaxügücutü

¹ Rû wüxi ga ngunexü nataxu ga nawa na nanguxü ga yema Yudiügüarü peta ga Üpetüchiga. Rû Ngechuchu nüxü nacuèx ga marü nawa na nanguxü ga ñoma ga naãnewa na yaxüxü rû wenaxãrü Nanatüxütawa na naxüxü. Rû nüma rû yexguma ñoma ga naãnewa nayexmagu rû guxügüma tüxü nangechaü ga guxema noxru ixígüxe. Rû yexgumarü ta ga yexguma toxna yaxüxüchaüga daxügüxü ga naãnewa na naxüxü, rû yemaãcü poraãcü toxü nangechaü. ²⁻⁴ Natürü ga Chataná rû marü Yuda ga Chimáü ga Icaríute nanena nangu

na bexma cúácü Ngechuchuxü ínaxuaxüxcêx. Rû Ngechuchu rû marü nüxü nacuêx ga Nanatüxütawa na ne naxüxü rû wena táxaru Nanatüxcêx na nataeguxü. Rû nüxü nacuêx ga Nanatü rû naxmêxgu na naxüaxü ga guxüma ga pora. Rû yemacêx ga yema chütaxügu ga yexguma mechawa ítachibüeyane, rû inachi ga Ngechuchu. Rû ínacuxuchi ga norü gáuxüchiru, rû wüxi ga tuayamaã nügü nigoye. ⁵ Rû ñuxüchi yauxmêxüpáxügu dexáta naba, rû toxü nüyauxgücutü. Rû guma tuaya ga namaã yagoyecümaã toxü ínapigücutü. ⁶ Rû yexguma Chimáü ga Pedruxü nayaucutüchaügu rû ñanagürü ga Pedru: —Pa Corix, ¿ñuxácü tá i cuma i choxü cuyauxcutüxü? —ñanagürü. ⁷ Rû Ngechuchu nanangáxü rû ñanagürü: —Ñuxma rû tama nüxü cucuêx i tüxcüü na chanaxüxü i ñaa, natürü yixcama rû tá nüxü cucuêx —ñanagürü. ⁸ Natürü ga Pedru rû ñanagürü: —Choma rû fáütama chanaxwêx na choxü cuyauxcutüxü —ñanagürü. Rû Ngechuchu nanangáxü rû ñanagürü nüxü: —Ngêxguma tama cuxü chayauxcutügu, rû fáütama choxrü quixü —ñanagürü. ⁹ Rû yexguma ga Chimáü ga Pedru rû ñanagürü nüxü: —Pa Corix, ¿Tama choxü cuyauxcutüxücatama! Natürü chanaxwêx i choxü cuyauxmêx rû choxü cuyaxeru ta —ñanagürü. ¹⁰ Natürü Ngechuchu nanangáxü rû ñanagürü nüxü: —Texé ya ngexwacêx aiyaxe rû tanaxwêx i túmacutüxücatama tayaxu, erü guxüwama tangemata. Rû pema rû marü pingematagü, natürü tama guxáma aixcüma tingemata —ñanagürü. ¹¹ Rû Ngechuchu nüxü nacuêx na texé tá bexma cúácü ínaxuaxüxü, rû yemacêx ñanagürü nüxü: —Natürü tama guxáma aixcüma tingemata —ñaxü. ¹² Rû yexguma toxü yayauxgücutüguwena, rû Ngechuchu wena nicuxuchi ga norü gáuxüchiru. Rû wenaxáru mechawa narüto. Rû ñanagürü toxü: —¿Nüxü pecuáxü yíxü i ngêma chaxüxü? ¹³ —Pema rû: “Pa Ngúxêêruü” rû “Pa Corix”, ñaperügü choxü. Rû marü name i ngêma ñaperügü, erü aixcümaxüchi ngêma chixü. ¹⁴ —Rû ñuxma i choma na ngúxêêruü chixüxü rû pemaã na ichacuáxü, rû pexü chiyauxgücutü. Rû ngexgumarüxü ta i pema rû name i wüxichigü i pemücüxü piyauxgücutü. ¹⁵ —Choma rû pexü nüxü chadauxêê na ñuxácü tá penaxüxü na pema rû ngema pemaã chaxüxüácü penaxüxüxcêx. ¹⁶ —Rû aixcüma pemaã nüxü chixu rû taxuüma i wüxi i coriarü duüxü rû norü coriéüwa nügü nangexmaxêê. Rû taxuüma i âêxgacüaru orearu ngeruxü i norü âêxgacü i namuxüétüwa nügü nangexmaxêê. ¹⁷ —Rû ngêxguma nüxü pecuêxgu i chorü ore rû penaxüxügu i ngêma pemaã nüxü chixuxü, rû aixcüma tá petaãêgü. ¹⁸ —Rû tama guxáma i pechiga nixü i chidexaxü. Erü choma rû tüxü chacuêx rû texégü tixü ya yíxema tüxü chidexexíxe. Natürü Tupana nayanguxêêchaü i norü ore i ümatüxü i ñaxü: “Texé ya chomaã chibüxe rû chomaã tarüxuanü”, ñaxü. Rû ngêmaãcü tá nangupetü na yanguxüxcêx i ngema Tupanaaru ore. ¹⁹ —Natürü naxüpa na nangupetüxü i ngêma, rû pemaã nüxü chixu na choxü peyaxögüxüxcêx i ngêxguma nangupetüxügu. ²⁰ —Aixcüma pemaã nüxü chixu rû texé ya tüxü yaxüxe ya yíxema choma ngema tüxü chamuxê, rû choxü nixü i tayaxuxü. Rû texé ya choxü yaxüxe, rû Chaunatü ga núma choxü mucüxü nixü i tayaxuxü —ñanagürü ga Ngechuchu.

Ngechuchu nüxü nixu ga Yuda rû tá bexma cúácü na ínaxuaxüxü

(Mt 26.20-25; Mr 14.17-21; Lc 22.21-23)

²¹ Rû yexguma yema ñaxguwena ga Ngechuchu rû poraãcü ngechaü nüxü nangux, rû meãma tomaã nanangoxêê, rû ñanagürü toxü: —Aixcüma pemaã nüxü chixu rû wüxie i petanüwa tá nixü i bexma cúácü choxü ítaxuaxüxü —ñanagürü. ²² Rû yexguma ga toma ga norü ngúxügü rû wüxichigü togü tadawenü, rû tama nüxü tacuêxgü ga texêchiga na yema ñaxü. ²³ Rû choma ga norü ngúxü ga poraãcü choxü nangechaüxcêx rû nacüwawa charüto ga Ngechuchu ga mechawa. ²⁴ Rû Chimáü ga Pedru rû bexma choxü naxuneta ga na Ngechuchuna chaçaxüxcêx ga texêchiga na yíxü ga yema. ²⁵ Rû yexguma ga choma rû yexeraãcü Ngechuchuna chimaxcuchi rû nüxna chaca, rû ñacharügü: —Pa Corix, ¿texé tá tixü ya yíxema? —ñacharügü. ²⁶ Rû Ngechuchu choxü nangáxü, rû ñanagürü: —Wüxi i pâüaru bücuxü tá íchacüe, rû yíxema tüxna chanaxáxê, rû yíxema tixü —ñanagürü. Rû yexguma ínacuêx ga wüxi ga pâüaru bücuxü rû Yuda ga Icarüte ga Chimáü nanena nanaxã. ²⁷ Rû yexgumatama Yuda nayauxgu ga yema pâüaru bücuxü rû ngoxo ga Chataná rû Yudagu naxücu. Rû yexguma ga Ngechuchu rû ñanagürü nüxü: —Rû ngêma cuxüxchaüxü, ¡rû paxa naxü! —ñanagürü. ²⁸ Natürü taxüema ga toma ga mechawa chibüxe nüxü tacuêxgü ga tacüchiga na yíxü ga yema ñaxü ga Ngechuchu. ²⁹ Rû núma ga Yuda rû díeruchiüaru dauaru nixü. Rû yemacêx ñuxre ga toma nüxü tacuêxgügu rû Ngechuchu taxewa nanamu, na ¡tacüxcêx yataxexüxcêx naxcêx ga peta, rû êxna duüxügu ga ngearu díeruáxüna ngíxü na naxáxüxcêx ga díeru. ³⁰ Rû yexguma Yuda nayauxgu ga yema pâü, rû ínaxüxü ga yema ucapuwa. Rû marü nachüta ga yexgumax.

Ngechuchu norü ngúxügümaã nüxü nixu ga yexwacaxüxü ga norü mu

³¹ Rû yexguma Yuda íxüxguwena, rû Ngechuchu rû ñanagürü: —Rû ñuxma rû tá aixcüma nangox na ñuxácü naporaxü ya Tupana Nane ya duüxüxü íxücu. Rû yimawa tá nixü i

nangoxêêaxũ ya Tupana i norũ pora. ³²—Rũ ngêxguma yima Tupana Nane nangoxêêxgu i Tupanaârũ pora, rũ ngêxgumarũũ tá ta ya Tupana rũ nanangoxêê i Naneârũ pora. Rũ paxa tá nixĩ i ngêma. ³³—Pa Chauxacũãxgũx, tãûtãma muxũ i ngunexũ petanũwa changêxma. Rũ pema rũ tá chauxcêx pedaugũ, natũrũ ngêma choma íchaxũxũwa rũ taxucũrũwama ngema pexĩ. Rũ ñãatama ore nixĩ ga marũ Yudiũgũarũ ãêxgacũgũmaã nũxũ chixuxũ, rũ ñuxma rũ pemaã rũ ta nũxũ chixuxũ. ³⁴—Rũ pemaã nũxũ chixu i wexi i ngexwacaxũxũ i mu. Rũ ngêma pexũ chamuxũ nixĩ i pemũcũgũxũ na pengechaũxũ i wũxichigũ. Rũ ngêma na choma pexũ changechaũxũrũ, rũ chanaxwêxe i wũxichigũ i pema rũ pemũcũgũxũ pengechaũgũ. ³⁵—Rũ ngêxguma wũxichigũ pemũcũgũxũ pengechaũgu, rũ guxũma i duũxũgũ tá nũxũ nicuêxãchitanũ na chorũ nguêxũgũ pixĩgũxũ —ñanagũrũ.

Ngechucha rũ nixu rũ Pedru rũ tãxũtãma nũgũ nixu na norũ nguêxũ yixĩxũ
(Mt 26.31-35; Mr 14.27-31; Lc 22.31-34)

³⁶ Rũ Chimãũ ga Pedru rũ Ngechuchuna naca, rũ ñanagũrũ: —Pa Corix ¿ngextã tá cuxũ? —ñanagũrũ. Rũ Ngechuchu nanangãxũ, rũ ñanagũrũ: —Ngema íchaxũxũwa rũ taxucũrũwama chowe curũxũ i ñuxmax. Natũrũ yixcama rũ ngemããcũ tá chowe curũxũ —ñanagũrũ. ³⁷ Rũ yexguma ga Pedru rũ ñanagũrũ: —Pa Corix, ¿tũxũcũ taxucũrũwama cuwe charũxũ i ñuxmax? Erũ marũ íchamemare na cuxcêx na chayuxũ —ñanagũrũ. ³⁸ Rũ Ngechuchu nanangãxũ, rũ ñanagũrũ: —¿Aixcũma yixũ i marũ ícumemarexũ na chauxcêx cuyuxũ? Aixcũma cumaã nũxũ chixu rũ tãûtãtama yacaxgu ya otã, rũ tomaêpũxcũna tá nũxũ quixu na tama choxũ cucuãxũ —ñanagũrũ ga Ngechuchu.

14

Ngechuchu rũ nama i Nanatũxũtãwã nadaxũ nixi

¹—¿Tãxũ i penaxĩxãchĩãêgũxũ i pema! ¿Tupanaãxũ peyaxõgũ rũ choxũ rũ ta peyaxõgũ! ²—Chaunatũxũtãwã nangêxma i muxũchixũma i nachicagũ. Ngêxguma chi natauxgoma, rũ tãũ chĩma pemaã nũxũ chixu na pexcêx chayamexêêxũcêx i pechicagũ. ³—Rũ ngêxguma marũ ngema chaxũxgu rũ wũxi i pechica chamexêêxgu, rũ wena táxarũ nũma chaxũ. Rũ pexũ tá chayagagũ na ngêma nachica i chomatãtãma nawa changêxmaxũwa na pengêxmagũxũcêx i pemax. ⁴—Rũ pema rũ nũxũ pecuêx na ngextã tá na chaxũxũ, rũ marũ nũxũ pecuêx i nama i ngema nadaxũ —ñanagũrũ ga Ngechuchu. ⁵ Rũ Tumachi rũ ñanagũrũ: —Pa Corix, tama nũxũ tacuêx na ngextã na cuxũxũ. ¿Rũ ñuxãcũ tá i nũxũ tacuãxũ i ngêma nama? —ñanagũrũ. ⁶ Rũ Ngechuchu nanangãxũ, rũ ñanagũrũ: —Choma nixĩ i ngêma nama i Chaunatũxũtãwã nadaxũ chĩxũ. Rũ aixcũma nixĩ i ngêma ore i nũxũ chixuxũ. Rũ choma nixĩ i duũxũgũxũ chamaxêêxũ. Rũ chaugaguxicatama nixĩ i Chaunatũxũtãwã nangugũxũ i duũxũgũ. ⁷—Rũ ngêxguma chi pema rũ aixcũma meã choxũ pecuêxgũgu, rũ Chaunatũxũ rũ chi ta pecuêxgũ. Rũ ñuxmaũcũũ nixĩ i Chaunatũxũ pecuãxũ, erũ marũ nũxũ pedaugũecha —ñanagũrũ. ⁸ Rũ yexguma ga Piripi rũ ñanagũrũ: —Pa Corix, ¿Toxũ nũxũ nadauxêê ya Cunatũ! Rũ ngêxcatama i tanaxwêxegũxũ —ñanagũrũ. ⁹ Rũ Ngechuchu nanangãxũ, rũ ñanagũrũ: —Pa Piripix, ¿ñuxre ya tauncũ marũ petanũwa changêxma rũ ñuxma rũ ta tama choxũ cucuêxêgãxũ? Yixema choxũ dauxe rũ Chaunatũxũ rũ ta tadau. ¿Rũ tũxũcũ i ngêxguma rũ ta cunaxwêxexũ i pexũ nũxũ na chadauxêêxũ ya Chaunatũ? ¹⁰—¿Tama êxna cuyaxũ na choma rũ Chaunatũmaã rũ wũxitama tixĩgũxũ? Rũ guxũma i ore i pemaã nũxũ chixuxũ rũ tama chauechama nũxũ chixu. Erũ yima Chaunatũ ya wũxiwa chomaã ngêxmacũ, rũ yima nixĩ ya naxũcũ i guxũma i noxrũtãma puracũ. ¹¹—Chanaxwêxe i choxũ peyaxõgũ na choma rũ Chaunatũmaã wũxitama tixĩgũxũ. Natũrũ woo tama ngêma pixõgũgu rũ chanaxwêxe na choxũ peyaxõgũxũ naxcêx i ngêma mexũgũ i taxũ i Tupanaârũ poramaã chaxũxũ. ¹²—Aixcũma pemaã nũxũ chixu rũ yixema choxũ yaxõxê rũ tá tanaxũ i guxũma i choma chaxũxũ. Rũ ngêma chaxũxũrũ yexera tá taxũ, erũ choma rũ tá Chaunatũxũtãwã chaxũ. ¹³—Rũ guxũma i ñacũ i chãuêgagu Tupanaxũtãwã naxcêx ípexãxũ rũ tá pexna chanaxã. Rũ ngemããcũ tá chanaxũ na chaugagu nangõxũcêx i Chaunatũarũ pora. ¹⁴—Rũ choma tá chanaxũ i guxũma i ñacũ i chãuêgagu choxna naxcêx peçaxũ.

Ngechuchu rũ norũ nguêxũgũmaã inaxuneta na naxcêx tá nũma namuãxũ i Naãê i Ûunexũ

¹⁵—Rũ ngêxguma aixcũma choxũ pengechaũgu, rũ naga tá pexĩnũê i chorũ mugũ. ¹⁶—Rũ choma tá Chaunatũna naxcêx chaca na nũma pexcêx namuãxũcêx i to i perũ nguêxêrũ i Naãê i Ûunexũ, na guxũgutãma petanũwa nangêxmaxũcêx. Rũ nũma tá nixĩ i pexcêx nangoxêêaxũ i ore i aixcũma íxixũ. ¹⁷—Rũ ñoma i naãnecũãx i duũxũgũ rũ taxucũrũwama nanayauxgũ, erũ tama nũxũ nadaugũ rũ tama nũxũ nacuêxgũ. Natũrũ i pema rũ marũ nũxũ pecuêx, erũ nũma rũ petanũwa nangêxma. Rũ guxũgutãma pemaã inarũxãũx. ¹⁸—Rũ tãûtãma nũma pexũ chawogũmare i chomax, erũ wena táxarũ pexcêx chataegu, na petanũwa changêxmaxũcêx. ¹⁹—Rũ paxa tá nixĩ na tãitãma choxũ nadaugũxũ i ñoma i

naãnecũãx i duũxũgũ. Natũrũ i pema rũ tá choxũ pedaugũ. Rũ tá pemaxẽ, erũ choma rũ chamaxũ. ²⁰—Rũ ngẽxguma yuwa ícharũdaxgu rũ wena chamaũxgu, rũ ngẽxguma tá nũxũ picuẽxãchitanũ na choma rũ Chaunatuwa chamaxũxũ rũ pema i chowa rũ choma i pewa. ²¹—Yixema texẽ ya nũxũ cuãxe rũ naga Inũxẽ i chorũ mugũ, rũ tanangoxẽẽ na aixcũma choxũ tangechaũxũ. Rũ Chaunatu tá tũxũ nangechaũ ya yixema choxũ ngechaũxẽ, rũ choma rũ tá ta tũxũ changechaũ. Rũ tũxũ tá chaugũ chawẽx —ñanagũrũ ga Ngechuchu. ²² Rũ nayexma ga to ga Ngechucharũ ngũexũ ga Yudagu ãegaxũ ta. Rũ yema rũ ñanagũrũ: —Pa Corix, tũxũcũũ toxũ cugũ cuwẽx, rũ tama ñoma i naãnecũãx i duũxũgũxũ cugũ cuwẽx? —ñanagũrũ. ²³ Rũ Ngechuchu nanangãxũ, rũ ñanagũrũ: —Yixema choxũ ngechaũxẽ rũ naga taxĩnũ i ngẽma ore i tũmamaã nũxũ chixuxũ. Rũ Chaunatu tá tũxũ nangechaũ. Rũ choma rũ Chaunatuãma wũxigu tũmaxũtawa tá tangẽxmagũ. ²⁴—Yixema tama choxũ ngechaũxẽ rũ tama naga taxĩnũ i ngẽma chorũ ore. Rũ ngẽma ore i chauxũtawa nũxũ pexĩnũxũ rũ tama chorũ ore nixĩ, natũrũ guma Chaunatu ga nũma choxũ mucũarũ ore nixĩ. ²⁵—Ñoma rũ ta petanũwa changẽxma rũ pemaã nũxũ chixu i guxũma i ngẽma ore i pexcẽ choxũ ngẽxmaxũ. ²⁶—Natũrũ Chaunatu rũ tá chauxẽgagu nũma nanamu i Naãe i Ũnẽxũ na pexũ nangũxẽẽxũcẽx. Rũ nũma i Naãe i Ũnẽxũ tá pexũ nangũxẽẽ i guxũma, rũ tá nũxma pexũ nacuẽxãchixẽẽ i guxũma i ore ga pemaã nũxũ chixuxũ. ²⁷—Rũ ñuxma na pexna íchixũxũ, rũ pexna chanaxã i taãe. Natũrũ ngẽma taãe i pexna chaxãxũ, rũ tama ñoma i naãnecũãx pexna ãxũ i taãerũ nixĩ. Rũ tama chanaxwẽxe i penaxĩxãchiãegũ rũ pemuũe. ²⁸—Marũ pemaã nũxũ chixu na pexna tá íchixũxũ rũ wena táxaru pexcẽx chataeguxũ na pemaã changẽxmaxũcẽx. Rũ choxũ pexĩnũe ga yexguma yema ñachaxgu. Rũ ngẽxguma aixcũma choxũ pengechaũgu rũ tá petããegũ ega nũxũ pecuẽxgu na Chaunatuẽx chataeguxũ, erũ Chaunatu rũ chorũ yexera nixĩ. ²⁹—Rũ naxũpa na nangupetũxũ i ngẽma, rũ pemaã nũxũ chixu na choxũ peyaxõgũxũcẽx i ngẽxguma nangupetũgu. ³⁰—Marũ tãutãma porããcũ pemaã chidexa, erũ marũ ínangu i Chatanã i ñoma i naãneãrũ ãẽxgacũ ixĩxũ. Natũrũ nũma rũ taxuãma choxũ narũyexera. ³¹—Natũrũ ngẽma tá choxũ ngupetũxũ, rũ ngẽmaãcũ tá nixĩ na guxũma i ñoma i naãnecũãx i duũxũgũ nũxũ nacuãxũcẽx na choma rũ Chaunatuũxũ na changechaũxũ, rũ chanaxũxũ i ngẽma nũma choxũ namuxũ. ¡Rũ ipechigũ, rũ ngĩã ítxĩ! —ñanagũrũ ga Ngechuchu.

15

Ubanegu nũgũ nangu ga Ngechuchu

¹ Rũ ñanagũrũ ga Ngechuchu: —Choma nixĩ i ñoma wũxi i ubanerũtũ chĩxũ rũ Chaunatu nixĩ ya norũ yora ixicũ i ngẽma uba. ²—Rũ chorũ duũxũgũ rũ ngẽma ubachacũgũrũ nixĩgũ. Rũ ngẽma ubachacũũ i tama oxũ, rũ norũ yora rũ nayadae. Natũrũ ngẽma nachacũũ i oxũ, rũ meã nanamexẽẽtanũ na yexeraãcũ porããcũ naxoxũcẽx. ³—Pema rũ marũ pime, yerũ naga pexĩnũe ga yema ore ga pexũ changũxẽẽxũ. ⁴—Rũ name nixĩ i guxũguma chowa peyaxũxgũ, ngẽma na choma rũ pewa chayaxũxũrũ. Erũ wũxi i ubachacũũ rũ tama nũxica naxo, ega tama nanewa yaxũxgux. Rũ ngẽxgumarũũ ta i pema rũ taxuacũma chauxcẽx pemaxẽ, ega tama chowa peyaxũxgũechagu. ⁵—Choma nixĩ i ubane, rũ pema i nachacũgũ. Rũ yixema chowa yaxũẽchaxe rũ choma i timawa, rũ aixcũma tá chauxcẽx tamaxũ. Rũ ngẽmaãcũ wũxi i ubachacũũ i oxũrũũ tá tixĩ. Natũrũ ngẽxguma tama chowa peyaxũxgũechagu, rũ taxucũrũwama ñacũ pexũe. ⁶—Rũ texẽ ya tama chowa yaxũẽchaxe rũ tá itatẽxũchi. Rũ wũxi i ubachacũũ i daexũ rũ ipaxũ rũ iguxũrũũ tá tixĩ, rũ ngẽxma tá tayarũxo. ⁷—Rũ ngẽxguma chowa peyaxũxgũechagu rũ taguma nũxũ ipeyarũngũmaẽgu i ngẽma ore i pexũ changũxẽẽxũ, rũ marũ name i naxcẽx ípeca i ñacũ i penaxwẽxexũ, rũ choma rũ tá pexna chanaxã. ⁸—Rũ ngẽxguma aixcũma meã chauxcẽx pemaxẽgu, rũ Chaunatuũxũ tá nicuẽxũũgũ i duũxũgũ. Rũ ngẽmaãcũ aixcũma chorũ ngũexũgũ tá pixĩgũ. ⁹—Choma rũ pexũ changechaũ ngẽma na Chaunatu choxũ ngechaũxũrũ. Rũ chanaxwẽxe i aixcũma meã chauga pexĩnũẽẽcha, erũ choma rũ guxũguma pexũ changechaũ. ¹⁰—Choma rũ naga chaxĩnũ i Chaunatuãrũ mugũ rũ nũma rũ guxũguma choxũ nangechaũ. Rũ ngẽxgumarũũ tá ta nixĩ ega naga pexĩnũẽgu i chorũ mugũ, rũ guxũgutãma pexũ changechaũẽcha. ¹¹—Choma rũ ngẽmaãcũ pemaã nũxũ chixu na Chaunatu wũxigu chomaã petããegũxũcẽx. Rũ ngẽmaãcũ tá aixcũma petããegũ. ¹²—Rũ choma pexũ chamu na pemũcũgũxũ pengechaũgũxũcẽx, ngẽma choma na pexũ changechaũxũrũ. ¹³—Rũ ngẽxguma wũxie aixcũma tũmamũcũxũ ngechaũgu, rũ nũxũ tangechaũãma rũ nũetama ega woo tũmamũcũcẽx tayuxgu. Rũ nataxuma i to i ngechaũ i ngẽmaãrũ yexera. ¹⁴—Pema rũ chomũcũgũ pixĩgũ i ngẽxguma chauga pexĩnũẽgu. ¹⁵—Choma rũ marũ tama chorũ duũxũgũmarẽãcũ pexũ chaxu. Erũ wũxi i coriarũ duũxũmare rũ tama nũxũ nacuẽx i ngẽma norũ cori ũxũ. Natũrũ ñuxma rũ chomũcũgũmaã pexũ chaxu, erũ pexũ nũxũ chacuẽxẽẽ i guxũma i ore ga Chaunatu chomaã nũxũ ixuxũ. ¹⁶—Pema rũ tama pexira chauxcẽx pedaugũ, natũrũ chaxira nixĩ ga pexcẽx chadauxũ rũ pexũ chamuxũ na

aixcūma chauxcèx pemaxèxùcèx rü chauxütawa penagagüxùcèx i muxūma i duüxügü na guxülguma choxü yaxögüäxùcèx. Rü Chaunatü ya Tupana tá pexna nanaxä i guxūma i tacü i chauégagu nüxna naxcèx pecaxü. ¹⁷—Rü ngēma nixi i pexü chamuxü na pemücügüxü pengechaügüxùcèx.

Noma i naānecūāx i duüxügü rü Ngechuchuchi rü norü ngüexügüchi naxaie

¹⁸—Ngēxguma ñoma i naānecūāx i duüxügü pexchi aiegu, rü jñuxna pecuèxāchie ga chaxira chauxchi na naxaiexü! ¹⁹—Rü ngēxguma chi ñoma i naānecūāx i duüxügürüü pixügü, rü ñoma i naānecūāx i duüxügü rü chi pexü nangechaügü ngēma natanüxügüxü na nangechaügüxürüü. Natürü choma nixi ga pexcèx chadauxü natanüwa ga ñoma ga naānecūāx ga duüxügü. Rü ngēmacèx nixi i pexchi naxaie, erü marü tama naxrüü pixügü. ²⁰—jNüxna pecuèxāchie ga pemaā ñachagu:

“Taxuxūma i wüxi i coriarü duüxü rü norü coriétüwa nügü nangexmaxēē”, ñachagu! Rü yema na chauxchi na naxaie, rü pexchi rü tá ta naxaie. Rü yexguma chi chauga naxintēgu rü ñuxma rü chi ta pega naxinüē. ²¹—Rü ngēmaäcü ta chaugagu pexchi naxaie i ñoma i naānecūāx i duüxügü erü tama nüxü nacuèxgü ya Chaunatü ga nūma choxü mucü. ²²—Rü ngēxguma chi choma tama namaā chanangoxēēgu na ñuxäcü chixri na namaxèxü, rü tãu chima nüxü nacuèxgü ga pecadu na naxügüxü. Natürü ñuxma namaā nüxü na chixuxü na ñuxäcü chixri namaxèxü, rü ngēmacèx i ñuxma rü taxuacūma nüxü nixugü na yangearü pecaduäxü. ²³—Rü guxūma i duüxügü i chauxchi aieü rü Chaunatüchi rü ta naxaie. ²⁴—Rü ngēma duüxügüpèxewa rü Tupanaärü poramaā chanaxü i mexügü i taxü i taguma texé ya togue üxü. Rü ngēxguma chi tama napèxewa chanaxüxgu i ngēma mexügü rü tãu chima Tupana namaā nanaxuegu na nagagutama yapecaduäxgüxü. Natürü na woo marü nüxü nadaugüxü i ngēma mexügü i taxü i Tupanaärü poramaā chaxüxü, rü ngēxguma rü ta chauxchi naxaieama rü Chaunatüchi rü ta naxaie. ²⁵—Natürü ngēmaäcü nangupetü erü Tupana nayanguxēēchaü i norü ore i ümatüxü i ñaxü:

“Chauxchi naxaie woo taxuüma i chixexü chaxüxgu”, ñaxü. ²⁶—Natürü choma rü tá Chaunatüégagu pexcèx nūma chanamu i perü ngüxēerüü i Tupanaäe i Üünexü i tá pexü nüxü cuèxèèxü i ore i aixcūma ixixü. Rü nūma tá nixi i meāma pemaā nüxü yaxuxü i chauxchiga. ²⁷—Rü pema rü tá ta chauxchigaxü pixugüe, yerü noxri ichanaxügügu ga duüxügümaā nüxü na chixuxü ga chorü ore, rü woetama marü chauxütawa peyexmagü —ñanagürü ga Ngechuchu.

16

¹ Rü Ngechuchu rü ñanagürü nüxü: —Rü pemaā nüxü chixu i ñaā ore na tama nüxü na perüxoexücèx na choxü peyaxögüxü. ²—Rü ngutaquexepataügüwa tá pexü inawoxü. Rü aixcūma tá nawa nangu na texé pexü dèjü rü tá nagu tarüxintüxü na ngēmaäcü mexü Tupanacèx taxüxü. ³—Rü ngēmaäcü tá pemaā namaxé i duüxügü, erü taguma nüxü nacuèxgü ya Chaunatü, rü choxü rü ta tama nacuèxgü. ⁴—Rü pemaā nüxü chixu i ñaā ore i ñuxmax, na nüxna pecuèxāchiexücèx i ngēxguma yixcūra ngēmaäcü pexü nangupetügu.

Tupanaäe i Üünexüärü puracüchiga

—Noxri rü tama pemaā nüxü chixu i ñaā ore, yerü petanügu charüxäüx. ⁵—Natürü i ñuxma rü tá pexna ichixü na Chaunatü ga nūma choxü mucüxütawa na changèxmaxücèx. Rü pema rü taxüema choxna peca na ngextá tá na chaxüxü. ⁶—Natürü poraäcü pengechaügüama erü pemaā nüxü chixu i ngēma ore. ⁷—Natürü aixcūma pemaā nüxü chixu rü pexcèx narümemae nixi na Chaunatücèx chataeguxü. Rü ngēxguma chi tama Chaunatüxütawa chaxüxgu rü tãu chima nūma naxü i Naāe i Üünexü i pexü rüngüxèèxü. Natürü ngēxguma ngema chaxüxgu rü choma tá nūma chanamu i Naāe i Üünexü. ⁸—Rü ngēxguma Naāe i Üünexü nūma üxgu rü tá guxü i duüxügüxü nüxü nacuèxèe na yapecaduäxgüxü. Rü tá nanangoxèe i ñuxäcü na yixü i ngēma maxü i Tupanapèxewa aixcūma mexü. Rü tá duüxügüxü nüxü nacuèxèe na Tupana tá napoxcuexü i duüxügü naxcèx i norü pecadugü. ⁹—Rü nūma i Naāe i Üünexü tá duüxügüxü nüxü nacuèxèe na pecaduäxgüxü yixü erü tama choxü nayaxögü. ¹⁰—Rü tá nanangüxèe i ñuxäcü na yixü i ngēma maxü i Tupanapèxewa aixcūma mexü, erü choma rü tá Chaunatüxütawa chaxü, rü pema rü tãütama marü choxü pedaugü. ¹¹—Rü Naāe i Üünexü tá duüxügüxü nüxü nacuèxèe na Tupana tá napoxcuexü i duüxügü i chixexü ügüxü, erü Tupana rü namaā nanaxuegu na marü napoxcuäxü i Chataná i ñoma i naānemaā icuäxü. ¹²—Choma rü choxü nangèxma i muxūma i to i ore i pemaā nüxü chixuxchaüchirèxü. Natürü ega ñuxma chi pemaā nüxü chixuxgu rü tãu chima nüxü pecuèxgü. ¹³—Rü Tupanaäe i Üünexü rü nüxü nixu i ore i aixcūma ixixüicatama. Rü ngēxguma nūma naxüxgu rü nūma tá pexü nangüxèe i guxūma i ore i aixcūma ixixü. Erü nūma rü tama nüèchama tá nidexa, natürü ngēma ore

i Chaunatuŕtawata rü chauxŕtawata nüxŕ naxŕnŕxŕxŕxica tátama nixu. Rŕ tá pexŕ nüxŕ nacuèxèè i guxŕma i ŕacü i yixcŕra tá ngupetŕxŕ. ¹⁴—Rŕ nüma rŕ tá choxŕ nataxèè, erü chauxŕtawata tá nanayaxu i norŕ nguxèètae, rŕ ŕŕxŕchi tá pexŕ nangŕxèè namaã i ngèma nguxèètae. ¹⁵—Guxŕma i Chaunatuŕxŕ ngèxmaxŕ rŕ choxrŕ ta nixŕ. Ngèmacèx pemaã nüxŕ chixu rŕ Naãè i Üünexŕ rŕ chauxŕtawata tá nanayaxu i norŕ nguxèètae, rŕ ŕŕxŕchi pexŕ tá namaã nangŕxèè. ¹⁶—Rŕ paxa tãtŕtama choxŕ pedau. Natŕrŕ ngèmawena rŕ wena táxarŕ choxŕ pedau erü Chaunatuŕtawata tá chaxŕ —ñanagŕrŕ ga Ngechuchu.

Ngema guxchaxŕgŕ rŕ yixcŕama rŕ tá taãxŕ nananguxuchi

¹⁷ Rŕ yexguma ŕŕxre ga toma ga Ngechucharŕ ngŕxŕgŕ rŕ togŕna tacagŕ, rŕ ñatarŕgŕgŕ: —ŕTacŕchiga nixŕ na ngèma ñaxŕ:

“Rŕ paxa tãtŕtama choxŕ pedaugŕ. Natŕrŕ ngèmawena rŕ wena táxarŕ choxŕ pedaugŕ”, ñaxŕ? ŕRŕ tacŕchiga ta nixŕ na ñaxŕ:

“Choma rŕ Chaunatuŕtawata tá chaxŕ”, ñaxŕ? ¹⁸—ŕRŕ tacŕchiga ta nixŕ na ñaxŕ:

“Rŕ paxa tãtŕtama choxŕ pedaugŕ”, ñaxŕ? Rŕ yixema rŕ tama nüxŕ tacuèxgŕgŕga na tacŕchigaxŕ tamaã yaxuxŕ —ñatarŕgŕgŕ. ¹⁹ Rŕ Ngechuchu rŕ nüxŕ nacuèxama ga nüxna na tacagŕchaŕxŕ ga tomax. Rŕ yemacèx ñanagŕrŕ toxŕ: —Choma rŕ marŕ pemaã nüxŕ chixu rŕ paxa tãtŕtama choxŕ pedau, natŕrŕ ngèmawena rŕ wena táxarŕ choxŕ pedau. ŕRŕ ngèma dexacèxtama i pegŕna pecagŕxŕ? ²⁰—Rŕ aixcŕma pemaã nüxŕ chixu rŕ pema rŕ tá pexauxe, rŕ tá pengechaŕgŕ. Natŕrŕ ñoma i naãnectŕãx i duŕxŕgŕ rŕ tá nataãgŕ. Natŕrŕ woo pema tá pengechaŕgŕ, rŕ ngèma perŕ ngechaŕ rŕ tá taãxŕ nananguxuchi. ²¹—Ngèxguma wŕxi i nge íraxacŕchaŕgu rŕ inaxŕxãchiãè, erü inguxneca. Natŕrŕ ngèxguma marŕ tabuxgu ya ngŕrŕ õxchana, rŕ nüxŕ iyarŕngŕma na ŕŕxãcŕ poraãcŕ ngŕxŕ na nanguxchirèxŕ i noxrix, erü tŕmamaã itaãè ya ngŕrŕ õxchana. ²²—Rŕ ngèxgumarŕŕ tá ta pexŕ nangupetŕ i pemax, erü ŕŕxma rŕ penaxŕxãchiãègŕ. Natŕrŕ wena táxarŕ chataegu rŕ pexŕ íchayadau. Rŕ ngèxguma rŕ tá pexŕ nangèxma i wŕxi i taãè i taxucŕrŕwama texè pexna yaxuxŕ. ²³—Rŕ ngèxguma ínanguxgu tá i ngèma ngunexŕ na yanguxŕ i ñaã pemaã nüxŕ chixuxŕ, rŕ taxucèxtama tacŕcèx choxna pecagŕ erü aixcŕma Chaunatuŕ tá nixŕ ya pexna naxãcŕ i guxŕma i ŕacü i chauxègagu nüxna naxcèx pecaxŕ. ²⁴—Ñŕxmarŕta i pema rŕ taxuŕcèxma chauxègagu ípecagŕ. ÿNaxcèx ípeca rŕ tá penayaxu i ngèma naxcèx ípeçaxŕ! Rŕ ngèmaãcŕ rŕ tá aixcŕma petaãgŕgŕ.

Ngechuchu rŕ marŕ nüxŕ narŕyexera i guxŕma i ŕacü i ñoma i naãnewa ngèxmaxŕ

²⁵—Ñŕxma rŕ cuèxruŕgŕgŕ chayaxuãcŕma pemaã nüxŕ chixu i ore. Natŕrŕ nawa tá nangu i ngunexŕ i marŕ tãtŕtama ngèmaãcŕ pemaã nüxŕ chixu. Rŕ ngèxguma rŕ tá noxtacŕma meã pemaã chanangoxèè i Chaunatuŕchiga. ²⁶⁻²⁷—Rŕ ngèma ngunexŕgu i pema rŕ Chaunatuŕtawata tá chauxègagu naxcèx ípeca i ŕacü i penaxwèxexŕ. Rŕ taxucèxma tŕxcŕŕ choma tá Chaunatuŕtawata pexŕ naxcèx íchaca, erü nümatama ya Chaunatuŕ rŕ woetama pexŕ nangechaŕ, erü pema rŕ choxŕ pengechaŕ rŕ peyaxõgŕ na naxŕtawata ne chaxŕxŕ. ²⁸—Chaunatuŕtawata ne chaxŕ na ñoma ga naãnewa chaxŕxŕcèx. Rŕ ŕŕxma rŕ tá nüxna chataegu i ñoma i naãne na wenaxŕrŕ Chaunatuŕtawata chaxŕxŕcèx —ñanagŕrŕ. ²⁹ Rŕ yexguma ga toma ga norŕ ngŕxŕgŕ rŕ ñatarŕgŕgŕ: —Ñŕxma waxi nixŕ i meãxŕchima tomaã cunangoxèèxŕ i curŕ ore i tomaã nüxŕ quixuxŕ. Rŕ tama ŕacŕgu ixuxŕãcŕma tomaã nüxŕ quixu. ³⁰—Rŕ ŕŕxma rŕ nüxŕ tacuèx na aixcŕma guxŕxŕma na cucuãxŕ. Rŕ taxuacŕma texè ŕŕxŕ ñanagŕrŕ cuxŕ. Rŕ ngèmacèx nixŕ i tayaxõgŕxŕ na aixcŕma Tupanaxŕtawata na ne cuxŕxŕ —ñatarŕgŕgŕ. ³¹ Rŕ Ngechuchu toxŕ nangãrŕ rŕ ñanagŕrŕ: —ŕAixcŕma peyaxõgŕxŕ i ŕŕxmax? ³²—Rŕ nawa tá nangu i ngunexŕ rŕ ŕŕxmatátama nixŕ i na pegŕ pewoonexŕ. Rŕ wŕxichigŕ i pema rŕ tá pepatawa pexŕ, rŕ chaxica tá nuã choxŕ petèx. Natŕrŕ tama chaxica tá icharŕxãŕ, erü Chaunatuŕ rŕ chauxŕtawata nangèxma. ³³—Rŕ guxŕma i ñaã ore rŕ pemaã nüxŕ chixu na chaugagu petaãgŕxŕcèx. Rŕ ñoma i naãnewa rŕ tá ngŕxŕ pingè. Natŕrŕ ÿpeporae! erü choma rŕ marŕ nüxŕ charŕyexera i guxŕma i ŕacü i ñoma i naãnewa ngèxmaxŕ —ñanagŕrŕ.

17

Ngechuchu rŕ norŕ ngŕxŕgŕcèx nayumŕxè

¹ Rŕ yema ñaxguwena rŕ Ngechuchu daxŕgu nadawenŕ, rŕ ñanagŕrŕ: —Pa Chaunatuŕ, marŕ nawa nangu i ngunexŕ na chayuxŕ. Rŕ chanaxwèxe na duŕxŕgŕxŕ nüxŕ cucuèxèèxŕ na aixcŕma choma rŕ cune chŕxŕ. Rŕ ngèmaãcŕ i choma rŕ tá nüxŕ nüxŕ chacuèxèè na cuma rŕ aixcŕma Tupana na quixŕ. ²—Erŕ marŕ guxŕ i duŕxŕgŕarŕ àèxgacŕxŕ choxŕ quixŕxèè, na chanamaxèxèèxŕcèx i guxŕma i duŕxŕgŕ i choxna cumugŕxŕ. ³—Rŕ ngèma duŕxŕgŕ tá nüxŕ nangèxma i maxŕ i taguma gŕxŕ ega cuxŕ nacuèxgŕgŕ na cuxicatama Tupana na quixŕ, rŕ choxŕ nacuèxgŕgŕ na choma rŕ Cristu ga núma choxŕ cumucŕ na chŕxŕ. ⁴—Choma rŕ marŕ cuxŕ chataxèè i ñoma i naãnewa rŕ chayanguxèè i

guxŭta i puracŭ ga nawa choxŭ cumuxŭ. ⁵—Rŭ ñuxma Pa Chaunatŭx, rŭ chanaxwêxe i cugŭxŭtawax choxŭ cungêmaxêê na choxŭ nangêmaxŭcêx ga yematama pora ga cumaã choxŭ yexmaxŭ ga noxri tauta naãne ŭxgu. ⁶—Rŭ guxema duŭxêgŭ ya tŭxŭ quidexechixe ga ñoma ga naãnewa na choxna tŭxŭ cumugŭxŭcêx, rŭ marŭ tŭxŭ nŭxŭ chacuêxêê i texê na quixŭ i cumax. Rŭ woetama cuxrŭgŭ tixŭgŭ rŭ cuma nixŭ ga choxna tŭxŭ cumugŭxŭ. Rŭ tŭmagŭ rŭ marŭ naga taxinŭe i curŭ ore. ⁷—Rŭ ñuxma rŭ marŭ nŭxŭ tacuêx rŭ guxŭxŭ i ngêma choxna cuxãxŭ, rŭ aixcŭma cuxŭtawax ne naxŭ. ⁸—Rŭ choma rŭ marŭ tŭmamaã nŭxŭ chixu ga curŭ ore ga chomaã nŭxŭ quixuxŭ. Rŭ tŭmagŭ rŭ marŭ tayaxôgŭ i ngêma ore. Rŭ nŭxŭ ticuêxãchitanŭ na aixcŭma cuxŭtawax na ne chaxŭxŭ i chomax. Rŭ tayaxôgŭ ga cuma nŭma choxŭ na cumuxŭ. ⁹—Rŭ ngêmacêx cuxna chaca na tŭxŭ na curŭngŭxêêxŭcêx. Rŭ tama cuxna chaca na nŭxŭ curŭngŭxêêxŭcêx i ñoma i naãnecŭãx i duŭxŭgŭ, natŭrŭ cuxna chaca na tŭxŭ curŭngŭxêêxŭcêx ya guxema choxna tŭxŭ cumugŭxŭ, erŭ curŭ duŭxŭgŭ tixŭgŭ. ¹⁰ Rŭ guxãma ya yŭxema choxrŭgŭ i xŭgŭxe rŭ cuxrŭgŭ tixŭgŭ. Rŭ guxãma ya cuxrŭgŭ i xŭgŭxe rŭ choxrŭgŭ tixŭgŭ. Rŭ tŭmagu rŭ duŭxŭgŭ choxŭ nicuêxŭgŭ. ¹¹—Choma rŭ marŭ tãtŭtama ñoma i naãnewa changêxmaêcha, natŭrŭ i tŭmagŭ rŭ ngêmaãcŭ ñoma i naãnewa tã tangêxmagŭ ngêxguma cuxŭtawax chaxŭyane. Pa Chaunatŭ ya Ũnecŭx, rŭ chanaxwêxe na curŭ pora ga choxna cuxãxŭtamaã tŭxna cudadaxŭ ya yŭxema choxna tŭxŭ cumugŭxŭ, na ngêmaãcŭ guxãma wŭxigu rŭxŭnŭxêxŭcêx, ngêma cuma rŭ choma na wŭxigu rŭxŭnŭxêxŭrŭ. ¹²—Rŭ yexguma guxema choxna tŭxŭ cumugŭxŭetanŭwa chayexmagu ga ñoma ga naãnewa, rŭ curŭ pora ga choxna cuxãxŭtamaã tŭxna chadau rŭ tŭxŭ íchapoxŭ. Rŭ taxŭema ga guxema choxna tŭxŭ cumugŭxŭ rŭ itayarŭtaux. Rŭ Yuda ga woetama iyarŭtaxŭxŭcicatama inayarŭtaxu na yanguxŭcêx i curŭ ore i ũmatŭxŭ. ¹³—Rŭ ñuxma rŭ cuxŭtawax tã chaxŭ. Natŭrŭ ñomarŭta ñoma i naãnewa changêxma-yane rŭ nŭxŭ chixu i ñaã curŭ ore na tŭmagŭ rŭ ta tŭxŭ nangêmaxŭcêx i ngêma taãe i aixcŭma ixŭxŭ i choma choxŭ ngêmaxŭ. ¹⁴—Choma rŭ marŭ tŭmamaã nŭxŭ chixu i curŭ ore. Natŭrŭ ñoma i naãnecŭãx i duŭxŭgŭ rŭ tŭmachŭ naxaie, erŭ tŭma rŭ tama naxrŭŭ tixŭgŭ, ngêxgumarŭŭ i choma rŭ tama ñoma i naãnecŭãxŭrŭŭ chixŭ. ¹⁵—Tama cuxna tŭmacêx chaca na tŭxŭ na quigagŭxŭcêx i ñoma i naãnewa. Natŭrŭ cuxna chaca na tŭxŭ na ícupoxŭxŭcêx nŭxna i ngoxo i Chataná. ¹⁶—Choma rŭ tama ñoma i naãnecŭãx chixŭ. Rŭ tŭmagŭ rŭ ta tama ñoma i naãnecŭãx tixŭgŭ, erŭ cuxrŭgŭ tixŭgŭ i ñuxmax. ¹⁷—Curŭ ore rŭ aixcŭma nixŭ. Rŭ chanaxwêxe i tŭxŭ cungŭxêêe i curŭ ore, na aixcŭma cupêxewax tixŭunexŭcêx ya yŭxema choxna tŭxŭ cumugŭxŭ. ¹⁸—Rŭ yexgumarŭŭ ga ñoma ga naãnecŭãx ga duŭxŭgŭtanŭwa choxŭ na cumuxŭrŭŭ, rŭ ngêxgumarŭŭ i choma rŭ ta ñoma i naãnecŭãx i duŭxŭgŭ-tanŭwa tŭxŭ chamugŭ. ¹⁹—Rŭ tŭmagu chaugŭ ichaxã na tŭxŭ changŭxêêxŭcêx i curŭ ore i aixcŭma ixŭxŭ, na cupêxewax tixŭunexŭcêx ya yŭxema choxna tŭxŭ cumugŭxŭ. ²⁰—Natŭrŭ tama yŭxema ñuxma yaxôgŭxecêcicatama cuxna chaca. Natŭrŭ cuxna chaca ta tŭmacêx ya yŭxema yixcŭra tã yaxôgŭxe nagagu i tŭmaãrŭ ore ya yŭxema ñuxma yaxôgŭxe. ²¹—Rŭ guxãma ya yŭxemaacêx cuxna chaca na aixcŭma wŭxitama tixŭgŭxŭcêx. Rŭ ngêma cuma rŭ choma na wŭxitama ixŭgŭxŭrŭŭ, Pa Chaunatŭx, rŭ chanaxwêxe i guxãma i tŭma rŭ ta wŭxitama tixŭgŭ. Rŭ ngêmaãcŭ i ñoma i naãnecŭãx i duŭxŭgŭ, rŭ tã nayaxôgŭ na cuma nŭma choxŭ cumuxŭ. ²²—Rŭ choma rŭ marŭ tŭxna chanaxã i ngêmatama pora i cuma choxna cuxãxŭ na ngêmaãcŭ wŭxitama tixŭgŭxŭcêx ngêma cuma rŭ choma na wŭxitama ixŭgŭxŭrŭŭ. ²³—Rŭ chanaxwêxe na tŭmawax changêxmaxŭ rŭ cuma i chowa na cungêmaxŭ na ngêmaãcŭ aixcŭma wŭxi-tama ixŭgŭxŭ i guxãma i yŭxema. Rŭ ngêmaãcŭ i ñoma i naãnecŭãx i duŭxŭgŭ rŭ tã nŭxŭ nicuêxãchitanŭ na cuma nŭma choxŭ cumuxŭ, rŭ tã nŭxŭ nicuêxãchitanŭ na tŭxŭ cungechaxŭ i yŭxema choxna tŭxŭ cumugŭxŭ ngêma na choxŭ cungechaxŭrŭŭ. ²⁴—Pa Chaunatŭx, cuma choxna tŭxŭ cumugŭ. Rŭ chanaxwêxe i chauxŭtawax tangêxmagŭ i ngema tã íchangêxmaxŭtawax, na nŭxŭ tadaugŭxŭcêx i chorŭ pora ga choxna cuxãxŭ. Yerŭ choxŭ cungechaxŭ ga yexguma tauta naãne ixŭgŭgumama. ²⁵—Pa Chaunatŭ ya Mecŭx, ñoma i naãnecŭãx i duŭxŭgŭ rŭ tama cuxŭ nacuêxgŭ. Natŭrŭ choma rŭ cuxŭ chacuêx. Rŭ yŭxema choxna tŭxŭ cumugŭxe rŭ ta marŭ nŭxŭ tacuêxgŭ na cuma nŭma choxŭ cumuxŭ. ²⁶—Rŭ marŭ tŭxŭ nŭxŭ chacuêxêê na texê quixŭ. Rŭ guxŭgŭtama tŭxŭ nŭxŭ chicuêxêêãmachigŭ na cuma choxŭ cungechaxŭrŭŭ tŭgŭ tangechaxŭgŭxŭcêx rŭ choma rŭ tŭmaxŭtawax na changêmaxŭcêx —ñanagŭrŭ ga Ngechuchu.

18

Ngechuchuxŭ niyaxugŭ

(Mt 26.47-56; Mr 14.43-50; Lc 22.47-53)

¹ Rŭ yema ñaxguwena ga Ngechuchu rŭ tomaã inaxŭãchi, na Cheduruarŭ ngatêxŭãrŭ tocutŭwa taxŭxŭcêx. Rŭ yema nayexma ga wŭxi ga nanetŭnecŭ. Rŭ yemawax naxŭ ga Ngechuchu tomaã. ² Rŭ Yuda ga yema bexma cŭãcŭ Ngechuchuxŭ iyaxuaxŭxŭ rŭ nŭxŭ

nacuèx ga yema nachica, yerü Ngechuchu rü muèxpüxcüna yéma tomaã nangutaquèxexü.³ Rü yéma nangu ga Yuda namaã ga ñuxre ga churaragü rü ñuxre ga tupauca ga taxünearü purichiaügü ga yéma namugüxü ga paigüarü àèxgacügü rü paricheügü. Rü meãma nixãxne, rü yéma nanangegü ga omügü.⁴ Natürü ga Ngechuchu rü marü nüxü nacuèx ga guxüma ga tacü tá nüxü na ngupetüxü. Rü yemacèx naxcèx nixü, rü nüxna naca, rü ñanagürü: —¿Texècèx nixi i pedaugüxü? —ñanagürü.⁵ Rü nümagü rü Ngechuchuxü nangãxügü, rü ñanagü-rügü: —Nacharétucüãx i Ngechuchucèx nixi i tadaugüxü —ñanagürügü. Rü Ngechuchu nanangãxü, rü ñanagürü: —Choma chixi —ñanagürü. Rü Yuda ga bexma cüacü inaxuaxüxü rü yema churaragütanüwa nayexma.⁶ Rü yexguma yema ñaxgu ga Ngechuchu: “Choma chixi”, ñaxgu, rü nügüweama nacaixütanü ga yema churaragü, rü yexma nayayi.⁷ Rü yexguma ga Ngechuchu rü wena nüxna naca, rü ñanagürü: —¿Texècèx nixi i pedaugüxü? —ñanagürü. Rü nümagü rü nanangãxügü rü ñanagürügü: —Nacharétucüãx i Ngechuchucèx nixi i tadaugüxü —ñanagürügü.⁸ Rü Ngechuchu rü wenaxãrü ñanagürü nüxü: —Marü pemaã nüxü chixu rü choma chixi. Rü ngèxguma chauxcèx pedaugügu rü ¡peyaxixèè i ñaã chorü ngüexügü! —ñanagürü.⁹ Rü yemaãcü nangupetü na yangxücèx ga norü ore ga nümatama ga Ngechuchu nüxü yaxuxü ga ñaxgu:

“Yíxema Chaunatü choxna tüxü mugüxe rü taxüetáma itayarütauxe”, ñaxgu.¹⁰ Rü Chimãü ga Pedru rü nüxü iyexma ga wüxi ga cüxchi. Rü ngixü nayaxu ga norü cüxchi rü yemamaã inanadaechinü ga paigüarü àèxgacüarü duüxü ga Macugu àegaxü. Rü norü tügünechinü inadae.¹¹ Natürü ga Ngechuchu rü Pedruxü ñanagürü: —Ngixchixügu ngixü ixücuchi i curü cüxchi! ¿Tama èxna nüxü cucuèx na choma rü tá ngüxü chingexü ngèma Chaunatü chomaã naxuegxürü? —ñanagürü.

*Anápatawa Ngechuchuxü nagagü
(Mt 26.57-58; Mr 14.53-54; Lc 22.54)*

¹² Rü yexguma ga churaragüarü àèxgacü, namaã ga norü churaragü rü tupaucaarü purichiaügü, rü Ngechuchuxü niyaxugü. Rü nayanèpxchacüügü.¹³ Rü noxri rü àèxgacü ga Anápatawa nanagagü. Rü Aná rü Caipánèxtü nixi. Rü guma taunecügu ga Caipá rü paigüeru nixi.¹⁴ Rü yema Caipá nixi ga úpaacü yema Yudiügüarü àèxgacügümaã nüxü ixuxü ga na namemaèxü ga wüxitama ga yatü guxüma ga Yudiügücèx na yuxü.

*Pedru rü Ngechuchuxü nixã
(Mt 26.69-70; Mr 14.66-68; Lc 22.55-57)*

¹⁵ Rü choma rü Chimãü ga Pedru rü wüxigu Ngechuchuwe tarüxí. Rü yema paigüarü àèxgacü rü choxü nacuèx. Rü yemacèx ga choma rü wüxigu Ngechuchumaã tichocu ga àèxgacüpataèxtüwa.¹⁶ Natürü ga Pedru rü ñãxãrü düxétügutama narüxãüx. Rü yemacèx ichaxüxü ga choma, rü yema ñãxãrü dauruü ga ngecümaã chayarüdexa rü yexguma Pedruxü iyamucuchi.¹⁷ Rü yexguma ga yema ngecü ga ñãxãrü dauruü, rü Pedru na ica, rü ngigürügü: —¿Tama èxna cuma rü ta wüxi i norü ngüexü quüxü i ngèma yatü i yayauxgüxü? —ngigürügü. Rü Pedru ngixü nangãxü, rü ñanagürü: —Tama nixi —ñanagürü.¹⁸ Rü yéma ñãxtüwa rü àèxgacüarü duüxügü rü purichiaügü rü nanaxügü ga wüxi ga üxü, yerü nagáuane. Rü guma üxüxetüarü ngaicamagu nachigü, rü yéma nügü ninaixügü. Rü Pedru rü ta yéma nügü nanaixü naxètüwa ga guma üxü.

*Paigüarü àèxgacü rü Ngechuchuna naca
(Mt 26.59-66; Mr 14.55-64; Lc 22.66-71)*

¹⁹ Rü yema paigüarü àèxgacü rü inanaxügü ga Ngechuchuna na naçaxü, rü ñanagürü: —¿Tacü nixi ga duüxügüxü namaã cungüexèèxü? ¿Rü texégü tixi ga yíxema curü ngüexügü? —ñanagürü.²⁰ Rü Ngechuchu ñanagürü nüxü: —Choma rü guxü ga duüxügüpèxewa nüxü chixu ga chorü ore. Rü ngutaquèxepataügüwa rü tupauca ga taxünewa i ngextá guxüma i Yudiügü ingutaquèxegüxüwa chanangüexèè ga duüxügü. Rü yemaãcü taxüma ichicux ga chorü ore.²¹ —¿Rü tüxcüü i choxna cuçaxü i ñuxmax? Ècü, ¡nüxna naca i ngèma duüxügü ga nüxü ñnèxü ga chorü ore! Rü nümagü tá cumaã nüxü nixugüe ga tacüchigaxü namaã na chixüxü. Erü nümagü rü nüxü nacüexgü i guxüma ga tacü ga namaã nüxü chixuxü —ñanagürü.²² Rü yexguma Ngechuchu yema ñaxgu, rü wüxi ga tupauca ga taxünearü purichia ga naxüttagu chixü, rü Ngechuchuchiwegu nidagü. Rü ñanagürü Ngechuchuxü: —¿Tüxcüü ngèmaãcü cunangãxü ya daa paigüarü àèxgacü? —ñanagürü.²³ Rü Ngechuchu nanangãxü rü ñanagürü: —Rü ngèxguma tacü rü chixexüxü chixuxgu, ¡rü nüxü ixu na ñuxãcü chixri na chidexaxü! Natürü ega chorü ore rü aixcüma yixügu, rü ¡tüxcüü i choxü quidagüxü i ñuxmax? —ñanagürü.²⁴ Rü yexguma ga Aná rü Ngechuchuxü yanáãcüma paigüarü àèxgacü ga Caipãxütawa nanamu.

*Pedru rü wenaxãrü tama Ngechuchuxü nacüèxmeta
(Mt 26.71-75; Mr 14.69-72; Lc 22.58-62)*

²⁵ Rū yoxni ga Pedru rü üxüarü ngaicamagu nachiecha, rü yéma nügü nanaixüäma. Rū yema yéma yexmagüxü rü nüxna nacagüe, rü ñanagürügü: —¿Tama êxna cuma rü ta norü ngüéxü quixü i ngéma yatü i yayauxgüxü? —ñanagürügü. Natürü ga Pedru rü tama nügü nixu, rü ñanagürü: —Tama nixi —ñanagürü. ²⁶ Rū yéma nayexma ga wüxi ga paigüarü âëxgacüarü duüxü. Rū yema rü Pedru îdaechinüxütanüxü nixi. Rū Pedruna naca, rü ñanagürü: —¿Tama êxna cuma yixü ga nanetünecüwa Ngechuchumaâ cuxü chadauxü? —ñanagürü. ²⁷ Rū Pedru rü wena tama nügü nixu. Rū yexgumatama nica ga otá.

*Ngechuchu rü Piratu- pëxewa nayexma
(Mt 27.1-2, 11-14; Mr 15.1-5; Lc 23.1-5)*

²⁸ Rū yexguma Ngechuchumaâ nüxü nachauegu ga nüxna na nacagüxü, rü Caipápatawa înanagaxüchigü rü Yudéaaneârü âëxgacü ga Dumacüâxpatawa nanagagü. Natürü marü ningóonechaü ga yexguma rü yemacëx ga yema Yudiügü rü tama guma âëxgacüpatagu nachocu, yerü norü mugü nüxü nixu rü taxü ga pecadu nixi na wüxi ga Dumacüâxpatagu na nachocuxü ga yema ngunexügu. Rū yemaâcü tama Tupanapëxewa nügü nixüxaarü maxüâxëgüchaü, yerü yexguma nügü yaxüxaarü maxüâxëgügu, rü taxucürüwa nanangöxgü ga öna ga Üpetüchigarü petacëx namexëëxü. ²⁹ Rū yemacëx ga guma âëxgacü ga Dumacüâx ga Piratu rü napatawa înaixüxü ga duüxügümaâ na yadexaxücëx. Rū ñanagürü nüxü: —¿Tacücëx îpenaxuaxü ya daa yatü? —ñanagürü. ³⁰ Rū nümagü rü Piratuxü nangäxügü, rü ñanagürügü: —Ngëxguma chi tama wüxi i taxü i chixexü naxüxgu, rü tâu chima cuxütawa tanaga —ñanagürügü. ³¹ Rū yexguma ga Piratu rü ñanagürü nüxü: —¿Ëcü perü âëxgacügüxütawa penaga, rü perü mugü pemaâ nüxü ixuxüâcüma penapoxcux! —ñanagürü. Natürü ga yema Yudiügü rü Piratuxü nangäxügü, rü ñanagürügü: —Natürü pema i Dumacüâxgü rü marü toxna penachüxu na texëxü timëxgüxü tümaârü chixexücëx —ñanagürügü. ³² Rū yemaâcü ningü ga yema ore ga Ngechuchu îpaacü nüxü ixuxü ga ñuxäcü tá na nayuxü. ³³ Rū Piratu rü wenaxärü napatagu naxücu, rü Ngechuchucëx nangema. Rū nüxna naca, rü ñanagürü: —¿Cuma yixü i Yudiügüarü âëxgacü quixü? —ñanagürü. ³⁴ Rū Ngechuchu ñanagürü nüxü: —¿Cuechamatama i nagu curüxüñüxü na ngémaâcü choxna cuçaxü, rü êxna togü marü cumaâ nüxü nixu na ngémaâcü choxna cuçaxücëx? —ñanagürü. ³⁵ Rū Piratu Ngechuchuxü nangäxü, rü ñanagürü: —¿Êxna cuma naga curüxüñügu rü Yudiü chüxü? Rü ngéma cuchiüânecüâxgü rü paigüarü âëxgacügütama nixi i chauxütawa cuxü gagüxü. ¿Êxna tacü rü chixexü cuxü? —ñanagürü. ³⁶ Rū yexguma ga Ngechuchu rü nanangäxü, rü ñanagürü: —Choma rü tama ñoma i naânëwa âëxgacü chixi. Rü ngëxguma ñoma i naânëwa âëxgacü chixi, rü chorü duüxügü rü chi Yudiügüarü âëxgacügümaâ nügü ndai rü tâu chima choxü nıyaxgü i ngëxguma. Natürü tama ñoma i naânëwa âëxgacü chixi —ñanagürü. ³⁷ Rū yexguma ga Piratu rü ñanagürü nüxü: —¿Êxna to i nachiüâneârü âëxgacü quixi i cumax? —ñanagürü. Rū Ngechuchu nanangäxü rü ñanagürü: —Cumata marü nüxü quixu na âëxgacü chixü. Rū yemacëx ga choma rü chabu rü ñoma ga naânëwa chaxü na duüxügümaâ nüxü chayarüxuxücëx i ore i aixcüma ixixü. Rū guxäma ya texë ya nüxü cuächaxüxë i ngéma ore i aixcüma ixixü, rü choxü itarüxüñüxë i ngéma ore i nüxü chixuxü —ñanagürü. ³⁸ Rū Piratu rü ñanagürü nüxü: —¿Tacü nixi i ngéma ore i aixcüma ixixü? —ñanagürü.

*Ngechuchumaâ nanaxuegu na yamëxgüâxü
(Mt 27.15-31; Mr 15.6-20; Lc 23.13-25)*

Rü yemaâcü Ngechuchuna nacaxguwena ga Piratu, rü wenaxärü Yudiügümaâ narayüdexa. Rū ñanagürü nüxü: —Taxuüma i chixexüxü nawa chadau i ñaâ yatü. ¿Rü tüxcüü chi inapoxcuxü? ³⁹ —Natürü guxügüma ega Üpetüchigarü petawa nanguxgu, rü pecüma nixi na choxna naxcëx na pecaxü na îchananguxichixëxücëx i wüxi i duüxü i poxcuxü. ¿Rü penaxwëxexü na pexcëx îchananguxichixëxü i ñaâ perü âëxgacü, Pa Yudiügüx? —ñanagürü. ⁴⁰ Rū yexguma ga guxüma ga yema duüxügü, rü tagaâcü aita naxüe, rü ñanagürügü: —Tama tanaxwëxe na cuya-ngëxü i ngéma yatü. Rū Barabá waxi nixi i tanaxwëxexü na cuyangëxü —ñanagürügü. Rū yema Barabá rü wüxi ga máëtaxü nixi.

19

¹ Rū yexguma ga Piratu rü churaragüxü namu na Ngechuchuxü naçuaixgüxücëx. ² Rū yema churaragü rü chuchuxüwa nanaxügü ga wüxi ga boxü, rü ñuxüchi naëruwa nayangëxuchigü. Rū wüxi ga máxü ga naxchiru ga dauxcharaxügu nayacuxëgü. ³ Rū ñuxüchi naxcëx naxi, rü nüxü nacugüeäcüma ñanagürügü nüxü: —¿Namaxü, Pa Yudiügüarü âëxgacüx! —ñanagürügü. Rū nanapechwegü. ⁴ Rū Piratu rü wenaxärü düxëtüwa naxü, rü Yudiügüxü ñanagürü: —¿Düxcë! ñuxma tá nuâ pepëxewa chanaga na nüxü pecuäxücëx na taxuüma i chixexüxü nawa chadauxü —ñanagürü. ⁵ Rü düxëtüwa naxü ga Ngechuchu.

Rü namaã nangêxcueru ga yema boxŭ ga chuchuxŭwa naxügŭxŭ. Rü nagu nicŭx ga yema máxŭ ga naxchiru ga dauxcharaxŭ. Rü yex-guma ga Piratu rü Yudiügŭxŭ ñanagürü: —Daa nixŭ ya yima yatŭ —ñanagürü. ⁶ Natürü yexguma Ngechuchuxŭ nadaugügu ga paigüarü âêxgacügü rü purichiagü, rü inanaxügŭle ga aita na naxŭexŭ. Rü ñanagürügü: —¡Curuchawa yapota! ¡Curuchawa yapota! —ñanagürügü. Rü Piratu rü ñanagürü nüxŭ: —¡Ëcü, peyaga rü pematama curuchawa peyapota! Erü choma rü taxuŭma i chixexŭxŭ nawa chadau —ñanagürü ga Piratu. ⁷ Natürü ga yema Yudiügü rü Piratuxŭ nangäxügü, rü ñanagürügü: —Toma toxŭ nangêxma i wüxi i torü mu. Rü ngêma torü mu toxŭ nüxŭ nacüxêê na namexŭ na nayuxŭ i ñaa yatŭ, yerü nüma rü nüxŭ nixu ga Tupana Nane na yŭixŭ —ñanagürügü. ⁸ Rü yexguma yemaxŭ naxŭnügü ga Piratu, rü yexeraacŭ namuŭ. ⁹ Rü wena Ngechuchumaã napatagu naxücu. Rü yema Ngechuchuna nayaca, rü ñanagürü: —¿Ngextácŭâx quixŭ i cumax? —ñanagürü. Natürü ga Ngechuchu rü tama nanangäxŭ. ¹⁰ Rü yexguma ga Piratu rü Ngechuchuxŭ ñanagürü: —¿Ëxna ngêma täütäma choxŭ cungäxŭ? ¿Tau êxna i nüxŭ cucuaxŭ na choxmêxwa cungêxmaŭ na curuchawa cuxŭ chipotaxŭ rü êxna cuxŭ na ichanguxuchixêêxŭcêx? —ñanagürü. ¹¹ Rü Ngechuchu nanangäxŭ, rü ñanagürü: —Täu chima cuxmêxwa changêxma, ega tama Tupana naxwêxegu. Rü ngêmacêx nixŭ i ngêma duŭxügü i cuxna choxŭ mugŭxŭ rü curü yexera poraacŭ napecaduâxgü —ñanagürü. ¹² Rü yemawena rü Piratu nagu narüxinü ga ñuxäcü Ngechuchuxŭ na inanguxuchixêêxgaxŭ. Natürü yema Yudiügü rü poraacŭ aita naxŭe, rü ñanagürügü: —Ngêxguma tä icunanguxuchixêêxgu rü tama curü âêxgacü ya tacü ya Dumacŭâx ya Chêcharuxŭ cungechaŭ. Erü ngexerŭxe ya âêxgacü ya tacŭxŭ tügü ingucuchixêêxê, rü Dumacŭâx ya âêxgacü ya tacü ya Chêchararü uwanü tixŭ —ñanagürügü. ¹³ Rü yexguma yemaxŭ naxŭnügü ga Piratu, rü churaragüxŭ namu ga Ngechuchuxŭ düxétüwa na nagagüxŭcêx. Rü nawa nayarüto ga wüxi ga tochicaŭ ga taxŭ ga nutagünaxcêx ga togawa rü Gabatagu âegaxŭ. Rü yema nachicawa nixŭ ga poxcuexŭ ga duŭxügüna nacaxŭ ga âêxgacü. ¹⁴ Rü wüxi ga ngunexŭ nataxu ga Üpetüchigaarü petawa na nanguxŭ ga yexguma, rü marü tocuchiwa nangu. Rü Piratu rü Yudiügŭxŭ ñanagürü: —¡Daa nixŭ ya yima perü âêxgacü! —ñanagürü. ¹⁵ Natürü ga nümagü rü aita naxŭe, rü ñanagürügü: —Tanaxwêxe na nayuxŭ. Rü ¡curuchawa yapota! —ñanagürügü. Rü Piratu nüxna naca rü ñanagürü nüxŭ: —¿Ñuxäcü i choma rü ichanamu na curuchawa yapotagüâxŭcêx ya perü âêxgacü? —ñanagürü. Natürü ga paigüarü âêxgacügü rü Piratuxŭ nangäxügü, rü ñanagürügü: —Yima âêxgacü ya tacü ya Chêcharu ya Dumawa ngêxmacü rü yima nixŭ ya torü âêxgacü, rü nataxuma i to —ñanagürügü. ¹⁶ Rü yexguma ga Piratu rü yema Yudiügüna Ngechuchuxŭ namu na curuchawa yapotagüâxŭcêx. Rü nümagü rü nayagagü.

*Curuchawa Ngechuchuxŭ nipotagü
(Mt 27.45-56; Mr 15.33-41; Lc 23.44-49)*

¹⁷ Rü ñanaxŭxŭ ga Ngechuchu, rü norü curucha ngŭxŭ ininge. Rü yema nanagagü nawa ga wüxi ga nachica ga “Duŭxêêruchinêxägu” âegaxŭ. Rü yema rü Górguta nixŭ ga naega ga togawa. ¹⁸ Rü yema curuchawa Ngechuchuxŭ nayarüpotagü. Rü Ngechuchurü curuchawa nayapotagü ga taxre ga to ga yatügü, rü wüxi ga norü tügü necüwawa rü to ga norü toxwecüwawa. ¹⁹ Rü Piratu rü churaragüxŭ namu na Ngechuchuarü curuchatapêxewa na yapocuchigüâxŭcêx ga wüxi ga mürapewaxacü ga âegatachinüxŭ ga ñaxŭ:

“Ngechuchu ya Nacharétucŭâx ya Yudiügüarü Äêxgacü”, ñaxŭ. ²⁰ Rü muxüma ga yema Yudiügü nüxŭ nadaumatü ga yema namatü ga mürapewaxacügu üxŭ. Yerü yema nachica ga Ngechuchuxŭ curuchawa iyanapotagüxŭwa, rü iãneärü ngaicamana nixŭ. Rü tomaêxpŭx ga nagawa naxümatü ga yema naega ga yema mürapewawa. Rü togawa rü Griêgügügawa rü Dumacŭâxgügawa naxümatü. ²¹ Rü yemacêx ga yema Yudiügüarü paigüarü âêxgacügü rü Piratuxŭ ñanagürügü: —Toma rü tama tanaxwêxe i cunaxümatü i “Yudiügüarü Äêxgacü”, ñaxŭ. Rü narümemae nixŭ i cunaxümatü rü ñacurügü:

“Nügü ixucü na Yudiügüarü Äêxgacü yŭixŭ”, ñacurügü. ²² Natürü Piratu nanangäxŭ rü ñanagürü: —Ngêma chaxümatüxŭ rü marü ngêxma naxümatü —ñanagürü. ²³ Rü curuchawa marü Ngechuchuxŭ yapotagüguwena ga churaragü, rü nanade ga Ngechuchuchiru. Rü yema ägümücü ga churaragü rü nügümaã nayatoye ga naxchiru. Rü nanayauxgü ta ga norü gauxchiru ga máxŭ. Natürü taxuwama narüngêixte, yerü woetama yemaacü naxŭ. ²⁴ Rü yemacêx ga yema churaragü rü nügümaã ñanagürügü: —¡Täütäma nagu tagaugü! Rü narümemae nixŭ i naxcêx tä naxŭnücêxwêxegü rü ngŭxŭ tañanagügü i wüxi i diêru na ngêmawa nüxŭ icuêxgüxŭcêx na texearü tä na yŭixŭ —ñanagürügü. Rü yemaacü ningu ga Tupanaarü ore ga ümatüxŭ ga ñaxŭ:

“Nügümaã nayatoye i chauxchiru, rü naxcêx ngŭxŭ tanañanagügü i wüxi i diêru”, ñaxŭ. Rü aixcuma yemaacü nixŭ ga naxügüxŭ ga churaragü. ²⁵ Rü Ngechuchuarü curuchapünewa iyexma ga naê ga María, rü ngŭyêx, rü Maria ga Creopá naxmêx, rü

María ga Magadácũãx. ²⁶ Rú yexguma Ngechuchu naẽxũ dẽuxgu ga yexma chauxũtagu na nachixũ, rũ ñanagürũ ngĩxũ: —Pa Mama, yima nixĩ ya cune, —ñanagürũ. ²⁷ Rú yemawena, rũ ñanagürũ choxũ: —Ngẽma iyixĩ i cue —ñanagürũ. Rú yexgumamama rũ chopatawa ngĩxũ chayaxu. Rú chauxũtawã iyexmaẽcha.

Nayu ga Ngechuchu

²⁸ Rú Ngechuchu nüxũ nacuèx ga marũ na yanguxũ ga guxũma ga norũ puracũ ga ñoma ga naãnewa. Rú yema Tupanaãrũ ore ga ñmatũxũ na yanguxẽẽxũcèx, rũ ñanagürũ: —Chĩtawã —ñanagürũ. ²⁹ Rú yẽma iyexma ga wũxi ga tũxũxãcũ ga binu ga marũ ñxchiũcũmaã ããcuxcũ. Rú wũxi ga tũẽxmũ guma binumaã niwãixẽẽgũ, rũ wũxi ga dexnemenẽxãwã nayanẽx. Rú yemamaã naãxgu nanawẽxgũ. ³⁰ Rú Ngechuchu nayaxaxũ ga guma binu ga ñxchiũcũ rũ ñanagürũ: —Marũ ningu i guxũma i chorũ puracũ —ñanagürũ. Rú ñũxũchi inayarũmaxãchieru, rũ nayu.

Wũxi ga churara rũ wocaxemaã Ngechuchuxũ nacanapacũtũxũ

³¹ Natürũ ga yema Yudiũgũarũ ãẽxgacũgũ rũ tama nanaxwẽxegũ ga curuchagũwa na nayexmagũxũ ga yema naxũnegũ. Yerũ moxũãcũ rũ ngũxchigaarũ ngunexũ nixĩ. Rú yema Yudiũgũcèx rũ yema nixĩ ga guxũ ga ngũxchigaarũ ngunexũãrũ yexera ga ñunexũ, yerũ norũ peta ga ñpetũchigaarũ ñgũ nixĩ. Rú yemacèx Piratuna naxcèx nacagũ na churaraũ yẽma namugũxũcèx na yapoyeparagũãxũcèx na paxã nayuexũcèx ga yema curuchawã ipotagũxũ, rũ paxã na nadeãxũcèx ga curuchawã naxũpa ga ngũxchigaarũ ngunexũ. ³² Rú yẽma naxĩ ga churaraũ rũ inanapoyeparagũ ga yema taxre ga yatũgũ ga Ngechuchumaã yẽma curuchawã ipotagũxũ. ³³ Rú Ngechuchucèx naxĩ ga churaraũ, natürũ nüxũ chidagũ ga marũ na nayuxũ. Rú yemacèx tama nayapoyeparagũ. ³⁴ Natürũ wũxi ga churara rũ Ngechuchuxũ nacanapacũtũxũ. Rú yexgumatama ñayẽxũchi ga nagũ rũ dexã. ³⁵ Rú choma i Cuãũ rũ nüxũ chadau i guxũma ga ñãã pemaã nüxũ chixuxũ. Rú aixcũma nixĩ i ñãã chorũ ore. Rú chomatama nüxũ chacuèx i aixcũma na yĩxũ, rũ pemaã nüxũ chixu na pema rũ ta peyaxõgũxũcèx. ³⁶ Rú yema nangupetũ na yanguxũcèx i Tupanaãrũ ore i ñmatũxũ i ñãxũ: “Rũ taxũnetãma ya naxchinẽxã nipoyegũ”, ñãxũ. ³⁷ Rú toxnamana i Tupanaãrũ ore i ñmatũxũwã rũ ñanagürũ: “Tã nüxũ narũdaunũ ya yima nacanapacũtũxũgũãcũ”, ñanagürũ.

Ngechuchuxũ inatèxgũ

(Mt 27.57-61; Mr 15.42-47; Lc 23.50-56)

³⁸ Rú nayexma ga wũxi ga yatũ ga Arimatéacũãx ga Yũcheũgũ ãegacũ. Rú nüma rũ ta Ngechuchuxũ nayaxõ, natürũ cããcũ nayaxõ yerũ natanũxũ ga Yudiũgũarũ ãẽxgacũgũxũ namuũ. Rú guma nixĩ ga Piratuna yaçacũ na nayauxũcèx ga Ngechuchuxũne. Rú Piratu rũ: —Ngũ, —ñanagürũ. Rú yexguma ga Yũche rũ yẽma naxũ ga curuchawã ñapotaxũwã, rũ curuchawã nayayaxu ga naxũne ga Ngechuchu. ³⁹ Rú yẽma nangu ga Nicodẽmu ga ñpaacũ chũtacũ Ngechuchuxũtagu naxũãnecũ. Rú yẽma nanange ga 30 kilo naguxũ ga pumara ga yixichixũ na Ngechuchuxũ namaã nachaxũnegũxũcèx. ⁴⁰ Rú yemaãcũ ga Yũche rũ Nicodẽmu rũ curuchawã nanayauxgũ ga naxũne ga Ngechuchu. Rú naxchiru ga marũ pumarachaxũmaã nayanãixpũxũgũ. Yerũ yema nixĩ ga toctũma ga toma ga Yudiũgũ ga yexguma wũxi ga yueta tũxũ ñtatèxgũgũ. ⁴¹ Rú yema nachica ga Ngechuchu curuchawã ñipotaxũwã nayexma ga wũxi ga nanetũnecũ. Rú yema nanetũnecũwã nayexma ga wũxi ga naxmaxũ ga yexwacaxũxũ ga taguma texèxũ nagu natèxgũxũ. ⁴² Rú yema naxmaxũgu nayaxũcuchigũ ga Ngechuchuxũne yerũ nangaicama, rũ paxã tá ñingune ga ngũxchigaarũ ngunexũcèx.

20

Ínarũda ga Ngechuchu

(Mt 28.1-10; Mr 16.1-8; Lc 24.1-12)

¹ Rú yũxũarũ pèxmamaxũchi ga tauta meã yangõonegu, rũ María ga Magadácũãx rũ Ngechuchuxũ ñyaxũcuchigũxũwã ixũ. Rú nüxũ idau ga guma nuta ga Ngechuchumaxũ namaã rũngũxtãũcũ, rũ marũ na ñnaxũgachixũ. ² Rú yexgumatama iĩããchi, rũ yema choma rũ Chimãũ ga Pedrumãã ñtayexmagũxũwã iĩã. Rú ngĩgürũgũ toxũ: —Rũ marũ nanayauxgũ ya Cori ya Ngechuchu i naxmaxũwã. Rú tama nüxũ tacuèx na ngexta na naxũgũãxũ —ngĩgürũgũ. ³ Rú yexguma ga choma rũ Pedru rũ Ngechuchuxũ ñyaxũcuchigũxũwã taxĩ. ⁴ Rú wũxigu itaxũãchi ga tomax, natürũ ga choma rũ porãcũ Pedruarũ yexera ichãããchi. Rú chaxira Ngechuchuxũ ñyaxũcuchixũwã changu. ⁵ Rú ichayarũmaxãchi na nagu chidãucuchixũcèx. Rú nüxũ chadau ga naxchiru ga namaã yanãixpũxũgũãxũ ga yexma na naxũxũ. Natürũ tama aixpegu chaxũcu. ⁶ Rú choweama ñangu ga Chimãũ ga Pedru. Rú

núma rú yema naxmaxũgu naxũcu. Rú núma rú ta núxũ nadau ga yema naxchiru ga namaã yanáixpũxũchiréxũ. ⁷ Rú núxũ nadau ta ga naxchiru ga namaã yanèixèrugũãxũ ga meãma dixcumũxũ ga nũxrũguma ùxũ. Rú tama wũxigu namaã nanu ga yema naxchiru ga namaã yanáixpũxũgũãxũ. ⁸ Rú yexguma ga choma ga chaxiraxũchi yéma na changuxũ, rú choma rú ta chixũcu. Rú núxũ chadau ga guxũma, rú chayaxõ ga Ngechuchu rú marũ wena na namaxũxũ. ⁹ Yerũ noxri rú tama núxũ tacuèxgũéga ga yema Tupanaãrũ ore ga úmatũxũ ga ñaxũ:

“Cristu rú tá wena namaxũ”,
ñaxũ. ¹⁰ Rú yexguma ga toma rú tochiũcèx tawoegu.

Ngechuchu rú ngĩxcèx nangox ga María ga Magadãcũũx
(Mt 16.9-11)

¹¹ Natũrũ ga María rú yexma irũxãũx naxũtagu ga Ngechuchumaxũ. Rú yéma ixaxu. Rú naxauxãcũma iyarũmaxãchi, rú nagu iyadaucuchi ga naxmaxũ. ¹² Rú núxũ idau ga taxre ga daxũcũãx ga Tupanaãrũ orearũ ngerũgũ ga icómũchiruxũ. Rú Ngechuchuxũne ixũchiréxũtwa narũtogũ, rú wũxi ga Ngechuchueru ixũxũtwaama rú to ga nacũtawaama. ¹³ Rú yema daxũcũãx ga duũxũgũ rú ngĩxna nacagũe, rú ñanagũrũgũ: —Pa Ngecũx, ¿tacũcèx cuxaxu? —ñanagũrũgũ. Rú ngĩma rú inangãxũ, rú ngĩgũrũgũ: —Chaxaxu erũ nayangegũ i naxũne ya chorũ Cori, rú tama núxũ chacuèx na ngexta naxũgũãxũ —ngĩgũrũgũ. ¹⁴ Rú yexgumatama yema ngĩxgu, rú ngĩgũweama idau. Rú núxũ idau ga Ngechuchu ga ngĩxũtawa na nayemaxũ. Natũrũ tama núxũ icuèx ga Ngechuchu na yĩxũ ga guma. ¹⁵ Rú yexguma ga Ngechuchu rú ngĩxna naca, rú ñanagũrũ: —Pa Ngecũx, ¿tacũcèx cuxaxu? ¿Rũ texécèx nixĩ i cudauxũ? —ñanagũrũ. Rú ngĩma núxũ nacuèxgu rú yema nixĩ ga yema nanetũnecũarũ dauruũ. Rú yemacèx ngĩgũrũgũ núxũ: —Pa Corix, ega cuma cuyangexgu i naxũne ya Ngechuchu, rú ¿chomã núxũ ixu na ngexta na cunaxũxũ na choma chaxayaxuxũcèx! —ngĩgũrũgũ. ¹⁶ Rú yexguma ga Ngechuchu rú ñanagũrũ ngĩxũ: —Pa Mariãx —ñanagũrũ. Rú ngĩma rú naxcèx idaueguãchi, rú togawa ngĩgũrũgũ núxũ: —Pa Rabunix —ngĩgũrũgũ. Rú ngẽma rú “Pa Ngũxèèruũx”, ñaxũchiga nixĩ. ¹⁷ Rú Ngechuchu rú ñanagũrũ ngĩxũ: —¿Tãxũ i choxũ quingõgũxũ, erũ tauta Chaunãxũtawa chaxũ! ¿Natũrũ ngema chaueneègũtanũwa naxũ rú namaã núxũ yarũxu na choma rú tá Chaunãtũ ya chorũ Tupana ya Penãtũ ya perũ Tupanaxũtawa chaxũxũ! —ñanagũrũ. ¹⁸ Rú yexguma ga María ga Magadãcũũx rú tomaã núxũ iyarũxu ga marũ núxũ na nadauxũ ga Cori ga Ngechu-chu. Rú ñũxũchi tomaã núxũ iyaxu ga yema ore ga Ngechuchu ngĩmaã núxũ ixuxũ.

Norũ ngũexũgũcèx nangox ga Ngechuchu
(Mt 28.16-20; Mr 16.14-18; Lc 24.36-49)

¹⁹ Rú yema yũxũarũ ngunexũãrũ chũtacũ, rú tangutaquèxegũ ga toma ga Ngechuchuarũ ngũexũgũ. Rú togũ tartũwãtaũgũ, yerũ yema Yudũgũarũ ãèxgacũgũxũ tamulè. Rú Ngechuchu rú ngũrũãchi yéma nangox, rú torũ ngãxũtanũgu nachi. Rú toxũ narũmoxè, rú ñanagũrũ: —¿Petaãègũ! —ñanagũrũ. ²⁰ Rú yema ñaxguwena rú toxũ nũgũ nawémèx, rú nũgũ inawépacũtũxũ. Rú tomagũ ga norũ ngũexũgũ rú tataãègũ, yerũ núxũ tadaugũ ga guma torũ Cori. ²¹ Rú yexguma rú wenaxãrũ ñanagũrũ toxũ: —¿Petaãègũ! Rú yema Chaunãtũ núma choxũ na muxũrũũ tãtama nixĩ i pexũ chamuxũ i chomax —ñanagũrũ. ²² Rú yexguma rú toétũ “cue” ñanagũrũ ga Ngechuchu. Rú ñũxũchi ñanagũrũ toxũ: —¿Penayaxgũ i Tupanaãè i Üünexũ! ²³ Rú ngẽxguma duũxũgũ núxũ rũxoegu i norũ pecadugũ, rú pema rú pexũ nangèxma i pora na namaã núxũ pixuxũ na Tupana marũ núxũ núxũ rũngũmaxũ i norũ pecadugũ. Natũrũ ngẽxguma duũxũgũ tama núxũ rũxoegu i norũ pecadugũ, rú pema rú pexũ nangèxma i pora na namaã núxũ pixuxũ na marũ ngẽma norũ pecadugũwatama nangèxmagũxũ —ñanagũrũ ga Ngechuchu.

Tumachi núxũ nadau ga Cori ga wena maxũcũ

²⁴ Natũrũ totanũxũ ga Tumachi ga Wũxigu Buexũmaã taxugũxũ, rú tama totanũwa nayexma ga yexguma Ngechuchu toxcèx ngoxgu. ²⁵ Rú yixcama ga toma rú Tumachimaã núxũ tixugũe, rú ñatarũgũgũ: —Marũ núxũ tadau ya tórũ Cori ya Ngechuchu —ñatarũgũgũ. Natũrũ ga Tumachi rú toxũ nangãxũ rú ñanagũrũ: —Ngẽxguma tama núxũ chadèxgu i norũ itapuamaxũ i naxmèxwa rú tama núxũ chingõgũgu i ngẽma itapuamaxũ rú ngẽma norũ cana-pacũtũxũ, rú tãtũtama chayaxõ i ngẽma ore i chomãã núxũ pixuxũ —ñanagũrũ. ²⁶ Rú 8 ga ngunexũguwena rú wenaxãrũ tangutaquèxegũ ga toma ga wũxi ga Ípatawa. Rú totanũwa nayexma ga Tumachi ga yexguma. Rú woo ga na nawãxtaxũ ga Iãx, rú ngũrũãchi yéma nangox ga Ngechuchu, rú torũ ngãxũtanũgu nachi. Rú toxũ narũmoxè, rú ñanagũrũ: —¿Petaãègũ! —ñanagũrũ. ²⁷ Rú yexguma Tumachixũ ñanagũrũ ga Ngechuchu: —¿Nũxũ ingõgũ i ñãã chorũ itapuamaxũ i choxmèxwa ngèxmaxũ, rú núxũ nadau ya daa choxmèx! ¿Rũ nuxa chorũ canapacũtũxũgu ingõgũ! ¿Rũ núxũ rũxo na tama cuyaxõxũ! ¿Rũ meãma yaxõ i

ñuxmax! –ñanagürü. ²⁸ Rû yexguma ga Tumachi rû Ngechuchuxû nangãxû, rû ñanagürü: – Pa Chorü Corix, cuma nixî i chorü Tupana quixû –ñanagürü. ²⁹ Rû Ngechuchu rû ñanagürü nüxû: –Pa Tumachix, cuma cuyaxô i ñuxma erü choxû cudau. Natürü tataãëgü ya yixema tama choxû daugüacüma yaxôgüxe –ñanagürü.

Tacücèx naxümatü i ñaã popera

³⁰ Rû Ngechuchu rû topëxewa nanaxü ga muxüma ga to ga mexügü ga cuëxruügü i tama ñaã poperagu ümatüxü. ³¹ Natürü guxüma i ñaã poperagu ümatüxü, rû naxümatü na peyaxôgüxcèx na Ngechuchu rû Cristu ya Tupana Nane na yixû. Rû ngëxguma nüxü peyaxôgügu rû tá pexü nangëxma i maxü i taguma güxü.

21

Ngechuchu rû 7 ga norü nguëxügücèx nangox

¹ Rû yemawena ga Ngechuchu rû wenaxärü toxçèx nangox naxtaxa ga Gariréaanacüwa. Rû Tibéria nixî ga to ga naega. Rû ñaãcü nixî ga toxçèx nangôxü. ² Rû wüxiwa tayexmagü ga choma rû Chaütüagu ga Zebedeu nanegü rû Chimáu ga Pedru, rû Tumachi ga Wüxigu Buëxümaã taxügüxü, rû Natanaë ga Gariréaanegune ga ñane ga Canácüãx, rû to ga taxre ga tomücügü ga Ngechuchuarü nguëxügü. ³ Rû Chimáu ga Pedru rû ñanagürü toxü: –Tá chayapüchae –ñanagürü. Rû yexguma ga toma rû tanangãxügü, rû ñatarügügü nüxü: –Toma rû tá ta cuwe tarüxî –ñatarügügü. Rû yéma taxî, rû wüxi ga ngegu tichoï. Natürü yema chütaxügu rû taxuüma ga choxni tiyaxügü. ⁴ Rû yexguma noxri yangôonegu rû Ngechuchu toxçèx nangox ga naxtaxaanacüwa. Natürü ga toma rû tama nüxü tacüëxgü ga Ngechuchu na yixû. ⁵ Rû yexguma ga Ngechuchu rû toxna naca, rû ñanagürü toxü: –Pa Ngextüxücügüx, ¿xèna taxuüma i choxni piyaxügü? –ñanagürü. Rû toma rû tanangãxügü rû ñatarügügü: –Taxuüma –ñatarügügü. ⁶ Rû yexguma ga Ngechuchu rû ñanagürü toxü: –¡Pewëärü tügüneçüwawaama penatáe i perü pücha! rû tá ipenayauxü i choxni –ñanagürü. Rû yémaãma naxçèx nawëxë. ⁸ Rû toma ga natanüxü rû nguemaãtama naxãnacüwa taxãgü. Rû yéma tanatügü ga yema pücha ga choxnimaã äacuxü yerü 100 metruxicatama nataxu ga na naxãnacüwa na tangügüxü. ⁹ Rû yexguma nguëwa itachoügu rû yéma nüxü tadau ga wüxi ga üxü, rû naxëtügu naxü ga wüxi ga choxni. Rû yéma nayexma ta ga wüxi ga päu. ¹⁰ Rû Ngechuchu rû ñanagürü toxü: –¡Nuãta penge i ñuxre i ngëma choxni i ipeyaxüxü! –ñanagürü. ¹¹ Rû Chimáu ga Pedru rû ngegu nixüe. Rû yema püchamaã naxnücügu ñanatüächiwetaü ga choxni ga ñnayauxüxü. Rû 153 ga choxni ga itaxü nayexma nawa ga yema pücha. Rû woo ga na namuxüchixü, rû tama narügü ga pücha. ¹² Rû yexguma ga Ngechuchu rû ñanagürü toxü: –¡Nuã pexî rû peyachibüe! –ñanagürü. Rû taxüema ga toma rû nüxna tacaxchaü na texé yixü ga nümax, yerü marü nüxü tacüëxgü ga guma na yixü ga Cori ga Ngechuchu. ¹³ Rû yexguma ga Ngechuchu rû yéma toxütawa naxü. Rû nanayaxu ga päu rû wüxichigü toxna nanaxã. Rû yexgumarüü ta ga choxni rû toxna nanaxã. ¹⁴ Rû yema nixî ga norü tomaëxpüxcüna ga toxçèx na nangôxü ga Ngechuchu ga yuwa ñadaxguwena.

Ngechuchu rû Pedrumaã nidexa

¹⁵ Rû yexguma chibüewa tingügüguwena rû Ngechuchu rû Chimáu ga Pedruna naca, rû ñanagürü: –Pa Chimáu Pa Cuãü Nanex, ¿aixcüma choxü cungechaüxü i ñaã cumücügüxü na cungechaüxüärü yexera? –ñanagürü. Rû Pedru nanangãxü, rû ñanagürü: –Ngü, Pa Corix, cuma nüxü cucüèx na cuxü changechaüxü –ñanagürü. Rû Ngechuchu rû ñanagürü nüxü: –¡Nachibüexëë i chorü duüxügü! –ñanagürü. ¹⁶ Rû wenaxärü Pedruna naca, rû ñanagürü: –Pa Chimáu Pa Yonã Nanex, ¿aixcüma i choxü cungechaüxü? –ñanagürü. Rû Pedru nanangãxü, rû ñanagürü: –Ngü, Pa Corix, cuma nüxü cucüèx na cuxü changechaüxü –ñanagürü. Rû Ngechuchu rû ñanagürü nüxü: –Ëcü, ¡nüxna nadau i chorü duüxügü! –ñanagürü. ¹⁷ Rû norü tomaëxpüxcüna wenama Pedruna naca, rû ñanagürü: –Pa Chimáu Pa Yonã Nanex, ¿aixcümaxüchi yixü i choxü cungechaüxü? –ñanagürü. Rû yexguma ga Pedru rû düxwa nangechaü, yerü norü tomaëxpüxcüna Ngechuchu nüxna naca ngoxi aixcüma nüxü nangechaü. Rû ñanagürü ga Pedru: –Pa Corix, cuma nüxü cucüèx i guxüma. Rû cuma nüxü cucüèx na aixcümaxüchi cuxü changechaüxü –ñanagürü. Rû Ngechuchu ñanagürü nüxü: –Ëcü ¡nachibüexëë i chorü duüxügü! ¹⁸ –Rû aixcüma cumaã nüxü chixu rû yexguma cungextüxügü rû cügü quicüxuchü ga na ngextã cuma icunaxwëxëxüwa cuxüxüçèx. Natürü ngëxguma yaguãx quixügu rû tá quixuuchichacüü na toge cuxü icüxuchixüçèx. Rû ngëma tama cuma icunaxwëxëxüwa tá cuxü nagagü –ñanagürü. ¹⁹ Rû Ngechuchu rû yema ñanagürü

na nüxŭ nüxŭ nacuèxêèxŭcèx ga ñuxãcü tá na nayuxŭ ga Pedru na yemaãcü Tupanaxŭ nataxêèxŭcèx. Rŭ yemawena ga Ngechuchu rŭ ñanagŭrŭ nüxŭ: —¡Chowe rŭxŭ! —ñanagŭrŭ.

Yema ngúexŭ ga Ngechuchu poraãcü nüxŭ ngechaŭxŭchiga

²⁰ Rŭ yexguma nügŭweama nadèuxgu ga Pedru rŭ choxŭ nadau ga naweama na ne chaxŭxŭ. Rŭ chomachirèx nixŭ ga chibŭwa Ngechuchucŭwawa charŭtoxŭ rŭ nüxna chaçaxŭ rŭ ñachaxŭ:

“Pa Corix, ¿texé tá tixŭ ya yŭxema bexma cuechita cuxŭ íxuauxŭxè?” ñachaxŭ. ²¹ Rŭ yexguma Pedru choxŭ dèuxgu rŭ Ngechuchuna naca, rŭ ñanagŭrŭ: —Pa Corix, ¿ñaã Cuáŭ rŭ ¡acŭ tá nüxŭ ŭpetŭxŭ? —ñanagŭrŭ. ²² Rŭ Ngechuchu nanangãxŭ, rŭ ñanagŭrŭ nüxŭ: —Ngèxguma choma chanaxwèxegu rŭ chanamaxêè ñuxmatáta wena núma chaxŭ. ¿Rŭ tŭxcŭxŭ i nagu curŭxŭnŭxŭ i ngema? Rŭ cuma ¡rŭ chowe rŭxŭ! —ñanagŭrŭ. ²³ Rŭ yexguma yema chomŭcŭgŭ nüxŭ ñnègu ga yema chauchiga, rŭ nagu narŭxŭnŭe na taxŭtáma chayuxŭ. Natŭrŭ Ngechuchu rŭ tama nüxŭ nixu ga táxŭtáma na chayuxŭ. Natŭrŭ ñanagŭrŭmare:

“Ngèxguma choma chanaxwèxegu rŭ chanamaxêè ñuxmatáta wena núma chaxŭ. ¿Rŭ tŭxcŭxŭ i nagu curŭxŭnŭxŭ i ngèma?”, ñanagŭrŭmare. ²⁴ Rŭ chomatama nixŭ ga nüxŭ chadauxŭ i guxŭma i ñaã pemaã nüxŭ chixuxŭ, rŭ chomatama nixŭ i pexcèx chanaxŭmatŭxŭ i ñaã ore. Rŭ guxáma i toma rŭ nüxŭ tacuèx na aixcŭma na yŭxŭ i ñaã pemaã nüxŭ chixuxŭ. ²⁵ Rŭ nayexma ga to ga muxŭchixŭma ga ¡acŭ ga Ngechuchu ŭxŭ. Rŭ ngèxguma chi naxŭmatŭgu i guxŭma ga yema naxŭxŭchiga, rŭ nagu charŭxŭnŭgu rŭ tãu chima ñoma i naãnegu name i ngèma poperagŭ i nachiga ŭmatŭxŭ.

NGECHUCHUARÜ NGÜEXÜGÜ GA YAMUGÜXÜÄRÜ PURACÜCHIGA

Tupana inaxuneta rü tá ínanqu i Naãe i Üünexü

¹⁻² Pa Mecü Pa Teóquirux, nüxíra chaxümatüxü ga poperawa cumaã nüxü chixu ga guxüma ga Ngechuchu üxü rü duüxügüxü namaã nangüexëëxü ga noxritama inaxügüãgu ga norü puracü ñuxmata yema ngunexü ga Tupana daxüguxü ga naãnewa nagaxgu. Rü yexguma tauta daxüguxü ga naãnewa naxüxu ga Ngechuchu rü nayadexechi ga norü ngüexügü ga yamugüchaxü na Tupanaärü puracü naxüguxüxcëx. Rü Tupanaãe i Üünexüärü poramaã nanangüexëë ga yema duüxügü, rü namaã nüxü nixu ga tacü tá na naxüexü. ³ Rü yexguma marü yuwa inadëxguwena ga núma ga Ngechuchu rü 40 ga ngunexügu rü nügü nangoxëëxü naxëx ga norü ngüexügü rü muxüma ga togü ga nüxü yaxögüxü na yemaãcü nüxü nacüexüguxüxcëx na aixcüma wena namaxüxü. Rü namaã nüxü nixuchiga na ñuxäcü na yixüxü i Tupana äëxgacü iyixüxüwa. ⁴ Rü yexguma yema ngüexügü ga yamugüxütanüwa nayexmagu ga Ngechuchu, rü namaã nüxü nixu ga tama nüxna na ngextá naxüxüxcëx ga Yerucharéü. Rü ñanagürü nüxü: —Ípenangüexëë i ngëma Tupanaãe i Üünexü ga Chaunatü pemaã ixunetaxü ga pemaã nüxü chixuchigaxü! ⁵ Aixcüma nixü ga Cuáü rü dexáwa duüxügüxü inabaiüxëëxü, natürü i pema rü taitáma muxü i ngunexü nangupetü na Tupanaãe i Üünexü tá pexna nguxü —ñanagürü.

Daxüguxü ga naãnewa naxü ga Ngechuchu

⁶ Rü yexguma nangutaquëxëgü ga yema norü duüxügü, rü Ngechuchuna nacagü, rü ñanagürügü: —Pa Corix, zëxna ñoma tá nixü i ngunexü i marü ícunawoxü i nuã Yudiügüchüíãnewa i torü uwanügürü churaragü na wenaxärü tomatama namaã itacuáxüxcëx i ñaã tochiüãne? —ñanagürügü. ⁷ Rü Ngechuchu nanangäxü, rü ñanagürü: —Pema rü taxucëxma nüxü pecuáxchaü i ñuxgu tá nixü i ngëma ngunexü, erü Chaunatüxicatama nüxü nangëxma i pora na nüxü naxunetaxü i ngëma ngunexü i choxna naxcëx peçaxü. ⁸ Natürü ngëxguma pexna nanguxgu i Tupanaãe i Üünexü, rü tá pexü naporaexëë. Rü tá ípechoxü na nüxü peyarüxügüexüxcëx i chauchiga i Yerucharéüwa, rü guxüma i Yudéaanewa, rü Chamáriaanewa, rü ñuxmatáta guxü i naãnewa nangu —ñanagürü. ⁹ Rü yexguma yema ñaxguwena rü nüxü inadaunüyane ga norü ngüexügü, rü Tupana rü daxüguxü ga naãnewa Ngechuchuxü naga. Rü wüxi ga caixanexügu nayaxücu, rü yemaãcü tama wenaxärü nüxü nadaugü. ¹⁰ Rü yexguma Ngechuchuxü inadaunüyane ga daxüwa na naxüxü, rü ngürüächi natanüwa nangox ga taxre ga yatü ga icómüchiruxü. ¹¹ Rü ñanagürügü nüxü: —Pa Yatügü i Gariréaanecüãx, ztüxcüü daxügu iperüdaunü? Erü ñatama Ngechuchu ga petanüwa yexmacü rü ñuxma Tupana daxüwa nagacü, rü ngëma ñuxma nüxü na pedauxü na ñuxäcü daxüwa naxüxü, rü ngëmaãcü tátama nixü i wena núma naxüxü —ñanagürügü.

Yudachicüü nanayauxgü ga Matía

¹² Rü yema ngüexügü ga Ngechuchu imugüxü na Tupanaärü puracü naxüguxüxcëx, rü nüxna ínixü ga guma mëxpüne ga Oríbunecügu äggane. Rü Yerucharéüxcëx nawoegu. Rü guma íanearü yaxü nüxna ga guma mëxpüne rü wüxi ga kilómetru nixü. ¹³ Rü yexguma Yerucharéüärü íãnewa nangügügu, rü nagu nachocu ga guma í ga nagu napegüne. Rü dauxna naxügu naxcëx ga yema ucapu ga taxü ga nagu napegüxü. Rü nümagü nixü ga Pedru, rü Cuáü, rü Chaütiágu, rü Aüdré, rü Piripi, rü Tumachi, rü Baturumé, rü Mateu, rü Chaütiágu ga Arupéu nane, rü Chimáü ga Iporaãëcüücü, rü Yuda ga Chaütiágu naãne. ¹⁴ Rü guxüma ga nümagü rü guxüguma nangutaquëxëgüxü na wüxügu nayumüxëgüxüxcëx namaã ga Ngechuchuenëëgü, rü ngümaã ga María ga Ngechuchu naë, rü ñuxre ga togü ga ngëxügü. ¹⁵ Rü guxüma ga yema ngunexügügu rü nangutaquëxëgüxü ga yema yaxögüxü. Rü 120 nixü. Rü wüxi ga ngunexügu ga Pedru rü inachi ga norü ngäxütanüwa, rü ñanagürü: ¹⁶ —Pa Chomücügüx, marü ningu ga yema Tupanaãe i Üünexü nuxcüma Dabixü muxü na naxümatüãxüxcëx nachiga ga Yuda ga namaärü cuëxruü íxixü naxcëx ga yema duüxügü ga Ngechuchuxü iyaxüguxü. ¹⁷ —Rü tatanüxüchirëx nixü ga Yuda, rü nüma rü ta taxrüü ñaã Tupanaärü puracüwa napuracü ga noxrix. ¹⁸ —Natürü nüma ga Yuda rü bexma Ngechuchuxü inaxuaxü. Rü yemacëx ga äëxgacügü rü nüxü nanaxütanü. Natürü yixcama ga Yuda rü naxcëx ínicuëx ga yema chixexü ga naxüxü, rü yemacëx nanataeguxëë ga yema díeru. Rü yemawena rü nügü nawëxnaxä rü nañtanüwa nügü narütáe. Rü yexguma duüxügü nadaexügügu rü inanago, rü niwãixpütüwe rü ínayixü ga nañnúta. Rü yema díeru ga nataeguxëëxümaã ga äëxgacügü rü naxcëx nataxe ga wüxi ga naãne. ¹⁹ —Rü nüxü

nacuáchigagü ga guxüma ga Yerucharéücdüãx, rü yemacêx Achédamagu nanaxüéga ga yema naâne. Rü ngêma nixî i “Nagüchitãt” ñaxüchiga. ²⁰ –Rü Wiyaegüaru poperawa yemachiga nanaxümatü ga Dabí, rü ñanagürü:

“Yixrüma rü ngema natá ya napata, rü taxüema nagu pe”, ñanagürü. Rü toxnamana i ngêma poperawa rü ñanagürü ta:

“Rü name nixî na toge naxüxü i ngêma norü puracü”, ñanagürü. ²¹⁻²² –Rü nuã tatanüwa nangêxmagü i ñuxre i yatügü ga guxüguma tüxü ümücügüxü ga yexguma tatanüwa nanuxmagu ga Cori ga Ngechuchu. Rü nümagü rü tawe narüxî ga noxritama Cuã Ngechuchuxü ibaieüêgu rü ñuxmata yema ngunexü ga daxüguxü ga naãnewa naxüxgu. Rü name nixî i ngêmatanüwa na nayaxuxü i wüxi i Yudachicüüxü na tamücü yïüxcêx rü tarüü nüxü yaxuxüxcêx i ñuxãcü wena na namaxüxü ya Ngechuchu. ²³ Rü yemawena rü nüxü naxunetagü ga taxre ga yatügü. Rü wüxi nixî ga Yúche ga Yuchugu äegaxü ga Bachabámaã naxugüxü. Rü Matia nixî ga to. ²⁴⁻²⁵ Rü ñaãcü nayümüxêgü: –Pa Corix, cuma nüxü cucuèx i guxüma i duüxügüaru maxü. ¡Rü ñuxma rü toxü nawêx i ngêxürüüxü i cuxcêx mexü i ñaã taxrewa na cunamuxüxcêx rü nüma na naxüãxüxcêx i ñaã puracü ga Yuda itáxü ga yexguma norü poxcuwa naxüxgu! –ñanagürügü. ²⁶ Rü wüxi ga dïeru ga cuèxruü ngxü nañanagügü na yemawa nüxü nacüèxgüxcêx ga ngêxürüüxü ga yema taxre tá na ixücuxü. Rü Matia nangu na yangucuchixüxcêx. Rü yexgumatama rü yema 11 ga duüxügü ga Ngechuchu imugüxütanügu naxã ga Matia.

2

Ínangu ga Tupanaãe i Üünexü

¹ Rü nawa nangu ga yema Yudiügüaru peta ga Pêtecóstege äegaxü. Rü yema ngunexügu rü guxüma ga yema yaxögüxü rü wüxi ga nachicawa nangutaquêxegü. ² Rü ngürüächi daxüwa ne naxü ga wüxi ga naga ñoma wüxi ya buanecü ya taxüchicü icuxcugurüü, rü guxüne ga guma í ga nawa nayexmagünegu nayaxüga. ³ Rü naxcêx nangox ga üxüema ga ñoma naconügüraüxü. Rü yema üxüema rü nügüna nixîgü, rü wüxichigü ga yema yaxögüxüna ninguchigü. ⁴ Rü guxüma ga yema yexmagüxü rü Tupanaãxê ga Üünexü nüxna nangu. Rü yema Naãe i Üünexü yadexagüxcêxüãcüma inanaxügüe ga to ga nagawachigü na yadexagüxü. ⁵ Rü yema ngunexügügu rü yema petacêx Yerucharéüwa nayexmagü ga muxüma ga toxnamana ne íxü ga Yudiügü ga Tupanaga ínüxü ga guxü ga togü ga nachidãnewa ne íxü. ⁶ Rü yexguma nüxü naxínüegü ga ñuxãcü na yadexagüxü ga yema yaxögüxü, rü nangutaquêxegü ga muxüma ga yema duüxügü ga toxnamana ne íxü. Rü nabaixächiaëgü yerü yema yaxögüxü rü wüxichigü ga yema togü ga duüxügügwachigü nidexagü. ⁷ Rü yema na poraãcü nabaixächiaëgüxcêx, rü nügümaã rü ñanagürügü: –¿Tama êxna Gariréaanecüãx yixügüxü i guxü i ñaã duüxügü i tagawa idexagüxü? ⁸ –¿Rü ñuxãcü êxna i nüxü ixínüxü i wüxichigü i yixema i taga i nawa iyaxüwa na yadexagüxü? ⁹⁻¹¹ –Yixema tixügü i Pártiaanecüãx, rü Médiaanecüãx, rü Eraüanecüãx, rü Mechopotámiaãnecüãx, rü Yudeaanecüãx, rü Capadochiaanecüãx, rü Pótuanecüãx, rü Áchiaarü naãnecüãx, rü Piríquiaanecüãx, rü Paüpiriaanecüãx, rü Equitarü naãnecüãx, rü Díbiaarü naãnecüãx i Chirencüãx. Rü tatanüwa nangêxma ta i duüxügü i Créanewa rü Arabíarü naãnewa ne íxü. Rü ñuxre i yixema rü Dumacüãx i Yudiügü tixügü. Rü nüã tatanüwa nangêxma ta i Dumacüãx i tama Yudiügü ixügüxü natürü tacümagu íxü. Rü guxüma rü nüxü taxínüe na wüxichigü i tagawachigü na yadexagüxü i ñaã ngüexügü. Rü tagawa tamaã nüxü nixugüe i ñuxãcü na namexêchixü ya Tupana –ñanagürügü. ¹² Rü guxüma poraãcü nabaixächiaëgü, rü tama nüxü nacüèxgü ga ñuxãcü na yïüxü ga yema. Rü nügüna nacagüe, rü ñanagürügü: –¿Tacüchiga nixî i guxüma i ñaã? –ñanagürügü. ¹³ Natürü ga togü rü nüxü nacugüecüraxü, rü ñanagürügü: –Nangãxëmare rü ngêmacêx nixî i ngêmaãcü yadexagüxü –ñanagürügü.

Pedruarü dexa

¹⁴ Rü yexguma inachi ga Pedru namaã ga yema 11 ga namücügü, rü tagaãcüma ñanagürü: –Pa Yudiügü i nuxma Yerucharéügu naxíãnecü rü Pa Nuãcüãxgüx, ¡rü dücax, meã iperüxínüe i ñaã tá pemaã nüxü chixuxü! ¹⁵ –Rü ñaã chomücügü rü tama nangãxê i pema nagu perüxínüxürüü, erü pèxmatatama nixî rü ngexwacêx 9 arü orawa nangu. ¹⁶ –Natürü ñaã ñuxma nüxü pedaxü nixî ga yema Tupanaãrü orearü uruü ga Yoé marü nüxü ixuchigaxü ga yexguma ñaxgux:

¹⁷ “Rü ñanagürü ya Tupana: ‘Ngêma nawa iyacuáxü i ngunexügügu rü guxü i duüxügütanüwa tá chanamu i Chauãe i Üünexü, rü penegü rü pexacügü rü tá chauchigagu nidexagü. Rü choma rü tá chayangoxetüxêe i perü ngextüxüxügü rü tá nüxü nadaugü i ngêma tá nüxü chawéxü. Rü perü yaguãxgümaã tá chidexa i nanegüwa. ¹⁸ Rü chorü duüxügütanüwa tá chanamu i Chauãe i Üünexü i ngêma

ngunexÛgÛgu, rÛ tá chauchigagu nidexagÛ. ¹⁹ RÛ naãnetÛwewa tá ichanawêx i mexÛgÛ i taguma nÛxÛ idauxÛ. RÛ ñoma i naãnewa tá ichanawêx i cuêxruÛgÛ i nagÛ, rÛ ÛxÛlema, rÛ taemaxÛ. ²⁰ RÛ ÛèxcÛ rÛ tá nixoema rÛ tauemacÛ rÛ tá nagÛrÛÛ naduema naxÛpa na wenaxârÛ nÛma naxÛxÛ ya Cori. RÛ ngêma ngunexÛ i nagu nÛma naxÛxÛ, rÛ wÛxi i ngunexÛ i mexêchixÛ tá nixÛ. ²¹ RÛ guxâma ya yÛxema Corina çaxe na tÛxÛ nangÛxêxêxcêx, rÛ tá tamaxê’ ”,

ñanagÛrÛ ga yema orewa. ²² RÛ ñanagÛrÛ ga Pedru: —Pa DuÛxÛgÛ Pa YudiÛgÛx, jiperÛxÛnÛê i ñaã ore! RÛ pema rÛ meãma nÛxÛ pecuêx rÛ Ngechuchu ga NacharétucÛãx rÛ guma nixÛ ga wÛxi ga yatÛ ga Tupana pepêxewa nÛxÛ yaxucÛ na NanexÛchi yÛxÛ. RÛ yemacêx ga Tupana rÛ norÛ poramaã nÛxÛ nanaxÛxêê ga muxÛma ga mexÛgÛ rÛ cuêxruÛgÛ ga noxri taguma nÛxÛ idauxÛ. ²³ —RÛ Tupana pexna nanamu ga guma Ngechuchu na pecaducêx nayuxÛcêx yerÛ yemaãcÛ nanaxÛxchaÛ ga Tupana, rÛ yemaãcÛ nagu narÛxÛnÛ ga noxri tauta naxÛxgux ga naãne. RÛ pema penamu ga yatÛgÛ ga tama yaxôgÛxÛ na yayaxgÛãxÛcêx rÛ curuchawa na yapotagÛãxÛcêx. RÛ yemaãcÛ penayÛxêê. ²⁴ —RÛ woo nayuchirêx natÛrÛ tama yexma nayacuêx, yerÛ Tupana wena nanamaxêê rÛ ínanadaxêê. RÛ yemaãcÛ ga yema yu rÛ taxuacÛma marÛ nÛxÛ narÛporamaêêcha. ²⁵ —YerÛ ga ãêxgacÛ ga DabÛ rÛ Ngechuchuchigagu nidexa, rÛ ñanagÛrÛ:

“GuxÛgÛma nachauxÛtagu ya Cori ya Tupana rÛ choxÛ narÛngÛxêê na taxucêxma chaxoegaãêxÛcêx. ²⁶ RÛ yemacêx marÛ chataãê rÛ taãêxÛ ga oremaã chidexa. RÛ choma nÛxÛ chacuêx na mexÛ tá choxÛ ÛpetÛxÛ i ngêxguma chayÛxgux. ²⁷ ErÛ cuma tãÛtãma yuexÛchicawa choxÛ cutêx, rÛ tãÛtãma cunaxwêxe na yayixixÛ i chaxune i choma ya Cune ya ÛñecÛ na chÛxÛ. ²⁸ MarÛ choxÛ nÛxÛ cucuêxêê i ñuxãcÛ tá chanayaxu i maxÛ i taguma gÛxÛ, rÛ tá poraãcÛ choxÛ cutaãêxêê, erÛ chomaã tá icurÛããÛx”,

ñanagÛrÛ ga DabÛ. ²⁹ RÛ ñanagÛrÛ ga Pedru: —Pa ChaueneêgÛx, rÛ aixcÛma pemaã nÛxÛ chixu na nayuxÛ ga nuxcÛmaãcÛ ga tórÛ ãêxgacÛ ga DabÛ, rÛ marÛ inatêx, rÛ ñuxma rÛ tá tatanÛwa nangêxma i naxmaxÛ. ³⁰ —NatÛrÛ nÛma ga DabÛ rÛ wÛxi ga TupanaãrÛ orearÛ uruÛ nixÛ. RÛ yemacêx nÛxÛ nacuêx rÛ wÛxi ga nataa tá nixÛ i ãêxgacÛ ya CristuxÛ ingucuchicÛ, yerÛ ga Tupana rÛ yemaãcÛ namaã inaxuneta. ³¹ —RÛ yemacêx nuxcÛmaxÛchima ga DabÛ rÛ ñoma marÛ nÛxÛ nadauxuchixÛrÛÛ nÛxÛ nixu rÛ Cristu rÛ tá yuwa ínarÛda rÛ tãÛtãma naxmaxÛwa nangêxmaêcha rÛ tãÛtãma niyixi i naxÛne. ³² —RÛ ñuxma ya Tupana rÛ marÛ wena nanamaxêê ga guma Ngechuchu, rÛ guxâma ga toma rÛ nÛxÛ tadaugÛ na wena namaxÛxÛ, rÛ ngêmacêx pemaã nÛxÛ tixuchiga. ³³ —RÛ Tupana rÛ daxÛgÛxÛ ga naãnewa nanaga na norÛ tÛgÛnecÛwawa yanatoxÛcêx. RÛ TanatÛ ya Tupana rÛ marÛ nÛxna nanamu ga Naãê i ÛñexÛ ga nuxcÛma nÛxÛ yaxuxÛ rÛ tá nuã na namuãxÛ. RÛ ñuxma ya yima Ngechuchu rÛ nÛma totanÛwa nanamu i ngêma Naãê i ÛñexÛ. RÛ ngêma Naãê nuã ÛxÛ nixÛ i ñuxma nÛxÛ pedauxÛ rÛ nÛxÛ pexÛnÛxêê. ³⁴⁻³⁵ —RÛ taguma daxÛwa naxÛ ga DabÛ, natÛrÛ nÛmatama rÛ ñanagÛrÛ:

“Tupana rÛ chorÛ Cori ya Cristumaã nÛxÛ nixu rÛ ñanagÛrÛ: ‘jRÛ chorÛ tÛgÛnecÛwawa rÛto ñuxmatãta cuxmêxwa chanangêxmagÛxêê i curÛ uwanÛgÛ!’ ”

ñanagÛrÛ. ³⁶ RÛ ñanagÛrÛ ga Pedru: —Name nixÛ i guxâma i pema i YudiÛgÛ na nÛxÛ pecuêxgÛxÛ rÛ guma Ngechuchu ga curuchawa peyapotacÛ, rÛ Tupana rÛ marÛ perÛ Cori ya CristuxÛ nayaxixêê —ñanagÛrÛ ga Pedru. ³⁷ RÛ yexguma yemaxÛ naxÛnÛêgu ga yema duÛxÛgÛ ga yema yexmagÛxÛ, rÛ poraãcÛ nanaxixãchiãêgÛ. RÛ Pedruna nacagÛe, rÛ yema togÛ ga PedrumucÛgÛna rÛ ta nacagÛe, rÛ ñanagÛrÛgÛ: —jRÛ taçÛ tá taxÛexÛ i ñuxmax, Pa ToeneêgÛx? —ñanagÛrÛgÛ. ³⁸ RÛ Pedru nanangãxÛ, rÛ ñanagÛrÛ: —jNÛxÛ perÛxoe i pecÛma i chixexÛ rÛ Tupanacêx pedaugÛe rÛ Ngechuchuegagu ípebaÛ na pexÛ nÛxÛ nangechaÛxÛcêx i perÛ pecadugÛ ya Tupana! RÛ Tupana tá pexna nanamu i Naãê i ÛñexÛ. ³⁹ —RÛ ñaã TupanaãrÛ uneta, rÛ pexcêx nixÛ, rÛ pexacÛgÛcêx, rÛ guxÛ i duÛxÛgÛ i yaxÛwa ngêxmagÛxÛcêx nixÛ. ErÛ guxÛ i duÛxÛgÛ i tórÛ Cori ya Tupana nÛgÛxÛtawa naxcêx çaxÛcêx nixÛ i ngêma uneta —ñanagÛrÛ ga Pedru. ⁴⁰ RÛ yema oremaã rÛ muxÛma ga to ga oremaã nayaxucÛxêgÛ ga Pedru, rÛ ñanagÛrÛ: —jNÛxna pixÛgachi i ngêma duÛxÛgÛ i chixexÛ ÛgÛxÛ na pema rÛ ta tama chixexÛ pexÛgÛxÛcêx! —ñanagÛrÛ. ⁴¹ RÛ yema duÛxÛgÛ ga naga ínÛxêxÛ ga yema ore ga Pedru namaã nÛxÛ ixuxÛ, rÛ ínabaiÛ. RÛ yema ngunexÛgu rÛ poraãcÛ nayexera ga na yaxuxÛ ga yema yaxôgÛxÛ. RÛ 3,000 ga duÛxÛgÛ nixÛ ga NgechuchuxÛ yaxôgÛxÛ ga yexguma. ⁴² RÛ yema yexwacêx yaxôgÛxÛ rÛ guxÛguma inarÛxÛnÛê ga yema ngÛexÛgÛ ga Ngechuchu imugÛxÛãrÛ nguxêêtae. RÛ meã nÛgÛmaã nangaugÛ ga norÛ yemaxÛgÛ. RÛ guxÛguma nayumÛxêgÛxÛ rÛ chibÛcêx nangutaquêxegÛxÛ.

Yema yaxôgÛxÛ rÛ aixcÛma nÛgÛ nangechaxÛgÛ

⁴³ Rü yema nguëxügü ga Ngechuchu imugüxü rü nanaxügü ga muxüma ga mexügü ga Tupanaärü poramaä naxügüxü. Rü yexguma yemaxü nadaugüga ga togü ga duüxügü, rü poraäcü nabaixächiaëgü ga guxüma. ⁴⁴ Rü guxüma ga yema yaxögüxü, rü wüxigu narüxüñüë. Rü meä nügümaä nangaugü ga norü yemaxügü. ⁴⁵ Rü namaä nataxegüxü ga norü naänegü rü guxüma ga togü ga norü yemaxügü. Rü nügümaä ngüxü nitoyegüxü ga yema diëru yexgumarüü na ñuxre natümawëxëxü ga norü ñnatanü ga wüxichigü. ⁴⁶ Rü guxü ga ngunexüga tupauca ga taxünewa nangutaquëxëgüxü, rü chibücëx nangutaquëxëgüxü ga napatagüwa, rü taäëcüma nügümaä nachibüëxü. ⁴⁷ Rü guxüguma Tupanaxü nicuëxüügüxü. Rü guxüma ga yema iänecüäxü rü nüxü nangechaügü ga yema yaxögüxü. Rü wüxichigü ga ngunexüga rü nimuëtanü ga duüxügü ga yaxögüxü, yerü nüma ga Cori ga Ngechuchu rü nüxü narüngüxëë na nayauxgüäxücëx ga norü maxü i taguma güxü.

3

Naxcëx nitaane ga wüxi ga yatü ga chixeparacü

¹ Rü wüxi ga ngunexüga ga Pedru rü Cuäü rü tomaëxpüxarü oragu ga yáuanecü rü tupauca ga taxünewa naxü, yerü yema nixü ga yumüxëärü ora. ² Rü yema guma tupauca ga taxünewa nayexma ga wüxi ga yatü ga norü bucümatama chixeparacü. Rü guxü ga ngunexüga rü natanüxügü rü guma tupauca ga taxünewa iäx ga Mexëchixüga äëgaxüga nayamugüxü, na diërucëx ínacüüxücëx nüxna ga duüxügü ga guma tupauca ga taxünewa chocuxüxü. ³ Rü yexguma Pedru rü Cuäüxü nadëuxgux ga tupauca ga taxünewa na nachocuxü, rü guma chixeparacü rü nüxü nawémëx rü diërucëx nüxna naca. ⁴ Rü Pedru rü Cuäü meäma nüxü narüdaunü, rü Pedru rü ñanagürü nüxü: —jToxü nadawenü! —ñanagürü. ⁵ Rü nüma ga yatü rü nüxü nadawenü, yerü nüma nüxü nacüëxga rü chi tacü nüxna naxägü. ⁶ Natürü ga Pedru rü ñanagürü nüxü: —Choxü nataxuma i diëru. Natürü ngëma choxü ngëxmaxü tá cuxna chaxä. Rü naëgagu ya Ngechuchu ya Cristu ya Nacharëtcüäx cuxü chamu, rü jinachi rü ixü! —ñanagürü. ⁷ Rü yema ñaxguwana ga Pedru, rü norü tügünemëxëgu nayayauxächi, rü inanachixëë, rü yexgumatama napora ga namëxtüxügüwa rü nacutügüwa. ⁸ Rü nayuxnagü rü inachi, rü inanaxügü na iyaxüxü. Rü nümatama iyaxüäcüma Pedru rü Cuäüwe tupauca ga taxünewa naxücu. Rü nanayuxnagüane rü Tupanaxü nicuëxü. ⁹ Rü guxüma ga duüxügü nüxü nadaugü ga na iyaxüxü, rü Tupanaxü na yacuëxüxü. ¹⁰ Rü poraäcü nabaixächiaëgü ga duüxügü naxcëx ga yema nüxü ngupetüxü ga guma yatü. Yerü nüxü nacüëxgü ga na guma yixü ga tupauca ga taxünewa iäx ga Mexëchixüga äëgaxüwa rütooxüchirëcü rü yema diërucëx ícacü.

Tupaucacüwawa yexmaxü ga chopetüchica ga Charomóüarü Üpetüchicagu äëgaxüwa nidexa ga Pedru

¹¹ Rü guma chixeparachirëcü ga marü naxcëx yataanecü, rü tama Pedru rü Cuäüna nixügachichaü. Rü guma tupauca ga taxünewa nayexma ga wüxi ga chopetüchica ga “Charomóüarü Üpetüchicagu” äëgaxü. Rü yema chopetüchicawa rü Pedru rü Cuäücëx naxütaquëxe ga guxüma ga duüxügü yerü poraäcü nabaixächiaëgü. ¹² Rü yexguma Pedru nüxü dëuxgu ga yema duüxügü ga yema naxcëx itaquëxëgüxü, rü ñanagürü nüxü: —Pa Chautanüxügü i Yudiügüx, ¿Tüxcüü pebaixächie namaä i ngëma ñaä yatümaä ngupetüxü? ¿Rü tüxcüü toxü perüdaunü ñoma torü poramaä rü torü mexümaä tanamexëëxürü? ¹³ —Nuxcümaügücü ga tóru oxigü ga Abráü rü Ichaä rü Acobu rü togü ga tóru oxigü rü nüxü nayaxögü ga Tupana. Rü yimatama Tupana nixü ya ñuxma Ngechuchuxü taxëëcü, na guxüärü yexera yixüçëx. Rü gumatama Ngechuchu ya Tupanaärü nguëërüü ixücü nixü ga pema äëxgacü ga Piratuxütawa penagagücü. Rü yexguma nüxü yangëxchaügu ga Piratu, rü pema rü tama penaxwëxëgü ga na yangëäxü. ¹⁴ —Pema rü tama penaxwëxe ga na ínanguxuchixü ga guma üünecü ga aixcüma mecü ga Ngechuchu, natürü naxcëx ípëca na pëxcë ínanguxuchixëäxücëx ga wüxi ga máëtaxü. ¹⁵ —Rü yemaäcü pematama peyamëxgü ga guma Ngechuchu ya tüxü maxëxëëcü. Natürü ga Tupana rü wena nanamaxëë. Rü toma nixü ga nüxü tadaugüxü ga wena na namaxüxü. ¹⁶ —Rü ñaä yatü ga chixeparachirëxü i pema nüxü pedauxü rü nüxü pecuaxü rü marü naxcëx nitaane erü Ngechuchuxü nayaxö. Rü ngëma Ngechuchuxü na yaxödxücëx nixü i naxcëx yataanëxü ngëma ñuxma guxüma i pema nüxü pedauxü rü. ¹⁷ —Rü dücax i ñuxma Pa Chaueneëgüx, rü yexguma pema rü wüxigu perü äëxgacügümaä peyamëxgüga ga Ngechuchu, rü tama nüxü pecuëxgü ga tacü na pëxüxü. ¹⁸ —Natürü ga Tupana rü yemaäcü nayanguxëë ga yema uneta ga nuxcüma nümatama nüxü yaxuxü nawa ga guxüma ga norü orearü urügü. Yerü yema norü ore ga ümatüxüwa rü ñanagürü: “Cristu rü tá nguüxü ninge”, ñanagürü. ¹⁹⁻²⁰ —Rü ngëmacëx, Pa Chaueneëgüx, rü name nixü i nüxü perüxoe i pecüma i chixëxü, rü Tupanacëx pedaugü, rü nüxü peyaxögü na nüma pëxü ínapäxücëx i perü

pecadugū. Rū ngēxguma i nūma rū tá pexū nataāēgūxēē, rū tá nūma nanamu ya Ngechuchu ga noxritama naāne ixūgūgu pexcēx nūxū naxunetacū na perū āēxgacū ya Cristu na yīxūcēx. ²¹ —Natūrū i űuxma rū Tupana nanaxwēxe i daxūguxū i naānegu na naxāūxū ya Ngechuchu űuxmatáta nūma ya Tupana wena namexēēāgu i guxūma i űoma i naānewa ngēxmaxū. Yerū yemaācū nixī ga nūxū yaxuxū ga Tupana nawa ga nuxcūmaūgūxū ga norū orearū uruūgū ga ixūūnēxū. ²² —Rū Moīché rū tórū oxīgūmaā nūxū nixu rū űanagūrū:

“Rū perū Corī ya Tupana rū petanūwa tá nūxū naxuneta i wūxi i norū orearū uruū i chauxrūū ixīxū. Rū name nixī na naga pexīnūēxū i guxūma i ngēma pemaā nūxū yaxuxū. ²³ Rū texē ya tatanūwa tama naga īnūxē i ngēma orearū uruū, rū tá tūxū īnatēxūchi i tatanūwa”;

űanagūrū ga Moīché. ²⁴ —Rū Chamuē rū guxūma ga togū ga Tupanaārū orearū uruūgū ga naweama űgūxū rū ta nūxū nixugūe ga fačū tá na űpetūxū i űomačūcū. ²⁵ —Rū nuxcūmaxūchima ga Tupana rū tórū oxī ga Abrāūmaā nūxū nixu rū űanagūrū:

“Rū wūxi i cutaa tá nixī i nūxū rūngūxēēxū i guxūma i duūxūgū i űoma i naānēčūāx”;

űanagūrū. Rū yemaācū ta Tupana īnaxuneta nawa ga nuxcūmaūgūxū ga norū orearū uruūgū. Rū pemaā nūxū chixu i űuxma, rū pexcēx nixī ga yema unetagū ga nuxcūmaūgūxū ga orearū uruūgūwa tórū oxīgūmaā nūxū yaxuxū ga Tupana. ²⁶ —Rū pemaā nūxū chixu Pa Chautanūxūgū i Yudiūgūx, rū yexguma Tupana wena namaxēēgu ga Nane ga Ngechuchu rū petanūwaxira nanamu na pexū nangūxēēxūcēx, erū nanaxwēxe i wūxichigū i pema na nūxū perūxoēxū i pecūmagū i chixexū —űanagūrū ga Pedru.

4

Āēxgacūgūpēxewa nayexmagū ga Pedru rū Cuáū

¹ Rū yexguma duūxūgūmaā īyadexagūga ga Pedru rū Cuáū, rū yexgumayane yēma nangugū ga guma tupauca ga taxūneārū purichīaarū āēxgacū, rū paigū, rū Chaduchēugū.

² Rū Pedru rū Cuáūmaā nanuē ga paigū yerū duūxūgūxū nangūxēē ga na marū wena namaxūxū ga Ngechuchu, rū naxrūū tá ta wena namaxēxū i guxūma i duūxūgū i marū yuexū. ³ Rū īnanayauxū, rū poxcupataūgu nanawocu űuxmata moxūācū, yerū marū nayāuane. ⁴ Natūrū muxūma ga yema duūxūgū ga nūxū īnūēxū ga yema Tupanaārū ore rū nayaxōgū. Rū 5000 wa nangu ga yatūxūxīca ixugūgu. ⁵ Rū moxūācū Yerucharēūwa nangutaquēxegū ga Yudiūgūarū āēxgacūgū namaā ga naerugū, rū ngūxēēruūgū ga ore ga mugūwa nguxēētaegūxū. ⁶ Rū yēma nayexma ta ga Aná ga paigūeru ixīcū, rū Caipá, rū Cuáū, rū Areyáūdrū, rū guxūma ga yema togū ga paigū ga paigūerutanūxū ixīgūxū. ⁷ Rū nanamu na naxūtawa nagagūāxūcēx ga Pedru rū Cuáū. Rū yexma norū ngāxūtanūgu nanachigūxēē rū nūxna nacagū, rū űanagūrūgū: —ĴTexē pexū tamu, rū texē pexna tanaxā i pora na penamexēēxūcēx i űāā yatū? —űanagūrūgū. ⁸⁻⁹ Rū Pedruwa nayexma ga Tupanaāē ga űūnēxū rū nanaporaxēē. Rū yemacēx ga Pedru rū nanangāxū, rū űanagūrū:

—Pa Īāneārū Āēxgacūgūx, rū Pa Yudiūgūarū Āēxgacūgūerugūx, rū űuxma toxna naxcēx peca naxcēx ga norū mexēē i űāā chixeparachirēxū erū nūxū pecuáxchāū ga űuxācū na namexū. ¹⁰ —Rū űuxma tá pemaā nūxū tixu na nūxū pecuáxūcēx i guxāma i pema rū nūxū nacūxēgūxūcēx i guxūma i tatanūxūgū i Yudiūgu. Rū űāā yatū i űuxma pepēxewa ngēxmaxū rū Ngechuchu ya Cristu ya Nacharētucūāx nixī ga namexēēcū. Rū guma nixī ga pema curuchawa peyapotacū rū peyuxēēcū. Natūrū ga Tupana rū wena nanamaxēē. ¹¹ —Rū gumatama Ngechuchu nixī ga pema nūxū pexoecū. Natūrū ga Tupana rū nayamucuchi na guxūarū āēgacū yixīxūcēx. ¹² —Rū yima Ngechuchucitatama nixī ya tórū maxēēruū, erū yixicatama nixī ga Tupana nūxū unetacū i űoma i naanewa na tūxū namaxēēxūcēx —űanagūrū ga Pedru. ¹³ Rū yexguma yema āēxgacūgū nūxū daugūgu ga űuxācū tama muūēācūma na yadexagūxū ga Pedru rū Cuáū, rū űaűaīxāchīāēgū, yerū nūxū nicuēxāchitanū ga tama meā pexeraxū na yacuáxū rū puracūtanūxūmare yixīgūxū. Rū aixcūma nūxū nicuēxāchitanū ga Ngechuchuarū ngūxūgū na yixīgūxū. ¹⁴ Rū űuxūchi nūxū nadaugū ta ga guma yatū ga rūmecū ga Pedru rū Cuáūxūtagu na nachixū. Rū yemacēx ga yema āēxgacūgū rū taxuacūma űuxū űanagūrūgūēga nachiga ga yema ngupetūxū. ¹⁵ Rū yexguma ga yema āēxgacūgū rū īnanamuxū ga yema īnangutaquēxēgūxūwa, rū nūxīcatama nūgūmaā nidexagū. ¹⁶ Rū űanagūrūgū: —ĴTacū tá namaā ixūxū i űāā yatūgū? Erū guxūma i Yerucharēūcūāx i duūxūgū rū nūxū nacūxēgū i ngēma mexū i taxū i naxūgūxū, rū taxuacūma itayacūx. ¹⁷ —Natūrū ngēma na tama yexeraācū duūxūgūtanūwa nanguchi-gaxūcēx i ngēma ngupetūxū, jrū ngīxā tanamuūxēē na űuxmawena rū taxūemaāma ngēma Ngechuchuchigagu yadexagūxūcēx! —űanagūrūgū. ¹⁸ Rū wenaxārū Pedru rū Cuāūcēx nacagū, rū nūxna naxāga na tama Ngechuchuchigamaā yadexagūxūcēx, rū bai i texēxū na nangūxēēxūcēx i nachiga. ¹⁹ Natūrū ga Pedru rū Cuáū rū nanangāxū, rū űanagūrūgū: —ĴNagu perūxīnūē i pematama! ĴRū namexū i Tupanapēxewa na pēga taxīnūēxū rū ēxna

Tupanaga taxīnūēxū? ²⁰—Erū toma rū taxuacūma nūxū tarūxoe na nūxū tixuxū ga yema nūxū tadaugūxū rū nūxū taxīnūēxū —ñanagūrūgū. ²¹ Rū yexguma ga yema āēxgacūgū rū nayaxāxūnegū rū yemaācū ínayamugū, yerū nataxuma ga ſacūcēx na napoxcūēāxū rū duūxūgūxū namuūē, yerū guxūma ga duūxūgū rū Tupanaxū nicūēxūgū naxcēx ga yema nūxū ngupetūxū ga guma yatū ga chixeparawa rūmecū. ²² Rū guma yatū ga yemaācū Tupanaārū poramaā naxcēx itaanecū, rū 40 arū yexera naxī ga norū taunecū.

Yema yaxōgūxū rū Tupanaarū ngūxēēcēx ínacagū

²³ Rū yexguma marū ínamuxūāxgu, rū Pedru rū Cuáu rū namūcūgū íyexmagūxūwa naxī. Rū namaā nūxū nixugūe ga guxūma ga yema ore ga Yudūgūarū āēxgacūgū rū paigūarū āēxgacūgū namaā nūxū íxuxū. ²⁴ Rū yexguma Pedru rū Cuáu rū naxīnūēgu ga namūcūgū, rū guxūma wūxigu nayumūxēgū rū Tupanamaā nīdexagū rū ñanagūrūgū: —Pa Corix, cuma cunaxū ga daxūgūxū ga naāne rū ñoma ga naāne, rū taxū í taxtū, rū guxūma í ſacū í nawa ngēxmaxū. ²⁵—Rū cumatama nixī ga nuxcūma Cuāē í Ūūnēxūxū cumuxū na curū ngūxēēruū ga Dabīwa yanadēxaxūcēx rū ñaxūcēx:

“¿Tūxūcū í nīpurae í ñoma í naānecūāx í duūxūgū í tama yaxōgūxū? ¿Rū tūxūcū ngēma natūcēxmamare íxīgūxūgu narūxīnūē í guxū í nachīdānecūāx? ²⁶—Nūmagū í nachīdānēgūarū āēxgacūgū rū Tupanamaā nanuē, rū nūgūmaā nangutaquēxegū na wūxigu nūgūmaā nagu naxīnūēxūcēx na ñuxācū tá nūxū na nayexeragūxūcēx ya Cori ya Tupana rū Nane ya nūxū naxunetacū ya Cristu”,

ñanagūrū. ²⁷—Rū aixcūma nixī ga ñoma ga íānēwa ga āēxgacūgū ga Erobe rū Piratu ga nangutaquēxegūxū namaā ga to ga nachīdānēgūcūāx rū totanūxū ga Yudūgū, na chixēxū naxūgūxūcēx namaā ya curū ngūxēēruū ya ūūnecū ya Ngechuchu ya Cristuxū nūxū cuxunetacū. ²⁸—Rū yemaācū ga nūmagū rū nayangūxēē ga guxūma ga yema cuma nuxcūmama nagu curūxīnūxū rū nūxū cuxunetaxū rū tá na yangūxū. ²⁹—¡Rū dūcax, Pa Corix, cuma nūxū cucūēx na ñuxācū toxū naxāxūnegūxū! Toma nixī í curū ngūxēēruūgū rū tanaxwēxe na toxū cuporaēēēxū na tama tamuūēācūma nūxū tixuxūcēx í curū ore. ³⁰—¡Rū curū poramaā nameēxēē í duūxūgū í ídaaweēxū! ¡Rū duūxūgūxū nawēx í cuēxruūgū í curū poramaā cuxūxū í naēgagu ya curū ngūxēēruū ya ūūnecū ya Ngechuchu! —ñanagūrūgū.

³¹ Rū yexguma yumūxēwa nūxū nachauegu, rū guma ípata ga nawa nangutaquēxegūne rū naxīāxāchi. Rū Tupanaāē í Ūūnēxū rū nūxna nangu ga guxūma. Rū tama namuūēācūma nūxū nixugūe ga Tupanaārū ore.

Yema yaxōgūxūārū yemaxūgū rū guxūārū nixī

³² Rū namu ga yema yaxōgūxū. Rū guxūma rū wūxigu narūxīnūē. Rū taxūma nagu narūxīnū ga noxrūxīcatama na yīxū ga norū yemaxūgū, natūrū guxūma ga namūcūgūmaā nangau. ³³ Rū yema ngūēxūgū ga Ngechuchu imugūxū na Tupa-naārū puracū naxūgūxūcēx, rū Tupanaārū poramaā nūxū nixugūe ga ñuxācū wena na namaxūxū ga Cori ga Ngechuchu. Rū Tupana rū poraācū nūxū narūngūxēē ga guxūma ga yema yaxōgūxū. ³⁴⁻³⁵ Rū natanūwa rū nataxuma ga wūxi ga nūxū nataxuxū, yerū guxūma ga yema nūxū yexmaxū ga naānēgū rū ēxna ípatagū, rū namaā nataxegū. Rū yema dīeru ga ngīxū nayauxgūcū rū yēma ngīxū nangegū, rū yema ngūēxūgū ga Ngechuchu imugūxūna ngīxū nayaxāgū. Rū ñuxūchi nūgū ngīxū ninuūxū ga ñuxrechīgū nūxū nataxuxū ga wūxichīgū. ³⁶ Rū nayexma ga wūxi ga yatū ga Lebītanūxū ga Chīprecūāx ga Yūchegu āegacū. Rū yema ngūēxūgū ga Ngechuchu imugūxū na Tupanaārū puracū naxūgūxūcēx rū Bernabēmaā nanaxugū. Rū ngēma naega, rū: “Taāēxēēruū”, ñaxūchīga nixī. ³⁷ Rū nūma ga Bernabē rū nūxū nayexma ga wūxi ga naāne, rū namaā nataxe. Rū yema ngūēxūgū ga Ngechuchu imugūxūxūtawa ngīxū nana ga yema dīeru.

5

Ananīa rū Chacūraarū pecaduchīga

¹ Rū nayexma ga wūxi ga yatū ga Ananīagu āegaxū rū Chacūra ga namēx. Rū nūmagū rū namaā nataxegū ga wūxi ga norū naāne. ² Natūrū nūma ga Ananīa rū namēxmaā wūxigu nagu narūxīnūē na nūgūxū ngīxne nayauxgūxū ga ñuxre ga yema naānetanū. Rū ñuxūchi yema ngūēxūgū ga Ngechuchu imugūxūxūtawa ngīxū nangegū ga yema nūxū íyaxūcū.

³ Rū yexguma ga Pedru rū ñanagūrū nūxū: —Pa Ananīax, ¿tūxūcū ngoxo í Chatanāga cuxīnū rū Tupanaāē í Ūūnēxūmaā quidora, rū cugūxū ngīxne cuyaxa í ñuxre í ngēma curū naānetanū? ⁴—¿Éxna yexguma tauta namaā cutaxegu, rū tama ēxna cuxrū yīxū ga yema naāne? ¿Rū yexguma namaā cutaxegu, tama ēxna cuxrū yīxū ga yema dīeru na ngīxū cugūxēēxūcēx í ngēma cuma cunaxwēxēxūācūma? ¿Tūxūcū í cunaxūxū í ñāa? Tama yatūgūmaāxīca quidora, natūrū Tupanamaā rū ta nixī í quidoraxū —ñanagūrū ga Pedru. ⁵ Rū yexguma yema orexū naxīnūgu ga Ananīa, rū yuxūma inayangu. Rū poraācūxūchīma

namuðe ga guxūma ga yema duūxūgū ga yexguma yemaxū nacuáchigagū. ⁶ Rū ñuxre ga yema yexmagūxū ga ngextūxūxūgū rū nanayauxgū ga naxūne, rū nananuquegū, rū inayatēxgū. ⁷ Rū tomaēxpūxū ga ora ngupetūxgu rū íngu ga namēx. Rū yexma íxūcu natūrū tama nūxū icuēx ga íacu na ngupetūxū. ⁸ Rū Pedru ngíxna naca, rū ñanagūrū: —¿Yema natanū ga ípexunetaxūgu yīxū ga namaā petaxegūxū ga perū naāne? —ñanagūrū. Rū ngíma rū: —Ngū, ngēxgumaēxpūxgu nixī —ngīgūrūgū. ⁹ Rū Pedru rū ñanagūrū ngíxū: —¿Tūxūcū pegūmaā ngēmaācū wūxigu perūxīnūe na namaā pidoraexūcēx í Tupanaāe í Ūūnexū? ¡Dūcēx, ngēma cutēxū íyatēxgūxū rū marū ínangugū, rū ñuxma rū cuxū rū tá ta ngema nangegū! —ñanagūrū. ¹⁰ Rū yexgumatama yūxcūma Pedrupēxegu íyangu. Rū yexguma nachocūxgu ga yema ngextūxūxūgū, rū yūxcūma ngíxū inayangaugū. Rū ngíxū nayauxgū, rū ngítexūtagutama ngíxū nayatēxgū. ¹¹ Rū yexguma nūxū nacuēxgūga ga yema ngupetūxū, rū guxūma ga yema yaxōgūxū rū yema togū ga duūxūgū rū ta poraācūxūchima namuðe.

Tupanaārū poramaā nanaxūgū ga muxūma ga mexūgū

¹² Rū yema ngūexūgū ga Ngechuchu imugūxū, rū duūxūgūpēxewa nanaxūgū ga muxūma ga mexūgū ga Tupanaārū poramaā naxūgūxū. Rū inanaxūxūgū ga muxūma ga cuēxruūgū. Rū guxūma ga yema yaxōgūxū rū guxūguma naxītaquēxegūxū nagu ga yema tupauca ga taxūnewa yemaxū ga chopetūchica ga Charomōūārū Ūpetūchicagu āegaxū. ¹³ Rū yema togū ga duūxūgū ga tama yaxōgūxū rū namuðe na yema yaxōgūxūtanūga naxāgūxū, natūrū poraācū yema yaxōgūxūxū nangechaūgū. ¹⁴ Rū nimuētānūāma ga yema yaxōgūxū yerū muxūma ga duūxūgū ga yatūxūgū rū ngextūgū rū Coriaxū nayaxōgūetanū. ¹⁵ Rū nūma ga duūxūgū rū ítamūgūgu nayamugūxū ga ídaaweexū naxchápenūūmaā rū norū caruūgūmaā na yexguma Pedru yēma ūpetūxgu, rū naxchípetamare nūxū na nachixūcēx. ¹⁶ Rū yexgumarūū ta rū yēma naxītaquēxegūxū ga muxūma ga duūxūgū ga Yerucharēārū ngaicamana imugūne ga íānewa ne íxū. Rū yēma naxcēx nanagagūxū ga yema ídaaweexū rū yema ngoxoāxgūxū. Rū guxūma naxcēx nitaanegū.

Pedru rū Cuātūwe ningēxūtanū ga paigū

¹⁷ Rū yexguma ga guma paigūeru rū guxūma ga yema natanūxūgū ga Chaduchēgū rū poraācū nixāūxāchigū naxcēx ga yema mexūgū ga naxūgūxū ga yema ngūexūgū ga Ngechuchu imugūxū. ¹⁸ Rū yemacēx norū purichíagūxū namu na ínayauxūāxūcēx ga yema ngūexūgū. Rū íāneārū poxcupataūgu nanapoxcūe. ¹⁹ Natūrū Coriarū orearū ngerūū ga daxūūāx naxcēx nayawāxna ga yema poxcupataārū íāxgu ga chūtacū. Rū ínanamuxū, rū ñanagūrū nūxū: ²⁰ —¡Ngēma tupauca ya taxūnewa pexī, rū guxū í duūxūgūmaā nūxū pixu na ñuxācū Tupana inaxāxū í ngexwacaxūxū í maxū! —ñanagūrū. ²¹ Rū yexguma ga yema ngūexūgū ga Ngechuchu imugūxū rū naga naxīnūe ga yema ore. Rū moxūācū ga pēxmamaxūchi rū tupauca ga taxūnewa naxī, rū duūxūgūxū nangūexēe. Rū yoxni ga guma paigūeru rū natanūxūgū, rū nanangutaquēxēe ga guxūma ga yema togū ga āēxgacūgū ga āēxgacūgūtūcumūwa ūgūxū. Rū poxcupataūwa nanamugū ga purichíagū na yagagūāxūcēx ga yema ngūexūgū ga Ngechuchu imugūxū. ²²⁻²³ Rū yexguma poxcupataūwa nangugūga ga yema purichíagū, rū taxuxūxūma inayangaugū. Rū nayawoega, rū nūxū nayarūxugūe, rū ñanagūrūgū: —Yima poxcupataū rū narūwāxta, rū meāma naitachirēx, rū purichíagū nūxna nadaugu í naāxwa. Natūrū ngēxguma tayawāxnagu, rū taxuxūxūma itayangaugū í aixepewa —ñanagūrūgū. ²⁴ Rū yexguma yema orexū naxīnūe ga yema paigūeru rū yema togū ga paigū ga āēxgacūgū íxīgūxū rū yema tupauca ga taxūneārū purichíagūārū āēxgacū rū guxūma nañaxīchíāēgū yerū tama nūxū nacuēxgū ga ngextá tá na nanguxū ga guxūma ga yema rū ñuxācū tá na íyanaxoxēēgūāxū. ²⁵ Rū yexguma yemagu ínaxīnūeyane rū yēma nangu ga wūxi ga yatū, rū namaā nūxū nixu, rū ñanagūrū: —Ngēma yatūgū í pepoxcūechirēxū, rū tupauca ya taxūnewa nangēxmagū, rū ínanangūexēe í duūxūgū —ñanagūrū. ²⁶ Rū yēma naxī ga tupauca ga taxūneārū purichíagūārū āēxgacū wūxigu namaā ga norū purichíagū na yagagūāxūcēx. Natūrū namuðe na duūxūgū nutamaā yamuxūtanūxū, rū yemacēx meāmare yema ngūexūgūxū nīgagū. ²⁷ Rū yexguma namaā ínangugū, rū yema āēxgacūgūpēxewa nanagagū. Rū yema paigūeru rū namaā nidexa rū ñanagūrū nūxū: ²⁸ —Marū poraācū pexna tanachuxu na tama ngēma Ngechuchūēgamaā penangūexēēxūcēx. Natūrū í pema rū guxūne ya Yerucharēūwa penangūexēe í duūxūgū, rū ñuxūchi toxna penaxuxchaū ga na togagu nayuxū ga yema Ngechuchu —ñanagūrū. ²⁹ Rū Pedru rū namūcūgūmaā nanangāxūgū, rū ñanagūrūgū: —Narūmemaē nixī na Tupanaga taxīnūēxū rū tama í yatūgūga. ³⁰ —Guma Tupana ga nuxcūmaūgūxū ga tórū oxīgū nūxū yaxōgūcū, rū guma nixī ga wena namaxēēcū ga Ngechuchu ga pema peyamācū ga yexguma curuchawa peyapotagū. ³¹ —Natūrū Tupana rū nanataxēēāma, rū nūgūarū tūgūnecūwawa nanatoxēe. Rū tórū cuēxruū rū maxēxēeruū nayangucuchixēe na tatanūxūgū í Yudūngūxū nangūxēēxūcēx na nūxū naxoexūcēx í norū chixūxūgū, rū Tupana nūxū nūxū

nangechaũxcèx i norũ pecadugũ. ³² –Rũ toma nũxũ tacuèx na aixcũma yĩĩxũ i guxũma i ngẽma pemaã nũxũ tixuxũ erũ tomatama nũxũ tadaugũ. Rũ ngẽxgumarũũ ta i Tupanaãe i Ũnẽxũ i Tupana tũxna ãxũ ya yĩxema naga ãnũẽxẽ, rũ nũxũ nacuèx na aixcũma yĩĩxũ – ñanagũrũgũ. ³³ Rũ yexguma yemaxũ naxĩnũẽgu ga yema ãẽxgacũgũ, rũ poraãcũxũchima nanuẽ, rũ nanadaixchaũ. ³⁴ Natũrũ yema ãẽxgacũgũtanũwa nayexma ga wũxi ga Parichẽu ga Gamariẽ ga naega. Rũ nũma rũ meãma nanangũxẽẽ ga Tupanaãrũ mugũ. Rũ guxũma ga duũxũgũ rũ nũxũ nangechaũgũ. Rũ nũma ga Gamariẽ inachi rũ nanamu na paxaãchi ãnamuxũãxũcèx ga yema ngũxũgũ ga Ngechuchu imugũxũ. ³⁵ Rũ ñuxũchi namũcũgũ ga ãẽxgacũgũmaã nũxũ nixu rũ ñanagũrũ: –Pa Chautanũxũx, ipexuãẽgũ na ñacũ ta namaã pexũxũ i ñaã yatũgũ! ³⁶ –Rũ nũxna pecuèxãchie ga ũpa ga ñuxãcũ ãẽxgacũxũ nũgũ ningucuchixẽẽchaũ ga Teudã. Rũ nũgũtama nixu na wũxi ga ñacũ na yĩĩxũ. Rũ maneca 400 naguxũ ga yatũgũ nawe narũxĩ. Natũrũ churaragũ nayamẽxgũ, rũ nayu. Rũ guxũma ga yema nawe rũxĩxũ rũ nangĩachi, rũ yexma nayarũxo ga guxũma. ³⁷ –Rũ yĩxcũra ãnangu ga to ga yexguma tachiũãneãrũ ãẽxgacũ duũxũgũxũ ixugũgu, rũ yema nixĩ ga Yuda ga Garirẽaanecũãx ga ãẽxgacũxũ nũgũ ingucuchixẽẽchaũxũ. Rũ nayaxucuxẽgũ ga duũxũgũ rũ nawe narũxĩ ga ñuxre. Natũrũ yemaxũ rũ ta nimẽxgũ rũ nayu. Rũ guxũma ga yema nawe rũxĩxũ rũ nangĩachi. ³⁸ –Rũ ngẽmacèx i ñuxma rũ pexũ chaxucuxẽ na peyangẽxgũxũ i ñaã yatũgũ, rũ tama penapoxcuxũ. Erũ ngẽxguma nagagutama yixĩgu i ngẽma nũma naxũgũxũ, rũ ta ãnayarũxo. ³⁹ –Natũrũ ngẽxguma Tupanaãrũ yixĩgu i ñaã naxũgũxũ, rũ taxuacũma ipeyanaxoxẽẽ. ¡Rũ pexuãẽgũ na tama ngũrũachi Tupanamaã yĩĩxũ i penuẽxũ! –ñanagũrũ. Rũ guxũma ga yema ãẽxgacũgũ rũ naga naxĩnũẽ ga yema norũ ucuxẽ. ⁴⁰ Rũ ñuxũchi nanachocuxẽẽ ga yema ngũxũgũ ga Ngechuchu imugũxũ. Rũ nyaçuaixgũ. Rũ nũxna naxãga na tama Ngechuchuchiga yadexagũxũcèx. Rũ yemawena rũ nayangẽxgũ. ⁴¹ Rũ yema ãẽxgacũgũna ãnixĩ ga yema ngũxũgũ. Rũ nataãẽgũ yerũ woetama Tupana nanaxwẽxe ga yemaãcũ Ngechuchucèx ngũxũ na yangegũxũ. ⁴² Rũ guxũ ga ngunexũgu tupauca ga taxũnema rũ ãpatagiwa, rũ nanangũxẽẽãma, rũ nũxũ nixugũetanũ ga ore ga mexũ ga Ngechuchu ya Cristuchiga.

6

Yema ngũxũgũ ga Ngechuchu imugũxũ rũ nũxũ naxuneta ga 7 ga yatũgũ na nũxũ nangũxẽẽgũxũcèx ga Tupanaãrũ puracũwa

¹ Rũ yexgumaũcũũ rũ yexeraãcũ nimuchigũ ga yema duũxũgũ ga yaxõgũxũ. Rũ natanũwa nayexmagũ ga Yudiũgũchirẽx ga Griẽguanewa ne ãxũ rũ Griẽgugawa idexagũxũ. Rũ nayexma ta ga yaxõgũxũ ga Yudiũgũ ga Yerucharẽũcũãx ga woetama nagawa idexagũxũ. Rũ yema yaxõgũxũ ga Griẽgugawa idexagũxũ rũ nidexagũẽcha nachigagu ga yema yaxõgũxũ ga Yerucharẽũcũãxgu ixĩgũxũ, rũ ñanagũrũgũ: –Totanũwa yutegũxe rũ tama meã õna tũxna naxãgũxũ i ngẽxguma õna ãnaxãgũũxgu i wũxichigũ i ngunexũgu –ñanagũrũgũ. ² Rũ yexguma ga yema 12 ga ngũxũgũ ga Ngechuchu imugũxũ rũ guxũma ga yema yaxõgũxũxũ nangutaquẽxexẽẽgũ, rũ ñanagũrũgũ nũxũ: –Tama name na ãtanangẽxũ i Tupanaãrũ orearũ uchiga i tomax na õnamaã itacuãxũcèx. ³ –Rũ ngẽmacèx, Pa Tomũcũgũx, rũ ¡Naxcèx pedẽux i petanũwa ya 7 ya yatũgũ ya guxãma nũxũ ngechaũcũ, rũ meã naãẽxũ cuãcũ, rũ aixcũma Tupanaãe i Ũnẽxũ nawa ngẽxmacũ! Rũ toma tá nũxna tanaxã i ngẽma puracũ na nũmagũ õnamaã ãnacuèxgũxũcèx. ⁴ –Rũ ngẽxguma i toma rũ yumũxẽwa rũ Tupanaãrũ orearũ uchigawaxicatama tá tapuracũẽ –ñanagũrũgũ. ⁵ Rũ yexguma ga guxũma ga yema duũxũgũ rũ: –Ngũ –ñanagũrũgũ naxcèx ga yema ore. Rũ nũxũ naxunetagũ ga Etẽbaũ ga meã yaxõcũ rũ aixcũma Tupanaãe i Ũnẽxũ nawa yexmacũ, rũ Piripi, rũ Põcoro, rũ Nicanũru, rũ Timũ rũ Parumẽnu, rũ Nicurãchi ga Aũtioquãcũãx ga tauta Ngechuchuxãxũ yaxõõgu Yudiũgũcũma yaxucũ. ⁶ Rũ yema ngũxũgũ ga Ngechuchu imugũxũxũtawana nanagagũ. Rũ nũmagũ naxmẽxmaã nũxũ yangõgũãcũma naxcèx nayumũxẽgũ. ⁷ Rũ yema Tupanaãrũ ore rũ yexeraãcũ nixũchigũ. Rũ poraãcũ nimuẽtanũ ga yema yaxõgũxũ ga Yerucharẽũwa. Rũ woo muxũchixũma ga Yudiũgũarũ paigũ rũ ta Ngechuchuxãxũ nayaxõgũ.

Etẽbaũxũ niyauxgũ

⁸ Rũ Etẽbaũ nixĩ ga wũxi ga yatũ ga Tupana poraãcũ nũxũ rũngũxẽẽcũ rũ naporaxẽẽcũ na duũxũgũtanũwa naxũãxũcèx ga mexũgũ ga taxũgũ rũ cuèxruũgũ ga Tupanaãrũ poramaã naxũxũ. ⁹ Rũ nayexma ga wũxi ga ngutaquẽxepataũ ga Yudiũgũarũ ga ãngũxũãrũ Ngutaquẽxepataũgu ãegane. Rũ gumawa nangutaquẽxegũ ga duũxũgũ ga ũpacũ corigũmẽxẽwa yexmagũxũ. Rũ ñuxre ga guma ngutaquẽxepataũcũãx rũ wũxigu namaã ga ñuxre ga Chireneãnecũãx, rũ Aleyãdriaãnecũãx, rũ Chirĩchiaãnecũãx, rũ ãchiaarũ naãnecũãx, rũ ãnanaxũgũe ga Etẽbaũmaã na iyaporaganũcũxũ. ¹⁰ Natũrũ taxuacũma Etẽbaũxũ narũyexeragũ, yerũ nũma ga Etẽbaũ rũ nidexa namaã ga yema cuèx ga Tupanaãe i Ũnẽxũ

nūxna āxū. ¹¹ Rū yexguma ga yema duūxūgū rū togūaxū nanaxūtanūgū na Etébaūchiga doraxū yaxugūxcēx. Rū űanagūrūgū ga yema idoraegūxū: –Toma nūxū taxīnūēgu, rū Moīchéchiga rū Tupanachigamaā chixexū ga ore nixugū ga Etébaū –űanagūrūgū. ¹² Rū yemaācū nananūēxēē ga duūxūgū rū Yudiūgūarū āēxgacūgūerugū rū ngūēxēēruūgū ga ore ga mugūwa nguxēētaegūxū. Rū yemacēx Etébaūcēx nibuxmū, rū nayayauxgū, rū āēxgacūgūerugū ngutaquēxegūxūwa nanagagū. ¹³ Rū naxcēx nadaugū ta ga yatūgū ga doraxū ixugūemarexū rū yema rū űanagūrūgū: –űaā yatū rū guxūguma chixexūmaā nidexa i nachigagu ya daa tupauca ya taxūne, rū nachigagu i Tupanaārū mugū. ¹⁴ –Rū toma rū nūxū taxīnūē rū:

“Yima Ngechuchu ya Nacharētucūāx rū tá nanangutaūxēē ya daa tupauca, rū tá inayanaxoxēē i nacūmagū ga Moīché tūxū ngūēxēēxū”, –űanagūrūgū. ¹⁵ Rū yexguma Etébaūxū nadaunūgu ga guxūma ga yema āēxgacūgū ga yema rūtogūxū, rū nūxū nadaugū ga nachametū rū wūxi ga daxū-cūāx ga orearū ngeruūchametūrū rū yīxū.

7

Etébaūrū ore

¹ Rū nūma ga paigūeru, rū Etébaūna naca rū űanagūrū: –¿Aixcūma yīxū i űaā ore i nūxū yaxugūexū? –űanagūrū. ² Rū Etébaū nanangāxū, rū űanagūrū: –Pa Chautanūxū Pa Āēxgacūgūx, ¡Choxū iperūxīnūē! Guma Tupana ya mexēchicū, rū nuxcūmaūcū ga tōrū ōxi ga Abrāūcēx nangox ga yexguma Mechopotāmiāārū naānegu naxāchiūgu ga yexguma tauta Arāūārū naānewa naxūxgu na yexma yaxāchiūxcēx. ³ –Rū Tupana rū űanagūrū nūxū: “¡Nūxna ixū i cuchīāne rū cutanūxū, rū ngēma choma tá cuxū nūxū chadauxēēxū i naānewa naxū!”

űanagūrū. ⁴ –Rū yexguma ínaxūxū ga Abrāū nawa ga yema Cadēucūāxārū naāne ga ngextā noxri ínaxāchiūxūwa, rū Arāūārū naānegu nayaxāchiū. Rū yexguma nanatū yuxguwena, rū űoma ga naāne i űuxma nagu pexāchiūxūwa naxū, yerū yemaācū Tupana nūma nanaga. ⁵ –Natūrū yexguma rū ta taxūma ga noxruūxūchi ga naāne nūxna naxā ga Tupana i űoma i naānewa, rū bai ga íraxū ga noxruūxūchi ga naāne. Natūrū Abrāūmaā inaxuneta ga yixcama tá nūxna na naxāāxū ga űoma i naāne na noxruūxūchi yīxūcēx, rū yixcama marū nayuxguwena rū nanegūarū na yīxūcēx. Rū yemaācū Abrāūmaā inaxuneta ga woo na nangexacūxū ga yexguma. ⁶ –Rū űanagūrū Abrāūxū ga Tupana:

“Rū yixcama i cutaagū rū tá to i nachīāne i tama noxruū íxīxūwa nangēxmagū. Rū ngēma nachīānecūāx i duūxūgū rū norū duūxūgūxū tá nayaxīgūxēē. Rū 400 ya taunecū rū ngēma duūxūgū rū tá chixri namaā nachopetū i cutaagū. ⁷ Natūrū choma tá chanapoxcue i ngēma nachīānecūāx i norū duūxūgūxū yaxīgūxēēxū. Rū ngēmawena i cutaagū rū tá ínachoxū nawa i ngēma naāne, rū nuā űaā i naānewa tá choxū nicūxūūgū”,

űanagūrū ga Tupana. ⁸ –Rū yexguma Tupana rū Abrāū rū nūgūmaā nanamexēē, rū űanagūrū ga Tupana:

“Choma rū tá cuxū charūngūxēē ega cuma rū guxūma i cutanūxūgū ípewīchēxmūpēxechiraūgu. Rū ngēma tá nixī i cuēxruū i yīgūmaā ímexēēxū”,

űanagūrū ga Tupana. Rū nabu ga wūxi ga nane ga Abrāū, rū Ichaágu nanaxūēga. Rū yexguma 8 ga norū ngunexūwa nanguxgu ga Ichaá, rū nūmatama ga Abrāū rū ínanawiehēxmūpēxechiraū. Rū yexguma marū nayēxgu ga Ichaá rū nabu ga nane ga Acobu, rū nūmatama ga Ichaá rū ínanawiehēxmūpēxechiraū. Rū yixcama marū nayēxgu ga Acobu rū nūxū nayexma ga 12 ga nanegū. Rū nūmatama ga Acobu rū ínanawiehēxmūpēxechiraū ga guxūma ga yema 12 ga nanegū. Rū yema 12 ga nanegū nixī ga yema 12 ga nuxcūmaūgūxū ga tōrū ōxīgū. ⁹⁻¹⁰ –Rū yema 12 ga Acobu nanegū ga tōrū ōxīgū íxīgūxūtanūwa rū wūxi rū Yúche nixī ga naega. Natūrū naēnēgū ga guma Yúche rū nixāxāchie, rū yemacēx Equitarū naānewa íxū ga taxetanūxūxū Yúchemaā nataxegū na Equitarū naānewa nagagūāxūcēx. Natūrū Tupana rū Yúchemaā nayexma, rū nūxū narūngūxēē na tama pecadu naxūxcēx ga yexguma guxchaxūwa nayexmagu. Rū nūxna nanaxā ga cuēx, rū Yúchexū narūngūxēē ga meā na nayauxāxūcēx ga Equituaneārū āēxgacū ga Farāū. Rū yemacēx ga Farāū rū āēxgacūxū nayangucuchixēē. Rū nūma ga Yúche nixī ga āēxgacū ga Farāūpatawa rū guxūma ga yema nachīānewa. Rū Farāūxīcatama nixī ga Yúchearū yexera na āēxgacū yīxū ga yema naānewa. ¹¹ –Rū yexgumaācūū nayexma ga taiya ga guxū ga Equitarū naānewa rū Canaāārū naānewa. Rū poraācū taiya nūxū nangux ga duūxūgū. Rū yemacēx ga yema nuxcūmaūgūxū ga tōrū ōxīgū rū dūxwa taxuacūma nūxū inayangaugū ga nabū ga Canaāārū naānewa. ¹² –Natūrū yexguma nūxū nacuāchigaxgu ga Acobu ga na nayexmaxū ga nabū ga Equitanewa, rū yema nanamugū ga nanegū ga guma tōrū ōxīgū íxīgūcū. Rū yema nixī ga nawa ínaxūgūxū ga noxrima nabūcēx Equitanewa na naxīxū. ¹³ –Rū yixcama

marū naguxgu ga yema nabū rū wenaxārū Equituanewa naxī nawa ga nabū. Rū yexguma wenaxārū yéma naxīxgu ga naēneēgū, rū nūgū nixu ga Yúche namaā. Rū yexguma nūxū nacuēx ga Faraū ga ngextācūāx na yīxū ga Yúche. ¹⁴—Rū yixcamaxūra ga Yúche rū tūmacēx nangema ga nanatū rū guxūma ga natanūxū. Rū maneca 75wa nangu ga yema duūxūgū ga Yúchetanūxū. ¹⁵—Rū yemaācū Equituanewa naxū ga Acobu na yexma yaxāchiūxūcēx. Rū yexma nayu ga nūmax. Rū yexma nayue ta ga nanegū ga tórū oxigū. ¹⁶—Rū yexguma nayuxgu ga Acobu, rū Chiquéūwa nanangegū ga naxūne na yexma yatēxgūāxūcēx nagu ga yema naxmaxū ga Abrāū dīērumaā naxcēx taxexū ga Amū nanegūxūtawa ga Chiquéūwa. ¹⁷—Rū dūxwa nawa nangu na Equituanewa ínanguxūxūcēx ga tatanūxū ga yexgumarūū ga Tupana Abrāūmaā ixu-netaxū. Rū yexguma rū marū poraācū nimu ga tatanūxū ga Equituanewa. ¹⁸—Rū yexguma ningucuchi ga to ga Equituanearū āēxgacū ga tama Yúchechigaxū cuāxū. ¹⁹—Rū yema āēxgacū rū tatanūxūxū nawomūxēē rū chixri tūmamaā naxūpetū ga guxema nuxcūmaūgūxe ga tórū oxigū. Rū tūxū namu na yexwaca buexe ga tūmaxācūgūxū ítawogūxū na tayuxūcēx. ²⁰—Rū yexgumaācūū nabu ga Moiché, rū Tupanaāxū nangūchaū. Rū tomaēxpūx ga tauemacū nūxna tadaugū ga tūmapatawa ga naē rū nanatū. ²¹—Rū yexguma dūxwa ítanatēxgūgu, rū Faraūxācū inayaxu, rū ngīnexū inayaxēē. ²²—Rū yemaācū Moichéxū nanguxēēgū ga guxūma ga Equituanecūāxārū cuēx. Rū nūma ga Moiché rū wūxi ga āēxgacū ga poracū nixī, rū norū dexawa rū ta napora. ²³—Rū yexguma 40 ga norū taunecūwa nanguxgu ga Moiché rū nagu narūxīnū ga natanūxūgū ga Yudiūgūtānūgu na naxūāneāxū. ²⁴—Rū nūxū nadau ga wūxi ga Equituanecūāx ga wūxi ga Yudiūxū na naçuaxixū. Rū yemacēx ga Moiché rū yema Yudiūétūwa ínayuxu, rū yema Equituanecūāxū nimēx rū nanayuxēē. ²⁵—Rū nūma ga Moiché nagu rūxīnūgu rū chi natanūxūgū ga Yudiūgu rū chi nūxū nacuēxgū na Tupana yéma namuxū na ínanguxūxēēāxūcēx. Natūrū tama nūxū nacuēxgūēga ga yema natanūxūgū. ²⁶—Rū moxūācū ga Moiché rū nūxū nadau ga to ga taxre ga Yudiūgu ga nūgū yexma deīxū, rū nūxna nachogūchaū. Rū ñanagūrū nūxū:

“Pema rū pegūtānūxūgū pixīgū. ¿Rū tūxcūū pegū pedai i pemax?” ñanagūrū. ²⁷—Rū yexguma ga yema namūcūxū íçuaxixū rū Moichéxū natēxnetā, rū ñanagūrū nūxū:

“¿Texē cuxū tamu na toeru quiūxūcēx rū tomaā icucūāxūcēx? ²⁸—¿Éxna choxū quimāxchaū ta, ga íne quimāxū ga Equituanecūāxūrū?” ñanagūrū. ²⁹—Rū yexguma yemāxū naxīnūga ga Moiché, rū niña ga yema naānewa. Rū Madiāūānewa naxū. Rū yema nachīūāne ga tama noxrū íxīxūgu nayaxāchiū. Rū yexma naxāmēx rū nabu ga taxre ga nanegū. ³⁰—Rū 40 ga taunecūguwena ga dauxchitawa ga Chinaī ga mēxpūneārū ngaicamana, rū wūxi ga naīxētāxācū ga yéma iyauraxūwa Moichéxēx nangox ga wūxi ga Tupanaārū orearū ngerūū ga daxūcūāx. ³¹—Rū nabaixāchiāē ga Moiché ga yexguma nūxū nadēuxgu. Rū naxcēx nixū rū nūxna nangaicama na meā nūxū nadauxūcēx. Rū yexguma Moichémaā nidexa ga Cori ga Tupana, rū ñanagūrū nūxū:

³²“Choma nixī i curū oxigūarū Tupana chíxū rū Abrāū rū Ichaā rū Acobuarū Tupana chíxū”,

ñanagūrū. Rū yexguma ga Moiché rū inanaxūgū ga norū muūmaā na yaduruxū. Rū namūū ga yexma na nadawenūxū. ³³—Rū yexguma ga Cori ga Tupana rū ñanagūrū nūxū:

“Ínacuaixū i curū chapatu erū ñaā naāne i nagu cuchixū rū naxūūne, erū chanuxma!

³⁴Choma rū ngóxūwama nūxū chadau i ñuxācū poraācū ngūxū na yangegūxū i chorū duūxūgū i Equituanewa. Rū nūxū chaxīnū i na naxauxexū. Rū ngēmacēx nūma chaxū na íchananguxūxēēxūcēx. ¡Nuā naxū na Equituanewa cuxū chamuxūcēx!”

ñanagūrū. ³⁵—Rū woo ga noxri ga nūmagū ga natanūxūgū rū guma Moichéxū naxoe ga yexguma ñagūgu:

“¿Rū texē cuxū tamu na toeru quiūxūcēx rū tomaā icucūāxūcēx?” ñagūgu, natūrū ga Tupana rū yéma nanamuāma na yema duūxūgūxū ínanguxūxēēxūcēx rū norū āēxgacū na yīxūcēx. Rū yemaācū Moichéxū namu ga yexguma naxūtāwa namuāxgu ga yema norū orearū ngerūū ga yema naīxētāxācū ga iyauraxūwa naxcēx ngóxū. ³⁶—Rū Moiché nixī ga Equituarū naānewa ínagaxūxū ga nuxcūmaūgūxū ga tórū oxigū. Rū Equituanewa, rū Dauchiūxū ga Taxtūwa, rū dauxchitawa ga ngextā taxúema íxāpataxūwa inanawēx ga cuēxruūgū, rū nanaxū ga mexū ga taxūgū ga Tupanaārū poramaā naxūxū. Rū yemaācū 40 ga taunecū nūxū na rū-ngūxēē ga yema duūxūgū. ³⁷—Rū nūmatama ga Moiché nixī ga tatanūxūgū ga Yudiūgūmaā ñaxū:

“Tupana rū yixcūra tá pexcēx nūxū naxuneta i petanūwa i wūxi i norū orearū urūū ga yexgumarūū ga choxū na naxunetaxūrūū”,

ñanagūrū. ³⁸—Rū nūmatama ga Moiché nixī ga nuxcūmaūgūxū ga tórū oxigūmaā nangutaquēxexū ga yema naāne ga ngextā taxúema íxāpataxūwa. Rū tórū oxigūmaā nayexma ga Chinaī ga mēxpūnewa ga yexguma namaā yadeaxgu ga Tupanaārū orearū ngerūū ga daxūcūāx. Rū nūmatama ga Moiché nixī ga nayauxāxū ga Tupanaārū ore i

maxēxēruū na nūxī tūxna naxāāxūcēx. ³⁹—Natūrū ga tōrū ōxigū rū tama naga naxīnūēchaū ga guma Moīché. Rū inanatēxūchigūama, rū Equituaneguama narūxīnūāēgū. ⁴⁰—Rū tōrū ōxigū rū Moīchéneē ga Arāūxū ūnanagūrūgū: “¡Rū toxcēx naxū i tupanachicūnēxāgū na nawe tarūxīxūcēx! Erū tama nūxū tacūēgū i ūcū nūxū na ūpetūxū i ngēma Moīché ga Equituanewa tūxū yagagūxū”, ūnanagūrūgū. ⁴¹—Rū yexguma nanaxūgū ga wūxi ga wocaxacūchicūnēxā norū tupanaxū. Rū ūxūchī naxcēx nanadai ga ūuxre ga carnerugū na yema-mā nūxū yacūēxūūgūxūcēx. Rū wūxi ga peta naxcēx naxūgū ga yema wocaxacūchicūnēxā ga nūmatama naxūgūxū. ⁴²—Rū yemacēx ga Tupana rū nūxna nixūgachi ga yema duūxūgū. Rū īnanawogū na woramacurī rū ūēxcū rū tauemacūmā natupanaāxēēxūcēx. Yerū yemaācū Tupanaārū orearū uruūgūarū poperagu naxūmatū, rū ūnanagūrū:

“Pema, Pa Yudūgūx, ūChauxcēx yīxū ga penadēixū ga carnerugū ga yexguma 40 ga tauncē dauxchitawa ga ngextā taxūema īxāpataxūwa peyexmagūgū? ⁴³ Tama aixcūma chauxcēx nixī yerū ga pema rū ngextā īpexixūwa rū īpenangeexū ga n-pata ga perū tupananeta ga Moro rū īpenangeexū ga perū tupananeta ga Refāārū woramacurichicūnēxā. Rū yemaācū pegūmā īpenangeexū ga yema tupanane-tachicūnēxāgū ga pematama pexūgūxū na nūxū picūēxūūgūxūcēx. Rū ngēmacēx i ūxma rū perū naānewa tā pexū īchawoxū rū yaxūwa i Babirō-niāārū yexerawa tā pexū chamugū”,

ūnanagūrū ga Tupana ga yema orewa. ⁴⁴—Rū yema naāne ga ngextā taxūema īxāpataxūwa rū tōrū ōxigū nūxū nayexma ga wūxi ga īpata ga naxchirunaxcēx ga nagu namaā nanguxūgūne ga Tupanaārū mugū ga nutagu ūmatūxū. Rū guma īpata ga naxchirunaxcēx nixī ga nūxū nawēācūma Tupana Moīchéxū naxūxēxene. ⁴⁵—Rū yexguma nayūxguwena ga Moīché, rū Yochué ningucuchi ga āēxgacū na yīxū. Rū tōrū ōxigū rū nuā tōrū naānewa nanangegū ga guma īpata ga naxchirunaxcēx ga yexguma Yochuémaā napugūāgu ga ūāā naāne nūxna ga yema duūxūgū ga Tupana īwoxūxū napēxewa ga tōrū ōxigū. Rū nūma nayexma ga guma īpata rū ūxmatā Dabī ingucuchigu ga āēxgacū na yīxū. ⁴⁶—Rū guma āēxgacū ga Dabī rū Tupana rū poraācū namaā nataāē, rū nūxū narūngūxē. Rū nūma ga Dabī rū Tupanana naxcēx naca na naxūāxūcēx ga wūxi ga tupauca ga taxūne ga nawa Tupanaxū na yacūēxūūgūxūcēx ga tatanūxūgū ga Acobutaagū. ⁴⁷—Natūrū Dabī nane ga Charumōū nixī ga naxūcū ga guma tupauca ga Tupanacēx īxīxūne. ⁴⁸—Natūrū ga Tupana ya tacūxūchima rū tama duūxūgū ūxūne ya tupaucagūmā naxāpata. Rū yemacēx ga Tupana rū nuxcūmaācū ga norū orearū uruūwa rū ūnanagūrū:

⁴⁹⁻⁵⁰ “Choma nixī ya āēxgacū ya tacūxūchima, rū daxūgūxū i naāne nixī i chorū tox-maxwēxerū īxīxū rū ūma i naāne nixī i chorū chicutūruū īxīxū. ¡Rū ūxūcūrūwa i nagu perūxīnūēxū tā na penaxūxū ya wūxi ya tupauca ya chaugu mexūne?”

ūnanagūrū ga Cori ya Tupana. Rū ūnanagūrū ta ga Tupana:

“¡Tama ēxna choma yīxū ichanaxūxū ga guxūma i ūcū i ngēxmaxū? ¡Rū ūxūcū chi penaxūxū i wūxi i nachica i nagu charūngūxū?”

ūnanagūrū ga norū orewa. ⁵¹ Rū ūnanagūrū ga Etēbaū: —Dūcēx Pa Āēxgacūgūx, pema rū guxūguma nūxū pexoe i Tupanaārū ore, rū tama īperūxīnūēchaū. Rū peāēwa rū tama peyaxōgūchaū. Rū pema rū guxūguma Tupanaāē i Ūnēxūmāā penūēēcha. Yema nuxcūmaāgūxū ga perū ōxigūrūūtama pixīgū i pemax. ⁵²—Rū perū ōxigū rū chixēcūma namaā nachopetū ga guxūma ga Tupanaārū orearū uruūgū. Rū nanadai ga yema orearū uruūgū ga nūxū ixuchigagūxū ga na nūma naxūxū tā ga guma mecū ya Ngechuchu. Rū yexguma īnanguxgu ga guma Ngechuchu rū pema Piratuna penamu rū penayuxēē. ⁵³—Rū woo pema rū Tupanaārū orearū ngeruūgū ga daxūcūāxūxtawa penayaxu ga Tupanaārū ore, natūrū tama naga pexīnūē —ūnanagūrū ga Etēbaū.

Nayu ga Etēbaū

⁵⁴ Rū yexguma nūxū naxīnūēgu ga yema ore, rū nanūēxūchiama ga yema duūxūgū. Rū norū numaā Etēbaūcēx nixūxchapūtagū. ⁵⁵ Natūrū ga Etēbaū rū aixcūma Tupanaāē i Ūnēxū nawa nayexma. Rū daxū nadawenū, rū nūxū nadau na ūxācū namexēchixū ga Tupana. Rū nūxū nadau ga Ngechuchu ga Tupanaārū tūgūneguama chicū. ⁵⁶ Rū yexguma rū ūnanagūrū: —Nūxū chadau i na yangoxnaāchixū i naānetūwe, rū nūxū chadau ya Cristu ya Tupana Nane ya duūxūxū īxīcū ya Tupanaārū tūgūneguama chicū —ūnanagūrū ga Etēbaū. ⁵⁷ Natūrū nūmagū rū nūgū narūtūtamachixēgū, rū tagaācū aixta naxūēcūma nūxna nayuxgū. ⁵⁸ Rū īnanagaxūchigū ga īānēwa, rū nutagūmā īnanamuxūchigū. Rū yema nayexma ga wūxi ga ngextūxūxū ga Chaurugu āegaxū. Rū yemaxū nanawotanū ga norū gāuxūchirugū ga īnacūxūchigūxū ga yema duūxūgū ga Etēbaūxū īmēxgūxū. ⁵⁹ Rū yexguma nutamaā īnamuxūchigūāguane, rū nayumūxē ga Etēbaū rū ūnanagūrū: —Pa Cori Pa Ngechuchux, ¡Nayaxu i chāuāē! —ūnanagūrū. ⁶⁰ Rū yemawena rū inacaxāpūxū, rū tagaācū

aixta naxü, rü ñanagürü: —Pa Cori Pa Tupanax, ¡Tãxü i ñaã pecaducèx cunapoxcuxèü i ñaã duüxügü! —ñanagürü. Rü yexguma yema ñaxguwena rü nayu.

8

Chauru rü guxema yaxögüxewe ningèchigü na tüxü napoxcuxèücèx

¹ Rü Chauru rü norü me nixü ga Etébaüxü na yamèxgüxü. Rü yematama ngunèxügu rü norü uwanügü rü inanaxügüe ga na poraäcü nawe yangèxütanüxü ga yema yaxögüxü ga Yerucharéüwa yexmagüxü. Rü düxwa ga guxüma rü Yudeáanegu rü Chamárianegu nügü nawoone. Rü yema ngüèxügü ga Ngechuchu imugüxüxcitamama inayaxügü ga Yerucharéüwa. ² Rü ñuxre ga yatügü ga meäma Tupanaäxü yaxögüxü rü nanayauxgü ga Etébaüxüne, rü inanatèxgü rü poraäcü naxcèx naxauxe. ³ R yexguma ga Chauru rü chixri tümamaä naxüpetü ga guxema yaxögüe. Rü tümapataga nixüucuchigü na tüxü inayauxüxècèx. Rü yema tüxü inatüxü ga yatügü rü ngexegü, rü ñuxüchi pocxpupataügu tüxü nawocu.

Chamáriawa nüxü nixuchiga ga Tupanaärü ore i mexü

⁴ Rü yema yaxögüxü ga Chauruchaxwa ibuxmüxü ga Yerucharéüwa, rü guxüwama ga ngextá inaxüxüwa rü nüxü nixuchigagü ga ñuxäcü Ngechuchu tüxü na maxèxèxèxü. ⁵ Rü Piripi nixü ga wüxi ga yema orexü ixuchigacü. Rü nüma rü iäne ga Chamáriawa naxü, rü yema inanaxügü ga Cristuchigaxü na yaxuxü. ⁶ Rü yema duüxügü ga Chamáriacüäx, rü Piripicèx nangutaqéxegü. Rü guxüma meäma inarüxünüe ga yema ore ga namaä nüxü yaxuxü, yerü nüxü nadaugü ga yema mexügü ga taxügü ga Tupanaärü poramaä naxüxü ga Piripi. ⁷ Rü muxéma ga duüxégü ga ngoxogü tümawa yexmaxè rü tümacèx nitaanegü. Rü yema ngoxogü rü tagaäcü aita naxüeäcüma tümawa inachoxü. Rü yexgumarüü ta rü muxéma ga nawäixächigüxè rü chixeparagüxè rü tümacèx nitaanegü. ⁸ Rü yemacèx poraäcü nataäégü ga guxüma ga duüxügü ga guma iäne ga Chamáriawa. ⁹ Natürü guma iänewa nayexma ga wüxi ga yatü ga Chimáügu äegaxü ga ñuxre ga taunecü norü yuümaä duüxügüxü womüxèxèü ga guma iänewa. Rü nügü nixu ga na wüxi ga tacüxü cuäxü na yixü. ¹⁰ Rü guxüma meäma nüxü inarüxünüe woo ga buxügü rü yaxügü. Rü ñanagürügü: —Ñaã yatü rü aixcüma nüxü nangèxma i Tupanaärü pora i taxü —ñanagürügü. ¹¹ Rü naga naxünüe ga duüxügü, yerü mucüma ga taunecü rü norü yuümaä nanawomüxèe. ¹² Rü Piripi rü yema duüxügümaä nüxü nixu ga ore ga mexü ga Ngechuchu ga Cristuchiga, rü ñuxäcü na äëxgacü yixü ya Tupana. Rü yexguma yema ore yaxögüga ga duüxügü, rü Piripi inanabaiüxèe ga yatüxü rü ngèxügü. ¹³ Rü nümatama ga Chimáü rü ta nayaxö, rü inabaie. Rü inanaxügü ga Piripixü na naxümicüxü. Rü yexguma nüxü nadèuxgu ga yema cuèxruügü rü mexügü ga taxü ga Tupanaärü poramaä naxüxü ga Piripi, rü poraäcü nabaixächiaë ga Chimáü. ¹⁴ Rü yema Ngechuchuarü ngüèxügü ga Yerucharéüwa yexmagüxü rü nüxü naxünüèchiga ga meä na nayauxgüäxü ga Tupanaärü ore ga Chamáriawa. Rü yemacèx yema nanamugü ga Pedru rü Cuáü. ¹⁵ Rü yexguma Chamáriawa nangugügu ga Pedru rü Cuáü, rü naxcèx nayumüxégü ga yema yexwaca yaxögüxü ga duüxügü, na nayauxgüäxücèx ga Tupanaäe i Üünèxü. ¹⁶ Yerü yexguma noxri yaxögüägu ga yema duüxügü rü Piripi marü inanabaiüxèëmære naegagu ga Cori ga Ngechuchu, natürü taxuxünata nangu ga Tupanaäe i Üünèxü. ¹⁷ Rü yemacèx ga Pedru rü Cuáü naxmèxmaä nüxü ningögügü ga yema yaxögüxü, rü yexguma nanayauxgü ga Tupanaäe i Üünèxü. ¹⁸⁻¹⁹ Rü nüxü nadau ga Chimáü ga na duüxügüna nanguxü ga Tupanaäe i Üünèxü ga yexguma Pedru rü Cuáü naxmèxmaä yema duüxügüxü yangögügügu. Rü yemacèx dièru Pedru rü Cuáüna ngixü naxächaxü ga Chimáü rü ñanagürü nüxü: —¡Choxna rü ta penaxä i ngéma pora, na yixema tüxü chingögüxè rü ta tüxna nanguxücèx i Tupanaäe i Üünèxü! —ñanagürü. ²⁰ Rü yexguma ga Pedru rü ñanagürü nüxü: —¡Cuxrüütama iyanataxux i curü dièru, erü ngémaä naxcèx cutaxechaü i Naäe i Üünèxü i Tupana tüxna mumarexü! ²¹ Cuma rü taxucürüwama cunayaxu i ngéma pora, erü curü maxü rü tama name i Tupanapèxewa. ²² ¡Nüxü rüxo i ngéma curü chixèxü, rü Tupanana naxcèx naca na cuxü nüxü nangechaüxücèx! Rü bexmana tá cuxü nüxü nangechaü i ngéma chixèxü i cuäëwa nagu curüxünüxü. ²³ Erü nüxü chacuèx rü poraäcü cunuäèwèxè, rü ngéma curü chixèxü rü cumaä inacüèx rü ñoma cupoxcuxürüü cuxü nixixèe —ñanagürü. ²⁴ Rü Chimáü nanangäxü, rü ñanagürü: —¡Pema Tupana chauxcèx pèca na tama choxü nangupetüxücèx i ngéma nüxü pixuxü! —ñanagürü. ²⁵ Rü Pedru rü Cuáü rü yema Chamárianecüäx ga duüxügümaä nüxü nixugüe ga Cori ga Ngechuchuchiga, rü namaä nüxü nixugüe ga Tupanaärü ore. Rü yemawena rü Yerucharéücèx nawoegu. Rü namawa rü muxüne ga Chamárianewa yexmane ga iänèxäcüguwa rü nüxü nixuetanü ga Tupanaärü ore i mexü.

Piripi rü namagu nüxü nangau ga wüxi ga äëxgacü ga Etiópiianecüäx

²⁶ Rū yemawena, rū Tupanaārū orearū ngeruū ga daxūcūāx rū Piripimā nūxū nixu, rū űanagūrū: —jRū paxa inaxūāchi rū űāne ya Gachawaama naxū nawa i ngēma nama i Yerucharēūwa ne daxū rū Gachawa iyarūgoxū! —űanagūrū. Rū ngēma nixī i nama i dauxchitawa i ngextā taxūema űāpataxūwa dapetūxū. ²⁷ Rū inaxūāchi ga Piripi rū yema namawa naxū. Rū yexma nūgū nangau namaā ga wūxi ga yatū ga Etiōpiaenananguxū ga guxcūma ga yema āēxgacūārū dīēru. Rū űeācū Yerucharēūwa naxū na Tupanaxū yanacūēxūxūcēx. ²⁸ Rū nachiūānecēx nataegu, rū norū autu ga cowaru itūchigūnawa narūto. Rū nawa ningūchigū ga yema ore ga Tupanaārū orearū uruū ga Ichaxīa űmatūxū. ²⁹ Rū Tupanaāē i űūnēxū rū Piripixū űanagūrū: —jPaxa naxcēx űxū i ngēma autu! —űanagūrū. ³⁰ Rū paxa yema autcēx niűa ga Piripi. Rū yexguma naxūtawa nanguxgu rū nūxū naxīnū ga na Tupanaārū orearū uruū ga Ichaxīa űmatūxū ga orewa nangūxū ga yema āēxgacū. Rū yexguma ga Piripi rū nūxna naca rū űanagūrū nūxū: —jNūxū cucuāxū i űacūchiga na yīxū i ngēma nawa cungūxū? —űanagūrū. ³¹ Rū nūma ga āēxgacū ga Etiōpiaanecūāx rū nanangāxū, rū űanagūrū: —jNūxūcūrūwa i nūxū chacuāxū ega taxūema chomaā inanguxūxēēgux? —űanagūrū. Rū Piripicēx naca na naxīnagūxūcēx, rū naxūtawa na natoxūcēx. ³² Rū yema nawa yangūchigūxū ga Tupanaārū ore ga űmatūxū, rū űanagūrū:

“Rū űoma wūxi i carneru i norū mēxwa nagagūxūrūūācū nayagagū. Rū wūxi i carneruxacū i ngēma yayoxtēxagūxūpēxewa tama aita űxūrūū nachianemare, rū taxu űanagūrū.

³³ Rū yexguma duūxūgū poraācū chixri namaā chopetūgu rū taxūema naēūwa tachogū. jRū texē tā meā nachiga tidexa ga yema duūxūgū ga yemaācū poraācūxūchima chixexū űgūxū? Yerū nayamēxgū na nataxuxūcēx i norū maxū i űoma i naānēwa”,

űanagūrū ga yema ore ga nawa nangūxū. ³⁴ Rū Piripina naca ga yema āēxgacū ga Etiōpiaanecūāx, rū űanagūrū: —jChomaā nūxū űxu! jRū texēchigagu nixī ga yadexaxū ga yema Tupanaārū orearū uruū? jNūgūchigagutama rū ēxna toguechigagu? —űanagūrū. ³⁵ Rū yexguma nanangāxū ga Piripi. Rū yematama ore ga űmatūxūmaā inanaxūgū na namaā nūxū yaxuxū ga ore i mexū ga Ngechuchigū. ³⁶ Rū yixcamaxūra ga yexguma inaxīyēna, rū dexā űyexmaxūwa nangugū. Rū űanagūrū ga yema āēxgacū: —Nuā nangēxma i dexā. jRū tama ēxna inamexū na nuā choxū űcubaűēxēxū? —űanagūrū. ³⁷ Rū űanagūrū ga Piripi: —Ngēxguma aűxcūma meāma cuyaxōxgux, rū marū name i na cuxū űcubaűēxēxū —űanagūrū. Rū nanangāxū ga yema āēxgacū, rū űanagūrū: —Ngēmaācū chayaxō na Ngechuchu ya Cristu yīxū ya Tupana Nane —űanagūrū. ³⁸ Rū yexguma űnayachaxāchixēē ga norū autu, rū wūxigu dexāchiūwa nachoū. Rū Piripi űnabaűēxēē ga yema āēxgacū. ³⁹ Rū yexguma dexāwa űnachoōchigu, rū Tupanaāē i űūnēxū rū Piripixū niga. Rū yema āēxgacū rū marū tama wena Piripixū nadau. Natūrū taāēcū namagu nixū. ⁴⁰ Natūrū Achotowa nayangox ga Piripi. Rū yema űānēwa inaxūāchi, rū nūxū nixuchigū ga ore i mexū ga guxūma ga űānēwa űuxmata Checharēaarū naānēwa nangu.

9

Ngechuchuaxū nayaxō ga Chauru

¹⁻² Rū yoxni ga Chauru rū daimaā nayaxāxūnechigūma ga yema duūxūgū ga Cori ga Ngechuchuaxū yaxōgūxū. Rū yemacēx paigūeruxūtawa naxū, rū naxcēx nūxna naca ga popera ga nūxna āgaxū na Yudiugūarū ngutaquēxepataūgū ga Damacuwa yexmagūnēgu yaxūcuchigūxūcēx rū yexma tūmacēx nadauxūcēx ga guxema yaxōgūxe ga yatūxe rū ngexegū na Yerucharēūwa tūxū nagagūxūcēx rū yexma tūxū yapoxcūxēxū. ³ Natūrū yexguma marū Damacuxū yangaicagu, rū ngūrūāchi meāma nūxū nabāxi ga wūxi ga omū ga poraxū ga daxūwa űbāxixū. ⁴ Rū űaxtūanēgu nayangu ga Chauru, rū nūxū naxīnū ga wūxi ga naga ga nūxna çagūxū ga űaxū: —Pa Chauru Pa Chaurux, jtūxūcū i chowe quingēchigūxū? —űaxū. ⁵ Rū Chauru nanangāxū, rū űanagūrū: —jRū texē quixū, Pa Corix? —űanagūrū. Rū nūma ga Cori rū nanangāxū rū űanagūrū: —Choma nixī i Ngechuchu, rū chorū duūxūgū nixī i ngēma nawe quingēchigūxū. ⁶ jRū inachi, rū ngēma Damacuarū űānēwa naxū! Rū ngēma rū wūxi ya yatū tā cumaā nūxū nixu na űacū tā cuxūxū —űanagūrū. ⁷ Rū yema yatūgū ga Chauruxū űixūmūcūgūxū, rū űnayanguāēgū, yerū nūxū naxīnūē ga yema ore natūrū taxūēxūma nadaugū. ⁸ Rū űuxūchi inachi ga Chauru ga űaxtūanēwa ga űyanguxūwa, rū nidauchixetū, natūrū taxūma nadau yerū nixoxetū. Rū yemacēx ga namūcūgū, rū nachacūūgu nayayauxāchi, rū yemaācū Damacuwa nanagagū. ⁹ Rū tomaēxpūx ga ngunēxūgu, rū nangexetū, rū tama nachibū, rū tama naxaxe. ¹⁰ Rū Damacuwa nayexma ga wūxi ga yatū ga Ngechuchuaxū yaxōxū ga Ananiā ga naega. Rū Cori ya Ngechuchu naxcēx nangox, rū űanagūrū nūxū: —Pa Ananiāx —űanagūrū. Rū nūma ga Ananiā nanangāxū, rū űanagūrū: —jűacū? Pa Corix —űanagūrū. ¹¹⁻¹² Rū nūma ga Cori nanangāxū, rū űanagūrū: —jDūcēx, ngēma űtamū i Meā i Wēxūgu āēgaxūwa naxū! jRū ngēma Yudapatawa naxcēx

ínaca i wūxi i yatū i Tarsucūāx i Chaurugu āegaxū! Rū nūma rū ngema ínayumūxē rū nangoxetū rū marū cuxū nadau, Pa Ananíāx, na ngēxma cuxūcuxū rū naxētūgu quingōgūxū na wena yadauchixūcēx —ñanagūrū ga Cori ga Tupana. ¹³ Rū yexguma yemaxū naxīnūgu ga Ananíā, rū ñanagūrū: —Pa Corix, muxūma i duūxūgū chomaā nūxū nixu i ngēma yatūchiga na ñuxre i chixexū naxūxū namaā i curū duūxūgū i Yerucharētūwa. ¹⁴ Rū ñuxma rū paigūarū āēxgacūgūarū mumaā nūma naxū na ínayauxūāxūcēx i guxūma i duūxūgū i cuégagu yumūxēgūxū —ñanagūrū. ¹⁵ Natūrū nūma ga Cori rū ñanagūrū nūxū: —jNgema naxū! Erū choma chanayaxu i ngēma yatū na choxū yaxuchigaxūcēx namaā i togū i nachīūānecūāxgū i duūxūgū rū norū āēxgacūgū, rū ngema Iraécūāxgū. ¹⁶ Rū choma tá nūxū nūxū chadauxēē i ñuxre i ngūxū i tá yangexū i chauxcēx —ñanagūrū ga Cori. ¹⁷ Rū guma ĩpata ga Chauru nawa yexmanewa naxū ga Ananíā. Rū nagu naxūcu, rū nūxū ningōgū, rū ñanagūrū nūxū: —Pa Chaueneē Pa Chaurux, nūma ya Cori ya Ngechuchu ga guma namawa cuxcēx ngócū ga yexguma nūma cuxūxgu, rū nūma choxū namu na wenaxārū quidauchixūcēx, rū cuxna nanguxūcēx i Naāē i Ūūnexū —ñanagūrū. ¹⁸ Rū yexgumatama rū ñoma tacūchicutēxerū naxētūwa ínayī, rū yexguma wenaxārū meā nidauchixetū. Rū yexguma inachi ga Chauru, rū Ananíā ínabaiexēē. ¹⁹ Rū yemawena nachibū, rū wenaxārū napora. Rū ñuxre ga ngunexūgu yexma Damacugu narūxāūx namaā ga yema yaxōgūxū ga yexma āchiūgūxū.

Chauru rū Damacuwa nūxū nixu ga Ngechuchuchiga

²⁰ Rū yexguma inanaxūgū ga Chauru ga ngutaquēxepataūgūwa nūxū na yaxuchigaxū na Ngechuchu yīxū ya Tupana Nane. ²¹ Rū guxūma ga yema nūxū ínūēxū rū porācū nabaixāchiāēgū, rū ñanagūrūgū: —¿Tama ēxna ñāā yatū yīxū ga Yerucharētūwa íyayauxūgūxū ga guxūma ga duūxūgū ga Ngechuchuxū yaxōgūxū? ¿Rū tama ēxna ñāātama yīxū ga yema nūma ūxū na ínayauxūāxūcēx rū ñuxūchi paigūarū āēxgacūxūtawa nagagūāxūcēx i duūxūgū i yaxōgūxū? —ñanagūrūgū. ²² Natūrū ga Chauru rū guxū ga ngunexūgu yexeraācū tama namuūācūma nūxū nixuchigaama ga ore ga Ngechuchuchiga. Rū inayanangeēxgūxūē ga Yudiūgū ga Damacuwa yexmagūxū, yerū meāma nanangoxēē na Cristu yīxū ga Ngechuchu.

Chauru rū Yudiūgū- chaxwa ñāā

²³ Rū marū muxūma ga ngunexūgū ngupetūguwena rū yema Yudiūgū rū wūxigu nūgūmaā nagu narūxīnūē na Chauruxū yamēxgūxūcēx. ²⁴ Natūrū nūma ga Chauru rū nūxū nacuāchiga ga na yamēxgūchāūāxū. Rū yema Yudiūgū rū ngunecū rū chūtacū rū guma ĩāneārū poxeguxūārū ĩāxgūgu Chauruxū nanēixgūxū na yamēxgūāxūcēx. ²⁵ Natūrū ga Chauruarū ngūexūgū rū chūtacū rū wūxi ga pexchi ga tacūgu guma ĩāneārū poxeguxūtapūxētūwa ínanaçūxūētaūgūama, rū yemaācū ñāā ga Chauru.

Yerucharētūwa nayexma ga Chauru

²⁶ Rū yexguma Yerucharētūwa nanguxgu ga Chauru, rū yema yaxōgūxūmaā nangutaquēxechaū. Natūrū yema yaxōgūxū rū nūxū namuūē, yerū nūma nūxū nacuēxgūgu rū tama aixcūma Ngechuchuxū nayaxō. ²⁷ Natūrū Bernabé rū yema ngūexūgū ga Ngechuchu imugūxūtanūwa nanagaama. Rū yema ngūexūgūmaā nūxū nixu ga ñuxācū Cori ya Ngechuchuxū na nadauxū ga Chauru ga namawa, rū ñuxācū Cori namaā na idexaxū. Rū nūxū nixu ta ga ñuxācū Damacuwa rū tama namuūācūma nūxū na yaxuxū ga Ngechuchuchiga. ²⁸ Rū yemaācū ga Chauru rū Yerucharētūgu narūxāūx. Rū yema ngūexūgū ga Tupana imugūxūtanūgu naxā. Rū tama namuūācūma Cori ya Ngechuchuchigaxū nixuchigū. ²⁹ Rū yema Yudiūgū ga Griégugawa idexagūxūmaā nixexaxū ga Chauru, rū Ngechuchuchigaga nūgūmaā nayaporaageaxū. Natūrū ga nūmagū rū naxcēx nadaugūama ga ñuxācū tá na yamēxgūāxū. ³⁰ Rū yexguma nūxū yacuēxāchitanūgu ga yema togū ga yaxōgūxū, rū Checharéawa Chauruxū nagagū. Rū yexguma yēma nangugūgu rū wūxi ga wapurugu nayamuēgū rū Tarsuwa naxū. ³¹ Rū yexguma rū meāma nūxū naxūpetū ga yema yaxōgūxū ga guxūma ga Yudēaanewa, rū Garirēaanewa rū Chamáriaanewa. Rū yexeraācū meā nayaxōgūetanū ru aixcūma Tupana naxwēxēxūācūma meā namaxē. Rū Tupanaāē i Ūūnexūārū ngūxēēmaā nimuētānūāma ga yema yaxōgūxū.

Eneā rū narūme

³² Rū yexguma Pedru yema yaxōgūxūtanūgu ixūāgūchigūxgu, rū yema Didágu āchiūgūxū ga yaxōgūxūtanūwa rū ta nangu. ³³ Rū yexma nūxū nayangau ga wūxi ga yatū ga Eneā ga nagega ga 8 ga taunecū norū pechicagu cacū, yerū nanawāixāchi. ³⁴ Rū Pedru ñanagūrū nūxū: —Pa Eneāx, Ngechuchu ya Cristu cuxū narūmexēē. jInachi rū namexēē i cuxchapenūxū! —ñanagūrū. Rū yexgumatama inachi. ³⁵ Rū guxūma ga yema Didācūāxgū rū Charunacūāxgū rū nūxū nadaugū ga na inachixū ga guma yatū, rū nūxū narūxoe ga nacūmagū ga chixexū, rū Cori ya Ngechuchuwe narūxī.

Wena imaxīl ga Dorca

³⁶ Rū yexgumaūcūū ga īāne ga Yopewa rū iyexma ga wūxi ga Tupanaāxū yaxōxcū ga ngecū ga Tabita ga ngēga. Rū ngēma naega i Griégugawa rū Dorca űaxūchiga nixī. Rū ngīma rū wūxi ga mecū iyixī ga ngīrū űwa, rū guxūguma nūxū irūngūxēē ga yema duūxūgū ga űacū nūxū taxuxū. ³⁷ Rū yexgumaūcūū iyadaawe ga Dorca, rū iyu, rū ngīmūcūgū nanamexēē ga ngīxīne. Rū ĩpataarū daxūchiūwa yexmaxū ga ucapugu nanaxūgū ga ngīxīne. ³⁸ Rū Yopearū ngaicamana nayexma ga guma īāne ga Didā ga Pedru nawa yexmane. Rū yema yaxōgūxū ga Yopecūāx rū nūxū nacuēxgū ga Didāwa na nayexmaxū ga Pedru. Rū naxcēx yēma nanamugū ga taxre ga yatū űaxūmaā: —ĵRū paxa toxcēx nuā naxū! — űaxūmaā. ³⁹ Rū yexguma ga Pedru rū nawe narūxū. Rū yexguma īnanguxgu, rū yema ucapu ga yema yueta nawa yexmaxūwa nanagagū. Rū guxūma ga yutegūxū rū Pedruxū īnachomaēguāchi, rū naxauxe, rū nūxū nayawēgū ga yema naxchirugū ga Tabita nūxū īxūūxū ga yexguma namaūxgu. ⁴⁰ Rū Pedru rū dūxētūwa nanamugū ga guxūma. Rū īnacaxāpūxū, rū nayumūxē. Rū űuxūchi ngīxcēx nadauegu ga yema yuxcū, rū űanagūrū: —Pa Tabitax, ĵrūda! —űanagūrū. Rū yexguma rū iyadauchixetū, rū Pedruxū idau, rū ĵrūto. ⁴¹ Rū yexguma ngīxmēxgu nayayauxāchi, rū ngīxū īnachixēē. Rū űuxūchi naxcēx naca ga yema yaxōgūxū rū yema yutegūxū, rū maxūxcū nūxū ngīxū nawēx. ⁴² Rū guxūma ga yema duūxūgū ga Yopewa yexmagūxū rū nūxū nacuāchigagū ga yema. Rū Cori ga Ngechuchuaxū nayaxōgū ga muxūma. ⁴³ Rū muxūma ga ngunexū Yopegu narūxūāxū ga Pedru napatagu ga Chimāū ga naxchēmūārū paxēēwa puracūxū.

10*Pedru rū Cornériuchiga*

¹ Rū īāne ga Checharēawa nayexma ga wūxi ga yatū ga Cornériugu āegacū. Rū 100 ga Itāriaanecūāx ga churaraguarū capitāū nixī. ² Rū nūma nixī ga wūxi ga yatū ga meāma Tupanaāxū yaxōcū. Rū wūxigu namēxmaā rū naxācūgūmaā Tupanaxū nangechaūgū. Rū mucūma ga norū dīerumaā nūxū narūngūxēē ga duūxūgū ga Yudiūgu ga űacū nūxū taxuxū. Rū guxūguma nayumūxē rū Tupanamaā nidexa. ³ Rū wūxi ga ngunexū ga yexguma tomaēxpūxarū orawa nanguxchaūgu ga yāuanecū, rū nangoxetū. Rū meāma nūxū nadau ga wūxi ga Tupanaārū orearū ngeruū ga daxūcūāx ga yema ucapu ga nawa nayexmaxūgu űucūxū. Rū űanagūrū nūxū: —Pa Cornériux —űanagūrū. ⁴ Natūrū nūma ga Cornériu rū meāma nūxū nadawenū, rū poraācū namuūācūma nūxna naca, rū űanagūrū: —ĵűacū cunaxwēxe, Pa Corix? —űanagūrū. Rū nanangāxū ga yema orearū ngeruū ga daxūcūāx, rū űanagūrū: —Curū yumūxēgū rū Tupana marū cuxū nūxū naxīnū, rū cumaā nataāē na űuxācū nūxū curūngūxēēxū i duūxūgū i űacū nūxū taxuxū. ⁵ —ĵRū chanaxwēxe i Yopewa cunamugū i űuxre i yatūgū na naxcēx yacagūxūcēx i wūxi i yatū i Chimāū i Pedrugu āegaxū! ⁶ —Rū to i Chimāū i naxchēmūārū paxēēwa puracūxūpatawa nangēxma rū ngēxma nape. Rū yima napata rū taxtū i taxūcutūwa nangēxma —űanagūrū. ⁷ Rū yexguma nūxna iyanatauxgu ga yema orearū ngeruū ga namaā yēma idexaxū, rū Cornériu rū naxcēx naca ga taxre ga norū puracūtanūxū rū wūxi ga churara ga meā naga ĩnūxū ga meā Tupanaāxū yaxōxū. ⁸ Rū namaā nūxū nixu ga guxūma ga yema nūxū nadauxū, rū űuxūchi Yopewa nanamugū. ⁹ Rū moxūācū ga yexguma namagu naxīyane rū marū Yopexū yangaicagūgu ga yema duūxūgū ga Cornériu yēma mugūxū, rū Pedru rū daxū naxī ga ĩpataētūwa na yēma nayumūxēxūcēx. Rū tocuchiarū oragu nixī ga yexguma. ¹⁰ Rū nataiya, rū nūxū nachixēga ga na nachibūxū. Rū yexguma norū űna īnaxūgūyane, rū nangoxetū ga Pedru. ¹¹ Rū nūxū nadau ga na yangōxnaxū ga naānetūwe, rū yēma īnarūxū ga wūxi ga naxchiru ga űoma wūxi ga taxū ga naxchāpenūūrū īxīxū. Rū norū āgūmūcūpēxewa naxātūxū rū yemaācū īnarūchūxūē űuxmata űaxūtanewa nangu. ¹² Rū yemagu īnarūchūxūewetaxū ga nagūxūdraūxū ga naēxūgū, rū āxtapegū, rū werīgū. Rū yema naxchāpenūūwa nayexma ta ga űacū ga tama nangōxgūxū ga Yudiūgu. ¹³ Rū Pedru nūxū naxīnū ga Tupanaga ga nūxū űaxū: —Pa Pedrux ĵīnachi, rū ta imēx, rū nangōx! —űaxū. ¹⁴ Rū Pedru nanangāxū rū űanagūrū: —Taxucūrūwa nixī, Pa Corix, erū taguma chanangōx i űacū i toxcēx ānāchixū —űanagūrū. ¹⁵ Rū yexguma ga yema Tupanaga, rū wenaxārū űanagūrū: —Ngēma choma chamexēēxū rū tama name i ānāchi nūxū cuwogū —űanagūrū. ¹⁶ Rū tomaēxpūxcūna yemaācū nangupetū. Rū yexguma wenaxārū daxū naxchūxnagū ga yema naxchāpenūū namaā ga guxūma ga nawa yexmagūxū. ¹⁷ Rū poraācū nagu narūxīnū ga Pedru ga űacūchiga na yīxū ga yema nūxū nadauxū ga yexguma nangoxetūgu. Rū yemagu īnaxīnūyane, rū guma ĩpataēxwa nangugū ga yema yatūgū ga Cornériu yēma mugūxū ga naxcēx ĩcaetanūxū ga Chimāūpata. ¹⁸ Rū yēma naxcēx īnacagū rū aīxcūma yexma nape ga wūxi ga yatū ga Chimāū ga Pedrugu āegaxū. ¹⁹ Rū Pedru nagu ĩrūxīnūyane ga yema nūxū nadauxū ga yexguma nangoxetūgu, rū Tupanaāē

i Ūünexŭ rŭ űnanagŭrŭ nŭxŭ: —Ngēāgŭ nŭxŭ i tomaēxpŭx i yatŭgŭ i cuxcēx daugŭxŭ. 20 —jInachi, rŭ űrŭxŭ, rŭ tama cuxoegaāēcŭma nawe rŭxŭ! Erŭ choma nŭxŭ i nŭma chanamugŭxŭ —űnanagŭrŭ. 21 Rŭ yexguma naxcēx űnarŭxŭ ga Pedru, rŭ űnanagŭrŭ nŭxŭ ga yema yatŭgŭ: —Choma nŭxŭ i chauxcēx pedaugŭxŭ. űRŭ taēcuwa nuā pexŭ? —űnanagŭrŭ. 22 Rŭ nŭmagŭ nanangāxŭgŭ, rŭ űnanagŭrŭgŭ: —Capitāŭ ya Cornėriuxŭtawa ne taxŭ rŭ nŭma nŭxŭ i nuā toxŭ namugŭxŭ. Rŭ wŭxi ya yatŭ ya mexŭ nŭxŭ, rŭ Tupanaxŭ nangechaŭ. Rŭ guxŭma i Yudiugŭ nŭxŭ nangechaŭ i nŭmax. Rŭ wŭxi ga Tupanaārŭ orearŭ ngeruŭ ga daxŭcŭdŭx nanamu na cuxcēx toxŭ yacaxēēxcēx ga Cornėriu rŭ napatawa cuxŭxcēx rŭ nŭxŭ na naxŭnŭxcēx i curŭ ore —űnanagŭrŭgŭ. 23 Rŭ yexguma nanachocuxēē ga Pedru, rŭ yexma nanapegŭxēē ga yema chŭtaxŭgŭ. Rŭ moxŭācŭ inaxŭāchi rŭ nawe narŭxŭ ga Pedru. Rŭ űnayaxŭmŭcŭgŭ ga űuxre ga Yopecŭdŭx ga yaxŭgŭxŭ. 24 Rŭ moxŭācŭ Checharēawa nangugŭ ga ngextā Cornėriu űnanguxēēxŭwa namaā ga guxŭma ga natanŭxŭgŭ rŭ namŭcŭgŭ ga nŭxŭ nangechaŭgŭxŭ ga nŭxna naxuxŭ. 25 Rŭ yexguma Cornėriupatawa nanguxgu ga Pedru, rŭ űxŭtŭwa naxcēx naxŭ ga Cornėriu, rŭ Pedrupēxegu nayacaxāpŭxŭ, rŭ nŭxŭ nicuēxŭ. 26 Natŭrŭ ga Pedru rŭ inanachixēē rŭ űnanagŭrŭ: —jInachi! Rŭ choma rŭ ta cuxrŭŭ duŭxŭmare chixŭ rŭ tama Tupana chixŭ —űnanagŭrŭ. 27 Rŭ nŭgŭmaā yadexaguācŭma wŭxigu nichocu. Rŭ Pedru yēma namaā inayarŭxŭ ga muxŭma ga duŭxŭgŭ ga yexma ngutaquēxegŭxŭ. 28 Rŭ yexguma ga Pedru rŭ űnanagŭrŭ nŭxŭ ga yema duŭxŭgŭ ga yexma ngutaquēxegŭxŭ: —Pema nŭxŭ pecuēx i toma i Yudiugŭcēx rŭ nangēxma i torŭ mugŭ i toxna nachŭxuxŭ na pemaā tangutaquēxegŭxŭ, rŭ pepatagu na tachocuxŭ. Natŭrŭ Tupana choxŭ nangoxetŭxēē rŭ choxŭ nŭxŭ nadauxēē na tama namexŭ na ngēmaācŭ nagu na charŭxŭnŭxŭ pemaā. 29 Rŭ ngēmacēx tama chaxoōcŭma nŭma chaxŭ i ngēxguma chauxcēx pengemagu. Rŭ űuxma rŭ chanaxwēxe i chomaā nŭxŭ pixu na taēcŭcēx chauxcēx pengemaxŭ —űnanagŭrŭ. 30 Rŭ Cornėriu nanangāxŭ, rŭ űnanagŭrŭ: —Marŭ āgŭmŭcŭ i ngunexŭ nangupetŭ ga űuxgumaācŭ ga tomaēxpŭxaru oragu ga yāuanecŭ, rŭ nuā chopatawa chayumŭxē erŭ guxŭguma ngēmaācŭ chanaxŭ. Rŭ yexguma chayumŭxēgu rŭ changoxetŭ, rŭ chauxcēx nangox ga wŭxi ga yatŭ ga iyaurachirucŭxŭ. 31 —Rŭ űnanagŭrŭ choxŭ:

“Pa Cornėriux, Tupana marŭ nŭxŭ naxŭnŭ i curŭ yumŭxē rŭ cumaā nataāē na űuxācŭ nŭxŭ curŭngŭxēēxŭ i duŭxŭgŭ i taēcŭ nŭxŭ taxuxŭ. 32 —jRŭ Yopewa namugŭ i űuxre i yatŭgŭ na naxcēx yacagŭxcēx i Chimāŭ i Pedrugu āegaxŭ! Rŭ to i Chimāŭ i naxchēxmŭārŭ paxēwa puracŭxŭpatagu pexŭ. Rŭ yima napata rŭ taxtŭ i taxŭcutŭwa nangēxma”, űnanagŭrŭ choxŭ. 33 Rŭ yemacēx rŭ yexgumatama paxa cuxcēx yēma chanamugŭ, rŭ cuma rŭ mexŭ toxcēx cuxŭ erŭ nŭma cuxŭ. Rŭ űuxma i guxāma i toma rŭ Tupanapēxewa tangēxmagŭ. Rŭ nŭxŭ taxŭnŭēchaŭ i guxŭma i ngēma ore i Cori namaā nŭma cuxŭ muxŭ na tomaā nŭxŭ quixuxŭcēx —űnanagŭrŭ ga Cornėriu.

Pedru rŭ Cornėriupatawa nŭxŭ nixu ga Ngechuchuchiga

34 Rŭ yexguma inanaxŭgŭ ga Pedru ga na yadexaxŭ, rŭ űnanagŭrŭ: —űuxma waxŭ nŭxŭ i nŭxŭ chacuāxŭ na Tupanacēx nawŭxiguxŭ i guxŭma i duŭxŭgŭ erŭ nŭma rŭ aixcŭma guxāxŭma nangechaŭ. 35 —Rŭ nŭma rŭ wŭxichigŭ i nachŭānēwa nanade i ngēma duŭxŭgŭ i nŭxŭ ngechaŭgŭxŭ rŭ mexŭ űgŭxŭ. 36 —Rŭ nŭma ga Tupana rŭ Yudiugŭtanŭwaxŭra nanamu ga norŭ ore rŭ marŭ nŭxŭ nixu na tŭxŭ nŭxŭ nangechaŭxŭ i torŭ pecadugŭ i ngēxguma Cristu ya guxāārŭ Cori ixŭcŭaxŭ yaxŭgŭgu. 37 —Pema rŭ meāma nŭxŭ pecuēx na taēcŭ ngupetŭxŭ ga guxŭtwama ga Yudiugŭarŭ naānēwa. Rŭ norŭ ga Cuāŭ rŭ nŭxŭ nixu na Tupana naxwēxexŭ na űnabaiŭxŭ ga duŭxŭgŭ. Rŭ yemawena ga Ngechuchu rŭ Garŭraanēwa inanaxŭgŭ ga duŭxŭgŭmaā nŭxŭ na yaxuxŭ ga ore i mexŭ. 38 —Rŭ pema nŭxŭ pecuēx ga űuxācŭ Tupana na naporaxēēxŭ ga Ngechuchu ya Nacharētucŭdŭx yerŭ nŭxna nanaxā ga Naāē i Ūünexŭ. Rŭ nŭma ga Ngechuchu rŭ mexŭ naxŭ ga yema űyaxŭgŭxŭwa, rŭ nanamexēē ga guxŭma ga yema duŭxŭgŭ ga ngoxoāxgŭxŭ. Rŭ yemaācŭ nanaxŭ yerŭ Tupana nŭxŭ narŭngŭxēē. 39 —Rŭ toma nŭxŭ ga nŭxŭ tadaugŭxŭ rŭ nŭxŭ tixuchigaxŭ i guxŭma ga naxŭxŭ ga Ngechuchu ga Yudeaanēwa rŭ Yerucharēŭārŭ űānēwa. Rŭ yemawena rŭ nayamēxŭ rŭ curuchawa nayapotagŭ. 40 —Natŭrŭ ga Tupana rŭ tomaēxpŭx ga ngunexŭ ngupetŭgu rŭ wena nanamaxēē rŭ toxcēx nanangoxēē. 41 —Natŭrŭ tama guxŭ ga duŭxŭgŭcēx nangox. Rŭ toxcēxatama nangox ga toma ga űpamama Tupana toxŭ dexē na nŭxŭ tixuxŭcēx i Ngechuchuchiga. Rŭ yexguma marŭ yuwa űnadaxguwena rŭ namaā tachibŭe rŭ namaā taxaxegŭ. 42 —Rŭ nŭmatama ga Ngechuchu toxŭ nimugŭ na duŭxŭgŭmaā nŭxŭ tixuxŭcēx na Tupana marŭ āēxgacŭxŭ yangucuchixēēxŭ na guxŭ i duŭxŭgŭarŭ ngugŭrŭ na yŭxcēx. Rŭ nŭma ya Ngechuchu nŭxŭ i torŭ maxŭxŭ nangugŭxŭ, rŭ nŭma tā nŭxŭ i guxŭ i duŭxŭgŭ i maxēxŭ rŭ yuexŭxŭ yacagŭxŭ naxcēx i norŭ maxŭchiga. 43 —Rŭ űpamamatama guxŭma ga Tupanaārŭ orearŭ uruŭgŭ rŭ Ngechuchuchiga nidexagŭ, rŭ űnanagŭrŭgŭ:

“Rŭ nŭma tā nŭxŭ nŭxŭ nangechaŭ i norŭ pecadugŭ i guxŭma i duŭxŭgŭ i nŭxŭ yaxŭgŭxŭ”,

ñanagürügü.

Tupanaaê i Üünexü rü yema duüxügü ga tama Yudiügü ixigüxütanüwa nangu

⁴⁴ Rü yexguma iyadexayane ga Pedru, rü Tupanaaê i Üünexü nüxna nangu ga guxüma ga yema yema irüxnünëxü ga yema ore. ⁴⁵ Rü yema yaxögüxü ga Yudiügü ga Pedrumaã yema İxü, rü poraãcü nabaixächiaëgü yerü Tupanaaê i Üünexü rü nüxna rü ta nangu ga yema duüxügü ga tama Yudiügü ixigüxü. ⁴⁶ Rü nüxü naxınüë ga to ga nagawachigü na yadexagüxü, rü Tupanaxü na yacüëxüügüxü. ⁴⁷ Rü yexguma ga Pedru rü ñanagürü: — İÉxna nangëxmaxü i texë na nüxna nachuxuxü i na İnabaiüxü i ñaã duüxügü i marü taxrüü Tupanaaê i Üünexü nüxna nguxü? —ñanagürü. ⁴⁸ Rü nanamu na Ngechuchu ya Cristuégagu na İnabaiüxü ga yema duüxügü ga yexwaca yaxögüxü. Rü yexguma Pedruxü nacëëxügü na yexma naxãüxcëx ga ñuxre ga ngunexü.

11

Pedru rü Yerucharëüwa yexmagüxü ga yaxögüxümaã nüxü nixu ga tacü na ngupetüxü ga Checharëawa

¹ Rü yema ngüëxügü ga Ngechuchu imugüxü rü yema yaxögüxü ga Yudëagügüxü, rü nüxü nacuächigagü na yema tama Yudiügü ixigüxü rü ta nayauxgüãxü ga Tupanaärü ore. ² Natürü yexguma Yerucharëüwa nanguxgu ga Pedru, rü ñuxre ga Yudiügü ga yaxögüxü rü Pedruxü nixugüë. ³ Rü ñanagürügü: —İRü tüxcüü natanüwa cuxü i ngëma tama Yudiügü ixigüxü, rü namaã cuchibü? —ñanagürügü. ⁴ Rü Pedru meãma namaã nüxü nixu ga guxüma ga tacü na ngupetüxü, rü ñanagürü nüxü: ⁵ —Choma rü Yopearü İanewa chayexma, rü yexguma İchayümüxëyane, rü changoxetü. Rü nüxü chadau ga wüxi ga naxchäpenüürüü İxüxü ga norü ägümücüpëxewa ätüxüxü ga İrüchüxüxüxü ñuxmata chauxütawa nguxü. ⁶ —Rü meãma nüxü chadawenü na nüxü chadauxüxcëx na tacü yexmaxü ga aixepewa. Rü nüxü chadau ga naxünaügü ga İxägümücüparaxü rü naëxügü ga İdüraëxü, rü äxtapegü rü werigü. Rü yema naxchäpenüüwa nayexma ta ga tacü ga tama ingöxü, erü taxcëx i yixema i Yudiügü rü naxãüächi. ⁷ —Rü nüxü chaxınü ta ga Tupanaga ga choxü ñaxü:

“İnachi! Pa Pedrux. İRü ta İmëx, rü nangöx!” ñaxü. ⁸ —Natürü choma chanangãxü, rü ñacharügü:

“Taxucürüwa nixı, Pa Corix, erü taguma chanangöx i tacü i toxcëx äüächixü”, ñacharügü.

⁹ —Rü yexguma wenaxärü ñanagürü choxü ga yema Tupanaga ga daxüwa İnaxüxü:

“Ngëma choma i Tupana chamexëëxü, rü tama name i äüächi nüxü cuwogü”, ñanagürü.

¹⁰ —Rü tomaëxpüxcüna yemaãcü nangupetü, rü yexguma wenaxärü daxü naxüxünaügü ga yema naxchäpenüü namaã ga guxüma ga nawa yexmagüxü. ¹¹ —Rü yexgumatama guma İ ga nawa chayexmanewa nangugü ga tomaëxpüx ga yatügü ga Checharëawa ne mugüxü ga chauxcëx daugüxü. ¹² —Rü Tupanaaê i Üünexü choxü namu na nawe charüxüxüxcëx woo tama Yudiügü na yixigüxü ga yema duüxügü. Rü chomaã ta yëma naxı ga ñaã 6 ga yaxögüxü. Rü napatawa tangugü ga guma yatü ga Cornëriu, rü yexma tachocu. ¹³ —Rü tomaã nüxü nixu ga ñuxãcü na napatawa nüxü nadauxü ga Tupanaärü orearü ngerüü ga daxücüãx ga yexma chixü ga ñaxü nüxü:

“İYopewa namugü i yatügü na naxcëx yacagüxüxcëx i Chimáü i Pedrugu äegaxü! ¹⁴ —Rü nüma tá cumaã nüxü nixu na ñuxãcü tá cuma rü guxü i cupatagügüxümaã penayaxuxü i perü maxü i taguma güxü”, ñanagürü nüxü. ¹⁵ —Rü yexguma İchanaxügüga na na chidexaxü, rü nüxna nangu ga Tupanaaê i Üünexü, yexgumarüü ga noxri tüxna nanguxgurüü. ¹⁶ —Rü yexguma ga choma rü nüxna chachuëächi ga Cori ya Ngechucharü ore ga yexguma ñaxgu:

“Rü aixcüma nixı ga Cuãü ga dexáwamare İnabaiüxëëãxü, natürü i pema rü Tupanaaê i Üünexü tá pexna nangu”, ñaxgu. ¹⁷ —Rü pema nüxü pecuëx na ñuxãcü Tupana tüxna nanguxëëxü ga Naã i Üünexü i yixema na Cori ya Ngechuchu na Cristuaxü yaxögüxü. Rü ñuxma na taxrüü Tupana yema duüxügüna nanguxëëxü ga Naã i Üünexü, İrü ñuxücürüwa i choma i nüxü chaxoxü na naga chaxınüxü ya Tupana? —ñanagürü ga Pedru. ¹⁸ Rü yexguma yema orexü naxınüëgu ga yema yaxögüxü ga Yerucharëücüãx, rü nachianegümare. Rü Tupanaxü nicuëxüügü. Rü ñanagürügü: —Rü ngëmawa nüxü tacüëx na Tupana tüxü dexü ya yixema woo tama Yudiügü İxigüë. Rü ngëxguma nüxü tarüxoegu i tümaärü chixexü rü Tupanacëx tadaügügu, rü nüma tüxna nanaxã i maxü i taguma güxü —ñanagürügü.

Yaxögüxü ga Aütioquíawa yexmagüxüchiga

¹⁹ Rü yexguma Etëbaüxü yamëxgüguwena, rü norü uwanügü poraãcü nawe ningëxütanü ga yema yaxögüxü. Rü yemacëx nügü nawoone. Rü Peníchiawa, rü Chiprewa rü Aütioquíawa nabuxmü. Rü yëma nüxü nixugüë ga ore ga mexü ga Ngechuchuchiga. Natürü

Yudiugūmaāxīcatama nūxū nixugūe ga yema ore rü tama ga togūmaā. ²⁰ Natürü yéma Aütioquiáwa nangugū ta ga ñuxre ga togū ga yaxögüxū ga Chíperecūāx, rü Chireneçūāx. Rū nūmagū rü yema tama Yudiugū ixīgüxūmaā rü ta nūxū nixugūe ga ore i mexū i Cori ya Ngechuchuchiga. ²¹ Rū Tupana nūxū narüngüxēē, rü nanaporaexēē. Rū yemacēx muxūma ga yema duūxügū rü nūxū narüxoe ga nuxcūmaūxū ga nacūmagū, rü Cori ya Ngechuchuxaū nayaxögü. ²² Rū yexguma yemaū nacuáçigagūga ga yema yaxögüxū ga Yerucharéüwa yexmagüxū, rü Aütioquiáwa nanamugū ga Bernabé. ²³ Rū yexguma yéma nanguxgu ga Bernabé, rü nūxū nadau ga ñuxácü Tupana nūxū na rüngüxēēxū ga yema yaxögüxū ga Aütioquiácūāx, rü poraácü namaā nataāē. Rū nayaxucüxēgū ga guxūma na meāma Cori ya Ngechuchuwe naxīāmaxūcēx, rü taguma nūxū naxoexūcēx. ²⁴ Yerü nūma ga Bernabé rü wūxi ga yatü ga mecü nixī. Rū aixcūma Tupanaāē i Üünexū rü nawa nayexma, rü napora ga norü ōwa. Rū yemacēx muxūchixūma ga duūxügū rü Cori ya Ngechuchucēx naxī rü nūxū nayaxögü. ²⁵ Rū yemawena ga Bernabé rü Tarsuwa naxū na Chaurucēx yadauxūcēx. ²⁶ Rū yexguma nūxū iyangauxgu, rü Aütioquiáwa nanaga. Rū wūxi ga taunecü wūxiwa yéma nayexmagū namaā ga yema yaxögüxū. Rū nanangūexēē ga muxūchixūma ga duūxügū. Rū Aütioquiáwa nixī ga inaxügüxū ga duūxügū na Cristutanüxūmaā na naxugūāxū ga yema yaxögüxū. ²⁷ Rū yexgumaūcūü Yerucharéüwa ne naxī ga ñuxre ga Tupanaārü orearü uruügü rü Aütioquiáwa naxī. ²⁸ Rū natanüwa nayexma ga wūxi ga orearü uruü ga Agabu ga naga. Rū nanangutaquēxexēē ga yema yaxögüxū ga Aütioquiáwa yexmagüxū. Rū yema ngutaquēxewa rü inachi ga Agabu rü Tupanaāē i Üünexū nanamu ga na yadexaxū, rü ñanagürü: —Wūxi i taiya i taxū tá ñangu i guxū i ñaā nachīānewa —ñanagürü. Rū aixcūma ñangu ga yema taiya ga yexguma Caudiu āēxgacü ixīxgu. ²⁹ Rū yexguma ga yema yaxögüxū ga Aütioquiáwa yexmagüxū, rü marü wūxigu nagu narüxīnūē na yéma ngīxū namugüxūcēx ga diēru na nūxū nangüxēēgüxūcēx ga yema yaxögüxū ga Yudéanegu āchiügüxū. Rū wūxichigü ngīxū inaxā ga diēru yexgumarūū ga ñuxre ga nūxū yexmacü. ³⁰ Rū yemaācū nanaxügü, rü Bernabé rü Chaurumaā yéma ngīxū namugū ga yema diēru naxcēx ga yema yaxögüxūārü āēxgacügū ga Yudéanewa yexmagüxū.

12

Āēxgacü ga Erode rü Chaütüägüxū nimēx rü Pedruxū napoxcu

¹ Rū yexgumaūcūü inanaxügü ga āēxgacü ga Erode ga na ñayauxūāxū ga ñuxre ga yaxögüxū ga Yerucharéüçūāx na napoxcuxūcēx. ² Rū norü churaragüxū namu na taramāē Chaütüägu ga Cuātūēneēxū yamēxgüxūcēx. ³ Rū yexguma nūxū nadēuxgu ga Erode ga norü me na yīxū ga Yudiugū ga yema na naxūxū, rü norü churaragüxū namu na Pedruxū rü ta yayauxgüxūcēx. Rū yema nangupetü ga Yudiugūārü peta ga Üpetüchigagu ga yexguma pāu ga ngearü puxēerūāxū nangōxgūgu. ⁴ Rū yexguma Pedruxū yayauxgūgu, rü poxcupataūgu nayatēxcuchi. Rū ñuxūchi ga Erode rü nanamu ga āgūmücütücumü ga norü churaragü na nūxna nadaugüxūcēx. Rū wūxitücumüwachigü rü nayexma ga āgūmücü ga churaragü. Rū yemaācū nanaxū ga Erode, yerü nagu narüxīnū ga yema petawena guxū ga duūxügüpēxewa na nagaāxūcēx na yamēxgūāxūcēx. ⁵ Rū yemaācū ga Pedru rü poxcupataūwa nayexma rü churaragü rü meāma nūxna nadaugu. Natürü ga yema yaxögüxū ga Yerucharéüçūāx rü poraácü nayumüxēgü, rü Tupanaana naxcēx nacagü.

Tupana rü Pedruxū ñanguxuchixēē ga poxcupataūwa

⁶ Rū yematama ga chütaxūgu naxūpa ga yema ngunexū ga Erode duūxügüpēxewa nagaxchaūxū, rü taxre ga churaragūārü ngāxūwa nape ga Pedru. Rū taxre ga cadenamaā ninēixgüchacūü. Rū togū ga churaragū ga dauxūtaexū nūxna nadaugu ga poxcupataūārü iāx. ⁷ Rū ngürüāchi yema poxcupataūwa nangox ga wūxi ga orearü ngeruū ga daxūçūāx ga Coriarü. Rū poraácü nangōone ga guma poxcupataūwa. Rū yema orearü ngeruū Pedruxū nacuxagü, rü nanabaixāchixēē. Rū ñanagürü: —¡Paxama íruda! —ñanagürü. Rū yexgumatama iniwēgü ga guma cadena ga Pedru namaā inēixgüchacūücū. ⁸ Rū Pedruxū ñanagürü ga yema orearü ngeruū: —¡Rü icüxcuchichiru rü nacuaixcu i curü chapatu! —ñanagürü. Rū yemaācū nanaxū ga Pedru. Rū ñanagürü ta: —¡Rü icüxcuchi i curü gāuxūchiru, rü chowe rüxū! —ñanagürü. ⁹ Rū nawe narüxū ga Pedru. Rū tama nūxū nacüēx ga aixcūma na yīxū ga yema orearü ngeruū namaā üxū. Rū naxcēx rü nangoxetūmare. ¹⁰ Rū nūxū nachopetü ga nūxīraūxū ga dauxūtaexū, rü ñuxūchi ga yema to ga dauxūtaexū. Rū yexguma nawa nangugūga ga yema iāx ga āchumenēxānaxcēx ga ítamūwaama üxū, rü nüēchama niwāxna. Rū ñnaxoxū. Rū yexguma marü wūxi ga ítamū inaxīxgu, rü nūxna inayarütaxu ga yema orearü ngeruū. ¹¹ Rū yexguma nūxū nicuēxāchi ga Pedru, rü nügūmaā ñanagürü: —Ñuxma waxi i nūxū chacuāxū na aixcūma Cori ya Tupana nūma namuxū i norü orearü ngeruū na Erodemēxēwa choxū napuxū, rü nawa choxū ñanguxuchixēēxū i guxūma i ngēma chomaā

naxūgūchaūxū i ngēma Yudiūgū i tama yaxōgūxū —ñanagūrū. ¹² Rū yexguma yemaxū yacuēxāchigu ga Pedru, rū ngīpatawa naxū ga wūxi ga ngecū ga Mariāgu āegacū. Rū ngīma iyixī ga Cuāū Marcu naē. Rū yēma nangutaquēxegū ga muxūma ga duūxūgū ga yēma yumūxēgūxū. ¹³ Rū iāxtūarū poxeguxūārū iāxwa, rū: —Tu tu tu —ñanagūrū ga Pedru. Rū wūxi ga pacū ga Rode ga ngīēga iyadau. ¹⁴ Rū yexguma nagawa nūxū nacūxegu ga na Pedru yiūxū, rū ngīrū taāēmaā rū iyāñamare na nūxū yanaxuxū ga na Pedru yiūxū ga iāxtūarū iāxgu chiciū. Rū tama iyawāxna ga iāx. ¹⁵ Rū yema yexmagūxū rū: —Cungēāēmare —ñanagūrūgū ngīxū. Natūrū ngīma rū: —Aixcūma nixī —ngīgūrūgū. Rū yexguma ñanagūrūgū: —Maneca tama nūma nixī. Rū norū daurū i daxūcūāxmare nixī —ñanagūrūgū. ¹⁶ Natūrū ga Pedru rū yoxni iāxwa: —Tu tu tu —ñanagūrūama. Rū yexguma naxcē x yawāxnaāgu rū nūxū nadaugūgu ga Pedru na yiūxū, rū nabaixāchiāēgū. ¹⁷ Natūrū nūma naxunagūmēxē, rū naxmēmaā nayanachianexēēgū. Rū namaā nūxū nixu na ñuxācū Cori inanguxuchixēēxū ga poxcupataūwa. Rū ñanagūrū ta: —jChaūtiāgumaā rū ngēma togū i yaxōgūxūmaā nūxū pixu i ngēma ore! —ñanagūrū. Rū yexguma inaxūāchi, rū toxnama naxū. ¹⁸ Rū yexguma yangunegu, rū yema churaragū ga poxcupataūwa dauxūtaegūxū rū poraācū nanaxixāchiāēgū yerū tama nūxū nacūxēgū ga fačū na ngupetūxū namaā ga Pedru. ¹⁹ Rū yemacēx ga Erode rū yema churaragūxū namu na Pedrucēx yadaugūxūcēx. Rū yexguma taxuxūma iyangaugūgu, rū Erode rū yema churaragūgutama nananguxēē na nayuxūcēx. Rū yemawena ga Erode rū inaxūxū ga Yudēaanewa, rū Checharēagu nayaxāchiū.

Nayu ga Erode

²⁰ Rū Erode rū namaā nanu ga Tirucūāxgū rū Chi-dāūcūāxgū. Natūrū ga yema Tirucūāxgū rū Chidāūcūāxgū rū naxcēx nadaugū na ñuxācū Erodexū nangūxmtūxēēgūxū, yerū Erodexiūānēma nixī ga nayauxgūāxū ga nabū. Rū yemacēx wūxi ga Erodērū duūxū ga āēxgacū ga Batumaā naxāmūcūgū na nūxū nangūxēēxūcēx na Erodemaā yadex-agūxūcēx. ²¹ Rū Erode rū namaā inaxuneta ga wūxi ga ngunexū na namaā yadexaxūcēx. Rū yexguma yema ngunexū ga nagu inaxunetaxūwa nanguxgu, rū yema Tirucūāx rū Chidāūcūāx rū Erodexūtawa nangugū. Rū nicūxuchi ga Erode ga norū āēxgacūchiru, rū norū tochicaxūwa narūto, rū duūxūgūmaā nūxū nixu ga norū ore. ²² Rū yexguma ga guxūma ga yema duūxūgū rū tagaācū ñanagūrūgū: —Ñāā āēxgacū rū tama duūxūārū dexarū nixī i norū dexa, natūrū ñoma Tupanaārū dexarū nixī —ñanagūrūgū. ²³ Rū Erode rū yema duūxūgūarū oremaā nataāē, rū tama Tupanaxū nicūxūūchaū ga ñuxācū Tupana nūxū narūngūxēēxū. Rū yemacēx wūxi ga Tupanaārū orearū ngerū ga daxūcūāx rū yexgumatama Erodexū niđaawexēē. Rū ōxmigū nanangōx, rū yemamaā nayu. ²⁴ Natūrū yema yaxōgūxū rū yexeraācū guxūwama nūxū nixugūē ga Cori ga Tupanaārū ore. Rū muxūchixū ga duūxūgū nūxū nayaxōgū. ²⁵ Rū yexguma marū yanguxēēāgu ga norū puracū ga Chauru rū Bernabē, rū inachoxū ga Yerucharēūwa, rū wēxārū Aūtioquiācēx nawoegu. Rū nayagagū ga Cuāū Marcu.

13

Bernabē rū Chauru rū inanaxūgūe ga to ga nachiūānēma na nangegūāxū ga Tupanaārū ore

¹ Rū yema yaxōgūxū ga Aūtioquiāwa yexmagūxūtanūwa rū nayexma ga ñuxre ga yatūgū ga Tupanaārū orearū uruūgū, rū ñuxre ga yatūgū ga Tupanaārū orewa nguxēētaegūxū. Rū yematanūwa nayexma ga Bernabē, rū Chimāū ga Waxwegu āegaxū, rū Dúchiu ga Chirenečūāx, rū Manaē ga wūxigu āēxgacū ga Erodemaā yaexū, rū Chauru. ² Rū wūxi ga ngunexū ga yexguma Coricēx inangutaquēxegūgu rū tama nachibūēcūma inayumūxēgūguyane, rū Tupanaāē i Ūñexū rū ñanagūrū nūxū: —jChoxna penamugū i Chauru rū Bernabē na naxūgūāxūcēx i ngēma puracū i choma nawa chanamugūchaūxū! —ñanagūrū. ³ Rū yexguma nūxū nachauēgu ga tama nachibūēcūma na nayumūxēgūxū, rū Chauru rū Bernabēētūgu naxūmēxgu ga yema yaxōgūxū, rū ñuxūchi inanamuāchitanū na naxūgūāxūcēx ga Tupanaārū puracū.

Chiprewa naxī ga Bernabē rū Chauru

⁴⁻⁵ Rū Tupanaāē i Ūñexū rū inanamuāchitanū ga Bernabē rū Chauru. Rū iāne ga Cheūchiawa naxī, rū gumaārū tūrewa inaxīāchi, rū capaxū ga Chiprewa naxī. Rū Cuāū Marcu nawe narūxū na nūxū nangūxēēxūcēx. Rū yexguma Charamīna ga iānēarū tūrewa nangugūgu, rū inanaxūgūe ga nūxū na yaxugūxū ga Tupanaārū ore ga Yudiūgūarū ngutaquēxepataūgūwa. ⁶ Rū guxūgu nixīāgūtanū ga yema capaxūwa ñuxmata Papu ga iānēwa nangugū. Rū yēma namaā inayarūxī ga wūxi ga Yudiū ga yuūxū ga Barechūgu āegaxū. Rū nūma rū wūxi ga idoratēxāxū nixī yerū nūgū yaxuxgu rū aixcūma Tupanaārū orearū urū nixī. ⁷ Rū nayexma ga yema capaxūārū āēxgacū ga Chérquiu Paurugu āegaxū. Rū nūma nixī ga wūxi ga yatū ga meā naēxū cuācū. Rū yema yuūxū rū guma

ãëxgacüaru ngüxëëruü nixi. Rü nüma ga ãëxgacü rü norü duüxügüxü namu na Chauru rü Bernabécëx yacagüxüçëx, yerü nüxü naxinüchaü ga Tupanaärü ore. ⁸ Natürü yema yuüxü ga Griégugawa Erimínugu äëgaxü, rü Chauru rü Bernabéna nayanuxü na Tupanaärü orexü yaxugüxü. Yerü tama nanaxwëxe na yaxöôxü ga guma ãëxgacü. ⁹⁻¹⁰ Natürü ga Chauru ga Paurugu ta äëgaxü, rü aixcüma Tupanaäë i Üünexü nawa nayexma. Rü nüma ga Pauru rü meäma nüxü nadawenü ga yema yuüxü, rü ñanagürü nüxü: –Pa Idoratëxäxü Pa ngoxo Nanex, cuma rü chixexüçicatama cuxüxchaü, rü naxchi cuxai i guxüma i mexü. ¿Ñuxgura tá ta i nüxü curüxoxü na icyayatöxëëxü i Cori ya Tupanaärü ore i aixcüma ixixü? ¹¹ –Ñuxmatátama cuxü napoxcu ya Cori ya Tupana. Rü tá cungexetü, rü ñuxre i ngunexügu rü täütama nüxü cüdaü ya üëxcü –ñanagürü. Rü yexgumatama naxcëx naxëänexüchi ga yema yuüxü, rü naxmëxmaã nadaugü na texë naxmëxgu yayauxächixüçëx rü namaã itixüxüçëx. ¹² Rü yexguma yemaxü nadëuxgu ga yema capaxüärü ãëxgacü rü nayaxö ga Tupanaärü ore, yerü namaã nañaxächiaë ga yema Pauru rü Bernabé nüxü ngüxëëxü ga Cori ya Tupanachiga.

Pauru rü Bernabé rü Pichidiaanewa yexmane ga läne ga Aütioquiawa nangugü

¹³ Rü Papuwa inaxiächi ga Pauru namüçügümaã rü nixäü ga taxtü ga taxüwa. Rü Pérupe ga länewa nangugü ga Paüpiriaanewa. Natürü yéma nüxna naxo ga Cuäü Marcu, rü Yerucharëçëx nataegu. ¹⁴ Rü Pérupewa inaxiächi ga Pauru rü Bernabé rü läne ga Aütioquiawa nangugü ga Pichidiaanewa. Rü yéma rü ngüxchigaarü ngunexügu rü Yudiügüaru ngutaquëxepataügu nachocu, rü yéma narütogü natanüwa ga yema ingutaquëxëgüxü. ¹⁵ Rü yema ngutaquëxewa rü nüxü nadaumatügü ga Tupanaärü mügu ga Moiché ümatüxü rü yema ore ga Tupanaärü orearü uruügu ümatüxü. Rü yemawena, rü guma ngutaquëxepataüaru ãëxgacügu, rü Bernabé rü Pauruna nacagü, rü ñanagürügu: –Pa Toeneëgüx, ngëxguma pexü nangëxmagu i perü ore i taäëxëëruü i toxçëx rü marü name i ñuxma tomaã nüxü pixu –ñanagürügu. ¹⁶ Rü yexguma inachi ga Pauru, rü naxunagümëxë na iyanachianexüçëx ga duüxügü. Rü yexguma duüxügümaã nixëxa, rü ñanagürü: –Pa Duüxügü Pa Chautanüxügüx rü Guxäma i Pema i To i Nachiüänecüäx Ixigüxëx ya Tupanaxü Ngechaügüxë, rü jiperüxinüë! ¹⁷ –Yima törü Tupana i yixëma i Yudiügü, rü tüxü nade ga nuxcümaügüxë ga törü oxigü na tüxü nangüxëëxüçëx. Rü poraäcü tüxü nimuxëë ga yexguma woo to ga nachiüäne ga Equituanewa tayexmagügu. Rü yemaäcü wüxi ga taxü ga nachiüäne tüxü nixigüxëë. Rü ñuxüchi yemawena, rü norü poramaã tüxü inagaxü ga yema naänewa. ¹⁸ –Rü dauxchitawa ga ngextä taxüema ixäpataxüwa tüxü nagagü. Rü yéma 40 ga taunecü Tupana yaxna tümamaã naxinü ga guxëma törü oxigü. ¹⁹ –Rü Tupana nanadaü ga yema 7 ga ãëxgacügü ga Canaãanecüäxgü guxüma ga norü duüxügümaächigü. Rü yemaäcü nanaxü na törü oxigüna naxäähüçëx ga yema naäne na tümäärügüxüchi yixüçëx. ²⁰ –Rü 450 ga taunecü rü yemaäcü tüxü narüngüxëë. Rü yemawena rü tüxna nanamu ga togü ga ãëxgacügü ga dauüügü ñuxmata Tupanaärü orearü uruü ga Chamüë ingucüchix. ²¹ –Rü yexguma ga duüxügü rü Tupanana naxcëx nacagü ga wüxi ga ãëxgacü ga rei na namaã inacüxüçëx. Rü Tupana rü nüxna nanamu ga Chau ga Chiche nane ga Beyamítäa ixicü. Rü nüma nüxna nadau ga duüxügü ga 40 ga taunecügu. ²² Rü yemawena ga Tupana rü inanatëxüchi ga Chau, rü Dabixü naxuneta na guma norü ãëxgacü yixüçëx. Rü Dabixü nixuchiga ga Tupana, rü ñanagürü:

“Nüxü chadau rü Dabí ya Ichai nane rü wüxi ya yatü ya poraäcü choxü ngüchaüçü nixi. Rü nüma tá nanaxü i guxüma i ngëma choma chanaxwëxëxü”,

ñanagürü ga Tupana. ²³ Rü nuxcüma ga Tupana rü marü inaxuneta rü wüxi i Dabítäa tá nixi i Cristu ixixü, rü tá nanamaxëxëë i Yudiügü. Rü Ngechuchu nixi ga guma maxëxëëruü ga törü oxigümaã nüxü yaxucü ga Tupana. ²⁴ Natürü naxüpa ga Ngechuchu na inguxü, rü Cuäü ga baiüxëëruü rü guxüma ga Yudiügümaã nüxü nixuchiga ga ore i mexü rü ñanagürü:

“Rü name nixi i nüxü perüxoe i pecüma i chixexü, rü Tupanacëx pedaügü, rü ipebaiü”, ñanagürü. ²⁵ Rü yexguma marü yangaicaxgu ga tá na nayuxü ga Cuäü, rü ñanagürü:

“Rü tama choma nixi i ngëma pema nagu perüxinüëxü i Cristu chiixü. Natürü choweama ne naxü i nüma ya aixcüma Cristu ixicü. Rü choma rü napëxëwa taxuwama chame, rü bai i norü chapatucunüaru wëgüwaxüra chame erü nüma rü wüxi i ãëxgacü i tacüxüchima nixi”, ñanagürü ga Cuäü. ²⁶ Rü ñanagürü ga Pauru, –Pa Chautanüxügü i Abräütaagüx, rü Guxäma i Pema i To i Nachiüänecüäx i Tupanaxü Ngechaügüxëx, rü pexçëx nixi i ñaã ore i tüxü maxëxëëxü. ²⁷ –Rü aixcüma yema Yerucharëçüäxgü ga duüxügü rü yema norü ãëxgacügü rü tama nüxü nacüëxgü ga Tupana Nane na yixü ga Ngechuchu. Rü tama meã nüxü nacüëxgü ga tacüchiga na yixü ga yema ore ga nuxcümaügüxü ga Tupanaärü orearü uruügu ümatüxü i ñuxma perü ngutaquëxepataüwa nüxü pedamatügüxü i wüxichigü i ngüxchigaarü ngunexügu. Rü yemaäcü nümagütama ga yema duüxügü ga Ngechuchuxü

imèxgūxū rū yexguma yamèxgūāgu rū nayanguxēē ga yema ore ga nuxcūma ūmatūxū. ²⁸—Rū woo taxūma ga tacū ga chixexū nawa inayangaugū na nayuxēēāxcēx, natūrū Piratuna naxcēx nacagū na yamāāxcēx. ²⁹—Rū ningu ga guxūma ga yema ore ga Tupanaārū orearū uruūgū ūmatūxū ga Ngechuchuchiga ga űuxācū tā na nayuxū. Rū yemawena rū nanayauxgū ga naxūne ga curuchawa, rū wūxi ga naxmaxūgu nayanaxūcuchigū. ³⁰—Natūrū ga Tupana rū wena nanamaxēē ga woo marū na nayuxū. ³¹—Rū nūma ga Ngechuchu rū muxūma ga ngunexū naxcēx nangox ga yema duūxūgū ga nawe rūxūxū ga yexguma Garirēānewa ne naxūxgu rū Yerucharēūwa naxūxgu. Rū ngēma duūxūgū nixī i űuxma i guxū i duūxūgūmaā nūxū ixigūxū i nachiga. ³²⁻³³ Rū ngēmaācū i toma rū nūma tangugū na pemaā nūxū tixuxūcēx i ngēma ore i aixcūma mexū. Rū dūcax, rū yema uneta ga nuxcūmaūgūxū ga tōrū oxigūmaā nūxū yaxuxū ga Tupana, rū taxcēx nayanguxēē ga yexguma Ngechuchuxū wena namaxēēgu. Rū wiyægūpanewa i norū taxre i capituruwa rū ngēmachiga nūxū nixu i ngēxguma:

“Cuma nixī i Chaune, rū choma nixī i Cunatū chīxū”, űaxgu. ³⁴—Rū Tupana rū nuxcūma rū marū nūxū nixu ga wena tā na namaxēēāxcū ga Ngechuchu na tama yayixixūcēx ga naxūne. Rū norū orewa rū űanagūrū:

“Rū choma tā pexcēx chayanguxēē ga yema unetagū i ūūnegūxū i aixcūma ixīgūxū ga nuxcūma Dabīmaā nūxū chixuxū”,

űanagūrū. ³⁵—Rū ngēmācēx toxnamana i Tupanaārū orewa rū űanagūrū ta:

“Tama cunaxwēxe na yayixixū i naxūne ya Cune ya ūūnecū,”

űanagūrū. ³⁶—Rū yexguma namaūxgu ga Dabī, rū nūxū narūngūxēē ga norū duūxūgū, yexgumarūū ga űuxācū Tupana namuxū. Natūrū űuxūchi nayu, rū nanatū rū naēxūtagu natēx ga naxūne, rū niyixi. ³⁷—Natūrū guma Tupana wena namaxēēcū ga Ngechuchu rū tama niyixi ga naxūne. ³⁸—Rū űuxmax, Pa Chaueneēgūx, rū chanaxwēxe i nūxū pecuēx rū yimatama Ngechuchugagu Tupana tūxū nūxū nangechaū i tōrū pecadugū ngēxgumarūū i pemaā nūxū tixuxūrū. ³⁹—Rū űuxma ya guxūma ya yixema nūxū yaxōgūxe, rū Ngechuchugagu Tupana tūxū nūxū nangechaū i guxūma ga yema pecadugū ga noxri taxucūrūwa tūxū nūxū nangechaūxū ga yexguma nagu taxūxgu ga yema mugū ga Moīché ūmatūxū. ⁴⁰—Rū pexuāēgū na tama pegu nanguxūcēx i ngēma poxuc i Tupanaārū orearū uruūgū nūxū ixuchigaxū ga yexguma űagūgu:

⁴¹ “Rū dūcax, Pa Duūxūgū i Tupanaārū Orexū Cugūexū, rū tā peḡaixāchie rū tā peyue erū pema pemaxēyane rū tā chanaxū i űacū i taxū. Rū pema rū tāūtāma peyaxōgū i woo texē pemaā nūxū ixuxgu”,

űanagūrū. Rū yexma nayucūxēē ga Pauru ga norū ore. ⁴² Rū yexguma guma ngutaquēxepataūwa inachōxūgu ga Pauru rū namūcūgū, rū yema duūxūgū ga tama Yudiūgū ixīgūxū rū nūxū nacēxūgū na to ga ngūxchigaarū ngunexūgu rū wenaxārū yematama orexū namaā yaxuxūcēx. ⁴³ Rū yexguma marū nūxū nacheaugu ga na nangutaquēxegūxū, rū Pauru rū Bernabéwe narūxū ga muxūma ga Yudiūgū rū muxūma ga togū ga duūxūgū ga tama Yudiūgū ixīgūxū natūrū Yudiūgūrūū yaxōgūxū. Rū Pauru rū Bernabé rū namaā nidexagū rū nayaxucuxēgū na guxūguma nagu naxīnūēēchaxūcēx ga űuxācū Tupana nūxū ngechaūācūma na nadexū. ⁴⁴ Rū yema to ga ngūxchigaarū ngunexūgu, rū wixgūtaēx guxūma ga yema iānecūāx nangutaquēxegū na inaxīnūēēcēx ga Tupanaārū ore. ⁴⁵ Natūrū nayexma ga űuxre ga Yudiūgū ga tama ngutaquēxegu chocuxū. Rū yexguma nūxū nadaugūgu ga na namuxūchixū ga duūxūgū ga Paurucēx ngutaquēxegūxū rū porācū nixāūxāchie. Rū inanaxūgūe ga na Pauruxū nachoxūtagūxū rū namaā naguchigagūxū.

⁴⁶ Natūrū ga Pauru rū Bernabé rū tama namuūēācūma yema Yudiūgūxū nangāxūgū, rū űanagūrūgū: —Tupana nanaxwēxe na pemaāxīra nūxū tixuxū i norū ore. Natūrū űuxma na nūxū pexoexū i ngēma ore rū tama na penayauxgūchaūxū i maxū i taguma gūxū, rū ngēmācēx i űuxmax i toma rū tā ngēma tama Yudiūgū ixīgūxūtanūwa taxī. ⁴⁷—Yerū yemaācū toxū namu ga Cori, rū űanagūrū:

“Duūxūgū i tama Yudiūgū ixīgūxūārū ngōonexēēruū marū cuxū chixīxēē, na guxūwama i űoma i naānewa cunangexūcēx i chorū ore i maxēēēruū”,

űanagūrū. ⁴⁸ Rū yexguma yema orexū naxīnūēgu ga yema duūxūgū ga tama Yudiūgū ixīgūxū, rū nataāēgū rū űanagūrūgū: —Rū namexēchi nixī i űaā Cori ya Tupanaārū ore —űanagūrūgū. Rū nayaxōgū ga guxūma ga yema duūxūgū ga Tupana marū nūxū unetaxū na nayauxgūāxcēx i maxū i taguma gūxū. ⁴⁹ Rū yemaācū guxūwama ga yema naānewa nanguchigū ga Cori ya Tupanaārū ore. ⁵⁰ Natūrū yema Yudiūgū ga tama Ngechuchuxū yaxōgūchaūxū, rū chixexūmaā nayaxucuxēgū ga űuxre ga ngexūgū ga mexūgū ga Tupanaxū ngechaūgūxū rū guma iānēārū āēxgacūgū na Pauru rū Bernabéxū inawoxūcēx. Rū yemācēx inawoxū ga yema naānewa. ⁵¹ Rū yexguma ga Pauru rū Bernabé rū inapagūcutū ga norū ūxaxūcutū na yemawa nūxū yacuēxāchitanūxūcēx ga norū chixexū ga yema iānecūāxgu ga duūxūgū. Rū űuxūchi ga Pauru rū Bernabé rū iāne ga Icūniūwa naxī.

⁵² Natürü yema yaxögüxü ga guma İâne ga nawa İnachoxünewa yexmagüxü rü poraäcü Tupanamaä nataäëgü, rü Naäe i Üünexü rü aıxcüma nawa nayexma.

14

Pauru rü Bernabé rü İâne ga İcünüwa nayexmagü

¹ Rü İcünüwa rü wüxıgu Yudiugıarü ngutaquëxepataügu nachocu ga Pauru rü Bernabé. Rü meäma nüxü nıxuchıga ga Tupanaärü ore rü yemaäcü nayaxögü ga muxüma ga duüxügü ga Yudiügü rü yema tama Yudiügü İxıgüxü rü ta. ² Natürü yema Yudiügü ga tama Ngechuchuaıxü yaxögüxü, rü chıxexümaä nayaxucuxëgü ga yema tama Yudiügü İxıgüxü na yema yaxögüxüchi naxaıexüçëx. ³ Rü yemacëx muxüma ga ngunexü yexma narücho ga Pauru rü Bernabé, rü tama namuëëcüma nüxü nıxuchıga ga Cori ya Tupanaärü ore. Rü yema duüxügümaä nüxü nıxu na İünäcü Tupana poraäcü tüxü nangechaıxü. Rü nüma ga Cori rü yema duüxügüxü nüxü nadauxëë na namaä nataäëxü ga yema ore. Rü yemacëx Pauru rü Bernabéxü narüngüxëë na İawëxgüäxüçëx ga cuëxruügü rü na naxügüäxüçëx ga mexügü ga Tupanaärü poramaä naxügüxü. ⁴ Natürü ga guma İānecüäx ga duüxügü rü nitoye. Rü nümaxü rü yema Yudiügüwaama naxügü rü togu rü Pauru rü Bernabéwaama naxügü. ⁵ Rü yexguma ga yema Yudiügü, rü yema duüxügü ga tama Yudiügü İxıgüxü, rü guma İānëärü äëxgacügümaä wüxıgu nıxu narüxıñü na Pauruxü rü Bernabéxü yayauxgüxü na nutamaä İnamuxüchıgüäxüçëx. ⁶⁻⁷ Natürü yexguma nüxü nacuächıgıgü ga Pauru rü Bernabé, rü nıbuxmü. Rü Dicónıüānewa yexmane ga İānegü ga Lıstra rü Derbewa naxı. Rü guma İānegüwa rü guxüma ga yema naānewa İpeagüxü ga duüxügümaä rü ta nüxü nıxuchıgıgü ga ore i mexü.

Nutagümaä Pauruxü İnamuxüchıgü ga Lıstrawa

⁸⁻⁹ Rü yema Lıstrawa nayexma ga wüxi ga yatü ga İnapögücütüxü norü bucümatama. Rü yema narüto rü İnarıxıñü ga yema Pauru nüxü İxuxü ga ore. Rü Pauru rü meäma nüxü nadawenü, rü nüxü nadau ga na nüxü nayexmaxü ga norü ö na naxcëx yataanexüçëx. ¹⁰ Rü yexguma ga Pauru rü tagaäcü İnanagürü nüxü: —İnachi, rü meäma İnangacutü! —İnanagürü. Rü yexguma İnayuxnagü ga guma yatü, rü İnanaxügü ga na İyaxüxü. ¹¹ Rü yexguma yema muxüma ga duüxügü nüxü daugügu ga yema na naxüxü ga Pauru, rü tagaäcü yema Dicónıügawa nıdexagü, rü İnanagürügü: —Tupanagü i naduüxügüraıxü İnarıxıgü, rü tatanüwa nangugü —İnanagürügü. ¹² Rü Bernabé rü tupana ga Chéumaä nanaxüëgagü. Rü Pauru rü Érememaä nanaxüëgagü yerü nüma nıxı ga yadexaxü. ¹³ Rü guma İāne İxüçüxüwa nayexma ga tupana ga Chéuarü tupauca ga taxüne. Rü guma tupaucaarü pai rü yema nanagagü ga wocagü ga İyatüxü ga putüramaä ngëxäëgüxü. Rü nüma ga pai rü ga duüxügü rü nanadaıxchaı ga yema wocagü naxcëx ga Pauru rü Bernabé na yemamaä nüxü yacuëxüügüçëx. ¹⁴ Natürü yexguma nüxü yacuëxächıtanıgu ga Bernabé rü Pauru, rü norü gāuxüchırıgu nagāugü na yema duüxügü nüxü cuëgüxüçëx na tama namexü ga yema naxcëx naxüechaıxü. Rü yema muxüma ga duüxügütanıwa nabuxmü, rü İnaxümaä aıta naxü: ¹⁵ —Pa Yatügüx, İtüxücü toxcëx penaxü i ngëma? Toma rü pexrüü duüxügümare tıxıgü. Rü nuä taxı na pemaä nüxü tayarüxüçëx na nüxü perüxoëxüçëx i ngëma chıxexügü i taxuwama mexü rü naxcëx pedaugüxüçëx ya Tupana ya naxüçü ga naxüçü ga daxügüxü i naäne, rü İnoma i naäne, rü taxtı i taxü, rü guxüma i nawa ngëxmaxü. ¹⁶ —Rü nuxcümayerü nıxı ga Tupana ga yaxna namaä naxıñüxü ga duüxügü ga woo nümagü nanaxwëxëgüxü naxügügu. ¹⁷ —Natürü nüma ga Tupana rü taguma nüxü narüchı na duüxügüxü nangüëëxü. Rü yemaäcü tüxü nüxü nacuëë na Tupana yııxü i nümax. Rü nümatama nıxı i nüma namuäxü ya pucü rü meä pexü nayaexëxëäxü i penetügü. Rü nüma nıxı i pexna naxääxü i pewemü na ngëmaäcü petaäëgüxüçëx — İnanagürügü ga Pauru rü Bernabé. ¹⁸ Natürü woo yema orexü namaä na yaxügüxü rü poraäcü nüxü naguxcha ga Pauru rü Bernabé ga nüxna na nachögüxü ga duüxügü ga tama naxcëx na nadaiäxüçëx ga yema wocagü na yemamaä nüxü yacuëxüügüçëx. Rü düxwa yemacëx tama naxcëx nanadaı. ¹⁹ Natürü yexgumayane rü İnangugü ga İuxre ga Yudiügü ga Aıtıoquıawa rü İcünüwa ne İxü. Rü chıxexümaä nayaxucuxëgü ga yema muxüma ga duüxügü na tama Pauru rü Bernabéga naxıñüxüçëx, rü namaä nanuëxüçëx. Rü yemacëx ga yema duüxügü rü nutamaä Pauruxü İnamuxüchıgü, rü İānëärü İxpemawa nanatıchıgügü, yerü nüma nüxü nacuëxgügu rü marü nayu. ²⁰ Natürü yexguma yema yaxögüxü naxütawa ngutaquëxëgu, rü İnachi ga Pauru, rü wenaxärü nıxu naxücu ga guma İāne. Rü moxüäcü İnaxüächi ga yema, rü Bernabémaä Derbewa naxü. ²¹ Rü guma İānewa nüxü nıxugü ga ore ga mexü. Rü nanangüxëë ga duüxügü, rü muxüma Tupanaäxü nayaxögü. Rü yemawena rü wenaxärü naxcëx nawoegu ga Lıstra, rü İcünü, rü Aıtıoquıa. ²² Rü guma İānegüwa rü yema yaxögüxüxü nıxucuxëgü, rü nüxü nanangüchäxüçëgü na guxügüma meä na yaxögüäxüçëx. Rü namaä nüxü nıxugü, rü İnanagürügü: —Ngëma

Tupana ãëxgacŭ íxíxŭwa na íxŭcŭxŭcëx, rŭ tanaxwëxe na muëxpŭxcŭna guxchaxŭgŭmaã yaxna íxŭnŭëxŭ i ñoma i naãnewa –ñanagŭrŭgŭ. ²³ Rŭ Pauru rŭ Bernabé rŭ wŭxichigŭ ga ñanewa rŭ nŭxŭ nixunetatanŭ ga ñuxre ga yatŭgŭ na yaxŭgŭxŭãrŭ ãëxgacŭgŭ yixŭgŭxŭcëx. Rŭ tama nachibŭëãcŭma naxcëx nayumŭxëgŭ. Rŭ yemawena rŭ yima Cori ya Tupana ga nŭxŭ yaxŭgŭãcŭna nanaxuaxŭgŭ na guxŭguma namaã inaxãŭxŭcëx rŭ meã nŭxna nadauxŭcëx ga yema yaxŭgŭxŭãrŭ ãëxgacŭgŭ.

Pauru rŭ Bernabé rŭ naxcëx nawoegu ga Aŭtioquiã ga Chŭriaanewa yexmane

²⁴ Rŭ Pichidiaanewa nichopetŭ, rŭ Paŭpiriaanewa nangugŭ. ²⁵ Rŭ Pérupe ga ñanewa nŭxŭ nixugŭe ga Tupanaãrŭ ore, rŭ ñuxŭchi Atária ga ñanewa naxŭ. ²⁶ Rŭ yema rŭ wŭxi ga wapurugu nichoŭ na Aŭtioquiãcëx nawoeguxŭcëx. Rŭ guma ñane ga Aŭtioquiãwa nixŭ ga noxri duŭxŭgŭ Tupanana namugŭxŭ ga Pauru rŭ Bernabé na naxŭgŭãxŭcëx ga yema puracŭ ga ñuxma marŭ yanguxëëgŭxŭ. ²⁷ Rŭ yexguma inangugŭ ga Pauru rŭ Bernabé, rŭ nanangutaquëxexëë ga guxŭma ga yema duŭxŭgŭ ga yaxŭgŭxŭ. Rŭ namaã nŭxŭ nixugŭgŭ ga guxŭma ga ñuxãcŭ Tupana poraãcŭ nŭxŭ na rŭngŭxëëxŭ. Rŭ yexgumarŭŭ ta rŭ namaã nŭxŭ nixugŭgŭ ga ñuxãcŭ na yaxŭgŭãxŭ ga yema duŭxŭgŭ ga tama Yudiŭgŭ íxŭgŭxŭ, yerŭ Tupana nŭxŭ nanatauxchaxëë na yaxŭgŭãxŭcëx. ²⁸ Rŭ muxŭma ga ngunëxŭgu yema yaxŭgŭxŭtanŭwa nayexmagŭ ga Pauru rŭ Bernabé.

15

Yerucharéŭwa nangutaquëxegŭ

¹ Rŭ yexgumaŭcŭiŭ rŭ nayexma ga ñuxre ga duŭxŭgŭ ga Yudeãanewa ne íxŭ ga Aŭtioquiãwa ngugŭxŭ. Rŭ nŭmagŭ inanaxŭgŭe ga tŭxŭ na nangŭxëëxŭ ga guxema yaxŭgŭxe ga Aŭtioquiãcŭãx, rŭ ñanagŭrŭgŭ: –Ngëxguma tama pegŭ ipewiŭchëxmŭpëxechiraŭgu yema Moiché tŭxŭ muxŭrŭrŭ rŭ taxuacŭma pexŭ nangëxma i maxŭ i taguma gŭxŭ –ñanagŭrŭgŭ. ² Natŭrŭ ga Pauru rŭ Bernabé rŭ tama norŭ me nixŭ ga yema, rŭ yemacëx poraãcŭ nŭgŭ namaã nachoxŭdgagŭ ga yema duŭxŭgŭ ga Yudeãanewa ne íxŭ. Rŭ dŭxwa Pauru rŭ Bernabé rŭ ñuxre ga togŭ ga Aŭtioquiãcŭãx ga yaxŭgŭxŭ rŭ naxunetagŭ na Yerucharéŭwa naxŭxŭcëx na yema ngŭëxŭgŭ ga Ngechuchu imugŭxŭ rŭ yema yaxŭgŭxŭãrŭ ãëxgacŭgŭmaã yamexëëgŭãxŭcëx ga yemachiga. ³ Rŭ yemaãcŭ ga yema yaxŭgŭxŭ ga Aŭtioquiãcŭãx rŭ Yerucharéŭwa nanamugŭ ga yema yatŭgŭ na naxcëx íyacagŭxŭcëx rŭ yamexëëgŭãxŭcëx ga yema ore. Rŭ Penichiaanewa rŭ Chamáriaanewa nachopetŭ ga Pauru rŭ Bernabé. Rŭ yema rŭ duŭxŭgŭmaã nŭxŭ nixugŭe ga ñuxãcŭ yema tama Yudiŭgŭ íxŭgŭxŭ rŭ nŭxŭ na naxoexŭ ga nuxcŭmaŭxŭ ga nacŭmagŭ na Tupanawe naxŭxŭcëx. Rŭ yema oremaã poraãcŭ nanataãëxëëgŭ ga guxŭma ga yema yaxŭgŭxŭ. ⁴ Rŭ Yerucharéŭwa nangugŭ ga Pauru rŭ Bernabé. Rŭ guxŭma ga yema yaxŭgŭxŭ rŭ yema ngŭëxŭgŭ ga Ngechuchu imugŭxŭ rŭ yema yaxŭgŭxŭãrŭ ãëxgacŭgŭ rŭ meãma nanayauxgŭ. Rŭ Pauru rŭ Bernabé namaã nŭxŭ nixugŭgŭ ga guxŭma ga ñuxãcŭ Tupana poraãcŭ nŭxŭ na rŭngŭxëëxŭ na duŭxŭgŭmaã nŭxŭ yaxugŭxŭcëx ga ore i mexŭ. ⁵ Natŭrŭ ñuxre ga Parichëgŭ ga Ngechuchuaŭŭ yaxŭgŭxŭ, rŭ inachigŭ, rŭ ñanagŭrŭgŭ: –Name nixŭ na nŭgŭ ínawiŭchëxmŭpëxechiraŭgŭxŭ i ngëma tama Yudiŭgŭ íxŭgŭxŭ i ngëxwaca yaxŭgŭxŭ. Rŭ name nixŭ na naga naxŭnŭëxŭ i ngëma mugŭ ga Moiché ŭmatŭxŭ –ñanagŭrŭgŭ. ⁶ Rŭ yexguma nangutaquëxegŭ ga yema ngŭëxŭgŭ ga Ngechuchu imugŭxŭ rŭ yema yaxŭgŭxŭãrŭ ãëxgacŭgŭ na namexëëgŭãxŭcëx ga yema ore. ⁷ Rŭ íxŭcama marŭ ñuxgumama nŭgŭmaã yema yaporagatanŭcŭiŭgu, rŭ inachi ga Pedru, rŭ ñanagŭrŭ nŭxŭ: –Pa Chauenëëgŭx, pema nŭxŭ pecuëx ga na ŭpamama Tupana choxŭ yaxuxŭ ga petanŭwa na yema duŭxŭgŭ i tama Yudiŭgŭ íxŭgŭxŭmaã nŭxŭ chixuxŭcëx i norŭ ore i mexŭ i maxëëëruŭ, na nŭmagŭ rŭ ta Ngechuchuaŭŭ yaxŭgŭãxŭcëx. ⁸ –Rŭ yima Tupana ya guxããëxŭ cuãcŭ rŭ tŭxŭ nŭxŭ nadauxëë na nadeãxŭ i ngëma duŭxŭgŭ i tama Yudiŭgŭ íxŭgŭxŭ, yerŭ nŭxna nanamu ga Naã i Ũnëxŭ yema tŭxna namuãxŭrŭŭ. ⁹ –Rŭ Tupanapëxewa rŭ yixema i Yudiŭgŭ rŭ namaã tawŭxigu i ngëma duŭxŭgŭ i tama Yudiŭgŭ íxŭgŭxŭ. Yerŭ nŭmagŭ rŭ ta Tupana nŭxŭ nŭxŭ nangechaŭ ga norŭ pecadugŭ ga yexguma nŭxŭ yaxŭgŭãgŭ. ¹⁰ –¿Rŭ tŭxcŭŭ tama namaã petaãe i ñuxma i ngëma Tupana ŭxŭ? ¿Rŭ tŭxcŭŭ ngëma ngëxwacëx yaxŭgŭxŭxŭ penaxŭxëëchaŭ i ngëma Moichëarŭ mugŭ i guxchaxŭ ga torŭ oxigu rŭ taxuacŭma naga taxŭnŭëxŭ rŭ woo yixemagŭ rŭ ta taxuacŭma inguxëëxŭ? ¹¹ –Rŭ tama ngëma mugŭ nixŭ i tŭxŭ maxëëëxŭ. Natŭrŭ yixema rŭ tayaxŭgŭ na torŭ Cori ya Ngechuchu tamaã mecŭmaxŭgagu yŭíxŭ na tŭxna naxãmareãxŭ i maxŭ i taguma gŭxŭ. Rŭ ngëxgumarŭŭ ta nixŭ i naxcëx i nŭmagŭ i tama Yudiŭgŭ íxŭgŭxŭ –ñanagŭrŭ ga Pedru. ¹² Rŭ inanaxŭgŭ ga Bernabé rŭ Pauru na yadexagŭxŭ. Rŭ guxŭma ga yema duŭxŭgŭ rŭ inarŭchianegŭ rŭ inarŭxŭnŭëmare. Rŭ Bernabé rŭ Pauru rŭ namaã nŭxŭ nixugŭe ga ñuxãcŭ Tupana na nŭxŭ rŭngŭxëëgŭxŭ na naxŭgŭãxŭcëx ga mexŭ ga taxŭgŭ ga Tupanaãrŭ poramaã naxŭgŭxŭ natanŭwa ga yema duŭxŭgŭ ga tama Yudiŭgŭ íxŭgŭxŭ. ¹³ Rŭ

yexguma Bernabé rü Pauru igüegagügu, rü nüxixärü nidexa ga Chaŭtiágu, rü ñanagürü: —Pa Chaueneëgüx, jchoxŭl ipeŕüxInüë! ¹⁴ —Pedru i Chimáu rü tamaã nüxŭl nixu na ñuxácü Tupana inaxügüxŭl ga nüxŭl na nangüxëëxŭl ga yema duüxügü i tama Yudiügü ixigüxŭl. Rü tamaã nüxŭl nixu ta na ñuxácü Tupana yema duüxügütanüwa nadeãxŭl ga ñuxre ga duüxügü na noxrü yixigüxŭlcëx. ¹⁵ —Rü ngëma Pedru nüxŭl ixuxŭl rü nawüxigu namaã ga yema ore ga nuxcümägüxŭl ga orearü uruügü ümatüxŭl ga ñaxŭl:

¹⁶ “Rü ngëmawena rü tá chataegu, rü tá nüxŭl charüngüxëë i Dabítaagü i Yudiügü. Rü woo nawoonemare i ñuxmax, natürü wena táxarü wüxiwa chanaxixëë, rü tá íchanadagüxëë na noxrirüŭ naporaexŭlcëx. ¹⁷ Rü ngëmaãcü tá nüxŭl charüngüxëë na ngëma duüxügü i tama Yudiügü ixigüxŭl rü chauxcëx nadaugüxŭlcëx, wüxigu namaã i guxŭma i chorü duüxügü i Yudiügü i choma chadexŭl. ¹⁸ Rü yemaãcü nüxŭl nixu ga nüma ga Cori ya Tupana ga nuxcümama tüxŭl nüxŭl cuëxëëcü ga yema”,

ñanagürü ga yema ore ga nuxcüma ümatüxŭl. ¹⁹ Rü ñanagürü ga Chaŭtiágu: —Rü ngëmacëx, Pa Chaueneëgüx, rü chauxcëx rü tama name na guxŭl i Moiché ümatüxŭl i mugümaã nüxŭl ichixewexŭl i ngëma duüxügü i tama Yudiügü ixigüxŭl i nüxŭl rüxoexŭl i nuxcümäxŭl i nacümägü na Tupanawe naxixŭlcëx. ²⁰ —Rü narümemae nixŭl i naxcëx tanaxümatü i popera, rü ngëmawa namaã nüxŭl tixu:

- (1) Rü tama name na nangöxgüãxŭl i ngëma naxümagümachi i togü norü tupanane-tachicünëxägüçëx dëjxŭl.
- (2) Rü tama name na naŭl i ngëmaã rü ëxna naŭl ya yatümaã inapexŭl.
- (3) Rü tama name na nangöxgüãxŭl i namachi i ngëma naëxŭl rü ëxna naxŭtina i wëxnaãxŭl rü ëxna natügu nguxŭl.
- (4) Rü tama name na nangöxgüãxŭl ya nagü.

Rü ngëxícatama nixŭl i inaxwëxexŭl na naxcëx naxümatüxŭl. ²¹ —Erü guxŭne ya ñanewa nangëxma ya Yudiügüarü ngutaquëxepataŭl i ngextá nuxcümama guxŭl i ngüxchigaarü ngunëxügu nawa ñanügü rü nüxŭl nixuchigagü i guxŭma i ngëma mugü ga Moiché ümatüxŭl —ñanagürü ga Chaŭtiágu.

Popera ga yema duüxügü ga tama Yudiügü ixigüxŭlcëx ümatüxŭl

²² Rü yema ore rü norü me nixŭl ga yema ngüexügü ga Ngechuchu imugüxŭl, rü yema yaxögüxŭlärü äëxgacügü, rü guxŭma ga yema yaxögüxŭl. Rü nügümaã ñanagürügü: —jNgixã tatanüwa tanade ya taxre ya yatügü na Aütioquiáwa namugüxŭlcëx namaã ya Pauru rü Bernabé! —ñanagürügü. Rü nüxŭl naxunetagü ga Yuda ga Barsabágu äëgaxŭl rü Chira. Rü nümagü ga Yuda rü Chira rü äëxgacügü nixŭl ga natanüwa ga yema yaxögüxŭl ga Yerucharéüwa yexmagüxŭl. ²³ Rü namaã yéma nanamugü ga popera, rü ñaã nixŭl ga yema ore ga naru naxümatügüxŭl:

“Pa Toeneëgü i Tama Yudiügü Ixigüxe i Aütioquiágu rü Chíriaanegu rü Chiríchiaanegu Ächiügüxe, rü toma i peeneëgü i Ngechuchu toxŭl imugüxe rü toma i yaxögüxŭlärü äëxgacügü ixigüxex, rü pexŭl tarümoëgü. ²⁴ Rü nüxŭl tacuáchigagü rü ñuxre ga duüxügü ga nüma ne íxŭl rü woo tama toma yéma tanamugü natürü nümagü rü yéma naxŭl rü Moíchéarü mugümaã pexŭl nachixewegü rü yemaãcü pexŭl ínatüxëë. ²⁵ Rü yemacëx guxáma ga toma rü wüxigu naru tarüxInüë na totanüwa nüxŭl taxunetaxŭl ga taxre ga taeneëgü na pexcëx ngema tanamugüxŭlcëx namaã i taeneëgü i nüxŭl ingechaügüxŭl i Bernabé rü Pauru. ²⁶ Rü nümagü i Bernabé rü Pauru nixŭl ga poraãcü äücümáxŭtwa nayexmagüxŭl naxcëx ga törü Cori ya Ngechuchu ya Cristu. ²⁷ Rü ñuxma rü pexcëx ngema tanamugü i Yuda rü Chira na nümagüxŭlchi pemaã nüxŭl yaxugüxŭlcëx rü pemaã nangöxëgüãxŭlcëx i guxŭma i törü ore. ²⁸⁻²⁹ Erü Tupanaãë i Üünëxŭlcëx name, rü toxcëx rü ta name na tama muxŭma i mugü pexna taxägüxŭl. Rü ñaã ägümücü i mugüxícatama nixŭl i pexŭl tamuxŭl:

- (1) Rü tama name na penangöxŭl i naxümagümachi i togü norü tupanane-tachicünëxägüçëx dëjxŭl.
- (2) Rü tama name na penangöxŭl i namachi i ngëma naxümagü i wëxnaãxŭl.
- (3) Rü tama name na penangöxŭl ya nagü.
- (4) Rü tama name na naŭl i ngëmaã rü ëxna naŭl ya yatümaã ipepexŭl.

Rü mexŭl tá pexügü ega penaxauregu i ngëma mugü. Rü nuãma pexna”, ñanagürü ga yema ore ga naxümatügüxŭl. ³⁰ Rü natanüxŭxŭl namoxëgügüwena, rü inaxiãchi ga yema yéma mugüxŭl, rü Aütioquiáwa naxŭl. Rü yexguma yéma nangugügü rü nanangutaquëxëë ga guxŭma ga yema yaxögüxŭl ga duüxügü, rü nüxma nanaxägü ga yema popera. ³¹ Rü yexguma nüxŭl nadaumatügügu, rü poraãcü nataãëgü namaã ga yema ucuxëgü ga nüxma naxägüxŭl. ³² Rü Yuda rü Chira ga Tupanaärü orearü uruügü na yixigüxŭl, rü muxŭma ga oremaã nayaxucuxëgü ga yema yaxögüxŭl, rü nüxŭl narüngüxëë na yexeraãcü yaxögüãxŭlcëx. ³³ Rü marü ñuxre ga ngunëxŭl yéma nayexmagügüwena, rü ínixŭl. Rü yema yaxögüxŭl ga Aütioquiáçŭãx, rü taãëãcüma Yuda rü Chiraxŭl narümoëgü rü meãma

ínayamugū na naxcèx nawoeguxùcèx ga yema Yerucharéùcūāx ga noxri natanūwa namugūxū. ³⁴ Natürü ga Chira rü nagu narūxīnū na yexma Aūtioquiāgu naxāūxū, rü yemacèx Yudaxicatama Yerucharéùcèx nataegu. ³⁵ Rū Pauru rü Bernabé rü ta yexma narūcho. Rū wūxigu namaā ga muxūma ga togū, rü nanangúexēē ga duūxūgū, rü namaā nūxū nixugūgū ga Cori ya Tupanaārū ore i mexi.

Pauru rü wenaxārū inaxūāchi ga to ga nachiiānegūwa na nangeaxū ga Tupanaārū ore

³⁶ Rū yexguma marū ñuxre ga ngunexū ngupetūgu, rü ñanagūrū ga Pauru Bernabéxū: —¡Ngīxā wenaxārū natanūgu tanaxīāne i ngēma yaxōgūxū i guxūne ya iāne ga ngextā nūxū íxuchigaxūwa ga Cori ya Tupanaārū ore na nūxū idaaxūcèx na ñuxācū nūxū ínangupetūgūxū! —ñanagūrū. ³⁷ Rū Bernabé rü nayagaxchaū ta ga Cuātū Marcu. ³⁸ Natürü ga Pauru rü tama nanaxwèxe ga na yagaāxū, yerū Paūpīriawa nūxna naxo ga noxri, rü tama ínayaxūmūcū ga yema puracūwa. ³⁹ Rū poraācū nūgūmaā niporagatanūcū naxcèx ga yema, rü dūxwa nūgūna nixīgū. Rū Bernabé nayaga ga Marcu, rü Chiprearū capaxūwa naxū. ⁴⁰ Rū yoxni ga Pauru rü Chiraxū niga. Rū yema Aūtioquiācūāx ga yaxōgūxū rü naxcèx nayumūēgū na Tupana nūxū rūngūxēēgūxūcèx. Rū yexguma inaxīāchi. ⁴¹ Rū Chírīaanewa rü Chírīchīaanewa nachopetū, rü yéma Tupanaārū oremaā nanataāxēēgū ga yema yaxōgūxū.

16

Pauru rü Chirawe narūxū ga Timutéu

¹ Rū Derbewa rü Listrawa nangugū ga Pauru rü Chira. Rū yéma nayexma ga wūxi ga yaxōcū ga Timutéugu āegacū. Rū naē rü wūxi ga Yudíu ga yaxōxcū iyixī. Rū nanatū rü wūxi ga Griēgu tixī. ² Rū guxūma ga yema yaxōgūxū ga Listracūāxgū rü Icūniūcūāxgū rü nūxū nixugūe na mea maxūcū yixīxū ga nūma ga Timutéu. ³ Rū Pauru rü nanaxwèxe na Timutéu iyaxūmūcūxū. Natürü naxūpa ga na yagaāxū rü ínanawiehèxmūpēxechiraū, yerū yemaācū nanaxwèxegū ga yema Yudíugū ga yema naānewa yexmagūxū. Yerū guxūma nūxū nacūxgū ga na Griēgu tixī ga nanatū. ⁴ Rū guxūnema ga guma íānegū ga nawa nachopetūnema, rü duūxūgūmaā nūxū nixugūetanū ga yema ucuxē ga yema Yerucharéùcūāx ga ngūxūgū ga Ngechuchu imugūxū rü yema yaxōgūxūārū āēxgacūgū nūxū íxugūxū. ⁵ Rū yemaācū yexeraācū meā nayaxōgū ga guxūma ga yema yaxōgūxū, rü guxū ga ngunexū rü yexeraācū nimūētanū ga yema yexwacèx yaxōgūxū.

Pauru nangoxetū rü wūxi ga yatū ga Machedóniācūāxū nadau

⁶ Rū Áchīaanewa naxīxchaū na yéma nūxū yaxugūxūcèx ga ore i mexī. Natürü Tupanaāē i Ūñexū rü nūxna nanachuxu ga yema. Rū yemacèx Piríquiaanewa rü Gárataanewaama nachopetū. ⁷ Rū Míchiaarū naānewa nangugū, rü yéma nagu narūxīnūē ga na Bitínīāārū naānewa naxīxū. Natürü yéma rü ta Tupanaāē i Ūñexū nūxna nanachuxu ga na yéma naxīxū. ⁸ Rū yemacèx Míchīaanewa nachopetūmare rü iāne ga Tróawa nangugū. ⁹ Rū yema chūtaxūgu rü Pauru nangoxetū rü nūxū nadau ga wūxi ga yatū ga Machedóniācūāx ga napēxegu chicū. Rū nūxū nacēēxū, ñaxūmaā: —¡Machedóniāwa naxū, rü toxū rūngūxēē! —ñaxūmaā. ¹⁰ Rū yexguma yemaxū nadēuxgu ga Pauru, rü yexgumatama togū tamexēēgū na Machedóniāwa taxīxūcèx. Yerū nūxū tacūxgū rü aixcūmaxūchi nixī ga Tupana toxcèx caxū na yema duūxūgūmaā nūxū tixuxūcèx ga ore i mexī.

Piripuwa nayexmagū ga Pauru ru Chira

¹¹ Rū Tróaarū türewa itaxīāchi, rü capaxū ga Chamotáchiucèx wēxgu taxī. Rū moxūācū Neāporiwa tangugū. ¹² Rū yéma rü dauxchitagu taxī rü Piripuwa tangugū. Rū guma nixī ya Dumacūāxgūārū iāne ga Machedóniāānegu naxūgūne. Rū guma nixī ya guxūne ya íāneārū tamaēne ga yéma. Rū yéma tayexmagū ga ñuxre ga ngunexūgū. ¹³ Rū ngūxchigaarū ngunexūgu, rü guma iāne iyacuāxūwa taxī ga natūpechinūwa, yerū nagu tarūxīnūēgu rü yéma nayexma ga Yudíugūārū yumūxēchica. Rū yéma tarūtogū, rü namaā tidexagū ga ñuxre ga ngexūgū ga yéma ngutaquēxegūxū, rü namaā nūxū tixugū ga Tupanaārū ore. ¹⁴ Rū yéma iyexma ga wūxi ga ngecū ga Dírīa ga ngēga ga Tupanaxū icuēxūxūcū. Rū Tiatíra ga íānecūāx iyixī. Rū dauxracharaxū ga naxchirumaā itaxe yerū yema nixī ga ngírū puracū. Rū ngīma rü meāma yéma irūxīnū, yerū nūma ga Cori ya Tupana rü ngīxū nanangūchaūxēē na meā inaxīnūxūcèx ga yema ore ga Pauru nūxū íxuxū. ¹⁵ Rū yemawena rü ñuxūchi líbaie wūxigu namaā ga guxūma ga ngītanūxūgū. Rū yixcama rü toxū icēēxū ñaxūmaā: —Ngēxguma pema choxū pedēuxgu na aixcūma nūxū chayaxōxū ya Cori ya Tupana, rü marū name ega chopatagu peyapegūgu —ngīgūrūgū. Rū yéma toxū íxīxēē. ¹⁶ Rū wūxi ga ngunexūgu ga yexguma yumūxēwa taxīxgu ga tomax, rü yexma ngīxū tayangau ga wūxi ga pacū ga corīgūxūtaxū íxīcū ga ngoxoāxcū. Rū yema pacū rü wūxi ga tacūxū cuēxcū iyixī, rü duūxūgūmaā nūxū iyaxu ga tacū tá yixcūra na ngupetūxū. Rū yemacèx ga duūxūgū

rū dīērumāā ngīxū nanaxūtanū na nūxū yaxuxūcēx na faču tā na ngupetūxū. Rū yemaācū poraācū dīēruxū itū naxcēx ga ngīrū corigū. ¹⁷ Rū ngīma towe ingē ga toma rū Pauru, rū tagaācū ngīgūrūgū: —Nāā yatūgū rū Tupana ya tacūxūchimaārū duūxūgū nixī, rū pemaā nūxū nixu na űnaxūcū tā penayaxuxū i maxū i taguma gūxū —ngīgūrūgū. ¹⁸ Rū yemaācū iyixī ga muxūma ga ngunexūgū. Rū dūxwa nūxū nawēxtūmūxū ga Pauru, rū ngīxcēx nadauegu, rū űnagūrū nūxū ga yema ngoxo ga ngīwa yexmaxū: —Ngechuchu ya Cristuēgagu cuxū chamu, na ngīwa icuxūxūcēx —űnagūrū. Rū yexgumatama ngīwa inaxūxū ga yema ngoxo. ¹⁹ Rū yexguma nūxū nadaugūgu ga ngīrū corigū ga marū tama ngīgagu dīēru ngīxū na nayauxgūxū, rū Pauru rū Chiraxū inayauxū, rū āēxgacūgūrū ngutaquēxechicawa nanagagū. ²⁰ Rū āēxgacūgūna nanaxuaxū ga yema ngīrū corigū, rū űnagūrūgū: —Nāā Yudiūgū rū tōrū iānēwa nanachixēāēxēgū i duūxūgū. ²¹ —Rū tūxū nangūxēē na naxaurexūcēx i nacūmagū i tūxna chuxuxū i yixema i Dumacūāxgū —űnagūrūgū. ²² Rū yexguma ga guxūma ga yema iānecūāx, rū Pauru rū Chirana nayuxgū. Rū yema āēxgacūgū nanamu na inacūxūcēx rū ngexchiruxūma naixmenēxāmaā yačuaixgūāxūcēx. ²³ Rū yexguma marū poraācū yačuaixgūāguwena, rū poxcupataūgu nanawocu. Rū nūxna naxāga ga yema poxcupataūārū dauruū na meāma nūxna nadauxūcēx. ²⁴ Rū yexguma yemaxū naxīnūgu ga yema dauruū, rū poxcupataūārū aixepexūxūchixū ga ucapugu nanawocu, rū meāma nayachotaparagū. ²⁵ Natūrū ngāxūcūgu rū nayumūxēgū ga Pauru rū Chira, rū nawiyaeūgū, rū Tupanaxū nicuēxūūgū. Rū yema togū ga poxcuexū rū nūxū naxīnūē. ²⁶ Rū ngūrūāchi poraācū naxīāxāchiane, rū inayangogūtanūāchi ga guma poxcupataūārū caxtagū. Rū yexgumatama niwāxnagū ga guxūma ga iāxgū ga guma poxcupataū. Rū guxūma ga yema poxcuexūārū cadenaparagū rū niwēgū. ²⁷ Rū pewa nabaixāchi ga yema poxcupataūārū dauruū. Rū yexguma nūxū nadēuxgu ga na yawāxnagūxū ga iāxgū ga guma poxcupataū rū nanayaxu ga norū tara na nūgū yamāxūcēx, yerū nūma nūxū nacuēxgu rū marū nibuxmū ga yema poxcuexū. ²⁸ Natūrū tagaācū aixta naxū ga Pauru, rū űnagūrū nūxū: —jTāxū i cugū quimāxū! Rū guxāma i toma rū tanuxmagū —űnagūrū. ²⁹ Rū yexguma ga yema poxcupataūārū dauruū rū naxcēx inaca ga wūxi ga omū, rū inaűaāchiācūma yema duūxūgū ipoxcuxūgu nayangaxi, rū yaduruxācūma Pauru rū Chirapēxegu nayacaxāpūxū. ³⁰ Rū yexguma iāxtūwa Pauru rū Chiraxū nagagū, rū űnagūrū nūxū: —Pa Corigūx, űTacū tā chaxūxū i choma na choxū nangēxmaxūcēx i maxū i taguma gūxū? —űnagūrū. ³¹ Rū nūmagū rū nanangāxūgū rū űnagūrūgū nūxū: —jNūxū yaxō ya Cori ya Ngechuchu, rū tā cuxū nangēxma i maxū i taguma gūxū i cuma rū guxū i cupatacūāx! —űnagūrūgū. ³² Rū namaā rū guxūma ga yema napatacūāxgūmaā rū ta nūxū nixugūe ga Cori ya Tupanaārū ore. ³³ Rū yematama oragu ga chūtacū, rū nūma ga yema poxcupataūārū dauruū nayayauxgū ga norū oxrigū ga Pauru rū Chira. Rū yemawena rū űxūchi inabaie ga nūma wūxigu tūmamaā ga naxmēx rū naxacūgū. ³⁴ Rū űxūchi ga nūma ga poxcupataūārū dauruū rū napatawa Pauruxū rū Chiraxū nagagū. Rū űna nūxna naxā rū nataāe ga nūma rū guxūma ga napatacūāxgū ta, yerū Tupanaāxū nayaxōgū. ³⁵ Rū moxūācū pēxmama rū yema iānēārū āēxgacūgū rū yema poxcupataūārū dauruūxūtawa nanamugū ga purichīagū na namaā nūxū yanaxugūxūcēx na Pauru rū Chiraxū inamuxūxū. ³⁶ Rū yexguma ga yema poxcupataūārū dauruū rū űnagūrū Pauruxū: —Rū ngēma āēxgacūgū rū nuā nanamugū i ore na pexū ichamuxūcēx. jRū ēcū ipechoxū, rū meā ipixī! —űnagūrū. ³⁷ Natūrū ga Pauru rū űnagūrū nūxū ga yema purichīagū: —Marū chixri tomaā nachopetū i toma i Dumacūāxūchigū na tixīgūxū, rū tama toxna nacaxiraācūma toxū ničuaixgū ga napēxewa ga guxūma ga duūxūgū, rū űxūchi poxcupataūgu toxū nawocu. Rū űxma rū cūācūma toxū inamuxūchaū. Rū tāūtāma ngēmaācū nixī. jRū ēcū nūmatama nūma naxī i āēxgacūgū na nūmatama toxū iyamuxūcēx! —űnagūrū ga Pauru. ³⁸ Rū yexguma ga yema purichīagū rū āēxgacūgūmaā nūxū nayarūxugūe ga yema ore. Rū poraācū nabaixāchiāēgū ga yema āēxgacūgū ga yexguma nūxū naxīnūēgu ga na Dumacūāxūchi yixīgūxū. ³⁹ Rū yēma naxī, rū Pauru rū Chirana nayacagū na nūxū nūxū nangechaūgūxūcēx naxcēx ga yema namaā naxūgūxū. Rū inanamuxū, rū nūxū naccēxūgū na nawa inachoxūxūcēx ga yema iāne. ⁴⁰ Rū yexguma poxcupataūwa inachoxūgu ga Pauru rū Chira, rū Dīriapatawa naxī. Rū yema yaxōgūxūmaā nangutaquēxegū, rū nayaxucuxēgū, rū Tupanaārū oremaā nanataāēxēgū. Rū űxūchi yemawena rū inaxīāchi.

17

Pauru rū Chiramaā nanuē ga duūxūgū ga Techarōnicawa

¹ Rū iānēgū ga Aūfīpori rū Aporōniāwa nachopetū ga Pauru rū Chira, rū iāne ga Techarōnicawa nangugū. Rū yēma nayexma ga wūxi ga ngutaquēxepataū ga Yudiūgiārū. ² Rū guma ngutaquēxepataūwa naxūxū ga Pauru, yerū woetama yema nixī ga nacūma. Rū tomaēxpūx ga ngūlxhigaarū ngunexūgu rū Tupanaārū ore ga űmatūxūchiga yema

Yudiūgūmaā yēma nidexa. ³ Rū meāma naxcēx nanangoxēē ga yema ore, rū namaā nūxū nixu ga ſacūcēx na nayuxū ga Cristu rū tūxcūū wena na namaxūxū. Rū ſanagūrū: —Rū yima Cristu rū Ngechuchu nixī, rū nachiga nixī i pemaā nūxū chixuxū —ſanagūrū ga Pauru. ⁴ Rū ſuxre ga yēma yexmagūxū ga Yudiūgū rū nayaxōgū, rū Pauru rū Chiratanūgu naxāgū. Rū yexgumarūū ta Ngechuchuxaxū nayaxōgū ga muxūma ga Griégugū ga noxri Yudiūgūrūū yaxōgūxū. Rū muxūma ga ngexūgū ga dīeruāxgūxū rū ta nayaxōgū. ⁵ Rū yemacēx ga yema Yudiūgū ga tama yaxōgūxū, rū nanuē rū nixāūxāchigū yerū muxūma ga duūxūgū nūxū nayaxōgū ga Pauru rū Chirarū ore. Rū norū numaā nanaxītaquēxexēē ga ſuxre ga yatūgū ga chixexūgū ga taxuwama mexū. Rū yemaxū namugū na nanuēxēēāxū ga yema iānecūāx ga duūxūgū. Rū Yachāūpatawa nabuxmū ga yema chixexū ga duūxūgū na Pauru rū Chiracēx nadaugūxūcēx, yerū yema muxūma ga duūxūgūpēxewa nanagagūchaū. ⁶ Natūrū yexguma tama yexma nūxū yangaugūgu, rū Yachāūxū niyaxugū, rū ſuxre ga yaxōgūxūxū rū ta inayauxū. Rū nayagauxūtanū, rū guma iānēārū āēxgacūgūpēxewa nanagagū. Rū tagaācū ſanagūrūgū: —Ngēma Pauru rū Chira i guxū i naānēwa duūxūgūxū chixexēēgūxū, rū nūma rū ta nangugū. ⁷ —Rū Yachāū nixī ga nayaxuxū ga napatawa. Rū guxūma i nūmagū i ngēma yatūgū rū tama naga naxīnūēchaū i tōrū āēxgacū ya Dumacūāxārū mugū, erū nūxū nixugūe rū nangēxma i to i āēxgacū i Ngechuchu —ſanagūrūgū ga yema chixexū ga duūxūgū. ⁸ Rū yexguma nūxū naxīnūēgu ga yema oregū, rū poraācū nanuē ga yema muxūma ga duūxūgū rū yema iānēārū āēxgacūgu ta. ⁹ Natūrū ga Yachāū rū namūcūgū rū dīerumaā nūgū naxūtanūgū, rū yemacēx nayangēxgū.

Pauru rū Chira rū Berēawa nayexmagū

¹⁰ Rū yematama ga chūtaxūgu rū yema yaxōgūxū ga Techarōnicacūāx rū iāne ga Berēawa nanamugū ga Pauru rū Chira. Rū yexguma yēma nangugū, rū Yudiūgūrū ngutaquēxepataūwa naxī. ¹¹ Rū yema Yudiūgū ga Berēacūāx, rū yema togū ga Yudiūgū ga Techarōnicawa yexmagūxūārū yexera narūmemaēgū. Rū norū ngūchaūmaā meāma nanayauxgū ga yema ore. Rū guxū ga ngunexūgu rū Tupanaārū ore ga ūmatūxūwa nangūe na meā nūxū nacuēgūxūcēx ngoxī aixcūma yīxū ga yema ore ga Pauru rū Chira namaā nūxū ixuxū. ¹² Rū muxūma ga yema Berēacūāx ga Yudiūgū rū Ngechuchuxaxū nayaxōgū. Rū yexgumarūū ta ga muxūma ga Griégugū ga Yatūxūgū rū ngexūgū ga āēxgacūgū namēx ixīgūxū, rū nayaxōgū. ¹³ Natūrū yexguma yema Yudiūgū ga Techarōnicacūāx nūxū cuāchigagūgu ga na Berēawa rū ta nūxū na yaxuxū ga Tupanaārū ore ga Pauru, rū yēma naxī, rū nananuēxēē ga yema iānecūāx ga duūxūgū na Paurumaā chixri nachopetūxūcēx. ¹⁴ Natūrū yexguma yemaxū nacuāchigagūgu ga yema yaxōgūxū, rū paxama Pauruxū ināxūxūēēgū ga guma iānēwa. Rū ſuxre ga yema yaxōgūxū rū Pauruxū inixūmūcūgū. Rū dauxchitagu naxī rū ſuxmata taxtūpechinūwa nangugū. Natūrū ga Chira rū Timutéu rū Berāgu narūchooma. ¹⁵ Rū yema duūxūgū ga Pauruxū ixūmūcūgūxū, rū wapuru gu inayaxūmūcūgū ſuxmata iāne ga Atenawa nangugū, rū ſuxūchi Berēacēx nawoegu. Rū Pauru rū yema duūxūgūxū yēma namuga na paxa naxūtawa naxīxūcēx ga Chira rū Timutéu.

Atenawa nayexma ga Pauru

¹⁶ Rū yexguma Pauru rū Atenawa Chira rū Timutéuxū nanguxēēgu, rū tama nataācūcūraxū yerū nūxū nadau ga guma iānēwa ga na poraācū naxchicūnēxāmaāmare na natupanaāxgūxū. ¹⁷ Rū yemacēx ga Pauru rū Yudiūgūrū ngutaquēxepataūwa Cristuchigaxū nixu namaā ga yema Yudiūgū rū yema togū ga tama Yudiūgū ixīgūxū ga Tupanaxū icuēxūūgūxū. Rū guxū ga ngunexūgu ga iānēārū plaza ga taxūwa rū ta Cristuchigaxū nixu namaā ga yema duūxūgū ga yēma āmūcūwa īxū. ¹⁸ Rū nayexmagū ta ga ſuxre ga yatūgū ga Epicūriugūārū nguxēētaewa nguēxū, rū togū ga Etōicūgūārū nguxēētaewa nguēxū. Rū nūmagū rū inanaxūgūe ga Paurumaā na yaporagatanūcūxū. Rū ſuxre ga nūmagū rū ſanagūrūgū: —ĶRū ſacū nixī i nūxū yaxuxū i ſnā yatū i idexaechamarexū? —ſanagūrūgū. Rū togū nanganāxūgū, rū ſanagūrūgū: —Maneca wūxi i to i nachīūānecūāxārū tupanagūārū orearū uruū nixī —ſanagūrūgū. Rū yemaācū nidexagū ga yema duūxūgū, yerū Pauru rū nūxū nixu ga ore ga mexū ga Ngechuchuchiga ga nuxācū wena na namaxūxū. ¹⁹ Rū dūxwa norū āēxgacūgūārū ngutaquēxechica ga Areōpagu āegaxūwa nanagagū. Rū yēma nūxna nacagū, rū ſanagūrūgū nūxū: —Toma nūxū tacuāxchaū na ſacū rū nguxēētae i ngexwacaxūxū yīxū i ngēma namaā cūnguxēētaexū. ²⁰ Erū toxcēx rū wūxi i taguma nūxū taxīnūēxū nixī i ngēma ore, rū nūxū tacuāxchaū na ſacūchiga yīxū i ngēma nūxū quixuxū —ſanagūrūgū. ²¹ Rū yemaācū nidexagū, yerū guxūma ga Atenacūāxgū rū yema to ga nachīūānecūāxgū ga yexma āchīgūxū, rū woetama yexicagu narūxīnūē ga na nūxū yaxuxūcēx rū nūxū naxīnūēxūcēx ga yexwacaxūxū ga oregū. ²² Rū yemacēx ga Pauru rū inachi norū ngāxūtanūwa ga yema duūxūgū ga yema Areōpaguwa ngutaquēxegūxū, rū ſanagūrū: —Pa Atenacūāxgū, nūxū chadau na poraācū perū tupanagūgu perūxīnūēxū. ²³ —Erū ngēxguma

perü ngutaquëxechicagüwa chixüpetüchigügu, rü nüxü chadau i naxchicünëxägü i nüxü picüëxüügüxü. Rü wüxi i nachicawa namaã chayarüxü i wüxi i yumüxëchica, rü ngëxma naxümatü i naega i ñaxü: “Tupana ya tama nüxü ïcuácü”, ñaxü. Rü yima Tupana ya tama nüxü pecuáácüma nüxü picüëxüügücü nixi ya choma pemaã nüxü chixuchigacü. ²⁴ –Rü guma Tupana ga naxücü ga guxüma ga naãnegü rü guxüma i nawa ngëxmaxü, rü nüma nixi i norü yora yïxü i daxüguxü i naãne rü ñoma i naãne. Rü ngëmacëx nüma rü tama duüxügü üxüne ya tupaucagügu naxächü. ²⁵ –Rü nümatama ya Tupana rü taxucëxma nanaxwëxe i duüxügüarü ngüxëë na namaxüxüçëx i nümax, erü taxuüma nüxü nataxu. Rü nümatama guxãna nanaxã i maxü, rü tüxna nanaxã ya buanecü ya namaã ingüãtanüçüçü. Rü nümatama tüxna nanaxã i guxüma. ²⁶ –Nüma rü wüxi ga duüxüwatama nanaxü ga guxüma ga duüxügü na guxü i naãnewa nangëxmagüxüçëx. Rü nüma inaxuneta i ñuxgu tá na nabuxü i duüxügü rü ngexta tá naxächüxü i wüxichigü. ²⁷⁻²⁸ –Rü yemaãcü nanaxü na naxcëx nadaugüxüçëx ga duüxügü rü ñoma ëãnexüwa tacüçëx idaugüxüürü nüxü iyangaugüxüçëx. Natürü nüma ya Tupana rü woetama guxümguma tüxna nangaicamachirëx, erü nagagu nixi i imaxëxü rü ixïãxtanüçüxü rü ingëxmaxü, ngëxgumarü i ñuxre i perü poperaarü ümatüxügü naxümatüxüürü, rü ñanagürügü:

“Rü Tupanaxäcü tixigü”, ñanagürügü. ²⁹ –Rü ñuxma na Tupanaxäcügu ixigüxü, rü tama name i nagu tarüxüñë rü Tupana rü wüxi i naxchicünëxã i uirumüwa rü ëxna dïërumüwa rü ëxna nutawa ixüürü nixi. Erü guxüma i ngëma naxchicünëxägü rü nümatama i duüxügü nagu naxinüëxüçüma nanaxügü. ³⁰ –Rü nuxcüma ga duüxügü rü naëchitamare inatüe, natürü nüma ga Tupana rü namaã yaxna naxinü. Natürü i ñuxma ya Tupana rü nanamu i duüxügü i guxüwama na naxcëx nadaugüxü rü nüxü naxoexü i nacüma i chixexügü. ³¹ Yerü nüma ga Tupana rü marü nüxü naxuneta i wüxi i ngunexü i nagu tá aixcüma guxü i ñoma i naãneçüãx i duüxügüna naçaxü i norü maxüchiga. Rü marü nüxü naxuneta ya wüxi ya yatü ya Ngechuchu, rü yima tá nixi ya duüxügüna çacü. Rü Tupana rü guxãdüma nüxü nacüxëë ga yema ga yexguma Ngechuchuxü wena namaxëëgu –ñanagürü ga Pauru. ³² Rü yexguma yema wena na namaxëxüchigaxü naxinüëgu ga duüxügü, rü ñuxre ga nümagü rü Pauruxü nacügü. Natürü ga togü rü ñanagürügü: –Rü wenagu táxarü cuxü itarüxüñë i ngëmachiga –ñanagürügü. ³³ Rü yexguma ga Pauru rü inaxüxü ga natanüwa. ³⁴ Natürü ñuxre ga duüxügü rü Pauruwe narüxi, rü Ngechuchuxü nayaxögü. Rü natanüwa nayexma ga Diunichiu ga wüxi ga Areopagutanüxü, rü wüxi ga ngeçü ga Dãmari ga nlegä. Rü ñuxre ga togü rü ta nayaxögü.

18

Corñtiüwa nayexma ga Pauru

¹ Rü yemawena rü inaxüãchi ga Pauru ga Atenawa, rü ñãne ga Corñtiüwa naxü. ² Rü yéma namaã inayarüxü ga wüxi ga yatü ga Aquiru ga Pötuanecüãx ga yexwacëx Dumawa ga Itãriaanewa ne üxü namëx ga Prislamaãx. Rü yéma Corñtiüwa nayexma yerü Dumacüãxgüarü ãëxgacü ga Cãudiü nanamu ga na inachoxüxüçëx ga guxüma ga Yudiügu ga Dumawa. Rü Pauru rü naxütagu nanaxüãne. ³ Rü yexma nape rü naxchirunaxcëx ga düxenüärü üwa nügümaã napuracüe yerü woetama yema nixi ga norü puracü ga Pauru rü Aquiru rü Prisila. ⁴ Rü guxü ga ngüxchigaarü ngunexügu rü Yudiüguarü ngutaquëxepataüwa naxüxü ga Pauru, rü duüxügümaã nidexaxü, rü nayaxucüxëgüxü. Rü yexgumarüü ta nayaxucüxëgüxü ga yema duüxügü ga tama Yudiügu ixigüxü. ⁵ Rü yixcamaxüra inangugü ga Chira rü Timutéu ga Machedóniãwa ne ïxü. Rü yexguma inanaxügü ga Pauru ga aixcüma poracü nüxü na yaxuxü ga Tupanaarü ore. Rü meãma Yudiüguxü nangüxëë na Ngechuchu rü Tupana Nane ya Cristu na yïxü. ⁶ Natürü nümagü ga yema Yudiügu rü inanaxügüe ga Paurumaã na nanüxü, rü namaã naxuchigagüxü. Rü yexguma inapamüchiru ga Pauru, yerü yema nixi ga wüxi ga cuëxruü naxcëx ga yema duüxügü na yemawa nüxü yacüëxächitanüxüçëx ga norü chixexü. Rü ñanagürü nüxü: –Pegagu tátama nixi i na ipeyarütauxexü, rü marü tama chaugagu tá nixi. Rü ñomaüçü i choma rü tá ngëma tama Yudiügu ixigüxüãtanüwa chaxü –ñanagürü ga Pauru. ⁷ Rü inaxüxü ga guma ngutaquëxepataüwa. Rü yéma nayexma ga wüxi ga yatü ga Tíchiu ga Yuchugu äegaxü. Rü nüma rü Tupanaxü nangechaü rü yexma ngutaquëxepataüçüwagu naxãpata. Rü yemaxütawa naxü ga Pauru, rü yexma nape. ⁸ Rü Cripu ga ngutaquëxepataüarü äëxgacü rü namëx rü guxüma ga naxäçügü rü Cori ya Ngechuchuxü nayaxögü. Rü yexgumarüü ta rü muxüma ga Corñtiüçüãxgü rü nayaxögü ga yexguma nüxü naxinüëgu ga yema ore, rü ñuxüchi Pauru inanabaüxëë. ⁹ Rü wüxi ga chütaxü rü nangoxetü ga Pauru. Rü Cori ya Tupana namaã nidexa, rü ñanagürü: –¡Rü täxü i cumüxü! ¡Rü nüxü iXuama i chorü ore! ¡Rü täxü i curüchianexü! ¹⁰ –Erü choma rü chaxucütagu, rü taxüetãma

chixexū cumaā taxū. Erū daa iānewa rū choxū nangēxma i muxūma i chorū duūxūgū — űanagūrū ga Tupana. ¹¹ Rū wūxi ga taunecuarū ngāxū Corűitiuwa nayexma ga Pauru. Rū yēma yema duūxūgūtanūwa namaā nangūexēētae ga Tupanaārū ore. ¹² Natūrū yexguma Acayaaneārū āēxgacū yixūgu ga Gariōū, rū yema Yudiūgū rū wūxigu Pauruxū niyaxugū, rū āēxgacūpēxewa nanagagū. ¹³ Rū űanagūrūgū nūxū ga guma āēxgacū: —űaā yatū rū duūxūgūxū naxucūxē na Tupanaxū yacuēxūgūxūcēx rū tama naga na naxīnūēxūcēx i tachiūāneārū mugū —űanagūrūgū. ¹⁴ Rū Pauru marū nachonagūchaū, natūrū nūma ga āēxgacū ga Gariōū rū yema Yudiūgūxū nangāxū, rū űanagūrū: —Rū ngēxguma chi wūxi i taxū i chixexū naxūxgu, rū ēxna namāētagu, rū ngēxguma chi nixi i choma i pexū ichaxīnūxū, Pa Yudiūgūx. ¹⁵ —Natūrū ngēma pecūmachiga rū perū mugūchiga rū perū ngūxētaechiga na yīxū, rū choma rū tama nūxū chacuāxchaū i ngēma. ¡Rū pematama penamexēēx! Rū choma rū tama ngēmachigaarū āēxgacū chixīxchaū —űanagūrū. ¹⁶ Rū yexguma īnanawoxū ga yēma. ¹⁷ Rū yexguma guxūma ga yema duūxūgū rū Yudiūgūarū ngutaquēxepataūārū āēxgacū ga Chōtenegu āegaxūxū yexma niyaxugū. Rū yexmatama āēxgacū ga Gariōūpēxegu nanaquaixgū. Natūrū nūma ga Gariōū rū taxu űanagūrūama.

Pauru rū Aūtioquācēx nataegu, rū űuxūchi wenaxārū inaxūāchi na norū tomaēxpūxcūma to ga nachīūānegūwa nangeaxū ga Tupanaārū ore

¹⁸ Rū yemawena rū muxūma ga ngunexū yēma Corűitiuwa nayexma ga Pauru. Rū yixcama nūxū narūmoxē ga yema yaxōgūxū rū nūxna inaxūāchi. Rū iāne ga Chēcreawa naxū namaā ga Prisila rū Aquiru. Rū Chēcreawa nūgū nidūpūxūeru ga Pauru yerū marū nayanguxēē ga wūxi ga uneta ga Tupanamaā nūxū yaxuxū. [Rū woetama yema nixi ga nacūmagū ga Yudiūgū ga yexguma yanguxēēgūāxgu ga wūxi ga uneta ga Tupanamaā nūxū yaxuxū.] Rū űuxūchi Chēcreaarū tūrewa rū wūxi ga wapurugu nichoū na Chīriaanewa naxīxūcēx. ¹⁹ Rū yexguma Epēchiuwa nangugūgu, rū Pauru nūxna nixūgachi ga Prisila rū Aquiru, rū Yudiūgūarū ngutaquēxepataūwa naxū. Rū yēma namaā nidexa ga yema Yudiūgū ga guma ngutaquēxepataūwa ngutaquēxegūxūxū. ²⁰ Rū yema Yudiūgū, rū muxūma ga ngunexūgū nūxū nacēēxūgū ga yexma na naxāūxūcēx, natūrū ga nūma rū tama nanaxwēxe. ²¹ Rū yemacēx nūxū narūmoxēāma, rū űanagūrū nūxū: —Rū ngēxguma Tupana naxwēxegu, rū wena tāxarū pexcēx chataegu —űanagūrū. Rū yemawena rū Epēchiuarū tūrewa nayarūxūe, rū inaxūāchi. ²² Rū Checharēaarū tūrewa nangu, rū yēma īnaxūe. Rū űuxūchi Yerucharēūwa naxū na nūxū yanamoxēxūcēx ga guxūma ga yema yaxōgūxū. Rū űuxūchi Aūtioquāwa naxū. ²³ Rū yexguma marū űuxre ga ngunexū yēma Aūtioquāwa nayexmagu, rū wenaxārū inaxūāchi ga Pauru na wūxichigū ga iāne ga Gārataanewa rū Frīyiaanewa yexmagūnewa iyadauxūcēx rū yataāēxēgūāxūcēx ga guxūma ga yema yaxōgūxū ga guma iānegūwa yexmagūxū.

Aporu rū Epēchiuwa nūxū nixu ga Tupanaārū ore

²⁴ Rū yexgumaūcūū rū Epēchiuwa nangu ga wūxi ga Yudiū ga Aporugu āegaxū. Rū nūma rū iāne ga Aleyādrīacūāx nixi, rū nūxū natauxcha ga duūxūgūpēxewa na yadexaxū. Rū meāma nūxū nacūx ga Tupanaārū ore i űmatūxū. ²⁵ Rū nūma meā nūxū nacūx ga Cuāū ga baiūxēerūārū ngūxēētae ga Cori ga Ngechuchuchiga, rū nūxū nacūx na űuxācū Cuāū duūxūgūxū ībaiūxēēxū. Natūrū yexicaxūtama nacūx ga Ngechuchuchiga. Natūrū poraācū nataāēcūma nidexa rū aixcūma nanangūexēē ga duūxūgū. ²⁶ Rū nūma ga Aporu rū tama namūācūma inanaxūgū ga na yadexaxū ga Yudiūgūarū ngutaquēxepataūwa. Natūrū yexguma Aporuxū naxīnūēgu ga Prisila rū Aquiru, rū napatawa nanagagū na yexeraācū namaā inanguxūxēēxūcēx ga Ngechuchuchiga. ²⁷ Rū yexguma Acayaanewa naxūxchaūgu ga Aporu, rū yema yaxōgūxū ga Epēchiucūāx nūxū narūngūxēēgū. Rū popera yēma namugū naxcēx ga yema yaxōgūxū ga Acayacūāx na meā Aporuxū nayauxgūxūcēx. Rū yexguma Acayaanewa nanguxgu ga Aporu rū poraācū nūxū narūngūxēē ga yema duūxūgū ga Tupanaārū ngechaūgagu Ngechuchuxū yaxōgūxū. ²⁸ Rū guxū ga duūxūgūpēxewa nūxū nūxū nacūxēē ga poraācū na inatūxū ga yema Yudiūgū ga tama Ngechuchuxū cuāxchaūgūxū. Rū nūmagū ga Yudiūgū rū taxucūrūwama űuxū űanagūrūgū, yerū ga Aporu rū Tupanaārū ore ga űmatūxūwa meāma nūxū nanawēx ga na Ngechuchū rū aixcūma Tupana Nane ya Cristu na yīxū.

19

Epēchiuwa nayexma ga Pauru

¹ Rū yexguma Corűitiuwa nayexmayane ga Aporu, rū Pauru rū naxpūxanegu idaxū ga namawa nixūpetū, rū Epēchiuwa nangu. Rū yexma nūxū nayangau ga űuxre ga yaxōgūxū. ² Rū nūxna naca, rū űanagūrū nūxū: —¡Marū penayaxuxū i Tupanaāē i űūnēxū ga yexguma peyaxōgūgu? —űanagūrū. Rū nūmagū nanangāxū, rū űanagūrūgū: —Tama. Taguma nūxū

taxinūēchiga na tacū yīxū i Tupanaāē i Ūūnexū –ñanagürügü. ³ Rū yexguma ga Pauru rü nüxna naca rü ñanagürü nüxū: –¿Texéaxū peyaxögüxū ga yexguma ípebaiūgu? –ñanagürü. Rū nūmagü nanangāxū, rü ñanagürügü: –Toma nüxū tayaxō ga yema Cuáū ga baiūxēēruūārū nguxēētae –ñanagürügü. ⁴ Rū yexguma ga Pauru rü ñanagürü nüxū: –Cuáū inanabaiūxēē ga yema duūxūgu ga nüxū rūxoexū ga nacūma ga chixexū rü Tupanacēx daugūxū. Natürü yema duūxūgūmaā nüxū nixu ta na nüxū yaxōgūāxūcēx ga Ngechuchu ga naweama ācū –ñanagürü ga Pauru. ⁵ Rū yexguma yemaxū naxinūēgu ga yema duūxūgu rü inabaiū naēgagu ga Cori ya Ngechuchu. ⁶ Rū yexguma Pauru rü yema yaxōgūxūētūgu naxūmēxgu, rü nüxna nangu ga Tupanaāē i Ūūnexū, rü to ga nagawachigü nidexagü, rü nüxū nixugü ga Tupanaārū ore. ⁷ Rū maneca 12 ga yatū nixigü ga yema duūxūgu. ⁸ Rū tomaēxpūx ga tauemacū yēma nayexma ga Pauru. Rū Yudiūguārū ngutaquēxepataūwa naxūxū rü tama namuūācūma nüxū nixuuxū ga Tupanaārū ore. Rū nanangūxēē na ñuxācū āēxgacū na yīxū i Tupana, rü nüxū nanangūchaūxēē na Ngechuchuauxū yaxōgūāxūcēx. ⁹ Natürü nayexma ga ñuxre ga duūxūgu ga tama nüxū cuēxgūchaūxū rü tama yaxōgūchaūxū. Rū nūmagü inanaxūgūe ga na yema muxūma ga duūxūgūpēxewa chixexū yaxugūexū nachigagu ga Cori ga Ngechuchu. Rū yemacēx nüxna nixūgachi ga Pauru, rü toxnamana nanagagü ga yema yaxōgūxū. Rū guxū ga ngunexūgu namaā nüxū nixuchiga ga ore nawa ga wūxi ga ngutaquēxepataū ga Tiranuārū ngūepataū ga naega. ¹⁰ Rū yemaācū naxaxū ga taxre ga taunecū, rü yemaācū guxūma ga Áchiacūāxgū ga Yudiūgu rü Griégugü rü nüxū naxinūē ga Cori ya Tupanaārū ore. ¹¹ Rū Tupana Pauruxū narūngūxēē ga na naxūāxū ga taxūgu ga mexūgu ga Tupanaārū poramaā naxūxū. ¹² Rū èixrūxū ga norū dechugü ga Pauru rü naxchirugü rü duūxūgu rü yema idaaweexūxūtawa nanangegü. Rū yexguma yema idaaweexū nüxū ingōgūgūga yema naxchiru rü èxna dechu, rü naxcēx nitaanegü. Rū yema duūxūgu ga ngoxoāxgūxū rü ta naxcēx nitaanegü. ¹³ Natürü nayexma ga ñuxre ga Yudiūgu ga ñānegūwachigü ixīētanūxū rü ngoxogūārū woxūwa puracūexū. Rū nüxū naxūgu na Cori ya Ngechuchuégu na inawoxūāxū ga ngoxogü nawa ga yema duūxūgu ga ngoxoāxgūxū. Rū ñanagürügü: –Ngechuchu ya Pauru nüxū ixuchigacūégagu pexū tamu na ípechouxūcēx –ñanagürügü ga yema Yudiūgu. ¹⁴ Rū yema 7 ga yema ūgūxū, rü wūxi ga Yudiūguārū paigūārū āēxgacū ga Echebaga āegaxū nanegü nixigü. ¹⁵ Natürü wūxi ga ngunexūgu ga yexguma wūxi ga ngoxoxū inatēxūchigūchaūgu, rü yema ngoxo nanangāxū, rü ñanagürü: –Nüxū chacuēx ya Ngechuchu, rü nüxū chacuēx ya Pauru na texē yīxū. ¿Natürü i pema rü texēgu pixigü? –ñanagürü. ¹⁶ Rū yexguma ga yema yatū ga ngoxoāxū rü yema duūxūgu ga inatēxūchigūchaūxūna nayuxu, rü nüxū narūporamaē ga guxūma, rü inanagāuūxūne. Rū yemaācū ngexchiruxūma rü napiēxūma nibuxmū ga guma iwa. ¹⁷ Rū guxūma ga Yudiūgu rü Griégugü ga Epēchiuwa yexmagūxū rü nüxū nacūchigiga ga yema. Rū poraācū namuūē ga guxūma. Rū yemaācū yexeraācū natachiga ga Cori ga Ngechuchu ga yema. ¹⁸ Rū muxūma ga yema yaxōgūxū rü yema ningugūetanū, rü guxū ga duūxūgūpēxewa nüxū nixugūchigü ga nūma rü ta na nayūēchiréxū, natürü tá nüxū na naxoxū ga yema. ¹⁹ Rū muxūma ga yema iyuēchiréxū, rü yema nanana ga norū poperagü ga yuūpane ga nawa nangūexū, rü guxūpēxewa ínanagu. Rū yexguma nangugūgūāgu ga natanū ga yema poperagü, rü maneca 50,000 tachinū ga diēru ga tatanūxūwa nangu. ²⁰ Rū yemaācū ga Cori ya Tupanaārū ore, rü yexeraācū nixūchigü, rü yexeraācū duūxūgu nüxū nadau na ñuxācū naporaxū ga yema ore. ²¹ Rū yemawena ga Pauru, rü nagu narūxīnū ga Machedóniāānewa rü Acayaanewaxīra na naxūxū, rü yema ñuxūchi Yerucharéūwa na naxūxū. Yerü yema ñanagürü: –Rū ngema Yerucharéūwa tá chaxū, rü yīxcama rü Dumawa rü tá ta chaxū –ñanagürü. ²² Rū yemacēx nūgūpēxegu Machedóniāānewa nanamugü ga taxre ga norū ngūxēēruū ga Timutéu rü Eratu. Natürü nūma ga Pauru rü ñuxre ga ngunexū Áchiagu narūxūxū.

Nanuē ga duūxūgū ga Epēchiuwa

²³ Rū yexgumaācū rü Epēchiuwa rü nanaxīxāchitanūāē ga duūxūgū, rü poraācū nanuē nachigagu ga Cori ya Tupanaārū ore. ²⁴ Rū yemaācū naxūpetū nagagu ga wūxi ga yatū ga diērumūwa puracūxū ga Demétrigu āegaxū. Rū nūma rü ínanaxūxū ga norū tupana ga Atemícharū tupaucachicūnēxāgū ga diērumūnaxcēx. Rū nayexma ga muxūma ga norū puracūtanūxū ga yemawa puracūexū. Rū guxūma poraācū meā nüxū naxātanū ga yema puracū. ²⁵ Rū nūma ga Demétriu rü nanangutaquēxexēē ga guxūma ga puracūtanūxū ga yemawa puracūexū, rü ñanagürü nüxū: –Pa Chomūcūgūx, meā nüxū pecuēxgu na ñāā tōrū diērumūārū puracūgu na ngīxū iyaxuxū i tōrū diēru. ²⁶ Rū marū nüxū pedaugü i ngēma Pauru rü nüxū pexīnūē na ñuxācū yaxucūxēgūāxū i duūxūgū, rü ñuxācū namaā nüxū yaxuxū na tama aixcūma tupanagū yīxū i ngēma tupanagū i yīxcama ixūgūxū. Rū ngēmaācū muxūma i duūxūgūxū nüxū narūxoexēē na tama tōrū tupanagūaxū yaxōgūāxūcēx. Rū tama nūma Epēchiuwaxīcatama ngēxū nawagū natürü wixgūxūchi taēx guxū i Áchiaanewa

ngēmaācū chixri nayaxucūxēgū i duūxūgū. ²⁷ Rū pema nūxū pecuèx rū tórū puracūcèx rū naxācūma i ngēma. Rū wūxi i chixexū ta nixī i naxcèx i tórū tupana i Atemícharū tupauca ya taxūne. Rū űuxma rū muxūma i duūxūgū rū ngīxū nangechaū i Atemícha i guxū i Áchiaanewa rū guxū i naānewa. Natūrū ngēma Pauruarū ucūxēgagu rū dūxwa taxuxūtāma ngīxū nangechaū i duūxūgū, rū ngēmaācū dūxwa inaārūxo tā ta i tórū puracū —ñanagūrū ga Demétriu. ²⁸ Rū yexguma yemaxū naxīnūēgu, rū poraācū nanuē, rū tagaācū űanagūrūgū: —jNamaxū i Epéchiucūāxgūarū tupana i Atemícha! —ñanagūrūgū. ²⁹ Rū guxūma ga yema űānecūāxgū rū poraācū yexma inatūeāē. Rū inayauxū ga Gayu rū Aritārcu ga Machedóniānecūāxgū ga Paurumūcūgū, rū guma i ga űānēarū ngutaquēxepataūwa nanagauxūtanū. ³⁰ Rū Pauru rū ta yexma naxūcuchaū na yema duūxūgūmaā yadexaxūcèx, natūrū yema yaxōgūxū nūxna nanachuxu ga yexma na naxūcuxū. ³¹ Rū yema Áchianeārū āēxgacūgūtanūwa rū nayexma ga űuxre ga Paurumūcūgū ixīgūxū. Rū nūmagū rū ta Pauruxūtāwa namugagū na tama yema ngutaquēxechicagu naxūcuxūcèx. ³² Rū yoxni ga duūxūgū ga yema inangutaquēxegūxūwa, rū nūmaxū rū wūxi ga oremaā aita naxūe, rū togū ga to ga oremaā aita naxūe. Yerū poraācū nanaxīxāchīāēgū ga guxūma ga yema duūxūgū ga yema ngutaquēxegūxū. Rū muxūma rū tama nūxū nacuèxgū ga űacūcèx na nangutaquēxegūxū. ³³ Natūrū yema nayexma ga wūxi ga Yudiū ga Areyāūdrugu āēgaxū. Rū yema togū ga Yudiūgū rū namaā nūxū nixu ga űacūcèx na nangutaquēxexū. Rū duūxūgūpēxewa nanamugū na yadexaxūcèx rū naētūwa nachōgūxūcèx ga yema Yudiūgū ga yema yexmagūxū. Rū nūma ga Areyāūdru rū naxunagūmēxē na iyanachianegūxūcèx ga duūxūgū, na namaā yadexaxūcèx. ³⁴ Natūrū yexguma nūxū yacuèxāchitanūgu ga Aré rū Yudiū na yīxū, rū guxūma ga yema duūxūgū rū wūxigu tagaācū aita naxūe. Rū taxre ga ora ninge ga na tagaācū űagūxū: —jNamaxū i Epéchiucūāxgūarū tupana i Atemícha! —ñagūxū. ³⁵ Rū dūxwa yema űānēarū āēxgacū nanachiāchixēē ga yema muxūma ga duūxūgū, rū űanagūrū nūxū: —Pa Epéchiucūāxgūxū, guxūma i duūxūgū nūxū nacuèx na nūma tūxū nangēxmaxū i Atemíchachicūnēxā i daxūwa rūnguxū. ³⁶ —Rū űuxma na guxūma nūxū na cuāxū na aixcūma yīxū i ngēma, rū name nixī na pechiāchixū, rū taxuūma i chixexū pexūexū. ³⁷ —Erū űāā yatūgū i nuā pegagūxū, rū taxuūma i chixexū ngīmaā naxūgū i tórū tupana, rū tama chixexū nixugūē ngīchigagu. ³⁸ —Rū ngēxguma chí Demétriu rū ngēma namūcūgū i namaā napuracūexū rū nūxū nangēxmagu i űacū i tama norū me ixīxū, rū nangēxma i ngutaquēxechicagū i ngextā āēxgacūgū duūxūgūxū űicagūxūwa. Rū name nixī na ngema āēxgacūgūpēxewa namexēēāxū i űacū i tama norū me ixīxū. ³⁹ —Rū ngēxguma nangēxmagu i űacū i to i perū guxchaxūgū, rū name nixī i űānēarū āēxgacūgūarū ngutaquēxewa penamexēē i ngēma. ⁴⁰ —Erū űuxma rū taxācūmāxgūgū rū ngūrūāchi āēxgacū ya tacū ya Dumawa ngēxmacū rū tūxna tā naxcèx naca i ngēma űuxma ngupetūxū. Erū aixcūma taxumaāma tanangāxūlega i āēxgacū, ega tūxna nacaxgu naxcèx i űāā ngutaquēxe i nawa pexāūgatanūxū —ñanagūrū. ⁴¹ Rū yexguma marū yema űaxguwena, rū inayamugū ga yema duūxūgū.

20

Machedóniānewa rū Griégugūchīūānewa naxū ga Pauru

¹ Rū yexguma marū nangupetūgu ga yema na űyaxucūxūxū ga duūxūgū, rū Pauru naxcèx nangema ga yema yaxōgūxū na yaxucūxēgūāxūcèx. Rū yexguma marū namaā nūxū nachaugu, rū nūxū narūmoxē, rū inaxūāchi ga Machedóniānewa na naxūxū. ² Rū yexguma yema naānewa yaxūpetūgu, rū taāēxū ga oremaā nayaxucūxēgū ga yema yaxōgūxū ga wūxichigū ga űānewa yexmagūxū. Rū yemaācū Griégugūchīūānewa nangu. ³ Rū yema nayexma ga tomaēxpūx ga tauemacū. Rū yexguma marū inaxūāchichaūgu ga Chírīaanewa na naxūxū, rū tama wapurugu nixū yerū nūxū nacuāchiga ga na űuxre ga Yudiūgū yamēxgūchaūxū. Rū yemacēx nagu narūxīnū ga dauxchitagu na nataeguxū, rū wenaxārū Machedóniānewa na naxūpetūxū. ⁴ Rū inayaxūmūcūgū ga Chópate ga Beréacūāx ga Píru nane, rū Aritārcu rū Segūdu ga Techarónicacūāxgū, rū Gayu ga Derbecūāx, rū Timutéu, rū Tíquicu, rū Turuquínu ga Áchīanecūāxgū. ⁵ Rū yema yatūgū rū nūxīra topēxegu naxāgū, rū Tróawa toxū nayarūnguxēēgū. ⁶ Rū nawena ga yema Yudiūgūarū peta ga űpetūchiga ga pāu ga ngearū puxēēruāxū nagu nangōxgūxū, rū wapurugu Piripuwa itaxīāchi. Rū wūximēxpūx ga ngunexū ngupetūgu, rū Tróagu nūxū tayangaugū ga yema topēxegu āgūxū. Rū yexma tarūcho ga 7 ga ngunexū.

Tróagu nanaxūāne ga Pauru

⁷ Rū yema yūxūarū ngunexūgu rū tangutaquēxegū namaā ga yema yaxōgūxū na tanangōxūcèx ga pāu ga būcuxū yema Ngechuchu toxū ngūexēēxūrū. Rū yema

yaxōgūxūmaā nidexa ga Pauru. Rū nanamēxēē ga norū dexa űuxmata ngāxūcūwa nangu, yerū moxūācū inaxūāchichaū. ⁸⁻⁹ Rū daxūwa ga guma ĩpataarū tomaēxpūxchiūwa yexmaxū ga ucapuwa tangutaquēxegū. Rū namu ga omū ga yēma naīgūxū. Rū nayexma ga wūxi ga ngextūxūcū ga Euficugu āegacū. Rū yēma wūxi ga yema ucaputapūxaru ĩāxwa narūto. Natūrū ga Pauruarū dexa, rū poraācū namēx. Rū yemacēx ga guma ngextūxūcū rū poraācū nayaxta, rū dūxwa nipeāchi rū yema ĩāxwa narūngu, rū űaxtūanegu nangu. Rū yēma yucūma nanayauxgū. ¹⁰ Rū ĩnarūxū ga Pauru, rū nayanawūxūchi ga guma ngextūxūcū, rū duūxūgūxū űanagūrū: —ĪTāxū ipebaixāchiexū, erū namaxū nixī! —űanagūrū. ¹¹ Rū yexguma wenaxārū daxū naxī, rū inanabūcu ga yema pāū, rū nanangōx. Rū wenaxārū nidexa űuxmata yangune, rū yexguma inaxūāchi. ¹² Rū guma ngextūxūcū rū maxūcū napatawa nanagagū. Rū yemacēx poraācū nataāēgū ga guxūma ga nūmagū.

Tróawa inaxūāchi ga Pauru rū Miretuwa naxū

¹³ Rū yexguma ga Pauru rū űanagūrū: —Dauxchitagu tá chixū űuxmatáta ĩāne ya Achuwa changu na ngema pexū chixūexūcēx —űanagūrū. Rū yemacēx ga toma rū wapurugu tichoū rū yoxni napēxegu taxī űuxmata Achuwa tangugū. ¹⁴ Rū yexguma Achugu Paurumaā togū tayangauxgu, rū yēma toxū nixūe. Rū tachopetū ga yēma űuxmata Miterēnewa tangugū. ¹⁵ Rū yēma itaxīāchi rū moxūācū Quīuarū toxmēxtawa tachopetū. Rū yemaārū moxūācū Chamowa tangugū. Rū yemaārū moxūācūama Miretuwa tangugū. ¹⁶ Rū yemaācū ĩtixī yerū ga Pauru rū tama Áchīanegu nanuxcūchaū. Yerū nanaxwēxe ga paxa Yerucharēūwa na nanguxū naxcēx ga Pētecōstarū ngunexū. Rū yemacēx nagu narūxīnū na tama Epēchiugu iyadauxū.

Yaxōgūxūārū āēxgacūgū ga Epēchiucūāxmaā nidexa ga Pauru

¹⁷ Natūrū yexguma Miretuwa tangugūgu rū Epēchiuwa naxcēx namuga ga Pauru na naxūtawa naxūcēx ga yema yaxōgūxūārū āēxgacūgū ga Epēchiucūāx. ¹⁸ Rū yexguma Pauruxūtawa nangugūgu, rū űanagūrū nūxū: —Pema meā nūxū pecuēxgū ga űuxācū pepēxewa na chamaxūxū ga guxūgu ga yexguma noxritama nuā Áchīanewa chaxūxgu. ¹⁹ Rū guxūguma ga yexguma petanūwa chayexmagu, rū meāma chanaxū ga Cori ya Tupanaārū puracū, taguma chaugū chicuēxūācūma. Rū woo muēxpūxcūna poraācū changechaūgu, nagagu ga yema chixexū ga chomaā naxūgūchaūxū ga Yudiūgu, natūrū naētūwa chanaxūama ga yema puracū. ²⁰ Rū taguma ĩchayachaxāchi ga pemaā nūxū na chixuxū ga guxūma ga yema ore ga perū mexūcēx ixīxū. Rū guxū ga duūxūgūpēxewa, rū pepatagūwa rū ta pexū changūxēē ga yema ore. ²¹ Rū Yudiūgūmaā rū yema tama Yudiūgu ixīgūxūmaā nūxū chixu na namexū ga na nūxū naxoexūcēx ga norū chixexūgū rū Tupanaga naxīnūēxūcēx, rū nūxū na yaxōgūāxūcēx ga tōrū Cori ya Ngechuchu. ²² Rū űuxma rū Yerucharēūwa chaxū erū Tupanaāē i Ūūnexū rū ngema choxū namu. Natūrū tama nūxū chacuēna na ĩacu tá choxū ūpetūxū i ngema. ²³ Rū ngēma nūxū chacuāxū nixī i duūxūgū tá choxū napoxcu rū guxchaxūgū tá choxū naxūpetū i Yerucharēūwa. Rū ngēxīcatama nixī i chomaā nūxū yaxuxū i Tupanaāē i Ūūnexū i guxūne ya ĩāne i ngextā ĩchixūgūxūwa. ²⁴ Natūrū tama ngēma āūcūmaxūgu charūxīnū erū nūētama nixī ega woo chayūxgu. Natūrū ngēma chanaxwēxexū nixī na taāēācūma chapuracūamaxū na meā chayangūēēxūcēx i ngēma puracū ga tōrū Cori ya Ngechuchu choxna āxū rū nūxū chixuxūcēx i norū ore i mexū na űuxācū Tupana tūxū ngechaūxū. ²⁵ Rū űuxma rū marū nūxū chacuēx rū tagutāma wena choxū pedaugū i pema ga marū pemaā nūxū chixuxe na űuxācū āēxgacū na yīxū ya Tupana. ²⁶ Rū ngēmacēx i űoma i ngunexūgu rū pemaā nūxū chixu rū marū tama chaugagu nixī ega texē petanūwa iyarūtauxgu. ²⁷ Erū marū meāma pemaā nūxū chixu i guxūma i ngēma Tupana pexū naxwēxexū, rū taxuūma ichicux. ²⁸ Rū ngēmacēx i űuxma rū penaxwēxe na pexuāēgūxū rū meā nūxna pedaugūxū i guxūma i yaxōgūxū i petanūwa ngēxmagūxū. Erū ngēma nixī i Tupanaāē i Ūūnexū nagu pexū mugūxū na nūxna pedaugūxūcēx i ngēma Tupanaārū duūxūgū i yaxōgūxū i Ngechuchu nagūmaātama naxcēx taxexū. ²⁹ Choma nūxū chacuēx rū ngēxguma ĩchixūxgu, rū chowena tá pexcēx nuā naxī i togū i duūxūgū. Rū tá nanachixēēēchaū i ngēma yaxōgūxū űoma airugū i idūraexū i carnerugūxū ngīāchixēēxūrū. ³⁰ Rū woo petanūwatātama nangēxmagū i nūmaxū i tá doramaremaā nangūxēēxū i ngēma yaxōgūxū na nūgūwe naxīxēēāxūcēx. ³¹ Pegūna pedaugū, rū nūxna pecuēxāchie na űuxācū tomaēxpūx ga taunecūgu rū ngunecū rū chūtacū rū taguma ĩchayachaxāchixū ga pexcēx chaxauxācūma na pexū chixucuxēgūxū ga wūxichigū! ³² Rū űuxmax, Pa Chaueneēgūx, rū Tupanana pexū chamugū. Rū chanaxwēxe i naga pexīnūē i norū ore i tūxū nūxū cuēxēēxū na űuxācū poraācū tūxū nangechaūxū. Erū ngēma norū ore tá pexū naporaēxēē na tōrū Coricēx pemaxēxūcēx rū pexū nangēxmaxūcēx i pechica namaā i guxūma i duūxūgū i Tupana dexū. ³³ Choma rū taxuguma chaugūcēx chanaxwēxe ga texārū dīeru rū texēchiru. ³⁴ Rū pematama rū meā nūxū pecuēx ga űuxācū

daa choxmēmaā na chapuracūxū naxcēx ga yema choxū rū chomücügüaxū taxuxū. ³⁵ Rū guxūluma meā pexū changüexēē na ngēmaācū pepuracūxū na nüxū perüngüxēxūcēx i ngēma duūxūgū i nüxū nataxuxū. Rū name nixī na nüxna pecuēxāchixū i Cori ya Ngechuchuarū ore ga nūmatama ñaxū:

“Rū narūmemaē nixī i pema na toguena penaxāxū rū tama i tüma pexna tanaxāxū”, ñaxū. ³⁶ Rū yexguma yema ñaxguwena ga Pauru, rū inacaxāpūxū namaā ga guxūma, rū nayumūxē. ³⁷ Rū guxūma poraācū naxauxe, rū Pauruna nanēixāchigū, rū nüxū nachūxgū. ³⁸ Yerū poraācū nangechaūē naxcēx ga yema ore ga namaā nüxū yaxuxū ga:

“Marū tagutāma wena choxū pedaügū” ñaxū. Rū nūmagū ñayaxūmücügū ñuxmata wapuruwa nangu.

21

Yerucharēüwa naxū ga Pauru

¹ Rū yexguma nüxna itaxīāchi ga yema yaxōgūxū, rū wapuruğu tichoū. Rū capaxū ga Coscēx noxtacūma tixāū. Rū moxūācū rū Rodawa taxī. Rū yēma itaxīāchi, rū Pátarawa tangugū. ² Rū yexma nüxū tayangau ga wūxi ga wapuru ga Peníchiawa ūxūne. Rū nagu tichoū, rū itaxīāchi. ³ Rū yixcamaxūra nüxū tadaügū ga Chipre. Rū torū űoxwecūwawaama naxū, rū nüxū tachopetū. Rū itiñaxwetaxū ñuxmata Chíríaanewa tangugū. Rū Tiruwa ítachoū, yerū yēma nixī ga ñnanuñācūxū ga guma wapuru. ⁴ Rū yexma nüxū tayangau ga yēmacūāx ga yaxōgūxū, rū 7 ga ngunexū yēma natanūwa tayexmagū. Rū Tupanaāē i Ūünexū nayadexagūxēē ga yema yaxōgūxū, rū Pauruxū ñanagūrügū: —¡Tāxū i Yerucharēüwa cuxūxū! —ñanagūrügū. ⁵ Natürū yexguma nangupetūgu ga yema 7 ga ngunexūgū, rū itaxīāchi. Rū yema yaxōgūxū rū towe narūxī. Rū naxmēmaāchigū rū naxācūgūmaāchigū toxū ñnixūmücügū ga guxūma ñuxmata guma ñānechipenūwa tangugū. Rū yexma naxnūcūgu tacaxgūāpūxū, rū tayumūxēgū. ⁶ Rū yexguma ga toma rū nüxū tarūmoxēgū, rū tichoū ga wapuruwa. Rū nūmagū rū napatacēx nawoegu. ⁷ Rū toma rū Tiruwa itaxīāchi rū Turemāidawa tangugū. Rū yēma ítachoū, yerū yexma nayacuēx ga wapuruğu na taxīxū. Rū nüxū tarūmoxēgū ga yema yaxōgūxū ga yēma yexmagūxū, rū wūxi ga ngunexū natanūgu tarūcho. ⁸ Rū moxūācū itaxīāchi ga yēma, rū Checharéawa tangugū. Rū Piripi ga Tupanaārū oreatū uruūpatawa taxī. Rū nüma rū yema 7 ga ngūxēeruūgū ga tupaucana daugūxūtanūxū nixī. Rū yexma naxūtagu tapegū. ⁹ Rū nüma nüxū iyexma ga āgūmücū ga naxācūgū ga taguma ixātecū ga Tupanaārū orexū ixugūecū. ¹⁰ Rū yexguma marū ñuxre ga ngunexū yēma tayexmagūgu, rū Yudeāanewa ne naxū ga wūxi ga Tupanaārū oreatū uruū ga Agabugu āegaxū. ¹¹ Rū yexguma toxūtawa nanguxgu ga Agabu, rū nanayaxu ga Pauruarū goyexū. Rū namaā nügū ninēixgūcutū, rū nügū nináimēx, rū ñanagūrū: —Tupanaāē i Ūünexū marū chomaā nidexa rū ñanagūrū:

“Rū ñācū tá nayanēixgū i Yudūlūgū i Yerucharēüwa i ñāā goyexūārū yora. Rū ngēma duūxūgū i tama Yudiūgū ixīgūxūna tá nanamugū”, ñanagūrū. ¹² Rū yexguma yema orexū taxīnūēgu, rū toma rū yema Checharéacūāxgūmaā Pauruxū tacēxūgū ga tama Yerucharēüwa na naxūxūcēx. ¹³ Natürū nüma ga Pauru rū toxū nangāxū rū ñanagūrū: —¿Tūxcūū pexauxe rū choxū pengechaūxēē? Choma rū íchamemare na chináixū. Rū ngēxgumarūū ta rū marū íchame na Yerucharēügu chayuxū naxcēx ya Cori ya Ngechuchu —ñanagūrū. ¹⁴ Rū yexguma marū taxuacūma tanachūxugu, rū tachianemare, rū ñatarūgū: —¡Écū yangu i Cori ya Tupanaārū ngūchaū! —ñatarūgūgū. ¹⁵ Rū yemawena rū togū tamexēēgū, rū Yerucharēüwa taxī. ¹⁶ Rū towe narūxī ga ñuxre ga yaxōgūxū ga Checharéacūāxgū, rū Machōūpatawa toxū nagagū. Rū nüma nixī ga wūxi ga Chíperecūāx ga űpamama woetama yaxōxū. Rū naxūtagu tapegūxū.

Chaūtiāguxūtagu nanaxūāne ga Pauru

¹⁷ Rū yexguma Yerucharēüwa tangugūgu, rū yema yaxōgūxū rū taāēacūma toxū nayauxgū. ¹⁸ Rū moxūācū ga Pauru rū tomaā Chaūtiāguxūtagu nanaxūāne. Rū yēma nangutaquēxēgū ga guxūma ga yaxōgūxūārū āēxgacūgū. ¹⁹ Rū nüxū narūmoxē ga Pauru, rū ñuxūchi meāma namaā nüxū nixu ga guxūma ga yema Tupana ūxū ga yexguma yema tama Yudiūgū ixīgūxūmaā nüxū yaxuxgu ga Tupanaārū ore. ²⁰ Rū yexguma Pauruarū orexū naxīnūēgu ga nūmagū, rū Tupanaxū nicuēxūūgū. Rū ñanagūrügū Pauruxū: —Dūcēx, Pa Toeneēx, cuma nüxū cucuēx rū nangēxma i muxūchixū i Yudiūgū i yaxōgūxū. Rū guxūma i nūmagū rū nanaxwēxēgu na nagu naxīxū i ngēma mugū ga Moiché ūmatūxū. ²¹ Natürū ga togū ga tama yaxōgūxū rū marū namaā nüxū nixugūgū na cuma rū cunangūxēēxū i guxūma i Yudiūgū i togū i naxiūānewa ngēxmagūxū, na tama naga naxīnūēxūcēx i ngēma mugū ga Moiché ūmatūxū. Rū marū namaā nüxū nixugūgū na cunangūxēēxū na tama tūxū ñnawūchēxmūpēxechiraūxūcēx ya nanegū, rū na tama naga naxīnūēxūcēx i tacūmagū ga Moiché tūxū muxū. ²² ¿Tacū tá ixūexū i ñuxmax? Erū ngēma Yudiūgū i yaxōgūxū rū aixcūma

tá nūxū nacuēxgū na marū nuā cunguxū. ²³ ĵRū ngēmacèx name nixī na cunaxūxū i ngēma tá cumaā nūxū tixuxū! Nuā totanūwa nangēxma i āgūmūcū i yatūgū i yanguxēchaūxū i wūxi i uneta i Tupanamaā nūxū yaxuxū. ²⁴ ĵNgema tupauca ya taxūnewa nagagū, rū wūxigu namaā yanguxēē i ngēma tacūma ga Moīché tūxna āxū, rū Tupanapēxewa pegū peyamexēēgū! ĵRū nūxū naxūtanū i űuxregu nūxū naxātanū na yadūpūxūerugūxūcèx i ngēma yatūgū na ngēmaācū yanguxēēgūāxūcèx i norū unetagū! Rū ngēmawa rū guxūma i ngēma Yudiūgū rū tá nūxū nacuēxgū na aixcūma cuma rū ta naga cuxīnūxūxū i ngēma mugū ga Moīché űmatūxū rū tama aixcūma na yīxū ga yema ore ga cuchiga ga nūxū yaxugūxū. ²⁵ Rū űuxūchi ngēma yaxōgūxū i tama Yudiūgū ixīgūxū, rū marū naxcèx tanaxūmatū ga torū ore na tama nangōxgūāxūcèx i űacū i namachi i marū togū norū tupanametachicūnēāgūxū namaā icuēxūgūxū, rū tama na nangōxgūāxūcèx ya nagū, rū tama nangōxgūāxūcèx i naēxūgū rū ēxna naxūnagū i wēxnaāxū, rū tama naī i ngemaā rū ēxna naī ya yatūmaā inapexūcèx –ñanagūrūgū.

Tupauca ga taxūnegu Pauruxū niyaxugū

²⁶ Rū yexguma ga Pauru rū yēma tupauca ga taxūnewa nanagagū ga yema āgūmūcū ga yatūgū. Rū moxūācū rū Tupanapēxewa nūgū namexēē ga Pauru wūxigu namaā ga yema yatūgū. Rū űuxūchi guma tupauca ga taxūnegu namaā naxūcu na paimaā nūxū yaxuxūcèx na 7 ga ngunexūgu tá yīxū na yanguxēēgūāxū ga yema norū uneta ga Tupanamaā nūxū yaxugūxū, rū yemawena rū tá na inaxāmaregūāxū ga norū āmaregū ga Tupanaxū namaā yacuēxūgūxū ga wūxichigū. ²⁷ Rū yexguma marū nagūxchaūgu ga yema 7 ga ngunexū, rū űuxre ga Yudiūgū ga Áchiaanecūāxgū rū Pauruxū nadaugū ga tupauca ga taxūnewa. Rū yema Yudiūgū rū duūxūgūxū nanuēxēē na Pauruxū yayaxugūxūcèx. Rū yemacèx Pauruna nayuxgū. ²⁸ Rū tagaācū aita naxūe űaxūmaā: –Pa Tomūcūgū Pa Yudiūgū, ĵPaxa toxū perūngūxēē! Naā nixī i ngēma yatū i guxūwama yangūexēchigūxū i duūxūgū na taxchi naxaieūcèx i yixema i Yudiūgū, rū naxchi na naxaieūcèx i ngēma mugū ga Moīché űmatūxū rū daa tupauca ya taxūne. Rū naētūwa i űuxmax rū nuxa daa tupauca ya taxūnegu nanamucu i űuxre i duūxūgū i tama tacūmagu Īxū, rū ngēmaācū nanaxūxaxēē i űāā nachica i űūnexū –ñanagūrūgū. ²⁹ Rū yema űanagūrūgū yerū űpacū Yerucharēūwa Paurumaā nūxū nadaugū ga Turuquīnu ga wūxi ga Epēchiucūāx ga tama Yudiū ixīxū. Rū nūxū nacuēxgūgu rū Pauru marū yexma nanaxūcuxēē ga tupauca ga taxūnegu. ³⁰ Rū guxūma ga yema ĩānecūāxgū rū poraācū nanuē. Rū tupauca ga taxūnecèx nibuxmū, rū Pauruxū niyaxugū, rū tupaucaarū ĩāxtūwa nanatūchigūgū. Rū yexguma paxa nanawāxtagū ga guma tupauca ga taxūneārū ĩāxgū. ³¹ Rū yexguma Pauruxū yamēxgūchaūgu ga duūxūgū, rū Dumacūāx ga churaragūarū āēxgacūxūtawa nanguchiga ga ore na guxūwama ga Yerucharēūwa rū na nanuēxū ga duūxūgū. ³² Rū yexgumatama ga guma churaragūarū āēxgacū rū nanangutaquēxexēē ga yema norū capitālgū namaā ga norū churaragū, rū paxa yema duūxūgū ĩyexmagūxūwa naxī. Rū yexguma guma āēxgacūxū rū yema churaragūxū nadaugūgu ga duūxūgū, rū ĩnayachaxāchigū ga na Pauruxū yamēxgūxū. ³³ Rū yexguma ga guma āēxgacū rū Paurucèx nixū rū nayayaxu. Rū nanamu na taxre ga cadenamaā na yanēxgūāxūcèx. Rū nūxna naca na texē yīxū, rū űacū naxīxū. ³⁴ Naturū yema muxūma ga duūxūgū rū toxica ga oremaā aita naxūe ga wūxichigū. Rū yexguma taxuacūma meā nūxū nacuēxgu ga űacūcèx na nanuēxū, rū guma āēxgacū rū nanamu na churaragūpatawa Pauruxū nagagūxū. ³⁵⁻³⁶ Rū yexguma churaragūpataarū toxōnewa nanguxgu ga Pauru, rū churaragū nayangetaūgū naxchaxwa ga yema muxūma ga duūxūgū, yerū nanuēxūchi rū nawe nicaetanū rū űanagūrūgū: –ĵYamēxūchi! –ñanagūrūgū.

Pauru rū duūxūgūpēxewa nūgūētūwa nidexa

³⁷ Rū yexguma marū churaragūpatagu yamucuchigūchaūāgu rū Pauru rū Griégugawa guma āēxgacūna naca rū űanagūrū: –ĵCuxū namexū na cumaā nūxū chixuxū i wūxi i ore? –ñanagūrū. Rū nūma ga āēxgacū nanangāxū rū űanagūrū: –Ēxna nūxū cucuēx na Griégugawa quidexaxū. ³⁸ ĵTama ēxna cuma yīxū i Equitucūāx ga űpaxūra rū duūxūgūxū cunūēxēxū na āēxgacūmaā nūgū nadeūxūcèx rū dauxchitawa ga taxūema ĩāpataxūwa cunagagūxū ga 4000 ga yatūgū ga māētaxūgū? –ñanagūrū. ³⁹ Rū yexguma ga Pauru rū nanangāxū, rū űanagūrū: –Choma rū Yudiū chixī, rū Tarsucūāx chixī. Rū Chirīchiaanewa rū yima nixī ya wūxi ya ĩāne ya taxūchine. Rū ngēxguma curū me yixīgu, rū cuxna chaca na duūxūgūmaā chidexaxūcèx –ñanagūrū. ⁴⁰ Rū yexguma ga guma āēxgacū rū: –Ngū –ñanagūrū. Rū nūma ga Pauru, rū churaragūpataarū toxōnegu nachinagū, rū naxunagūmēxē na nachīāchixūcèx ga duūxūgū. Rū yexguma nachīāchiegu, rū Yudiūgawa nidexa, rū űanagūrū nūxū:

22

¹ –Pa Chautanūxūgūx, ĵrū choxū iperūxīnūē i ngēma űuxma tá pemaā nūxū chixuxū na chaugūētūwa chidexaxūcèx! –ñanagūrū. ² Rū yexguma nūxū naxīnūēgu ga na Yudiūgawa

namaã yadexaxŭ, rŭ yexeraãcŭ inayarŭchianegŭ. Rŭ yexguma namaã yadexagu ga Pauru, rŭ ñanagŭrŭ: ³—Choma rŭ Yudiŭ chixŭ, rŭ Chirŭchiaaneãrŭ ñane ga Tarsugu chabu. Natŭrŭ doma ñane ya Yerucharẽwa chaya, rŭ Gamaniẽu nixŭ ga chorŭ nguxẽẽruŭ. Rŭ meãma nawa changux ga guxŭma ga mugŭ ga nuxcŭmaũgŭxŭ ga tŭrŭ oxigŭ nagu ixŭ. Rŭ guxŭguma naxcẽx chadau na guxŭma i chorŭ ngŭchaũmaã Tupanaãxŭ chapuracŭxŭ, ngẽxgumarŭi i guxãma i pema i ñuxmax. ⁴—Rŭ choma ga ũpa rŭ poraãcŭ nawe chingẽchigŭ ga yema Ngechuchuaxŭ yaxŭgŭxŭ na chanadẽixŭcẽx. Rŭ íchanayauxŭ, rŭ chanapoxcue ga muxŭma ga yema yaxŭgŭxŭ ga yatŭxŭgŭ rŭ ngexŭgŭ. ⁵—Rŭ nŭma ya paigŭeru rŭ guxŭma i tupauca ya taxŭneãrŭ ãẽxgacŭgŭerugŭ rŭ nŭxŭ nacuẽxgŭ na aixcŭma yŭixŭ i ñaã chorŭ ore. Yerŭ nŭmagŭ rŭ choxna nanaxãgŭ ga popera na choxŭ nangŭxẽẽgŭxŭcẽx ga tatanŭxŭgŭ ga Yudiugŭ ga Damacuwa yexmagŭxŭ. Rŭ yẽma Damacuwa chaxŭ na naxcẽx chayadauxŭcẽx ga yema Ngechuchuaxŭ yaxŭgŭxŭ, rŭ nuã Yerucharẽwa na chanagagŭxŭcẽx rŭ nuxã chayapoxcuexŭcẽx.

Pauru nŭxŭ nixu na ñuxãcŭ Ngechuchuaxŭ yaxŭõõxŭ

⁶—Natŭrŭ yexguma namagu chixŭyane rŭ marŭ chingaicaxgu ga Damacuwa na changuxŭ, rŭ meãma tocuchigŭ nixŭ ga yexguma. Rŭ ngŭrŭãchi wŭxi ga omŭ ga poraxŭ ga daxŭwa ne baxixŭ rŭ choxŭ nabaxi. ⁷—Rŭ ñaxtŭanegu chayangu, rŭ nŭxŭ chaxŭnŭ ga wŭxi ga naga ga ñaxŭ choxŭ:

“Pa Chaurux, ¿tŭxçŭi i chowe quingẽchigŭxŭ?” ñaxŭ. ⁸—Rŭ yexguma ga choma rŭ chanangãxŭ, rŭ ñacharŭgŭ:

“¿Rŭ texẽ quixŭ Pa Corix?” ñacharŭgŭ. Rŭ nŭma ga yema naga rŭ choxŭ nangãxŭ, rŭ ñanagŭrŭ:

“Choma nixŭ i Ngechuchu ya Nacharẽtucŭãx, rŭ chorŭ duŭxŭgŭ nixŭ i ngẽma nawe quingẽchigŭxŭ, ñanagŭrŭ choxŭ. ⁹—Rŭ yema chomŭcŭgŭ rŭ nŭxŭ nadaugŭ ga yema omŭ, rŭ naãaixãchiãẽgŭ, natŭrŭ tama nŭxŭ naxŭnŭẽ ga yema naga ga chomaã idexaxŭ. ¹⁰—Rŭ nŭxna chaca, rŭ ñacharŭgŭ ga chomax:

“¿Rŭ tacŭ tá chaxŭxŭ, Pa Corix?” ñacharŭgŭ. Rŭ yexguma ñanagŭrŭ choxŭ ga Cori:

“Írŭda, rŭ inachi, rŭ Damacuwa naxŭ, rŭ ngema tá cumaã nŭxŭ nixu ya wŭxi ya yatŭ na tacŭ tá cuxŭxŭ!” ñanagŭrŭ ga nŭma ga Cori. ¹¹—Rŭ yexguma ga choma rŭ chixoxetŭ yema omŭemamaã, rŭ yemacẽx ga yema chomŭcŭgŭ rŭ choxmẽxgu yangŭgŭãcŭma choxŭ nigagŭ, rŭ yemaãcŭ Damacuwa changu. ¹²—Rŭ yẽma nayexma ga wŭxi ga yatŭ ga Ananiãgu ãegacŭ. Rŭ nŭma nixŭ ga wŭxi ga yatŭ ga aixcŭma Tupanaga ñnŭcŭ, rŭ nŭma rŭ meãma nayanguxẽẽ ga yema mugŭ ga Moichẽ ũmatŭxŭ. Rŭ guxŭma ga Yudiugŭ ga Damacuwa yexmagŭxŭ, rŭ meã nachiga nidexagŭ. ¹³—Rŭ nŭma ga Ananiã rŭ choxŭ ñayadau. Rŭ yexguma chauxŭtawa nanguxgu rŭ ñanagŭrŭ choxŭ:

“Pa Chaueneã Pa Chaurux, ¡wenaxãrŭ ingoxnaxẽtŭ!” ñanagŭrŭ. Rŭ yexgumatama wenaxãrŭ chingoxnaxẽtŭ rŭ meãma nŭxŭ chadau. ¹⁴—Rŭ yexguma ñanagŭrŭ ta:

“Yima Tupana ya nuxcŭmaũgŭxŭ ga tŭrŭ oxigŭarŭ Tupana cuxŭ naxuneta na nŭxŭ cucuãxŭcẽx i norŭ ngŭchaŭ, rŭ na nŭxŭ cudauxŭcẽx ya yima Cristu ya mecŭ, rŭ naãxwatama nŭxŭ cuxŭnŭxŭcẽx i naga. ¹⁵—Erŭ cuma tá nixŭ i guxŭ i duŭxŭgŭmaã nŭxŭ quixuchigaxŭ ga ñuxãcŭ na Tupanaxŭ cudauxŭ rŭ cumaã yadexaxŭ. ¹⁶—¿Rŭ ñuxma rŭ marŭ taxuãma ícunanguxẽẽ! ¡Rŭ Írŭda rŭ ínabae! ¡Rŭ Cori ya Ngechuchuẽgagu naxcẽx ínaca na cuxŭ nŭxŭ nangechauxŭcẽx i curŭ pecadugŭ!” ñanagŭrŭ choxŭ.

Pauru nŭxŭ nixu na ñuxãcŭ Tupana namuxŭ na yema tama Yudiugŭ ixŭgŭxŭltanŭwa naxŭxŭcẽx

¹⁷⁻¹⁸—Rŭ yexguma Yerucharẽcẽx chataeguxgu, rŭ tupauca ga taxŭnewa chaxŭ na yẽma chayumŭxẽxŭcẽx. Rŭ changoxetŭ, rŭ nŭxŭ chadau ga Cori ya Tupana. Rŭ ñanagŭrŭ choxŭ:

“¡Napaxaãẽ, rŭ inaxŭãchi i nuã Yerucharẽwa, erŭ duŭxŭgŭ rŭ tãitãma naga naxŭnŭẽ i ngẽma ore i chauchiga nŭxŭ quixuxŭ!” ñanagŭrŭ. ¹⁹—Rŭ choma chanangãxŭ, rŭ ñacharŭgŭ:

“Pa Corix, nŭma i duŭxŭgŭ rŭ nŭxŭ nacuẽxgŭ ga choma na yŭixŭ ga guxŭne ga ngutaquẽxepataũgŭwa chaxŭxŭ rŭ íchanayauxŭxŭ rŭ chanapoxcuexŭ rŭ chayaçuaixgŭxŭ ga yema cuxŭ yaxŭgŭxŭ. ²⁰—Rŭ yexguma yamẽxgŭãgu ga guma curŭ duŭcŭ ga Etẽbaŭ ga curŭ orearŭ uruŭ, rŭ chomatama yẽma chayexma, rŭ chorŭ me nixŭ ga na yamẽxgŭãxŭ. Rŭ choma nixŭ ga nŭxna chadauxŭ ga naxchiru ga yema yamẽxgŭxŭ, ñacharŭgŭ nŭxŭ. ²¹—Natŭrŭ nŭma ga Cori rŭ ñanagŭrŭ choxŭ:

“¡Rŭ paxa cugŭ namexẽẽ rŭ inaxŭãchi! Erŭ yaxŭgŭxŭ i nachŭãnegŭwa i ngẽma duŭxŭgŭ i tama Yudiugŭ ixŭgŭxŭltanŭwa tá cuxŭ chamu!”—ñanagŭrŭ.

Churaraçuarŭ ãẽxgacŭmẽxẽwa nayexma ga Pauru

²²Rŭ yexguma Pauru yema ñaxgu rŭ yexma nayacuẽxẽgŭ ga na meã nŭxŭ inaxŭnŭẽxŭ ga yema duŭxŭgŭ. Rŭ yexguma aita naxŭẽãcŭma ñanagŭrŭgŭ: —¡Noxtacŭma peyamã! Rŭ name

nixi i na nayuxü rü ngëxma na yanaxoxü —ñanagürügü. ²³ Rü yexguma aita naxüegu, rü norü gauxüchirumaã nibuatanücüü, rü ätëxëanexü daxü niwogütanücüü. ²⁴ Rü yexguma yemaxü nadëuxgu ga churaragüarü äëxgacü, rü nanamu ga churaragüpataga na yamucuchigüäxüçëx ga Pauru. Rü nanamu na poraäcü naçuaixgüäxüçëx na yadexaxüçëx na nüxü nacuaäxüçëx ga tüxçüü yïixü na yemaäcü nachigamaã aita naxüexü ga duüxügü. ²⁵ Rü yexguma marü yanëixgüüga na naçuaixgüäxüçëx, rü Pauru nüxna naca ga yexguma capitälü ga yëma yexmaxü, rü ñanagürü: —¿Éxna pexmëxwa nangëxna na penaçuaixixü i wüxi i Dumacüäx ega tama nüxna pecaxiragu? —ñanagürü. ²⁶ Rü yexguma yemaxü naxinügu ga capitälü, rü guma churaragüarü äëxgacüxütawa naxü, rü namaã nüxü nixu, rü ñanagürü: —¿Tacü tá cuxü? Erü ñaã yatü rü Dumacüäx nixi —ñanagürü. ²⁷ Rü yexguma ga guma churaragüarü äëxgacü, rü Paurucëx nixü, rü nüxna naca rü ñanagürü nüxü: —¿Aixcüma yïixü na Dumacüäx quiixü i cumax? —ñanagürü. Rü nüma ga Pauru nanangäxü, rü: —Ngü —ñanagürü. ²⁸ Rü yexguma ga guma churaragüarü äëxgacü rü nanangäxü, rü ñanagürü: —Choma rü poraäcü choxü naxätanü na Dumacüäx chaugü chixixëëxü —ñanagürü. Rü yexguma nachonagü ga Pauru, rü ñanagürü: —Natürü i choma rü woetama chorü bucüma Dumacüäx chixi —ñanagürü. ²⁹ Rü yexgumatama nüxna nixigachi ga yema Pauruxü çuaixgüçhaixü. Rü nümatama ga yema churaragüarü äëxgacü rü ta namuü ga yexguma nüxü nacueüxgu ga Dumacüäx na yïixü ga Pauru, yerü marü cadenamaã nayanëixchirëx.

Yudiugüarü äëxgacügütücumüpëxewa nayexma ga Pauru

³⁰ Rü yema churaragüarü äëxgacü meäma nüxü nacuaäxçhaü ga tüxçüü na inaxuaxüügüäxü ga yema Yudiugü. Rü yemacëx ga moxüäcü rü nanamu na nangutaquëxëgüxüçëx ga paigüarü äëxgacügü rü guxüma ga yema äëxgacügütücumü ga Yudiugüarü. Rü nayawëgü ga Pauruarü cadena rü yëma äëxgacügüpëxewa nanagagü.

23

¹ Rü Pauru meäma nüxü nadawenü ga yema äëxgacügü, rü ñanagürü nüxü: —Pa Chautanüxügüx, chomatama nüxü chacuëx rü guxüguma meã chamaxü ga Tupanapëxewa ñuxmata ñoma i ngunexüwa nangu —ñanagürü. ² Rü yexguma ga yema paigüeru ga Ananiã rü nanamu ga yema Pauruarü ngaicamana yexmagüxü na naäxwa tayamëxgüxüçëx. ³ Rü yexguma ga Pauru rü ñanagürü nüxü: —Tupana tá cuxü napëax, Pa Äëxgacüx. Cuma rü düxëtüwaxica come natürü aixepena rü nachixe i curü maxü. Rü ñuxma rü ngema curüto na Moiché ümatüxü i mugü nüxü ixuxüäcüma choxna çuçaxüçëx. Natürü wüxi i chixexü cuxü erü cumatama rü tama naga cuxinü i ngëma Tupana tüxü muxü erü cunamu na choxü napëaxüçëx —ñanagürü ga Pauru. ⁴ Rü yexguma ga yema yexmagüxü rü ñanagürügü: —¿Tüxçüü i ngëmaäcü tacü namaã quixugüxü i paigüeru ya Tupana nüxü unetacü? —ñanagürügü. ⁵ Rü Pauru nanangäxü, rü ñanagürü: —Tama nüxü chacuëx, Pa Chautanüxügüx, na paigüeru yïixü. Erü Tupanaärü ore i ümatüxüwa nüxü tadau rü ñanagürü:

“¡Tama curü äëxgacümaã chixexü quixugü!”

ñanagürü. ⁶ Rü yexguma nüxü nacueüxgu ga Pauru ga na Chaduchëgü yïixü ga togü, rü na Parichëgü yïixü ga togü, rü yema äëxgacügüpëxewa tagaäcüma ñanagürü: —Pa Chautanüxügüx, choma rü Parichëu chixi, rü Parichëu nane chixi. Rü ngëmacëx choxna pecagü i ñuxmax, erü chayaxö i wena tá na namaxëxü i yuexü —ñanagürü. ⁷ Rü yexguma yema ñaxgu ga Pauru, rü yema Parichëgü rü Chaduchëgü rü inanaxügüe ga nügümaã na iyaporagaexü, rü yexma nügü nitoye ga yema ngutaquëxewa. ⁸ Erü ngëma Chaduchëgü nagu rüxinüëgu rü tama wena namaxë i ngëma yuexü, rü nataxuma i orearü ngeruü i daxüçüäx, rü nataxuma i naäëgü —ñanagürügü. Natürü ngëma Parichëgü rü nayaxögü na nangëxmaxü i guxüma i ngëma. ⁹ Rü yemacëx guxüma aita naxüe. Rü ñuxüchi ñuxre ga ngüexëëruügü ga Moichéarü mugüwa nguxëtaegüxü ga Parichëgütücumüwa ügüxü rü inachigü, rü ñanagürügü: —Toxcëx rü taxuüma i chixexü naxü i ñaã yatü. Bexmana wüxi i tacü rü naäë namaã nidxa rü ëxna wüxi i orearü ngeruü i daxüçüäx —ñanagürügü. ¹⁰ Rü yexeraäcü norü numaa nanaxixächiaëgü ga yema duüxügü. Rü yemacëx naxoegaãe ga guma churaragüarü äëxgacü ga na Paurugu nagaugügüçhaixü. Rü norü churaragüxü namu na yëma duüxügütanüwa Pauruxü napugüxüçëx rü wena churaragüpatawa na nagagüäxüçëx. ¹¹ Rü moxüäcüarü chütaxügu Paurucëx nangox ga Cori ga Tupana, rü ñanagürü nüxü: —¡Rü nataãe! —ñanagürü i nüma Yerucharëüwa choxü na quixuchigaxü, rü ngëxgumarüü tá ta nixi i Dumawa na choxü quixuchigaxü —ñanagürü ga Tupana.

Yudiugü naxcëx nadaugü na ñuxäcü Pauruxü yamëxgüçhaixü

¹² Rü moxüäcü, rü ñuxre ga Yudiugü rü nügümaã inaxunetagü ga täütáma na nachibüexü rü naxaxëgüxü ñuxmatáta Pauruxü yamëxgü. Rü ñanagürügü: —Tachixëxügü tá ega tacü ingöxgüga naxüpa na yamáxü i Pauru —ñanagürügü. ¹³ Rü 40 arü yexera ga yatügü

nixī ga yema nūgūmaā ixunetagūxū. ¹⁴ Rū paigūarū āēxgacūgūtanūwa rū Yudiūgarū āēxgacūgūtanūwa naxī, rū űanagūrūgū nūxū: —Marū togūmaā itaxuneta rū tachixexūgūgū tā ega űacū tangōxgūgū naxūpa na tayamāxū i Pauru. ¹⁵ Rū name nixī i pema rū ngēma togū i pexrūā āēxgacūgūtūcumūwa űgūxū, rū churaragūarū āēxgacūna naxcēx peyacagū i űuxma na moxū wena pepēxewa nagagūāxūcēx i Pauru. iRū namaā nūxū pixu na penaxwēxegūnetaxū na meā nūxū pecuāxchaūxū i nachiga! Rū toma rū tā marū itamemare na namagu tayamāxūcēx naxūpa na īnanguxū —ñanagūrūgū. ¹⁶ Natūrū ngēne ga Paurueyēx rū nūxū nacuāchiga ga Pauruxū na yamēxgūchaūxū, rū yemacēx churaragūpatawa naxū na Paurumaā nūxū yanaxuxūcēx. ¹⁷ Rū Pauru naxcēx naca ga wūxi ga capitāū, rū űanagūrū nūxū: —iCurū āēxgacūxūttawa naga i űaā ngextūxūxū, erū nūxū nangēxma i ore i namaā nūxū yaxuxchaūxū! —ñanagūrū. ¹⁸ Rū yema capitāū rū āēxgacūxūttawa nanaga ga yema ngextūxūxū. Rū űanagūrū nūxū: —Ngēma poxcuxū i Pauru rū chauxcēx naca, rū choxna naca na nuā cuxūttawa chanagaxūcēx i űaā ngextūxūxū, erū nūxū nangēxma i ore i cumaā nūxū yaxuxchaūxū —ñanagūrū. ¹⁹ Rū namxēxgu yayauxāchiācūma toxnamana nanaga ga āēxgacū, rū yēma nūxna naca rū űanagūrū: —iűacū yīxū i ngēma chomaā nūxū quixuxchaūxū? —ñanagūrū. ²⁰ Rū nūma ga ngextūxūxū nanangāxū, rū űanagūrū: —Ngēma Yudiūgū, rū nūgūmaā inaxunetagū na cuxna naxcēx nacagūxūcēx na moxū Yudiūgarū āēxgacūgūtūcumūpēxewa na cunagaxūcēx i Pauru. Rū tā cumaā nūxū nixugū na meā nūxū nacuēxgūchaūxū i nachiga. ²¹ —iNatūrū tāūtāma nūxū cuyaxō! Erū 40 arū yexera i yatūgū rū marū nūgūmaā inaxunetagū, rū űanagūrūgū:

“Tachixexūgūgū tā ega űacū ingōxgūgū rū ēxna ixaxegūgū naxūpa na yamāxū i Pauru”, űanagūrūgū. Rū űuxma rū marū īnamemare, rū namagu nananēxgū, rū curū orexicatama nixī i űuxma īnanguxēgūxū —ñanagūrū. ²² Rū yexguma ga āēxgacū rū īnayamu ga yema ngextūxūxū, rū nūxna naxāga na taxūemaā nūxū yaxuxūcēx ga na namaā nūxū yaxuxū ga yemachiga.

Āēxgacū ga Perixūttawa Pauruxū namu

²³ Rū yexguma ga guma āēxgacū rū taxre ga norū capitāūcēx naca, rū űanagūrū nūxū: —iPenamexēē i 200 i churaragū i nacutūmaāmare ixīxū, rū 70 i churaragū i cowaűutagu īxū, rū 200 i churaragū i wocaxemaā ixāxnexū na 9 arū oragu i chūtacū Checharēawa naxīxūcēx! ²⁴ —iRū ngēxgumarūū ta penamexēē i űuxre i cowaűugū i Paurucēx na tōrū āēxgacū i Perixūttawa naxūxūcēx na taxūma nūxū űpetūxūcēx i namawa! —ñanagūrū. ²⁵ Rū yema capitāūgūmaā yēma nanamu ga wūxi ga popera ga űaxū:

²⁶ “Choma i Clāudiū Dīchiū, rū cuxū charūmoxē Pa Āēxgacū ya Mecūxūchi Pa Perix. ²⁷ Rū yima yatū ya cuxcēx ngema chanamucū, rū Yudiūgū nayayauxgū rū wixguxūchi taēx nayamēxgū. Natūrū yexguma nūxū chacuāchigagu na Dumacūāx na yīxū, rū yēma chaxū chorū churaragūmaā, rū nūxna chanapu. ²⁸ Rū nūxū chacuāxchaū ga űacū ga chixexūmaā na īnaxuaxūgūāxū, rū yemacēx Yudiūgarū āēxgacūgūtūcumūpēxewa chanaga. ²⁹ Rū yexguma nūxū chacuēx ga na Yudiūgarū muchigacēxmare na īnaxuaxūgūāxū. Natūrū taxūma ga chixexū naxū na tūxūcū yamāxūcēx rū napoxcūxūcēx. ³⁰ Natūrū yexguma nūxū chacuāchigagu ga na nūgūmaā inaxunetaxū ga Yudiūgū ga na yamēxgūāxūcēx, rū yexgumatama nagu charūxīnū na cuxūttawa chanamuxū. Rū yema īnaxuaxūgūxū, rū namaā tā nūxū chixu na cuxūttawa naxīxū rū cumaā nūxū na yanaxugūxūcēx na űacūcēx īnaxuaxūgūāxū”,

ñanagūrū. ³¹ Rū yema chūtaxūgū inaxīāchi ga yema churaragū, yexgumarūū ga norū āēxgacū na namuxūrūū. Rū Pauruxū nigagū űuxmata Aūtūpatiwa nangugū. ³² Rū moxūācū rū nawoegu ga yema churaragū ga nacutūmaāmare ixīxū rū naxpataūwa naxī. Rū yema churaragū ga cowaűutagu īxū, rū Paurumaā inaxīāma. ³³ Rū yexguma Checharēawa nangugū, rū āēxgacū ga Perina nanaxā ga yema popera, rū Pauruxū rū ta inamugū. ³⁴ Rū yexguma nūxū nadaumatūgū ga popera ga āēxgacū ga Peri, rū Pauruna naca ga ngextācūāx na yīxū. Rū yexguma nūxū nacuēxgu ga na Chirīchianecūāx yīxū, rū űanagūrū nūxū: ³⁵ —Cuxū tā icharūxīnū i ngēxguma īnangugū i ngēma cuxū īxuaxūgūxū —ñanagūrū. Rū yexguma nanamu ga churaragū na wūxi ga ucapu ga āēxgacū ga Erodepatawa yexmaxūwa nūxna na nadaugūxūcēx.

24

Pauru rū āēxgacū ga Peripēxewa nūgūētūwa nidexa

¹ Rū wūximēēxpūx ga ngunexū ngupetūgū, rū Yerucharētūwa ne naxū ga paigūeru ga Ananiā, namaā ga űuxre ga Yudiūgarū āēxgacūgūerugū rū wūxi ga yatū ga meāma dexaxū cuāxū ga Tēturu ga naega. Rū nūmagū rū āēxgacū ga Perixūttawa naxī na namaā nūxū yanaxugūxūcēx ga tūxūcū Pauruxū na īnaxuaxūgūxū. ² Rū yexguma Pauruxū yēma nagagūgū, rū inanaxūgū ga Tēturu ga nūxū na yaxuxū, rū űanagūrū:

–Moxëxüchima i cuma Pa Äëxgacü Pa Perix, erü cugagu nixi i meäma toxü naxüpetüxü i nuä. Rü cugagu nixi i nuä i ñoma i nachiuñewa na toxü nangëmaxü i muxüma i mexügü. ³ Rü moxë cuxna taxä erü guxüwama rü guxüguma cuxütawa tanayauxgü i guxüma i ngëma mexügü Pa Äëxgacüxüchima, Pa Perix. ⁴ Natürü tama yexeraäcü cuxü chachixewechaü. Rü ngëmacëx cuxna chaca na paxaächi meä toxü icurixünuüxü. ⁵ Rü ñuxma rü wüxi i orexü cumaä chixuxchaü. Rü marü nüxü tadau i ñaä yatü rü wüxi i ñaaweanerüü na yixü, erü chixexümaä nayaxucuxëgü i Yudiügü i guxü i naänewa na nügü yatoyexücëx. Rü nüma nixi i norü äëxgacü i ngëma duüxügü i nüxü yaxögüxü i Ngechuchu i Nacharëtucüäx. ⁶ Rü toma tayayauxgü i ñaä yatü ga yexguma tupauca ga taxüne naxüxaxëëchaügu. Rü torü mugü tomaä nüxü ixuxüäcuma nüxna tacagüchaü. ⁷ Natürü ñangu ga churaragüarü äëxgacü ga Díchiu, rü muxüma ga norü churaragümaä toxna nanapu. Rü toma i ñaxuaxügüxe, rü toxü namu na cuxütawa taxüxücëx. ⁸ Rü ñuxma rü marü name i cumatama nüxna cuca i ngëma Pauru na nüxü cucuäxücëx na aixcüma yixü i guxüma i ngëma naxcëx ítanaxuaxügüxü i tomaz –ñanagürü. ⁹ Rü yema togü ga Yudiügü rü ta, rü ñanagürügü: –Rü aixcüma nixi i ngëma ore –ñanagürügü. ¹⁰ Rü yexguma ga guma äëxgacü ga Peri rü naxmëxmaä Pauruxü naxuneta na yadexaxücëx. Rü yexguma ga Pauru, rü ñanagürü: –Chorü taäëmaä cupëxewa chaugücëx chidexa, erü nüxü chacuëx na mucüma ga taunecü ñoma i nachiuñeärü äëxgacü quixü. ¹¹ Marü name i cumatama naxcëx ícuca, erü 12 i ngunexüxícatama nangupetü ga na Yerucharëüwa changuxü na Tupanaxü chayariücëxüxücëx. ¹² Rü bai ga tupauca ga taxünewa, rü bai ga ngutaquëxepataügüwa, rü bai ga ngürüñanewamare ga ñänewa choxü nadaugü ga Yudiügü ga na texëmaä ichiporagacüüxü, rü na chananuëxëëxü ga duüxügü. ¹³ Rü ñuxma i ñaä duüxügü i choxü íxuauxügüxü, rü bai i wüxiwaxüra cuxcëx nanangoxëëgü na aixcüma yixü i ngëma naxcëx choxü ínaxuaxügüxü. ¹⁴ Natürü cumaä nüxü chixu, rü nuxcümaügüxü ga chorü oxigüarü Tupanaäxü nixi i chapuracüxü ngëxgumarüü i choxü na nanaxwëxexü ya Ngechuchu ya Cristu ya nüxü chayaxöcü. Rü ngëma nixi i nümagü i Yudiügü naxugüägu rü na:

“Tomare i ore”, ñagüxü. Rü aixcüma nüxü chayaxö i guxüma i Tupanaärü mugü ga Moíché ümatüxü rü guxüma i Tupanaärü ore ga nuxcümaügüxü ga norü orearü uruügü ümatügüxü. ¹⁵ Rü choma rü ta yema nuxcümaügüxü rü Tupanaäxü chayaxö. Rü naxrüü chayaxö rü tá wena na namaxëxü i ngëma yuexü i mexügü rü chixexügü. ¹⁶ Rü ngëmacëx nixi i guxüguma meä chaugüna chadauxü na chauäëwatama nüxü chacuäxücëx na chamexü i Tupanapëxewa rü duüxügüpëxewa. ¹⁷ Rü dücax, Pa Äëxgacüx, rü ñuxre ga taunecü togü ga nachiuñegu chixügü, rü düxwaxarü chauchiüñecëx wena chataegu na nuä chanangexücëx ga dëru ga namaä nüxü charüngüxëëchaüxü i chautanüxügü i Yudiügü i nüxü natakuxü, rü nuä Tupanana chanaxäxücëx i chorü ämaregü. ¹⁸⁻¹⁹ Rü yema ngunexügu rü tupauca ya taxünewa Tupanana íchanaxä ga chorü ämaregü, nawena na chaugü chamexëëxü ga Tupanapëxewa. Rü tama muxü ga duüxügümaä chayexma, rü tama chananuëxëë ga duüxügü ga yexguma ñuxre ga Yudiügü ga Áchiaanecüäx choxü daugüga ga yéma tupauca ya taxünewa. Rü ngëmagü chi nixi i ñuxma nuä íxü na choxü ínaxuaxügüxücëx ega íacü nüxü ngëxmagu i chauchiga. ²⁰ Rü ngëxguma tama íacü nüxü ngëxmagu ga yema tupauca ya taxünewa choxü daugüxü, írü ëcü ñaä ñuxma nuxmagüxü cumaä nüxü ixugü na íacü ga chixexüxü chowa nadaugüxü ga yexguma Yudiügüarü äëxgacügütücumüpëxewa chayexmagu! ²¹ Rü ñaxüxícatama nixi ga chorü ore ga tagaäcü namaä chachonagüxü ga yexguma yema äëxgacügüpëxewa chayexmagu:

“Rü ñuxma rü choxna pecagü erü choma chayaxö i wena tá na namaxëxü i yuexü”, ñacharügü ga yexguma –ñanagürü ga Pauru. ²² Natürü ga Peri rü meä nüxü nacüex ga yema Cristuaxü yaxöchiga. Rü yemacëx ga yexguma Pauruaru orexü naxüñügu, rü ínayachaxächi ga na nüxna naçaxü, rü ñanagürü Yudiügüxü: –Ngëxguma churaragüarü äëxgacü ya Díchiu nüma üxgu, rü tá meäma nüxü chacuëx i ngëma naxcëx ípenaxuaxüxü –ñanagürü. ²³ Rü yexguma ga Peri rü norü capitäxü namu ga na Pauruna nadauxücëx. Natürü tama nanapoxcuxüchi, rü tama nanachuxü ga naxütagu naxüñeäxü ga namücügü, rü nüxü na nangüxëëgüxü. ²⁴ Rü ñuxre ga ngunexü marü ngupetügu rü wena yéma naxü ga Peri ngümaä ga naxmëx ga Drusíla ga Yudiü íxü. Rü Paurucëx nayacaxëë, rü nüxü naxüñü ga yema ore ga Pauru namaä nüxü ixuxü ga Cristuaxü na yaxöxüchiga. ²⁵ Natürü yexguma Pauru meäma namaä nüxü ixuxü na ñuxäcü Tupana naxwëxexü na meä imaxüxü rü ñuxäcü nanaxwëxexü na törü maxümaä meä icuäxü rü ñuxäcü tá tüxna naçaxü i törü maxüchiga, rü poraäcü ñabaixächiaë ga Peri. Rü düxwa ñanagürü nüxü: –Íëcü íixü i ñuxmax! Rü ngëxguma ñuxguacü icharüxüñuxmaregu, rü wena táxarü cuxcëx changema –ñanagürü. ²⁶ Yerü Peri ínananguxëë na Pauru chi dëru nüxna íxäxü na yangéäxücëx, rü yemacëx muëxpüxcüna naxcëx nangëmaxü, rü namaä nidexaxü. ²⁷ Rü taxre ga taunecü yemaäcü nixügü.

Īnanguxuchi ga Peri ga na ãĕxgacŭ yĭxŭ, rŭ nachicŭŭ ningucuchi ga Pŏrchiu ga Festu. Natŭrŭ nŭma ga Peri, rŭ Yudiŭgŭmaã nŭgŭ namecŭmaxĕĕchaŭ, rŭ yemacĕx tama ĩnananguxuchixĕĕ ga Pauru.

25

Āĕxgacŭ ga Festupĕxewa nayexma ga Pauru

¹ Rŭ Checharĕawa nangu ga Festu na yĕma ãĕxgacŭxŭ yaxŭcuxŭcĕx. Rŭ marŭ tomaĕxpŭx ga ngunexŭ yĕma nayexmagu, rŭ wenaxãrŭ ĩnaxŭãchi, rŭ Yerucharĕŭwa naxŭ. ² Rŭ yĕma Yerucharĕŭwa rŭ yema paigŭarŭ ãĕxgacŭgŭ rŭ Yudiŭgŭarŭ ãĕxgacŭgŭ rŭ Pauruxŭ ĩnaxuaxŭgŭ Festupĕxewa. ³ Rŭ naxcĕx ĩnacagŭ ga Yerucharĕŭwa Pauruxŭ na namuxŭcĕx. Yerŭ nŭmagŭ rŭ nagu narŭĭnŭĕ na namagu yaxuchĕgŭãxŭ na yexma yamĕxgŭãxŭcĕx. ⁴ Natŭrŭ ga Festu rŭ nanangãxŭ, rŭ ñanagŭrŭ: —Checharĕagu napoxcu i Pauru, rŭ choma rŭ tã paxa ngema Checharĕawa chaxŭ. ⁵ Rŭ ngĕmacĕx name nixĭ i perŭ ãĕxgacŭgŭ rŭ chowe narŭĭ i Checharĕawa, rŭ ngĕxuma taçŭ rŭ chixexŭ naxŭxgu i ngĕma yatŭ, rŭ ngĕma tã nixĭ i chomaã nŭxŭ pixugŭxŭ —ñanagŭrŭ. ⁶ Rŭ maneca 8 rŭ ĕna 10 ga ngunexŭ Yerucharĕŭwa nayexma ga Festu, rŭ ñuxŭchi Checharĕacĕx nataegu. Rŭ yexguma ĩnanguxgarŭ moxŭãcŭ rŭ yema nachica ga ngextã duŭxŭgŭna ĩnacaxŭwa naxŭ, rŭ yĕma nayarŭ norŭ tochi-caxŭwa. Rŭ Paurucĕx nangema na yĕma napĕxewa nagagŭãxŭcĕx. ⁷ Rŭ yexguma yexma yaxŭcuxgu ga Pauru, rŭ yema Yudiŭgŭ ga Yerucharĕŭwa ne ĭxŭ, rŭ naxcĕx naxĭ. Rŭ muxŭma ga chixexŭgŭmaã ĩnanaxuaxŭgŭ. Natŭrŭ taxuwama nŭxŭ nŭxŭ nadauxĕĕ na aixcŭma yĭxŭ ga yema naxcĕx ĩnaxuaxŭgŭãxŭ. ⁸ Rŭ yexguma ga Pauru rŭ nanangãxŭ, rŭ ñanagŭrŭ: —Pa Āĕxgacŭx, taxuŭma ga chixexŭ namaã chixugŭ ga yema mugŭ ga Moĭchĕ ŭmatŭxŭ, rŭ bai ga tupauca ya taxŭnemaã, rŭ bai ga ãĕxgacŭ ya Chĕcharumaã —ñanagŭrŭ. ⁹ Natŭrŭ nŭma ga Festu rŭ Yudiŭgŭmaã nŭgŭ namecŭmaxĕĕchaŭ, rŭ yemacĕx Pauruna naca, rŭ ñanagŭrŭ nŭxŭ: —ĭCunaxwĕxexŭ na Yerucharĕŭwa cuxŭxŭ na ngema cuxna chaçaxŭcĕx naxcĕx i guxŭma i ngĕma naxcĕx cuxŭ ĩnaxuaxŭgŭxŭ? —ñanagŭrŭ. ¹⁰ Rŭ yexguma ga Pauru rŭ nanangãxŭ, rŭ ñanagŭrŭ: —Choma rŭ cupĕxewa changĕxma na choxna çaxŭcĕx, erŭ cuma nixĭ i cuxŭ naxunetaxŭ i ãĕxgacŭ ya taçŭ ya Chĕcharu na ãĕxgacŭ quiŭxŭ i nŭma. Rŭ ngĕmacĕx chanaxwĕxe i nuã choxna cuca. Erŭ taxuŭma i chixexŭ chaxŭ i Yudiŭgŭmaã, ngĕxumarŭtŭ i cuma meãma nŭxŭ cucuĕx. ¹¹ Ngĕxuma chi taçŭ i chixexŭ chaxŭxgu rŭ marŭ name na naxcĕx choxŭ yamĕxgŭxŭ, rŭ marŭ name i na chayuxŭ. Natŭrŭ ngĕxuma nataxŭxguma i taçŭ i aixcŭma ĭxŭxŭ i ngĕma naxcĕx choxŭ ĩnaxuaxŭgŭxŭ, rŭ taxuacŭma texĕ Yudiŭgŭna choxŭ tamu. Rŭ naxcĕx ĭchaca na nŭmatama ya ãĕxgacŭ ya taçŭ ya Chĕcharu choxna naçaxŭcĕx —ñanagŭrŭ ga Pauru. ¹² Rŭ yexguma ga Festu rŭ norŭ ucŭxĕruŭgŭ ga ãĕxgacŭgŭmaã nixeda, rŭ ñuxŭchi ñanagŭrŭ Pauruxŭ: —Marŭ naxcĕx ĭcua na ãĕxgacŭ ya taçŭ ya Chĕcharu cuxna çaxŭcĕx. Ĕcŭ, ñuxma rŭ naxŭtawa tã cuxŭ chamu —ñanagŭrŭ.

Āĕxgacŭ ga Agripapĕxewa nayexma ga Pauru

¹³ Rŭ ñuxre ga ngunexŭ ngupetŭgu, rŭ Checharĕawa nangugŭ ga Yudiŭgŭarŭ ãĕxgacŭ ga Agripa rŭ naĕyĕx ga Berenĭche, na Festuxŭ yanamoxĕgŭxŭcĕx. ¹⁴ Rŭ marŭ ñuxre ga ngunexŭ yĕma nayexmagŭgu, rŭ Agripamaã nŭxŭ nixu ga Festu ga Pauruchiga, rŭ ñanagŭrŭ: —Nuã nangĕxma i wŭxi i yatŭ i poxcuxŭ ga Peri tama ĩnguxuchixĕĕxŭ. ¹⁵ —Rŭ yexguma choma Yerucharĕŭwa chayexmagu, rŭ paigŭarŭ ãĕxgacŭgŭ rŭ Yudiŭgŭarŭ ãĕxgacŭgŭerugŭ rŭ ĩnanaxuaxŭgŭ, rŭ naxcĕx ĩnacagŭ na namaã chanaxueguxŭcĕx rŭ na yamĕxgŭãxŭcĕx. ¹⁶ —Rŭ choma chanangãxŭ, rŭ tama toçŭma nixĭ i toma i Dumacŭãxŭgŭ i na tayamãxŭ i wŭxi i duŭxŭ ega tama nŭgŭĕtŭwa yadexaxŭragu napĕxewa i ngĕma ĩnaxuaxŭgŭxŭ. ¹⁷ —Rŭ yemacĕx ga yexguma nŭma nangugŭgu ga yema Yudiŭgŭ, rŭ yexgumaãrŭ moxŭãcŭ rŭ chorŭ tochiçaxŭwa chitocuchi na nŭxna chaçaxŭcĕx nachiga ga yema, rŭ yĕma naxcĕx changema ga yema yatŭ. ¹⁸ —Natŭrŭ ga yema Yudiŭgŭ ga ĩnaxuaxŭgŭxŭ, rŭ taxuŭma ga taçŭ ga chixexŭ ga choma ĭchananguxĕĕxŭxŭ nixugŭ. ¹⁹ —Natŭrŭ norŭ Tupanachiga rŭ wŭxi ga yatŭ ga Ngechuchuchiga nixĭ ga yema nagu yadexagŭxŭ. Rŭ nŭma ga Yudiŭgŭ nŭxŭ nixugŭ ga na nayuxŭ ga yema Ngechuchu, natŭrŭ Pauru nŭxŭ ĭxuxgu rŭ marŭ wena namaxŭ. ²⁰ —Rŭ yexguma ga choma ga tama na nŭxŭ chacuãxŭ ga ñuxãcŭ tã chanamexĕĕxŭ ga yema guxchaxŭ, rŭ yemacĕx nŭxna chaca ga Pauru ngoxi nanaxwĕxe ga Yerucharĕŭwa na naxŭxŭ, na yĕma nŭxna chaçaxŭcĕx. ²¹ —Natŭrŭ nŭma ga Pauru naxcĕx ĩnaca ga na ãĕxgacŭ ya taçŭ ya Chĕcharupĕxewa naxŭxŭ na nŭmatama ya Chĕcharu nŭxna çaxŭcĕx. Rŭ yemacĕx chanamu na meã nŭxna nadaugŭxŭcĕx ñuxmata choma ãĕxgacŭ ya Chĕcharuxŭtawa chanamux —ñanagŭrŭ. ²² Rŭ yexguma ga Agripa rŭ ñanagŭrŭ Festuxŭ: —Choma rŭ ta nŭxŭ chaxŭnŭchaŭ i norŭ ore i ngĕma yatŭ —ñanagŭrŭ. Rŭ Festu nanangãxŭ rŭ ñanagŭrŭ: —Moxŭ tãtama nŭxŭ cuxŭnŭ —ñanagŭrŭ. ²³ Rŭ moxŭãcŭ yema uçu ga ãĕxgacŭgŭ ĩngutaquĕxegŭxŭwa nangugŭ ga Agripa rŭ Berenĭche rŭ poraãcŭ nangĕãĕgŭ. Rŭ namaã ĩnangugŭ ta ga churaragŭarŭ ãĕxgacŭgŭ rŭ yema ĭanecŭdŭxŭgŭ ga corigŭxŭchi ĭxĭgŭxŭ. Rŭ

ñuxūchi Paurucèx nangema ga Festu na yema ãëxgacügüpëxewa nagagüãxūcèx. ²⁴ Rū ñanagürü ga Festu: —Pa Æëxgacü Pa Agripax, rü Pa Guxāma i Pema ya Nuxmagūxe, ñaã nixi i ngēma yatü i nachigamaã yadexagūxü i guxūma i Yudiūgü. Rū chopëxewa ñanaxuaxūgü ga Yerucharéüwa rü nūma rü ta. Rū guxūguma tagaãcūma choxna naxcèx nacagü na nayuxü. ²⁵ —Natürü i choma rü taxuūma i ñacü i chixexü i naxüxü nawa chadau na naxcèx yamáxü. Natürü nūma ga Pauru rü naxcèx ñaca na ãëxgacü ya tacü ya Chécharu nūxna çaxü, rü ngēmacèx nagu charüxīnū na ngema chanamuxü. ²⁶ —Natürü taxuūma i ore i aixcūma ixixü i nachiga choxü nangëxma na chorü ãëxgacü ya Chécharucèx chanaxūmatüxūcèx. Rū ngēmacèx chanamu na nuã pepëxewa nagagüãxūcèx, rü cuxcèx türü nixi, Pa Æëxgacü Pa Agripax, na nūxna cuçaxūcèx, na nūxü chacuãxūcèx i ñacü tá na chaxūmatüxü naxcèx ya ãëxgacü ya Chécharu. ²⁷ —Erü chauxcèx rü tama name na ngextá namuxü i wūxi i poxcuxü ega tama naxūmatüxūragu nachiga na ñacücèx ñaxuaxūgüãxü.

26

Pauru rü ãëxgacü ga Agripapëxewa nügüétüwa nidexa

¹ Rū yexguma ga Agripa rü ñanagürü Pauruxü: —Marü name i ñuxma i cugüétüwa quidexa —ñanagürü. Rū yexguma naxunagümëxë ga Pauru, rü ñanaxügü ga nügüétüwa na yadexaxü, rü ñanagürü: ² —Chataãe, Pa Æëxgacü Pa Agripax, erü cupëxewa chidexa i ñuxma na chaugüétüwa chachogüxūcèx i guxūma i ngēma choxü na ñaxuaxūgüxü i ngēma chautanüxü i Yudiūgü. ³ —Rü yexeraãcü chataãe erü cuma nūxü cucuèx i guxūma i tocūma i toma i Yudiūgü, rü guxūma i Moiché ümatüxü i mugü i naxcèx yadexagūxü i chautanüxūgü. Rū ngēmacèx cuxna chaca na meã choxü icurüxīnūxūcèx.

Pauruarü maxü naxüpa ga Ngechuchuxü na yaxōōxü

⁴ —Rü guxūma i ngēma chautanüxūgü i Yudiūgü rü nūxü nacüèxgü ga ñuxacü na chamaxüxü ga natanüwa ga chauchiüãnewa rü Yerucharéüwa ga yexguma changextüxūragu. ⁵ —Rü ngëxguma chauchigaxü yaxugüechaügu, rü nūma nūxü nacüèxgü ga choma rü woetama Parichéu na chiixü. Rü toma i Yudiūgü i Parichéugü na tixigüxü, rü toma nixi i guxūma i totanüxü i Yudiūgüarü yexera na poraãcü tanaxaurexü i ngēma tocūma. ⁶ —Rü ñuxma i ngēma chautanüxūgü i Yudiūgü rü nuã pepëxewa choxü nagagü erü chayaxō na Cristugagu nangëxmaxü i maxü i taguma güxü, yema Tupana nuxcūmaüguüxü ga torü oxigümaã ñanaxunetaxürüü. ⁷ —Rü guxūma i totanüxūgü i Yudiūgü rü ñananguxëëgü na nūxü nadaugüxü rü tá na yanguxü i ngēma uneta. Rū ngēmacèx Tupanaxü nicüëxüügü rü guxūguma i ngunecü rü chütacü rü Tupanaãxü napuracüe. Rü choma rü ta íchananguxëë na nūxü chadauxü rü tá na yanguxü i ngēma uneta, rü ngēmacèx nixi, Pa Æëxgacüx, i ñuxma i choxü ñaxuaxūgüxü i ngēma chautanüxūgü i Yudiūgü. ⁸ —¿Rü tüxcüü tama peyaxōgü na Tupana wena namaxëxëëxü i ngēma yuexü?

Pauru rü nūxü nixu ga ñuxacü yema yaxōgüxüwe na yangëchigüxü

⁹ —Rü choma nagu charüxīnūgu ga noxri rü name ga muxūma ga chixexü namaã na chaxüxü ga yema Ngechuchu ya Nacharétucüãxāxü yaxōgüxü. ¹⁰ —Rü yemacèx nawe chingëchigü ga Yerucharéüwa. Rü paigüarü ãëxgacügüxütawa naxcèx íchaca ga popera na chanapoxcuxëcèx ga yema yaxōgüxü. Rü yexma chanapoxcue ga muxūma. Rü yexguma chautanüxü ga Yudiūgü nadaixgu ga yema yaxōgüxü, rü choma rü chorü me nixi. ¹¹ —Rü muëxpüxcüna rü chanapoxcuxëxü na nūxü naxoexcèx ga yema na yaxōgüãxü. Rü yemaãcü chanaxü ga guxūnema ga ngutaquëxepataüguüwa. Rü poraãcü naxchi chaxaxi-chi ga yema yaxōgüxü, rü yemacèx nawe chingëchigü ñuxmata to ga nachüãnegune ga ñanëguüwa.

Pauru rü wenaxärü nūxü nixu ga ñuxacü na yaxōōxü ga noxrix

¹² Rū ñanagürü ga Pauru: —Rü yema yaxōgüxüxü na chapoxcuxëcèx nixi ga Damacuwa chaxüxü. Rü yemacèx ga paigüarü ãëxgacügü rü choxü namugü rü choxna nanaxägü ga popera ga nawa choxna naxägagüxü na chanapoxcuxëcèx ga yema yaxōgüxü. ¹³ —Rü yexguma namagu taxiyane, Pa Æëxgacüx, rü yexguma meãma tocuchiwa nanguxgu, rü nūxü chadau ga wūxi ga omü ga daxüwa ne üxü ga üëxcüaru yexera ixixü ga choxü baxixü rü yema chomücügüxü rü ta baxixü. ¹⁴ —Rü guxūma ga toma rü ñaxtūanegu tayayi. Rü choma rü nūxü chaxīnū ga wūxi ga naga ga Yudiūgawa choxü ñaxü:

“Pa Chauru Pa Chaurux, ¿tüxcüü i chowe quingëchigüxü? Poraãcü cugütama cuchixexëë ñoma wūxi i ñacü i ñmaguxügu cucuxgüxürüü”, ñanagürü choxü. ¹⁵ —Rü choma chanangāxü, rü ñacharügü:

“¿Texé quixi, Pa Corix?” ñacharügü. Rü nūma ga Cori rü ñanagürü choxü:

“Choma nixi i Ngechuchu rü chorü duñxüğü nixi i ngēma nawe quingēchigüxü. ¹⁶ – ¡Natürü írüda rü inachi! Rü marü cuxcēx changox i ñuxmax, erü cuxü chamuxchaü na choxü cupuracüxücēx rü nüxü quixuchigaxücēx i ngēma ñuxma na choxü cudauxü rü ngēma yixcūra tá chauxütawa nüxü cudauxü. ¹⁷ –Rü cuxna tá chadau i natanüwa i cutanüxüğü i Yudiüğü rü ngēma tama Yudiüğü ixigüxü i ñuxma tá natanüwa cuxü chamuxü. ¹⁸ –Rü ngema cuxü chamu na ngēma duñxüğüxü choxü cucuēxēxücēx rü nüxü naxoexücēx i nacüma i chixexüğü rü chauga naxinüēxücēx. Rü ngema tá cuxü na Chatanámēxēwa ícananguxüxēxücēx i ngēma duñxüğü na chowe naxixücēx rü choxü yaxögüāxücēx na choma rü nüxü nüxü changechaüxücēx i norü pecadugü, rü nüxü nangēxmaxücēx i nachica namaā i guxüma i chorü duñxüğü i iünegüxü”, ñanagürü choxü ga Cori.

Pauru rü naga naxinü ga yema Ngechuchu namaā nüxü ixuxü

¹⁹ –Rü yemacēx ga chomax, Pa Äëxgacü Pa Agripax, rü naga chaxinü ga yema ore ga Ngechuchu chomaā nüxü ixuxü ga yexguma choxü nabaxixgu ga yema omü ga daxüwa ne üxü. ²⁰ –Natürü noxri rü Damacucüāxgümaā nüxü chixuchiga ga Tupanaärü ore. Rü yixcama ga Yerucharēücüāxgümaā, rü yemawena rü guxü ga Yudeaanewa, rü ñuxüchi yema tama Yudiüğü ixigüxümaā nüxü chixu. Rü ñacharüğü:

“¡Nüxü perüxoe i pecüma i chixexüğü, rü Tupanacēx pedaugü, rü meā pemaxē na duñxüğü nüxü daugüxücēx na aixcüma peyaxögüxü!” ñacharüğü. ²¹ –Rü yemacēxtama nixi ga tupauca ya taxünegu choxü yayauxgüxü rü choxü yatürü yemēxgüchaüxü ga chautanüxüğü i Yudiüğü. ²²⁻²³ –Natürü Tupana choxü narüngüxüē rü ngēmacēx taguma íchayachaxāchi na guxüma i duñxüğümaā nüxü chixuxü rü woo buxü rü yaxü. Rü namaā nüxü chixu ga yema ore ga nuxcümaüğüxü ga Tupanaärü orearü uruüğü rü Moiché nüxü ixigüxü na ñuxäcü tá nüxü nangupetüxü ga Cristu rü ñuxäcü tá na nayuxü, natürü yemawena rü nüma tá yixü ga nüxüra yuwa ínadaxü. Rü namaā nüxü chixu ta ga yema nuxcümaüğüxüärü ore ga ñaxü: “Rü Cristu rü tatanüxü i Yudiüğümaā rü ngēma to i duñxüğü i tama Yudiüğü ixigüxümaā tá naxanagüāxü i ore i tüxü maxēxēxü”, ñaxü. Rü yemachigaxüícatama nixi ga namaā chixuxü –ñanagürü ga Pauru.

Pauru rü Agripaaxü nanangüchaüxüē na yaxödxücēx

²⁴ Rü yexguma yemaäcü nügüētüwa yadeaxgu ga Pauru, rü ñanagürü ga Festu tagaäcüma: –Cungēāmare Pa Paurux. Rü ngēma na yeücürü cungüechaü, rü düxwa nawa cungēāē –ñanagürü. ²⁵ Natürü ga Pauru rü nanangäxü, rü ñanagürü: –Tama changēāē Pa Äëxgacüxüchi, Pa Festux. Erü ñaa ore i nüxü chixuxü, rü aixcümaxüchima nixi. ²⁶ –Rü daa äëxgacü ya Agripa rü meāma nüxü nacuēx i guxüma i ngēma pemaā nüxü chixuxü. Rü ngēmacēx tama chamuñäcüma chorü taāēmaā napēxewa nüxü chixu, erü nüxü chacuēx na nüma rü ta nüxü nacuāxü i factüchiga na yixü i guxüma i ñaa ore. Erü tama ngextāmare cüäcü naxüpetü i ngēma. ²⁷ –¿Cuyaxöxü, Pa Agripax, i ngēma Tupanaärü orearü uruüğü nüxü ixuxü? Choma nüxü chacuēx rü cuyaxö –ñanagürü ga Pauru. ²⁸ Rü Pauruxü nangäxü ga Agripa, rü ñanagürü: –¿Éxna cuma nagu curüxñügu rü ngēmaäcü noxre i curü oremaā na choxü cuyaxöxēxü? –ñanagürü. ²⁹ Rü ñanagürü ga Pauru: –Woo noxre i oremaā rü woo muxü i oremaā rü Tupana nanaxwēxe na cuyaxöxü. Rü tama i cuxicatama, natürü guxüma i ñaa nüā choxü inüēxü rü ta, rü Tupana nanaxwēxe na chauxrüü yixigüxü, natürü tama chauxrüü daa cadenagümaā na yanēixgüxü –ñanagürü ga Pauru. ³⁰ Rü yexguma inachigü ga Agripa, rü Festu, rü Bereniche, rü guxüma ga yema namaā yēma rütogüxü. ³¹ Rü yexguma ga nümagü rü noxrüwama naxi na yēma nügümaā Pauruchiga yadexagüxücēx. Rü ñanagürüğü: –Rü ngēma yatü, rü taxuüma i chixexü naxü na naxcēx yamāxü rü éxna naxcēx napoxcuxü –ñanagürüğü. ³² Rü Festuxü ñanagürü ga Agripa: –Ngēxguma chi tama nümatama naxcēx ínacaxgu na Chécharu nüxna çaxücēx, rü chi ítananguxuchixüē –ñanagürü.

27

Pauruxü Dumawa namugü

¹ Rü yema äëxgacüğü rü düxwa nagu narüxñüē na norü äëxgacü ga Chécharu ga Itáriaanewa yexmacüxütawa na toxü namugüxü. Rü norü churaragüarü capitāüna nanamu ga Pauru namaā ga ñuxre ga togü ga poxcuēxü na Chécharuxütawa nagagüāxücēx. Rü guma capitāü rü Yürüi nixi ga naega, rü norü churaragütücumü rü Chécharuarü Dauruüğü nixi ga naega. ² Rü naga tichoü ga wüxi ga wapuru ga buanecümaā ixüxüne ga Adamíchiuwa ne üxüne ga Áchiaarü íānegüwa üxchaxüne. Rü towe ta nixüe ga Aritárcu ga Machedóniānecüāx ga Techarónicawa ne üxü. ³ Rü moxüācü rü Chidāüarü türewa tangugü. Rü Pauru-maā namecüma ga capitāü ga Yürüi. Rü ínanaxüēxē na yēmacüāx ga namücügüxütagu naxüāēxücēx ga Pauru, na nümagü nüxü nangüxēgüxücēx. ⁴ Rü yēma itaxiāchi. Rü

Chiprearü capaxüärü tocüwaguama taxî, naxchaxwa ga buanecü, yerü towaama nabu.
 5 Rü yéma chiprewa tixäü ga taxtü rü Chiríchiaanecutüwa tarüyicu. Rü yemacutügu taxî,
 rü Paüþíriaanewa tachopetü rü ñuxmata Díchiaanewa yexmane ga ñäne ga Mirawa tangugü.
 6 Rü yema capitáü yexma nüxü nayangau ga wüxi ga wapuru ga Aleyädriawa ne üxüñe ga
 Itáriaanewa üxüñe. Rü gumagu toxü nichoüxëë, rü tomaä inaxüächi. 7 Natürü írarüwatama
 itíñaxwetaxü ga muxüma ga ngunexügu, rü guxchaäcüma Guíduarü toxmëxtawa tangugü.
 Natürü towaama nabuema ga buanecü, rü yemacëx capaxü ga Chamonaärü toxmëxtawa
 tachopetü rü capaxü ga Crétaxü itachoeguächi. 8 Rü guxchaäcüma nacutügu taxî ga yema
 capaxü, rü wüxi ga nachica ga Mexü ga Türegu äggaxüwa tangugü. Rü ñäne ga Dácheearü
 ngaicamana nayexma. 9 Natürü marü poraäcü namagu tanuxcü ga na itaxíxü, rü marü
 naxäücüma ga na itaxíamaxü yerü marü nawa nangu ga guma tauemacügü ga nagu
 nagáuanecü. Rü yemacëx ga Pauru rü nayaxucuxë ga duüxügü, rü ñanagürü: 10 –Pa
 Chomücügüx, nüxü chacuë i ngëxguma chi íxíamagu, rü tá naxäücüma. Rü daa wapuru rü
 tá inayarütaxu namaä i guxüma i naäcu. Rü ngürüächi i yixema rü tá ta tayue –ñanagürü.
 11 Natürü yema churaragüarü capitáü rü yexeraäcü guma wapuruarü yoragaama naxíñü,
 rü marinerugüarü capitáügaama naxíñü, rü tama aixcüma Pauruga naxíñü. 12 Natürü yema
 türe rü tama name ga yéma na tanangupetüxëëxü ga gáuanexü. Rü yemacëx wixguxüchi
 guxüma ga duüxügü nagu narüññü rü narümemae nixí ga na itaxíächixü ga yéma. Rü
 nanaxwëxegü ga chi Cueníchewa na tangugüxü na yéma tanangupetüxëëxü ga gáuanexü,
 yerü yema nixí ga wüxi ga Crétaarü türe ga mexü ga tama poraäcü buanecü ga taxü nawa
 nguxü.

Taxtüarü ngäxüttügu nüxü naxü ga buanecü ga tacü

13 Rü inanaxügü ga na meäma topëxewaama nabuxü ga buanecü, rü yemacëx ga
 nümagü ga marinerugü rü nüxü nacüëxgügu rü chi meä itangugü ga yema ítaxíxüwa.
 Rü yemacëx itaxíächi, rü nacutüarü ngaicamagu taxî ga yema Crétaarü capaxü. 14-15 Rü
 natürü ngürüächi yixcamaxüra rü wüxi ga buanecü ga taxüchicü ga capaxüärü tocüwawa
 ne üxcü ngäxüttüwaama nanacue ga guma wapuru. Rü taxuacüma itixütaü nawaama ga
 buanecü. Rü yemacëx düxwa ítayachaxächi ga na tanatochinüxü, rü toxü ínicuetaü. 16 Rü wüxi
 ga capaxüächü ga Caudagu äggaxüärü tocüwawaama tachopetü ga ngextá tama poraäcü
 iyabuaxüwa. Rü yéma poraäcü tapuracüe na guma wapurugu tanatúnagüxü ga norü ngue
 ga yatüchigüne. 17 Rü yexguma marü natúnagügüägu ga guma ngue, rü napanaxägü ga
 tanütaxümaä nayanëixgütüwe ga guma wapuru. Rü ñuxüchi nayawëgü ga yema naxchiru-
 tachinügü ga namaä yacuetaxüxü ga noxrix, yerü namuüë ga na Chírutearü naxnücüwa
 yanangaixtaügüxü. Rü yema buanecü toxü nicuetaümare. 18 Rü moxüäcü ga buanecü rü
 tama nangupetüéga, rü yemacëx inanaxügü ga na ínawoüäcuaxü. 19 Rü norü tomaëxpüx
 ga ngunexügu, rü naxmëxmaätama ínanawoü ga yema natüxügü ga guma wapuru, rü guxüma
 ga to ga norü yemaxügü. 20 Rü muxüma ga ngunexügu, rü tama nangox ga üëxcü rü éxtagü,
 rü tama nangupetüéga ga guma buanecü ga taxüchicü. Rü düxwa nagu tarüññüë ga marü
 täütáma na tamaxëxü. 21 Rü yexguma marü muxüma ga ngunexü tingegügu ga tama na
 tachibüexü, rü yexguma guxüma ga yema duüxügütanüwa inachi ga Pauru, rü ñanagürü: –
 Narümemae chi nixí, Pa Chomücügüx, ga chauga na pexíññüxü, rü täu chima na íxíächixü
 ga Crétawa, rü täu chima ñuxmarüü tüxü naxüpetü i ñaä äcücümaxü rü taxuxü chima i chixexü
 tüxü nangupetü. 22 –Natürü ¡petaäëgü! erü wapuruxica tá inayarütaxu, natürü i yixema rü
 taxüetáma tayue. 23 –Erü ngewëxarü chütaxügu ya Tupana ya nüxü chapuracücu ya chorü
 cori íxici rü núma nanamu i wüxi i norü orearü uruü i daxücläx i chauxcëx ngoxü. 24 –Rü
 ñanagürü choxü:

“¡Täxü i cumüxü, Pa Pauru! Erü äëxgacü ya Chécharupëxewa tá cungu, rü cugagu
 tá Tupana nanamaxëxë i guxüma i ngëma cumücügü i cumaä ngëxma wapuru guxü”,
 ñanagürü choxü. 25 –Rü ngëmacëx, Pa Chomücügüx, ¡rü petaäëgü! erü choma rü aixcüma
 Tupanaaxü chayaxö, rü aixcüma tá nixí i ngëmaäcü tá nangupetüxü ngëxgumarüü i ngëma
 chomaä nüxü yaxuxü. 26 –Natürü wüxi i capaxüwa tá tayarücüxcuchitaügü –ñanagürü ga
 Pauru. 27 Rü yexguma taxre ga yüxü tingexgu ga na itaxíxü, rü taxü ga taxü ga Ariäticuwa
 tayexmagü, yerü buanecü rü nüxica toxü nacuetäü. Rü ngäxücügu nüxü nicuëächitanü
 ga yema marinerugü ga na dauxchitacutüwa tangugüchaxü. 28 Rü ínanataegü ga norü
 ngügütamaxü rü 36 ga metru nixí ga norü mátama. Rü yexguma marü írarüwa yaxügüxüra
 itaxíxü rü wenaxäru nanangugütamagü, rü 27 ga metru nixí ga norü mátama ga yexgumax.
 29 Rü namuüë ga na nutamaä yanafataügüxü ga naxänacüwa, rü yemacëx guma wapuru-
 ruchinüwa ínanawoü ga ägümücü ga aüclagü ga achugünaxcëx ga napanaxämaä íxätüxüxü
 na yemaäcü íyachaxächigüxëëxüxcëx ga guma wapuru. Rü nayumüxëgü ga paxa na
 yangunexüxcëx. 30 Natürü ga yema marinerugü rü nibuxmüchaü ga guma wapuruwa, rü
 yemacëx nanawäixëgü ga guma wapuruarü ngue, rü ñanagürügü: –Ngëma wapuruþëxearü

aŭclagü tá itawoŭ na nataixŭcèx ya wapuru —ñanagürügüneta. ³¹ Natürü ga Pauru rü churaragürü capitáŭmaã rü norü churaragümaã nüxŭ nixu rü ñanagürü: —Ngéxguma ñaã marinerugü rü tãütáma nuxã wapurugu nachoxgu, rü guxãma i pema rü tá peyue —ñanagürü. ³² Rü yexguma ga yema churaragü rü nayadaecunügü ga guma ngue, rü inananguxèègü. ³³ Rü yexguma marü yangunechaŭgu, rü Pauru nayaxucuxègü ga guxŭma na nachibüècèx, rü ñanagürü: —Taxre i yüxü nixŭ i ñuxma na taguma aixrügumarŭ pechibüèxŭ, rü bai i tacü na pengõxŭ yerü poraãcü pexoegaãègü. ³⁴ Rü ñuxma rü pemaã nüxŭ chixu na pechibüèxŭ na peporaexŭcèx, rü taxuŭma pexŭ ñpetüxŭcèx. Erü taxüetáma itayarütaxu rü bai i wüxi i peyaexüra inayarütaxu —ñanagürü. ³⁵ Rü yexguma marü yema ñaxgu, rü nanayaxu ga wüxi ga pãu, rü Tupanana moxè naxã napèxewa ga guxŭma. Rü inanabücu ga yema pãu, rü inanaxügü ga na nangõðxŭ. ³⁶ Rü yexguma nataãègü ga guxŭma, rü nümagü rü ta nachibüe. ³⁷ Rü 276 tixigü ga guxãma ga toma ga guma wapurugu ixè. ³⁸ Rü yexguma marü nangãxègü, rü ñnanawoŭ ga yema trigu ga wapuru namaã ñacuxŭ na nangünagüächixüraxŭcèx ga guma wapuru.

Inangu ga guma wapuru

³⁹ Rü yexguma yangunegu, rü yema marinerugü tama nüxŭ nacuáane ga yéma. Natürü nüxŭ nadaugü ga wüxi ga axcuchixŭ ga naxnücüpechinüãxŭ, rü nagu narüxŭnñe ga yéma na yanangaixèègüãxŭ ga wapuru. ⁴⁰ Rü yexguma nanadaŭ ga norü ngaxŭxŭ ga aŭclagü, rü yéma nanawogü. Rü nayawègü ga norü toxchinüxŭãrü nèixruuŭgü, rü inananga ga yema napèxewa üxŭ ga naxchirutachinü ga namaã iticuetaxŭ. Rü itanaxügü ga nüxŭ na tingaicaxŭ ga yema naxnücüpechinü. ⁴¹ Natürü wüxi ga naxnücüarü nuxtamaxŭwa tayarüngaixtaŭ. Rü yéma naxnücüwa nayarüwápèxe ga guma wapuru rü marü tama yéma itaxŭãchi. Rü yoxni ga nachinüwa, rü yuape nayapuxè. ⁴² Rü yema churaragü rü nagu narüxŭnñe ga na nadaiaxŭ ga yema poxcuexŭ na taxuŭma iñaxŭcèx ga yexguma naxãnacüwa nangugü. ⁴³⁻⁴⁴ Natürü yema norü capitáŭ ga churaragü, rü Pauruxŭ namaxèèchaŭ, rü yemacèx tama nanaxwèxe ga na nadaiaxŭ ga yema poxcuexŭ. Natürü nanamu na yema ixãnñxŭ rü nüxŭra inayuxgüxŭ na naxãnacüwa nawèxgüxŭcèx, rü yema togü rü mürapewagügu rü èxna yema wapurutüchigügu meã na inachoüxŭcèx. Rü yemaãcü guxãma meãma naxãnacüwa tangugü.

28

Capaxü ga Mártawa nayexma ga Pauru

¹ Rü yexguma meãma naxãnacüwa tangugüga guxãma rü yexguma nüxŭ tacuèxgü na Márta na yŭxŭ ga naega ga yema capaxü. ² Rü yema yémacŭãxgü ga duŭxŭgü rü meãma toxŭ nayauxgü ga guxãma. Rü nanangixtagü ga wüxi ga üxŭ ga taxŭne. Rü toxçèx nacagü ga guxãma na yéma togü tanaixŭgüxŭcèx, yerü napu rü nagáwane. ³ Rü Pauru nanadetaquèxe ga ñuxre ga nañchacüügü, rü üxüxetüwa nayawocu. Natürü yexguma yéma yawocuãgu, rü üxŭarü nañemaxŭchaxwa inayago ga wüxi ga äxtape. Rü Paurumèxèwa nayuxu, rü yéma nayarütuãchi. ⁴ Rü yexguma yema yémacŭãxgü nüxŭ daugügu ga yema äxtape ga Paurumèxèwa na natuxŭ, rü nügümaã ñanagürügü: —Naã yatü rü maneca wüxi i máetaxŭ nixŭ. Rü woo taxŭtüwa yuwa na yañaxŭ, natürü Tupana tama nanamaxèèchaŭ —ñanagürügü. ⁵ Natürü guma üxüxetügu nanamaxŭ ga yema äxtape, rü taxuŭma nüxŭ naxüpetü ga Pauru. ⁶ Natürü guxŭma ga yema duŭxŭgü rü ñnananguxèègü rü ngoxi tá nachamé rü èxna nayux. Rü marü nuxcüxürama ga yema nüxŭ na nadaunñxŭ rü taxuŭma nüxŭ na ñpetüxŭ, rü düxwa togu narüxŭnñe rü inanaxügüe ga na ñagüxŭ: —Maneca wüxi ya tupana nixŭ —ñagüxŭ. ⁷ Rü yema nachicaarü ngaicama nayexma ga norü naãne ga yema capaxüarü àèxgacü ga Púbiru ga naega. Rü nüma meãma toxŭ nayaxu, rü yexma toxŭ napegüxèè ga tomaèxpüx ga ngunexŭ. Rü tomaã namecümãxŭchi. ⁸ Rü guxema Púbiru nanatü rü ngürücarewa tayexma, yerü tixaxüne rü taduŭ. Rü yéma tümãxütawa nangu ga Pauru, rü tümamaã nayumüxè, rü tümãgügu naxüxmèx, rü tüxŭ narümexèè. ⁹ Rü yexguma yemãxŭ nadaugügu, rü Paurucèx yéma naxŭ ta ga guxŭma ga togü ga idaaweexŭ ga yema capaxücŭãx, rü narümè. ¹⁰ Rü nümagü rü muxŭma toxna naxãmaregü. Rü yexguma itaxŭãchigu, rü toxna nananagü ga guxŭma ga tanaxwèxexŭ ga torü namawaŭ ga ñna.

Dumawa nangu ga Pauru

¹¹ Rü tomaèxpüx ga tauemacü yéma capaxüwa tayexmagü. Rü ñuxŭchi nagu tichoŭ ga wüxi ga wapuru ga yema capaxüwa gáuanexŭ ngupetüxèxene. Rü Aleyãdríacŭãx nixŭ ga guma wapuru. Rü napèxeraŭwa nayexmagü ga taxre ga norü tupanachicünèxãgü ga Catu rü Porugu àegagüxŭ. ¹² Rü Chiracüchaarü türewa tangugü, rü tomaèxpüx ga ngunexŭ yéma tayexmagü. ¹³ Rü yéma itaxŭãchi, rü nacutüarü ngaicamagu taxŭ ñuxmata Dequüwa tangugü. Rü moxŭãcü inangu ga wüxi ga buanecü ga itaxŭxŭwaama bucü rü toxŭ inicuetaŭ.

Rü yemaärü moxüäcüama rü Puteriwa tangugü. ¹⁴⁻¹⁵ Rü yexma nüxü tayangau ga ñuxre ga duñxüğü ga yaxögüxü. Rü toxna naxu na wüxi ga yüxü yexma naxütagu tarüchoxüçex. Rü marü wüxi ga yüxü ngupetügu rü itaxiächi na namagu Dumawa taxüxüçex. Rü marü toxü nacuächigagü ga yema yaxögüxü ga Dumagugüxü. Rü yema nama ga Ápiugu äegaxügu naxi na yexma toxü yangaugüxüçex. Rü ñuxre rü yema nachica ga Tomaëxpüx ga Taxepataügu äegaxüwa toxü nayarünguxëëgü. Rü togü rü nachopetü ñuxmata yema nachica ga Ápiuarü Ngüëchicagu äegaxüwa nangugü. Rü yexguma Pauru nüxü dëuxgu ga yema yaxögüxü, rü Tupanana moxë naxä rü poraäcü nataäë. Rü yemaäcü Dumawa tangugü. ¹⁶ Rü yexguma Dumawa tangugügu rü wüxi ga İpatawa nananguxëëgü ga Pauru nüxüca namaä ga wüxi ga churara ga nüxna dauxü.

Dumawa nayexma ga Pauru

¹⁷ Rü tomaëxpüx ga ngunexü marü yéma nayexmagu, rü Pauru naxcëx nangema ga yema Yudiügarü äëxgacügu ga Dumawa yexmagüxü. Rü yexguma nangutaquëxegügu, rü ñanagürü ga Pauru nüxü: —Choma, Pa Chaueneëgüx, rü taxüüma i chixexü chaxü namaä i tatanüxüğü, rü bai i nuxcümaüğüxü i törü oxigücümagümaä. Natürü Yerucharëügu choxü niyaxugü ga tatanüxüğü, rü Dumacüäx ga churaragüna choxü namugü. ¹⁸ Rü yexguma marü choxna nacagüegu ga Dumacüäxgü, rü choxü ningëxgüchaü, yerü taxüüma ga tacü ga chixexü chowa nadaugü na choxü yamëxgüxüçex. ¹⁹ Natürü yema tatanüxüğü ga Yudiügu rü nayamuëtanü na tama choxü yangëxgüxüçex, rü yemacëx düxwa naxcëx İchaca na nümatama ya äëxgacü ga Xëcharu choxna caxüçex. Natürü tama tatanüxüğüxü na İchaxuaxüxüçex nixi ga yemacëx İchaçaxü. ²⁰ Rü ngëmacëx nixi i pexcëx nuä changemaxü na pexü chadauxüçex rü pemaä chidexaxüçex. Pema nüxü pecuëx rü yixema i Yudiügu rü İtananguxëë i na İnanguxü ya Cristu. Rü yima Cristucëx nixi i choma i ñuxma i daa cadena-maä chináixü —ñanagürü. ²¹ Rü nümagü nanangäxüğü, rü ñanagürüğü: —Toma rü taxüüma i popera i Yudéawa ne muxü i cuchigagu ümatüxü tayauxgü. Rü ngëma taeneëgü i ngëma ne İxü rü nüma ngugüxü rü bai i wüxi i nüxü İxuxü i tacü rü ore i chixexü i cuchiga. ²² Rü cuxütawa nüxü taxüñüëchaü rü zñuxü ñacuxü i cumax? Erü nüxü tacüëxgü rü guxüwama i Yudiügu rü chixiri nachiga nıdexagü i ngëma ore i ngexwacaxüxü i Ngechuchuchiga —ñanagürüğü. ²³ Rü yexguma Paurumaä inaxunetagü ga wüxi ga ngunexü, rü napatawa naxi ga muxüma ga duñxüğü. Rü Pauru namaä nüxü nixu ga Tupanaärü ore ga ñuxäcü äëxgacü na yixü ya Tupana. Rü pëxmama İnanaxüğü, rü ñuxmata nachütaxü rü nüxü nanangüchaüxëë ga yema duñxüğü na Ngechuchuxaxü yaxögüäxüçex. Rü yemacëx Moičë ümatüxü ga mugüwa rü nuxcümaüğüxü ga Tupanaärü orearü uruüğü ümatüxü ga orewa namaä nüxü nixu ga Ngechuchuchiga. ²⁴ Rü nümaxü rü nayaxögü ga yema Pauru namaä nüxü İxuxü natürü ga togü rü tama nayaxögü. ²⁵ Rü yexguma tama wüxigu naxüñüëgu ga yema duñxüğü, rü İnanaxüğü ga na İyaxüxü. Rü yemacëx ga Pauru rü ñanagürü nüxü: —Meä perü oxigümaä nıdexa ga Tupanaäë i Üünexü ga yexguma İchaxıaxü yadexaxëëgu rü ñaxgu:

²⁶ “İrü ngema naxü, rü ngëma duñxüğümaä nüxü yarüxu rü ñacurüğü tá nüxü: ‘Rü woo nüxü pexüñüëgu rü täütama aıxcüma nüxü pecuëxgü. Rü woo nüxü perüdaunügu rü täütama aıxcüma peyaxögü. ²⁷ Rü ngëmaäcü pixüğü i ñuxmax, erü tama choxü pecuächaxü i pemax. Rü tama nüxü pexüñüë i chorü ore erü tama nüxü pexüñüëchaü. Rü tama nüxü peyaxögü i ngëma choma pexü nüxü chadauxëëxü erü tama nüxü peyaxögüchaü. Rü tama peäëwa chaugu perüxüñüë erü tama nüxü perüxöëchaü i pecüma i chixexüğü rü tama chauxcëx pedaugüchaü na choma pexü chamaxëxëxüçex!’ ”

ñanagürü ga Tupanaäë i Üünexü. ²⁸ Rü ñanagürü ta ga Pauru: —Rü name nixi i pema rü ta nüxü pecuëx rü ñuxma rü marü İnaxüğü na ngëma tama Yudiügu İxigüxütanüwa naxunagüxü i ñaä Tupanaärü ore i tüxü maxëxëëxü. Rü nümagü tá nixi i aıxcüma İnaxüñüëxü —ñanagürü. ²⁹ Rü yexguma Pauru yema ñaxgu, rü İnixi ga yema Yudiügu, rü poraäcü nüğümaä İniporagatanücüü. ³⁰ Rü taxre ga tauncü ga mecü yéma nayexma ga Pauru nawa ga guma İ ga naxütanüne ga nugu na napexüçex. Rü yéma meäma nanayaxuxü ga guxüma ga duñxüğü ga naxütawa İyadaugüxü. ³¹ Rü nüxü nıxuchiga ga ñuxäcü äëxgacü na yixü ga Tupana. Rü taxüema nüxna tanachuxu na nangüxëëäxü ga Cori ya Ngechuchu ya Cristuchiga. Rü taxüema naxcëx tanachixewe.

POPERA GA DUMAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Dumaārŭ tānewa yexmagŭxŭ

¹ Pa Chaueneēgŭx, choma i Pauru nixi i pexcēx chanaxŭmatŭxŭ i űāā popera. Rŭ choma nixi i Ngechuchu ya Cristuarŭ duŭxŭ chŭixŭ. Rŭ choma nixi ga Tupana choxŭ yaxuxŭ na choxŭ yamuxŭcēx na duŭxŭgŭmaā nŭxŭ chixuxŭcēx i norŭ ore i mexŭ i tŭxŭ maxēxēxŭ. ² Rŭ nuxcŭmaxŭchima Tupana nanamu ga norŭ orearŭ uruŭgŭ na naxŭmatŭgŭāxŭcēx ga norŭ ore i mexŭ. Rŭ yemaācŭ tŭxŭ nŭxŭ nacuēxēē ga űāā ore i mexŭ. ³ Rŭ űāā ore i mexŭ rŭ tŏrŭ Cori ya Ngechuchu ya Cristuchiga nixi. Rŭ nŭma rŭ woo Tupana Nane na yŭixŭ, natŭrŭ duŭxŭgŭrŭŭ nabu ga yexguma űoma ga naānewa nanguxgu. Rŭ nuxcŭmaŭcŭ ga āēxgacŭ ga Dabŭtaā nixi. ⁴ Natŭrŭ nŭmatama ya Ngechuchu rŭ ŭnecŭ nixi. Rŭ yexguma yuwa űadaxgu rŭ Tupana tŭxŭ nŭxŭ nadauxēē na aixcŭma Nanexŭchi na yŭixŭ. Rŭ nŭxna nanaxā ga guxŭma ga pora. ⁵ Rŭ Ngechuchu ga Cristuaga nixi ga chomaā namecŭmaxŭ rŭ choxŭ naxunetaxŭ ga Tupana na norŭ puracŭ chaxŭxŭcēx. Rŭ yemacēx Ngechuchuēgagu choxŭ namu na guxŭ i nachŭtānewa nŭxŭ chixuxŭcēx i norŭ ore na yaxŏgŭāxŭcēx i duŭxŭgŭ rŭ Tupanaga naxŭnēxŭcēx. ⁶⁻⁷ Rŭ pema rŭ ta, Pa Dumacŭāxgŭx, rŭ ngēma duŭxŭgŭtanŭwa pengēxmagŭ yerŭ Tupanaāxŭ peyaxŏgŭ rŭ naga pexŭnŭē. Rŭ nŭma rŭ pexŭ nangechaŭ rŭ marŭ pexŭ naxuneta na Ngechuchu ya Cristuarŭ duŭxŭgŭ pŭixŭgŭxŭcēx rŭ ngēma norŭ duŭxŭgŭtanŭxŭ na pexŭgŭxŭcēx. Rŭ űuxmax, Pa Chaueneēgŭ i Dumacŭāxgŭx, rŭ chanaxwēxe i nŭma ya Tanatŭ ya Tupana rŭ tŏrŭ Cori ya Ngechuchu ya Cristu pemaā namecŭmagŭ rŭ pexŭ narŭngŭxŭēgŭ na meā pexŭ naxŭpetŭxŭcēx rŭ aixcŭma petaāēgŭxŭcēx.

Pauru rŭ nŭxŭ nangŭchaŭ na űyadauāxŭ ga yema yaxŏgŭxŭ ga Dumawa yexmagŭxŭ

⁸ Rŭ űuxma rŭ Ngechuchu ya Cristuēgagu Tupanana moxē chaxā pexcēx, erŭ guxŭwama i guxŭ i naānewa rŭ duŭxŭgŭ nŭxŭ nixugŭgŭ na aixcŭma Cristuaxŭ peyaxŏgŭxŭ rŭ Tupanacēx pemaxēxŭ. ⁹ Rŭ nŭma ya Tupana choxŭ nadau rŭ nŭxŭ nacuēx na aixcŭma guxŭtguma pexcēx chayumŭxēxŭ. Rŭ yimaāxŭ nixi i guxŭtma i chorŭ ngŭchaŭmaā chapuracŭxŭ rŭ nŭxŭ chixuxŭ i norŭ ore i mexŭ i Nanechiga. ¹⁰ Rŭ guxŭtguma nŭxna chaca na choxŭ ngēma namuxŭcēx rŭ ngēmaācŭ dŭxwa pexŭ űchayadauxŭcēx ega norŭ ngŭchaŭ yixŭgu. ¹¹ Erŭ aixcŭma choxŭ nangŭchaŭ na pexŭ chadauxŭ na pemaā nŭxŭ chixuxŭcēx i Tupanaārŭ ore na aixcŭma meā peyaxŏgŭxŭcēx rŭ yexeraācŭ peporaēxŭcēx. ¹² Rŭ ngēxguma ngēmaācŭ wŭxiwa ingēxmagŭgu, rŭ tā wŭxichigŭ yigŭ tataēgŭxŭē rŭ yigŭaxŭ tanangŭchaŭxēē. Erŭ choma rŭ tā nŭxŭ chadau na űuxācŭ tŏrŭ Coriaxŭ peyaxŏgŭxŭ rŭ pema rŭ tā ta nŭxŭ pedau na űuxācŭ chayaxŏxŭ. ¹³ Pa Chaueneēgŭx, chanaxwēxe i nŭxŭ pecuēx na muēxpŭxcŭna pexŭ űchayadauxchaŭxŭ, natŭrŭ űuxmarŭta rŭ choxŭ naguxcha. Natŭrŭ ngēma petanŭwa chaxŭxchaŭ, erŭ chanaxwēxe na pemaā nŭxŭ chixuxŭ i Tupanaārŭ ore yema toxnamana yexmagŭxŭ ga duŭxŭgŭmaā nŭxŭ chixuxŭrŭŭ. Erŭ chanaxwēxe i ngēma duŭxŭgŭrŭŭ meā peyaxŏgŭ na ngēmaācŭ Cristuwe naxŭxŭcēx i ngēma petanŭxŭgŭ i űuxma tama yaxŏgŭxŭ. ¹⁴ Rŭ aixcŭma ngēma changuxchaŭ erŭ nŭmatama ya Tupana choxŭ namu na guxŭ i duŭxŭgŭmaā nŭxŭ na chixuxŭcēx i norŭ ore. Rŭ nanaxwēxe i duŭxŭgŭ i meā poperaxŭ icuāxŭmaā nŭxŭ na chixuxŭ rŭ duŭxŭgŭ i tama poperaxŭ icuāxŭmaā ta nŭxŭ chixuxŭ i ngēma norŭ ore. Rŭ ngēxgumarŭŭ ta nanaxwēxe na ngēma duŭxŭgŭ i cuēx nŭxŭ ngēxmaxŭmaā nŭxŭ na chixuxŭ rŭ ngēma duŭxŭgŭ i taxuguma rŭxŭnēxŭmaā nŭxŭ na chixuxŭ. ¹⁵ Rŭ ngēmacēx, Pa Chaueneēgŭ i Dumagu Āchŭgŭxŭ, rŭ choma rŭ marŭ űchamemare na petanŭwa na chaxŭxŭ, na pemaā rŭ ta nŭxŭ chixuxŭcēx i Tupanaārŭ ore i mexŭ.

Tupanaārŭ ore rŭ napora

¹⁶ Rŭ taxucēxma naxcēx chaxāne i ngēma ore i mexŭ. Erŭ ngēma ore rŭ napora, rŭ ngēmamaā nixi i napuracŭxŭ ya Tupana na guxāma ya yixema Cristuaxŭ yaxŏgŭxe rŭ tŭxŭ nangēxmaxŭcēx i maxŭ i taguma gŭxŭ. Rŭ ngēma maxŭ, rŭ Yudiugŭcēxirachirēx nixi, natŭrŭ i űuxma rŭ guxŭma i ngēma tama Yudiugŭ ixŭgŭxŭcēx rŭ ta nixi. ¹⁷ Rŭ ngēma norŭ orewa nixi i tamaā nŭxŭ yaxuxŭ ya Tupana na tŏrŭ ŏgaguxicetama yŭixŭ na napēxewa imexŭ. Erŭ norŭ ore i ŭmatŭxŭwa rŭ űanagŭrŭ:

“Rŭ yixema tŭmaārŭ ŏgagu Tupanapēxewa mexē, rŭ tā tŭxŭ nangēxma i maxŭ i taguma gŭxŭ”,
űanagŭrŭ.

Nagagutama nixi i duŭxŭgŭ inapoxcuexŭ

¹⁸ Rū nūxū tadaugū na Tupana daxūguxū i naānewa ne namuxū i norū poxcu i āucūmaxū naxcēx i guxūma i ngēma duūxūgū i tama naga Inūēxū rū chixexū ūgūxū rū ngēma norū chixexūmaā togūaxū naguxchaxēēgūxū na tama nūxū nacuēxgūxūcēx i ngēma ore i aixcūma ixūxū. ¹⁹ Rū ngēma duūxūgū i chixexū ūgūxū rū meā nūxū nacuēxgūchirēx na ūxācū yīxū ya Tupana yerū nūmatama ga Tupana rū marū nūxū nūxū nadauxēē ga yema. ²⁰ Rū woo tama nūxū idaugūga ya Tupana, natūrū guxūma i ūcū i naxūūwa nixī i nūxū idaugūxū. Rū yexguma noxri naāne naxūxgumama nixī ga meāma duūxūgūxū nūxū nadauxēēxū na aixcūma Tupana na yīxū rū guxūguma na naporaxū. Rū ngēmacēx i ngēma duūxūgū i chixexū ūgūxū, rū taxucūrūwama ūcūmaā nūgū Inapoxūgū i Tupanapēxewa. ²¹ Yerū woo nūxū nacuēxgūchirēx na ūxācū yīxū ya Tupana, natūrū tama nanayaxgūchaū na norū Tupana yīxūcēx, rū bai na moxē nūxna naxāgūxū. Natūrū yema ore ga taxuwama mexūguama narūxīnūē, rū yemaācū naēchitamare namaxē rū yexeraācū chixexūgu narūxīnūē. ²²⁻²³ Rū nūgū yaxugūegu rū duūxūgū i nūxū icuāxū nixīgū natūrū taxuguma narūxīnūē. Yerū nūxna nixīgachitanū ga Tanatū ya Tupana ya mexēchicū ya taguma yucū, na nawe naxīxūcēx ga norū naxchicūnēxāgūmare ga duūxūgū i yuxwēxexūchicūnēxāmare ixīgūxū rū werīgūchicūnēxāmare ixīgūxū rū naēxūgūchicūnēxāmare ixīgūxū rū āxtapegūchicūnēxāmare ixīgūxū. ²⁴ Rū yemacēx ga Tupana rū dūxwa yemawa nanawogū ga yema duūxūgū na naxūgūāxūcēx ga guxūma ga yema chixexū ga nūxū ngūchaūga nūxū nūgūmaā na naxūgūāxūcēx ga naxūneārū ngūchaūgū i āne tūxna āxū. ²⁵ Rū yemaācū nūxna nixīgachi ga guma aixcūmaxūchi Tupana ixīcū na nawe naxīxūcēx ga norū tupanagū ga tama aixcūma ixīgūxū. Rū yema Tupana ūxūpēxewa nayumūxēgū rū yemaxū nicuēxūgū, natūrū tama nūxū nicuēxūgū ga Tanatū ya Tupana ga naxūcū rū inaxwēxecū na guxūguma nūxū icuēxūgūxū. Rū ngēmaācū yixī. ²⁶ Rū yemacēx ga Tupana rū dūxwa yemawa nanawogū ga yema duūxūgū na naxūgūāxūcēx ga naxūneārū ngūchaū i āne tūxna āxū. Rū ējxrūū ga ngexūgū rū naxrūū ngexūgūmaātama nangēāēgū rū tama yatūgūmaā. ²⁷ Rū yexgumarūū ta ga yatūgū rū naxrūū yatūxūmaātama nangēāēgū, rū tama ngexūgūmaā. Rū yema naxūneārū ngūchaū ga chixexūgū rū nūxū nāpora na naxrūū yatūxūmaā namaxēxū. Rū yemaācū ga yema yatūgū rū nūgūmaā nanaxūgū ga yema naxūneārū ngūchaū i āne tūxna āxū, rū dūxwa yemagagu nīdaawee rū naturaxūnegū. ²⁸ Rū yema na tama Tupanaxū nacuēxgūchaūxū, rū yemacēx ga nūma ga Tupana rū dūxwa yemawa nanawogū ga yema duūxūgū na norū chixexūgu na naxīnūēchaxūcēx rū na naxūgūāxūcēx ga yema chixexū. ²⁹ Rū dūxwa ga yema duūxūgū rū guxūraūxū ga chixexū naxūgū rū Tupanapēxewa. Rū tama aixcūma meā naxmēmaā rū natemaā namaxē. Rū naxaū rū nūgūnaxīcatama nananugūchaū i guxūma i ūcū. Rū ūguāxū nachixexēgūchaū. Rū nixāūxāchīwēxegū, rū namāētagū, rū nanuēwēxe, rū nawomūxēēwēxegū, rū naxūneārū ngūchaū nūxū nāpora, rū naxoregūēēxgū. ³⁰ Rū chixexūmaā ūguāxū nixugūe, rū Tupanachi naxaie, rū ūguāxmaā naguxchigagū. Rū nūgūga naxīnūēgu rū togūarū yexera nixīgū, rū nūgū nicuēxūgū. Rū naxcēx nadaugū na yexera chixexū naxūgūxū. Rū tama nanatūga rū naēga naxīnūēchaū. ³¹ Rū tama inarūxīnūēchaū. Rū tama aixcūma nayanguxēē i ngēma nūxū yaxugūxū. Rū taxūēxūma nangechaūgū. Rū tama togūaxū nūxū nangechaū i ūcū rū guxchaxū. Rū tama ūguāx nūxū tangechaūtūmūūgū. ³² Rū nūmagū i ngēma duūxūgū rū meāma nūxū nacuēxgūchirēx rū Tupana rū marū namaā nanaxuegu na noxtacūma nayueū i ngēma duūxūgū i ngēmaācū maxēxū. Natūrū woo meāma nūxū nacuēxgūchirēx i guxūma i ngēma, natūrū nanaxūgūama i ngēma chixexū, rū nataāēgū ega togū naxūxgu.

2

Ngēxguma Tupana duūxūgūxū poxcugu, rū tama chixexū naxū, erū ngēma duūxūgū rū norū chixexūgagutama nanapoxcue

¹ Rū ngēmacēx, Pa Duūxūx, rū woo texē quixīgu rū taxuacūma Tupanapēxewa cugūētūwa cuchogū, ega togūxū quixuechagu. Erū ngēxguma togūxū quixuechagu na nachixexū rū cugūtama cupoxcu, erū cuma na cumūcūxū quixuechaxū rū cuma rū ta cunaxū i ngēma chixexū i cumūcūxū naxcēx quixuechaxū. ² Rū nūxū tacuēx rū Tupana tā nanapoxcue i ngēma duūxūgū i namūcūgūxū ixugūechaxū. Rū ngēxguma napoxcueāgu, rū tama chixexū naxū ya Tupana, erū ngēma duūxūgū rū norū chixexūgagutama nixī i napoxcueāxū. ³ Rū dūcax, Pa Duūxūx, rū ngēxguma togūxū quixuechagu, natūrū cuma rū ta cunaxūxgu i ngēmatama chixexū i nūma naxūxū, ūrū ūxūcūrūwa tā i nāgu curūxīnūxū na Tupanachaxwa iquicūxū na tama cuxū napoxcuxūcēx? ⁴ ūRū tūxūcūū tama nāgu curūxīnū i ngēma mexū i Tupana cuxcēx ūxū? Nūma rū porācūxūchi cumaā namecūma rū yaxna cumaā naxīnū rū tama paxa curū chixexūcēx cuxū napoxcuchaū. ūRū ūxūxma rū tūxūcūū nūxū cuxo? ūTama ēxna nūxū cucūēx na Tupana ngēmaācū cumaā mecūmaxū na nūxū curūxoxūcēx i curū chixexū rū naxcēx na cumaxūxūcēx ya Tupana? ⁵ Natūrū cuma rū tama Tupanaxū cucūāxchaū

rū tama nūxū curūoxchaū i curū chixexū. Rū ngēmaācū cugūcēxtama cunayexeraxēē i curū poxcu i tá cuyaxuxū i ngēma ngunexū i nagu Tupana napoxcuexū i ngēma chixexū ūgūxū. Rū ngēma ngunexūgu rū Tupana tá aixcūma ngēma duūxūgūmaā nanaxuegu na űuxācū tá na napoxcueāxū. ⁶ Rū ngēxguma tá nixī i Tupana nūxū yaxūgūtanūxū i wūxichigū i duūxū naxcēx i ngēma naxūgūxū. ⁷ Rū maxū i taguma gūxūmaā Tupana tá tūxū nanaxūtanū i yixema guxūguma mexū taxūgūācūma naxcēx daugūxe na Tupana tūmamaā taāxū rū naxcēx daugūxe na aixcūma Tupanaxūtawa tangugūxū. ⁸ Natūrū Tupana tá tūmamaā nanu rū tá tūxū napoxcu ya yixema tūgūguxicatama rūxīnūxē rū tama naga űnūēchaūxē i ore i aixcūma ixīxū rū naxcēx daugūxe na ngēma chixexū taxūgūxū. ⁹ Rū guxūma i ngēma duūxūgū i chixexū ūgūxū rū tá ngūxū ningegū rū poraācū tá chixexū nūxū naxūpetū. Rū ngēma Yudiūgū i chixexū ūgūxūxīra tá nixī i Tupana inapoxcuexū. Rū ngēmawena rū tá nanapoxcue i guxūma i ngēma togū i duūxūgū i chixexū ūgūxū. ¹⁰ Natūrū ngēma duūxūgū i mexū ūgūxū, rū Tupana tá namaā nataāē, rū tá nanatachigaxēē, rū tá nanataāēxēē. Rū ngēma Yudiūgū i mexū ūgūxūcēra tá nixī i ngēma. Rū ngēxgumarū i guxūma i togū i duūxūgū i mexū ūgūxūcēx rū tá ta nixī. ¹¹ Erū Tupanapēxewa rū nawūxigu i ngēma duūxūgū i Yudiūgū ixīgūxū rū ngēma togū i duūxūgū i tama Yudiūgū ixīgūxū. Rū guxāma ya texē ya chixexū ūgūxe rū tá tanayaxu i tūmaārū poxcu, natūrū guxāma ya texē ya mexū ūgūxe rū tá Tupana tūmamaā nataāē. ¹² Rū guxūma i duūxūgū i pecadu ūgūxū i tama nūxū cuēxgūxū i ngēma mugū ga Moīché ūmatūxū, rū tá inayarūtauxe. Rū ngēxgumarū i ta i guxūma i ngēma pecaduāxgūxū i nūxū cuēxgūxū i ngēma mugū ga Moīché ūmatūxū, rū ngēma mugū nūxū ixuxūācūma Tupana tá nanapoxcue. ¹³ Erū Tupanapēxewa rū taxuwama name i ngēma duūxūgū i nūxū űnūēmarexū natūrū tama nagu maxūā i norū mugū. Natūrū ngēma duūxūgū i Tupanaārū mugūga űnūēxū nixī i aixcūma Tupanapēxewa imexū. ¹⁴ Dūcēx, i ngēma duūxūgū i tama Yudiūgū ixīgūxū. Nūmagū rū tama nūxū nacuēxgū i Tupanaārū mugū. Natūrū ngēxguma nūēchamatama naxūgūmareāgu i ngēma Tupana tūxū muxū, rū tūxū nūxū nadauxēē na nūxū nacuēxgūxū i tacū na yīxū i mexū rū tacū na yīxū i chixexū, woo tama nūxū na nacuēxgūchirēxū i Tupanaārū mugū. ¹⁵ Erū nacūmagūwatama nixī i tūxū nūxū nadauxēēxū na nūxū nacuēxgūxū na tacū yīxū i mexū rū tacū na yīxū i chixexū. Rū ngēma duūxūgū rū ngēxguma chixexū naxūgūgu, rū naāēwatama nixī i nūxū nacuēxgūxū na nachixexū i ngēma naxūgūxū. Rū ngēxgumarū i ta i ngēxguma mexū naxūgūgu, rū naāēwatama nixī i nūxū nacuēxgūxū na namexū i ngēma naxūgūxū. ¹⁶ Rū ngēma ngunexū i nagu Tupana Cristuxū namuxū na guxū i duūxūgūxū yacagūxūcēx i norū maxūchiga, rū ngēma duūxūgū i tama Tupanaārū mugūxū cuēxgūxū rū naāēwa tātama nixī i nūxū nacuēxgūxū na chixexū naxūgūxū rū ēxna mexū naxūgūxū. Rū ngēxguma tá nixī i nangóxū i guxūma i ngēma chixexū i cūācūma naxūgūxū i duūxūgū, rū ngēma chixexū i nūxūcatama nagu naxīnūēxū. Rū Tupanaārū ore i pemaā nūxū chixuxū nixī i tūxū nūxū cuēxēēxū i ngēma.

Yudiūgūchiga rū mugū ga Moīché ūmatūxūchiga

¹⁷ Natūrū pema Pa Chaueneēgū i Yudiūgūx, rū űnaperūgūgū:

“Toma rū Yudiūgū tixīgū rū meāma nūxū tacuēx i Tupanaārū mugū ga Moīché ūmatūxū”, űnaperūgūgū. Rū ngēmaācū nagu perūxīnūē na Tupanapēxewa pimexū erū meāma nūxū pecuēx i ngēma Tupanaārū mugū ga Moīché ūmatūxū. Rū ngēmaācū Tupanamaā pegū picuēxūgū erū nagu perūxīnūē na Tupana pexū nangechaūxū erū Yudiūgū pixīgū. ¹⁸ Rū nūxū pixu na meāma nūxū pecuāxū i tacū nixī i Tupanaārū ngūchaū rū tacū nixī i mexū rū tacū nixī i chixexū. Rū Tupanaārū mugūwa naxcēx pengūe na naxcēx pecauxū i ngēma aixcūma mexū ixīxū. ¹⁹ Rū pema rū űnaperūgūgū:

“Toma rū meāma nūxū tacuēx na tanaxucuxēxū i ngēma togū i duūxūgū i tama Tupanaxū cuēxgūxū. Rū meāma nūxū tacuēx na itayanawēxāchixēēxū i ngēma togū i chixexūwa ngēmagūxū”, űnaperūgūgū. ²⁰ Rū pema nagu perūxīnūēgu rū nūxū pecuēx na űuxācū penaxucuxēxū i ngēma togū i duūxūgū i tama Tupanaxū cuēxgūxū rū űuxācū penangūxēēxū i ngēma duūxūgū i ngexwacēx yaxōgūxū. Rū ngēmaācū nagu perūxīnūē na togūarū ucūxēruūgū pixīgūxū, erū Tupanaārū mugūwa pengūe rū ngēmācēx meāma nūxū pecuēx i tacū nixī i mexū rū tacū nixī i ore i aixcūma ixīxū. ²¹ Rū dūcax, Pa Chaueneēgū i Yudiūgūx, pema na togūxū pengūxēēxū, űrū tūxcūū tama pegūtama pengūxēē? Pema nūxū pixu na tama namexū na űngīxū, űrū tūxcūū i pema ipengīxēxū? ²² Rū pema nūxū pixu na tama namexū na naī i ngemaā ipexū, űrū tūxcūū i pema i ngēmaācū pemaxēxū? Rū pema na naxchi pexaīxū i togūarū tupanagūnetachicūnēxāgū, űrū tūxcūū i naxcēx pengīxēxū i norū tupaucagūarū ngēmāxūgū? ²³ Pema nūxū pixu na namexū i Tupanaārū mugū i ūmatūxū, rū petaāē erū meā nūxū pecuēxgū i ngēma mugū. Natūrū Tupanamaā chixexū pexūe, erū tama naga pexīnūē i ngēma pexū namuxū i norū mugūwa. ²⁴ Rū ngēmācēx i Tupanaārū ore i ūmatūxūwa rū űnagūrū:

“Rū pegagu nixī na chixri Tupanachiga yadexagūxū i ngēma duūxūgū i tama Yudiūgū ixīgūxū”,

ñanagūrū. ²⁵ Pema rū pegū ípewiechēxmūpēxechiraūgū na Tupanaārū duūxūgū pixīgūxūcēx. Rū name nixī na penaxūxū i ngēma, ega aixcūma naga pexīnūēgu i Tupanaārū mugū. Natūrū ngēxguma chi tama naga pexīnūēgu i Tupanaārū mugū, rū woo Yudiūgū pixīgūgū, natūrū Tupanapēxewa rū taxuwama pexū name i ngēma na pegū ípewiechēxmūpēxechiraūgūxū. ²⁶ Rū ngēma togū i duūxūgū i tama nūgū íwiechēxmūpēxechiraūgūxū, rū woo tama ngēma naxūgūgu, natūrū Tupanaārū duūxūgū tá nixīgū ega naga naxīnūēgu i norū mugū. ²⁷ Rū dūcax, Pa Chaueneēgū i Yudiūgūx, rū ngēma duūxūgū i tama íwiechēxmūpēxechiraūgūxū natūrū naga ímūēxū i Tupanaārū mugū, rū ngēma duūxū rū tá Tupana-pēxewa pexū nixu na ñuxácū pechixexū. Rū ngēmaācū tá pexū naxūpetū erū tama naga pexīnūē i Tupanaārū mugū i woochirēx na nūxū pecuāxū i ngēma mugū, rū woochirēx na ípewiechēxmūpēxechiraūgūxū. ²⁸ Rū dūcax, rū tama ngēma na Yudiūxacūgū pixīgūxūcēx nixī na aixcūma Tupanaxācūgū pixīgūxū. Rū tama ngēma na ípewiechēxmūpēxechiraūgūxūcēx nixī na Tupanaārū duūxūgū pixīgūxū. ²⁹ Erū yixema aixcūma tūmaārū maxūnewa Tupanaga ínūxē tixī ya aixcūma Tupanaxācū ixīxē. Rū ngēxguma aixcūma taāēwa yaxōxgu nixī i aixcūma Tupanaārū ixīxū. Rū Tupanaāē i Ūūnēxū nixī i tūxū rūngūxēēxū na yaxōxūcēx, rū tama ngēma mugū ga Moiché ūmatūxūgagu nixī. Rū yixema aixcūma Tupanaārū ixīxē, rū Tupana rū tūmamaā nataāē woo duūxūgū tama tūmamaā taāēgūgu.

3

¹ ¿Rū ñuxma rū ñacūwa tūxū namexū na Yudiūgū ixīgūxū? ¿Rū ñacūwa namexū na íwiechēxmūpēxechiraūgūxū? ² Rū poraācūxūchima tūxū name na Yudiūgū ixīgūxū. Yerū nūma ga Tupana rū tūxnaxūchī nixī ga naxāāxū ga norū mugū i ūmatūxū. ³ ¿Rū ñacū tá ngupetūxū i ñuxma ega ñuxre i tatanūxū i Yudiūgū rū tama meā yanguxēēgūagu i ngēma Tupana tūxū muxū? ¿Rū pexcēx rū ngēmacēx tātūma yanguxēēāxū ya Tupana i ngēma tamaā inaxunetaxū? ⁴ Rū tama ngēmaācū nixī. Erū woo guxū i duūxūgū rū yadoratēxgūgu, natūrū Tupana rū taguma nidora rū guxūguma nayanguxēē i ngēma nūma tamaā inaxunetaxū. Rū yemacēx norū ore ga Dabí ūmatūxūwa rū ñanagūrū:

“Cumax, Pa Tupanax, rū aixcūma nixī i curū ore i nūxū quixuxū. Rū ngēxguma cuxū tangugūgūgu rū nūxū tadaugū na aixcūma cumexū”, ñanagūrū. ⁵ Natūrū duūxūgū rū ínatūe erū ñanagūrūgū:

“Rū nūētama nixī na chixexū ixīgūxū erū ngēmaācū yexeraācū nangox na namecūmaxū ya Tupana”, ñanagūrūgū. Rū ñanagūrūgū ta:

“Rū ngēxguma chi tórū chixexūgagu yexeraācū nangoxgu na aixcūma namecūmaxū ya Tupana, rū maneca tama name ega tórū chixexūcēx tūxū napoxcuegu”, ñanagūrūgū. ⁶ Natūrū ngēma ñaxūga na naxīnūēxū i duūxūgū rū poraācū ínatūe, erū tama ngēmaācū nixī. Erū ngēxguma chi tama namexgu ya Tupana, ¿rū ñuxácū chi i meā duūxūgūxū yacagūxū i naāneārū guxgu? ⁷ Natūrū i duūxūgū rū ñanagūrūgū:

“Rū ngēxguma chi chorū chixexūgagu yexeraācū nangoxgu na ñuxácū aixcūma namexū ya Tupana, ¿rū tūxcūū yīxū i choxna naçaxū naxcēx i chorū chixexū rū choxū napoxcuxū naxcēx i ngēma?” ñanagūrūgū. ⁸ Natūrū ngēma ñaxūgu na naxīnūēxū i duūxūgū rū poraācū ínatūe. Erū ngēxguma chi aixcūma yixīgu i ngēma nagu naxīnūēxū i duūxūgū, rū chi narūmemaē nixī na yexeraācū chixexū naxūgūxū na yexeraācū mexū na ínguxuchixūcēx. Rū dūcax, Pa Chaueneēgūx, nangēxma i chixexū i duūxūgū i choxū ūgagūmarexū i nūxū ixugūēxū na ngēma yīxū i chorū nguxēētae i duūxūgūxū namaā changūxēēxū. Natūrū ngēma duūxūgū i ngēma ñagūxū rū nagagu tátama napoxcue.

Guxāma i yixema rū taxūetūxūgū

⁹ ¿Rū ñuxācū nixī i ñuxmax? ¿Pexcēx rū yixema i Yudiūgū rū togū i duūxūgūarū yexera Tupanapēxewa imexū? Pemaā nūxū chixu rū tama ngēmaācū nixī. Erū guxūma i duūxūgū i Yudiūgū ixīgūxū rū guxūma i duūxūgū i tama Yudiūgū ixīgūxū, rū naxūetūxūgū. ¹⁰ Erū Tupanaārū ore i ūmatūxūwa rū ñanagūrū:

“Rū tataxuma ya texē ya aixcūma Tupanapēxewa mexē, rū bai ya wūxie. ¹¹ Rū tataxuma ya texē ya aixcūma nūxū cuāxe i Tupanaārū ore na ñuxācū nanaxwēxexū na naxcēx ímaxēxū. Rū tataxuma ya texē ya aixcūma Tupanacēx dauxe. ¹² Rū guxāma ítatūe, rū guxāma itayarūtauxe rū chixexū taxūgū i Tupanapēxewa. Rū tataxuma ya texē ya aixcūma mexū ūechaxe, rū bai ya wūxie. ¹³ Rū tūmaāx rū wūxi i yuetamaxū i inge-naxūrū nixī erū ngema ítanaxūxūxēē i nagūxūraūxū i dexa i chixexū. Rū tūmaārū conūmaā rū poraācū tidorae. Rū ngēma tūmaārū dexa rū ñōma āxtapeguchatarū nixī erū togūxū nachixexēē. ¹⁴ Rū chixexū i ore i duūxūgūāēwa ngūxūmaāxīcatama

tidexagū. ¹⁵ Rū itamemare na duūxēxū timáxū. ¹⁶ Rū ngextá ítaxíxūwa rū togūxū tachixexēē rū tanangechaūxēē rū chixexūgu tanayixēē. ¹⁷ Rū tama nūxū tacuēx na űuxácū togū i duūxūgūxū tangechaūgūxū rū meā natanūwa tamaxēxū. ¹⁸ Rū tama nūxū tacuāxchaū na Tupanaxū tamuūxēxū”,
 űanagūrū i ngēma ore i űmatūxūwa. ¹⁹ Rū nūxū tacuēx rū ngema poxcu i Tupanaarū mugūwa nūxū yaxuxū rū naxcēx nixī i ngema Yudiūgu ga natanūwa nanguxū ga yema mugū. Rū woo ngema tama Yudiūgu íxīgūxū i duūxūgūcēx rū ta nixī i ngema poxcu. Erū taxúema aixcūma naga taxīnū i ngēma mugū. Rū ngēmacēx taxucūrūwa texē Tupanapewa tūgū ítapoxū i ngēxguma Tupana tūxū icagūgu i tūmaārū pecaduchiga. ²⁰ Rū űuxma na taxúema aixcūma naga űnūxēxū i ngēma mugū, rū ngēmacēx taxucūrūwama texē tūgū tixu na ngēma mugū taxaurexūgagu Tupanapēxewa tamexū. Erū ngēma mugū tūxū nūxū cuēxēxū nixī na poraācū ipecaduāxgūxū.

Tórū űgagu nixī i Tupana tūxna naxāxū i maxū

²¹⁻²² Rū űuxma na taxucūrūwama Tupanapēxewa tūxū yamexēēxū i ngēma mugū, rū ngēmacēx ya Tupana rū tūxū nūxū nacuēxēē na űuxácū yīxū i tūxū yamexēēxū na napēxewa imexūcēx. Rū pemaā nūxū chixu rū Ngechuchu ya Cristuaxū na yaxōgūxūgagu nixī i tūxū yamexēēxū ya Tupana na aixcūma napēxewa imexūcēx. Rū yema mugū ga Moíché űmatūxū rū yema ore ga nuxcūmaūgūxū ga orearū uruūgū űmatūxū rū tūxū nūxū nacuēxēē i ngēma. Rū yema mexū ga Tupana taxcēx űxū ga yexguma nūma namuāgu ga Nane na tórū pecadu naxūtanūxūcēx, rū guxū i duūxūgū i yaxōgūxūcēx nixī, erū Tupanapēxewa rū nawūxigu i guxūma i ngēma duūxūgū. ²³ Rū guxāma tīpecaduāxgū rū nūxna tayaxūgūgu ya Tupana ya tūxū maxēxēēcū. ²⁴ Natūrū ga Tupana rū poraācū tamaā namecūma rū yemacēx tūxū nangetanūācūma tūxū nīmexēēgu na napēxewa imexūcēx. Rū űuxma rū tūxū nangēxma i maxū i taguma gūxū, yerū Ngechuchu ya Cristu rū marū tūxū nanaxūtanū ga tórū pecadugū. ²⁵⁻²⁶ Rū Tupana rū aixcūma nūma nanamu ga Cristu na nayuxūcēx rū yemaācū tórū pecadu naxūtanūxūcēx na Tupana tūxū nūxū rūngūmaxūcēx i ngēxguma aixcūma Cristuaxū yaxōgūgu. Rū yemaācū nanaxū ga Tupana na tūxū nūxū nadauxēēxūcēx na űuxácū nūma nūgūcēx tūxū yamexēēxū na aixcūma napēxewa imexūcēx. Rū nuxcūma ga Tupana rū yaxna namaā naxīnū ga duūxūgū ga yexguma chixexū naxūegu, rū tama paxa nanapoxcu. Rū űuxma rū ta tūxū nanawēx na űuxácū aixcūma namexū i ngēma nūma naxūxū erū tūxū ínanapi i tórū pecadugū. Rū ngēmaācū tūxū nūxū nadauxēē na űuxma rū ta aixcūmacū yīxū i ngēxguma tūxū yaxuxgu na napēxewa marū timexū ya guxāma ya yīxema Ngechuchuaxū yaxōgūxe. ²⁷ Rū ngēmacēx i űuxma rū taxucūrūwama yīgū ticuēxūgū rū nūxū tixu na yixematama yīgū imexēēgūxū i napēxewa. Erū taxucūrūwama texē tūgū tamexēē i Tupanapēxewa. Rū tama ngēma na naxaurexūcēx i ngēma mugū nixī i imexū, rū tama ngēma na mexū íxūgūxūcēx nixī i imexū. Natūrū Tupanapēxewa time i űuxma, erū Cristuaxū tayaxōgū. ²⁸ Rū yixema nūxū tacuēx rū ngēxguma Cristuaxū yaxōgūgu nixī i Tupanapēxewa imexū, rū tama ngēma mugū na íxauregūxūcēx nixī i napēxewa imexū. ²⁹ ¿Éxna pexcēx rū Tupana rū Yudiūgūarū Tupanaxīcatama yīxū? ¿Rū tama éxna i ngēma togū i duūxūgūarū Tupana rū ta yīxū? Ngēmaācūx, ngēma togū i duūxūgū i tama Yudiūgū íxīgūxūārū Tupana ta nixī. ³⁰ Rū nūxū tacuēxū na nangēxmaxū ya wūxitama ya Tanatū ya Tupana. Rū guxūma i duūxūgū i Cristuaxū yaxōgūxū, rū nūma ya Tupana rū nayamexēē na napēxewa yamexūcēx. Rū ngēmaācū i nūma ya Tupana rū Yudiūgūxū nīmexēē i ngēxguma yaxōgūāgu. Rū ngēxgumarūta na nayamexēē i guxūma i togū i duūxūgū i ngēxguma Cristuaxū yaxōgūāgu. ³¹ Rū űuxma na Cristuaxū yaxōgūxū, rū bexmana nagu perūxīnūē na ngēmaācū íyanaxoxēēxū i ngēma mugū. Natūrū tama ngēmaācū nixī. Erū űuxma na Cristuaxū yaxōgūxū rū aixcūma tayanguxēē i ngēma Tupana tūxū muxū.

4

Abráū rū Tupanaāxū nayaxō rū yemacēx Tupana nūxū nixu na namexū

¹ ¿Rū űuxma rū űuxū űagūxū tá i nachiga ga nuxcūmaācū ga tórū oxī ga Abráū? ¿Rū űuxácū nixī ga nūxū naxūpetūxū ga Tupanapēxewa? ¿Rū tūxūcū yīxū ga Tupana nūxū íxuxū ga Abráū rū mecū na yīxū? ²⁻³ Rū dūcax, yexguma chí wāxi ga norū puracū ga mexūcēx Tupanapēxewa namexgu ga Abráū, rū yexguma chí wāxi nixī ga nūxū nayexmaxū ga űacūcēx nūgū na yacuēxūxū. Natūrū taxucēxma Tupanapēxewa nūgū nicuēxūū ga Abráū, erū Tupanaārū ore i űmatūxūwa rū űanagūrū:
 “Abráū rū Tupanaāxū nayaxō, rū yemacēx Tupana nanayaxu rū nūxū nixu na namexū”,
 űanagūrū i ngēma ore. ⁴ Rū ngēxguma texē wūxi i puracū űxgu rū tūxū naxūtanūgu rū woetama tūmaārū natanū nixī rū tama āmare nixī i ngēma. ⁵ Natūrū tama ngēmaācū nixī i ngēxguma Tupanaāxū yaxōxgu. Erū ngēxguma yaxōxgu, rū tama űacū rū puracū i mexūcēx nixī i Tupanapēxewa imexū, natūrū Tupanapēxewa time erū tayaxō. Rū

ngēmaācū Tupana tūxū nayaxu ya yixema yaxōxē woo taxuūma i tacū rū puracū i mexū taxūxgu na ngēmacēx Tupana tūxū rūngūxēxū. ⁶ Rū nuxcūmaūcū ga āxgacū ga Dabí rū ta tūmachiga nidexa ga guxema duūxē ga yaxōxē. Rū nūxū nixu ga na tataāxū ga guxema duūxē yerū Tupanapēxewa tame, woo tama tacū rū mexū taxūxgu na yemaācū Tupanapēxewa tamexūcēx. ⁷ Rū nūma ga Dabí rū ñanagūrū:

“Rū tataāgū ya yixema duūxēgū ya Tupana tūmaārū chixexūgūxū ngechaūxē rū tūmaārū pecadugūxū iyanagūmaxē. ⁸ Rū tataāe ya yixema duūxē ya Tupana tama tūxū nagu naxīnūxē i tūmaārū pecadu”,

ñanagūrū ga Dabí. ⁹ Rū dūcax, ꞥpexcēx rū ngēma taāē rū ngēma duūxūgū i Yudíngū íxīgūxūcēxícátama yīxū, rū éxna ngēma togū i duūxūgūcēx ta yīxū? Dūcēx, rū marū pemaā nūxū tixu rū Tupanapēxewa name ga Abráū yerū nayaxō. Rū yemacēx Tupana nanayaxu.

¹⁰ ꞥNatūrū ñuxgu nixī ga nayauxāxū? ꞥÉxna marū ínawiechēxmūpēxechiraūguwena, rū éxna naxūpa ga na ínawiechēxmūpēxechiraūxū? Rū pemaā nūxū chixu rū naxūpa nixī ga na Tupana nayaxuxū ga Abráū. ¹¹ Rū Tupana nayaxuxguwena nixī ga ínawiechēxmūpēxechiraūxū ga Abráū. Rū yema nixī ga norū cuēxruū ga nawa nūxū nacuáxū na aixcūma Tupana marū nayaxuxū rū nūxū nadauxū na namexū yerū nūxū nayaxō. Rū ngēmacēx i ñuxma ya Abráū rū tūmanatū yīxū ya guxāma ya yixema yaxōgūxe woo tama ítawiechēxmūpēxechiraūgūgu. Rū ngēmaācū ya Tupana rū tūxū nayaxu ya guxāma ya yixema yaxōgūxe, rū tūxū nadau na timexū erū tayaxōgū. ¹² Rū ngēxgumarūū ta ya Abráū rū tūmanatū nixī ya guxāma ya yixema íwiechēxmūpēxechiraūgūxe rū Abráūrūū yaxōgūxe. Natūrū tama ngēma na tūgū ítawiechēxmūpēxechiraūgūxūcēx nixī i tūmanatū yīxū. Natūrū tūmanatū nixī erū tayaxōgū yexgumarūū ga na yaxōōxū ga nūma ga tanatū ga Abráū naxūpa ga na ínawiechēxmūpēxechiraūxū.

Abráū rū Tupanaāxū nayaxō rū yemacēx Tupana nayanguxēē ga norū uneta ga Abráūmaā nūxū yaxuxū

¹³ Rū Tupana rū Abráūmaā ínaxuneta na nūma ya Abráū rū guxūma i naxrūū yaxōgūxū rū tá na nayauxgūāxū i ñoma i naāne na noxru yīxūcēx. Natūrū tama yema na mugū naxaurexūcēx nixī ga Tupana yemaācū Abráūmaā íxunetaxū. Natūrū yemaācū namaā ínaxuneta yerū Abráū nayaxō, rū yemacēx Tupanapēxewa name. ¹⁴ Natūrū ngēxguma chí ngēma duūxūgū i mugū aurgūxūcēxícátama yīxūgu i ngēma Tupanaārū uneta, rū natūcēxmanare chí nixī i ngēma na yaxōgūxū, rū chí ngēma Tupanaārū uneta rū taxuwama name. ¹⁵ Nūxū tacuēx rū ngēma mugū ga Moiché úmatūxū rū poxcuwa tūxū naga erū taxúema aixcūma meā tayanguxēē. Natūrū yexguma chí natauxguma ga yema mugū rū tataxu chima na texē chixri yanguxēēxū. ¹⁶ Rū yexguma Tupana Abráūmaā íxunetagu na nūxū tá nangūxēēxū, rū Abráūrūū ōgagu nixī ga namaā ínaxunetaxū. Rū ngēmacēx i guxāma i yixema na Abráūrūū yaxōgūxū rū taxcēx ta nixī ga yema Tupanaārū uneta ga Abráūmaā nūxū yaxuxū. Rū ngēmawa nūxū tacuēx rū tama yixema mugū aurgūxūcēxícátama nixī i ngēma Tupanaārū uneta, natūrū guxāma ya yixema Abráūrūū Tupanaāxū yaxōgūxūcēx ta nixī. Rū ñuxma rū guxāma i yixema na Abráūrūū meā yaxōgūxū rū Abráūxācūgū tixīgū rū nūma rū tanatū nixī i Tupanapēxewa yerū nūxūra nayaxō. ¹⁷ Rū Tupanaārū ore i úmatūxūwa rū Abráūchigaxū nixu rū ñanagūrū:

“Rū muxūma i duūxūgūnatū tá cuxū chixīxēē”,

ñanagūrū. Rū Abráū rū Tupanaāxū nayaxō, rū yemacēx Tupana nayanguxēē ga norū uneta ga namaā nūxū yaxuxū. Rū yima Tupana nixī ya wena namaxēxēēcū i yuexū. Rū yimatama nixī ya naxūcū i ngēma woo ñuxma taxuxū. ¹⁸ Rū nūma ga Abráū rū aixcūma nayaxō ga yexguma Tupana nūxū ñaxgu:

“Rū tá namuxūchi i cutaagū”,

ñaxgu. Rū woo ga Abráū ga marū yaguāxūchichirēx na yīxū rū na nangexacūxū, natūrū nayaxōōma ga yema Tupanaārū uneta rū meā ínananguxēē na wūxi ga nane tá nūxū yexmaxū. Rū yemaācū ningu na muxūma i duūxūgūnatū yīxū, yema Tupana namaā nūxū íxurūū. ¹⁹ Rū Abráū rū wixguxuchi 100 ga taunecū nūxū nayexma ga yexguma. Natūrū tama inayarūmaāchi ga na yaxōōxū woo nūxū na nacuáxū ga paxa tá na nayuxū ga nūma rū namēx ga Chara rū marū poraācū nangupetūarū taunecūāxgūxū ga na naxāxācūgūxūcēx. ²⁰ Rū yemaācū ga Abráū rū nayaxōōma na nūxū tá nayexmaxū ga wūxi ga nane yema Tupana namaā íxunetaxūū. Rū tama nagu narūxīnū na Tupana ngūrūachi nawomūxēēxū. Natūrū yexeraācū Tupanaāxū nayaxōōma, rū nūxū nicuēxūū.

²¹ Rū aixcūmaxūchi nayaxō na naporaxū ya Tupana na yanguxēēāxūcēx i guxūma i ngēma norū uneta. ²² Rū yemacēx ga Tupana rū nūxū nixu na napēxewa namexū ga Abráū. Yerū Tupana nūxū nadau ga ñuxācū aixcūma nūxū na yaxōōxū. ²³ Rū tama Abráūchigaxícátama nixī ga naxūmatūxū ga Tupanaārū ore ga ñaxū:

“Rū Tupana rū nūxū nixu na napēxewa namexū ga Abrāū, yerū nūxū nadau ga űuxācū aixcūma nūxū na yaxōōxū”, űaxū. ²⁴ Natūrū guxāma i yixema na yaxōgūxūchiga ta nixī i ngēma ore. Erū Tupana rū tōrū ōgagu tūxū nade na napēxewa imexū i yixema i nūxū na yaxōgūxū ya yima yuwa tōrū Cori ya Ngechuchuxū írūdaxēēc. ²⁵ Rū Ngechuchuxū nixī ga namuxū ga Tupana na tōrū pecaducēx nayuxūcēx. Rū űuxūchi nūma ga Tupana rū wenaxārū Ngechuchuxū inarūdaxēē na nagagu imexūcēx i Tupanapēxewa.

5

űuxma rū Tupanapēxewa tame erū Cristuaxū tayaxōgū

¹ Rū űuxma rū Tupanapēxewa time erū tayaxōgū. Rū ngēmacēx marū tama Tupana-maā taxuwanūāxgū i űuxmax, erū tōrū Cori ya Ngechuchu ya Cristu rū marū tamaā nanangūmxūxēē ya Tupana. ² Rū Cristugagu nixī na tamaā namecūmaxū ya Tupana i űuxmax erū tayaxōgū. Rū nūxū tacuēx rū guxūgutāma tamaā namecūma. Rū tataāēgū erū nūxū tacuēx na tūxū tá nangēxmaxū i tachica i mexū i Tupanaxūtawa. ³ Rū ngēxgumarūū ta tataāēgū i woo ngūxū ingegūgu. Erū nūxū tacuēx rū ngēma ngūxū rū tūxū narūngūxēē na yexeraācū iporaexū rū yaxna namaā ixīnūēxūcēx. ⁴ Rū ngēxguma yaxna namaā ixīnūēgu rū Tupana rū tamaā nataāē. Rū ngēma na tamaā nataāēxū rū ngēmacēx meā itananguxēē na tūxū tá nangēxmaxū i tachica i mexū i Tupanaxūtawa. ⁵ Rū űuxma na inanguxēēxū na tūxū tá nangēxmaxū i tachica i Tupanaxūtawa, rū ngēmacēx taxucēxma tangechaūgū. Erū Tupana rū poraācū tūxū nangechaū. Rū ngēma Naāē i Ūūnexū i tūxna namuxū nixī i tūxū nūxū cuēxēēxū i ngēma. ⁶ Rū yexguma taxucūrūwama yigūtama imaxēēēgu, rū nawa nangu na Tupana yanguxēēxū ga yema norū uneta. Rū yexguma nixī ga űoma ga naānewa namuāxū ga Cristu na pecaduāxgūxūcēx nayuxūcēx. ⁷ Rū tama natauxcha na wūxie rū to i duūxūcēx tayuxū, woo wūxi i duūxū i mexūcēx yixīgu. Rū woo tangēxmagu ya texē ya naxcēx yuchaūchirēxe i wūxi i duūxū i aixcūma mexēchixū, natūrū tama tūxū natauxcha i ngēma. ⁸ Natūrū Tupana tūxū nūxū nadauxēē na űuxācū tūxū nangechaūxū yerū yexguma ipecaduāxgūgu nixī ga taxcēx nayuxū ga Cristu. ⁹ Rū űuxma rū Tupanapewa time yerū taxcēx nayu ga Cristu. Rū ngēmacēx meāma nūxū tacuēx rū nūma rū aixcūma tá tūxū inanguxūxēē na tama tūxū napoxcuexūcēx ya Tupana. ¹⁰ Rū yexguma norū uwanūgū ixīgūgu, rū nūmatama ga Tupana rū nūgūmaā tūxū narūngūmxūxēē ga yexguma nayuxgu ga Nane. Rū űuxma na marū namaā irūngūmxūxū, rū yexeraācū nūxū tacuēx na tūxū nangēxmaxū i maxū i taguma gūxū nagagu na namaxūxū i nūmax. ¹¹ Rū tama ngēxīcatama nixī. Natūrū i űuxma rū tōrū Cori ya Ngechuchu ya Cristugagu rū Tupanamaā tataāēgū, yerū Cristugagu nixī ga Tupana ga tamaā nangūmxūxū.

Adāūchiga rū Cristuchiga

¹² Rū nūxiraxūcū ga yatū ga Adāūgagu nixī ga guxūma ga duūxūgūwa nanguxū ga pecadu. Rū pecadugagu inangu i yu. Rū yemaācū guxūma ga duūxūgūwa naxūe na nayuxū, yerū guxūma nipecaduāx. ¹³ Rū naxūpa na Tupana Moīchéna naxāxū ga yema mugū ga naxūmatūxū, rū duūxūgū rū chixexū naxūgūecha, rū yemacēx nayue. Natūrū yema mugū rū tauta nayexma ga yexguma, rū yemacēx taxucūrūwa texē nūxū tixu ga yema duūxūgū ga na chixri naga naxīnūēxū ga yema mugū. ¹⁴ Rū yema duūxūgū ga Adāūwena buexū rū tama Adāūrūū nanangōx ga yema orīx ga Tupana nūxna chūxuxū. Natūrū chixexū naxūgū, rū yemacēx nayue. Rū yemaācū nixī űuxmata Tupana Moīchéna naxā ga yema mugū ga naxūmatūxū. Rū Adāūwa inaxūgū na nayuxū ga duūxūgū, natūrū Cristuwa inaxūgū na nayaxuxū i maxū i taguma gūxū. ¹⁵ Natūrū yema chixexū ga Adāū ūxū rū taxuacū nagu tanangu i ngēma āmare ga Tupana tūxna āxū, erū tama namaā nawūxigu. Rū aixcūma nixī ga wūxi ga yatūrū chixexūgagu na nayuxū i guxūma i duūxūgū. Natūrū tama yemaācū tamaā nanaxū ga Tupana. Yerū nūxū rū tūxū nangetanūācūma nūma nanamu ga Nane ya Ngechuchu ya Cristu na tōrū pecaducēx nayuxūcēx. Rū yemaācū guma Cristugagu Tupana nanamaxēēē i muxūma i duūxūgū. ¹⁶ Rū yema pecadu ga Adāū ūxū rū taxuacūma nagu tanangu ga yema āmare ga Tupana tūxna āxū. Yerū wūxitama ga Adāūrūū pecadugagu, rū Tupana nūxū nixu rū tá nayu naxcēx ga yema. Natūrū Ngechuchu ya Cristugagu rū Tupana nūxū nixu na napēxewa imexū rū nūxna ínguxūxū i guxūma i tōrū pecadugū. ¹⁷ Rū guxūma i duūxūgū nayue yerū wūxitama ga yatū ga Adāū rū pecadu naxū. Natūrū tama yemaācū tamaā nanaxū ga Tupana, yerū ga nūma rū poraācū tamaā namecūma rū tūxū nangetanūācūma tūxū narūngūxēē. Rū ngēmacēx i űuxma rū guxūma i ngēma duūxūgū i Tupana nūxū ixuxū na napēxewa yamexū, rū nūmatama ya Tupana rū Nane ya Ngechuchu ya Cristugagu nanamaxēēē na namaā wūxigu āēxgacūgū yixīgūxūcēx. ¹⁸ Rū yema Adāūrūū chixexū rū poxcuwa nanagagū ga guxūma ga duūxūgū. Natūrū yema mexū ga Ngechuchu ya Cristu ūxū rū pecaduwa inanguxūxēē

i guxūma i duūxūgū i yaxōgūxū, rū nūxna nanaxā i maxū i taguma gūxū. ¹⁹ Rū guma nūxraūcū ga yatū ga Adāū rū tama Tupanaga naxīnū. Rū yemaācū wūxītama ga yatūgagu rū muxūma ga duūxūgū rū nipecaduāx. Natūrū Inangu ga guma yatū ga Ngechuchu, rū meā Tupanaga naxīnū. Rū gumagagu rū muxūma i duūxūgū rū tā nime i Tupanapēxewa. ²⁰ Rū Tupana rū Moīchéna nanaxā ga norū mugū na duūxūgūxū nūxū nacuēxēēxūcēx na űuxācū poraācū pecadu naxūgūxū. Natūrū yexguma yexeraācū pecadu naxūgūga ga duūxūgū, rū yexeraācū Tupanaāxū nangechaūttūmūlūgū. ²¹ Rū űuxma woo pecadugagu na iyuexū, natūrū Tupanaāxū tangechaūttūmūlūgū i guxūguma. Rū ngēmaācū pecaduwa tūxū Inanguxūxēē na napēxewa imexūcēx rū tōrū Cori ya Ngechuchu ya Cristugagu tūxū nangēxmaxūcēx i maxū i taguma gūxū.

6

űuxma rū tama pecadu ixūgūxūcēx nixī i imaxēxū, natūrū Cristucēx nixī i imaxēxū

¹ Rū űuxma na Tupanaāxū ingechaūttūmūlūgūxū, űrū űuxācū tā imaxēxū i űuxmax? űRū pexcēx rū namexū na pecadu ixūgūechaxū na yexeraācū Tupanaāxū ingechaūttūmūlūgūxūcēx? ² Rū dūcax, tama ngēmaācū nixī. Erū űuxma pecaduchaxwa rū űoma iyuexūrūū tixīgū, erū marū tama naga taxīnūē. Rū ngēmacēx tama name i yeūcūrū pecadu taxūgūecha. ³ űTama ēxna nūxū pecuēx na tačūcēx yīxū na űibaiūxū? Rū itabaiū na ngēmaācū duūxūgūxū nawéxūcēx na aixcūma Ngechuchu ya Cristuarū duūxūgū na ixīgūxū. Rū yexguma űibaiūgu, rū nūma nayuxūrūū yexma nayu ga tacūma ga nuxcūmaūxū. ⁴ Rū yexguma űibaiūgu, rū Cristu yuxūrūū yexma nayu ga tacūma ga nuxcūmaūxū, rū Cristu itāxūrūū inatēx ga yema tacūma ga nuxcūmaūxū. Rū yemaācū naxūpetū na wena imaxēxūcēx rū tūxū nangēxmaxūcēx i maxū i ngexwacaxūxū, yexgumarūū ga Ngechuchu na yuwa irūdaxū rū wena namaxūxū ga yexguma Nanatū ga Tupana norū poramaā Inadaxēēgu. ⁵ Rū űuxma na Cristumaā wūxigu nayuxū ga tacūma ga nuxcūmaūxū, rū nūxū tacuēx na aixcūma Cristumaā tūxū nangēxmaxū i maxū i ngexwacaxūxū. ⁶ Rū nūxū tacuēx rū yema tōrū maxū ga nuxcūmaūxū rū Cristumaā wūxigu curuchagu nayu na yexma yanaxoxūcēx ga yema tacūma ga chixexū. Rū űuxma rū tama pecadutūūwa tangēxmagū, rū ngēmacēx marū tama naga taxīnūē. ⁷ Erū yīxema yūxe rū marū tama pecadutūūwa tangēxma na yeūcūrū pecadu taxūechaxūcēx. ⁸ Rū űuxma na Cristumaā nayuxū ga tōrū maxū ga nuxcūmaūxū, rū nūxū tacuēx na Cristurūū tūxū nangēxmaxū i maxū i ngexwacaxūxū. ⁹ Rū nūxū tacuēx rū űuxma na yuwa Inadaxū ya Cristu, rū tagutāma wena nayu. Yerū nūma rū marū yuxū narūyexera. ¹⁰ Rū yexguma nayuxgu ga Cristu rū pecaducēx nixī ga nayuxū, rū noxtacūma yexma wūxicana ningutanū ga guxūma ga duūxūgūarū pecadugū. Natūrū űuxma na namaxūxū, rū Tupanacēx nixī i namaxūxū na Tupanaārū ngūchaū naxūxūcēx. ¹¹ Rū ngēxgumarūū ta i pema rū name nixī i pegūgu perūxīnūē na marū peyuexū pecaduchaxwa rū Tupanacēx pemaxēxū, erū Ngechuchu ya Cristuarū duūxūgū pixīgū. ¹² Rū ngēmacēx rū tama name i pecadutūūwa pegū pengēxmagūxēē na pemaā inacuāxūcēx. Rū tama name i penaxūchica i pecadu na pexeneārū ngūchaūgū i chixexū pexū naxūxēēxūcēx. ¹³ Rū tama name i pecaduna penaxāgū, erū űoma duūxūgū i yuexū rū wena maxēxūrūū pixīgū. Rū ngēmacēx name nixī i Tupanana penaxāgū i pexene na ngēmamaā mexū pexūgūxūcēx. ¹⁴ Rū űuxma rū tāūtāma pecadutūūwa pengēxmagū na pemaā inacuāxūcēx. Rū yexguma yema mugū ga Moīché űmatūxūwe perūxīxgu, rū pemaā inacuēx ga pecadu. Natūrū i űuxma rū Cristugagu Tupana pemaā namecūma, rū nūma nixī i pemaā inacuāxū i űuxmax.

Ngēxguma wūxi i corimēxewa yīgū ingēxmagūxēēgu, rū ngēmaḡa nixī i ixīnūēxū

¹⁵ Rū űuxma na tama yema Moīché űmatūxū ga mugūtūūwa ingēxmagūxū, rū űuxma na Tupana rū Cristugagu tamaā mecūmaxū, űrū űuxācū tā imaxēxū? űRū pexcēx namexū na yeūcūrū pecadu ixūgūechaxū? Rū dūcax, tama name na ngēmaācū imaxēxū. ¹⁶ Rū pema nūxū pecuēx rū ngēxguma wūxi i corimēxewa pegū pengēxmagūxēēgu na naga pexīnūēxūcēx rū ngēma tā nixī i perū cori ixīxū, rū pema rū norū duūxūgū tā pixīgū i ngēma cori i naga pexīnūēxū. Rū űuxma rū pema tā nūxū pedaugū ngoxi ngēxūrūūxū perū me yixī na ngēmaga pexīnūēxūcēx. Rū ngēxguma pecadu i yuwa tūxū gagūxū perū me yixīgu, rū ngēma tā nixī i pemaā icuāxū. Rū ngēxguma perū me yixīgu na Tupanaga na pexīnūēxū, rū yimaga tā pexīnūē na napēxewa pimexūcēx. ¹⁷ Natūrū Tupanana moxē chaxā, yerū woo pecaduga na pexīnūēchirēxū, natūrū i űuxma rū aixcūma naga pexīnūē i ngēma nguxēētae i marū peyaxuxū i Cristuchiga. ¹⁸ Rū űuxma rū Tupanaārū duūxūgū pixīgū erū nūma rū chixexūna pexū Inanguxūxēē na tama pecadu pexūgūechaxūcēx. Rū ngēmaācū pexū narūngūxēē na napēxewa pimexūcēx rū meā naxcēx pemaxēxūcēx. ¹⁹ Rū űoma i naānecūāx i duūxūgūmaā chidexarūū nixī i tauxchaxū i oremaā pemaā chidexaxū i űuxmax, erū pema rū wotama

taguma nūxū pexīnūē i fīaā ore, rū ngūrūāchi tāūtāma nūxū pecuēx i tacūchiga na yīixū i ngēma pemaā nūxū chixuxū. Rū dūcax, rū nuxcūma rū ipenaxā ga pexene na namaā penaxūgūxūcēx ga nagūxūdraūxū ga chixexū. Natūrū i fīuxma rū name nixī i Tupanana pegū pexā na aixcūma napēxewa pexūūnegūxūcēx rū naxcēxicatama pemaēxūcēx. ²⁰ Rū yexguma pecadutūwa peyexmagū, rū taxucūrūwama Tupanapēxewa mexū pexūgū ga yexguma. ²¹ ¿Natūrū tacūwa pexū namexū ga yema chixexū i fīuxma rū wūxi i āne pexna āxū? Yerū yema chixexū rū yuwamare pexū nagagū, rū tama i maxūwa. ²² Natūrū marū tama pecadutūwa pengēxmagū i fīuxmax, erū marū nūxna ipenguū rū marū Tupanaārū duūxūgū pixīgū. Rū ngēma waxi nixī i poraācū pexū mexū erū ngēmagagu penayaxu i maxū i Tupanapēxewa ūūnexū rū ngēmawena tā penayaxu i maxū i taguma gūxū. ²³ Rū ngēma natanū na pecadu ixūxū, rū yu nixī. Natūrū yīxema tōrū Cori ya Ngechuchuxū yaxōgūxe, rū Tupana tūxna nanaxāmare i maxū i taguma gūxū.

7

Wūxi i ngecū rū ngēxguma nayutegu rū marū tama ngītemēxēwa ingēxma. Rū fīuxma na tacēx nayuxū ya Cristu, rū marū tama yema Moiché ūmatūxū ga mugūtūūwa tangēxmagū

¹ Pa Chaueneēgūx, rū pema na nagu pexīxū i ngēma mugū, rū nūxū pecuēx rū ngēxguma tamaūxgucicatama nixī na ngēma mugūtūūwa tangēxmaxū ya wūxichigū ya duūxē. ² Rū dūcax, rū wūxi i ngecū i ātecū rū ngītemēxēwa ingēxma ega namaxyane ya ngīte, erū ngēma fīanagūrū i ore i mugū. Natūrū ngēxguma nayuxgu ya ngīte, rū marū tama ngītemēxēwa ingēxma. Rū yema mugū ga ngītemēxēwa ngīxū yexmaxēēxū ga noxri rū marū tama ngīmaā inacuēx. ³ Rū ngēmaācū i ngēxguma namaxyane ya ngīte rū to i yatūmaā inapexgu, rū pecadu ixū. Natūrū ngēxguma marū nayuxgu ya ngīte, rū marū nūxna fīnguxuchi i ngēma mugū ga ngītemēxēwa ngīxū yexmaxēēxū ga noxrix. Rū ngēxguma wenaxārū naxātegu rū taxuūma i chixexū ixū. ⁴ Rū ngēxgumarūū ta i pemax, Pa Chaueneēgūx, rū marū tama yema Moiché ūmatūxū ga mugūtūūwa pengēxmagū yerū nūma ga Cristu rū pexcēx nayu. Rū ngēmacēx i fīuxma rū Cristu ga yuwa irūdacuārū pixīgū. Rū ngēmaācū nanaxū ya Tupana na naxcēx imaxēxūcēx, rū norū ngūchaū ixūgūxūcēx. ⁵ Rū yexguma nuxcūmaūxū ga tacūmawe rūxīxgu rū poraācū tanaxū ga taxūneārū ngūchaūgū woo yema mugū tūxna na nachuxuxū ga yema. Natūrū yexguma nūxū icuēxgu na nachuxuxū ga yema pecadu ga ixūxū, rū yexeraācū tanaxūxchaū. Rū yemaācū ga yema tōrū pecadugū rū yuwa tūxū nagagū. ⁶ Natūrū i fīuxma rū marū tama ngēma mugūtūūwa tangēxmagū, erū Tupana rū marū nūxna tūxū fīnanguxūxēē. Rū ngēmacēx i fīuxma rū fīoma duūxūgū i iyexūrūū tixīgū i napēxewa i ngēma mugū, erū marū tama tamaā inacuēx. Rū ngēmacēx tama nagu taxī i ngēma nuxcūma ūmatūxū ga mugū, erū marū nūxna itanguxū na Tupanaārū ngūchaū ixūgūxūcēx rū naxcēx na imaxēxūcēx namaā i tōrū maxū i ngexwacaxūxū i Naāē i Ūūnexū tūxna āxū.

Ngēma pecadu i chowa ngēxmaxū rū chomaā inacuēx

⁷ ¿Rū fīuxū fīagūxū tā i fīuxmax? ¿Rū pexcēx rū yema mugū yīixū ga tūxū pecaduāxēēxū? ¿Rū dūcax, tama name i ngēmaācū nagu tarūxīnūē! Natūrū yexguma chi yema mugū rū tama choxū nūxū nacuēxēēgu, rū tāū chima nūxū chacuēx na pecadutūūwa chayexmaxū. Rū dūcax, rū yexguma chi yema mugū rū tāū chima choxū nūxū cuēxēēgu na wūxi i pecadu yīixū na toguāxārū ngēmaxūcēx chixauxāchixū, rū tāū chima nūxū chacuēx na pecadu yīixū i ngēma. ⁸ Natūrū yexguma yema mugū choxū nguxēēgu na nachixexū na toguāxārū ngēmaxū choxū ngūchaūxū, rū yexguma ga pecadu rū nayoxniē na yexeraācū choxū na nangūchaūxēēāxū. Rū ngēmaācū nūxū tadau rū ngēxguma chi natauxgu i ngēma mugū, rū tāū chima nūxū tacuēxgu na fīuxācū wūxi i chixexūchixū na yīixū i ngēma pecadu. ⁹⁻¹⁰ Rū noxri tauta yema mugūxū chacuēxgu, rū choma nagu charūxīnūgu rū chame. Natūrū yexguma yema mugūxū chacuēxgu, rū nūxū chicuēxāchi na chixexū chaxūxū rū ngēma chixexūcēx rū tā na chayuxū. Rū yemaācū ga yema mugū ga Tupana Moichéna āxū na duūxūgūxū namaxēxēxūcēx, rū choxū nayuxēēāma. ¹¹ Rū nūma ga pecadu rū nayoxniē namaā ga yema mugū. Yerū yexguma yema mugū choxū nguxēēgu na fīuxācū nachixexū ga yema pecadu, rū yexeraācū choxū nangūchaū ga yema pecadu. Rū yemaācū ga yema pecadu rū choxū nawomūxēē rū nayoxniē namaā ga yema mugū rū yuwa choxū naga. ¹² Natūrū yema mugū rū aixcūma naxūūne i Tupanapēxewa. Rū guxūma i ngēma Tupana tamaā nūxū ixuxū rū naxūūne rū aixcūma name rū tūxū narūngūxēē.

¹³ ¿Natūrū fīuxācū nixī i ngēma i fīuxmax? ¿Ēxna pexcēx rū yema mugū yīixū ga yuwa choxū gaxū? Rū dūcax, rū tama ngēmaācū nixī. Erū ngēma pecadu nixī i Tupanaārū mugūmaā yoxniēxū na yuwa choxū nagaxūcēx. Rū ngēmaācū nūxū tacuēx na fīuxācū poraācū nachixexū i pecadu. Rū yexguma yema mugū choxū nguxēēgu na fīuxācū poraācū nachixexū ga yema pecadu, rū yexeraācū choxū nangūchaū ga yema chixexū rū yexeraācū

chanaxūama ga pecadu. ¹⁴ Nūxū tacuèx i ngēma mugū rü Tupanaāē i Ūünexūwa ne naxū. Natürü choma rü duūxūmare chixī, rü ngēmacèx nixī i chomaā inacuáxū i ngēma pecadu i chaxūxū. ¹⁵ Rū tama nūxū chacuèx na tacū choxū ūpetūxū erū tama chanaxū i ngēma mexū i chanaxwèxexū na chaxūxū, natürü ngēma chixexū i tama chanaxwèxexū na chaxūxū rü ngēmaāma nixī i chaxūxū. ¹⁶ Natürü i ñuxma na chanaxūxū i ngēma tama chanaxwèxechiréxū na chaxūxū, rü ngēmawa nūxū chicuèxachi na namexū i ngēma mugū. ¹⁷ Rū ngēmacèx i ñuxma rü tama chauuechama nixī i chanaxūxū i ngēma chixexū. Natürü ngēma pecadu i chowa ngēmaxū nixī i chomaā icuáxū, rü ngēma nixī i chixexū choxū ūxèèxū. ¹⁸ Rū choma nūxū chacuèx rü wūxi i pecaduáxū i duūxūmare chixī, rü ngēmacèx chowa rü nataxuma i tacū i mexū. Erū woo chanaxwèxe na mexū chaxūxū, natürü tama chomaā nanguxū na chanaxūxū. ¹⁹ Erū ngēma mexū i chanaxwèxexū na chaxūxū, rü tama chanaxū. Natürü chanaxūama i ngēma chixexū i tama chanaxwèxexū na chanaxūxū. ²⁰ Rū ngēxguma chi chanaxūamagu i ngēma chixexū i tama chanaxwèxexū na chaxūxū, rü meāma nangox na tama chauuechama chanaxūxū. Natürü ngēma pecadu i chowa ngēmaxū nixī i chomaā icuáxū rü chixexū choxū ūxèèxū. ²¹ Rū ngēmaācū nūxū chadau i ñuxácū na chíxū. Rū ngēxguma mexū chaxūxchaŋgū rü choxū natauxcha na chixexūāma chaxūxū. ²² Choma rü chauāēwa rü chorū me nixī i Tupanaārū mugū, rü naga chaxīnūchaū. ²³ Natürü ñaā chaxune i ñoma i naānecūāx ixīxūwa, rü nangēxma i tacū i tama naxūxchaūxū i ngēma chauāē naxwèxexū. Rū ngēma pecadu i chowa ngēmaxū nixī i chomaā icuáxū rü chixexū choxū ūxèèxū. ²⁴⁻²⁵ Rū ngēmaācū i choma rü chauāēwa chayanguxèèchaū i Tupanaārū mugū, natürü ñoma i naānecūāx i chaxune rü nanaxūxchaū i ngēma nanaxwèxexū i pecadu. Rū taxucēxma chataāē i chomax. ¿Rü texé tá nūxna choxū itanguxuchixèē i ñaā pecadu i chowa ngēmaxū rü yuwa choxū gaxchaūxū? Rū Tupanana moxē chaxā erū tórū Cori ya Ngechuchu ya Cristu rü tá choxū nūxna inanguxuchixèē.

8

Tupanaāē i Ūünexū naxwèxexūācūma tamaxē

¹ Rū ñuxma ya Tupana rü marū taxucēxma nanapoxcue i ngēma duūxūgū i Ngechuchu ya Cristuarū duūxūgū ixīgūxū. ² Erū Tupanaāē i Ūünexū i Ngechuchu ya Cristugagu tūxū maxèxèèxū, rü nūxna tūxū inanguxūxèē i pecadu na tama yuwa tūxū nagagūxūcèx. ³ Rū yema taxūneārū ngūchaŋgū rü marū nūxū narūyexera ga yema mugū ga Moiché ūmatūxū. Rū yemacèx ga yema mugū rü taxucūrūwa mexū tūxū naxūxèē. Natürü nūma ga Tupana rü marū nanaxū ga yema taxucūrūwa naxūxū ga yema mugū. Yerū ga Tupana rü ñoma ga naānewa nanamu ga Nanexūchi. Rū woo taxūne i pecaduáxūrūxū nixī ga naxūne, natürü nūma ga Nane rü taguma napecaduāx. Rū nūma ga Nane rü tórū pecaducèx nayu, rü yemaācū inayanaxoxèē ga norū pora ga yema pecadu ga taxūnewa yexmaxū. ⁴ Rū yemaācū nanaxū ga Tupana na tūxū na natauxchaxūcèx na yanguxèèxū i ngēma tūxū namuxū i ngēma mugū. Erū ñuxma rü tama ñoma i taxūne naxwèxexūācūma tamaxē, natürü Tupanaāē i Ūünexū naxwèxexūācūma nixī i imaxèxū. ⁵ Rū yixema tūmaxūne naxwèxexūācūma maxèxē, rü naxcèx tadaugū i ngēma ñoma i naānecūāx naxwèxexū. Natürü yixema Tupanaāē i Ūünexū naxwèxexūācūma maxèxē, rü ngēma Tupanaāē i Ūünexū naxwèxexū nixī i naxcèx tadaugūxū. ⁶ Rū yixema Tupanaāē i Ūünexū naxwèxexūcèx daugūxe rü tataāēgū, rü tá tūxū nangēxma i tūmaārū maxū i taguma gūxū. Natürü yixema tūmaxūne naxwèxexūcèx daugūxe rü ngēma rü tá yuwa tūxū nagagū. ⁷ Rū yixema tūmaxūne naxwèxexūcèx daugūxe rü Tupanaāē tarūxuwānūgū. Rū tama Tupanaga taxīnūēchaū erū taxucūrūwama naga taxīnūē. ⁸ Rū ngēmacèx ya yixema tūmaxūneārū ngūchaūwe rüxixē, rü taxucūrūwa Tupanaārū ngūchaū taxūgū. ⁹ Natürü ngēxguma aixcūma pewa nangēxmagu i Tupanaāē i Ūünexū rü tama pexeneārū ngūchaū pexū, natürü Naāē i Ūünexūārū ngūchaū nixī i pexūxū. Rū yixema tama tūxū nangēxmaxē i Tupanaāē i Ūünexū i Cristu tūxna āxū, rü tama Cristuarū duūxū tixī. ¹⁰ Natürü ngēxguma pewa namaxūxgu ya Cristu, rü peāxē rü namaxū erū Cristugagu Tupana pexū nūxū inayarūngūma i perū pecadugu. Rū woo i pexene rü pecadugagu tá nayuama, natürü peāxē rü Cristugagu tá namaxū, erū Tupana pexū nadau na pimexū. ¹¹ Rū ngēxguma pewa namaūxgu i Naāē ya yima Tupana ga Ngechuchu ya Cristuxū írūdaxèècū, rü nūmatátama ya yima Cristuxū írūdaxèècū tá wena nanamaxèē i pexene i yuxwèxexū, rü Naāē i Ūünexū i pewa maxūxū tá nixī i naxūxū i ngēma. ¹² Rū ngēmacèx, Pa Chaueneēgūx, rü tanaxwèxe i Tupanaārū ngūchaū taxū, rü tama tanaxwèxe i taxūne i pecaduáxūārū ngūchaū taxū. ¹³ Erū ngēxguma chi pexeneārū ngūchaū pexūxgu rü tá ipeyarūtauxe. Natürü ngēxguma Tupanaāē i Ūünexūārū ngūxèēmaā ipeyanaxoxèēgu i ngēma pexene ūxchaūxū, rü aixcūma tá pexū nangēxma i maxū i taguma gūxū. ¹⁴ Erū guxāma ya yixema Tupanaāē i Ūünexū tūmamaā icuáxe, rü aixcūma Tupanaxācūgū tixīgū. ¹⁵ Yerū

tama penayaugū ga wūxi ga naāxē ga pecaduwa pexū gagūxū rū ngemagagu wenaxarū Tupanaarū poxcucēx pemuūē. Natūrū yema Naāxē ga peyauugūxū rū Tupanaāxē i Ūūnexū i naxacūgū pexū ixīgūxēēxū nixī. Rū ngēmatama Naāē i Ūūnexū nixī i tūxū rūngūxēēxū na tama imuūēxūcēx na Tupanana ingaicamagūxū rū:

“Pa Chaunatūx”, ñagūxū nūxū. ¹⁶ Rū ngēmatama Naāē i Ūūnexū nixī i aixcūma tūxū nūxū cuēxēēxū na Tupanaxācūgū na ixīgūxū. ¹⁷ Rū ñuxma na Tupanaxācūgū ixīgūxū i yixema, rū nūxū tacuēx rū daxūgūxū i naānewa tá tanayaxu i ngēma mexūgū i Tupana tūxna āxchaūxū. Rū ngēmaācū Cristumāā tá tūxū nangēxma i tachica i mexū i Tupanaxūtawa, erū Cristurūū ngūxū tingegū na yixcūra wūxigu namaā mexūwa ingēxmagūxūcēx.

Ngēma mexū i yixcūra tá nūxū idauxūchiga

¹⁸ Rū dūcax, choma nagu charūxīnū rū ngēma ngūxū i ñuxma ñoma i naānewa ingegūxū, rū taxuūma nixī i ngēxguma nagu nanguxgu i ngēma mexū i yixcūra tá nūxū idauxū i ngēxguma Cristumāā ingēxmagūgū i daxūgūxū i naānewa. ¹⁹ Rū ñuxma rū guxūma i tacū i Tupana ūxū rū taxū i norū ngūchaūmaā inananguxēēgū i ngēma ngunexū i nagu tá nataeguxū ya Cristu na Tupana guxūpēxewa naxācūgūxū iwéxū. ²⁰ Rū nūxū tacuēxgū rū yexguma pecadu naxūxgu ga guma nūxīraūcū ga yatū rū yexguma nixī ga nachixexū ga guxūma ga yema Tupana ūxū. Rū tama yema Tupana ūxūārū ngūchaū nixī ga yema, natūrū yemaācū nūxū naxūpetū yerū ga Tupana rū yemaācū inaxuneta ga yexguma pecadu naxūxgu ga guma yatū. Natūrū i ñuxma rū guxūma ga yema Tupana ūxū rū inananguxēē na ngēma chixexūwa inanguxūxūcēx. ²¹ Erū ngēma ngunexū i Tupana tá nagu nadexū i naxācūgū na naxūtawa nangēxmagūxūcēx, rū ngēxguma tá ta nixī i chixexūwa inanguxūxēēxū i guxūma ga yema nūmatama naxūxū. Rū ngēmaācū wenaxārū noxrirūū tá name i guxūma. ²² Rū nūxū tacuēx rū ñaa naane rū guxūma i nawa ngexmaxū rū ñoma wūxi i nge i ixraxacūchaxūcūrūxū poraācū ngūxū ninge ñuxmatáta nawa nangu i ngema ngunexū i nagu Tupana wena nangexwacaxūxēēxū i guxūma. ²³ Rū tama ñaa naanexicatama nixī i ngūxū ingexū i ñuxma, natūrū yixema i tūxū ngexmaxū i Tupanaāxē i Ūūnexū rū ta ngūxū tingegū ñuxmatáta nawa nangu na Tanatū tūxū dexū rū ngexwacaxūxū i taxūnegū tūxna āxū. Rū woo tūxū nangexma i Naāxē i Ūūnexū ya Tupana tūxna muxū na norū ūgū yixīxūcēx i ngema mexūgū i Tupana tá tūxna naxāxū i dauxūgūxū i naanewa, natūrū tanaxwēxe na ngemaxūchi ingugūxū. ²⁴ Cristu tūxna nanaxā i maxū i taguma gūxū, natūrū itananguxēēgūmare na naxū-tawa ingugūxū na nayaugūxūcēx i ngēma maxū. Natūrū nūxū tacuēx rū ngēxguma chi marū nūxū idaugūgū i ngēma írunguxēēgūxū, rū taxucēxma tūxūcūū itananguxēēgū. Erū ngēma marū nūxū idauxū, rū taxucēxma itananguxēē. ²⁵ Natūrū ngēxguma tauta nūxū idaugūgū i ngēma írunguxēēgūxū, rū tanaxwēxe i meā itananguxēēgūtecha ñuxmatáta nūxū idaugū. Rū ngēmaācū nixī i Cristuxū írunguxēēgūxū. ²⁶ Rū Tupanaāē rū tūxū narūngūxēē ta na iporaexūcēx i ngēxguma ituraegu i tórū ōwa. Rū yixema rū tama nūxū tacuēx na ñuxācū Tupanamaā idexagūxū rū tacūcēx iyumūxēgūxū. Natūrū Naāē i Ūūnexū rū naxauxācūma ore i tama nūxū icuāxūmaā Tupanamaā nidexa rū taxcēx naaymūxē. ²⁷ Rū Tupana ya meā tūxū cuácū rū nūxū nacuēx na ñuxū ñaxūchiga yīxū i ngēma Naāē i Ūūnexū nūxū ixuxū. Erū ngēma Naāē i Ūūnexū rū Tupana naxwēxexūācūma Tupanaxū nacēxū tūmacēx ya yixema Tupanaārū duūxūgū ixīgūxē.

Cristu rū tūxū naporaxēēma na taxuūma i guxchaxūgū tūxū narū- yexeraxūcēx

²⁸ Rū nūxū tacuēx rū tūmaārū mexūcēx nixī i Tupana inananguxēēxū i guxūma i ngēma tūxū ūpetūxū ya yixema nūxū ngechaūgūxe ga nūma nanaxwēxexūācūma tūxū nadexe. ²⁹ Rū woetama nuxcūmama ga Tupana rū marū tūxū nacuēx na texégū tá tixīgūxū ya yixema noxrū ixīgūxe. Rū noxrītama naāne ixūgūgumama tūxū nade na Nanerūū timexū i napēxewa, rū yima Nane rū tūmamaā nayaxūcēx rū tūmamaā inacuāxūcēx ya guxāma ya yixema naāneēgū ixīgūxe. ³⁰ Rū guxema noxri naāne ixūgūgumama Tupana tūxū dexe, rū tūmacēx naca na noxrū tixīgūxūcēx. Rū guxema tūmacēx naçaxe, rū nūgūcēx tūxū nimexēēgū. Rū guxema nūgūcēx tūxū yamexēēgūxe, rū daxūwa tá tūxū nagagū na guxūgutāma naxūtawa tangēxmagūxūcēx. ³¹ ¿Rū ñuxū ñagūxū tá i ñuxma i ngēmachiga? Rū ngēxguma Tupana taētūwa chogūgu, ¿rū texē tá tūxū ruyexeraxū? ³² Yerū nūma ga Tupana rū tama tūxna nayanuxū ga Nanexūchi. Natūrū taxcēx inanamu ga Nane na taxcēx nayuxūcēx i guxāma i yixema. Rū ñuxma na yemaācū taxcēx inamuāxū ga Nane, ¿rū taux ēxna tūxna naxāāxū i guxūma i tacū i inaxwēxexū na naxcēx imaxēxūcēx? ³³ Rū Tupana tūxū nade rū tūxū nixu na napēxewa imexū. Rū ngēmācēx ¿rū texē tá napēxewa tūxū tixugū na ichixexū? Erū Tupanatama nixī ya tūxū ixucū na tūxū nataxūma i chixexū. ³⁴ ¿Rū texē tá poxcuwa tūxū tamugū i ñuxmax? ¿Pexcēx rū Cristu tá yīxū? Dūcēx, taxucūrūwama ngēmaācū nixī yerū Cristu nixī ga taxcēx yucū na tūxū namaxēxēēxūcēx. Rū tama ngēxicatama taxcēx naxū, natūrū wenaxārū inarūda. Rū ñuxma rū Tupanaxūtawa nangēxma rū ngēma āēxgacū

nixī. Rū ngema taétūwa nachogū rū Tupanaxū taxcèx nacèèxū. ³⁵ ŹRū ñuxma rū tacū tá Cristuna tūxū ixīgachixēèxū na tama tūxū nangechaūxūcèx? Rū woo ngūxū ingegūgu, rū éxna guxchaxūgū tūxū ngèxmagu, rū éxna duūxūgū Cristugagu taxchi aiegu, rū éxna itaiyaegu, rū éxna ingexchirugūgu, rū éxna āicūmaxūwa ingèxmagūgu, rū éxna duūxūgū tūxū daixchaūgu, natūru woo guxūma i ngēma tūxū ūpetūgu, natūru ya Cristu rū tāūtāma nūxū narūchau na tūxū nangechaūxū. ³⁶ Natūru guxūguma āicūmaxūwa tangèxmagū, ngēma Tupanaārū ore i ūmatūxū nūxū ixuxūrūū. Erū ngēma ore rū ñanagūru:

“Rū cugagu duūxūgū toxū nadaixchaū rū duūxūgūpèxewa rū ñoma carnerugū i daiwa iūxūrū tixīgū”,

ñanagūru i ngēma ore. ³⁷ Natūru woo guxūma i ngēma tūxū na ngupetūxū, rū Ngechuchu ya Cristu ya tūxū ngechaūcū, rū tūxū naporaxēèāma na taxuūma i guxchaxūgū tūxū narūyexeraxūcèx, rū bai i tacū. ³⁸⁻³⁹ Rū ngēmacèx aixcūma chayaxō na taxucūrūwama tacū Tupanana tūxū ixīgachixēèxū na ngēmaācū tama tūxū nangechaūxūcèx. Rū woo iyuxgu rū woo imaxēgu, natūru Tupana tá tūxū nangechaūēcha. Rū taxucūrūwama Tupanana tūxū nixīgachixēē i tacū i norū orearū ngeruūgū, rū éxna tacū rū ngoxogū rū éxna tacū i to i poraxū. Rū bai i tacū i ñuxma tūxū ūpetūxū, rū bai i tacū i yixcūra tá ngèxmaxū, rū bai i tacū i daxūwa ngèxmaxū, rū bai i tacū i naānetūtwā ngèxmaxū, rū bai i tacū i to i Tupana ūxū, rū taxucūrūwama Tupanana tūxū nixīgachixēē na tama tūxū nangechaūxūcèx. Rū ngēmaācū nixī i tūxū nangechaūxū ya Tupana nagagu ya tōrū Cori ya Ngechuchu ya Cristu.

9

Tupana rū nanade i Yudiūgū na norū duūxūgū na yixīgūxūcèx

¹ Dūcèx, Pa Chaueneēgū, rū pemaā tá nūxū chixu i wūxi i ore. Rū ngēma ore i pemaā tá nūxū chixuxū rū aixcūma nixī erū Cristuarū duūxū chixī. Rū tama chidora. Rū chauāewatama nūxū chacuèx na aixcūma na yīxū i ngēma ore erū Tupanaāē i Ūnèxū nixī i chauāēmaā icuáxū. ² Rū porācū changechaū, rū choxū nangūecha i chauāēwa, erū tama nayaxogū i chautanūxūgū i Yudiūgū. ³ Rū aixcūma pemaā nūxū chixu rū guxūguma ngēma chautanūxūgu charūxīnū, rū porācū chanaxwèxe na Cristuaxū yaxōgūāxū. Rū choma rū aixcūma Ichamemare na pocuwa choxū namuxū ya Tupana rū Cristuna choxū yaxūgachixēèxū ega ngēmaācū chi nūxū chayaxōgūxēēgu rū chanamaxēxēēgu i ngēma chautanūxūgū i Yudiūgū. ⁴ Rū nūmagū rū chauxrūū Yudiūgū nixīgū. Rū Tupana rū nuxcūmaxūchima namaā inaxuneta na naxācūgū yixīgūxūcèx. Rū norū oxigū rū nūxū nadaugū na ñuxācū namexēchixū ga Tupana ga yexguma naxcèx nangōxgu. Rū Tupana rū norū oxigūmaā inaxuneta rū ñanagūru nūxū:

“Rū ngèxguma chauga pexīnūēgu rū tá pexū charūngūxēē”,

ñanagūru nūxū. Rū Tupana rū nūxna nanaxā ga yema mugū ga Moīché ūmatūxū. Rū nanangūexēē na ñuxācū nūxū yacuēxūgūxūcèx. Rū meāma namaā inaxuneta na Cristu rū naxcèx nūma tá namuāxū na namaxēxēēāxūcèx rū nūxna na naxāāxūcèx i maxū i taguma gūxū. ⁵ Rū yema nuxcūmaūgūxū ga tōrū oxigūtaa nixīgū i ngēma Yudiūgū, rū ngēmacèx naxcèx ta nixī ga yema uneta ga tōrū oxigūmaā nūxū yaxuxū ga Tupana. Rū ngēma Yudiūgūtanūxūwatama nixī ga nabuxū ga Cristu ya Tupanaxūchi ixīcū ya guxūētūwa ngèxmacū. Rū tanaxwèxe i guxūguma nūxū ticuēxūgū. Rū ngēmaācū yī. ⁶ Rū ñuxma rū woo tama guxū i Yudiūgū na yaxōgūxū, natūru taxucūrūwama texē nūxū tixu na Tupana rū tama yanguxēēāxū i ngēma norū uneta. Erū ngēma Yudiūgū rū tama aixcūma guxūma Tupanaārū duūxūgū nixīgū. ⁷ Rū tama guxūma i duūxūgū i Abrāūtaagū ixīgūxū, rū aixcūma Abrāūtanūxū nixīgū i Tupanapèxewa. Yerū ga Tupana rū Abrāūmaā nūxū nixu, rū ñanagūru:

“Rū cune ya Ichaātanūxūgū tá nixī i aixcūma cutanūxūgū ixīgūxū i chopèxewa”,

ñanagūru. Rū yemaācū namaā inaxuneta woo na nayexmaxū ga togū ga Abrāūxācūgū. ⁸ Rū ngēmawa meāma nūxū tacuèx rū tama ngēma na Abrāūtaa tixīgūxūcèx nixī i Tupanaxācūgū tixīgūxū. Natūru yixema aixcūma Tupanaārū uneta nūxū ixuxūrūūācūma yaxōgūxe waxī tixī ya aixcūma Abrāūtaa ixīgūxe i Tupanapèxewa. ⁹ Yerū naxūpa ga na nabuxū ga Abrāū nane, rū yema Tupanaārū uneta ga Abrāūmaā nūxū yaxuxū, rū ñanagūru:

“Rū naī ya taunecūarū ñūxgumaācū tá wena nuā chaxū, rū cuxmèx i Chara rū tá ixāxācū i ngèxguma”,

ñanagūru. ¹⁰ Natūru tama Abrāūmaāxīcatama nixī ga yemaācū yadexaxū ga Tupana. Yerū tōrū oxī ga Ichaā namèx ga Rebecamaā rū ta nidexa ga Tupana. Rū ngīma rū ngīteaxū ixāxācū rū nataxreēxpūx ga ngīne. ¹¹⁻¹³ Natūru yexguma tauta nabuegu rū taxuūma ga mexū rū éxna chixexū naxūegu ga yema ngīnegū, rū Rebecamaā nidexa ga Tupana, rū ñanagūru:

“Rū ngēma nūxīra buxū i cune, rū ngēma wixweama buxūārū duūxū tá nixī”,

ñanagürü ngixü. Rū yema dexa rū namaã nawüxigu i Tupanaärü ore i ümatüxü i ñaxü:

“Marü chanayaxu ya Acobu, natürü nüxü chaxo ya Echaü”,

ñaxü. Rū yemaãcü ga Tupana rū ngîmaã nanangoxëë na namëxwa nangëxmaxü na tüxü nayaxuxü ya yixema woetama nüxü ngüchaüxë na tümacëx naçaxü tama nagu naxinüãcüma i taçü rü mexü rü êxna taçü rü chixexü na taxüxü. ¹⁴ ¿Rü ñuxü ñagüxü i ñuxmax? ¿Pëxcëx rü Tupana rü chixexü naxüxü ga yëxguma tama Acobuxü nangechaüxürü nüxü na nangechaügu ga Echaü? Rü dücac, tama chixexü naxü. ¹⁵ Yerü norü orewa rü Tupana rü Moïchéxü ñanagürü:

“Rü ngëxguma chi texëmaã chamecümachaügu, rü tümamaã tá chamecüma. Rü choxü tá tangechaütümüü ya yixema choxü ngechaütümüüchaüxë”,

ñanagürü. ¹⁶ Rū ngëmaãcü tama ngëma tümatama tanaxwëxëügu rü êxna ngëma taxüxügu nixü i Tupana tüxü yaxuxü ya texë. Natürü tüxü nayaxu erü nüxü tangechaütümüü. ¹⁷ Rū yëxgumarüü ta ga Tupana rü norü ore i ümatüxüwa rü ñanagürü nüxü ga Equituaneärü äëxgacü:

“Rü äëxgacüxü cuxü chingucuchixëë na cuwa duüxügüxü nüxü chadauxëëxüçëx i ñuxäcü na chaporaxü. Rū ngëmaãcü chanaxü na guxü i duüxügü i guxü i naãnewa ngëxmagüxü, nüxü na cuäxüçëx i chauchiga”,

ñanagürü. ¹⁸ Rū ngëmaãcü ya Tupana rü nüxü tangechaütümüü ya yixema nüxü ngechaütümüüchaüxë. Rū ngëxguma tüxü nataiächiarü maxüãxëëchaügu rü tüxü nanataiächiarü maxüãxëë ya yixema tama nüxü cuäxüçëx. ¹⁹ Natürü bexmana tá ñacurügü choxü:

“Rü ngëxguma chi ngëmaãcü yixüga ya Tupana, ¿rü tüxcüü nüxü nixu na tagagu yixü na chixexü ixügüxü rü tama naga ixinüëxü? ¿Rü texë tapora na itayanaxoxëëxüçëx i Tupanaärü ngüchaü?” ñacurügü tá. ²⁰ Natürü Pa Duüxü, ¿texë quixü i cuma rü ngëmacëx ngëmaãcü Tupanaxü cuyaxügaxü? ¿Cuxcëx rü êxna wüxi i tüxü i waixümüwa üxü rü namexü i ngëma norü üruümaã na ñaxü?

“¿Rü tüxcüü ngëmaãcü choxü cuxü na ngëmaãcü chixixüçëx i ñuxmax?” ñaxü. ²¹ Rū ngëma tüxüärü üruü rü waixümüwa nanaxü i taçü i nüma naxüxüchaüxü. Rū ngëxguma nanaxwëxëgu, rü ngëma waixümüwa nanaxü i wüxi i tüxü na norü merüü yixüçëx. Rū ngëxguma nanaxwëxëgu, rü ngëmatama waixümüwa nanaxü i wüxi i tüxü na norü guxchirechixü yixüçëx. ²² Rū ngëxgumarüütama nixü i naxüãxü ya Tupana. Erü tüxü nanawëxchaü na ñuxäcü naporaxü i nüma rü ñuxäcü napoxcueãxü i ngëma duüxügü i chixexü ügüxü, natürü poraãcü yaxna namaã naxinü i ngëma duüxügü, rü tama paxa nanapoxcue i ngëma ímemaregüxü na napoxcuexü. ²³ Natürü ga Tupana rü inanawëxchaü na ñuxäcü poraãcü tamaã namecümamaxü i yixema na yaxögüxü. Rū ngëmacëx nixü i nüxü ingechaütümüügüxü, rü nuxcümamata tüxü naxëxü na naxütawa ingëxmagüxüçëx i daxügüxü i naãnewa i ngextá ínamëxëchixüwa. ²⁴ Rū ngëmaãcü i yixema na Yudügü ixügüxü, rü tatanüwa Tupana tüxü nidexechi ya ñuxre na norü duüxügü tixügüxüçëx. Rū ngëxgumarüü ta i ngëma tama Yudügü ixügüxütanüwa rü nayadexechi i togü. ²⁵ Rū ngëmacëx rü Tupanaärü ore ga Ochëa ümatüxüwa rü ñanagürü:

“Rü ngëma duüxügü i tama chorü duüxügüchirëx ixügüxü, rü: ‘Pema rü chorü duüxügü pixügü i ñuxmax’, ñacharügü tá nüxü. Rū ngëma duüxügü i tama Yudügürüü nüxü changechaüchirëxü, rü: ‘Pexü changechaü i ñuxmax’, ñacharügü tá nüxü. ²⁶ Rū noxri ga Tupana rü yema duüxügü ga tama Yudügü ixügüxümaã nüxü nixu, rü ñanagürü nüxü: ‘Pema rü tama chorü duüxügü pixügü’, ñanagürü nüxü. Natürü yematama nachica ga ngextá nüxü iyemañaxüwa, rü wenaxärü yema duüxügü ga tama Yudügü ixügüxümaã nidexa ga Tupana ya Maxëxëëruü, rü ñanagürü nüxü: ‘Pema rü chauxacügü tá pixügü’, ñanagürü nüxü”.

Rü yema nixü ga Tupanaärü ore ga Ochëa ümatüxü. ²⁷⁻²⁸ Rū Yudügüchiga rü ta nidexa i Tupanaärü ore, yerü nuxcümaãcü ga norü orearü urüü ga Ichaxía rü ñanagürü:

“Rü woo namuxüchichirëx i Yudügü yima naxnücü ya taxtüpechinüwa yimacürüü, natürü noxre tátama nixü i aixcüma nayauxgüxü i maxü i taguma güxü. Rū paxa tá ínangu ya tórü Cori na napoxcueãxüçëx i güxüma i ngëma tama noxrü ixügüxü”,

ñanagürü ga Ichaxía. ²⁹ Rū nümatama ga Ichaxía, rü ñanagürü ga üpa:

“Rü ngëxguma chi nüma ya tórü Cori ya guxü i naãneärü yora rü tãü chima íyaxügüxëëãgu i ñuxre i tatanüxügü i Yudügü, rü chi itayarüxoxochi, yëxgumarüü ga na iyanaxogüxü ga guma íänegü ga Chodoma rü Gomora namaã ga guxüma ga yema duüxügü ga yëma yëxmagüxü”,

ñanagürü ga Ichaxía.

Yudügü rü tama nayaxögüchaü i ore i mexü i Cristuchiga

³⁰ ¿Rü ñuxü ñagüxü i ñuxmax? Rü pemaã nüxü chixu rü ngêma duñxügü i tama Yudiügü ixügüxü ga tama Tupanaxêx dauügüxü ga noxrix, rü ngêmatama duñxügü nixü i ñuxma Tupanapêxewa imexü yerü nayaxögü. ³¹ Natürü yema Yudiügü ga nagu ixchañxü ga yema Moichêarü mugü na Tupanapêxewa yamexüçêx, rü inatüe. ³² ¿Rü ñuxäcü inatüe? Düçêx, inatüe yerü yema mugüguama naxü na Tupanapêxewa yamexüçêx, rü tama Ngechuchuaxü nayaxögüchaü. Rü yemaãcü ga Ngechuchu rü yema duñxügüçêx rü wüxi ga guxchaxü nixü. ³³ Rü ngêmachiga nixü i Tupanaärü ore i ümatüxü i ñaxü:

“Choma rü Yudiügütanüwa chanamu ya Cristu. Rü nüma rü ngêma Yudiügüçêx rü wüxi i guxchaxü tá nixü erü ngêxguma tama nüxü yaxögüãgu rü tá inayarütauxe. Natürü ngêma duñxügü i nüxü yaxögüxü, rü aixcüma tá namaxê”, ñanagürü.

10

¹ Pa Chaueneëgüx, rü ngêma poraãcü chanaxwêxexü rü chorü yumüxêwa Tupanana naxçêx chaçaxü, rü ngêma nixü na guxüma i chautanüxügü i Yudiügü na yaxögüxü rü ngêmaãcü aixcüma Tupanaärü na yixügüçêx. ² Rü aixcüma pemaã nüxü chixu, rü nümagü i Yudiügü rü aixcüma poraãcü Tupanagu narüxinüê rü nanaxügüchaü i Tupanaärü ngüchaü. Natürü inatüe erü tama Cristuaxü nayaxögüchaü na ngêmaãcü Tupanapêxewa yamexüçêx. ³ Rü woo Tupana ñoma ga nañewa nanamu ga Cristu na gumagagu Tupanapêxewa yamexüçêx i duñxügü, natürü nümagü i Yudiügü rü tama nüxü nacüxügüchaü i ngêma. Rü nügütama nixemëgüchaü, rü ngêmacêx nagu naxïama i ngêma mugü ga Moiché ümatüxü rü tama Cristuaxü nayaxögüchaü na nagagu Tupanapêxewa yamexüçêx. ⁴ Natürü nüma ga Cristu rü nayanguxêê ga yema mugü rü yemaãcü inayanaxoxêê na tama tamaã inacuãxüçêx i ngêma mugü. Rü yemaãcü nanaxü ga Cristu na guxüma i duñxügü i nüxü yaxögüxü rü aixcüma Tupanapêxewa yamexüçêx. ⁵ Rü Moiché nanaxümatü nachiga na ñuxäcü Tupanapêxewa tamexü i wüxie ega naga taxïnügu i ngêma mugü, rü ñanagürü: “Tupana pexü namu na guxügutäma meã peyanguxêêxü i guxüma i ngêma mugü erü ngêxguma naga pexïnüëgu i guxüma i ngêma mugü rü tá pemaxê. Natürü ngêxguma tama naga pexïnüëgu i wüxitama i ngêma mugü, rü täütäma pemaxê”, ñanagürü. ⁶ Natürü ñuxma rü Tupanapêxewa time ega Cristuaxü yaxögügu. Rü ngêmacêx taxucêxma i cuãêwa rü ñacurügü:

“¿Texê tá daxügüxü i nañewa taxü na Cristuçêx tayaçaxü na nuã naxüxüçêx rü tüxü yanangüxêxüçêx na imexüçêx i Tupanapêxewa?” ñacurügü. ⁷ Rü taxucêxma cuãêwa ñacurügü:

“¿Rü texê tá yuexütanüwa taxü na ngêxma Cristuçêx tayadauxüçêx na nuã tanagaxüçêx?” ñacurügü. ⁸ Erü tama ngêmaãcü nixü i Cristuçêx idaxü, yerü yema ore ga Moiché ümatüxü rü ñanagürü:

“Rü marü cuxütawa nangêxma i Tupanaärü ore. Rü cuêxwa nangêxma na nüxü quixuxüçêx. Rü cuãêwa nangêxma na nagu curüxinüxüçêx”, ñanagürü.

Rü ñuxma Pa Chaueneëgüx, rü pemaã nüxü chixu rü ngêmatama ore nixü i guxüwama duñxügümaã nüxü tixuxü. Rü ngêma ore nixü i pexü nüxü cuêxêxü na ñuxäcü pexü nangêxmaxü i maxü ega aixcüma peyaxögügu. ⁹ Erü ngêxguma cuêxmaã nüxü quixuxgu na curü Cori yïxü ya Ngechuchu, rü ngêxguma cuãêwa cuyaxöxgu na yuwa Tupana inadaxêêxü, rü tá cuxü nangêxma i maxü i taguma güxü. ¹⁰ Erü taãêwa tayaxögü na ngêmaãcü Tupanapêxewa imexü. Rü taêxmaã nüxü tixu na Ngechuchu rü törü Cori yïxü, rü ngêmaãcü tanayaxu i maxü i taguma güxü. ¹¹ Rü Tupanaärü ore i ümatüxüwa rü ñanagürü: “Rü guxäma ya yïxema ya Ngechuchuaxü yaxöxê, rü nüma ya Ngechuchu rü taxütäma tüxü narümaãchiixêê erü tá nayanguxêê i guxüma i ngêma tümamaã inaxunetaxü”, ñanagürü. ¹² Rü Tupanapêxewa rü guxüma i duñxügü rü nawüxigu. Rü woo Yudiügü yixügu rü êxna woo tama Yudiügü yixügu, natürü Tupanapêxewa rü nawüxigu i guxüma i duñxügü. Erü nüma ya törü Cori, rü guxäärü Cori nixü. Rü nüma rü aixcüma tüxü namaxêxêê ya guxäma ya texê ya nüxna çaxe na tüxü namaxêxêêxüçêx. ¹³ Erü Tupanaärü ore i ümatüxüwa rü ñanagürü:

“Rü guxäma ya texê ya törü Corina çaxe na tüxna naxäãxüçêx i maxü, rü tá tanayaxu i tümamaärü maxü i taguma güxü”, ñanagürü. ¹⁴ ¿Natürü ñuxäcü tá törü Corina naxçêx tacagü, ega tama nüxü tayaxögügu? ¿Rü ñuxäcü tá nüxü tayaxögü, ega taguma nüxü taxïnüëgu i nachiga? ¿Rü ñuxäcü tá nüxü taxïnüê i norü ore, ega taguma texê tümamaã nüxü ixuxgu? ¹⁵ ¿Rü ñuxäcü tá texê nüxü tixu i Cristuchiga ega taxüema tüxü nüxü yarüxuxêêgu? Rü ngêmacêx nixü i Tupanaärü ore i ümatüxü i ñaxü:

“Rü wüxi i taãê nixü na inangügüxü i Tupanaärü orearü uruügü na duñxügümaã nüxü yaxügüçêx i Tanatüarü ore i mexü i Cristuchiga”,

ñaxŭ. ¹⁶ Natürü tama guxŭma i duŭxŭgü naga naxŭnŭe i ngēma ore i mexŭ. Rŭ Ichaxía nŭxŭ ixuxŭrŭü nixŭ. Yerü ga nŭma rŭ ñanagŭrü:

“Pa Corix, noxretama nixŭ i ngēma duŭxŭgü i toxŭ yaxŭgŭxŭ i ngēma ore i nŭxŭ tixuxŭ”, ñanagŭrü. ¹⁷ Rŭ dücax, rŭ ngēma na Cristuchigaxŭ naxŭnŭexŭwa nixŭ i ne naxŭxŭ na yaxŭgŭaxŭ i duŭxŭgü. Rŭ ngēma nŭxŭ naxŭnŭexŭ, rŭ ore i mexŭ i Cristuchiga nixŭ. ¹⁸ Natürü i ñuxma rŭ pexna chaca, zēxna pexcèx rŭ ngēma Yudiŭgü rŭ taguma nŭxŭ naxŭnŭe i ngēma ore i mexŭ i Cristuchiga? Dücèx, ngēmáácü marŭ nŭxŭ naxŭnŭe. Erü Tupanaärü ore i ũmatŭxŭwa rŭ ñanagŭrü:

“Rŭ ngēma Tupanaärü orearü uruŭgü, rŭ guxŭwama i ñoma i nañewa rŭ nŭxŭ nixugŭe i norü ore. Rŭ ngextá inangèxmagŭxŭwa i Yudiŭgü, rŭ ngema rŭ ta nŭxŭ nixugŭgü”, ñanagŭrü i ngēma ore. ¹⁹ Natürü wena pexna chaca, zŭ ngēma Yudiŭgü rŭ tama èxna nŭxŭ nicuèxächitanŭ na Cristugagu yŭxŭ na Tupana nadexŭ i duŭxŭgü i ñuxmax? Rŭ ngēmáácü nŭxŭ nacuèxgü. Yerü Tupanaärü ore ga Moiché ũmatŭxŭwa rŭ ñanagŭrü:

“Dücèx, Pa Yudiŭgŭx, choma rŭ tá chanamaxèxèe i ngēma duŭxŭgü i tama Yudiŭgü ixŭgŭxŭ, rŭ ngēmácèx i pema rŭ tá pixáŭxächigü. Rŭ ngèxguma chanamaxèxèegu i ngēma togü i duŭxŭgü i tama choxŭ cuèxgüchirèxŭ, rŭ pema i Yudiŭgü rŭ tá penuè erü nŭxŭ charŭngŭxèe i ngēma togü”,

ñanagŭrü. ²⁰ Rŭ yemawena ga Ichaxía, rŭ tama namuŭ ga yema Yudiŭgümaa nŭxŭ na yaxuxŭ ga yema Tupanaärü ore ga ñaxŭ:

“Rŭ ngēma duŭxŭgü i tama Yudiŭgü ixŭgŭxŭ i tama chauxcèx daugŭxŭ, rŭ choxŭ tá inayangaugü. Rŭ choma rŭ tá chaugü changoxèe naxcèx i ngēma duŭxŭgü i tama chauxcèx ícagüchirèxŭ”,

ñaxŭ. ²¹ Rŭ Tupana rŭ Ichaxíawa Yudiŭgüchiga nidexa rŭ ñanagŭrü:

“Rŭ guxŭ i ngunexŭgu rŭ nŭxna chaxuecha i ngēma duŭxŭgü i tama chauga ñnŭèchaŭxŭ rŭ choma nŭxŭ. Natürü tama choxŭ inarŭxŭnŭèchaŭ”,

ñanagŭrü.

11

Nangèxma i ñuxre i Yudiŭgü i Tupana dexŭ na aixcŭma noxrü yixŭgŭxŭcèx

¹ Ñuxma pexna chaca rŭ, zŭpexcèx èxna ya Tupana rŭ marŭ nŭxŭ naxo i norü duŭxŭgü i Yudiŭgü? Tama nixŭ i nŭxŭ naxoxŭ. Erü choma i Pauru rŭ Yudiŭ chixŭ. Rŭ Abráŭtanŭxŭ chixŭ, rŭ Abráŭtaa ya Beyamitanŭxŭ chixŭ. ² Rŭ nuxcŭmamatama Tupana Yudiŭgümaa inaxuneta na norü duŭxŭgü yixŭgŭxŭcèx, rŭ ñuxma rŭ tama Yudiŭgü naxo. zTama èxna nŭxŭ pecuèx na ñuxŭ ñaxŭ ga Tupanaärü orearü uruŭ ga Ería? Rŭ Tupanaärü orewa nŭxŭ tadaugü rŭ Ería rŭ Tupanapèxewa poraácü yema Yudiŭgŭxŭ nixugü. ³ Rŭ ñanagŭrü ga Ería: “Pa Corix, ngēma Yudiŭgü rŭ marŭ nanadai i curü orearü uruŭgü. Rŭ naga napogŭe i ngēma nachicagü i ngextá duŭxŭgü cuxŭ ícuèxŭgŭxŭwa. Rŭ chaxicatama íchayaxŭachi. Rŭ choxŭ rŭ ta nimèxgüchaxŭ”,

ñanagŭrü ga Ería. ⁴ Natürü Tupana nanangäxŭ, rŭ ñanagŭrü:

“Dücèx, choma rŭ marŭ choxŭ nangèxma i 7000 i yatŭgü i chaugŭxŭ chidexechixŭ. Rŭ nŭmagü rŭ taguma nŭxŭ nicuèxŭgŭgü i ngēma tupananetachicŭnèxä i Baá”,

ñanagŭrü. ⁵ Rŭ ngèxgumarŭü ta nixŭ i ñuxmax. Rŭ woo muxŭma i Yudiŭgü tama nayaxŭgŭ, natürü nangèxma i ñuxre i Tupana namañ mecŭmaxŭgagu dexŭ. ⁶ Rŭ ñuxma na Tupana tŭxŭ ngechaŭxŭgagu tŭxŭ nadexŭ, rŭ taxucŭrŭwama texé nŭxŭ tixu na ŭacü rŭ mexŭ na ixŭgŭxŭgagu na yixŭxŭ. Erü ngèxguma chi ŭacü rŭ mexŭ ixŭgŭxŭgagu yixgu na tŭxŭ nadexŭ, rŭ natüèxmamare chi nixŭ na nŭxŭ ingechaŭtŭmŭxŭgŭxŭ. ⁷ zRŭ ñuxácü yŭxŭ i ñuxmax? Rŭ ngēma rŭmumaèxŭ i Yudiŭgü rŭ tama nŭxŭ inayangaugü i ngēma maxŭ i naxcèx nadaugŭxŭ. Natürü ngēma noxretama i Yudiŭgü i Tupana dexŭ, rŭ ngemagü nixŭ i nŭxŭ iyangaugŭxŭ. Rŭ guxŭma ga yema togü ga Yudiŭgü rŭ Tupana ínanawogü yerü tama naga naxŭnŭe. ⁸ Rŭ ngēmachiga nixŭ i Tupanaärü ore i ũmatŭxŭ i ñaxŭ:

“Tupanatama ngēma duŭxŭgŭaxŭ nanaguxchaxèe. Rŭ ngēmácèx woo nŭxŭ nadaugŭgu i ngēma ore i aixcŭma ixŭxŭ, rŭ tama nŭxŭ nacuèxgüéga. Rŭ woo nŭxŭ naxŭnŭègu i ngēma ore, rŭ tama nayaxŭgŭ. Rŭ ñuxma rŭ ta ngēmáácü nixŭ”,

ñanagŭrü. ⁹ Rŭ Dabi rŭ ta rŭ ñanagŭrü:

“Rŭ ngēma duŭxŭgü rŭ norü petacèx naxŭgŭxŭ i ðnagŭgagu rŭ norü muxŭma i ngēmamaxŭgŭgagu rŭ chixexŭgu tá nayŭ rŭ ngēmácèx tá napoxcŭe. ¹⁰ Rŭ naañewa rŭ táütáma nŭxŭ nacuèxgü, rŭ guxchaxŭgü tá nŭxŭ nangèxma. Rŭ ñoma wŭxi i duŭxŭ i ŭacü i yaxŭ ípaxixŭrŭü tá nixŭgŭ namañ i norü guxchaxŭgŭ”,

ñanagŭrü.

Tupana nanamaxèxèe i ngēma tama Yudiŭgü ixŭgŭxŭ

¹¹ Rū pexna chaca, rū űuxma na Cristuxű naxoexű i ngĕma Yudiűgű, űrű pexcĕx ĕxna rū ngĕmacĕx ya Tupana rū tű nűxű naxochixű? Tama nűxű naxo. Natűrű űuxma na tama Cristuaxű yaxűgűűxű i ngĕma Yudiűgű, rū ngĕmacĕx ya Tupana rū nűxű narűngűxĕĕ rū nanamaxĕxĕĕ i ngĕma tama Yudiűgű ixűgűxű. Rű ngĕmaĕcű nanaxű ya Tupana na yaxűűxűchixĕxĕx i ngĕma Yudiűgű, rū Cristuaxű na yaxűgűűxĕxĕx. ¹² Rű yema na ĩnatűexű ga yema Yudiűgű, rū yemagagu muxűma ga togű ga duűxűgű i Yama Yudiűgű Ixűgűxűx, rū ngűxĕĕ i taxű. Rű yema na noxretama ga Yudiűgű nayaxűgűxű, rū yemagagu Tupana nanamaxĕxĕĕ ga yema tama Yudiűgű ixűgűxű. Natűrű ngĕxguma tű Tupanacĕx nawoeguxgu i guxűma i Yudiűgű, rū Tupana rū tű yexeraĕcű nűxű narűngűxĕĕ i guxűma i ngĕma duűxűgű i tama Yudiűgű ixűgűxű. ¹³⁻¹⁴ Rű űuxma Pa Duűxűgű i Yama Yudiűgű Ixűgűxűx, rū choxű nangĕxma i wűxi i ore i pemaĕ nűxű chixuxchaűxű. Rű dűcax, petanűwa nixű i choxű namuxű ya Tupana na pemaĕ nűxű chixuxĕx i norű ore. Rű űuxma rū aixcűma meĕ chayanguxĕĕ i ngĕma puracű, erű chanaxwĕxe na pexű nadaogűxű i ngĕma chautanűxű i Yudiűgű na űuxĕcű Tupana pexű na rűngűxĕĕxű. Rű ngĕmaĕcű tű nixűűxĕchie i űuxre i nűmagű, rū tű Cristuaxű nayaxűgű, rū ngĕmaĕcű tű nanayauxgű i maxű i taguma gűxű. ¹⁵ Nűxű tacuĕx rū ngĕma Yudiűgű rū tama Cristuaxű nayaxűgűchaű i űuxmax. Rű ngĕmacĕx ya Tupana rū nanade i ngĕma togű i duűxűgű i tama Yudiűgű ixűgűxű. Natűrű űuxma na ngĕmaĕcű yűxű, űrű űuxĕcű tű nixű i ngĕxguma Cristuaxű yaxűgűűgu i ngĕma Yudiűgű, rū wena Tupana nadexgu? Rű wűxi i mexĕchixű tű nixű naxcĕx i ngĕma Yudiűgű. Erű űoma wűxi i duűxű i yuxű rū wenaxűrű maxűxűrűű tű nixűgű. ¹⁶ Rű Tupana rū wena tű nanade i ngĕma Yudiűgű i ngĕxguma yaxűgűűgu. Rű ngĕmaĕcű tű nixű, yerű nuxcűmaĕcű ga nanatű ga Abrűdű rū Tupanaűrű duűxű nixű. Rű ngĕmacĕx i nataagu i Yudiűgű rū Tupanaűrű duűxűgű ta nixűgű. Rű űoma wűxi i pűű i Tupanana ixűxűrűű tű nixű. Erű ngĕxguma ngĕma pűűwa ĩraxű Tupanaűrű yixűgű, rū ngĕmawa nűxű tacuĕx na guxűma i ngĕma pűű rū noxrű na yűxű. Rű ngĕma wűxi i nanetű i Tupanana ixűxűrűű tű nixű. Rű ngĕxguma ngĕma nanetűchumĕxű rū Tupanaűrű yixűgű, rū ngĕmawa nűxű tacuĕx na guxűma i ngĕma nanetű rū noxrű na yűxű. Rű ngĕmaĕcű tű nixű i ngĕma Yudiűgűmaĕ nangupetűxű, erű wűxi i ngunexűgu rū guxűma i nűmagű rū Tupanacĕx tű nawoegu. ¹⁷ Tupana nűxű naxo ga yema Yudiűgű ga tama yaxűgűchaűxű. Rű űoma wűxi i orűxchacűű i idaexűrűű nixű ga yema Yudiűgűxű naxoxű. Natűrű nachicűű Tupana pexű nade woo tama Yudiűgű na pixűgűxű. Rű wűxi i naűxncĕcűűx i orűxchacűű rū orűx i toxűwa yarűűxncuchixűrűű pixűgű. Rű űuxma i pema rū ta pexű nangĕxma i pechica i natanűwa i ngĕma duűxűgű i Tupanaűrű ixűgűxű. Rű Tupana rū pexű narűngűxĕĕ rū pexű rū ta namaxĕxĕĕ. ¹⁸ Natűrű pema i tama Yudiűgű na pixűgűxű, rū tama name i pegű picuĕxűű rū nűxű pixu na ngĕma Yudiűgűűrű yexera pixűgűxű. Rű ngĕxguma chi ngĕmaĕcű pegű picuĕxűűgűchaűgu, rū name nixű i nűxna pecuĕxĕchie na tama petanűwa ne naxűxű ga Cristu ya pexű maxĕxĕĕcű, natűrű Yudiűgűtanűwa nixű ga ne naxűxű. Rű ngĕma Yudiűgűgagu nixű i Tupana pexű dexű rū pexű namaxĕxĕxű i űuxmax. ¹⁹ Natűrű bexmana tű űaperűgűgű:

“Tupana rū marű nűxű naxo ga yema Yudiűgű rū yemacĕx nachicűű tűxű nade”, űaperűgűgű tű. ²⁰ Ngĕmaĕcű aixcűma nixű ga Tupana nűxű oxű ga yema Yudiűgű yerű tama nayaxűgű. Rű ngĕma na peyaxűgűxĕxĕxicatama nixű i nachicűű Tupana pexű dexű i űuxmax. Rű ngĕmacĕx tama name i pegű picuĕxűűgű. űNatűrű pexuĕgű na tama yema Yudiűgűxű űpetűxűrűű pexű űpetűxĕxű! ²¹ Yerű yema Yudiűgű ga noxrű Tupanaűrű ixűgűxű, rū Tupana nűxű naxo yerű tama nayaxűgű. Rű yexguma yemaĕcű Tupana nűxű oxgu ga yema duűxűgű rū pexű rū tű ta naxo ega tűűtűma peyaxűgűĕchagu. ²² Dűcĕx, na űuxĕcű namecűmaxű ya Tupana. Natűrű tűxű napoxcu ta ega tama aixcűma yaxűgűgű. Rű nanapoxcűe ga yema duűxűgű ga chixexűgu yixű, natűrű pemaĕ rū namecűma. Natűrű penaxwĕxe i guxűguma nűma nanaxwĕxĕxűĕcűma pemaxĕ rū peyaxűgű na guxűguma pemaĕ namecűmaĕchaxűcĕx. Erű ngĕxguma tama nűma nanaxwĕxĕxűĕcűma pemaxĕgu rū tama peyaxűgűĕchagu, rū tűtűtűma pemaĕ namecűma. Rű pexű rū tű ta naxo, rū tű pexű ĩnawogű. ²³ Natűrű ngĕxguma yaxűgűűgu i ngĕma Yudiűgű i űuxma maxĕxű, rū woo Tupana na nűxű oxű ga noxrű, natűrű wena tűxűrű nanade erű nűxű nangĕxma i pora na wenaxűrű nadeĕxĕcĕ ega aixcűma yaxűgűűgu. ²⁴ Rű pema na tama Yudiűgű na pixűgűxű, rū tama Tupanaűrű duűxűgű pixűgű ga noxrű. Natűrű Tupana pexű nade na noxrű pixűgűxĕxĕx. Rű űuxma na yemaĕcű Tupana pexű dexű, rū ngĕxguma yaxűgűűgu i ngĕma Yudiűgű, rū Tupana rū pexű nadexűűrű yexera tű nűxű natauxcha na nadeĕxű i ngĕma Yudiűgű, yerű woetama norű duűxűgűchirĕx nixűgű ga noxrű.

Wűxi i ngunexű rū guxűma i Yudiűgű tű nanayauxgű i maxű i taguma gűxű

²⁵ Pa Chaueneĕgű i Yaxűgűxűx, nangĕxma i wűxi i ore ga noxrű tama duűxűgűxű nűxű nacuĕxĕĕxű ga Tupana. Natűrű chanaxwĕxe i nűxű pecuĕx i ngĕma ore na tama nagu perűxűűxĕxĕx na duűxűgű i nűxű cuĕxűchixű pixűgűxű, rū pexicatama Tupana pexű

dexŭ. Rŭ dŭcax, noxretama nixŭ i ngēma Yudiŭgŭ i aixcŭma yaxōgŭxŭ. Rŭ ngēmaācŭ tá nixŭ űuxmatáta yaxōgŭā i guxŭma i ngēma togŭ i duŭxŭgŭ i Tupana dexŭ. ²⁶ Natŭrŭ ngēmawena rŭ guxŭtáma i Yudiŭgŭ rŭ tá ta nayaxōgŭ, rŭ tá nanayauxgŭ i maxŭ i taguma gŭxŭ. Erŭ Tupanaārŭ ore i űmatŭxŭwa rŭ űnanagŭrŭ:

“Yima Cristu ya űnanguxŭxēcŭ, rŭ Yudiŭgŭtanŭwatama ne naxŭ. Rŭ nŭma rŭ tá Yudiŭgŭxŭ chixexŭwa űnanguxŭxē. ²⁷ Rŭ aixcŭma norŭ pecaduwa tá űchananguxŭxē i ngēma Yudiŭgŭ. Rŭ ngēxguma tá nixŭ na aixcŭma chayanguxēxŭ i ngēma chorŭ uneta ga űpaxŭchima Abráŭmaā nŭxŭ chixuxŭ”,

űnanagŭrŭ ga Tupana. ²⁸ Natŭrŭ i űuxma ya Tupana rŭ Yudiŭgŭxŭ nadau na norŭ uwanŭgŭ yŭxŭ erŭ tama nayaxōgŭ i ngēma ore i mexŭ. Natŭrŭ ngēmaācŭ naxŭpetŭ na pexŭ natauxchaxŭcēx na peyaxōgŭxŭ i pema i tama Yudiŭgŭ na pixŭgŭxŭ. Natŭrŭ nŭma ya Tupana rŭ űuxma rŭ ta ngēma Yudiŭgŭxŭ nangechaŭ yerŭ nuxcŭmaŭgŭxŭ ga norŭ oxŭgŭmaā inaxuneta na nŭxŭ tá nangŭxēxŭ. ²⁹ Rŭ ngēxguma Tupana rŭ űacŭ i mexŭmaā inaxunetagu, rŭ aixcŭma nayanguxē i ngēma, rŭ taguma nŭxŭ inayarŭngŭma. Rŭ ngēxgumarŭtŭ ta i ngēxguma texēcēx nacaxgu, rŭ taguma nŭxŭ inayarŭngŭma i ngēma. ³⁰ Rŭ pema na tama Yudiŭgŭ pixŭgŭxŭ, rŭ űpa rŭ tama Tupanaga pexŭnŭē. Natŭrŭ űuxma na tama naga naxŭnŭxŭ i Yudiŭgŭ, rŭ ngēmacēx Tupanaāxŭ pengechaŭtŭmŭgŭ erŭ peyaxōgŭ i pemax. ³¹ Rŭ ngēma pexŭ ngupetŭxŭrŭtŭ nixŭ i ngēma Yudiŭgŭxŭ nangupetŭxŭ. Nŭmagŭ rŭ tama Tupanaga naxŭnŭē i űuxmax, natŭrŭ ngēmaācŭ nŭxŭ nangupetŭ na Tupanaāxŭ pengechaŭtŭmŭgŭxŭcēx, rŭ nŭmagŭ rŭ ta Tupanaāxŭ nangechaŭtŭmŭgŭxŭcēx i űuxmax. ³² Yerŭ nŭma ga Tupana rŭ guxŭma ga duŭxŭgŭmaā nanaxuegu na chixexŭwa nangēxmāgŭxŭ nagagu ga norŭ pecadugŭ. Natŭrŭ yemaācŭ namaā nanaxuegu ga Tupana na nŭxŭ nangechaŭtŭmŭgŭxŭcēx i guxŭma i duŭxŭgŭ. ³³ Rŭ namexēchi ya tōrŭ Tupana, rŭ poraācŭxŭchima tŭxŭ narŭngŭxŭē. Rŭ nŭma rŭ nŭxŭ nacuēxŭchi erŭ guxŭxŭma nacuēx. Rŭ yixema rŭ taxucŭrŭwama nŭxŭ tacuēx i tŭxŭcŭtŭ yŭxŭ i tŭxŭ nadexŭ, rŭ taxucŭrŭwama nŭxŭ tacuēx i guxŭma i ngēma naxŭxŭ i nŭmax. ³⁴ űErŭ texē i tatanŭwa nŭxŭ tacuēx i guxŭma i ngēma tōrŭ Cori nāgu rŭxŭnŭxŭ? űRŭ texē nŭxŭ tacuēx na tōrŭ Corixŭ taxucŭxēxŭ? ³⁵ űRŭ texē tŭxira űacŭ rŭ āmare tōrŭ Corina taxā, na yixcama nŭxŭ űacŭmaā tŭxŭ nataeguxēēāxŭcēx? ³⁶ Erŭ guxŭma i űacŭ ingēxmaxŭ rŭ Tupanaxŭtawa ne naxŭ. Rŭ nŭma nixŭ ga naxŭāxŭ ga guxŭma na noxrŭ yŭxŭcēx. Rŭ name nixŭ i guxŭguma nŭxŭ ticuēxŭgŭ rŭ tanataxē. Rŭ ngēmaācŭ yŭ.

12

Pexŭ chacēxŭ na pegŭtama Tupanana pexāgŭxŭ na wŭxi i āmare i maxŭxŭ na pixŭgŭxŭcēx

¹ Rŭ dŭcax, Pa Chaueneēgŭx, űnaxcŭ Tupana poraācŭxŭchima tamaā namecŭma. Rŭ ngēmacēx pexŭ chacēxŭ na pegŭtama Tupanana pexāgŭxŭ na wŭxi i āmare i maxŭxŭ na pixŭgŭxŭcēx. Rŭ ngēma āmare nixŭ i aixcŭma napēxewa űnuxexŭ rŭ namaā nataāexŭ. Rŭ ngēmaācŭ nixŭ ya Tupana i nanaxwēxexŭ na nŭxŭ picuēxŭgŭxŭ. ² Rŭ tama name i űoma i naānecŭāx i duŭxŭgŭcŭmagu pexŭ. Natŭrŭ name nixŭ i Tupanana pegŭ pexāgŭ na nŭma pexŭ naxŭchicŭtŭxŭcēx rŭ ngexwacaxŭxŭ i peāē pexŭ ngēxmaxŭcēx rŭ ngēmaācŭ naxcēxicatama pemaxēxŭcēx. Rŭ ngēmaācŭ tá nŭxŭ pecuēx i űacŭ nixŭ i Tupana pexŭ naxwēxexŭ na penaxŭxŭ, rŭ űacŭ nixŭ i aixcŭma mexŭ i napēxewa, rŭ űacŭ nixŭ i namaā nataāexŭ. ³ Rŭ Tupana ya chomaā mecŭmacŭ, rŭ choxŭ namu na pemaā nŭxŭ chixuxŭcēx i guxŭma i pema na tama namexŭ na texē i petanŭwa tŭgŭ irŭtaxŭ rŭ tŭgŭgu tarŭxŭnŭxŭ na togŭarŭ yexera tiŭxŭ. Natŭrŭ name nixŭ na wŭxichigŭ meā tŭgŭ ngugŭarŭ maxŭāxŭ rŭ tŭgŭgu rŭxŭnŭxŭ na űnaxcŭ Tupana tŭxna naxāxŭ i tŭmaārŭ cuēx wŭxigu namaā i tŭmaārŭ ō. ⁴ Rŭ dŭcax, rŭ taxŭnewa nangēxma i taeru rŭ tachacŭgŭ rŭ taparagŭ rŭ muxŭma i to i taxŭnēārŭ ngēmaxŭgŭ. Rŭ wŭxichigŭ i ngēma taxŭnēārŭ ngēmaxŭgŭ rŭ nŭxŭ nangēxma i noxrŭtama puracŭ. ⁵ Rŭ ngēxgumarŭtŭ ta i yixema na yaxōgŭxŭ, rŭ woo na imuxŭ natŭrŭ wŭxitama i duŭxŭgŭ tixŭgŭ, erŭ Cristuarŭ duŭxŭgŭ tixŭgŭ. Rŭ ngēmacēx i guxŭma i yixema rŭ yigŭmŭcŭgŭ tixŭgŭ, erŭ woetama wŭxitama i duŭxŭgŭ tixŭgŭ. ⁶ Rŭ wŭxichigŭ i yixema, rŭ Tupana tŭxna nanaxā i tōrŭ cuēx i nŭma nanaxwēxexŭ na tŭxŭ nangēxmaxŭ. Rŭ tanaxwēxē i meāma nāgu taxŭ i ngēma cuēx i Tupana tŭxna āxŭ. Rŭ ngēxguma tŭxna naxāāgu i tōrŭ cuēx na norŭ orearŭ uruŭ ixŭgŭxŭcēx, rŭ name nixŭ i ngēma ō i tŭxŭ ngēxmaxŭmaā tanaxŭ i ngēma puracŭ. ⁷ Rŭ ngēxguma tŭxna naxāāgu i tōrŭ cuēx na togŭxŭ rŭngŭxēēgŭxŭcēx, rŭ name nixŭ i meāma tanaxŭ i ngēma. Rŭ ngēxguma texēna naxāāgu i tŭmaārŭ cuēx na togŭxŭ tangŭexēxŭcēx, rŭ name nixŭ i meāma tanaxŭ i ngēma. ⁸ Rŭ yixema nŭxŭ cuāxe na Tupanaārŭ oremaā togŭxŭ tataēxēxŭ, rŭ name nixŭ i meāma tanaxŭ i ngēma. Rŭ yixema nŭxŭ cuāxe na togŭmaā tangauxŭ i tŭmaārŭ ngēmaxŭ, rŭ name nixŭ i tŭmaārŭ ngŭchaŭmaā tanaxŭ i ngēma. Rŭ yixema āēxgacŭ ixŭxē rŭ name nixŭ i meāma tayanguxēē i ngēma puracŭ.

Rū yíxema nūxū cuáxe na togū tūxū ngechaūtūmūgūxū, rū name nixī i taāēācūma tanaxū i ngēma.

Ñuxācū nanaxwēxe na namaxēxū i duñxūgū i Cristuaxū yaxōgūxū

⁹ Rū name nixī i aixcūma meāma pegū pengechaūgū i wūxichigū. ¡Rū nūxū pexo i guxūma i tacū i chixexū ixīxū! ¡Rū nagu pexī i ngēma aixcūma mexū ixīxū! ¹⁰ Rū name nixī i wūxichigū pegū pengechaūgū, ñoma pegūeneēxūchixū pengechaūxūrū. Rū name nixī i naxcēx pedaūgū na ñuxācū peeneēgūxū petaxēēxū rū ñuxācū pegū perūngūxēēxū. ¹¹ Rū tama name i cuxo ega tacū rū puracū cuxū namuxgu ya tōrū Cori. Natūrū name nixī i curū ngúchaūmaā cunaxū i norū puracū. ¹² Rū name nixī i petaāēgū erū ipenangūxēē na Tupanaxūtawa pengugūxū. Rū ngēxguma tacū rū ngūxū pexū ngupetūgū, rū name nixī i yaxna namaā pexīnūē. ¡Rū tama name i nūxū perūchaue na peyumūxēgūxū! ¹³ Rū ngēxguma nūxū pedēuxgu na tacū nūxū taxuxū i ngēma togū i yaxōgūxū, rū name nixī i nūxū perūngūxēē. ¡Rū meā penayaxu i ngēma duñxūgū i pexūtagu naxīānēxū! ¹⁴ Rū ngēxguma chí texē chixri pemaā ūpetūgū, rū name nixī i tūmacēx peyumūxēgū na meā tūxū naxūpetūxūcēx. Rū ngēmaācū name nixī i Tupanana tūmacēx peca na tūxū nangūxēēxūcēx rū tama tūxū napoxcuxūcēx. ¹⁵ ¡Rū wūxigu tūmamaā petaāēgū ya yíxema taāēgūxe! ¡Rū wūxigu tūmamaā pexauxe ya yíxema ngechaūgūxe rū auxexe! ¹⁶ ¡Rū meā pegū pengechaūgū i wūxichigū! ¡Rū tama pegū picuēxūgū! ¡Rū namaā pegū pewūxiguxēē i ngema tama nūgū icuēxūgūxū! ¡Rū tama pegūgu perūxīnūē na togūarū yexera nūxū cuēxūchigūxū na pixīgūxū! ¹⁷ Rū ngēxguma texē chixexū pemaā ūxgux, ¡rū tāūtama chixexūmaā pexūtanū! Natūrū name nixī i naxcēx pedau na mexū pexūxū i guxū i duñxūgūpēxewa. ¹⁸ ¡Rū naxcēx pedau na guxūma i duñxūgūmaā meā pemaxēxū rū namaā na iperūngūxmūxūcēx i guxūguma! ¹⁹ Pa Chaueneēgū ya Pexū Changechaūgūxe, tama name i pegūtama pexūtanū ega texē tacū rū chixexū pemaā ūxgu. Natūrū name nixī i Tupanamēxēgu penaxū i ngēma na nūma napoxcuāxūcēx. Erū Tupanaārū ore i ūmatūxūwa rū ñanagūrū:

“Rū choxmēxwa nangēxma na duñxūgūxū chapoxcuxū i norū chixexūcēx. Rū choma tá nūxū chanaxūtanū i ngēma duñxū i chixexū ūxū”,

ñanagūrū ya tōrū Cori. ²⁰ Rū ngēxguma tacū rū chixexū cumaā naxūxgu i togū, rū tama name i chixexūmaā cunataeguxēē. Natūrū name nixī i nagu quixū i Tupanaārū ore i ñaxū,

“Rū ngēxguma curū uwanū taiyēxgu, ¡rū nachibūxēē! Rū ngēxguma yaṭawaxgu, ¡rū naxaxēxē! Erū ngēxguma ngēmaācū cunaxūxgu, rū poraācū tá cunaxānēxēē”,

ñaxū. ²¹ Rū ngēxguma togū chixexū cumaā ūxgux, rū name nixī i cuxuāē na tama chixexūgu cunguxūcēx. Rū name nixī na mexū cuxūxū namaā i ngēma duñxū. Rū ngēmaācū tá icuyanaxoxēē i ngēma chixexū i cumaā naxūchaūxū.

13

¹ Rū name nixī i guxūma i duñxūgū rū meā norū āēxgacūga naxīnūē. Erū Tupana nixī ya nūxū unetacū i guxūma i āēxgacūgū. Erū nataxuma i āēxgacū i tama Tupana ingucuchixēēxū. ² Rū ngēmacēx, texē ya tama tūmaārū āēxgacūga ñūchaūxē, rū Tupanaga nixī i tama taxīnūxū. Rū yíxema tama naga ñūēchaūxē, rū tá tapoxcūe. ³ Erū ngēma āēxgacūgū rū tama ngēma mexū ūgūxūārū poxcuruū nixī, natūrū ngēma chixexū ūgūxūārū poxcuruū nixī. Rū ngēxguma cunaxwēxegu na tama nūxū cumuñxū i wūxi i āēxgacū, rū name nixī i meā cumaxū. Rū nūma i āēxgacū rū tá cumaā nataāē. ⁴ Erū nūma i āēxgacū rū Tupanaārū ngūxēēruū nixī rū ngēmacēx nanamu na cuxū nangūxēēxūcēx. Natūrū ngēxguma chixri cumaūxgu, rū ngēxguma tá waxi nixī i nūxū cumuñxū. Erū nūma i āēxgacū rū tama natūcēxma nixī na nūxū nangēxmaxū i pora na cuxū napoxcuxū. Erū woetama Tupana nanamu na napoxcuāxūcēx i ngēma duñxū i chixri maxūxū. ⁵ Rū ngēmacēx name nixī i naga cuxīnū i curū āēxgacūgū. Rū tama ngēma poxcuxū na cumuñxūcēxicatama nixī i namexū na naga cuxīnūxū, natūrū name nixī i naga cuxīnū erū marū nūxū cucuēx na namexū i ngēma. ⁶ Rū ngēmacēx name nixī i meā nūxū penaxūtanū i ngēma dīeru i perū āēxgacūgūcēx ixīxū i ngēma nūmagū nagu naxunetaxūēxpūx na nūxū penaxūtanūxūcēx. Erū ngēma āēxgacūgū rū Tupanaāxū nixī i napuracūxū i ngēxguma naxūāgu i ngēma puracū na pemaā inacūáxū. ⁷ Rū wūxichigū i ngēma āēxgacūgū, rū name nixī i nūxna penaxā i ngēma nūxna ūxū. ¡Rū nūxū penaxūtanū i ngēma dīeru i perū āēxgacūgū nagu unetaxūēxpūx na nūxū penaxūtanūxū! ¡Rū penaxūx i ngēma ñāneārū puracū i perū āēxgacūgū pexū muxū na penaxūxūcēx! ¡Rū nūxū pengechaūgū rū naga pexīnūē i ngēma perū āēxgacūgū! Erū ngēmaācū nixī i namexū na penaxūxū. ⁸ Rū tama name i texēaxū tacū pengetanū. Natūrū nangēxma i wūxitama i ngetanū i taguma tūxū ingutanūxū. Rū ngēma nixī na yigū ingechaūgūxū. Rū ngēmacēx ya yíxema aixcūma tūmamūcūxū ngechaūxē rū marū tayanguxēē i guxūma i ngēma Tupana tūxū muxū. ⁹ Rū ñanagūrū i Tupanaārū mugū:

“¡Rü tãütãma naĩ i ngemaã icupe! ¡Rü tãütãma cumãeta! ¡Rü tãütãma cungĩx! ¡Rü tãütãma toguãxãrũ ngẽmaxũ cuxũ nangũchaũ!”

ñanagũrũ. Natũrũ ngẽma mugũ rũ guxũma i togũ i Tupanaãrũ mugũmaã rũ wũxigu nanu nãgu i norũ ore i ñaxũ:

“¡Rü nüxũ nangechaũ i cumũcũ na cugũtãma cungechaũxũrũ!”

ñaxũ. ¹⁰ Rü yĩxema tũmamũcũxũ ngechaũxẽ, rũ taxuũma i chixexũ namaã taxũ. Rü ngẽmacẽx i ngẽxguma tamũcũxũ ingechaũgu, rũ aixcũma tayanguxẽẽ i Tupanaãrũ mugũ. ¹¹ Rü name nixĩ i tanaxũ i guxũma i ngẽma, erũ ñomaũcũũ rũ nangẽxma i muxũma i guxchaxũgũ. Rü name nixĩ i pegũ ipemexẽẽ rũ paxã penaxũ i tũrũ Coriarũ puracũ. Erũ ñuxma rũ noxri yaxũgũguarũ yexera ningaicamachigũ i ngẽma ngunexũ i nãgu tã taxcẽx nataeguxũ ya tũrũ Cori. ¹² Rü woo na naporaxũ i Chatanã i ñoma i naãnewa i ñuxmax, natũrũ paxã tã nagux i ngẽma, rũ paxã tã inãgu ya Cristu na nügũxũtãwa tũxũ nagagũxũcẽx. Rü ngẽmacẽx name nixĩ i nüxũ tarũxoe i guxũma i chixexũ ixũgũxũ. Rü ñuxma na nüxũ icuãxũ i Tupanaãrũ ore, ¡rũ ngĩã yigũna tadaugũ na tama nãgu iyixũcẽx i tacũ rũ chixexũgũ! ¡Rü ngĩã meã tamaxẽ na ngẽmaãcũ nüxũ rũyexeragũxũcẽx i guxũma i chixexũ! ¹³ ¡Rü ngĩã meã taxũgũ rũ meã tamaxẽ! Erũ aixcũma Cristuarũ duũxũgũ tixĩgũ, rũ tanaxwẽxe i nũma nanaxwẽxexũãcũma tamaxẽ. Rü tama name na ingãxẽxũ rũ na naxũgũxũ i petagũ i chixexũ i duũxũgũ nãwa ãugatanũxũ. Rü tama name i tingẽãemare rũ ãna to i chixexũ taxũgũ, rũ bai na yigũ ichoxatũgagũxũ, rũ bai i togũchi ixaieixũ naxcẽx i norũ ngẽmaxũgũ. ¹⁴ Natũrũ name nixĩ i nacũmagu pexĩ ya tũrũ Cori ya Ngechuchu ya Cristu, rũ nüxna naxcẽx peca na pexũ nangũxẽxũcẽx na meã naxcẽx pemaxẽxũcẽx. Rü tama name i naxcẽx pedaugũ na ñuxãcũ pexeneãrũ ngũchaũ na pexũgũxũ.

14

Tama name i nüxũ quixu i cueneẽ i yaxõxũ

¹ Rü ngẽxguma petanũgu naxãxchaũgu i wũxi i peeneẽ i tama perũũ meã Tupanaãrũ orexũ cuãxũ, rũ name nixĩ i meã penayaxu. Natũrũ tama name i namaã pegũ pechoxũga naxcẽx i nacũmagũ i nãgu yaxũxũ i Tupanapẽxewa. ² Rü dũcax, nangẽxma i ñuxre i taeneẽgũ i nãgu rũxĩnũxũ na namexũ na guxũraũxũ i õna nangõxgũxũ. Natũrũ nangẽxma i togũ i taeneẽgũ i tama aixcũma meã Tupanaãrũ orexũ cuẽxgũxũ i tama namachi ngõxgũchaũxũ. Rü nümagũ nüxũ nacũxgũgu rũ Tupanapẽxewa nachuxu na tacũ rũ namachi nangõxgũxũ, rũ ngẽmacẽx nixĩ i nabũ rũ orĩxgũxicatãma nangõxgũxũ. ³ Rü ngẽxguma tangẽxmagu ya texẽ ya namachi ngõxẽ, rũ tama name i nüxũ taxoqx i ngẽma togũ i duũxũgũ i tama namachi ngõxgũxũ. Rü ngẽxgumarũũ ta ya yĩxema tama namachi ngõxẽ, rũ tama name na nüxũ tixuxũ i ngẽma duũxũgũ i namachi ngõxgũxũ, erũ nümagũ rũ ta Tupanaãrũ duũxũgũ nixĩgũ. ⁴ ¡Rü texẽ quixĩ i cuma rũ ngẽmacẽx nüxũ quixu i to i coriarũ duũxũgũ? Rü dũcax, pemaã nüxũ chixu rũ ngẽma norũ cori tã nixĩ i nangũxũxũ rũ ngoxi meã naxũx i ngẽma norũ duũxũ, rũ ãna tama. Rü ngẽma duũxũ rũ Tupanapẽxewa rũ tã name, erũ nũma ya tũrũ Cori ya Cristu rũ nüxũ nangẽxma i porã na nügũcẽx namexẽããxũ i ngẽma duũxũ. ⁵ Rü dũcax, nangẽxma i ñuxre i duũxũgũ i nãgu rũxĩnũxũ na ngũxchigaarũ ngunexũ rũ togũ i ngunexũrũ yexera namexũ na nãgu Tupanaxũ yacuẽxũgũxũ. Rü nangẽxma i togũ i duũxũgũ i nãgu rũxĩnũxũ na guxũma i ngunexũgũ rũ nawũxiguxũ i Tupanapẽxewa. Natũrũ wũxichigũ i yixema rũ tanaxwẽxe i meã taãewa nüxũ tacuẽx na aixcũma Tupanapẽxewa namexũ i ngẽma taxũxũ rũ tixõxũ. ⁶ Rü yĩxema duũxẽ ya tacũ rũ ngunexũ Tupanacẽx ixũxũchixẽ, rũ ngẽmaãcũ tanaxũ na ngẽma ngunexũgu tũrũ Corixũ ticuẽxũxũcẽx. Rü yĩxema namachi ngõxẽ, rũ ngẽmaãcũ tanangõx na tũrũ Corixũ ticuẽxũxũcẽx, rũ Tupanana moxẽ taxã naxcẽx i ngẽma tangõxũ. Rü yĩxema tama namachi ngõxẽ, rũ ngẽmaãcũ tanaxũ na tũrũ Corixũ ticuẽxũxũcẽx, rũ tũma rũ ta Tupanana moxẽ taxã naxcẽx i ngẽma nabũ i tangõxũ. ⁷ Rü ñuxma na ñoma i naãnewa imaxẽxũ, rũ taxũema tũgũcẽxtãma tamaxũ rũ ãna tũgũcẽxtãma tayu. ⁸ Erũ ñuxma na imaxẽxũ, rũ tũrũ Coriarũ ngũchaũ na ixũgũxũcẽx nixĩ i imaxẽxũ. Rü ngẽxguma iyuegu, rũ ngẽma rũ ta tũrũ Corimẽxewa nangẽxma. Rü ngẽmaãcũ nüxũ tãdã rũ woo imaxẽgu rũ ãna woo iyuegu, rũ tũrũ Coriarũ duũxũgũ tixĩgũ, rũ namẽxwa tangẽxmagũ. ⁹ Rü yemacẽx nixĩ ga nayuxũ ga Cristu rũ wenaxãrũ namaxũxũ na tũmaãrũ Cori yĩxũcẽx ga guxãma ga guxema yaxõgũxe ga marũ yuexe rũ guxãma ya yĩxema yaxõgũxe ya ñuxma rũ ta maxẽxẽ. ¹⁰ Rü ngẽmacẽx Pa Chaueneẽx, ¡rũ tũxcũũ i nüxũ quixuxũ i cueneẽ i yaxõxũ? Rü cumax, Pa To i Chaueneẽx, ¡rũ tũxcũũ i nüxũ cuxoxũ i cueneẽ? Erũ guxãtãma i yixema rũ Tupanapẽxewa tã tangũgu na nũma tũxũ nangũgũxũcẽx rũ ngoxi ime rũ ãna tama. ¹¹ Erũ Tupanaãrũ ore i ãmatũxũwa rũ ñanagũrũ ya tũrũ Cori:

“Ngẽma aixcũma na chamaxũxũrũũ tã ta nixĩ i aixcũma guxũtãma i duũxũgũ chopẽxegu caxãpũxũgũxũ, rũ guxũtãma choxũ icuẽxũgũxũ”,

ñanagürü. ¹² Rū ngēmaācū nūxū tacuèx na wūxichigū i yixema rū aixcūma tá Tupanapēxewa na ingugūxū na namaā nūxū ixuxūcèx na ñuxācū imaxèxū rū ñacū na ixūxū.

Tama name i chixexūgu cunanguxēē i cueneē i yaxōxū

¹³ Rū ngēmācèx nixī, Pa Chaueneēgūx, i tama namexū na tamüçügūxū ixuechaū. Natürü narūmemaē nixī i nūxū perūxoe i gūxūma i ñacū i peeneēgūxū pecadugu yixēēxū rū ēxna norū òxū chixexēēxū. ¹⁴ Choma nūxū chacuèx rū nataxuma i òna i Tupanapēxewa chixexū. Rū aixcūmaxūchi nūxū chacuèx i ngēma erū tórū Cori ya Ngechuchu ya Cristuarū duūxū chixī, rū nūma choxū nūxū nacuèxēē i ngēma. Natürü ngēxguma chi texē nagu rūxīnūgu na tama Tupanapēxewa namexū i ñacū rū òna na tangōxū, rū name nixī i noxtacūma tama na tanangōxū ega nagu tarūxīnūgu na tama namexū i ngēma. ¹⁵ Rū ngēxguma ngēma cungōxūcèx tūmaāēwa cunanguxēēgu ya cueneē, rū cumaā nūxū chixu rū tama aixcūma tūxū cungechaū. Rū tama name i ngēma cungōxūgagu chixexūgu tūxū cunguxēē rū tūxū icuyarūtauxēē ya yixema cueneē ya Cristu tūmacèx yuxe. ¹⁶ Rū ngēmācèx, woo cuxcèx namexgu i ngēma cuxūxū, natürü tama name na cunaxūamaxū ega ngēmācèx togū tá cuxū ixuxgu na pecadu yīxū i ngēma cuxūxū. ¹⁷ Rū ngēma Tupanapēxewa na imexūcèx rū tama ñacū rū òna na ingōxū rū ēxna ñacū rū axexū na ixaxūūgagu nixī. Natürü napēxewa na imexūcèx rū tanaxwēxe i Naāē i Ūñexūlārū ngūxēēmaē meā tayanguxēē i ngēma Tupana naxwēxexū rū yigūmaā itarūngūxmūē rū aixcūma tataāēgū napēxewa ya Tupana. ¹⁸ Rū yixema ngēmaācū Cristucèx maxūxē, rū Tupana rū tūmamaā nataāē, rū guxūma i duūxūgū rū ta tūmamaā nataāēgū. ¹⁹ Rū ngēmācèx, jngīxā naxcèx tadaugu i guxūma i nacūma i mexū i yigūmaā tūxū rūngūxmūēxēēxū! jRū ngīxā yigū tarūngūxēē na yexeraācū iyaexūcèx i tórū òwa rū Tupanaārū orewa! ²⁰ Rū tama name i ñacū rū òna na cungōxūgagu icuyanax-oxēē i Tupanaārū puracū i cueneēārū maxūwa. Rū aixcūma nixī i guxūma i ònagū i namexū i Tupanapēxewa. Natürü wūxi i chixexū nixī ega ngēma òna i ingōxūgagu chixexūgu nayixēēgu i taeneēgū. ²¹ Rū ngēmācèx tama name i cunangōxū i namachi, rū ēxna cuyaxaxū ya binu, rū ēxna cunaxū i ñacū i to, ega ngēmāgagu chixexūgu cunanguxēēgu i cueneē i yaxōxū. ²² Rū ngēxguma cuma nagu curūxīnūgu na namexū na cunangōxū i ngēxūrūūxūmare i òna, rū Tupanapēxewa rū name nixī i cuxicatama nūxū cucuèx i ngēma. Rū tataāē ya yixema tūmaāēwa nūxū cuāxe na Tupanapēxewa namexū i ngēma taxūxū. ²³ Natürü ngēxguma wūxie nagu rūxīnūgu na tama namexū i Tupanapēxewa na ñacū rū òna na tangōxū, rū pemaā nūxū chixu rū chixexū taxū ega tanangōxomagū, erū tūmaāēwa nagu tarūxīnū na tama aixcūma namexū i ngēma taxūxū. Rū guxūma i ngēma tūmaāēwa nagu tarūxīnūxū na nachixexū rū aixcūma pecadu taxū ega tanaxūamagu.

15

Name nixī i cumūcixū cutaāxēxēē

¹ Rū yixema na iporaexū i tórū òwa, rū name nixī i nūxū tarūngūxēē i ngēma tamüçügū i turaexū i norū òwa. Rū tama name i yigūguxicatama tarūxīnūē rū tóxrūcèxicatama tadaugu. ² Natürü wūxichigū i yixema rū name nixī i taeneēāxū tanangūchaūxēē na ngēmaācū nūxū rūngūxēēxūcèx na yexeraācū yaxōxūcèx. ³ Yerū woo ga Cristu rū tama noxrūtama ngūchaū naxū. Natürü nayanguxēē ga yema Tupanaārū ore ga ñaxū: "Pa Chaunatūx, rū ngēma duūxūgū i cumaā guxchigagūxū, rū chomaā nixī i naguxchigagūxū", ñaxū. ⁴ Rū guxūma ga yema nuxcūma ūmatūxū ga Tupanaārū orewa, rū naxūmatū na tūxū nanguxēēxūcèx na taguma nūxū rūxoexū ega woo ñacū rū guxchaxū tūxū ūpetūgu. Rū yema Tupanaārū ore rū naxūmatū na tūxū nataāēxēēxūcèx rū tūxū nūxū nacuèxēēxūcèx na aixcūma Tupanaārū ixūgūxū. ⁵ Rū Tupana nixī ya tūxū rūngūxēēcū na yaxna namaā ixīnūēxūcèx i guxūma i guxchaxūgū. Rū nūma nixī i tūxū nataāēxēēxū. Rū chanaxwae i nūma ya Tupana pexū narūngūxēē na aixcūma ngēma Cristu pexū naxwaxēēācūma pemaxēxū. ⁶ Rū chanaxwēxe na ngēmaācū pemaxēxū na guxāma i pema rū wūxigu nūxū picuèxūūgūxūcèx ya Tupana ya Nanatū ya tórū Cori ya Ngechuchu ya Cristu.

Duūxūgū i tama Yudūgū ixīgūxūmaā nūxū nixu i ore i mexū

⁷ Rū ngēmācèx, yema Cristu pexū na dexūrūū rū name nixī i wūxichigū meā pegū payaxu na ngēmaācū Tupanaxū yacuèxūūgūxūcèx i duūxūgū. ⁸ Rū pemaā nūxū chixu rū Cristu nūma naxū na Yudūgūxū yanangūxēēxūcèx, na yemaācū yanguxēēāxūcèx ga yema uneta ga nuxcūmaūgūxū ga tórū oxigūmaā nūxū yaxuxū ga Tupana. Rū yemaācū ga Cristu rū tūxū nūxū nadauxēē na aixcūmacū na yīxū ya Tupana rū aixcūma yanguxēēāxū i ngēma norū uneta. ⁹ Rū yexgumarū ta ga Cristu rū nūma naxū naxcèx i ngēma duūxūgū i tama Yudūgū ixīgūxū na nūmagū rū ta Tupanaxū yacuèxūūgūxūcèx naxcèx na poraācū

Tupanaāxū nangechaŭtūmūūgūxū. Rū yemachiga nixī ga yema Tupanaārū ore ga Dabī ūmatūxū ga űaxū:

“Rū ngēmacēx guxū i nachīūānecūāx i duūxūgūpēxewa tá cuxū chīcūxūū. Rū tá chorū wiyawa cuxū chataxēē”,

űaxū. ¹⁰ Rū toxnamana i Tupanaārū ore i ūmatūxūwa rū űanagūrū:

“Pa Duūxūgū i Tama Yudiūgū Ixīgūxū, rū name nixī i pema rū wūxīgu chorū duūxūgū i Yudiūgūmaā petaāēgū”,

űanagūrū. ¹¹ Rū toxnamana, rū űanagūrū ta:

“Pa Duūxūgū i Tama Yudiūgū Ixīgūxū, rū name nixī i nūxū picūxūūgū ya tōrū Cori. Rū Pa Guxūma i Nachīūānecūāx i Duūxūgū, rū name nixī i penataxēē”,

űanagūrū. ¹² Rū Ichaxīa rū ta nanaxūmatū rū űanagūrū:

“Rū Dabī nanatū ya Ichaxīa tá ne naxū i wūxi i nataa i tá Cristu ixīxū. Rū nūma tá nixī i norū āēxgacū yīxū i guxūma i ngēma duūxūgū i tama Yudiūgū ixīgūxū. Rū ngēma duūxūgū rū tá aixcūma nūxū nayaxōgū rū tá ínananguxēēgū na yimagagu Tupana nūxū rūngūxēēgūxū”,

űanagūrū. ¹³ Rū űuxma i pema na nūxū peyaxōgūxū rū chanaxwēxe i poraācū pexū nataāxēē ya yīma Tupana ya pexū rūngūxēēcū na meā Cristuxū ípenanguxēēgūxūcēx.

Rū ngēmaācū i Tupanaāē i Ūūnexū rū tá pexū naporaexēē na yexeraācū Cristuxū ípenanguxēēgūxūcēx. ¹⁴ Pa Chaueneēgūx, meāma naxū chucūx na guxū i duūxūgūmaā pemecūmaxū, rū aixcūma Tupanaxū na pecuāxū, rū aixcūma meāma pegū pixucūxēēgūxū.

¹⁵ Natūrū űāā poperawa rū meāma pexcēx chanaxūmatū i űuxre i Tupanaārū ucūxēēgū, erū tama chanaxwēxe i nūxū ipeyarūngūmaē. Rū tama chamuū na pexcēx chanaxūmatūxū i ngēmachiga yerū Tupana nixī ga choxū mucū na pemaā nūxū chīxūxūcēx. ¹⁶ Rū nūma nixī ga choxū namuxū na Ngechuchu ya Cristuarū puracū chaxūxūcēx i natanūwa i ngēma duūxūgū i tama Yudiūgū ixīgūxū. Rū ngēma puracū ga nawa choxū namuxū nixī na ngēma duūxūgūmaā nūxū chīxūxū i ore i mexū na Tupanaxūtawa chanagagūxūcēx, na wūxi i āmare i Tupana namaā taāxū i ngēma duūxūgū i Naāē i Ūūnexū imexēēgūxū. ¹⁷ Rū űuxma na Ngechuchu ya Cristuarū duūxū na chīxūxū, rū ngēmacēx chataāē namaā i ngēma puracū i Tupanaāxū chaxūxū. ¹⁸⁻¹⁹ Rū űuxma rū yema Cristu chorū maxūwa ūxūchigaxūxīcatama nixī i chīxūxū. Rū nūma nixī ga choxū nangūxēēxū na Tupanaxūtawa chanagagūxūcēx ga yema duūxūgū i tama Yudiūgū ixīgūxū, na nūmagū rū ta Tupanaga naxīnūxūcēx. Rū yemaācū chorū oremaā, rū chorū puracūmaā, rū cuēxruūgū ga taxū ga Tupana ūxūmaā, rū Naāē i Ūūnexūārū poramaā Tupanaxūtawa chanagagū ga yema duūxūgū. Rū yemaācū Yerucharēūwa rū guxūwama űuxmata Ílricuarū naānēwa meāma chayangūxēē na nūxū chīxūxū ga yema ore i tūxū maxēxēēxū i Cristuchiga. ²⁰ Rū yemaācū chapuracū na nūxū chīxūxūcēx ga Tupanaārū ore i mexū ga ngextā taguma űuxgu Cristuchigaxū ímaxīnūxūxūwa ga duūxūgū. Yerū tama chanaxwēxe ga marū togū nūxū íxūxūwa rū duūxūgū marū nūxū ícūāxūwa nūxū na chīxūxū ga yema ore. ²¹ Rū yemachiga nixī ga Tupanaārū ore ga Ichaxīa ūmatūxū ga űaxū:

“Rū yīxema taguma Cristuchigaxū cuēxgūxe, rū taguma nachigaxū ínūxēē, rū tá nūxū tacuēxgū i nachiga”,

űaxū.

Paurū rū Dumawa naxūxchā

²² Rū yema toxnamana na chapuracūxūcēx nixī ga taxucūrūwa petanūwa chaxūxū woo muēxpūxcūnachirēx yēma chaxūxchāxū. ²³ Natūrū űuxma na marū chanaguxēēxū i ngēma puracū i toxnamana, rū nāgu charūxīnū na petanūwa chaxūxū. Yerū űuxgumamatama nixī ga nāgu charūxīnūchaxū na petanūwa chaxūxchāxū. ²⁴ Rū ngēxguma Españawa chaxūxgu, rū nāgu charūxīnū na woe pexūtagu íchīdauxū. Rū nāgu charūxīnū na űuxre i ngunēxū ngēma petanūgu charūxūxū. Rū wūxi i chorū taāē tá nixī i ngēma. Rū ngēmawena rū chanaxwēxe i choxū perūngūxēē na Españawa chaxūxūcēx. ²⁵ Natūrū i űuxma rū Yerucharēūwa tá chaxū, na ngēma chanangexūcēx i űuxre i dīeru naxcēx i taeneēgū i ngēma ngēxmagūxū. ²⁶ Erū ngēma taeneēgū i yaxōgūxū i Machedóniāānēwa rū Acayaanēwa ngēxmagūxū, rū norū ngūchaūmaā nāgu narūxīnūē na ngxū nanutaquēxēgūxū i űuxre i dīeru na ngēmaācū nūxū nangūxēēgūxūcēx i taeneēgū i nūxū nataxuxū i Yerucharēūwa ngēxmagūxū. ²⁷ Rū ngēma taeneēgū i Machedóniācūāx rū Acayacūāx rū norū me nixī na ngēmaācū naxūgūāxū. Rū ngēma duūxūgū rū aixcūma nūxū nangēxma i norū ngetanū i taeneēgū i Yudiūgūtanūwa. Erū ngēma taeneēgū i Yudiūgūgagu nixī i ngēma togū i duūxūgūtanūwa nanguxū i Tupanaārū ore. Rū űuxma rū name nixī i ngēma togū i duūxūgū rū norū ngēmaxūmaā taeneēgū i Yudiūgū i yaxōgūxūxū narūngūxēēgū. ²⁸ Rū ngēxguma chanaguxēēgū i ngēma puracū, rū ngēxguma taeneēgū i Yudiūgūna marū ngxū chaxāxgu i ngēma dīeru, rū Españawa tá chaxū. Rū ngēxguma ngēma chaxūxgu, rū tá woe pexūtagu

íchidau. ²⁹ Rū nūxū chacuèx rū ngēxguma petanūwa changuxgu, rū wūxigu tá tataāēgū, erū nūma ya Cristu tá tūxū nataāēēē i ngēxguma ngēmaācū wūxiwa ingēxmagūgu. ³⁰ Pa Chaueneēgūx, tórū Cori ya Ngechuchu ya Cristuégagu, rū ngēma na Naāēārū ngūxēēmaā choxū pengechaūxūgagu pexū chacèxū na Tupanana chauxcèx pecaxū i perū yumūxēwa. Rū ngēmaācū tá choxū perūngūxēē nawa i űāā puracū i Tupana choxna āxū. ³¹ ¡Rū Tupanana peça na choxū ¡napoxūxūcèx nūxna i ngēma Yudiugū i Yudéaanewa ngēxmagūxū i tama yaxōgūxū! ¡Rū nūxna peça naxcèx i ngēma taeneēgū i yaxōgūxū i Yerucharēūwa ngēxmagūxū, na taāēācūma nayauxgūāxūcèx i ngēma dīeru i ngēma naxcèx changexū! ³² Rū ngēmaācū ngēxguma Tupana naxwèxegu, rū taāēācūma petanūwa tá changu, na wūxigu pemaā chataāēxūcèx. ³³ Rū chanaxwèxe na pemaā inaxūxū ya Tupana ya tūxū taāēxēēcū. Rū ngēmaācū yīi.

16

Pauru rū nūxū narūmoxē ga yema duūxūgū ga yaxōgūxū ga Dumawa yexmagūxū

¹ Rū űuxma na petanūwa naxūxchaūxū i taeyèx i Febe, rū pemaā ngīxū chixu rū wūxi i taeyèx i mecū iyixī. Erū ngīma rū nūxū irūngūxēē i ngēma yaxōgūxū i Chēcréaarū īānewa ngēxmagūxū. ² Rū chanaxwèxe i meā ngīxū peyaxu, naegagu ya tórū Cori ya Ngechuchu, erū ngēma nixī i mexū na penaxūxū namaā i guxūma i yaxōgūxū. Rū chanaxwèxe i guxūma i űacū i ngīxū taxuxūwa rū ngīxū perūngūxēē, erū ngīma rū poraācū togūxū irūngūxēē, rū choxū rū ta irūngūxēē. ³ ¡Rū nūxū perūmoxēgū i Prisila rū Aquiru! Rū nūmagū rū chomūcūgū nixīgū i Ngechuchu ya Cristuarū puracūwa. ⁴ Rū nūmagū rū ācūmaxūwa nichocu na chauētūwa nachogūexūcèx, na tama chayuxūcèx ga chomax. Rū ngēmacèx moxē nūxna chaxā. Rū tama chaxicatama moxē naxcèx nūxna chaxā, natūrū moxē nūxna naxāgū ta i guxūma i taeneēgū i yaxōgūxū i tama Yudiugū ixīgūxū. ⁵ ¡Rū nūxū perūmoxēgū ta i guxūma i taeneēgū i Aquirupatawa ngutaquēxegūxū! ¡Rū ngēxgumarū ta nūxū perūmoxēgū ya chomūcū ya nūxū changechaūcū ya Epenétu! Rū nūma nixī ga nūxīra Cristuaxū yaxōōxū ga Áchiaanewa. ⁶ ¡Rū ngīxū perūmoxēgū i Maria ga poraācū petanūwa Tupanaāxū puracūcū! ⁷ ¡Rū nūxū perūmoxēgū i chautanūxūgū i Aūdrrūnicu rū Yūniā ga wūxigu chomaā poxcuexū! Rū nūmagū nixī i yatūgū i aixcūma Tupana imugūxū i guxūma i yaxōgūxū nūxū ngechaūgūxū. Rū nūmagū rū nūxīra chauxūpa Cristuaxū nayaxōgū. ⁸ ¡Rū nūxū perūmoxēgū ya Aūpriātu ya chomūcū ya nūxū changechaūcū ya chauxrū tórū Coriaxū yaxōcū! ⁹ ¡Rū nūxū perūmoxēgū ya Urubānu ya tomūcū ixīcū i Cristuarū puracūwa! ¡Rū ngēxgumarū ta nūxū perūmoxēgū ya Estaqui ya nūxū changechaūcū! ¹⁰ ¡Rū nūxū perūmoxēgū ya Apere ya aixcūma tūxū nūxū dauxēēcū na űuxācū Cristuaxū yaxōōxū! ¡Rū ngēxgumarū ta nūxū perūmoxēgū i Aritūburutanūxūgū! ¹¹ ¡Rū nūxū perūmoxēgū i chautanūxū i Erudiū! ¡Rū ngēxgumarū ta nūxū perūmoxēgū i Narsīchutanūxū i tórū Coriaxū yaxōgūxū! ¹² ¡Rū ngīxū perūmoxēgū i Trifena rū Trifocha! Rū ngīmagū rū tórū Coriaxū ipuracūe. ¡Rū ngēxgumarū ta ngīxū perūmoxēgū i taeyèx i Péchida i ngīxū ingechaūgūcū! Rū ngīma meā marū poraācū tórū Coriaxū ipuracū. ¹³ ¡Rū nūxū perūmoxēgū ya Rufu ya aixcūma meā tórū Coriaxū yaxōcū! ¡Rū ngēxgumarū ta ngīxū perūmoxēgū i naē ga chauerū chomaā ixīcū! ¹⁴ ¡Rū nūxū perūmoxēgū i Achīcritu, rū Peregūte, rū Erme, rū Patroba, rū Erma, rū guxūma i togū i taeneēgū i natanūwa ngēxmagūxū! ¹⁵ ¡Rū nūxū perūmoxēgū ta i Firōrugu, rū Yūria, rū Neréu, rū naēyèx, rū Oripa, rū guxūma i togū i taeneēgū i yaxōgūxū i natanūwa ngēxmagūxū! ¹⁶ Rū chanaxwèxe i pegū pengechaūgūcūma pegū perūmoxēgū i wūxichigū. Rū guxūma i ngēma yaxōgūxū i toxnamana ngēxmagūxū, rū pexū narūmoxēgū. ¹⁷ Pa Chaueneēgūx, pexū chacèxū na pegūna pedaugūxūcèx nūxna i ngēma duūxūgū i pexū itoyechaūxū rū chixexūgu pexū yixēēgūchaūxū. Erū ngēma duūxūgūarū nguxēētae rū tama namaā nawūxigu i ngēma nguxēētae ga noxri peyauxgūxū ga yexguma noxri peyaxōgūgu. Rū name nixī i noxtacūma nūxna pixīgachi i ngēma duūxūgū rū tama natanūgu pexāgū. ¹⁸ Erū ngēma duūxūgū rū tama tórū Cori ya Ngechuchu ya Cristuarū ngūchaū naxūgū, natūrū noxrūtama ngūchaū nixī i naxūgūxū. Rū ore i tauxchaxūgūmaā nayaxucūxēgū i duūxūgū, rū ngēmaācū nanawomūxēēgū i ngēma duūxūgū i tama meā nūxū cuēgūxū. ¹⁹ Rū guxūma i duūxūgū nūxū nacuēxgū na aixcūma meā Tupanaga pexīnūxū i pemax. Rū ngēmacèx pemaā chataāē i chomax. Rū chanaxwèxe na meā nūxū pecuáxū i űacū nixī i mexū i Tupanapēxewa na penaxūxūcèx i ngēma. Natūrū ngēma Tupanapēxewa chixexū, rū ¡nūxna pixīgachi na tama nagu peyixūcèx! ²⁰ Rū ngēxguma ngēmaācū meā pemaxēgu rū nūma ya Tanatū ya Tupana ya tūxū taāēxēēcū rū tá pexū naporaexēē na aixcūma nūxū perūyexeraxūcèx i Chataná. Rū chanaxwèxe i tórū Cori ya Ngechuchu ya Cristu pemaā inarūxāxū rū pexū narūngūxēē. ²¹ Rū pexū narūmoxē ya Timutéu ya chomūcū ixīcū i Tupanaārū puracūwa. Rū ngēxgumarū ta pexū narūmoxēgū i chautanūxūgū i Dūchiu, rū Yachóu rū Sochípatru. ²² Rū choma i Téchiu na chanaxūmatūxū i űāā popera, rū choma rū

ta pexŭ charŭmoxē naegagu ya tórŭ Cori. ²³ Rŭ pexŭ narŭmoxē ta ya Gayu ya napatawa changēxmacŭ. Rŭ nŭma rŭ inanaxā ya daa napata na nawa nangutaquēxegŭxŭcēx i guxŭma i yaxōgŭxŭ. Rŭ ngēxgumarŭŭ ta pexŭ narŭmoxēgŭ i Eratu i daa ĩāneārŭ dĭēruarŭ dauruŭ ĩxĭxŭ, rŭ taeneē i Cuartu. ²⁴ Rŭ chanaxwēxe i tórŭ Cori ya Ngechuchu ya Cristu pexŭ narŭngŭxēē i guxāma i pemax. Rŭ ngēmaācŭ yĭi.

Pauru rŭ Tupanaxŭ yacuēxŭŭācŭma nanaguxēē i norŭ popera

²⁵⁻²⁶ ĩRŭ űuxmax, rŭ ngĭxā nŭxŭ ticuēxŭŭgŭ ya Tanatŭ ya Tupana! Rŭ nŭma nŭxŭŭ nangēxma i pora na pexŭ naporaexēēxŭcēx na meā peyaxōgŭamaxŭcēx i ngēma norŭ ore i tŭxŭ maxēxēēxŭ tamaā nŭxŭ ĩxuxŭrŭŭ. Rŭ ngēma nixĭ i ore i guxŭwama nŭxŭ chixuxŭŭ rŭ namaā changŭexēētaexŭ i Ngechuchu ya Cristuchiga. Rŭ ngēmatama ore i Cristuchiga rŭ taxchaxwa naxēxŭgu ga noxrix, natŭrŭ i űuxma ya Tupana rŭ marŭ tŭxŭŭ nŭxŭ nacuēxēē i ngēma. Rŭ nuxcŭma tauta naāne ŭxgu rŭ Tupanaxĭcatama nŭxŭ nacuēx ga yema, natŭrŭ i űuxma rŭ norŭ orearŭ uruŭgŭ ŭmatŭxŭŭ ga orewa taxcēx nanangoxēē. Rŭ ngēma ore rŭ namaā nawŭxigu ga yema ore ga nuxcŭma nŭxŭ yaxuxŭŭ ga Tupana ya guxŭguma maxēchacŭ. Rŭ űuxma ya Tupana rŭ guxŭwama nanamugŭ i norŭ orearŭ uruŭgŭ na guxŭŭ i duŭxŭgŭmaā nŭxŭŭ na yaxugŭexŭcēx i ngēma ore i Cristuchiga na nŭxŭŭ yaxōgŭāxŭcēx rŭ naga na naxĭnŭēxŭcēx. ²⁷ Rŭ nŭma ya Tupana rŭ nŭxĭcatama nixĭ i Tupana yĭĭxŭŭ, rŭ nŭxĭcatama nixĭ i guxŭxŭŭ nacuāxŭ. ĩRŭ űuxmax, rŭ ngĭxā guxŭguma nŭxŭŭ ticuēxŭŭgŭ, erŭ Nane ya Ngechuchu ya Cristu rŭ poraācŭ tŭxŭŭ narŭngŭxēē! Rŭ ngēmaācŭ yĭi.

Rŭ nuāma pexna,
Pauru

NŪXĪRAŪXŪ GA POPERA GA CORÍTIUCŪĀX GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Corťtiuarŭ ŭnewa yexmagŭxŭ

¹⁻² Pa Chaueneēgŭ i Corťtiucŭĭxgŭx, choma i Pauru nixŭ i Tupana yaxuxŭ norŭ ngŭchaxŭmaā na Ngechuchu ya Cristu norŭ puracŭwa choxŭ namuxŭcēx. Rŭ choma rŭ namaā i taeneē i Chŏtene nixŭ i pexŭ tarŭmŏxēgŭxŭ rŭ pexcēx tanaxŭmatŭxŭ i űaā popera. Pa Chaueneēgŭ ya Tupanaārŭ Ixŭgŭxex, pema rŭ marŭ Tupanapēxewa pixŭŭne yerŭ Ngechuchu ya Cristu marŭ pexŭ nixŭŭnēxē. Rŭ Tupana rŭ marŭ pexŭ nade na norŭ duŭxŭgŭ pixŭgŭxŭcēx wŭxigu namaā i guxŭma i ngēma duŭxŭgŭ i guxŭwama tŏrŭ Cori ya Ngechuchu ya Cristuxŭ icuēxŭgŭxŭ. Rŭ nŭma ya Ngechuchu ya tŏrŭ Cori ixŭcŭ, rŭ ngēma duŭxŭgŭarŭ Cori ta nixŭ. ³ Rŭ chanaxwēxe ya Tanatŭ ya Tupana rŭ tŏrŭ Cori ya Ngechuchu ya Cristu norŭ ngechaxŭgagu poraācŭ pexŭ narŭngŭxēē rŭ pexŭ nataāēxēē.

Tupana tŭxŭ narŭngŭxēē erŭ Cristuarŭ duŭxŭgŭ tixŭgŭ

⁴ Rŭ taguma nŭxŭ charŭchau na Tupanana moxē pexcēx chaxāxŭ. Rŭ moxē nŭxna chaxā naxcēx i ngema ngŭxēē i Ngechuchu ya Cristugagu Tupana pexna āmarexŭ. ⁵ Yerŭ Cristugagu Tupana pexna nanamu ga Naāxē i Ūnēxŭ na pemaxā pecaxŭcēx. Rŭ pexna nanaxā ga norŭ ore, rŭ naētŭ pexŭ nanatauxchaxēē na nŭxŭ pecaxŭcēx na űuxŭ űaxŭchiga yixŭxŭ. ⁶ Rŭ yemaācŭ yexguma nŭxŭ pexŭnēgu ga yema ore ga Cristuchiga rŭ aixcŭma peyaxŏgŭ. ⁷ Rŭ ngēmacēx i űuxma na ipenanguxēēxŭ na wena tāxarŭ nŭma naxŭxŭ ya tŏrŭ Cori ya Ngechuchu ya Cristu, rŭ Tupana pexna nanaxā i taxŭ i cuēx na taxŭma pexŭ taxuxŭcēx na naxcēx pemaxēxŭ. ⁸ Rŭ ngēmaācŭ tā pexna nadau ya Tupana űuxmatāta nagŭ i naāne, rŭ guxŭgutāma pexŭ naporaēxēē na aixcŭma peyaxŏgŭamaxŭcēx rŭ naxcēx pemaxēxŭcēx, na taxŭema chixexŭmaā pexŭ ixugŭxŭcēx i ngēxguma wenaxārŭ nŭma naxŭxgu ya tŏrŭ Cori ya Ngechuchu ya Cristu. ⁹ Rŭ Tupana rŭ guxŭguma nayanguxēē i norŭ uneta. Rŭ nŭma nixŭ ga pexŭ nadexŭ na aixcŭma Nane ya tŏrŭ Cori ya Ngechuchu ya Cristumŭcŭgŭ pixŭgŭxŭcēx.

Nŭgŭ nitoye ga yema yaxŏgŭxŭ

¹⁰ Pa Chaueneēgŭx, tŏrŭ Cori ya Ngechuchu ya Cristuēgagu pexŭ chacēxŭ na wŭxigu pegŭmaā perŭxŭnēxŭ rŭ tama pegŭ pitoyexŭcēx. Rŭ name nixŭ i aixcŭma pegŭ pengechaŭgŭ rŭ aixcŭma wŭxigutama perŭxŭnēē i peāēwa. ¹¹ Pa Chaueneēgŭx, pemaā nŭxŭ chixu i ngēma ore, yerŭ Croētanŭxŭtanŭwa nŭxŭ chacuāchiga ga pegŭmaā na penuēxŭ, rŭ tama aixcŭma wŭxigu na perŭxŭnēxŭ. ¹² Rŭ pemaā nŭxŭ chixu i ngēma erŭ űuxre i pema rŭ űaperŭgŭgŭ:

“Choma rŭ Pauruwe charŭxŭ”, űaperŭgŭgŭ. Rŭ togue rŭ:

“Choma rŭ Aporuwe charŭxŭ”, űaperŭgŭgŭ. Rŭ togue rŭ:

“Choma rŭ Pedruwe charŭxŭ”, űaperŭgŭgŭ. Rŭ togue rŭ:

“Choma rŭ Cristuwe charŭxŭ”, űaperŭgŭgŭ. ¹³ ŭRŭ űuxācŭ nixŭ i ngēma? ŭPexcēx rŭ Cristu rŭ marŭ niyaxuye? ŭĒxna pema nŭxŭ pecuēxgu rŭ choma i Pauru chiŭxŭ ga curuchawa pexcēx chipotaxŭ rŭ chayuxŭ? ŭRŭ ēxna pema nŭxŭ pecuēxgu rŭ chauēgagu yŭxŭ ga ŭpebaiŭxŭ? ¹⁴ Rŭ Tupanana moxē chaxā, yerŭ taxŭema pexŭ ŭchabaiŭxēē ga pemax. Rŭ Crispu rŭ Gayuxicatama nixŭ ga ŭchabaiŭxēēxŭ. ¹⁵ Rŭ ngēmacēx taxucŭrŭwa texē tŭgŭ tixu na chauēgagu ŭtabaiexŭ. ¹⁶ Rŭ yemaācŭ aixcŭma ŭchanabaiŭxēē ga Estēfanatanŭxŭgŭ ta, natŭrŭ chauxcēx rŭ taxŭema ga togue tŭxŭ ŭchabaiŭxēē. ¹⁷ Yerŭ nŭma ga Cristu rŭ tama choxŭ namu ga duŭxŭgŭxŭ na ŭchabaiŭxēēxŭcēx, natŭrŭ choxŭ namu na duŭxŭgŭmaā nŭxŭ chixuxŭcēx i norŭ ore i mexŭ i tŭxŭ maxēxēēxŭ. Rŭ nanaxwēxe i taxchaxŭ i oremaā nŭxŭ chixu i ngēma ore. Erŭ ngēxguma chi űoma nŭxŭ cuēxŭchixŭrŭŭ nŭxŭ chixuxgu i ngēma ore, rŭ ngŭrŭāchi i duŭxŭgŭ rŭ tā chauguama narŭxŭnēē rŭ tā nŭxŭ inayarŭngŭmaē na Cristu yŭxŭ ga tŭxŭ maxēxēēcŭ ga yexguma curuchagu nayuxgux.

Cristuwa nixŭ ga Tupana inawēxŭ ga norŭ pora rŭ norŭ cuēx

¹⁸ Rŭ ngēma ore na űuxācŭ tŏrŭ pecaducēx curuchagu nayuxŭ ga Cristu, rŭ wŭxi i natŭcēxmanare nixŭ naxcēx i ngēma duŭxŭgŭ i poxcuwa ŭxŭ. Natŭrŭ yixema na Tupana tŭxŭ maxēxēēxŭ, rŭ nŭxŭ tacuēx na ngēma ore rŭ Tupanaārŭ pora yŭxŭ. ¹⁹ Erŭ norŭ ore i ŭmatŭxŭwa rŭ űanagŭrŭ ga Tupana:

“Rŭ tā ichayanaxoxēē i guxŭma i norŭ cuēx i ngēma duŭxŭgŭ i nŭxŭ cuēxŭchigŭxŭ. Rŭ tā nŭxŭ chaxo i ngēma duŭxŭgŭarŭ cuēx”,

ñanagürü. ²⁰ Rū ñuxmax, Pa Chaueneëgüx, ¿Tupanapëxewa rü ñacüwa namexü i ngëma duñxügü i poraäcü nuxü cuëxüchixü? ¿Rü ñacüwa namexü i ngëma duñxügü i Moiché ümatüxü i mugüwa nguxëëtaegüxü? ¿Rü ñacüwa namexü i ngëma duñxügü i meä nüxü cuëxügüxü i ñoma i naäneärü cuächigagu na yadexagüxü? Erü guxüma i ngëma cuëxü i duñxügü nagu rüñinüëxü rü Tupanacëx rü taxuwama name. ²¹ Natürü nüma ya Tupana ya guxüma cuäcü, rü tama nanaxwëxe na ñoma i naäneäcŭäx i duñxügüarü cuägagu na yïxü i naxütawa nangugüxü i nümagü. Natürü nanaxwëxe na ngëma norü ore i mexüdgagu na yïxü i namaxëëëäxü i ngëma duñxügü i yaxögüxü woo togücëx rü natüçëxmamare yixügu i ngëma ore. ²² Ngëma Yudiügü rü nüxü nadaugüchaü i cuëxruügü i Tupanaärü poramaä üxü. Rü ngëma Griëgügü rü naxcëx nadaugü i ñoma i naäneärü cuëx. ²³ Natürü ngëma ore i toma nüxü tixuxü, rü Cristu ga curuchawa ipotacüchiga nixü. Rü ngëma ore rü naäëwa nangux i ngëma Yudiügü. Rü ngëma duñxügü i tama Yudiügü ixigüxüçëx rü wüxi i natüçëxmamare nixü. ²⁴ Natürü ngëma duñxügü i Tupana dexü i Yudiügü rü ëxna tama Yudiügü ixigüxü rü ngëma duñxügüçëx Tupana inanawëx i norü pora rü norü cuëx ga yexguma pecaducëx nayuxgu ga Cristu. ²⁵ Rü yema Tupana üxü ga yexguma nayuxgu ga Cristu rü muxüma i duñxügüçëx rü wüxi i ngëäëmare nixü. Natürü ngëma Tupana nagu rüñinüxü rü guxüma i ñoma i naäneäcŭäx i duñxügüarü cuëxarü yexera nixü. Rü yexguma curuchagu nayuxgu ga Cristu rü muxüma ga duñxügüçëx rü natura ga Tupana ga yexguma. Natürü yexguma nixü ga inawéäxü ga ñuxäcü guxü i duñxügüarü yexera na naporaxüchixü. ²⁶ Pa Chaueneëgüx, name nixü i nagu perüñinüë na ñuxäcü Tupana pexü dexü na norü duñxügü pixigüxüçëx. Rü noxretama pixigü na nüxü pecuëxüchixü ega duñxügü pexü ngugügu, rü noxretama pixigü na äëxgacügü pixigüxü, rü noxretama pixigü i ngëma itaarü diëruäxütanüxü pixigüxü. Natürü woo ngëma na pixigügu rü Tupana rü pexü nade na norü duñxügü pixigüxüçëx. ²⁷ Rü Tupana nanade ga yema duñxügü ga togü ga duñxügü nüxü ixuxgu rü taxuüma icuäxü. Rü yemaäcü nanaxü ga Tupana na naxäneëxëëäxüçëx i ngëma duñxügü i nüxü icuëxüchixü. Rü Tupana nanade ga yema duñxügü ga togü nüxü ixuxgu rü turaexü. Rü yemaäcü nanaxü ga Tupana na naxäneëxëëäxüçëx i ngëma duñxügü i poraexü. ²⁸ Rü Tupana nanade ga yema duñxügü ga togü nüxü oexü, rü ñoma i naänewa taxuüma ixigüxü. Rü yemaäcü Tupana nanaxäneëxëë i ngëma duñxügü i ñoma i naanewa norü ngemaxügümaä nügü icuëxüügüxü. ²⁹ Rü ngëmacëx taxucürüwama texé tügü ticuëxü i Tupanapëxewa. ³⁰ Rü nümatama ga Tupana nixü ga Ngechuchu ya Cristuarü duñxügüxü pexü yaxigüëëxü. Rü tatanüwa nanamu ga Cristu na nüma tüxna naxäaxüçëx i cuëx i aixcüma ixüxü, rü pecaduwa tüxü inanguxüxëëxüçëx. Rü nüma ya Cristu nixü i tüxü namaxëëëxü rü tüxü yamexëëgüxü na aixcüma ixüünexüçëx napëxewa ya Tupana. ³¹ Rü ngëmacëx i Tupanaärü ore i ümatüxüwa rü ñanagürü: "Rü ngëxguma texé tügü icuëxüüchaügu rü name nixü i törü Corixü ticuëxü", ñanagürü.

2

Cristu ga curuchawa ipotacüchiga

¹ Pa Chaueneëgüx, yexguma noxri petanüwa chaxüxgu na pemaä nüxü chixuxüçëx ga Tupanaärü ore i aixcüma ixüxü i Cristuchiga, rü tama ñoma nüxü cuëxüchixüürüäcüma pemaä chidexa, rü tama ore ga guxchaxümaä nixü i ngëma itaarü diëruäxütanüxü pixigüxü. ² Yerü yexguma petanüwa chayexmagu, rü Cristuchigaxüxücatama nixü ga pemaä chixuxü. Rü taxuüma ga ñacü ga togu charüñinü. Rü yemaäcü Ngechuchu ya Cristu ga curuchawa ipotacügüxücatama nixü ga charüñinüxü. ³ Rü yexguma petanüwa changuxgu rü nüxü chadau ga taxü ga guxchaxügü ga petanüwa, rü yemacëx poraäcü chaxoegaäë rü Tupanapewa chorü muümaä chidurux. ⁴ Rü yexguma pemaä chideaxgu rü pemaä nüxü chixuxgu ga Tupanaärü ore, rü tama ñoma nüxü cuëxüchixüürüäcüma pemaä nüxü chixu na yemaäcü pexü chanangüchaüxëëxü na peyaxögüxüçëx. Natürü Tupanaäë i Üünexüärü ngüxëëmaä rü Tupanaärü poramaä nixü ga pexü chanangüchaüxëëxü. ⁵ Rü yemaäcü Tupanaärü poramaä pemaä nüxü chixu ga yema ore na Tupanagagu yïxü na nüxü peyaxögüxü, rü tama ñoma i naäneäcŭäx i duñxügüarü cuägagu na yïxü.

Tupana rü Naäë i Üünexüäwa nügü tüxü nacuëxëë

⁶ Natürü pemaä nüxü chixu, rü ngëxguma natanüwa changëxmagu i ngëma duñxügü i marü meäma yaxögüxü, rü ngëxguma nixü i chanangüxëëxü i ngëma aixcüma Tupanaärü cuëx i üünexü. Natürü ngëma cuëx rü tama ñoma i naänewa ne naxü, rü bai i ñoma i naäneärü äëxgacügü i paxa tá iyarüxoxüwa ne naxü. ⁷ Natürü ngëma cuëx rü Tupanawa nixü i ne naxüxü. Rü ngëma cuëx nixü ga noxri tauta naäne üxgu Tupanaxücatama nüxü cuäxü ga na ñuxäcü tá tüxna naxäaxü i maxü i taguma güxü. ⁸ Natürü yema Tupana nagu rüñinüxü, rü taxuüma ga ñoma ga naäneäcŭäx ga äëxgacü nüxü nacuëx. Yerü yexguma chi aixcüma nüxü

nacuëxgügu ga yema Tupana nagu rüxinüxü rü tãu chima curuchawa nayapotagü ga guma mecü ya tórü Cori. ⁹ Rü ngemachiga nixi i Tupanaärü ore i ümatüxüwa i ñaxü: “Rü ngëma duüxügü i Tupanaxü ngechaügüxcëx, rü nüma nanamexëë i ñacü i taxüema nüxü dauxü, rü taguma texë nüxü ñüxü, rü bai i texë nagu rüxinüxü”, ñaxü. ¹⁰ Rü ngëma Tupana mexëëxü naxcëx i ngëma duüxügü i nüxü ngechaügüxü, rü ñuxma rü tüxü nüxü nacuëxëë i ngëma, yerü nüma nanamu ga Naäë i Üünexü na taxcëx nangoxëëäxüxcëx. Rü ngëma Naäë i Üünexü rü guxüxüma nacuëx, rü ëjxrüxü i ngëma Tupanaxücatama nüxü cuáxü rü ta nüxü nacuëx. ¹¹ Rü duüxügütanüwa rü ¿texë nüxü tacuëx na ñacügu naxüñüxü i wüxi ya yatü? Rü naäëxücatama nixi i nüxü cuáxü i ngëma nagu naxüñüxü i ngëma yatü. Rü ngëxgumarüü ta Tupanaäë i Üünexüxücatama nixi i nüxü cuáxü na ñacügu naxüñüxü ya Tupana. ¹² Rü yixema rü tama ñoma i naäñecüäx i naäë nixi ga iyaxügüxü. Natürü tanayaxgü i ngëma Naäë i Üünexü ga Tupana taxcëx nüma muxü na aixcüma nüxü icuáxüxcëx i guxüma i ngëma mexügü ga Tupana norü ngechaümaä tüxna ämarexü. ¹³ Rü ñuxma na pemaä nüxü tixuxü i ngëmachiga, rü Tupanaäë i Üünexü toxna äxü i oremaä nixi i pemaä nüxü tixuxü. Rü tama ore i torü cuëxwa tayaxuxümaä nixi i pemaä nüxü tixuxü. Rü ngëmaäcü nüxü tixu i Tupanaäë i Üünexüärü ore namaä i ngëma duüxügü i aixcüma Tupanaäë nawa ngëxmagüxü. ¹⁴ Rü texë ya tama Tupanaäë i Üünexü tümawa ngëxmaxë, rü taxucüruwa tanayaxu i ngëma Tupanaäë i Üünexü tüxü nguxëëxü, erü tümacëx ya yixema duüxë rü natücxmamare nixi. Rü tama nüxü tacuëxëga erü yixema Tupanaäë i Üünexü tümawa ngëxmaxëxücatama tixi ya nüxü cuáxe na tanangügüxü na ñuxü ñaxüchiga yüxü i ngëma Tupanaäë i Üünexü tüxü nguxëëxü. ¹⁵ Rü yixema duüxë ya Tupanaäë i Üünexü tümawa ngëxmaxë, rü meä tanangügü i guxüma. Natürü ngëma togü i duüxügü i tama Tupanaxü cuëxgüxü, rü taxucüruwama tümäärü maxüxü nangügü ya yixema duüxë ya aixcüma Tupanaäë tümawa ngëxmaxë. ¹⁶ Erü Tupanaärü ore i ümatüxüwa rü ñanagürü: “¿Texë nüxü tacuëx na ñacügu naxüñüxü ya tórü Cori? ¿Rü texë nüxü tacuëx na Tupanaxü taxucüxëxü?” ñanagürü. Natürü yixema nixi i aixcüma nüxü icuáxü i ngëma Cristu nagu rüxinüxü.

3

Paurü rü Aporu rü wüxigu Tupanaäxü napuracüe

¹ Pa Chaueneëgüx, yexguma noxri petanüwa changuxgu, rü taxucüruwa ngëma duüxügü i Tupanaäë nawa ngëxmaxümaä chidexaxürüüäcü pemaä chidexa. Natürü ñoma i naäñecüäx i tama Tupanaxü cuëxgüxümaä chideaxgurüü nixi ga pemaä chidexaxü. Yerü pema rü yexwacëx, peyaxögü ga yexguma, rü yemacëx yexwacëx yaxögüxümaä chideaxürüüäcü pemaä nüxü chixu ga Cristuchiga. ²⁻³ Rü tauxchaxü ga oremaä pexü changüxëë, ngëxgumarüü i wüxi i õxchana ega noxri nabuxgu rü naëgüñenixü ya tauxchaäcü yaxaxüne nüxna taxä. Rü yemaäcü tauxchaxü ga oremaä pemaä nüxü chixu ga Tupanaärü ore ga noxrix, yerü taxucüruwa nüxü pecuëxëga ga Tupanaärü ore ga guxchaxü. Rü ñuxma rü ta tama nüxü pecuëxëga i Tupanaärü ore i guxchaxü, erü ñoma tama yaxögüxü i duüxügürüütama pemaxë. Rü dücax, ngëxguma ñuxma rü ta pixäüxächiwëxegu rü pegümaä penuëgu, rü ngëmawa nangox na ngëma tama yaxögüxürüüäcütama nagu perüxüñüxü rü ñoma i naäñecüäxürüüäcütama na pemaxëxü. ⁴ Rü ngëxguma petanüwa wüxie ñägügu rü: “Choma rü Pauruwe charüxü”, ñägügu, rü togue rü:

“Choma rü Aporuwe charüxü”, ñägügu, rü ngëmawa nüxü tacuëx na ngëma duüxügü i tama yaxögüxürüüäcüma na pemaxëxü. ⁵ Rü ngëxguma meä nagu rüxinüëgu, ¿rü ñacü chixi i choma i Paurux? rü ¿ñacü nixi i nüma i Aporux? Toma rü Tupanaärü duüxügümare tixigü, rü togagu nixi ga nüxü peyaxögüxü ga tórü Cori ya Ngechuchu. Rü wüxichigü ga toma rü tanaxü ga yema puracü ga tórü Cori toxna äxü. ⁶ Rü chauxütawa nixi ga nüxü pexüñüxü rü peyaxögüxü ga Tupanaärü ore ga noxrix. Rü Aporu nixi ga pexü rüñgüxëëcü na yexeraäcü meä peyaxögüxü ga yema ore. Natürü Tupana nixi ga pexü maxëxëëcü. ⁷ Rü ngëmacëx woo yixema tüxira duüxügümaä nüxü ixuxe i Tupanaärü ore rü woo yixema wixwena yexeraäcü duüxügüxü ngüxëxëxë, rü taxuüma tixigü. Natürü Tupana nixi ya guxüma ücü, erü nüma nixi i duüxügüxü namaxëxëxü. ⁸ Rü ngëmaäcü ya yixema tüxira duüxügümaä nüxü ixuxe i Tupanaärü ore, rü yixema wixwena yexeraäcü duüxügüxü ngüxëxëxë rü tawüxigumare i ngëma puracüwa. Natürü Tupana rü ta tüxü nanaxütanü i tümäärü puracü ya wüxichigü ngëxgumarüü na ñuxäcü tanaxüxü i ngema puracü. ⁹ Rü ngëmaäcü i toma rü wüxigu Tupanaäxü tapuracüe. Rü ngëmaäcü nixi i perü maxüwa napuracüxü ya Tupana na nüma nanaxwëxëxüäcüma pixügüxüxcëx. ¹⁰ Rü choma nixi ga Tupana choxü muxü na chaxira pemaä nüxü chixuxüxcëx ga Cristuchiga. Rü togü nixi ga chowena yexeraäcü pexü ngüxëxëxü. Natürü guxäma ya texë ya naxüxe i ñaä puracü rü

name nixī i taxuāē na meā tanaxūđcēx. ¹¹ Rū ņāā puracū rū Ngechuchu ya Cristuwa nixī ga inaxūgūđ, rū ngēmacēx taxucūrwama texē tayangucuchixēē i to i tūđđ maxēxēēđ. ¹² Rū ņuxma na norū puracū ixūđđ i wūxichigū i yixema, rū tanaxwēxe i taxuāē na aixcūma meā naxūđđ i ngēma. Erū yixema aixcūma meā naxūđde i norū puracū, rū ņoma wūxi i ĩpataarū ūrūđ i uirumū rū đđērūmū rū nuta i mexēchixūmaā ūpatađđrūđ tixī. Natūrū yixema tama aixcūma meā naxūđde i ngēma Cristuarū puracū rū ņoma ĩpataarū ūrūđ i chixexđ i naī rū naixātū rū dexnemenēxāmaremaā ūpatađđrūđ tixī. ¹³ Natūrū ngēxguma naguxgu i naāne, rū tá nangox na ņuxácū naxūāđđ i Tupanaarū puracū i wūxichigū i duđđđ. Erū ngēma ngunexđgu rū tá nangēxma ya ūđđ ya taxūchine. Rū ņoma řacū ūđđwa iguxđđrūđ tá nixī i Tupana nūđđ na ūđđ i wūxichigū i duđđđārū puracū na nūđđ nacuāđđcēx ngoxi aixcūma name rū ēxna tama. ¹⁴ Rū yixema aixcūma meā naxūđde i Cristuarū puracū, rū yima ĩpata ya taixđne ya tama ūđđmaā ixaxđnerūđ tá nixī i ngēma tūmaārū puracū. Rū tá Tupanaxđtawa tanayaxu i tūmaārū natanūđ naxcēx i ngēma taxūđđ. ¹⁵ Natūrū yixema tama aixcūma meā naxūđde i ngēma puracū, rū yima ĩpata ya tama taixđne ya ūđđmaā ixaxđnerūđ tá nixī i ngēma tūmaārū puracū. Rū tá ngēxma inayarūxomare i guđđma i ngēma taxūđđ. Rū tūxicatama tāđtāma tixa ņoma wūxi i duđđđ i ūđđemawa iyagoxđrūđ. ¹⁶ řTama ēxna nūđđ pecuēx i pema rū Tupanapata na pixđgūđđ, rū ngema Naāē ya Tupana rū pewa na namaxūđđ? ¹⁷ Rū ngēxguma texē pexđ chixetanūđēēgu, rū Tupana tá tūđđ napoxcu, erū Tupanapata ya nawa namaxđne rū naxūđne. Rū pematama nixī ya yima Tupanapata na pixđgūđđ. ¹⁸ Tama name i texē tūgūtama tawomūđēē. Rū ngēxguma petanūwa texē tūgūgu rūxđnūgu na wūxi i duđđđ i nūđđ cuāxe na tīđđ i ņoma i naānewa, rū name nixī i ņoma taxuđma tacuāđđrūđ tūgū tixīxē. Rū ngēxguma tá nixī i wūxi i duđđđ i aixcūma nūđđ cuāxe tá tīđđ. ¹⁹ Erū ņoma i naāneārū cuēx rū wūxi i ngēāēmare nixī i Tupanacēx. Erū Tupanaarū ore i ūmatūđđwa rū ņanagūrū: “Rū ngēma duđđđgū i nūgūgu rūxđnūđđ na nūđđ cuēxūchigūđđ yīđđ, rū norū cuēxgutama ĩnatūđēē ya Tupana”,

ņanagūrū. ²⁰ Rū toxnamana i Tupanaarū orewa rū ņanagūrū ta:

“Tórū Cori ya Tupana rū nūđđ nacuēx na taxuwama nameđđ i ngēma norū ĩnū i ngēma duđđđgū i ņoma i naanewa cuēxwa ngugūđđ”,

ņanagūrū. ²¹ Rū ngēmacēx tama name i texē tūgū ticuēxūđđ ega duđđđgūārū cuēxwamare tarūđxgu.. Erū Tupana rū marū pexna nanaxā i guđđma na pexrū yīđđcēx. ²² Rū ngēmacēx i choma i Pauru, rū taeneē ya Aporu, rū taeneē ya Pedru, rū ņoma i naāne, rū torū maxđ, rū torū yu, rū ņomatama i ngunexđ, rū mođđārū ngunexđ, rū guđđma i ngēma rū pexrū nixī. ²³ Rū pematama rū Cristuarū pixđgū. Rū Cristu rū Tupanaarū nixī.

4

Yema ngūexđgū ga Ngechuchu imugūđđārū puracūchiga

¹ Rū ngēmacēx tanaxwēxe i tomaā nagu perūxđnūē na Cristuarū puracūtanūđđmare na tixđgūđđ. Rū nūma nixī i toxđ namuxđ na pexđ tangūđēēđcēx ga yema ore ga noxri Tupanaxđcatama nūđđ cuāđđ. ² Rū ngēxguma texē řacū rū puracū tūxna āxgu, rū name nixī i aixcūma tayanguđēē i ngēma puracū i tūxna taxāđđ na ngēmaācū itanawēđcēx na aixcūma wūxi i duđđđ i mexđ tixīđđ. ³ Rū ngēmacēx i ņuxma na meā chayanguđēēchaxđđ i ngēma puracū i Tupana choxna āđđ, rū taxucēxma chaugūcēx chaxoegaāē ga woo choxna pecagu rū ēxna řacū rū āēxgacūgū choxna caxgu naxcēx i ngēma puracū i chaxūđđ. Rū woo i chomatama rū taxuđcēxma ĩchicuēx na ngextā chixri chanaxūđđ i ngēma puracū. ⁴ Natūrū ņuxma na chomatama nagu charūđnūđđ na nataxūđma i chorū chixexđ i Tupanapēxewa, rū tama ngēmacēx Tupana chođđ nadau na changearū pecaduāđđ. Erū nūmatama ya tórū Cori ya Tupana nixī i aixcūma chođđ nacuāārū maxđđđđ. ⁵ Rū ngēmacēx tama name na toxđ pengūđārū maxđđđ naxūđpa na nūma naxūđđ ya tórū Cori. Natūrū name nixī i nūđđ ĩpenanguđēē, erū nūma tá nixī i nangoxēēāđđ i guđđma i ngēma ņuxma icūđđ rū guđđma i ngēma duđđđgū naāēwa nagu rūxđnūđđ. Rū ngēxguma tá nixī ya Tupana i tūmamaā nataāēđđ ya wūxichigū ya yixema aixcūma mexđ ūgūxe. ⁶ Pa Chaueneēgūx, perū mexđcēx nixī i pemaā nūđđ tixūđđ i ngēma ore na ngema Tupana naxwēxexđđacūma pemaaxēđđ. Rū choma rū Aporu nixī i perū cuēxruđđgū tixđgūđđ na towa pengūđexđ na Tupanaarū ore pemaā nūđđ ixuxđrūđđacū penaxūđđ. Rū ngēmacēx tama name na wūxi i perū nguxēētaexđmaā petaāēgūđđ rū to rū nūđđ pexoexđ. ⁷ Rū ņuxma rū pexna chaca, řRū texē tixī ya yixema pemaā nūđđ ixuxe na togūārū yexera pexđ ĩxīxēxē? řErū guđđma i ngema cuēx i pexđ ngēxmaxđ rū Tupana pexna nanaxā? Rū ņuxma na nūma pexna naxāāđđ i ngēma cuēx řRū tūxcūđ pegū picuēxūđđgū ņoma pematama perū poramaā penayaxuxđrūđ? ⁸ Rū pegūgu perūxđnūēgu rū aixcūma marū meāma Tupanaxđ picuēxūchi rū marū pexđ nangēxma i guđđma i řacū i penaxwēxexđ na naxđtawa pengugūđcēx. Rū pegūgu perūxđnūēgu rū ņoma āēxgacūgū i taxđrūđ pixđgū rū taxuđma toxđtawa penaxwēxe i ņuxmax. řChierū aixcūma

Tupanaḡexewa āēxgacūgū pixīgūgu na toma rū ta wūxigu pemaā āēxgacūgū na tixīgūxūcèx!
 9 Rū toma na Ngechuchu toxū imugūxū, rū chauxcèx rū wixwe toxū nawogu ya Tupana.
 Rū űoma poxcuexū i yuewa űxūrūū tixīgū. Rū űoma wūxi i űacu i nūxū nacugūexūrūū tixīgū
 i napēxewa i Tupanaārū orearū ngeruūgū i daxūcūāx, rū napēxewa i űoma i naāncūāx i
 duūxūgū, rū napēxewa i guxūma i űacu i Tupana űū. 10 Rū űuxma na Cristuwe tarūxūxū, rū
 ngēmacèx taxuūma icuāxū toxū nawogu i duūxūgū, natūrū i pema rū pegūgu perūxūnūēgu
 rū guxūxūma pecuèx i Cristuchiga. Toma nūxū tacuèx na duūxūgūpēxewa taturaexū,
 natūrū i pema rū pegūgu perūxūnūē na aixcūma peporaexū. Rū duūxūgū toxū naxo, natūrū
 pexū nangechaūgū. 11 Rū űuxma rū ta tama inayacuèx na ngūxū tingegūxū, erū űuxma rū
 ta taiya toxū nangux, rū űāwae, rū tangexchiru. Rū duūxūgū rū chixri tomaā nachopetū,
 rū tangepata. 12 Rū űipae na yeūcūrū toxmēxmaā tapuracūeechaxū. Rū duūxūgū rū űacu
 tomaā nixugūe, natūrū i toma rū mexū i oremaā tanangāxūgū. Rū towe ningēxūtanū,
 natūrū yaxna namaā taxūnūē. 13 Rū chixri tochiga nidexagū, natūrū i toma rū meā
 nachiga tidexagū. Rū űoma guxchirexū nadaugūxūrūū tomaā nixīgū, rū űoma duūxūgū
 i taxuwama mexūācū toxū nixīxēē. Rū űuxma rū ta ngemagutama tomaā naarūxūnūē.
 14 Tama pexcèx chanaxūmatū i űāā popera na pexū chaxānēēxēxūcèx. Natūrū pexcèx
 chanaxūmatū na pexū chixucūxēgūxūcèx chauxacūgūxūchirūū, erū pexū changechaū.
 15 Erū woo nangēxmagu i muxūma i perū nguxēēruūgū i Cristuchiga pexū ngūexēēxū,
 natūrū chaxicatama nixī i penatū chīxū ga Cristuxū na peyaxuxūwa. Yerū chauxūtawa
 nixī ga noxri ga penayaxuxū ga Ngechuchu ya Cristuarū ore i tūxū maxēēxū. Rū
 ngēmacèx chaxicatama nixī i penatū chīxū i perū űwa. 16 Rū ngēmacèx pexū chacēēxū
 na chaurūxū meā pemaxēxū. 17 Rū ngēmacèx pexūtawa chanamu ya Timutéu ya poraācū
 nūxū changechaūcū ya chaune ixīcū i tōrū Coriarū orewa. Rū nūma rū aixcūma meā
 nayanguxēē i guxūma i ngēma nagu chanamuxū. Rū nūma tā pexna nūxū nacūēxāchixēē
 na űuxācū Ngechuchu ya Cristu naxwēxēūācūma meā chamaxūxū rū chanangūexēēxū ga
 yema yaxōgūxū ga natanūgu chixūgūxū. 18 Rū űuxre i pemagū rū pegū picuēxūūgū, erū
 nagu perūxūnūē na tagutāma pexūtawa űchayadauxū. 19 Natūrū ngēxguma nanaxwēxegu ya
 tōrū Cori, rū paxa tā ngema chaxū na pexū űchayadauxūcèx. Rū ngēxguma rū tā chomaxūchi
 nūxū chadau ngoxi ngēma duūxūgū i nūgū icuēxūūgūxū nūxū nangēxma i Tupanaārū pora
 rū ēxna yadoragūmare. 20 Erū Tupanaārū pora rū tama nūxū tixumare, natūrū nagu űmaxē
 i ngema pora. 21 űRū űuxma rū űacu ēxna nixī i penaxwēxexū i pema? űPenaxwēxe na pexū
 chingagūxū i ngēxguma ngēma changuxgu, rū ēxna penaxwēxe na pexū changechaūācūma
 rū pemaā chamecūmaācūma pexū na űchayadauxū?

5

Duūxūgū i chixri maxēxūchiga

1 Rū duūxūgū nūxū nixugūgū rū wūxi i yatū i petanūwa rū naērūcūmaātama naxāmèx.
 Rū ngēma nixī i pecadu i poraācū chixexūchixū, erū woo ngēma duūxūgū i tama
 yaxōgūxūtanūwa rū tama ngēmaācū naxūpetū. 2 űRū űuxācū i pema i ngēxguma i pegū
 picuēxūūgūamaxū? Rū narūmemaē chi nixī na poraācū pengechaūgūxū. Rū ngēma
 yatū i ngēma chixexū űxū rū name nixī na űpenamuxūchixū i petanūwa. 3 Rū woo tama
 petanūwa changēxmagu i chomax, natūrū guxūguma pegu charūxūnū. Rū űoma pexūtawa
 changēxmaxūrūū rū tōrū Cori ya Ngechuchu ya Cristuégagu pemaā nūxū chixu na űacu tā
 namaā pexūxū i ngēma duūxū. 4 Rū name nixī i tōrū Cori ya Ngechuchu ya Cristuégagu
 pengutaquēxegū. Rū nūma ya tōrū Cori ya Ngechuchu rū tā napetanūgu na pexū napa-
 raexēēxūcèx. Rū choma rū tā pexna chacuēxāchi i chorū yumūxēwa. 5 Rū ngēma norū poxcu
 i tā nūxna pexāxū i ngēma yatū, rū ngēma tā nixī na űpenamuxūchixū i petanūwa na Chatanā
 ngūxū nūxū ingexēēxūcèx. Rū ngēmaācū tā inayarūxo i naxūnēārū ngūchaū i chixexū,
 natūrū naāē rū tā namaxū i ngēxguma wena nūma naxūxgu ya tōrū Cori ya Ngechuchu. 6 űRū
 tama name i pema rū pegū picuēxūū naxcèx i ngēma pexūxū! űTama ēxna nūxū pecuèx i
 ngēma ore i űaxū:

“Wūxi i űraxū i pāūrū puxēēruū rū taxūma i pāūchara nipuxēē”, űaxū? 7 Rū ngēmacèx
 name nixī i nūxū perūxoe i guxūma i nuxcūmaūxū i pecūma i pexū chixexēēxū. Rū ngēxguma
 ngēmaācū penaxūxgu, rū űoma ngexwacaxūxū i pāū i ngearū puxēēruūāxū i űpetūchigaarū
 petawa ingōxūrūū tā pime. Rū űuxma i pema rū aixcūma ngexwacaxūxū i duūxūgū pixīgū,
 yerū Cristu rū űoma wūxi i carnererūū marū tachicūū tōrū pecaducèx nayu. 8 Rū ngēmacèx
 name nixī i nūxū tarūxoe i nuxcūmaūxū i tacūma i chixexūgū rū aixcūma Tupanagu
 tarūxūnūē rū meā naxcèx tamaxē, erū ngexwacaxūxū i norū duūxūgū tixīgū. 9 Nūxūraūxū
 ga chorū poperawa rū pemaā nūxū chixu na tama natanūgu pexāgūxū i ngēma duūxūgū i
 naī i ngemaā naxūnēārū ngūchaū űgūxū. 10 Natūrū yexguma yema űachagu pexū, rū tama
 pemaā nūxū chixu na nūxna pixīgachitanūxūchixū i ngēma duūxūgū i tama yaxōgūxū i naī

i ngemaā maxēmarexū, rü ěna ngēma duūxūgū i guxūma i ſacu nūgūna nugūchaūgūxū, rü ěna ngītēēgūxū, rü ěna ngēma duūxūgū i tupananetachicūnēxāxū icuēxūūgūxū. Erü ngēxguma chi naxchaxwa īpechoūxgu i ngēma duūxūgū, rü chi taxucūrūwa i ſōma i naānewa pengēxmagū. ¹¹ Natūrū yexguma pemaā nūxū chixuxgu na tama natanūgu pexāgūxū i ngēma duūxūgū i chixri maxēxū, rü nachiga chidexa i ngēma duūxūgū i nūgū ixugūxū na peeneēgū i yaxōgūxū na yixīgūxū natūrū naī i ngemaā maxēxū, rü ěna aūexū, rü ěna tupananetachicūnēxāxū icuēxūūgūxū, rü ěna oregūtēēxgūxū, rü ěna ngāxēwēxegūxū, rü ěna ngītēēgūxū. Rū ngēma duūxūgū nixī i pemaā nūxū chixuxū na tama namexū na natanūgu pexāgūxū rü bai i namaā na pechibūexū. ¹²⁻¹³ Erü tama choxmēxwa nangēxma na nūxna chaçaxū i ngēma duūxūgū i tama Tupanaāxū yaxōgūxū. Rū Tupana tá nixī ya nūxna çacu i ngēma duūxūgū. Natūrū i pema rü pemēxwa nangēxma na nūxna peçaxū i ngēma peeneēgū i yaxōgūxū i tama meā maxēxū. Rū name nixī i petanūwa īpenamuxūchi i ngēma duūxū i chixri maxūxū.

6

Ngēxguma ſacu rü guxchaxū tūxū ngēxmagu taeneēmaā, rü tama name i āēxgacūgū i tama yaxōgūxūpēxewa tayamexēē i ngēma

¹ Rū ngēxguma wūxie i pema pexū nangēxmagu i ſacu rü guxchaxū i wūxi i peeneē i yaxōxūmaā, ſrū tūxcūū wūxi i āēxgacū i tama yaxōxūārū ngūxēēcēx īpeyaca na nūma pexū namexēēāxūcēx i ngēma perū guxchaxūgū? ſRū tama ěna inamexū i ngēma peeneēgū i yaxōgūxū na namexēēgūxū i ngēma perū guxchaxūgū? ² ſTama ěna nūxū pecuēx na yixema na yaxōgūxū tá yūxū i naānearū guxgu nūxna icagūxū i guxūma i ſōma i naānecūāx i duūxūgū? Rū ſūxma na pema tá yūxū i ſōma i naānecūāx i duūxūgūxū picagūxū, ſrū tūxcūū taxucūrūwa i pematama penamexēē i ngēma perū guxchaxūgū i irachirēxū? ³ ſTama ěna nūxū pecuēx rü woo ngēma daxūcūāx i Tupanaārū orearū ngeruūgū, rü yixema tá yūxū i nūxū icagūxū? Rū ngēmacēx nixī i yexeraācū pemēxwa nangēxmaxū na ſūxācū penamexēēxū i ngēma guxchaxūgū i ſōma i naānewa pexū ngēxmagūxū. ⁴ Rū ngēmacēx, ngēxguma ſacu rü guxchaxū pexū ngēxmagu i ſōma i naānewa, ſrū tūxcūū i ngēma āēxgacūgū i tama yaxōgūxūxūtawa pegū īpeyaxuaxūgūxū na pexū namexēēgūāxūcēx i ngēma? ⁵ Rū pemaā nūxū chixu i ngēma ore na pexānēēxūcēx. ſĚna tataxuma i petanūwa ya wūxie ya nūxū cuāxe na tanamexēēxū i ngēma guxchaxūgū i petanūwa ngēxmaxū? ⁶ Rū tama pegūmaā penuēxīcatama, natūrū naetū rü āēxgacūgū i tama yaxōgūxūxūtawa pexī na penamexēēxūcēx i ngēma perū guxchaxūgū. ⁷ Rū ngēma na pegūmaā penuēxū, rü ngēma rü poraācū chixexū nixī. ſRū tūxcūū tama yaxna namaā pexinūē i ngēma guxchaxūgū i peeneē pemaā ſūxū? ſRū tūxcūū tama namaā peporae ega texē perū ſacūcēx ngīxgux? ⁸ Natūrū i pema rü poraācū chixexū pexūe, erū woo peeneēgū i yaxōgūxūāxū rü ta pengix.. ⁹⁻¹⁰ ſTama ěna nūxū pecuēx na ngēma duūxūgū i chixexū ſūgūxū rü nataxuxūtāma i nachica i ngextā Tupana āēxgacū īyūxūwa? ſRū tama name i pegūtama pewomūxēēgū! Erü ngextā Tupana āēxgacū īyūxūwa rü nataxūtāma i nachica i ngēma duūxūgū i naī i ngemaā ipexū, rü ngēma duūxūgū i tupananetachicūnēxāxū icuēxūūgūxū, rü ngēma duūxūgū i naxmēxchita rü ěna nateechita ngēāēxū, rü ngēma yatūgū i naxrūū yatūxūtāma ngēāēxū, rü ngēma ngītēēgūxū, rü ngēma duūxūgū i nūgūnaxica nanuxūchixū i norū ngēmaxūgū, rü ngēma duūxūgū i ngāxēwēxegūxū, rü ngēma duūxūgū i oregūtēēxgūxū, rü ngēma duūxūgū i womūxēēwēxegūxū. Rū guxūma i ngēmagū rü nataxūtāma i nachica i ngextā Tupana āēxgacū īyūxūwa. ¹¹ Rū yexgumarūtāma pixīgū ga ſūxre ga pema ga ſpax. Natūrū i ſūxma ya Tupana rü marū pexū īnanapi i perū chixexū na noxrūxīcatama pixīgūxūcēx. Rū ſūxma rü aixcūma napēxewa pime yerū Naāē i Ūūnexū rü tōrū Cori ya Ngechuchu ya Cristuégagu marū perū pecaduna pexū īnanguxūxēē.

ſūxācū naxūūne i taxūne

¹² Rū ſūxre i pema rü ſāperūgūgū:

“Rū marū name na chanaxūxū i ngēma chanaxwēxexū”, ſāperūgūgū. Rū aixcūma nixī i ngēma, natūrū tama guxū i ngēma ixūgūxū rü tūxū name. Rū aixcūma nixī i Tupana choxū īnguxuchixēēxū na chanaxūxūcēx i ngēma chanaxwēxexū, natūrū tama name na ſacu rü chixexūgu chaugū changuxēēxū na chomaā inacūāxūcēx. ¹³ Rū ngēxgumarūū ta rü ſūxre i duūxūgū rü ſānagūrūgū:

“Rū ōna rü taxūnecēx nixī, rü taxūne rü ōnacēx nixī”, ſānagūrūgū. Rū aixcūma ngēmaācū nixī, natūrū ya Tupana rü tá inayanaxoxēē i guxūma i ngēma. Rū taxūne rü tama naī i ngemaā namaā na ingēāmarexūcēx nixī. Erū taxūnemaā nixī i naxūxū i tōrū Coriarū ngūchaū. Rū tōrū Cori nixī ya taxūnexū maxēēcū. ¹⁴ Rū yema Tupana wena namaxēēxūrūū ga tōrū Cori ya Ngechuchu, rü ngēxgumarūū tá ta norū poramaā wena tūxū namaxēē.

15 ĶRū tama ēxna nūxū pecuēx na ngēma pexene rū Cristuarū na yīixū? ĶRū űuxācū i ngēma chaxune i Cristuarū ixiū rū ngexū i ngēāēxūmaā inapexū? Taxucūrūwama ngēmaācū nixī. 16 ĶRū ēxna tama nūxū pecuēx ega wūxi i ngexū i ngēāēxūmaā inapexgu wa wūxi ya yatū rū ngēma taxre i naxūne rū wūxitama i naxūne yīixū? Erū Tupanaārū ore i űumatūxūwa rū űanagūrū:

“Ngēma taxre i naxūne rū wūxitama i naxūne tā nixī”, űanagūrū. 17 Natūrū ngēxguma wūxi i duūxū rū tōrū Cori ya Cristuaxū yaxōōxgu, rū ngēma naāē i ngēma duūxū rū Cristuāēmaā wūxigutama narūxinūē. 18 Rū ngēmacēx name nixī na nūxū perūxoēxū i pexeneārū ngūchaū na pexūxū. Rū guxūma i togū i pecadu i wūxi i duūxū űūxū rū tama naxūnēxū nachixexēē. Natūrū ngēma na naī i ngemaā nangēāēxū rū ngēma waxi nixī i naxūnēxū chixexēēxū. 19 ĶTama ēxna nūxū pecuēx i pexene rū Tupanaāē i űūnēxūpata na yīixū? Rū pegu nixī i naxāchiūxū i ngēma Naāē i űūnēxū i Tupana pexna muxū. Rū ngēmacēx i pema rū tama pegūarū yoratama pixīgū. 20 Erū Tupana rū marū pexcēx nataxe rū poraācū nūxū petatanū. Rū ngēmacēx penaxwēxe i ngēma pexenemaā meā Tupanacēx pemaxē na ngēmaācū namaā penataxēēxū ya Tupana.

7

Ucuxēgū i āmēxchiga

1 Rū űuxma rū tā pexū changāxū ga yema āmēxchiga ga choxna naxcēx peçaxū ga perū poperawa. Rū narūmemaē chi nixī i noxtacūma tama naxāmax ya yatū. 2 Natūrū ngēma na naxūnēārū ngūchaū na naxūgūmarexū i duūxūgū, rū narūmemaē nixī i wūxichigū ya yatū rū na naxāmaxū, rū wūxichigū i nge rū na naxātexū. 3 Rū yima yatū ya āmacū rū taxucūrūwama naxmēxna nūgū ninuxū. Rū ngēma nge i ātecū rū taxucūrūwama ngītena ngīgū iyanuxū. 4 Erū ngēma nge i ātecū rū tama ngīgūxūnēārū yoratama iyixī, erū ngīte nixī ya ngīxīnēārū yora ixiū. Rū ngēxgumarūyū ya ngīte rū tama nūgūxūnēārū yora nixī, erū naxmēx iyixī i naxūnēārū yora ixiū. 5 Rū tama name i wūxi ya yatū rū namēxna nūgū ninuxū, rū ēxna wūxi i ngecū rū ngītena ngīgū iyanuxū, ega tama nūgūmaā namexēēāgu na űuxre i ngunexū tama nūgūmaā namaxēxū naxcēx na nayumūxēgūxū. Rū ngēmawena rū name nixī na wenaxārū noxrirūyū nūgūmaā namaxēxū na tama Chatana nūxna űnūxūcēx na chixexūgu nayixēēāxūcēx. 6 Rū guxūma i űāā ore i pemaā nūxū chixuxū i āmēxchiga rū ātechiga rū tama wūxi i mu nixī i ngēma. Natūrū pemaā nūxū chixumare na nūxū pecuāxūcēx na namexū i ngēmaācū na penaxūxū. 7 Rū chomatama nagu charūxinū rū chierū name nixī ega choma chamaxūxūrūyū namaxēgu i guxūma i duūxūgū. Natūrū Tupana rū wūxichigū i duūxūna nanaxā i nacūma na űuxācū namaxēxūcēx rū űuxācū nagu naxīnūxūcēx. Rū ngēmacēx tama guxāma tawūxigu. 8 Rū ngēma ngemēxgūxū rū ngetegūxū rū yutegūxū rū namaā nūxū chixu rū narūmemaē nixī i chauxrūyū tama naxāmēx rū tama naxāte. 9 Natūrū ngēxguma wūxi i duūxū taxucūrūwa naxūnēārū ngūchaūmaā naporagu, rū name nixī na naxāmaxū rū ēxna naxātexū. Erū narūmemaē nixī i noxtacūma naxāmēx rū ēxna naxāte na tama ngema norū ngūchaūgagu dūxwa chixexūgu nanguxūcēx. 10 Natūrū yixema marū āmaxē rū ātexe, rū tūmamaā nūxū chixu na tama namexū na tūmatexū na itatāxū. Rū ngēma mu rū tōrū Coriarū mu nixī, rū tama choxrū nixī. 11 Natūrū ngēxguma chi ngūrūāchi wūxi i ngexū natexū itēxgu, rū name nixī i noxtacūma nangete rū ēxna wena natecēx nataegu. Rū ngēxgumarūyū tā ya yatū rū tama name i namēxū inatēx. 12 Rū űuxma rū choxū nangēxma i wūxi i ore i tūmacēx ya yixema āmaxē ngīmaā i wūxi i nge i tama yaxōxcū. Rū ngēma ore rū choxrūtama nixī rū tama tōrū Coriarū nixī. Rū ngēxguma wūxi ya yatū ya űcū ngīmaā āmaxgu i wūxi i nge i tama yaxōxcū, rū tama name i ngīxū inatēx, ega ngīma rū aixcūma namaā naxātechaūgu. 13 Rū ngēxguma wūxi i nge i yaxōxcū ātegu namaā ya wūxi ya yatū ya tama yaxōcū, rū tama name i inatēx ya yima ngīte ega nūma ya yima yatū rū aixcūma ngīmaā naxāmēxchaūgu. 14 Rū yima yatū ya tama yaxōcū, rū namēx i yaxōxcūgagu Tupana nūxū nacuēx. Rū ngēma ngecū i tama yaxōxcū, rū ngīte ya yaxōcūgagu Tupana ngīxū nacuēx. Erū ngēxguma chi tama ngēmaācū yixīgu, rū chi ngēma naxācūgū rū duūxūgū i tama yaxōgūxūācūgūrūyū tā nixīgū. Natūrū i űuxma ya naxācūgū rū marū Tupana tūxū nacuēx. 15 Natūrū ngēxguma yima yatū ya tama yaxōcū rū namēxū inatāxchaūgu rū inoxtacūma ngīxū inatā! Rū ngēxgumarūyū ega ngēma ngecū i tama yaxōcū rū ngītexū inatāxchaūgu, rū inoxtacūma ngītexū inatā! Rū ngēxguma ya yima yatū ya yaxōcū rū marū name ega wena naxāmēxgu. Rū ngēma ngecū i yaxōcū rū marū name ega wena naxātegu. Erū Tupana pexū nade na pegū pengechaūgūxūcēx. 16 Rū ngēmacēx, Pa Ngecū i Tupanaāxū Yaxōxcūx, rū ngēxguma cute i tama yaxōxū cuxū itāxchaūgu, namē nixī i tama cunachūxu, erū tama nūxū cucuēx ngoxi tā nūxū cuyaxōxēē i ngēma cute rū ēxna tama. Rū cumax, Pa Yatū ya Yaxōxcūx, rū ngēxguma cuxmēx i tama yaxōxū cuxū itāxchaūgu, rū name nixī i tama cunachūxu, erū tama nūxū cucuēx ngoxi tā ngīxū cuyaxōxēē i ngēma cuxmēx rū ēxna tama. 17 Rū űuxma rū pemaā nūxū chixu rū

nūma ga Tupana rü wüxichigü ga duüxēna nanaxā ga tūmaārü cuèx na tūmaārü maxūmaā itacuāüxcèx rü meā tanaxüxcèx i ngēma puracü ga noxri tüxü yexmaxü ga tauta Tupana tūmacèx caxgu. Rü ngēma nguxēetae nixi i namaā chanangüxēxü i guxūma i yaxōgüxü i wüxichigü ya tupaucawa ngēxmagüxü. ¹⁸ Rü ngēxguma Tupana naxcèx caxgu i wüxi i duüxü i marü Yudiugürüü iwiechēmüpēxechiraüxü, rü nūetama nixi ega ngēmaäcütama yixigu. Rü ngēxguma Tupana nayaxgu i wüxi i duüxü i tama iwiechēmüpēxechiraüxü, rü nūetama nixi ega ngēmaäcütama yixigu. ¹⁹ Erü Tupanapēxewa rü nūetama nixi ega wüxi i duüxü rü inawiechēmüpēxechiraügu rü ēxna tama. Erü ngēma Tupana aixcūma naxwèxexü nixi na naga naxinüxü i wüxichigü i duüxü. ²⁰ Rü wüxichigü i duüxü rü name nixi i nawatama napuracü ga yema puracü ga nūxü yexmaxü ga yexguma Tupana noxri naxcèx caxgu. ²¹ Rü yexguma wüxi ga coriarü duüxü quixīyane Tupana cuxcèx caxgu, rü tama name i ngēmacèx cuxoegaāē. Natürü ngēxguma cuxü natauxchagu na nūxna icunguxuchixü i ngēma cori, rü marü name na icunguxuchixü. ²² Rü cuma ga na cucoriāxyane cuxcèx naçaxü ga Tupana, rü name nixi i nūxna cucuèxāchi na Cori ya Cristu pecaduwa cuxü inguxuchixēxü. Rü cuma ga na cungearü coriāxyane cuxcèx naçaxü ga Tupana, rü name nixi i nūxna cucuèxāchi na törü Cori ya Cristuarü duüxü quixü i ñuxma na nūxü cupuracüxcèx. ²³ Tupana rü marü pexcèx nataxe rü poraäcü nūxü petatanü. jRü ngēmacèx i ñuxma rü tātütama naga pexinüē i ngēma duüxügu i wenaxärü ñoma i naāneärü chixexüwa pexü gagüchaüxü! ²⁴ Rü name nixi, Pa Chaueneēgüx, i wüxichigü i pema rü meā Tupanapēxewa penaxüama ga yema puracü ga noxri pexü yexmaxü ga yexguma Tupana pexcèx caxgu. ²⁵ Rü ñuxma rü tá pemaā nūxü chixu i nachiga i ngēma duüxügu i ngemèxgüxü rü ngetegüxü. Rü törü Cori ya Ngechuchu rü taxuüma i mu choxna naxā i ngēmachiga. Natürü tá pemaā nūxü chixu i ñuxäcü nagu charüxünü i ngēmachiga. Rü ngēma chorü ore rü aixcūma nixi erü choma nixi i wüxi i duüxü ga nūxü changechaltümütüäcūma choxü nayaxuxü ga törü Cori. ²⁶ Natürü ngema ñuxma nūxü idauxü i guxchaxdügüga rü chauxcèx rü chi name i tama nixāmèx i ngēma yatüügü i ngemèxgüxü. ²⁷ Rü ngēxguma marü cuxāmèxgu rü tama name i ngixü icutéx. Natürü ngēxguma cungemèxgu rü name i tama cuxāmèx. ²⁸ Natürü ngēxguma cuxāmèxgu rü tama pecadu nixi i ngēma. Rü ngēxguma wüxi i paxü ätegu rü tama pecadu nixi i ngēma. Natürü ngēma ixāmèxgüxü rü ixätegüxü rü tá nayexera i norü guxchaxdügü i ñoma i naānewa, rü ngēma nixi i tama chanaxwèxexü na nūxü nangupetüxü. ²⁹ Pa Chaueneēgüx, pemaā nūxü chixu rü tama muxü i ngunexü tüxü nangēxma na naxüxcèx i Tupanaärü puracü. Rü ngēmacèx ya yixema ixāmèxgüxe rü name nixi i meā tanaxügu i Tupanaärü puracü ñoma tangemèxgüxü. ³⁰ Rü yixema ngexwaca yutanüügüxe rü yixema peta ügüxe rü yixema itaxegüxe, rü tama name i ngēmacèx Tupanaärü puracü na itangèxgüxü. ³¹ Rü yixema tüxü nangèxmaxē i tūmaārü ngēmaxügu i ñoma i naānewa, rü tama name i ngēmacèx Tupanaärü puracü na itangèxgüxü. Erü ñoma i naāne i ñuxma nūxü idauxü rü paxa tá nagux. ³² Rü tama chanaxwèxe na ñacüxcèx pexoegaāēgüxü. Rü ngēxguma wüxi i yatü ngemèxgu, rü Tupanaärü puracügu narüxünü rü nagu narüxünü na ñuxäcü Tupanaärü ngüchaü naxüxü. ³³⁻³⁴ Natürü ngēxguma naxāmèxgu ya wüxi ya yatü, rü ñoma i naāneärü ngēmaxügu narüxünü rü nagu narüxünü na ñuxäcü namèxü nataāxèxèxü. Rü ngēmaäcü muxügu narüxünü. Rü ngēxgumarüü ta nixi i ngexügu. Rü ngēma ngexü i ngetexü rü Tupanaärü puracügu narüxünü, erü marü Tupanana nügü naxä rü guxü i naxünemaā rü naāemaā naxcèx namaxü. Natürü ngēma ngexü i ätexü rü ñoma i naāneärü ngēmaxügu narüxünü, rü nagu narüxünü na ñuxäcü natexü nataāxèxèxü. ³⁵ Rü perü mexüxcèx nixi i pemaā nūxü chixuxü i ngēma, rü tama pexna na chanachuxuxüxcèx nixi. Natürü ngēma ñacharügü na meā pemaxèxèxèx rü aixcūma penaxüxcèx i törü Coriarü puracü. ³⁶ Rü ngēxguma texé nagu rüxünügu na tūmaxäcü rü marü na napaxü, rü tūmacèx namexgu na naxätexü, rü marü name i ngixü taxüte ega aixcūma tūmacèx namexgu. Rü ngēma na naxätexü i tūmaxäcü rü tama pecadu nixi. ³⁷ Natürü ngēxguma wüxi i yatü nūxü nangèxmagu i norü pacü rü tama nanaxwèxegu na ngixü naxütexü, rü ngēma rü ta marü name. Erü naxmèxwa ingèxma rü taxucèxma texé tanachixewe na ngixü naxütexüxcèx. ³⁸ Rü ngēmawa nūxü tadau rü ngēma yatü i naxäcü ngixü ütèxü rü mexü naxü. Rü ngēma yatü i tama naxäcü ngixü ütèxü rü yexeraxü i mexü naxü. ³⁹ Rü wüxi i nge i ätecü rü ngitemèxewa ingèxma i ngēxguma namaüxgu ya ngite. Natürü ngēxguma nayuxgu ya ngite, rü marü name ega to i yatü i ngēma ngixü ngüchaüxümaā naxätegu. Natürü inaxwèxe na wüxi ya yatü ya yaxöcūmaā naxätexü. ⁴⁰ Natürü chauxcèx rü yexeraäcü chi itaāē i ngēxguma chi täu chima wena naxätegu. Rü ngēma ore rü choxrütama nixi, natürü nagu charüxünü rü Tupanaāē i Üünexüärü Inü ta nixi.

¹ Ņūxma rū tā pemaā nūxū chixu i nachiga i ngēma ōnagū i ngēma duūxūgū i tama Ngechuchuaxū yaxōgūxū norū tupananetachicūnēxāgūna uaxūgūxū. Rū aixcūma nixī i wūxichigū i yixema i meāma nūxū icuáxū i ngēmachiga. Natūrū ngēma nūxū na icuáxūgagu rū űuxguacū rū yigū namaā ticuēxūxū. Natūrū ngēma na yigū ingechaūxū rū tūxū narūngūxēē na yexeraācū meā yaxōgūchigūxū. ² Rū ngēxguma chi texē nagu rūxīnūgu na tacūxū tacuáxū, rū name nixī i nūxna tacuēxāchi na ngēxguma rū ta tama aixcūma nūxū tacuáxū i guxūma i ngēma cuēx i aixcūma ixīxū. ³ Natūrū ngēxguma texē aixcūma Tupanaxū ngechaūgu, rū Tupana rū tūxū nacuēx ya yixema. ⁴ Rū ngēma na nangōxū i ngēma ōnagū i tupananetachicūnēxāgūna naxuaxūgūxū i duūxūgū, rū meāma nūxū tacuēx na taxuwama namexū i ngēma tupananetachicūnēxāgū erū tama aixcūma Tupanaxūchi nixigū. Erū wūxixicatama nixī ya aixcūma Tupana ixīcū, rū nataxuma ya naī. ⁵ Rū woo duūxūgū nagu narūxīnūē rū nangexma i muxūma i tupanagū i űoma i naanewa rū dauxūgūxū i naanewa, natūrū taxcēx rū tama ngemaācū nixī. ⁶ Erū yixema nūxū tacuēx na wūxitama yixīxū ya Tupana ya Tanatū ixīcū. Rū nūma ya Tanatū nixī i naxūāxū i guxūma i tacū i ngēxmaxū, rū naxcēx nixī i imaxēxū i yixemax. Rū ngēxgumarūū ta nangēxma i wūxitama ya tōrū Cori ya Ngechuchu ya Cristu. Rū yimagagu nixī na nangēxmaxū i guxūma, rū yimagagu nixī i tūxū nangēxmaxū i maxū. ⁷ Natūrū tama guxūma i yaxōgūxū nūxū nacuēx na nangēxmaxū ya wūxitama ya Tupana rū wūxitama ya tōrū Cori. Rū űuxre i nūmagū ga űpa rū nūxū nayapue na nūxū yaxōgūāxū i ngēma tupananetachicūnēxāgū, rū űuxma rū ta tama aixcūma nūxū nacuēxgū i ngēma mexū i Tupana nūxū naxwēxexū. Rū ngēmacēx nixī i űuxma i nagu naxīnūēxū na chixexū naxūgūxū i ngēxguma nangōxgūāgu i ngēma naxūnamachi i togū i duūxūgū norū tupananetachicūnēxāgūna uaxūgūxū na nūxū namaā yacuēxūgūxūcēx. ⁸ Rū yixema nūxū tacuēx na tama tacū rū namachi na ingōxūgagu yīixū na Tupana tūxū dexū. Rū tāūtāma yexera time i napēxewa ega nangōxgūgu i ngēma namachi. Rū tāūtāma yexera tichixe i napēxewa ega tama nangōxgūgu. ⁹ Natūrū i pema i nūxū na pecuáxū na tama pecadu yīixū na nangōxū i ngēma namachi, jrū pexuāgēgū erū ngūrūāchi ngēma na pengōxūgagu chixexūgu tā penayixēē i ngēma peeneēgū i tauta aixcūma meā nūxū cuēxgūxū na tacū yīixū i Tupana nūxū naxwēxexū! ¹⁰ Erū cuma na meā Tupanaxū cucuáxū, rū ngēxguma chi cunangōxgu i ngēma namachi i ngextā tupananetachicūnēxāgūxū iyacuēxūgūxūwa, rū ngūrūāchi wūxi i cueneē i tauta meā Tupanaxū cuáxū tā cuxū nadau. Rū ngūrūāchi nūma rū tā ta nanangōx i ngēma namachi woo naāēwa nagu naxīnūgu na wūxi i chixexū yīixū na nangōxū i ngēma namachi. ¹¹ Rū ngēmaācū i cuma na meā Tupanaxū cucuáxū, rū tā icuyanatauxēē i ngēma cueneē i Cristu naxcēx yuxū i tauta meā Tupanaxū cuáxū. ¹² Rū ngēmacēx i ngēxguma chixexūgu cunanguxēēxgu i ngēma cueneē i tauta meā Tupanaxū cuáxū, rū Cristumaā rū ta chixexū cuxū. ¹³ Rū ngēmacēx i ngēxguma ngēma namachi i changōxūgagu chixexūgu chananguxēēxgu i chaueneē, rū narūmemaē nixī i noxtacūma taguma namachi changōx na tama pecadugu chananguxēēxūcēx i ngēma chaueneē.

9

Yixema Cristu tūxū muxē na nūxū tapuracūxūcēx, rū tūxna naxū i tūmaārū natanū

¹ Rū pemaā nūxū chixu rū tōrū Coritama nixī ya choxū yaxucū rū choxū mucū na norū puracū chaxūxūcēx, rū ngēmacēx taxuūma i duūxūgūmēxēwa changēxma i űuxmax. Rū chomatama chauxetūmaā tōrū Cori ya Ngechuchuxū chadau, rū ngēma puracū i nūxū chaxūxūgagu nixī i peyaxōgūxū i pemax. ² Rū woo togū i duūxūgū tama choxū cuēxgūchaūgu na tōrū Cori choxū muxū, natūrū i pema rū meāma nūxū pecuēx na nūma yīixū ga choxū namuxū. Yerū chauxūtawa nixī ga tōrū Coriaxū peyaxōgūxū, rū ngēmawa nūxū pecuēx na aixcūma yīixū na nūma choxū namuxū. ³⁻⁴ Rū űaā nixī i chorū dexa i namaā chanangāxūxū i ngēma duūxūgū i chauchiga idexagūxū:

“Ķēxna tama name na duūxūgū choxna naxāxū i chorū ōna rū chorū axexū naxcēx i chorū puracū? ⁵ Ķēxna tama inamexū ta na wūxi i ngexū i yaxōxūmaā na chaxāmaxū na chayagaxūcēx ngēxgumarūū na naxāmaxū i Pedru, rū naēneēgū ya tōrū Cori, rū ngēma togū i yatūgū i Tupana imugūxū? ⁶ ĶRū ēxna pema nagu perūxīnūēgu rū choma rū Bernabēxicatama i tama namexū na toxū perūngūxēēgūxū ngēma togū i oreatū uruūgūxū na perūngūxēēgūxūrūū? ⁷ ĶTacū rū duūxū i churarawa űū i nūgūxūtama naxūtanūxū i norū ōna? ĶRū tacū rū duūxū i orix itoxū i tama namūxū i norū o? ĶRū tacū rū duūxū i carnerugūna dauxū i tama nagūnenixū ne ixaxūxū?” Ngēma űacharūgū nūxū i ngēma duūxūgū i chauchiga idexagūxū. ⁸ jrū űuxma rū tāūtāma nagu perūxīnūē na chorū orexicatama yīixū i űaā nūxū chixuxū! Erū Tupanaārū ore ga Moīché űmatūxūwa rū ta ngēma űanagūrū. ⁹ Erū ngēma ore rū űanagūrū:

“ĶRū ngēma woca i aruchuarū putēxewa puracūxū, rū tātūtāma cunawēxnagu na tama yima aruchuwa nachibūxūcēx!”

ñanagūrū i ngēma ore. Rū nūxū tacuēx na tama wocagūgu naxīnūxū ga Tupana ga yexguma yema ñaxgu. ¹⁰ Natūrū pemaā nūxū chixu rū tagu nixī ga naxīnūxū ga yexguma yema ñaxgu ga Tupana. Rū tachiga nixī ga naxūmatūxū ga yema ore. Erū yīxema aruchunecū ūxe rū yīxema norū oarū pūxwa puracūxū, rū ngēxguma tapuracūeyane rū tanaxwēgūxe na itananguxēēgūxū i ngēma norū o i tūxna ūxū. ¹¹ Rū toma rū wūxi ya nanetūchire ya itatoxūnerū tixīgū ga yexguma pemaā nūxū tixuxgu ga Tupanaārū ore. ĶRū ñuxma rū tama ēxna i pexcēx namexū na toxna penaxāxū i tacū i toxū taxuxū? ¹² Rū ngēxguma ngēma togū i orearū uruūgū petanūwa nayauxgūgu i ngēma nūxū taxuxū, rū maneca toma rū yexera name nixī i petanūwa tanayaxu i ngēma toxū taxuxū. Natūrū i toma rū tama ngēmaācū tanaxū. Erū toma rū guxū i guxchaxūmaā taporae na tama pexū tanaguxchaxēēxūcēx na Cristuaxū peyaxōgūxū. ¹³ Pema nūxū pecuēx rū guxūma i duūxūgū i tupaucāu ga taxūnēwa puracūxū, rū ngēma ōna ya yima tupaucawa ngēxmaaxūtama nangōxgū. Rū ngēma duūxūgū i tupaucagu Tupanacēx naxūnagū dēixū, rū nanade i ñuxre i ngēma namachi norū ngōxruū. ¹⁴ Rū ngēxgumarū tū ta ya yīxema nūxū ixugūxe i ore i tūxū maxēxēēxū, rū tōrū Cori nūxū nixu rū name nixī i tanayauxtanū i ngēma tūmaarū puracū. ¹⁵ Natūrū i choma rū taguma ngēmaācū chanaxū. Rū ñuxma na pexcēx chanaxūmatūxū i ñāā popera, rū tama tacū choxna pexāxūcēx nixī. Erū ngēma na taguma texēxūtawa tacūcēx íchaçaxū, rū wūxi i chorū taāē nixī. Rū narūmemaē chierū nixī na chayuxū naxūpa na texē choxna nayaxuxū i ñāā taāē i choxū ngēxmaxū. ¹⁶ Rū ñuxma na nūxū chixuxū i ngēma ore i tūxū maxēxēēxū, rū taguma ngēmacēx chaugū chixūcūxū. Erū woetama ngēma nixī i chorū puracū ga Tupana choxna āxū, rū ngēmacēx taxucūrūwama chanangexrū. Erū poraācū chi chachixexūgu i ngēxguma tāū chima nūxū chixuxgu. ¹⁷ Rū ngēxguma chi chaugagu chitama chanaxūxgu i ngēma puracū, rū nāgu chi charūxīnū na choxū naxātānūxū. Natūrū ngēxguma Tupana choxū muxūācūma chanaxūxgu, rū chanaxūama erū woetama ngēma nixī i chorū puracū ga Tupana choxna āxū. ¹⁸ ĶRū ñuxma rū tacū tā nixī i chorū natanū naxcēx i ngēma puracū i chaxūxū? Rū dūcax, rū chorū natanū nixī i ngēma taāē i chayaxuxū i ngēxguma ngetanūācūma nūxū chixuxgu i ngēma ore i tūxū maxēxēēxū. Rū ngēmaācū woo Tupanapēxewa name na petanūwa chanayaxuxū i chorū natanū na ngēmaācū chamaxūxūcēx, natūrū taguma texena naxcēx chaca. ¹⁹ Rū woo taxūxemēxēwa changēxma i chomax, natūrū guxāmēxēwa chaugū changēxmaxēē, na ngēmaācū yexeraācū muxūma i duūxūgū ūxū charūngūxēēxūcēx na Cristuaxū yaxōgūāxūcēx. ²⁰ Rū ngēxguma chautanūxū i Yudiūgūtanūwa changēxmagu, rū namaā chaugū chawūxiguēē na ngēmaācū nūxū charūngūxēēxūcēx na Cristuaxū yaxōgūāxūcēx. Rū woo tama yema Moiché ūmatūxū ga mugūtūūwa changēxmagu, natūrū chayanguxēēāma i ngēma mugū na ngēmaācū Cristuxūtawa chanagagūxū i ngēma duūxūgū i ñuxma rū ta nāgu íxū i ngēma mugū ga Moiché ūmatūxū. ²¹ Rū ngēxguma natanūwa changēxmagu i ngēma duūxūgū i tama Yudiūgū ixīgūxū, rū ngēma duūxūgūmaā chaugū chawūxiguxēē na ngēmaācū nūxū charūngūxēēxūcēx na Cristuaxū yaxōgūāxūcēx. Natūrū taguma íchanangēx i Tupanaārū mugū erū guxūguma Cristuarū mugūtūūwa changēxma. ²² Rū ngēxguma natanūwa changēxmagu i ngēma duūxūgū i tama poraācū Cristuchigaxū cuēxgūxū, rū choma rū ta ngēma duūxūgūmaā chaugū chawūxiguxēē, na ngēmaācū nūxū charūngūxēēxūcēx na Cristuaxū yaxōgūāxūcēx. Rū ngēmaācū guxūma i duūxūgūrūū chaugū chixīxēē, rū nagūxūraūācūma naxcēx chadau na ngēmaācū dūxwa Tupanaxūtawa chanagagūxūcēx i ñuxre i nūmagū. ²³ Rū ngēmaācū nixī i chapuracūxū na guxūwama nanguxūcēx i ngēma ore i tūxū maxēxēēxū. Erū chanaxwēxe na choma rū ta choxū nangēxmaxū i ngēma maxū i taguma gūxū, naxrūū i guxūma i ngēma duūxūgū i nūxū yaxōgūxū. ²⁴ Pema rū meāma nūxū pecuēx i wūxi i inūca i nawa ñāāchixū rū muxūma inaxūāchi, natūrū wūxixicatama nixī i ngēma nūxīra íngūxū rū nayaxuxū i norū āmare. Rū name nixī i pegūna pedau na Tupana pexna naxāxūcēx i ngēma perū āmare. ²⁵ Guxūma i ngēma duūxūgū i nūgū ngūxēēxū naxcēx i wūxi i inūca na togegūxū naporamaexūcēx, rū meā nūgūna nadaugū na ngēmaācū nayauxgūāxūcēx i norū āmare i paxāchirūū íxīxū. Natūrū yīxema na yaxōgūxū rū yīgūna tadaugū na meā naxūgūxūcēx rū meā imaxēxūcēx na nayauxgūxūcēx i tōrū āmare i taguma gūxū. ²⁶ Rū ngēmacēx i choma rū tama ñoma chauechitamare chīnaxūrūū chixī, rū tama ñoma tacū i nūgū dēixū i ngūrūanegumare idagūxūrūū chixī. ²⁷ Rū ngēmacēx meā chaugūmaā íchacuēx na tuxūma i chaxūneārū ngūchaū chaxūxūcēx. Erū tama chanaxwēxe i mexūmāā togūxū chaugūxēchirēxācūma chixexū chaxū rū ngemagagu tama chanayaxu i chorū āmare.

Nayaxucūxēgū na tama nūxū yacūxūgūxūcēx i tupananetachicūnēxāgū

¹ Pa Chaueneēgūx, chanaxwēxe i nūxna pecuēxāchie ga ṭacu nūxū na ngupetūxū ga yema nuxcūmaūgūxū ga tōrū oxigū ga Moīchēwe rūixūxū. Rū pema nūxū pecuēx rū yexguma nawe naxīgu rū wūxi ga caixanexū napēxegu nixū rū nayadūxū. Rū guxūma ga yema duūxūgū rū wūxigu Moīchēmaā natūūgu nixīūtanū. Rū yexgumarū ta Moīchēmaā nawa nichoū ga yema Taxtū ga Dauchiūxū. ² Rū guxūma ga yema duūxūgū rū yexguma wūxigu Moīchēmaā yema caixanexūpechitatūūgu yaxīūtanūgu rū yema Taxtū ga Dauchiūxūwa yachoūgu, rū yemaācū nūgū nangōxēgū na Moīchēweama naxīxū. ³ Rū yexgumarū ta ga guxūma ga yema duūxūgū nanangōxgū ga yema pāū ga daxūwa rūyixū. ⁴ Rū guxūma ga yema duūxūgū nayaxxgū ga yema dexā ga Cristu nūxna āxū. Yerū Cristu rū yema duūxūgūxū inixūmūcū ga yema inaxīxūwa, rū nūxna nanaxā ga yema dexā ga yaxaxgūxū. ⁵ Natūrū narūmumaē ga yema duūxūgū ga tama Tupanaārū ngūchaū ūgūxū. Rū yemacēx ga yema duūxūgū rū yexma nayue rū yēma nawogū ga naxūnegū ga dauxchitawa ga taxūema ixāpataxūwa. ⁶ Rū guxūma ga yema nangupetū na tōrū cuēxruū yīxūcū rū tama tōrū oxīgūxūxū chixexūcēxama idaugūxūcēx. ⁷ Rū ngēmacēx tama name i nūxū picuēxūūgū i ṭacu rū tupananetachicūnēxāgū, yexgumarū ga űuxre ga nūmagū naxūgūxūrūū. Erū Tupanaārū ore i ūmatūxūwa rū tōrū oxīgūchigaxū nixu rū űanagūrū: “Rū duūxūgū inarūtogū na nachibūxūcēx rū na naxaxegūxūcēx, rū ngēmawena rū inachigū na iyayūxexūcēx”,

űanagūrū i ngēma ore. ⁸ Rū tama name i yixema rū naī i ngemaā itape yexgumarū ga űuxre ga nūmagū naxūgūxūrūū. Rū yemacēx wūxitama ga ngunexgū rū nayue ga 23,000. ⁹ Rū tama name i nūxū taxū ya tōrū Cori na űuxācū yaxna tamaā naxīnūxū yexgumarū ga űuxre ga nūmagū naxūgūxūrūū. Rū yemacēx nixī ga yema duūxūgūxū nangōxcuxū ga āxtapegū rū nayuxū. ¹⁰ Rū tama name i chixexū Tupanamaā pixugū yema űuxre ga nuxcūmaūgūxū ga tōrū oxīgūrūū. Rū yemacēx ga Tupanaārū orearū ngeruū ga daxūcūāx rū nanadaī. ¹¹ Rū guxūma ga yema nuxcūmaxūgūxū ga duūxūgūxū ngupetūxū, rū űomaxūcūū rū tōrū cuēxruū nixī. Rū naxūmatū na ngēmawa nūxū icuāxūcēx na űuxācū Tupana naxwēxexū na imaxēxū i yixema i űomaūcūū. ¹² Rū ngēmacēx ya yixema tūgūgu rūxīnūxē na taporaxū i Tupanapēxewa, rū name nixī na meā tūgūna tadauxū na tama chixexgū tangūxūcēx. ¹³ Rū űuxma rū ta taguma pexcēx inangu i ngūchaxū i chixexū i taxucūrūwama namaā yaxna pexīnūxexū. Rū name nixī i Tupanana perūyoū erū nūma rū aixcūma nayanguxēē i ngema tamaā inaxunetaxū rū taxūtāma nawa pexū nawogū i ngūchaxūgū i taxucūrūwama yaxna namaā pexīnūxexū. Natūrū ngexguma tā ngūchaxūgū i chixexū pexcēx īnguxu rū nūma rū tā pexū inapoxū na tama nagu peyixūcēx. ¹⁴ Rū ngēmacēx, Pa Chaueneēgū ya Pexū Changechaūgūxex, űrū nūxū perūxoe i ngema nacūmagū i tupananetachicūnēxāgūcēx naxūgūxū i ngema duūxūgū i tama yaxōgūxū! ¹⁵ Pemaā nūxū chixu i ngēma ore, erū chauxcēx rū duūxūgū i nūxū cuāxū pixīgū. Rū pema tātama nagu perūxīnūē i ngēma pemaā nūxū chixuxū. ¹⁶ Rū ngēxguma űna i űūnēxūcēx ingutaquēgēgū, rū yaxaxgūgu ya yima binu ya űūnecū rū moxē naxcēx ixāgūgu, rū ngēmaācū yigū tangoxēē na Cristu ya taxcēx nagū ibacūwe rūixūxū. Rū ngēxguma nangōxgūgu i ngēma pāū i ibūcuxū, rū ngēmaācū yigū tangoxēē na Cristu ya taxcēx naxūne ixācūwe rūixūxū. ¹⁷ Rū woo na imuxū i yixema, natūrū wūxitama i pāū tangōxgū. Rū ngēmaācū nixī i wūxitama ixīgūxū erū wūxiwetama tarūxī. ¹⁸ űrū dūcax i ngēma Yudūgū i nangōxgūxū i ngēma naxūnamachi i Tupanacēx nadējūxū! Rū ngēxguma wūxigu nūgūmaā nangōxgūāgu, rū guxūma i ngēma nangōxgūxū rū ngēmaācū nūgū nangoxēē na wūxigu Tupanawe naxīxū. ¹⁹ Rū űuxma na ngēma űachaxū, rū tama chanaxwēxe i nagu perūxīnūē na naxūūnēxū i ngēma namachi i ngēma duūxūgū i tama yaxōgūxū norū tupananetachicūnēxācēx dējūxū. Rū tama chanaxwēxe i nagu perūxīnūē na ṭacūwa namexū i ngēma norū tupananetachicūnēxāgū, erū nangearū maxūāx. ²⁰ Natūrū pemaā nūxū chixu rū ngēxguma ngēma duūxūgū i tama Tupanaxū cuēxgūxū, norū tupanane-tachicūnēxācēx nadaiāgu i ṭacu rū naxūna, rū tama Tupanacēx nūxū i nadaiāxū, natūrū ngoxogūcēx nixī i nadaiāxū. Rū tama chanaxwēxe i ngoxogūtanūxūxū pegū pixīgūxūēē. ²¹ Rū pema na peyaxaxgūxū ya yima binu ya tōrū Corixū namaā picuēxūūgūcū rū taxucūrūwama namaā pexāmūcū i ngēma duūxūgū i Chatanāwe rūixūxū. Rū pema na tōrū Coriarū mechawa penangōxū i ngēma űna i nūxū namaā picuēxūūgūxū rū taxucūrūwama ngēma duūxūgū i Chatanāwe rūixūārū mechawa peyachibūe. ²² űrū űuxū űapegūxū i űuxmax? űēxna penanuxēēchaū ya tōrū Cori? űēxna pexcēx rū nūxū tarūporamaēgū i yixemax?

Name nixī i taeneēarū mexūc ēx tadaugū rū tama i tōxūritama

²³ Pema rū űaperūgūgū:

“Marū name na tanaxūxū i ṭacu i tanaxwēxegūxū”, űaperūgūgū. Rū aixcūma nixī i ngēma, natūrū tama tūxū name i guxūma i ngēma ixūchaxūxū. Rū ngēmaācū Cristu tūxū inanguxūcēē na naxūūcēx i ngēma inaxwēxexū, natūrū tama guxūma i ngēma ixūxū tūxū

narüngŭixēē na yexeraācū meā yaxōgūamachigūxūcēx. ²⁴ Rū tama name nixī i tóxrūtama mexūcēx tadaugū, natūrū name nixī i togūarū mexūcēx tadaugū. ²⁵ Rū marū name i penangōx i nagūxūdraūxū i namachi i namaā nataxegūxū, natūrū taxucēxma tūxcūū naxcēx ipeca ngoxi marū tupananetagūxū namaā yacuēxūxūgūxū i namachi yixī. ²⁶ Erū űoma i naāne rū guxūma i nawa ngēxmaxū, rū tórū Cori ya Tupanaarū nixī. ²⁷ Rū ngēxguma chi wūxi i duūxū i tama yaxōxū pexna uxgu na naxūtawa peyachibūexūcēx, rū chi ngēma pexīxgu, rū marū name i penangōx i guxūma i űona i pepēxegu yaxūxūchixū. Rū taxucēxma tūxcūū naxcēx pexoegaāē rū nūxna peca na ngextá ne naxūxū i ngēma namachi i pemaā nangōxū. ²⁸ Natūrū ngūrūāchi wūxie tá pemaā nūxū tixu rū űatarūgū:

“űāa namachi rū tupananetachicūmēxācēx yamēxgūxū i naxūnawa ne űxū nixī”, űatarūgū. Rū ngēxguma i pema rū tama name na penangōxū i ngēma namachi na tama chixexūgu tūxū penguxēēxūcēx ya yīxema pemaā nūxū ixuxe, rū tama ngēmacēx taxoegaāēxūcēx i tūmax. ²⁹ Rū tama pechiga nixī i chidexaxū i ngēxguma:

“Na tama taxoegaāēxūcēx”, űachagu. Natūrū yīxema pemaā nūxū ixuxechiga nixī i chidexaxū. Natūrū hexmana ngūrūāchi wūxi i yaxōxū tá cuxna naca rū űanagūrū tá cuxū:

“¿Tūxcūū i togū naxcēx oegaāēxūgagu choxna cunachuxu na tama chanaxūxū i űacū i chanaxwēxexū? ³⁰ Rū ngēxguma chi Tupanana moxē chaxāxgu naxcēx i ngēma űona i changōxū, ¿rū tūxcūū i ngēma űnacēx choxū quixu?” űanagūrū. ³¹ Dūcēx, pemaā nūxū chixu rū name nixī i guxūma i ngēma pexūxūmaā Tupanaxū picuēxūxūgū. Rū ngexguma űacū pengoxgūgu rū exna űacū pixaxgūgu rū ēxna űacū i to pexūgūgu, rū name nixī i ngēmamaā Tupanaxū picuēxūxūgū. ³² Rū tama name i penaxū i űacū i togūxū chixexūgu yixēēxū, rū woo Yudīugū yixīgūgu rū ēxna tama Yudīugū yixīgūgu, rū ēxna yaxōgūxū yixīgūgu. ³³ Rū choma rū guxūwama guxūxūma chataāēxēēchaxū. Rū ngemacēx tama chanaxū i ngema chomatama namaā chataāxēxū, natūrū chanaxū i ngema togū namaā taāxēxū na ngemaācū nūmagū rū ta nuxū nangūchaxū na yaxōgūāxū rū nayauxgūāxū i maxū i taguma guxū.

11

¹ Rū name nixī i nagu pexī i chaucūma ngēxgumarūū i choma na Cristucūmagu chixūxūrūū.

Name nixī i ngexūgū rū mexū i nacūmagu naxī

² Pa Chaueneēgūx, pemaā chataāē erū guxūguma chaugu perūxīnūē rū nagu pexī ga yema ngxūēētae ga pexū changūexēēxū. ³ Natūrū chanaxwēxe i nūxū pecuēx na Cristu rū wūxichigū i yatūeru na yīxū. Rū yatūxūgū rū naxmēxēru nixīgū ngēxgumarūū ya Tupana rū Cristueru na yīxū. ⁴ Rū ngēmacēx i ngēxguma wūxi ya yatū ngutaquēxewa yumūxēgu rū ēxna Tupanaarū orexū yaxuxgu, rū tama inangēxūchipatēxegu, rū ngēma rū wūxi i chixexū nixī i Cristupēxewa naxūxū. ⁵ Natūrū ngēxguma chi wūxi i ngecū ngutaquēxewa yumūxēgu rū ēxna Tupanaarū orexū yaxuxgu, rū chi tama ngīgū natūerugu, rū ngēma rū wūxi i chixexū nixī i ngītepēxewa naxūxū. Rū űoma ngīgū yadūeruxūrūū iyixī. ⁶ Erū ngēxguma chi tama ngīgū natūeruchaūgu, rū narūmemaē nixī i noxtacūma ngīgū ibēixeru. Natūrū ngēxguma chi wūxi i ngīrū āne yixīgu i ngēma na ngīgū nabēixeruxū rū ēxna ngīgū yadūeruxū, rū narūmemaē nixī i ngīgū itūeru. ⁷ Natūrū yatūgū rū tama name na nūgū natūerugūxū. Yerū ga Tupana rū nūgūraūācū nanaxū ga yatū rū Tupanachipeta nixī. Rū yima yatūwa nixī i nangōxū na űuxācū namexēchixū ya Tupana. Rū ngēma ngecūwa nixī i nangōxū na űuxācū namexū ya yatū. ⁸ Yerū yexguma noxri Tupana naxūxgu ga yatū, rū tama ngecūwa nixī ga naxūāxū. Rū ngīma waxi nixī ga yatūwa ngīxū naxūxū. ⁹ Rū yatūcēx nixī ga Tupana ngīxū űxū ga ngecū, rū tama ngecūcēx nixī ga Tupana naxūxū ga yatū. ¹⁰ Rū ngēmacēx name nixī i ngīgū itūeru na duūxūgūpēxewa rū Tupanaarū orearū ngerūtūgū i daxūcūāxgūpēxewa nangōxūcēx na ngītemēxēwa nangēxmaxū. ¹¹ Natūrū Tupanapēxewa rū taxūūma nixī ya yatū ega natauxgu i ngecū. Rū ngēxgumarūū ta i ngecū rū taxūūma iyixī ega natauxguma ya yatū. ¹² Yerū yexguma noxri Tupana ngīxū űxgu ga ngecū, rū yatūwa nixī ga ngīxū naxūxū. Rū ngēxgumarūū ta ya yatū rū ngecūwa nixī i nabuxū. Natūrū Tupana nixī ya naxūcū i guxūma i duūxūgū. ¹³ Rū pematama tá penangūgū rū ngoxi name na wūxi i ngecū rū tama ngīgū natūeruācūma nayumūxēxū. ¹⁴ Rū woetama tórū bucūma nixī i nūxū na icuāxū na wūxi i āne yīxū na nūgū namēxyaexēēxū i wūxi i yatūxū. ¹⁵ Natūrū ngecūcēx rū wūxi i mexēchixū nixī na namēxyaexū. Erū Tupana rū ngīxna nanaxā i ngīyae na ngēmamaā ngīgū natūeruxūcēx. ¹⁶ Natūrū ngēxguma chi texē ngēmachiga tūgū choxūgagūgu, rū name nixī i nūxū tacuēx na ngēmatama yīxū i tacūma rū nacūma i guxūma i yaxōgūxū i guxūnema ya tupaucagūwa.

Duūxūgū rū chixri namaā inacuēxgū ga Coriarū űona i űūnēxū

¹⁷ Rū űuxma i űaā popera i pexcēx chaxūmatūxūwa rū pemaā nūxū chixu rū nangēxma i wūxi i pecūma i chixexū i tama namaā chataāēxū. Erū chauxcēx i ngēma perū ngutaquēxegū rū pexū nachixexēē, rū tama aixcūma perū meruūgū nixī. ¹⁸ Erū duūxūgū chomaā nūxū nixugūgū rū ngēxguma tōrū Coricēx pengutaquēxegūūxgu rū pegū pitoye. Rū ngāxūgu chayaxō na aixcūma yīxū i ngēma nūxū yaxugūgūxū. ¹⁹ Choma rū nūxū chacuēx na aixcūma woe tātama yīxū i pegū pitoyexū na ngēmawa nūxū icuāxūcēx na texégū tīxū ya yīxema aixcūma Cristuarū duūxūgū ixīgūxe. ²⁰ Rū ngēma pegū na pitoyexūgagu nixī na tama aixcūma tōrū Corixū picuēxūūgūācūma yīxū i penangōxū i tōrū Coriarū űna i Ūūnexū i ngēxguma pengutaquēxegūūxgu. ²¹ Erū ngēxguma penangōxgu i ngēma űna i Ūūnexū rū wūxichigū rū peñuxāēgū na pexira na penayaxuxūcēx i ngēma űna. Rū yoxni i ngēma togū rū ngēxma nataiyae, rū togū rū nayaxaxgū ya binu űuxmata nangāxē. ²² űēxna pengechiūgū ecēx tama ngema pechibūexū rū pexaxegūxū? űTūxcūū nūxū pexoe i ngēma togū i yaxōgūxū rū penaxāneēxēē i ngēma yaxōgūxū i ngearū ngēmamaxūāxgūxū? űRū űacūxū tā pemaā chixu i űuxmax? űPexcēx rū tā pemaā chataāēxū? Dūcēx, pemaā nūxū chixu rū tama pemaā chataāē naxcēx i ngēma pexūgūxū.

Tōrū Coriarū űna i űūnexūchiga

²³ Rū ngema nguxēētae i pemaā nūxū chixuxū rū tōrū Corixūtatwatama chanayaxu. Rū yexguma tōrū Cori ga Ngechuchuxū īnaxuaxūgu, rū yematama chūtaxūgu rū nūma rū nanayaxu ga wūxi ga pāu. ²⁴ Rū Tupanana moxē naxā, rū yemawena rū inanabūcu, rū űnanagūrū:

“űaā nixī i chaxune i pexcēx ichaxāxūchiga. űRū penangō i űaā pāu na ngēmaācū peāēwa choxna pecuēxāchixūcēxī” űnanagūrū. ²⁵ Rū yexgumarū tā ga chibūwena rū Ngechuchu nanayaxu ga wūxi ga pochiyu ga binuchiūmaā āācuxū, rū űnanagūrū:

“Rū daa binu rū wūxi i cuēxruū nixī na ngexwacēx Tupana duūxūgūmaā ixunetaxū i maxū i taguma gūxūchiga. Rū chaugū ya pexcēx ibacūmaā nixī i Tupana pexū nūxū cuēxēēxū i ngēmachiga. Rū ngēxguma űuxguacū daa binu pixaxgūgu rū űuxma choma na chanaxūxūrū tā penaxū na peāēwa choxna pecuēxāchixūcēx”, űnanagūrū ga Ngechuchu. ²⁶ Rū guxūguma i ngēxguma penangōxgu i űaā pāu rū peyaxaxgūgu ya daa binu rū ngēmawa tā duūxūgūxū nūxū picuēxēē na űuxācū tōrū pecaducēx nayuxū ga tōrū Cori. Rū ngēmaācū tā penaxū űuxmatāta wena nataegu i nūmax.

Texegūcēx nixī i tōrū Coriarū űna i űūnexū

²⁷ Natūrū ngēxguma chi texe tama tūgū tamexēēarū maxūxācūma nangōxgu i Coriarū pāu i űūnexū rū tayaxaxūxgu ya yima binu ya űūnecū, rū pecadu taxū napewa ya tōrū Cori ya taxcēx yucū rū nagū ibacū. ²⁸ Rū ngēmācēx naxūpa na tanangōxū i ngēma pāu rū na tayaxaxūxū ya yima binu, rū name nixī i wūxichigū meā tūmaarū maxūgu tarūxīnū ngoxi nataxuma i űacū rū chixexū i tūmaārū maxūwa. ²⁹ Erū ngēxguma tama tūgū tamaxēēarū maxūācūma tanangōxgu rū tayaxaxūxgu, rū tūgūtama poxcuwa taga. Erū tama aixcūma tayaxō na tōrū Corichiga yixīxū i ngēma pāu rū yima binu. ³⁰ Rū ngēmācēx nixī i muxūchixe i petanūwa rū piāaawexū rū peturaexū, rū űuxre i togū rū marū nayuexū. ³¹ Natūrū ngēxguma chi tōrūtama maxūgu rūxīnūegu naxūpa na nangōxū i ngēma Coriarū űna, rū nūma rū taxucēx tūxū napoxcue. ³² Natūrū ngēxguma tōrū Cori űoma i tōrū maxūwa tūxū poxcugu, rū ngēmaācū tūxū inayarūwēxāchixēē na tama yixcūra naāneārū guxgu tūxū napoxcuxūcēx wūxigu namaā i ngēma duūxūgū i tama yaxōgūxū. ³³ Rū ngēmācēx, Pa Chaueneēgūx, ngēxguma pengutaquēxegūgu na penangōxūcēx i ngēma űna i űūnexū, name nixī i pegū īpenanguxēē na guxāma wūxigu meā penangōxūcēx. ³⁴ Rū ngēxguma chi texē tayēxgu, rū name nixī i tūmapatawatama tachibū na tama Tupana pexū poxcuēxūcēx naxcēx na chixexū pexūexū i perū ngutaquēxegūwa. Rū ngēma to i guxchaxūgū i pexū ngēxmaxū, rū choma tā chanamexēē i ngēxguma petanūwa chaxūxgu.

12

Ngēma cuēx i Tupanaāē i Ūūnexū tūxna āxūchiga

¹ Pa Chaueneēgūx, chanaxwēxe i nūxū pecuēx na űuxācū yīxū i ngēma cuēx rū űuxacū na yixīxū i ngema taxcha i Tupanaāē i Ūūnexū tūxna āxū. Rū ngēmachiga nixī i pemaā nūxū chixuxchaūxū i űuxmax. ² Rū pema meāma nūxū pecuēx ga yexguma tauta Cristuaxū peyaxōgūgu, rū pegū nūxna pexāgū ga tūpananetachicūnēxāgū ga tama idexaxū. ³ Rū ngēmācēx i űuxma rū chanaxwēxe i meā nūxū pecuēx rū taxucūrūwama texe ya Tupanaāē i Ūūnexū tūmawa ngexmaxe rū chixri Ngechuchuchuga tidexa. Rū ngexgumarūxū ta rū taxucūrūwama texe ngūrūmare tūechama rū:

“Ngechuchu rü tóru Cori nixī”, ñatarügü ega tama Tupanaãe i Üünexü tüxü muxgu na ngëmaäcü tidedaxüxcëx. ⁴ Rü nüma ya Tupana rü duüxügüna nanaxä i naguxüraü i tauchagü. Natürü ngema Naãxë i Üünexü i nawa ne naxixü i ngema tauchagü rü wüxitama nixī. ⁵ Nangëxma i nagüxüraüxü i Tupanaarü puracü, natürü yima tóru Cori ya tüxna naxäcü i ngema puracügü rü wüxitama nixī. ⁶ Rü Tupanaarü pora rü nagüxüraüäcü nangox. Natürü wüxitama nixī ya yima Tanatü ya tawa güxüdraüäcü nangoxëcü i ngema norü puracü. ⁷ Rü ngema Naãe i Üünexü wüxixewachigü nanangoxëe i Tupanaarü pora i norü duüxügütanüwa na ngemaäcü guxäarü ngüxëeruü yixixüxcëx. ⁸ Rü Naãe i Üünexü rü tümáxena rü nanaxä i tauxcha na ucüëxü tacuáxcëx. Rü ngëmatama Naãe i Üünexü rü toguëxü rü nanatauxchaxëe na nüxü tacuáxcü na mea tangüxëëtaexü i Tupanaarü ore. ⁹ Rü toguë rü ngëmatama Naãe i Üünexü tüxü nanatauxchaxëe na Tupanana tarüyoëxüxcëx. Rü toguë rü tüxna nanaxä i pora na ngëmamaã naxcëx tayataanëgüxëëxüxcëx i ngëma idaaweexü. ¹⁰ Rü toguë rü tüxna nanaxä i pora na tanaxüxcëx i mexügü i Tupanaarü poramaã üxü. Rü toguë rü tüxü nanatauxchaxëe na nüxü tixuxüxcëx i Tupanaarü ore. Rü toguë rü tüxna nanaxä i cuëx na nüxü tacuáxcüxcëx i ñacü yixü i ngoxogüarü ixixü rü ñacü yixü i Tupanaãe i Üünexü rü ixixü. Rü toguë rü tüxna nanaxä i tauxcha na ngëma tama nüxü tacuáxcü i nagawa tidedaxüxcëx. Rü toguë rü tüxna nanaxä i cuëx na tanangoxëëxüxcëx na ñacüchiga yixü na tidedaxü ya yixema to i nagawa idexáxe. ¹¹ Rü guxüma i ngëma rü Tupanaãe i Üünexütama nixī i naxüxü. Rü nüma nixī i wüxichigü i duüxüna naxäãxü i ngëma cuëx i nüma nanaxwëxëxü na nüxna naxäãxü.

Guxäma i yaxögüxü rü wüxitama i naxünewa naxügü

¹² Rü duüxüxüne rü woo muxügü nixüye, natürü wüxitama i naxüne nixī. Rü ngëxgumarüxü ta i ngema Cristuáxü yaxögüxü rü woo namu, natürü wüxitama i naxünewa naxügü. ¹³ Rü yëxguma íbaiügu rü Tupanaãe i Üünexü rü wüxitama i naxüne tüxü nixigüxëe. Rü woo Yudiügu na ixigüxü, rü éxna tama Yudiügu na ixigüxü, rü woo togümëxëwa ingëmagüxü rü éxna taxüemëxëwa ingëmagüxü, natürü wüxitama i naxüne tüxü nixigüxëe i nüma i Naãe i Üünexü i nüxatagama ixixü. Rü guxäma i yixema rü marü tüxna nangu i ngëma Naãe i Üünexü. ¹⁴ Wüxi i naxüne rü tama naxämenäxmare, natürü muxügu nixüye. ¹⁵ Rü ngëxguma chi yima nacutü ñaxgu:

“Rü ñuxma na tama naxmëx chiixü, rü ngëmacëx tama ngëma naxünewa changëxma”, ñaxgu, rü tama ngëmacëx nüxü narüxo na ngema naxünewa nangëxmaxü. ¹⁶ Rü ngëxguma chi yima naxpaxchinü ñaxgu:

“Rü ñuxma na tama naxëtü chiixü, rü ngëmacëx tama naxünewa changëxma”, ñaxgu, rü tama ngëmacëx nüxü narüxo na ngema naxünewa nangëxmaxü. ¹⁷ Rü ngëxguma chi guxüma i naxüne rü naxëtü yixigü, ¿rü ñacümaã chi i nüxü naxünüxü i ngema naxüne? Rü ngëxguma chi guxüma i naxüne rü naxmachixë yixigü, ¿rü ñacümaã chi i nüxü nawäxixü? ¹⁸ Natürü Tupana ga naxücü ga taxüne, rü ngëxma nüma ínanaxwëxëxüwa nanangëxmaxëe i taeru rü tachacüügü rü taparagü. ¹⁹ Rü ngëxguma chi nataxuxgu i norü üyechigü i taxüne rü chi naxämenäxmare. ²⁰ Rü ngema naxüne rü woo muxügü nixüye, natürü wüxitama i naxüne nixī. ²¹ Rü taxëtü rü taxucürüwa taxmëxü ñanagürü:

“Choma rü tama chacuxwëxe”, ñanagürü. Rü ngëxgumarü rü ta i taeru rü taxucürüwa tacutügüxü ñanagürü:

“Choma rü tama chapexwëxe”, ñanagürü. ²² Natürü ngëma yexeraäcü äcücmáxü i taxünewa, rü ngëma nixī i yexera nanaxwëxëxü i taxüne. ²³ Rü ngëma taxünewa yexeraäcü naxcëx ixänexü, rü ngëma nixī i yexera meã ixüxchiruxü. Rü ngëma taxünewa ngëxmaxü i tama ínanaxwëxëxü na nangóxcü, rü ngëma nixī i yexera meã idüxüxü. ²⁴ Natürü tama ngëmaäcü tanaxü namaã i ngëma taxünewa ngëxmaxü i guxäxüma iwéxü. Rü ngëmaäcü Tupana nanaxü i taxüne, na yexeraäcü nüxna idauxüxcëx i ngëma yexera naxcëx ixänexü. ²⁵ Rü ngëmaäcü Tupana nanaxü i taxüne na wüxichigü i norü üye nügügu naxünëxüxcëx rü nügü nangüxëëgüxüxcëx. ²⁶ Rü ngëxguma chi wüxi i ngëma taxünearü üye nüxü ngüxgux, rü guxüma i ngëma togu i natanüxügü rü ta nüxü nangux. Rü ngëxguma chi wüxi i ngëma taxünearü üye taãëxgu, rü guxüma i ngëma togu i natanüxügü rü ta nataãëgü. ²⁷ Rü ñuxma i wüxichigü i pema rü Cristuxünearü üye pixigü, rü ngema naxünewa pëxügü. ²⁸ Rü ngëmacëx ya Tupana rü nanaxwae na ñaacü nügü ínanuxü i norü duüxügü: Rü yixema tüxira tüxü naxunetäguë tixi ya norü puracüwa tüxü namugüxe. Rü tüxü naxuneta ya toguëgü na nüxü tixügüxüxcëx i norü ore. Rü tüxü naxuneta ya toguëgü na duüxügüxü tangüxëëxüxcëx i norü ore, rü toguëgü na tanaxügüxüxcëx i mexügü i Tupanaarü poramaã taxügüxü. Rü toguëgü rü tüxü nanatauxchaxëe na tanameëxëxüxcëx i idaaweexü, rü toguëgü na nüxü tarüngüxëëgüxüxcëx i ngema ñacü nüxü taxuxü, rü toguëgü yaxögüxü rü äëxgacügü na tixigüxüxcëx. Rü tüxü nanatauxchaxëe ya toguëgü na ngëma naga i tama nüxü

tacuáxŭwa tidexagŭxŭcèx. ²⁹Rŭ tama guxāma Tupana tŭxŭ imugŭxe tixŭgŭ, rŭ tama guxāma Tupanaārŭ orearŭ uruŭ tixŭgŭ. Rŭ tama guxāma norŭ orewa nguxēētaegŭxe tixŭgŭ, rŭ tama guxāma nŭxŭ tacuèx na tanaxŭxŭ i mexŭgŭ i taxŭgŭ i Tupanaārŭ poramaā ŭxŭ. ³⁰Rŭ tama guxāma nŭxŭ tacuèx na tanameēxēēxŭ i duŭxŭgŭ i iŭaaweexŭ. Rŭ tama guxāma nŭxŭ tacuèx na nawa tidexagŭxŭ i wŭxi i naga i tama nŭxŭ tacuáxŭ. Rŭ tama guxāma nŭxŭ tacuèx na tanangoxēēxŭ na tačŭchiga yadexaxŭ i ngēma duŭxŭgŭ i tama nŭxŭ nacuáxŭ i nagawa idexaxŭ. ³¹Rŭ name nixŭ inaxcèx pedèux na Tupana pexna naxāxŭcèx i ngēma cuèx rŭ tauxchagŭ i rŭmemaegŭxŭ.

Yigŭ na ingechaŭgŭxŭlchiga

Natŭrŭ i űuxma rŭ tá pexŭ changúexēē i tačŭ nixŭ i guxŭma i ngēma pemaā nŭxŭ chixuxŭārŭ yexera rŭmemaèxŭ.

13

¹Rŭ woo togŭ i nagawa chideaxgu, rŭ woo Tupanaārŭ orearŭ ngeruŭgŭ i daxŭcŭāxgawa chideaxgu, natŭrŭ űoma wŭxi i tačŭ i āgaxŭrŭm mare chixŭ ega tama guxāxŭ changechaŭgu. ²Rŭ woo nŭxŭ chacuèxgu na meā duŭxŭgŭmaā nŭxŭ chixuxŭ i Tupanaārŭ ore, rŭ woo nŭxŭ chacuèxgu i guxŭma i tačŭ i èxŭgŭxŭ i Tupanachiga, rŭ woo choxŭ natauxchagu na chorŭ ōmaā chayaxŭgachixēēxŭ ya mèxpŭnegŭ, natŭrŭ taxuwama chame ega tama guxāxŭ changechaŭgu. ³Rŭ woo ngēma duŭxŭgŭ i ngearŭ dŭruāxgŭxŭxŭ chayanaxgu i guxŭma i tačŭ i choxŭ ngēmaxŭ, rŭ woo Tupanaārŭ orexèx chaugŭ ichaxāxgu na ŭxŭwa choxŭ yagugŭxŭcèx, rŭ taxuwama choxŭ name i ngēma ega tama guxāxŭ changechaŭgu. ⁴Rŭ yŭxema guxāxŭ ngechaŭxē, rŭ yaxna namaā taxŭnŭ, rŭ namaā tamedŭma. Rŭ tama tixāxŭachiwèxe, rŭ tama togŭxŭ tŭgŭ tarŭyexera rŭ tama tŭgŭ ticuèxŭ. ⁵Rŭ yŭxema aixcŭma guxāxŭ ngechaŭxē, rŭ tama taguchigawèxe, rŭ tama tŭgŭguxicatama tarŭxŭnŭ, rŭ tama tanuxwèxe, rŭ tama nagu tarŭxŭnŭēcha ega texè chixexŭ tŭmamaā ŭxgu. ⁶Rŭ tama namaā tataāē i chixexŭgŭ, natŭrŭ namaā tataāē i ngēma ore i aixcŭma ixŭxŭ. ⁷Rŭ yŭxema aixcŭma guxāxŭ ngechaŭxē, rŭ yaxna namaā taxŭnŭ, rŭ guxŭguma nŭxŭ tayaxŭ, rŭ guxŭguma mexŭgu namaā tarŭxŭnŭ, rŭ taguma naxchi taxai woo tačŭ tŭmamaā naxŭxgu i togŭ. ⁸Rŭ ngēma yigŭ na ingechaŭxŭ rŭ tagutāma inayacuèx. Natŭrŭ ngēma na nŭxŭ ixuxŭ i Tupanaārŭ ore rŭ wŭxi i ngunexŭgu tá inayacuèx. Rŭ ngēma tama nŭxŭ icuáxŭ i nagawa na idexaxŭ, rŭ tá ta inayacuèx. Rŭ ngēma űuxma nŭxŭ icuáxŭ rŭ wŭxi i ngunexŭgu rŭ marŭ taxuwatāma tŭxŭ name. ⁹Erŭ ngēma tŭrŭ cuèx i űuxma tŭxŭ ngēmaxŭ, rŭ Tupanapèxewa rŭ naxŭra. Rŭ ngēxgumarŭŭ ta i ngēma norŭ orexŭ na ixuxŭ, rŭ wŭxi i iramarexŭtama nixŭ. ¹⁰Rŭ guxŭma i ngēma rŭ tá inayarŭxo i ngēxguma Tupanapèxewa ingugŭgu rŭ nŭma tá guxŭxŭma tŭxŭ nacuèxēēgu. ¹¹Yexguma chabuxgu ga chomax, rŭ wŭxi ga buxŭrŭŭ chidexa, rŭ buxŭ nagu rŭxŭnŭxŭgu charŭxŭnŭ, rŭ tama meā chauāèxŭ chacuèx. Natŭrŭ yexguma marŭ chayèxgu, rŭ nŭxŭ charŭxo ga guxŭma ga yema chorŭ bucuŭma. ¹²Rŭ ngēma űuxma nŭxŭ idauxŭ i Tupanachiga, rŭ űoma wŭxi i worua ya ŭxachametŭxewa yigŭ idauxŭrŭŭ nixŭ na taxcèx naxèxŭ. Natŭrŭ yixcŭra rŭ tá aixcŭma meā nŭxŭxŭchi tadau ya Tupana. Rŭ űuxma rŭ irarŭwatama nŭxŭ chacuèx i Tupanachiga. Natŭrŭ wŭxi i ngunexŭgu rŭ tá meā nŭxŭ chacuèx i guxŭma i nachiga, ngēma na Tupana meāma choxŭ cuáxŭrŭŭ. ¹³Rŭ űuxma rŭ nangèxma i tomaèxpŭx i nacŭmagŭ i guxŭgutāma ngexmaxŭ. Rŭ űaāgŭ nixŭ:

1 Rŭ Tupanaāxŭ tayaxŭgŭ

2 Rŭ nŭxŭ itananguxēē na nataeguxŭ ya Cristu

3 Rŭ nŭxŭ tacuèx na tamŭcŭxŭ ingechaŭxŭ.

Natŭrŭ ngēma tomaèxpŭxtanŭwa rŭ ngēma rŭmemaèxŭ nixŭ na guxāxŭ ingechaŭxŭ.

14

Ngēma tama nŭxŭ icuáxŭ i nagawa na idexaxŭchiga

¹ŭRŭ naxcèx pedèux na guxāxŭ pengechaŭxŭ! Rŭ ngēxgumarŭŭ ta name nixŭ i naxcèx pedau i ngema tauxchagŭ rŭ ngema cuèx i Naāē i Ūnèxŭwa ne ixŭ. Rŭ ngēma cuèx i yexeraācŭ penaxwaexŭ nixŭ na pexŭ natauxchaxŭ na nŭxŭ pixuxŭ i Tupanaārŭ ore. ²Yŭxema duŭxè ya tama nŭxŭ tacuáxŭ i nagawa idexaxe, rŭ Tupanamaā nixŭ i tidexaxŭ rŭ tama i duŭxŭgŭmaā, erŭ taxŭema nŭxŭ tacuèx na űuxŭ űaxŭchiga yŭxŭ. Rŭ Tupanaāē i Ūnèxŭ nixŭ i tŭxŭ idexaxèèxŭ, natŭrŭ ngēma ore i nŭxŭ tixuxŭ rŭ èxŭgŭxŭ nixŭ. ³Natŭrŭ yŭxema nŭxŭ ixuxe i Tupanaārŭ ore rŭ ngema yaxŭgŭxŭlarŭ ngŭxèeruxŭ tixŭ, erŭ yexeraācŭ cuèxwa tanangugŭxèè rŭ nŭxŭ tanangŭchaxŭxèē i ngema ore rŭ tanataāèxèē i ngema yaxŭgŭxŭ i ngexguma guxchaxŭ nŭxŭ ŭpetŭgu. ⁴Rŭ yŭxema duŭxè ya tama nŭxŭ tacuáxŭ i nagawa idexaxe, rŭ tŭmacèxtama nixŭ i ngema na yexeraācŭ mea Tupanaāxŭ tayaxŭxŭcèx. Natŭrŭ yŭxema nŭxŭ ixuxe i Tupanaārŭ ore rŭ nŭxŭ tixu na yexeraācŭ Tupanaāxŭ yaxŭgŭāxŭcèx i guxŭma i yaxŭgŭxŭ. ⁵Choma chierŭ chanaxwèxe na guxāma i pema rŭ ngēma tama nŭxŭ

pecuáxū i nagawa na pidexagūxū. Natürü yexeraäcü chanaxwèxe na duñxūgūmaā nūxū pixuxū i Tupanaärü ore. Erü ngēma to i nagawa na pidexagūxūärü yexera narümemaē na togūmaā nūxū pixuxū i Tupanaärü ore. Natürü ngēma to i nagawa na idexaxū, rü name ega ngēma yaxōgūxūmaā nūxū ixuxgu na tacūchiga yīxū i ngēma dexa, na nūmagū rü ta yexeraäcü meā Tupanaāxū yaxōgūāxūcèx. ⁶ Rü ngēmācèx, Pa Chaueneēgūx, rü ngēxguma chí pexūtawa chaxūxgu, rü chí to i nagawa chideaxgu, çrü tacūwa chí pexū namexū i ngēma? Natürü ngēxguma chí pemaā nūxū chixuxgu i ngēma Tupana tūxū nūxū cuèxēēxū, rü ēxna ngēma chomatama nūxū chacuáxū na aixcūma yīxū, rü ēxna ngēma ēxūguxū i ñuxma Tupana tūxū nūxū cuèxēēxū, rü ēxna tacū rü to i nguxēētae i Tupanachiga, rü ngēma waxi nixī i pexū mexū. ⁷ çRü dücax ngēma paxetarū i quena rü ēxna arpa! Rü ngēxguma tāu chima texé meā napaūxgu, rü tāu chima nūxū tacuèx na tacūgu tanapaxūxū. ⁸ Rü ngēma churragū, rü ngēxguma norū uwanūgūmaā nūgū nadaixchaūgu, çrü ñuxācü tá nūgū namexēē na nūgū nadēixūcèx ega tama meā nangógagu ya yima corneta ya dējxcèx naxcèx çaxūne? ⁹ Rü ngēxgumarū i pexū nangupetū. Rü ngēxguma chí perū conūmaā nūxū pixuxgu i dexa i taxūema nūxū cuáxū, çrü ñuxācü tá nūxū tacuèx na ñuxū ñaxūchiga yīxū i ngēma nūxū pixuxū? Rü ñoma ngürūanewa pidexagūxūrū i tá pixīgū. ¹⁰ Rü aixcūma nixī i namuxū i nagagū i ñoma i naānewa. Rü guxūma i ngēma nagagū rü name naxcèx i ngēma duñxūgū i nawa idexagūxū. ¹¹ Natürü ngēxguma chí tama nūxū chacuèxgu i ngēma naga i to i duñxū chomaā nawa idexaxū, rü ngēma duñxūcèx rü ñoma to i nachiuñānecūāxūrū chixī, rü chauxcèx rü ñoma to i nachiuñānecūāx i duñxūrū i nixī i nūmax. ¹² Choma nūxū chacuèx rü pema rü pexū nangūchaū na pexū nangēxmaxū i ngēma nacūmagū i Tupanaāē i ūñexū tūxna āxū. Natürü name nixī i naxcèx pedau na guxūärü yexera pexna naxāāxū i ngēma nacūmagū i namaā nūxū perūngūxēēxū i guxūma i yaxōgūxū na yexeraäcü meā Tupanaāxū yaxōgūāxūcèx. ¹³ Rü ngēmācèx yīxema duñxē ya taxūema nūxū cuáxū i nagawa idexaxe, rü name nixī i Tupanana naxcèx taca na tūxna naxāāxūcèx i cuèx na togūmaā nūxū tixuxūcèx na ñuxū ñaxūchiga yīxū i ngēma nūxū tixuxū. ¹⁴ Rü ngēxguma chí taxūema nūxū cuáxū i nagawa chayumūxēgu, rü chauāē nixī i ngēma yumūxexū. Natürü chomatama rü taxūma chacuèx na tacūchiga yīxū i ngēma. ¹⁵ çRü ñuxācü tá chayumūxexū i ñuxmax? Rü marū name nixī ega taxūema nūxū cuáxū i nagawa chayumūxēgu, natürü chanaxwèxe i guxāma nūxū cuáxū i nagawa rü ta chayumūxē. Rü marū name nixī ega taxūema nūxū cuáxū i nagawa chawiyae, natürü chanaxwèxe i guxāma nūxū cuáxū i nagawa rü ta chawiyae. ¹⁶ Erü ngēxguma chí taxūema nūxū cuáxū i nagawa Tupanaxū quicuèxūūgu, rü yīxema duñxēgu ya ngema irūxīnūēxē, rü taxucūruwa cumaā wūxigu Tupanaxū ticuèxūūgu, erū tama nūxū tacuèx na ñuxū ñaxūchiga yīxū i ngēma nūxū quixuxū. ¹⁷ Rü woo ngēma curū yumūxē rü namexēchixgu, natürü yīxema duñxēgu ya ngema irūxīnūēxē rü taxūma i mexū nawa tayaxu ega to i nagawa quideaxgu. ¹⁸ Tupanana moxē chaxā, erū perū yexera taxūema nūxū cuáxū i nagawa chidexa. ¹⁹ Natürü woo muxūma i ore i taxūema nūxū cuáxū i nagawa na chidexaxū, natürü ngēma yaxōgūxūärü ngutaquēxegūwa rü chauxcèx rü narümemaē chí nixī ega woo noxre i ore i meāma nūxū icuáxūwa namaā nūxū chixuxgu i Tupanaärü ore na ngēmaäcü ngēmamaā meā chanangūxēēxūcèx. ²⁰ Pa Chaueneēgūx, tama name i ñoma buxūgūrū chixri nagu perūxīnūe i ngema ore i pemaā nūxū chixuxū. Rü narümemaē nixī i ñoma buxūgūrūxū pegū pixīgūxēē naxchēxwa i ngema chixexū, natürü ngema peru ñūwa rü penaxwèxe i duñxūgū i marū yaxūrū meā nagu perūxīnūe rü nagu pexī i ngema ore i pemaā nūxū chixuxū. ²¹ Tupanaärü ore ga nuxcūmañxū ga norū orearū urū i ūmatixū rü ñanagürü:

“Rü nuā tá chanamugū i to i nachiuñānecūāx i duñxūgū na to i nagawa yadexagūxūcèx namaā i ñāa Yudiūgū i tama yaxōgūxū. Natürü woo ngēmaäcü chanaxūxgu, rü tāūtāma chauga naxīnūe i ngēma Yudiūgū i tama irūxīnūēchañxū”,

ñanagürü ga Tupana. ²² Rü ngēmācèx ngēma na taxūema nūxū cuáxū i nagawa idexaxū, rü wūxi i cuèxruñ nixī naxcèx i ngēma duñxūgū i tama irūxīnūēchañxū. Rü tama duñxūgū i marū yaxōgūxūcèx nixī i ngēma. Natürü ngēma Tupanaärü orexū na ixuxū, rü duñxūgū i marū yaxōgūxūcèx nixī na yexeraäcü meā Tupanaāxū yaxōgūāxūcèx. Rü tama duñxūgū i tama irūxīnūēchañxūcèx nixī i ngēma. ²³ Rü ngēxguma chí pema i yaxōgūxe pengutaquēxegūgu, rü guxā chima to i nagawa pidexagūgu, çrü ñuxū ñaxū tá ega petanūgu naxūcuxgu i wūxi i duñxū i ngema iyarūxīnūxū rü ēxna wūxi i duñxū i tauta yaxōxū? çTaux ēxna i nagu tá naxīnūxū na pexāūēgūxū i pemax? ²⁴ Natürü ngēxguma chí guxāma i pema nūxū pixuxgu i Tupanaärü ore, rü chí petanūgu naxūcuxgu i wūxi i duñxū i tama yaxōxū rü ēxna wūxi i duñxū i ngema iyarūxīnūxū, rü tá nūxū naxīnū i ngēma Tupanaärü ore i nūxū pixuxū. Rü ngēmaäcü tá nūxū nacuèx na nūma rü wūxi i pecaduáxū na yīxū. Rü nūgūgu tátama ñarūxīnū i ngēxguma nūxū naxīnūgu i ngēma nūxū pixugūxū. ²⁵ Rü ngēma chixexū i nūxīcatama nūxū nacuáxū rü tá naxcèx ñnicuèx. Rü nūma rü ngēma tá nacaxāpūxū, rü tá

Tupanaxū nicuēxūū. Rū tā nūxū nixu na aixcūma Tupana petanūwa nangēxmaxū.

Tama name i penaxīxāchiāxēgū i perū ngutaquewa, rū name i meamare penaxī

²⁶ Dūcēx, Pa Chaueneēgūx, űuxma tā pemaā nūxū chixu na űuxācū tā penaxūxū ega ngēxguma pengutaquēxegū. Rū űuxre i pema rū marū name na Tupanaārū wiyaequ pewiyaegūxū, rū togue rū tanguxēētaegūxū, rū togue rū nūxū tixuxū i ngēma ore i Tupana tūxū nūxū cuēxēēxū, rū togue rū nawa tidexagūxū i naga i tama nūxū tacuēxgūxū, rū togue rū tanangoxēēgūxū i ngēma dexa i to i nagawa nūxū yaxugūxū. Natūrū guxūma i ngēma rū tanaxwēxe i yaxōgūxūārū ngūxēēcēx na yīxū, na yexeraācū yaxōgūāxūcēx rū meā Tupanacēx namaxēxūcēx. ²⁷ Rū ngēxguma to i naga i pema tama nūxū pecuāxūwa pidexagū, rū name nixī i taxre rū ēxna tomaēxpūxicatama tidexagū. Rū tanaxwēxe i wūxiexira tidexa i noxri rū yīxcama ya togue. Rū ngēxguma chi texē to i nagawa ideaxgu, rū name nixī na tangēxmaxū ya wūxie ya nūxū ixuchigūxe na tacūchiga yīxū i ngēma ore i to i nagawa nūxū yaxuxū. ²⁸ Natūrū ngēxguma chi tatauxgu na texē nūxū ixuchigūxū na tacūchiga yīxū i ngēma ore i to i nagawa nūxū yaxuxū, rū narūmemaē nixī na noxtacūma tama to i nagawa pidexagū i perū ngutaquēxewa. Rū narūmemaē i wūxichigū tūxica Tupanamaāxīcatama bexma tidexa. ²⁹ Rū ngēxgumarūū ta ngēxguma pengutaquēxegū, rū name nixī i taxre rū ēxna tomaēxpūxicatama nūxū tixu i Tupanaārū ore. Rū ngēma togū i ngutaquēxetanūxū rū name nixī na meā nangugūgūāxū i ngēma ore. ³⁰ Natūrū ngēxguma chi īyadexayane i wūxi i duīxū, rū Tupana tūmamaā ideaxgu ya togue ya ngema rūtoxe, rū name nixī na iyanachianexū i ngēma nūxīra idexaxū na tidexaxūcēx ya yīxema duīxē ya Tupana tūmamaā idexaxe. ³¹ Rū ngēmaācū guxāma i pema na Tupana pemaā idexaxū, rū name nixī i wūxichigū īpenanguxēē na pewa nanguxū na pidexagūxū i Tupanaārū ore. Rū ngēmaācū i ngēma togū i ngutaquēxetanūxūgū rū tā Tupanachiga meā nangūe rū tā nataāēgū. ³² Rū ngēmaācū tanaxwēxe i meāma tūmaāēmaā itacuēx ya wūxichigū ya yīxema Tupanaārū orexū iuxe. ³³⁻³⁴ Erū perū ngutaquēxegūwa rū Tupana nanaxwēxe na meā penaxūxū i guxūma, rū tama nanaxwēxe na ngēma pexāūgatanūxū rū pegū īpetūxēēxū. Rū guxūma i togū i yaxōgūxūārū ngutaquēxegūwa rū marū nūxū nayape na tama yadexagūxū i ngexūgū. Rū name nixī i pema rū ta ngēmaācū penaxū, erū nachuxu na yadexagūxū i ngexūgū i ngutaquēxegūwa. Rū name nixī na yatūgūga naxīnūxū i ngexūgū, ngēma Tupanaārū ore tūxū muxūrūū. ³⁵ Rū ngēxguma chi tacūxū nacuāxchaūgu i wūxi i ngexū, rū name nixī i nachiūwatama natena naca i nachiga i ngēma. Erū wūxi i āne nixī ega ngutaquēxewa yadeaxgu i wūxi i ngexū. ³⁶ Pa Corītiucūāxgūx, name nixī na nūxna pecuēxāchiexū na tama pewaxira ne naxūxū i Tupanaārū ore. Rū tama pexīcatama nixī i penayauxgūxū i ngēma. ³⁷ Rū ngēxguma chi texē tūgūgu rūxīnūgu na Tupanaārū orearū uruū tīxū rū ēxna tūgūgu tarūxīnūgu na Tupanaāē i Ūnēxū tūxna naxāxū i tacū rū cuēx, rū name nixī i nūxna tacuēxāchi na tōrū Coriarū ore yīxū i űāā ore i pexcēx chaxūmatūxū. ³⁸ Natūrū ngēxguma chi texē tama nūxū cuāxchaūgu i ngēma pemaā nūxū chixuxū, rū name nixī i tama tūxū pecuāxchaū. ³⁹ Rū ngēmacēx, Pa Chaueneēgūx, rū Tupanana naxcēx peca i cuēx na meāma nūxū pixuxūcēx i norū ore! Rū tama penachuxu na to i nagawa yadexagūxū i duīxūgū! ⁴⁰ Rū perū ngutaquēxegūwa, rū name nixī na meā penaxūxū i guxūma. Rū tama name i ngēma pexāūgatanū rū pegū īpetūxēē.

15

Cristu na yuwa īrūdaxūchiga

¹ Rū űuxmax, Pa Chaueneēgūx, rū chanaxwēxe i nūxna pecuēxāchie i ngēma Tupanaārū ore i tūxū maxēxēēxū ga pemaā nūxū chixuxū. Rū yematama ore nixī ga pema peyaxugūxū. Rū űuxma rū ngēmatama oregagu nixī i meā peyaxōgūxū. ² Rū ngēma oregagu nixī i pexū nangēxmaxū i maxū i taguma gūxū, ega aixcūma guxūguma peyaxōgūmagu. Natūrū ngēxguma tama guxūguma peyaxōgūgu, rū natūcēxmamare nixī i ngēma perū ō. ³ Rū yexguma noxri petanūwa changuxgu, rū yema nūxīra pexū changuxēēxū nixī ga yema chaxira togū choxū ngūxēēxū na Cristu rū tōrū pecaducēx nayuxū, ngēma Tupanaārū ore i űmatūxūwa nūxū yaxuxūrūū. ⁴ Rū yexgumarūū tā pexū changūxēē na űuxācū inatēxgūāxū, rū űuxācū norū tomaēxpūx ga ngunexūgu rū wena na namaxūxū, ngēma Tupanaārū ore i űmatūxūwa nūxū yaxuxūrūū. ⁵ Rū yexgumarūū tā pexū changūxēē ga űuxācū Pedrucēx na nangōxū ga Cristu, rū űuxācū yīxcūra rū norū ngūxūgū ga yamugūxūcēx na nangōxū. ⁶ Rū yemawena ga Cristu rū noxtacūma 500 arū yexera ga yaxōgūxūcēx nangox. Rū muxūma i ngēma duīxūgū rū űuxma rū tā namaxē, natūrū nūmaxū rū marū nayue. ⁷ Rū yemawena rū Chaūtiāgucēx nangox, rū yīxcama guxūma ga yema togū ga ngūxūgūcēx nangox. ⁸ Rū dūxwa chowa inayacuēx ga chauxcēx rū tā na nangōxū, woo ngūrūāchimare nixī ga yema, ngēxgumarūū i wūxi i buxū i tautama norū ngunexūwa nanguyane buxūrūū. ⁹ Rū choma rū guxūma i ngēma togū i Tupana

imugūxūtūwa chaxū. Rū ngemacēx tama name i Tupana imuxūmaā choxū naxugūxū i duūxūgū, yerū nawe chingēchigū ga Tupanaārū duūxūgū rū poraācū chixexū chaxū. ¹⁰ Natūrū ga Tupana rū chomaā namecūma, rū ngēmacēx i űuxma rū choxū pedau na űacū chīxū rū űuxācū na chīxū. Rū yema chomaā na namecūmaxū rū tama natūcēxma nixī. Yerū choma rū guxū ga togū ga yamugūxūārū yexera chanaxū ga Tupanaārū puracū. Natūrū tama chaechama chanaxū ga yema puracū, natūrū Tupana ga chomaā mecūmacū rū chomaā puracūcū nixī ga naxūcū ga yema puracū na nūxū chixuxūcēx ga norū ore. ¹¹ Natūrū i űuxma rū űuetama nixī ega woo choma chixīgu rū ēxna togū yixīgu ga pemaā nūxū ixuxū ga yema ore. Yerū yema ore ga pemaā nūxū tixuxū, rū Tupanaārū ore i tūxū maxēēxū nixī, rū yema nixī ga pixōgūxū.

űuxācū wena tá namaxē i duūxūgū i yuexū

¹² Marū pemaā nūxū tixu na Cristu rū yuwa ínadxū. ¿Rū tūxcūū űuxre i pema rū űaperūgūgū:

“Yuexū rū tagutáma wena namaxē”, űaperūgūgū? ¹³ Rū ngēxguma chi ngēma yuexū rū tagu chima wena namaxēgu rū yima Cristu rū tāū chima wena namaxū. ¹⁴ Rū yexguma chi Cristu tama wena maūxgu, rū ngēma ore i nūxū tixuxū i nachiga rū taxuwa chima name, rū natūcēxmamare chi nixī i perū ō. ¹⁵ Rū ngēxguma chi ngēmaācū yixīgu, rū toma i Tupanaārū orearū uruūgū rū doratēēxgūxū tixīgū. Erū nūxū tixu na Tupana Cristuxū wena maxēēxū. Rū ngēxguma chi tama aixcūma yixīgu na wena namaxēxū i yuexū, rū chi wūxi i doramare nixī na Tupana Cristuxū wena maxēēxū. ¹⁶ Rū ngēxguma chi ngēma yuexū rū tagu chima wena namaxēgu, rū ga Cristu rū chi ta tāū chima wena namaxū. ¹⁷ Rū yexguma chi Cristu tama wena maūxgu, rū natūcēxmamare chi nixī i peyaxōgūxū, rū űuxma rū chi ta perū pecadugagu ipeyarūtauxe. ¹⁸ Rū chi ngēmaācū yixīgu rū ngēma duūxūgū i Cristuaxū yaxōgūxū i marū yuexū, rū chi ta tāū chima nūxū nangēxma i maxū i taguma gūxū. ¹⁹ Rū ngēxguma chi űoma i maxūcēxcatama yixīgu na Cristuaxū yaxōgūxū, rū chi guxū i togū i duūxūgūarū yexera tangechaūtūmūgū. ²⁰ Natūrū aixcūmaxūchi nixī ga Cristu ga yuwa na ínadxū. Natanūwa i guxūma i ngēma yuexū i yixcūra tá írudagūxū, rū Cristu nixī ga namaā inaxūgūcū na ínadxū, yerū nūma nixī ga nūxīra wena namaxūxū. ²¹ Rū yexgumarūū wūxi ga yatūgagu na nayuexū ga duūxūgū, rū ngēxgumarūū tá ta nixī na wūxi i yatūgagu wena namaxēxū i ngēma marū yuexū. ²² Rū ngema na Adāūgagu guxāma na yuexū, rū ngēxgumarūū ta Cristugagu tá namaxēxū i guxūma i duūxūgū i nūxū yaxōgūxū. ²³ Natūrū wūxichigū tá tūmawa nangu na wena tamaxūxū. Rū Cristu nixī ga nūxīra maxūcū. Rū ngēxguma wena nūma naxūxgu i nūmax, rū ngēxguma tá nixī i wena namaxēxū i ngēma duūxūgū i noxrū ixīgūxū. ²⁴ Rū ngēmawena tá nixī i nagūxū i naāne. Rū ngēxguma tá nixī ya Cristu i nūxū naporamaēxū i guxūma i norū uwanūgū. Rū ngēxguma tá nixī i Nanatū ya Tupana naxāāxū i guxūma na nūma namaā inacuāxūcēx. ²⁵ Erū nūma ya Cristu rū āēxgacū tá nixī űuxmatáta nūxū naporamaē i guxūma i norū uwanūgū. ²⁶ Rū ngēma nawa iyacuāxū i norū uwanū i tá nūxū naporamaēxū, rū yu nixī. ²⁷ Yerū Tupana rū marū Cristumēxēwa nanayexmagūxēē ga guxūma. Natūrū woo Tupanaārū ore nūxū ixuxgu na Cristumēxēwa nangēxmagūxū i guxūma, natūrū nūmatama ya Tupana rū tama Cristumēxēwa nangēxma. Yerū nūma ga Tupana nixī ga Cristumēxēwa nayexmagūxēēxū ga guxūma. ²⁸ Rū ngēxguma guxūma Cristumēxēwa ngēxmagūgu, rū űuxūchi nūmatama ya Cristu ya Tupana Nane rū tá Nanatūmēxēwa nūgū nangēxmaxēē. Yerū nūma ga Tupana nixī ga Cristumēxēwa nayexmagūxēēxū ga guxūma. Rū ngēmaācū ya Tupana rū guxūmaā tá inacuēx. ²⁹ Rū nangēxma i űuxre i duūxūgū i petanūwa i Tupanaegagu yuexūchicūū ibaiūxū. ¿Rū tūxcūū ngēma naxūgū? Rū ngēxguma chi tama wena namaxēgu i duūxūgū i yuexū, ¿rū tūxcūū ngēma yuexūchicūū ínabaiū? ³⁰ ¿Rū tūxcūū i toma rū guxūgūma āicūmaxūwa tangēxmagū? ³¹ Pemaā nūxū chixu, Pa Chaueneēgūx, rū guxū i ngunexūgu rū āicūmaxūwa changēxma, rū tama nūxū chacuēx i űacū rū ngunexūgu Tupanaārū oregagu tá na chayuxū. Rū ngēma rū aixcūmaxūchi nixī, ngēxgumarūū na aixcūma yīxū na choxū nangēxmaxū i wūxi i taēē i taxū i űuxma na tórū Cori ya Ngechuchu ya Cristuaxū peyaxōgūxū. ³² Choma rū nuā Epēchiuwa rū Tupanaārū orechigagu chorū uwanūmaā poraācū togū tachoxūgagū. Rū űoma naēxū i idūraexūmaā togū tadejūtrūū tixīgū. ¿Natūrū factūwa choxū namexū ga yema ega chorū maxū i űoma i naānewa choxū ngēxmaxūcēxcatama yixīgu? Rū ngēxguma chi aixcūma yixīgu na tama wena namaxēxū i yuexū, rū marū name i űatarūgūgū:

“¡Ngīxā tachibūe rū taxaxegū, erū paxa tá tayue!” űatarūgūgū. ³³ ¡Natūrū tāūtáma nawe perūxū i ngēma duūxūgū i ngēmaācū chixri idexagūxū! Erū aixcūma nixī i ngēma ore i űaxū:

“Rū texé ya chixexū i duūxūmaā āmūcūxe, rū tūxū inayanaxoxēē i tūmacūmagū i mexū”, űaxū. ³⁴ Rū name nixī i meā pegūāēgu perūxīnūē rū nūxū perūxoe i ngēma perū chixexūgū. Rū wūxi i perū āne nixī na pemaā nūxū chixuxū rū űuxre i pema rū tama aixcūma Cristuarū duūxūgū pixīgūxū rū tama aixcūma Tupanaxū pecuēxgūxū.

Ñuxācū wena namaxē i yuexūgū

³⁵ Natūrū ngūrūāchi tá texe pexna taca rū ñatarūgū pexū:

“¿Ñuxācū tá wena namaxēxū i yuexū? ¿Rū nañuxrañxū i naxūnemaā tá ínadagūxū?” ñatarūgū tá pexū. ³⁶ Pa Duñxū i Ngēāēmarexūx ¡rū dūcax! Rū ngēxguma wūxi ya nanetūchire itoxgu, rū nūma ya yima naxchire rū nayu na ngemaācū naxūxūcēx i ngēma nanetū. ³⁷ Rū ngēma waixūmūgu itoxū, rū tama marū nanetū ixīxū nixī, natūrū naxchire nixī ya yima itoxūne woo triguchire rū ēxna ngexūrūxūxmāre i to i nanetūchire yixīgu. ³⁸ Rū ngēxguma marū inatoxguwena, rū Tupana nixī i yanaxūxēcū ya yima nachire na nūma nanaxwēxexūācūma yīxūcēx i ngēma nanetū. ³⁹ Rū tama guxū i naxūnegū nawūxīgu. Rū duñxēxūne rū nanatoraxū, rū naēxūgūxūne rū to nixī, rū werīgūxūne rū to nixī, rū choxnīgūxūne rū to nixī. ⁴⁰ Rū ngēxgumarūū ta nangēxma i naxūnegū i daxūguxū i naānecūāx, rū nangēxma i naxūnegū i ñoma i naānecūāx. Rū ngēma daxūguxū i naānecūāx i naxūnegū rū nūxū nangēxma i noxrūtama mexū, rū ngēma ñoma i naānecūāx i naxūnegū rū ta nūxū nangēxma i noxrūtama mexū. Natūrū tama nawūxīgu i ngēma norū mewa. ⁴¹ Rū ūēxcūarū yauracūū rū tama namaā nawūxīgu i tauemacūarū yauracūū. Rū woramacurīgūarū yauracūū rū to nixī. Rū nūgūtanūwa ya woramacurīgū, rū tama nawūxīgu i norū yauracūūwa. ⁴² Rū ngēxgumarūū tá ta naxūpetū namaā i naxūnegū i ngēma duñxūgū i yuexū. Erū ngēma naxūne i noxri nūxū ngēxmaxū rū iyarūoxwēxexū nixī. Natūrū ngēma naxūne i tá nūxū ngēxmaxū i ngēxguma wena namaxēgu, rū ngēma rū tagutāma inayarūxo. ⁴³ Rū ngēma naxūne i yuxū rū taxuwama name i ngēxguma inatēxgux. Natūrū ngēxguma wena namañxgu rū tá namexēchi. Rū ngēma naxūne i ñuxma turaxū rū ngēxguma wena namañxgu rū tá napora. ⁴⁴ Rū itanatēx i ngēma naxūne i ñoma i naānecūāx ixīxū. Natūrū ngēxguma ínadaxgu, rū daxūcūāx i naxūne tá nixī. Rū ñuxma na nangēxmaxū i naxūne i ñoma i naānecūāx rū ngēmawa nūxū tacuēx na nangēxmaxū ta i naxūne i daxūcūāx. ⁴⁵ Tupanaārū ore i ūmatūxūwa rū ñanagūrū:

“Guma nūxīrañcū ga yatū ga Adáū rū nūxū nayexma ga ñoma ga naānecūāx ga naxūne ga paxaāchi maxūxū”,

ñanagūrū. Natūrū ya Cristu rū daxūcūāx nixī. Rū nūma nixī i tūxna naxāāxū i maxū i taguma gūxū. ⁴⁶ Noxri rū tūxū nangēxma i ñoma i naānecūāx i taxūne. Natūrū yixcama rū Tupana tá tūxna nanaxā i to i taxūne i daxūcūāx ixīxū. ⁴⁷ Guma nūxīrañcū ga yatū ga waixūmūwa ūcū, rū ñoma ga naānecūāx nixī. Natūrū tórū Cori ya Cristu rū daxūguxū i naānecūāx nixī. ⁴⁸ Rū ngēma taxūnegū i ñoma i naānēwa tūxū ngēxmaxū, rū guma Adáūxūne ga waixūmūwa ūcūrūū nixīgū. Natūrū ngēma naxūnegū i daxūwa nūxū ngēxmaxū i duñxūgū, rū Cristuxūnerūū nixīgū. ⁴⁹ Rū ñexgumarūū na Adáū ga waixūmūwa ūcūrūū na yīxū i taxūne, rū ngēxgumarūū tá ta Cristu ya daxūwa ngēxmacūrūū nixī i taxūne i yīxcūra. ⁵⁰ Rū dūcax, Pa Chaueneēgūx, pemaā nūxū chixu rū ñaā taxūne i namachinaxcēx rū naxchinēxānaxcēx, rū taxucūrūwa Tupana āēxgacū iyīxūwa nangu. Erū ngēma iyarūoxoxū, rū taxucūrūwama Tupanaxūtawa i ngextā taxūma iyarūoxūwa nixūcu. ⁵¹ Natūrū chanaxwēxe na nūxū pecuāxū i wūxi i ore i ēxūguxū ga noxri Tupanaxīcatama nūxū cuāxū. Rū dūcax, tāūtāma guxā tayue, natūrū guxāxūne rū tá naxūchicūū. ⁵² Rū ngūrūāchimare wūxi i peāxētūgu tá nixī i ngēma na naxūchicūūxū i taxūne i ngēxguma naānēarū guxgux naxāgagu ya corneta. Rū tá naxāga ya yima corneta, rū ngēxguma i ngēma duñxūgū i yuexū rū tá ínarūdagu na tagutāma wena nayuexūcēx. Rū yixema na imaxēxū rū tá naxūchicūū i taxūnegū. ⁵³ Erū ngēma taxūne i yuxwēxexū rū woetama tama taixū rū tá naxūchicūū. Rū wūxi i ngexwacaxūxū i naxūne i aixcūma taixū rū tagutāma yuxū tá nixī. ⁵⁴ Rū ngēxguma ngēmaācū naxūchicūūgu i taxūne i yuxwēxexū, rū tūxū nangēxmagu i taxūne i ngexwacaxūxū i taguma yuxū, rū ngēxguma tá nixī i yanguxū i Tupanaārū ore i ūmatūxū i ñaxū:

“Marū inayarūxo na nayuexū i duñxūgū. Rū Tupana rū marū yuxū narūyexera. ⁵⁵ Rū dūcax, Pa Yux, ¿ngēxū i curū pora i namaā toxū curūyexeraxū? ¿Rū ngēxū i ngēma cuxne i namaā toxū cudējūxū?”

ñanagūrū i ngēma Tupanaārū ore. ⁵⁶ Rū ngēma naxne i yu, rū pecadu nixī. Erū ngēma pecadu nixī i naporaxēxū i ngēma yu na tūxū nadējūxūcēx. Rū ngēma mugū ga Moiché ūmatūxū nixī i naporaxēxū i pecadu, erū woo namexgu i ngēma mugū, natūrū taxucūrūwama texē aixcūma tayanguxēē. ⁵⁷ Natūrū name nixī i Tupanana moxē taxā yerū nūma nanamu ga tórū Cori ya Ngechuchu ya Cristu na ngēma yuxū tūxū naporamaēxēxūcēx. ⁵⁸ Rū ngēmācēx, Pa Chaueneēgū ya Pexū Changechañgūxex, rū name nixī i meā peyaxōgūama rū taguma ípenatēx i Tupanaārū ore. Rū name nixī i guxūguma meā penaxū i tórū Coriarū puracū, erū pema nūxū pecuēx rū ngēma puracū i nūxū pexūxū, rū tama natūcēxma nixī.

¹ Rū űuxma tá pemaã nuxŭ chixu i nachiga i ngẽma dűeru i penutaquẽxexŭ na namaã nuxŭ perũngũxẽgũxŭcẽx i taeneẽgũ i yaxõgũxŭ i Yudeãanewa ngẽmagũxŭ. Rũ ngẽma yaxõgũxŭ i Gáratãanewa ngẽmagũxŭ rũ marũ namaã nuxŭ chixu na ngűxŭ nanutaquẽxegũxŭ i ngẽma dűeru. Rũ chanaxwẽxe i pema rũ ta ngẽxgumarũ penaxũ. ² Rũ ngema dűeru i perũ puracũwa ngixŭ peyaxucũwa rũ guxcũ i yũũarũ ngunexũgu rũ tá ngixŭ pexã i ngẽma dűeru i Tupanaarũ ixicũ. Rũ ngĩmaã tá penguxŭ na tama ngẽxguma ngema changugũama ngűxŭ na pedexũcẽx. ³ Rũ ngẽxguma petanũwa changuxgu, rũ tá chanaxũmatũ i űuxre i poperagũ naxcẽx i taeneẽgũ i Yerucharẽũwa ngẽmagũxŭ. Rũ űuxũchi ngẽma poperamaã tá Yerucharẽũwa chanamugũ i ngẽma duũxũgũ i pema nuxŭ pexunetaxŭ na ngema ngűxŭ nangegũxũcẽx i ngẽma dűeru i taeneẽgũcẽx ngűxŭ penutaquẽxecũ. ⁴ Rũ ngẽxguma chi choxŭ natauxchagu na ngema Yerucharẽũwa chaxũxŭ, rũ nũmagũ rũ tá wũxigu chomaã ngema naxŭ.

Pauru nãgu narũxĩnũ na Corĩtiuwa naxũxŭ

⁵ Choma rũ Machedõniããnewa tá chaxũpetũ na íchayadauxũcẽx i taeneẽgũ i ngema ngẽmagũxŭ. Rũ ngẽmawena rũ tá petanũwa changu na pexŭ íchayadauxũcẽx. ⁶ Rũ ngũrũãchi tá űuxre i ngunexũgũ ngẽxma petanũgu charũxãũx, rũ bexmana ngũrũãchi ngema petanũwa tá chanangupetũxẽẽ ya mucũ. Rũ ngẽxguma rũ tá pexŭ natauxcha na choxŭ perũngũxẽgũxŭ na ngẽma íchaxũxchaũxũwa chaxũxũcẽx. ⁷ Erũ tama chanaxwẽxe i paxãachimare pexŭ chadau. Natũrũ petanũgu charũxãũxchaũ i űuxre i ngunexũ ega chi norũ ngũchaxŭ yixĩxgu ya tórũ Cori. ⁸ Natũrũ nuã Epẽchiuarũ ñãnewa tá changẽxma űuxmatãta Pẽtecõstearũ ngunexũwa nangu. ⁹ Erũ nuã rũ tórũ Cori porãcũ choxŭ nanatauxchaxẽẽ na nuxŭ chapuracũxũcẽx rũ nuxŭ yaxõgũãxũcẽx i muxũma i duũxũgũ woo namu i ngẽma tama naxwẽxegũxŭ na nuã chapuracũxŭ. ¹⁰ Rũ ngẽxguma chi Timutẽu petanũwa nguxgu, rũ chanaxwẽxe i meãma penayaxu na petanũwa nataãẽxũcẽx. Erũ nũma rũ ta chauxrũ tórũ Coriarũ puracũwa napuracũ. ¹¹ Rũ ngẽmacẽx tama chanaxwẽxe i texẽ petanũwa nuxŭ taxoe. Natũrũ chanaxwẽxe i nuxŭ perũngũxẽẽ na taãẽcũma nuã naxũxŭ na choxŭ íyadauxũcẽx. Erũ porãcũ íchanangũxẽẽ na nuã nanguxũcẽx namaã i ngẽma togũ i taeneẽgũ. ¹² Rũ ngẽma taeneẽ i Aporu rũ porãcũ nuxŭ chacẽẽxŭ na petanũwa iyadauxũcẽx namaã i ngẽma togũ i taeneẽgũ. Natũrũ tama ngema naxũxchaũ i űuxmax. Natũrũ ngẽxguma naxãchicagu rũ tá ngema naxũ.

Pauru nuxŭ narũmoxẽ ga yema yaxõgũxŭ

¹³ ¡Rũ pexuãẽgũ na taxuũma i chixexũgu peyixũcẽx! ¡Rũ meãma peyaxõgũama woo ñacũ pexŭ ũpetũgu! Rũ name nixŭ i peporaẽama rũ taxucẽxma pemuũẽ. ¹⁴ Rũ guxũma i ngẽma pexũxŭ, rũ name nixŭ i pegũ pengechaũgũãcũma penaxũ. ¹⁵ Rũ dũcax, Pa Chaueneẽgũx, pema nuxŭ pecuẽx na Estẽfanatanũxũgũ yĩxŭ ga nũxĩra yaxõgũxŭ ga Acayaanewa. Rũ meãma nuxŭ pecuẽxgu na űuxãcũ porãcũ taeneẽgũ i yaxõgũxŭ na nangũxẽgũxŭ. ¹⁶ Rũ chanaxwẽxe i naga pexĩnũẽ i ngẽma duũxũgũ i Estẽfanatanũxũgũrũũ ixĩgũxŭ. Rũ ngẽxgumarũ ta chanaxwẽxe i naga pexĩnũẽ i guxũma i ngẽma duũxũgũ i ñãã Tanatũarũ puracũwa puracũxŭ rũ ngũxẽẽtaegũxŭ. ¹⁷⁻¹⁸ Rũ űuxma na taxucũrũwama chauxũtawa pengẽmagũxŭ, rũ wũxi ga chorũ taãẽ nixŭ na nũma naxĩxŭ ga taeneẽgũ ga Estẽfana rũ Fortunãtu rũ Acãicu. Rũ yema taeneẽgũ ga nũma íxŭ rũ pexŭ nixuchigagũ rũ yemaãcũ choxŭ nataãẽxẽgũ ga yema pexŭ na nataãẽxẽgũxũrũũ. Rũ tanaxwẽxe i naga pexĩnũẽ rũ nuxŭ pengechaũ i ngẽma duũxũgũ i ngẽmagũrũũ ixĩgũxŭ. ¹⁹ Rũ guxũma i taeneẽgũ i yaxõgũxŭ i Áchiaaneãrũ ñãnegũwa ngẽmagũxŭ, rũ moxẽ pexcẽx ngema namugũ. Rũ Aquiru rũ Prisila rũ guxũma i ngẽma yaxõgũxŭ i Aquirupatawa ngutaquẽxegũxŭ, rũ moxẽ pexcẽx ngema namugũ naegagu ya tórũ Cori. ²⁰ Rũ guxũma i taeneẽgũ i nũma ngẽmagũxŭ rũ moxẽ pexcẽx ngema namu. Rũ chanaxwẽxe i wũxichigũ i pema rũ pegũ pengechaũgũãcũma pegũ perũmoxẽgũ. ²¹ Choma i Pauru rũ choxmẽxmaãtama pexcẽx chanaxũmatũ i ñãã chorũ moxẽ. ²² Rũ ngẽxguma chi texẽ tama tórũ Cori ya Ngechuchu ya Cristuxŭ ngechaũgu, rũ Tupana tá tũxŭ napoxcu. Rũ paxa tá ñangu ya tórũ Cori. ²³ Rũ chanaxwẽxe i tórũ Cori ya Ngechuchu ya Cristu porãcũ pexŭ narũngũxẽẽ. ²⁴ Rũ guxãma i pema, rũ porãcũ pexŭ changechaũãcũma pexŭ charũmoxẽ naegagu ya tórũ Cori ya Ngechuchu ya Cristu.

Rũ nuãma pexna,
Pauru

NORŪ TAXRE GA POPERA GA CORĪTIUCŪĀX GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxōgŭxŭ ga Corĭtiuwa yexmagŭxŭ

¹ Pa Chaueneēgŭ i Corĭtiucŭāxgŭ i Tupanaāxŭ yaxōgŭxŭ, rŭ Pa Chaueneēgŭ i Guxŭma i Acayaanewa Ngēxmagŭxŭ, choma i Pauru niŭi i pexcēx chanaxŭmatŭxŭ i űaā popera wŭxigu namaā i taeneē i Timutē. Rŭ choma niŭi i Tupana choxŭ yaxuxŭ na Ngechuchu ya Cristu choxŭ muxŭ na niŭxŭ chixuxŭcēx i norŭ ore. ² Rŭ tanaxwēxe na Tanatŭ na Tanatŭ i Tupana rŭ tŭrŭ Cori ya Ngechuchu ya Cristu pexna nanaxā i norŭ ngechaxŭ rŭ norŭ taāēxŭ.

Pauru rŭ ngŭxŭ ninge

³ Rŭ toma rŭ niŭxŭ ticuēxŭgŭ ya Tupana ya Nanatŭ ya tŭrŭ Cori ya Ngechuchu ya Cristu. Erŭ nŭma niŭi ya Tanatŭ ya niŭxŭ ingechaŭtŭmŭgŭcŭ rŭ tŭrŭ Tupana ya guxŭguma tŭxŭ taāēxēcŭ. ⁴ Rŭ nŭma ya Tupana rŭ toxŭ nataāēxēē i ngēxguma ngŭxŭ tingexgu, na toma rŭ ta tanataāēxēgŭxŭcēx i ngēma togŭ i duŭxŭgŭ i ngŭxŭ ingegŭxŭ. Rŭ ngēmaācŭ ngēma Tupana toxŭ na taāēxēxŭrŭiŭ toma rŭ ta tanataāēxēgŭ i ngēma togŭ i duŭxŭgŭ. ⁵ Rŭ űuxma na Cristurŭiŭ poraācŭ ngŭxŭ tingegŭxŭ, rŭ ngēxgumarŭiŭ nŭmatama poraācŭ toxŭ nataāēxēē. ⁶ Rŭ ngēmacēx, ngēxguma toma ngŭxŭ tingegŭgŭ, rŭ ngēmaācŭ toxŭ nangupetŭ na pema rŭ pexŭ nangēxmaxŭcēx i perŭ taāē rŭ perŭ maxŭ i taguma gŭxŭ. Rŭ ngēxguma Tupana toxŭ taāēxēgŭ, rŭ ngēmaācŭ tomaā nanaxŭ na pema rŭ ta pexŭ nangēxmaxŭcēx i perŭ taāē rŭ yaxna namaā pexŭnŭxŭcēx i ngēxguma ngēmatama ngŭxŭ i toma tingegŭxŭ pexŭ ngēxmagu. ⁷ Toma rŭ aixcŭma tayaxōgŭ na pema rŭ tagutāma ipenatāxŭ i Tupanaārŭ ore. Erŭ niŭxŭ tacuēx rŭ ngēma na toxrŭiŭ ngŭxŭ pingegŭxŭ, rŭ ngēxgumarŭiŭ tā ta toxrŭiŭ pexŭ nangēxma i ngēma taāē i Tupanawa ne ŭxŭ. ⁸ Pa Chaueneēgŭx, tanaxwēxe i niŭxŭ pecuēx na űuxre ga guxchaxŭgŭ toxŭ ngupetŭxŭ ga Āchiaanewa. Rŭ yema na poraācŭ toxŭ naguxchaxŭ, rŭ dŭxwa marŭ tama namaā taporae, rŭ nagu tarŭxŭnŭē na marŭ tāutāma tamaxēxŭ. ⁹ Rŭ nagu tarŭxŭnŭē rŭ űoma yuwa taxŭxŭrŭiŭ tixigŭ. Natŭrŭ yemaācŭ toxŭ naxŭpetŭ, erŭ Tupana ya yuexŭxŭ irŭdagŭxēēcŭ toxŭ nangŭxēēchaŭ na niŭxŭcatama niŭxŭ nangēxmaxŭ i pora na yuwa toxŭ inanguxŭxēēxŭcēx, rŭ taxucŭrŭwama togŭtama na itanguxŭxēēxŭ. ¹⁰ Rŭ Tupana rŭ toxŭ inanguxŭxēē nawa ga yema guxchaxŭ ga yuwa toxŭ gagŭchaŭxŭ. Rŭ ngēxgumarŭiŭ tā ta toxŭ inanguxŭxēē nawa i űaā taxŭ i guxchaxŭ i űuxma toxŭ ngēxmaxŭ. Rŭ aixcŭma tayaxōgŭ na nŭma rŭ guxŭgutāma ngēmaācŭ toxŭ nangŭxēēxŭ. ¹¹ Natŭrŭ tanaxwēxe i pema rŭ perŭ yumŭxēmaā toxŭ perŭngŭxēē. Rŭ ngēxguma chi ngēmaācŭ penaxŭxgux, rŭ muxŭma i duŭxŭgŭ rŭ tā Tupanana moxē naxāgŭ naxcēx i ngēma na űuxācŭ toxŭ nangŭxēēxŭ.

Tŭxŭcŭiŭ tama Corĭtiuwa naxŭ ga Pauru

¹² Nangēxma i űacŭ i toxŭ taāēxēxŭ. Rŭ ngēma niŭi na toŭēwa niŭxŭ tacuāxŭ na űoma i naānewa rŭ aixcŭma Tupana naxwēxexŭdācŭma meā tamaxēxŭ. Rŭ pepēxewa niŭi ga guxŭārŭ yexera yemaācŭ tamaxēxŭ. Natŭrŭ tama togagu niŭi ga yema, yerŭ Tupana ya tomaā mecŭmacŭ niŭi ga toxŭ rŭngŭxēēcŭ na yemaācŭ pepēxewa tamaxēxŭcēx. ¹³⁻¹⁴ Rŭ yema poperagŭ ga pexcēx taxŭmatŭxŭwa, rŭ nataxuma ga űacŭ ga icŭxŭ. Natŭrŭ yema toma tamaxēxŭdācŭma niŭi ga pexcēx tanaxŭmatŭxŭ na yemawa meā niŭxŭ pecuāxŭcēx na űuxācŭ tixigŭxŭ. Rŭ woo i űuxma rŭ tama aixcŭma meā toxŭ na pecuāxŭ, natŭrŭ chanaxwēxe i wŭxi i ngunexŭgŭ rŭ aixcŭma meā toxŭ pecuēx. Rŭ ngēxguma meā toxŭ pecuēxgŭ rŭ pema rŭ tā tomaā petaāgŭ i ngēxguma inanguxgu ya tŭrŭ Cori ya Ngechuchu, rŭ ngēxgumarŭiŭ i toma rŭ tā ta pemaā tataāgŭ. ¹⁵⁻¹⁶ Rŭ yemagu charŭxŭnŭxŭcēx niŭi ga noxri ga pexŭtawa na chaxŭxchaŭxŭ na pexŭ ichayadauxŭcēx rŭ yemaācŭ pexŭ na charŭngŭxēēxŭcēx. Rŭ nagu charŭxŭnŭ na Machedoniānewa chaxŭxgu na pexŭtagu ichidauxŭ, rŭ yexguma Machedoniānewa ne chaxŭxgu rŭ wemaxŭrŭ pexŭtagu ichidauxŭ. Rŭ yemaācŭ chanaxŭxchaŭ, yerŭ nagu charŭxŭnŭ na yemawena choxŭ perŭngŭxēēxŭ na Yudēaanewa chaxŭxŭcēx. ¹⁷ Bexmana pema nagu perŭxŭnŭēgŭ rŭ tama aixcŭma chayanguxēēgaācŭma nagu charŭxŭnŭ ga yema pexŭtawa na chaxŭgaxŭ. űēxna pema nagu perŭxŭnŭēgŭ rŭ űoma wŭxi i duŭxŭ i tama Tupanaāxŭ yaxōxŭrŭiŭdācŭma chamaxŭ, rŭ “Ngŭ” űacharŭgŭchirēx woo tama chayanguxēēgagŭ i ngēma niŭxŭ chixuxŭ? ¹⁸ Natŭrŭ Tupana toxŭ nacuēx na aixcŭma yiŭxŭ i ngēma torŭ ore ega pemaā itaxunetagu. ¹⁹ Erŭ yima Ngechuchu ya Cristu ya Tupana Nane ga guma Chiribānu rŭ Timutēu rŭ choma pemaā niŭxŭ tixuchigacŭ, rŭ ore i aixcŭma ixŭxŭxŭxŭcatama niŭu. Rŭ nŭma rŭ aixcŭma nayanguxēē i ngēma niŭxŭ yaxuxŭ. ²⁰ Rŭ Cristu niŭi ya yima yanguxēēcŭ ga guxŭma ga yema unetagu

ga Tupana nuxcūmaxūchi nūxū ixuxū. Rū ngēmācēx ngēxguma Ngechuchuégagu Tupanaxū icuēxūūgūgu, rū ñatarūgūgū:

“Rū aixcūma nixī i ngēma”, ñatarūgūgū. ²¹ Rū ñuxma na Cristuarū duūxūgū ixīgūxū, rū Tupana nixī ya toxū poraexēēcū rū pexū poraexēēcū na taguma Cristuna ixīgachūxcēx. Rū nūmatama nixī ga tūxū nadexū na noxrū ixīgūxūxcēx. ²² Rū nūma ya Tupana rū naega tagu naxū erū tōrū yora nixī. Rū nūma rū tūxna nanamu i Naāē i Ūūnexū na wūxi i tōrū cuēxruū yīxūxcēx, rū ngēmawa nūxū icuāxūxcēx na yixcūra tá tūxna naxāāxū i muxūma i to i mexūgū. ²³ Pema nūxū pecuēx ga noxri rū Corītiawa chaxūxchaū, natūrū tama yēma petanūwa chaxū yerū tama chanaxwēxe na pexū changechaūgūxēēxū. Rū yemacēx tama pexūtawa íchayadaw, yerū tama pexū chingagūchaū. Rū Tupana nūxū nacuēx na aixcūma na yīxū ga yema. ²⁴ Rū tama tanaxwēxe na pexū tamuxū na ñuxācū tá Tupanaāxū peyaxōgūxū. Erū pema rū marū aixcūma meāma peyaxōgū. Natūrū ngēma tanaxwēxexū nixī na pexū tarūngūxēēgūxū na yexeraācū petaēēgūxūxcēx.

2

¹ Rū yemacēx nixī ga tama wena pexūtawa chaxūxū, yerū tama chanaxwēxe ga pexū na changechaūxēēxū. ² Erū ngēxguma chí pexū changechaūxēēgu, ¿rū texé tá choxū tataāxēē? ¿Rū ñuxācū tá choxū petaāxēē, ega pexū changechaūxēēgu? ³ Rū yemacēx nixī ga yemaācū pexcēx popera chaxūmatūxū na penamexēēgūxūxcēx i perū guxchaxūgū naxūpa na pexūtawa chaxūxū. Yerū tama chanaxwēxe ga yexguma chí yēma chaxūxgu na choxū pengechaūxēēxū. Erū pema nixī i chanaxwēxexū na choxū petaāxēēgūxū. Rū aixcūma nagu charūxīnū rū ngēxguma choma chataāxēgu rū pema rū tá ta petaāgū. ⁴ Rū yexguma pexcēx chanaxūmatūgu ga yema popera, rū poraācū chanaxīxāchīāē, rū dūxwa yema chorū ngechaūmaā chaxaxu. Natūrū tama pexcēx chanaxūmatū na pexū changechaūxēēxūxcēx, natūrū pexcēx chanaxūmatū na nūxū pecuāxūxcēx na ñuxācū poraācū pexū changechaūxū.

Pauru rū nūxū nūxū nangechaū ga yema duūxū ga chixexū namaā iūx

⁵ Rū yema yatū ga choxū ngechaūxēēxū, rū tama choxūxīcatama nixī ga nangechaūxēēxū, natūrū pexū rū ta nangechaūxēē. Natūrū tama chanangupetūxēēchaxū na pexna chaxū i ngemachiga. ⁶ Rū yema poxcu ga nūxna pexāxū ga yema duūxū ga yexguma pengutaquēxegūgu, rū chauxcēx rū marū name na ngēxīcatama na yīxū. ⁷ Rū ngēmācēx i ñuxma rū chanaxwēxe i nūxū nūxū pengechaū i norū chixexū rū nūxū perūngūxēē na tama yexeraxū i chixexūwa nagaāxūxcēx i ngēma norū ngechaū. ⁸ Rū ngēmācēx chanaxwēxe i wenaāxū noxrirūxū nūxū nūxū pedauxēē na aixcūma nūxū pengechaūxū. ⁹ Rū yemacēx nixī ga yemachiga marū pexcēx chanaxūmatūxū, yerū pexū chaxūxchaū, rū nūxū chacuāxchaū ngoxi marū aixcūma chauga pexīnūē. ¹⁰ Rū ñuxma pemaā nūxū chixu rū yixema pema tūxū nūxū pengechaūxē i tūmaārū chixexū, rū choma rū tá ta tūxū nūxū changechaū. Rū ngēxguma chí tacū rū chixexūxū tūxū changechaūgu, rū pegagu nixī i Cristupēxewa tūxū nūxū changechaūxū i ngēma. ¹¹ Rū ngēmaācū chanaxū na tama nayoxniēxūxcēx i Chataná na chixexūgu tūxū nayixēēxūxcēx. Erū yixema rū meāma nūxū tacuēx i nacūma i Chataná na ñuxācū chixexūgu tūxū nayixēēchaūxū.

Tróaarū tānēwa rū nanaxīxāchīāē ga Pauru

¹² Rū yexguma Tróaarū tānēwa changuxgu na nūxū chixūxūxcēx ga Cristuarū ore, rū poraācū choxū natauxcha na yēma tōrū Coriaxū chapuracūxū. ¹³ Natūrū tama aixcūma chataāē ga yēma, yerū tama yexma nūxū chayangau ga taenēē ga Titu. Rū yemacēx nūxū charūmoxē ga yēmacūāx ga duūxūgū, rū ichaxūāchī, rū Machedóniānēwa chaxū.

Cristu rū Paurumaā napora

¹⁴ Rū Tupanana moxē taxāgū erū norū duūxūgūxū toxū nixīgūxēē. Rū ñuxma na Cristuarū duūxūgū tixīgūxū, rū nūma ya Tupana rū guxūguma tomaā nanaxūpēxe. Rū nūma nixī i toxū namuxū na duūxūgūxū nūxū tacuēxēēxūxcēx i norū ore. Rū ngēma norū ore rū guxūwama nangu rū guxūguma nīpema ñoma wūxi i pumara i yixichixūrū. ¹⁵ Rū ñuxma i toma i Cristugagu Tupanapēxewa na timexū, rū guxūwama tanguchigagū natanūwa i ngema yaxōgūxū rū ngema tama yaxōgūxū. ¹⁶ Rū ngēma duūxūgū i tama yaxōgūxū rū nūxū nawēxūmūxū i tohiga, erū ngema ore i nūxū tixuxū rū norū poxcuchigaxū namaā nixu. Natūrū ngēma yaxōgūxū rū namaā nataxēgū i tohiga erū ngema ore i nūxū tixuxū rū ore i namaxēēxūxū nixī. Rū ngēmācēx ¿texēāxū natauxcha i ñāā puracū na nūxū tixuxū i ngēma ore? ¹⁷ Rū yixema toxrūxū ixīgūxēxīcatama tixī ya tūxū natauxchaxe. Rū toma rū tama Tupanaārū ore gu dīēru ngīxū tayaxu ngēma togū naxūgūxūrū. Natūrū Tupanapēxewa rū aixcūma meā nūxū tixu i ngēma norū ore, erū nūma toxū nimugū rū Cristuarū tixīgū.

3

Tupanaārū uneta i ngexwacaxūxchiga

¹ Rū űuxma na pemaā nūxū tixuxū na aixcūma Tupana yīxū ga toxū mucū, rū bexmana tá nagu perūxīnūē na wenaxārū togūétūwa tidexagūxū. ĒĒna penaxwēxe na wūxi i carta i cuēxruū pexū tawēxū na nawa nūxū pecuáxūcēx na aixcūma Tupanaārū orearū uruūgū tixīgūxū, rū ēxna penaxwēxe na pexūtawa naxcēx itaçaxū i cartagū na ngēmawa duūxūgū toxū cuáxūcēx naxrūxū i ngema togū? ² Rū pemaā nūxū tixu rū tama tanaxwēxe i tacū rū carta na duūxūgū toxū cuáxūcēx, erū pematama nixī i ngēma cartarū pixīgūxū, rū pewa nixī i nangóxū na aixcūma Tupana yīxū ga toxū mucū. Rū meāma tođēwa nūxū tacuēx i ngēma. Rū yema na naxūchicūūxū ga perū maxū, rū ngēmawa guxūma i duūxūgū nūxū nadau na aixcūma wūxi ga mexū ga puracū taxūxū ga petanūwa. ³ Rū űuxma rū meāma nangox na pema rū űōma wūxi i carta i Cristutama űmatūxūrūū na pixīgūxū. Rū torū puracūgagu nixī i ngēma. Natūrū tama wūxi i carta i tacū rū űmatūxūmaā űmatūxū pixīgū, natūrū pema nixī i carta i Tupana ya Maxūcūāē i űūnexū űmatūxū. Rū ngēma carta rū tama popera rū ēxna nutawa iwūcuchixū nixī, natūrū perū maxūwa nixī i nangóxū i ngēma. ⁴ Rū ngēmacēx tama tamuūē na ngēmaācū togūcēxtama tidexagūxū, erū tayaxōgū na Cristugagu Tupana toxū dauxū na timexū. ⁵ Rū tama toxrūtama cuēxmaā nixī i tanaxūxū i tacū rū mexū. Natūrū guxūma i ngēma taxūxū rū Tupanaārū ngūxēēmaā nixī i tanaxūxū. ⁶ Rū Tupana rū toxū narūngūxēē na duūxūgūmaā nūxū tixuxū i ngēma ngexwacaxūxū i norū uneta na űuxācū Cristugagu tá tūxna naxāāxū i maxū i taguma gūxū. Rū ngēma maxū rū tama yema mugū ga Moīché űmatūxūgagu tanayaxu, natūrū tanayaxu erū Tupanaāē i űūnexū tūxna nanaxā. Rū yema mugū ga Moīché űmatūxū rū yuwa tūxū nagagū, natūrū Tupanaāē i űūnexū rū tūxna nanaxā i maxū i taguma gūxū. ⁷ Rū yema mugū ga Moīchéna naxāxū ga Tupana, rū nutagu nixī ga naxūmatūxū. Rū yexguma Moīché nayauxgu ga yema mugū, rū poraōcū niyaurachiwecūxū. Rū yemacēx ga duūxūgū rū taxucūūwama Moīchéchiwegu narūdaunū. Natūrū yema norū yaurachiwecūū rū nixochigū. Natūrū ga yema mugū ga Moīché tūxna āxū i yuwa tūxū gagūxū, rū taxū ga yauracūūxūmaā inangu. Rū yemaācū namexēchi ga yexguma inanguxgu. ⁸ Natūrū yexeraācū namexēchi nixī i ngēma uneta i ngexwacaxūxū i Tupanaāē i űūnexū taxcēx ngoxēēxū. ⁹ Rū yemaācū woo namexēchi ga yema mugū ga yuwa tūxū gagūxū, natūrū yexeraācū namexēchi i ngēma uneta i ngexwacaxūxū i Tupanapēxewa tūxū mexēēxū. ¹⁰ Rū yema mugū ga noxri mexēchixū, rū űuxma rū taxuwama name, ega namaā nūgū nangugūgu i ngēma Tupanaārū uneta i ngexwacaxūxū i yexeraācū mexēchixū. ¹¹ Rū yemaācū woo namexēchi ga yema mugū ga paxaāchi ixīxū, natūrū yexeraācū namexēchi i ngēma uneta i ngexwacaxūxū i guxūgutāma ixīxū. ¹² Rū toma aixcūma nūxū tacuēx na guxūgutāma yīxū i ngēma Tupanaārū uneta i ngexwacaxūxū i mexēchixū, rū ngēmacēx tama cuācūma duūxūgūmaā nūxū tixu. ¹³ Rū ngēmacēx tama duūxūgūchaxwa iticūxgū yema Moīché űxūrūū. Yerū ga Moīché rū nūgū nidūxchiwe na tama nūxū nadaugūxūcēx ga yema Yudiūgū ga űuxācū na yaxochigūxū ga norū yaurachiwecūū. ¹⁴ Natūrū ga yema duūxūgū ga Moīchéxū űixūmūcūgūxū rū űōma yadūxgūchiwexūrūū nixīgū yerū tama nūxū nacuēxgūēga ga tacūchiga na yīxū ga yema mugū. Rū űuxma rū ta i ngēma Yudiūgū rū tama nūxū nacuēxgūēga i ngēxguma nawa nangūegu i ngēma mugū. Erū nangēxma i tacū i űōma yadūxgūchiwexūrūū nūxū naguxchaxēēxū na tama nūxū nacuēxgūxūcēx. Rū űuxma rū ta tama nūxna inanguēga i ngēma nacūma erū Cristuxicatama nixī ya yima nūxna inanguxēcū. ¹⁵ Rū űuxma rū ta i ngēma Yudiūgū, rū ngēxguma nawa nangūegu i ngēma ore ga Moīché tūxna āxū, rū nangēxma i tacū i űōma yadūxgūchiwexūrūū nūxū naguxchaxēēxū na tama nūxū nacuēxgūēgaxūcēx na tacūchiga yīxū i ngēma ore. ¹⁶ Natūrū ngēxguma wūxi i duūxū nūxū rūxoxgu i nacūma i chixexū, rū tōrū Coriaxū yaxōōgu, rū ngēxguma nixī i nūxna inanguxū i ngēma nūxū naguxchaxēēxū. ¹⁷ Erū nūma ya tōrū Cori rū Naāē i űūnexū rū wūxitama nixī rū ngextā inangēxmaxūwa i tōrū Coriāē i űūnexū, rū tūxū nanatauxchaxēē na Tupanana ingaicamagūxū. ¹⁸ Rū ngēmacēx guxāma i yixema na Cristuaxū yaxōgūxū rū űōma wūxi i woruarūū tawa nangōchipe na űuxācū namexēchixū ya tōrū Cori erū nataxuma i tacū i tūxū idūxūxū naxchaxwa. Rū nūma ya tōrū Cori i Naāē i űūnexū ixīcū, rū guxūguma yexeraācū tūxū nimexēchigū na naxrūū aixcūma imexūcēx.

4

¹ Rū ngēmacēx taguma nūxū tarūchau i űāā puracū, erū Tupana ya nūxū tangechaūtūmūūcū nixī ga toxū mucū na tanaxūxūcēx i űāā puracū na duūxūgūmaā nūxū tixuxūcēx i norū ore. ² Rū yemacēx nūxū tarūxoe ga guxūma ga tacū ga chixexū i āne tūxna āxū i cūācū űxū. Rū tama tanawomūxēēcūma nixī i namaā nūxū tixuxū i ore rū tama tanaxūchicūū i ngēma ore. Natūrū ngēma ore i aixcūma ixīxūlūcatama nixī i nūxū

tixuxū. Rū ngēmaācū Tupanapēxewa tamaxē rū duūxūgūpēxewa togū itawēx na nūxū nacuēxgūxūcēx na űuxācū tixūgūxū i tomāx. ³Rū ngēxguma chi texēcēx naguxchagu i ngēma ore i mexū i nūxū tixuxū, rū ngēma duūxūgū i iyarūtauxexūcēxicatama nixī i naguxchaxū. ⁴Erū nūmagū rū tama nayaxōgū. Rū ngēmacēx i űoma i naāneārū āēxgacū i Chatanā rū nūxū nanaguxchaxēē na tama nūxū nacuēxgūxūcēx na űuxācū namexēchixū i norū ore ya Cristu ya Ūūnecū. Rū Cristuwa nixī i nangōxū na űuxācū na yīxū ya Tupana. ⁵Rū ngēxguma duūxūgūmaā nūxū tixuxgu i ngēma ore, rū tama tochigaxūtama tixugū. Natūrū nūxū tixu na Ngechuchu ya Cristu rū tōrū Cori yīxū, rū nūma tūxū na nangechaūxūgagu perū ngūxēēruūgū na tixūgūxū. ⁶Erū nūmatama ya Tupana ga noxri naāne naxūxgux rū ēānexūwa nangoxēēcū ga ngōonexū, rū nūmatama nixī i űuxma i tūxū yangoxnaāēxēēgūxū na ngēmawa nūxū icuāxūcēx na űuxācū namexēchixū i nūmax. Rū ngēma norū mexū rū Ngechuchu ya Cristuchiwwewa nixī i nūxū idauxū.

Tayaxōgūama ega woo ngūxū ingegūgu

⁷Rū ngēma nūxū na icuāxū na űuxācū namexēchixū ya Tupana, rū ngēma cuēx rū wūxi i mexēchixū nixī. Natūrū ngēma cuēx i mexēchixū rū taxūne i maīraxūnaxcēxwa nangēxma, na nangōxūcēx na Tupanawa ne naxūxū i guxūma i pora rū tama i tawatama. ⁸Rū guxūwama toxū nangēxma i guxchaxūgū, natūrū taguma nūxū tarūchau i űāā puracū. Rū woo poraācū taxoegaāēgūgu, natūrū taguma itanangēx. ⁹Rū woo togū towe ingēxūtanūgu, natūrū ya Tupana rū taguma toxū inawogū. Rū woo duūxūgū toxū napīexēēgu, natūrū tama ngēxma tayacuēxēē i űāā puracū. ¹⁰Rū guxūwama i ngēxā itaxūxūwa rū āūcūmaxūwa tangēxmagū, yexgumarūgū ga Ngechuchu na āūcūmaxūwa nayexmaxūrū. Natūrū ngēmaācū toxū naxūpetū na duūxūgū nūxū daugūxūcēx na űuxācū towa namaxūxū ya Ngechuchu. ¹¹Rū űuxma na tamaxēxū, rū guxū i ngunexūgu rū Ngechuchugagu āūcūmaxūwa tangēxmagū. Natūrū ngēmaācū toxū naxūpetū na Ngechuchu inawēxūcēx i norū pora nawa i űāā toxone i yuxwēxexū. ¹²Rū ngēmaācū Tupanaārū orecēx āūcūmaxūwa tangēxmagū, natūrū ngēmaācū toxū naxūpetū na pema rū pexū nangēxmaxūcēx i maxū i taguma gūxū. ¹³Tupanaārū ore i űmatūxūwa rū űnanagūrū:

“Nūxū chayaxō rū yemacēx Tupanachiga chidexa”,

űnanagūrū. Rū ngēxgumarūūtama tixūgū i toma na tayaxōgūxū rū Tupanachiga tidexagūxū. ¹⁴Erū nūxū tacuēxgū rū Tupana ga yuwa inadxēēcū ga Ngechuchu ya tōrū Cori, rū yimatama Tupana tā nixī ya toxū irūdagūxēēcū, erū Ngechuchuarū duūxūgū tixūgū. Rū ngēmaācū wūxigu pemaā nūgūxūtawa tā toxū nagagū. ¹⁵Rū guxūma ga yema toxū ngupetūxū rū perū mexūcēx nixī na yexeraācū yamuētanūxūcēx i ngēma duūxūgū i Tupana nūxū rūngūxēēgūxū. Rū ngēmaācū tā dūxwa namuxūchi i ngēma duūxūgū i moxē Tupanana āgūxū rū nūxū icuēxūgūxū. ¹⁶Rū ngēmacēx taguma nūxū tarūxoe na nūxū tixuxū i ngēma ore. Rū woo yayachigūgu rū yaturachigūgu i toxone, natūrū toōēwa rū guxū i ngunexūgu rū yexeraācū tiporaetanū. ¹⁷Erū ngēma ngūxū i toxū űpetūxū i űāā torū maxūwa, rū ngēma rū wūxi i paxaāchimare nixī rū paxa tā nangupetū. Natūrū ngēmaācū tā tanayaxu i wūxi i maxū i mexēchixū i tagutāma gūxū i űoma i naānecūāx i maxūārū yexeraxūchi ixīxū. ¹⁸Rū tama ngēma űuxma nūxū idauxūgu nixī itarūxūnūxū, natūrū nagu tarūxūnūē i ngēma űuxma tama nūxū idauxū. Erū ngēma űuxma nūxū idauxū rū tama natai, natūrū ngēma űuxma tama nūxū idauxū, rū guxūgutāma nangēxmaēcha.

5

¹Rū nūxū tacuēxgū ega ngēxguma iyanaxoxgu i űāā toxone i paxaāchi űuxma toxū ngēxmaxū, rū daxūgūxū i naānewa tā tanayaxu i wūxi i toxone i tagutāma iyarūxoxū i Tupanatama toxēx mexēēxū rū tama i duūxūgū. ²Rū ngēmacēx i űuxma i űāā toxonewa tamaxēyane, rū tama aixcūma tataāēgū. Erū tanaxwēxe na paxa toxū nangēxmaxū i ngēma toxone i daxūgūxū i naānewa ngēxmaxū. ³Rū ngēma toxone i daxūgūxū i naānewa tā toxū ngēxmaxū rū űoma wūxi i naxchirurū tū tā toxū nidūxū, na ngēmaācū naxāxūnēxūcēx i toōē. ⁴Rū űāā toxone i űuxma toxū ngēxmaxūwa tamaxēyane, rū tanaxūxāchiāēgū rū tama aixcūma tataāēgū. Rū tama aixcūma itanatāxchaū i toxone i űoma i naānewa toxū ngēxmaxū, natūrū tanaxwēxegū na tanayaxuxū i toxone i ngexwacaxūxū i ngēmaācū ngēma maxū i ngexwacaxūxū iyanaxoxēēxūcēx i toxone i űuxma toxū ngēxmaxū. ⁵Rū Tupana nixī ya toxū imexēēcū naxcēx i ngēma ngexwacaxūxū i maxū rū ngēma ngexwacaxūxū i toxone. Rū toxna nanamu ga Naāē i Ūūnēxū na ngēmawa nūxū tacuāxūcēx na aixcūma tā tanayaxuxū i ngēma. ⁶Rū ngēmacēx taxucēxma taxoegaāēgū. Erū nūxū tacuēx rū űuxma űāā toxonewa tamaxēyane, rū taxucūrūwama tōrū Corixūtawa tangēxmagū i daxūgūxū i naānewa. ⁷Rū woo tama nūxū tadaugūgu ya yima tōrū Cori i űuxmax, natūrū tayaxōgū na wūxi i ngunexū rū tā nūxū tadaugūxū. Rū ngēma nixī i toxū poraxēēxū i űāā torū maxūwa. ⁸Rū ngēmacēx taxucēxma taxoegaāēgū ega tayuegu. Erū toxcēx rū narūmemaē nixī na nūxna itachoxūxū i

ñāā toxone, na torū Corixūtawa tayangēxmagūxcēx. ⁹ Rū ngēmacēx, woo ñoma i toxonewa tangēxmagūgu rū ěxna tama nawa tangēxmagūgu, rū tanaxwēxe na guxūguma torū Coriarū ngūchaū na taxūxū. Rū ngēmacēx naxcēx tadaugū na tanaxūxū i ngēma nanaxwēxexū i nūmax. ¹⁰ Erū guxātama i yixema rū Cristupēxewa tá tangugū na wūxichigū nayaxuxūcēx i ngēma tūxna ūxū. Rū nūma tá wūxichigūxū nangugūarū maxūāx. Rū ngēxgumarūū na ñuxācū meā imaxēxū rū ěxna chixri imaxēxū ga yexguma ñoma ga taxūnewa iyexmagūgu, rū ngēmaācū tá tūxna nanaxā ya wūxichigū.

Cristu rū taxcēx Tupanaxū narūngūxmūxēē

¹¹ Rū ngēmacēx Tupanaārū orearū uwa tapuracūe rū tayaxucuxēgū i duūxūgū na yaxōgūāxūcēx. Erū toma rū aixcūma torū Corixū tamūē. Rū Tupana toxū nacūēx na ñuxācū yīxū i torū maxū, rū chierūna pema rū chi ta toxū pecuēxgux. ¹² Rū tama tanaxwēxe i wenaxārū togūētūwa tidexagū, natūrū pexū tarūngūxēchaū na pexū nangēxmagūxcēx na tacūcēx tomaā petaāēgūxū na nūxū pecuāxūcēx na ñuxācū penangāxūxū i ngēma duūxūgū i pepēxewa nūgū írūmegūnetaxū natūrū norū maxūwa rū tama ixaixcūmagūxū. ¹³ Rū woo duūxūgū toxū daugūga na Tupanagu taxāūāēgūxū, rū nūētama nixī i ngēma erū nūmatama ya Tupana rū meāma toxū nacūēx. Natūrū i pema rū meāma toxū pecuēx na meāma toēxū tacuāācūma pemaā nūxū tixuxū ga norū ore. ¹⁴ Rū Cristu ya poraācū toxū ngechaūcū nixī ya ñuxma tomaā icuācū, erū tayaxō na nūma rū guxāārū pecaducēx nayuxū na yexma yanaxoxūcēx ga guxāārū chixexūgū. ¹⁵ Rū yemaācū guxūma ga duūxūgūcēx naye ga Cristu, na ngēma duūxūgū i ñuxma maxēxū, rū tama nūmatama naye naxīnūēxūgū namaxēxūcēx, natūrū naxcēx na namaxēxūcēx ya yima naxcēx yucū rū wena írūdacū. ¹⁶ Rū ngēmacēx i toma rū tama ñoma i naānecūāx i duūxūgū naye rūxīnūēxūrūū texēxū tangugūarū maxūāx. Rū woo ga ūpa rū ñoma ga naānecūāx ga duūxūgū naye rūxīnūēxūrūū Cristuxū tangugū, natūrū i ñuxma rū tama ngēmaācū namaā naye tarūxīnūē. ¹⁷ Rū ngēxguma texē Cristuxū yaxōxgu, rū ngexwacaxūxū i duūxū tixī. Rū nuxcūmaūxū ga tūmacūma rū marū tūxna inayarūxo, rū ngexwacaxūxū i maxū tūxū nangēxma. ¹⁸ Rū guxūma i ngēma rū Tupana nixī ya naxūcū. Rū nūma nixī ga Cristugagu tamaā inangūxmūxū. Rū ñuxma rū toxū namu na duūxūgūmaā nūxū tixuxū na namaā inangūxmūēxūcēx. ¹⁹ Yerū Tupana rū Cristugagu duūxūgūmaā nūgū narūngūxmūxēē. Rū tama duūxūgūarū pecadugu naxīnūācūma nanaxū ga yema. Rū ñuxma rū toxū namu na ngēmachigaxū duūxūgūmaā tixuxū. ²⁰ Rū ngēmaācū Cristuarū orearū ngeruūgū tixīgū, rū towa nixī i Tupana pexū cēēxūxū na namaā iperūngūxmūēxūcēx. Rū ngēmacēx Cristuēgagu pexū tacēēxūgū na Tupanamaā iperūngūxmūēxūcēx. ²¹ Cristu rū taguma pecadu naxū. Natūrū tagagu nixī ga Tupana ga ñoma pecaduāxūrūūācūma namaā naxūāxū na yemaācū nagagu tūxū inangūxmūēxūcēx nawa i torū chixexū na aixcūma napēxewa imexūcēx.

6

¹ Rū ñuxma na Tupanaārū ngūxēēruū tixīgūxū, rū pexū tacēēxū na tama nūxū pex-
oexūcēx ga yema pemaā na namecūmaxū ga yexguma nayuxgu ga Nane. ² Erū Tupana rū
norū ore i ūmatūxūwa, rū ñanagūrū:

“Rū yema ngunexū ga naye namexūgū na choxū peyaxuxū, rū yexguma nixī ga pexū
chaxīnūxū. Rū yexguma pexna chanaxuāxūgū ga maxū i taguma gūxū, rū yexguma
nixī ga pexū charūngūxēēxū”,

ñanagūrū. Rū ñuxma nixī i ngēma ngunexū i naye namexū na Tupanaxū peyaxuxū, rū
ñuxma nixī i ngēma ngunexū i pexna naxuaxūāxū i maxū i taguma gūxū. ³ Rū toma rū
guxūguma naxcēx tadau na guxāpēxewa meā tamaxēxū na taxucēxma texē chixri torū
puracūchiga idexaxūcēx. ⁴⁻⁵ Rū guxūwama duūxūgūxū nūxū tadauxēēchaū na aixcūma Tu-
panaārū duūxūgū tixīgūxū. Rū ngēmacēx yaxna namaā taxīnūē i ngēxguma woo ngūxū toxū
ngupetūgu, rū ěxna tacū toxū tauxgu, rū ěxna tacū rū guxchaxū toxū ngēxmagu, rū ěxna
toxū yaçauaixgūgu, rū ěxna toxū napoxcuegu, rū ěxna naxīxāchiāētanūgu rū tomaā nanūēgu.
Rū poraācūxūchima tapuracūe, rū ñuxguacū rū tama tapee, rū ñuxguacū rū taiya toxū
nangux. Natūrū yaxna namaā taxīnūē i guxūma i ngēma. ⁶ Rū ngexgumarūxū ta duūxūgūxū
nūxū tadauxēē na aixcūma namexū i torū maxū, erū aixcūma Tupanapēxewa meā tamaxē,
rū meā Tupanaxū tacūēx, rū yaxna duūxūgūmaā taxīnūē, rū namaā tamecūma. Rū nūxū
nūxū tadauxēē na towa nangēxmaxū i Tupanaāē i Ūnuxū rū aixcūma guxū i duūxūgūxū
tangechaūxū. ⁷ Rū duūxūgūxū nūxū tadauxēē na aixcūma namexū i torū maxū, erū namaā
nūxū tixū i ngēma ore i aixcūma ixīxū, rū itanawēx i Tupanaārū pora i towa ngēxmaxū.
Rū ngēma toxne ixīxū rū ngēma nixī i torū maxū i aixcūma mexū i Tupanapēxewa. Rū
ngēmamaā nixī i togū itapoxūxū i torū uwanūgūpēxewa. ⁸ Rū ñuxguacū i duūxūgū rū toxū
nicūēxūgū, rū ñuxguacū rū tacū tomaā nixugūe. Rū ñuxguacū rū meā tochiga nidexagū,
rū ñuxguacū rū chixri tochiga nidexagū. Rū woo aixcūmachirēx yixīgu i ngēma ore i nūxū

tixuxū, natūrū doratèex toxū nawogūe. ⁹ Rū woo meā toxū nacuèxgūchirèxgu, natūrū ñoma tama toxū nacuáxūrūū tomaā nixīgū i duūxūgū. Rū ñuxguacū rū wixgutaèx tayue, natūrū naētūwa tamaxēāma. Rū toxū napoxcue, natūrū tama toxū nadaixichi. ¹⁰ Rū woo tangechaūgūgu, natūrū guxūguma tataāēgūama. Rū woo ñoma i naānewa tama tamuārū ngēmāxūāxgūgu, natūrū muxūma i duūxūna tanaxā i taxū i mexū erū togagu nanayaxu i maxū i taguma gūxū. Rū woo taxūma toxū ngēxmèxgu i ñoma i naānewa, natūrū daxū-guxū i naānewa rū toxū nangēxma i guxūma. ¹¹ Pa Chaueneēgū i Corītiucūāx, dūcax aixcūma pemaā nūxū tixu rū guxū i torū maxūnemaā pexū tangechaūgūxūchi. ¹² Rū toma rū tama pexū taxoe, natūrū pema waxi nixī i tama petoxwèxexū. ¹³ Rū dūcax, Pa Chaueneēgūx, rū ñoma wūxi i papā naxācūgūxū cèèxūxūrūū pexū chacèèxū na choxū pengechaūgūxūcèx ngēma choma pexū changechaūxūrūū.

Tupana ya maxūcūpata tixīgū

¹⁴ ;Rū tāūtāma namaā pexāmūcū i ngēma duūxūgū i tama yaxōgūxū! Erū ngēxguma chi ngēmaācū penaxūxgu rū tāūtāma guxā wūxigu perūxīnūe. ;Rū ñuxācū nawūxiguxū i ngēma mexū namaā i ngēma chixexū? ;Rū ñuxācū nawūxigu i ngōonexū namaā i ēānexū? ¹⁵ ;Rū ñuxācū nawūxiguxū ya Cristu namaā i Chatanā? ;Rū ñuxācū nawūxiguxū i wūxi i duūxū i yaxōxū namaā i wūxi i duūxū i tama yaxōxū? ¹⁶ ;Rū ñuxācū Tupanapatawa nangēxmaxū i tupananetachicūnēxāgū? Erū yixema rū Tupana ya maxūcūpata tixīgū, rū tawa namaxū i nūmax. Rū Tupana rū pechiga nidexa ga yexguma ñaxgu: “Rū ngēma duūxūgūwa tá chamaxū, rū natanūgu tá chayarūxūūxū. Rū norū Tupana tá chixī, rū nūmagū rū tá chorū duūxūgū nixīgū”, ñaxgu. ¹⁷ Rū yemacèx ñanagūrū ta ga tórū Cori: “;Rū ípechoxū i natanūma i ngēma duūxūgū i tama chorū duūxūgū ixīgūxū! ;Rū tāxū i nūxū pingōgūxū i ngēma chopēxewa chixexū! Rū choma rū tá pexū chayaxu. ¹⁸ Rū choma rū Penatū tá chixī, rū pemagū rū tá chaunegū rū chauxacūgū pixīgū”, ñanagūrū ya tórū Cori ya Tupana ya guxūārū yexera poraxūchicū.

7

¹ Rū dūcax, Pa Chaueneēgū ya Pexū Changechaūgūxex, rū ngēma Tupanaārū unetagū i pemaā nūxū chixuxū, rū taxcèx nixīgū. Rū ngēmācèx tanaxwèxe na yīgūna idaugūxū na tama taxūnemaā rū éxna taāēmaā naxūxūcèx i ngēma Tupanapēxewa tama mexū. Rū tanaxwèxe i aixcūma Tupanaxū imuūēācūma nūxna yīgū taxāgū rū naxcèxatama tamaxē.

Pauru rū ngema Corītiucūāxgūmaā nataāxē

² Rū tanaxwèxe i toxū pengechaūgū. Rū dūcax ga toma rū taxūxemaāma chixexū taxūgū. Rū taxūxexūma chixexūgu tanguxēē. Rū taxūxexūma tawomūxēēgū. ³ Rū tama pexū chixuxūcèx nixī i pemaā nūxū chixuxū i ngēma. Yerū marū pemaā nūxū chixu na ñuxācū guxū ga chorū maxūmaā pexū changechaūxū. Rū ngema pemaā na changechaūxūgagu rū íchamemare na petanūwa chamaxūxū rū éxna wūxigu pemaā chayuxū. ⁴ Rū ñuxma rū taxucèxma pexū chaxānēācūma pemaā chidexa erū porācū pemaā chataāē. Rū woo ngūxū na tingēgūxū, natūrū aixcūma choxū penangūchaūxūēē rū choxū petaāēxēē. ⁵ Rū yexguma Machedóniānewa tangugūcūrūwa rū taguma itarūngūgū. Yerū guxūwama ga ngexta ítaxūwūwa rū nūxū itayangu ga guxchaxūgū. Rū duūxūgū rū toxū nanaguxchaxēē na tanaxūxū i Tupanaarū puracū rū yemacèx porācū taxoegaāxēgū. ⁶ Natūrū ya Tupana ya tūxū taāēxēēcū ya yixema ngechaūgūxe, rū toxū rū ta nataāēxēē ga yexguma toxūwawa nangūgu ga taeneē ga Titu. ⁷ Rū tama yema toxūwawa na nangūxūcèxichaxū tataāēgū, natūrū tataāēgū ta yerū ga pema rū porācū nūxū penangūchaūxūēē rū penataāēxēē ga guma taeneē ga Titu. Rū nūma ga Titu rū tomaā nūxū nixu na ñuxācū porācū penaxwèxexū na toxū pedauxū. Rū tomaā nūxū nixu na ñuxācū naxcèx pengechaūgūxū ga yema chomaā pexūxū, rū na ñuxācū chauxcèx pexoegaāēgūxū. Rū guxūma ga yema oremaā rū yexeraācū chataāē. ⁸ Choma nūxū chacuèx rū yema popera ga pexcèx chaxūmatūxū rū pexū nangechaūgūxūēē, natūrū ñuxma rū marū tama naxcèx changechaū na chanaxūmatūxū ga yema popera. Rū noxri rū yemaācū naxcèx changechaū ga yexguma nūxū chacuèxgu ga na pexū nangechaūgūxūēēxū ga yema popera ga yexguma penayaxgu. ⁹ Natūrū i ñuxma rū chataāē na pexcèx chanaxūmatūxū ga yema popera. Rū tama yema na pengechaūgūxūcèx chataāē, natūrū chataāē yerū yema perū ngechaūgūgagu Tupanana pecuēxāchie rū penaxūchicūū ga perū maxū. Rū pema rū aixcūma Tupanana pecuēxāchieācūma namaā peporae ga yema ngechaū, rū yemaācū taxūma ga chixexū pemaā taxū ga yexguma pexcèx tanaxūmatūgu ga yema popera. ¹⁰ Rū ngēma ngechaū i Tupana naxwèxexūācūma namaā iporaexū, rū name nixī, erū ngēma ngechaūgūgagu naxūchicūū i tórū maxū rū ngēmāgagu tanayaxu i maxū i taguma gūxū. Rū ngēmācèx taxucèxma naxcèx pixāxūāchie i ngēma ngechaū. Natūrū ngēma ngechaū i ñoma i naānecūāx i duūxūgū nūxū ngēxmaxū rū taxuwama name

erü yuwa nanaga. ¹¹ Rū yexguma yema poperamaā pexū changechaūxēēgu, rū Tupana naxwēxexūācūma nixī ga namaā peporaexū ga yema ngechaū. ¡Rū dūcax i űuxma i tacū Tupana pemaā űxū i ngēma perū ngechaūgagu! Yerū yema perū ngechaūgagu rū aixcūma nagu perūxīnūē ga yema chixexū ga petanūwa űpetūxū, rū meāma chomaā nūxū pixu ga yema. Rū yema perū ngechaūgagu rū peāēwa nangux ga yema chixexū, rū poraācū Tupanaxū pemuūē. Rū yemacēx penaxwēxe na yēma chaxūxū na pexū chayarūngūxēēxūcēx yerū penamexēēgūchaū ga yema chixexū. Rū yema perū ngechaūgagu rū aixcūma penaxucūxē ga yema duūxū ga chixexū űxū. Rū guxū ga yemawa rū ipenawēx na tama pegagu yīxū ga yema chixexū ga ngupetūxū. ¹² Rū yemacēx, yexguma pexcēx chanaxūmatūgu ga yema popera, rū tama yema duūxū ga chixexū űxūgu charūxīnūācūma chanaxūmatū, rū tama yema duūxū ga namaā chixexū naxūxūgu charūxīnūācūma chanaxūmatū. Natūrü chanaxūmatū ga yema popera na yemawa Tupanapēxewa nūxna pecuēxāchiēxūcēx na űuxācū aixcūma toxū pengechaūgūxū. ¹³ Rū yema na toxū pengechaūgūxū, rū wūxi ga taāē nixī ga toxcēx. Natūrü yema taāēārū yexera nixī ga yema taāē ga toxū yexmaxū ga yexguma nūxū tadēuxgu ga Titu ga űuxācū taxū ga taāē petanūwa na nayaxuxū. Rū aixcūma guxāma ga pema nixī ga wenaxārū poraācū nūxū penangūchaūxēēxū. ¹⁴ Rū noxri tauta yēma naxūxgu ga Titu, rū namaā nūxū chixu na mexū i duūxūgu na pixīgūxū. Rū űuxma rū taxucēxma chaxāne, erū guxūma ga yema Titumaā nūxū chixuxū ga pechiga rū aixcūma ngēmaācū nixī, yexgumarūū na aixcūma yīxū ga guxūma ga yema Tupanaārū ore ga pemaā nūxū tixuxū. ¹⁵ Rū űuxma i Titu rū yexeraācū pexū nangechaū i ngēxguma nūxna nacuēxāchigu na űuxācū meā naga pexīnūēxū rū űuxācū nūxū pengechaūācūma meā penayaxuxū. ¹⁶ Rū choma rū ta poraācū pemaā chataāēxūchi, erū nūxū chacuēx na aixcūma peyanguxēēxū ga guxūma ga yema pemaā nūxū chixuxū.

8

Yema yaxōgūxū rū woo tama na namuārū dīeruāxgūxū, natūrü yema nūxū yexmacū ga dīerumaā meā togūxū narūngūxēēgū

¹ Rū űuxmax, Pa Chaueneēgūx, rū pemaā nūxū tixuxchaū na űuxācū Tupana namaā mecūmaxū i ngēma yaxōgūxū i Machedoniāāneārū lānegūwa ngēxmagūxū. ² Rū woo taxū ga guxchaxūgū nūxū na űpetūgūxū, natūrü nataāēgūama. Rū woo tama na namuārū dīeruāxgūxū, natūrü yema nūxū yexmacū ga dīerumaā meā togūxū narūngūxēēgū. ³ Rū choma nūxū chadau rū pemaā nūxū chixu rū nūmagū rū taāēācūma ngīxū inaxāgū ga guxūma ga dīeru ga nūxū taxuchacū na ngīxū inaxāgūxū. Rū ngīetū yemaārū yexera taāēācūma ngīxū inaxāgū. ⁴ Rū poraācū toxū naccēēxūgu na tama nūxna tanachuxuxūcēx na yemaācū yema togū ga taeneēgūxū nangūxēēgūxūcēx. ⁵ Rū yema nagu tarūxīnūēxūārū yexera ngīxū inaxāgū ga yema yaxōgūxū ga Machedoniāānecūāx. Yerū Tupananaxīra nūgū naxāgū rū yemawena toxna nūgū naxuaxūgū na toga naxīnūēxūcēx, yema Tupana naxwēxexūrūū. ⁶ Rū yemacēx Tituxū tacēēxū na wena petanūwa naxūxūcēx na ngīxū pinguxēēxūcēx ga yema dīeru ga marū pemaā ngīxū inaxūgūcū na ngīxū penutaquēxexū naxcēx i ngēma togū i taeneēgū i nūxū nataxuxū. ⁷ Pema rū guxūwama meā ipexī erū meā peyangōgū, rū pexū natauxcha na meā nūxū pixuxū i Tupanaārū ore erū meā nūxū pecuēx na tacūchiga yīxū. Rū aixcūma togūxū perūngūxēēchaū, rū yema pexū tangūxēēxūācūma pegū pengechaūgū. Rū űuxma rū ngēxgumarūū ta penaxwēxe na aixcūma meā ipexīxū nawa i ngēma mexū i nacūma na dīeru ngīxū ipexāxū naxcēx i ngēma taeneēgū i nūxū nataxuxū. ⁸ Tama wūxi i mu nixī i ngēma pemaā nūxū chixuxū. Natūrü chanaxwēxemare na nūxū pecuāxū na űuxācū taāēācūma ngīxū inaxāgūxū ga togū ga yaxōgūxū. Rū pemaā nūxū chixu i ngēma na pema rū ta ngīxū ipexāgūxūcēx i ngēma dīeru i togū i taeneēgūārū ngūxēēcēx ixīcū, na ngēmaācū ipenawēxūcēx na aixcūma nūxū pengechaūgūxū. ⁹ Erū pema rū marū nūxū pecuēx na űuxācū tamaā namecūmaxū ga tōrū Cori ya Ngechuchu ya Cristu. Rū woo nūxū nayexma ga guxūma, natūrü űoma wūxi ga ngearū yemāxūxūrūū pexcēx nūgū nixīxēē na ngēmaācū pexū nangēxmaxūcēx i muxūma i mexūgū. ¹⁰ Rū űuxma rū perū mexūcēx nixī i pemaā nūxū chixuxū i ngēma dīeruarū nutaquēxechiga. Rū taunecū ga ngupetūcūgutama nixī ga ipenaxūgūxū ga ngīxū na penutaquēxexū. Rū yema rū aixcūma perū ngūchaūmaā nixī ga penaxūxū. ¹¹ Rū űuxma rū yema noxri na meā ipenaxūgūxūrūū, rū name nixī i taāēācūma rū perū ngūchaūmaā peyanguxēē rū ngēma dīeru i pexū ngēxmacūwa ngīxū ipexā naxcēx i ngēma peeneēgū i nūxū nataxuxū. ¹² Erū ngēxguma aixcūma wūxi ya duūxē tūmaārū ngūchaūmaā ngēma dīeru i tūxū ngēxmēxcūwa tūmaēneēcēx ngīxū itaxāxgu, rū Tupana rū taāēācūma ngīxū nayaxu. Erū nūma ya Tupana rū taguma tūxna ngīxcēx naca i ngēma tūxū tauxcū. ¹³ Rū ngēmacēx tama chanaxwēxe i ngēma togūxū na perūngūxēēxūgagu pexū nataxu i pemax. ¹⁴ Natūrü chanaxwēxe i guxāma tūxū nangēxma i tacū i tanaxwēxexū, erū tama name na texēaxū nataxuxū i tacū. Rū űuxma na

peḅḅ nangēxmaxū i perū dīēru, rū name nixī i nūxū perūngūxēēgū i ngēma taeneēgū i nūxū nataxuxū. Rū ngūriūāchi to i ngunexūgu i pema peḅḅ nataxūgu, rū nūmagū rū tā nūxū nūxū nangēxma na peḅḅ nangūxēēgūxūcēx. Rū ngēmaācū tā guxātama tawūxigu. ¹⁵ Rū Tupanaārū ore i ūmatūxūḅwa rū űanagūrū:

“Guxema muxūma tūxū yexmaxē rū taxuūma tūxū űnayaxū. Rū guxema noxretama tūxū yexmaxē rū tama tūxū űnayataxu”,
űanagūrū.

Titu rū namūcūgūchiga

¹⁶ Natūrū Tupanaa moxē chaxā, erū nūma rū Tituxū nagu narūxīnūxēē na aixcūma peḅḅ nangūxēēxūcēx, ngēma choma pegu charūxīnūxūrū. ¹⁷ Rū nūma ga Titu rū: “Ngū” űanagūrū na wena petanūwa chanamuxū. Yerū nūma rū woetama poraācū pegu narūxīnū. Rū ngēmacēx i űuxma rū wena petanūwa naxū, erū nūxū nangūchaū. ¹⁸ Rū Titumaā ngema tanamu i wūxi i taeneē i guxūma i yaxōgūxū nūxū ngechaūgūxū erū nūma rū aixcūma meā nūxū nixu i Tupanaārū ore i tūxū maxēxēēxū. ¹⁹ Rū tama ngēmacēxicatama nixī. Erū guxūma i ngēma yaxōgūxū rū ngēma taeneēxū naxunetagu na toxū űyaxūmūcūxūcēx rū toxū nangūxēēxūcēx i ngēxguma Yerucharēūḅwa ngīxū tangexgu i ngēma dīēru, na ngēmaācū nūxū ticuēxūgūxūcēx ya tōrū Cori, rū na guxāma nūxū dauxūcēx na űuxācū taāēācūma yigū rūngūxēēgūxū. ²⁰ Rū űayaga i ngēma taeneē, erū tama tanaxwēxe i texē toxū tixu i yixcama ngīxcēx i ngēma tacū i dīēru i taeneēgūcēx ngīxū inutaquēxegūcū. ²¹ Erū tama Tupanapēxewaxicatama tanaxwēxe na meā tanaxūxū, natūrū guxū i duūxūgūpēxewa rū ta tanaxwēxe na meā tanaxūxū. ²² Rū Titumaā rū ngēma to i taeneēmaā petanūwa tanamu i wūxi i to i taeneē i toxū nūxū dauxēēxū na aixcūma nūxū nangūchaū na naxūāxū i Tupanaārū puracū. Rū űuxma rū yexeraācū petanūwa naxūxchaū i nūmax, erū nūxū nacuēx na űuxācū pema rū taāēācūma togūxū na perūngūxēēgūchaūxū. ²³ Rū ngēxguma texē pexna caxgu na texe yīxū ya Titu, űrū tūmamaā nūxū pixu na nūma rū chomūcū ya wūxiwa chomaā pexcēx puracūcū na yīxū! Rū ngēma taxre i togū i namūcūgū, rū ngēma nixī i yatūgū i guxūma i yaxōgūxū nūxū unetagu xū na Cristuarū puracū naxūgūxūcēx. Rū nūmagū rū aixcūma norū maxūmaā Cristuxū nicuēxūgū. ²⁴ Rū ngēmacēx chanaxwēxe i ngēma taeneēgūxū nūxū pēdauxēē na aixcūma nūxū pengechaūgūxū, na guxūma i yaxōgūxū nūxū cuēxgūxūcēx i ngēmachiga. Rū ngēmaācū guxūma i ngēma yaxōgūxū tā nūxū nacuēxgū na aixcūma yīxū i ngēma mexū i ore i pechiga namaā nūxū tixuxū.

9

Yema dīēru ga yema togū ga yaxōgūxūcēx ngīxū inutaquēxegūcūchiga

¹ Rū taxucēma tūxūcū pexcēx chanaxūmatū ngīchiga i ngēma dīēru i ngīxū penutaquēxegūcū naxcēx i ngēma taeneēgū i yaxōgūxū i Yudeaanewa ngēxmagūxū. ² Erū marū nūxū chacuēx rū perū ngūchaūmaā ipenaxā i ngēma dīēru. Rū guxūguma taāēācūma ngēma yaxōgūxū i Machedóniāānēwa ngēxmagūxūmaā nūxū chixu na űuxācū i pema i Acayaanewa ngēxmagūxe rū naī ya taunecūgutama marū űepemarexū na ngīxū ipexāgūxū i ngēma dīēru. Rū yema rūmumaēxū ga yaxōgūxū ga Machedóniāānecūāx, rū yexguma nūxū naxīnūēgu na űuxācū taāēācūma togūcēx ngīxū na ipexāgūxū i perū dīēru, rū nūmagū rū ta inanaxūgū na ngīxū inaxāgūxū. ³ Natūrū i űuxma rū ngema petanūwa chanamugū i ngēma taeneēgū na nūxū nadaugūxūcēx, na aixcūma yīxū i ngēma nūxū chixuxū i pechiga. Rū chanaxwēxe na aixcūma űepemarexū na ngīxū ipexāxū i ngēma dīēru, ngēma taeneēgūmaā nūxū chixuxūrū. ⁴ Erū ngēxguma chi űuxre i taeneēgū i Machedóniāānecūāx rū ngūriūāchi chomaā petanūwa naxīgu, rū tama chanaxwēxe na peḅḅ na űyangauxū na tama aixcūma űepemarexū na ngīxū ipexāxū i ngēma dīēru. Rū toxū rū chi wūxi i ānēxūchi nixī, erū marūchirēx namaā nūxū tixu na űuxācū aixcūma űepemarexū na ngīxū ipexāxū i ngēma dīēru. Rū maneca peḅḅ rū chi ta wūxi i ānēxūchi nixī. ⁵ Rū ngēmacēx nixī i chauxcēx name xū na naxcēx űcha xaxū i ngēma taeneēgū na nūxīra petanūwa naxūxūcēx rū nūmatama peḅḅ yanangūxēēgūxūcēx na ngīxū penutaquēxegūxūcēx i ngēma dīēru ga űpamama ngīxū pixucū. Rū ngēmaācū aixcūma tā űimemare i ngēma dīēru i ngēxguma ngema chaunguxgu. Rū togū tā nūxū nadaugū na aixcūma perū ngūchaūmaā yīxū na ngīxū ipexāgūxū rū tama aūācūma na yīxū. ⁶ űrū nūxna pecuēxāchie i ngema dexa i űaxū:

“Rū yīxema noxretama i nanetūchire itoxe, rū noxretama i norū o tayaxu. Natūrū yīxema muxū i nanetūchire itoxe, rū muxūma i norū o tayaxu”,

űaxū! ⁷ Rū wūxichigū tanaxwēxe na ngīxū itaxāxū i ngēma ngīgu tarūxīnūcū na űuxre ngīxū itaxāxchaūxū. Rū tama name i aūācūma ngīxū itaxā rū ēxna texē tūxū muācūma ngīxū itaxā. Erū Tupana rū nūxū nangechaū i ngēma duūxū i taāēācūma ngīxū űxāxū. ⁸ Rū Tupanamēxēwa nangēxma na poraācū pexna naxāāxūcēx i guxūma i mexū i peḅḅ taxuxū,

na guxūguma pexū nangēxmaxūcēx i ngēma penaxwēxexū rū naētū na pexū íyaxūxūcēx na togūxū namaā perūngūxēgūxūcēx. ⁹ Tupanaārū ore i ūmatūxūwa rū űanagūrū:

“Yima yatū ya mecū rū norū ngūchaūmaā meā inanaxā nūxna i ngēma duūxūgū i taxuūma nūxū ngēxmaxū. Rū Tupana rū tá guxūgu nūxna nacuēxāchi na űuxācū namecūmaxū i nūmax”,

űanagūrū. ¹⁰ Tupana nixī ya tūxna naxācū ya nanetūchire na inatoxūcēx, rū tūxna naxācū i űna na nangōxūcēx. Rū nūma tá nixī i pexna naxāāxū ya guxūnema ya nanetūchire ya penaxwēxene na ipenatoxūcēx. Rū nūma tá nanaxūxēē rū nanayaxēē ya yima nanetūchire. Rū tá nanamuxēē i norū o, na muxūchixū nawa peyaxuxūcēx na ngēmamaā togūxū perūngūxēgūxūcēx. ¹¹ Rū ngēmaācū i pema rū tá pexū nangēxma i guxūma i mexū na tauxchaācūma nūxū perūngūxēgūxūcēx i togū. Rū ngēxguma ngēma togū i taeneēgūxūtawa ngīxū tangeēgū i ngēma dīeru i naxcēx ngīxū ipexācū, rū nūmagū rū tá poraācū Tupanana moxē naxāgū ngīxcēx. ¹² Erū ngēxguma nūxna ngīxū taxāxū i ngēma dīeru i nūxū ngīmaā perūngūxēgūcū i ngēma taeneēgū, rū tama űacu i nūxū taxuxūcēxicatama ta nixī, natūrū naētū i nūmagū i taeneēgū rū perū āmaregagu tá poraācū Tupanana moxē naxāgū. ¹³ Rū nūmagū i ngēma taeneēgū rū tá Tupanaxū nicuēxūxūgū, erū ngēma perū āmaremaā tá nūxū nūxū pedauxēē na aixcūma naga pexīnūxū i Cristuarū ore i mexū. Rū nūmagū rū tá Tupanana moxē naxāgū naxcēx i ngēma perū āmare i perū ngūchaūmaā nūxna rū guxūma i yaxōgūxūna pexāgūxū. ¹⁴ Rū ngēxgumarū i ngēma taeneēgū rū tá poraācū pexcēx nayumūxēgū, erū pexū nangechaūgū. Rū tá Tupanana moxē naxāgū naxcēx na űuxācū nūma ya Tupana poraācū pexū nangūxēēxū na yemaācū pexū natauxchaxūcēx na nūxū perūngūxēgūxū. ¹⁵ Rū ngēmacēx i űuxma rū Tupanana moxē taxā, yerū tūxna nanamu ga Nane na tōrū āmare yīxūcēx. Rū nataxuma i ore i nagu mexū na nūxū ixuxūcēx na űuxācū namaā itaēgūxūchixū i ngēma āmare.

10

Paaurarū ore rū aixcūma nixī yerū Tupana nixī ga nūxna āgacū

¹ Rū űuxma rū yema Cristu yaxna tamaā naxīnūxūrū rū tamaā namecūmaxūrū, rū choma rū ta pemaā yaxna chaxīnūācūma rū pemaā chamecūmaācūma pexū chacēēxū na chauga pexīnūxūcēx. Erū nūmaxū i duūxūgū rū nūxū nixugū na pexū chamuūxū ega pexūtawa changēxmagu natūrū ngēxguma pexna chayaxūgu rū tama pexū chamuū. ² Natūrū ngēxguma ngema petanūwa chaxūxgu, rū chierū natauxguma na űacūcēx namaā chaporagaxū rū na chanaxuxēxū i ngēma duūxūgū i petanūwa toxū ixuxū na űoma tama yaxōgūxūrū na tamaxēxū. Erū choma rū íchamemare na namaāxūchi na chidexaxū. ³ Rū aixcūma woo duūxūgū tixīgū natūrū tama űoma i naanecūāxrxūxū togū tadai i ngēxguma ítanapoxūgu i Tupanaārū ore. ⁴⁻⁵ Erū ngēma toxne i namaā ítanapoxūxū i Tupanaārū ore rū tama űoma i naānecūāx namaā āxnexū nixī. Erū toma rū toxū nangēxma i Tupanaārū pora na ngēmamaā itayanaxoxēēxūcēx i Chatanaārū pora. Rū ngēmaācū itayanaxoxēē i guxūma i chixexū i ore i Tupanaxū namaā yaxugūgūxū i duūxūgū. Rū ngēmaācū itayanaxoxēē i guxūma i Tupanaārū uwanūgūarū ore i nūgū namaā yacuēxūxūgūācūma duūxūgūmaā nūxū yaxugūgūxū na tama Tupanaāxū yaxōgūāxūcēx. Rū guxūma i űacu i nagu naxīnūxūxū i ngēma duūxūgū i chixexū, rū Cristuna tanaxuaxū na nūma namaā inacūāxūcēx. ⁶ Rū wūxicana marū meā Cristuga pexīnūgū, rū toma rū ítamemare na tūxū tapoxcuēxū ya guxāma ya texē ya tama naga űnūxē i Cristuarū ore. ⁷ Pema rū norū dīxētūxūnewaxicatama nixī i penangugūxū i wūxi i duūxū. Natūrū ngēxguma texē tūgū cuēxgu na Cristuarū duūxū tīxū, rū name nixī i nūxū tacuēx na toma rū ta tūmarū Cristuarū duūxūgū tixīgūxū. ⁸ Rū woo írarūwa chanangupetūxēē na chaugū chicuēxūxūxū namaā i ngēma na Tupana toxū muxū, natūrū taxucēxma naxcēx chaxāne. Erū aixcūma Cori nixī ya toxū mucū na pexū tarūngūxēēgūxūcēx na yexeraācū meā peyaxōgūxūcēx. Rū tama űacu rū chixexūgu pexū na tayixēēxūcēx nixī i toxū namuxū. ⁹ Rū tama chanaxwēxe i nagu perūxīnūē na pexū íchabaixgūchaūxū namaā i ngēma poperagū i pexcēx chaxūmatūxū. ¹⁰ Erū nūmaxū i duūxūgū rū nūxū nixugū na chorū poperawaxicatama pexū íchabaixgūxū, natūrū chomaxūchi pexūtawa changexmagu rū tama aixcūma nūxū chacuēx na űuācū mea chidexaxū na ngemaācū chauga pexū chaxīnūxēēxūcēx, űaxūmaā choxū nixugūe. ¹¹ Natūrū texe ya ngemaācū idexāxe rū tanaxwēxe i nagu tarūxīnū rū ngēma pexna tayaxūguācūma torū poperawa pemaā nūxū tixuxūrū tātama tixīgū i ngēxguma petanūwa tangēxmagūgu. ¹² Toma rū tama tanaxwēxe i namaā togū tawūxiguxēē rū ēxna nagu togū tangugū i ngēma duūxūgū i nūgūtama icuēxūxūgūxū. Nūmagū rū nūgūtama nawomūxēēgū, erū nūgūmaā nūgū nawūxiguxēē rū nūgūgutama nūgū nangugū. ¹³ Natūrū toma rū tama togū namaā ticuēxūxūgū i ngēma yaxōgūxū i tama Tupana toxmēxwa ngēxmagūxēēxū. Yerū Tupana nixī ga tomaā nūxū ixucū na ngextā nanaxwēxexū na tapuracūxū. Rū nūma nixī

ga noxri Corťtiŭa ga petanŭwa toxŭ nangugŭxĕĕxŭ na pemaã nŭxŭ tixuxŭcĕx ga norŭ ore. ¹⁴Rŭ yemaãcŭ toxira nixŭ ga noxri petanŭwa tangugŭxŭ na pemaã nŭxŭ tixuxŭcĕx ga yema Cristuarŭ ore. Rŭ ngĕmacĕx i ñŭxma na petanŭwa taxŭxŭ, rŭ tama tanangupetŭxĕĕ ga yema Tupana tomaã nŭxŭ ixuxŭ, yerŭ nŭma nixŭ ga toxŭ namuxŭ na pexŭ tarŭngŭxĕĕgŭxŭcĕx. ¹⁵Rŭ ngemacĕx tama togŭarŭ puracŭmaãmare nixŭ i togŭ ticuĕxŭtŭgŭxŭ. Rŭ tama nŭxŭ tachopetŭchaŭ i ngĕma Tupana tomaã nŭxŭ ixuxŭ na pexŭ tangŭxĕĕxŭ. Natŭrŭ ngema pexŭ tanaxwaexŭ nixŭ na yexeraãcŭ nŭxŭ pecuãxŭ i Tupanaarŭ ore na ngemaãcŭ yexera peyaxogŭxŭcĕx. ¹⁶Rŭ ngĕxguma marŭ petanŭwa tangugŭguwena rŭ tanaxwĕxe i ngĕma duŭxŭgŭ i perŭ yĕamaxŭra ngĕmagŭxŭ i ngextã taguma texĕ nŭxŭ íixuxŭwa taxŭ na ngĕmamaã rŭ ta nŭxŭ tixuxŭcĕx i ore i mexŭ. Erŭ tama tanaxwĕxe i togŭarŭ puracŭmaã togŭ ticuĕxŭtŭgŭ. ¹⁷Erŭ Tupanaarŭ ore i ũmatŭxŭwa rŭ ñanagŭrŭ: "Rŭ ngĕxguma texĕ tŭgŭ icuĕxŭtŭchaŭgu, rŭ name nixŭ i tŕrŭ Corixŭ ticuĕxŭtŭ, erŭ nŭma nixŭ i tŭxŭ nangŭxĕĕxŭ", ñanagŭrŭ i ngĕma ore. ¹⁸Erŭ ngĕma yatŭ i aixcŭma Tupanapĕxewa mexŭ rŭ tama nŭgŭtama nicuĕxŭtŭ. Natŭrŭ ngĕma yatŭ i tŕrŭ Cori nŭxŭ icuĕxŭtŭxŭ nixŭ i aixcŭma Tupanapĕxewa mexŭ.

11

Paurŭ rŭ nŭxŭ nixuchiga ga yema orearŭ uruŭgŭneta ga tama Tupana imugŭxŭ

¹ Rŭ ñŭxma i ngĕma tá pemaã nŭxŭ chixuxŭ, rŭ bexmana pexcĕx rŭ wŭxi i ngĕãmare nixŭ, natŭrŭ chanaxwĕxe i choxŭ iperŭxinŭmare rŭ yaxna chomaã pexŭnŭ. ² Erŭ Tupana pexŭ inuxŭxŭrŭtŭ pexŭ chinuxŭ. Erŭ chaugagu nixŭ i Cristuaxŭ peyaxogŭxŭ, rŭ marŭ Cristuna pexŭ chaxuaxŭ na noxrŭxicatama pixŭgŭxŭcĕx. Rŭ ngĕmacĕx chanaxwĕxe i ngearŭ chixexŭãe Cristuxŭ pexŭ chawĕx ñoma wŭxi i pacŭ i taguma yatŭxŭ cuĕxcŭrŭtŭ. ³ Natŭrŭ chaxoegaãe rŭ yema ãxtape norŭ doramaã Ebaŭ na womŭxĕĕxŭrŭtŭ, ngŭrŭãchi ta ta texĕ pexŭ tawomŭxĕĕ, na nŭxŭ perŭxoexŭcĕx na Cristugu perŭxinŭxŭ rŭ naxcĕxicatama na pemaxĕxŭ. ⁴ Erŭ pema rŭ tauxchaãcŭ nixŭ na pexŭ nawomŭxĕĕgŭxŭ. Rŭ ngĕxguma ínangugŭgu i duŭxŭgŭ i pemaã nŭxŭ ixuxŭ i to i Ngechuchuchiga ya tama yima toma nŭxŭ tixuchigacŭ, rŭ pema rŭ nŭxŭtŭ peyaxogŭ i ngĕma duŭxŭgŭ. Rŭ pema rŭ taãĕcŭma penayaxu i to i naãe i tama Tupanaãe i ũnĕxŭ ga marŭ peyaxuxŭ íxŭtŭ. Rŭ peyaxogŭ i to i ore i tama Tupanaarŭ ore i mexŭ ga noxri peyaxuxŭ íxŭtŭ. ⁵ Dŭcĕx, rŭ woo nawe perŭxŭxgu i ngĕma togŭ i orearŭ uruŭgŭneta, natŭrŭ chaucĕx rŭ taxuwama choxŭ narŭyexeragŭ. ⁶ Rŭ woo tama choxŭ nangĕxmagu i tauxcha na duŭxŭgŭpĕxewa chidexaxŭ, natŭrŭ aixcŭma meã nŭxŭ chacuĕx i ngĕma nachiga chidexaxŭ. Rŭ ngĕma rŭ guxŭma i tŕrŭ puracŭwa marŭ pexŭ nŭxŭ tadauxĕĕe i guxŭguma. ⁷ ¿Pexcĕx rŭ chixexŭ pemaã chaxŭ ga yexguma chaugŭ ícharŭxŭragu na pexŭ chataxĕĕxŭcĕx rŭ choxmĕxmaã chapuracŭgu na ngetanŭãcŭma pemaã nŭxŭ chixuxŭ ga Tupanaarŭ ore i tŭxŭ maxĕxĕĕxŭ? ⁸ Rŭ aixcŭma yema togŭ ga yaxogŭxŭ choxna ngŭxŭ ãgŭcŭ ga dŭeru ngŭxŭ chayaxu na yemamaã petanŭwa chapuracŭxŭcĕx rŭ pexŭ charŭngŭxĕĕxŭcĕx. ⁹ Rŭ yexguma petanŭwa chayexmagu rŭ aixcŭma choxŭ itaxu ga dŭeru, natŭrŭ taguma texĕna ngŭxcĕx chaca. Rŭ taeneĕgŭ ga Machedŭniãnĕwa ne íxŭtŭ rŭ choxna ngŭxŭ naxãgŭ ga yema choxŭ tauxcŭ. Rŭ yemaãcŭ tama pexŭtŭwama ngŭxcĕx íchaca ga yexguma. Rŭ ñŭxma rŭ ta tagutãma tacŭcĕx pexna chaca. ¹⁰ Rŭ Cristu ya chowa ngĕmacŭĕgagu pemaã nŭxŭ chixu i ngĕma na aixcŭma ngetanŭãcŭma petanŭwa chapuracŭxŭ. Rŭ ngema rŭ chorŭ taãxĕ nixŭ. Rŭ taxucŭrŭwa texe i guxŭ i Acãyaanĕwa choxna tanayaxu i ngema taãxĕ. ¹¹ ¿Rŭ tacŭcĕx yŭxŭ i ngĕmaãcŭ chidexaxŭ? ¿Ēxna pexcĕx rŭ tama pexŭ changechaŭxŭcĕx yŭxŭ i ngĕmaãcŭ chidexaxŭ? Dŭcĕx, pemaã nŭxŭ chixu rŭ Tupana nŭxŭ nacŭĕ na ñŭxãcŭ aixcŭma pexŭ changechaŭxŭ. ¹² Natŭrŭ ngĕma na ngetanŭãcŭma pemaã nŭxŭ chixuxŭ i ngĕma ore, rŭ ngĕmaãcŭ tá chanaxŭiecha na taxucŭrŭwa chixri chauchiga yadexagŭxŭcĕx i ngĕma togŭ i orearŭ uruŭgŭneta i nŭgŭ ixuxŭ na toxrŭtŭ naxŭgŭãxŭ i Tupanaarŭ puracŭ. ¹³ Nŭmagŭ rŭ aixcŭma orearŭ uruŭgŭneta nixŭgŭ, rŭ duŭxŭgŭxŭtŭ nawomŭxĕĕgŭ. Rŭ nŭmagŭ rŭ togu nŭgŭ nicuxŭgŭ, rŭ nŭgŭ nixugŭ na Cristu yamugŭxŭ. ¹⁴ Rŭ ngĕma rŭ taxucĕxma namaã pebaixãchiãĕgŭ. Erŭ woo i Chataná rŭ ta rŭ Tupanaarŭ orearŭ ngeruŭgŭ i daxŭcŭãx i yauracŭxŭrŭtŭãcŭ nŭgŭ nangoxĕĕ. ¹⁵ Rŭ ngĕmacĕx woetama ngĕmaãcŭ nixŭgŭ i ngĕma duŭxŭgŭ i Chatanáãxŭtŭ puracŭxŭ. Rŭ nŭmagŭ rŭ duŭxŭgŭ i mexŭ ŭgŭxŭgu nŭgŭ nicuxŭgŭ. Natŭrŭ ngĕma ngĕmaãcŭ íxŭgŭxŭ, rŭ Tupana tá nanapoxcŭe naxcĕx i ngĕma chixexŭ i naxŭgŭxŭ.

Paurŭ rŭ yema puracŭ ga Ngechuchu nawa namuxŭwa ngŭxŭ ninge

¹⁶ Rŭ wena pemaã nŭxŭ chixu rŭ tama chanaxwĕxe i nagu perŭxinŭe na wŭxi i ãũãĕxŭtŭ chŭxŭ. Natŭrŭ ngĕxguma chí ngĕmaãcŭ chomaã nagu perŭxinŭĕgu, rŭ tama chanaxwĕxe i choxna penachŭxu na ñoma wŭxi i ãũãĕxŭrŭtŭ chaugŭĕtŭwa chidexaxŭ, na ngĕmaãcŭ choma rŭ ta írarŭwa chaugŭtama chicuĕxŭxŭcĕx. ¹⁷ Rŭ ñŭxma na chaugŭĕtŭwa chidexaxŭ

rū ngēma rū tama tóru Coriarū mu nixī. Natūrū ņoma wūxi i āūāēxū nūgū icuēxūxūrū nixī i chidexaxū. ¹⁸ Rū ņuxma na nangēxmaxū i muxūchixū i duūxūgū i ņoma i naānēwa nūgū icuēxūūgūxū, rū choma rū tá ta írarūwa chaugū chicuēxū. ¹⁹ Pema rū nagu perūxīnūē rū nūxū cuēxūchīgūxū pixīgū. Natūrū taāēcūma yaxna namaā pexīnūē i ngēma duūxūgū i tama naāēxū icuāxū. ²⁰ Rū yaxna namaā pexīnūē i ngēma duūxūgū i nūgūxū pexū puracūxēēxū, rū ngēma ngeatanūcūma pexū puracūxēēmāxū, rū ngēma pexū womūxēēgūxū, rū ngēma chixri pexū yaxgūxū, rū ngēma pemaā guxchigagūxū. ²¹ Rū woo wūxi i ānēxūchi nixī na pemaā nūxū chixuxū, natūrū chauxcēx rū tama aixcūma pexū nūxū tadauxēē ga torū pora ga yexguma petanūwa tayexmagūgu. Natūrū ņuxma na tama namuūēxū na nūgū yacuēxūūgūxū i ngēma togū i duūxūgū, rū choma rū ta taxucēxma chamuū na chaugūētūwa chidexaxū woo pexcēx rū taxuwama namexgu i ngēma nūxū chixuxū. ²² Nūmagū rū nūgū yaxugūgu rū Yudiūgū nixīgū. Natūrū choma rū ta Yudiū chixī. Rū nūmagū nūgū yaxugūgu rū Iraētanūxūgū nixīgū. Natūrū choma rū ta Iraētanūxū chixī. Rū nūmagū rū nūgū yaxugūgu rū Abráūtanūxū nixīgū. Natūrū choma rū ta Abráūtanūxū chixī. ²³ Nūmagū rū nūgū yaxugūgu rū Cristuaxū napuracūe. Natūrū choma rū norū yexera Cristuaxū chapuracū. Rū ngēma ņachagūrū pexū woo pema nagu perūxīnūēgu na ņoma wūxi i āūāēxūrū chidexaxū. Rū ngēma duūxūgūarū yexera poraācū Tupanaāxū chapuracū. Rū norū yexera chapocxu, rū norū yexera choxū naçuaixgū ga duūxūgū. Rū muēxpūxcūna rū āūcūmaxūchixūwa chayexma rū wixguxūchi taēx choxū nimēxgū. ²⁴ Rū 5 ēxpūxcūna nixī ga 39 ga çuaximaā choxū napoxcu-gūxū ga chautanūxūgū ga Yudiūgū. ²⁵ Rū tomaēxpūxcūna nixī ga naīmaā choxū naçuaixgūxū, rū wūxicana ga nutamaā choxū inamuxūchīgūxū. Rū tomaēxpūxcūna nixī ga guma wapuru ga nagu chixūxūne rū chomaā inanguxū. Rū wūxicana ga yexguma chomaā inanguxgu ga wapuru rū wūxi ga chūtaxū rū wūxi ga ngunexū chinge na taxū ga taxtūarū ngāxūtūgu mūrāpewaētūgu chatunagūcūma chiwēxēxū. ²⁶ Rū poraācū nu ne chanaxū, rū poraācū āūcūmaxūwa chayexma yerū natīgū ga āūcūmaxūgu chixūgū, rū ngītēxgūxū rū chixēxū chomaā naxūgūchaū. Rū woo chautanūxūgū ga Yudiūgūtanūwa, rū woo yema duūxūgū ga tama Yudiūgū ixīgūxūtanūwa, rū woo īānegūwa, rū woo namagūwa, rū woo taxtū i taxūwa rū āūcūmaxūwa chayexma. Rū yema duūxūgū ga chomūcūgūneta ixīgūxūtanūwa rū ta āūcūmaxūwa chayexma. ²⁷ Rū poraācū chataarū puracūāx, rū muxūchixū ga guxchaxūgū choxū nangupetū. Rū muēxpūxcūna rū tama chape, rū chataiya, rū chīṭawa. Rū muēxpūxcūna rū tama chachibū, rū choxū nanadeyu, rū choxū nataxu ga chauxchiru. ²⁸ Rū naētūwa i guxūma i ngēma, rū guxū i ngunexūgu rū chaxoegaāē naxcēx i guxūma i ngēma yaxōgūxū i guxū i īānēwa ngēxmagūxū. ²⁹ Rū ngēxguma chi texē tama poragu, rū choxū rū ta nangux. Rū ngēxguma chi wūxie texēxū pēcadugu nguxēēgu, rū chauāēwa nangux i ngēma. ³⁰ Natūrū ngēxguma chi chaugū chicuēxūūchaūgu, rū tá chaugū chicuēxūū naxcēx na duūxūgū choxū dauxū na taxuwama chamexū. ³¹ Rū Tupana ya tóru Cori ya Ngechuchu ya Cristunatū ya mecū na guxūguma nūxū icuēxūūgūxū, rū nūxū nacuēx na aixcūma yīxū i ngēma nūxū chixuxū. ³² Rū yexguma Damacuwa chayexmagu, rū guma īānēarū āēxgacū ga Aretaarū ngūxēēruū, rū norū churagūxū namu na nūxna nadaugūxūcēx ga guma īānēarū pōxegūxūārū īāxgū na choxū yayaxgūxūcēx ga yexguma chi yēma ichaxūūxgu. ³³ Natūrū yema īānēarū pōxegūxūārū īāxācūwa rū wūxi ga pexchigu choxū inarūçhūxūetaūgū ga chomūcūgū. Rū yemaācū chiña naxchaxwa ga yema āēxgacū.

12

Tóru Cori rū Pauruxū nangoxētūxēē rū nūxū nūxū nacuēxēē ga ṭacu ga ēxūguxū

¹ Taxuwama name na texē tūgū icuēxūūxū. Natūrū tá pemaā nūxū chixuama na ņuxācū tóru Cori choxū nangoxētūxēēxū rū ņuxācū choxū nūxū na nacuēxēēxū ga ṭacu ga ēxūguxū. ² Rū 14 ga taunecū marū nangupetū ga na Tupana daxūgūxū ga naānēwa ga nūma inayexmaxūwa choxū nagaxū. Natūrū tama nūxū chacuēx rū chauāēwaxicatama nixī ga yēma choxū nagaxū, rū ēxna guxū ga chaxunemaā yīxū ga yēma choxū nagaxū. Rū Tupanaxīcatama nūxū nacuēx i ngēma. ³⁻⁴ Rū aixcūma meāma nūxū chacuēx na daxūgūxū ga naānēwa choxū nagaxū ga Tupana, natūrū tama nūxū chacuēx rū guxū ga chaxunemaā yēma choxū naga rū ēxna tama. Rū Tupanaxīcatama nixī ya nūxū cuācū i ngēma. Rū yēma nūxū chaxīnū ga ore ga ēxūgūxū i guxūma i duūxūgūna chuxuxū na nūxū yaxugūxū. ⁵ Rū choma rū chi name na chaugū naxcēx chicuēxūūxū i ngēma, natūrū tāūtāma ngēmaācū chanaxū. Erū ngēma ngūxū na chingēxūmaāxīcatama tá nixī i chaugū chicuēxūūxū. ⁶ Natūrū ngēxguma chi chaugū chicuēxūūchaūgu, rū tāū chima wūxi i ngēēmāre nixī i ngēma, erū aixcūma nixī i ngēma ore i nūxū chixuxū i chauchiga. Natūrū tama chaugū chicuēxūū na taxūema nagu rūxīnūxūcēx na ngēma chowa nūxū naxīnūēxū rū nūxū nadaugūxūārū yexera chīxū. ⁷ Natūrū tóru Cori rū tama nanaxwēxē

i poraãcũxũchima chaugũ namaã chicuẽxũxũ ga yema ãxũguxũ ga mexẽchixũ ga choxũ nũxũ nacuẽxẽxũ. Rũ yemacẽx chaxunewa nananguxẽẽ ga wũxi ga choxũ ngũxũ ñoma wũxi ya tuxu chaxunewa ingaxixũrũ. Rũ yema rũ ñoma wũxi ga Chatanáãrũ orearũ ngeruũrũ chauxũtawã nangu na choxũ nachixewexũcẽx na tama chaugũ chicuẽxũxũcẽx. ⁸ Rũ tomaẽxpũxcũna tũrũ Corina chaca na choxũ iyanaxoxẽãxũcẽx ga yema choxũ ngũxũ. ⁹ Natũrũ nũma ya tũrũ Cori rũ ñanagũrũ choxũ:

“Rũ cuma nũxũ cucuẽx na guũdguma cuxũ changechaũ, rũ ngẽxĩcatama nixĩ i cunaxwẽxexũ. Rũ ngẽma duũxũgũ i tama poraexũwa nixĩ i aixcũma chanangoxẽẽxũ i ñuxãcũ na chaporaxũ”, ñanagũrũ choxũ. Rũ ngẽmacẽx chataãẽ ega tama chaporagu. Erũ ngẽxguma tama chaporagu rũ ngẽxguma nixĩ i chowa inawẽãxũ i norũ pora ya Cristu. ¹⁰ Rũ ngẽma na Cristuxũ na changechaũxũgagu nixĩ i yaxna namaã chaxĩnũxũ ega woo chaturagu rũ woo ñacũ chomaã yaxugũegu i duũxũgũ. Rũ woo choxũ natauxgu i chorũ ngẽmaxũgũ, rũ woo duũxũgũ rũ chowe yangẽxũtanũgu, rũ woo guxchaxũgũ choxũ ngẽxmagu rũ Cristucẽx rũ yaxna namaã chaxĩnũ i guxũma i ngẽma. Erũ ngẽxguma chaturagu, rũ ngẽxguma nixĩ i yexeraãcũ Cristu choxũ poraxẽẽxũ.

Pauru rũ naxcẽx naxoegaãẽ ga yema yaxõgũxũ ga Corĩtiuwa yexmagũxũ

¹¹ Maneca ñoma wũxi i ãũãẽxũrũ chidexa, erũ ngẽmaãcũ chaugũ chicuẽxũ. Natũrũ pegagutama nixĩ i dũxwa ngẽmaãcũ chaugũtũwa chidexaxũ, yerũ pema chi nixĩ ga choxũ picuẽxũgũxũ, rũ tama i chomax. Rũ woo taxuwama chame i chomax, natũrũ taxuwama choxũ narũyexeragũ i ngẽma orearũ uruũgũneta i nawe perũxĩxũ. ¹² Rũ yexguma petanũwa chayexmagu, rũ yaxna pemaã chaxĩnũãcũma pexũ nũxũ chadauxẽẽ na aixcũma Cristu choxũ muxũ na nũxũ chixuxũcẽx ga norũ ore. Rũ cuẽxruũgũmaã pexũ nũxũ chacuẽxẽẽ ga yema. Rũ pexũ nũxũ chadauxẽẽ ga taxũ ga mexũgũ ga Tupanaãrũ poramaã ùxũ. ¹³ Rũ yexguma petanũwa chayexmagu rũ pemaã chamecũma yema guxũma ga togu ga yaxõgũxũmaã na chamecũmaxũrũtũma. Natũrũ wũxiwaxicatama nixĩ ga ichtũxũ yerũ ga petanũwa rũ tama ngĩxũ chayaxu ga ñũru yema togu ga yaxõgũxũtanũwa ngĩxũ chayaxuxũrũ. Rũ chanaxwẽxe i choxũ nũxũ pengechaũ i ngẽma. ¹⁴ Rũ ñuxma rũ marũ íchamemare na norũ tomaẽxpũxcũna pexũ íchayadauxũ. Rũ tãũtãma ñacũcẽx pexna chayaca. Erũ tama perũ ngẽmaxũgũcẽx petanũwa chaxũ, natũrũ pexcẽxũchi nixĩ i ngẽma chaxũxũ. Pema rũ chauxacũgũ pixĩgũ i Tupanaãrũ orewa. Rũ ngẽma papã rũ mamããrũ puracũ nixĩ na naxãcũgũna naxããxũ i ngẽma nũxũ taxuxũ. Rũ tama naxãcũgũarũ puracũ nixĩ na nanatũna rũ naẽna naxãgũãxũ. ¹⁵ Rũ choma rũ íchamemare na chorũ ngũchaũmaã pexcẽx ichanaxãxũ i guxũma i ñacũ i choxũ ngẽmaxũ rũ woo chaugũtama rũ ta na íchaxãxũ na aixcũma meã peyaxõgũxũcẽx. Natũrũ chauxcẽx rũ ngẽxguma yexeraãcũ pexũ changechaũgu, rũ pema rũ yexeraãcũ nũxũ perũxoetanũ na choxũ pengechaũxũ. ¹⁶ Rũ nũmaxũ i duũxũgũ i petanũwa, rũ woo nũxũ nacuẽxgũ na taguma ñacũcẽx pexũtawã íchaçaxũ, natũrũ nũmagũ rũ nũxũ nixugũama na pexũ chawomũxẽãcũma perũ ñũru ngĩxũ chayaxuxũ. ¹⁷ ¿Éxna pema nagu perũxĩnũẽgu rũ yema duũxũgũ ga petanũwa chamugũxũtawã pexũ chawomũxẽẽ? ¹⁸ Rũ Titumaã nũxũ chixu na petanũwa íyadauxũcẽx.

Rũ namaã yema chanamu ga yema to ga taeneẽ. ¿Éxna pema nagu perũxĩnũẽgu ga Titu rũ pexũ yema nayawomũxẽẽ? ¿Tama éxna aixcũma yĩxũ na chauxrũ meã na namaxũxũ rũ chauxrũ meãxũ mexũgu naxĩnũxũ ga Titux? ¹⁹ Bexmana pema tá nagu perũxĩnũẽ rũ ngẽmaãcũ tidexagũ, erũ toguẽtũwatama tachogũchaũ. Natũrũ, Pa Chaueneẽgũ ya Pexũ Tangechaũgũex, rũ Tupanaãpẽxewa rũ Cristuẽgagu nixĩ i tidexagũxũ na yexeraãcũ meã Tupanaãxũ peyaxõgũxũcẽx rũ yexeraãcũ meã na pemaxũcẽx. ²⁰ Erũ chaxoegaãẽ rũ ngẽxguma wena pexũ íchayadẽuxgu, rũ ngũrũãchi tama choma chanaxwẽxexũãcũma ípemaxẽ, rũ ngẽmacẽx i pema rũ tãũtãma chomaã petaãẽgũ. Rũ chaxoegaãẽ erũ ngũrũãchi tá pexũ íchayangau na pegũchi ípexaieũ, rũ pegũarũ ngẽmaxũcẽx pixãũxãchigũxũ, rũ pegũmaã penuẽxũ, rũ pegũguxicatama íperũxĩnũẽxũ, rũ pexoregũtẽẽxgũxũ, rũ toguãxũ pixuxũ, rũ pegũ picuẽxũtũgũxũ, rũ chixexũ ípexũxũ rũ ngẽmaãcũ chixrĩ ípemaxẽxũ. ²¹ Rũ chaxoegaãẽ rũ ngẽxguma wena petanũwa chaxũxgu, rũ ngũrũãchi Tupana rũ pegagu tá choxũ naxãnexẽẽ. Rũ ngũrũãchi ngechaũ tá choxna pexã, erũ muxẽma i petanũwa rũ marũ ñuxgumama pecadu taxũgũcha, rũ tama nũxũ tarũxoechaũ na Tupanaãpẽxewa chixexũ taxũgũxũ rũ ñaĩ i ngemaãmare na tamaxẽxũ rũ guxũma i togu i chixexũ na taxũgũxũ.

13

Pauru nayaxucũxẽ ga yema yaxõgũxũ ga Corĩtiucũãx rũ ñuxũchi nũxũ narũmoxẽ

¹ Ñuxma rũ norũ tomaẽxpũxcũna tá nixĩ na petanũwa chaxũxũ. Rũ Tupanaãrũ ore rũ tamaã nũxũ nixu rũ ngẽxguma texẽ chixexũ ùxgu rũ taxre rũ éxna tomaẽxpũx i duũxũgũ nũxũ daugũgu rũ nũxũ yaxugũgu na aixcũma yĩxũ, rũ aixcũma tá pocxu tũmamaã taxuegu

ya yixema chixexŭ ŭxe. ² Rŭ ngēmācēx i pema i ūpamamatama pecadu ŭgŭechaxe rŭ guxāma i pema ya chixri maxēxē, rŭ űuxma na woo pexna chayaxŭguxŭ rŭ wenaxārŭ pexna nŭxŭ chacuēxāchixēē rŭ ngēxguma tá ngema chaxŭxgu rŭ aixcŭma tá chanamexēē i guxŭma i ngēma chixexŭ i petanŭwa ngēxmaxŭ, rŭ tāūtāma chanangupetŭxēēmāre i ngēma. ³ Rŭ pema na naxcēx iperŭdaunŭxŭ na Cristu chowa idexaxŭ, rŭ ngēxguma ngema chaxŭxgu, rŭ ngēxguma tá nixi i nŭxŭ pedauxŭ na aixcŭma chowa na yadexaxŭ ya Cristu. Rŭ nŭma ya Cristu rŭ chowa tá pexŭ nŭxŭ nadauxēē na tama naturaxŭ natŭrŭ aixcŭma yanguxēēāxŭ i norŭ ore rŭ tŭxŭ napoxcuexŭ ya yixema chixexŭ ŭgŭxe. ⁴ Rŭ aixcŭma nixi ga Cristu ga űoma wŭxi ga duŭxŭ i turaxŭrŭ nŭgŭ yaxiēxŭ ga yexguma curuchawa yapotagu. Natŭrŭ i űuxma rŭ Tupanaārŭ poragagu namaxŭ. Rŭ ngēxgumarŭ i toma na norŭ duŭxŭgŭ tixigŭxŭ, rŭ taturae i toxonewa. Natŭrŭ ngēma na norŭ duŭxŭgŭ tixigŭxŭ, rŭ Tupanaārŭ poragagu tá tamaxē na pexŭ tarŭngŭxēēgŭxŭcēx. ⁵ Rŭ name nixi i pegŭtama pengugŭ na nŭxŭ pecuāxŭcēx ngoxi aixcŭma meā peyaxōgŭ. Rŭ name nixi i pegŭ pengugŭārŭ maxŭāx rŭ ngoxi Tupanapēxewa pime. ¿Tama ēxna nŭxna pecuēxāchie na Ngechuchu ya Cristu rŭ pewa nangēxmaxŭ ega aixcŭma peyaxōgŭgu? ⁶ Rŭ chierŭna nŭxŭ pecuēxgu na toma rŭ tama orearŭ uruŭgŭnetamare na tixigŭxŭ. ⁷ Rŭ Tupanana naxcēx taca na taxuŭma i chixexŭ na pexŭgŭxŭcēx. Rŭ tama duŭxŭgŭpēxewa togŭ itarŭtagŭxŭcēx nixi na ngēmaācŭ tayumŭxēgŭxŭ. Natŭrŭ Tupanana naxcēx taca i ngēma na aixcŭma meā naxcēx pemaxēxŭcēx woo duŭxŭgŭ nāgu rŭxŭnŭēgu na toma rŭ itatŭemarexŭ. ⁸ Toma rŭ taxucŭrŭwama chixri nachiga tidexagŭ i Tupanaārŭ ore i aixcŭma ixŭxŭ, erŭ toma rŭ naētŭwa tachogŭ i ngēma ore. ⁹ Rŭ tá tataāēgŭ ega aixcŭma peporaegu i perŭ maxŭwa rŭ ngēmācēx natauxgu i űacŭcēx pemaā na taporagaexŭ. Rŭ Tupanana tá naxcēx tacaama na pexŭ naporaxēēxŭcēx i perŭ maxŭwa na dŭxwa aixcŭma mexŭ i norŭ duŭxŭgŭ na pixigŭxŭcēx. ¹⁰ Rŭ naxŭpa na pexŭ na ichayadauxŭ nixi i pexcēx chanaxŭmatŭxŭ i űāā popera, na ngēxguma ngema changuxgu rŭ nataxuxŭcēx i űacŭcēx pemaā na chaporagaxŭ. Erŭ tŭrŭ Cori choxŭ namu na pexŭ charŭngŭxēēxŭcēx na yexeraācŭ meā peyaxōgŭxŭcēx, rŭ tama chixexŭ pemaā na chaxŭxŭcēx nixi i choxŭ namuxŭ. ¹¹ Rŭ űuxma na ichayacuēxēēxŭ i űāā popera, Pa Chaueneēgŭx, rŭ chanaxwēxe i meā pexŭ naxŭpetŭ rŭ naxcēx pedau na űuxācŭ aixcŭma meā Tupanacēx pemaxēxŭ. Rŭ name nixi i pegŭ petaāēxēēgŭ rŭ wŭxigu perŭxŭnŭē rŭ meā yaxna pegŭmaā pexŭnŭē rŭ aixcŭma pegŭ pengechaŭgŭ. Rŭ nŭma ya Tupana ya tŭxŭ ngechaŭcŭ rŭ tŭxŭ rŭngŭxmŭxēēcŭ, rŭ guxŭgutāma pemaā inarŭxŭxŭ. ¹² Rŭ chanaxwēxe i wŭxichigŭ i pema rŭ pegŭ pengechaŭgŭācŭma pegŭ perŭmoxēgŭ. ¹³ Rŭ guxŭma i togŭ i taeneēgŭ i yaxōgŭxŭ rŭ pexŭ narŭmoxēgŭ. ¹⁴ Rŭ űuxma rŭ chanaxwēxe i tŭrŭ Cori ya Ngechuchu ya Cristu pexŭ narŭngŭxēē, rŭ Tanatŭ ya Tupana rŭ pexŭ nangechaŭ, rŭ Naāē i Ūnēxŭ rŭ guxŭguma pemaā inarŭxŭxŭ.

Rŭ nuāma pexna,
Pauru

POPERA GA GÁRATAANEWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxē ga yema yaxōgŭxŭ ga Gárataaneärü İānegüwa yexmagŭxŭ

¹⁻² Pa Toeneēgü i Yaxōgŭxŭ i Gárataaneärü İānegüwa Ngēxmagŭxŭx, choma i Pauru rü namaā i guxŭma i taeneēgü i nuā chauxŭtawa ngēxmagŭxŭ nixŭ i pexcēx tanaxŭmatŭxŭ i űāā popera. Rŭ choxŭ nixŭ ga namugŭxŭ ga Ngechuchu ya Cristu rŭ Tanatŭ ya Tupana. Rŭ aixcŭma tama duŭxŭgŭ nixŭ ga choxŭ unetagŭxŭ na chanaxŭxŭcēx i űāā Tupanaärü puracŭ. Natŭrü Tanatŭ ya Tupana ga Ngechuchuxŭ İrŭdaxēēcŭ rŭ nŭmatam ya Ngechuchu ya Cristu nixŭ ga choxŭ naxunetagŭxŭ. ³ Rŭ chanaxwēxe i Tanatŭ ya Tupana rŭ tŭrü Cori ya Ngechuchu ya Cristu poraācŭ pexŭ narŭngŭxēē rŭ pexŭ nataāēxēē. ⁴ Rŭ nŭma ga tŭrü Cori ya Ngechuchu rŭ nügŭ inaxā na tŭrü pecaducēx nayuxŭcēx na nŭxna tŭxŭ İnanguxŭxēēxŭcēx i guxŭma i űoma i naāneärü chixexŭ. Rŭ yemaācŭ nanaxŭ, yerŭ yema nixŭ ga Tanatŭ ya Tupanaärü ngŭchaŭ. ⁵ İNamexēchi ya Tupana i guxŭguma! Rŭ ngēmaācŭ yŭ.

Nataxuma i to i ore i tŭxŭ maxēxēēxŭ

⁶ Rŭ yema na Cristuaxŭ pengechaŭtŭmŭgŭxŭcēx nixŭ ga pexna naxuxŭ ya Tupana na penayaxuxŭcēx i maxŭ i taguma gŭxŭ. Rŭ űuxma rŭ poraācŭ chabaixāchiāē, erŭ paxaxŭchi ipenaxŭgŭ na Tupanana pixŭgachixŭ, na nawe perŭxŭxŭcēx i to i nguxēētae i nagu perŭxŭnŭēgŭ rŭ pexŭ maxēxēēxŭ. ⁷ Natŭrü tama aixcŭma nangēxma i to i nguxēētae i nawa nayaxuxŭ i maxŭ i taguma gŭxŭ. Natŭrü nangēxma i űuxre i duŭxŭgŭ i pexŭ naguxchaxēēchaŭxŭ, rŭ nanaxŭchicŭgŭgŭchaŭ i ngēma nguxēētae i mexŭ ga pemaā nüxŭ chixuxŭ ga Cristuchiga. ⁸ Rŭ toma rŭ marŭ pexna tanaxā ga yema nguxēētae i aixcŭma ixŭxŭ i Ngechuchuchiga. Rŭ ngēxguma chi texē pexŭ ngŭxēēgŭ i to i nguxēētae, rŭ name nixŭ i noxtacŭma Tupana tŭxŭ napoxcu. Rŭ woo choma chixŭgŭ, rŭ ēxna taçŭ rŭ Tupanaärü orearŭ ngeruŭ i daxŭcŭāx yixŭgŭ i pexŭ nguxēēxŭ i to i nguxēētae, rŭ name nixŭ i noxtacŭma Tupana tŭxŭ napoxcu. ⁹ Rŭ űuxma rŭ wena pemaā nüxŭ chixu ga yema noxri pemaā nüxŭ chixuxŭ. Rŭ ngēxguma chi texē pexŭ ngŭxēēgŭ i wŭxi i to i nguxēētae i tama yema noxri peyaxuxŭrŭrü ixŭxŭ, rŭ name nixŭ i noxtacŭma Tupana tŭxŭ napoxcu. ¹⁰ Rŭ tama chomaā na petaāēgŭxŭcēx nixŭ i ngēma űachaxŭ. Erŭ tama naxcēx chadau na duŭxŭgŭ chomaā taāēgŭxŭ, natŭrü Tupana chomaā taāēxŭcēx nixŭ i chadauxŭ. Erŭ ngēxguma chi duŭxŭgŭxŭxŭcatama chataāēxēēchaŭgŭ, rŭ tāu chima Cristuarŭ puracŭtanŭxŭ chixŭ.

űuxācŭ Pauruxŭ nayaxu ga Tupana na norŭ puracŭwa namuāxŭcēx

¹¹ Natŭrü, Pa Chaueneēgŭx, chanaxwēxe i nüxŭ pecuēx na űāā ore i mexŭ i nüxŭ chixuxŭ, rŭ tama duŭxŭgŭāēwa yŭxŭ na ne naxŭxŭ. ¹² Yerŭ tama wŭxi ga duŭxŭxŭtawa naxcēx changux. Natŭrü Ngechuchu ya Cristutama nixŭ ga choxŭ nüxŭ cuēxēēcŭ. ¹³ Pema rŭ marŭ nüxŭ pexŭnŭēchiga na űuxācŭ chamaxŭxŭ ga űpa ga yexguma Yudŭgŭcŭmagu chixŭxŭgu. Rŭ nüxŭ pexŭnŭēchiga na űuxācŭ poraācŭ nawe chingēchigŭxŭ ga guxŭma ga Tupanaärü duŭxŭgŭ ga yaxōgŭxŭ rŭ űuxācŭ chixri namaā na chaxŭpetŭxŭ na yemaācŭ nüxŭ nüxŭ charŭxoxēēxŭcēx ga yema na Ngechuchuxŭ yaxōgŭāxŭ. ¹⁴ Rŭ muxŭma ga chautanŭxŭgŭ ga Yudŭgŭ ga chorŭ nayaāxgŭraŭxŭtārŭ yexera nagu chixŭ ga yema Yudŭgŭcŭma. Yerŭ norŭ yexera meāma chayanguxēē ga nacŭmagŭ ga nuxcŭmaŭgŭxŭ ga chorŭ oxigŭ nagu İxŭ. ¹⁵⁻¹⁶ Natŭrü yexguma tautama chabuxgu, rŭ woetama Tupana choxŭ naxuneta na choxŭ namuxŭcēx na chanaxŭxŭcēx i norŭ puracŭ. Rŭ nŭma rŭ chauxcēx naca na noxŭrü chixŭxŭcēx yerŭ poraācŭ choxŭ nangechaŭ. Rŭ yexguma Tupana naxwēxegu, rŭ choxŭ nüxŭ nacuēxēē ga Nane ya Cristu. Rŭ yemaācŭ nanaxŭ na ngēma duŭxŭgŭ i tama Yudŭgŭ ixŭgŭxŭmaā nüxŭ chixuxŭcēx na űuxācŭ Ngechuchugagu tŭxŭ nangēxmaxŭ i maxŭ i taguma gŭxŭ. Rŭ yexguma yemaācŭ Tupana choxŭ nüxŭ cuēxēēgŭ ga Nane, rŭ taxŭenama chayaca. ¹⁷ Rŭ bai ga Yerucharēŭwa na chaxŭxŭ na nŭxna chayaçaxŭcēx ga yema togŭ ga ngŭxēēgŭ ga nŭxŭra Tupana imugŭxŭ. Natŭrü ga choma rŭ yexgumatama Arabŭaaneawa chaxŭ. Rŭ yemawena, rŭ Damacuarŭ İānecēx chataegu. ¹⁸ Rŭ tomaēxpŭx ga taunecŭguwena rŭ dŭxwa Yerucharēŭwa chaxŭ na Pedruxŭ chacuāxŭcēx. Rŭ ¹⁵ ga ngunexŭtama naxŭtawa chayexma. ¹⁹ Rŭ yēma nüxŭ chadau ta ga Chaŭtiāgu ga tŭrü Cori naēneē. Natŭrü taxuŭma ga togŭ ga ngŭxēēgŭ ga tŭrü Cori imugŭxŭxŭ chadau. ²⁰ Rŭ Tupana choxŭ nadau na aixcŭma yŭxŭ i ngēma ore i űuxma pexcēx chaxŭmatŭxŭ. ²¹ Rŭ yemawena, rŭ Chŭriāaneawa rŭ Chŭriçhiaaneawa chaxŭ. ²² Natŭrü yema taeneēgŭ ga Cristuaxŭ yaxōgŭxŭ ga Yudēaaneawa yexmagŭxŭ, rŭ taguma choxŭxŭchi nadaugŭ. ²³ Rŭ yema nüxŭ naxŭnŭēxŭ ga chauchiga rŭ űāāxŭcatama nixŭ:

“Rü ngēma Pauru ga ūpa tawe ingēchigūxū, rü ñuxma rü duūxūgūmaā nūxū nixu i Tupanaārū ore i mexū, rü namaā nayaxucūxē na Cristuaxū yaxōgūāxūcēx. Rū ngēmaācū nanaxū i ñuxma rü woo ga noxri rü inayanaxoxēēchaū ga yema ore”, ñaxū. Rū yexicatama nixī ga chauchiga ga nūxū naxīnūēxū. ²⁴ Rū yexguma ga yema duūxūgū rü Tupanaxū nicuēxūūgū nagagu ga yema Tupana chomaā ūxū.

2

Yema togū ga ngūēxūgū ga Tupana imugūxū rü meā Pauruxū nayauxgū

¹ Rū 14 ga taunecūwena rü wenaxārū Yerucharēūwa chaxū namaā ga Bernabé. Rū Titu rü ta ichayaga. ² Rū yéma chaxū yerū Tupana choxū nūxū nacuēxēē ga na nanaxwēxēxū na yéma chaxūxū. Rū yéma Yerucharēūwa, rü yema yaxōgūxūārū āēxgacūgūmaāixicatama changutaquēxe. Rū meāma namaā nūxū chixu ga nachiga ga yema Tupanaārū ore i mexū ga nūxna chaxāxū ga yema duūxūgū i tama Yudiūgū ixīgūxū. Rū yemaācū meāma namaā nūxū chixu na ñuxācū na yīxū ga chorū nguxēētae, yerū tama chanaxwēxe na yixcūra rü choxū nūxū naxoexū rü ngēmaācū natūcēxmamare na yīxū i ngēma puracū i chaxūxū. ³ Rū yema yaxōgūxū, rü nūmagū rü ta norū me nixī ga yema chorū nguxēētae. Rū yemacēx rü woo tama Yudiū na yīxū ga Titu rü taguma na inawiechēxmūpēxechiraūxū, natūrū yema āēxgacūgū rü tama nanamu na inawiechēxmūpēxechiraūxūcēx. ⁴ Natūrū aixcūma nixī ga ñuxre ga taeneēgūneta ixīgūxū ga bexmamare tatanūgu nachocuxū. Rū yemagū nixī ga naxwēxegūxū na inawiechēxmūpēxechiraūxū i ngēma yaxōgūxū i tama Yudiūgū ixīgūxū. Rū ñuxma na Ngechuchu ya Cristuarū duūxūgū ixīgūxū, rü yema taeneēgūneta rü bexma tatanūgu nachocu na tūxū nangugūxūcēx na ñuxācū Cristu nūxna tūxū īngūxūxēēxū ga yema mugū ga Moiché ūmatūxū. Yerū nūmagū nanaxwēxegū na wenaxārū nagu ixixū ga yema mugū ga guxchaxū ga Moiché ūmatūxū. ⁵ Natūrū bai ga irarūwa naga na taxīnūēxū ga yema duūxūgū. Yerū tama tanaxwēxegū na texé pexū naxūchicūūxū i ngēma ore i mexū i aixcūma ixixū i tamaā nūxū ixuxū i ñuxācū tūxū na nangēmaxū i maxū i taguma gūxū ega Cristuaxū yaxōgūgu. ⁶ Natūrū yexguma yema yaxōgūxūārū āēxgacūgū ga Yerucharēūwa yexmagūxū nūxū īnūēgu ga ñuxācū na yīxū ga chorū nguxēētae, rü namaā nataāēgū rü taxuūma ga tacū ga togū ga mugū choxna naxāgū na namaā changūēxēētaeūcēx. Natūrū tama yema na āēxgacūgū yixīgūxūgu charūxīnū, erū nūxū chacuēx na Tupanapēxewa rü guxāma na wūxigūxū. ⁷ Natūrū nūmagū ga yema āēxgacūgū, rü nūxū nicuēxāchigū na choxū yīxū ga namuxū ga Tupana na yema duūxūgū ga tama Yudiūgū ixīgūxūmaā nūxū chixuxūcēx ga norū ore i mexū, yexgumarūū ga Pedruxū na namuxūrūū ga Tupana na Yudiūgūmaā nūxū yaxuxūcēx ga yema ore. ⁸ Rū gumatama Tupana ga Pedruxū mucū na Yudiūgūmaā nūxū na yaxuxū ga ore i mexū, rü gumatama Tupana nixī ga choxū mucū na yema duūxūgū ga tama Yudiūgū ixīgūxūmaā nūxū chixuxūcēx ga yema ore. ⁹ Rū yemacēx ga Chaūtiāgu rü Pedru rü Cuāū ga yaxōgūxūārū āēxgacūgū, rü nūxū nicuēxāchigū na choxū naxunetaxū ga Tupana na chanaxūxūcēx i ngēma puracū. Rū yemacēx ga yema āēxgacūgū, rü tomēē niyaxūāchigū ga choma rü Bernabé na toxū nūxū nadauxēēgūxūcēx na aixcūma namūcūgū tixīgūxū i ngēma puracūwa. Rū nūmagū rü ta norū me nixī na ngēma duūxūgū i tama Yudiūgū ixīgūxūtanūwa na tanaxūxū i Tupanaārū puracū rü nūmagū i Yudiūgūtanūwa. ¹⁰ Rū toxna naxcēx naca na nūxū tarūngūxēēgūxūcēx ga yema yaxōgūxū ga ngearū dīeruāxgūxū. Rū yexicatama nixī ga toxna nūxū nacuēxāchicūēxū. Rū choma rü ta ngēmatama nixī i guxūguma woetama meāma chaxūxū.

Pauru rü Aūtioquāwa Pedruxū naxucūxē

¹¹ Natūrū yixcūra ga yexguma Aūtioquāwa naxūxgu ga Pedru, rü noxtacūma nūxū nūxū chaxīnūxēē, yerū tama aixcūma name ga yema naxūxū namaā ga yema yaxōgūxū ga tama Yudiūgū ixīgūxū. ¹² Yerū noxri rü yema duūxūgū ga tama Yudiūgū ixīgūxūmaā nachibū ga Pedru. Natūrū yexguma yéma nangugūgu ga ñuxre ga Yudiūgū ga yaxōgūxū ga Chaūtiāgu yéma mugūxū, rü Pedru rü marū tama yema duūxūgū ga tama Yudiūgū ga yéma ngugūxū ga nagu īxū ga yema nacūma na Tupanacēx inawiechēxmūpēxechiraūgūxū. ¹³ Rū yema togū ga Yudiūgū ga yaxōgūxū, rü yexguma nūxū nadaugūgu ga yema Pedru ūxū, rü nūmagū rü ta nanaxūgū ga yema chixexū rü naxcēx nawoeguchaū ga yema nuxcūmaūgūxū ga nacūmagū. Rū dūxwa ga Bernabé rü ta natanūgu naxā ga yema chixexū ūgūxū. ¹⁴ Natūrū yexguma nūxū chadēuxgu na tama Tupanaārū ore i mexū tūxū nguxēēxūācūma na namaxēxū ga yema yatūgū, rü guxū ga yaxōgūxūpēxewa Pedruxū nūxū chaxīnūxēē. Rū ñacharūgū nūxū:

“Rū dūcax i cuma na Yudiūchirēx quīxū, cuma rü tama aixcūma Yudiūgūcūmagu quixū. ¿Rū ñuxācū i ñuxma i cunamuxū na Yudiūgūcūmagu naxīxū i ngēma duūxūgū i tama Yudiūgū ixīgūxū?” ñacharūgū nūxū.

Yudiūgū rü woo ngēma duūxūgū i tama Yudiūgū ixīgūxū rü norū ōgagu nixī i nayauxgūāxū i maxū i taguma gūxū

¹⁵ Rū pemaā nūxū chixu rū toma rū aixcūma torū bucūmatama Yudiūgū tixīgū rū Tupanaxū tacuēxgū. Rū ngēmaācū tama duūxūgū i tama Tupanaxū cuēxgūxū tixīgū. ¹⁶ Rū nūxū tacuēxgū rū yema nuxcūmaūgūxū ga mugū ga Moīché ūmatūxū rū tama tūxū nimexēē i Tupanapēxewa, erū taxucūrūwama texé aixcūma naga taxīnūē i ngēma mugū. Natūrū i űuxma rū Tupana tūxū nadau na imexū ega Ngechuchu ya Cristuaxū yaxōgūgu. Rū yemacēx ga toma rū ta Ngechuchu ya Cristuaxū tayaxōgū na torū ōgagu Tupana toxū nadauxū na timexū. Erū nūxū tacuēxgū rū tama ngēma mugūgagu nixī na Tupanapēxewa tamexū ya wūxie, erū taxucūrūwama texé aixcūma naga taxīnū i ngēma mugū na ngēmaācū Tupanapēxewa tamexūcēx. ¹⁷ Rū űuxma i yixema rū Cristuaxū tayaxōgū, rū ngēmacēx nixī i Tupanapēxewa imexū. Natūrū ngēxguma chi wūxi i ngunexūgu rū yixema nagu rūxīnūēgu rū mugūgu na ixīxūgagu yixīgu na Tupanapēxewa imexū, rū maneca tá nagu tarūxīnūē na Cristu tūxū pecaduāxēēxū. Natūrū dūcax, rū tama ngēmaācū nixī erū Cristu rū tagutāma texēxū napecaduāxēē. ¹⁸ Choma rū marū nūxū charūxo na nagu charūxīnūxū na mugūgu chixūxūgagu Tupanapēxewa chamexū. Natūrū ngēxguma chi wenaxārū naxcēx chataegugu i ngēma nuxcūmaūgūxū i mugū rū chi nūxū charūxoxgu na Cristuaxū chayaxōxū, rū chi aixcūma wūxi i pecaduāxū chixī. ¹⁹ Yerū yexguma yema mugūwa changuxgu, rū dūxwa nūxū chicuēxāchi na tama yanguxū ga yema mugū na choxū namexēēxū Tupanapēxewa. Yerū taxucūrūwama aixcūma naga chaxīnū ga guxūma ga yema mugū. Rū ngēmacēx i űuxma rū Cristuaxū chayaxō na Tupanapēxewa chamexūcēx rū naxcēxicatama chamaxūxūcēx. Rū Cristu rū curuchagu nayu na iyanaxoxūcēx ga nuxcūmaūxū ga chorū maxū ga choxū yexmaxū ga yexguma yema mugūgu chixūxgu. ²⁰ Rū űuxma rū marū tama chaugūmaātama ichacuēx, natūrū Cristu nixī ya chomaā icuācū erū chowa namaxū. Rū űuxma rū Tupana Nane ya Cristuaxū chayaxōcūma nixī i chamaxūxū i űoma i naānewa. Rū nūma nixī ga choxū nangechaūxū, rū nūgū inaxāxū na chauxcēx nayuxūcēx. ²¹ Rū tama nūxū chaxoxchaū i ngēma mexū ga Tupana taxcēx ūxū ga yexguma nayuxgu ga Cristu. Yerū yexguma chi yema mugūgu ixīxūgagu Tupanapēxewa imexgu, rū natūcēxmamare chi nixī ga na nayuxū ga Cristu.

3

űuxma rū tama ngēma mugūgu taxī erū marū Cristuaxū tayaxōgū

¹ Pa Chaueneēgū i Gárataanecūāx, pema rū pengēāēgūmare. Rū yexguma petanūwa tayexmagūgu rū meāma guxāpēxewa pemaā nūxū tixu rū pexcēx tanangōxēē na űuxācū curuchagu taxcēx nayuxū ga Ngechuchu ya Cristu. ¿Rū texé pexū yawomūxēē i űuxma na tama naga pexīnūēxūcēx i ngēma ore i aixcūma ixīxū ga pemaā nūxū tixuxū? ² Rū wūxi i orecēx pexna chaca, rū ¿űuxācū yīxū ga penayaxuxū ga Tupanaāē i Ūūnexū? ¿Éxna pexcēx rū yema mugū na pinguxēēgūxūgagu yīxū ga penayaxuxū, rū éxna ngēma ore i mexū ga nūxū pexīnūēxū rū pixōgūxūgagu yīxū? ³ Pema rū pengēāēgūmare rū porācū ípetūe. Noxri rū Cristuaxū peyaxōgū yerū Tupanaāē i Ūūnexū pewa napuracū. ¿Rū űuxācū i űuxma i nagu perūxīnūēxū na wenaxarū naxcēx pewoeguxū i ngema nuxcūmaxūxū i mugū i taguma maxū pexna āxū? ⁴ Pema rū porācū Tupana pexū narūngūxēē. Rū chierū tama natūcēxmamare yixīgu ga yema, erū taxucūrūwa natūcēxmamare nixī. ⁵ Rū yexguma Tupana pexna namuxgu ga Naāē i Ūūnexū rū petanūwa naxūāgu ga taxū ga mexūgū ga norū poramaā naxūxū, rū ¿tacūgagu nixī ga naxūāxū ga yema? ¿Pexcēx rū mugū na pinguxēēxūgagu yīxū ga Tupana naxūxū ga yema? Tama yemagagu nixī. Tupana rū petanūwa nanaxū ga yema taxū ga mexūgū yerū nūxū peyaxōgū ga norū ore ga nūxū pexīnūēxū. ⁶ Rū dūcax, pemaā nūxū chixu rū name nixī i nuxcūmaūcū ga torū ōxi ga Abrāūrū pixīgū. Yerū Abrāūrū rū Tupanaāxū nayaxō, rū yemacēx Tupana nūxū nadau ga na namexū. ⁷ Rū ngēmawa nūxū pedau rū ngēma duūxūgū i Tupanaāxū yaxōgūxū nixī i aixcūma Abrāūrūtanūxū ixīgūxū i Tupanapēxewa. ⁸ Rū Tupanaārū ore i ūmatūxūwa rū nūxū nixu na űuxācū Tupanapēxewa tá na yamexū i ngēma duūxūgū i yaxōgūxū i woo tama Yudiūgū ixīgūxū. Rū yemaācū nūxū nixu naxūpa ga na nangupetūxū. Yerū Tupana rū nuxcūmamamata Abrāūrūmaā nūxū nixu ga űāā ore i mexū i űaxū:

“Rū cugagu tá nūxū charūngūxēē i guxūma i nachīūānecūāx i duūxūgū”,

űaxū. Rū yemaācū nūxū tacuēx rū Cristu rū Abrāūrūtaa na yīxū. ⁹ Rū ngēmacēx i űuxma rū Tupana nanayaxu i guxūma i duūxūgū i yaxōgūxū, yexgumarūū ga Abrāūrū ga yaxōcūxū na nayaxuxūrū. ¹⁰ Natūrū chixexūwa nangēxmagū i guxūma i ngēma duūxūgū i nagu rūxīnūēxū na mugū yanguxēēgūxūgagu Tupanapēxewa yamexū. Erū Tupanaārū ore i ūmatūxūwa rū űanagūrū:

“Rū guxūma i duūxūgū i tama aixcūma yanguxēēgūxū i guxūma i ngēma mugū i ūmatūxū, rū chixexūwa nangēxmagū”,

ñanagürü. Erü nüxü tacuëxgü na taxucürüwama aixcúma texé yanguxëëxü i guxüma i ngëma mugü. ¹¹ Rü ngëmaäcü meäma nangox na tama ngëma mugü tinguxëëxücëx yixü na texé Tupanapëxewa mexü. Erü Tupanaärü ore i ümatüxüwa rü ñanagürü:

“Rü yixema tümaärü ögagu Tupanapëxewa mexë, rü yixema tá tixi ya aixcúma tüxü nangëxmaxë i maxü i taguma güxü”,

ñanagürü. ¹² Natürü ngëxguma naxu rüxnüëgu na mugü inguxëëxücëx yixü na Tupanapëxewa imexü, rü taxucëx chima tüxcüü tayaxögü. Erü Tupanaärü orewa rü ngëmachiga naxümatü, rü ñanagürü:

“Rü yixema aixcúma meäma yanguxëëxë i guxüma i mugü, rü ngëmagagu tá tüxü nangëxma i tümaärü maxü”,

ñanagürü. Natürü ngëma mugü rü düxwa chixëxüwa tüxü naga erü taxucürüwama texé aixcúma meä tayanguxëë. ¹³ Natürü ga Cristu rü nawa tüxü ñanguxüxëë ga yema mugü ga chixëxüwa tüxü yexmagüxëëxü. Rü taxcëx nixi ga chixëxüwa nayexmaxü ga yexguma curuchagu nayuxgu. Erü Tupanaärü ore i ümatüxüwa, rü ñanagürü:

“Rü guxäma ya yixema wüxi i naüwa tüxü natuxëëgüäcüma yüxe, rü chixëxüwa tangëxma”, ñanagürü. ¹⁴ Rü yemaäcü curuchagu nayu ga Ngechuchu ya Cristu na nüxü nangüxëëxücëx i guxüma i ngëma duüxgü i tama Yudiügu ixigüxü, yema Tupana Abräuäma ixunetaxürü. Rü taxcëx rü ta nayu ga Cristu na yixema rü ta nüxü yaxögüxücëx rü nayauxgüxücëx i Tupanaäë i Üünexü i tamaä inaxunetaxü.

Tupanaärü uneta rü ngëma mugüari yexera name

¹⁵ Pa Chaueneëgüx, ñuxma rü tá pemaä nüxü chixu i wüxi i cuëxruü na ñuxäcü duüxgü tacü nügümaä mexëëxü. Rü dücax, ngëxguma chi wüxi ya yatü rü texëmaä tacüçëx inaxunetagu rü chi wüxi i poperagu meä naxümatüägu i ngëma, rü taxucürüwama texé itayanaxoxëë rü ëxna tanaxüchicüü i ngëma norü uneta. ¹⁶ Rü dücax, rü yexgumarüütama nixi ga nangupetüxü ga yexguma Tupana rü Abräuäma rü Abräuätaamaä inaxunetagu. Rü Tupanaärü ore i ümatüxüwa rü tama “Abräuätaagü” ñanagürü, yerü tama muxüma ga duüxgüchiga nidexa. Natürü yema ore rü “Abräuäta” ñanagürümare, yerü wüxitäma ga duüxgüchiga nixi ga yadexaxü. Rü yema rü Cristuchiga nixi. ¹⁷ Rü ngëmaäcü pemaä chanangoxëë na Tupana rü Abräuämaä namexëëäxü rü namaä inaxunetaxü na Cristugagu tá yixü i duüxgüxü nangüxëëxü. Rü ngëmacëx i ñuxma rü yema Moiché ümatüxü ga mugü ga 430 ga taunecü yema unetawena ingüxü, rü taxucürüwama inayanaxoxëë ga yema Tupanaärü uneta ga nüxira Abräuämaä nüxü yaxuxü. Rü ngëmacëx i ñuxma rü ta napora i ngëma uneta. ¹⁸ Rü ngëxguma chi mugü inguxëëgüxügagu yixüga na Tupana tüxü rüngüxëëxü, rü natüçëxmamare chi nixi ga yema Tupanaärü uneta ga nüxira Abräuämaä nüxü yaxuxü. Natürü aixcúma nixi na ngetanüäcüma Abräuäxü nangüxëëxü ga Tupana, yerü yemaäcü marü namaä inaxuneta. ¹⁹ Rü ñuxma rü ¿tacüwa namexü ga yema mugü ga Moiché ümatüxü? Rü dücax, Tupana rü marü Abräuämaä inaxunetaguwena nixi ga duüxgüna naxäaxü ga yema mugü, na yemaäcü duüxgüxü nüxü nadauxëëxücëx na ñuxäcü poraäcü pecadu naxüexü. Rü yemaäcü nixi ñuxmata ñangu ga yema Abräuäta ya Cristu. Rü gumachiga nixi ga Abräuämaä inaxunetaxü ga Tupana ga noxrix. Rü yexguma ñanguxgu ga yema mugü, rü Tupana rü daxüçüäx ga norü orearü ngeruügümaäxira nüxü nixu. Rü yemagü nixi ga nüxi Moichémaä nüxü ixugüxü, rü nüma ga Moiché rü duüxgümaä nüxü nixu. ²⁰ Natürü yexguma Tupana Abräuämaä ixunetagu, rü nümaxüchima ga Tupana nixi ga Abräuämaä nüxü yaxuxü ga yema norü uneta. Rü tama togümaäxira nüxü nixu na yemagü nüxi Abräuämaä nüxü ixugüxücëx.

Tacüçëx duüxgüna nanaxä ga Tupana ga yema mugü

²¹ ¿Rü ñuxü ñapegüxü i ñuxmax? ¿Pexcëx ëxna rü yema Moiché ümatüxü ga mugü rü inayanaxoxëë i Tupanaärü unetagu? Rü dücax, tama ngëmaäcü nixi. Yerü yexguma chi raporagu ga yema mugü na tüxna naxäaxü i maxü i taguma güxü, rü chi Tupanapëxewa time i ngëxguma meäma yanguxëëgu. ²² Natürü tama ngëmaäcü nixi. Erü Tupanaärü ore i ümatüxüwa nüxü tadau na guxüma i duüxgü rü pecadutüwa nangëxmagüxü. Rü ngëmacëx i ñuxma rü yixema Ngechuchu ya Cristuaxü yaxögüxëxicatama tixi ya nayauxgüxe i ngëma maxü i aixcúma mexü i Tupana tamaä ixunetaxü. ²³ Rü yexguma tauta ñanguxgu ga Cristu na nüxü yaxögüxücëx, rü mugütüwa tayexmagü rü tamaä inacuëx. Rü yemaäcü tixigü rü ñuxmata Tupana taxcëx nangoxëë ga Ngechuchu ya Cristu na nüxü yaxögüxücëx. ²⁴ Rü yemaäcü ga yema mugü rü tamaä inacuëx ñuxmata Cristuxütawa tüxü nagagü na nüxü yaxögüxücëx rü ngëmaäcü Tupanapëxewa imexüçëx. ²⁵ Natürü i ñuxma na marü nüma nanguxü ya Cristu na nüxü yaxögüxücëx, rü marü tama ngëma mugütüwa tangëxmagü. Rü ñuxma rü marü taxucëxma tüxcüü tamaä inacuëx i ngëma mugü. ²⁶ Rü ñuxma na Ngechuchu ya Cristuaxü peyaxögüxü, rü Tupanaxäcügü pixigü i guxäma i pemax. ²⁷ Rü ñuxma na Cristuégaгу ipebaiüxü, rü Cristuarü pixigü rü nüma rü pemaä

inacuéx na naxrüü pixíğüüxcéx. ²⁸ Rü ñuxma rü Tupanapéxewa rü nüetama nixí ega woo Yudiüğü pixíğüü rü éxna tama. Rü nüetama ega woo wüxi i coriarü duüxüğü pixíğüü rü éxna taxúxearü duüxüğü pixíğüü. Rü nüetama ega woo piyatüğü rü éxna pingexgu. Erü ñuxma na Ngechuchu ya Cristuarü duüxüğü na pixíğüü, rü wüxitama i duüxü pixíğü i guxāma i pemax. ²⁹ Rü ñuxma na Cristuarü pixíğüü, rü ngémacéx waxi nixí na aixcūma Abráütaagü pixíğüü. Rü ngémacéx i pema rü tá ta penayaxu i guxūma ga yema Abráümaā inaxunetaxü ga Tupana.

4

¹ Rü dücax, ngéxguma wüxi i buxü yunatüğü, rü ngéma buxü rü tama ngéxgumatama nanayaxu i nanatüarü ngémaxüğü. Rü woo guxūma i nanatüarü ngémaxüdü rü yora yixüğü, natürü ngéxürüüxü i nanatüarü puracütanüxürüümare nixí ñuxmata nayéx. ² Rü ngémacéx nangéxma i ngéma buxüdü dau ruü i namaā icuáxü rü nüxü nüxna dauxü i ngéma nanatüarü ngémaxüğü ñuxmata nawa nangu ya yima taunecü ya noxri nanatü nagu unetacü na ngéma buxü rü nügümaā inacuéxüxcéx. ³ Rü yexgumarüü nixí ga tamaā nangupetüxü ga noxrix. Yerü yexguma tauta Cristuxü icuéxgu, rü natüüwa tayexmagü ga yema naāégü i chixexüğü i ñoma i naānemaā icuéxgüxü. ⁴ Natürü yexguma nawa nanguxgu ga yema ngunexü ga inaxunetaxü ga Tupana, rü nūma nanamu ga Nane. Rü duüxüğü rü wüxi ga ngewa nabu ga guma Nane. Rü yema Moiché úmatüxü ga mugütüüwa nayexma ga yexguma nabuxgu. ⁵ Rü yemaācü nūma nangu ga Tupana Nane na tüxü ínanguxüxéxüxcéx i guxāma i yixema ga noxri mugütüüwa na iyexmagüxü. Rü yemaācü tüxü narüngüxéé ga nūma ga Tupana Nane na Nanatü ya Tupanamaā tüxü yaxuxüxcéx na aixcūma naxācüğüüchi ixíğüü. ⁶ Rü Tupana pexna nanamu ga Naāé i Üünexü na pexü nüxü nadauxéxüxcéx na aixcūma naxācüğüüchi pixíğüü. Rü ngémacéx i ñuxma rü marü name i “Pa Chaunatüx”, ñaperüğü nüxü ya Tupana. ⁷ Rü ngémacéx i ñuxma rü Tupanaxācüüchi quixí, rü tama wüxi i norü duüxümare quixí. Rü ñuxma na naxācüüchi quixü, rü norü ngüchaü nixí na cuxna naxāxü i guxūma i Ꞥacü i noxri ixixü.

Pauru rü yema yaxöğüüxcéx naxoegaāé

⁸ Rü üpa ga yexguma tauta Tupanaxü pecuéxgu, rü perü tupananetagütüüwa peyexmagü rü nüxü picuéxüğü ga yema tama aixcūma Tupana ixíğüü. ⁹ Natürü i ñuxma na Tupanaxü pecuáxü rü nūma rü na pexü nacuáxü, rü Ꞥtüxcüü wena naxcéx pewoeguchaü i ngéma naāégü i chixexüğü i ñoma i naānemaā icuéxgüxü? ¿Rü tüxcüü penaxwéx na wena natüüwa pegü pengéxmagüxéxü i ngéma naāégü i tama aixcūma poraéü i natücxemamare ixíğüü? ¹⁰ Rü dücax i pemax, rü ñuxma rü ta ngéma nuxcūmaüğüü i Yudiügücümagu pexíāma woo Cristuaxü na peyaxöğüü. Erü penaxaure i ñuxre i ngunexüğü rü ñuxre ya taumacüğü rü ñuxre ya taunecüğü rü ñuxre i petagü, erü nagu perüxñüé na ngémaācü Tupanapéxewa tá pimexü. ¹¹ Rü ngémacéx poraācü chaxoegaāé, erü ngürüächí natücxemamare tá nixí ga yema puracü ga petanüwa chaxüxü. ¹² Pa Chaueneéüx, pexü chacéxü na chauxrüü nüxü perüxoexü na nagu pexixü i ngéma Yudiügüarü mugü. Erü ñuxma na Cristuwe charüxüxü rü marü nüxü charüxo na nagu chixüxü ga yema mugü ga üpa tama nagu pexixü. Rü dücax, yexguma noxri petanüwa chayexmagu rü tama choxü pexo, rü ngémacéx chanaxwéx i ñuxma rü ta chauga pexñüé. ¹³ Rü pema rü marü nüxü pecuéxü rü yexguma noxri pemaā nüxü chixuxgu ga Tupanaärü ore i mexü, rü yema na chidaawexügagu nixí ga petanüğü charüxüxü rü pemaā nüxü chixuxü ga Tupanaärü ore. ¹⁴ Rü yema ðaawe ga choxü yexmaxü, rü woo pexcéx rü wüxi ga wéxtümüü nixí, natürü tama choxü pexo rü tama choxü ípetéxüchi. Natürü meāma choxü peyaxgü ñoma wüxi ga Tupanaärü orearü ngerüü i daxücüāx chixürüü. Rü ñoma Ngechuchu ya Cristu chixürüü, meāma choxü peyaxgü. ¹⁵ ¿Natürü Ꞥacü éxna nangupetü namaā ga yema perü taāé ga noxri pexü yexmaxü? Erü pemaā nüxü chixu rü noxri petanüwa chayexmagu rü poraācü chomaā petaāégü. Rü yexguma chi pexü natauxchagu, rü pemaā nanguxüğü, rü chi pexetü peyaxu na choxna penaxāxüxcéx, yerü yemaācü poraācü chomaā petaāégü ga yexguma. ¹⁶ ¿Natürü Ꞥacü pexü naxüpetü i ñuxmax? ¿Pexcéx rü éxna perü uwanü chixí yerü pemaā nüxü chixu ga Tupanaärü ore i aixcūma ixixü? ¹⁷ Rü ngéma duüxüğü i pexü ngüxéxü na Yudiügücümagu na pexixüxcéx, rü pegu narüxñüénetā, tama aixcūma Ꞥacü rü mexüxcéx nadaugü. Erü nūmagü rü toxna pexü nixígachixééchaü na ngémaācü naga pexñüéxüxcéx. ¹⁸ Rü ngéma togü rü marü name na pegu naxñüéxü, natürü nanaxwéx na perü mexüxcéx nadaugüxü i guxüguma. Rü tama name na petanüwa changéxmagüxicatama perü mexüxcéx na nadaugüxü i ngéma togü. ¹⁹ Pa Chauxacügüx, wenaxärü ñoma wüxi i mama ngíxācūmaā ngüxnecacürüü poraācü pexcéx ngüxü chinge na aixcūma meā Cristuaxü peyaxöğüüxcéx rü aixcūma naxcéx na pemaxéxüxcéx. Rü ngémaācü tá chixí ñuxmatāta Cristu naxwéxüxü rüü pixíğü i perü maxüwa. ²⁰ Rü chierü ñuxmatama pexütawa changéxmagu na pemaā

chixu, rü tama Tupana ga noxri pexcëx çacü nixi ya yima pexü nüxü oócü. ⁹ Rü name nixi i nüxna pecuëxächie rü wüxitama i duüxü i chixexü üxü, rü nanachixexëe i guxüma i togü i natanüxügü, ñoma wüxi i íraxü i pãüärü puxëeruü rü wüxi i taxü i pãüchara ipuxëëxürüü nixi. ¹⁰ Choma rü chayaxó na tóru Cori tá pexü rüngüxëëxü na choma nagu charüxnüxürüü nagu perüxnüëxüxcëx. Natürü Tupana tá nanapoxcu i ngëma duüxü i pexü chixëäxëëxü, rü nüçtama nixi ega woo teixë tixigü. ¹¹ Rü nümaxü i duüxügü rü chauchiga nixëagü, rü nüxü nixügüe na choma rü duüxügüxü changüxëëxü na nügü ínawüüchëxmüpëxëchiraüxüxcëx rü mugü na yanguxëëgüxüxcëx na ngëmaäcü nüxü nangëxmaxüxcëx i maxü i taguma güxü. Natürü, Pa Chaueneëgüx, rü ngëxguma chi ngëmaäcü duüxügüxü changüxëëgü, rü tãü chima chowe ningëxütanü i Yudiügü, erü tãü chima naäëwa nangux i ngëma ore i nüxü chixuxü nachiga ya Cristu ga curuchagu taxcëx yucü. ¹² Natürü ngëma duüxügü i pexü chixëäëgüxü rü pexü ucuxëgüxü na pegü ípewüüchëxmüpëxëchiraüxüxcëx, rü çüxücüü éxna i nümagü i tãü noxtacüma nügü yacaugüpüxücharexëgüxü ta? ¹³ Natürü pemax, Pa Chaueneëgüx, rü Tupana pexcëx naca na ngëma mugüna ípenguxüxcëx. Natürü ñuxma na nüxna ípenguxüxcëx, rü tama name i ngëmacëx pexeneärü ngüchaü pexügü. Natürü name nixi na pegü pengechaügüxü rü ngëmaäcü pegü perüngüxëëgüxü i wüxichigü. ¹⁴ Erü guxüma i Tupanaärü mugü rü wüxi i muwatama nangox rü ñanagürü: “¡Rü nüxü nangechaü i cumücü na cugütama cungechaüxürüü!” ñanagürü. ¹⁵ Natürü name nixi i pexuäëgü erü ngëxguma chi pegümaä penuëgu rü pegüchi pexaiegu, rü ngürüächi tá pegü pewoone rü tá ipeyanaxoxëe i Tupanaärü ore i pewa ngëxmaxü.

Ngëma taxüneärü ngüchaü rü tama Tupanaäe i Üünexüärü ngüchaümaä nawüxigu

¹⁶ Pemaä nüxü chixu, rü name nixi i Tupanaäe i Üünexü naxwëxëüäcüma pemaxë. Rü ngëxguma ngëmaäcü pemaxëgu, rü tãütama pexeneärü ngüchaü pexügü. ¹⁷ Erü ngëma taxüneärü ngüchaü rü tama Tupanaäe i Üünexüärü ngüchaümaä nawüxigu. Rü ngëma Tupanaäxë i Üünexüärü ngüchaü rü tama taxüneärü ngüchaümaä nawüxigu. Erü ngëma taxre i ngüchaügü, rü nügüchi naxaie erü wüxichigü i ngëma rü tamaä inacuáxchaü. Rü ngëmacëx i pema rü taxucürüwa penaxü i ngëma pematama penaxwëxëxü. ¹⁸ Natürü ngëxguma Tupanaäe i Üünexü pemaä icuëxgux, rü marü tama ngëma nuxcümaügüxü i mugütüüwa pengëxmagü. ¹⁹ Rü meäma nangox na ñuxäcü namaxëxü i ngëma duüxügü i naxüneärü ngüchaü ügüxü, rü naí i ngëmaä maxëxü, rü airugürüümare íxügüxü. Rü tama naxäneë na çacü rü chixexü naxügüxü. ²⁰ Rü tupananetachicünëxägüxü nicuëxüügü, rü nayuüe rü nangöxwëxëgü, rü aigu narüxnüë, rü nachoxügawëxëgü, rü togüchi naxaie norü ngëmaxügüxcëx, rü nanuxwëxëgü, rü duüxügüxü naxucuxëgü na to i nguxëëtaegu naxüxcëx, rü ngëmaäcü nayatoye i duüxügü na tama wüxigu naxüxnüëxüxcëx. ²¹ Rü togüärü ngëmaxügüxcëx nixäüxächigü, rü nangäxwëxëgü, rü peta naxügüecha, rü nanaxügü i muxüma i togü i chixexü i ngëxgumarüü íxüxü. Rü ngëmacëx, wena pemaä nüxü chixu rü guxüma i ngëma duüxügü i ngëmaäcü maxëxü, rü nataxütama i nachica i ngextá Tupana äëxgacü íyüxüüwa. ²² Natürü ngëxguma Tupanaäe i Üünexü tamaä icuëxgu, rü nüma nixi i tüxü nangüxëëxü na yigü ingechaügüxüxcëx, rü itaäëgüxüxcëx, rü meä yigümaä imaxëxüxcëx, rü yaxna namaä íxüxnüëxüxcëx i togü, rü togümaä imecümagüxüxcëx, rü togüxü rüngüxëëgüxüxcëx, rü aixcüma yanguxëëxüxcëx i ngëma nüxü íxuxü. ²³ Rü ngëxgumarüü ta Naäe i Üünexü tüxü narüngüxëë na tama chixexümaä nataeguxëëxüxcëx ega togü chixexü tamaä üxgux. Rü tüxü narüngüxëë na meäma yigünatama idauxüxcëx na tama chixexügu iyixüxcëx. Rü nataxuma i mugü i nachuxuxü na naxüxü i ngëma mexügü. ²⁴ Rü ngëma duüxügü i aixcüma Ngechuchu ya Cristuarü duüxügü íxügüxü, rü marü nüxü narüxoe ga yema nuxcümaüxü ga norü maxü ga chixexü, rü yema naxüneärü ngüchaügü ga chixexü, rü guxüma ga çacü ga to ga ngüchaü ga tama mexü. ²⁵ Rü ñuxma na Tupanaäe i Üünexü tüxna naxäxü i tóru maxü, rü name nixi i nüma tóru maxümaä na inacuáxü. ²⁶ Rü tama name i yigü itarüta rü togümaä tanuäe, rü bai na çacüxcëx íxäüxächixü.

6

Name nixi i guxüma i pema rü pegü perüngüxëëgü i wüxichigü

¹ Pa Chaueneëgüx, ngëxguma chi texëxü pedëuxgu na çacü rü chixexügu tanguxü, rü pema na Tupanaäe i Üünexü naxwëxëüäcüma na pemaxëxü, rü name nixi i tüxü pengechaüäcüma tüxü perüngüxëë na itayarüwëxächixüxcëx. ¡Natürü pexuäëgü i wüxichigü, na tama pema rü ta nagu peyixüxcëx i ngëma chixexü! ² ¡Rü pegü perüngüxëëgü i ngëxguma texë petanüwa guxchaxügü tüxü ngëxmagu! Erü ngëxguma ngëmaäcü pegü perüngüxëëgü, rü ngëmaäcü tá peyanguxëe i ngëma Cristu pexü muxü. ³ Rü ngëxguma texë nagu rüxnügu na wüxi i çacü tixixü, rü tügütama tawomüxëe, erü Tupanapëxewa rü taxuümachirëx tixi. ⁴ Rü

ngēmācēx i wūxichigū, rū name nixī i tūgūarū maxūtama tangugū. Rū ngēxguma namexgu i tūmaārū maxū, rū tūgūmaā tātama tataāē, rū taxucēxma tūxcūū togūarū maxūwa tūgū tangugūarū maxūāx. ⁵ Erū tanaxwēxe ya wūxichigū na tūmaārū maxūnatama tadauxū i Tupanapēxewa. ⁶ Rū yixema nayaxuxe i nguxēētae i Tupanaārū orewa rū name nixī na tūmaārū nguxēēruūmaā tangauxū i gūxū i tūmaārū ngēmāxūgū. ⁷ Rū pexuāēgū na tama ipetūexūcēx i perū maxūwa! Erū taxucūruwa texē Tupanaxū tawomūxēē. Rū yixema chixexū ūxe, rū chixexū tā tayaxu. Rū yixema mexū ūxe, rū mexū tā nixī i tayaxuxū. ⁸ Rū yixema tūmaxūneārū ngūchaū ūxe, rū ngēma tūmaxūneārū ngūchaū rū tā yuwa tūxū naga. Natūrū yixema Tupanaāē i Ūnēxūārū ngūchaū ūxe, rū ngēma Tupanaāē i Ūnēxūwa tā tanayaxu i maxū i taguma gūxū. ⁹ Rū ngēmācēx tama name na nūxū rūchauxū na mexū ixūexū. Erū ngēxguma chi tama nūxū rūchauegu, rū dūxwa mexū tā tayaxu i Tupanaxūtawa. ¹⁰ Rū ngēmācēx ngēxguma tūxū nangēxmagu na ūcūmaā togūxū rūngūxēēxū, rū name nixī i guxāxūma tarūngūxēē. Natūrū yexera tanaxwēxegū na nūxū rūngūxēēgūxū i ngēma taeneēgū rū taeyēxgū i yaxōgūxū.

Pauru rū nūxū narūmoxē ga yema yaxōgūxū, rū nayaxucūxēgū

¹¹ Rū nuā tā ichanaxūgū na chomaxūchima choxmēxmaā pexcēx chanaxūmatūxū i űāā popera. Rū dūcax, nūxū pedēux i ngēma choma chaxūmatūxū na űuxācū natamatūxū! ¹² Rū ngēma Yudiūgū i pexū ngūexēēxū na pegū ipewiechēxmūpēxechiraūgūxūcēx, rū ngēmaācū pexū namu erū nanataāēxēēgūchaū i ngēma togū i Yudiūgū na tama naxchi naxaieūcēx nagagu na Ngechuchu ya Cristu ga curuchagu yucūaxū na yaxōgūāxū. ¹³ Erū woo i nūmagū na Inawūchēxmūpēxechiraūxū, rū tama nayanguxēē i guxūma i mugū. Natūrū nūmagū rū nanaxwēxegū na pegū ipewiūchēxmūpēxechiraūxū, na yixcama nūgū yacuēxūūgūxūcēx rū togū i Yudiūgūmaā nūxū na yaxuxūcēx na pema rū ta naxrūū nagu pexīxū i ngēma nuxcūmaūgūxū i mugū. ¹⁴ Natūrū i choma rū chaugū chīcuēxūū erū nūxū chayaxō ya tōrū Cori ya Ngechuchu ya Cristu ga curuchagu yucū. Rū ngēmācēxicatama nixī i chaugū chīcuēxūxū. Rū űuxma na Cristu ga curuchagu yucūaxū chayaxōxū, rū marū tama nagu charūxīnū i űoma i naāne rū norū ngēmāxūgū. Rū ngēxgumarūū ta i űoma i naāne rū marū tama choxū nacuāxchaū. ¹⁵ Erū ngēxguma Ngechuchu ya Cristuarū duūxūgū ixīgūgu, rū Tupanapēxewa rū taxūma nixī i ngēma na űiwiechēxmūpēxechiraūxū rū ēxna tama. Natūrū ngēma aixcūma napēxewa mexū nixī na naxūchicūxū i tōrū maxū na ngexwacaxūxū i duūxūgū ixīgūxūcēx. ¹⁶ Rū Tupanana naxcēx chaca na pexū nataāēxēēgūxūcēx rū nūxū pengechaūtūmūūgūxūcēx i guxāma i pema i aixcūma yanguxēēgūxe i ngēma pemaā nūxū chixuxū, rū guxāma ya yixema aixcūma Tupanaārū duūxūgū ixīgūxe. ¹⁷ Rū űuxmawena rū tama chanaxwēxe na texē ūcū rū guxchaxūgū choxna āxū. Erū choma rū aixcūma tōrū Cori ya Ngechucharū duūxū chixī. Rū ngēma chorū oxrigūchica i chowa ngēxmagūxūwa nūxū pecuēx na aixcūma yīxū i ngēma. ¹⁸ Pa Chaueneēgūx, chanaxwēxe i tōrū Cori ya Ngechuchu ya Cristu pexū narūngūxēē i guxāma i pemax. Rū ngēmaācū yī.

Rū nuāma pexna,
Pauru

POPERA GA EPÉCHIUWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxê ga yema yaxŏgŭxŭ ga Epéchiuarŭ ĩānewa yexmagŭxŭ

¹ Pa Chaueneēgŭ ya Epéchiuwa Ngêxmagŭxe, choma i Pauru nixŭ i pexcêx chanaxŭmatŭxŭ i ĩāā popera. Rü choma i Pauru chixŭ i Tupana choxŭ yaxuŭ na Ngechuchu ya Cristu choxŭ muxŭcêx na duŭxŭgŭmaā nüxŭ chixuxŭcêx i norŭ ore. Rü pexcêx chanaxŭmatŭ i guxāma i pema ya Epéchiuarŭ ĩānewa ngêxmagŭxe rü Tupanaārŭ duŭxŭgŭ ixŭgŭxe rü Ngechuchu ya Cristuaxŭ yaxŏgŭxe. ² Rü chanaxwêxe i pexŭ narŭngŭxêê rü pexŭ nataāxêê ya Tanatŭ ya Tupana rü tŏrŭ Cori ya Ngechuchu ya Cristu.

Tupana rü poraācŭ tŭxŭ narŭngŭxêê erŭ Cristuarŭ duŭxŭgŭ tixŭgŭ

³ Rü name nixŭ i nüxŭ ticuêxŭgŭ ya Tanatŭ ya Tupana ya tŏrŭ Cori ya Ngechuchu ya Cristunatŭ ixŭcŭ. Erŭ nŭma ya Tupana rü Cristugagu tŭxna nanaxā i naguxŭraŭxŭ i ngŭxêēgŭ i ũnêxŭ i dauŭxŭguxŭ i naanewa taxcêx ne namugŭxŭ. ⁴⁻⁵ Rü tautama naāne ŭxgu, rü Cristugagu Tupana tŭxŭ nade na napêxewa ixŭnêgŭxŭcêx rü na nataxuxŭcêx i tŏrŭ chixexŭ i napêxewa. Rü Tupana rü poraācŭ tŭxŭ nangechaŭ. Rü yemacêx nuxcŭmamata ma tŭxŭ naxuneta na naxācŭgŭxŭ tŭxŭ nadexŭcêx Ngechuchugagu. Rü yemaācŭ nanaxŭ yerŭ yema nixŭ ga norŭ ngŭchaŭ. ⁶ Rü ngêmacêx name nixŭ i guxŭguma nüxŭ ticuêxŭgŭ ya Tupana. Erŭ nŭma rü poraācŭxŭchima tamaā namecŭma rü poraācŭ tŭxŭ narŭngŭxêê ga yexguma taxcêx nŭma namuāxgu ga Nane ya nüxŭ nangechaŭxŭchicŭ. ⁷ Rü Tupana rü poraācŭ tŭxŭ nangechaŭ, rü yemacêx nanamu ga Nane na taxcêx nayuxŭ rü nagŭ inabaxŭ na yemaācŭ tŭxŭ inanguxŭxêêcêx rü tŭxŭ nüxŭ nangechaŭxŭcêx ga tŏrŭ pecadugŭ. ⁸ Rü Tupana tŭxŭ nüxŭ nadauxêê na ĩuxācŭ poraācŭ tŭxŭ nangechaŭxŭ ga yexguma tŭxna naxāaxgu ga guxŭma ga tŏrŭ cuêx na taāxŭ icuāxŭcêx rü tŭxŭ natauxchaxŭcêx i norŭ ore. ⁹ Rü tŭxŭ nüxŭ nacuêxêê ga norŭ ngŭchaŭ ga noxri nüxŭcatama nüxŭ nacuāxŭ. Rü yema norŭ ngŭchaŭ ga nuxcŭmaxŭchima Cristumaā nagu naxŭnŭxŭ ga Tupana, rü yema nixŭ ga ĩoma ga naānewa na namuāxŭ na tŭxŭ yamaxêêxŭcêx. ¹⁰ Rü yema nagu naxŭnŭxŭ nixŭ na Cristumêxewa nangêxmaxêêxŭ i guxŭma i daxŭguxŭ i naānewa ngêxmaxŭ rü guxŭma i ĩoma i naānewa ngêxmaxŭ. Rü ngêmaācŭ tá nanaxŭ ya Tupana i ngêxguma nawa nanguxgu na yanguxêēāxŭ. ¹¹ Yerŭ naxŭpa ga ĩoma ga naane naxŭxŭ ga Tupana, rü woetama tomaā nanaxuegu na Cristugagu tanayauxgŭxŭcêx i ngêma maxŭ i taguma gŭxŭ i nŭma toxna naxāxchaŭxŭ na aixcŭma naxcêx tamaxêxŭcêx. Rü aixcŭma yemaācŭ nanaxŭ yerŭ yema nixŭ ga norŭ ngŭchaŭ ga Tupana ya guxŭma ũcŭ, ngêma nŭma nagu naxŭnŭxŭācŭma. ¹² Rü yemaācŭ Tupana tomaā nanaxuegu na toma i toxira Cristuaxŭ yaxŏgŭxe naxcêx tamaxêxŭcêx rü nüxŭ ticuêxŭgŭxŭcêx naxcêx i norŭ pora i ũnêxŭ. ¹³ Rü yexgumarŭtŭ ga pema i Epéchiuŭāxgŭ, rü yexguma nüxŭ pexŭnŭēgu ga yema ore i aixcŭma ixŭxŭ i tŭxŭ maxêxêêxŭ, rü yexguma Cristuaxŭ peyaxŏgŭgu, rü namŭcŭgŭ pixŭgŭ. Rü Tupana ga tamaā ixunetacŭ na tŭxna namuāxŭcêx i Naāē i ũnêxŭ, rü marŭ pexna nanamu i ngêma Naāē na nüxŭ pecuāxŭcêx na aixcŭma norŭ duŭxŭgŭ pixŭgŭxŭ. ¹⁴ Rü ngema Naāē i ũnêxŭ ga Tupana tŭxna muxŭ, rü ngemaawa nixŭ i nüxŭ icuāxŭ na aixcŭma Tupana tá tŭxna naxāxŭ i guxŭma i ngema tamaā inaxunetaxŭ. Rü ngêxguma wena nŭma naxŭxgu ya Cristu na nügŭxŭtawa tŭxŭ nagagŭxŭcêx rü aixcŭma tá tanayaxu i guxŭma i ngema Tupana tomaā nüxŭ ixuxŭ. Rü ngêmacêx name nixŭ na nüxŭ icuêxŭgŭxŭ ya Tanatŭ ya Tupana ya ŭxŭnecŭ.

Pauru rü yaxŏgŭxŭcêx nayumŭxê.

¹⁵⁻¹⁶ Rü ngêmacêx, ĩuxma na nüxŭ chacuāxŭ na aixcŭma tŏrŭ Cori ya Ngechuchuaxŭ peyaxŏgŭxŭ rü na aixcŭma nüxŭ pengechaŭgŭxŭ i guxŭma i ngêma togŭ i Tupanaārŭ ixŭgŭxŭ, rü ngêmacêx taguma nüxŭ charŭchau na pexcêx moxê nŭxna chaxāxŭ rü pexna chacuêxāchixŭ i chorŭ yumŭxêwa. ¹⁷ Rü ngêxguma namaā chideaxgu ya Tanatŭ ya Tupana ya mexêchicŭ ya Nanatŭ ya tŏrŭ Cori ya Ngechuchu ya Cristu, rü naxcêx nŭxna chaca na pexna naxāāxŭcêx i ngêma cuêx i Naāē i ũnêxŭtwa ne ŭxŭ. Rü ngêma Naāē i ũnêxŭ tá nixŭ i pexcêx nangoxêêxŭ i Tupanaārŭ ore i mexŭ na yexeraācŭ nüxŭ pecuāxŭcêx ya Tupana. ¹⁸ Rü Tupanana naxcêx chaca na nŭmatama pexŭ pangoxnaāxêêxŭcêx, na nüxŭ pecuāxŭcêx na ĩacŭ yixŭ i ngêma ĩpenanguxêêxŭ i naxcêx pexŭ nadexŭ. Rü nŭxna naxcêx chaca na pexŭ nüxŭ nacuêxêêxŭcêx na ĩuxācŭ namexêchixŭ i ngêma maxŭ i taguma gŭxŭ i nŭma norŭ duŭxŭgŭcêx namexêêxŭ i daxŭguxŭ i naānewa. ¹⁹⁻²⁰ Rü ngêxgumarŭtŭ ta rü nŭxna naxcêx chaca na pexŭ nüxŭ nacuêxêêxŭcêx na ĩuxācŭ nataxŭchixŭ i norŭ pora i tawa ngêxmaxŭ rü namaā tŭxŭ nangŭxêêxŭ i yixema na yaxŏgŭxŭ. Rü ngêmatama

pora i taxúmaā nixí ga napuracúxū ga Tupana ga yexguma yuwa Cristuxū ínadxēēgu rú daxūguxū ga naānewa nagaāxgu rú nūgūarū tūgūnecūwawa yanatoxēēga na guxāārū āēxgacū yīxūcēx. ²¹ Rū yemaācū guxūētūwa nanayexmaxēē. Rū ngēmācēx i űuxma rú Cristumēxēwa nangēxmagū i guxūma i daxūguxū i naānecūāx i āēxgacūgū rú guxūma i űoma i naānecūāx i āēxgacūgū. Rū ngēmaācū naxmēxwa nangēxmagū i guxūma i pora i űuxma ngēxmagūxū rú guxūma i pora i tá ngēxmagūxū. Rū ngēmaācū i nūma rú guxū i āēxgacūgūarū āēxgacū tá nixí i guxūguma. ²² Rū yemaācū ga Tupana rú marū Cristumēxēwa nanayexmagūxēē ga guxūma. Rū yexgumarūū ta Cristuxū ningucuchixēē na guxūma i yaxōgūxūēru na yīxūcēx. ²³ Rū űuxma rú guxūma i yaxōgūxū rú wūxigu Cristuarū nixīgū. Rū nūma nixí i tawa nangēxmaxū i guxāma i yixema i nūxū na yaxōgūxū. Rū ngēxgumarūū ta nūma nixí i nangēxmaxēēāxū i guxūma i űacū i ngēxmaxū i guxūwama.

2

Tamaxē erū Tupana tūxū nangechaū

¹ Rū űpa ga pema rú perū pecadugagu rú perū chixexūgagu űoma peyuxērūū pixīgū. ² Yerū ga pema rú nagu pexí ga yema chixexū i űoma i naānecūāx i duūxūgū nagu īxū. Rū pema rú naga pexīnūē ga Chataná i ngoxogūarū āēxgacū ixīxū. Rū nūma nixí i nūxū nangūchaūxēēāxū na chixexū naxūgūxūcēx i guxūma i ngēma duūxūgū i tama Tupanaga īnūxū. ³ Rū guxāma ga yixema rú yemaācū chixri tamaxē ga űpa. Rū tanaxū ga tōxrūtama ngūchaū, rú nagu taxí ga yema taxūne naxwēxexū rú yema taāē naxwēxexū. Rū yemagagu yema togū ga duūxūgū ga chixexū űgūxūrūū nawa taxūgū i ngēma poxcu i āūcūmaxūchixū i Tupana mexēēxū. ⁴ Natūrū ga Tupana rú poraācū nūxū tangechaūtūmūgū rú poraācū tūxū nangechaū. ⁵ Rū yemacēx, woo tórū pecadugagu űoma iyuxērūū tixīgū, natūrū ga Tupana rú tūxna nanaxā ga maxū ga yexguma Cristuxū ínadxēēgu. Rū űuxma rú pexū nangēxma i maxū i taguma gūxū, erū Tupana pemaā namecūma. ⁶ Rū yema na Ngechuchu ya Cristuxū wena namaxēēxūrūū rú tūxū rú ta namaxēxēē ga Tupana. Rū yemaācū nanaxū i yixema rú ta Cristumūcūgū ixīgūxūcēx, rú namaā āēxgacūgū ixīgūxūcēx i daxūguxū i naānewa. ⁷ Rū yemaācū nanaxū ga Tupana na guxūgūtama duūxūgūxū nawēaxūcēx na űuxācū Cristugagu poraācū tūxū nangechaūxū rú tamaā namecūmaxū. ⁸ Rū yemaācū pemaā namecūma ga Tupana. Rū yemacēx penayaxu ga maxū i taguma gūxū yerū peyaxōgū. Rū ngēma maxū rú taxucūrūwama pegūnatama penaxā, natūrū Tupana nixí ga pexna naxāmarecū ga yema. ⁹ Rū tama űacū i mexū i pexūxūgagu nixí i pexū nangēxmaxū i ngēma maxū, natūrū Tupana nixí ya pexna naxāmarecū na ngēmaācū taxūema tūgū icūēxūxūcēx. ¹⁰ Rū Tupana nixí ga tūxū maxēxēēcū. Rū űuxma rú tūxū nangēxma i ngēma maxū yerū Ngechuchu ya Cristu tórū pecaducēx nayu. Rū Tupana tūxna nanaxā i ngēma maxū na meā imaxēxūcēx rú mexū ixīgūxūcēx. Rū yemaācū tūxū narūngūxēē ga Tupana yerū woetama nuxcūmaxūchima marū yemagu narūxīnū.

Cristu nixí ya yigūmaā tūxū rūngūxmūxēēcū

¹¹⁻¹² Rū ngēmācēx i pema na tama Yudiūgū pixīgūxū, rú name nixí i nūxna pecuēxāchie na tama toxrūū na pixīgūxū ga noxri rú tama Tupanaxū na pecuēxgūxū. Rū yema na tama toxrūū pixīgūxū rú yemacēx ga toma ga Yudiūgū i togū na itawiechēxmūpēchiraūgūxū, rú nūxū tixugūe na pema rú tama Tupanapēxewa na pimexū yerū tama toxrūū pegū ipewiechēxmūpēchiraūgū. Rū yexguma ga pema rú tama Cristuxū pecuēxgū, yerū tama Tupanaārū duūxūgū i Yudiūgūtanūxū pixīgū. Rū tama nūxū pecuēxgū ga Tupana nūma na namuxū ga Nane na duūxūgūarū pecaducēx nayuxūcēx na nūxna naxāāxūcēx i maxū i taguma gūxū. Rū woo ga yema mexūgū ga Yudiūgūmaā inaxunetaxū ga Tupana, rú taxucūrūwa penayaxu. Yerū űoma ga naānewa rú pemaxēmare, rú tama nūxū pecuēx ga űacū chi pexū na űpetūxū ga yexguma chi peyuegu yerū tama Tupanaxū pecuēx. ¹³ Natūrū woo ga noxri rú tama Tupanaxū na pecuāxū, natūrū i űuxma rú nūgūxūdtawa pexū nagagū. Rū Ngechuchu ya Cristuarū duūxūgū pixīgū yerū pexcēx nayu rú nagū inanaba. ¹⁴⁻¹⁵ Rū űuxma rú Cristu nixí ya tūxū rūngūxmūxēēcū. Rū noxri ga toma ga Yudiūgū rú pexchi taxaie yerū tama toxrūū Yudiūgū pixīgū. Natūrū i űuxma rú Cristu marū yigūmaā tūxū narūngūxmūxēē. Rū yemaācū wūxitama i duūxūgūxū tūxū nixīgūxēē rú inayanaxoxēē na yigūarū uwanū ixīgūxū. Rū yexguma nayuxgu ga Cristu rú tūxū inanguxūxēē na tama natūūwa iyexmagūxūcēx ga yema nuxcūmaūgūxū ga mugū ga toma ga Yudiūgū nagu taxīxū. Rū wūxitama i duūxūgū i ngexwacaxūxū tūxū nixīgūxēē i toma i Yudiūgū na tixīgūxū rú pema i tama Yudiūgū na pixīgūxū. Rū yemaācū nanaxū na guxāma i yixema rú norū duūxūgū na ixīgūxūcēx. Rū yemaācū yigūmaā tūxū inarūngūxmūxēē. ¹⁶ Rū yexguma curuchagu nayuxgu ga Cristu, rú inayanaxoxēē ga yigūchi na ixaie xū. Rū yemaācū ga Cristu rú Tupanamaā tūxū inarūngūx-mūxēē, rú wūxitama i duūxūgūxū tūxū nixīgūxēē. ¹⁷ Rū yexguma Cristu nūma űxu, rú taxcēx nūma nanange ga ore ga mexū ga marū yigūmaā

rū Tupanamaā na rūngūxmūēxū. Rū yema ore rū toxcēx nixī i toma i Yudiūgu ga toxira Tupanaxū na tacuáxū. Rū yema ore rū pexcēx rū ta nixī ga woo tama Tupanaxū na pecuēgxūxū ga noxrix. ¹⁸ Rū űuxma rū guxāma i yixema rū Cristugagu tūxū natauxcha na Tanatū ya Tupanana ingaicamagūxū. Rū ngēmatama Naāē i Ūūnēxū nixī i tūxū rūngūxēēxū na nūxna ingaicamagūxūcēx ya Tanatū ya Tupana. ¹⁹ Rū ngēmacēx i pema rū woo tama Tupanaxū pecuēxgū ga noxrix, rū woo tama norū duūxūgū pixīgū ga yexguma, natūrū tama ngēmaācū pixīgū i űuxmax. Erū űuxma rū natanūxū pixīgū i guxūma i ngēma duūxūgū i Tupanaārū ixīgūxū. Rū aixcūma Tupanaxācūgūxūchī pixīgū i űuxmax. ²⁰⁻²² Guxāma i pema rū wūxi ya ĩpata ya mexūne ya Tupana nawa maxūne pixīgū. Rū ngēma cementu i ladriyu naetūgu nugūxū, rū ngēma rū Tupanaārū ngūxūgū ga imugūxū rū norū orearū uruūgū nixī. Rū yima ladriyu ya nūxirama cementuētūwa ixūcuchicū rū Cristu nixī. Rū ngēma inanaxūgū na naxūāxū ya guxūnema ya yima ĩ. Rū dūxwa ningū na wūxi ya tupauca ya taxūne ya Cristugagu ūūnene na yīxū. Rū ngēmaācū i pema na Cristuarū pixīgūxū rū wūxigu tomaā peyanguxēē ya wūxi ya tupauca ya taxūne i ngextā Tupanaāē i Ūūnēxū ĩmaxūxūwa.

3

Tupana rū Pauruxū namu na ore i mexūxū yaxuxū namaā ga yema duūxūgū ga tama Yudiūgū ixīgūxū

¹ Rū űuxma na yemaācū Tupana pexū rūngūxēēxū, rū choma i Pauru rū pexcēx chayumūxē. Rū pemaā nūxū chixu rū nūma poxcupataūwa changēxma erū Ngechuchu ya Cristuarū duūxū chixī. Rū nuxma chapoxcu erū guxūwama nūxū chixuchiga na pema rū ta pexū nangēxmaxū i pechica i Tupanaxūtawa woo na tama Yudiūgu pixīgūxū. ² Rū maneca marū nūxū pecuāchiga na űuxācū Tupana choxū nangechaūcūma choxū muxū na pexū charūngūxēēxūcēx rū pemaā nūxū chixuxūcēx i norū ore i mexū. ³ Rū Tupana chomaā nanangoxēē rū choxū nūxū nacuēxēē ga yema ore ga pechiga ga noxri nūxīcatama nūxū nacuāxū. Rū yemachiga nixī ga ĩrarūwa marū pexcēx chanaxūmatūxū ga noxrix. ⁴ Rū yexguma pexcēx chanaxūmatūgu rū pemaā nūxū chixu ga yema noxri ēxūguxū ga ore i űuxācū Tupana rū Cristugagu duūxūgūxū namaxēxēēxū. Rū ngēxguma meā nawa pengūegu i ngēma popera rū tā nūxū pecuēx na aixcūma yīxū ga yema ore ga noxri ēxūguxū ga nachiga pexcēx chaxūmatūxū. ⁵ Rū yema nixī ga ore ga ēxūguxū ga Tupana taxūxūma meā nūxū nacuēxēēxū ga noxrix. Natūrū i űuxma rū ngēma Naāē i Ūūnēxū rū marū nanangoxēē i ngēma ore naxcēx i Tupanaārū duūxūgū i ūūnēxū i yamugūxū rū norū orearū uruūgū. ⁶ Rū űuxma rū tā pemaā nūxū chixu i űuxācū na yīxū i ngēma ore ga noxri ēxūguxū. Rū dūcax, woo tama Yudiūgū pixīgū natūrū i űuxma rū pexcēx rū ta nixī i ngēma maxū i taguma gūxū ga noxri Tupana tomaā ixunetaxū. Rū űuxma i pema rū ta norū duūxūgū pixīgū. Rū pexcēx nixī i guxūma i ngēma Tupanaārū unetagu ga noxri tomaā nūxū yaxuxū. Rū ngēmaācū i űuxma rū Ngechuchu ya Cristugagu pexū nangēxma i guxūma i ngēma mexūgū erū peyaxōgū i norū ore i tūxū maxēxēēxū. ⁷ Rū woo taxuwama chame na chanaxūxūcēx i norū puracū, natūrū ya Tupana rū choxū namuāma rū choxū naporaxēē na nūxū chixuxūcēx i ngēma norū ore i mexū. ⁸ Rū chauūgūcēx i Tupanapēxewa rū choma nixī i guxū i norū duūxūgūarū űaxtūwaama chaxūxū. Rū woo ngēmaācū chixī, natūrū Tupana choxū nangechaū rū choxna nanaxā i ngēma puracū i mexū na ngēma tama Yudiūgū ixīgūxūmaā nūxū na chixuxūcēx i norū ore i mexū na űuxācū namexēchixū rū taguma iyagūxū ga yema taxcēx naxūxū ga Cristu. ⁹ Rū nūma ga Tupana ya guxūārū ūrūū ixīcū, rū choxū namu na guxū i duūxūgūxū nūxū chacuēxēēxūcēx na űuxācū yīxū i ngēma norū ngūchaū ga nuxcūma ēxūguxū ga noxri nūxīcatama nūxū nacuāxū. Rū ngēma norū ngūchaū nixī i Cristugagu tūxū na namaxēxēēxū. ¹⁰ Rū yemaācū choxū namu ga Tupana na ngēma duūxūgū i tama Yudiūgū ixīgūxūmaā nūxū chixuxūcēx i ore i mexū na yaxōgūāxūcēx. Rū nūma ya Tupana nanaxwēxe na yaxōgūāxū na ngēmaācū guxūma i āēxgacūgū i daxūcūāx nūxū nadaugūxūcēx na űuxācū nūxū nacuēxūchixū ga Tupana ga yexguma duūxūgūaxū natauxchaxēēāgu na naxūtawa nangugūxūcēx. ¹¹ Rū yemaācū nūxū nanatauxchaxēē ga Tupana yerū woetama nuxcūmaxūchima guxūguma nagu narūxīnū na tōrū Cori ya Ngechuchu ya Cristugagu tā na namaxēxēēāxū i duūxūgū. Rū yemaācū nayanguxēē. ¹² Rū űuxma na Cristuarū duūxūgū ixīgūxū rū nūxū na yaxōgūxū, rū tūxū natauxcha na Tupanana ingaicamagūxū rū taxucēxma nūxū na imuūēxū. ¹³ Rū ngēmacēx i űuxma na pexcēx ngūxū chingexū rū pexū chacēēxū na tama chauxcēx pexogaāēgūxūcēx. Erū ngēma ngūxū na chingexū i űuxma rū perū meruū nixī i ngēma.

Cristu rū poraācū tūxū nangechaū

¹⁴ Rū ngēmacēx, ngēxguma nagu charūxīnūgu na űuxācū Tanatū ya Tupana taxcēx namexēēxū na naxācūgū ixīgūxūcēx, rū napēxegu chacaxāpūxū na nūxū chicuēxūxūcēx. ¹⁵ Rū nūma nixī i Nanatū yīxū i guxūma i norū duūxūgū i űoma i naānewa rū daxūguxū

i naānewa ngēxmagūxū. ¹⁶ Rū Tanatū ya guxūguma poraācū tamaā mecūmacūna chaca na Naāē i Ūūnexūārū ngūxēēmaā pexū naporaexēxūcēx na aixcūma peporaexūcēx i perū maxūwa. ¹⁷⁻¹⁸ Rū ngēxgumarūū ta nūxna naxcēx chaca na perū ōgagu pewa namaxūxūcēx ya Cristu. Rū ngēxguma ngēmaācū perū maxūwa peporaegu rū pexū nangēxmagu i ngēma ngechaū i aixcūma ixīxū, rū tā wūxigu guxūma i yaxōgūxūmaā nūxū pecuēx na űuxācū nataxūchixū i norū ngechaū i namaā tūxū nangechaūxū ya Cristu. ¹⁹ Rū woo tama yanguxgu i tōrū cuēx na nūxū icuāxūcēx na naűuxraūxū i ngēma ngechaū i namaā Cristu tūxū ngechaūxū, natūrū Tupanana naxcēx chaca na pexcēx nangoxēēxūcēx na űuxācū na yīxū i ngēma ngechaū na aixcūma pewa nangēxmaxū i guxūma i Tupanacūmagū. ²⁰ Rū űuxma rū name nixī i guxāma i yixema rū nūxū ticuēxūgū ya Tupana. Erū nūma rū nūxū nangēxma i pora na naxūāxū i guxūma i ngēma naxcēx űicaxū rū ēxna nagu rūxūntūxūārū yexeraxūchi. Rū ngēma norū pora i tawa ngēxmaxūmaā nixī i naxūāxū i guxūma i ngēma. ²¹ Rū űuxma rū name nixī i guxūma i norū duūxūgū i yaxōgūxū rū guxūgutāma Tupanaxū nicuēxūgū naxcēx i ngēma Ngechuchu ya Cristu űūxū. Rū ngēmaācū yīi.

4

Tupanaāē i Ūūnexū rū wūxigutama tūxū narūxūnūēxēē

¹ Rū űuxma na ngēmaācū Tupana tūxū rūngūxēēxū, rū choma i Cristugagu na chapoxcuxū, rū pexū chacēxū na Tupana naxwēxūācūma meā pemaxēxū. Rū name nixī i ngēmaācū pemaxē erū pexū nixī ga naxēxū ga Tupana, rū norū duūxūgū pixīgū i űuxmax. ² Rū tama name i perū picuēxūxūgū. Rū name nixī i guxūguma pemecūmagū rū yaxna namaā pexīnūē i togū rū nūxū pengechaūgū. ³ Rū chanaxwae i wūxigu perūxūnūē rū űoma wūxitama i duūxūrūū pixīgū erū pewa nangēxma i Tupanaāē i Ūūnexū. Rū name nixī i naxcēx pedau na guxūguma pegū pengechaūgūxū rū ngēmaācū taguma űacūcēx pegū pitoyexū. ⁴ Erū yixema na Cristuarū duūxūgū ixīgūxū, rū űoma wūxitama i duūxūrūū tixīgū. Rū ngēxgumarūū ta wūxitama nixī i Naāē i Ūūnexū i guxāwama maxūxū. Rū ngēxgumarūū ta Tupana pexū nade na guxāma űpenanguxēgūxūcēx i wūxitama i maxū i taguma gūxū. ⁵ Rū wūxitama nixī ya tōrū Cori, rū wūxiāxūta nixī i yaxōgūxū rū wūxicēxatama nixī ga űibaiūxū ga guxāma. ⁶ Rū wūxitama nixī ya Tupana ya guxānatū ixīcū. Rū nūma rū guxāētūwama nangēxma rū guxāwama namaxū. Rū nūma rū guxāxū narūngūxēē na tanaxūxūcēx i norū puracū. ⁷ Natūrū wūxichigū i yixema rū tanayaxu i ngēma nacūma rū ngēma cuēx i Cristu tūxna āmarechaūxū na naxūgūxūcēx i norū puracū. ⁸ Rū ngēmacēx i Tupanaārū ore i űmatūxūwa rū űanagūrū:
 “Rū yexguma daxūgūxū ga naānewa naxūxgu, rū yēma tūxū nagagū ga guxema marū tūxū űnanguxūxēē nawa ga tūmaarū chixexū. Rū norū duūxūgūna nanaxā ga cuēx na ngemamaā Tupanaarū puracū naxūgūxūcēx”,
 űanagūrū i ngēma ore. ⁹ Rū űuxma Pa Chaueneēgūx, rū pexna chaca, rū űtacūchiga nixī i ngēma ore i űaxū, “Daxūwa naxū”, űaxū? Rū dūcax, ngēmawa nūxū tacuēx ga noxri rū űoma ga naānegu na űnaxīxū ga nūmax. ¹⁰ Rū gumatama Cristu ga űoma ga naānegu űrūxīcū, rū gumatama nixī ga daxūgūxū i naāne i Tupana űngēxmaxūwa űxcū na guxāētūwa nangēxmaxūcēx rū guxūwama nangēxmaxūcēx. ¹¹ Rū nūmatama nixī ga guxema norū duūxūgūna naxāāxū ga tūmaarū cuēx rū tūmaarū puracū. Rū tūxū naxuneta ga űuxre na toxnamana norū orexū tayarūxūgūxūcēx. Rū toguegū rū tūxna nanaxā ga cuēx na duūxūgūmaā nūxū tixūxūcēx i ngema norū ore i tūxū nūxū nacuēxēēxū. Rū toguegū rū tūxna nanaxā ga cuēx na duūxūgūāxū tanangūchaūxēēxū i Tupanaarū ore na yaxōgūāxūcēx. Rū toguegū rū tūxna nanaxā ga cuēx na ngema yaxōgūxūārū dauruxūgū tixīgūxūcēx. Rū toguegū rū tūxna nanaxā ga cuēx na norū oremaā tangūxēētaegūxūcēx. ¹² Rū yemaācū norū duūxūgūna nanaxā ga tūmaarū puracū rū tūmamaā űnananguxūxēē na ngēma yaxōgūxūxū tarūngūxēēgūxūcēx na ngēmaācū guxūma i ngēma yaxōgūxū rū yexeraācū nūxū yacuāetanūxūcēx i norū ore. ¹³ Rū Cristu nanaxwēx na ngēma norū orewa űyaetanūxū i guxāma i yixema űuxmatāta wūxigu aixcūma meā yaxōgū rū meā nūxū icuēxū ya Tupana Nane. Rū ngēmaācū tā dūxwa nawa tangugū na aixcūma Tupana naxwēxūācūma ixīgūxū, rū tā űyaetanū i norū orewa űuxmatāta űoma Cristu ya aixcūma mexēchīcūrūū ixīgū. ¹⁴ Rū tāūtāma űoma buxūgūrūū tixīgū i tōrū maxūwa. Erū ngēma buxūgū rū tauxchaācū toguama narūxūnūē. Rū ngēxguma űacū rū to i ngūxēētaexū naxūnūēgū rū ngēmawe narūxī űuxmata naga naxūnūē i ngēma duūxūgū i chixexū i norū doramaā nawomūxēēgūxū rū naxixexēēgūchaūxū. Natūrū i yixema rū tama name na ngēxgumarūū ixīgūxū. ¹⁵ Rū name nixī i yigū ingechaūgūācūma nagu taxī i ngēma ore i aixcūma ixīxū, na ngēmaācū yexeraācū naxrūū ixīgūxūcēx ya Cristu ya guxūma i yaxōgūxūārū āēxgacū ixīcū. ¹⁶ Rū taeru ya Cristuwa nixī i ne naxūxū i tōrū pora na naxcēx imaxēxūcēx. Rū guxāma i yixema rū wūxigu naxmēxwa tangēxmagū. Rū ngēxguma Cristugagu meā wūxigu űpuracūegu rū yigū

rüngŭxĕĕgu rü guxŭma meãma inixŭ. Rŭ ngĕmaãcü yigŭ ingechaŭgŭãcŭma norŭ orewa tyaetanŭ na düxwa nŭma nanaxwĕxexŭãcŭma ixŭgŭxŭcĕx.

Maxŭ i ngexwacaxŭxŭ i Cristugagu tŭxŭ ngĕxmaxŭ

¹⁷ Rŭ ñuxma rŭ Cristuégagu pexŭ chaxucuxĕ na tama nagu pexŭxŭ i ngĕma chixexŭ ga noxri nagu pexŭxŭ ga yexguma tauta Cristuaxŭ peyaxögŭgu. Rŭ tama name i nagu pexŭ i nacŭmagŭ i ngĕma duŭxŭgŭ i tama Tupanaxŭ cuĕxgŭxŭ i naĕchitamare maxĕxŭ. ¹⁸ Erŭ Chataná rŭ nanatoöĕgŭ i ngĕma duŭxŭgŭ, rŭ ngĕmacĕx chixexŭguxicatama narŭxŭnŭĕ. Rŭ nagagugŭtama nŭxŭ nataxuma i maxŭ i taguma gŭxŭ i Tupanawa ne ŭxŭ, erŭ tama nŭxŭ nacuĕxgŭchaŭ. ¹⁹ Rŭ tama naxãneĕ na ŭacŭ rŭ chixexŭ na naxŭgŭxŭ, rŭ ngĕmacĕx nagu naxŭ rŭ nŭxŭ namepua i guxŭraŭxŭ i chixexŭgŭ na naxŭgŭxŭ. ²⁰ Natŭrŭ i pema rŭ tama ngĕmaãcü na pemaxĕxŭcĕx nixŭ i Cristuaxŭ peyaxögŭgu. ²¹ Yerŭ pema rŭ marŭ meã nŭxŭ pexŭnŭĕ ga Cristuchiga. Rŭ toxŭtawa naxcĕx pengŭĕ, rŭ nŭxŭ pecuĕx i norŭ ore i aixcŭma ixŭxŭ na ñuxãcü Ngechuchu naxwĕxexŭãcŭma na pemaxĕxŭ. ²² Rŭ ngĕmacĕx name nixŭ i nŭxŭ perŭxoe i ngĕma nuxcŭmaŭxŭ i pecŭmagŭ ga ŭpa nagu pexŭxŭ. Yerŭ yema nuxcŭmaŭxŭ ga perŭ maxŭ rŭ nachixexŭchi. Rŭ pexŭ napora rŭ pexŭ nawomŭxĕĕgŭ na nagu pexŭxŭcĕx ga yema pexeneãrŭ ngŭchaŭgŭ i tama mexŭ. Natŭrŭ i ñuxma rŭ name nixŭ i nŭxŭ perŭxoe i guxŭma i ngĕma. ²³ Rŭ ngĕmacĕx i ñuxma na Cristuarŭ duŭxŭgŭ pixŭgŭxŭ rŭ name nixŭ na Tupanaguxicatama perŭxŭnŭĕxŭ. Rŭ name nixŭ i Tupanana pegŭ pexãgŭ na Naãĕ i Ŭŭnexŭ pewa puracŭxŭcĕx rŭ na nangexwacaxŭxĕĕãxŭcĕx i peãĕ. ²⁴ Rŭ name nixŭ i penayaxu i ngexwacaxŭxŭ i pecŭma i Tupana norŭ ngŭchaŭmaã pexcĕx mexĕĕxŭ. Rŭ ngĕma nacŭma i ngexwacaxŭxŭ rŭ perŭ maxŭ i mexŭwa tá nangox i ngĕxguma nagu pexŭxŭgu i ngĕma ore i aixcŭma ixŭxŭ rŭ tama nawe perŭxŭxŭgu i pexeneãrŭ ngŭchaŭ. ²⁵ Rŭ ngĕmacĕx i ñuxma na Cristuarŭ pixŭgŭxŭ rŭ tama name na pidoratĕĕxgŭxŭ. Natŭrŭ name nixŭ i wŭxichigŭ rŭ tŭmamŭcŭmaã aixcŭmaxŭ tixu. Erŭ guxãma i yixema rŭ yigŭtanŭxŭ i yaxögŭxŭ tixŭgŭ. ²⁶ Rŭ ngĕxguma texĕ ŭacŭ peãĕwa nguxĕĕgu rŭ ŭpegŭna pedaugŭ na tama pecadu pexŭxŭcĕx! Rŭ tama name i nagu perŭxŭnŭĕĕcha natŭrŭ name nixŭ i paxa ngĕmatama i ngunexŭgu nŭxŭ ipeyarŭngŭma i ngĕma naxŭpa na yanaxŭcuxŭ ya ŭĕxcŭ. ²⁷ Rŭ pegŭna pedaugŭ na tama penaxŭchicaxŭcĕx i Chataná na ngĕmaãcü nayoxnŭĕxŭcĕx rŭ pemaã inacŭaxŭcĕx. ²⁸ Rŭ ngĕxguma texĕ petanŭwa ngŭtĕĕxgu ga ŭpa, rŭ name nixŭ i nŭxŭ tarŭxo i ngĕma. Rŭ name nixŭ i tŭmamĕxĕmaã meã tapuracŭ na ngĕmaãcü tŭxŭ nangĕxmaxŭcĕx i tŭmaãrŭ ngĕmaxŭ na ŭoguãx ya tŭxŭ nataxŭemaã tangauxŭcĕx. ²⁹ Rŭ tama name i chixexŭ i oremaã pidexagŭ. Rŭ name nixŭ i ore i mexŭmaã pidexagŭ na ngĕmaãcü ngĕma duŭxŭgŭ i pexŭ ŭnŭĕxŭxŭ perŭngŭxĕĕgŭxŭcĕx na yexeraãcü Tupanaga naxŭnŭĕxŭcĕx rŭ nataãĕgŭxŭcĕx. ³⁰ ŭRŭ pexuãĕgŭ na tama penangechaŭxĕĕxŭcĕx i Tupanaãĕ i Ŭŭnexŭ! Erŭ ngĕma Naãĕ i Ŭŭnexŭ nixŭ i Tupana pexna muxŭ na nŭxŭ pecuãxŭcĕx na aixcŭma norŭ duŭxŭgŭ pixŭgŭxŭ ñuxmatãta ngĕma ngunexŭ i nagu pexcĕx nŭma naxŭxŭ i ya Cristu. ³¹ ŭRŭ nŭxŭ perŭxoe na nagu perŭxŭnŭĕĕchaxŭ ega texĕ ŭacŭ rŭ chixexŭ pemaã ŭxgux! Rŭ ngĕxgumarŭŭ ta name nixŭ na nŭxŭ perŭxoexŭ na aigu perŭxŭnŭĕxŭ, rŭ ĕxna penuĕxŭ, rŭ ĕxna pegŭ na pengaexŭ, rŭ ĕxna peguxchigawĕxegŭxŭ. Rŭ ngĕmaãcü name nixŭ na nŭxŭ perŭxoexŭ i guxŭma i ngĕma chixexŭ i dexagŭ. ³² Rŭ name nixŭ i pegŭ perŭngŭxĕĕgŭ rŭ pegŭmaã pemecŭmagŭ, rŭ pegŭxŭd pengechaŭtŭmŭtŭgŭ i wŭxichigŭ. Rŭ ngĕxguma petanŭwa texĕ ŭacŭ rŭ chixexŭ pemaã ŭxgux, rŭ name nixŭ i pegŭxŭd nŭxŭ pengechaŭgŭ i wŭxichigŭ yema na Cristugagu Tupana pexŭ nŭxŭ nangechaŭxŭrŭŭ.

5

Name nixŭ i meã namaxĕ i Tupanaxãcŭgŭ

¹ Rŭ ñuxma rŭ Tupanaxãcŭgŭ ya pexŭ nangechaŭgŭxe pixŭgŭ. Rŭ ngĕmacĕx name nixŭ i naxcĕx pedau na naxrŭŭ meã pemaxĕxŭ rŭ naxrŭŭ pimexŭ. ² Rŭ name nixŭ i pegŭ pengechaŭgŭ yema Cristu tŭxŭ na ngechaŭxŭrŭŭ. Rŭ nŭma rŭ taxcĕx nŭgŭ inaxŭ i taxcĕx nayu. Rŭ yemaãcü Tupanaxŭ nataãĕxĕĕ yerŭ yemaãcü tŭxŭ namaxĕxĕĕ. ³ Rŭ ñuxma rŭ Tupanaãrŭ duŭxŭgŭ pixŭgŭ. Rŭ ngĕmacĕx tama name i naŭ i ngemaã rŭ ĕxna naŭ ya yatŭmaã na ipepexŭ. Rŭ tama name na pexeneãrŭ ngŭchaŭwe perŭxŭxŭ rŭ ĕxna pegŭna penanugŭchaŭxŭ i ŭacŭ i ngĕmaxŭgŭ. Rŭ ngĕmacĕx name nixŭ i nŭxŭ perŭxoe i guxŭma i ngĕma chixexŭgŭ, rŭ bai i nachiga na pidexagŭmarexŭ. ⁴ Rŭ tama name i ŭacŭ rŭ ore i ãŭãchixŭxŭ pixu, rŭ bai i ŭacŭ rŭ ngeãĕxŭmare pixu, rŭ bai i texĕxŭ pecugŭcŭraxŭ. Erŭ ngĕma ore i chixexŭgŭ rŭ taxuwama name. Rŭ narŭmemaã nixŭ i Tupanana moxĕ pexãgŭ. ⁵ Rŭ aixcŭma pemaã nŭxŭ chixu rŭ ngĕxguma texĕ naŭ i ngemaã rŭ ĕxna naŭ ya yatŭmaã ipexgu, rŭ ĕxna tŭmaxŭneãrŭ ngŭchaŭ taxŭxgu, rŭ taxucŭrŭwama taxãchica i ngextã tŭrŭ Cori ya Cristu rŭ Tanatŭ ya Tupana ãĕxgacŭ ŭixŭwama. Rŭ ngĕxgumarŭŭ ta taxucŭrŭwama texĕ ngĕma taxãchica ega tŭgŭna tananugŭchaŭxgu i ŭacŭ rŭ ngĕmaxŭgŭ. Erŭ yŭxema ngĕma nacŭma tŭxŭ ngĕxmaxĕ rŭ düxwa namaã tatupanaãx i ngĕma nacŭma i chixexŭ.

⁶ ;Rū tama naga pexīnūē ega texé tacū rū ore i ngēāēmarexūlmaā pexū womūxēēchaūgu na penaxūxūcēx i ngēma chixexūgū! Erū ngēma chixexūgūgagu nixī i Tupana tā poraācū napoxcuexū i ngēma duūxūgū i tama naga īnūēxū. ⁷ Rū ngēmacēx tama name i ngēma duūxūgūmaā pexāmūcūgū na pema rū ta tama penaxūxūcēx i ngēma chixexūgū. ⁸ Rū ūpa ga pema rū ēānexūwa peyexmagū, yerū tama Tupanaxū pecuēx rū chixri pemaxē. Natūrū i űuxma na Tupanaxū pecuāxū rū tōrū Coriarū duūxūgū na pixīgūxū, rū ngōonexūwa pengēxmagū. Rū ngēmacēx name nixī i duūxūgū i ngōonexūwa ngēxmagūxūrūū meā na pemaxēxū. ⁹ Erū ngēxguma ngōonexūwa ingēxmagu, rū mexū taxūgū, rū nagu taxī i ore i aixcūma ixīxū, rū meā tamaxē. ¹⁰ Rū ngēmacēx name nixī i naxcēx pedau na nagu pexīxū i ngēma maxū i tōrū Cori namaā taāxū. ¹¹ Rū tama name i pema rū ta penaxū i ngēma chixexūgū i taxuwama mexū i ngēma togū i duūxūgū i ēānexūwa ngēxmagūxū ūgūxū. Natūrū narūmemaē nixī i penangoxēē na nachixexū i ngēma naxūgūxū. ¹² Erū ngēma chixexū i cūācūma naxūgūxū i ngēma yatūgū rū ngexūgū, rū woo nachiga idexagūmaregu rū wūxi i ānexūchi nixī. ¹³ Natūrū ngēxguma ngōonexūwagu bagigu i tacū rū chixexūgū rū meā tā nangox na űuxācū nachixexū. ¹⁴ Erū guxūma i tacū i ngēxmaxū, rū ngēxguma ngōonexūwa nangēxmagu, rū meāma nangox na űuxācū yīixū. Rū ngēmacēx i Tupanaārū orewa rū űanagūrū:

“;Nabaixāchi i cuma na cupeuxū! ;Rū īrūda i cuma na icuyarūtaxuxū! ;Rū nagu rūxīnū na űuxācū nachixexū i ngēma curū pecadugū! Rū Cristu tā cuxcēx nanangōonexēē rū tā cuxū narūngūxēē na Tupanaxū cucuāxūcēx”,

űanagūrū i ngēma ore. ¹⁵ Rū ngēmacēx name nixī i pexuāēgū rū meā pemaxē. Rū tama name i ngēma duūxūgū i tama Tupanaārū orexū cuēxgūxūrūūācūma na pemaxēxū, natūrū name na duūxūgū i meā Tupanaga īnūēxūrūū meā na pemaxēxū. ¹⁶ Rū űuxma na Tupana pexū yatauxchaāchixēxū rū ;pexaxāēgū na nūxū pepuracūexū rū penaxūxū i ngēma nūma nanaxwēxexū! Erū űomaācūū i duūxūgū rū poraācū chixexū naxūgū. ¹⁷ Rū űuxma na ngēmaācū namaxēxū i togū i duūxūgū, rū tama name na naxrūū pixīgūxū. Rū tama name i duūxūgū i ngēāēmarexūrūū pixīgū. Natūrū name nixī i Tupanaārū orewa pengūe na nūxū pecuāxūcēx i tacū na yīixū i tōrū Cori pexū naxwēxexū na penaxūxū. ¹⁸ Rū tama name i tacū rū axexū i ngūchixāxūmaā pengāxē, erū ngēma rū chixexū tūxū naxūxēē i ngēxguma ngēmaācū imaxēgū. Natūrū name nixī i Tupanaāē i Ūūnexūna pegū pexāgū na pewa nangēxmaxūcēx rū pemaā inacuāxūcēx. ¹⁹ Rū name nixī i Tupanaārū orechigagu rū norū wiyaeēgū pegūmaā pidexagū rū pegūmaā nūxū pixu. Rū name nixī i nagūxūraūxū i norū wiyaeēgū pewiyaeēgū, na ngēmaācū guxūne ya perū maxūnemaā tōrū Corixū picūexūgūxūcēx. ²⁰ Rū name nixī i guxūguma tōrū Cori ya Ngechuchū ya Cristuēgagu mōxē nūxna pexāgū ya Tanatū ya Tupana naxcēx i guxūma.

űuxācū meā nūgūmaā namaxē i wūxi ya īpatacūāx i Cristuaxū yaxōgūxū

²¹ Rū űuxma na Cristumēxēwa pengēxmagūxū, rū name nixī i pegūga pexīnūē i wūxichigū, erū Cristuxū pengechaūgū rū naga pexīnūē. ²² Rū pemax, Pa Ngexūgūx, rū ngēma tōrū Cori naxwēxexūrūū rū name nixī na petega pexīnūēxū. ²³ Erū nūma ya yatū rū namēxēru nixī, ngēxgumarūū ya Cristu na guxūma i yaxōgūxūēru na yīixū. Rū nūmagū i yaxōgūxū rū Cristuxūne nixīgū rū nūma ya Cristu nixī i norū maxēxēēruū yīixū. ²⁴ Rū ngēxgumarūū na Cristuga naxīnūēxū i ngēma yaxōgūxū, rū ngēxgumarūū ta i ngexūgū rū name nixī na guxūguma natega naxīnūēxū. ²⁵ Rū name nixī i namēxū nangechaū ya yatū, yema Cristu guxāma ga yaxōgūxexū na nangechaūxūrūū. Rū yema na tūxū nangechaūxūcēx nixī ga nayuxū ga Cristu. ²⁶ Rū yemaācū nanaxū ga Cristu na nūgūxū tūxū naxūcēx rū tūxū yaxūūnēxēxūcēx i guxāma i yixema na yaxōgūxū. Rū norū oremaā rū ngēma dexā i nawa űibaūxūmaā tūxū nimexēē na aixcūma napēxewa imexūcēx. ²⁷ Rū yemaācū tūxū nimexēē na nūgūtama tūxū nawēxūcēx na aixcūma guxūwama imexū rū na nataxūxūma i tacū i tōrū chixexū rū bai i irarūwa i ngēxguma napēxewa ingūgū. Erū tūxū nade na ixūūnegūxūcēx rū guxūwama imexūcēx i napēxewa. ²⁸ Rū yema Cristu tūxū na ngechaūxūrūū, rū wūxichigū ya yatū rū nanaxwēxe na namēxū nangechaūxū űoma nūgūxūnēxū na nangechaūxūrūūtama. Rū yixema tūmamēxū ngechaūxū rū tūgūtama nixī i nangechaūxū. ²⁹ Erū tataxuma ya texē ya tūmaxūnechitama aixe, natūrū tanaxūwemū rū meāma nūxna tadau ngēma Cristu guxūma i yaxōgūxūna dauxūrūū. ³⁰ Rū guxāma i yixema na yaxōgūxū rū Cristutanūxū tixīgū rū ngēmaācū wūxigu namūcūgū tixīgū. Rū nūma nixī i tūxna nadauxū. ³¹ Rū ngēmacēx i Tupanaārū ore i ūmatūxūwa rū űanagūrū:

“Rū wūxichigū ya yatū rū naxēna rū naēna tā nixūgachi na namēxmaā inaxāūxūcēx. Rū ngēma taxre rū wūxi tātama nixīgū”,

űanagūrū i ngēma ore. ³² Rū ngēma ore i yatūchiga rū namēxchiga rū wūxi i ore i aixcūma mexū nixī. Natūrū űuxma na pemaā nūxū chixuxū i ngēma rū Cristuchiga rū yaxōgūxūchiga nixī i chidexaxū. ³³ Natūrū ngēma ore rū pechiga ta nixī. Rū ngēmacēx

i wüxichigü i pema i yatügü rü name nixi i pemèxü na pengechaüxü ngëma pegütama na pengechaüxürü. Rü ngëxgumarüü ta i pema i ngexügü rü penaxwëxe i petega pexinüë.

6

¹ Pa Buxügüx, ñuxma na Cristuarü pixigüxü, rü name nixi i penatüga rü peega pexinüë, erü ngëma nixi i aixcüma mexü. ²⁻³ Yerü yema mugü ga Tupana Moičéna äxütanüwa rü yema mu ga nüxira wüxi ga unetamaä Tupana nüxü ixuxü, rü ñanagürü:

“jRü tüxü nangechaü rü tüxü rüngüxëë ya cunatü rü cue na aixcüma cutaäëxüxcëx rü namáxüxcëx i curü maxü i ñoma i naänewa!”

ñanagürü. ⁴ Rü pemax, Pa Papágü rü Pa Mamágüx, rü tama name i penangamare rü penanuëxëë i pexacügü. Rü name nixi i meä penayaexëë, rü peyaxucuxëgü rü penangüexëë na meä tóru Coriaxü yaxögüäxüxcëx. ⁵ Rü pemagü, Pa Duüxügü ya Ixäärü Coriaxgüë, rü name nixi i meä naga pexinüë i perü corigü i ñoma i naänewa. Rü penaxwëxe i nüxü pengechatügüäcüma rü nüxü pemuüëäcüma meä naga pexintüë ñoma Cristuaxü pepuracüexürüü. ⁶ Rü tama name ega perü corigü pexü dawenüguxicatama meä nüxü pepuracüë na ngëmaäcü pemaä nataäëxüxcëx. Natürü ñuxma na Cristuarü duüxügü pixigüxü, rü name nixi i guxüma i perü ngüchaümaä penaxü i ngëma Tupana pexü nawwëxexü. ⁷ Rü ngëma puracü i perü cori pexna äxü, rü name nixi i petaäëäcüma penaxü, ñoma tóru Cori ya Ngechuchuaxü pepuracüexürüü. Erü aixcüma nüxü nixi i pepuracüexü rü tama i duüxügüaxü. ⁸ Rü name nixi i ngëmaäcü meä pepuracüë, erü nüxü pecuëx rü wüxichigü i duüxü rü woo wüxi i coriarü duüxü yixigü rü éxna taxúxearü yixigü, natürü tóru Cori ya Ngechuchu ta nüxü nanaxütanü naxcëx i ngëma mexü i naxixü. ⁹ Rü pemax, Pa Corigüx, rü name nixi i ngëxgumarüü ta meä namaä pemaxë i perü duüxügü. Rü tama name i tacü rü chixexümaä penaxäüxü. Rü nüxna pecuëxächie na pema rü ta perü duüxügüü tóru Cori ya daxügucümëxëwa na ngëxmagüxü. Rü aixcüma guxäma i yixema rü tawüxigu i napëxewa ya tóru Cori ya Cristu.

Cristuarü duüxügüarü poxüruü i Tupana nüxna äxü na nügü namaä ínapoxügüxcëx naxchaxwa i Chataná

¹⁰ Rü ñuxma na tóru Corimücügü pixigüxü, Pa Chaueneëgüx, rü name nixi i pegü peporaexëë na penayaxüxcëx i ngema pora i nawa ne üxü. Erü nüma rü naporaxüchi. ¹¹ jRü pegü panaxü i guxüma i ngema poxüruügü i Tupana pexna äxü na ngëmamaä pegü ípepoxüxcëx i ngëxguma Chataná pexü womüxëëchaügu! ¹² Erü tama duüxügü i taxrüü ämachixü rü äxchinaxäxümaä nixi i yigü idaixü. Natürü ngëma namaä yigü idaixü nixi i Chatanáärü duüxügü i ngoxogü i chixexügü i poraexü. Rü nümagü rü namuxüchi rü tüxü narüporamaëgüchaü. Rü tama nüxü tadaugü erü naäëgü nixi, natürü guxüwama nangëxmagü i ñoma i naänewa. Rü namaä inacuëx i ñoma i naäne i chixexü. ¹³ Rü ngëmacëx name nixi i penayauxgü i guxüma i ngëma poxüruügü i Tupana pexna äxü, na ngëmaäcü pegü ípepoxüxcëx i ngëxguma ngëma naäëgü pexü nachixexëëchaügu. Rü ngëmaäcü täütama nüxü penguxü i ngëma naäëgü i chixexü rü tá nüxü perüporamaëgü. ¹⁴ Rü ngëmacëx name nixi i meä pegüna pedaugü na tama perü uwanümëxëgü peyixüxcëx. Rü penaxwäe na pixaixcümagüxü na taxuwama nachixexüxcëx i perü maxü. ¹⁵ Rü name nixi i guxüma ípememaregü na nüxü peyarüxügüxcëx i ngema ore i ngüxmüxëëxü. ¹⁶ Rü ngema guxüarü yexera ixixü nixi na aixcüma Cristuaxü peyaxögüxü na ngëmaäcü pegü ípepoxüxcëx nüxna i Chatanáne i äcümaxü i namaä tüxü nachixexëëchaüxü. ¹⁷ Rü name nixi i penayaxu i ngema maxü i taguma güxü na ngëmamaä pegü ípepoxüxcëx ñoma wüxi i churara i napatëxemaä nügü ípoxüxürüxü. Rü ngema Tupanaarü Ore i Naäë i Üünexü pexna äxü, rü ngema nixi i pexne ixixü. ¹⁸ Rü tama name i nüxü perüchae na peyumüxëgüxü. Natürü name nixi i guxüma Tupanaäë i Üünexüärü ngüxëëmaä Tupanaxü pecëxü. Rü penaxwäe i pexuäë na taguma nüxü perüxoëxüxcëx. Rü ngëmaäcü name nixi i naxcëx peyumüxëgü i guxüma i Tupanaarü duüxügü. ¹⁹ Rü ngëxgumarüü ta chanaxwëxe i chauxcëx peyumüxëgü na Tupana choxü rüngüxëëxüxcëx rü choxna naxäxüxcëx i ngëma ore i nüma nanaxwëxexü na nüxü chixuxü. Rü chanaxwëxe i Tupana naxcëx peca na choxü naporaxëëxüxcëx na tama chamuüäcüma nüxü chixuxüxcëx rü meä chanangoxëëxüxcëx i ngema norü ore i Cristuchiga ga noxri exüguxü i ñuxma maxü tüxna äxü. ²⁰ Rü ngëma orexü na chixuxüxcëx nixi ga Tupana nügüchicüü choxü inamuxü. Rü ngëmagagu nixi i chapoxcuxü i ñuxmax. Rü chanaxwëxe i chauxcëx peyumüxëgü na tama chamuüäcüma meäma nüma nanaxwëxexüäcüma nüxü chixuxüxcëx i ngëma norü ore.

Paurü nanaguxëë ga norü popera rü wenaxärü yema duüxügüxü narümoxë

²¹ Rü taeneë ya nüxü ingechaücü ya Tiquicu, rü chauxrüü aixcüma meäma napuracü i tóru Coriarü puracüwa. Rü nüma tá pemaä nüxü nixu i guxüma i chauchiga na ñuxäcü choxü naxüpetüxü i nuä. ²² Rü ngëmacëx nixi i pexütawa chanamuxü, na pemaä nüxü

yaxuxŭcèx na ñuxăcŭ toxŭ naxŭpetŭxŭ, na ngēmaăcŭ pexŭ nataăxēxŭcèx. ²³ Pa Toeneēgŭ i Yaxōgŭxŭx, chanaxwèxe i Tanatŭ ya Tupana rŭ tŭrŭ Cori ya Ngechuchu ya Cristu pexŭ narŭ-ngŭxēēgŭ i guxăma i pema na meă pegŭmaă pemaxēxŭcèx, rŭ aixcŭma petaăēgŭxŭcèx, rŭ pegŭ pengechaŭgŭxŭcèx rŭ meă peyaxōgŭxŭcèx. ²⁴ Rŭ chanaxwèxe i Tanatŭ ya Tupana nŭxŭ narŭngŭxēē i guxŭma i ngēma duŭxŭgŭ i aixcŭmaxŭchi tŭrŭ Cori ya Ngechuchu ya Cristuxŭ ngechaŭgŭxŭ. Rŭ ngēmaăcŭ yŭi.

Rŭ nuăma pexna,
Pauru

POPERA GA PIRIPUWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxē ga yema yaxŏgŭxŭ ga Piripuwa yexmagŭxŭ

¹ Pa Toeneēgŭ ya Piripuwa Ngēxmagŭxex, choma i Pauru rü namaā i taeneē i Timutéu nixŭ i pexcēx tanaxŭmatŭxŭ i űāa popera. Rŭ toma rŭ Ngechuchu ya Cristuarŭ puracŭtanŭxŭ tixŭgŭ. Rŭ pexcēx tanaxŭmatŭ i pema i yaxŏgŭxŭdārŭ āēxgacŭgŭ na pixŭgŭxŭ, rŭ pema i tupaucawa ngŭxēetaeruŭgŭ na pixŭgŭxŭ, rŭ guxāma i pema i Ngechuchu ya Cristuaxŭ yaxŏgŭxe. ² Rŭ chanaxwēxe i Tanatŭ ya Tupana rŭ tŏrŭ Cori ya Ngechuchu ya Cristu poraācŭ pexŭ narŭngŭxēē rŭ pexŭ nataāēxēē.

Pauru rŭ yema yaxŏgŭxŭcēx nayumŭxē

³ Rŭ guxŭguma i ngēxguma pexna chacuēxāchigu rŭ Tupanana moxē chaxā i pexcēx. ⁴ Rŭ ngēxguma chayumŭxēgux, rŭ guxŭguma chataāēācŭma pexcēx chayumŭxē i guxāma i pemax. ⁵ Erŭ pema rŭ noxritama Tupanaārŭ orexŭ pexŭnŭgumama rŭ poraācŭ choxŭ perŭngŭxēē na nüxŭ chixuxŭcēx i norŭ ore i mexŭ. Rŭ űuxma rŭ ta choxŭ perŭngŭxēēgŭecha. ⁶ Rŭ Tupana rŭ marŭ inanaxŭgŭ i wŭxi i mexŭ i puracŭ i perŭ maxŭwa. Rŭ nüxŭ chacuēx rŭ nŭma rŭ guxŭgutāma nanaxŭecha i ngēma puracŭ űuxmatāta yanguxēā i ngēxguma űnanguxgu ya Ngechuchu ya Cristu. ⁷ Rŭ aixcŭma name na ngēmaācŭ pemaā nagu charŭxŭnŭxŭ, erŭ poraācŭ pexŭ changechaŭ rŭ aixcŭma Tupana wŭxigu tŭxŭ narŭngŭxēē i guxāma i yixema. Rŭ woo űuxma na chapoxcuxŭ rŭ ēxna ega āēxgacŭgŭpēxewa choxŭ nagagŭgu, rŭ Tupana choxŭ narŭngŭxēē i ngēxguma norŭ ore i mexŭtŭwa chideaxgu rŭ namaā nüxŭ chixuxgu i āēxgacŭgŭ na aixcŭma yŭxŭ i ngēma orewa nüxŭ iyarŭngauxŭ i tŏrŭ maxŭ i taguma gŭxŭ. Rŭ nüxŭ chacuēx rŭ ngēma choxŭ nangŭxēxŭācŭma, rŭ pexŭ rŭ ta narŭngŭxēē. ⁸ Rŭ Tupana nüxŭ nacuēx na űuxācŭ poraācŭ pexŭ chadauxchaŭxŭ rŭ pexŭ na changechaŭxŭ i guxāma i pemax, ngēma Ngechuchu ya Cristu pexŭ na ngechaŭxŭrŭ. ⁹ Rŭ chorŭ yumŭxēwa naxcēx űchaca na yexeraācŭ pegŭ pengechaŭgŭxŭcēx rŭ Tupanaxŭ pengechaŭgŭxŭcēx. Rŭ naxcēx űchaca na yexeraācŭ nüxŭ pecuāxŭcēx i guxāma i Tupanachiga rŭ yexeraācŭ nüxŭ pecuāxŭcēx na űuxācŭ nanaxwēxexŭ na naxcēx pemaxēxŭ. ¹⁰ Rŭ ngēmaācŭ pexcēx chayumŭxē erŭ chanaxwēxe na meā penangugŭxŭ i űacŭ nixŭ i aixcŭma mexŭ i Tupanapēxewa na penaxŭxŭcēx i ngēma. Rŭ chanaxwēxe na aixcŭma namexŭ i perŭ maxŭ na taxucēxma űacŭcēx Tupana pexna çaxŭcēx i ngēxguma űnanguxgu ya Cristu. ¹¹ Rŭ naxcēx űchaca na Ngechuchu ya Cristu pexŭ narŭngŭxēēxŭ na aixcŭma namexŭcēx i perŭ maxŭ rŭ aixcŭma penaxŭxŭcēx i ngēma Tupanapēxewa mexŭ na ngēmaācŭ meā pemaxēācŭma Tupanaxŭ picuēxŭgŭxŭcēx.

Chauxcēx rŭ Cristuarŭ ngŭchaŭ na chaxŭxŭcēx nixŭ i chamaxŭxŭ

¹² Pa Chaueneēgŭx, rŭ chanaxwēxe i nüxŭ pecuēx rŭ guxŭma i ngēma choxŭ űpetŭxŭ, rŭ aixcŭma ngēmaācŭ choxŭ naxŭpetŭ na yexeraācŭ natachigaxŭcēx i Tupanaārŭ ore i mexŭ. ¹³ Rŭ űuxma i nŭma rŭ guxŭma i churaragŭ i āēxgacŭpataarŭ dauruŭgŭ rŭ guxŭma i togŭ rŭ ta nüxŭ nacuēxgŭ na chapoxcuxŭ naxcēx na Cristuarŭ duŭxŭ chŭxŭ. ¹⁴ Rŭ űuxma na chapoxcuxŭ rŭ muxŭma i taeneēgŭ i yaxŏgŭxŭ rŭ tama namuŭēācŭma nüxŭ nangŭchaŭ na nüxŭ yaxugŭexŭ i Tupanaārŭ ore i mexŭ. Rŭ yexeraācŭ tŏrŭ Coriaxŭ nayaxŏgŭ. ¹⁵ Rŭ aixcŭma nixŭ i űuxre i duŭxŭgŭ rŭ togŭxŭ na yaxŭāxŭchixēēxŭcēxmare nüxŭ nixugŭexŭ i Cristuchiga, erŭ togŭxŭ narŭyexerachaŭ. Natŭrŭ nangēxma i togŭ i duŭxŭgŭ i aixcŭma mexŭgu naxŭnŭēācŭma meā nüxŭ ixugŭexŭ i ngēma ore. ¹⁶ Rŭ űuxre i duŭxŭgŭ rŭ Cristuchigaxŭ nixugŭe erŭ choxŭ nangechaŭgŭ rŭ nüxŭ nacuēxgŭ na Tupana nuxma choxŭ muxŭ na ichanapoxŭxŭcēx i norŭ ore i mexŭ. ¹⁷ Natŭrŭ nangēxma i togŭ i noxritama ngŭchaŭcēx daugŭxŭ rŭ ngēmacēx nüxŭ ixugŭexŭ i ngēma ore. Rŭ nŭmagŭ rŭ tama mexŭgu narŭxŭnŭē, natŭrŭ naxcēx nadaugŭ na yexeraācŭ choxŭ naguxchaxēgŭgŭāxŭ i űuxma na chapoxcuxŭ. ¹⁸⁻¹⁹ Natŭrŭ nŭgetama nixŭ ega woo ngēmaācŭ yixŭgu. Erŭ woo mexŭ i norŭ ngŭchaŭmaā yixŭgu rŭ ēxna tama, natŭrŭ Cristuchigaxŭ nixugŭe. Rŭ ngēma rŭ wŭxi i taē nixŭ i chauxcēx. Rŭ guxŭgutāma chataāēēcha erŭ nüxŭ chacuēx rŭ guxŭma i ngēma rŭ chorŭ mexŭcēx tā nixŭ erŭ chauxcēx peyumŭxēgŭ rŭ choxŭ narŭngŭxēē i Tupanaāē i űŭnexŭ i Ngechuchu ya Cristuxŭ rŭngŭxēēxŭ. ²⁰ Rŭ ngēma poraācŭ chanaxwēxexŭ nixŭ na taguma űacŭ rŭ chixexŭ chaxŭxŭ na taxucēxma chaugŭcēx chaxānexŭcēx. Rŭ chanaxwēxe i guxŭguma űchamemare na guxāpēxewa tama chamuŭācŭma Cristuchigaxŭ chixuxŭ. Rŭ űuxma na chamaxŭxŭ rŭ woo chayuxgu rŭ chanaxwae i guxŭguma aixrŭgumarŭtama chaugagu Cristuxŭ nicuēxŭgŭ i duŭxŭgŭ. ²¹ Erŭ chauxcēx rŭ Cristuarŭ ngŭchaŭ na chaxŭxŭcēx nixŭ i na chamaxŭxŭ. Natŭrŭ ngēxguma chayuxgux rŭ ngēma rŭ ta name, erŭ Cristuxŭtawa tā

changēxma i ngēxguma. ²² Natürü tama nūxū chacuèx i tacü nixī i rümemaēxū i chauxcèx, ngēma na chayuxū rü ēxna na chamaxūxū. Erü ñuxma na chamaxūxū rü choxū natauxcha na chanaxūxū i tórü Coriarü puracü. ²³ Rū ngēmacèx tama nūxū chacuèx na tacü yīxū i chauxcèx rümemaēxū i ngēma taxrewa. Erü ñuxguacü rü chanaxwèxe na chayuxū na Cristuxūtawa changēxmaxūcèx. Rū ngēma nixī i aixcūma yexera rümemaēxū i chauxcèx. ²⁴ Natürü i pexcèx rü nagu charūxīnū rü narümemaē nixī na ñoma i chaxunemaātama na chamaxūxū na ngēmaācū pexū charūngūxēēxūcèx. ²⁵ Rū ñuxma na aixcūma meā nūxū chacuāxū na pechoxwèxexū, rü ngēmawa nūxū chacuèx na tāūtāma paxa chayuxū. Rū ngēmaācū tá chamaxāma na pexū charūngūxēēxūcèx na yexeraācū Cristucèx pemaxēxūcèx rü yexeraācū taāēacūma nūxū peyaxōgūxūcèx. ²⁶ Rū ngēmaācū wena táxaru petanūwa changēxma. Rū ngēxguma wena choxū pedaugūgu rü aixcūma tá petaāēgū erü tá pexū nangēxma na tacūcèx Ngechuchu ya Cristuxū picuēxūñgūxū. ²⁷ Rū ngēma guxūārü yexera rümemaēxū nixī na naxcèx pedauxū na meā pemaxēxū, ngēma Cristuarü ore pemaā nūxū ixuxūrū. Rū ngēxguma petanūwa chaxūngu rü ēxna woo tama ngema chaxūngu, natürü nūxū chaxīnūchaū na guxāma wūxigu pegū peporaexēēxū na taguma nūxū perūchaxūcèx na aixcūma peyaxōgūxū, rü ngēmaācū Tupanaāxū pepuracūxū na yexeraācū yaxūchigūxūcèx i norū ore i mexū. ²⁸ Rū ngēmacèx penaxwèxe i tama texēxū pemuēācūma nūxū pixugūama i ngēma ore. Rū ngēma na tama nūxū pemuēxū rü ngēma rü wūxi i cuèxruū tá nixī nūxū i perū uwanūgū. Rū ngēmawa tá nūxū nacuèxgū na poxwuwa tá naxīxū i nūmagū natürü pema rü tá maxūwa na pexīxū. Rū Tupana tá nixī ya pexū rūngūxēēcū na tama nūxū pemuēxūcèx i ngēma perū uwanūgū. ²⁹ Rū Tupanaga nixī na Cristuaxū peyaxōgūxū. Rū ngēxgumarūū ta naga nixī na Cristucèx ngūxū pingegūxū. Rū ngēma rü wūxi i ngūxēē nixī i pexna naxāxū ya Tupana. ³⁰ Pema rü choma rü wūxigu Tupanaārü puracūwa tangēxmagū, rü tanaxūama i ngēma puracū ega woo texē tūxū naguxchaxēēgux. Rū ũpa rü marū choxū pedau na ñuxācū meā chanaxūxū i ngēma puracū, rü ñuxma rü ta nūxū picuāchiga na ñuxācū chanaxūamaxū woo namu i chorū guxchaxūgū.

2

Cristu rü ñoma taxuūma yīxūrūū nūgū nixīxēē rü yemacèx ga Tupana rü guxūārü āēxgacūñ nayaixēē

¹ Rū dücax, Pa Chaueneēgūx, rü ñuxma na Cristuarü duūxūgū pixīgūxū, ¿rū aixcūma yīxū i nūma pexū nataāēxēēxū? ¿Rū aixcūma yīxū i petaāēgūxū erü nūma pexū nangechaū? ¿Rū aixcūma yīxū i Tupanaāē i Üñexū pexūtawa ngēxmaxū? ¿Rū aixcūma yīxū i pegū pengechaūgūxū rü pegūxū pengechaūtūmūñgūxū? ² Rū ngēxguma chi ngēmaācū yīxūgu, rü chanaxwèxe i guxāma wūxigu perūxīnūē, rü aixcūma guxāma pegū pengechaūgū, rü aixcūma guxāma ñoma wūxitama piñūxū na yīxū i peāē, rü guxāma wūxitama i ngūchaūcèx pedau. Rū ngēxguma ngēmaācū pemaxēgu rü wūxi i chorū taāē tá nixī. ³ Rū tama name na togūarū yexera pegū pixīgūxēēxū rü pegū picuēxūñgūxū. Natürü narümemaē nixī i nagu perūxīnūēxū na ngema togū rü perū yexera nūxū nacuēgūxū. ⁴ ¿Rū tama pegūgucicatama perūxīnūē, natürü pegū peporaexēē na togūxū perūngūxēēgūxūcèx! ⁵ Rū name nixī ga yema Ngechuchu ya Cristu nagu rūxīnūxūgu na perūxīnūēxū i pemax. ⁶ Yerū nūma rü woo ga Tupanaxūchi na yīxū, natürü tama nūgū nicuēxūxū na Tupana yīxīxū. ⁷⁻⁸ Rū yemacèx yēma nanatēx ga norū mexūgū ga daxūgūxū ga naānewa. Rū wūxi i duūxū i togūaxū puracūxūrūū nūgū nixīxēē. Rū ñoma wūxi i duūxūrūū ñoma ga naānegu nabu. Rū yexguma marū duūxū yīxūgu ga nūmax, rü ñoma taxuūma yīxūrūū nūgū nixīxēē. Rū Tupanaga naxīnū, rü yemaācū curuchagu nayu woo wūxi ga āñexūchi na yīxū ga yema. ⁹ Rū yemacèx ga Tupana rü guxūdtūwa nanangexmaxēē rü nayangucuchixēē na guxūma i āēxgacūgūētūwa nangēxmaxūcèx. ¹⁰ Rū yemaācū nanaxū ga Tupana na Ngechuchupēxegu tacaxāpūxūgūxūcèx rü nūxū ticuēxūñgūxūcèx ya guxāma ya texē ya daxūgūxū i naānewa ngēxmagūxe, rü guxāma i ñoma i naānewa ngēxmagūxe, rü guxāma ya texē ya marū yuexe. ¹¹ Rū yemaācū Tupana āēxgacūxū nayaxīxēē na guxāma nūxū ixuxūcèx na tórü Cori yīxū ya Ngechuchu ya Cristu rü ngēmaācū nūxū icuēxūñgūxūcèx ya Tanatū ya Tupana.

Cristuarü duūxūgū rü ñoma omūgūrūū nixīgū i natanūwa i ngēma duūxūgū i tama yaxōgūxū

¹² Rū ñuxma na nūxū pecuāxū na ñuxācū Nanatūga naxīnūxū ga Cristu, rü chanaxwèxe i chauga pexīnūē, Pa Chaueneēgū ya Pexū Changechaūgūxe. Rū yēma petanūwa chayexmagu chauga na pexīnūēxūārū yexera chanaxwèxe i chauga pexīnūē i ñuxma na tama petanūwa changēxmaxū. Rū chanaxwèxe i Tupanaxū pemuēācūma naxcèx pedaugūama i perū maxū i taguma gūxū. ¹³ Erü Tupana nixī ya perū maxūwa puracūcū na mexūgu perūxīnūēxūcèx. Rū nūma nixī i pexū nangūxēēxū na naga pexīnūēxūcèx rü peyanguxēēxūcèx i ngema norū ngūchaxū. ¹⁴ ¿Rū guxūma i ngema Tupanacèx pexūxūwa rü tama name i oōcū penaxū rü pegū naxcèx pechoxūgagū! ¹⁵⁻¹⁶ Rū name i ngēmaācū meā pemaxē na taxūema tacū rü

chixexūxū pewa iyangauxūcèx. Rū penaxwèxe i mexū i Tupanaxācūgū pixīgū i natanūwa i ngēma duūxūgū i chixexū rū chixeaēgūmarexū. Rū ngēxguma ngēma duūxūgūmaā nūxū pix-ugūyane i ngēma ore i mexū i tūxū maxēxēēxū, rū xoxni natanūwa rū űoma woramacurīgū ya ēānexūwa ibāixgūcūrū tā pixīgū. Rū ngēmaācū i ngēxguma wena nūma naxūxgu ya Cristu rū poraācū tā pemaā chataāē erū tā nūxū chadau na tama natūcèxmare yīxū ga yema puracū ga petanūwa chaxūxū. ¹⁷ Rū ngēma űuxma na meā peyaxōgūxū, rū ngēma nixī i perū āmare i Tupanana pexāxū. Rū ngēma na meā yanguxūcèx i ngēma perū āmare i Tupanapēxewa, rū choma rū ichamemare na Tupanacèx ichanaxāxū i chorū maxū rū chayuxū. Rū ngēmacèx woo chayuxgu rū wūxi i taāē tā nixī i chauxcèx. Rū chanaxwèxe i pemagū rū ta ngēmacèx wūxigu chomaā petaāēgū. ¹⁸ Rū ngēmacèx ega ngēma ore i mexūcèx chayuxgux, rū tama name na pengechaūgūxū natūrū chanaxwèxe na wūxigu chomaā petaāēgūxū.

Timutéu rū Eparatoru- dītuchiga

¹⁹ Rū ngēxguma tōrū Cori ya Ngechuchu naxwèxegu rū paxa petanūwa chanamuega ya taeneē ya Timutéu na pexū na iyadauxūcèx rū chataāēxūcèx i ngēxguma nūma nangeāgu i pechiga. ²⁰ Rū aixcūma nataxuma i to i chorū ngūxēerū i choma nagu charūxīnūxūgū rūxīnūxū, rū Timutéuixicatama nixī. Rū nataxuma i to i naxrūū aixcūma pegu rūxīnūxū rū pexū rūngūxēēchaūxū. ²¹ Erū guxūma i togū rū naxcèx nadaugū i noxrūtama ngūchaūgū, rū tama aixcūma nagu narūxīnūē i ngēma Ngechuchu ya Cristuarū ngūchaū. ²² Natūrū i pema rū marū nūxū pecuēx na űuxācū meā namaxūxū i Timutéu, rū űuxācū choxū nangūxēēxū i Tupanaārū orearū uchigawa, űoma wūxi i buxū i nanatūxū rūngūxēēxūrū. ²³ Rū ngēmacèx i ngēxguma nūxū chacūxgu na űuxācū tā choxū na naxūpetūxū i nūma, rū űuxūchi ngema petanūwa chanamuxchaū i Timutéu na pexū iyadauxūcèx. ²⁴ Rū ngēxgumarūū ta nagu charūxīnū rū tōrū Cori rū aixcūma tā choxū narūngūxēē na chomatama ngema petanūwa ichayadauxūcèx. ²⁵ Rū ngēxgumarūū ta chauxcèx name nixī i ngema petanūwa chanamuxū i taeneē i Eparatorūditu. Rū nūma nixī ga pematama chauxcèx nūma penamuxū na choxū nangūxēēxūcèx. Rū nūma rū chomūcū nixī i Tupanaārū puracūwa, rū poraācū choxū narūngūxēē i Tupanaārū orearū uwa. ²⁶ Rū poraācū nūxū nangūchaū na pexū iyadauxū i guxāma i pemax. Rū poraācū naxoegaāē, yerū pema rū nūxū pecuāchiga ga na yadaawexū ga nūmax. ²⁷ Rū aixcūma nixī ga na yadaawexū, rū wixguxūchi taēx nayu. Natūrū Tupanaāxū nangechaūtūmūū rū choma rū ta nūxū changechaūtūmūū, rū yemacèx naxcèx nayataanaxēē na tama yexeraācū changechaūxūcèx. ²⁸ Rū ngēmacèx rū yexeraācū chanaxwèxe na paxa petanūwa chanamuxū i Eparatorūditu, na pema rū petaāēgūxūcèx i ngēxguma wena nūxū pedaugūgu. Rū ngēxguma i choma rū tā ta chataāē i ngēxguma nūxū chacūxgu na petanūwa nangēxmaxū na pexū nangūxēēxūcèx. ²⁹ Rū chanaxwèxe i tōrū Coriēgagu petaāēgūācūma meā penayaxu erū peeneē nixī. Rū name nixī i nūxū pengechaūgū i guxūma i ngēma duūxūgū i Eparatorūditurūū ixīgūxū. ³⁰ Yerū nūma ga Eparatorūditu rū yema na poraācū nawa napuracūxū ga Cristuarū puracū, rū yemacèx wixguxūchi taēx nayu. Rū āucūmaxūwa nūgū nayexmaxēē na pechicūū choxū nangūxēēxūcèx.

3

Ngēma na Cristuxū icuāxū rū ngēma nixī i guxūārū yexera rūmemaēxū

¹ Rū űuxma Pa Chaueneēgūx, rū chanaxwèxe i petaāēgū erū tōrū Coriarū duūxūgū pixīgū. Rū yema ore ga noxri pexcèx chaxūmatūxū rū tama choxū nawētūmūū na wena pexcèx chanaxūmatūxū erū aixcūma pexū name i ngēma ore. ² Rū pegūna pedēux nūxma i ngēma duūxūgū i chixri maxēxū rū chixexūmaā pexū ixucūxēgūxū! Rū nūmagū nixī i nūxū yaxugūxū rū ngēxguma tama yīgū űiwiechēxmūpēxechiraūgū, rū taxucūrūwama Tupanapēxewa time. ³ Natūrū yixema aixcūma Tupanapēxewa imexē, rū yixema tixīgū. Rū Tupanaxū ticūxūgū i Naāē i űūnexūārū ngūxēēmaā. Rū tataāēgū erū Ngechuchu ya Cristuarū duūxūgū tixīgū. Rū tama tayaxōgū na ngēma yīgū űiwiechēxmūpēxechiraūxūcèx Tupanapēxewa imexū. ⁴ Rū choma chi waxi nixī i guxū i togūarū yexera chayaxōxū i ngēma wīchēxmūpēxechiraūfchiga. Rū tataxu chima ya togue ya texē chauxrūū yaxōxē i ngēmachiga. ⁵ Yerū yexguma 8 ga ngunexū chauētū yixīgū ga na chabuxū, rū choxū űawiechēxmūpēxechiraūgū, erū Yudiū chixī. Rū Beyamītanūxū chixī. Rū chaunatū rū chauē rū Yudiūgū tixīgū, rū ngēmacèx i choma rū Yudiūxūchi chixī. Rū choma rū Parichēchirēx chixī, rū pema nūxū pecuēx rū ngēma Parichēgū rū meāma nanaxaure i Tupanaārū mugū ga Moīché űmatūxū. ⁶ Rū yema na meā chayanguxēēchaūxūcèx ga yema mugū ga Moīché űmatūxū, rū yemacèx nawe chingēchīgū ga yema duūxūgū ga Ngechuchuaaxū yaxōgūxū. Rū yema na aixcūma meā chanaxaurexūcèx ga yema mugū ga Moīché űmatūxū, rū yemacèx taxucūrūwama texē chauchigaxū tixū ga tama na chaxaurexū. ⁷ Natūrū

guxŭma ga yema ūpa chauxcèx mexŭ, rŭ ñuxma rŭ taxuwama choxŭ name erŭ marŭ íchanatèx na Cristuaxŭícatama chayaxòxŭcèx. ⁸Rŭ ñuxma na Ngechuchu ya Cristu ya chorŭ Corixŭ na chacuáxŭ, rŭ chauxcèx rŭ guxŭma ga yema ūpa nagu chixŭxŭ rŭ taxuwama name, erŭ ngèma na Cristuxŭ na chacuáxŭ rŭ guxŭárŭ yexera narŭmemaè. Rŭ guxŭma ga yema mugŭ ga noxri nagu chixŭxŭ rŭ marŭ nŭxŭ charŭxo na Cristuwe charŭxŭxŭcèx. Rŭ chauxcèx rŭ ñoma guxchirerŭŭ nixŭ ga yema ūpa nagu chixŭxŭ ega Cristumaã nŭgŭ chananguxgu. ⁹Rŭ yemaãcŭ nŭxŭ charŭxo ga guxŭma nagagu ga yema na Cristuarŭ duŭxŭ na chíxŭcèx. Rŭ ñuxma rŭ Tupanapèxewa chame erŭ Cristuaxŭ chayaxò. Rŭ tama ngèma na chamecŭmaxŭcèx rŭ éxna mugŭ chaxaurexŭcèx nixŭ na chamexŭ i napèxewa. Natŭrŭ ngèma na Cristuaxŭ chayaxòxŭcèx nixŭ i nŭgŭcèx choxŭ namexèèxŭ ya Tupana. ¹⁰⁻¹¹Rŭ ngèma ñuxma chanaxwèxexŭ nixŭ na aixcŭma Cristuxŭ chacuáxŭ rŭ chowa na nangèxmaxŭ i ngèma pora ga wena Cristuxŭ írŭdaxèèxŭ i ñuxma nŭxŭ ngèxmaxŭ. Rŭ yema ngŭxŭ na yangexŭ ga nŭma rŭ na nayuxŭ rŭ ngèxgumarŭŭtama chanaxwèxe i íchamemare na naxcèx ngŭxŭ chingexŭ rŭ naxcèx chayuxŭ na yixcama choma rŭ ta yuwa ícharŭdaxŭcèx.

Paurlu naxcèx nadau na Cristucèx namaxŭxŭ ñuxmatáta Tupanax- ŭtawa nangu

¹²Rŭ ñuxma na ngèma ñachaxŭ pemaã rŭ tama chanaxwèxe i nagu perŭxŭnŭè na guxŭxŭ chacuáxŭ i Cristuchiga, rŭ éxna guxŭwama na chamexŭ. Natŭrŭ guxŭ i ngunexŭgu rŭ naxcèx chadauama na Ngechuchu ya Cristuarŭ ngŭchaŭ na chaxŭxŭcèx, yerŭ yemacèx nixŭ ga nŭma ga chauxcèx nadauxŭ ga noxrix. ¹³Pa Chaueneègŭx, pemaã nŭxŭ chixu rŭ chomatama meãma nŭxŭ chacuèx rŭ ñuxma rŭ ta tautama nawa changu i ngèma naxcèx chadauxŭ. Natŭrŭ i ñuxma rŭ marŭ nŭxŭ ícharŭngŭma i guxŭma ga yema noxri nagu chixŭxŭ. Rŭ ñuxma rŭ chaugŭ chaporaxèè na aixcŭma Cristucèx na chamaxŭxŭ na nawa changuxŭcèx i ngèma maxŭ i chopèxewaama ngèxmaxŭ. ¹⁴Rŭ ngèmacèx i ñuxma rŭ naxcèx chadau na aixcŭma Cristucèx chamaxŭxŭ ñuxmatáta Tupanaxŭtawa changu. Erŭ chanayauxchaŭ i ngèma ãmare i nŭma daxŭguxŭ i naãnewa naxcèx taxcèx nangemaxŭ i yixema na Ngechuchu ya Cristuarŭ duŭxŭgŭ íxŭgŭxŭ. ¹⁵Rŭ guxŭama i yixema na aixcŭma Cristuaxŭ yaxògŭxŭ, rŭ name nixŭ i ngèmaãcŭ nagu tarŭxŭnŭè. Natŭrŭ ngèxguma chí texè i petanŭwa toguama tarŭxŭnŭgu, rŭ Tupana tá tŭxŭ nŭxŭ nacuèèè i ngèma nŭma nanaxwèxexŭ na nŭxŭ tacuáxŭ. ¹⁶Rŭ ngèma inaxwèxexŭ nixŭ na aixcŭma naga íxŭnŭèèchaxŭ rŭ meãma nagu íxŭxŭ i ngèma ore i marŭ nŭxŭ icuáxŭ. ¹⁷Pa Chaueneègŭx, chanaxwèxe i chaurŭrŭŭ nagu pexŭ i ngèma pexŭ nŭxŭ chadauxèèxŭ na namexŭ. ¡Rŭ penangugŭ na ñuxácŭ meã namaxèxŭ i ngèma togŭ i duŭxŭgŭ i toma tamaxèxŭácŭma maxèxŭ! ¹⁸Rŭ marŭ muèxpŭxŭcŭna pemaã nŭxŭ chixu, rŭ ñuxma rŭ changechaŭácŭma rŭ chaxauxácŭma wena pemaã nŭxŭ chixu rŭ nangèxma i muxŭma i duŭxŭgŭ i Cristuarŭ uwanŭrŭŭácŭma maxèxŭ. Rŭ nŭmagŭ rŭ tama nŭxŭ nacuègŭchaŭ na Cristu curuchagu naxcèx yuxŭ. ¹⁹Natŭrŭ ngèma duŭxŭgŭ rŭ tá ñuxwa Tupana nanapoxcue. Rŭ ngèma naxŭneárŭ ngŭchaŭ nixŭ i namaã natupanaãxŭ. Rŭ woo nŭxŭ nacuèxchirèx na wŭxi i ãne na yŭixŭ i ngèma chixexŭ natŭrŭ namaã nataègŭama. Rŭ ñoma i naãneárŭ ngèmaxŭguxicacatama narŭxŭnŭè. ²⁰Natŭrŭ i yixema rŭ daxŭguxŭ i naãnewa tŭxŭ nangèxma i tachica. Rŭ ítananguxèè na daxŭguxŭ i naãnewa taxcèx ne naxŭxŭ ya torŭ Cori ya Ngechuchu ya Cristu ya torŭ Maxèèèrŭru. ²¹Rŭ ñãã taxŭne i yuxwèxexŭ rŭ nŭma ya Cristu tá nanaxŭchicŭŭ na naxŭne i mexèchixŭrŭŭ yŭxŭcèx. Rŭ ngèma norŭ pora i namaã guxŭtètuwa nangèxmaxŭ, rŭ ngèmamaãtama tá nanaxŭchicŭŭ i taxŭne na noxrŭrŭŭ yŭxŭcèx.

4

Ñuxma na torŭ Coriarŭ íxŭgŭxŭ rŭ name nixŭ na guxŭguma namaã itaèègŭxŭ

¹Pa Chaueneègŭx, rŭ pexŭ changechaxŭ rŭ poraãcŭ pexŭ íchayadauxchaxŭ. Rŭ ngèma pemaã nŭxŭ chixuxŭrŭŭ chanaxwèxe i meã torŭ Coricèx pemaxè erŭ pema nixŭ i chorŭ taãè rŭ chorŭ ãmare i Tupana choxna ãxŭ pixŭgŭxŭ. ²Rŭ nŭxŭ chacèèxŭ i taeyègŭ i Ebódia rŭ Chitique na nŭgŭmaã nangŭxmŭèxŭcèx, erŭ nŭmagŭ rŭ torŭ Corixacŭgŭ nixŭgŭ. ³Rŭ cumax, Pa Chomŭcŭ ya Mecŭ i Wŭxigu Tupanaárŭ Puracŭwa Chomaã Puracŭcŭx, rŭ cuxna naxcèx chaca na nŭxŭ curŭngŭxèèxŭcèx i ngèma taxre i taeyègŭx, erŭ nŭmagŭ rŭ wŭxigu chomaã rŭ Cremetemaã rŭ ngèma togŭ i chomŭcŭgŭ i Tupanaárŭ poperawa marŭ ngoxégagŭxŭmaã napuracŭe i Tupanaárŭ orearŭ uwa. ⁴Rŭ ñuxma na torŭ Coriarŭ pixŭgŭxŭ, Pa Chaueneègŭx, rŭ name nixŭ i guxŭguma namaã petaèègŭ. Rŭ wena pemaã nŭxŭ chixu, rŭ ¡petaèègŭ! ⁵Rŭ chanaxwèxe i meã pemaxè na guxŭma i duŭxŭgŭ pexŭ nacuègŭxŭcèx na aixcŭma mexŭ i duŭxŭgŭ na pixŭgŭxŭ. ¡Rŭ nŭxna pecuèxãchie na torŭ Cori rŭ paxa tá nataeguxŭ na nŭma naxŭxŭ! ⁶¡Rŭ taxucèxma penaxŭxãchiãègŭ! ¡Rŭ Tupanamaã nŭxŭ pixu i perŭ yumŭèwa i guxŭma i tacŭ i pexŭ ngupetŭxŭ! ¡Rŭ naxcèx ípeca rŭ moxè nŭxna pexã! ⁷Rŭ ngèmaãcŭ i nŭma ya Tupana rŭ tá pexŭ nataèèèèe namaã i wŭxi i taãè i mexèchixŭ i guxŭma i taãè i nŭxŭ icuáxŭárŭ yexera mexèchixŭ. Rŭ ñuxma na

Ngechuchu ya Cristuarū duūxūgū pixīgūxū, rū ngēma taāē i Tupana pexna āxū rū tá nūxna pexū i napoxū i ngēma chixexū i nagu perūxīnūēchaxū.

Name nixī i nagu tarūxīnūē i guxūma i tacū i aixcūma mexū iixū

⁸ Rū űuxma Pa Chaueneēgūx, rū name nixī i nagu perūxīnūē i guxūma i ngēma ore i aixcūma iixū, rū guxūma i ngēma nacūma i taxucūrūwama texē chixri nachiga idexaxū. Rū name nixī i nagu perūxīnūē i guxūma i ngēma ore i aixcūma meā iwéxū rū guxūma i ngēma Tupanapēxewa mexū, rū guxūma i ngēma mexū i duūxūgū namaā taāēxū, rū guxūma i ngēma mexū i Tupanaxū naxcēx icuēxūūxūgūxū. Rū name nixī i ngēmagu perūxīnūē. ⁹ Rū chanaxwēxe i aixcūma penaxū i ngēma pexū changūxēēxū, rū ngēma pexū namaā chixucūxēgūxū, rū ngēma chauxūtawa nūxū pexīnūēxū, rū ngēma chauxūtawa nūxū pedauxū na chanaxūxū. Rū ngēxguma ngēmaācū pemaxēgu rū pemaā tá inarūxūxū ya Tupana ya tamaā irūngūxmūcū rū tūxū taāēxēēcū.

Yema Piripucūāx ga yaxōgūxū rū dīerumaā Pauruxū narūngūxēēgū

¹⁰ Rū űuxma na chorū Coriarū chīxū, rū poraācū chataāē erū wenaxārū choxna pecuēxāchie rū choxū perūngūxēē. Rū choma nūxū chacuēx rū pema rū guxūguma choxū perūngūxēēchaū, natūrū taguma pexū natauxcha ga yema. ¹¹ Rū tama ngēma na tacū choxū taxuxūcēx nixī i pemaā nūxū chixuxū i ngēmachiga. Erū choma rū marū chomaā nixū na namaā chataāēxū i ngēma choxū ngēmaxū. ¹² Rū nūxū chacuēx na űuxācū na yīxū ega guxū choxū taxūgux, rū nūxū chacuēx na űuxācū na yīxū ega choxū namuxūchixgu. Rū marū chomaā nixū na namaā chataāēxū i ngēma choxū ngēmaxū woo changaxpūtūwegu, rū ēxna woo chataiyaxgu, rū ēxna woo choxū namuxūchixgu rū ēxna woo choxū natauxguma. ¹³ Rū Cristu nixī ya choxū poraxēēcū, rū ngēmacēx chomaā nanguxū na chanaxūxū i guxūma i ngēma Tupana naxwēxexū na chanaxūxū. ¹⁴ Natūrū ga pema rū wūxi ga mexū choxū pexūgū ga yexguma guxchaxūwa chayexmagu rū choxū perūngūxēē. ¹⁵ Rū pema, Pa Yaxōgūxū i Piripucūāx, rū meāma nūxū pecuēx rū yexguma noxri Machedóniānēwa nūxū chixuxgu ga Tupanaārū ore, rū yexguma yēma íchaxūxūgu, rū pexicatama nixī ga āmare choxna pexāxū naxcēx ga yema ngūxēē ga chauxūtawa peyaxuxū. ¹⁶ Rū yexguma Techaróniāaarū iānēwa chayexmayane, rū pema rū yēma chauxcēx penamugū ga perū āmare na choxū perūngūxēēgūxūcēx. Rū tama nixī ga yexgumarīca choxū perūngūxēēxū. ¹⁷ Rū woo perū āmaremaā chataāē, natūrū yexeraācū chataāē erū ngēma choxū na perūngūxēēgūxūcēx rū Tupana tá āmare pexna naxā. ¹⁸ Rū űuxma rū marū choxū nangēxma i guxūma i tacū i chanaxwēxexū, rū aixcūma ngēmaārū yexera choxū nangēxma. Rū űuxma na Eaporudítu nūma nangexū i perū āmare, rū taxūma choxū nataxu. Rū ngēma perū āmare i chauxcēx nūma pemuxū, rū Tupanapēxewa rū űoma wūxi i pumara i yixixūrūxū nixī, rū nūma rū poraācū namaā nataāē. ¹⁹ Rū ngēmacēx ya chorū Tupana rū norū ngēmaxūgū i mexēchixūwa tá pexna nanaxā i guxūma i tacū i pexū taxuxū. Rū ngēmaācū tá nanaxū erū Ngechuchu ya Cristuarū duūxūgū pixīgū. ²⁰ Rū name nixī i guxūguma nūxū ticuēxūgū ya Tanatū ya Tupana. Rū ngēmaācū yīi.

Pauru nanagūxēē ga norū popera rū wenaxārū yema duūxūgūxū narūmoxē

²¹ Rū chanaxwēxe i chauégagu nūxū perūmoxēgū i guxūma i taeneēgū i Ngechuchu ya Cristuarū yaxōgūxū. Rū ngēxgumarūū ta pexū narūmoxēgū i ngēma taeneēgū i chauxūtawa ngēxmagūxū. ²² Rū ngēxgumarūū ta pexū narūmoxēgū i guxūma i taeneēgū i nūma Dumawa ngēxmagūxū. Rū ngēma yexera pexū rūmoxēgūxū rū ngēma nixī i taeneēgū i Dumaārū āēxgacū ya tacūxū-tawa puracūexū. ²³ Rū chanaxwēxe i torū Cori ya Ngechuchu ya Cristu pexū narūngūxēē i guxāma i pemax. Rū ngēmaācū yīi.

Rū nuāma pexna,
Pauru

POPERA GA COROCHAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭl ga Corochawa yexmagŭxŭl

¹⁻² Pa Chaueneēgŭ ya Corochaarŭ Īnewa Ngēxmagŭxex, choma i Pauru rŭ wŭxigu namaā i taeneē i Timutēu nixŭ i pexcēx tanaxŭmatŭxŭ i űāā popera. Rŭ choxŭ nixŭ ga Tupana ga inamuāchixŭ na guxŭwama nŭxŭ chixuchigŭxŭcēx i Ngechuchu ya Cristuarŭ ore. Rŭ pexcēx chanaxŭmatŭ i guxāma i pema ya chaueneēgŭ ya aixcŭma Tupanaārŭ duŭxŭgŭ ixŭgŭxe ya Cristuaxŭ yaxŏgŭxe. Rŭ chanaxwēxe i Tanatŭ ya Tupana pexŭ narŭngŭxēē na meā pegŭmaā pemaxēxŭcēx rŭ petaāēgŭxŭcēx.

Pauru rŭ yema yaxŏgŭxŭcēx nayumŭxē

³ Rŭ guxŭguma i ngēxguma pexcēx tayumŭxēgŭgu, rŭ moxē nŭxna taxā ya Tupana ya Nanatŭ ya tŏrŭ Cori ya Ngechuchu ya Cristu. ⁴ Rŭ ngēmaācŭ tanaxŭ erŭ marŭ nŭxŭ tacuāchiga na űuxācŭ aixcŭma meā Ngechuchu ya Cristuaxŭ peyaxŏgŭxŭ, rŭ aixcŭma nŭxŭ pengechaŭgŭxŭ i guxŭma i ngēma duŭxŭgŭ i Tupanaārŭ ixŭgŭxŭ. ⁵ Rŭ nŭxŭ tacuēxgŭ na ngēmaācŭ meā Tupanapēxewa pemaxēxŭ erŭ penayauxgŭchaŭ i ngēma mexŭgŭ i Tupana pexŭ namaā ngxŭxŭ i daxŭguxŭ i naānewa. Rŭ űuxma rŭ meā ĩpenanguxēē na penayauxgŭxŭcēx i ngēma mexŭgŭ yerŭ marŭ nŭxŭ pexŭnŭē ga Tupanaārŭ ore i mexŭ i aixcŭma ixŭxŭ. ⁶ Rŭ ngēmatama ore i mexŭ ga pexŭtawa ngxŭxŭ, rŭ guxŭwama nangu i űuxmax. Rŭ guxŭwama ningŭchigŭ rŭ duŭxŭgŭarŭ maxŭxŭ naxŭchicŭ, yema perŭ maxŭxŭ na naxŭchicŭxŭrŭrŭ ga yexguma nŭxŭ pexŭnŭēgu rŭ nŭxŭ pecuēxgŭgu na űuxācŭ Tupana aixcŭma pexŭ na ngechaŭxŭ rŭ pexŭ rŭngŭxŭēēchaŭxŭ. ⁷ Rŭ ngēma ore i mexŭ nixŭ ga pexŭ nangŭxēēxŭ ga Epāparu ya tomcŭcŭ ya nŭxŭ tangechaŭgŭcŭ ya wŭxigu tomaā Tupanaārŭ orewa puracŭcŭ. Nŭma rŭ Cristuarŭ puracŭtanŭxŭ ya mecŭ nixŭ, rŭ nŭma nixŭ i tochicŭcŭ pexŭ nangŭxēēxŭ. ⁸ Rŭ nŭma ya Epāparu nixŭ i tomaā nŭxŭ yaxuxŭ i pechiga na űuxācŭ Tupanaāē i Ūnŭxŭārŭ ngŭxēēmaā choxŭ pengechaŭgŭxŭ. ⁹ Rŭ ngēmācēx i toma ga noxritama pexŭ tacuāchigagu, rŭ taguma nŭxŭ itayarŭngŭmaē na pexcēx tayumŭxēgŭxŭ. Rŭ guxŭguma Tupanana naxcēx tacagŭ na meā pexŭ nŭxŭ nacuēxēēxŭcēx i ngēma nŭma nanaxwēxexŭ na penaxŭxŭ. Rŭ nŭxna naxcēx tacagŭ na pexna naxāāxŭcēx i nagŭxŭraŭxŭ i cuēx i Naāē i Ūnŭxŭwa ne ŭxŭ. ¹⁰ Rŭ nŭxna naxcēx tacagŭ na meā tŏrŭ Cori naxwēxexŭācŭma na pemaxēxŭcēx rŭ guxŭguma penaxŭxŭcēx i ngēma nŭma nanaxwēxexŭ. Rŭ nŭxna naxcēx tacagŭ na pexŭ natauxchaxēēāxŭcēx na togŭxŭ perŭngŭxēēgŭxŭcēx rŭ guxŭ i ngunexŭgu yexeraācŭ Tupanaxŭ pecuāxŭcēx. ¹¹ Rŭ nŭxna naxcēx tacagŭ na norŭ pora i mexēchixŭmaā pexŭ naporaexēēxŭcēx, na namaā peporaexŭcēx i guxŭma i guxchaxŭgŭ rŭ yaxna namaā pexŭnŭēxŭcēx. ¹² Rŭ űuxŭchi tanaxwēxe i taāēācŭma Tanatŭ ya Tupanana moxē pexā, erŭ nŭma pexŭ nimexēēgŭ na pema rŭ ta penayauxgŭxŭcēx i ngēma mexŭgŭ i naxŭtawa ngēxmagŭxŭ i nŭma tā nŭxna naxāxŭ i ngēma duŭxŭgŭ i noxrŭ ixŭgŭxŭ. ¹³ Yerŭ nŭma ga Tupana rŭ marŭ Chatanāmēxēwa tŭxŭ ĩnanguxŭxēē rŭ Nane ya nŭxŭ nangechaŭcŭmēxēwa tŭxŭ nangēxmagŭxŭē. ¹⁴ Rŭ guma Nanegagu nixŭ ga tŭxŭ namaxēxēēxŭ rŭ tŭxŭ nŭxŭ nangechaŭxŭ ga tŏrŭ pecadugŭ.

Rŭ yexguma pecaducēx nayuxgu ga Cristu rŭ Tupana nŭgŭmaā nanangŭxmŭxēē ga duŭxŭgŭ

¹⁵ Taguma texē Tupanaxŭ tadau, natŭrŭ nŭma rŭ nŭma nanamu ga Nane na duŭxŭgŭ nŭxŭ daugŭxŭcēx rŭ nŭxŭ nacuēxgŭxŭcēx na űuxācŭ na yŭxŭ i nŭma ya Tupana. Rŭ naxŭpa ga guxŭma ga űacu i űuxma ngēxmaxŭ, rŭ nŭxŭra marŭ nayexma ga Tupana Nane. ¹⁶ Rŭ Nanexŭ nixŭ ga namuxŭ ga Tupana na naxŭāxŭcēx ga guxŭma i űacu i űuxma ngēxmaxŭ i daxŭguxŭ i naānewa rŭ űoma i naānewa, rŭ guxŭma i ngēma nŭxŭ idauxŭ rŭ ngēma tama nŭxŭ idauxŭ. Rŭ yemaācŭ nanaxŭ ga guxŭma ga norŭ orearŭ ngeruŭgŭ i daxŭcŭāxŭrŭ āēxgacŭgŭ rŭ guxŭma ga ngoxogŭarŭ āēxgacŭgŭ. Rŭ yemaācŭ nanaxŭ ga guxŭma na nŭxŭ yaxcŭxŭgŭxŭcēx. ¹⁷ Rŭ naxŭpa i guxŭma i űacu i űuxma ngēxmaxŭ, rŭ Cristu rŭ marŭ nŭxŭra nayexma. Rŭ nagagu nixŭ i meā inanuxŭ i guxŭma erŭ nŭma nixŭ i namaā ĩnacuāxŭ. ¹⁸ Rŭ nŭma ya Cristu rŭ naēru nixŭ i guxŭma i ngēma yaxŏgŭxŭ. Rŭ nŭma nixŭ ga naxŭāxŭ rŭ nŭxna naxāāxŭ ga maxŭ. Rŭ nŭma nixŭ ga nŭxŭra yuwa ĩnadaxŭ na guxŭārŭ āēxgacŭ yŭxŭcēx. ¹⁹ Rŭ Cristu rŭ Tupanaxŭchŭi nixŭ, yerŭ yemaācŭ nanaxwēxe ga Tupana. ²⁰ Rŭ Tupana rŭ űoma ga naānewa nanamu ga Cristu na curuchagu pecaducēx nayuxŭcēx. Rŭ yemaācŭ nixŭ ga Tupana nŭgŭmaā nangŭxmŭxēēxŭ ga guxŭma i űoma i naānewa ngēxmaxŭ rŭ guxŭma i daxŭguxŭ i naānewa ngēxmaxŭ. Rŭ yemaācŭ nanaxŭ ga Tupana yerŭ yemaācŭ nanaxwēxe. ²¹ Rŭ pema ga ŭpa rŭ tama Tupanamŭcŭgŭ pixŭgŭ yerŭ naxchi pexaie nagagu

ga perū chixexū ga nagu perūxñüexū rü pexüxū. ²² Natürü i ñuxma ya Tupana rü nügümaā pexū narüngüxmüëë na namüügü i mexū pixīgüxūcëx. Rü yemaäcü nanaxū ga Tupana ga yexguma Cristu duūxūxū ixīxgu rü curuchawa ngüxū yangexgu rü yexma nayuxgu. Rü yemaäcü nayu ga Cristu na nügüxütawa pexū nagagüxūcëx rü napëxewa pimëxūcëx rü nataxuxūcëx i perū chixexū. ²³ Natürü ngema na pengügüxūcëx, rü penaxwëxe na ngügüma mea peyaxögüxū rü meā naga pexñüexū rü tagema nūxū perüxoexū i ngëma norü ore i mexū ga marü nüxū pexñüexū. Rü ngematama ore nixī i ñuxma nūxū yaxugüxū i güxū i naanewa.

Tupana rü Pauruxū namu na guxūma ga yaxögüxūxū nangüxëëxūcëx

²⁴ Rü ñuxma na woo pexcëx ngüxū chingexū rü chataäe erü nüxū chacuëx rü ñā chaxunemaā choma rü ta chayangüxëë ga yema ngüxū ga Cristu ingexū naxcëx i norü duūxügü i yaxögüxū. ²⁵ Rü ñuxma ya Tupana rü choxū namu na nüxū charüngüxëëxūcëx i guxūma i ngëma norü duūxügü i yaxögüxū. Rü perū mexūcëx nixī i choxū namuxū na guxūwama meā nüxū chixuxūcëx i norü ore. ²⁶⁻²⁷ Rü ngëma Tupanaärü ore rü ñanagürü: “Rü Cristu rü pewa nangëxma i ñuxmax, rü nagaguxicatama nixī i pexū nangëxmaxū i pechica i daxügüxū i naānewa i ngextā inamexëchixūwa”, ñanagürü. Rü yema nuxcūmaügüxū ga duūxügü rü tama nüxū nacuëxgü ga yemachiga, natürü ñuxma ya Tupana rü norü duūxügüxū nüxū nacuëxë. Erü nūma ya Tupana rü norü duūxügüxū nüxū nadauxëëchaū na ñuxäcü poraäcü pexū nangechaūxū rü pexū nangüxëëxū i guxāma i pema i tama Yudiügü ixīgüxe. Rü ñuxma i pema na woo tama Yudiügü pixīgüxū, natürü pema rü ta pexū nangëxma i pechica i daxügüxū i naānewa erü Cristuaxū peyaxögü. ²⁸ Rü ñuxma i toma rü Cristuchigaxū nixī i tixuxū. Rü ngema ore i Tupanaärü cuëx nawa ngëxmaxūmaā nixī i guxūma i duūxügüxū tixucüxëgüxū rü tanangüxëëxū na ngemaäcü ngearü chixexūxū Cristuxütawa tagagüxū. ²⁹ Rü ngëmatama puracū nixī i nawa poraäcüxūchima chapuracūamaxū woo ñacū rü guxchaxū chauxcëx inguxgu. Rü guxūma i ngëma pora i Cristu choxna äxū i chowa ngëxmaxū nixī i choxū poraxëëxū na chanaxūamaxūcëx i ngëma puracū.

2

¹ Pa Chaueneëgüx, chanaxwëxe i nüxū pecuëx na ñuxäcü poraäcü pexcëx chapuracūxū. Rü ngëxgumarūxū ta chanaxwëxe i nüxū pecuëx na ñuxäcü poraäcü chapuracūxū naxcëx i ngëma taeneëgü i Laodichéaarü iānewa ngëxmagüxū rü guxūma i petanüxügü i tagema choxū daugüxū. ² Rü ngëmaäcü poraäcüxūchima chapuracū na nüxū rü ta chanangüchaūxëëxūcëx. Erü chanaxwëxe i guxūma aixcūma nügü nangechaūxū rü nüxū nangëxma i ngëma mexū i cuëx i aixcūma ixīxū. Rü ngëmaäcü tā meāma nüxū nacuëxgü ga yema noxri Tupanaxīcatama nüxū cuāxū. Rü yima rü Cristutama nixī. ³ Rü nūma nixī i nüxū nangëxmaxū i guxūma i cuëx i aixcūma mexū. Rü nūma nixī i taxcëx nangoxëëäxū i Tupanachiga. ⁴ Rü pemaā nüxū chixu i ngëma ore erü tama chanaxwëxe na texé pexū womüxëëgüxū namaā i ñacū rü ore i chixexūwa pexū gagüxū. ⁵ Rü woo na tama ngema petanüwa changëxmaxū, natürü chauāewa rü poraäcü pegu charüxñü. Rü wüxi i chorü taäe nixī na nüxū chacuāxū na ñuxäcü meā pegü ipinuxū na meā pegümaā ipecuäxūcëx rü ñuxäcü tama nüxū perüxoexū na Cristuaxū peyaxögüxū.

Ñuxma na Cristuarü ixīgüxū rü ngëxwacaxūxū i maxū tüxū nangëxma

⁶ Rü pema ga noxri rü meāma törü Cori ya Ngechuchu ya Cristuxū peyaxgü. Rü ñuxma rü yema noxri meāma na penayauxgüxūrü rü name nixī i guxūguma nüxna penaxā i perü maxū na nūma pexū namaā inacuaūxūcëx. ⁷ Rü wüxi i nanetü nanaxwëxe i naxchümëxā na nataixūcëx rü na namaxūxūcëx. Rü ngëxgumarūxū ta i pema rü penaxwëxe na meā Cristuna peyaxūgüxū na meā nawa piyaetanüxūcëx rü meā naxcëx pemaxëëxūcëx rü meā nüxū peyaxögüamaxūcëx yema noxri Epáparu pexū ngüxëëgurü. Rü name nixī i guxūguma Tupanana moxë pexā. ⁸⁻⁹ ¡Rü naxcëx pexuäëgü i ngëma duūxügü i pexū womüxëëgüchaūxū! Rü tama name i nüxū iperüxñüë i ngëma norü ore i tama aixcūma ixīxū rü taxuwama mexū. Erü ngëma duūxügü rü pexū nangüxëëchaū na nagu pexūxūcëx i ngëma nacūmagü ga nuxcūmaügüxū ga duūxügü nagu ixū. Rü ñoma i naānëärü ngüxëëtaëgü nixī i inaxñüexū. Rü tama aixcūma Cristuchiga nixī i ngëma pexū nangüxëëxū. Rü name nixī i nüxna pixīgachi i guxūma i ngëma ngüxëëtaerüügü i chixexūgü rü Cristuwe perüxī. Erü Cristu rü Tupanaxūchi nixī rü guxūma i Tupanaärü pora rü Cristuwa nangëxma. ¹⁰ Rü ñuxmax, rü Tupanaärü maxū rü norü pora rü aixcūma pewa nangëxma erü namëxwa pengëxmagü ya Cristu ya namaā icuäcü i guxūma i daxūcūāxārü äëxgacügü rü guxūma i ngoxogüarü äëxgacügü. ¹¹ Rü ngëma Yudiügü rü nügü inawiechëxmüpëxchiraügü na Tupanapëxewa yamëxūcëx. Natürü ngëxguma Cristuaxū yaxögügu rü tama ngëmaäcü tamaā nanaxū ya Cristu na imëxūcëx. Erü nūma ya Cristu rü törü maxūwa napuracū

rū tūxū inanguxūxēē nawa i taxūneārū ngūchaūgū. Rū ngēmaācū nixī i tūxū yamexēēxū na Tupanapēxewa imexēcēx. ¹² Rū yexguma ipebaiūgu, rū Cristu na itāxūrūū yexma natēx ga yema nuxcūmaūxū ga perū maxū. Rū yema Cristu na írūdaxūrūū rū pema rū ta penayaxu i maxū i ngexwacaxūxū, yerū peyaxōgū na Tupana norū poramaā Cristuxū írūdaxēēxū. ¹³ Rū ūpa ga pema rū tāma aixcūma pexū nayexma ga maxū i taguma gūxū yerū pepecaduāxgū rū pexeneārū ngūchaū pexūgū. Natūrū i űuxma rū Cristuxū namaxēēxūrūū pexū namaxēēxēē ya Tupana erū Cristuarū duūxūgū pixīgū. Rū Tupana rū marū Cristugagu tūxū nūxū nangechaū ga guxūma ga tōrū pecadugū. ¹⁴ Rū noxri rū tachixe yerū tama aixcūma naga taxīnūē ga yema mugū ga Moīché tūxna āxū, rū tōrū pecadugū rū yuwa tūxū nagagū. Natūrū ga Cristu rū curuchagu tōrū pecaducēx nayu, rū yemaācū Tupana tūxū nayangutanūxēē ga yema tōrū pecadugū. ¹⁵ Rū yexguma curuchagu nayuxgu ga Cristu, rū yexguma nixī ga Chatanaxū naporamaēxū ga Tupana. Rū yexguma nixī ga guxū ga duūxūgūpēxewa Chatanaxū naxānēxēēxū űoma wūxi i churaragūarū āēxgacū i norū uwanū i nūxū naporamaēxūxū naxānēxēēxūrūū.

Name nixī i naxcēx tadaugū i ngēma mexīgū i daxūguxū i naānēwa ngēxmagūxū

¹⁶ Rū űuxma rū taxucēxma tūxcūū pexū nixu i ngēma Yudiūgū ega woo tama naxrūū penaxūxgux. Nūmagū rū űuxre i űnagūxīcatama nangōxgū, rū űuxre i axeūxīcatama nixaxgū, rū űuxre i petaarū ngunexūgū naxauregū na ngēmaācū Tupanaxū yacuēxūūgūxūcēx. Rū nangēxma i norū peta i gucū ya taunecūgu Tupanacēx naxauregūxū rū togū i petagū i gucū ya taumacūgu naxauregūxū. Rū nūxū nangēxma i taucūmagū na űuxācū ngūxchigarū ngunexūgū naxauregūxū. ¹⁷ Rū aixcūma yema nuxcūmaūgūxū ga Yudiūgū rū nanaxauregū ga yema nacūmagū yerū ga Cristu rū tauta inangu ga yexguma. Natūrū i űuxma rū marū inangu ya Cristu rū tōrū pecaducēx nayu. Rū űuxma rū name nixī na naga ixīnūēxū rū tama nagu ixīxū i ngēma nuxcūmaūgūxū i nacūmagū. ¹⁸ Rū tāūtāma naga pexīnūē i ngēma duūxūgū i nūxū ixugūxū na ipeyarūtauxexū ega tama daxūcūāx i orearū ngeruūgūxū picuēxūūgūgū! Nūmagū rū tama nūgū nicuēxūūgūneta rū nūgū nixugū na yangōxetūgūxū. Rū noxrūtama cuēxmaāmare nūgū nicuēxūūgū. ¹⁹ Natūrū i nūmagū rū tama aixcūma naga naxīnūē ya yima taeru ixīcū ya Cristu ya tūxū poraexēcū rū tūxū iyaetanūxēcū i tōrū űwa i guxāma i yixema i norū duūxūgū ixīgūxe. Rū nūma ya Cristu nixī i wūxigu tūxū naxīnūēxēēxū i wūxichīgū i yixema ngēma Tupana naxwēxexūrūū. ²⁰ Rū yexguma nayuxgu ga Cristu rū yexma nayu ga nuxcūmaūxū ga perū maxū, rū yexma nayarūxo ga guxūma ga nuxcūmaūgūxū ga pecūmagū i űoma i naānecūāx i duūxūgū nagu rūxīnūēxū. Rū ngēmacēx i űuxmax űrū tūxcūū nixī i űoma i naānecūāx maxēxūrūū nagu pemaxēxū i pemax, rū tūxcūū nixī i ngēma Yudiūgūcūmagu pexīxū? ²¹ Rū nūmagū i Yudiūgū rū nūxū nixugūē rū űnagūrūgū:

“Tama name i nūxū quingōgū i ngēā, rū tama name i cunangōx i yea, rū tama name i cunayaxu i ngēma”, űnagūrūgū. ²² Natūrū guxūma i ngēma nacūmagū rū paxa tā inayarūxo erū duūxūgūarū nixīgū. Rū ngēma pexū namuxū rū duūxūgūarū mugūmare nixī. Rū ngēma pexū nangūxēēxū rū duūxūgūarū ngūxēētaemare nixī. ²³ Rū guxūma i ngēma pexū namuxū rū pexcēx namexcūraxū erū pexū naxucūxēgū na űacū pexauregūxūcēx, rū tama pegū picuēxūūgūxūcēx, rū meā pexenemaā ipecuēxgūxūcēx. Natūrū guxūma i ngēma mugū rū tama aixcūma pexū narūngūxēē na nūxū perūxoexūcēx i pexeneārū ngūchaūgū.

3

¹ Rū űuxma i pemax, rū Cristu wena maxūxūrūū rū pexū nangēxma i maxū i ngexwacaxūxū. Rū ngēmacēx name nixī i naxcēx pedau i ngēma mexōgū i daxūguxū i naānēwa ngēxmagūxū i ngextā Cristu rū Tupanaārū tūgūnecūwama írūtōxūwa rū namaā āēxgacū űyīxūwā. ² Rū name nixī i guxūguma nagu perūxīnūē i ngēma daxūguxū i naānēwa ngēxmagūxū i ngemaxūgū rū tama i ngēma űoma i naānēwa ngēxmagūxū. ³ Yerū yexguma nayuxgu ga Cristu rū yexma naya ta ga nuxcūmaūxū ga perū maxū. Rū űuxma rū pexū nangēxma i perū maxū i ngexwacaxūxū erū Cristutanūxū pixīgū rū Tupanamēxēwa pengēxmagū. ⁴ Rū nūmatama ya Cristu nixī i pexū namaxēēxēxū. Rū ngēxguma wena nūma nangoxgu, rū namaā tā pengōē, rū naxrūū tā pimexēchi.

Marū nūxū tarūxo i nuxcūmaūxū i tacūma i chixexūgū rū tanayaxu i ngexwacaxūxū i tōrū maxū

⁵ Rū űuxma rū name nixī i nūxū perūxoe i guxūma i űoma i naānēārū chixexū i pewa ngēxmagū. Rū tama name i pemēxna naī i ngemaā pemaxē, rū tama name i petena naī ya yatūmaā pemaxē. Rū tama name i penaxū i pexeneārū ngūchaū rū bai i nagu perūxīnūēmare. Rū tama name i pexū nangūchaū i űacū rū to i chixexūgū. Rū tama name i pegūnaxīcatama penanuxuchīgūchaū i guxūma i ngēmaxūgū, erū yixema ngēma nacūma tūxū ngēxmaxē rū dūxwa namaā tatupanaāx. ⁶ Rū guxūma i ngēma chixexūgūcēx tā nixī i

Tupana napoxcuexū i ngēma duūxūgū i ngēmaācū maxēxū rū tama naga inūēchaūxū. ⁷ Rū pema ga ūpa rū penaxū ga yema chixexūgū, rū yemaācū pemaxē. ⁸ Natūrū i űuxma rū name nixī i nūxū perūxoe i guxūma i ngēma na pegūchi pexaieūxū, rū pegūmaā penuēxū, rū chixri pemaxēxū, rū pegūmaā peguxchigagūxū, rū guxūma i ngēma chixexū i dexa i nūxū pixuxū. ⁹ Rū tama naga i pegūmaā pidorae, perū marū ipenatēx ga nuxcūmaūxū ga pecūma rū guxūma ga yema chixexūgū ga ūpa pexūgūxū. ¹⁰ Rū űuxma rū marū penayaxu i ngexwacaxūxū i perū maxū rū ngexwacaxūxū i duūxūgū pixīgū. Rū guxū i ngunexūgu rū Tupana pexū ningexwacaxūxēēchigū na yexeraācū pimexūcēx naxrūū rū yexeraācū nūxū na pecuēxgūxūcēx ya Tanatū ya Tupana ya maxū tūxna ācū. ¹¹ Rū űuxma rū Tupanacēx rū nūētama nixī ega Yudū quixīgu rū ēxna tama. Rū nūētama nixī ega icuwiechēx-mūpēxechiraūgu rū ēxna tama. Rū nūētama nixī ega tacū rū nachīūānecūāx i duūxū quixīgu, rū ēxna tacū rū duūxū quixīgu. Rū nūētama nixī ega wūxi i coriarū duūxū quixīgu, rū ēxna taxūxearūma duūxū quixīgu. Erū űuxma rū ngēma guxūārū yexera aixcūma tūxū mexū nixī na Cristu rū guxūārū āēxgacū yūūxū rū guxāwama nangēxmaxū. ¹² Rū űuxma ya Tupana rū pexū nangechaū i pema rū pexū nadei na noxrū pixīgūxūcēx. Rū ngēmacēx name nixī i guxūguma pexū nangechaūtūmūgū i togū, rū namaā pemecūmagū, rū tauxchaācūma nūxna penaxā, rū taguma napēxewa pegū picuēxūxūgū. Rū ngēxguma woo tacū pemaā naxūxgux rū name nixī i yaxna namaā pexīnūē. ¹³ Rū name nixī i wūxichigū i pema na pegūmaā yaxna pexīnūēxū. Rū ngēxguma chi texē tacū pemaā ūxgux, rū name nixī i pegūxū nūxū pengechaūgū i ngēma. Rū yexgumarūū ga tōrū Cori na pexū nūxū ngechaūxūrū, rū name nixī i togūaxū nūxū pengechaūgū. ¹⁴ Rū guxūārū yexera mexū nixī na pegū pengechaūgūxū. Erū ngēxguma aixcūma pegū pengechaūgū rū aixcūma wūxigu tā perūxīnūē, rū meā pegūmaā tā pemaxē. ¹⁵ Rū name nixī na pemaā inacūxū i ngēma taāē i Cristu pexna āxū na ngēmaācū aixcūma pegū pengechaūgūxūcēx. Yerū yemacēx nixī ga Tupana pexū dexū na wūxitama i duūxūgū pixīgūxūcēx rū meā wūxigu perūxīnūēxūcēx. Rū name nixī i moxē nūxna pexāgū ya Tupana. ¹⁶ Rū name nixī i guxūguma peāwa nangēxma i Cristuarū ore rū taāēācūma naga pexīnūē. Rū name nixī i meā peāēxū pecuāācūma namaā pegū pengūxēē rū pegū pixucūxēgū na ngēmaācū pegūaxū penangūchaūxēēxūcēx. Rū name nixī i aixcūma Tupanana moxē pexāgūācūma nagu pewiyaegū i nagūxūraūxū i norū wiyaeğū. ¹⁷ Rū guxūma i ngēma pexūxū rū nūxū pixuxū rū name nixī i tōrū Cori ya Ngechuchuégagu penaxū. Rū name nixī i ngēmaācū Ngechuchuégagu Tanatū ya Tupanana moxē pexāgū.

Tupana nanaxwēxe na meā namaxēxū i duūxūgū i Cristuaxū yaxōgūxū

¹⁸ Pa Ngexūgū i Āteğūxūx, rū name nixī i petega pexīnūē. Erū woetama ngēma nixī i mexū na penaxūxū erū tōrū Cori ya Cristuarū duūxūgū pixīgū. ¹⁹ Pa Yatūgū i Āmaxgūxūx, rū name nixī i ngīxū pengechaūgū i pemēxgū. Rū tama name na ngīmaā pechixecūmagūxū. ²⁰ Pa Buxūgūx, rū name nixī i guxūwama penatū rū peega pexīnūē, erū ngēma nixī i namaā nataāēxū ya tōrū Cori. ²¹ Pa Papāgūx, rū tama name i penanuēxēē i pexacūgū. Erū ngēxguma ngēmaācū penaxūxgux rū ngūruāchi tā nūxū nawēxtūmū i ngēma namaā nūxū pixuxū. ²² Pa Duūxūgūx i Ixāārū Coriāxgūxūx, rū name nixī i guxūwama naga pexīnūē i perū corigū i űoma i naānewa pemaā icuēxgūxū. Rū tama name i pexū nadaugūguxicatama meā pepuracūe na ngēmaācū penataāēxēēxūcēx. Natūrū name nixī i mexū i perū ngūchaūmaā guxūguma meā pepuracūe erū tōrū Corixū pemuē. ²³ Rū guxūma i ngēma perū puracū i pexūxūwa rū name nixī i perū ngūchaūmaā penaxū űoma tōrū Cori ya Cristuaxū pepuracūxūrū rū tama i duūxūgūaxū. ²⁴ Rū marū nūxū pecuēx rū daxūgūxū i naānewa rū tōrū Cori ya Cristu tā pexna nanaxā i perū āmare i maxū i taguma gūxū. Erū yima Cristu ya aixcūma perū Cori ixīcūaxū nixī i pepuracūexū. ²⁵ Natūrū yīxema chixexū ūxe rū tā ta tanayaxu i tūmaārū natanū naxcēx i ngēma chixexū i taxūxū, rū aixcūma Tupana tā tūxū napoxcu. Erū Tupanapēxewa rū guxūma i duūxūgū rū nawūxigu, rū taxucūrūwama texē Tupanachēxwa tiña ega chixexū taxūxgux.

4

¹ Rū pemax, Pa Corigūx, rū name nixī i perū duūxūgūmaā pemecūmagūxū, rū tama penawomūxēēxū. ¡Rū nūxna pecuēxāchie na pema rū ta pexū nangēxmaxū ya perū Cori ya daxūgucū! ² ¡Rū guxūguma peyumūxēgū, rū pexuāēgū na tama chixexūgu peyixūcēx! ¡Rū Tupanana moxē pexāgū! ³ ¡Rū toxcēx rū ta peyumūxēgū na Tupana toxū natauxchaxēēxūcēx na nūxū tixuxūcēx i norū ore i mexū, rū meāma duūxūgūmaā nūxū tixuxūcēx i ngēma ore ga noxri tama nūxū nacuēxgūxū i Cristuchiga! Rū ngēma orecēx nixī i űuxma ichapoxcuxū. ⁴ Rū chanaxwēxe i chauxcēx peyumūxēgū na meā duūxūgūcēx chanangoxēēxū i ngēma ore, erū ngēma nixī i mexū na chanaxūxū. ⁵ ¡Rū meā pemaxē napēxewa i ngēma duūxūgū i tama yaxōgūxū! ¡Rū űuxma na pexū natauxchaxū, rū yoxni

paxa penaxūx i Tupanaārū puracū! ¡Rū taxū i perūchomarexū! ⁶ Rū ngexguma togū i duūxūgūmaā pidexagūgu, rū name nixi i penataāēxēē namaā i ngema dexa i namaā nūxū pixuxū. ¡Rū ngemaācū mea penangaxū i ngema pexna cèxū nachiga i perū ōl.

Pauru nanaguxēē ga norū popera rū wenaxārū yema duūxūgūxū narūmoxē

⁷ Rū nūma ya taeneē ya Tiquicu ya nūxū ingechaūgūcū rū aixcūma choxū narūngūxēē rū wūxigu chomaā Cori ya Tupanacèx napuracū. Rū nūma tā pemaā nūxū nixu i chauchiga. ⁸ Rū űuxma rū petanūwa chanamu na pexū nataāēxēēxūcèx rū pemaā nūxū yaxuxūcèx na űuxācū toxū nangupetūxū i tomox. ⁹ Rū Tiquicumaā petanūwa chanamu i Onéchimu ya taeneē ya nūxū ingechaūgūcū ya aixcūma meā Tupanaārū puracū ūcū. Rū nūma rū petanūxū nixī. Rū nūmagū tā nixī i pemaā nūxū yaxugūxū na űacū ngupetūxū i nūma. ¹⁰ Rū pexū narūmoxē i Aritācu i wūxigu chomaā poxcuxū. Rū ngēxgumarūū ta pexū narūmoxē i Marcu i Bernabéeneē ixīxū. Rū marū pemaā nūxū chixu i Marcuchiga na meā penayauxgūxūcèx i ngēxguma petanūwa nanguxgu. ¹¹ Rū ngēxgumarūū ta pexū narūmoxē ya taeneē ya Ngechuchu ya Ixaixcūmacūgu āegacū. Rū ngēma tomaēxpūx i yatūgū rū ngēxīcatama nixī i Yudiūgū i yaxōgūxū i wūxigu chomaā puracūxū i Tupanaārū puracūwa. Rū nūmagū rū poraācū choxū nataāēxēēgū. ¹² Rū ngēxgumarūū ta pexū narūmoxē i Epāparu. Rū nūma rū petanūxū nixī, rū aixcūma nanaxū i Cristuarū puracū. Rū nūma rū norū yumūxēwa rū guxūguma Tupanaxū nacèèxū pexcèx na aixcūma meā pemaxēxūcèx rū peyaxōgūamaxūcèx rū aixcūma penaxūxūcèx i ngēma Tupana naxwèxexū. ¹³ Rū choma rū marū nūxū chadau rū pemaā nūxū chixu i űuxācū Epāparu poraācū pexcèx napuracū rū naxcèx napuracū i ngēma taeneēgū i Laodichéaarū űānewa rū Irāporiarū űānewa ngēxmagūxū. ¹⁴ Rū Luca ya duturu ixīcū ya nūxū ingechaūgūcū, rū pexū narūmoxē. Rū ngēxgumarūū ta pexū narūmoxē i Dema. ¹⁵ ¡Rū chauégagu nūxū perūmoxēgū i taeneēgū i Laodichéawa ngēxmagūxū! ¡Rū ngēxgumarūū ta nūxū perūmoxēgū i Nifa rū guxūma i taeneēgū i yaxōgūxū i napatawa ngutaquēxegūxū! ¹⁶ Rū ngēxguma marū nūxū pedamatūguwena i űāā popera, rū chanaxwèxe i Laodichéawa penamu na ngemaāūx i taeneēgū rū ta nūxū nadaumatūgūxūcèx. Rū ngēxgumarūū ta i ngēma popera i Laodichéawa chamuxū, rū ngēxguma pexūtawa nanguxgu rū chanaxwèxe i nūxū pedamatūgū. ¹⁷ Rū chanaxwèxe i Ariqūpumaā nūxū pixu, rū űapegūgū nūxū:

“¡Rū meā napuracū rū yanguxēē i ngēma puracū i tōrū Cori cuxna āxū!” űapegūgū nūxū. ¹⁸ Choma i Pauru rū choxmēxmaātama pexcèx chanaxūmatū i űāā chorū moxē. ¡Rū nūxna pecuēxāchie na chapoxcuxū! Rū chanaxwèxe i Tupana pexū narūngūxēē.

Rū nuāma pexna,
Pauru

NŪXĪRAŪXŪ GA POPERA GA TECHARÓNICAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Techarónicawa yexmagŭxŭ

¹ Pa Toeneēgŭ i Techarónicawa Ngēxmagŭxŭ i Tanatŭ ya Tupana rŭ Tŏrŭ Cori ya Ngechuchu ya Cristuarŭ Duŭxŭgŭ Ixŭgŭxŭ, choma i Pauru rŭ namaā i taeneē i Chiribānu rŭ Timutēu nixŭ i pexcēx tanaxŭmatŭxŭ i űaā popera. Rŭ tanaxwēxe i Tanatŭ ya Tupana rŭ tŏrŭ Cori ya Ngechuchu ya Cristu pexŭ narŭngŭxēē rŭ pexŭ nataāēxēē.

Meāma nayaxŏgŭ ga yema Techarónicawa yexmagŭxŭ rŭ yemaācŭ wŭxi ga cuēxrŭŭ ga mexŭ nixŭgŭ

² Rŭ tŏrŭ yumŭxēwa rŭ guxŭguma pexna tacuēxāchigŭ, rŭ pexcēx Tupanana moxē taxā. ³ Rŭ guxŭguma i ngēxguma Tanatŭ ya Tupanamaā tidexagŭgu, rŭ taguma nŭxŭ itayarŭngŭmaē na űuxācŭ meā peyaxŏgŭācŭma penaxŭxŭ i Tupanaārŭ puracŭ, rŭ űuxācŭ nŭxŭ pengechaŭgŭācŭma togŭxŭ perŭngŭxēēxŭ. Rŭ taguma nŭxŭ itayarŭngŭmaē na űuxācŭ aixcŭma meā űpenangŭxēēxŭ ya tŏrŭ Cori ya Ngechuchu ya Cristu rŭ ngēmacēx yaxna namaā pexŭnŭē i ngēma ngŭxŭ i űuxma pingexŭ. ⁴ Pa Chaueneēgŭx, Tupana pexŭ nangechaŭ, rŭ nŭxŭ tacuēx rŭ nŭmatama nixŭ ga pexŭ nadexŭ. ⁵ Rŭ yexguma pemaā nŭxŭ tixuxgu ga Tupanaārŭ ore i tŭxŭ maxēxēēxŭ, rŭ tama toechama tidexagŭmare, yerŭ Tupanaāē i Ūnēxŭ toxŭ narŭngŭxēē na norŭ poramaā pemaā nŭxŭ tixuxŭ. Rŭ meā nŭxŭ tacuācŭma pemaā nŭxŭ tixu ga yema ore yerŭ toēwatama nŭxŭ tacuēx na aixcŭma yŭxŭ. Rŭ pematama nŭxŭ pecuēx ga űuxācŭ meā pepēxewa na tamaxēxŭ ga yexguma na yemaācŭ pexŭ tarŭngŭxēēgŭxŭcēx. ⁶ Rŭ pema rŭ meāma penaxŭgŭ ga yema pexŭ tangŭxēēxŭ rŭ yema tŭxŭ nangŭxēēxŭ ga tŏrŭ Cori ya Ngechuchu. Rŭ Tupanaāē i Ūnēxŭ pexŭ taāēxēēcŭma penayauxgŭ ga yema ore ga woo yemacēx poraācŭ ngŭxŭ na pingēgŭxŭ. ⁷ Rŭ yemaācŭ ga pema rŭ wŭxi ga cuēxrŭŭ ga mexŭ pixŭgŭ naxcēx ga guxŭma ga yema yaxŏgŭxŭ ga Machedóniāanewa rŭ Acayaanewa yexmagŭxŭ. ⁸ Rŭ yema na peyaxŏgŭxŭgagu rŭ tŏrŭ Cori ya Ngechucharŭ ore rŭ guxŭwama ninguchigŭ. Rŭ ngēmacēx i űuxma rŭ Machedóniāanewa rŭ Acayaanewa rŭ guxŭwama nŭxŭ nacuēxgŭ na űuxācŭ meā Tupanaāxŭ peyaxŏgŭxŭ. Rŭ ngēmacēx marŭ taxucēxma tŭxcŭŭ i toma rŭ namaā nŭxŭ tixu i ngēma ore i mexŭ i pechiga. ⁹ Erŭ nŭmagŭtama i ngēma duŭxŭgŭ rŭ marŭ nŭxŭ nixugŭgŭ ga űuxācŭ ga pema rŭ meā toxŭ na peyauxgŭxŭ ga yexguma petantŭwa taxŭxgu. Rŭ nŭxŭ nixugŭgŭ ta ga űuxācŭ nŭxŭ na perŭxŏexŭ ga perŭ tupanane-tachicŭnēxāgŭ na Tupanaxŭchi ya maxŭcŭ rŭ ixaixcŭmacŭwe perŭxŭxŭcēx rŭ nŭxŭ pepuracŭxŭcēx. ¹⁰ Rŭ nŭxŭ nixugŭgŭ ta na űuxācŭ aixcŭma űpenangŭxēēxŭ na wenaxārŭ daxŭwa ne naxŭxŭ ya Ngechuchu ya Tupana Nane ga yuwa inadxēēcŭ. Rŭ yima Ngechuchu nixŭ ya tŭxŭ ingŭxŭxēēcŭ nŭxna i ngēma poxcu i āicŭmaxŭ tā ingŭxŭ.

2

Pauruarŭ puracŭ ga Techarónicawa

¹ Pa Chaueneēgŭx, rŭ pematama nŭxŭ pecuēx rŭ tama natŭcēxmamare nixŭ na pexŭtawa taxŭxŭ. ² Rŭ pema nŭxŭ pecuēx rŭ naxŭpa ga pexŭtawa na tangŭgŭxŭ rŭ chixri tomaā n-choPETŭ ga Pirŭpučŭāxgŭ rŭ tomaā naguxchigagŭ. Natŭrŭ Tupana toxŭ narŭngŭxēē na pemaā nŭxŭ tixuxŭcēx ga norŭ ore i tŭxŭ maxēxēēxŭ. Rŭ yemacēx tama tamŭŭēācŭma pemaā nŭxŭ tixu ga yema ore woo ga torŭ uwanŭgŭ rŭ poraācŭ toxŭ na naguxchaxēēgŭāxŭ. ³ Rŭ yexguma pemaā nŭxŭ tixuxgu ga yema ore, rŭ tama űtāuēācŭma pemaā nŭxŭ tixu. Rŭ tama chixexŭ pemaā taxŭgŭchaŭācŭma rŭ tama pexŭ tawomŭxēēgŭchaŭācŭma pemaā nŭxŭ tixu ga yema ore. ⁴ Yerŭ Tupana nixŭ ga toxŭ unetacŭ rŭ toxŭ mucŭ na pemaā nŭxŭ tixuxŭcēx ga norŭ ore i mexŭ i tŭxŭ maxēxēēxŭ. Rŭ yemacēx Tupana naxwēxexŭācŭma pemaā nŭxŭ tixu ga yema ore. Rŭ tama duŭxŭgŭxŭmare na tataāēxēēgŭxŭcēx pemaā nŭxŭ tixu, natŭrŭ nŭxŭ tixu na Tupanaxŭ tataāēxēēgŭxŭcēx. Rŭ nŭma ya Tupana nixŭ i tŭxŭ nacuāxŭ rŭ tŭxŭ nadauxŭ rŭ nangugŭāxŭ i ngēma nagu rŭxŭnŭēxŭ. ⁵ Rŭ pema nŭxŭ pecuēx rŭ taguma pepēxewa pexŭ ticuēxŭgŭ na toga pexŭnŭēxŭcēx, rŭ taguma pexŭ tawomŭxēēgŭ na ngŭxŭ tayauxgŭxŭcēx ga perŭ diēru. Rŭ Tupana nixŭ ya toxŭ daucŭ na taguma yemaācŭ na tanaxŭxŭ. ⁶ Rŭ taguma naxcēx tadaugŭ na duŭxŭgŭ toxŭ icuēxŭgŭxŭcēx, rŭ woo i pema rŭ bai i togŭ i duŭxŭgŭ. ⁷ Rŭ woo Cristutama toxŭ namu na yaxŏgŭxŭārŭ āēxgacŭgŭ na tixŭgŭxŭ natŭrŭ tama űoma wŭxi ga āēxgacŭrŭŭ pepewa tixŭgŭ. Natŭrŭ meāmare pemaā itacuēx, űoma wŭxi i mamá i ngŭxācŭgŭna meā dēuxcŭrŭŭ pemaā tixŭgŭ. ⁸ Rŭ poraācŭ

Ípemaxēxū rū meā peyaxōgūamaxū. ⁸ Rū űuxma na nūxū tacuáchigaxū na aixcūma meā tórū Coriaxū peyaxōgūamaxū, rū poraācū tataāēgū. ⁹ ¿Rū űuxācū tá Tupanana moxē taxā naxcēx i ngēma taāē i taxū i toxna pexāxū? Erū aixcūma pegagu nixī i toxū nangēxmaxū i wūxi i taāē i taxū i napēxewa. ¹⁰ Rū ngunecū rū chūtacū rū tayumūxēgū, rū Tupanana naxcēx tacagū na petanūwa toxū nawoeguxēēxūcēx na wena pexū tadaugūxūcēx rū pexū tarūngūxēgūxūcēx na yexeraācū nūxū peyaxōgūxūcēx. ¹¹ Rū poraācū tanaxwēxegū na Tanatū ya Tupana rū tórū Cori ya Ngechuchu ya Cristu toxū natauxchaxēēxū na wena petanūwa ítayadaugūxūcēx. ¹² Rū tanaxwēxegū na tórū Cori ya Ngechuchu pexū rūngūxēēxū na yexeraācū pegū pengechaugūxūcēx rū guxū i duūxūgūxū na pengechaugūxūcēx, ngēxgumarū i toma rū poraācū pexū na tangechaugūxūrū. ¹³ Rū tanaxwēxegū na tórū Cori ya Ngechuchu pexū rūngūxēēxū na peāēwa rū aixcūma meā peyaxōgūxūcēx rū norū duūxūgū i aixcūma mexūgū na pixīgūxūcēx rū na nataxuxūcēx i perū pecadugū i napēxewa ya Tanatū ya Tupana i ngēxguma wena nūma naxūxgu ya tórū Cori ya Ngechuchu ya Cristu namaā i guxūma i norū duūxūgū. Rū tanaxwēxe na ngēmaācū yīxū.

4

Maxū i Tupanaxū taāēxēēxūchiga

¹ Rū űuxma Pa Chaueneēgūx, rū tórū Cori ya Ngechuchuégagu pexū tacēēxū rū pexū tamu na guxūguma Tupanacēx meā pemaxēxū yema pexū tangūxēēxūrū rū űuxma marū penaxūxūrū. ² Pema rū marū nūxū pecuēx ga yema torū ucūxēgū ga tórū Cori ya Ngechuchu toxū muxū na pexū tangūxēēxūcēx. ³ Rū Tupana nanaxwēxe na aixcūma namexū i perū maxū rū naxcēxicatama na pemaxēxū. Rū tama name i chixri pemaxē i napēxewa rū to i ngēxūgūmaā pengēāēgūmare. ⁴ Rū wūxichigū tanaxwēxe na aixcūma tūmamēxū tangechaūxū, rū ngīmaāxīcatama na tamaxūxū. ⁵ Rū tama name i ngīxū na pecuāxchaūmarexūcēx ngīmaā pexāmēx i wūxi i nge erū ngēmaācū namaxē i ngēma duūxūgū i tama Tupanaāxū yaxōgūxū. ⁶ Rū tama name i texē ngīmaā tamaxū i naxmēx ya tūmaēneē. Erū yexgumarūxū ga marū pemaā nūxū tixuxūrū, rū Tupana tá poraācū tūxū napoxcu ya guxāma ya yīxema ngēmaācū maxēxē. ⁷ Erū Tupana tūxū nade na meā imaxēxūcēx rū tama chixexū ixūgūxūcēx. ⁸ Rū ngēmacēx ega texē tama naga űnūgu i űāā nguxēētaegū, rū pemaā nūxū chixu rū tama wūxi i duūxūga nixī i ngēma nūxū taxoxū, natūrū Tupanagatama nixī i nūxū taxoxū. Rū guma nixī ga pexna namucū na Naāē i Ūūnexū. ⁹ Rū ngēma na pegū pengechaugūxūchiga, rū taxucēma pexcēx chanaxūmatū i poperawa. Yerū Tupanatama marū pexū nangūxēē i ngēma na űuxācū aixcūma pegū pengechaugūxū. ¹⁰ Rū aixcūma nixī i guxūguma meā nūxū pengechaugūxū i guxūma i taeneēgū i Machedóniāānewa ngēxmagūxū. Natūrū, Pa Toeneēgūx, pexū tacēēxūgū na yexeraācū meā nūxū pengechaugūxūcēx. ¹¹ ¡Rū meā pegū pengechaugū, rū pexrūtama maxūgu perūxīnūē, rū tama i togūarū maxūgu! ¡Rū pematama naxcēx pepuracūe i perū ngēmaxūgū yema marū pemaā nūxū tixuxūrū! ¹² Rū ngēxguma ngēmaācū pemaxēgu, rū ngēma duūxūgū i tama yaxōgūxū rū tá pexū nangechaugū, rū taxuūtāma pexū nataxu.

űuxācū tá nixī i ngēxguma nataegugu ya tórū Cori

¹³ Pa Chaueneēgūx, rū űuxma rū tá pexū nūxū chacuēxēē i ngexta tá naxīxū i ngema yaxōgūxū i yuexū na ngemaācū tama pengechaugūxūcēx naxrūxū i ngema tama nūxū cuēxgūxū na wena tá namaxēxū i ngema yuexū. ¹⁴ Erū yixema na yaxōgūxū na nayuxū rū wena namaxūxū ga Ngechuchu, rū ngēxgumarū i taxayōgū na Tupana tá inadagūxēēxū i guxūma i ngēma Ngechuchuauxū yaxōgūācūma yuexū. ¹⁵ Rū ngēmacēx pemaā nūxū tixu i ngēma ore ga tórū Cori ya Ngechuchu namaā nguxēētaexū. Rū ngēxguma wena nūma naxūxgu ya tórū Cori ya Ngechuchu rū yixema na imaxēxū i űoma i naānewa rū tāūtāma yixira napēxe taxī i ngēma yuexū. ¹⁶ Erū nūmatama ya Cori ya Ngechuchu rū daxūwa tá inarūxū, rū tá nangēxma i wūxi i naga i taxū i daxūwa inaxūxū i tūxū muxū, rū tá nūxū taxīnūē i Tupanaārū orearū ngeruūgūarū āēxgacū i tagaācū daxūwa icagūxū, rū tá yacuegūxū ya Tupanaārū corneta. Rū ngēxguma i ngēma yuexū i Cristuauxū yaxōgūxū rū tá inarūdagū. ¹⁷ Rū ngēmawena i yixema na imaxēxū rū Tupana tá wūxigu caixanexūgu tūxū nigagū namaā i ngēma duūxūgū i yuwa írudagūxū. Rū ngēmaācū tá daxūgu tórū Cori ya Ngechuchuxū tayangaugū na guxūgutāma naxūtawa ingēxmagūxūcēx. ¹⁸ Rū ngēmacēx chanaxwēxe i űāā oremaā pegū petāāēxēgū.

5

¹ Natūrū, Pa Chaueneēgūx, rū ngēma norū ngunexū rū taunecū i tá nagu nangupetūxū i ngēma pemaā nūxū chixuxū, rū taxucēma pexcēx chanaxūmatū i ngēmachiga. ² Erū pematama meā nūxū pecuēx rū ngēma ngunexū i taxūema nagu inanguxēēxūgu tá nixī i inanguxū ya tórū Cori ya Ngechuchu. Rū űoma wūxi i ngītēxāxū i ngūrūāchi chūtacū

ínguxŕrūđ tá nixĭ. ³ Rū ngēxguma duđxŭgŭ nagu írŭxĭnŭēgu na guxŭtma na mexŭ rŭ taxuđma na nŭxŭ ŭpetŭxŭ, rŭ ngēma ngunexŭgŭgu rŭ tá ngŭrŭāchi nagux i guxŭtma. Rŭ űoma wŭxi i ngecŭ i āxācŭcŭ rŭ ngŭrŭāchi ngĭxācŭmaā nguxnecacŭrŭđ tá nixĭ na taxŭema naxchaxwa ĩnaxŭ i ngēma. ⁴ Natŭrŭ pemax, Pa Chaueneēgŭx, rŭ marŭ meāma nŭxŭ pecuēx i Cristuarŭ nguchiga. Rŭ ngēmacēx taxucēxma ngŭrŭāchi pexŭ ĩnayābaixgŭ ya Cori ya Ngechuchu űoma wŭxi i ngĭtēxāxŭ tŭxŭ ĩbaixgŭxŭrŭđ. ⁵ Erŭ gŭāma i pema rŭ Tupanaārŭ duđxŭgŭ pixĭgŭ, rŭ ngēmacēx ngŭonexŭtwa pengēxmagŭ rŭ meāma nŭxŭ pecuēx na űuxācŭ meā pemaxēxŭ. Rŭ yixema rŭ tama Chatanāārŭ duđxŭgŭ tixĭgŭ, rŭ ngēmacēx tama ēānēxŭta tangēxmagŭ rŭ tama tanaxŭ i ngēma chixexŭ i ēānēxŭtwa ŭxŭ. ⁶ Rŭ ngēmacēx tama name i taechita tamaxēmare naxrŭđ i ngēma duđxŭgŭ i tama yaxŭgŭxŭ. Rŭ name nixĭ i taxuāēgŭ, rŭ meā taāēgu tarŭxĭnŭē. ⁷ Erŭ ngēma duđxŭgŭ i naēchitamare maxēxŭ rŭ űoma duđxŭgŭ i chŭtacŭ peexŭrŭđ nixĭgŭ. Rŭ ngēma duđxŭgŭ i axegŭxŭ rŭ chŭtacŭ nixĭ i nŭgŭ nangāxēxēxŭ. ⁸ Natŭrŭ i yixema rŭ ngŭonexŭtwa tangēxmagŭ, rŭ ngēmacēx tanaxwēxe i guxŭguma taxuāēgŭ. Rŭ name nixĭ i aixcŭma meā Tupanaāxŭ tayaxŭgŭ, rŭ yĭgŭ tangechaŭgŭ, rŭ meā ĩtananguxēē na Tupana tŭxna naxāxŭcēx i ngēma maxŭ i taguma gŭxŭ. Rŭ ngēxguma ngēmaācŭ ĩmaxēgu, rŭ ngēmaācŭ tá yĭgŭ ĩtapoxŭ i ngēxguma Chatanā chixexŭgu tŭxŭ yixēchaŭgŭ. ⁹ Erŭ Tupana rŭ tama tŭxŭ nade na tŭxŭ napoxcuexŭcēx, natŭrŭ tŭxŭ nade na tŭrŭ Cori ya Ngechuchu ya Cristugagu nayauxgŭxŭcēx i maxŭ i taguma gŭxŭ. ¹⁰ Rŭ Ngechuchu ya Cristu rŭ taxcēx nayu na wŭxigu namaā ĩmaxēxŭcēx i daxŭguxŭ i naānēwa. Rŭ nŭētama ega woo marŭ iyuyane ĩnanguxgu rŭ ēxna ĩmaxēyane ĩnanguxgu, erŭ daxŭguxŭ i naānēwa rŭ wŭxiwa tá namaā tamaxē. ¹¹ Rŭ ngēmacēx, Pa Chaueneēgŭx, rŭ name nixĭ i wŭxichigŭ pegŭ petāēxēēgŭ rŭ pegŭ peporaēxēē i perŭ űwa ngēxgumarŭđ i űuxma na marŭ ĩpenaxŭgŭxŭ.

Pauru rŭ nayaxucŭxēgŭ ga yema yaxŭgŭxŭ

¹² Pa Chaueneēgŭx, pexŭ tacēxŭgŭ na nŭxŭ pengēchaŭgŭxŭcēx i ngēma taeneēgŭ i petanŭwa puracŭxŭ rŭ pemaā ĩcuēxgŭxŭ rŭ pexŭ ngŭēxēxŭ i Cori ya Ngechucharŭ ore. ¹³ Rŭ name nixĭ i namaā petāēgŭ rŭ aixcŭma meā nŭxŭ pengēchaŭgŭ i ngēma taeneēgŭ, erŭ nŭmagŭ nixĭ i pexŭ nangŭxēēgŭxŭ. Rŭ name nixĭ i pegŭ pengēchaŭgŭācŭma pemaxē. ¹⁴ Rŭ pemaā nŭxŭ tixu ta na penaxucŭxēgŭxŭ i ngēma duđxŭgŭ i oexŭ i tama pura-cŭechaŭxŭ. ĩRŭ nŭxŭ penangŭchaŭxēēgŭ i ngēma duđxŭgŭ i marŭ nŭxŭ rŭxoechaŭxŭ na yaxŭgŭāxŭ! ĩRŭ nŭxŭ perŭngŭxēēgŭ i ngēma duđxŭgŭ i turaexŭ i norŭ űwa! ĩRŭ name nixĭ i yaxna namaā pexĭnŭē i guxŭtma i ngēma taeneēgŭ! ¹⁵ Rŭ ngēxguma texē chixexŭ pemaā ŭxgu, rŭ tama name i chixexŭmaā penataeguxēē. ĩNatŭrŭ name nixĭ i naxcēx pedau na guxŭguma mexŭ pexŭgŭxŭ i pegŭtanŭwa rŭ ngema togŭtanŭwa rŭ ta! ¹⁶ Rŭ name nixĭ i guxŭguma petāēgŭ. ¹⁷ ĩRŭ guxŭguma peyumŭxēgŭ! ¹⁸ ĩRŭ woo tacŭ pexŭ ngupetŭgu, rŭ Tupanana moxē pexāgŭ! Erŭ ngēmaācŭ nanaxwēxe ya Tupana na pemaxēxŭ i pema i Ngechuchu ya Cristuarŭ duđxŭgŭ na pixĭgŭxŭ. ¹⁹ Rŭ tama name i nŭxŭ pexoe i Tupanaāē i Ŭŭnēxŭ. ²⁰ Rŭ tama name i nŭxŭ pexoe i Tupanaārŭ ore ega texēwa pemaā yadeaxgu ya Tupana. ²¹ Natŭrŭ name nixĭ i meāma penangugŭ i guxŭtma i oregŭ na nŭxŭ pecuāxŭcēx rŭ ngoxi aixcŭma yĭxŭ i ngēma ore rŭ ēxna tama. ĩRŭ ngēma ore i aixcŭma mexŭxĭcatama pixŭgŭ! ²² ĩRŭ nŭxna pixĭgachi i nagŭxŭraŭxŭ i chixexŭgŭ! ²³ Rŭ chanaxwēxe i nŭmatama ya Tupana ya tŭxŭ taāēxēcŭ pexŭ ĩmexēē na aixcŭma napēxewa pimēxŭcēx. Rŭ chanaxwēxe i guxŭwama pexna nadau i peāēwa rŭ pexenewa na nataxuxŭcēx i tacŭ i perŭ chixexŭ i ngēxguma wenaxārŭ nŭma naxŭxgu ya tŭrŭ Cori ya Ngechuchu ya Cristu. ²⁴ Rŭ nŭma ya Tupana ya pexŭ decŭ rŭ nixāixcŭma na yanguxēēāxŭ i guxŭtma i ngēma tamaā ĩnaxunetaxŭ.

Pauru rŭ wenaxārŭ yema duđxŭgŭxŭ narŭmoxē rŭ naxcēx ĩnaca na Cori ya Ngechuchu ya Cristu meā nŭxŭ rŭngŭxēxŭ ga

yema yaxŭgŭxŭ

²⁵ Pa Chaueneēgŭx, ĩToxcēx peyumŭxēgŭ! ²⁶ Rŭ chanaxwēxe i chauēgagu nŭxŭ perŭmoxēgŭ i guxŭtma i taeneēgŭ. ²⁷ Rŭ Cori ya Ngechuchuēgagu pexŭ chamu na guxŭ i taeneēgŭpēxewa na nŭxŭ pedaumatŭxŭ i űāā popera i pexcēx ngema chamuxŭ. ²⁸ Rŭ chanaxwēxe i tŭrŭ Cori ya Ngechuchu ya Cristu pexŭ narŭngŭxēē i guxŭtma i pemax.

Rŭ nuāma pexna,
Pauru

NORŪ TAXRE GA POPERA GA TECHARÓNICAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Techarónicawa yexmagŭxŭ

¹ Pa Techarónicawa Ngēxmagŭxŭ i Toeneēgŭ i Yaxŏgŭxŭ i Tanatŭ ya Tupana rŭ tŏrŭ Cori ya Ngechuchu ya Cristuarŭ Duŭxŭgŭ Ixŭgŭxŭ, choma i Pauru rŭ taeneē i Chiribánu rŭ Timutéu nixŭ i pexcēx tanaxŭmatŭxŭ i űaā popera. ² Rŭ tanaxwēxe i Tanatŭ ya Tupana rŭ tŏrŭ Cori ya Ngechuchu ya Cristu pexŭ narŭngŭxēē rŭ pexŭ nataāēxēē.

Ngēma chixexŭ ŭgŭxŭ rŭ Tupana tá nanapoxcŭe i ngēxguma wenaxārŭ nŭma naxŭxgu ya Cristu

³ Pa Toeneēgŭx, rŭ guxŭguma pexcēx Tupanana moxē taxā, erŭ name nixŭ na ngēmaācŭ tanaxŭxŭ. Erŭ guxŭguma yexeraācŭ peyaxŏgŭetanŭ rŭ yexeraācŭ pegŭ pingechaŭgŭetanŭ. ⁴ Rŭ ngēmacēx tomatama taāēācŭma pechigaxŭ tixu natanŭwachigŭ i ngēma duŭxŭgŭ i Tupanaāxŭ yaxŏgŭxŭ. Rŭ namaā nŭxŭ tixu na űuxācŭ meā peyaxŏgŭxŭ, rŭ űuxācŭ namaā peporaexŭ i guxŭma i ngēma guxchaxŭgŭ rŭ ngŭxŭgŭ i pexŭ ngupetŭxŭ. ⁵ Rŭ ngēma guxchaxŭgŭ i pexŭ ngupetŭxŭwa nŭxŭ tacuēx na aixcŭmacŭ yŭxŭ ya Tupana, erŭ pexŭ nangugŭ na aixcŭma pimexŭ na pichocuxŭcēx i ngextā nŭma āēxgacŭ űyŭxŭwa. Rŭ ngema na pichocuxŭcēx nixŭ i ngŭxŭ pingegŭxŭ i űuxmax. ⁶ Rŭ aixcŭma name nixŭ na Tupana napoxcŭexŭ i ngēma duŭxŭgŭ i ngŭxŭ pexŭ ingegŭxēēxŭ. ⁷ Natŭrŭ i pema i űuxma ngŭxŭ ingegŭxe rŭ name nixŭ i wŭxigu tomaā pexŭ inarŭngŭtēxēē ya Tupana. Rŭ ngēma rŭ tá nanaxŭ ya Tupana i ngēxguma ŭxŭemagu daxŭwa ne naxŭxgu ya tŏrŭ Cori ya Ngechuchu ya Cristu wŭxigu namaā i norŭ oreatŭ ngeruŭgŭ i poraexŭ. ⁸ Rŭ aixcŭma nŭma tá naxŭ i nŭma ya tŏrŭ Cori ya Ngechuchu na napoxcŭeāxŭcēx i ngēma duŭxŭgŭ i tama Tupanaxŭ cuāxchaŭgŭxŭ rŭ tama naga inŭēxŭ i ngēma ore i mexŭ i tŏrŭ Cori ya Ngechuchu ya Cristuchiga. ⁹ Rŭ ngēma duŭxŭgŭ rŭ wŭxi i poxcu i taguma gŭxŭgu tá napoxcŭe erŭ tŏrŭ Cori ya Ngechucharŭ yaxŭwa tá nawogŭ. Rŭ ngema rŭ tagutāma nŭxŭ nadaugŭ na űuxācŭ namexēchixŭ rŭ naporaxŭ ya tŏrŭ Cori ya Ngechuchu. ¹⁰ Rŭ ngēmaācŭ tá ngēma duŭxŭgŭmaā nangupetŭ i ngēxguma tŏrŭ Cori ya Ngechuchu nŭma ŭxgu. Rŭ nŭma tá nangu na norŭ duŭxŭgŭ nŭxŭ icuēxŭgŭxŭcēx, rŭ tá nabaixāchiāēgŭ rŭ nataāēgŭ erŭ tá nŭxŭ nadaugŭ na űuxācŭ namexēchixŭ i nŭmax. Rŭ pema rŭ tá ta wŭxigu namaā pengēxmagŭ, yerŭ peyaxŏgŭ ga yema Tupanaārŭ ore ga pemaā nŭxŭ tixuxŭ. ¹¹ Rŭ ngēmacēx guxŭguma pexcēx tayumŭxēgŭ. Rŭ Tupanana taca na nŭma pexŭ nadauxŭ na aixcŭma mexŭ i norŭ duŭxŭgŭ pixŭgŭxŭ i űuxma na pexŭ nadexŭ. Rŭ ngēxgumarŭŭ tá nŭxna taca na nŭmatama norŭ poramaā yanguxēēāxŭcēx i guxŭma i ngēma mexŭ i peāēwa nagu perŭxŭnŭēxŭ rŭ guxŭma i ngēma puracŭgŭ i mexŭ i perŭ ŏgagu pexŭxŭ. ¹² Rŭ ngēxguma Tupana ngēmaācŭ pexŭ rŭngŭxēēgŭ, rŭ perŭ maxŭ i mexŭgagu rŭ guxŭma i duŭxŭgŭ tá nŭxŭ nicuēxŭgŭ ya tŏrŭ Cori ya Ngechuchu ya Cristu. Rŭ nŭmatama ya tŏrŭ Cori rŭ tá pemaā nataāē erŭ nŭma rŭ wŭxigu Tanatŭ ya Tupanamaā pexŭ nangechaŭgŭ.

2

Pauru rŭ nanangŏxēē i űuxācŭ tá na yŭxŭ i ngēxguma inanguxgu ya Cori ya Ngechuchu

¹⁻² Rŭ űuxma Pa Chaueneēgŭx, rŭ pemaā nŭxŭ chixuxchaŭ i nachiga na űuxācŭ tá na yŭxŭ i ngēxguma tŏrŭ Cori ya Ngechuchu ya Cristu wena nŭma ŭxgu rŭ tŭxŭ nangutaquēxexēēgŭ na wŭxiwa namaā ingēxmagŭxŭcēx. Rŭ pemaā nŭxŭ tixu na tama ngŭrŭāchi togumare perŭxŭnŭēxŭ rŭ paxa peyaxŏgŭxŭ i űacŭ rŭ ore i tama toma pemaā nŭxŭ tixuxŭ. Erŭ tama tanaxwēxe na peŭaixāchiāēgŭxŭ ega texē pemaā idoraegu rŭ pemaā nŭxŭ ixuxgu na marŭ inanguxŭ ya tŏrŭ Cori ya Ngechuchu. Rŭ ngēxguma texē pemaā nŭxŭ ixuxgu na nagu taxānegŭxŭ na Cristu rŭ marŭ inanguxŭ, rŭ tama name i tŭmaga pexŭnŭē. Rŭ woo pemaā nŭxŭ tixugŭgŭ na tanayauxgŭxŭ i wŭxi i tŏrŭ popera i nŭxŭ ixuxŭ na marŭ inanguxŭ ya tŏrŭ Cori ya Ngechuchu, űrŭ tāūtāma tŭxŭ peyaxŏgŭ! ³ űrŭ tāūtāma naga pexŭnŭē i ngēma duŭxŭgŭ i ngēmaācŭ pexŭ womŭxēēgŭchaŭxŭ! Erŭ naxŭpa na Ngechuchu nŭma ŭxŭ rŭ tá inangu i ngēma yatŭ i Tupanaārŭ uwanŭ ixŭxŭ, rŭ tá nananuēxēē i muxŭma i duŭxŭgŭ i yaxŏgŭchirēxŭ. Natŭrŭ ngēma yatŭ rŭ Tupana marŭ namaā nanaxuegu rŭ tá napoxcu. ⁴ Rŭ ngēma Tupanaārŭ uwanŭ rŭ tá Tupanamaā rŭ guxŭma i ngēma Tupanaārŭ ixŭxŭmaā narŭxuanŭ. Rŭ tá naxchi naxai i guxŭma i űacŭ i mexŭ i duŭxŭgŭ Tupanaxŭ namaā icuēxŭgŭxŭ. Rŭ Tupanaārŭ tupaucu ya taxŭnewa tá nayarŭto űoma Tupana yŭxŭrŭrŭ. Rŭ tá nŭgŭ nixu na Tupana yŭxŭ. ⁵ űTama ēxna

nūxna pecuèxāchie ga yexguma petanūwa chayexmagu rü marü meāma pemaā nūxū chixu nachiga ga yema? ⁶ Rū pema marü nūxū pecuèx na tūxçüü yīixū i tauta nūma naxūxū i ngēma Tupanaārü uwanü. Tauta nūma naxū, erü tauta nawa nangu i ngema ngunexū i nagu nua naxūxū. ⁷ Rū ngēma chixexū i Tupanaārü uwanü üxū, rü marü cúacü inaxügü. Natürü nūmatama i Tupanaārü uwanü rü tātūta nangox ñuxmatáta ngēma norü chogüruü nūxū ingé. ⁸ Rū ngēxguma tá nixī i ínanguxū i ngēma Tupanaārü uwanü. Natürü nūma ya tórü Cori ya Ngechuchu rü wūxi i “cue” ñaxūmaā tá nayamèx. Rū ngēxguma ínanguxgu ya tórü Cori ya Ngechuchu rü ngēma norü yauxracüüxūmaā tá inayanaxoxèè i ngēma norü uwanü. ⁹ Rū ngēma Tupanamaā rüxuwantūāxū, rü ngēxguma ínanguxgu rü tá nūxū nangēxma i Chatanáärü pora rü ngēmacèx tá naporaxūchi. Rū tá nanaxū i nagúxūtraüxū i cuèxruügü i Chatanáärü poramaā naxūxū i namaā duüxügüxū nawomüxèèxū. ¹⁰ Rū nagúxūtraüxū i chixexū tá naxū na nawomüxèèxūcèx i ngēma duüxügü i Tupana tá poxcuexū. Rū ngēmaācü tá nūxū naxūpetü i ngēma duüxügü, yerü tama nanayauxgüchaü rü tama nūxū nangechaü i ngēma Tupanaārü ore i aixçüma íxixū i tūxū maxèxèèxū. ¹¹ Rū ngēmacèx ya Tupana rü nanangexrü i ngēma duüxügü na poraācü ínatüexüçèx rü yaxögüāxüçèx i ngēma ore i doramare íxixū. ¹² Rū ngēmacèx düxwa Tupana tá namaā nanaxuegu na napoxcuexū i guxūma i ngema duüxügü i tama yaxögüchaüxū i norü ore rü namaā taāègüxū i ngēma chixexū na naxügüxū.

Tupana tūxū nade na tūxū nangēxmaxüçèx i maxū i taguma gúxū

¹³ Natürü, Pa Chaueneégüx i Tórü Cori ya Ngechuchu Pexü Ngechaügüxex, rü guxüguma Tupanana moxè pexcèx taxā yerü nūma ga Tupana rü noxritama naāne íxügü gumama pexü nade na pexira penayauxgüxüçèx i maxū i taguma gúxū ga yexguma pexü nangüxèègu ga Naāè i pexü üünexèèxū rü peyaxögügu ga yema ore i aixçüma íxixū. ¹⁴ Rū yemacèx Tupana pexcèx naca ga yexguma pemaā nūxū tixuxgu ga norü ore i mexü i tūxū maxèxèèxū. Erü nūma nanaxwèxe na pexü nangēxmaxüçèx i pechica i tórü Cori ya Ngechuchu ya Cristuxütawa i ngextá ínamexèchixüwa. ¹⁵ Rū ngēmacèx, Pa Chaueneégüx, rü chanaxwèxe i meā peyaxögüama rü tama nūxū ipeyarüngümaè ga yema ore ga tomatama pexü tangüxèèxū rü yema ore ga poperagu pexcèx taxümatüxū. ¹⁶⁻¹⁷ Rū chanaxwèxe i tórü Cori ya Ngechuchu ya Cristu rü Tanatü ya Tupana pexü nataāèxèègü rü pexü narüngüxèè na guxüguma mexü i oremaā pidexagüxüçèx rü mexü pexügüxüçèx. Rū yima Tanatü ya Tupana nixī ya tamaā nameçümaācüma tūxū ngechaüçü rü guxüguma tūxū taāèxèècü rü tamaā íxunetacü na wūxi i ngunexū tá naxütawa ingèxmagüxū.

3

Paurü naxçèx ínaca na naxçèx nayumüxègüxū

¹ Rū ñuxma Pa Chaueneégüx, rü chanaxwèxe na toxçèx peyumüxègüxū na paxa guxüwama nanguxüçèx i tórü Cori ya Ngechuchuarü ore i mexü, rü duüxügü norü ngüchaümaā na nayauxgüxüçèx ga yema pema na penayauxgüxütrüü. ² Rū toxçèx peyumüxègü ta na tama ñacü rü chixexü tomaā naxügüxüçèx i ngēma duüxügü i chixexügü! Erü tama guxüma i duüxügü nayaxögü. ³ Natürü tórü Cori ya Ngechuchu rü aixçüma nayanguxèè i ngēma tamaā íxunetaxū. Rū nūma tá pexü naporaxèè rü pexna nadau na tama chixexügu peyixüçèx. ⁴ Rū tórü Cori ya Ngechuchu toxü nūxū nacüxèè na aixçüma penaxüxū i ngēma pexü tamuxü rü tagutáma nūxū perüxoexü na aixçümaācü penaxüxū. ⁵ Rū tanaxwèxe i tórü Cori ya Ngechuchu pexü narüngüxèè na aixçüma pegü pengechaügüxüçèx, ngēma Tupana tūxū ngechaüxütrüü. Rū naxçèx ítaca na pexü naporaxèèxüçèx na Cristurüü namaā peporaexüçèx i ngēma ngúxügü i ngēxguma pexcèx ínanguxgu.

Name nixī na ipuracüexü i wüxichigü

⁶ Pa Chaueneégüx, tórü Cori ya Ngechuchu ya Cristuégagu pexü tamu na tama namaā pixāmüçügüxüçèx i ñacü i taeneè i tama puracüchaüxū rü tama ngēma pexü tangüxèèäcüma maxüxū. ⁷ Erü pema rü marü nūxū pecuèx na ñuxācü tá pemaxèxū na toxrüü penaxüxüçèx. Yerü toma ga yexguma petanūwa tayexmagügu rü torü ñnacèx tapuracüe, rü tama yexma tarüchomare. ⁸ Rü toma rü taguma texèarü ñna ngetanüäcüma tangöx. Natürü ngunecü rü chütacü rü torü ñnacèx tapuracüe na tama wūxi ga guxchaxü pexü tixügüxüçèx. ⁹ Rū woochirèx Tupanapèxewa rü name nixī ga perü ngüxèècèx na ítaçaxū, natürü tama yemaācü tanaxü. Rü torü ñnacèx tapuracüe yerü pexü nūxū tadauxèèchaü na ñuxācü meā imaxüxū. ¹⁰ Yerü yexguma petanūwa tayexmagügu, rü pemaā nūxū tixu na aixçüma tama puracüchaüxè, rü noxtacüma ngexrüma nixī na tachibüxū. ¹¹ Rü pexcèx tanaxümatü i ngēmachiga, erü marü nūxū taxinüè na petanūwa nangēxmaxü i ñuxre i duüxügü i oexü rü tama puracüechaüxū rü toguechigagumare rüxñüèxü. ¹² Rü tórü Cori ya Ngechuchu ya Cristuégagu tanamu na meāmare ínapuracüexüçèx i ngēma duüxügü na nūmatama norü

ōnacèx nataxegūxūcèx. ¹³ Pa Chaueneēgūx, j̄tama nūxū perūchau na mexū pexūexū! ¹⁴ Rū ngēxguma texé tama naga ĩnūgu i ñaā ore i poperawa pemaā nūxū tixuxū j̄rū marū tūxū pecuēx na texé tiixū! Rū tama name i tūmamaā pexāmūcū na taxānexūcèx i tūmax. ¹⁵ j̄Natūrū tāūtāma namaā perūxuwānū! Rū name nixī i ñoma peeneēxū pexucūxēxūācūma meā tūxū pexucūxēmare.

Pauru rū naxcèx ĩnaca na Cori ya Ngechuchu nūxū rūngūxēēxū ga yema yaxōgūxū

¹⁶ Rū chanaxwèxe i nūmatama ya tōrū Cori ya taāēarū yora pexū narūngūxēē na guxūguma i guxūwama petaāēgūxūcèx. Rū chanaxwèxe na nūma rū petanūwa na nangēxmaxū i guxāma i pemax. ¹⁷ Choma i Pauru rū choxmēxmaātama pexcèx chanaxūmatū i ñaā chorū moxē. Rū ngēmaācū nixī i chaugū nagu chawūégaxū i guxūma i chorū popera. Rū ngēmaācū nixī i chanaxūmatūxū. ¹⁸ j̄Rū nūma ya tōrū Cori ya Ngechuchu ya Cristu rū pexna naxāā i ngema norū ngechaxū i guxāma i pemax!

Rū nuāma pexna,
Pauru

NÜXĪRAÜXÜ GA POPERA GA TIMUTÉUCAḂ NAXÜMATÜXÜ GA PAURU

Timutéuxĭ narümoḂ ga Pauru

¹⁻² Pa Timutéux, choma i Pauru nixi i cuxcèx chanaxümatüxü i ñaã popera. Rü choxü nixi ga yamuxü ga Ngechuchu ya Cristu na norü puracü chaxüxcèx, yerü yemaäcü nanaxwèxe ga Tupana ya tüxü maxèxècü rü törü Cori ya Ngechuchu ya Cristu ya ñanguxègücü. Rü cuma Pa Timutéux, rü chaune quixi i Tupanaärü orewa yerü chauxütawa nixi ga cunayaxuxü ga Tupanaärü ore ga noxrix. Rü chanaxwèxe ya Tanatü ya Tupana rü törü Cori ya Ngechuchu ya Cristu rü cuxna nanaxä i norü ngechaxü rü norü mecüma rü norü taäe.

Timutéuxĭ naxucyxè ga Pauru nachiga ga yema nguxèetaegü ga tama aixcüma ixĭ

³ Yexguma cuxna ichaxüächigu na Machedóniãñewa na chaxüxcèx rü cumaã nüxü chixu na Epéchiuarü ñaneḂ na curüxäxü na ícuyachaxächigüxèxèxcèx i ngema duüxügü i doramaãmare ngéma nguxèetaegüxü. ⁴ Rü chanaxwèxe i ngéma duüxügümaã nüxü quixu na nüxü naxoexücxè na namaã nangüxèeãxü i ngéma nacümagü ga nuxcümaügüxü ga duüxügü nagu íxü. Erü guxüma i ngéma oregü rü doramare nixi, rü ngémagagu düxwa nügümaã nanuë i duüxügü. Rü ngéma oregü rü tama aixcüma nüxü narüngüxèe i duüxügü na meã Tupanaãxü yaxögüãxüxcèx. ⁵ Natürü Tupana nanaxwèxe i törü maxüñewa na ingearü pecaduãxgüxü, rü na mexügu rüxüñüxü, rü aixcüma meã na yaxögüxü. Rü nüma tüxü namu na ngémaäcü imaxèäcüma yigü na ingechaügüxü. ⁶ Natürü ñuxre i duüxügü rü marü nüxna nixigachi i Tupanaärü ore na nawe naxüxcèx i ngéma ore i taxuwama mexü i nuëwa nagagümarexü. ⁷ Erü nümagü tüxü nangüxèeçhaü i ngéma mugü ga Moiché tüxna äxü, natürü tama nüxü nacuëxü i tacüchiga na yixü i ngéma tamaã nüxü yaxügüxü rü tüxü nangüxèxèxü woo nüma nagu naxüñüegü rü meãma nüxü nacuëxgü. ⁸ Rü nüxü tacuëx rü ngéma mugü ga Moiché tüxna äxü rü tüxü name ega Tupana naxwèxèxüãcüma naga ixüñüegü. ⁹⁻¹⁰ Natürü nüxü tacuëxgü rü guxüma i ngema mugü rü duüxügü i chixexü ügüxücxè nixi. Rü ngéma nixi i ngéma duüxügü i tama irüxüñüeçhaüxü, rü ngéma tama norü äëxgacüga ñnüxü, rü ngéma chixexü ügüxü, rü ngéma pecaduãxgüxü, rü ngéma tama Tupanaga ñnüxü, rü ngéma nanatüxü rü naëxü imëxgüxü, rü guxüma i ngéma máetagüxü, rü ngéma naxüñeärü ngüçhaüwe rüxüxü, rü ngéma yatügu rü ngexüdü i naxrüü yatüxü rü ngexümaã ngèäegüxü, rü ngéma duüxügümaã taxegüxü, rü ngéma idoratèëxgüxü, rü ngéma äëxgacügümaã idoragüxü, rü guxüma i ngéma naxügüxü i tacü rü chixexü i yatöxyepexü i ngema nguxèetae i mexü. ¹¹ Rü ngéma nguxèetae i mexü rü Tupanaärü orewa nangexma, rü ngemagu nixi i nüxü iyarüngauxü i ngema maxü i taguma güxü. Rü ngemaarü uruxü nixi ya Tupana ya mecümaxüchicü i choxü namuxü.

Pauru rü Tupanana moxè naxä yerü nüxü nüxü nangeçhaü ga norü chixexügü

¹² Rü moxè nüxna chaxä ya Ngechuchu ya Cristu ya törü Cori erü nüma choxü naporaxèe rü choxü nangugü na wüxi i mexü i norü duüxü chixixü. Rü ngëmacèx choxü naxuneta na nüxü chapuracüxü. ¹³ Üpa ga choma rü chixri nachiga chidexa ga Cristu, rü naxchi chaxai ga yema duüxügü ga nüxü yaxögüxü. Rü nawe chingechigü rü namaã chixexü chixugü. Natürü woo yemaäcü na chamaaxüxü, rü Tupanaãxü changeçhaütümüxü yerü tama aixcüma nüxü çacuëx ga tacü na chaxüxü, yerü tauta Cristuaxü çayaxö. ¹⁴ Rü yemaäcü ga törü Cori ya Ngechuchu rü poraäcüxüchima chomaã namecüma yerü choxü narüngüxèe na nüxü çayaxöxcèx rü nagagu nüxü changeçhaüxcèx i guxüma i duüxügü. ¹⁵ Rü pemaã nüxü chixuchau i wüxi i ore i aixcümaxüchi ixixü i inaxwèxegüxü na guxäma nüxü cuäxü. Rü Ngechuchu ya Cristu rü ñoma ga nañewa nangu na namaxèxèeãxücxè i pecaduãxgüxü. Rü natanüwa rü choma nixi ga guxüärü yexera na chixexü chaxüxü. ¹⁶ Natürü Tupana choxü nüxü nangeçhaü ga yema chorü chixexü na chowa duüxügüxü nüxü nadauxèxèxcèx ga ñuxäcü nüma ga Ngechuchu ya Cristu yaxna chomaã na naxüñüxü ga woo guxü ga pecaduãxgüxüärü yexera chixecü na çixüxü. Rü ngémaäcü wüxi i cuëxruü çixi naxcèx i guxüma i duüxügü na nümagü rü ta nüxü nangëmaxüxcèx i maxü i taguma güxü. ¹⁷ Rü ñuxma tanaxwèxe i guxügutäma nüxü ticuëxüdü rü tanataxèëgü ya yima nüxçatama Tupana ixicü. Rü woo tama nüxü tadaugü i ñuxma natürü guxüguma törü Äëxgacü nixi rü tagutäma nayu. Rü ngémaäcü yii. ¹⁸⁻¹⁹ Pa Chaune, Pa Timutéux, ñaã nixi i chorü ore i cumaã nüxü chixuxü. Rü üpa ga yexguma Tupana yadexaxèëgu ga ñuxre ga taeneëgü, rü nüxü nixugügü na cuma rü tá mexü i Tupanaärü orearü uruü quixü. Rü ñuxma chanaxwèxe i yemagü nüxü ixixüürü meã cuyanguxèe i ngéma puracü i mexü i

Tupana nawa cuxü muxü. Rü chanaxwëxe na aixcüma cuyaxöxü rü cuãewa cumatama nüxü cucuáxü na aixcüma namexü i ícuxüxü. Nuxre i duixügü rü nüxü nacuëxgüchirëx i tacü nixi i mexü na naxügüaxü, natürü chixexüãama naxügü. Rü ngëmacëx düxwa nüxü narüxoe na Cristuaxü yaxögüãxü. ²⁰ Rü yemaãü nüxü naxüpetü ga Imenéü rü Areyáüdrü. Rü düxwa choma Chatanána chanawogü ga yema taxre na Chataná ngüxü nüxü ingexëëgüxüxëc na ngëmawa nüxü nacuëxgüxüxëc na tama namexü na chixri Tupanachiga yadexagüxü.

2

Name nixi i guxüma i duixügüxëc tayumüxëgü

¹ Rü ñuxma rü tá pemaã nüxü chixu na ñuxäcü namexü na peyumüxëgüxü. Rü pexü chamu na guxüma i duixügüxëcira peyumüxëgüxü. ¡Rü Tupanana naxcëx peca na nüxü nangüxëëxüxëc rü nüxü nüxü nangechaüxüxëc i norü pecadugü! ¡Rü moxë nüxna pexä ya Tupana naxcëx i guxüma i norü ngüxëë i guxü i duixügüna naxäxü! ² Rü ngëxgumarüü ta name nixi i naxcëx peyumüxë i guxüma i nachiüãnegüarü äëxgacügü i tacügü rü guxüma i ngëmatüüwa ngëxmagüxü i äëxgacügü na ngëmaãcü itaãëgüxüxëc rü tüxü nangëxmaxüxëc i wüxi i maxü i mexü i Tupanapëxewa rü guxü i duixügüpëxewa. ³ Rü ngëma nixi i namaã nataãëxü ya yima Tupana ya tüxü maxëxëëcü. ⁴ Erü nüma nanaxwëxe na guxüma tüxü nangëxmaxü i maxü i taguma gúxü rü guxüma nüxü cuáxü i ngëma ore i aixcüma ixüxü. ⁵ Rü nüma ya Tupana rü wüxitama nixi. Rü ngëxgumarüü ta wüxitama nixi i taëtüwa chogüxü na Tupanaxütawa tüxü nangugüxüxëc. Rü nüma nixi ya Ngechuchu ya Cristu ya Tupana Nane ga duixüxü ixicü. ⁶ Rü nüma ga Ngechuchu rü nügü inaxä rü nayu na guxü i duixügüaxü naxütanüxüxëc na Tupanaxütawa nangugüxüxëc. Rü yexguma Ngechuchu yuxgu nixi ga Tupana yanguxëëxü ga yema üpaacü duixügümaã nüxü yaxuxü na ñuxäcü tá namaxëxëëãxü. ⁷ Rü Tupana choxü naxuneta na norü orearü ngerüü chiüxüxëc. Rü choxü namu na chanangüxëëxüxëc i ngëma duixügü i tama Yudügu ixügüxü na nümagü rü ta yaxögüãxüxëc rü nüxü nacuëxgüxüxëc i ngëma ore i aixcüma ixüxü. Rü ngëma pemaã nüxü chixuxü, rü aixcüma nixi, rü tama chidora. ⁸ Rü ñuxma chanaxwëxe i guxüwama nayumüxëgü i yatügü. Rü chanaxwëxe i ngearü pecaduãxäcüma naxugümëxë rü ngëmaãcü tama texémaã nanuëäcüma rü tama ñacüchiga nügü nachoxügagüãcüma nayumüxëgü. ⁹ Rü chanaxwëxe i ngexügü rü meamare üxü i naxchirugu nicuxgü, rü meamare nügü namexëëyaegü, rü tama poraãcü nügü nangëxäëgü uirumaã rü meruxügümaã nüxü naxchiru i tatanüxümaã. ¹⁰ Natürü narümemaë nixi i meãmare Tupanacëx namaxë, rü mexü i puracü naxügü, erü ngëmaãcü nanaxwëxëgü na namaxëxü i ngëma ngexügü i aixcüma Tupanaaxü yaxögüxü. ¹¹ Rü chanaxwëxe i ngexügü rü meã inaxüñüë i ucuxëgü. Rü tama name na nachoxügawëxëgüxü. ¹² Erü ngexügüna rü chanachuxu na yatügüxü nangüxëëxü, rü yatüarü äëxgacü na yüxü. Rü name nixi i inarüxüñüëmare i perü ngutaquëxëgüwa. ¹³ Yerü Tupana rü Adäüxüãira naxü rü yixcama ga Ebaux. ¹⁴ Rü Chataná rü tama Adäüxü nawomüxëë, natürü yema ngecüxü nixi ga nawomüxëëxü. Rü yemaãcü pecadugu ingu ga yema ngecü. ¹⁵ Rü yemacëx Tupana nüxü nixu rü tá poraãcü nüxü nanguxü i ngëma ngexügü i ngëxguma naxiraxacügügu. Natürü ngüma i ngecü rü tá inayaxu i maxü i taguma gúxü ega meã ngüãcügümaã inacüëxgu, rü mexügu naxüñüãcüma yaxöðgu, rü guxügüma duixügüxü nangëchaügü rü meã Tupanapëxewa namaxëgu.

3

Yaxögüxüãrü äëxgacügüchiga

¹ Rü pemaã nüxü chixuxchadü i wüxi i ore i aixcüma ixüxü. Rü ngëxguma chi texë naxwëxëgu na yaxögüxüãrü äëxgacü tiixü, rü mexü i puracü nixi i naxcëx tadauxü. ² Rü yixema yaxögüxüãrü äëxgacü rü tanaxwëxe na aixcüma mecü tiixü na taxüema tümachiga chixri idexaxüxëc. Rü tanaxwëxe i wüxixicatama tiixi ya tümamëx, rü aixcüma meã tamaxü rü mexügüxicatama tarüxüñü na guxü i duixügü tüxü ngechaügüxüxëc. Rü tanaxwëxe i guxügüma meã duixügüxü tayaxu i tümapatawa, rü mexü i ngüxëëruü tiixi. ³ Rü tama name i wüxi i ngäxwëxexü rü nuwëxëxü tiixü, rü tama name i tümäärü diëruguma rüxüñüxë tiixü. Natürü name nixi i guxü i duixügümaã yaxna taxüñü rü namaã tamedcüma. ⁴ Rü tanaxwëxe i meãma tümachiümaã itacuëx, rü tümaxäcügü rü meã tümaga naxüñüë, rü tüxü nangëchaügü. ⁵ Erü ngëxguma chi tama tümachiümaã meã itacuëxgu rü ñuxäcü i guxüma i Tupanaãxü yaxögüxümaã meã itacuáxü? ⁶ Rü yixema ngema yaxögüxümaã icuáixë rü tama name na ngëxwacëx yaxöxë tiixü, erü ngü-rüächü tá tügü ticuëxüü. Rü ngëmagagu düxwa nagu tangu i ngëma poxcu i Chatanáxü namaã napoxcuxü ya Tupana. ⁷ Rü tanaxwëxe i woo i ngëma duixügü i tama yaxögüxü rü tüxü nangëchaügü na taxüema chixri tümachiga idexagüxüxëc rü tama Chataná chixexügü tüxü na ngüxëëxüxëc.

Yatügü i diáacunügi i tupaucawa ngüxêetaegüxüchiga

⁸ Rü ngëxgumarüü ta i ngëma yatügü i tupaucawa ngüxêetaegüxü i xigüxü rü nanaxwëxe i mexüguxicatama rüxñüxü nixigü. Rü nanaxwëxe i aixcüma nayanguxêëgü i ngëma nüxü yaxugüxü. Rü tama nanaxwëxe i ngäxêechagüxü nixigü rü éxna norü dferuguma rüxñüxü nixigü. ⁹ Rü name nixi i meäma nüxü nacüxëgü i guxüma i Tupanaärü ore, na nüxü nacüxëgüxcëx na tacüxcëx na yaxögüäxü. Rü nanaxwëxe i nügüäewatama nüxü nacüxëgü na norü maxü rü aixcüma yamexü i Tupanapëxewa. ¹⁰ Rü tanaxwëxe i to i puracüwa nüxü taxügüxira i noxrix. Rü ngëxguma marü taguma chixexü naxügügu, rü marü name i tupaucawaärü ngüxêëruü tayaxigüxêë. ¹¹ Rü ngëma yatügü i tupaucawa ngüxêetaegüxü i xigüxü rü tanaxwëxe i naxmëxgü rü ta mexüguxicatama narüxñü. Rü tama name i oregütëëxgüxü nixigü, natürü tanaxwëxe i meä namaxë rü aixcüma nayanguxêëgü i ngëma nüxü yaxugüxü. ¹² Rü ngëma yatügü i tupaucawa ngüxêetaegüxü i xigüxü rü tanaxwëxe i wüxixicatama tixi ya naxmëx. Rü tanaxwëxe i meäma napatacüäxgümaä inacuëx, rü naxäügü rü meä naga naxñü. ¹³ Rü ngëma yatügü i tupaucawa ngüxêetaegüxü, rü ngëxguma meäma naxügüägu i norü puracü i tupaucawa rü guxüma i duüxügü tá nüxü nangechaügü. Rü ñuxüchi i nümagütama i ngëma yatügü rü tá yexeraäcü nüxü natauxcha na nüxü yaxugüxü i ñuxäcü Tupana nanaxwëxexü i Ngechuchu ya Cristuaxü na yaxögüäxü i duüxügü.

Aixcüma nixi i ngëma ore i Tupana tüxü nüxü cuëxêëxü i Cristuchiga

¹⁴⁻¹⁵ Rü choma chanaxwëxe i paxa ngema chaxü na cuxü íchayadauxüxcëx. Natürü ngürüächi tama paxa ngema chaxü, rü ngëmacëx cuxcëx chanaxumatü i ñaä popera na nüxü cucuäxüxcëx i ñuxäcü tá cugümaä icucüaxü napewa i ngema duüxügü i Tupanaxü yaxögüxü. Erü nümagü nixi i Tupana ya maxücüarü duüxügü yixigüxü rü nüxü yaxugüxü rü ínapoxügüaxü i norü ore i aixcüma ixixü. ¹⁶ Rü yixema nüxü tacuëx rü aixcüma namexëchi i ngëma ore ga noxri éxügüxü i ñuxma Tupana tüxü nüxü cuëxêëxü i Cristuchiga. Rü nüma ga Cristu rü duüxügüxü nügü nawëx ga yexguma ñoma ga naänewa nayexmagu. Rü Naäë i Üünexü nüxü nixu na mecü yixü. Rü Tupanaärü orearü ngeruügi i daxücüäx nüxü nadaugü. Rü guxü i nachüüanéguwa rü duüxügü nüxü nixugüe i nachiga, rü guxüwama duüxügü nüxü nayaxögü. Rü Nanatü rü wenaxärü daxügüxü i naänewa nanaga i ngextä inamexëchixüwa.

4*Duüxügü i nüxü rüxoexü na yaxögüäxüchiga*

¹ Tupanaäë i Üünexü rü nüxü nixu rü ngëxguma yangaicagu na nagüxüxü i naäne rü nümaxü i duüxügü rü tá nüxü narüxoe na yaxögüäxü i Tupanaärü ore i mexü. Rü tá nawe narüxü i duüxügü i doramare i orexü ixugüxü i Chatanaärü ngüxêetae nangüxêëxü. ² Rü ngëma yaxögüxü rü tá nüxü inarüxñüe i ngëma duüxügü i meä maxënetaxü rü idoratëëxgüxü. Rü ngëma duüxügü rü yeücüru nanaxügü i ngëma chixexü rü düxwa namaä nixü na chixexüguxicatama naxñüxü. ³ Rü ngëma duüxügü rü nanachuxu na iyangigüxü i duüxügü. Rü nanachuxu na duüxügü nangöxgüxü i ñuxre i ömagü rü wochirë Tupana nanaxü i guxüma i ömagü na moxë naxcëx inaxägüäcüma nangöxgüäxüxcëx i norü duüxügü i yaxögüxü rü nüxü cuëxgüxü i norü ore i aixcüma ixixü. ⁴⁻⁵ Natürü guxüma i Tupana üxü rü name. Rü taxuacüma nüxü taxo ega Tupanana moxë naxcëx ixäxiraäcüma nayauxgu. Erü Tupanaärü ore rü ngëma yumüxë rü nanaxüünexêë i ngëma öna i Tupanapëxewa, rü ngëmacëx name nixi na nangöxü.

Wüxi i mexü i Ngechuchu ya Cristuarü ngüxêëruü rü mexümaä nanguxêëtae

⁶ Rü ngëxguma ngëma cumaä nüxü chixuxü i oremaä cunangüxêëgu i taeneë i yaxögüxü, rü ngëxguma nawa cüngüechagu i ngëma ore i marü quixöxü, rü ngëxguma nagu quixüechagu i ngëma mexü i ngüxêëtae i marü nagu quixüxü, rü ngëxguma tá nixi i wüxi i mexü i Ngechuchu ya Cristuarü ngüxêëruü quixü. ⁷ Rü tama name na naga cuxñüxü i ñoma i naäneüäxärü degagümare i tama aixcüma ixixü. Natürü name nixi i guxüguma cügü cuporaxëe na yexeraäcü Tupanaxü cungechaüxüxcëx rü nawe curüxüxcëx rü naxcëx cumaxüxcëx. ⁸ Rü wüxi i mexü nixi na naporaxêëxü rü yaxiäxcüxêëxü i taxüna na aixcüma naporaxüxcëx. Natürü ngëmaärü yexera narümemäë nixi na yigü iporaxêëxü na Tupanaxü ingechaüxüxcëx erü ngëma rü guxüwama tüxü name i ñoma i naänewa rü daxügüxü i naänewa rü ta. ⁹ Rü aixcüma nixi i ngëma ore i cumaä nüxü chixuxü, rü name nixi i guxäma tayaxögü. ¹⁰ Rü ngëmacëx nixi i ipuracüxü rü yigü iporaëxêëxü na nüxü ixuxüxcëx i ngëma ore i mexü, erü nüxü tayaxögü ya törü Tupana ya maxücü ya guxäärü maxëxêëruü ixicü. Erü nüma nixi i namaxëxêëxü i ngëma duüxügü i nüxü yaxögüxü. ¹¹ Rü chanaxwëxe i cunangüxêë i ngëma ore rü duüxügüxü cumu na naga naxñüxüxcëx. ¹² ¡Meä cügüna nadau na taxüema cuxü naxoxüxcëx naxcëx i ngëma na cüngextüxüxü! Rü name nixi i wüxi

i mexü i cuèxruü quixí naxcèx i guxüma i ngêma yaxôgüxü. Rü ngêmacèx cunaxwèxe i mexü i oremaa quidexa, rü meä duüxüügüpêxewa cumaxü, rü aixcüma nüxü cungechaü i guxüma i duüxüügü, rü meä Tupanaaxü cuyaxô, rü napêxewa meä cumaxü. ¹³ Rü chanaxwèxe i ngutaquêxewa rü guxü i duüxüügüpêxewa nüxü cudaumatü i Tupanaârü ore, rü duüxüügümaa nüxü quixu na ñuxü ñaxüchiga yïxü. Rü chanaxwèxe i ngêmaacü cunangüexêê rü nüxü cunangüchaüxêê i ngêma taenecü rü ñuxmatáta ngema changu i chomax. ¹⁴ Rü ngêmacèx name nixí i aixcüma namaä cupuracü i ngêma cuèx ga Tupana cuxna äxü ga yexguma norü puracücèx cuxü naxunetagu rü yema yaxôgüxüârü äêxgacügü cuxü yangôgüacüma cumaä nüxü yaxuxgu na cuxna naxâaxü ga yema cuèx. ¹⁵ ¶Meä naxü i guxüma i ngêma cumaä nüxü chixuxü, na ngêmaacü guxü i duüxüügü nüxü daugüxücèx na ñuxâcü guxü i ngunexügu yexeraacü meä Tupanacèx na cumaxüxü! ¹⁶ ¶Inaxuâe na ñuxâcü meä cugüna cudauxü rü ñuxâcü meä cunangüexêêxü i ngêma togü! Erü ngêxguma meä cunaxüxgu i guxüma, rü tá cunayaxu i maxü i taguma güxü rü ngêma togü i cuxü irüxüñüxêxü rü tá ta nüxü curüngüxêê na nümagü rü ta nayauxgüâxücèx i ngêma maxü.

5

Ñuxâcü nixí i namexü na nüxü ingechaiüxü i ngêma yaxôgüxü

¹ Taguma name i cunanga i wüxi i yatü i cuxü rüyamaèxü. Rü narümemaè nixí i meäma cunaxucuxè ñoma cunatürü. Rü ngêma ngextüxücügü rü name nixí i meäma namaä quidexa ñoma cueneègüxüchirü. ² Rü yixema yaguâxgu ya ngexegü rü name nixí i meäma tûmataä quidexa cuexüchirü. Rü ngêxgumarüü ta i paxügu rü name nixí i meäma namaä quidexamare wüxi i cueyèxüchirü, rü tama name i chixexügu namaä curüxüñü. ³ ¶Tüxü rüngüxêê ya yixema yutegüxe ega aixcüma ñacü tüxü tauxgu! ⁴ Natürü ngêxguma chi wüxi i yutecü ngixü nangêxmagu i ngixâcügü rü êxna ngítaagü, rü name nixí i nümagü ngixü narüngüxêêgü rü ngixna nanaxä i ñacü i ngixü taxuxü. Erü Tupana nanaxwèxe na ngitanüxüïra ngixna daugüxü na ngêmaacü yangutanüxêêgüâxücèx ga yema naè na nayaexêêxü. ⁵ Natürü yixema yutexe ya tüxica irüxâxüxè rü tüxü nataxüxe i tûmatanüxü, rü Tupanaxütawaxicatama itananguxêê i tûmaârü ngüxêê rü guxüguma woo chütacü rü ngunecü rü tayumüxè na tüxü nangüxêêxücèx ya Tupana. ⁶ Natürü yixema yutexe ya tûmaârü ngüchaüguxicatama rüxüñüxè, rü Tupanapêxewa rü ñoma tayuxürü tixí. ⁷ Rü ngêma nixí i ore i tá cunangüexêêxü i ngêma yaxôgüxü na nügüna nadaugüxücèx na taxuüma i chixexü naxügüxücèx rü taxüema nachiga chixri idexagüxücèx. ⁸ Erü ngêxguma chi wüxie rü tama meä nüxna tadèxgu i tûmapatacüâxgu rü tümaè rü tûmanatü, rü maneca tama aixcüma meä Tupanaaxü tayaxô. Rü wüxi i tama yaxôxüârü yexera chixecü tixí. ⁹ Rü ngêxguma chi wüxi i ngexü i yutexü naxcèx içaxgu na ngêma yaxôgüxü ngixü rüngüxêêgüxücèx rü tanaxwèxe i 60 ya taunecüârü yexera ngixü nangêxma rü wüxitama nixí ga ngite ga ngixü yexmacü ga noxrix. ¹⁰ Rü tanaxwèxe i guxüma i duüxüügü ngixü nacüxègü na wüxi i mexü üxcü na yïxü. Rü name i meä ngixâcüxü yaexêêcü iyixí, rü meä ngipatawa duüxüügüxü yaxucü iyixí, rü yaxôgüxüârü ngüxêêruü iyixí, rü daaweexüârü ngüxêêruü iyixí. Rü ngêmaacü tanaxwèxe i guxüraüxü i mexü na naxüxü. ¹¹ Natürü tama tanaxwèxe i yaxôgüxüârü puracü nixí i ngixna na nadaugüxü i wüxi i yutecü ega tama 60 wa nanguxgu ya ngirü taunecü. Erü wüxi i yutecü i pacü, rü ngêxguma ngirü ngüchaü Cristuna ngixü ixügachixêêgü, rü tá inaxwèxe na wena naxâtexü. ¹² Rü duüxüügü tá chixri ngichiga nidexagü, erü tama aixcüma iyanguxêê ga yema Cristumaä inaxunetaxü ga noxrix. ¹³ Rü ngüma rü düxwa ngextä iyaxâchigümare, rü naï ya i rü nagu iyarüxâxü, rü düxwa tama ipuracüchaü. Rü tama ngêmaxicatama ixü, natürü düxwa ixoregütèex, rü iyangêxmachigü nawa i ngêma dexa i tama mexü i togüchiga, rü guxüwama nüxü iyaxu i ngêma ore i tama mexü. ¹⁴ Rü ngêmacèx chanaxwèxe i ngêma yutegüxü i paxüügü na wenaxârü naxâtegüxü, rü naxâxâcügüxü, rü mexü i napataarü dauruügü na yixigüxü. Rü ngêmaacü i ngêma duüxüügü i ngixchi aiexü, rü taxucürüwa chixri ngichiga nidexagü. ¹⁵ Cumaä nüxü chixu i ñaä ore, erü ñuxre i yutecü rü marü nüxü irüxoe i ore i mexü rü Chatanáwe irüxü. ¹⁶ Rü ngêxguma chi wüxi i ngecü i yaxôxcü rü ngixü nangêxmagu i ngitanüxü i yutecü, rü name nixí i ngixü irüngüxêê. Rü ngêmaacü tâtüma togü i yaxôgüxüârü puracü tá nixí na ngixna na nadaugüxü. Rü ngêxguma tá nüxü natauxcha i ngêma togü i yaxôgüxü na ngixü nangüxêêgüxü i ngêma yutecü i aixcüma ngixü natauxcüma i ngitanüxüügü i ngixü rüngüxêêgüxü. ¹⁷ Rü ngêma yaxôgüxüârü äêxgacügü i aixcüma meäma ngema yaxôgüxümaa icuaxü, rü name nixí i ngêma yaxôgüxü aixcüma nüxü nangechaügü rü namaä nataaègü. Rü guxüârü yexera tanaxwèxe i nüxü nangechaügü rü nüxü narüngüxêêgü i ngema Tupanaarü orexü ixügüxü rü nangüexêêxü. ¹⁸ Erü Tupanaârü orewa rü ñanagürü:
 “Tama name i nüxna taxa i ngêma taxüna i puracüxü”,
 ñanagürü. Rü ñanagürü ta:

“Wüxi i puracütanüxü rü tanaxwêxe i nüxü na naxütanüxü i norü puracü”, ñanagürü i ngêma Tupanaärü orewa. ¹⁹ Rü ngêxguma chi texé nüxü ixuxgu na chixexü naxüxü i wüxi i yaxôgüxüärü âëxgacü, rü tãütãma tüxü icuxinü ega natauxguma i taxre rü êxna tomaëxpüx i togü i duüxügü i nüxü daugüxü na aixcüma chixexü naxüxü. ²⁰ Natürü ngêma yaxôgüxüärü âëxgacügü i aixcüma pecadugu maxêxü, rü name nixi i guxü i yaxôgüxüpêxewa cunaxucuxê, na guxüma i ngêma togü i yaxôgüxüärü âëxgacügü rü ta namuêxüxcêx na naxügüãxü i ñacü rü chixexü. ²¹ Rü ñuxma Tupanapêxewa rü törü Cori ya Ngechuchu ya Cristupêxewa rü ngêma daxüçüãx i orearü ngeruügü i Tupana nüxü ngechaügüxüpêxewa, rü cuxü chamu na naga cuxinüxü i ñaã ore i cumaã nüxü chixuxü. Rü chanaxwêxe i ngêma cumaã nüxü chixuxürüü meã cunaxucuxê i guxüma i ngêma yaxôgüxü rü nüetama ega woo texé tixigu. ²² Rü ngêxguma texexü quingucuchixêëchaügu na ngema yaxôgüxüärü âëxgacü tixüxcêx, jrü taxü i cuñuxãêxü na namaã cuyumüêxü i wüxi i duüxü i tama nüxü cucuãxü i norü maxü! Natürü name nixi i noxri rü meã nagu curüxinü i ngêma erü ngürüächi tä wüxi i duüxü i pecadu üechaxü quingucuchixêë, rü cugagu tä nixi erü tama icuxuãê. jrü meã cugüna nadau na tama pecadugu cunguxüxcêx! ²³ Rü ngêma na cunguxnecaüxü i ñuxguacü, rü name nixi i irarüwa binune cuyaxaxü, rü tama i dexáicatama. ²⁴ Rü nangêxma i duüxügüärü pecadugu i noxtacüma ngóxü naxüpa na Tupana nüxna çaxü. Natürü nangêxma i to i pecadugu i duüxügüärü rü tãütãma nangox ñuxmatãta naãneärü guxwa nanguxgu rü Tupana tüxna icagügu. ²⁵ Rü ngêxgumarüü ta nangêxma i duüxügüärü puracügü i mexü i Tupanacêx naxügüxü i ñuxma marü nüxü idauxü. Rü nangêxma ta i puracügü i mexü i ñuxma tama nüxü idauxü natürü yixcüra tä nüxü idaugüamaxü.

6

¹ Guxãma ya yíxema yaxôgüxe rü ixãärü coriãê, rü tanaxwêxe i tümaärü corixü tangechaü na ngêmaãcü taxucürüwa texé Tupanachiga rü törü nguxêëtaechiga chixri idexaxüxcêx. ² Rü ngêxguma chi wüxi ya duüxê ya Tupanaãxü yaxôxê rü wüxi i cori i tümarüü yaxôxümaã tacoriãxgu, rü tama tanaxwêxe i ngêma na tümaëneë yixüxcêx nüxü tarüxo na nüxü tangechaüxü i tümaärü cori. Natürü tanaxwêxe i yexeraãcü meã nüxü tapuracü erü tümaärü cori i nüxü tarüngüxêêxü i tümarüü yaxôxü nixi rü tümaëneë i Tupana nüxü ngechaüxü nixi. Pa Timutéux, chanaxwêxe i meãma cunangüxcêë i ngêma ore i cumaã nüxü chixuxü, rü guxüma i yaxôgüxüpêxewa nüxü quixu.

Tupanaärü ore rü aixcüma tüxü name

³ Rü cumaã nüxü chixu rü nangêxma i duüxügü i namaã nguxêëtaegüxü i ngêma nguxêëtae i tama namaã wüxiguxü i törü nguxêëtae, rü tama namaã wüxiguxü i törü Cori ya Ngechuchu ya Cristuarü nguxêëtae i mexü, rü tama namaã wüxiguxü i ngêma nguxêëtae i Tupanaärü orewa ngóxü. ⁴ Rü cumaã nüxü chixu rü yíxema ngêmaãcü nguxêëtaexe rü tügü ticuëxüü rü taxuüma tacuêx. Rü ngêmacêx ngêxürüüxümare i dexa rü naxcêx tachoxügawêxe, rü tama texêga taxinüchaü, rü düxwa ñoma tãdaawexürüü tixi namaã i ngêma tümacüma. Rü ngêmagagu rü taxãuxãchiwêxe, rü tanuxwêxe, rü togümaã taguxchiga, rü taxüxëaxüma tayaxô. ⁵ Rü ngêmaãcü i ngêma duüxügü i chixëãëgüxü, rü nügümaã nanuêëcha, rü tama nüxü nacuêxgü i ngêma ore i aixcüma ixixü, rü nagu narüxinüë rü Tupanaärü orewa nixi i diëru ngixü nayauxgüxü. ⁶ Rü aixcüma nixi i Tupanaärü orewa nüxü iyarüngauxü i taxüma i mexü, natürü ngêma mexü rü tümacêxcatama nixi ya yíxema namaã taãëgüxe i ngêma marü tüxü ngêxmaxü. ⁷ Rü yixema rü yexguma noxri ixiraegu, rü ngearü yemaxüãxëmaã tabue i ñoma i naãnewa. Rü ngêxguma iyuxgu rü taxucürüwa tayange i törü ngêmaxügü. ⁸ Natürü ngêxguma tüxü nangêxmagu i taxchiru rü törü ñna rü name nixi i ngêmaãatama tataëgü. ⁹ Natürü ngêma duüxügü i diëruãxgüchaüxü, rü tama yaxna namaã naxinüë i ngêxguma ngêma diëruarü ngüchaü nüxü poragu. Rü ngêmacêx nagu nayi i muxüma i ngüchaügü i taxuwama mexü i chixexüwa nagagüxü, rü ngêmacêx düxwa i ngêma duüxügü rü poraãcü nachixe rü norü guxümaãma inayarütaxe. ¹⁰ Erü ngêma na diëruguma rüxinüxü rü ngêma nixi i guxüma i chixexügüärü ügü. Rü nangêxma i ñuxre i duüxügü i diëruguma rüxinüëxü rü ngemacêx Tupanana nixigachi. Rü ngemaãcü nügünatama guxchaxü naxãgü rü nügüxütama ngechaü nanguxêëgü.

Tupanaãxü yaxôgüamaxüchiga

¹¹ Natürü cumax, Pa Timutéux, rü wüxi ya yatü ya Tupanaxü yaxôcü quixi. jrü ngêmacêx nüxna ixügachi i guxüma i ngêma chixexü! jrü meã Tupanapêxewa namaxü, rü norü ngüchaü naxü, rü meã nüxü yaxô, rü nüxü nangechaü i duüxügü, rü yaxna namaã naxinü! Rü tama name i cugü quicuëxüxü. ¹² jrü Cügü naporaxêë na meã cuyaxôdmaxüxcêx rü cunaxüamaxüxcêx i Tupanaärü puracü ega woo ñacü rü guxchaxü cuxü üpetüxgü! jrü cugüna nadau na ngemaãcü taguma cuxna iyanaxoxüxcêx i ngema maxü i taguma güxü! Yerü yema maxüxcêx nixi ga noxri Tupana cuxü yaxuxü ga yexguma muxüma ga duüxügüpêxewa

nüxü quixuxgu na ñuxäcü Ngechuchu ya Cristuaxü na cuyaxöxü. ¹³⁻¹⁴ Rû ñuxma Pa Timutéux, rû napêxewa ya Tupana ya guxäxüma maxêxêcü, rû napêxewa ya Ngechuchu ya Cristu ga äëxgacü ga Piratumaä nüxü ixucü ga ñuxäcü Nanatü ya Tupanaäxü na yaxöxü, rû cuxü chamu na naga cuxinüxü i ngêma ore i cumaä nüxü chixuxü. Rû tama chanaxwêxe i cunaxüchicüü i ngêma ore, na taxüema texé ñacücêx cuxü oregüxcêx rû chixri cuchiga idexaxücêx. Rû chanaxwêxe i ngêmaäcü meä cunaxü ñuxmatáta inangu ya törü Cori ya Ngechuchu ya Cristu. ¹⁵ Erü ngêma ngunexü i Tupana nagu naxwêxexügu rû tá Cristuxü nangoxêê. Erü nüxícatama Tupana nixí, rû nüma nixí i aixcüma mecü yíxü rû guxüçetüwama nangêxmaxü. Rû guxü i äëxgacügiarü Äëxgacü yíxü, rû guxü i corigiarü Cori yíxü. ¹⁶ Rû nüxícatama nixí na taguma nayuxü. Rû nüma rû poraäcü inangóonexüwa namaxü, rû taxucürüwa texé ngêma ngóonexüna tangaicama. Taguma wüxi i duüxü nüxü nadau, rû taxuacüma texé nüxü tadau. Nüma rû guxüguma naporaxüchi rû taguma inayarüxo na Äëxgacü yíxü. Rû ngêmacêx tanaxwêxe i guxüma nüxü ticüxüüçügecha. Rû ngêmaäcü yí. ¹⁷ Rû yíxema muarü dîeruáxe i ñoma i naänewa, jrü tümamaä nüxü pixu na tama ngêmamaä tügü ticüxüüçüxüçêx rû tama nagu tarüxínüçêx na ngêma tümäärü dîeruwa nüxü itayangaugüxü i tümäärü maxü! Erü ngêma dîeru rû paxa tá nagux. Natürü narümemaê nixí i Tupanaga taxínü, erü yimawa nixí i nüxü itayangaugüxü i tümäärü maxü. Rû nüma nixí i poraäcü tüxna naxäxü i guxüma i ñacü i inaxwêxexü na itaäëgüxüçêx. ¹⁸ jrü namaä nüxü ixu i ngêma muarü dîeruäxgüxü, rû name na ngêmamaä mexü naxüçüxü rü togü i duüxüçüxü nangüçêëgüxü! Rû ngêmaäcü tá namu i ngema mexüçü i naxüçüxü i Tupanapêxewa. Rû tanaxwêxe i nümagü i muarü dîeruäxgüxü rû na inamemaregüxü na togüna naxäxü rû namaä nangauxü i ngêma norü ngêmaxüçü. ¹⁹ Rû ngêmaäcü tá nüxü nangêxma i norü mexüçü i daxüçüxü i naänewa, rû tá nanayauxgü i ngêma maxü i aixcüma ixíxü.

Pauru rü Timutéuxü namu, rü yemaäcü inayacuêxêê ga norü popera

²⁰ Pa Timutéux, jmeä namaä nangüçêëtae i guxüma i ngêma ore i cuxü chamuxü! Rû tama name na icurüxínüxü i ñoma i naäneçüäxärü dexagümare i taxuwama mexü rü ngêma ore i doramare ixíxü i duüxüçü nüxü ixugüçünetaxü na ore i nawa nüxü icuáxü yíxü. ²¹ Erü ñuxre i nümagü i ngêma noxrütama cuêxgu íxü, rü düxwa ngêmagagu Tupanana nixíçachi. Rû chanaxwêxe i Tupana meä pexü narüngüçêê.

Rû nuäma pexna,
Pauru

NORÜ TAXRE GA POPERA GA TIMUTÉUCA_X NAXÜMATÜXÜ GA PAURU

Timutéuxü narüimoxë ga Pauru

¹ Pa Timutéux, choma i Pauru nixi i cuxcëx chanaxümatüxü i ñaã popera. Rü choxü nixi ga namuxü ga Ngechuchu ya Cristu, yerü yemaäcü nanaxwëxe ga Tupana. Rü nüma choxü namu na nüxü chixuxüçëx na ñuxäcü tüxü nangëxmaxü i maxü i taguma güxü, ega aixcüma Ngechuchu ya Cristuaxü yaxögügu. ² Cuxü changechaü, Pa Chaune, Pa Timutéux. Rü chanaxwëxe ya Tanatü ya Tupana rü Ngechuchu ya Cristu ya törü Cori na cuxü nangüxëëgüxü rü nüxü cungechaütümüügüxü rü cuxü nataäëxëëgüxü.

Tama name i taxäne na Cristuchigaxü ixuxü

³ Guxüguma i chütacü rü ngunecü rü cuxna chacuëächixü i chorü yumüxëwa, rü poraäcü cuxcëx moxë Tupanana chaxä. Rü nüxü nixi i chapuracüxü i mexü i chauäëmaã, yexgumarüü ga nuxcümaügüxü ga chorü oxigü naxügüxüürüü. ⁴ Choma rü nüxna chacuëächi na ñuxäcü poraäcü chauxcëx cungechaüxü rü chauxcëx cuxaxuxü ga yexguma cuxna ichixüxgu. Rü wenaxärü cuxü chadauxchaü na aixcüma chataäëxüçëx. ⁵ Erü nüxna chacuëächi na ñuxäcü aixcüma Tupanaãxü cuyaxöxü. Rü curü noxë ga Loïda rü cue ga Euníchia rü tüma rü woetama tüxira Tupanaãxü tayaxögü rü nüxü chacuëx i ñuxma rü cuma rü ta aixcüma cuyaxöxü. ⁶ Rü ngëmacëx cumaã nüxü chixu na cugü cuporaxëëxü na yexeraäcü cunaxüamaxüçëx i ngëma Tupanaärü puracü ga naxcëx cuxna naxäãxü ga cuëx ga yexguma noxri cuxü chingögüäcüma cumaã chayumüxëgu. ⁷ Yerü Tupana rü tama tüxna nanamu ga naäë i tüxü muüëëxü. Natürü tüxna nanamu ga Naäë i Üünexü na tüxü naporaxëëxüçëx na aixcüma duüxügüxü ingechaügüxüçëx rü meã yigümaã icuáxüçëx. ⁸ Rü tama chanaxwëxe na cuxänexü na nüxü quixuxü i nachiga ya törü Cori. Rü ngëxgumarüü ta tama chanaxwëxe i chauxcëx cuxäne i ngëma na chapoxcuxü naxcëx i Tupanaärü ore. Rü name nixi i yaxna namaã cuxüni i ngëma ngüxü i cuxcëx inguxü nagagu i ngëma ore i mexü i nüxü quixuxü. Rü Tupana tá cuxü naporaxëë. ⁹⁻¹⁰ Rü Tupana tüxü namaxëxëë rü tüxü nade na naxcëxcatama imaxüçëx. Natürü tama açü rü mexü na ixüügügu nixi ga yemaäcü tamaã namecümäxü ga Tupana. Natürü yemaäcü tüxü narüngüxëë yerü woetama yema nixi ga nanaxwëxexü yerü Ngechuchu ya Cristugagu tüxü nangechaü. Rü nüma ya Tupana ga tautama naäë üxgumama tüxü ngechaücü, rü yexguma ínanguxgu ga törü maxëxëëruü ga Ngechuchu ya Cristu, rü yexguma nixi ga Tupana tüxü nüxü dauxëëxü na ñuxäcü poraäcü tüxü nangechaüxü. Rü nüma ga Cristu nixi ga iyanaxoxëëãxü na iyuxuchixü yerü nüma rü yuwa ínarüda rü wena namaxü. Rü norü orewa tüxü nüxü nacuëxëë na yixema rü ta tüxü nangëxmaxü i ngëma maxü i taguma güxü ega nüxü yaxöxgu. ¹¹ Rü Tupana choxü ningucuchixëë na nüxü chixuxüçëx i ngëma norü ore i mexü. Rü choxü namu na ngëma oremaã chanangüexëëxüçëx i duüxügü i guxüwama. ¹² Rü ngëmacëx nixi i poraäcü ngüxü chingexü rü chapoxcuxü i ñuxmax. Natürü tama naxcëx chaxäne i ngëma, erü choma nüxü chacuëx na texëaxü chayaxöxü. Rü nüxü chacuëx na naporaxü i nüma na nüxna nadauxüçëx i ngëma puracü i choxna naxäxü rü namaã inacuáxüçëx i chauäë i guxügutáma ñuxmatáta ngëma ngunexü i nagu wena núma naxüxü. ¹³ Rü chanaxwëxe i meãma nagu quixü i ngëma nguxëëtae i mexü ga chauxütawa naxcëx cüngüxü. Rü name nixi i meã nüxü cuyaxöðma ya Ngechuchu ya Cristu rü meã nüxü cungechaü i guxüma i duüxügü, erü Cristuarü duüxü quixü. ¹⁴ Rü name nixi i Tupanaäë i Üünexü i tawa maxüxüärü ngüxëëmaã ícunapoxü i ngëma nguxëëtae i mexü i Tupana cuxna äxü. ¹⁵ Cuma marü nüxü cucuëx rü guxüma ga yema yaxögüxü ga Áchiaarü naänewa ne íxü rü marü choxna naxígü. Rü yematanüwa nayexma ga Figuero rü Ermóquene. ¹⁶ Onesíferu rü muëxpüxcüna choxü nataäëxëë, rü tama chauxcëx naxäne i ngëma na chapoxcuxü. Rü ngëmacëx chanaxwëxe i törü Coriaxü nangechaütümüügü i guxüma i natanüxügü. ¹⁷ Rü yexguma noxritama Dumawa nanguxgu ga nümax, rü chauxcëx nadauecha rü ñuxmata choxü iyangau. ¹⁸ Cuma meãma nüxü cucuëx ga ñuxäcü tüxü na nangüxëëxü ga Onesíferu ga Epëchiarü íänewa. Rü ngëmacëx chorü yumüxëwa naxcëx íchaca na Tupanaãxü nangechaütümüxüçëx i ngëxguma wena ñoma i naänewa naxüxgu ya törü Cori ya Ngechuchu.

2

Ngechuchu ya Cristuarü puracütanüxü i mexüchiga

¹ Rü ñuxma, Pa Chaune, Pa Timutéux, jrü cugü naporaxëë namaã i ngëma pora i Ngechuchu ya Cristu cuxna äxü! ² Yema ore ga chauxütawa nüxü cuxüxüxü ga yexguma

muxúma ga duúxügüpéxewa núxü chixuxgu, rü chanaxwèxe i ñuxma cuxi ngéma oremaã cunangúexêê i togü i yatügü i meã naãexü cuèxgüxü na núxü togüxü nangúexêêxücxèx namaã i ngéma ore. ³ Rü tama name i naxcèx cumuü na Ngechuchu ya Cristuarü oregagu ngúxü quingèxü. Natürü name i namaã cupora ñoma wüxi i mexü i norü chururarüü. ⁴ Rü wüxi i duúxü i churarawa ngèxmaxü, rü taxucürüwama to i puracü i tama churaraarü ixüxügu narüxü. Natürü ngéma norü ãëxgacü nagu namuxü i puracügu nixü i naxüxü na ngémaacü norü ãëxgacüxü nataãëxêêxücxèx. ⁵ Rü ngèxgumarüü ta wüxi i duúxü i wüxi i ñücawa nügü ingucuchixèèxü, rü taxuacüma nanayaxu i norü ãmare ega chixri naxücxèxwèxegu rü tama ngéma ñücaarü ãëxgacüga naxüñügu. ⁶ Rü texé ya naãnewa puracüxe rü name nixü i tüxira tanayaxu i tümanetüarü o. ⁷ jRü guxügüma nagu rüxüñü i ñaã ore i cumaã nüxü chixuxü! Rü nüma ya Cori ya Ngechuchu tá cumaã inananguxüxêê i guxüma na nüma nanaxwèxexüñücxèx cunaxüxücxèx i ngéma puracü. ⁸ jRü nüxna nacüxächi ya Ngechuchu ya Cristu ya Dabitanüxü ga guma yuwa irüdacü! Rü yimachiga nixü i ngéma ore i mexü i duúxügümaã nüxü chixuxü. ⁹ Rü ngéma oregagu nixü i ngúxü na chingèxü rü ñoma wüxi i máëtaxürüü nüma poxcupataüwa cadenamaã chichotaxü. Natürü Tupanaarü ore i mexü, rü guxüwama nanguama rü taxucürüwama texé tayachota. ¹⁰ Rü ngèmacèx yaxna namaã chaxüñü i ngéma ngúxü i chingèxü naxcèx i ngéma duúxügü i Tupana dexü. Erü chanaxwèxe i nümagü rü ta Ngechuchu ya Cristuaxü nayaxögü, rü ngémaacü na nayauxgüãxücxèx i maxü i mexü i taguma gúxü. ¹¹ Rü pemaã nüxü chixuxchaü i wüxi i ore i aixcüma ixüxü. Rü ngèxguma Cristu yuxürüü norü orecèx iyuegu, rü naxrüü tá ta wena tamaxé na nüma ñangèxmaxüwa ingèxmagüxücxèx. ¹² Rü ngèxguma ñoma i naãnewa yaxna namaã ixüñüegu ega ngúxü ingèxgu, rü daxüguxü i naãnewa rü wüxigu namaã ãëxgacü tá tixügu. Rü ngèxguma tama Cristuaxü icuáxchaügu i ñoma i naãnewa, rü nüma rü tãütama tüxü nacüxächü i daxüguxü i naãnewa. ¹³ Natürü woo ñuxguacü i yixema rü tama aixcüma naxüxgu i ngéma Tupanamaã ixunetaxü, natürü nüma ya Tupana rü guxügüma nayanguxêê i ngéma tamaã inaxunetaxü, erü taxuacüma nügütama nawomüxêê.

Wüxi i mexü i puracütanüxü i Tupana namaã taãëxüchiga

¹⁴ Rü ngéma yaxögüxü i cuxütawa ngèxmagüxü, rü name nixü i Tupanaegagu nüxna nüxü cucüxächixèê na tama nuxcümaügüxü i ore i taxuwama mexücxèx nügümaã na yaporagatanücxücxèx. Erü ngéma rü wüxi i chixexü nixü, rü nanachixèeãëxêê i ngéma duúxügü i nüxü ñüxèxü. ¹⁵ jRü cügü naporaxêê na meã cunaxüxü i Tupanaarü puracü na cumaã nataãëxücxèx i ngèxguma napéxewa cunguxgux rü ngémaacü taxucèxma cuxãnexücxèx i ngèxguma nüma cuxna nacaxgu naxcèx i curü puracüchiga! jRü ngèmacèx name i aixcüma meã namaã cüngüxèëtae i ngéma ore i mexü i aixcüma ixüxü! ¹⁶ jRü nüxü rüxo i ñoma i naãnecüãxärü dexagümare i taxuwama mexü! Erü ngéma duúxügü i ngéma dexagümaregu üxü, rü guxügüma yexeraacü chixèxügu nayi. ¹⁷ Rü ngéma norü nguxèëtae i ngéma duúxügü, rü ñoma wüxi i ñaaweane i tüxü iyimachixèëxüxü nixü. Rü yema nixü ga nüxü ngupetüxü ga Imenü rü Firetu. ¹⁸ Yerü nidoragümare ga nüxü na yaxügüxü rü marü na nangupetüxü i yuetaarü dachiga. Rü yemaacü nanawomüxèëgü ga ñuxre ga duúxügü na tama noxrürüü yaxögüãxücxèx i Tupanaarü ore. ¹⁹ Natürü Tupanaarü ore rü taguma inayarüxo rü taguma naxüchicüü. Rü ngéma norü orewa rü ñanagürü:

“Tóru Cori ya Tupana nüxü nacüxè i texé tixü ya norü duúxügü ixüguxe. Rü guxüma ya yixema nüxü ixuxe na Ngechuchu ya Cristu rü tümaarü Cori yüxü, rü name nixü i nüxna tixügachi i guxüma i chixexü”,

ñanagürü i ngéma norü orewa. ²⁰ Wüxi i duúxü i diëruãxüchixü rü napatawa nangèxma i poratu i uirunaxcèx rü diërumünaxcèx. Rü nangèxma ta i poratu i nañnaxcèx rü waixümunaxcèx. Rü ngéma poratu i uirunaxcèx rü diërumünaxcèx rü mexü i norü ñnaxcèx nixü. Natürü ngéma poratu i nañnaxcèx rü waixümunaxcèx rü guxchirechixü nixü. ²¹ Rü ngèxguma wüxi i yaxöxü naxwèxegu na aixcüma mexü i Tupanaarü puracütanüxü na yüxü, rü name nixü i nüxna nixügachi i guxüma i chixexü. Rü ngèxguma tá nixü i Tupanapéxewa aixcüma naxüñnèxü na naxüãxücxèx i nagüxüraüxü i puracü i Tupana namaã nüxü ixuxü. ²² jNüxü rüxo i guxüma i ngéma chixexü i ngèxtüxücxügu nagu rüxüñüxü! jRü meã Tupanapéxewa namaxü rü aixcüma nüxü yaxü! jRü nüxü nangechaü i guxüma i duúxügü, rü tãxü i namaã cunuxü! jRü ngémaacü namaxü wüxigu namaã i guxüma i ngéma duúxügü i aixcüma Tupanacèx maxèxü rü ngémaacü yumüxègüxü! ²³ Rü tama name i naxcèx icurüxüñü i ngéma dexagü i taxuwama mexü. Erü ngéma dexagüagu rü düxwa nügüchi naxaie i duúxügü. ²⁴ Rü wüxi i Tupanaarü puracütanüxü rü tama name na texemaã nücxèx nadauxü. Rü narümemae nixü na guxüma namecümáxü. Rü nanaxwèxe i yaxna namaã naxüñücxèx meã duúxügüxü nangúexêê i Tupanaarü ore. ²⁵⁻²⁶ Rü wüxi i Tupanaarü puracütanüxü rü name na yaxna namaã naxüñücxèx meã nayaxucüxègüãxü i ngéma duúxügü i tama irüxüñüchaxü. Rü name i ngémaacü ñnananguxêê na Tupana nüxü rüngüxèèxü i ngéma duúxügü na nüxü

naxoexúcex i norú chixexú rú núxú nacuèxgúxcèx i ngêma ore i aixcúma ixíxú. Erú Tupana nanaxwêxe na naxuàègúxú i ngêma duúxúgú rú nawa ínanguxúxú i ngêma chixexú i ngoxo i Chataná nagu nayixèèxú na noxrutama ngúchaú namaá naxúxúcèx.

3

Nuxácú tá nixí i duúxúgúciúma i ngêxguma nagúxchaúgu i naâne

¹ Rú chanaxwêxe i núxú cucuèx rú ngêxguma nagúxchaúgu i naâne rú tá nangêxma i áicúmaxúgú rú guxchaxúgú naxcèx i duúxúgú. ² Rú duúxúgú rú tá nügúgúxicatama narúxínüé, rú norú díeruguama tá narúxínüé. Rú tá nügú nicuèxúxúgú, rú ngêmaácú táútama núxú nacuèxgúchaú i togú i duúxúgú i tama naxrúú taarú díeruáxgúxú. Rú chixri Tupanachiga tá nidexagú, rú táútama nanatúga rú naéga naxínüéchaú. Rú táútama moxé ínaxú i ngêxguma Tupana núxú rúngxéègu, rú ngêmaácú táútama núxú nacuèxgúchaú i Tupanaáru ore. ³ Rú táútama nagu narúxínüé i togú i duúxúgúxú na nangechaúgúxú, rú táútama núxú nangechaúttúmúgú. Rú tá naxoregútèèxgú, rú táútama nügú naporaxéè na yaxna namaá naxínüéxúcèx i naxúneáru ngúchaúgú. Rú tá nichixecúma, rú tá naxchi naxaie i guxúma i ngema mexú. ⁴ Rú duúxúgúechitawèxegúxú tá nixígú, rú nuèwèxexú tá nixígú, rú nügú icuèxúgúxú tá nixígú. Rú tá norú ngúchaúcèxama nadaugú, rú táútama Tupanaxú nacuèxgúchaú. ⁵ Rú tá nügú nayaxógúxúchinetaxéè natúru ngêma norú chixexú i naxúgúxúwa tá nangoxoma na tama aixcúma yaxógúáxú i ngêma ore i mexú. Rú ngêma duúxúgú i ngêmaácú maxèxú, rú tama name na namaá cuxámúcüxú rú natanúgu cuxáxú. ⁶⁻⁷ Erú ngêma duúxúgútanúwa nangêxmagú i númaxú i ípatagu ichocuetanúxú. Rú norú nguxéètaemaá nayawomúxéègú i ngêma ngexúgú i ngêma ngêxmagúxú i tama naáèxú icuáxú rú chixri maxèxú. Rú ngêma ngexúgú, rú norú ngúchaúgútama chixexúwa nanagagú, rú ngêmacèx woo guxúguma nangúe natúru taguma aixcúma núxú nacuèxgú i ngêma ore i aixcúma ixíxú. ⁸ Rú ngêma duúxúgú i chixexúmaá nguxéètaegúxú, rú chixexúgúxicatama narúxínüé, rú tama aixcúma nayaxógú i Tupanaáru ore. Rú naxchi naxaie i ngêma ore i aixcúma ixíxú, naxrúú ga yema yuúxúgú ga Yane rú Yáúbre ga tama Moichéga ínúéchaúxú. ⁹ Natúru táútama muxú i duúxúgú núxú nayaxógú. Erú guxúwama i duúxúgú rú tá núxú nicuèxáchitanú na wúxi i duúxúgú i chixexúgu rúxínüexú rú ngeáèmarexú yixígúxú naxrúúxú ga yema taxre ga tama Moichéga ínúéchaúxú.

Ucuxémaá inyacuèxéè ga Pauru na Timutéumaá yadexaxú

¹⁰⁻¹¹ Natúru cumax, Pa Timutéux, marú núxú cucuèx ga ñuxácú meá na chanangúexéèxú ga duúxúgú, rú ñuxácú meá chamaxúxú, rú ñuxácú nagu charúxínúxú rú meá chayaxóxú, rú ñuxácú yaxna namaá chaxínúxú ga duúxúgú rú núxú changechaúxú. Rú cuma núxú cucuèx ga ñuxácú na chaugú chaporaxéèxú na yaxna namaá chaxínúxú i guxchaxúgú. Yerú ga duúxúgú rú chowe ningexútanú na choxú yamèxgúxúcèx. Rú cuma rú núxú cucuèx ga ñacú choxú na úpetúxú ga Aútioquíawa rú Icíniúwa rú Listrawa, rú ñuxácú chowe na yangexútanúxú rú poraácú ngúxú chingexú. Natúru tóru Cori ya Tupana choxú ínapoxú na tama choxú yamèxgúxúcèx. ¹² Rú aixcúma cumaá núxú chíxu rú guxáma ya yíxema naxwèxegúe na Ngechuchu ya Cristucèx tamaxèxú, rú togú tá túmachi naxaie rú chixri tá túmamaá nachopetú. ¹³ Natúru ngêma duúxúgú i chixecúmagúxú rú ngêma duúxúgú i idoratèèxgúxú rú yexeraxú i chixexúgu tá nayi. Erú Chataná marú nayawomúxéègú, rú ngêmacèx núxú togúxú nawomúxéègú. ¹⁴ Natúru i cuma rú name nixí i guxúguma meá nagu quixú i guxúma i ngêma ore i marú cungúxú. Erú cumatama rú núxú cucuèx na aixcúma yíxú i ngêma ore, rú núxú cucuèx na texégú tixígúxú ga guxema namaá cuxú nguxéègúxe. ¹⁵ Rú cuma núxú cucuèx rú cubuxgumamatama nawa cungux i ngêma Tupanaáru ore i úinèxú. Rú ngêmawa cunayaxu i cuèx na núxú cucuáxúcèx i ñuxácú túxú na nangêxmaxú i maxú i taguma gúxú ega Ngechuchu ya Cristuaxú yaxógúgu. ¹⁶ Rú guxúma i Tupanaáru ore i úmatúxú rú nügúáèwatama nanayaxu ga Tupana. Rú ngêma ore rú name na duúxúgúxú namaá íngúxéèxú, rú namaá yaxucúxéègúxú rú namaá íyanawéxáchixéègúxú, rú namaá nangúxéèxú na meá Tupanapèxewa namaxéèxúcèx. ¹⁷ Rú ngêmaácú i ngêma ore rú túxú narúngxéèe ya yíxema Tupanaáru íxíxé, na meá núxú tacuáxúcèx i ngêma Tupana naxwèxexú rú ítamemarexú na tanaxúxú i nagúxútraúxú i puracú i Tupana túmamaá núxú íxuxú.

4

¹⁻² Rú núma ya Ngechuchu ya Cristu ya núma tá úcu na núxú yacagúxúcèx i ngêma duúxúgú i maxèxú rú ngêma marú yuechiréxú, rú yimapèxewa rú Tupanapèxewa cuxú chamu na núxú quixuxúcèx i ngêma ore i mexú. Rú ngêxguma cuxú yatauxchaáchigu rú woo cuxú naguxchagu, rú chanaxwêxe i núxú quixuama i ngêma ore. Rú

ngêmaâcû chanaxwêxe na icuyanawêxâchixêêgûxû rû meã cuyaxucuxêgûxû rû nüxû cunangûchaüxêêxû i duüxûgû. Rû name nixî i yaxna namaã cuxîñüâcûma meã cunangûxêê. ³ Erû yixcûra i duüxûgû rû tãütâma nüxû naxîñüêchaü i ngêma nguxêêtae i mexû. Erû ngêma duüxûgû rû nichixecûma. Rû ngêmacêx naxcêx nadaugû i norû ngûxêêruügû i nûma nanaxwêxegûxûâcûma nangûxêêxû. ⁴ Rû tãütâma nüxû naxîñüêchaü i Tupanaârû ore i aixcûma ixîñû. Erû ngêma ore i doramare ixîñûguama tá narüññü. ⁵ ¡Natürû cuma rû meã cugûna nadau, rû ñaxuãê, rû namaã naporã ega ngûxû cuxû üpetûgu! ¡Rû nüxû iXuama i ore i mexû i tüxû maxêxêêxû, rû meã yanguxêê i ngêma puracû i Tupana cuxna äxû! ⁶ Tãütâma muxû i ngunexû ñoma i naãnewa changêxma erû marû choxû ñingaica na Tupanaârû puracû chaxûxûgagu chayuxû rû choxû na yamêxgûxû i duüxûgû. ⁷ Rû choma rû marû chayanguxêê i ngema puracû i Tupana choxna äxû. Rû ñuxma na nagûxû i ngema puracû rû taguma nüxû charûxo na chayaxôxû. ⁸ Rû ñuxma rû marû Tupana choxû namaã nanguxû i ngêma âmare i mexêchixû ya tórû Cori ya Ngechuchu ya âêxgacû ya mecû tá choxna äxû i ngêxguma wenaxârû ñoma i naãnewa naxûxgu. Rû tãütâma chaxica choxna nanaxã i ngêma âmare, natürû tá tüxna nanaxã ya guxãma ya yixema tümaârû ngûchaümaã ñanguxêêgûxe na wenaxârû nûma naxûxû.

Timutéuxû naxucuxê ga Pauru

⁹ Cumaã nüxû chixu rû chanaxwêxe i paxa nuã cuxû, rû choxû ícuyadau. ¹⁰ Demã rû ñoma i naãneârû ngêmaxûgu naxîñüxûgagu choxna nixû rû ñãne ga Techarónicawa naxû. Rû Crechéüte rû Gáratãnewa naxû, rû Titu i Darumáchiaanewa. ¹¹ Rû Lucaxicatama nixî i ñuxma chauxütawa ngêxmaxû. Rû chanaxwêxe i naxcêx cudau i Marcu na nuã cunagaxücêx. Erû nûma rû chauxcêx name na choxû na nangûxêêxû i ñãã puracûwa. ¹² Rû Tíquicu rû ñãne ya Epêchiuwa chanamu. ¹³ ¡Ngêxguma nuã cuxûxgu rû nuã nange i chorû gáuxûchiru ga ñãne i Tróawa ngêxmaxû ga Carpupatawa chatáxû! Rû chanaxwêxe i nuã cunana i chorû poperagû. Rû guxûârû yexera chanaxwêxe na nua cunanaxû i chorû poperagû i idixgûpütaxû. ¹⁴ Areyáüdrû i cobrenaxcêx i buetarearû üwa puracûxû rû poraãcû chixri chomaã naxûpetû. Natürû Tupana nüxû nacuêx i ñuxâcû tá na napoxcuãxû naxcêx ga yema chixexû ga chomaã naxûxû. ¹⁵ ¡Meã cugûna nadau na tama chixexû cumaã naxûxücêx! Erû poraãcûxûchima naxchi naxai i Tupanaârû ore i mexû. ¹⁶ Yexguma noxrixûchima âêxgacûgûpêxewa chaugüétüwa chideaxgu rû taxüema choxû tarüngûxêê. Guxûma choxna nibuxmû. Natürû tama chanaxwêxe ya Tupana rû nagu narüññû i ngêma. ¹⁷ Natürû tórû Cori choxû naporaxêê rû choxû narüngûxêê na choxû natauxchaxücêx na nüxû chixuxücêx ga norû ore i mexû i tüxû maxêxêêxû. Rû yemaãcû guxûma ga yema duüxûgû ga tama yaxôgûxû ga yema yexmagûxû rû nüxû naxîñüê ga yema ore. Rû yemaãcû tórû Cori ya Ngechuchu choxû ñanguxuchixêê ga yexguma taxû ga äñcûmaxûwa chayexmagu. ¹⁸ Rû nûma ya tórû Cori tá choxû ñanguxuchixêê nawa i guxûma i chixexûgû. Rû tá choxna nadau na ngextã âêxgacû iyîñüwa choxû nagaxücêx. Rû name i guxûguma nüxû ticuêxügû. Rû ngêmaãcû yîi.

Pauru rû wenaxârû Timutéuxû narümoxê rû naxcêx ñnaca na Cori ya Ngechuchu ya Cristu nüxû rüñgûxêêxû

¹⁹ Chanaxwêxe i chauégagu nüxû curümoxê i Prisila, rû Aquiru, rû Onechéperutanüxûgû. ²⁰ Eratu rû ñãne i Corítiugu narüxâñû. Rû Turuquínu rû idãawexûma ñãne i Miretuwa chanatêx. ²¹ Rû naxûpa i gáuanexû rû chanaxwêxe i nuã cuxû. Rû cuxû narümoxêgû i Eubûru, rû Prudête, rû Linu, rû Cãudia, rû guxûma i taeneêgû i yaxôgûxû. ²² Rû chanaxwêxe i tórû Cori ya Ngechuchu ya Cristu cumaã nangêxma, rû Tupana pexû narüngûxêê ya guxãma i pemax.

Rû nuãma pexna,
Pauru

POPERA GA TITUCAX NAXÜMATÜXÜ GA PAURU

Tituxü narümoxë ga Pauru

¹⁻² Pa Titux, choma i Pauru i Tupanaärü puracütanüxü nixi i cuxcëx chanaxümatüxü i ñaã popera. Rü Ngechuru ya Cristu nixi ga choxü mucü na ngëma duüxügü i Tupana dexümaã nüxü chixuxücëx i norü ore na Tupanaãxü yaxögüãxücëx rü nüxü nacüëxgüxücëx i ngëma norü ore i aixcüma ixixü i tüxü rüngüxëëxü na naxcëx imaxëxücëx. Rü ngëmaäcü Tupanaãxü tayaxögü rü naxcëx tamaxëchaü erü tanayauxgüchaü i ngëma maxü i taguma güxü. Rü ngëma maxü i taguma güxü nixi ga nuxcümaxüchima ga yexguma tauta naãne üxgu Tupana ya taguma idoracü nüxü ixuxü. ³ Rü ñuxma rü marü nawa nangu na Tupana tüxü nüxü cuëxëëxü i ngëma norü ore i mexü i tüxü maxëxëëxü. Rü ngëmacëx nümatama ya Tupana ya törü maxëxëëruü choxü namu na nüxü chixuxücëx i ngëma norü ore. ⁴ Pa Titux, cuma rü chaune quixi i Tupanaärü orewa yerü chauxütawa cunayaxu ga Tupanaärü ore ga noxri rü ñuxma rü chauxrüü cuyaxö. Rü chanaxwëxe i cuxü narüngüxëëgü rü cuxü nataëxëëgü ya Tanatü ya Tupana rü Ngechuchu ya Cristu ya törü maxëxëëruü.

Tituarü puracü ga yexguma Crétaawa nayexmagu

⁵ Rü yexguma Crétaarü capaxügu cuxü chamüxgux, rü cumaã nüxü chixu na yema yaxögüxütanüwa cunaxüxü ga yema puracü ga tama chinguxëëxü ga yexguma cuxna yéma chataegugu. Rü yemacëx cumaã nüxü chixu na wüxichigü ya ñänewa rü nüxü cuxunetaxü i tupaucaarü äëxgacügü na ngëma yaxögüxümaã inacüëxgüxücëx, yema cuxü chamuxüruü. ⁶ Rü wüxi i äëxgacü i yaxögüxüärü, rü name i meã namaxü na taxüema chixri nachiga idexagüxücëx. Rü name i wüxitama tixi ya namëx. Rü naxäcügü rü name na yaxögüãxü rü meã namaxëxü na taxüema nüxü ixuxücëx na chixri namaxëxü rü tama nanatüga naxünüëxü. ⁷ Erü yixema yaxögüxüärü äëxgacü ixixë, rü Tupanaärü puracü nixi i taxüxü. Rü ngëmacëx tanaxwëxe i aixcüma meã tamaxü. Rü tama name i wüxi i yatü i chixëcümamaxü tixi rü chixëxügu rüxünüxü tixi. Rü tama name na tangäxüxü, rü nucëx tadauxü, rü togü i duüxügüxü tawomüxëëxü norü diërucëx. ⁸ Natürü narümemae na guxüguuma meã duüxügüxü tayaxuxü i tûmapatawa, rü aixcüma nüxü tangechaü i ngëma duüxügü i meã maxëxü. Rü tanaxwëxe i wüxi i yatü i aixcüma nüxü tumaãëxü cuäxe tixi, rü guxüguuma duüxügümaã mecümamaxë tixi, rü aixcüma Tupanacëx maxüxë tixi, rü guxüguuma meã tügümaã icuäxe tixi. ⁹ Rü yixema yaxögüxüärü äëxgacü ixixë rü name i nagu tixü i ngëma ore i aixcüma ixixü ga tûmamaã nüxü ixuxü na tûma rü ta togüxü tangüxëëxücëx i ngëma ore i mexü, na ngëmaäcü nüxü tanangüchaüxëëxücëx rü nüxü tayaxögüxëëxücëx i ngëma duüxügü i noxri tama yaxögüchaüxü. ¹⁰ Erü nangëxma i muxüma i yaxögüchirëxü i tama aixcüma irüxünüëchaüxü. Rü ngëma guxüärü yexera tama irüxünüëchaüxü nixi i ngëma Yudiügu i yaxögüchirëxü i ñuxma naxwëxegüxü na nuxcümaügüxü i nacümaawe naxixü i ngëma yaxögüxü. Rü nümagü rü ore i taxuwama mexüxü nixugügü, rü ngëmaäcü duüxügüxü nawomüxëëgü. ¹¹ Natürü ngëma duüxügü i ngëmaäcü chixri ngüxëëtaegüxü, rü chanaxwëxe i noxtacüma icuyanangeëxgüxë. Erü muxüma i duüxügüxü nachixëëëgü rü ñuxmata ñuxre ya İpatawachigü rü nanachixëë i guxüma i duüxügü na tama aixcüma Tupanaãxü yaxögüãxücëx. Rü ngëma ore i taxuwama mexümaã duüxügüxü nangüxëë na ngëmaäcü tixü nawomüxëëgüacüma ngüxü nayauxgüxücëx i diëru. ¹² Rü wüxi ga yematama capaxücüãx ga norü tupanaärü orearü urüü nixi ga natanüxügüxütama ixuxü rü ñaxü:

“Rü ñaã Cretacüãx i duüxügü rü guxüguuma doratëëxgüxü nixigü, rü ñoma naëxügürüü nidürae, rü nitaanü, rü nixoxochi”, ñaxü. ¹³⁻¹⁴ Rü aixcüma nixi ga yema ore ga nüxü yaxuxü ga yema yatü. Rü ngëmacëx chanaxwëxe i poraäcü cuyauxcuxëgü i ngëma yaxögüxü na aixcüma meã yaxögüãxücëx, rü tama nagu naxixücëx i ngëma Yudiügücüma. Rü chanaxwëxe i namaã nüxü quixu na tama naga naxünüëxücëx ega tacü namuãxgu i ngëma duüxügü i tama nüxü cuëxgüchaüxü i ore i aixcüma ixixü. ¹⁵ Rü yixema aixcüma Tupanapëxewa mexë rü guxüwama tame. Natürü yixema tama aixcüma Tupanapëxewa mexë, rü taxucürüwa tacü rü nacüma i nagu tixüxümaã tügü tamexëë. Rü woo tumaãëwa nagu tarüxünüxüwa rü tachixe erü ngëma nacüma i nagu tixüxümaã Tupanapëxewa tügü tamexëëchaü. ¹⁶ Rü ngëma duüxügü i ngëmagu rüxünüëxü rü nügü yaxugügügu rü Tupanaxü nacüëx, natürü ngëma nümagü naxügüxüwa nüxü tacüëx na tama aixcüma yixü na Tupanaxü nacüëxgüxü. Rü nümagü rü Tupanapëxewa nichixe, rü tama naga naxünüë, rü taxuwama nime na tacü rü mexü naxügüxü.

2

Ngüxëëtae i aixcüma mexü

¹ Natürü i cuma, Pa Titux, rü name i guxügutáma ngéma mexü i nguxêetaemaã cunangüexêê rü taguma nüxna quixügachi. ² ¡Rü meã yaxucuxêgü i ngéma yatügü i yaguãxgü na aixcüma meã naãêxü nacuaãcüma namaxêxüçêx, rü taguma nadauxcüraxüwêxêgüxüçêx, rü guxütaguma meã nagu na naxîñüexüçêx! ¡Rü nangüexêê na aixcüma meã Tupanaãxü yaxögüaxüçêx, rü guxü i duüxügüxü nangechaügüxüçêx, rü yaxna namaã naxîñüexüçêx ega woo tacü rü guxchaxü nüxü üpetügux! ³ Rü ngêxgumarüü ta chanaxwêxe i meã cuyaxucuxêgü i ngéma ngexüügü i yaguãxgü na meã Tupanapêxewa namaxêxüçêx. Rü tama name na yaxoregütêêxgüxü, rü nangãxêwêxêgüxü. Rü name nixü i guxü i duüxügüpêxewa rü meã namaxê. ⁴⁻⁵ Rü ngéma ngexüügü i yaguãxgü rü name nixü i meã na nangüexêêaxü i ngéma ngexüügü i paxüügü na aixcüma natexü rü naxãcügüxü nangechaügüxüçêx, rü meã naãêxü nacuêxgüxüçêx, rü mexüguxicatama na naxîñüexüçêx, rü meã napatana nadaugüxüçêx, rü guxü i duüxügümaã namecümagüxüçêx, rü aixcüma natega naxîñüexüçêx na taxüema chixri Tupanaãrú orechiga idexagüxüçêx. ⁶ ¡Rü ngêxgumarüü ta meãma yaxucuxêgü i ngéma ngexüügüçügü na aixcüma meã naãêxü nacuaãcüma namaxêxüçêx rü tama nadauxcüraxüwêxêgüxüçêx! ⁷ ¡Rü cumatama rü name nixü i meã napêxewa cumaxü i guxüwama na ngémaãcü wüxi i norü cuêxruü i mexü quixüçêx! Rü ngêxguma cunangüexêêgü, rü cunaxwêxe i mexügu curüxîñüacüma cunangüexêê rü tama îñucaãcüma namaã nüxü quixu i ngéma ore. ⁸ Rü ngêxguma ngémaãcü meã cunangüexêêgü i ngéma ore i mexü, rü taxüetáma texê chixri nachiga tidexa. Rü ngémaãcü ya yixema chixri tachiga idexagüchaxü rü tá taxãneê erü taxucürüwa tacü rü chixexüxü tixugü i tachiga. ⁹ ¡Rü meãma yaxucuxêgü i ngéma duüxügü i coriãxgüxü! ¡Rü namaã nüxü ixu na guxütaguma meã norü coriga naxîñüexüçêx, rü norü corimaã namecümagüxüçêx, rü taguma norü corixü nachoxügagüxüçêx! ¹⁰ Rü tama name i norü coriãxü nangixgü, natürü nanaxwêxe i aixcüma meãma norü corimaã namaxê rü taguma nanawomüxêêgü. Rü ngêxguma ngémaãcü namaxêgü, rü guxüma i togü i duüxügü tá nüxü nadaugü na ñuxãcü aixcüma namaxêchixü i ngéma ore i duüxügüxü namaã ingüexêêxü nachiga ya Tupana ya törü maxêxêruü. ¹¹ Tupana rü poraãcüxüchima tamaã namecüma, rü yemacêx núma nanamu ga Nane na guxüma i duüxügüaxü nangêxmaxüçêx i maxü i taguma gúxü ega nüxü yaxögüãgu. ¹² Rü ngéma na Tupana tamaã mecümaxüwa nüxü tacuêx na namexü na nüxü rüxoexü i ñoma i naãneçüãxãrü ngüchaügü rü guxüma i to i chixexüügü i napêxewa ixüxü. Rü ngéma Tupana taxcêx üxü tüxü nangüxêê na meã yigümaã icuêxgüãcüma togü i duüxügüpêxewa rü Tupanapêxewa meã imaxêxü i ñoma i naãnewa. ¹³ Rü tüxü nangüxêê ta na guxütaguma meã îngangüexêêgüxüçêx na nataeguxü ya Ngechuchu ya Cristu ya törü maxêxêruü ya törü Tupana ya tacü ixicü. Erü Tanatü ya Tupana rü tamaã inaxuneta na wena tá nataeguxü ya Ngechuchu, rü wüxi i taãê tá nixü i ngêxguma îngangüxgü. ¹⁴ Rü nüma ga Ngechuchu rü taxcêx nayu na tüxü îngangüxêêxüçêx nawa i guxüma i chixexü, rü tüxü yamexêêgüxüçêx na aixcüma norü duüxügü i mexü ixigüxüçêx rü aixcüma naxcêx idaugüxüçêx na guxütaguma mexü ixigüxüçêx. ¹⁵ Rü ngéma ore tá nixü i duüxügüxü namaã cüngüexêêxü rü nüxü cunangüchaxüxêêxü na Tupanacêx namaxêxüçêx. Rü ngéma oremaã tá aixcüma cuyaxucuxêgü i duüxügü erü Tupanatama nixü ya cuxü mucü na ngémaãcü cunaxüxü. Rü tama name na texê cuxü oxü.

3

Ñuxãcü name na namaxêxü i ngéma yaxögüxü

¹ Rü ngéma yaxögüxü i duüxügü, ¡rü namaã nüxü ixu na nachixüñanearü ãêxgacügüga naxîñüexü rü guxüma i ngema togü i ãêxgacügüga naxîñüexüçêx! ¡Rü yaxucuxêgü na înamemaregüxüçêx na naxügüãxüçêx i guxüma i mexü i puracügü i ãêxgacügü unagüxü! ² Rü tama name i texêchiga chixri nixexagü rü texémaã nanuê. Natürü name nixü i guxü i duüxügümaã namecümagü rü aixcüma guxü i duüxügüxü nangechaügü rü tama nügü nicuêxüxüçêx. ³ Rü name nixü i yaxna namaã taxîñüê i ngéma tama yaxögüxü, yerü yixema rü ta ga üpa rü chixri tamaxê, rü tama Tupanaga taxîñüê. Rü itayarütaxe rü törü ngüchaxü tüxü napora. Rü chixexügu rüxîñüêcüma tamaxê rü taxãxüchixiwêxêgü. Rü naxchi taxaie ga togü, rü nüma rü ta taxchi naxaie. ⁴ Natürü yexguma Tupana ya törü maxêxêruü tüxü nüxü dauxêêgü i norü ngechaxü naxcêx i guxüma i duüxügü, rü nüma rü tüxü namaxêxêê. ⁵ Rü yema na tüxü namaxêxêêxü rü tama tacü rü mexü na ixigüxüdgagu nixü, natürü tüxü namaxêxêê yerü nüxü tangechaütümüçêx. Rü Naãê i Üünexü i tüxü ngexwacaxüxêêxüarü poramaã Tupana tüxü înyanaxoxêê ga törü pecadu na ngexwacaxüxü i duüxügü ixigüxüçêx. ⁶ Rü Ngechuchu ya Cristu ya törü Maxêxêruüdgagu nixü ga Tupana ga guxüma ga norü ngüchaxümaã tüxna namuãxü ga Naãê i Üünexü. ⁷ Rü yemaãcü tamaã namecüma rü tüxü narüngüxêê ga Tupana na aixcüma imexüçêx i napêxewa, rü na nayauxgüxüçêx i ngéma îrngüxêêgüxü i maxü i taguma gúxü. ⁸ Rü guxüma i ngéma

marü cumaã nüxü chixuxü rü aixcüma nixí. Rü ngēmacèx chanaxwèxe i guxüguma nüxü quixu i ngēma ore na aixcüma mexü naxügüxcèx i ngēma duüxügü i Tupanaãxü yaxögüxü. Erü ngēma ore rü guxüwama name i guxãcèx. ⁹ ¡Natürü nüxna ixügachi i ngēma dexagü i taxuwama mexü i duüxügü nawa nügü choxügagüxü rü ngēma oregü i nuxcümaügüxü i duüxügüchigamare ixügüxü! ¡Rü nüxna ixügachi i ngēma nügü ngaexü! ¡Rü tama name na natanügu cuxãxü i ngēma duüxügü i nügümaã nüxü rünuëtanücüüxü nachiga i ngēma mugü ga Moiché ümatüxü! Erü guxüma i ngēma na nüxü rünuëtanücüüxü rü taxuwama name, rü natüçéxmamare nixí. ¹⁰ Rü ngēxguma chi wüxie i petanüwa rü chixexü i nguxëëtaemaã ngēma yaxögüxüxü titoyegu, rü name nixí i tümamaã nüxü quixu na tama ngexü tawagüxcèx. Rü ngēxguma tanaxüamagu, rü name nixí na wena tümamaã nüxü quixuxü. Rü ngēxguma tama cuga taxínüchaügu rü tanaxüamagu i ngēma chixexü rü name nixí i noxtacüma tüxü ícumuxüchi natanüwa i ngēma yaxögüxü. ¹¹ Erü ngēma chixri na tamaxüxüwa rü tá nangox na tachixeãxü ya yíxema duüxé rü tümäärü pecadugagu tá nixí na tapoxcuxü.

Tituxü naxucüxë ga Pauru

¹² Rü ngēxguma cuxütawa chanamuxgu i Artema rü ëxna Tíquicu, rü chanaxwèxe i paxa Nicaporíchiuwa cuxü na choxü ícuyadauxüxcèx. Erü ngēma tá nixí i chanangupetüxëxü ya yima tauemacügü ya nagu nagáuanecü. ¹³ Rü guxüma i cuxü tauxchaxümaã chanaxwèxe i nüxü curüngüxë i ãëxgacü i Chena i Dumacüãxgüarü mugüxü cuáxü rü Aporu na paxa núma naxíxcèx. Rü chanaxwèxe i nüxna cunaxã i ngēma nanaxwèxexü i norü namawaü na taxuüma nüxü taxuxüxcèx. ¹⁴ Rü ngēma taeneëgü i yaxögüxü, rü name nixí i naxcèx nangúe na mexü naxügüxü rü togüxü nangüxëëgüxü ega ñacü nüxü tauxgux. Rü ngēmaãcü i ngēma togü rü tá nayaxögü.

Pauru rü wenaxãrü Tituxü narümoxë rü naxcèx ínaca na Tupana nüxü rüngüxëxüxcèx

¹⁵ Rü guxüma i taeneëgü i nuã chauxütawa ngéxmagüxü rü cuxü narümoxëgü. Rü ngéxgumarüü ta i choma rü chanaxwèxe i nüxü curümoxë i taeneëgü i yaxögüxü i cuxütawa ngéxmagüxü. Rü chanaxwèxe i Tupana pexü narüngüxëë i guxãma i pemax.

Rü nuãma cuxna,
Pauru

POPERA GA FILEMÚŮCAᶒ NAXŮMATŮXŮ GA PAURU

Pauru rŮ nŮxŮ narŮmoxŮ ga FilemŮŮ

¹ Pa ToeneŮ i FilemŮŮ i ToxrŮxŮ TupanaarŮ PuracŮwa PuracŮxex, choma i Pauru rŮ taeneŮ i TimutŮumaaŮ cuxcŮx tanaxŮmatŮ i űaaŮ popera. RŮ choma rŮ nuxa chapoxcu nagagu na nŮxŮ chixuxŮ i Ngechuchu ya CristuarŮ ore. ² RŮ űaaŮ popera i cuxcŮx taxŮmatŮxŮ, rŮ naxcŮx ta nixŮ i ngŮma taeneŮgŮ i cupatawa ngutaquŮxegŮxŮ rŮ ngixcŮx ta nixŮ i taeyŮx i Ápia rŮ naxcŮx ta nixŮ i taeneŮ i AriquŮpu i taxrŮxŮ TupanaarŮ puracŮwa puracŮxŮ. ³ RŮ chanaxwŮxe i TanatŮ ya Tupana rŮ tŮrŮ Cori ya Ngechuchu ya Cristu pexŮ narŮngŮxŮeŮ rŮ pexŮ nataaŮxŮeŮ.

FilemŮŮ rŮ aixcŮma NgechuchuaŮxŮ nayaxŮ rŮ yema yaxŮgŮxŮxŮ nangechaŮ

⁴ RŮ guxŮguma i ngŮxguma cuxna chacuŮxŮachigu i chorŮ yumŮxŮewa, rŮ Tupanana moxŮ chaxŮ cuxcŮx. ⁵ ErŮ nŮxŮ chacuŮachiga na űuxŮcŮ nŮxŮ cuyaxŮxŮ ya tŮrŮ Cori ya Ngechuchu rŮ űuxŮcŮ nŮxŮ na cungechaŮxŮ i guxŮma i duŮxŮgŮ i TupanaarŮ ixŮgŮxŮ. ⁶ RŮ Tupanana naxcŮx chaca na cuxŮ nangŮxŮeŮxŮcŮx na duŮxŮgŮmaŮ nŮxŮ quixuxŮcŮx na űuxŮcŮ CristuaŮxŮ yaxŮgŮxŮ i yixemax, erŮ chanaxwŮxe na meŮ nŮxŮ cucuŮxŮ na űuxŮcŮ Ngechuchu ya Cristugagu poraŮcŮ tŮxŮ nangŮxŮeŮxŮ ya Tupana. ⁷ RŮ choma rŮ poraŮcŮ chataaŮxŮdŮchi na űuxŮcŮ nŮxŮ cungechaŮxŮ i ngŮma yaxŮgŮxŮ. ErŮ cugagu nixŮ, Pa ChaueneŮx, na nataaŮgŮxŮ i ngŮma togŮ i yaxŮgŮxŮ.

Pauru rŮ FilemŮŮna naca na mea OnŮchimuxŮ nayaxuxŮcŮx

⁸⁻⁹ RŮ ngŮmacŮx nangŮxma i wŮxi i ngŮxŮeŮ i cuxŮtawana naxcŮx űchacaxchaŮxŮ. RŮ dŮcax, Cristu nixŮ i choxŮ mucŮ rŮ ngŮmacŮx choxŮ nangŮxma i pora na cuxŮ chamuxŮ i cunaxŮxŮcŮx i ngŮma ngŮxŮeŮ i mexŮ i tŮ cumaŮ nŮxŮ chixuxŮ. NatŮrŮ tama ngŮmaŮcŮ cuxŮ chamuxchaŮ erŮ cuxŮ changechaŮ, rŮ ngŮmacŮx chauxcŮx narŮmemaŮ nixŮ i cuxŮ chacŮŮmarexŮ naxcŮx i ngŮma. RŮ choma i Pauru rŮ marŮ chaya rŮ űuxma rŮ chapoxcu Ngechuchu ya CristucŮx. ¹⁰ RŮ ngŮmacŮx cuxna naxcŮx chacaxchaŮ i wŮxi i ngŮxŮeŮ naxcŮx i OnŮchimu i nuŮ poxcupataŮwa chauxŮtawana CristuxŮ yaxuxŮ. RŮ ngŮmacŮx i űuxma rŮ TupanaarŮ orewa rŮ chaune nixŮ. ¹¹ RŮ Ůpa ga OnŮchimu rŮ wŮxi ga curŮ duŮxŮ ga taxuwama cuxŮ mexŮ nixŮ. NatŮrŮ i űuxma rŮ cuxŮ rŮ choxŮ rŮ ta name. ¹² RŮ űuxma rŮ cuxcŮx chanataeguxŮeŮ i nŮma i OnŮchimu. RŮ chanaxwŮxe i meŮ cunayaxu, űoma choxŮ cuyaxuxŮrŮ. ¹³ ChierŮ chanaxwŮxe na nuxma chauxŮtagu naxŮxŮ, rŮ na cuchicŮcŮ choxŮ nangŮxŮeŮxŮcŮx i űuxma na chapoxcuxŮ naxcŮx i TupanaarŮ ore i mexŮ. ¹⁴ NatŮrŮ tama chanaxŮxchaŮ i űacŮ i tauta "NgŮ" űacuxŮ choxŮ. ErŮ ngŮma ngŮxŮeŮ i cuxna naxcŮx chaçaxŮ, rŮ chanaxwŮxe na curŮ ngŮchaŮtama yŮxŮ i ngŮma rŮ tama i chorŮ mugagu na yŮxŮ. ¹⁵ RŮ bexmana Tupana nanaxwŮxe na paxaŮchi cuxna yaxŮxŮ ga OnŮchimu na yŮxcama rŮ wenaxŮrŮ cuxcŮx nataeguxŮcŮx rŮ ngŮmaŮcŮ guxŮgutama cuxŮtawana nangŮxmaxŮcŮx. ¹⁶ NatŮrŮ i űuxma rŮ tama ngŮxŮrŮrŮxŮmare i curŮ duŮxŮrŮ nixŮ, erŮ wŮxi i curŮ duŮxŮarŮ yexera nixŮ i űuxmax, erŮ taeneŮ i nŮxŮ ingechaŮxŮ nixŮ. RŮ aixcŮma poraŮcŮ nŮxŮ changechaŮ i chomax, natŮrŮ chanawae i cuma rŮ yexeraŮcŮ nŮxŮ cungechaŮ. ErŮ űuxma rŮ tama wŮxi i curŮ dŮxŮmare nixŮ, natŮrŮ wŮxi i cueneŮ i tŮrŮ CoriaŮxŮ yaxŮxŮ nixŮ i űuxmax. ¹⁷ RŮ ngŮmacŮx, rŮ ngŮxguma choxŮ cudŮyŮxu na aixcŮma cueneŮ chiŮxŮ, rŮ chanaxwŮxe i meŮ cunayaxu i OnŮchimu, űoma choxŮ cuyaxuxŮrŮ. ¹⁸ RŮ ngŮxguma űacŮ rŮ chixexŮ cumaŮ naxŮxŮu rŮ Ůxna űacŮ cuxŮ nangetanŮgŮ, rŮ chanaxwŮxe i chomaŮ nŮxŮ quixu na űuxre yŮxŮ, na cuxŮ chanaxŮtanŮxŮcŮx. ¹⁹ RŮ chomatama i Pauru rŮ choxmŮxmaŮxŮdŮchi chanaxŮmatŮ i űaaŮ popera. RŮ aixcŮma chomatama tŮ cuxŮ chanaxŮtanŮ. RŮ tŮtŮtama cuxna nŮxŮ chacuŮxŮachixŮeŮ na űuxŮcŮ choxŮ cunangetanŮxŮ i curŮ maxŮ i taguma gŮxŮ i chaugagu TupanaxŮtawana cuyaxuxŮ. ²⁰ RŮ ngŮmaŮcŮ, Pa ChaueneŮx, rŮ chanaxwŮxe i tŮrŮ Corigagu chauxcŮx cunaxŮ i ngŮma ngŮxŮeŮ. RŮ chanaxwŮxe i choxŮ cutaŮxŮeŮ, erŮ chaueneŮ i CristuaŮxŮ yaxŮxŮ quixŮ. ²¹ RŮ cuxcŮx chanaxŮmatŮ i űaaŮ popera erŮ nŮxŮ chacuŮx na aixcŮma chauga cuxinŮxŮ rŮ tŮ cunaxŮxŮ i ngŮma cuxna naxcŮx chaçaxŮarŮ yexera. ²² RŮ ngŮxgumarŮŮ ta chanaxwŮxe na chauxcŮx cunamexŮeŮxŮ i wŮxi i nachica i ngextŮ tŮ nawa changuxŮ. ErŮ űchananguxŮeŮ na Tupana tŮ nangŮxŮxŮ i perŮ yumŮxŮgŮ, rŮ tŮ choxŮ nangŮxŮeŮxŮ na pexŮ űchayadauxŮcŮx.

Pauru rŮ wenaxŮrŮ FilemŮŮxŮ narŮmoxŮ rŮ naxcŮx űnaca na Cori ya Ngechuchu ya Cristu nŮxŮ rŮngŮxŮeŮxŮ

²³ RŮ moxŮ cuxcŮx ngema namu i Epáparu. RŮ nŮma rŮ wŮxigu chomaŮ napoxcu naxcŮx ya Ngechuchu ya Cristu. ²⁴ RŮ ngŮxgumarŮŮ ta moxŮ cuxcŮx ngema namugŮ i Marcu, rŮ

Aritárcu, rü Dema rü Luca. Rü nümagü rü chomücügü nixĩgü i Tupanaãrũ puracüwa. ²⁵ Rü chanaxwêxe i tórũ Cori ya Ngechuchu ya Cristu pexũ narũngũxêê i guxãma i pemax.

Rü nuãma cuxna,
Pauru

POPERA GA YUDÍUGÜ GA YAXŌGÜXÜCAX ÜMATÜXÜ

Tupana rü Nanewa tamaã nidexa

¹ Nuxcüma ga Tupana rü müëxpüxcüna rü nagüxüraüxüãcüma norü orearü uruügwüwa törü oxigümaã nidexa, rü namaã nüxü nixu ga ñacü nüxü na nanaxwëxexü. ² Natürü i ñomaücüü ya Tupana rü Nanewatama nixi i tamaã yadexaxü rü tüxü nüxü nacüëxëxü na ñuxäcü tüxü nangüxëëchaüxü. Rü gumaxü nixi ga namuxü na naxüãxüxcëx ga ñoma ga naãne rü daxügxü ga naãne rü üëxcü rü tauemacü rü woramacurigü rü ëxtagü. Rü ñuxüchi guma Nanena nanana ga guxüma ga yema na noxrü yixüxcëx. ³ Rü Nanewa nixi i nüxü idauxü na ñuxäcü namexëchixü i nüma ya Tupana. Rü nüma ya Nane rü Nanatü ya Tupanarüütama nixi. Rü ñuxma na guxüärü äëxgacü yixü ya Nane, rü guxümaãma inacüx rü norü ore i poraxümaã nanamu i guxüma na nüma nanaxwëxëxüãcüma na yixüxcëx. Rü nüma ya Nane nixi ga taxcëx nayuxü na nüxü rüxoëxüxcëx ga törü pecadugü. Rü yemawena rü Nanatüxütawa naxü i daxügxü i naãnewa. Rü yéma Nanatüarü tügüncëwüwa nayarüto erü guxüärü äëxgacü nixi i ñuxmax.

Tupana Nane rü guxüma i orearü ngeruüğü i daxü- cüãxëtüwa nangëxma

⁴ Rü ñuxma i nüma ya Nane rü guxüma i Tupanaärü orearü ngeruüğü i daxücüãxärü yexera nixi rü naetüwa nangëxma yerü yemaãcü nanaxuegu ga Nanatü. ⁵ Rü ngëmaãcü nixi i ñuxma yerü ga Tupana rü taguma wüxi ga norü orearü ngeruüxü ñanagürü: “Cuma nixi i Chaune. Rü ñuxma chanangoxëë na aixcüma Chaune quiixü”, ñanagürü. Rü taguma wüxi ga norü orearü ngeruüchiga ñanagürü:

“Choma nixi i Nanatü chixü rü nüma rü Chaune nixi”, ñanagürü. ⁶ Natürü yexguma ñoma ga naãnewa namuãgu ga Nane ya guxüëtüwa ngëxmacü, rü ñanagürü ga Tupana:

“Chanaxwëxe i guxüma i chorü orearü ngeruüğü i daxücüãx rü nüxü nicüëxüüğü ya Chaune”,

ñanagürü. ⁷ Rü yexguma norü orearü ngeruüğü ga daxücüãxchiga yadeaxgu ga Tupana, rü ñanagürü:

“Choma chanaxwëxëxüãcüma chanamu i ngëma chorü orearü ngeruüğü i chorü ngüxëëruüğü ixigüxü. Rü ngëxguma chanaxwëxëgu rü ñoma buanecü rü ñoma üxüemarüü chayaxigüxëë, rü chanaporaexëë na naxügüãxüxcëx i chorü ngüchaü”,

ñanagürü. ⁸ Natürü yexguma Nanechiga yadeaxgu ga Tupana rü ñanagürü:

“Cuma rü chauxrüü Tupana quixi. Rü guxügutáma äëxgacü quixi. Rü aixcüma meã guxümaã icucüx erü aixcümacü quixi. ⁹ Rü nüxü cungechaü i guxüma i ngëma nacüma i mexü natürü naxchi cuxai i guxüma i ngëma nacüma i chixexü. Rü ngëmacëx i choma na Cunatü ya Tupana chixü rü guxäëtüwa cuxü changëxmaxëë rü guxäärü yexera cuxü chataãëxëë”,

ñanagürü. ¹⁰ Rü yexgumarüü ta Nanexü ñanagürü ga Tupana:

“Cuma rü guxüärü Cori quixi. Rü noxrüarü ügügumama ga yexguma natauxgutama ga ñoma ga naãne, rü cuma nixi ga cunaxüxü. Rü cumatama nixi ga cunaxüxü ga üëxcü rü tauemacü rü guxüma ga ëxtagü. ¹¹ Rü guxüma i ngëma rü ta nagux, natürü i cuma rü guxügutáma cungexmaëcha. Rü guxüma i ngëma rü ñoma naxchirurüü tá nangaue.

¹² Rü ñoma wüxi i naxchiru i ngauxü i ngema itëxmarexüüü tá icunawogü i ñoma i naãne rü guxüma i daxüwa nüxü idauxü. Rü to i ngexwacaxüxümaã tá cunaxüchicüü, ñoma wüxi i naxchiru i ngauxü i ngexwacaxüxümaã ixüchicüüxüüü. Natürü i cuma rü tá cunaxëjxüumaraxüëcha rü tagutáma cuyu”,

ñanagürü ga Tupana. ¹³ Rü Tupana rü ñanagürü nüxü:

“¡Nuã chauxütawa rüto ñuxmatáta nüxü cuxü charüporamaëxëë i guxüma i curü uwanüğü!”

ñanagürü. Natürü ga Tupana rü taguma yema ñanagürü nüxü ga ngëxüüxüxü ga norü orearü ngeruüğü ga daxücüãx. ¹⁴ Rü guxüma i Tupanaärü orearü ngeruüğü i daxücüãx rü naãëgü i Tupanaãxü puracüxü nixigü. Rü nüma ya Tupana rü nüma nanamugü na nüxü yanangüxëëgüxüxcëx i guxüma i ngëma duüxüğü i Tupana naxwëxexü na nayauxgüãxü i maxü i taguma güxü.

2

Tama name i nüxü taxoe i ngëma maxü i Tupana tüxna uaxüü

¹ Rü ñuxma na nüxü icuáxü na guxüma i Tupanaärü orearü ngeruüğü i daxücüãxärü yexera yixü ya Nane, rü ngëmacëx name na yexeraãcü meã naga ixüñëxü i ngëma ore i nachiga ixüü. Erü tama tanaxwëxe na nüxü rüxoëxü na yaxögüxü. ² Rü yexguma tauta

Nane ya Cristuxū núma namuxgu ga Tupana, rü norü orearü ngeruūgü ga daxūcūāxgūwa duūxūgūmaā nüxū nixu ga norü mugü na naga naxīnūēxūcēx. Rū yema mugü rü aixcūma napora yerü guxūma ga yema duūxūgü ga tama naga īnūēxū, rü yema mugü nüxū ixuxūācūma Tupana nanapoxcue. ³Rü yexguma yemaācū napoxcueāgu ga yema duūxūgü ga tama naga īnūēxū, ŗrü űūxūcūruwa i yixema i naxchaxwa ibuxmūxū na tama tūxū napoxcūēxūcēx ega nüxū ixoegu i ngēma maxū i mexēchixū i űūxuma Cristugagu tūxna naxuaxūxū? Rū dūcax, nūmatama ya tōrū Cori nixī ga nüxīra naxunagūāxū ga yema maxū, rü űūxūchi yixcama nixī ga yema nüxū īnūēxū ga nüxī meā tūxū nüxū nacūēxēēxū na aixcūma yīixū i tūxū nangēxmaxū i ngēma maxū ega nüxū yaxōgūgu ya Cristu. ⁴Rü nūmatama ga Tupana rü ta taxcē nanangoxēē na aixcūma yīixū i Cristugagu tūxū nangēxmaxū i ngēma maxū. Yerü nūma ga Tupana rü Naāē i Ūūnexūwa tūxū nanawēx ga naguxūraxūxū ga taxū ga mexūgū rü cuēxruuxūgū ga norü poramaā naxūxū yema nūma nanaxwēxexūācūma. Rū yemaācū nixī ga wenaxārū tūxū nüxū nadauxēēxū na aixcūma yīixū na Cristugagu tūxū nangēxmaxū i ngēma maxū.

Tupana rü űōma ga naānewa nanamu ga Ngechuchu ya Cristu na taxriūū duūxūxū yīixūcēx

⁵Rü űūxma rü guxūma i ngēma mexūgū i Cristugagu tūxū ngēxmaxū i pemaā nüxū tixuchigaxū, rü Tupana rü taguma daxūcūāx ga norü orearü ngeruūgūna naxāga na namaā inacūēxgūxūcēx. Natūrū duūxūgūxū nixī ga namuxū na namaā inacūēxgūxūcēx ga guxūma ga yema mexūgū. ⁶Erū Tupanaārū ore i ūmatūxūwa rü űanagūrū:

“Pa Tupanax, ŗrü űacū nixī i duūxūgū rü ngēmacēx nagu curūxīnūxū? ŗRū űacūwa name rü ngēmacēx nüxū cungechaūxū? ⁷Rū paxaāchi curū orearü ngeruū ga daxūcūāxgūtūūwa cunayexmagūxēē ga duūxūgū, natūrū i űūxma rü aixcūma namaā cutaāē rü nüxū quicuēxūxū. ⁸Rū naxmēxwa cunangēxmaxūēē i guxūma ga yema cuxūxū”,

űanagūrū i ngēma orewa. Rū yemaācū nixī ga Tupana ga duūxūgūmēxēwa nayexmagūxēēāxū i guxūma i űōma i naānewa ngēxmaxū. Rū nataxuma i űacū i űōma i naānewa i tama naxmēxwa nangēxmaxūēēxū. Natūrū woo na ngēmaācū yīixū, rü űūxma rü ta tauta nüxū tadau na duūxūgūmēxēwa nangēxmaxū i guxūma i űōma i naānewa ngēxmaxū. ⁹Natūrū nüxū tadau ya Ngechuchu ya aixcūma guxūmaāma icuācū. Rū yexguma Tupana űōma ga naānewa namuxgu rü paxaāchi norü orearü ngeruū ga daxūcūāxgūarū űaxtūwaama nanaxūxēē. Natūrū i űūxma ya Tupana rü poraācū Ngechuchuxū nataxēē rü āēxgacū ya tacū nayaxīxēē yerü ngūxū ninge rü guxūma ga duūxūgūcēx nayu yerü yemaācū nanaxwēxe ga Tupana yerü tūxū nangechaū rü tūxū narūngūxēēchaū. ¹⁰Yerü ga Tupana rü nanaxwēxe na guxūma i naxācūgū nüxū nangēxmaxūcēx i nachica i mexū i naxūtawa. Rū yemacēx űōma ga naānewa nanamu ga Ngechuchu ya Cristu na ngūxū yangexūcēx rü taxcēx nayuxūcēx na aixcūmaxūchi tūxū nangēxmaxūcēx i maxū i taguma gūxū. Rū name nixī na yemaācū naxūāxū ga Tupana yerü nūmatama nixī ga naxūāxū rü guxūma rü namēxwa nangēxma na nūma nanaxwēxexūācūma namaā inacūāxūcēx. ¹¹Rū Ngechuchu nixī ya tūxū imexēēgūcū na Tupanapēxewa ixūūnegūxūcēx. Rū űūxma i nūma ya Ngechuchu ya tūxū imexēēgūcū rü guxāma i yixema na tūxū yaxūūnexēēgūxū rü wūxitama nixī ya Tanatū. Rū ngēmacēx nixī i nūma ya Ngechuchu ya Tupana Nane, rü tama taxcē naxānexū na naēneēgūmaā tūxū naxuxū. ¹²Erū Tupanaārū ore i ūmatūxūwa rü űanagūrū ga Nane:

“Rū chaueneēgūxū tā nüxū chacuēxēē i cuchiga, Pa Chaunatūx. Rū norü ngutaquēxegūwa rü tā cuxcē chawiyae na ngēmaācū cuxū chicuēxūxūcēx”,

űanagūrū. ¹³Rū toxnamana i Tupanaārū ore i ūmatūxūwa rü űanagūrū ta ga Nane:

“Cuxū chayaxō, Pa Chaunatūx, erū nüxū chacuēx rü tā choxū curūngūxēē”,

űanagūrū. Rū űanagūrū ta:

“Rū daxe chixī, Pa Chaunatūx, namaā i cuxacūgū i chaueneēgū i choxna cumugūxū”,

űanagūrū. ¹⁴Rū nūma ga Ngechuchu rü woo Tupana na yixīxū natūrū duūxūrūxūācū űōma ga naanewa naxū na taxrūxū naxāmachixūcēx rü naxāgūxūcēx na tachicūū nayuxūcēx rü yemaācū yanaxoxēēāxūcēx ga Chatanāārū pora ga namaā tūxū iyanatauxēēxchaūxū. ¹⁵Rū yemaācū nanaxū ga Ngechuchu na Chatanāmēxēwa tūxū īnangūxūxēēxūcēx ya guxāma ya yixema noxri naxcēx muūēxē ga na tayuexū. ¹⁶Rū yemacēx űōma ga naānewa nangu ga Ngechuchu na taxcēx nayuxūcēx i guxāma i yixema na Abrāūrūū yaxōgūxū. Rū tama daxūcūāx i orearü ngeruūgūcēx nayu, natūrū taxcēx nixī ga numa naxūxū rü nayuxū. ¹⁷Rū nūma ga Ngechuchu rü nanaxwēxe na yixema i naēneēgū ixīgūxūrūūtama nügū na yaxīxēēxū na yemaācū aixcūma mecūmacū ya nüxū ingechaūtūmūūgūcū ya tōrū chogūruū yīixūcēx i Tupanapēxewa. Rū yemacēx nixī ga nügū inaxāxū rü nayuxū na yemaācū Tupana duūxūgūāxū nüxū ngechaūxūcēx i norū pecadugū. ¹⁸Rū yema nūmatama ngūxū na yangexū ga yexguma Chatanā nūxna īnūgu, rü ngēmacēx i űūxma rü nüxū natauxcha na tūxū nangūxēēxū ya yixema Chatanā tūxna īnūxē.

3

Ngechuchu rü Moichéxü narüyexera

¹ Rü ñuxma Pa Chaueneëgü ya Tupanapëxewa Üünegüxe, rü pexü nixi ya Tupana inadexü na norü duüxügü pixigüxüxcëx. Rü ngëmacëx name nixi i aixcüma meã nagu perüxinüë ya Ngechuchu ya Cristu ya Tupana núma namucü. Rü núma ya Ngechuchu nixi i torü chogürüü i Tupanapëxewa tüxü ixüünexëcëcü. Rü yimaãxü nixi i yaxögüxü. ² Rü Tupana rü marü Ngechuchuxü naxuneta na naxüãxüxcëx ga yema puracü ga Tupana nüxna äxü. Rü núma ga Ngechuchu rü aixcüma Nanatüga naxinü rü nayanguxëë ga yema puracü yexgumarüü ga Moiché meãma na naxüxü ga yema puracü ga Tupana nüxna äxü na nüxna nadauxüxcëx ga Tupanaãrü duüxügü ga Yudiügü. ³ Rü woo ga noxri rü Moichéxü nitaëgacüüxëë ga Tupana, natürü i ñuxma rü Moichéarü yexera Ngechuchuxü nixi i yataëgacüüxëëxü. Rü wüxi ya İpata ya ngexwacëx ixüxünerüü nixi, erü woo ngëma İpatamaã tataãë, natürü ngëma yexeraacü nüxü icuëxüxü nixi i ngëma İpataarü ürüü. ⁴ Rü guxünema ya İ rü nüxü nangëxma i norü ürüü. Natürü guxüma i tacü i ngëmaxü, rü Tupana nixi ya naxücü. ⁵ Rü Moiché rü wüxi ga Tupanaãrü duüxü ga aixcüma meã nixi yerü meã nüxna nadau ga Tupanaãrü duüxügü ga Yudiügü, yema Tupana namaã nüxü ixuxürüü. Rü núma ga Moiché nixi ga yema duüxügümaã nüxü yaxuxü ga ñuxacü Tupana tá yixcüra nüxü na rüngüxëëxü. ⁶ Natürü núma ya Ngechuchu rü Moichéarü yexera nixi erü Tupana Nanexüchi nixi. Rü núma nixi i nüxna nadauxü i guxüma i ngëma Tupanaãrü duüxügü ixigüxü. Rü yixema rü ta Tupanaãrü duüxügü tixigü ega aixcüma Ngechuchuxü yaxögügu rü taguma nüxü rüxoegu. Rü Tupana nanaxwëxe na guxüguma Ngechuchumaã itaëgüxü erü nüxü tacuëx na wüxi i ngunexü rü tá taxcëx nataeguxü na wüxiwa namaã ingëxmagüxüxcëx.

Tupanaãrü duüxügü rü tá inarüngüë

⁷⁻⁸ Rü ngëmacëx i Tupanaãrü ore i ümatüxüwa rü ñanagürü i Naãë i Üünexü:

“Rü ñuxma na nüxü pexinüëxü i ngëma Tupana pemaã nüxü ixuxü, rü tama name na nüxü pexoexü, yexgumarüü ga na naxügüãxü ga yema duüxügü ga Tupanaxü ügüxü rü tama naga İnüëxü ga yexguma Moichéwe naxixgu ga yema naãne ga ngextá taxüema İxãpataxüwa”.

⁹ Rü yemacëx ga Tupana rü ñanagürü:

“Rü yëma nixi ga chixexü naxügüxü ga nuxcümaügüxü ga perü oxigü yerü choxü naxügü yerü tama choxü nayaxögüchaü. Rü yemaacü nanaxügü woo 40 ga taunecügu nüxü na nadaugüxü ga yema mexügü ga üünexü ga napëxewa chaxüxü. ¹⁰ Rü yemacëx namaã chanu ga yema duüxügü, rü ñacharügü nüxü: ‘Pema rü guxüguma chixexüguxicatama perüxinüëëcha, rü taguma penaxüxchaü i ngëma chanaxwëxexü na penaxüxü’, ñacharügü nüxü. ¹¹ Rü yemacëx nixi ga namaã chanuxü ga yema duüxügü, rü aixcümaxüchi namaã nüxü chixu na täütáma yema naãne ga noxri namaã ichaxunetaxüwa nangugüxü na ngëxma nangüëxüxcëx”,

ñanagürü ga Tupana. ¹² Rü ñuxma Pa Chaueneëgüx, rü name nixi i pegüna pedaugü na tama ngürüächi pechixearü maxüãxüxcëx, rü ngëmagagu na nüxü perüxoexü na Tupana ya maxücüaxü na peyaxögüxü. ¹³ Natürü ñuxma pexü natauxchagu, rü name nixi na wüxichigü pegüaxü penangüchaüxëëxü i guxü i ngunexügu na taxüema i petanüwa Tupanaxü taxoxüxcëx nagagu i ngëma pecadu i pexü womüxëëchaüxü. ¹⁴ Rü ngema na Cristuxütawa nayauxgüxüxcëx i maxü i taguma güxü, rü tanaxwae na guxüguma aixcüma yaxögüëchaxü. Rü ngëxguma noxriürütama guxüguma meã nüxü yaxögüëchagu rü tama nüxü rüxoegu, rü tá namaã tüxü nangëxma i tachica i daxügüxü i naãnewa. ¹⁵ Natürü ñuxma nixi i namexü na meãma yaxögüxü. Rü ngëmacëx i Tupanaãrü ore i ümatüxüwa rü ñanagürü:

“Rü ñuxma na nüxü pexinüëxü i ngëma Tupana pemaã nüxü ixuxü, rü tama name na nüxü pexoexü, yexgumarüü ga yema duüxügü ga tama Tupanaga İnüëxü ga yexguma Moichéwe naxixgu ga yema naãne ga ngextá taxüema İxãpataxüwa”,

ñanagürü. ¹⁶ ¿Rü texëgü tixi ga guxema nüxü İnüëxë ga yema Tupana tümamaã nüxü ixuxü, rü ñuxüchi tama Tupanaga İnüëxë? Rü pemaã nüxü chixu rü yemagü nixi ga yema duüxügü ga Moiché Equituanewa İnguxüxëëxü. ¹⁷ ¿Rü texëmaã nixi ga nanuxü ga Tupana ga 40 ga taunecügu? Rü pemaã nüxü chixu rü namaã nanu ga yema duüxügü ga chixexü ügüxü. Rü yemacëx yema nachica ga ngextá taxüema İxãpataxügu nayue. ¹⁸ ¿Rü texëgümaã nixi ga aixcümaxüchi inaxunetaxü ga Tupana na täütáma yema naãnewa nangugüxü na yexma nangüëxüxcëx? Rü pemaã nüxü chixu, rü yemagü nixi ga yema duüxügü ga tama naga İnüëxü. ¹⁹ Rü ngëmawa nüxü tacuëx na taxücürüwama yema naãne ga noxri Tupana namaã ixunetaxüwa nangugüxü ga yema duüxügü, yerü tama nüxü nayaxögü.

4

¹ Rū ngēmācēx i űuxma na Tupana tamaā ixunetaxū na nūgūxūtawa tá tūxū yachocuxēēxū na ngēxma rūngūēxūcēx, rū tanaxwēxe i taxuāēgū, na tama ngūrūāchi wūxi i tatanūwa tama ngēxma taxūcuxū. ² Erū űuxma i yixema rū marū nūxū taxīnūē i Tupanaārū ore i mexū, yexgumarūū ga yema nuxcūmaūgūxū ga duūxūgū nūxū na naxīnūēxū. Natūrū nūmagū ga yema duūxūgū rū taxuwama nūxū name ga nūxū na naxīnūēxū ga yema ore yerū tama yema naga īnūēxūrūū aīxcūma nūxū nayaxōgū. ³⁻⁴ Natūrū i yixema na yaxōgūxū, rū tá aīxcūma Tupanaxūtawa tichocu na ngēxma rūngūēxūcēx. Rū wūxiwa i Tupanaārū ore i űmatūxūwa rū ngūxchigaarū ngunexūchigaxū nixu, rū űanagūrū:

“Rū 6 ga ngunexūgu nixī ga naguxēēāxū ga norū puracū ga Tupana. Rū yexguma norū 7 ga ngunexūwa nanguxgu rū guxūma ga norū puracūna narūngū”, űanagūrū. Rū nuxcūma ga Tupana rū nanaxwēxe na nangūēxū ta ga yema nuxcūmaūgūxū ga tōrū oxīgū ga Moīchēwe rūxīxū. Natūrū ga nūmagū rū tama nūxū nayaxōgūchaū rū tama naga naxīnūē. Rū yemacēx ga Tupana rū norū ore i űmatūxūwa rū űanagūrū:

“Yema duūxūgū rū tama choxū nayaxōgū rū yemacēx namaā chanu rū aīxcūmaxūchi namaā nūxū chixu na tāūtāma yema naāne ga namaā ichaxunetaxūwa nangugūxū na ngēxma nangūēxūcēx”,

űanagūrū. ⁵⁻⁶ Rū yemaācū ga yema duūxūgū ga nūxīra nūxū īnūēxū ga Tupanaārū ore i mexū, rū tama nawa nichocu ga yema nachica ga Tupana namaā nūxū ixuxū, yerū tama naga naxīnūē. Rū ngēmācēx nixī i Tupanaārū ore i űmatūxūwa i űaxū:

“Ngēma duūxūgū i tama chauga īnūēxū rū tāūtāma ngēma nachica i namaā ichaxunetaxūwa nichocu na ngēxma nangūēxūcēx”,

űaxū. Natūrū űuxma rū ta nangēxma i nachica i tūmacēx ya yīxema ngēxma Tupanaxūtagu chocuchaūxē na ngēxma tarūngūēxūcēx. ⁷⁻⁸ Rū ngēma nachica i ngextā nagu nangūēxū i duūxūgū rū tama yema naāne ga nuxcūmaūgūxū ga tōrū oxīgūxācūgū tūmaārū āēxgacū ga Yochuēmaā tayauxgūxū nixī. Yerū yexguma chī yema naāne yīxīgu, rū Tupana rū tāū chima wenaxārū nūxū naxuneta ga to ga ngunexū na nagu naxūtawa yachocuxūcēx na ngēxma nangūēxūcēx i duūxūgū. Rū yemacēx ga Tupana rū wenaxārū nūxū naxuneta i wūxi i to i ngunexū na naxūtawa yachocuxūcēx i duūxūgū na ngēxma nangūēxūcēx. Rū ngēma ngunexū rū űuxma nixī. Rū yemacēx ga Tupana rū mucūma ga taunecū ga Moīchēwena rū Dabīmaā nūxū nixu ga yema norū ore ga űmatūxū i űaxū:

“Rū űuxma na nūxū pexīnūēxū i ngēma Tupana pemaā nūxū ixuxū, rū tama name na nūxū pexoexū”,

űaxū. Rū yematama nixī ga ore ga marūchirēx pemaā nūxū chixuxū. ⁹ Rū ngēmācēx i űuxma rū ta nangēxma i wūxi i nachica i űūnēxū i nagu tá aīxcūma nangūēxū i ngēma Tupanaārū duūxūgū īxīgūxū. ¹⁰ Rū yīxema Tupanaxūtawa ichocuxe na ngēxma tarūngūēxūcēx, rū nūxna tarūngūē i guxūma i tūmaārū puracūgū yexgumarūū ga Tupana rū nūxna na nangūēxū ga norū puracūgū ga yexguma naāne naxūxguwena. ¹¹ Rū ngēmācēx name na meā yaxōgūxū rū naga īxīnūēxū na ichocuxūcēx i ngextā Tupana tūxū īrūngūēxūēxūwa. Erū tama tanaxwēxe na texē ngūrūāchi yema nuxcūmaūgūxū ga duūxūgū ga tama Tupanaga īnūēxūrūū norū orexū na taxoxū. ¹² Erū Tupanaārū ore rū namaxū rū naporaxūchi. Rū wūxi i tara i guxūcūwawa meā waīxmaguxūārū yexera nixī na natēxū. Erū ngēma ore rū tawa nixūcu űuxmata taāēwa nangu, rū űuxmata nawa nangu i ngēma wūxichīgū nagu rūxīnūxū. Rū ngēmaācū meāma nanangoxēēāma i guxūma i ngēma yixicatama nagu rūxīnūxū rū tūxū ngūchaūxū. ¹³ Rū nataxūtāma i fačū i Tupana űūx i tá naxchaxwa nūgū icūxū erū napēxewa rū guxūma meā nangox. Rū guxūxū nadau rū guxūxū nacūēx ya yima tá tūxna čacū na namaā nūxū ixuxūcēx i tōrū maxūchiga.

Ngechuchu rū mecūxūchi ya tōrū ngūxēēruū nixī i Tupanapēxewa

¹⁴ Ngechuchu ya Tupana Nane rū mecūxūchi ya tōrū ngūxēēruū nixī i Nanatūpēxewa. Rū űuxma rū daxūguxū i naānēwa i Nanatūxūtawa nangēxma na ngema taētūwa nachogūxūcēx. Rū ngēmācēx tanaxwēxe i guxūguma nūxū tayaxōgūēcha rū taguma nūxū tarūxoe. ¹⁵ Rū nūma ya Ngechuchu rū aīxcūma nūxū nacūēx na tūxū nangūxēēxū erū nūxū nacūēx na űuxācū tūxū naguxchaxū i ngēxguma Chatanā tūxna īnūgu rū pecadugu tūxū nangūēēchaūgu, yerū nūxna rū ta naxīnū ga Chatanā, ngēma tūxna na naxīnūxūrūū. Natūrū nūma ga Ngechuchu rū taguma chixexū naxū. ¹⁶ Rū űuxma na tūxū nangēxmaxū ya tōrū ngūxēēruū ya Ngechuchu, rū name nixī i tama imūēācūma nūxna tangaīcamagū ya tōrū āēxgacū ya Tupana ya tūxū ngechačū. Rū tanaxwēxe na ngēmaācū nūxna ingaīcamagūxū na nūxū ingechačūmūgūxūcēx rū tūxū nangechačūcūma tūxū nangūxēēxūcēx i ngēxguma guxchaxūgū tūxna ngaīcamagu.

5

¹ Nuxcúma ga Tupana rü Moichémaã nüxü nixu na Arãü yĩxúcèx ga Yudiügiarü paigüeru ixĩcü na guma duüxügüétiüwa chogüxúcèx ga Tupanapèxewa. Rü guxüma ga yema Arãüwena ügüxü ga paigüeru rü duüxügütanüwa nüxü naxunetagü na yema duüxügüaru ngüxèerü yĩxúcèx ga Tupanapèxewa rü Tupanana naxããxúcèx ga ãmaregü rü Tupanacèx nadaiãxúcèx ga naxünaü na yemaãcü nüxü nüxü nangechaüxúcèx ga norü pecadugü. ² Natürü ngëma paigüeru rü guxüma i duüxügürüütama nixi na pecadugu nanguxü. Rü ngëmacèx nüxü nacuèx na ñuxäcü yaxna namaã naxinüxü i duüxügü i ngëxguma naèchitamare pecadu naxüegu rü tama aixcüma Tupanawe naxixgu. ³ Rü ngëma paigüeru rü tama ngëma duüxügüaru pecaducèxicatama nixi i nadaiãxü i naxünaü, natürü nanaxwëxe i noxrütama pecaducèx rü ta na nadaiãxü i naxünaü na ngëmaãcü Tupana nüxü nüxü nangechaüxúcèx i ngëma pecadugü. ⁴ Rü taxüema tügütama tingucuchixèè na paigüeru tiüxúcèx. Natürü Tupana nixi ya tüxü unetacü rü tüxna naxäcü i ngëma puracü na paigüaru ãëxgacü tiüxúcèx, yexgumarüü ga Tupana rü Arãüxü na yangucuchixèèxü rü na paigüeru yĩxúcèx. ⁵ Rü yexgumarüü ga Ngechuchu rü tama nügütama ningucuchixèè na Tupanapèxewa törü ngüxèerü i paigüeru yĩxúcèx. Natürü Tupana nixi ga yangucuchixèècü. Yerü Tupanatama nixi ga nüxü ñacü:

“Cuma nixi i Chaune. Rü ñuxma chanangoxèè na Chaune quiüxü”,

ñacü. ⁶ Rü toxnamana i Tupanaärü ore i ümatüxüwa rü ñanagürü ta:

“Cuma nixi i guxügütama duüxügüaru ngüxèerü i paigüeru quiüxü, guma pai ga Melquisederüü”,

ñanagürü. ⁷ Rü yexguma Cristu ñoma ga naãnewa maüxgu, rü poraãcü nayumüxè rü tagaãcü rü naxauxäcü Tupanana naca na nüxü nangüxèèxúcèx na naga naxinüxúcèx. Rü yemaãcü nanaxü ga Cristu, yerü Tupana rü napora na nüxü nangüxèèxúcèx na tama yuxü namuüxúcèx. Rü Tupana rü Cristuxü naxinü yerü nüma ga Cristu rü aixcüma Tupanaga naxinü. ⁸ Rü nüma ga Cristu rü woo Tupana Nane na yĩxü, natürü ngüxü ninge naxcèx na Tupanaga naxinüxü. ⁹ Rü yemaãcü nügü inaxä rü curuchagu nayu na tümaärü maxèèerü yĩxúcèx ya guxäma ya yixema naga inüèxè. ¹⁰ Rü Nanexü nixi ga naxunetaxü ga Tupana na guxügütama nügüpèxewa törü ngüxèerü i paigüeru yĩxúcèx yexgumarüü ga pai ga Melquisederüü ga norü yumüxëwa nuxcümaãcü ga törü oxi ga Abräücèx Tupanana çacü na guma Abräüxü nangüxèèxúcèx ga Tupana.

Wüxi i äücümaxüchixü nixi na nüxü rüxoexü na yaxögüxü

¹¹ Rü ñuxma rü toxü nangëxma i muxüchixüma i ore i Cristuchiga ixixü i pemaã nüxü tixuxchaüxü. Natürü naguxchaxüchi na meãma pemaã tanangoxèèxü i ngëma, erü pema rü tama pexü natauxcha na nüxü pecuáxü. ¹² Rü marü ñuxgumama nüxü na pecuáxü i Tupanaärü orechiga, rü pema rü chi marü namaã pengüxèètae. Natürü i pema rü ñuxma rü ta penaxwëxe na wena pemaã tanangoxèèxü i ngëma Tupanaärü ore i tauxchaxü i nawa inaxügüxü na Tupanachigaxü icuáxü. Rü ngëmaãcü i pema, rü ñoma õxchana i naëgünenixüwa maixürüütama pixigü. Erü tama nüxü pecuèxgüega i guxüma i ngëma Tupanaärü ore i yexeraãcü tamaã nüxü ixuxü i Cristuchiga na ñuxäcü Tupana naxwëxèxü na naga pexinüèxü. ¹³ Rü yixema yaxõxè ya tama nüxü cuèxégaxe na ñuxäcü Tupanacèx tamaxüxü, rü wüxi i õxchana i maixürüü tixi. Rü ngëmaãcü pixigü i pemax. ¹⁴ Natürü yixema yaxõxè ya tümamaã yaxüxe na tanangugüxü na taçü yĩxü i ngüxèètae i mexü rü èxna chixexü, rü aixcüma nüxü tacuèx na ñuxäcü Tupanacèx tamaxüxü. Rü yixema rü ñoma wüxi i duüxü i yaxü i namachimaã awemüxürüü tixi. Natürü i pema rü tama ngëmaãcü pixigü.

6

¹ Rü ngëmacèx name nixi i yexeraãcü tingüetanü na aixcüma meã nüxü icuáxúcèx i Cristuchiga. Rü tanaxwëxe na nüxü ichopetüxü ga yema ore ga nawa inaxügüxü na Cristuchigaxü icuáxü. Rü täütama yeücürü yema ore ga nawa inaxügüxüchiga tidex-agüecha. Rü taxucèxma tüxücü wena pemaã nüxü tixu na nüxü perüxoèxúcèx na nagu pexixü i ngëma mugü ga Moiché ümatüxü i tama tüxü maxèèèxü. Rü ngëxgumarüü ta taxucèxma tüxücü wena pemaã nüxü tixu i nachiga na ñuxäcü Tupanaãxü yaxögüxü. ² Rü ngëxgumarüü ta taxucèxma tüxücü wena pexü tangüxèè na ñuxäcü Tupanacèx libaiüxü rü ñuxäcü duüxügüxü ingögüacüma namaã iyumüxèxü. Rü ngëxgumarüü ta taxucèxma tüxücü wena pexü tangüxèè na ñuxäcü tá wena namaxèxü i duüxügü i yuexü rü ñuxäcü naãnearü guxgu rü Tupana tá wüxichigü i duüxügüna çaxü na ñuxäcü namaxèxü i ñoma i naãnewa. ³ Rü ngëmacèx i ñuxma rü ngëxguma Tupana tama tüxna nachuxgu rü tanaxwëxe i yexeraãcü tingüetanü na aixcüma guxüma i Cristuchigaxü icuáxúcèx rü nüxü na icuáxúcèx na aixcüma ngëma nüma nanaxwëxèxüacüma meã naxcèx na imaxèxü. ⁴⁻⁵ Natürü ngëxguma chi wüxie Cristuxü yaxgu, rü chi meãma Tupanaxü tacuèxgu, rü chi Naãe i Üünexüxü

tayauxgu, rü chi nüxü tacuèxge na ñuxácü namexü i Tupanaärü ore rü ñuxácü na namexü i daxüguxü i naâne, rü name nixi i taxuäe. ⁶ Erü ngëxguma chi ngëmaácü meä tayaxõxgu i noxrix rü ñuxüchi Cristuxü ítatèxüchixgu, rü marü taxucürüwama texé wenaxärü Tupanacèx tüxü tataeguxëe. Erü ngëxguma ngëmaácü ítanatèxüchixgu ya Tupana Nane, rü ñoma wena curuchawa tayapatxürüü tayaxixëe, erü guxü i duüxügüpëxewa äne nüxü tingexëe. ⁷ Rü dücax, wüxi i naâne i pucü nagu ngxü rü meäma nanetü nawa nayae tümacèx ya yixema nagu üanexë, rü Tupanaärü ngüxëégagu nixi i ngema. ⁸ Natürü ngëxguma ngëma naâne rü tuxu rü natüanegü i chixexü nawa yaegu, rü Tupana rü tá chixexü namaä naxuegu rü üxüwa tá nigu i guxüma i nawa yaexü. Rü ngëxgumarüü tá tixi ya yixema Cristuxü ítaxe.

Ítananguxëe na nayauxgüxü i maxü i taguma güxü rü ngëmacèx tama nüxü tarüxoè na yaxõgüxü

⁹ Natürü, Pa Chaueneëgü ya Pexü Tangechaügüxe, rü woo ngëmaácü pemaä tidexagügu, natürü aixcüma nüxü tacuèx na tama ngëma duüxügü i nüxü rüxoexürüü pixigüxü. Erü pema rü pexü nangëxma i maxü i taguma güxü, rü Tupana rü tá aixcüma poraacü pexü narüngüxëe na naxcèx pemaxëxücèx. ¹⁰ Erü nüma ya Tupana rü aixcümacü nixi. Rü nüma rü täütama nüxü inayarüngüma ga yema mexü ga pexüxü rü ñuxácü taeneëgü i yaxõgüxüxü na pengechaügüxü ga yexguma nüxü perüngüxëégügu, ngëma ñuxma ípenaxüxürüütama. ¹¹ Rü ñuxma rü tanaxwëxe i wüxichigü i pema rü ngëmaácü noxrirüü mexü i perü ngüchaümaa nüxü perüngüxëégüecha i taeneëgü ñuxmatáta wena nüma naxü ya Cristu. Rü tanaxwëxe na ngëmaácü pemaxëxü na düxwa aixcüma Cristuxütawa pengugüxü ngëma ípenanguxëëxürüü. ¹² Rü tama tanaxwëxe na nüxü perüxoetanücüxü na Cristuwe perüxixü. Natürü tanaxwëxe i naxrüü pixigü i ngëma duüxügü i guxüguma meä yaxõgüácüma Cristuwe rüxíamaxü rü nayauxgüxü i guxüma i ngëma mexügü ga Tupana namaä ixunetaxü. ¹³ Rü dücax, yexguma törü õxi ga Abráümaa inaxunetagu ga Tupana rü nügüégagutama inaxuneta, yerü tataxuma ga texé ga norü yexera íxixë na tümaegagu inaxunetaxücèx. ¹⁴ Rü yemacèx ga Tupana rü Abráüxü ñanagürü:

“Rü aixcümaxüchi tá poraacü cuxü charüngüxëe. Rü tá cuxü nangëxma i muxüchixütama i cutaagü”,

ñanagürü. ¹⁵ Rü Abráü rü meäma ínananguxëe ga guma nane ga Tupana namaä ixunetacü. Rü yemacèx nabu ga guma nane ga Ichaä ga Tupana namaä nüxü ixücü. ¹⁶ Rü ngëxguma duüxügü ñacücèx ixunetagügu, rü to i norü yexera íxüëgagu inaxunetagü. Rü wüxcana ñacücèx ngëmaácü inaxunetagügu, rü nüxü tacuèx rü aixcüma tá nanaxügü i ngëma naxcèx inaxunetagüxü, rü marü taxucürüwama yeücü rü nachiga nidexagüecha. ¹⁷ Rü yemacèx ga Tupana rü yexguma inaxunetagu namaä ga yema duüxügü ga nayauxgüxü tá ga yema ngüxëe ga Tupana nüxma äxchaüxü, rü nügüégagutama inaxuneta, yerü nanaxwëxe na meäma nüxü nacuëxgüxü na aixcüma tá yanguxëëäxü rü tagütama naxüchicüüaxü ga yema namaä inaxunetaxü. ¹⁸ Rü nüxü tacuèx rü ngëxguma ñacücèx nügüégagu inaxunetagu ya Tupana, rü taxucürüwama tüxü nawomüxëe rü nanaxüchicüü i ngëma. Rü ñuxma i guxüma i yixema na Tupanacèx íbuxmüxü na tüxü nangüxëëxücèx rü tüxü namaxëëxücèx, rü nüma ya Tupana rü nügüégagu tamaä inaxuneta na ngëmaácü tá tüxü nangüxëëxü. Rü ngëmaácü tüxü nanangüchaüxëe rü tüxü narüngüxëe na nüxü icuáxücèx na aixcüma tá nayauxgüxü i ngëma maxü i taguma güxü i tamaä inaxunetaxü. ¹⁹ Rü ñuxma na ínanguxëëxü na aixcüma tá nayauxü i ngëma maxü i taguma güxü, rü taxucèxma taxoegaëgü, erü nüxü tacuèx na aixcüma daxügüxü i naänewa i Tupana íngëxmáüwa tá ingügüxü. ²⁰ Rü ngëma nangëxma ya Ngechuchu i ñuxma yerü nüxüra yexma naxücu na Tupanapëxewa taétüwa nachogüxücèx. Rü ngëmaácü guxüguma törü ngüxëeruü i paigüeru nixi, guma Melquisedé ga Tupanapëxewa Abráüëtüwa chogücürüü.

7

Ngechuchu rü guma nuxcümaücü ga pai ga Melquisederüütama nixi

¹ Rü guma Melquisedé rü íäne ga Charéüärü äëxgacü nixi ga yexguma namaüxgu ga Abráü. Rü nüma ga Melquisedé, rü duüxügüarü pai nixi ga Tupanapëxewa. Rü yexguma Abráü rü to ga nachüíäneärü äëxgacügümaa nügü nadaixgu rü nüxü nayexeragu, rü Melquisedé rü namawa Abráüpëxegu nayangu ga yexguma Abráü napatacèx taegugu. Rü nüma ga Melquisedé rü Tupanaëgagu Abráümaa mexü naxuegu. ² Rü Abráü rü nüxü nayexma ga guxüma ga yemaxügü ga yema äëxgacügü ga namaä nügü nadëjüna napuxüxü. Rü yemawa ínanaxüxüchi ga yema Tupanana üxü, rü Melquisedéna nanaxä. Rü ngëma naega i Melquisedé rü Äëxgacü ya Ixaixcümacü ñaxüchiga nixi. Rü norü íäne ga Charéü rü Taäëxëeruü ñaxüchiga nixi. Rü ngëmacèx i nagega i Melquisedé rü Äëxgacü ya Taäëxëeruü ñaxüchiga ta nixi. ³ Rü Tupanaärü ore ga nuxcüma ümatüxüwa rü tama nüxü nixu na texé tüxü ga nanatü rü naë rü norü õxigü ga Melquisedé. Rü ngëxgumarüü ta tama

nūxū nixu i norū buxchiga rū norū yuxchiga. Rū ngēmācēx Tupana Nanerūū guxūguma duūxūgūarū ngūxēēruū ya pai nixī i Tupanapēxewa. ⁴ Rū űuxma rū name nixī i nāgu perūxūnūē na űuxācū aixcūma āēxgacū ya tacū yīxū ga Melquisedé. Yerū nuxcūmaūcū ga tōrū oxī ga Abrāū rū Melquisedēna nanaxā ga yema Tupanana űxū ga natanūwa ga yema yemaxūgū ga togū ga āēxgacūgūna napuxūxū. Rū ngēmawa nūxū tacuēx na Tupanapēxewa tōrū oxī ga Abrāūarū yexeracū yīxū ga Melquisedé. ⁵ Rū űuxma i Yudiūgū, rū guxūma i norū ngēmāxūwa īnanaxūxūchigū i ngēma Tupanana űxū, rū űuxūchi norū paigūna nanaxā yerū yemaācū nixī ga namūāxū ga yema mugū ga Moīché űmatūxū. Natūrū guxūma i ngēma paigū rū Lebītaagū nixīgū. Rū nūma ga Lebī rū guxūma i Yudiūgūrū Abrāūtaa nixī. Rū ngēmācū i ngēma Yudiūgū rū norū paigūna nanaxā i ngēma Tupanana űxū, woo natanūxūgū i Yudiūgū na yīxū i ngēma paigū. ⁶ Natūrū ga Melquisedé rū woo tama Lebītaa nixī, natūrū Abrāūmēxēwa nanayaxu ga yema Tupanana űxū. Rū nūxū tacuēx na Abrāū yīxū ga noxri nayaxucū ga Tupanaārū uneta. Rū Melquisedé rū Tupanana naca na Abrāūmā mexū naxuegūxūcēx. ⁷ Rū guxāma meāma nūxū tacuēx rū ngēxguma texē toguecēx Tupanana caxgu na tūxū nangūxēēxūcēx, rū Tupanapēxewa rū yīxema nūxna caxe rū ngēma togū i naxcēx ītaçaxūārū yexera tixī. Rū ngēmācū nūxū tacuēx na Abrāūarū yexera yīxū ga Melquisedé i Tupanapēxewa. ⁸ Rū űuxma i nuā tatanūwa rū ngēma paigū i ngīxū yauxgūxū i ngēma dīeru i Tupanana űcū, rū duūxūgūmare nixīgū rū tā nayue. Natūrū ngēxguma Melquisedēchiga yadexagu i Tupanaārū ore, rū űoma namaxūxūrū nixī i nachiga yadexaxū. Rū ngēmawa nūxū tacuēx na Cristu ya guxūguma maxūcūrū na yīxū ga Melquisedé. ⁹⁻¹⁰ Rū Abrāūtaa ga Lebī, rū guxūma i paigū i Lebītaagū ixīgūxū i űuxma ngīxū yauxgūxū i ngēma dīeru i Tupanana űcū, rū nūmagū rū ta Abrāūmā Melquisedēna nanaxāgū ga yema Tupanana űxū. Yerū nūma ga Lebī rū guxūma ga nataagū i űuxma Yudiūgūarū paigū ixīgūxū, rū woo ga na tauta nabuexū ga yexguma, natūrū marū Abrāūxūnēwa nayexmagū ga yexguma Melquisedé namawa Abrāūpēxegu yangxgu. Rū ngēmawa nūxū tacuēx na guxūma i ngēma paigūarū yexera yīxū ya Melquisedé. ¹¹ Rū nuxcūmaūgūxū ga tōrū oxīgū ga Yudiūgū, rū Lebītaagū ga paigūmēxēwa nixī ga nayauxgūāxū ga Tupanaārū mugū. Natūrū pemaā nūxū chixu rū yexguma chi yema paigū aixcūma yema Yudiūgūxū imexēēgūga i Tupanapēxewa, rū taxucēx chima Tupana nūxū naxuneta ga naī ga pai ga Melquisedērū ixīcū ga tama Lebītaa ga Arāūrū ixīcū. Rū yemacēx ga Tupana rū nūxū naxuneta ga Nane ga Ngechuchu na tōrū chogūruū ya pai yīxūcēx. ¹² Rū yemacēx ga Tupana rū yema Yudiūgūarū paigūchicūxū nayangucuchixēē ga Cristu. Rū nūma nixī i űuxma i aixcūma Tupanapēxewa tūxū yamexēēgūxū. Rū guxūma ga Lebītaa rū paigū nixīgū yerū yemaācū nixī ga naxuegūxū nawa ga yema mugū ga Moīché űmatūxū. Natūrū nūma ga Cristu rū marū nanaxūchicūū ga guxūma ga yema. ¹³⁻¹⁴ Erū meāma nūxū tacuēx rū nūma ya tōrū Cori ya Ngechuchu ya yima nachiga idexagūcū rū tama Lebītaa nixī erū nūma rū Yudātaa nixī. Rū nūxū tacuēx rū taxūma ga Yudātaa rū pai nixī, yerū ga Moīché rū yexguma yema paigūchiga yadeaxgu rū taxūma ga Yudātaaxū naxuneta na pai yīxūcēx. ¹⁵ Rū ngēmācū meā nangox na Tupana iyanaxoxēēxū ga guxūma ga yema mugū ga Moīché űmatūxū ga paigūchiga. Yerū nūma ga Tupana rū nūxū naxuneta ga wūxi ga pai ga yexwacūxū ga tama Lebītaa ixīcū. Rū nūma nixī i tōrū Cori yīxū ya Melquisedērū ixīcū, erū guxūma i ngēma togū i paigūarū yexera nixī. ¹⁶ Rū guxūma ga yema togū ga paigū rū nangucu yerū Lebītaa nixīgū. Natūrū nūma ga Cristu rū paixū ningucuchi yerū poramaā yuwa īnarūda rū guxūguma namaxēcha na tūxū nangūxēēxūcēx. ¹⁷ Rū ngēmācēx i Tupanaārū ore i űmatūxūwa rū tōrū Corichiga űnanagūrū:

“Cuma rū guxūgutāma duūxūgūarū ngūxēēruū ya pai quīxī Melquisedērūū”, űnanagūrū. ¹⁸⁻¹⁹ Rū yemacēx ga Tupana rū űoma ga naānēwa nanamu ga Nane, yerū yema mugū ga paigūchiga naxūmatūxū ga Moīché rū tama poraācū tūxū narūngūxēē yerū tama aixcūma tūxū nimexēēgū ga Tupanapēxewa. Rū yemacēx Nanexū namu ga Tupana na tōrū pecaducēx nayuxūcēx na ngēmācū tūxū nangēmaxūcēx i maxū i taguma gūxū rū aixcūma Tupanamūcūgū ixīgūxūcēx. ²⁰⁻²¹ Rū yexguma Tupana yema togū ga paigūxū ngucuxēēgū, rū nanangucuxēēmare. Natūrū yexguma Cristuxū yangucuchixēēgū na tōrū ngūxēēruū ya pai yīxūcēx, rū nūgūēgagutama īnaxuneta. Rū yemacēx ga yexguma Cristuxū yangucuchixēēgū rū űnanagūrū:

“Choma i Cori ya Tupana rū marū cuxū chaxuneta na guxūgutāma duūxūgūarū ngūxēēruū ya pai quīxūcēx. Rū ngēma rū tagutāma chanaxūchicūū erū chaugūēgagu ichaxuneta”,

űnanagūrū. ²² Rū űuxma na yemaācū nūgūēgagutama īnaxunetaxū ga Tupana, rū nūxū tacuēx na aixcūmaxūchima yema paigūarū yexera na yīxū ya Cristu erū guxūgutāma Tupanapēxewa tūxū narūngūxēē. ²³ Rū yema togū ga paigū rū namuxūchi, yerū niyuetanū. Rū yemacēx taxucūrūwama guxūguma paigū nixīgū. ²⁴ Natūrū űuxma na tōrū ngūxēēruū ya paixū yangucuchixū ya Ngechuchu, rū ngēmācēx marū taxucēxma texē ya togue

tingucuchi, erü nüma ya Ngechuchu rü tagutáma nayu. ²⁵ Rü ngēmācēx nixī i ñuxma i nüxū natauxchaxū na aixcūma tüxū namaxēēxū ya guxāma ya yixema norū ngūxēēmaā Tupanaxūtawa ngugūxe. Erü nüma ya Ngechuchu rü guxūguma namaxēcha na tūmaētūwa nachogūxūcēx. ²⁶ Rü ngēmaācū ya Ngechuchu, rü nüxīcatama nixī i pai ya tōrū ngūxēēruū yīxū i Tupanapēxewa. Erü nüma rü aixcūma naxūūne, rü nataxuma i chixexū i nawa, rü nangearū pecaduāx yerū taguma taxrūū pecadu naxū. Rü ñuxma rü guxūtētūwa nangēxma i daxūguxū i naānewa i Tupana ingēxmaxūwa. ²⁷ Rü Ngechuchu rü tama ngēma togū i paigūerurūū nixī. Erü nümagū rü nanaxwēxe na guxū i ngunexūgu Tupanacēx naxūnagū nadēixū na ngēmaācū Tupana nüxū nüxū ngechaūxūcēx i noxrūtama pecadugū rü guxū i duūxūgūarū pecadugū ta. Natūrū nüma ga Ngechuchu rü yexguma nügū inaxāxgu, rü wūxicanatama pecaducēx nayu. Rü ngēma rü guxūgutama name i Tupanapēxewa. ²⁸ Rü yema mugū ga Moiché ūmatūxū, rü duūxūgūmarexū naxuneta na paigūerugū yixīgūxūcēx. Natūrū nümagū rü ta nipecaduāxgū. Natūrū yemawena ga Tupana rü nügūēgagu Nanexū naxuneta na tōrū ngūxēēruū yixūcēx. Rü yima Nane rü guxūguma mecūxūchi ya tōrū Maxēēēruū nixī. Rü nüma rü guxūguma tüxū narūngūxēē i Tupanapēxewa.

8

Ngechuchu nixī ya tōrū ngūxēēruū i Tupanapēxewa

¹ Rü ngēma pemaā nüxū tixuxchaūxū i ñuxma nixī na tüxū nangēxmaxū ya tōrū ngūxēēruū ya mexēchicū i Tupanaxūtawa. Rü nüma rü Tupana Nane ya Cristu nixī. Rü daxūguxū i naānewa i Tupanaārū tūgūnecūwawa narūto erū guxūārū āxgacū nixī. ² Rü ngēma daxūguxū i naānewa i ngēma nachica i ūūnēxū ga Tupana ūxūwa nixī i taxcēx ināçaxū. Rü tama ngēma Yudiūgūarū paigūrūū wūxi ya ĩpata ya duūxūgū ūxūnewa Tupanana taxcēx ināca. ³ Rü guxūma i ngēma Yudiūgūarū paigūeru rü nangucu na Tupanana naxāgūāxūcēx i āmaregū rü naxcēx nadaīāxūcēx i naxūnagū na Tupana nüxū nüxū ngechaūxūcēx i duūxūgūarū pecadugū. Rü yemacēx ga Ngechuchu rü Tupanana nügū naxāmare na duūxūgūarū pecaducēx nayuxūcēx. ⁴ Rü ñuxma i nüma ya Ngechuchu rü daxūguxū i naānewa nangēxma na ngēma tōrū ngūxēēruū ya pai yīxūcēx i Tupanapēxewa. Rü ngēmacēx tama ñoma i naānewa nixī i pai yīxū. Natūrū ngēxguma chi ñoma i naānewa nangēxmagu rü tāū chima pai nixī erū ñoma i naānewa nangēxmagū i ngēma Yudiūgūarū paigū i Tupanana āmare āgūxū yema Moichéarū mugū nüxū ixuxūrū. ⁵ Natūrū ngēma puracū i ñoma i naānewa naxūgūxū i ngēma Yudiūgūarū paigū, rü naxcēx nadauxūtaegūmare i ngēma Ngechuchu daxūguxū i naānewa ūxū. Rü ngēma nachica i nawa Tupanacēx napuracūexū i ngēma paigū, rü nanaxūchicūnēxāgūmare i ngēma nachica i Ngechuchu nawa ngēxmaxū. Rü meāma nüxū tacūex i ngēma, yerū yexguma Moiché naxūxchaūgu ga Tupanapata, rü Tupana rü ñanagūrū nüxū:

“ĭDūcēx, meā nangugū i ngēma cuēxruū ga cuxū chawéxū ga mēxpūne ga Chinafwa! Rü chanaxwēxe i ngēmaācū na cunaxūxū”,

ñanagūrū. ⁶ Natūrū nüma ya tōrū ngūxēēruū ya Cristu rü daxūguxū i naānewa nangēxma, rü ngēma aixcūmaxūchi Tupanapēxewa taētūwa nachogū. Rü ngēma Yudiūgūarū paigū rü nagu naxīāma ga yema nuxcūmaūgūxū ga uneta ga Moiché ūmatūxū. Natūrū nüma ya Tupana rü marū tūxna nanaxā i wūxi i ngexwacaxūxū i uneta erū tamaā nüxū nixu na Cristu yīxū ya aixcūma tōrū ngūxēēruū ixīcū. Rü nüma rü nayu na Tupanapēxewa tüxū yamexēēxūcēx, rü ngēma Tupanaxūtawa nangēxma i ñuxma na taētūwa nachogūxūcēx. Rü ngēmaācū nüxū tatau na Tupanaārū uneta i ngexwacaxūxū rü yema nuxcūmaūxū ga unetaarū yexera yīxū na namexū. ⁷ Yerū yexguma chi yema nüxīraūxū ga uneta ga Moiché ūmatūxū rü aixcūma namexgu na duūxūgūxū namaxēēēxūcēx, rü marū taxucēx chima tanaxwēxe i to i ngexwacaxūxū i Tupanaārū uneta. ⁸ Natūrū nüma ga Tupana rü nüxū nadau na tama aixcūma napēxewa duūxūgūxū yamexēēxū ga yema nüxīraūxū ga uneta ga Moichéna naxāxū. Rü yemacēx ga Tupana rü ñanagūrū:

“Wūxi i ngunexū rü wena táxarū guxūma i chorū duūxūgūmaā ichaxuneta. ⁹ Natūrū ngēma chorū uneta i ngexwacaxūxū, rü tāūtāma namaā nawūxigu ga yema nüxīraūxū ga chorū uneta ga nuxcūmaūgūxū ga perū oxīgūmaā nüxū chixuxū ga yexguma nüxū charūngūxēēgu na inachoxūxūcēx ga Equituarū naānewa. Yerū nümagū ga yema duūxūgū rü tama chauga naxīnūe rü tama nayanguxēē ga yema nüxīraūxū ga chorū uneta, rü yemacēx ichanawogū. ¹⁰ Natūrū ngēxguma nawa nanguxgu na wena namaā ichaxunetaxū, rü ñaācū tá nixī i guxūma i Yudiūgūmaā ichaxunetaxū: ‘Rü tá meāma ngēma duūxūgūxū nüxū chacuēxēē i chorū mugū na aixcūma naāēwa nangēxmagūxūcēx. Rü choma rü tá norū Tupana chixī, rü nümagū rü tá chorū duūxūgū nixīgū’. ¹¹ Rü guxūma i ngēma duūxūgū i choxū yaxōgūxū, rü aixcūma tá choxū nacūēxgū. Rü ngēmacēx taxucētāma tūxcūū nügūmaā nüxū nixugūgū i

chauchiga na ngēmaācū choxū nacuèxgūxcèx. Erū guxūma i chorū duūxūgū rū aicūma tā meā choxū nacuèxgū woo buxū rū ēxna yaxū. ¹² Rū tā nūxū nūxū changechaū i norū chixexgū, rū tā nūxū ichayarūngūmaxūchi i norū pecadugū”, ñanagūrū ga Tupana. ¹³ Rū dūcax, ñuxma na Tupana ngexwacaxūxū i unetachiga idexaxū, rū ngēmawa nūxū tacuèx na yema nūxīraūxū ga uneta rū marū nangupetūchaūxū. Rū nūxū tacuèx rū guxūma i ngēma marū ngupetūchaūxū, rū paxa tā inayarūxo. Rū ngēmaācū i ngēma Yudiūgūarū paigū, rū marū inayarūxoxchaū na Tupanapēxewa duūxūgūxū nangūxēēxū. Erū nūma ya Tupana rū marū Cristuxū ningucuchixēē na tōrū ngūxēēruū yīxūcèx i napēxewa.

9

Tupanapata ga duūxūgū ūxīnechiga rū Tupanapata ya daxūgūxū i naānewa ngēxmanechiga

¹ Rū yexguma nuxcūma Moīchémaā yadeaxgu rū nūxna naxāāgu ga yema nūxīraūxū ga uneta, rū Tupana namaā nūxū nixu na ñuxācū nanaxwēxexū na nūxū yacuèxūūgūxū. Rū yexgumarūū ta namaā nūxū nixu na ñuxācū nanaxwēxexū na naxcèx naxūāxū ga wūxi ga ĩpata ga naxchirunaxcèx na yēma nūxū yacuèxūūgūxūcèx ga paigū. ² Rū guma ĩpata ga naxchirunaxcèx rū nitūyemachīā. Rū yema naxmachīā ga nūxīra nawa ĩxūcuxū, rū “Nachica i Ūūnexū” nixī ga naega. Rū yēma nayexma ga werachica rū mecha ga pāu ga ūūnexū nagu nuxū. ³ Rū yema to ga naxmachīā ga yema tūyemachīāxūcèxwena ūxū rū “Nachica i Ūūnexūchixū” nixī ga naega. ⁴ Rū yēma nayexma ga yema mecha ga uirunaxcèx ga ngextā nawa yagugūāxū ga pumara ga yixixū ga yexguma yaguxgu. Rū yēma nayexma ta ga yema baū ga Tupanaārū mugū nagu namaā nangūxūgūxū. Rū yema baū rū guxūwama uirumaā natūxūne. Rū yematama baūarū aixepewa nayexma ga wūxi ga tūxūxācū ga uirunaxcèx ga yema pāu ga daxūwa ruyixūmaā āācuxū. Rū yexgumarūū ta yema baūarū aixepewa nayexma ga Arāūarū caxūruū ga rūxūxūne, rū guma nutagū ga Tupanaārū mugū nagu ūmatūgūcū. ⁵ Rū yema baūētūwa nayexmagū ga yema taxre ga daxūcūāxchicūnēxāgū ga ĩxāxpēxatūxū. Rū naxpēxatūgūmaā nayadūxētūgū ga yema baūātaū. Rū yema daxūcūāxchicūnēxāgūarū ngāxūwa nixī ga nūgū nangoxēēxūxū ga Tupana. Natūrū taxucèxma tūxcūū yexeraācū nūxū tixu i ngēmachiga. ⁶ Rū wūxicana yemaācū na namexēēgūāxū ga guxūma ga yema, rū ñūxūchi ga paigū rū guxūguma yema nūxīraūxū ga naxmachīāgu nachocuxū na yēma Tupana namaā nūxū ĩxūūācūma nūxū yacuèxūūgūxūcèx. ⁷ Natūrū yema to ga naxmachīāwa rū yema paigūarū āēxgacūxīcatama nixī ga yexma ūcuxū. Rū tama guxūguma yexma naxūcu, natūrū wūxicanatama yexma naxūcu ga wūxichigū ga taunecūgu. Rū yexguma yexma naxūcuxgu rū yēma nanange ga naxūnagū rū guma nagūmaā yema baūxū namaxcūētū. Rū yemaācū ga yema paigūarū āēxgacū rū inanaxā ga guma nagū na noxrūtama pecadu rū guxūma ga duūxūgūarū pecaduxū ĩyanangūmaxūcèx ga Tupana. ⁸ Natūrū yema paigūarū āēxgacūxīcatama nixī ga yema Nachica ga Ūūnexūchixūgū ūcuxū ga Tupana ĩyexmaxūwa. Rū ngēmaācū Tupanaāē i Ūūnexū tūxū nūxū nacuèxēē na taxucūrūwama yexma Tupana ĩyexmaxūgu nachocuxū ga guxūma ga duūxūgū yerū yexguma nagu naxīxgu ga yema mugū ga Moīché ūmatūxū rū nachūxu ga yema. ⁹ Rū guxūma i ngēma pemaā nūxū chixuchigaxū, rū wūxi i cuèxruū nixī i taxcèx i yixema na ñuxma imaxēxū. Rū ngēmawa nūxū tadau rū yema āmaregū ga Tupanana naxāgūxū rū yema naxūnagū ga Tupanacèx nadēixū rū taxucūrūwama yema duūxūgūxū nimexēē na aicūma Tupanapēxewa yamexūcèx. ¹⁰ Rū yema nuxcūmaūgūxū ga mugū ga ōnagūchiga rū axeūgūchiga rū nacūmagūchiga ĩxūxū, rū yema duūxūgūarū dūxētūxūnecēxīcatama nixīgū. Rū yemacèx tama yema duūxūgūxū nimexēē na aicūma Tupanapēxewa yamexūcèx. Rū woo napora ga yema mugū ga noxrix, natūrū yexguma ĩnanguxgu ga Cristu rū marū yexma nayacuèx na duūxūgūmaā naporaxū. ¹¹ Natūrū i ñuxma rū marū ĩnangu ya Cristu. Rū nūma nixī i aicūma tōrū ngūxēēruū yīxū i Tupanapēxewa, rū nagagu nixī i nangēxmaxū i maxū i taguma gūxū. Rū ngēma nachica i ngextā taētūwa ĩnachogūxūwa rū aicūma naxūūne erū tama guma ĩpata ga naxchirunaxcèx ga duūxūgūmare ūxūnerūū nixī erū daxūgūxū i naānewa nangēxma. ¹² Rū Cristu rū marū daxūgūxū i naānegu naxūcu i ngextā Tupana ĩngēxmaxūwa. Rū taxucèxma tūxcūū wūxichigū ya taunecūgu ngēxma naxūcu, erū marū guxūguma ngema nangēxmaēcha. Rū yexguma yexma naxūcuxgu, rū tama yēma nanange ga chibugūgū rū wocaxacūgūgū na Tupanana naxāāxūcèx. Natūrū nūma ga Cristu rū nagūtama ĩnaxā na yemaācū naxūtanūāxūcèx ga tōrū pecadugū rū tūxū nangēxmaxūcèx i maxū i taguma gūxū. ¹³ Rū yema mugū ga Moīché ūmatūxū rū ñanagūrū:

“Ngēxguma texē yuetaxū ĩngōgūgu, rū taxucūrūwama Tupanapata ya naxchirunaxcèxgu taxūcu”,

ñanagürü. Rū yemacèx ga yema Yudiügü, rū yexguma wüxi ga yuetaxü yangögügüga rū nanaxwèxegü ga na norü paixütawa nagaäxü ga wüxi ga woca na yema pai Tupanacèx yamáxüçèx rū na yaguäxüçèx na yemaäcü ga guma tanimaca rū dexágu nagüäxüçèx na yema duüxügüxü namaä namaxcuxüçèx na yemaäcü nüxna ñayixüçèx ga norü chixexü. Natürü yema rū duüxügüarü düxétüxüñewaxicatama nanamexëë rū tama norü maxüxü namexëë. ¹⁴ Natürü nagü ya Cristu rū yema naxüñagügarü yexera name erü tóru maxü namexëë na aixcüma Tupanapèxewa imexüçèx. Rū Cristu rū woo Tupana Nane na yüixü rū na nataxuxü ga norü chixexü, natürü Tupanana nügü naxä rū tóru pecaducèx nayu yerü Naäë i Üünexü nanaporaxëë. Rū yemaäcü curuchagu nanabaxëë ga nagü. Rū ñuxma ya yima nagü rū ningu na tüxü namexëëxüçèx i Tupanapèxewa. Rū ngëmácèx taxucèxma tanaxwèxe na nagu ixüxü ga yema mugü ga Moiché ümatüxü ga tama tüxna naxäxü i maxü i taguma güxü. Rū ñuxma na Cristugagu Tupanapèxewa imexü, rū nüma ya Cristu rū tüxü narüngüxëë na naxüxüçèx i ngëma Tupana ya maxücü tüxü naxwèxexü. ¹⁵ Rū ñuxma na tóru pecaducèx nayuxü ga Ngechuchu ya Cristu, rū nüma nixü i tóru ngüxëëruü i Tupanapèxewa, ngëma Tupanaärü uneta i ngezwacaxüxü nüxü ixüxüruü. Rū ñuxma i yixema na Tupana tüxü dexü, rū tüxü nangëxma i maxü i taguma güxü ega yima Naneäxü yaxögügu. Rū ngëxgumarüü ta i guxüma i Tupanaärü duüxügü ga nuxcüma yaxögüxü, rū nüxü nangëxma i maxü i taguma güxü yerü Cristu nayu na norü pecaduna ñanguxüxëäxüçèx. ¹⁶ Rū ngëxguma nayuxchaügu i wüxi i duüxü, rū wüxi i poperagu nanaxümatü na texé tá nayaxuxü i norü ngëmaxügü. Natürü ngëxguma namaüxgu i ngëma duüxü, rū taxucürüwama texé tanayaxu i norü ngëmaxügü. ¹⁷ Rū ngëmácèx i ngëma popera rū tama naporá i ngëxguma namaüxgu i ngëma duüxü. Rū ngëxguma nayuxguxicatama nixü i naporaxü. ¹⁸ Rū nüma ga Cristu rū norü yumaä nixü ga Tupanapèxewa tüxü yamexëëgüxü. Yerü ga Moiché rū nüxü nixu rū yexguma texé pecaduäxgu rū tanaxwèxe na tümaärü paixütawa tanagaxü ga wüxi ga naxüna na tümaegagu nayuxëëäxüçèx rū inabaäxüçèx ga nagü na Tupana tüxü nüxü ngechaüxüçèx ga tümaärü pecadu. ¹⁹ Rū Moiché rū guxüma ga duüxügüpèxewa nüxü nixu ga guxüma ga Tupanaärü mugü. Rū yemawena nanayaxu ga wocaxacügügü rū chibuxacügügü, rū dexámaä nanaxüëü. Rū ñuxüchi nanayaxu ga wüxi ga naixchacüüxacü rū ñuxre ga tüëxmü ga dauxüne, rū yema naixchacüügu nanabagümü. Rū yemamaä guma nagüwa nanacüe rū ñuxüchi nanamaxcuetü ga yema popera ga Tupanaärü mugü nawa yexmaxü. Rū yexgumarüü ta nayamaxcutanü ga guxüma ga duüxügü. ²⁰ Rū ñuxüchi ga Moiché rū ñanagürü nüxü ga duüxügü:

“Tupana rū marü ñaxuneta na pexü tá nangüxëëxü. Rū daa nagümaä pexü chimaxcutanü i ñuxma erü ngëmaäcü nixü i choxü namuxü na ngëmawa nüxü pecuäxüçèx na aixcüma tá pexü nangüxëëxü”,

ñanagürü. ²¹ Rū ñuxüchi ga Moiché rū guma nagümaä nanamaxcuetü ga guma ñpata ga naxchirunaxcèx ga nawa Tupanaxü yacuëxüügüne. Rū yexgumarüü ta nayamaxcutanü ga guxüma ga yemaxügu ga namaä Tupanaxü yacuëxüügüxü ga guma ñpataärü aixepewa yexmagüxü. ²² Rū nüxü tacuëxü rū yema duüxügü ga yexguma pecadu naxügügu rū Tupanapèxewa nügü yamexëëgüchaügu, rū norü paigüxütawa nanaga ga wüxi ga naxüna na nüxü yamáäxüçèx rū inabagüxëäxüçèx na Tupana tama napoxcuxüçèx. Natürü ñuxma ya Tupana rū tüxü nüxü nangechaü i tóru chixexü yerü tóru pecaducèx nayu ga Ngechuchu rū nagü ñanaba. Rū yexguma chi täü chima nayuxgu rū nagü ñnabaägu, rū taxucürüwa chima Tupana tüxü nüxü nangechaü i tóru pecadugü.

Cristu rū nayu na ñyanaxoxëëäxüçèx i pecadu

²³ Rū yemacèx ga Tupana rū nuxcümaxüchima Moichémaä nüxü nixu na paigü duüxügüarü pecaducèx nadëixü ga naxüñagü rū ñnabaäxü ga nagü na yemaäcü Tupana tama napoxcuxüçèx ga duüxügü. Natürü i ñuxma i yixema na Tupana tüxü dexü, rū tüxü nangëxma i tachica i daxüguxü i naänewa yerü Nane ya Cristutama tóru pecaducèx nayu rū ñanaba ga nagü. Rū yima nagü rū Tupanapèxewa rū poraäcü ngëma naxüñagügarü yexera narüporamaë. ²⁴ Rū ngëmácèx i ñuxma rū taxucèxma tüxücüü guma ñpata ga naxchirunaxcèx ga duüxügü üxüñegu naxüxü ya Cristu na ngema taétüwa nachogüxüçèx. Erü nüma ya Cristu rū marü Tupanaxütawaxüchi nangu i daxügüxü i naänewa. Rū ngema Nanatüpèxewa nangëxma i ñuxma na ngema taétüwa nachogüxüçèx. ²⁵ Rū ngëmácèx i ñuxma rū taxucèxma tüxücüü guxüguma Nanatüna nügü naxäëcha na ngëmaäcü taxcèx nayuuuxüçèx. Rū yema Yudiügüarü paigüarü äëxgacügü rū gücü ga taunecügügu guma ñpata ga üñenegu nachocuxü na yema Tupanana naxägüäxüçèx ga guma naxüñagügü. ²⁶ Natürü ya Cristu, rū taxucèxma tüxücüü gücü ya taunecügügu Tupanana nügü naxäëcha, erü ngëxguma chi ngëmaäcü yixügu rū chi noxri naäne ixügügumama rū chi marü muëxpüxcüna taxcèx nayu. Natürü ñomaäcüü ga Cristu rū marü ñoma ga naänewa nangu na wüxicanatama nügü ñnaxüçèx rū pecaducèx nayuxüçèx. ²⁷⁻²⁸ Rū ngëma na wüxicanatama nayuxüxü

i duūxūgū naxūpa na Tupanapēxewa nangugūxū, rū yexgumarūūtama ga Cristu rū wūxicanatama nūgū inaxā rū nayu na iyanaxoxēēāxūcēx i muxūma i duūxūgiarū pecadugū. Natūrū wena taxarū nūma naxū. Rū ngēxguma wena nūma naxūxgu rū tama pecaduarū oxēēwa tā nūma naxū. Natūrū tā nūma naxū na namaxēxēēāxūcēx i guxūma i ngēma duūxūgū i aixcūma Ínanguxēēgūxū.

10

¹ Rū yema mugū ga Moiché ūmatūxū rū Írarūwatama yema duūxūgūcēx nanangoxēē ga tacū tā na naxūxū ga Cristu. Natūrū ga yema mugū rū tama aixcūma Cristurūū napora, yerū taxucūrūwama Tupanapēxewa nayamexēē ga yema duūxūgū woo gūcū ga tauncūgūgu Tupanacēx nanadaiixū ga naxūnagū na yemaācū Tupanana nangaicamagūxūcēx. Rū yemaācū ga yema mugū rū taxucūrūwama Cristurūū nanamaxēxēē ga yema duūxūgū. ² Rū yexguma chí yema mugū aixcūma yema duūxūgūxū imexēēgu ga Tupanapēxewa, rū tāū chīma nagu narūxīnūēēcha na yapeduāxū, rū chí nūxū narūxoe na naxūnagū Tupanacēx nadējxū. ³ Natūrū woo gūcū ga tauncūgūgu Tupanacēx naxūnagū nadējxū ga duūxūgū, rū tama norū pecadu inayarūxoxēē. Rū yema rū norū pecaduarū cuēāchixēēruūmare nixī. ⁴ Yerū guma nagū ga yema wocagū rū chibugū rū tama napora na iyanaxoxēēāxūcēx ga pecadugū. ⁵ Rū yemacēx ga Cristu ga yexguma űoma ga naānewa naxūxchaūgu, rū Nanatūxū űanagūrū:

“Tama cunaxwēxe na naxūnagū cuxcēx nadējxū i duūxūgū na naxūtanūgūāxūcēx i norū pecadugū. Natūrū cunamexēē i űaā chaxune na ngēmamaā chanaxūtanūxūcēx i pecadu. ⁶ Rū tama namaā cutaāē i ngēma naxūnagū i cuxna naxāmaregūxū rū cuxcēx nadējxū rū yagugūxū na naxūtanūgūāxūcēx i norū pecadugū. ⁷ Rū yemacēx rū űacharūgi: ‘Dūcēx, Pa Chaunatūx, daxe chixī, rū nuā cupēxewa changēxma na chanaxūxūcēx i curū ngūchaū rū na chayuxūcēx, ngēma curū orewa chauchiga naxūmatūxūrūū’, űacharūgi”.

⁸ Rū yemaācū ga Cristu rū nūxū nixu na Tupana rū tama aixcūma namaā nataēxū ga yema na naxcēx nadaiāxū ga naxūnagū rū naxcēx yagugūāxū na naxūtanūgūāxūcēx ga norū pecadugū woo yema mugū ga Moiché ūmatūxūwa rū duūxūgūxū namu na naxūgūāxū ga guxūma ga yema. ⁹ Rū yemawena ga Cristu, rū űanagūrū ta:

“Dūcēx, Pa Chaunatūx, daxe chixī, rū nuā cupēxewa changēxma na chanaxūxūcēx i curū ngūchaū rū duūxūgiarū pecaducēx na chayuxūcēx”,

űanagūrū. Rū yemawa nūxū tacuēx na Tupana rū marū iyanaxoxēēāxū na naxūnagū naxcēx nadējxū, yerū Nanexū ningucuchixēē na pecaducēx nayuxū. ¹⁰ Rū űuxma na Ngechuchu ya Cristu naxūxū ga yema Tupanaārū ngūchaū, rū ngēmācēx nixī i űuxma i Tupanapēxewa ixūūnēxū i yixema. Yerū nūma ga Cristu rū Tupanana nūgū naxā na wūxicanatama guxāārū pecaducēx nayuxū. ¹¹ Rū guxūma i Yudiugūarū paigū rū wūxichigū i ngunēxūgu rū tupaucawa nangēxmagūxū na Tupanana naxāgūāxūcēx i naxūnagū i naxcēx nadaiixū. Rū guxūguma yemaācū nanaxūgūxū natūrū taguma aixcūma inayarūxo ga norū pecadugū woo yemaācū na naxūgūāxū. ¹² Natūrū nūma ga Ngechuchu ya Cristu rū wūxicanatama Tupanana nūgū naxā na guxāārū pecaducēx nayuxūcēx. Rū yemawena rū űuxūchi daxūwa naxū rū Tupanaārū tūgūnecūwawa nayarūto, erū guxāārū āēxgacū nixī i űuxmax. ¹³ Rū ngēma nixī i nangēxmaxū űuxmatāta ya Tupana rū guxūma i norū uwanūgūxū nūxū nayexeraxēē. ¹⁴ Rū nūma ga Ngechuchu ya Cristu rū wūxicanatama Tupanana nūgū naxā rū nayu na guxūguma Tupanapēxewa timēxūcēx ya yixema Tupanacēx tūxū yaxūūnēxēēgūxe. Rū ngēmācēx i űuxma rū taxucēxma tūxcūū wena nūgū inaxā rū nayu, yerū wūxicanatama guxūma ningutanūxēē. ¹⁵⁻¹⁶ Rū Tupanaāē i Ūūnēxū rū tūxū nūxū nacūxēē na aixcūma yīxū i ngēma, yerū nūma ga Tupana rū űanagūrū:

“Ngēxguma nawa nanguxgu na wena ngēma Yudiūgūmaā ichaxunetaxū, rū wūxi i ngexwacaxūxū i uneta tā nūxna chaxā. Rū tā meā ngēma duūxūgūxū nūxū chacuēxēē i chorū mugū na aixcūma naāēwa nangēxmagūxūcēx rū guxūguma naga naxīnūēxūcēx.

¹⁷ Rū tā nūxū ichayarūngūmaxūchi i ngēma duūxūgiarū pecadugū rū ngēma chixēxū i naxūgūxū. Rū tagutāma wena nūxna chacuēxāchi”,

űanagūrū. ¹⁸ Rū ngēmaācū nūxū tacuēx rū ngēxguma Tupana duūxūgūxū nūxū ngechaūgu i norū pecadugū, rū marū taxucēxma tūxcūū nanaxwēxe na wena tacū i naxūnagū nūxna naxāgūxū naxcēx i pecadu.

Name nixī i Tupanana tangaicamagū

¹⁹⁻²⁰ Rū ngēmācēx i űuxma, Pa Chaueneēgū, rū taxucēxma tūxcūū tamūē na Tupana Íngēxmaxūwa ichocuxū na namaāxūchi idexagūxūcēx. Rū nuxcūmaxūchīma rū paigūarū āēxgacūxīcatama yexma naxūcu nagu ga guma Ípata ga naxchirunaxcēx ga Tupana nawa yexmane. Rū taxucūrūwama ngexerūxūxemare yexma taxūcu. Natūrū nūma ga Ngechuchu

ya Cristu rü marü inayanaxoxêê ga guxüma ga yema ga yexguma curuchagu nayuxgu rü nagü inabaâgu na Tupana íngëxmaxüwa tüxü yachocuxêêxüçëx rü namaâxüchi idex-agüxüçëx. Rü woo taxucürüwama Tupanana tangaicamagü ga noxrix, natürü nüma ga Cristu rü nayu na tüxü namaxêêxüçëx. Rü nagagu nixi i ñuxma i Tupanaxütawa ingüxü. ²¹ Rü nüma nixi i Tupanapêxewa tüxü nangüxêêxü i guxâma i yixema i Tupanaârü duüxügü ixigüxe. ²² Rü ñuxma na tüxü nangëxmaxü ya törü ngüxêêxü i Tupanapêxewa, rü tanaxwëxe i ngearü chixexüâcüma Tupanana tangaicamagü na namaâxüchi idexagüxüçëx. Rü tanaxwëxe i aixcüma tayaxögü na nüma rü tá meâ tüxü nayaxuxü yerü Cristu rü taxcëx nayu na tüxü iyanaxoxêêxüçëx i törü chixexü rü yemacëx marü naegagu ítabaiü. ²³ Rü tanaxwëxe i aixcüma meâ Cristuaxü tayaxögüecha yerü nümaacëx tüxü inayanaxoxêê ga törü chixexü. Rü ngëmacëx ítananguxêê na wena taxarü nüma naxüxü na Nanatüxütawa tüxü nagagüxü. Rü taguma tanaxwëxe na nüxü rüxoexü na yaxögüxü, rü bai i írarüwa. Erü Tupana ga tamaâ ixunetacü na tüxü nangüxêêxü, rü aixcümaxüchi tá nayanguxêê i guxüma ga yema tamaâ nüxü yaxuxü. ²⁴ Rü ñuxma na ngëmaacü tüxü nangüxêêxü ya Tupana, rü name nixi i guxüguma naxcëx tadaugü na ñuxäcü wüxichigü yigü rüngüxêêgüxü na yexeraäcü yigü ingechaügüxüçëx rü mexü ixigüxüçëx. ²⁵ Rü name nixi i guxüguma törü ngutaquëxegüwa na íngügüxü. Erü nümaxü rü marü nüxü narüxoe na ngutaquëxewa naxüxü, rü tama tanaxwëxe na ngëxgumarüü ixigüxü. Rü ngëmacëx name nixi i yigüaxü tanangüchaüxêê na ingutaquëxegüxü. Rü ñuxma na nüxü icuaxü na marü yangaicaxü ya törü Cori, rü yexeraäcü tanaxwëxe na yigüaxü nangüchaüxêêxü. ²⁶ Natürü ngëxguma chi texë Cristuaxü yaxöchirëxgu ga noxrix rü ñuxüchi noxtacüma nüxü tarüxoogu, rü marü nataxuma na ñuxäcü namexêêxü i ngëma tümaârü peccatu i Tupanapêxewa. ²⁷ Erü ngëxguma chi ngëmaacü noxtacüma Cristuaxü tarüxoogu, rü aixcümaxüchi tá tanayaxu i ngëma poxcu i äücümaxü i Tupana tá tüxü namaâ poxcuxü rü yima üxü ya iyaurane ya nawa tá ínaguxüne i ngëma Tupanamaâ rüxüwanügüxü. Rü ngëxcatama nixi i tüxü ínaguxêêxü ya yixema Cristuaxü rüxoexu. ²⁸ Rü nüxü tacuëx rü yexguma texü i Moichéarü mugüga ínúgu rü nayexmagu ga taxre rü éxna tomaëxpüx ga duüxügü ga tüxü daugüxü rü tüxü ixugüxü na aixcüma tama naga taxüxü, rü äëxgacügü rü noxtacüma tüxü nimëxgü rü tama nüxü tangechaütümügü. ²⁹ Natürü Tupana rü aixcüma yexeraäcü tá nanapoxcu i ngëma duüxügü i tama Nanega ínüxü rü yima nagü ya peccaduarü pirüxü oexü rü Naäë i Üünexü i nüxü ngechaüxümaâ guxchigagüxü. ³⁰ Rü meâma nüxü tacuëx rü Tupana rü tama natüçëxma ñanagürü:

“Choma tá nixi i namaâ nüxü chacuaxü na tacü tá namaâ chaxüxü i guxüma i ngëma chixexü ügüxü. Rü aixcüma tá chanapoxcu”,

ñanagürü. Rü yexgumarüü ta ñanagürü:

“Choma tátama nixi i nüxna chaçaxü i wüxichigü i chorü duüxügü i norü maxüchiga”,

ñanagürü. ³¹ Rü dücax, rü aixcüma namaxü ya Tupana, rü ngëmacëx ega tama naga íxñüëgu rü wüxi i äücümaxüchixü nixi na namëxgu ingüxü na tüxü napoxcuxüçëx. ³² Rü dücax, name nixi i nüxna pecuëxächie ga ñuxäcü na yüxü ga yexguma noxri Cristuaxü peyaxgu. Rü yexguma ga pema rü yema na peyaxögüxügagu rü poraäcü guxchaxügü pexü nangupetü, natürü tama Cristuaxü perüxoexu rü bai ga írarüwa. ³³ Rü ñuxre ga pema rü duüxügü pemaâ naguxchigagü rü guxäpêxewa pexü nçuaxgü. Rü toguax ga pema rü pegü ipeyaxägü na yema pemücügürüü ngüxü pingëgüxüçëx. ³⁴ Rü pema rü pexü nangechaütümügü ga yema petanüxügü ga yaxögüxü ga poxcupataüwa yexmagüxü. Rü taäëäcüma yaxna namaâ pexüne ga yema tama yaxögüxü ga pexna napuxüxü ga perü yemaxügü. Rü tama naxcëx pexoegaäë, yerü meâma nüxü pecuëx rü daxügüxü i naänewa pexü nangëxma i ngëma perü ngëmaxügüarü yexera íxixü, erü tagutáma nagux. ³⁵ Rü ngëmacëx i ñuxmax, rü tama name na nüxü perüxoexü na Cristuaxü peyaxögüxü woo tacü pexü üpetügu. Erü marü nüxü pecuëx rü Tupana rü aixcümaxüchi tá pexna nanaxä i perü ämare i maxü i taguma güxü, erü Cristuaxü peyaxögü. ³⁶ Rü ngëma guxchaxügü i pexü ngupetüxü, rü name nixi i yaxna namaâ pexüne na penaxüxüçëx i Tupanaârü ngüchaü rü penayaxuxüçëx i ngëma ämare i pemaâ ínaxunetaxü. ³⁷ Erü Tupanaârü ore i ümatüxüwa rü ñanagürü:

“Paxaxüchi tá wenaxärü nüma naxü ya Cristu. Rü aixcüma táütáma nuxcü ínangu. ³⁸ Natürü yixema tümaârü ögagu chopêxewa mexë, rü name nixi i guxüguma tayaxöçëxma chauxcëx tamaxü. Natürü ngëxguma nüxü tarüxoogu na tayaxöxü, rü choma rü táütáma tümamaâ chataäë”,

ñanagürü. ³⁹ Natürü i yixema rü tama ngëma duüxügü i nüxü rüxoexü i Tupana tá poxcuëxürüü tixigü. Erü yixema rü ngëma yaxögüxütanüxü tixigü, rü ngëmacëx tüxü nangëxma i maxü i taguma güxü.

Tóru ōchiga

¹ Rū űuxma rū tóru ōgagu nixi i nūxŭ icuáxŭ na aixcūma tá nayauxgūxŭ i guxŭma i ngēma irūnguxēēgūxŭ ga Tupana tamaā ixunetaxŭ. Rū ngēma tóru ōgagu nixi i nūxŭ icuáxŭ na aixcūma Tupana tá yanguxēēxŭ i ngēma norū uneta i űuxma tauta nūxŭ idauxŭ. ² Rū űuxre ga nuxcūmaűgūxŭ ga tóru ōxigū rū Tupanaāxŭ nayaxōgŭ, rū yemacēx ga Tupana rū namaā nataāē. ³ Rū ngēma tóru ōgagu nixi i nūxŭ icuáxŭ na aixcūma yixŭ na Tupana rū norū oremaāmare nangoxēēāxŭ ga űoma ga naāne rū űēxcŭ rū tauemacŭ rū woramacurigŭ rū ēxtagŭ. Rū yemaācŭ ga Tupana, rū ngŭrūwa nanangoxēēmare ga guxŭma i ngēma űuxma nūxŭ idauxŭ. ⁴ Rū guma nuxcūmaűcŭ ga Abé rū Tupanaāxŭ nayaxō. Rū yemacēx Tupanaga naxīnŭ rū nūxna nanaxā ga wūxi ga naxŭna ga naxŭna ga Tupanacēx yamáxŭ. Natŭrŭ ga naēneē ga Caī rū tama Tupanaga naxīnŭ rū tama nūxna nanaxā ga yema āmare ga Tupana nūxŭ naxwēxexŭ. Rū yemacēx ga Tupana rū woo tama Caīmaā nataāē, natŭrŭ Abémaā nataāē rū nūxŭ nixu na mecŭ yīxŭ yerŭ nayaxō rū naga naxīnŭ. Rū ngēmacēx i űuxmax na woo nayuxŭ ga Abé, natŭrŭ wūxi i tóru cuxēruŭ nixi. Erŭ nawa nixi i nūxŭ icuáxŭ na Tupana naxwēxexŭ na yaxōgūxŭ rū naga ixīnŭxexŭ. ⁵ Rū Enó rū ta Tupanaāxŭ nayaxō rū naga naxīnŭ. Rū yemacēx nixi ga namaxācŭtama yagaāxŭ na tama nayuxŭcēx. Rū namŭcŭgŭ rū taguma nūxŭ inayangaugŭ, yerŭ Tupana nayaga. Rū Tupanaārŭ ore i űmatŭxŭwa nūxŭ nixu rū yexguma tauta yagaāgu, ga Enó rū nanaxŭ ga yema Tupana naxwēxexŭ. ⁶ Natŭrŭ taxuacŭma Tupana tamaā nataāē ega tama nūxŭ yaxōgūgu. Rū yixema namaā āmŭcŭchaűxē, rū tanaxwēxe na tayaxōxŭ na aixcūmaxŭchi nangēxmaxŭ i nūma rū aixcūma tŭxŭ nangŭxēēxŭ ya yixema naxcēx daugŭxe rū naga īnŭxē. ⁷ Rū yexguma Noēmaā yadeaxgu ga Tupana, rū nūma ga Noē rū nayaxō ga guma wapuru, rū yemaācŭ tama nayue ga nūma rū napatacŭāx. Rū yemaācŭ Tupanaāxŭ nayaxō. Natŭrŭ yema togŭ ga duűxŭgŭ rū tama nayaxōgŭ, rū yemacēx Tupana nanapoxcue. Natŭrŭ nūma ga Tupana rū Noexŭ nixu na napēxewa namexŭ, yerŭ nūxŭ nayaxō. ⁸ Rū guma tóru ōxi ga Abráŭ, rū Tupanaāxŭ nayaxō. Rū yemacēx nixi ga naga naxīnŭxŭ rū nūxna yaxŭxŭ ga nanatŭchiāne na nawa naxŭxŭcēx ga yema naāne ga Tupana tá nūxna āxŭ na noxrŭxŭchi yīxŭcēx. Rū yemaācŭ nanaxŭ ga yexguma Tupana namuxgu. Rū nanatŭchiānewa inaxŭāchi ga Abráŭ woo tama nūxŭ na nacuáxŭ ga ngextá tá na naxŭxŭ. ⁹ Rū yexguma nawa nanguxgu ga yema naāne ga Tupana namaā ixunetaxŭ, rū űoma yexma naxŭāneāxŭrŭūmare īpata ga naxchirunaxcēxmaāmare naxāchiŭ. Rū yexgumarŭtama nixīgŭ ga nane ga Ichaá rū nataa ga Acobu, yerŭ yexguma nayaegu rū Abráŭrŭ űoma yexma naxīāneāxŭrŭūmare nixīgŭ ga yema naānewa. Rū yemaācŭ nixīgŭ ga guxŭma ga nūmagŭ ga na woo Tupana rū namaā inaxunetaxŭ ga na noxrŭxŭchi yīxŭcēx ga yema naāne. ¹⁰ Rū yemaācŭ ga Abráŭ, rū woo űoma yexma naxŭāneāxŭrŭūmare yēma nayexma, natŭrŭ Tupanaāxŭ nayaxōchigŭama, yerŭ nūxŭ nacŭxŭ na Tupana tá daxŭguxŭ i naānewa na nagaxŭ nawa ya yima īane ya nŭmatama naxŭxŭne ya tagutáma iyarŭxoxŭne. ¹¹ Rū yexgumarŭtama iyixi ga Abráŭ namēx ga Chara. Rū woo ga na taguma naxāxŭchirēxŭ yerŭ marŭ iyaxŭchi, natŭrŭ ixāxācŭ yerŭ iyaxōōma na Tupana rū aixcūma tá yanguxēēāxŭ ga yema norū uneta ga tá na naxāxācŭxŭ. ¹² Rū yemaācŭ ga Abráŭ rū woo marŭ yaguāxŭchi na yīxŭ, natŭrŭ dŭxwa nūxŭ nayexma ga wūxi ga nane, rū gumawa ne naxi ga muxŭma ga nataagŭ. Rū űuxma rū űoma ēxtagŭrŭ űnamuxŭchi, rū űoma naxnŭcŭ ya taxuacŭma yaxugŭcŭrŭ nixīgŭ, yerŭ yemaācŭ Abráŭmaā inaxuneta ga Tupana. ¹³ Natŭrŭ nūmagŭ ga Abráŭ rū Ichaá rū Acobu rū nayue, rū yemacēx tama nūxŭ nadaugŭ ga guxŭma ga nataagŭ i űuxma ngēxmagŭxŭ, rū tama namaā inacŭxgŭ ga yema naāne ga noxri Abráŭmaā nūxŭ yaxuxŭ ga Tupana. Natŭrŭ Tupanaāxŭ nayaxōgŭama, rū yemacēx nūxŭ nacŭxgŭ rū Tupana rū tá aixcūma na yanguxēēāxŭ ga yema norū uneta ga namaā nūxŭ yaxuxŭ. Rū nataāēgŭ yerŭ nūxŭ nacŭxgŭ na tāitáma guxŭgŭma űoma ga naānewa na nayexmagŭechaűŭ, rū yemacēx nūxŭ nixugŭe na to i nachīānecŭāxŭrŭūmare yixīgŭxŭ ga űoma ga naānewa. ¹⁴ Rū nūmagŭ rū yema oremaā meāma naāne i mexēchixŭ i daxŭwa ngēxmaxŭ i Tupanaxŭtawama. Rū yemacēx nixi ga Tupana ga tama naxānēxŭ na nŭgŭ yaxuxŭ na norū Tupana yīxŭ. Yerŭ nūma ga Tupana rū naxcēx nanamexēē ga wūxi ga īane ya daxŭguxŭ i naānewa ngēxmane. ¹⁷⁻¹⁸ Rū Tupana ga noxri rū Abráŭmaā nūxŭ nixu rū űnanagŭrŭ: “Cune ya Ichaáwa tá cuxŭ nangēxma i muxŭchixŭtama i cutaagŭ”,

ñanagürü. Rū Abráŕü rü nayaxō na Tupana rü aixcūmaxŭchi tá na yanguxēēāxŭ ga yema namaā inaxunetaxŭ. Rū yemacēx ga yexguma Tupana nūxŭ ŭxgu rü Ichaācēx nūna nacaxgu na naxcēx yamáāxŭcēx, rü nūma ga Abráŕü rü tama nanachŭxu. Rū inamemare na Tupanacēx yamáāxŭ ga guma nane ga nūgūmaā wŭxicacŭ. ¹⁹ Yerü nūma ga Abráŕü rü nayaxō na Tupanaāxŭ natauxchaxŭ na wena namaxēxēēāxŭ i yuexŭ. Rū yemacēx ga Abráŕü rü inamemare na Tupanacēx nanexŭ yamáxŭ yerü nayaxō na Tupana rü wena tá namaxēxēēāxŭ. Rū aixcūmaxŭchi yemaācŭ Abráŕücēx nanaxŭ ga Tupana, yerü woo ñoma marü nayuxŭrŭŭ nixŭ ga nane, natŭrŭ ga Tupana rü maxŭcŭ nŭxna nanamu. Rū yema rü wŭxi ga tórŭ cuēxruŭ nixŭ na ñuxācŭ aixcūma yaxōōxŭ ga Abráŕü. ²⁰ Rū guma Ichaā rü ta Tupanaāxŭ nayaxō. Rū yemacēx ga yexguma marü nayēxgu, rü nayumŭxē rü Tupanana naca na nanegŭ ga Acobu rü Echaŭxŭ nangŭxēēxŭcēx. Rū yemaācŭ nayumŭxē yerü aixcūma nayaxō na Tupana tá yanguxēēxŭ ga yema nŭxna naxcēx naçaxŭ. ²¹ Rū guma Acobu rü ta Tupanaāxŭ nayaxō. Rū yemacēx ga yexguma marü nayēxgu rü nayuxchaŭgu, rü norŭ çaxŭxŭmaā nŭgŭ inachixēē rü Tupanaxŭ nicuēxŭŭ. Rū nayumŭxē rü Tupanana naca na nataagŭ ga Yúche nanegŭxŭ nangŭxēēxŭcēx. Rū yemaācŭ nayumŭxē yerü aixcūma nayaxō na Tupana tá yanguxēēxŭ ga yema Abráŕümaā inaxunetaxŭ. ²² Rū guma Yúche rü ta Tupanaāxŭ nayaxō. Rū yemacēx ga yexguma nayuxchaŭgu, rü natanŭxŭgūmaā nŭxŭ nixu rü ñanagürü:

“Tataagŭ rü yixçura rü tá ínachoxŭ i nuā Equituanewa na nawa naxŭxŭcēx i ngēma naāne ga Tupana tórŭ oxŭ ga Abráŕümaā nŭxŭ ixuxŭ. Rū ngēxguma ngēma naxŭxgu, rü chanaxwēxe ya chauxchinēxāgŭ rü ta ngēma nanana na ngēxma yetēxgŭāxŭcēx”,

ñanagürü. ²³ Rū yemawena rü mucŭma ga tauncēgŭ rü nimu ga yema duŭxŭgŭ ga Equituanewa. Rū yema nachŭñāneārŭ āēxgacŭ, rü tama nanaxwēxe na yexeraācŭ yamuētānŭxŭ, rü yemacēx nanamu na tŭxŭ nadējŭxŭcēx ga guxāma ga buxe ga iyatŭxe ga yexwacēx ibuetānŭxē. Natŭrŭ nanatŭ rü naē ga guma tórŭ oxŭ ga Moiché, rü aixcūma Tupanaāxŭ tayaxōgŭ. Rū yemacēx ga yexguma noxri nabuxgu ga Moiché, rü tomaēxpŭx ga tauemacŭgu itayacŭxgŭ, yerü nŭxŭ tadaugŭ na namexēchixŭ rü tama naxcēx tamuŭē ga yema Equituanearŭ āēxgacŭarŭ ore ga woo na naxunagŭāxŭ ga na buxe tŭxŭ nadējŭxŭ. ²⁴⁻²⁵ Rū Moiché rü ta Tupanaāxŭ nayaxō. Rū yemacēx ga yexguma marü nayēxgu rü tama nanaxwēxe na nŭgŭ yaxuxŭ na Equituanearŭ āēxgacŭxacŭ ngŭne na yŭxŭ, yerü naxcēx rü narŭmemaē na natanŭxŭgŭ ga Yudiŭgūmaā wŭxigu ngŭxŭ yangexŭ. Rū tama nanaxwēxe na ŭacŭ ga ñoma ga naāneārŭ chixexŭmaā nŭgŭ na nataāēxēxŭ, yerü nŭxŭ nacuēx rü yema taāē rü paxāachiruŭmare nixŭ. ²⁶ Rū yexgumarŭŭ na daxŭxgŭxŭ ga naānena na yaxŭxŭ ga Cristu na ngŭxŭ yangexŭcēx, rü yexgumarŭŭ ta nixŭ ga Moiché ga āēxgacŭpatana na yaxŭxŭ, yerü naxcēx rü narŭmemaē na natanŭxŭgŭ ga Yudiŭgūmaā wŭxigu ngŭxŭ yangexŭ. Natŭrŭ taxucēxma yema ngŭxŭgŭ narŭxŭnŭ, yerü nŭxŭ nacuēx rü tá wŭxi i ngunexŭgu Tupanaxŭtawana na nayauxāxŭ i norŭ natanŭ. ²⁷⁻²⁸ Rū yema na yaxōōxŭcēx nixŭ ga Tupanaga naxŭnŭxŭ ga Moiché. Rū yemacēx ga yexguma Tupana namuxgu ga na naxŭāxŭ ga ŭpetŭchiga, rü nayanguxēē ga yema Tupana namuxŭ. Rū nūma ga Moiché rü guxŭma ga natanŭxŭgŭ ga Yudiŭgŭxŭŭ namu na wŭxichigŭ ga ŭpatawa yamáāxŭcēx ga wŭxi ga carneruxacŭ na yemagŭmaā namaxcŭāxŭcēx ga naŭxpatagŭ. Rū ñanagürŭ nŭxŭ:

“Ñoma i çŭtaxŭgu rü tá Tupana nŭma Equituanewa nanamu i wŭxi i norŭ orearŭ ngeruŭ i daxŭcŭŭāxŭ rü tá nanadai ya yima nŭxira bucŭ ya Equituanecŭŭāxŭgŭ nane i wŭxichigŭ ya ŭpatawa. Natŭrŭ ngēxguma yima nagŭmaā penamaxcuxgu i perŭ ŭxpata, rü tāŭtāma pechiŭgu naxŭcŭ”,

ñanagürü. Rū yemaācŭ ga Moiché rü Tupanaga naxŭnŭ yerü nŭxŭ nayaxō. Rū yemacēx ga yema orearŭ ngeruŭ ga daxŭcŭŭāxŭ rü taxuŭma ga Yudiŭgŭnexŭŭ nimēx. Rū yema na yaxōōxŭcēx nixŭ ga inaxŭxŭxŭŭ ga Equituarŭ naānewa, rü tama naxcēx namuŭxŭŭ na guma Equituanearŭ āēxgacŭ tá namaā nanuxŭ. Rū taguma nŭxŭ narŭxo ga Tupanawa na naxŭxŭ, yerü Tupana ya ēxŭgacŭarŭŭ ngŭchaŭ naxŭ. ²⁹ Rū yema duŭxŭgŭ ga Moichéwe rŭxŭxŭ rü ta nayaxōgŭ. Rū yemacēx ga yexguma yema Taxtŭ ga Dauchiŭxŭdwa nangugŭgu, rü yema dexá rü nŭgŭna nixŭgachi, rü nipaaneāchi, rü yēma nichoŭ. Natŭrŭ yexguma yema Equituanecŭŭāxŭ ga churaragŭ ga nawe ngēgŭxŭŭ nawe ichoŭgu, rü yexma nayŭama, yerü wenaxārŭ nŭgŭna naxŭ ga yema dexá. ³⁰ Rū yexguma guma ŭāne ga Yericŭwa nangugŭgu ga yema duŭxŭgŭ, rü taxucŭrŭwama nichocu, yerü guxŭwama naxāxtapŭx. Natŭrŭ Tupanaāxŭ nayaxōgŭ, rü yemacēx Tupanaga naxŭnŭē rü 7 ga ngunexŭŭ nŭxŭ ŭnichoegŭāchitanŭcŭŭ, yema Tupana namaā nŭxŭ ixuxŭrŭŭ. Natŭrŭ yexguma norŭ 7 ga ngunexŭwa nanguxgu, rü nŭēchama niwēxgŭtapŭx, rü yemaācŭ nichocu. ³¹ Natŭrŭ yema nge ga Yericŭcŭŭāxŭ ga Raá, rü woo chixri imaxŭ ga noxrix, natŭrŭ yexguma yēma nangugŭgu ga yema taxre ga Yudiŭgŭ ga bexma ngugŭtaewa yēma ŭxŭ, rü ngŭma iyixŭ ga nŭxŭ nangŭxēēxŭ. Rū yemacēx tama yema togŭ ga Yericŭcŭŭāxŭ ga tama Tupanaga ŭnŭēxŭrŭŭ iyu, yerü Tupanaāxŭ iyaxō. ³² Rŭ ñuxma rü ŭacŭ i togŭ i duŭxŭgŭchigaxŭ tá pemaā

chixuxŭ? Rŭ changechica na pemaã nŭxŭ chixuxŭcèx i nachiga ga yema nuxcŭmaŭgŭxŭ ga ãexgacŭgŭ ga Yedeŭ rŭ Barã rŭ Chaŭchóŭ rŭ Yeté rŭ Dabŭ rŭ Chamue, rŭ guxŭma ga nuxcŭmaŭgŭxŭ ga Tupanaãrŭ orearŭ uruŭgŭ. ³³ Rŭ yema na yaxôgŭãxŭcèx nixŭ ga Tupana nŭxŭ rŭngŭxŭcèx. Rŭ yemaãcŭ to ga nachŭãnegŭarŭ ãexgacŭgŭxŭ narŭporamaegŭ, rŭ meãma norŭ duŭxŭgŭmaã inacuexgŭ rŭ aixcŭma nanayauxgŭ ga yema Tupana namaã ixunetaxŭ. Rŭ yemacèx ga yexguma woo aitanŭgu yatèxchigŭãgu, rŭ taxuŭma namaã naxŭ ga aigŭ yerŭ Tupana nŭxna nadau. ³⁴ Rŭ yexguma norŭ uwanŭgŭ ŭxŭxetŭwa yawocuxgŭ, rŭ taxuŭma nŭxŭ naxŭpetŭ rŭ tama nixae, yerŭ Tupanaãxŭ nayaxôgŭ rŭ nŭma rŭ nŭxna nadau. Rŭ yexguma togŭ taramaã nadaixchaŭgu, rŭ Tupana nŭxŭ narŭngŭxŭcèx na taxuŭma nŭxŭ ŭpetŭxŭcèx. Rŭ yexguma naturaegu rŭ norŭ uwanŭgŭ nadaixchaŭgu, rŭ Tupana nanaporaexèe. Rŭ yexguma to ga nachŭãnegŭarŭ churagarŭmaã nŭgŭ nadaixgŭ, rŭ yema togŭ ga churagarŭxŭ narŭyexeragŭ. ³⁵ Rŭ nayexma ga ngexŭgŭ ga yuexacŭxŭ, natŭrŭ yema naxãcŭgŭ rŭ wenaxãrŭ ñnarŭdagŭ yerŭ Tupanaãxŭ nayaxôgŭ. Natŭrŭ nayexma ga togŭ ga poraãcŭ ngŭxŭ ingegŭxŭ yerŭ norŭ uwanŭgŭ yemaãcŭ namaã nachopetŭ na Tupanaxŭ ñnatèxgŭxŭcèx. Natŭrŭ ga nŭmagŭ rŭ tama Tupanaxŭ ñnatèxgŭ rŭ yemacèx nayue, yerŭ naxcèx rŭ narŭmemaè nixŭ na wena namaxèxŭ rŭ nayauxgŭãxŭ i ngèma maxŭ i taguma gŭxŭ. ³⁶ Rŭ nayexma ta ga ñuxre ga togŭ ga yaxôgŭxŭ ga duŭxŭgŭ nŭxŭ cugŭxŭ, rŭ yaçauixgŭxŭ, rŭ cadenamaã yanèixgŭxŭ, rŭ poxcupataŭgu nawocuxŭ. ³⁷ Rŭ ñuxre ga nŭmagŭ rŭ nutamaã ñnanamuxŭchigŭ rŭ yemaãcŭ nanadai. Rŭ togŭ rŭ nayawãixyegŭ rŭ nayue. Rŭ ñuxre ga togŭ rŭ ngŭxŭ nŭxŭ ñingexèegŭ na Tupanaxŭ ñnatèxgŭxŭcèx. Rŭ togŭ rŭ taramaã nanadai. Rŭ ñuxre ga nŭmagŭ rŭ nu ne nanaxĩmare rŭ carneruchèxmŭŭ rŭ chibuchèxmŭŭmaãmare nixãxchiru. Rŭ taxuŭma nŭxŭ nayexma, rŭ nanaxĩãchiãegŭ yerŭ norŭ uwanŭgŭ rŭ chixri namaã nachopetŭ. ³⁸ Rŭ ñoma ga naãnecŭãxŭ rŭ naxchi naxaie, natŭrŭ Tupana rŭ nŭxŭ nangechaŭ. Rŭ ñoma ga naãnewa rŭ norŭ uwanŭgŭchaxwa nu ne nanaxĩmare ga taxŭema ñãpataxŭwa. Rŭ ngŭrŭanegu ñipexŭtanŭmare yerŭ nangepatagŭ. ³⁹ Rŭ guxŭma ga yema nuxcŭmaŭgŭxŭ ga duŭxŭgŭ woo norŭ ôgagu Tupana namaã na taãxŭ, natŭrŭ taxuŭma ga yema duŭxŭgŭ rŭ nŭxŭ nadau ga yema mexdŭgŭ ga Tupana namaã nŭxŭ ixuxŭ. ⁴⁰ Rŭ yemaãcŭ namaã nangupetŭ ga yema duŭxŭgŭ, yerŭ ga Tupana rŭ tagu narŭxĩnŭ rŭ tama nanaxwèxe na nŭxĩra nŭxĩca yamexèegŭãxŭ, natŭrŭ nanaxwèxe na tamaã wŭxigu yamexèegŭãxŭ. Rŭ ñuxma i yixema na yaxôgŭxŭ, rŭ yema nuxcŭmaŭgŭxŭ ga duŭxŭgŭrŭŭ Tupanaãrŭ duŭxŭgŭ tixigŭ, yerŭ Nane ya Ngechuchu rŭ guxãcèxma nayu. Rŭ wŭxi i ngunexŭ rŭ tá taxcèx nŭma naxŭ na nŭgŭxŭtŭwa tŭxŭ nagagŭxŭcèx na ngema ingèxmagŭechaxŭcèx.

12

Name nixŭ i Ngechuchucŭmagŭ taxŭ

¹ Rŭ ñuxma na nŭxŭ icuãxŭ na ñuxãcŭ aixcŭma Tupanaãxŭ yaxôgŭãxŭ ga guxŭma ga yema nuxcŭmaŭgŭxŭ ga duŭxŭgŭ, rŭ ngèma rŭ wŭxi i torŭ cuèxruŭ nixŭ na ñuxãcŭ Tupana naxwèxexŭ na naxcèx imaxèxŭ. Rŭ ngèmacèx i ñuxmax, jŭrŭ ngĩã nŭxŭ tarŭxoe i guxŭma i ngèma pecadu i tŭxŭ ñtŭexèèxŭ rŭ tŭxŭ naguxchaxèèxŭ na meã yaxôgŭxŭ! jRŭ ngĩã paxa naxcèx tadaugŭ na meã Tupanacèx imaxèxŭ rŭ guxŭguma aixcŭma naxŭxŭ i ngèma tŭxŭ nanaxwèxexŭ! ² Rŭ name nixŭ i tanangugŭ na ñuxãcŭ namaxŭxŭ ga Ngechuchu rŭ nagu taxŭ i nacŭma. Yerŭ nŭma nixŭ ga nuxcŭma nagu naxĩnŭxŭ na ñuxãcŭ torŭ ôgagu tá tŭxŭ namaxèèxŭ rŭ nŭma nixŭ i tŭxŭ nangŭxŭcèxŭ na aixcŭma meã yaxôgŭchaxŭcèx na ngèmaãcŭ naxŭtŭawa ingŭgŭxŭcèx. Rŭ nŭma rŭ tama nŭgŭ nachŭxu na curuchawa ngŭxŭ yangexŭ, rŭ tama nagu narŭxĩnŭ ga yema ãne na yangexŭ, natŭrŭ nataãèxŭchi yerŭ nŭxŭ nacŭxŭ na yemawena rŭ tá muxŭma i duŭxŭgŭ nayauxgŭxŭ i maxŭ i taguma gŭxŭ. Rŭ ñuxma rŭ Tupanaãrŭ tŭgŭnecŭwawa narŭto na ngema guxãrŭ ãexgacŭ yŭxŭcèx. ³ Rŭ name nixŭ i penangugŭ rŭ nagu perŭxĩnŭe na ñuxãcŭ ga Ngechuchu rŭ yaxna namaã naxĩnŭxŭ ga yema ngŭxŭ ga nŭxŭ yangexèegŭxŭ ga yema duŭxŭgŭ ga pecaduãxgŭxŭ. Rŭ nŭma ga Ngechuchu rŭ yemaãcŭ yema ngŭxŭmaã yaxna naxĩnŭ na pema rŭ tama nŭxŭ perŭçhaxŭcèx rŭ tama nŭxŭ perŭxoexŭcèx na nŭxŭ peyaxôgŭxŭ. ⁴ Rŭ ñuxma i pema na peyaxôgŭxŭ, rŭ ngŭxŭ pingegŭ erŭ pecaduxŭ perŭxoe. Natŭrŭ taxŭema ga petanŭwa rŭ yemacèx Cristurŭŭ yuwa tangu. ⁵ Rŭ name nixŭ i nŭxna pecuèxãchie i norŭ ore ya Tupana i namaã pexŭ yaxucuxègŭxŭ i ñuxma na naxãcŭgŭ pixigŭxŭ. Erŭ ngèma norŭ ore i ŭmatŭxŭwa rŭ ñanağŭrŭ:

“Pa Chaunex, jŭãxŭ i nŭxŭ cuxoxŭ i ngèxguma cuxŭ icharŭwèxãchixèegŭ! jRŭ tãxŭ i cuyarŭmaxãchixŭ i ngèxguma cuxŭ chaxucuxègŭ! ⁶ Erŭ nŭma ya Cori ya Tupana rŭ tŭxŭ ñnayarŭwèxãchixèe ya yixema tŭxŭ nangechaŭxè. Rŭ tŭxna nanaçauixca ya yixema naxãcŭxŭ tŭxŭ nayaxŭxe, na ngèmaãcŭ tŭxŭ nanguxèèxŭcèx na ñuxãcŭ nanaxwèxexŭ na naxcèx tamaxŭxŭ”,

ñanagürü. ⁷ Rū ngēmācēx i pemax, rū name nixī na yaxna namaā pexīnūēxū i ngēxguma Tupana pexna naçuaixcagu. Erū ngēxguma ngēmaācū pemaā yixīgu, rū pexū nūxū nacuēxēē na aixcūma naxācūgū pixīgūxū. Erū guxūma i papā rū inayanawēxāchixēē i ngēma aixcūma naxācūgū ixīgūxū. ⁸ Natürü ngēxguma chi Tupana tama pexū iyarūwēxāchixēēgu, naxācūgūxū iyanawēxāchixēēxūrū, rū ngēmawa tā nūxū pecuēx na tama aixcūma naxācūgū pixīgūxū, rū ngenatūxū pixīgūxū. ⁹ Rū wūxichigū i yixema ga yexguma ibuegu, rū tanatūgū rū tūxū taxucūxēgū, rū yixema rū tūmaga taxīnūē rū tūxū tangechaūgū. Rū ngēmācēx i ñuxma rū yexeraācū tanaxwēxe na naga ixīnūēxū ya Tanatū ya daxūgucū na ngēmaācū nayaxuxūcēx i maxū i taguma gūxū. ¹⁰ Rū tanatūgū rū wūxi i paxaāchicēxmāre tūxū taxucūxēgū na tūma tanaxwēxegūxūācūma imaxēxūcēx. Natürü ya Tupana rū aixcūma tōrū mexūcēx nixī i tūxū iyanawēxāchixēēxū na naxrūū ixūūnegūxūcēx. ¹¹ Rū aixcūma tama tataāēgū i ngēxguma Tupana tūxū iyarūwēxāchixēēgu, erū tūxū nangux. Natürü ngēmawena i ngēxguma naga ixīnūēgu rū yanguxēēgu i ngēma tamaā nūxū yaxuxū, rū aixcūma tataāēgū.

Naxācūma na tama Tupanaga ixīnūēxū

¹² Rū ngēmācēx i ñuxma na ngūxū pingegūxū rū pipaexū na Tupanawe perūxīxū, rū name nixī i pegū peporaexēēāma na noxrirūūtama meā peyaxōgūxūcēx. ¹³ Rū name nixī i naxcēx pedaugū na Tupana pexū naxwēxegūācūma aixcūma meā pemaxēxū, na yixema ñuxma tama meā yaxōgūxe rū meā tayaxōgūxūcēx. ¹⁴ Rū naxcēx pedēux na guxū i duūxūgūmaā pemecūmaxū! Rū ngēxgumarūū ta name nixī i naxcēx pedau na Tupanapēxewa naxūūnēxū i perū maxū. Erū yixema tama Tupanapēxewa ūūnēxē rū tāūtāma tōrū Corixū tadau. ¹⁵ Rū pegūna pedaugū na taxūema nūxū oxūcēx i ngēma ngūxēē i Tupana tūxū nangechaūācūma tūxna āxū! Erū tama tanaxwēxe na texē petanūwa Cristuchi aixū rū ngēmaācū togūxū chixexūmaā taxucūxēxū na Cristuna tixūgachixūcēx. ¹⁶ Rū tama name i texē i petanūwa rū naī i ngēmaā na itapexū. Rū tama name na texē tūmaārū ngēmāxūcēx Tupanaxū na oxū. Rū yemaācū nanaxū ga guma nuxcūmaācū ga Acobuenēē ga Echaū. Yerū yexguma nataiyagu rū wūxi ga ðnacēx nūxū naxo ga guxūma ga yema nūxna ūxū ga nanatū chi nūxna āxū. ¹⁷ Rū pema nūxū pecuēx rū yemawena ga yexguma nayauxchaūāgu ga yema noxri nūxna ūxū, rū marū taxucūrūwama nanayaxu, yerū marū nañēē ga rūbūmaācūna tanaxā ga nanatū. Rū nūma ga Echaū rū woo poraācū naxaxu, natürü marū taxucūrūwama ñuxācū nanayaxu. Rū ngēmawa nūxū tacuēx na ñuxācū naxācūmaxū na tōrū ngēmāxūcēx Tupanaxū ixoxū. ¹⁸⁻²¹ Rū nuxcūma ga tōrū oxīgū ga Moīchéwe rūxīxū, rū nūxū naxīnūē ga Tupanaga ga yexguma nūxū yangaicagūgu ga guma mēxpūne ga Chinaīgu āeganē. Rū nūxū nadaugū ga na yayauraxū ga guma mēxpūne rū poraācū naxēānēxū rū poraācū buanecū ixūxū rū yabējxbēxanēxū rū yaduruanēxū. Rū poraācū namuūē ga yema duūxūgū, yerū nūxū naxīnūē ga wūxi ga corneta ga tagane rū Tupana ga tagaācū yēma ñacū:

“Ngēxguma chi wūxie i petanūwa daa mēxpūnēwa ūxgu jrū noxtacūma nutamaā tūxū ipemuxūchiācūma tūxū pimā! Rū woo wūxi i pexūna yixīgu jrū ngēxgumarūū ta ipenamuxūchiācūma peyamā!”

ñanagürü. Rū yexguma yadeaxgu ga Tupana, rū poraācū namuūē ga yema duūxūgū. Rū norū muūmaā Tupanaxū nacēēxūgū na iyachaxāchixūcēx ga namaā na yadexaxū. Rū yema na poraācū naxācūmaxūchixū ga yema nūxū nadaugūxū, rū yemacēx nixī ga nūmatama ga Moīché ga ñaxū:

“Chorū muūmaā chidyrux i ñuxmax”,

ñaxū. Rū yemaācū nixī ga namaā nangupētūxū ga yema duūxūgū ga Moīchémaā nayauxgūxū ga yema nūxīraūxū ga Tupanaārū mugū. Natürü i pemax, Pa Chaueneēgūx, rū tama yemaācū pexū naxūpetū ga yexguma penayauxgūgu ga Tupanaārū ore i ngexwacaxūxū i Cristuchiga ixīxū. ²² Rū ñuxma i pema rū taxucēxma pemuūē, yerū ga Cristu rū taxcēx nayu na Tupana ya guxūguma maxūcūxūxtawa tūxū nagagūxūcēx, na guxūguma norū jāne ya daxūgūne ya Yerucharēūga ingēxmāgūxūcēx. Rū ngēma tā tangutaquēxegū namaā i ngēma muxūchixūma i norū orearū ngeruūgū i daxūcūāx na wūxīgu namaā Tupanaxū icuēxūgūxūcēx. ²³ Rū ñuxma i pemax, rū marū natanūxūgū pixīgū i guxūma i ngēma togū i duūxūgū i Tupanaārū poperawa ngoxēgagūxū. Rū marū naxcēx pexī ya Tupana ya yima guxūnatāma cacū. Rū marū natanūwama pexūgū i guxūma ga yema duūxūgū ga mecūmagūxū ga yuēxū ga Tupana imexēēgūxū. ²⁴ Rū marū naxcēx pexī ya Ngechuchu ga taxcēx yucū na tūxū namaxēxēēxūcēx, ngēma Tupanaārū uneta i ngexwacaxūxū tamaā nūxū ixuxūrū. Rū nagūmaā pexū iyanaxoxēē ga perū chixexūgū na aixcūma Tupanapēxewa pimexūcēx. Rū yexguma nūxūcūmaxūcū ga Abēgū inabaxēē ga naenēē rū Tupana rū poxcu naxuegu. Natürü yexguma Cristugū ibaxgu rū Tupana rū duūxūgūmaā nanaxuegu i maxū i taguma gūxū. ²⁵ Rū ngēmācēx name nixī i pexuāēgū na tama nūxū pexoēxūcēx ya yima Tupana ya ñuxma tamaā idexacū. Rū dūcax yema nuxcūmaūgūxū ga tōrū oxīgū ga Moīchéwe rūxīxū rū taxucūrūwa Tupanachaxwa nibuxmū

na tama napoxcueāxūcēx ga yexguma Tupanaxū naxoegu rū tama naga naxīnūēgu ga yexguma Moichéwa Tupana yaxucuxēgūgu. Rū yema na taxucūrūwa Tupanachaxwa yabuxmūxū ga nūmagū, rū yexeraācū tūxū naguxcha i yixema na naxchaxwa ibuxmūxū ega tama naga ixīnūēgu i űuxma na Cristuwa tūxū yaxucuxēgūxū i nūma ya Tupana i daxūguxū i naānēwa ngēxmacū. ²⁶ Rū yexguma Moichéwe naxīxgu ga tórū oxigū, rū Tupana rū nagamaā nayaduruxanexēē. Natūrū i űuxma rū űanagūrū:

“Wena táxarū chayaduruxanexēē. Natūrū ngēxguma ngēmaācū chanaxūxgu rū tāūtāma űoma i naānēxīca chiduruxēē, natūrū űēxcū rū woramacurīgū rū ēxtagū rū tá ta chayaduruxgūxēē”,

űanagūrū. ²⁷ Rū yema na:

“Wena táxarū chayaduruxanexēē”, űaxū, rū ngēmawa nūxū tacuēx rū guxūma ga yema naxūxū i tama guxūgucēx ixīxū, rū Tupana tá inayanaxoxēē na ngēma guxūgucēx ixīxūxīcatama na iyaxūgūxūcēx. ²⁸ Rū ngēma na tórū āēxgacū na yīxū ya Tupana, rū guxūgucēx nixī, rū tagutāma inayarū na noxrū ixīgūxū. Rū ngēmācēx name nixī na Tupanana moxē ixāgūxū, rū nūxū ingechaūgūācūma rū nūxū imulēācūma nūxū icuēxūgūgūxū, ngēma nūma nanaxwēxēxūrū. ²⁹ Erū tórū Tupana, rū űoma wūxi ya űūrūū aīxcūma inayanaxoxēē i guxūma i tórū chixēxū.

13

űuxācū Tupanaxū tataāēxēē

¹ Rū űuxma rū tama name na nūxū perūchauexū na wūxichīgū pegū pengechaūgūxū űoma peeneēxū pengechaūxūrū. ² Tama name na nūxū ipeyarūngūmaēxū na meāma penayaxuxū i ngēma duūxūgū i pepatawa ngugūxū. Erū nūxū tacuēx rū nūmaxū ga yemaācū naxūgūxū rū űuxguacū rū tama nūxū nacuaācūma bexma Tupanaārū orearū ngerūgū i daxūcūāxū meā nayauxgū. ³ Rū name nixī i nūxna pecuēxāchie i ngēma duūxūgū i poxcuēxū, űoma pema rū ta naxrūū pepoxcuēxūrū. Rū ngēxgumarūū ta name nixī nūxna pecuēxāchie i ngēma duūxūgū i togū ngūxū nūxū ingexēēgūxū, erū ngūrūāchi tá ta ngēmaācū pexū nangupetū. ⁴ Rū ngēma yatūgū i āmaxū rū name nixī i meā naxmēxmaā namaxē rū tūxū nangechaūgū. Rū ngēxgumarūū ta i ngexūgū, rū name nixī i meā natemaā namaxē rū nūxū nangechaūgū. Erū Tupana rū aīxcūma tá nūxna naca rū tá nanapoxcue i ngēma duūxūgū i naī i ngēmaā rū ēxna naī ya yatūmaā ipexū. Rū ngēxgumarūū tá ta tūxū napoxcue ya guxāma ya yīxema ngemēxācūma rū ngeteācūma tūgūmaā maxēmarexe. ⁵ Rū tama name na dīeruguama perūxīnūēxū. Rū name nixī i namaā petaāēgū i ngēma marū pexū ngēxmaxū. Yerū Tupana rū űanagūrū:

“Tagutāma cuxna chixū, rū tagutāma cuxū íchatēx”,

űanagūrū. ⁶ Rū űuxma na nūxū icuāxū na ngēmaācū tamaā inaxāxū, rū ngēmācēx tama taxāne na űagūxū:

“Nūma ya Cori nixī ya choxū rūngūxēēcū. Rū ngēmācēx taxucēxma chamuū. Erū taxucūrūwama texē űacū rū chixēxū chomaā taxū”,

űagūxū. ⁷ Rū name nixī i nūxna pecuēxāchie ga yema perū dauruūgū ga noxri pemaā icuāxū rū pemaā nūxū ixugūxū ga Tupanaārū ore. Rū name nixī i nagu perūxīnūē ga na űuxācū meā namaxēxū pepēxewa rū űuxācū meā yaxōgūācūma nayuēxū. Rū name nixī ga nūma yaxōgūāxūrūū meā peyaxōgū i pemax. ⁸ Rū nūma ya Ngechuchu ya Cristu rū guxūguma nayanguxēē i ngēma tamaā nūxū yaxuxū. Rū nuxcūma rū nayanguxēē ga norū ore, rū űuxma rū tá nayanguxēē. Rū guxūgutāma ngēmaācū nixī. Rū ngēmācēx tanaxwēxe na aīxcūma nūxū yaxōgūxū. ⁹ Rū tama name i peyaxōgū i ngēma nguxēētaegū i tama toma pexū namaā tangūxēēxū i tama Tupanaārū ixīgūxū. Rū nuxcūma rū nagu taxī ga yema mugū ga Moiché űmatūxū ga tūxna nachuxuxū na űacū ixūxū rū űacū ingōxū. Natūrū yema mugū rū taguma tūxū naporaxēē ga na Tupanacēx imaxēxū. Rū ngēmācēx tanaxwēxe na Tupana ya tūxū ngechaūcūwa nayaxuxū i tórū pora na aīxcūma naxcēx imaxēxūcēx. ¹⁰ Rū ngēma duūxūgū i Moichéarū mugūgu íxū, rū Tupanacēx naxūna nadai na tama napoxcueāxūcēx naxcēx i norū pecadu. Natūrū tama nūxū nayaxōgū ya Cristu ga tórū pecaducēx yucū. Rū ngēmācēx taxucūrūwama taxrūū nanayauxgū i ngēma ngūxēē i Cristu nūxna uaxūxū. ¹¹ Rū ngēma duūxūgūarū paigūarū āēxgacū, rū tupaucawa nanange ya nagū i naxūnagū na Tupanana naxāāxūcēx na tama Tupana napoxcuēxūcēx i ngēma duūxūgū. Natūrū naxūnegū i ngēma naxūnagū, rū űānēarū íxpemawa nayanagugū. ¹² Rū yexgumarūū ta ga Ngechuchu rū űānēarū íxpemawa ngūxū ninge rū nayu na nagūmaātama Tupanacēx yaxūūnegūxēēāxūcēx i duūxūgū. ¹³ Rū ngēmācēx i yixema, rū name nixī i nūxna tixīgachi i ngēma mugū ga Moiché űmatūxū, rū name nixī i Ngechuchucēx taxī. Rū woo duūxūgū tūxū cugūegu, yema Ngechuchuxū na nacugūxūrūū, rū name nixī i naxrūū yaxna namaā taxīnūē. ¹⁴ Erū yixema na yaxōgūxū, rū tāūtāma űoma i naāne i

paxa tá gúxŭwa tangēxmagüecha. Erü daxŭguxŭ i naãnewa tŭxŭ nangēxma i tachica. Rŭ ngēma tá nixŭ i ingugŭxŭ na guxŭgutáma Tupanamaã ingēxmagüechaxŭcèx. ¹⁵ Rŭ ngēmacèx tanaxwèxe i Ngechuchu ya Cristuégagu guxŭguma Tupanaxŭ ticuèxŭŭgŭ. Rŭ ngēma na taèxmaã nüxŭ icuèxŭŭgŭxŭ, rŭ ngēma nixŭ i ãmare i mexŭ i nüxna ixãxŭ. ¹⁶ ¡Rŭ tãxŭ i nüxŭ ipeyarŭngŭmaèxŭ na togŭxŭ perŭngŭxèxèxŭ rŭ namaã pengauxŭ i perŭ ngēmaxŭgŭ! Erü ngēma nixŭ i ãmare i Tupanana pexãxŭ i aixcŭma namaã nataãèxŭ. ¹⁷ ¡Rŭ naga pexŭnŭè i ngēma perŭ dauruŭgŭ i pemaã icuèxgŭxŭ, rŭ penaxŭx i ngēma pemaã nüxŭ yaxuxŭ! Erü nŭmagŭ rŭ Tupanapèxewa pexna nadaugŭ na meã pemaxèxŭcèx erü nüxŭ nacuèxgŭ na Tupana tá nüxna çaxŭ i nachiga na ñuxãcŭ pexna nadaugŭxŭ. Rŭ name nixŭ i meã namaã pemaxè i ngēma perŭ dauruŭgŭ na wŭxi i taãè na yŭxŭcèx i ngēma norŭ puracŭ rŭ tama wŭxi i norŭ guxchaxŭ na yŭxŭcèx. Erü ngēxguma chi wŭxi i norŭ guxchaxŭ yixŭgu i ngēma norŭ puracŭ na pexna nadauxŭ, rŭ pema rŭ chi taxuŭma i mexŭ nawa peyaxu i ngēma norŭ puracŭ. ¹⁸ Rŭ name i toxçèx peyumŭxègŭ. Erü toðèwa nüxŭ tacuèx na aixcŭma meã tayanguxèèxŭ i ngēma puracŭ i Tupana toxna ãxŭ rŭ tanaxwèxe na guxŭguma ngēmaãcŭ tanaxŭxŭ. ¹⁹ Rŭ ngēma guxŭãrŭ yexera pexna naxçèx chaçaxŭ nixŭ na peyumŭxègŭxŭ na Tupana paxa pexçèx choxŭ taeguxèèxŭcèx.

Yema duŭxŭgŭxŭ narŭmoxè rŭ naxçèx ínaca na Tupana nüxŭ rŭngŭxèèxŭ

²⁰⁻²¹ Rŭ ñuxma chanaxwèxe i poraãcŭ pexŭ narŭngŭxèèxŭ ya Tupana ya tórŭ taãèxèèruŭ rŭ tórŭ ngŭxmŭèxèèruŭ ixŭcŭ. Rŭ nŭma nixŭ ga yuwa ínadxèèãxŭ ga tórŭ Cori ya Ngechuchu ya Cristu ya guxŭma i yaxôgŭxŭãrŭ dauruŭ ya guxããrŭ yexera ixŭcŭ. Rŭ ñuxma na curuchagu taxçèx nabaãxŭ ga guma nagŭ ga tŭxŭ nüxŭ cuèxèècŭ na ñuxãcŭ guxŭguma tŭxŭ nangechaŭxŭ ya Tupana, rŭ chanaxwèxe na nŭma ya Tupana pexŭ yamexèègŭxŭ rŭ pexŭ nangŭxèèxŭ na aixcŭma guxŭma i perŭ maxŭwa pimexŭcèx. Rŭ ngēxgumarŭŭ ta chanaxwèxe na Ngechuchu ya Cristuwa tŭxŭ nangŭxèèxŭcèx ya Tupana na nŭma nanaxwèxexŭãcŭma ixŭgŭxŭcèx. Rŭ ñuxma tanaxwèxe i guxŭguma yima Cristuxŭ ticuèxŭŭgŭ. Rŭ ngēmaãcŭ yŭ. ²² Pa Chaueneègŭx, pexŭ chacèèxŭ na yaxna namaã pexŭnŭèxŭ i ñaã noxretama i ore i pexŭ namaã chataãèxèèxŭ rŭ pexŭ namaã chaxucŭxèxŭ. ²³ Rŭ chanaxwèxe na nüxŭ pecuãxŭ rŭ taeneè ya Timutéu rŭ marŭ ínanguxuchi ga na napoxcuxŭ. Rŭ ngēxguma paxa nuã chauxŭtawa nanguxgu, rŭ tá ngema petanŭwa chanaga i ngēxguma pexŭ íchayadèygu. ²⁴ ¡Rŭ nüxŭ perŭmoxègŭ i guxŭma i ngēma perŭ dauruŭgŭ i pemaã icuãxŭ! ¡Rŭ ngēxgumarŭŭ ta nüxŭ perŭmoxègŭ i guxŭma i togŭ i taeneègŭ i yaxôgŭxŭ! Rŭ taeneègŭ i Itãriaanewa ngēxmagŭxŭ rŭ ta pexŭ narŭmoxègŭ. ²⁵ ¡Rŭ Tupana poraãcŭ pexŭ rŭngŭxèèxŭ i guxãma i pemax! Rŭ ngēmaãcŭ yŭ.

Rŭ nuãma pexna.

TUPANAARÜ ORE GA CHAÜTIÁGU ÜMATÜXÜ

Chaütiágu nüxü narümoxë ga natanüxüügü ga Yudiüügü ga yaxögüxü

¹ Pa Chautanüxüügü i Yudiüügü i Ngechuchuaaxü Yaxögüxü i Guxü i Nañewa Ngëxmagüxüx, choma i Chaütiágu pexü charümoxë. Rü choma nixi i Tanatü ya Tupana rü törü Cori ya Ngechuchu ya Cristuaxü chapuracüxü.

Ngëma cuëx i aixcüma Tupanawa ne üxüchiga

² Pa Chaueneëgü i Yaxögüxüx, name nixi na petaäëgüxü i ngëxguma nagüxüraüxü i guxchaxüügü pexcëx ínguxgu. ³ Erü pema nüxü pecuëx rü ngëxguma meä peyaxögüamagu ega woo ñacü rü guxchaxü pexü üpetügu rü wüxi i mexü nixi i ngëma. Erü ngëmaäcü nixi ya Tupana i pexü naporaexëëxü na yexeraäcü meä nüxü peyaxögüxüxcëx. ⁴ Rü name nixi na peporaexü na aixcüma Tupanapëxewa pimexüxcëx, rü naxcëxicatama pemaxëxüxcëx, rü taxuwama nachixëxüxcëx i perü maxü. ⁵ Ngëxguma chi wüxie i petanüwa tama meä nüxü cuëxgu na ñacü tüxü nanaxwëxëxü ya Tupana, rü name nixi i nüxna naxcëx taca i cuëx, rü nüma tá guxüma i norü ngüchaümaä tüxna nanaxä. Erü Tupana meäma guxü i duüxügüna nanaxä i cuëx, rü tama nayanuxü, rü taxüxüma nanga. ⁶ Natürü ngëxguma naxcëx ítacaxgu rü tanaxwëxe na aixcüma tayaxöxü rü tá na tanayaxuxü i ngëma naxcëx ítaçaxü. Rü tama name na nagu tarüxüxü rü tãütãma tanayaxuxü. Erü yixema tama meä yaxöxë, rü ñoma taxtüarü yuape i buanecümaä guxüwama cuexürüü tixi i tümaärü maxüwa. ⁷⁻⁸ Rü yixema duüxë ya ñuxma meä yaxöxë rü moxü rü tama meä yaxöxë, rü taxucürüwama nagu tarüxüxü na ñacü Tupanaxütawa tayaxuxü. Erü yixema duüxë ya ngëmaäcü yaxöxë, rü tümaärü maxüwa rü tama aixcüma wüxigutama tarüxüxü. ⁹ Rü yixema yaxöxë ya tama muärü diëruäxë, rü name nixi i tataäë erü Tupanaxäcü tixi rü tümamaä nataäë. ¹⁰ Rü yixema yaxöxë ya muärü diëruäxë rü name nixi i tataäëãma ega woo wüxi i ngunexü tüxü natauxgu i tümaärü diëru. Erü ngëma diëruäxü i duüxüügü, rü ñoma putürachacurüü tama natai. ¹¹ Rü ngëxguma nangunagügu ya üëxcü rü poraäcü nanguxetügu, rü narüñexë i ngëma putüra rü narüngu i nachacu, rü ngëxma nagux na namexü. Rü ngëxgumarüü tá ta nayu i ngëma diëruäxüchixü rü ngëxma tá nayarüxo i norü guxüma.

Tupana tüxü naxü, natürü tama chixexügu tüxü nanguxëëxüxcëx

¹² Rü nataäë ya yima yatü ya meäma yaxöomacü i ngëxguma Tupana nüxü üxgu. Erü ngëxguma ngëmaäcü yaxna namaä naxüñüamagu, rü Tupana tá namaä nataäë rü tá nüxna nanaxä i norü ämare i mexü i taguma güxü. Rü ngëma nixi i ämare i Tupana tümamaä ixunetaxü ya yixema nüxü ngechaügüxë. ¹³ Natürü ngëxguma texe ñnü i chixexü tümacëx ínguxgu na chixexü taxüxüxcëx rü tama name i nagu narüxüñü na Tupana tümaäëwa ínanguxëëxü i ngema ñnü i chixexü. Erü ya Tupana rü taguma naäëwa nangu na chixexü naxüxü, rü ngëxgumarüxü tá taguma chixexü i ñnü texeäëwa nanguxëë na chixexü taxüxüxcëx. ¹⁴ Natürü ngëma chixexü i tümatama nagu tarüxüxüxü nixi i chixexügu tüxü nguxëëxü. ¹⁵ Rü ngëma chixexü i tümatama nagu tarüxüxüxü nixi i tüxü pecaduäxëëxü. Rü ngëma pecadugagu tá nixi i düxwa itayarütaxuxü. ¹⁶ Pa Chaueneëgü ya Pexü Changechaügüxex, tama name i pegütama pewomüxëëgü. ¹⁷ Erü guxüma i ngëma aixcüma mexü i tüxü ngëxmaxü, rü naxütawa ne naxü ya Tupana ya daxügücü ga naxücü ga üëxcü rü tauemacü rü woramacurigü rü ëxtagü. Rü nüma rü guxüguma nanaxëjxürgumaraxü rü taguma naxüchicüü. ¹⁸ Rü nüma nixi ga tüxna naxäãxü ga norü ore i aixcüma íxixü na ngëmaäcü tüxü nangëxmaxüxcëx i maxü i taguma güxü. Rü yemaäcü nanaxü yerü nanaxwëxe na yixira nüxü na yaxögüxü, rü yixcama i togü.

Ñuxäcü aixcüma Tupanaäxü tayaxö

¹⁹ Pa Chaueneëgü ya Pexü Changechaügüxex, rü ngëxguma texë pemaä nüxü ixuxgu i Tupanaärü ore, rü name nixi i meä iperüxüñüë. Rü tama name i tüxü pechoxüügü. ²⁰ Erü ngëxguma nanuxgu i wüxi i duüxü, rü tama Tupanaärü ngüchaü naxü. ²¹ Rü ngëmacëx name nixi i nüxü perüxoe i guxüma i ngëma chixexüügü i guxüwama ngëxmagüxü. ¡Rü meä penayaxu i ngëma ore i Tupana pexna äxü! Erü ngëmawa pexü nangëxma i maxü i taguma güxü. ²² Rü tama name i iperüxüñüëmære i ngëma ore, natürü name nixi i penaxü i ngëma pemaä nüxü yaxuxü. Erü ngëxguma iperüxüñüëmaregu rü tama penaxüxgu, rü pegütama pewomüxëëgümare. ²³ Erü yixema irüxüñüëmære i Tupanaärü ore natürü tama naxüxe i ngëma nüxü yaxuxü, rü wüxi i yatü i daucüwa nügü dauchametüxüürüü tixi. ²⁴ Erü nügü nadauchametü, natürü ngëxguma yaxügachigu rü marü nüxü inayarüngüma na nañuxchametüraüxü i noxrix. ²⁵ Natürü yixema guxüguma meä nüxü daumatüxe rü naga ñüxë i ngëma ore i aixcüma íxixü i pecaduwa tüxü ínguxuchixëëxü, rü Tupana rü tá

aixcúma guxúwama tuxú narungúxêê. Erú tama ngéma orexú taxínúmare, natúrú tanaxú i ngéma tímamaá nuxú yaxuxú. ²⁶ Rú ngéxguma chi wúxie nagu rúxínúgu na meáma Tupanaxú tacuáxú natúrú tama nuxna tadéuxgu ya túmaárú conú i túmaárú orewa, rú tógútama tawomúxêê, rú tama aixcúma Tupanaáxú tayaxó. ²⁷ Natúrú ngéma nacúma i Tanatú ya Tupanapéxewa aixcúma úunexú, rú ngéma nixí na nuxú tarungúxêêxú i tacutagú rú yutegúxú rú tógúna tadauxú na tama ñoma i naañearú chixexúgu taxúxuxú.

2

Name nixí i guxú i duúxúgúxú tangechaú

¹ Pa Chaueneégúx, pema rú nuxú peyaxógú ya tórú Cori ya Ngechuchu ya Cristu ya mexéhicú. Rú ngémacèx tama name na chixriácú penayaxuxú i ñuxre i duúxúgú rú meá penayaxuxú i togú. ² Rú ngéxguma chi Perú ngutaquéxegu naxúcuxgu i wúxi i yatú i uirumaá aneraáxú rú mexchiruxú, rú ngéxgumarúú chi ta ngéxma naxúcuxgu i wúxi i yatú i ngearú díruáxú rú wexachiruxú, rú name nixí i guxúxúma wúxigu meá peyaxu. ³ Natúrú tama name ega meá penayaxgu i ngéma mexchiruxú rú:

“¡Nuá mexú i naxmèwxéxewa rúto!” ñapegúxú nuxú, natúrú ngéma wexachiruxúxú rú:

“¡Cuma rú ngéxmatama nachi, rú éxna yea ñatúanewa rúto!” ñapegúxú nuxú. ⁴ Rú ngéxguma tama wúxigu meá penayaxgu i ngéma taxre, rú pewatama nangox na tama aixcúma guxáxú pengechaúgúxú rú chixexú i duúxúgú pixígúxú ega ngémaácú chixri penayaxgu i duúxúgú. ⁵ Pa Chaueneégú ya Pexú Changechaúgúxex, ¡perúxínúe i ñaá ore! Tupana tuxú nade ya yíxema ngearú díruáxgúxe i ñoma i naañewa na meá nuxú tayaxógúxúxé. Erú nanaxwéxe i tanayauxgu i ngéma maxú i taguma gúxú i tímamaá inaxunetaxú ya yíxema nuxú ngechaúgúxe. ⁶ Natúrú pema rú chixri penayaxu i ngéma duúxúgú i ngearú díruáxgúxú rú meá penayaxu i ngéma duúxúgú i díruáxgúxú. ¿Taux éxna ngéma díruáxgúxú yíxú i ngéma chixri pemaá maxéxú rú áxgacúgúxúxtawa pexú íyaxuaxúgúxú? ⁷ Rú ngéma díruáxgúxú nixí i chixexú namaá ixugúxéxú ya Cristu ya Perú Cori ya mexéhicú. ⁸ Tupanaárú orewa nangéxma i norú mu i guxú i mugúarú yexeraxú i ñaxú:

“¡Nuxú nangechaú i cumúcú ngéma na cugútama cungechaúxúrrú!”

ñaxú. Rú ngéxguma aixcúma naga pexínúegu i ngéma mu, rú mexú nixí i pexúxú. ⁹ Natúrú ngéxguma meá penayaxgu i wúxi i yatú i mexchiruxú rú chixri penayaxgu i ngéma wexachiruxú, rú pecadu pexú. Rú Tupanapéxewa pechixexúgu erú tama naga pexínúe i ngéma pexú namuxú. ¹⁰ Erú ngéxguma chi texé naga ínúgu i guxúma i Tupanaárú mugú natúrú chi wúxiwatama ítatúxgu na tama naga taxínúxú, rú chi ñoma guxúma i Tupanaárú mugúga tama taxínúxúrrú tachixexúgu. ¹¹ Erú numatama ya Tupana ga ñacú:

“¡Táutáma naí i nge i átecúmaá cungeáê!” ñacú,

rú ñanagúrrú ta:

“¡Táutáma cumáêta!”

ñanagúrrú. Rú ngéxguma chi tama naí i nge i átecúmaá cungeáêxgu, natúrú cumáêtagu, rú tama aixcúma meá naga cuxínú i ngéma Tupana tuxú muxú. ¹² Rú ngémacèx name nixí na meá pidexagúxú rú meá pemaxéxú. Erú Tupana tá pexna naca i Perú maxúchiga ngoxi Cristu pexú muxúácúma pemaxé rú éxna tama. Rú ngéma Cristu tuxú muxú nixí na yigú ingechaúgúxú. ¹³ Erú guxáma ya yíxema tama tímamúcúgú tuxú ngechaútmúúgúxe, rú Tupana rú táutáma nuxú tangechaútmúúgúácúma tuxna naca i túmaárú maxúchiga. Natúrú yíxema tímamúcúgú tuxú ngechaútmúúgúxe, rú táutáma tamuúê i ngéxguma Tupana tuxna caxgu, erú nuxú tangechaútmúúgúácúma tá tuxna naca.

Ega aixcúma yaxógúgu, rú tanaxwéxe i mexú taxúgú rú nuxú tarungúxêê i togú

¹⁴ Pa Chaueneégúx, ¿Tacúwa namexú ega wúxie:

“Choma rú Tupanaáxú chayaxó”, ñagúgu, natúrú tama mexú taxúxgu? ¿Pexcèx rú Tupana tá tuxú maxéêxú ega ngémaácú tayaxóxgux? ¹⁵⁻¹⁶ Rú ngéxguma chi wúxi i taeneé rú éxna taeyéx i yaxóxú rú nangexchirugu rú nangewemúgu, rú chi wúxie i pema rú ñapegúgu:

“¡Mexú cuxú úpetú, rú icuxcuchi na tama cuxú nadeyuxúxé, rú meá nachibú!” ñapegúgu, rú ¿tacúwa name i ngéma ega tama nuxna penaxáxgu i ngéma nuxú taxuxú? ¹⁷ Rú ngéxguma yaxómaregu natúrú tama mexú ixúxgu, rú tama togúxú rúngúxêêgu, rú ¿tacúwa namexú i ngémaácú na yaxóxú? ¹⁸ Erú ngéxguma cuyaxómaregu natúrú tama mexú cuxúxgu, rú ngúrrúachi tá wúxie ñatarúgú cuxú:

“Cuma rú cuyaxómare natúrú taxuxúma i mexú cuxú Natúrú choma rú chayaxó rú naétú mexú chaxú. ¿Rú ñuxácú tá nuxú chacuáxú na cuyaxóxú ega tama mexú cuxúxgu? Natúrú choma rú chorú ú i mexúmaá tá cuxú chanawé na aixcúma chayaxóxú”, ñatarúgú tá cuxú. ¹⁹ Cuma cuyaxó na nangéxmaxú ya wúxitama ya Tupana. Marú name. Natúrú ngxogú rú ta ngémaácú nayaxógú, rú poraacú niduxruxé erú Tupanaxú namutê. ²⁰ Pa Yatú ya

tama Meã Nagu RûxInücûx, cuma rû tama nûxû cucuêx i ngêxguma cuyaxômaregu rû tama mexû cuxûxgu, rû taxuwama name i ngêmaâcü na cuyaxôxû. ²¹ Tupana nûxû ixuxgu rû nuxcûmaücü ga tórû oxî ga Abráû rû wûxi ga yatû ga mecû nixî. Yerû mexû naxû rû Tupanaga naxînú ga yexguma namaâ nûxû yaxuxgu na naxcêx yamaâxûcêx ga nane ga Ichaá. ²² Rû ngêma nûxû tacuêx rû tama nayaxômare ga Abráû, natürû mexû naxû ta. Rû yema naxûxûwa tûxû nûxû nacuêxêê na aixcûma Tupanaâxû yaxôxû. ²³ Rû yemaâcü ningû ga yema ore ga ûmatûxû ga ñaxû:

“Abráû rû Tupanaâxû nayaxô rû yemacêx Tupana nûxû nixu na mecû yîxû yerû nûxû nayaxô. Rû nûxû nixu ta na namücû yîxû ga Abráû”.

²⁴ Rû ngêma nûxû tadau na Tupana namaâ taâêxû ya yima yatû ya mexû ücü rû tama yaxômarecü. ²⁵ Rû yemaâcü ta ngîmaâ nangupetû ga nuxcûma ga Raá. Rû Tupana ngîmaâ nataâê yerû mexû ixû ga yexguma meã nayauxâgu ga ngîpatawa ga yema orearû ngeruûgû ga Yudiugû. Rû ngîgagu namaxê ga yema orearû ngeruûgû yerû to ga namagu iyamugû ga yexguma norû uwanûgû nadaixchaûgu. Rû woo ga ngîma rû chixri na namaxûxû ga noxrix, natürû mexû ixû yerû iyaxô, rû yemacêx Tupana ngîmaâ nataâê. ²⁶ Rû wûxi i naxûne rû taxuwama name rû nayumare ega natauxguma i naâê. Rû ngêxgumarûû ta nixî na taxuwama namexû na yaxômarexû ega taxuûma i mexû ixûxgux.

3

Tórû conüchiga

¹ Pa Chaueneêgûx, tama name i muxêma i pema rû nguxêetaexûgû pegû pixîgûxêêchaû. Erû pema nûxû pecuêx na yixema i nguxêetaexûgû na ixîgûxû, rû guxû i duûxûgûarû yexera tá tûxna naca ya Tupana tórû maxûchiga rû tórû puracûchiga. ² Guxâma i yixema rû muêxpûxcûna chixexû taxûe. Yima yatû ya taguma chixexûxû ixucû rû aixcûma mecû nixî, erû nûxû nacuêx na ñuxâcü guxûwama nûgûna nadauxû na tama chixexû naxûxûcêx. ³ Rû ngêma na taga naxînúxûcêx i wûxi i cowaru, rû tanaxwêxe na naxûtûxûnâguxû na ngêmaâcü yixema inaxwêxexûâcüma meã iyaxûxûcêx. ⁴ ¡Dücêx nagu perûxînúê ya wapurugû ya buanecûarû poramaâ ixûxûne! Rû woo nitaxûchi rû buanecû ya taxûchicûmaâ inicuegû, natürû íracû ya quiyamaâ nanatoxchinû i norû toxpêxerû, rû ngextá nûma ínanaxwêxexûwa nanaxûxêê. ⁵⁻⁶ Rû ngêxgumarûû ta nixî ya tórû conû rû woo na naxîrachirêxû, natürû namuxûchi i norû ore. Rû wûxítama i ûxûarû yauraxû i íraxûwa inaxûgû na yaxaxû i taxûma i naâne. Rû tórû conû rû ñoma wûxi ya ûxûrûxû nixî. Rû taxûnewa rû wûxi i taxû i chixexû nixî ya yima tórû conû erû nanachixexêê i guxûma i tórû maxû. Rû ngêma Tupana ngoxogûxû ipoxcûexûgûne ya ûxûemawa ne naxû i ngêma chixexû i namaâ yadexaxû ya tórû conû. Rû ngêma chixexûmaâ nanachixexêê i guxûma i tórû maxû. ⁷ Duûxûgû rû nûxû nacuêx na iyapuxêêaxû rû nûxna nachogûxû i nagûxûraûxû i naêxûgû i idûraexû, rû werigû, rû âxtapegû, rû choxnigû. ⁸ Natürû taxûema nûxû tacuêx na nûxna tachogûxû ya tûmaârû conû. Erû wûxi i chixexû i taxû i taxucûrûwama texê iyarûxoxêêxû nixî. Rû ngêma norû dexa rû ûûrûû tûxû nayuxêê. ⁹ Rû yima tórû conûmaâ nûxû ticuêxûû ya Tanatû ya Tupana, rû yimamaâtama chixexû namaâ tixugûe ta i duûxûgû i Tupana nûgûâcü ûxû. ¹⁰ Rû ngêma taêxmaâ, rû meã duûxûgûchiga tidxagû, natürû ngêmatama taêxmaâ rû namaâ taguchigagû ta. Pa Chaueneêgûx, tama name na ngêmaâcü yîxû. ¹¹ Wûxi i dexâarû chuxchuxûwatama rû taxuacûma inaxûxû i dexá i mexû rû dexá i chixexû. ¹² Pa Chaueneêgûx, wûxi i iguera rû taxuacûma orîbuarû omaâ naxo, rû wûxi i uba rû taxuacûma igueraarû omaâ naxo. Rû ngêxgumarûû ta wûxi i dexâarû chuxchuxû i yucûrachîxûwâ, rû taxuacûma inaxûxû i dexá i mexû.

Ngêma cuêx i aixcûma íxîxû

¹³ Ngêxguma chi petanûwa nangêxmagu i wûxi i duûxû i nûxû cuáxû rû meã naâêxû cuáxû, rû name nixî na meã namaxûxû rû mexû na naxûxû rû tama nûgû yacuêxûtûxû na ngêmaâcü pexû nûxû nadauxêêxûcêx na aixcûma wûxi i duûxû i nûxû cuáxû yîxû. ¹⁴ Natürû ngêxguma chi pixâûxâchîwêxegûgu rû togûchi pexaiegu rû norû yexera pegû pixîxêêchaûgu, rû taxuacûma pegûgu perûxînúê na mexûgû rû nûxû cuêxgûxû pixîgûxû. Rû wûxi i dora i taxû nixî i ngêma ega ngêmaâcü pixîgûgu. ¹⁵ Erû ngêma na íxâûxâchîwêxegûxû rû duûxûgûchi na íxaîexû rû norû yexera yîgû na íxîgûxêêchaûxû, rû tama Tupanawa ne naxû, natürû ñoma i naâneçûâxwa rû ngoxo i Chatanâwa nixî i ne naxûxû. ¹⁶ Erû ngextá âûxâchi ítaxûwa rû duûxûgû nûgû írûyexeraxêêchaûxûwa, rû ngema rû taxuûma meã inixû rû nagûxûraûxû i chixexû nangêxma. ¹⁷ Natürû guxâma ya yixema aixcûma tûxû nangêxmaxê i ngêma cuêx i Tupanawa ne ûxû, rû aixcûma meã tamaxê rû guxâmaâ tameçûmagû, rû meã duûxêxû tayauxgû i tûmapatawa, rû meã ítarûxînúê i tûmamücûarû ucuxê, rû guxû i duûxûgû tûxû nangechaûtûmûûgû, rû guxâmaâma tûgû tawûxiguxêêgû, rû tixaixcûmagû, rû mexû taxûgû.

¹⁸ Rū yíxema naxcèx daugúxe na duũxǵü nǵümaã irǵngǵxmǵèxǵü, rǵ wǵxi i mexǵ taxǵü. Erǵ ngǵmawa tá nǵxǵ tadaǵü na aixcǵma meã Tupanacèx namaxèxǵü i ngǵma duũxǵü.

4

Duũxǵü i ñoma i naãneärǵ ngǵchaũcèx daugǵxǵchiga

¹ ¿Tǵxǵcǵü pegǵmaã penuë rǵ pegǵ pedai? Pegǵmaã penuë erǵ pexǵ nangǵxma i ngǵma perǵ ngǵchaũgǵ i chixexǵü. ² Pema pexǵ nangǵchaũ i ngǵma pexǵ taxǵxǵ natǵrǵ taxuacǵma pexǵ nangǵxǵ, rǵ ngǵmacèx peyamèx i togǵ. Rǵ norǵ ngǵmaxǵcèx pixǵũxǵchie natǵrǵ taxuacǵma pexǵ nangǵxǵlega, rǵ ngǵmacèx pegǵmaã penuë, rǵ pegǵ pedai. Rǵ tama penayauxǵü i ngǵma penaxwèxexǵü erǵ tama Tupanana naxcèx peca. ³ Rǵ ngǵxguma naxcèx ípecaxgǵ, rǵ tama penayaxǵ, erǵ naxcèx ípeca i ngǵma tama Tupana pexǵ naxwèxexǵü. Rǵ ngǵma pematama penaxwèxexǵü nixǵ i naxcèx ípeçaxǵ na namaã pegǵtama petaãèxèmarexǵcèx. ⁴ Pa Duũxǵü i Chixri Maxèxǵx, ¿Tama èxna nǵxǵ pecuèx rǵ ngǵxguma ñoma i naãnexǵ pengeçhaũgǵ rǵ Tupanamaã perǵxuwǵnǵxǵ? Erǵ texé ya ñoma i naãnexǵ ngeçhaũxè rǵ Tupanamaã tarǵxuwǵnǵ. ⁵ Rǵ tama natǵcèxma nixǵ i ngǵma Tupanaärǵ ore i ñaxǵ:

“Ngǵma Naãe i Üünexǵü i Tupana tǵxna muxǵ rǵ tǵxǵ ninuxǵ erǵ noxrǵ tixǵ rǵ tǵxǵ nangeçhaũ”,

ñaxǵ. ⁶ Natǵrǵ Tupana rǵ tǵxǵ narǵngǵxèe na namaã iporaexǵcèx i guxǵma i ñoma i naãneärǵ ngǵchaũ i chixexǵü. Rǵ ngǵmacèx norǵ orewa rǵ ñanagǵrǵ:

“Tupana rǵ tǵmamaã nanu ya yíxema tǵgǵ icuèxǵxǵgǵxe, natǵrǵ tǵxǵ narǵngǵxèe ya yíxema tama tǵgǵ icuèxǵxǵgǵxe”,

ñanagǵrǵ. ⁷ Pa Chaueneègǵx, ¡Meã Tupanaga pexǵnǵe! ¡Rǵ nǵxǵ pexoó i ngoxo i Chataná! Rǵ nǵma rǵ tá pexna ñña. ⁸ ¡Tupanana pengaicamagǵ! Rǵ nǵma rǵ tá ta pexna nangaicama. Rǵ pemax, Pa Pecaduãxǵgǵxǵ, ¡nǵxǵ perǵxoe i pecǵma i chixexǵü! Rǵ pemax, i Tupanawe rǵxǵçhaũxè natǵrǵ ñoma i naãnewe rǵ ta rǵxǵçhaũxè, ¡penamexèèx i perǵ maxǵ na Tupanacèxicatama pemaxèxǵcèx! ⁹ ¡Pegǵmaã pengeçhaũgǵ rǵ pexaxe erǵ pipeçaduãxǵ! Rǵ texé ya ñoma i naãneärǵ taãewa cǵgǵxe, rǵ name nixǵ i tǵgǵmaã taxaxe. Rǵ texé ya tǵmacǵma i chixexǵmaã taãexè, rǵ name nixǵ i Tupanapèxewa tǵgǵmaã tangeçhaũ. ¹⁰ Rǵ name nixǵ i Cori ya Tupanapèxegu pecaxǵpǵxǵgǵ rǵ namaã nǵxǵ pixu na taxuwama pimexǵ. Rǵ ngǵxguma i nǵma rǵ tá pexǵ nicuèxǵü rǵ pexǵ nataxèe.

Tama name i chixexǵgu cueneãmaã curǵxǵnǵ

¹¹ Pa Chaueneègǵx, ¡Tǵxǵ i chixexǵmaã pegǵ pixǵgǵxǵ! Erǵ yíxema chixexǵmaã tǵmaeñeèchigagu idexǵxe rǵ èxna chixexǵmaã nǵxǵ dawenǵxè, rǵ chixe nǵxǵ tawogǵ ta i Tupanaärǵ ore. Rǵ ngǵxguma chixexǵgu Tupanaärǵ oremaã curǵxǵnǵgu, rǵ Tupanaärǵ orearǵ yexera cǵgǵ quixǵèèçhaũ erǵ tama aixcǵma naga cǵxǵnǵ. ¹² Tupanaxǵcatama nixǵ ya tǵxna naxǵcǵ i norǵ muǵ rǵ ñuxǵchi tá tǵxna çacǵ rǵ ngoxi naga ixǵnǵe i ngǵma norǵ ore. Rǵ nǵmatama nixǵ i nǵxǵ nangǵxmaxǵ i pora na tǵxǵ namaxèxèèxǵ rǵ èxna tǵxǵ nayuxèèèxǵ. ¿Natǵrǵ texé quǵxǵ i cumax rǵ ngǵmacèx cunangǵgǵxǵ na ñuxǵcǵ namaxǵxǵ i cumǵcǵ?

Taxǵema nǵxǵ tacuèx na ñacǵ tá tǵxǵ ngupetǵxǵ i moxǵärǵ ngunexǵgu

¹³ ¡Choxǵ íperǵxǵnǵe i pema na ñapegǵgǵxǵ:

“Ñuxma rǵ èxna moxǵ tá nái ya ñanewa taxǵ, rǵ wǵxi ya taunecǵ tá ngǵxma tayayaxǵ, rǵ tá ngema tataxegǵ na mucǵ i dǵeru ngǵxǵ iyaxǵxǵcèx”, ñaperǵgǵgǵ! ¹⁴ Pema rǵ tama nǵxǵ pecuèx na ñacǵ tá pexǵ úpetǵxǵ i moxǵ. ¿Ñacǵ nixǵ i perǵ maxǵ? Perǵ maxǵ rǵ ñoma wǵxi i cherena i paxaãchi nǵxǵ idauxǵ rǵ ngǵxgumatama ngupetǵxǵrǵ rǵ tá inayarǵxo. ¹⁵ Rǵ narǵmemaè nixǵ na ñapegǵgǵxǵ:

“Ngǵxguma çhi nanaxwèxegu ya Cori ya Tupana na imaxèxǵ, rǵ çhi tanaxǵü i ñaã puracǵü i nagu rǵxǵnǵèxǵü”, ñapegǵgǵxǵ. ¹⁶ Natǵrǵ i pema rǵ pegǵ picuèxǵgǵçhaũ. Rǵ guxǵma i ngǵma rǵ tama name. ¹⁷ Yíxema nǵxǵ cuǵxe na ñuxǵcǵ Tupanapèxewa meã tamaxǵxǵ, natǵrǵ tama naxǵxe, rǵ pecadu taxǵ.

5

Ucǵxè i dǵeruãxǵgǵxǵcèx

¹ Pa Duũxǵü i Dǵeruãxǵgǵxǵ, ¡perǵxǵnǵe i ñaã ore! ¡Pexaxe rǵ aita pexǵe erǵ chixexǵü tá pexǵ naxǵpetǵ! ² Perǵ ngǵmaxǵgǵ rǵ marǵ nangaue, rǵ ngǵma pexçhuru i mexèchixǵ rǵ nawe nanangǵmǵ. ³ Perǵ uuru rǵ perǵ dǵeru rǵ ngǵxma naxǵãtanǵ rǵ ngǵxma nangaue. Rǵ ngǵma norǵ ãtanǵ rǵ wǵxi i perǵ cuèxruǵ tá nixǵ na pema rǵ tá ta ípeyarǵtauxexǵ ñoma ñacǵ üxǵwa ixaxǵrǵ. Tupana ngǵxǵ nadau i perǵ dǵeru i ngǵmaã penguǵcǵ, rǵ ngǵmacèx tá pexǵ napoxcu i naãneärǵ guxgu. ⁴ Rǵ yema perǵ puracǵtanǵxǵ ga tama meã nǵxǵ

penaxütanüxü, rü ñuxma rü ngĩxcèx nidexagü ga yema díeru ga tama nüxna ngĩxü pexäcü. Rü Tupana ya guxäärü Cori rü ngẽma duüxügüxü naxĩnũ na ngĩxcèx yadexagüxü ga yema díeru ga nüxü ngĩxü pengetanücü ga peanewa na napuracüexüxcèx. ⁵ Rü ñoma i naãnewa rü pegü pengèxäëgü rü pemepata rü pemuärü ngẽmaxüãxgü rü petaãëgü rü meã pechibüe. Natürü nawa tá nangu na ngẽmacèx Tupana tá pexü poxcuexü. ⁶ Rü pema penapoxcue rü penadai i ngẽma duüxügü i taxuüma i chixexü pemaã üchirèxü. Rü nümagü rü pexü narüturamaëgü, rü taxuacüma nügü ñnapoxügü.

Tanaxwèxe i tayumüxè rü meã ñtananguxèè ya Cori ya Tupana

⁷ Rü ñuxma Pa Chaueneëgüx, rü name nixĩ i meã ñpenanguxèè ñuxmatata ñnangu ya Cori ya Tupana. Rü dücax, yixema naãnewa puracüxe rü meã ñtananguxèè ya pucü na naxügüxüxcèx i tümanetü. Rü ñuxüchi ñuxre ya tauemacü ñtananguxèè na nayaxü i tümanetüarü o, rü ngèxguma rü tá tayabuxgü. ⁸ Rü pema rü ta penaxwèxe na meã ñpenanguxèèxü na ñnanguxü ya Cori ya Tupana. ¡Rü petaãëgü, rü täxü i nüxü perüçhauexü na ñpenanguxèèxü! Erü marü ningaica na ñnanguxü ya törü Cori. ⁹ Pa Chaueneëgüx, name nixĩ i nüxü perüxoe na pegüchigaxü pixuechaü na tama ngẽmacèx pexna naçaxüxcèx ya Tupana. Erü marü ningaica na ñnanguxü na duüxügüxü yacagüxüxcèx i norü maxüchiga. ¹⁰ Pa Chaueneëgüx, name nixĩ i nüxna pecuèxächie ga yema nuxcümaügüxü ga Tupanaärü orearü uruügü ga na ñuxäcü yaxna namaã naxĩnüxü ga yexguma ngüxü yangegügu. Rü name nixĩ i pema rü ta ngèxgumarüü yaxna namaã pexĩnüëãma rü Tupanacèx pemaxëãma ega ngüxü pingegügu. ¹¹ Rü yixema nüxü tacuèx na nataãëgüxü ga yema duüxügü ga meã Tupanacèx maxëãmaxü ga yexguma ngüxü nüxü üpetügu. Rü pema nüxü pecuèx ga ñuxäcü meã namaxama ga guma Yox ga yexguma ngüxü nüxü üpetügu. Rü nüxü pecuèx ga yixcama ga na ñuxäcü törü Cori ya Tupana poraäcü nüxü rüngüxèèxü. Erü nüma ya törü Cori ya Tupana rü namecümaxüchi rü poraäcü nüxü tangechaütümütügu. ¹² Rü guxüärü yexera, Pa Chaueneëgüx, rü ngèxguma ñacüxcèx ipexunetagu, rü tama name i Tupanaëgagu ipexuneta, rü èxna ñoma i naãnegagu ipexuneta, rü èxna ñacü i to i naegagu ipexuneta. Natürü ngèxguma aixcüma yixügu i wüxi i ore ¡rü noxtacüma: “Ngü” ñapegü! Rü ngèxguma tama aixcüma yixügu i wüxi i ore ¡rü noxtacüma: “Tama” ñapegü! Rü ngèxguma ya Tupana rü täütãma pexü napoxcue naxcèx i ngẽma perü uneta. ¹³ Rü ngèxguma wüxie i petanüwa naxixächiaëgu, rü name nixĩ na tayumüxèxü. Rü ngèxguma wüxie taãëgu, rü name nixĩ na tawiyaxexü rü Tupanaxü ticuèxüüxü. ¹⁴ Rü ngèxguma wüxie i petanüwa ñdaawexgu, rü name nixĩ i naxcèx peyaca i yaxögüxüärü äëxgacügu na tümacèx nayumüxègüxüxcèx rü Cori ya Tupanaëgagu chixümaã tüxü yangögügüxüxcèx. ¹⁵ Rü ngèxguma aixcüma Tupanaãxü yaxögüäcüma nayumüxègügu, rü tá tümacèx nitaane, rü nüma ya Cori ya Tupana tá tüxü ñnarüdxèè nawa i tümaärü daawe. Rü ngèxguma chi ñacü rü pecadu taxüxgu, rü Tupana tá tüxü nüxü nangechaü. ¹⁶ Rü ngẽmacèx name nixĩ i pegümaã nüxü pixu i perü pecadugü rü pegüxcèx peyumüxègü i wüxiechigü na pexcèx yataaneügüxüxcèx. Rü yima mecü ya yatüarü yumüxè rü aixcüma napora erü Tupana nanangäxü. ¹⁷ Tupanaärü orearü uruü ga Eria nixĩ ga wüxi ga yatü ga taxrüü ixicü. Natürü yexguma nüma guxü ga norü ngüchaümaã nayumüxègu na tama napuxüxcèx, rü tomaëxpüx ga taunecüarü ngäxügu rü tama napu ga yema naãnewa. ¹⁸ Natürü yemawena rü wenaxärü nayumüxè ga Eria rü pucüxcèx ñnaca. Rü wenaxärü napu. Rü narüxü ga guxüma ga nanetügü. ¹⁹ Pa Chaueneëgüx, ngèxguma chi texé petanüwa Tupanana ixügachigu, rü tangèxmagu ya wüxie ya tüxü taeguxèèxè na wenaxärü Tupanawe tarüxüxüxcèx, rü mexü taxü. ²⁰ Erü ngèxguma texé Tupanacèx nataeguxèègu i wüxi i duüxü nüxna i norü chixexü, rü tümagagu Tupana tá nanamaxèè i ngẽma duüxü, rü tá nüxü nüxü nangechaü i norü pecadugü.

Rü nüãma pexna,
Chaütiágu

NÜXĪRAÜXÜ GA POPERA GA PEDRU ÜMATÜXÜ

Pedru nüxü narümoxë ga yema yaxögüxü ga to ga nachüüānegu woonexü

¹ Pa Chaueneëgüx, choma i Pedru nixi i pexcëx chanaxümatüxü i ñaā popera. Rü choma nixi i Ngechuchu ya Cristu choxü muxü na duüxügümaa nüxü chixuxücëx i norü ore. Rü pexcëx chanaxümatü i pema na perü naānena to i nachüüānegügu penawoonexü i Pötuanea rü Gáratanaanewa rü Capadochíaanewa rü Áchiaanewa rü Bitíniāānewa ngëxmagüxe. ² Rü pexü nixi ga nadexü ga Tanatü ya Tupana, yerü woetama yema nixi ga nuxcümáxüchima nagu naxüñüxü. Rü nanamu ga Naāe i Üünexü na pexü yamexëëgüxücëx na aixcüma napëxewa pixüünegüxücëx rü Ngechuchu ya Cristuga na pexüñüëxücëx rü nagümaa na piyaxügüxücëx na nataxüxücëx i perü chixexügü. Rü chanaxwëxe i Tanatü ya Tupana poraäcü pexü narüngüxëë rü pexü nataäexëë.

Ítananguxëë na wena tá imaxëxü

³ jRü ngüxā nüxü ticüxüdügü ya Tupana ya tóru Cori ya Ngechuchu ya Cristu Nanatü! Yerü yexguma Ngechuchu ya Cristuxü wena namaxëëgu, rü tüxna nanaxā ga maxü ga yexwacaxüxü, yerü poraäcü nüxü tangechaütümüdügü. Rü ngëmacëx i ñuxma i yixema rü ta ítananguxëë na wena tá imaxëxü. ⁴ Rü pema rü wüxi i ngunexügu rü aixcüma tá penayauxgü i guxüma i ngëma mexüdügü i Tupana tá pexna äxü i ñuxma daxügüxü i naānegu pexü namaā nanguxüxü. Rü ngëma tá pexna naxāxü rü tagütáma inayarüxo, rü tagütáma naxāüächi, rü tagütáma nangau. ⁵ Rü ñuxma na Tupanaaxü peyaxögüxü rü nüma rü norü poramaā tá pexna nadau ñuxmatáta aixcüma penayauxgü i ngëma maxü i taguma güxü i tá pexna naxāxü i ngëxguma naguxgu i naāne. ⁶ Rü ngëmacëx name nixi i poraäcü petaāëgü, rü nüetama nixi ega woo ñuxma ñaā perü maxüwa rü paxaxāchi muxüma i guxchaxüdü pexü üpetügu. ⁷ Erü ngëmaäcü nixi i pexü naxüxü ya Tupana na nüxü nacüaxücëx rü ngoxi aixcüma peyaxögü rü éxna tama. Rü ngëxguma peyaxögüamagu ega woo guxchaxüdü pexcëx inguxgu, rü ngëma perü ö rü wüxi i uiruarü yexera nixi na namexü erü ngëma uiru rü woo namexëchi natürü düxwa nangau. Rü ngëma uiru rü üxümaa nüxü taxü na nüxü icuaxücëx rü ngoxi aixcüma uiruxüchi yüxü. Rü ngëxgumarüü ta nixi i perü ö na guxchaxüdümaa Tupana nüxü üxü na nüxü nacüaxücëx rü ngoxi aixcüma nüxü peyaxögü na yixcama pexü yacuëxüxücëx rü mexü i pechica pexna naxāxücëx rü pemaā nataäëxücëx i ngëxguma wena nüma naxüxgu ya Ngechuchu ya Cristu. ⁸⁻⁹ Pema rü Ngechuchu ya Cristuxü pengechaügü woo taguma nüxü na pedaugüxü. Rü ñuxma rü ta woo tama nüxü pedaugü, natürü nüxü peyaxögü, rü poraäcü petaāëgü. Rü ngëma perü taāëmaa rü taxuacüma nüxü pixuéga na ñuxäcü petaäëgüxüchixü, erü marü penayauxgü i perü maxü i taguma güxü. Rü ngëmacëx nixi i nüxü peyaxögüxü. ¹⁰ Rü nuxcümáxüchima ga Tupanaärü orearü uruüdü, rü nüxü nixügüe ga na ñuxäcü tá Tupana pexü narüngüxëëxü. Rü nümagü rü poraäcü nangüe rü naxcëx nadaugü i ngëma maxü i taguma güxü. ¹¹ Rü nümagü ga yema orearü uruüdü rü Tupanaärü poperawa nangüe na nüxü nacüëxgüxücëx na ñuxäcü tá na yüxü rü ñuxguacü tá na nangóxü ga guma Maxëxëëruü ga Cristu. Rü Cristuāe i Üünexü ga yema orearü uruüdüwa yexmaxü, rü nüxü nüxü nacüëxëë ga na Cristu rü tá ngüxü yangexü rü tá nayuxü rü yixcama rü wena tá na namaxüxü rü ñuxüchi daxügüxü i naānewa tá na naxüxü na guxüärü äëxgacü yüxücëx. ¹² Natürü Tupana rü yema nuxcümáxügüxü ga orearü uruüdüxü nüxü nacüëxëë na tãütáma nümagü nüxü nadaugüxü ga guma Maxëxëëruü ga naxcëx nadaugüxü, natürü pema tá yüxü na nüxü pedaugüxü. Rü dücax, Pa Chaueneëgüx, gumatama Maxëxëëruüchiga nixi ga perü orearü uruüdü pemaā nüxü ixugügüxü ga yexguma Tupanaāe i Üünexü ga daxüwa ne muxü yadexagüxëëgu. Rü guxüma i ngëma ore i yima Maxëxëëruüchiga, rü woo Tupanaärü orearü ngeruüdü i daxücüäx rü nüxü nangüchaügü na yexeraäcü nüxü nacüëxgüxü.

Tupana rü taxcëx naca na napëxewa naxüüñexücëx i tóru maxü

¹³ Rü ñuxma na Cristuarü duüxüdügü pixügüxü, rü penaxwëxe na pexuäëgüxü rü ípememarexü na penaxüxü i norü ngüchaü. Rü name nixi i aixcüma meā ípenanguxëë i guxüma i ngëma mexüdügü i Tupana tá pexna äxü i ngëxguma Ngechuchu ya Cristu nüma üxgu. ¹⁴ Rü ñuxma na Tupanaxäcügü pixügüxü, rü penaxwëxe na aixcüma naga pexüñüxü. Rü tama name i nagu pexi ga yema nuxcümáxü ga perü ngüchaü ga üpa nagu pexüxü ga yexguma tauta Tupanaxü pecüëxgu. ¹⁵ Natürü penaxwëxe i aixcüma meā pemaxë na Tupanapëxewa naxüüñexücëx i perü maxü. Erü nüma ya Tupana ya pexü decü, rü naxüüne. ¹⁶ Rü norü ore i ümatüxüwa rü ñanagürü: “Chanaxwëxe i chauxrüü pixüüne, erü choma rü chaxüüne”,

ya Tupana pexü dextü na norü ngüxëeruügu pixigüxcëx. Rü pema nixi i duüxügu i napëxewa ixüünexü erü nümatama ya Tupana rü norü duüxüguü pexü nixigüxëe na nüxü pixuxüxcëx i norü ore i aixcüma mexëchixü. Rü nümatama ya Tupana nixi ga chixexüwa pexü inanguxüxëxü na norü ngóonexü i mexëchixügu pechocuxüxcëx. ¹⁰ Rü üpa ga pema rü tama Tupanaärü duüxügu pixigü, natürü i ñuxma rü aixcüma norü duüxügu pixigü. Rü üpa rü taxüeaxüma pengechaütümüügü, natürü i ñuxma rü Tupanaaxü pengechaütümüügü.

Ñuxma na Tupanaärü duüxügu pixigüxü, rü name nixi i meä naxcëx pemaxë

¹¹ Pa Chaueneëgu ya Pexü Changechaügüxex, rü ñuxma na Tupanaärü duüxügu pixigüxü, rü tama ñoma i naäncëüax pixigü. Rü ngëmacëx pexü chacëxü na nüxü perüxoexüxcëx i guxüma i ngëma ngüchaügü i chixexü i ñoma i naäncëüax nagu ixü. Erü ngëma ngüchaügü i chixexü rü taäxü chixexügu nanguxëëchaü. ¹² Rü name nixi i meä pemaxë napëxewa i ngëma duüxügu i tama Tupanaxü cuëxgüxü. Rü ngëxguma woo poraäcü chixri pechiga yadexagügu i nümagü, rü tá nüxü nadaugü na ñuxäcü mexü pexügüxü, rü tá Tupanaxü nicuëxüügü i ngëxguma Cristu wena núma üxgu. ¹³ Rü name nixi na törü Cori ya Ngechuchugaga tümaga pexinüexü ya guxäma ya yixema perü äëxgacügü ixigüxe. Rü ngëmaäcü name nixi i meä naga pexinüë ya äëxgacü ya tacü ya Dumawa ngëxmacü, erü nüma nixi i guxü i togü i äëxgacügüerüwa nangëxmaxü. ¹⁴ Rü ngëxgumarüü ta name nixi i naga pexinüë i ngëma togü i äëxgacügü i petanüwa namugüxü ya yima äëxgacü ya tacü na napoxcueäxüxcëx i ngëma chixexü ügüxü rü namaä nataäëgüxüxcëx i ngëma mexü ügüxü. ¹⁵ Erü Tupana nanaxwëxe na mexü pexügüxü na ngëmaäcü ipyanangeëxgüxëxüxcëx i ngëma duüxügu i tama Tupanaärü orexü cuäxchaügüxü rü chixri ngëma orechiga idex-agüxü. ¹⁶ Rü ñuxma na Cristu pexü inguxüxëxü, rü name nixi i duüxügu i aixcüma inguxüxüerüüäcü meä pemaxë. Natürü ñuxma na ipenguxüxü rü tama name na ngëmamaä pegü ipexoxüxü na tacü rü chixexü pexügüxcëx. Erü ñuxma na Tupanaärü duüxügu pixigüxü, rü name nixi i norü ngüchaüxcatama pexügü. ¹⁷ Rü name nixi i meä penayauxgu i guxüma i duüxügu. ¡Rü nüxü pengechaü i taeneëgu i yaxögüxü! ¡Rü nüxü pemuë ya Tupana! ¡Rü naga pexinüë ya äëxgacü ya tacü ya Dumacüäx!

Tanaxwëxe i Cristurüü yaxna namaä taxinüë i ngëxguma ngüxü ingegügu

¹⁸ Pa Duüxügu i Coriäxgüxüx, ¡rü nüxü pengechaügü rü naga pexinüë i perü corigü! Rü tama name i ngëma perü corigü i pemaä mecümaxüxüxcatama pengechaügü, natürü name nixi i nüxü pengechaügü ta i ngëma perü corigü i chixecümaxü. ¹⁹ Erü Tupana rü pemaä nataäë ega nüxü na pengechaügüxcëx yaxna namaä pexinüëgu i ngëxguma texë natücxëmamare chixexü pemaä üxgu rü ngüxü pexü tingexëëgu. ²⁰ Natürü çacüwa pexü namexü ega yaxna namaä pexinüëgu i ngëxguma wüxi i perü chixexüxcëx pepoxcuegu? Natürü ngëxguma tacü rü mexü i pexüüagagu ngüxü pingegügu rü yaxna namaä pexinüëgu, rü ngëma waxi nixi i Tupanapëxewa mexü. ²¹ Rü ngëma na mexü pexüüagagu ngüxü pingegüxcëx nixi i Tupana pexü dextü. Yerü ga Cristu rü ta pexcëx ngüxü ninge. Rü yemaäcü pexü nüxü nadauxëe na ñuxäcü nüma nanaxwëxexü na naxrüü yaxna namaä pexinüëxü i ngëma ngüxü. ²² Nüma ga Cristu rü taguma pecadu naxü, rü taguma texëxü nawomüxëe. ²³ Rü yexguma duüxügu chixexü namaä ixugüegu, rü nüma rü taxuüma ga chixexümaä nanangäxü. Rü yexguma ngüxü nüxü yangexëëgügu, rü nüma rü tama tacü rü chixexümaä nanaxüüxne. Natürü Tupanamaä nüxü nixu na nüma namaä namexëäxüxcëx ga yema duüxügu ga chixri namaä chopetüxü. Yerü nüxü nacuëx rü Tupana rü aixcüma meä nanangugü i guxüma i duüxüguärü maxü. ²⁴ Rü nümatama ga Cristu rü nügüxünegu nayange ga törü pecadugü ga yexguma curuchagu nayüxgu. Rü yemaäcü nanaxü na nüxü rüxoexüxcëx i törü chixexü na naxcëxcatama imaxëxüxcëx. Nüma rü pexcëx nanapix na yemaäcü pexü nameëxëxüxcëx. ²⁵ Rü pema ga üpa rü ñoma carnerugü i nu ne naximarexüüü pixigü. Natürü i ñuxma rü marü Cristucëx pewoegu. Rü nüma nixi i perü dauruü yüüxü, rü nüma nixi i pexna nadauxü.

3

Ñuxäcü Tupana nanaxwëxe na namaxëxü i ngëma ixämaxü rü ixätëxü

¹⁻² Rü pemax, Pa Ngëxügüx, rü name nixi i petega pexinüë na ngëma pete i tama yaxöxü nüxü dauxüxcëx i perü maxü i mexü i Tupanapëxewa rü duüxügüpëxewa rü ngëmacëx na yaxöxüxcëx woo taxuüma i Tupanaärü orexü namaä pixugu. ³ Rü ngëma na aixcüma pimexüxcëx, rü tama name i nagu perüxinüë na ñuxäcü pegü pemexëyaexüchixü, rü éxna uirunaxcëx i ngëxäëruümaä pengëxäëgüxü, rü éxna tatanüxüchixü i naxchirugu na picüxgüxü. ⁴ Natürü name nixi i perü maxüwa pegü pimexëëgu rü guxüma i duüxügümaä pimecümagü rü taguma texëmaä penuäëgü, erü ngëma nixi i perü mexü i taguma iyarüxoü i aixcüma mexü i Tupanapëxewa. ⁵ Rü yemaäcü norü maxü i mexümaä nixi ga nügü

yangèxãægũxũ ga yema nuxcũmaũgũxũ ga ngexũgũ ga Tupanapẽxewa ixũunexũ. Rũ nũmagũ rũ Tupanaãxũ nayaxõgũ rũ natega naxĩnũ. ⁶ Rũ yemaãcũ ta iyixĩ ga Chara ga ngĩte ga Abrãũga na naxĩnũxũ, rũ ngĩrũ corimaã naxuaxũ. Rũ pemagũ rũ tá ta ngĩrũũ pixĩgũ ega mexũ pexũgũgu. Rũ ñuxũchi taxucẽxtãma tũxcũũ petecẽx pemuũ. ⁷ Rũ ngẽxgumarũũ ta i pemax, Pa Yatũgũx, rũ name nixĩ i meã pemẽxũ pengechaũgũ rũ aixcũma yaxna ngĩmaã pexĩnũ, erũ ngĩma rũ irũturamaẽ. Rũ name nixĩ i ngĩmaã petaãgũ erũ Tupana rũ pexna naxããxũrũũ ngĩxna nanaxã i ngẽma maxũ i taguma gũxũ. Rũ name nixĩ i ngẽmaãcũ meã ngĩmaã pemaxẽ na Tupana nũxũ ñnũxũcẽx i perũ yumũxẽgũ.

Yixema mexũ ùgũxe ya ngũxũ ingegũxechiga

⁸ Rũ ngẽmaãcũ chanaxwẽxe i guxãma i pema rũ pegũxũ pengechaũtũmũũgũ rũ wũxĩgu perũxĩnũ, rũ aixcũma nũxũ pengechaũgũ i guxũma i taeneẽgũ i yaxõgũxũ. Rũ chanaxwẽxe i aixcũma pemecũmagũ rũ guxãmaã pegũ pewũxĩgũxẽ. ⁹ Rũ ngẽxguma texẽ chixexũ pemaã ùxgu, rũ tama name i pema rũ ta chixexũ tũmamaã pexũ. Rũ ngẽxguma texẽ pemaã guxchigagu, rũ tama name i pema rũ ta tũmamaã peguxchiga. Natũrũ narũmemaẽ nixĩ i mexũ i oremaã tũxũ pengãxũga rũ tũxũ perũngũxẽ, erũ Tupana pexũ nadei na pexũ nangũxẽxũcẽx. ¹⁰ Erũ Tupanaãrũ ore i ùmatũxũwa rũ ñanagũrũ:

“Ngẽxguma texẽ taãẽãcũma maxchaũgu, rũ name nixĩ i nũxna tadau ya tũmaãrũ conũ na tama chixexũ i oremaã yadeaxũcẽx. Rũ ngẽxgumarũũ ta name nixĩ i nũxna tadau i tũmaãx na tama doraxũ yaxuxũcẽx. ¹¹ Rũ name nixĩ i nũxna tayaxũ i guxũma i chixexũgũ, rũ mexũ taxũ. Rũ ngẽxgumarũũ ta name nixĩ i guxũguma naxcẽx tadau na togũmaã tataãxũ. ¹² Erũ tũrũ Cori rũ tũxna nadau ya yixema aixcũma ìmexẽ, rũ nũxũ naxĩnũ i tũmaãrũ yumũxẽ. Natũrũ tũmamaã nanu ya yixema chixexũ ùgũxe”, ñanagũrũ i ngẽma Tupanaãrũ ore. ¹³ Rũ texẽ tá chixexũ pemaã ùxũ ega pema rũ aixcũma guxũguma mexũ pexũgũgu? ¹⁴ Natũrũ ngẽxguma chi ngẽma mexũ na pexũgũxũcẽx ngũxũ pingegũgu, rũ name nixĩ i petaãgũ. Rũ taxucẽxma texẽxũ pemuũ, rũ taxucẽxma ãacũcẽx pexoegaãgũ! ¹⁵ Rũ name nixĩ i perũ Corixũ peyaxĩxẽẽ ya Cristu rũ aixcũma naga pexĩnũ, rũ guxũguma ìpememare na meã penangãxũxũcẽx i guxũma i duũxũgũ i pexna çaxũ na tũxcũũ Cristuaxũ peyaxõgũxũ. ¹⁶ Natũrũ name nixĩ i nũxũ pengechaũãcũma penangãxũ rũ tama pegũgu perũxĩnũãcũma na norũ yexera pixĩgũxũ. Rũ name nixĩ i meã pemaxẽ na taxucẽxma pexoegaãxũcẽx. Rũ ngẽxguma ngẽmaãcũ pemaxẽgu rũ tá naxãneẽ i ngẽma duũxũgũ i chixri pechiga idexagũxũ na ñuxãcũ Cristucẽx pemaxẽxũ. ¹⁷ Yixema rũ ngũxũ tingegũ ega chixexũ ixũgũgu. Natũrũ narũmemaẽ nixĩ na mexũ ixũgũxũcẽx ngũxũ na ingegũxũ, ega ngẽmaãcũ Tupana naxwẽxegu. ¹⁸ Yerũ nũmatama ga Cristu rũ ngũxũ ninge, rũ wũxicanatama guxããrũ pecaducẽx nayu. Rũ woo na mecũ yĩxũ rũ taxcẽx nayu i yixema i chixexũ i duũxũgũ ixũgũxũ. Rũ yemaãcũ nanaxũ na Tupanaxũtama tũxũ nagagũxũcẽx. Rũ woo nayu ga naxũne, natũrũ ga naãẽ rũ tama nayu. ¹⁹ Rũ yexguma naxũne yuxgu rũ naãẽ rũ natanũwa naxũ ga yema naãgũgu ga Tupana poxcuexũ, rũ orexũ namaã nayarũxu. ²⁰ Rũ yema naãgũgu ga yexma poxcuexũ, rũ yema nixĩ ga naãgũgu ga yema duũxũgũ ga Noẽ maxũgu tama ixĩnũãchaũxũ woo Tupana yaxna namaã naxĩnũ ga yexguma Noẽ naxũyane ga guma wapuru. Rũ 8 ga duũxũgũxũcãtama nixĩ ga guma wapuruگو ichõũxũ, rũ yema nixĩ ga guma mucũ ga taxũchicũarũ dexããtũwa maxẽxũ. ²¹ Rũ yema dexã rũ wũxĩ ga cuẽxruũ nixĩ. Erũ ngẽxguma dexãwa ìbaiegu, rũ duũxũgũxũ nũxũ tacuẽxẽ na Ngechuchu ya Cristu wena maxũxũgagu yĩxũ i tũxũ nangẽxmaxũ i maxũ i taguma gũxũ. Rũ tama taxũneãrũ dũxãtũwa na imexũcẽx nixĩ i ìbaieũ, natũrũ ìbaie yerũ marũ Tupanana naxcẽx taca na tũxũ ìyanaxõxẽãxũcẽx ga tũrũ pecadugũ na aixcũma napẽxewa imexũcẽx rũ aixcũma mexũgu rũxĩnũxũcẽx. ²² Rũ nũma ga Ngechuchu ya Cristu, rũ daxũgũxũ i naãnewa naxũ, rũ ñuxma rũ Tupanaãrũ tũgũnecũwawa nangẽxma. Rũ ñuxma rũ namẽxwa nangẽxmagũ i guxũma i Tupanaãrũ orearũ ngerũgũ i daxũcũãx rũ guxũma i ãẽxgacũgũ i daxũcũãx.

4

Tanaxwẽxe i ngẽma cuẽx i Tupana tũxna ãxũmaã nũxũ tarũngũxẽẽ i taeneẽgũ

¹⁻² Rũ ngẽmacẽx name nixĩ na ìpememarexũ na ngũxũ pingegũxũ yexgumarũũ ga Cristu na ngũxũ yangexũ. Erũ yixema ngũxũ ingexe rũ marũ nũxũ tarũxo i tũmaãrũ pecadu na guxũguma meã Tupana naxwẽxexũãcũma tamaxũxũcẽx, rũ tama i tũmaxũne naxwẽxexũãcũma na tamaxũxũcẽx. ³ Ũpa ga pemax, rũ mucũma ga tauncẽ penaxũecha i ngẽma chixexũ i ñuxma i ngẽma duũxũgũ i tama Tupanaxũ cuẽxgũxũ ùgũxũ. Rũ yexguma ga pema rũ pecadu pexũgũãcũma pemaxẽ, rũ penaxũ ga pexeneãrũ ngũchaũ, rũ pengãxẽ, rũ peta ga nawa pexãũgatanũxũ pexũgũ, rũ ãacũ i ngũchiẽxgũxũ porããcũ pixaxcugũ, rũ tupananetachicũnẽãgũxũ picuẽxũgũ i woo Tupana na pexna nachuxuxũ i ngẽma. ⁴ Rũ yema duũxũgũ ga namaã pexãmũcũgũxũ ga yexguma chixri pemaxẽgu, rũ ñuxma rũ porããcũ nagu narũxĩnũẽ na ãacũcẽx tama natanũgu pexãgũxũ rũ tama nawe perũxĩxũ i

ngëxguma norü chixexü naxügügu. Rü ngëmacëx nixî i ñuxma i chixri pechiga yadexagüxü. ⁵ Natürü nümagü rü tá ta Cristupëxewa nangugü na namaã nüxü yaxugüxcëx na ñuxacü namaxëxü. Rü nüma ya Cristu rü inamemare na nüxna yacachigüxcëx i guxüma i duüxügü i maxëxü rü yuexü. ⁶ Rü ngëmacëx ya Tupana rü naxüpa na nayuexü i duüxügü rü marü nüxna nanaxuaxü i maxü i taguma güxü. Erü nanaxwëxe na naxrüü güxügüma mexüwa namaxëëchaxü ega woo ñoma i naãnewa nayuegu i naxünegü. ⁷ Rü marü ñingaica na nagüxü i ñoma i naãne rü guxüma i tacü i nawa ngëxmaxü. Rü ngëmacëx name nixî na ipexuãëxü rü meã peãe ta ipexügüxü rü guxügüma peyumüxëgüxü. ⁸ Rü guxüärü yexera i ngëma pexü chanaxwëxexü nixî na aixcüma pegü pengechaügüxü i wüxichigü. Erü ngëxguma aixcüma yigü ingechaügü rü ngëmaacü inayarüxo i muxüma i pecadugü. ⁹ jRü meã pegü peyaxugü i wüxichigü i pechiüwa! Rü tama name i tümamaã penuãëacüma tüxü peyaxu. ¹⁰ Rü wüxichigü i pemax, rü Tupana pexna nanaxã i perü cuëx. Rü ngëma perü cuëxmaã rü name nixî i wüxichigü pegü perüngüxëëgü, na aixcüma Tupanaärü ngüxëerüü i mexü na pixigüxcëx rü meã namaã pepuracüxëxcëx i guxüma i ngëma cuëx i Tupana pexna äxü. ¹¹ Rü ngëxguma texë nüxü ixuxgu i ore, rü name nixî i aixcüma Tupanaärü orexü tixu. Rü ngëxguma texë togüxü rüngüxëëgu, rü name nixî i Tupana tüxna äxü i poramaã tanaxü. Rü guxüma i ngëma pexüxü rü name nixî i meãma penaxü na ngëmaacü Ngechuchu ya Cristugagu Tupanaxü picüxëüügüxüxcëx. Erü nüma ya Tupana rü guxügüma namexëchi rü naporaxüchi. Rü ngëmaacü yîi.

Ngëxguma Cristuaxü yaxõxgu rü ngüxü tinge

¹² Pa Chaueneëgü ya Pexü Changechaügüxex, ñuxma na taxü i guxchaxügü i perü ngxëerüü pexcëx ingüxü, jrü täxü i pebaixächiaëgüxü, ñoma tacü i taguma nüxü pedauxü ngupetüxürrüü! ¹³ Natürü narümemaë nixî na petaaëgüamaxü, yerü yema Cristu ngüxü na ingexürrüü nixî i ngüxü na pingegüxü i ñuxmax na petaaëgüxcëx i ngëxguma wena nüma naxüxgu i nümax. ¹⁴ Rü ngëxguma Cristuaxü na peyaxögüxügügu texë pemaã guxchigagu, rü wüxi i perü taãe nixî i ngëma. Erü ngëmaacü nüxü pecuëx na Tupanaãe i Üünexü rü pewa na nangëxmaxü. ¹⁵ Rü ngëxguma chi ngüxü pingegügu, rü name nixî na wüxi i mexü na pexügüxügügu na yîixü rü tama wüxi i chixexügügu na yîixü, ngëxgumarüü i mäeta rü ëxna ngitëex rü ëxna togüarü guxchaxüwa na pegü pengëxmagüxëëxü. ¹⁶ Natürü ngëxguma texë Cristuaxü tayaxõxügügu ngüxü tingexgu, rü taxucëxma tüxcüü ngëmacëx taxãne. Rü name i ngëmacëx Tupanaxü ticüxüü. ¹⁷ Rü ñuxma rü marü nawa nangu na Tupana ngüxü tüxü ingexëëxü na ngëmaacü tüxü iyanawëxächixëëxüxcëx i yixema na naxacügü ixigüxü. Rü ngëxguma ngëmaacü tamaã inaxügüagu, rü jñuxacü tá nüxü naxüpetü i ngëma duüxügü i tama Tupanaärü ore i mexüga inüëchaüxü? ¹⁸ Erü Tupanaärü ore i ümatüxüwa rü ñanagürü: "Ngëma duüxügü i mexü ügüxü rü guxchaacüma nanayauxgü i maxü i taguma güxü. Rü ñuxma na ngëmaacü yîixü, jrü ñuxacü tá nüxü nangupetüxü i ngëma duüxügü i chixexü ügüxü rü pecaduãgüxü?" ñanagürü. ¹⁹ Rü ngëmacëx ya yixema Tupana naxwëxexüacüma ngüxü ingegüxe, rü name nixî na mexü taxügüechaxü rü Tupana ya tüxü ücümëxëgu na tanaxüxü i tümaaë na nüxna tüxü nadauxüxcëx. Erü nüma ya Tupana rü mecü nixî rü taguma texëxü nawomüxëë.

5

Ucuxëgü naxcëx i ngëma yaxögüxü

¹ Rü ñuxmax, Pa Yaxögüxüärü Äëxgacügüx, rü pexna chanaxãxchaü i wüxi i ucuxë i mexü, erü choma rü ta pexrüü yaxögüxüärü äëxgacü chixî. Rü chomaxüchima nixî ga nüxü chadauxü ga ñuxacü ngüxü na yangexü ga Cristu. Rü choma rü tá ta pexrüü choxü nangëxma i chauchica i mexü i ngëxguma wena nüma naxüxgu. ² Rü chanaxwëxe i nüxna pedau rü nüxü perüngüxëë i guxüma i Tupanaärü duüxügü i pemëxwa ngëxmagüxü. Rü name i mexü i perü ngüchaümaã Tupana naxwëxexüacüma penaxü i ngëma puracü, rü tama texë pexü muxgüxica penaxü rü ëxna diërucëx penaxü. ³ Rü tama name i namaã penuëacüma rü penangaacüma penamu i ngëma duüxügü. Natürü chanaxwëxe i mexü i perü maxü nüxü pewëx na ñuxacü Tupana naxwëxexü na namaxëxü. ⁴ Rü ngëxguma wena nüma naxüxgu ya törü Dauruüxüchi ya Cristu, rü pema rü tá penayauxgü i wüxi i perü ämare i ngëxuerüü i mexëchixü i taguma ngauxü. ⁵ Rü ngëxgumarüü ta i pemax, Pa Ngextüxcügüx, rü name nixî i naga pexinüë i ngëma perü äëxgacügü i Tupanaärü puracüwa puracüxëxü. Rü guxãma i pema i yaxögüxü, rü name nixî i wüxichigü pegü perüngüxëë rü taguma pegügu perüxinüë na pemücügüarü yexera pixigüxü. Erü Tupanaärü ore i ümatüxüwa rü ñanagürü: "Tupana rü tama norü me nixî i ngëma duüxügü i nügü icuëxüxügüxü. Natürü nüxü narüngüxëë rü namaã namecüma i ngëma duüxügü i tama nügü icuëxüxügüxü",

ñanagürü i ngēma ore. ⁶ Rū ngēmacèx tama name i pegü picuèxüxü. Rū narümemaie i Tupanamèxè ya poranetüxüwa pegü pengèxmagüxèè na nūma pexü yacuèxüxügüxüçèx i ngèxguma nawa nanguxgu na ngēmaäcü pemaã naxüãxü. ⁷ Rū name nixi i Tupanamèxègu penaxü i guxüma i perü oegaãègü, erü nūma ya Tupana rü guxüguma pegu narüxüñü rü aixcüma pexna nadau. ⁸ Rū name nixi i guxüguma pegüna pedaugü rü ipexuãègü, erü perü uwanü i Chataná rü doma wüxi ya ai ya idüraxüchicürüü nanañaane rü tümacèx nadau na texèxü tá nachixexèèxü. ⁹ Rū peporaeamèx rü peyaxögüamèx i ngèxguma tacü rü chixexü pemaã naxüchaügu! Erü nüxü pecuèx rü guxüma i taeneègü i guxüwama ngèxmagüxü rü pexrüü ngēmatama ngüxü ningegü. ¹⁰ Natürü ngèxguma paxaxächi ñoma i naãnewa ngüxü pingegüguwena, rü Tupana rü tá pexü nimexèè na aixcüma napèxewa pimexüçèx, rü tá pexü narüngüxèè na taguma nüxü perüxoexüçèx, rü tá pexü naporaexèè na aixcüma perü maxüwa peporaexüçèx. Rū daatama Tupana nixi ya tüxna naxäcü i guxüma i mexü i tüxü ngèxmaxü, rü tüxü deicü na naxütawa tüxü nangèxmaxüçèx i tachica i mexü i taguma güxü, erü Ngechuchu ya Cristuarü duüxügü tixigü. ¹¹ Rū name nixi i guxüguma nüxü ticuèxüügü ya Tupana, erü nūma nixi i guxüärü äèxgacü yixü i guxüguma. Rū ngēmaäcü yiï.

Pedru rü yema yaxögüxüxü narümoxè

¹² Taeneè ya Chiribánu ya meã yaxöcümaã petanüwa chanamu i ñaã nuxmarexü i popera na pexü chixucüxègüxüçèx rü pemaã nüxü chixuxüçèx na ngēma pexü nangechaüxügagu yixü ya Tupana i aixcüma pexü nangüxèèxü. Rū ñuxma na ngēmaäcü pexü nangechaüxü, rü name nixi i guxüguma naxcèx pemaxè. ¹³ Rū pexü narümoxègü i guxüma i taeneègü i yaxögüxü i pexrüü Tupana dexü i nūma Dumawa ngèxmagüxü. Rū ngèxgumarüü ta pexü narümoxè i chorü ngüxèèruü i Marcu ya chaunerüü ixicü. ¹⁴ Rū chanaxwèxe i wüxichigü i pema rü pegü pengechaügüäcüma pegü perümoxègü. Rū ngèxgumarüü ta chanaxwèxe na aixcüma petaãègüxü i guxäma i pema na Ngechuchu ya Cristuarü duüxügü pixigüxü. Rū ngēmaäcü yiï.

Rü nuãma pexna,
Pedru

NORÜ TAXRE GA POPERA GA PEDRU ÜMATÜXÜ

Pedru nüxü narümoxë ga yema yaxöglüxü

¹ Pa Chaueneëgüx, choma i Chimäu i Pedru nixi i pexcëx chanaxümatüxü i ñaã popera. Rü choma rü Ngechuchu ya Cristuarü ngüëëruü chixi, rü nüma nixi ga choxü namuxü na nüxü chixuxüxcëx i norü ore. Rü pexcëx chanaxümatü i pema na toxrüü aixcüma peyaxögüxü, erü törü Tupana rü törü Maxëëëruü ya Ngechuchu ya Cristu rü aixcüma nimexëchi. ² Rü ñuxma na Tanatü ya Tupanaxü pecuáxü rü törü Cori ya Ngechuchuxü pecuáxü, rü chanaxwëxe i nümagü aixcüma pemaã namecüma rü aixcüma pexü nataëëë.

Yaxögüxcümagüchiga

³ Rü Tupana rü noxrütama poramaã marü tüxna nanaxã ga guxüma i ngëma nacüma i mexü i inaxwëxëxü na aixcüma meã naxcëx imaxëxüxcëx. Rü yemaäcü nanaxü ga yexguma tüxü nüxü nacuëxëëgu ga guma törü Cori ya mexëchicü ga norü poramaã tüxü decü. ⁴ Rü yematama norü poramaã tüxna nanaxã ga guxüma ga norü ngüëë i mexëchixü ga inaxunetaxü na naxrüü pimexüxcëx rü nüxna pixigachixüxcëx i guxüma i chixexügü i duüxügüarü ngüchaü i chixexügagu ñoma i nañewa ngëxmaxü. ⁵ Rü ngëmacëx penaxwëxëgü na pegü peporaëëëxü na yexeracü peyaxögüxü rü meã togüpëxewa pemaxëxü. Rü ñuxuchi name na meãma nüxü pecuáxü na tacü yüxü i Tupana pexü naxwëxëxü. ⁶ Rü ngëxgumarüü ta penaxwëxëgü na meã pegümaã ipecuáxü na tama chixexügu peyixüxcëx. Rü ñuxuchi name na yaxna pegümaã pexinüëxü. Rü ngëxgumarüü ta name na aixcüma Tupanaxü pengechaügüxü. ⁷ Rü ñuxuchi penaxwëxëgü na pegü pengechaügüxü ya guxãma i pemax. Rü ngëxgumarüü ta name na guxüma i duüxügüxü pengechaügüxü. ⁸ Rü ngëxguma aixcüma ngëma pexü chaxucuxëxüäcüma pemaxëgu, rü täütáma natüxcëma nixi i perü maxü, rü täütáma natüxcëma nixi na nüxü pecuáxü ya törü Cori ya Ngechuchu ya Cristu. ⁹ Natürü yixema tama ngëma pexü chaxucuxëxüäcüma maxüxë, rü ñoma tangexetüxü rü tixi. Rü ñoma wüxi i duüxü i tama nagu rüxinüxü i ngëma yixcürä tá nüxü ngupetüxü rü tixi, erü nüxü itayarüngüma na ñuxäcü Tupana tüxü nüxü ngechaüxü ga tümaärü pecadugü. ¹⁰ Rü ngëmacëx, Pa Chaueneëgüx, name nixi na yexeraäcü meã Tupanacëx pemaxëxü na ngëmaäcü ipenawëxüxcëx na aixcüma Tupanaärü duüxügü ya pexcëx naçaxe rü pexü dexe na pixigüxü. Rü ngëxguma ngëmaäcü pemaxëgu rü tagutáma chixexügu peyi rü tagutáma Tupanaxü ipetëx. ¹¹ Rü ngëmaäcü ya Tupana, rü tá meã pexcëx nayawãxna i ñax na tauxchaäcü pichocuxüxcëx i ngextá guxügutáma äëxgacü iyüxüwa ya törü Cori ya Ngechuchu ya Cristu ya törü Maxëëëruü. ¹² Rü ngëmacëx woo marü nüxü na pecuáxü rü nagu na pexü i ngëma ore i aixcüma ixixü, natürü guxügutáma pexna nüxü chacuëächixëëëcha ga yema pexü namaã chaxucuxëxü. ¹³ Erü ñuxma na chamaxüxü i chomax, rü nagu charüxinü na namexü na pexna nüxü chacuëächixëëëxü i ngëma ore i namaã pexü chixucuxëgüxü, na ngëmaäcü pexü changüxchaüxëëëxüxcëx na meã Tupanacëx pemaxëxü. ¹⁴ Rü pemaã nüxü chixu i ngëma, erü törü Cori ya Ngechuchu ya Cristu choxü nüxü nacuëëë na paxa tá chayuxü. ¹⁵ Rü ñoma rü ta na chamaxüxü, rü meã pexü chixucuxëgü na ngëxguma chayuxguwena rü guxüguma nüxna pecuëächixëëëxüxcëx i ngëma chorü ucuxëgü na ñuxäcü Tupana naxwëxëxü na pemaxëxü.

Pedru rü namücügü rü aixcüma Cristuxü nadaugü ga na ñuxäcü namexëchixü

¹⁶ Rü yexguma pexü tangüëëëgu na ñuxäcü naporaxü ya törü Cori ya Ngechuchu ya Cristu rü ñuxäcü tá wena na nataeguxü, rü tama tomatama togüäëwa tayaxuxü i ore nixi. Yerü tomatama toxetümaã nüxü tadau na ñuxäcü namexëchixü i nüma ya törü Cori. ¹⁷ Rü nüxü tadau ga yexguma Tanatü ya Tupana nüxü icuëxüügu. Rü nüxü taxinüë ga yexguma gumatama Tanatü ya Tupana ya Mexëchicü ñaxgu: "Daa nixi ya Chaune ya nüxü changechaüxüchicü. Rü choma rü poraäcü namaã chataäëxüchi",

ñaxgu. ¹⁸ Rü aixcüma tomaxüchima nüxü taxinüë ga yema Tupanaga ga daxügüxü ga nañewa inaxüxü, yerü tomatama rü törü Corimaã tayexmagü nawa ga guma mëxpüne ga üünene ga yexguma yema ngupetügu. ¹⁹ Rü yemaäcü nüxü tadau na aixcüma yüxü ga yema ore ga nuxcümaügüxü ga Tupanaärü orearü uruügu nüxü ixügügüxü. Yerü yema nüxü yaxügügüxü rütama nixi ga nüxü tadauxü. Rü name nixi i pema rü ta aixcüma meã nagu perüxinüë i ngëma ore, erü wüxi i omü i íraxetüxü i ëänexüwa ibaxixü rü nixi. Rü ngëma ore rü tá pexü nüxü nacuëëë i Tupanachiga ñuxmatáta ínangu ya törü Cori ya Ngechuchu ya Cristu ya yima woramacuri ya ngunetüxü ngócürüü ixicü. Rü ngëxguma inanguxgu i nüma rü aixcüma tá meã pexü nüxü nacuëëë i guxüma i nachiga. ²⁰ Natürü chanaxwëxe na guxüärü yexera nüxü pecuáxü i ñaã ore i tá pemaã nüxü chixuxü. Rü dücax, taxüema tüechamatama

nüxü tacuëx i tacüchiga na yîxü i Tupanaârü ore i ümatüxü, ega Tupanaâe i Üünexü tama tüxü rüngüëëgu. ²¹ Yerü taxuüma ga Tupanaârü orearü uruü rü nüëchamatama nügüäëwa nanayaxu ga yema ore ga nüxü yaxugüxü. Natürü yexguma yema orexü yaxugüügu, rü Naâe i Üünexü nixü ga yadexagüëëxü.

2

Doramaâ duüxüxü ngüëëxüchiga

¹ Natürü nuxcüma rü nayexma ta ga Tupanaârü orearü uruügüneta ixüxü ga Yudiügütanüwa. Rü ngëxgumarüü tá ta petanüwa nangëxma i duüxüü i ngüëëruügüneta ixüxü. Rü nümagü rü tá doramaâ nanaxüchicüü i Tupanaârü ore, rü ngëmaäcü tá pexü nangüëë i ore i dora ixüxü na pexü nawomüëëgüxüçëx. Rü nümagü rü täütama naga naxüüëchaü ya yima torü Cori ya Ngechuchu ya Cristu ya norü Maxëëëruüchirëx ixüxü. Rü ngëmagagu ya Tupana rü ngürüächü tá nanapoxcüe i ngëma duüxüü i ngëmaäcü maxëxü, rü tá inayanaxoxëë. ² Rü nümagü rü tá nüxü nixugü na tama wüxi i chixexü yîxü ega woo taxüëarü ngüchaü ixüxü. Rü muxüma i togü i duüxüü rü tá nawe narüxi i ngëma chixexü i naxüxüüwa. Rü ngëma chixri pexü ngüëëëxüdgagu rü muxüma i togü i duüxüü rü tá chixri nachiga nidexagü i Tupanaârü ore i mexü i aixcüma ixüxü. ³ Rü nümagü i ngëma duüxüü i chixexü rü tá nügüna nananugüchaü i guxüma. Rü ngëmacëx tá pëmaâ nüxü nixu i ore i chixexü ixüxü na ngëmaäcü pexü nawomüëëgüxüçëx rü pexü ngüxü nayauxgüxüçëx i perü diëru. Natürü tá napoxcüe i ngëma duüxüü, rü täütama nibuxmü. Erü Tupana rü woëta nuxcümama nanamëxëë i ngëma poxcu. ⁴ Yerü ga Tupana rü tama nüxü nüxü nangechaü ga norü orearü ngeruüü ga daxüçüax ga pecadu ügüxü. Rü yëmacëx inaxëänëxüwa i ngoxogüxü i napoxcüeüwa nanawogü. Rü cadënamaâ nayanëxgü na ngëma nangëxmagüxüçëx nüxmatáta nawa nangu i ngëma ngunëxü i nagu Tupana nüxna çaxü i guxüma i duüxüü. ⁵ Rü yëxgumarüü ta ga Tupana rü tama nüxü nüxü nangechaü ga yëma nuxcümaüxüxü ga duüxüü ga chixexü ügüxü. Rü yëmacëx mucü ga taxüchicü naxçëx yëma nanamu na gumamaâ nadaiäxüçëx ga yëma duüxüü ga chixexü ügüxü. Natürü ga Tupana rü Noëxü nadau ga na meâma duüxüüxü yaxucüxëgüxü na nüxü naxoëxüçëx ga norü chixexüü. Rü yëmacëx ga Tupana rü Noëxü namaxëë namaâ ga 7 ga natanüxüü. Natürü nanadai ga guxüma ga yëma togü ga duüxüü. ⁶ Rü Tupana rü yëxgumarüü ta inayanaxoxëë ga guma iänëgü ga Chodoma rü Gomora ga poraäcü chixri duüxüü nawa maxëne. Rü inanagu ga guma iänëgü nüxmatáta norü tanimacaxicatama iyaxü. Rü yëmaäcü nanaxü na guma iänëgü rü wüxi ga cuëxruü na yîxüçëx nüxü ga yëma duüxüü ga chixexü ga yëmawëna maxëxü. ⁷ Natürü ga Chodomawa rü Tupana nanamaxëë ga Lox ga wüxi ga yatü ga mecü ixüxü ga poraäcü ngechaücü ga yëxguma nüxü nadëuxü ga nüxü chixri na namaxëxü ga yëma duüxüü ga natanüwa nayëmaxü. ⁸ Rü guxü ga ngunëxüü rü nüma ga Lox ga meâ maxücü rü poraäcü naäëwa nangux ga yëxguma nüxü nadëuxü rü nüxü naxüüü ga yëma chixexüü ga naxüxüü ga yëma duüxüü ga natanüwa nayëmaxü. ⁹ Rü yëma Loxü na namaxëëxüü ga Tupana, rü nüxü natauxcha na tüxü inanaxüxëëxü i ngëxguma Chataná tüxna iügu ya yëxëma meâ maxëë. Rü ngëxgumarüü ta ya yëxëma chixexü ügüxë, rü nüxü natauxcha na poxcuwa tüxü nangëxmagüxüçëx nüxmatáta nawa nangu i ngëma ngunëxü i nagu guxüma i duüxüüxü yacagüxü. ¹⁰⁻¹¹ Rü Tupana rü aixcüma tá nanapoxcüe i ngëma duüxüü i naxüëarü ngüchaüü iüxü i tama naga iüüëchaüü ya torü Cori. Rü ngëma duüxüü rü taxüëgama naxüüëchaü, rü nadauxcüaxüwëxëgü rü nügüxüçëxatama narüxüü. Rü tama namuüë na namaâ naguxchigagüxü i ngëma äëxgacüü i daxüçüax i Tupanatüüwa ngëxmagüxü. Rü ngëmaäcü namaxë i ngëma duüxüü. Natürü woo Tupanaârü orearü ngeruüü i daxüçüax i ngëma duüxüüxü rüyëxeraxüchichirëxü, rü namuüë na ngëmaäcü namaâ naguxchigagüxü i ngëma äëxgacüü i daxüçüax i Tupanatüüwa ngëxmagüxü. ¹²⁻¹³ Rü ngëma ngüëëruügüneta, rü ñoma naëxügürüü nixüü, rü naëxügürüü taxuüma nacüëxü. Rü ngëma naxüëgü naxwëxëxü nixü i naxüxüxü. Rü nabue na ñoma naëxüü i yayauxgüxü rü nadëxüüü yixüxüçëx. Rü chixri nachiga nidexagü i ngëma tama nüxü nacüëxüxü. Natürü ngëma chixexü i naxüxüxü rü taxuacüma wüxi ya ngeäxü nadaügümare, erü naäëwa rü nagu narüxüü na nüxü tangüchaüxü. Rü tama nüxü ninguëga na pecadu naxügüëchaxü. Rü naxçëx nadaugü na nüxü chixexüü tüxü nayixëëxü ya yëxëma duüxëgü ya turëarü maxüaxüxë. Rü nüxü nicüëxüchi na nüxü çacü nügüna nanugüxü. Natürü Tupana rü marü namaâ nanaxuegu na napoxcüeäxü. ¹⁵ Rü ngëma duüxüü rü

tama nagu naxi i ngēma Tupana nūx̄l̄ naxwēxēx̄l̄, rü ngēmacēx̄ inayarütaxe. Rü nagu naxi ga yema chixex̄l̄ ga nagu yaxūx̄l̄ ga nuxcūmaūx̄l̄ ga Tupanaārū orearū uruū ga Barāū ga Beū nane ga chixex̄l̄ ūx̄l̄ na yemaācū dīēru ngīx̄l̄ nayaxux̄tēx̄. ¹⁶ Rü noxrūtama buru ga woo taguma idexachirēxcū, rü wūxi ga duūx̄l̄rūū namaā iyadexa rü inanga naxcēx̄ ga yema chixex̄l̄ ga naxūx̄chaūx̄l̄. Rü yemaācū Barāx̄l̄ íyachaxāchixēē na tama naxūāx̄tēx̄ ga yema chixex̄l̄ ga naxūx̄chaūx̄l̄. ¹⁷ Rü ngēma duūx̄l̄gū rü taxuwama nime ñoma wūxi i puchu i ngearū dexāāx̄drūū. Rü ñoma wūxi i caixanex̄l̄ i buanecū ícuxēx̄l̄rūūmare nixi na taxuwama yamex̄l̄. Natürū Tupana rü marū nanamexēē i wūxi i nachica i ēānex̄l̄chix̄l̄ i ngextā gux̄d̄gutāma ínapoxcūēāx̄l̄wa i ngēma duūx̄l̄gū. ¹⁸ Rü ngēmaācū tá nanapoxcūe i ngēma duūx̄l̄gū, erū nūgū yacuēx̄l̄gūācūma chixri nindexagū i ore i taxuwama mexūmaā. Rü tūx̄l̄ nixucux̄ēgū na tūmaxūneārū ngūchaūgū na taxīx̄tēx̄ ya yīxema marū ngexwacēx̄ ngēmāx̄l̄ rüxochirēxe. ¹⁹ Rü tūmamaā nūx̄l̄ nixu rü ngēx̄guma nawe tarūx̄x̄gu rü tá tūx̄l̄ ínangux̄tēē na taxuūmēx̄ēwa tangēx̄magūx̄tēx̄ rü tūma tanaxwēx̄tēācūma tamaxēx̄tēx̄. Natürū ngēma duūx̄l̄gū i ngēmaācū chixri idexagūx̄l̄, rü nūmagūtama rü norū chixex̄l̄tūūwa nangēx̄magū. Erū gux̄l̄ma i duūx̄l̄gū, rü ngēma nūx̄l̄ rüyexeramaēx̄tūūwa nūgū nangēx̄magūx̄tēē. ²⁰ Rü gux̄l̄ma ya yīxema marū tōrū Cori ya Ngechuchu ya Cristu ya tōrū Maxēx̄ēruūx̄l̄ cuēx̄gūxe, rü marū nawa ítangux̄l̄ i ñoma i naāneārū chixex̄l̄gū. Natürū ngēx̄guma chi wenaxārū naxcēx̄ tawoegugu i ngēma chixex̄l̄ i nawa ítangux̄l̄chirēx̄l̄, rü tūmaārū me yīx̄l̄ga na wena ngēma chixex̄l̄tūūwa tangēx̄magūx̄l̄, rü aixcūma noxriarū yexera tichixe. ²¹ Erū ngēx̄guma chi nūx̄l̄ tacuēx̄gūguwena nūx̄l̄ tarūx̄oegu i ngēma ore i mex̄l̄ ga noxri tayauxgūx̄l̄, rü narūmemaē chi nixi ga noxtacūma tāū chima nūx̄l̄ na tacuēx̄gūx̄l̄ i ngēma max̄l̄ i aixcūma mex̄l̄. ²² Tupanaārū ore i ūmatūx̄l̄wa rü ñanagūrū:

“Ngēma airu i nūgū oxgūx̄l̄, rü wenaxārū naxcēx̄ nataegu i norū oxū na yaweāx̄tēx̄. Rü ngēma cuchi i norū yora meāma aiyachirēx̄l̄, rü ngēx̄gumatama wenaxārū norū aiyancēx̄ nataegu”,

ñanagūrū i ngēma orewa. Rü ngēx̄gumarūū nixi i ngēma duūx̄l̄gū i marū Tupanaārū orex̄l̄ cuēx̄gūchirēx̄l̄ rü ñūx̄l̄chi wenaxārū naxcēx̄ woegux̄l̄ i norū chixex̄l̄gū ga noxri nawa ínangux̄l̄chirēx̄l̄.

3

Tōrū Coriarū taeguchiga

¹ Pa Chaueneēgū ya Pex̄l̄ Changechaūgūx̄ex, ñaā nixi i ngēma norū taxre i popera i pexcēx̄ chaxūmatūx̄l̄. Rü yema nūx̄l̄raūx̄l̄ ga poperawa pemaā nūx̄l̄ chixux̄l̄rūū, rü wena pex̄l̄ chixucux̄ēgū rü pexna nūx̄l̄ chacuēx̄āchixēē na aixcūma meā Tupanaārū oregu perūx̄l̄nūēx̄tēx̄. ² Rü chanaxwēxe i nūx̄na pecuēx̄āchie i ngēma ore ga nuxcūmaūgūx̄l̄ ga Tupanaārū orearū uruūgū ga ixūūnēx̄l̄ nūx̄l̄ ixugūgūx̄l̄. Rü ngēx̄gumarūū ta chanaxwēxe i nūx̄na pecuēx̄āchie i ngēma tōrū Cori ya Ngechuchu ya tōrū Maxēx̄ēruūl̄rūū mugū ga pex̄l̄ nangūx̄ēēx̄l̄ ga norū orearū uruūgū ga nūma pex̄l̄tawa namugūx̄l̄. ³⁻⁴ Natürū chanaxwēxe i gux̄l̄arū yexera nagu perūx̄l̄nūē i ñaā ore i pemaā tá nūx̄l̄ chixux̄l̄. Rü dūcax, rü ngēx̄guma nagūx̄chaūgū i ñoma i naāne, rü tá ínangugū i duūx̄l̄gū i chixex̄l̄ i nagu íx̄l̄ i naxūneārū ngūchaūgū. Rü nūmagū rü tá nacugūēācūma ñanagūrūgū:

“Dūcēx̄, Cristu inaxuneta na wena nūma naxūegax̄l̄. ¿Rū íacū namaā nangupetū i ñūx̄l̄ma na tama ínangux̄l̄? Rü marū dūx̄wa nayue ga tōrū oxigū ga yaxōgūx̄l̄, natürū noxri naāne ūx̄gumama rü nanangēx̄gumarāūēchatama i gux̄l̄ma”, ñanagūrūgū tá. ⁵⁻⁶ Natürū ngēma duūx̄l̄gū i ngēmaācū idexagūx̄l̄ rü tama nūx̄l̄ nacuēx̄gūchaū ga yema ngupetūx̄l̄ ga yex̄guma Tupana ñoma ga naānewa namuāgu ga guma mucū ga tacū ga iyanaxoxēēcū ga gux̄l̄ma ga íacū ga ñoma ga naānewa yex̄max̄l̄. Rü nuxcūmax̄l̄chima nax̄l̄pa ga guma mucū rü woetama nayex̄ma ga ñoma ga naāne rü gux̄l̄ma i daxūwa nūx̄l̄ idaux̄l̄ ga Tupana ngoxēēx̄l̄ ga yex̄guma namuāgu na nangōx̄tēx̄. Rü yemaācū dexāchīwa nangōx̄ ga ñoma ga naāne rü dexāarū ngāx̄l̄tūchīūwa nayex̄ma, yerū yemaācū nanamu ga Tupana. ⁷ Natürū ngēma ñūx̄l̄ma ngēx̄max̄l̄ i daxūwa nūx̄l̄ idaux̄l̄ rü ñoma i naāne rü Tupana namaā nangux̄l̄ na yīxcama ūx̄wa yaxax̄tēx̄, yerū yemaācū namaā nanaxuegu. Rü ngēma ñoma i naāne rü ngēma daxūwa nūx̄l̄ idaux̄l̄, rü yima ūx̄l̄ ya Tupana nūx̄l̄ ixuxūnewa tá nixi i aixcūma ínaguāx̄l̄ i ngēma ngunex̄l̄ i nagu naxunetax̄l̄gu na napoxcūēāx̄l̄ rü chixex̄l̄wa nawogūāx̄l̄ i ngēma duūx̄l̄gū i tama naga ínūēchaūx̄l̄. ⁸ Rü ñūx̄l̄max, Pa Chaueneēgū ya Pex̄l̄ Changechaūgūx̄ex, tama chanaxwēxe i nūx̄l̄ ipeyarūngūmaē na wūxitama i ngunex̄l̄ rü tōrū Coricēx̄ rü 1000 ya taunecūrūū yīx̄l̄. Rü ngēx̄gumarūū ta, 1000 ya taunecūrū tōrū Coricēx̄ rü wūxitama i ngunex̄l̄rūū yīx̄l̄. ⁹ Rü ñūx̄re i duūx̄l̄gū rü nagu narūx̄l̄nūē na tāūtāma paxa ínangux̄l̄ ya tōrū Cori yema tamaā inaxunetax̄l̄rūū. Natürū nūma ya tōrū Cori rü tama nanuxcūāē na yangux̄ēēāx̄l̄ i ngēma norū uneta, natürū nūma rü tamaā yaxna nax̄l̄nūmare. Erū nūma rü tama nanaxwēxe na texē iyarūtaxux̄l̄, natürū nanaxwēxe na gux̄l̄ma nūx̄l̄

rüxoexü i tümacüma i chixexü. ¹⁰ Natürü ngēma ngunexü i tórü Cori nagu ínguxü, rü taxúema nagu ínanguxēxügu tá nixí. Erü ngürüächimare tá ínangu ñoma wüxi i ngítexáxü ínguxürüü. Rü ñuxüchi guxüma i tacü i daxüguxü i nañewa ngēxmagüxü rü tá tagaäcü niwāixgü rü ngēmaäcü tá inayarütauxe. Rü yima üexcü rü tauemacü rü woramacurígü rü éxtagü rü tá nixae rü ngēxma tá nayarüxogü. Rü ngēxgumarüü tá ta i ñoma i nañe rü tá nixa namaä i guxüma i tacü i nawa ngēxmagüxü. ¹¹ Rü ñuxma na ngēmaäcü tá namaä nangupetüxü i guxüma i tacü i ngēxmaxü, rü yexeraäcü penaxwēxe na aixcüma Tupanapēxewa pixüünexü rü nüma nanaxwēxexüäcüma na pemaxēxü. ¹² Rü name nixí i meä ípenanguxēē i ngēma ngunexü i nagu tá ínanguxü ya tórü Cori ya Tupana. ¡Rü paxa guxüwama nüxü pixu i norü ore rü aixcüma naxcēx pemaxē na ngēmaäcü ípenanguxēēxüxcēx! Rü ngēma ngunexügu rü guxüma i daxüwa nüxü idauxü rü tá nixa rü tá inachaxichigü. Rü ñoma i nañe rü üexcü rü tauemacü rü éxtagü rü yima üxümaä tá inachaxichigü. ¹³ Natürü yixema na yaxögüxü rü ítananguxēē i ngēma ngexwacaxüxü i daxüguxü i nañe rü ngexwacaxüxü i ñoma i nañe ga Tupana tamaä ixunetaxü. Rü ngema rü guxütáma name, rü yixema rü tá ta aixcüma time. ¹⁴ Rü ngēmacēx, Pa Chaueneëgü ya Pexü Changechaügüxex, rü ñuxma na ípenanguxēēxü i ngēma, rü name nixí i aixcüma meä pemaxē rü aixcüma pegü pengechaügü na taxuwama nachixexüxcēx i perü maxü rü aixcüma petaäëgüxüxcēx i ngēxguma wena núma naxüxgu. ¹⁵ Rü name nixí i nüxna pecuëxáchie na yaxna tamaä naxínüxü ya tórü Cori, erü nanaxwēxe na tüxü nangēxmaxü i tórü maxü i taguma gúxü. Rü ngēmatama pexcēx chanaxümatüxürüü ta nixí ga pexcēx naxümatüäxü ga taeneē ya nüxü ingechaügücü ya Pauru ga yexguma Tupana naporaxēēäcüma pexcēx naxümatüägu. ¹⁶ Rü guxüma ga norü poperawa rü ñaä pexcēx chaxümatüxüchiga nanaxümatü ga Pauru. Natürü yema pexcēx naxümatüxüwa rü nangēxma i ñuxre i ore i guxchaxü na nüxü icuáxü na tacüchiga yíixü. Rü ngēma duüxügü i tama aixcüma Tupanaxü cuëxgüxü rü tama aixcüma yaxögüxü, rü nanaxüchicüügü i ngēma ore ngēxgumarüü na guxüma i Tupanaärü ore i ümatüxü naxüchicüügüxürüü. Natürü ngēma chixexü na naxügüxügagu rü nügü tátama inayarütauxexēē. ¹⁷ Rü ngēmacēx, Pa Chaueneëgü ya Pexü Changechaügüxex, rü ñuxma na nüxü pecuáxü i tacü tá na ngupetüxü, rü name nixí i pexuäëgü na tama pexü nawomüxēëgüxüxcēx i ngēma chixexü i duüxügü rü tama nüxü perüxoexüxcēx na meä peyaxögüxü. ¹⁸ Rü ngēmacēx, Pa Chaueneëgüx, penaxwēxe na pegü peporaexēēxü na wüxichigü i ngunexü yexeraäcü tórü Cori ya Ngechuchu ya Cristu ya tórü Maxēxēruüxü pecuáxüxcēx rü yexeraäcü nüxü picuäetanüxüxcēx na ñuxäcü aixcüma pexü nangechaüxü. ¡Rü ngēmacēx rü guxügutáma rü ngixä nüxü ticuëxüügü! Rü ngēmaäcü yí.

Rü nüma pexna,
Pedru

NÜXĪRAÜXÜ GA POPERA GA CUÁŨ ÜMATÜXÜ

Ore i tüxü maxëëxüchiga

¹ Pexcëx tanaxümatü nachiga ya Tupana Nane ya Cristu ya yima woetama marü nüxĪra yexmacü ga yexguma noxritama tauta naäne üxgu. Rü nüma rü Ore i Maxëëëruü nixĪ i nagega erü nüma nixĪ i tamaã nüxü yaxuxü i Tupanachiga rü tüxü namaxëëxü. Rü toma ga norü ngüexüü na tixĪgüxü, rü nüxü taxĪnüë rü toxetümaã nüxü tadaugü rü tomëxmaã nüxü tingögü. ² Rü yima Maxëëëruü ya Cristu rü toxü nügü nawëx. Rü nüxü tadaugü rü duüxügümaã nüxü tixu na ñuxäcü yĪxü. Rü ñuxma rü pemaã rü ta nüxü tixuchiga ya yima Cristu ya tüxna naxäcü i maxü i taguma gúxü. Rü noxri rü Nanatüxütawa nayexma, natürü ñoma ga naãnewa nangu rü toxcëx nangox. ³ Rü yema toma nüxü tadaugüxü rü nüxü taxĪnüëxü rü pemaã nüxü tixu na tomücüü pixĪgüxücëx, ngëxgumarüü i toma na Tanatü ya Tupana rü Nane ya Ngechuchu ya Cristumücüü tixĪgüxü. ⁴ Rü ngëmacëx pexcëx tanaxümatü i ñaã ore na wüxigu aixcümäxüchi itaãëgüxücëx.

Ñoma ngóonexürüü name ya Tupana

⁵ Rü ñaã nixĪ ga ore ga tomaã nüxü yaxuxü ga Ngechuchu ya Cristu. Rü pemaã nüxü tixu na ñoma ngóonexürüü namexü ya Tupana, rü nawa rü nataxuma i chixexü i ñoma ëänexürüü ixĪxü, rü bai i íraxü. ⁶ Rü ngëxguma chi:

“Tanatü ya Tupanamücüü tixĪgü”, ñagügu, natürü chixri imaxëgu, rü tidoraemare erü tama aixcüma meã tamaxë. ⁷ Rü ngëxguma chi Tupanarüü ngóonexüwa imaxëgu, rü yigümücüü tixĪgü i yixema, rü Tupana Nane ya Ngechuchu rü nagümaã tüxü inayanatauxëë i guxüma i tóru chixexü. ⁸ Ngëxguma chi nüxü ixuxgu rü:

“Changearü pecaduãx”, ñagügu, rü yigütama tawomüxëë, rü tidoraemare. ⁹ Natürü ngëxguma chi Tupanamaã nüxü ixuxgu i tóru pecadugü, rü nüma tüxü nüxü nangechaü rü tüxü inayanatauxëë i guxüma i tóru chixexü, erü nüma rü mecü nixĪ rü taguma tüxü nawomüxëë. ¹⁰ Natürü ngëxguma chi:

“Tangearü pecaduãxgü”, ñagügu, rü doratëëx nüxü tawogü ya Tupana rü tama aixcüma tawa nangëxma i norü ore.

2

Cristu rü tóru chogürüü nixĪ

¹ Pa Chauxacügüx, pexcëx chanaxümatü i ñaã ore na tama chixexü pexügüxücëx. Natürü ngëxguma chi wüxie chixexü üxgu, rü nangëxma ya tümaëtüwa chogücü nüxna ya Tanatü ya Tupana na tama tüxü napoxcuxücëx. Rü yima nixĪ ya Ngechuchu ya Cristu ya aixcüma mecü ixicü. ² Rü guma Ngechuchu ya Cristu rü nügü inaxä rü nayu na naxütanüxücëx ga tóru pecadugü. Rü tama tóru pecadugüxatama naxütanü, natürü guxüma i duüxügüaru pecadugü ta naxütanü. ³ Rü ngëxguma chi naga ixĪnüëgu i ngëma tüxü namuxü ya Tupana, rü nüxü tacuëx na aixcüma nüxü icuáxü. ⁴ Rü ngëxguma chi wüxie:

“Choma rü Tupanaxü chacuëx”, ñagügu, natürü tama naga taxĪnügü i ngëma tüxü namuxü ya Tupana, rü wüxi i doratëxáxü tixĪ. ⁵ Natürü yixema naga inüxë i ngëma tüxü namuxü ya Tupana, rü aixcümäxüchi Tupanaxü tangechaü. Rü ngëmaã nüxü tacuëxgü na aixcüma Tupanaãrü duüxügü ixĪgüxü. ⁶ Rü yixema:

“Tupanaãrü duüxü chixĪ”, ñagüxë, rü name nixĪ na meã tamaxüxü yema Ngechuchu ya Cristu meã maxüxüü.

Tupanaãrü mu i ngëxwacaxüxüchiga

⁷ Pa Chaueneëgüx, tama wüxi i ngëxwacaxüxü i Tupanaãrü mu nixĪ i pexcëx chaxümatüxü. Natürü ñaãtama noxriarü ügügumama pexü yexmaxü ga mu nixĪ. Rü ñaãtama nixĪ i Tupanaãrü mu ga nuxcümaüxü ga marü nüxü pexĪnüëxü. ⁸ Natürü ñaã Tupanaãrü mu i pexcëx chaxümatüxü rü guxüguma nangëxwacaxü. Rü ngëxguma naga pexĪnüëgu i ñaã Tupanaãrü mu na pegü pengëxüxü, rü tama ëänëxüwatama pemaxë, natürü Cristurüü ngëma ngóonexü i aixcüma ixĪxüwa pengëxmagü. ⁹ Rü ngëxguma chi wüxie:

“Choma rü ngëma ngóonexüwa changëxma”, ñagügu, natürü tümaëneëchi taxaixgu, rü ëänëxüwatama tangëxma. ¹⁰ Yixema tümaëneëxü ngechaüxë rü ngóonexüwa tamaxü, rü taxucëxma tüxücüü pecadu taxü. ¹¹ Natürü yixema tümaëneëchi aixë, rü ëänëxüwatama tamaxü, rü ëänëxügu tixü. Rü tama nüxü tacuëx na ngëxtä taxüxü, erü tümacëx naxëãne. ¹² Pa Chauxacügüx, pexcëx chanaxümatü erü Cristugagu Tupana marü pexü nüxü nangechaü i perü pecadugü. ¹³ Pa Papägüx, pexcëx chanaxümatü i ñaã ore erü nüxü pecuëxgü ya Tanatü ya Tupana ga noxriarü ügügumama yexmacü. Pa Ngëxtüxücügüx, pexcëx chanaxümatü

erü marü nüxü perüyexera i ngêma ngoxo i Chataná i chixexüärü üruü. ¹⁴ Pa Buxüügüx, pexcêx chanaxümatü erü marü nüxü pecuêxgü ya Tanatü ya Tupana. Pa Papágüx, pexcêx chanaxümatü erü marü nüxü pecuêxgü ya Tanatü ya Tupana ga noxriarü ügügumama yexmacü. Pa Ngextüxcügüx, pexcêx chanaxümatü erü peporae, rü guxüguma peãewa nangêxma i Tupanaärü ore, rü marü nüxü perüyexera i ngêma ngoxo i Chataná i chixexüärü üruü. ¹⁵ ;Tãxü i pexü nangüchaüxü i ñoma i naãne rü norü ngêmaxügü! Ngêxguma chi texêaxü nangüchaügu i ñoma i naãne rü tama Tanatü ya Tupanaxü tangechaü. ¹⁶ Erü guxüma i ngüchaügu i ñoma i naãnewa ngêmaxü rü ñoma i naãneärütama nixi rü tama Tupanaärü nixi. Rü ngêma ngüchaügu rü ngêma nixi i taxüneärü ngüchaügu, rü taxetüarü ngüchaügu, rü yigü na icuêxüügüxü törü ngêmaxügümaã. ¹⁷ Natürü ñoma i naãne rü guxüma i ngüchaügu i nawa ngêmaxü rü tá nagux. Natürü yíxema Tupanaga ñinüxê rü guxügutáma tamaxü.

Ore i aixcúma ixixüchiga rü ore i dora ixixüchiga

¹⁸ Pa Chauxacügüx, paxa tá nagux i ñoma i naãne. Pema rü marü nüxü pexinüchiga rü tá ñangu i wüxi i Cristuarü uwanü, natürü marü ñanguü i muxüma. Rü ngêmaxa nüxü tacuêx na marü nagüxchaüxü i ñoma i naãne. ¹⁹ Rü ngêma Cristuarü uwanü rü tatanüwatama nangêxmagüchirêx, natürü tama aixcúma tatanüxü nixigü, erü ngêxguma chi tatanüxü yixigügu rü tatanügu chítama narücho. Natürü marü tatanüwa ñnaxoxü na meãma nüxü icuáxüçêx na tama aixcúma tatanüxü yixigüxü. ²⁰ Natürü pema rü Cristu marü pexna nanamu i Naãe i Ünexü, rü ngêmacêx meãma nüxü pecuêx i Tupanaärü ore. ²¹ Rü ñuxma rü tama nixi na tama nüxü pecuáxüçêx na pexcêx chaxümatüxü. Natürü pexcêx chanaxümatü erü marü meãma nüxü pecuêx i ngêma ore i aixcúma ixixü. Rü nüxü pecuêx rü ngêma ore i aixcúma ixixüwa rü nataxuma i dora. ²² ;Texé tiixü ya yíxema idoratêxáxe? Yíxema:

“Ngechuchu rü tama aixcúma Cristu ya Tupana Nane nixi”, ñagüxe, tixi ya idoratêxáxe. Yíxema tixi ya Cristuarü uwanü, erü tama nüxü tacuáxchaü ya Tanatü ya Tupana rü Nane ya Ngechuchu. ²³ Guxáma ya yíxema tama nüxü cuáxchaüxü ya Tupana Nane ya Ngechuchu, rü tama nüxü tacuáxchaü ta ya Tanatü ya Tupana. Natürü yíxema Ngechuchuxü yaxôxê, rü Tanatü ya Tupanaärü rü ta tayaxô. ²⁴ Rü ngêmacêx name nixi i peyaxôgüma i ngêma ore ga noxri nüxü pexinüxü. Rü ngêxguma peyaxôgümagu i ngêma ore ga noxri nüxü pexinüxü, rü aixcúma norü duüxügü pixigü ya Tanatü ya Tupana rü Nane ya Ngechuchu. ²⁵ Rü nümatama ya Ngechuchu ya Cristu nixi i tamaã inaxunetaxü na tuxna naxããxüçêx i maxü i taguma güxü. ²⁶ Nangêxma i duüxügü i chixexüwa pexü gagüchaüxü. Rü ngêmachiga nixi i pexcêx chanaxümatüxü i ñaã ore. ²⁷ Natürü pema rü marü Cristu pexna nanamu i Naãe i Ünexü, rü guxüguma pewa nangêxma. Rü ngêmacêx tama penaxwêxe i to i perü ngüexêxü erü nümatama i Naãe i Ünexü rü pexü nangüexêe i guxüma. Rü norü ngüxêetæ rü aixcúma nixi rü tama dora nixi. Rü ngêmacêx name nixi na guxüguma Cristuaxü peyaxôgüxü, ngêma Naãe i Ünexü pexü ngüexêxüçäcúma. ²⁸ Rü ñuxmax, Pa Chauxacügüx, rü name nixi na meãma Cristuaxü peyaxôgüxü na tama nüxü imuüxüçêx, rü tama ixãneêxüçêx napêxewa i ngêxguma wena nüxü naxüxü. ²⁹ Pema nüxü pecuêx na Cristu rü aixcúma mecü yíxü. Rü ngêxgumarüü ta name nixi na nüxü pecuáxü na guxüma i duüxügü i mexü ügüxü rü Tupanaxäcügü na yixigüxü.

3

Tupanaxäcügüchiga

¹ ;Düçêx, Pa Chaueneêgüx, ñuxäcü poraäcü tüxü nangechaü ya Tanatü ya Tupana! Rü ngêmacêx nixi i naxäcügümaã tüxü naxuxü i nümax. Rü aixcúma naxäcügü tixigü. Rü ngêmacêx ñoma i naãneçüãx i duüxügü rü tama tüxü nacuáxchaü erü Tupanaxü rü ta tama nacuáxchaügü. ² Pa Chaueneêgü ya Pexü Changechaügüxe, ñuxma rü marü Tupanaxäcügü tixigü woo tama tüxü nüxü nacuêxêe na ñuxäcü tá ixigüxü i yixcüra. Natürü nüxü tacuêxgü na Ngechuchurüü tá ixigüxü i ngêxguma nangoxgu, erü tá nüxü tadaugü na ñuxäcü yíxü i nümax. ³ Rü guxáma ya yíxema yaxôxê na Ngechuchurüü tá tiixü, rü tügüna tadau na Ngechuchu ya Cristurüü aixcúma Tupanaxêxewa tamexü. ⁴ Natürü guxáma ya yíxema pecadu üxe, rü Tupanamaã chixexü taxü. Erü ngêxguma tama Tupanaga taxüñügu, rü tapecaduãx. ⁵ Pema nüxü pecuêx rü Ngechuchu ya Cristu rü ñoma ga naãnewa naxü na iyanaxoxêãxüçêx i törü pecadugü. Rü nüma rü taguma pecadu naxü. ⁶ Rü ngêmacêx guxáma ya yíxema aixcúma nüxü yaxôgüxe, rü tama pecadu taxügüecha. Natürü guxáma ya yíxema pecadu üechaxe, rü ngêmaäcü tamaxê erü taguma Cristuxü tadau, rü taguma nüxü tacuêx. ⁷ Pa Chauxacügüx, ;tãxü i naga pexinüxü i ngêma duüxügü i pexü iyarütaxexêchaxü! Yíxema mexü üxe rü aixcúma mecü tixi, ngêxgumarüü ya Cristu na aixcúma mecü yíxürüü. ⁸ Natürü yíxema pecadu üechaxe rü ngêmaxa tüxü tacuêx na Chatanáärü duüxü tiixü, erü nüma i Chataná rü noxriarü ügügumama pecadu naxüecha.

Rü yemacêx ga Tupana Nane rü ñoma ga nañewa naxü na iyanaxoxêêäxücêx ga yema Chataná üxü. ⁹ Rü yixema Tupanaxäcü ixixê rü tama pecadu taxüecha, erü naxäcüxüchi tixi. Rü taxuacüma pecadu taxüecha erü Tupana nixi ya tümanatü. ¹⁰ Yixema chixexü üxe rü tümañeñechi aixe, rü tama Tupanaxäcü tixi. Rü ngêmawa nüxü tacuêx na texê tixigüxü ya Tupanaxäcügü rü texê tixigüxü ya Chatanáxäcügü.

Name nixi na yigü ingechaügüxü

¹¹ Rü yexguma noxritama pexü tangüxêêgu, rü pemaã nüxü tixu na guxäma yigü ingechaxügüxü. ¹² Rü tama tanaxwêxe na Cafrüü ngoxo i Chatanáxäcü ixigüxü. Yerü nüma rü nañeñêxü nimêx. ¿Rü tacücêx nixi ga yamaãxü? Nayamêx yerü yema nüma naxüxü rü tama name, rü yema nañeñê üxü rü name. ¹³ Pa Chaueneêgüx, ¡täxü i pebaixächiaêgüxü ega pexchi naxaiegu i ñoma i nañeñêäx i duüxügü! ¹⁴ Yixema rü marü nüxna itanguxü i ngêma yu rü ñuxma rü marü maxüwaama tangêxmagü. Nüxü tacuêxgü i ngêma erü nüxü tangechaügü i taeneêgü. Yixema tama tümañeñêxü ngechaüxê rü yuwatama tangêxma. ¹⁵ Rü yixema tümañeñechi aixe rü wüxi i máetaxüü rü tixi. Rü pema nüxü pecuêxgü i wüxi i máetaxü rü nüxü nataxuma i norü maxü i taguma güxü. ¹⁶ Rü Ngechuchu ya Cristu rü törü pecaducêx nayu, rü yemaãcü tüxü nüxü nadauxêê i ngêma ngechaü i aixcüma ixixü. Rü ngêxgumarüü ta i yixema, rü tanaxwêxe na ñimemarexü na nüxü rüngüxêêxü i taeneêgü woo ngemagu iyuxgu. ¹⁷ Natürü ngêxguma chi wüxi i yatüäxü nangêxmagu i muxüma i norü ngêmaxügü, rü chi nüxü nadêuxgu i namücü na nüxü nataxuxü, rü taxuacüma:

“Choma rü Tupanaxü changechaü”, ñanagürü, ega tama nüxü nangüxêêgu i namücü. ¹⁸ Pa Chauacügüx, tama name i taexmaã rü törü oremaãxicatama nüxü tangechaü i taeneê. Natürü tanaxwêxe i törü maxümaã rü törü ü i mexümaã nüxü tangechaü.

Tama taxäneê na Tupanana ingaicamagüxü

¹⁹⁻²⁰ Rü ngêxguma aixcüma yigü ingechaügügu, rü nüxü tacuêx na aixcüma naga ixinüêxü i ngêma ore i aixcüma ixixü, rü Tupanapêxewa rü aixcüma naxäcügü ixigüxü, woo ngêxguma taäêwa naga rüxinügu rü:

“Tama Tupanaxäcü chixi”, ñagügu. Erü nüxü tacuêx rü Tupana nixi i taäêrü yexera, rü nüma nüxü nacuêx i guxüma. ²¹ Pa Chaueneêgü ya Pexü Changechaügüxex, ngêxguma taäêwa nüxü icuêxgu na Tupanaxäcüxüchi ixigüxü, rü tama taxäneê na nüxna ingaicamagüxü ya Tanatü ya Tupana. ²² Rü nüma tá tüxna nanaxä i guxüma i tacü i naxcêx ícaxü erü naga taxinüê i ngêma tüxü namuxü rü tanaxü i ngêma nüma namaã nataäêxü. ²³ Rü nüma tüxü namu na Nane ya Ngechuchu ya Cristuaxü yaxögüxü rü yigü ingechaügüxü, yema nüma tüxü namuxüläcü. ²⁴ Rü yixema naga ñnêxê i ngêma Tupana tüxü muxü, rü aixcüma Tupanaärü duüxügü tixigü rü nüma ya Tupana rü aixcüma tümawa namaxü. Erü ñuxma rü nüxü tacuêx na aixcüma Tupanaärü duüxügü ixigüxü rü tawa namaxüxü, erü Naãe i Üünexü ga tüxna namuxü tüxü nüxü nacuêxêê.

4

Yixema tüxü nangêxmaxê i Tupanaãe i Üünexü rü yixema tüxü nangêxmaxê i Cristuarü uwanüäe

¹ Pa Chaueneêgü ya Pexü Changechaügüxex, ¡Täxü i nüxü peyaxögüxü i guxüma i orearü uruügü i nügü ixugügüxü na aixcüma Tupanaärü orearü uruügü yixigüxü! Natürü name nixi i penangugü i norü ore na nüxü pecuáxücêx ngoxita aixcüma Tupanaãe yixü i nawa idexaxü rü êxna tama. Erü ñoma i nañewa rü guxüwama nangêxma i muxüma i idoratóêxgüxü i nügü ixugüxü na Tupanaärü orearü uruügü yixigüxü. ² Rü tá pemaã nüxü chixu na ñuxäcü tá nüxü pecuáxü na texê tixü ya yixema aixcüma Tupanaãe tümawa ngêxmaxê. Rü dücax, guxüma i orearü uruügü i nüxü ixugüxü na Tupana duüxüxü yaxixêêxü ya Ngechuchu ya Cristu, rü ngêma nixi i aixcüma Tupanaãe nawa idexaxü. ³ Natürü guxüma i ngêma orearü uruügü i tama nüxü ixugüxü na Tupana duüxüxü yaxixêêxü ga Ngechuchu, rü ngêma rü tama nüxü nangêxma i Tupanaãe i Üünexü. Natürü Cristuarü uwanüäe nixi i nawa ngêxmaxü. Marü nüxü pekinüê na inanguxchaüxü i Cristuarü uwanü, natürü ñuxma rü marü ñoma i nañewa nangêxma. ⁴ Pa Chauacügüx, pema rü Tupanaxäcügü pixigü. Rü marü nüxü perüyexera i ngêma tama aixcüma Tupanaärü orearü uruügü ixigüxü. Erü ngêma Tupanaãe i Üünexü i peãêwa ngêxmaxü rü nüxü narüyexera i ngêma Cristuarü uwanüäe i ñoma i nañeñêäxgüwa ngêxmaxü. ⁵ Rü nüma i Cristuarü uwanüärü duüxügü rü ñoma i nañeñêäxgü nixi. Rü ngêmacêx ñoma i nañechigagu nidexagü. Rü ñoma i nañeñêäx i duüxügü rü nüxü inarüxinüê. ⁶ Natürü i yixema rü Tupanaxäcügü tixigü. Rü yixema Tupanaxü cuáxe rü tüxü itarüxinü. Natürü yixema tama Tupanaxü cuáxe rü tama tüxü itarüxinü. Rü ngêmawa nüxü tacuêxgü na texê tixigüxü ya

aixcūma Tupanaārū duūxgū ixiḡūxe rū texé tixiḡūxū ya Cristuarū uwanūārū duūxgū ixiḡūxe.

Tupana tūxū nangechaū

⁷ Pa Chaueneēgū ya Pexū Changechaūḡūxex, name nixī na yigū ingechaūḡūxū, erū Tupana nixī ya tūxū ngūexēēcū na yigū ingechaūḡūxū. Rū guxāma ya yixema tūmaēneēxū ngechaūxē rū Tupanaxācū tixiḡū rū Tupanaxū tacuēx. ⁸ Yixema tama tūmaēneēxū ngechaūxē rū tama Tupanaxū tacuēx, erū Tupana nixī ya tūxū ngūexēēcū na yigū ingechaūḡūxū. ⁹ Tupana rū ñoma ga naānewa nanamu ga Nane ya nūḡūmaā wūxicacū na yimagagu tūxū nangēxmaxūcēx i maxū i taguma ḡūxū. Rū yemawa Tupana tūxū nūxū nadauxēē na ñuxācū tūxū nangechaūxū. ¹⁰ Rū woo Tupanaxū tangechaūḡū, natūrū ngēma ngechaū i guxūārū yexera ixixū nixī na nūma tūxū nangechaūxū rū ñoma ga naānewa na namuāxū ga Nane na taxcēx nayuxūcēx rū naxūtanūāxūcēx ga tōrū pecadugū. ¹¹ Pa Chaueneēgū ya Pexū Changechaūḡūxex, yexguma yemaācū tūxū nangechaūḡū ga Tupana, rū ngēmacēx name nixī i yixema rū ta yigū tangechaūḡū. ¹² Taguma texé Tupanaxū tadau. Natūrū ngēxguma aixcūma yigū ingechaūḡū, rū Tupana rū tawa namaxū rū norū ngechaū rū aixcūmaxūchi tōrū maxūwa nangox. ¹³ Rū nūma rū marū tūxna nanamu ga Naāē i Ūūnexū. Rū ngēmawa nūxū tacuēx na aixcūma norū duūxgū ixiḡūxū rū nūma rū tawa na namaxūxū. ¹⁴ Rū tomatama nūxū tadaugū rū nūxū tixuchigagū na Tanatū ya Tupana nūma namuxū ga Nane na guxūma i duūxgūxū namaxēxēxūcēx. ¹⁵ Rū yixema yaxōxē rū nūxū ixuchigaxe na Tupana Nane yīixū ya Ngechuchu, rū aixcūma Tupanaārū duūxū tixī, rū Tupana rū tūmawa namaxū. ¹⁶ Rū yixema nūxū tacuēxgū rū tayaxōḡū na Tupana rū poraācū tūxū nangechaūxū, erū nūma nixī i aixcūma guxāxū nangechaūxū. Rū yixema aixcūma tūmaēneēxū ngechaūxē, rū Tupanaārū duūxū tixī, rū nūma ya Tupana rū aixcūma tūmawa namaxū. ¹⁷ Rū ngēxguma aixcūma Tupanaxū ingechaūḡū, rū tōrū maxūwa nangox i ngēma, rū tāūtāma nūxū tamuūē i ngēma ngunexū i nagu tūxū yacagūxūḡū naxcēx i tōrū maxū. Erū woo ñoma i naānewa tangēxmagū, natūrū napēxewa rū Cristurū tixiḡū. ¹⁸ Rū ngēxguma aixcūma Tupanaxū ingechaūḡū, rū nūxū tacuēx na tāūtāma tūxū napoxcuexū, rū ngēmacēx taxucēma nūxū tamuūē. Natūrū ngēxguma chi nūxū imuūēḡū, rū nūxū tacuēx na tama aixcūma nūxū ingechaūḡūxū. ¹⁹ Rū yixema rū Tupanaxū tangechaūḡū, yerū nūxūra tūxū nangechaū ga nūmax. ²⁰ Ngēxguma chi texé:

“Choma rū Tupanaxū changechaū”, ñagū, natūrū tūmaēneēchi taxaixgu, rū tidora. Erū ngēxguma tama nūxū tangechaū i tūmaēneē i nūxū tadauxū Źrū ñuxūcūruwa tá nūxū tangechaū ya Tupana ya tama nūxū tadaucū? ²¹ Rū Ngechuchu ya Cristu tūxū namu rū ñanagūrū:

“Yixema Tupanaxū ngechaūxē, rū name nixī na tūmaēneēxū rū ta tangechaūxū”, ñanagūrū.

5

Nūxū tarūyexera i ñoma i naāneārū ngūchaūḡū

¹ Ngechuchu rū Tupana Nane ya Cristu nixī. Rū guxāma ya yixema nūxū yaxōxē, rū Tupanaxācū tixiḡū. Rū yixema Tanatū ya Tupanaxū ngechaūxē, rū nūxū tangechaū ta i guxūma i naxācūḡū. ² Rū ngēxguma Tupanaxū ingechaūḡū rū naxūxgu i ngēma nūma tūxū namuxū, rū nūxū tacuēx na aixcūma nūxū ingechaūḡūxū i ngēma naxācūḡū ixiḡūxū. ³ Rū ngēxguma aixcūma Tupanaxū ingechaūḡū rū naga taxīnūē i ngēma tūxū namuxū. Rū ngēma tūxū namuxū rū tama naguxcha na naga ixīnūēxū. ⁴ Erū guxāma ya aixcūma Tupanaxācū ixiḡē, rū tama ñoma i naāneārū ngūchaū i chixexūḡū tarūxīnū. Rū yixema rū tayaxōḡū, rū ngēmacēx tama name i ñoma i naāneārū ngūchaū i chixexūḡū tarūxīnūē. ⁵ Rū yixema yaxōxē na Tupana Nane yīixū ya Ngechuchu, rū yixema tixī ya tama ñoma i naāneārū ngūchaū i chixexūḡū rūxīnūē.

Ore i Tupana Nanechiga

⁶ Rū nūxū tacuēx na aixcūma Tupana Nane yīixū ya Ngechuchu. Yerū yexguma ñoma ga naānewa nayexmagu rū dexāwa inabaiegu, rū nūmatama ga Tupana nūxū nixu na Nanexūchi yīixū. Rū yexguma curuchagu nayuxgu rū nagū inabaāgu ga Ngechuchu, rū Tupana rū wanaxārū inanaxē na aixcūma Nane na yīixū. Rū ngēxgumarūchi ta i ngēma Naāē i Ūūnexū i taguma idoraxū, rū tūxū nūxū nacūxēē na aixcūmaxūchi Tupana Nane na yīixū. ⁷ Rū ngēmaācū tūxū nangēxma i tomaēxpūx i cuēxruḡū i tūxū nūxū cuēxēēxū na aixcūma Tupana Nane yīixū ya Ngechuchu. ⁸ Rū ngēma norū wūxi nixī i Naāē i Ūūnexū, rū ngēma norū taxre nixī ga yema Tupanaga ga yexguma Ngechuchu dexāwa lbaiegu, rū ngēma norū tomaēxpūx nixī ga yema Tupana ūxū ga yexguma curuchagu nagū inabaāgu ga Ngechuchu. Rū guxūma i ngēma tomaēxpūx, rū wūxigu nūxū nixu na aixcūma Tupana

Nane yíixũ ya Ngechuchu. ⁹Nũxũ tayaxõgũ i duũxũgũ ega tacũxũ tamaã yaxugũgu. Natũrũ Tupanaãrũ ore nixĩ i yexeraãcũ aixcũmaxũchi ixĩxũ. Rũ Tupana nixĩ ya tamaã nũxũ ixucũ na Ngechuchu rũ Nane yíixũ. ¹⁰Rũ yíxema nũxũ yaxõxẽ ya Tupana Nane rũ nũxũ tacuèx na aixcũma yíixũ i ngẽma ore i Tupana nũxũ ixuxũ i Nanechiga. Natũrũ yíxema tama Tupanaãxũ yaxõxẽ rũ doratèex nũxũ tawogũ ya Tupana erũ tama tayaxõ i ngẽma ore i Tupana nũxũ ixuxũ i Nanechiga. ¹¹Rũ ñaã nixĩ i norũ ore ya Tupana i tamaã nũxũ yaxuxũ, rũ ñanagũrũ:

“Chomatama marũ pexna chanaxã i maxũ i taguma gũxũ. Rũ ñaã maxũ rũ Chaunegagu pexũ nangẽxma”,

ñanagũrũ. ¹²Yíxema nũxũ yaxõxẽ ya Tupana Nane rũ tũxũ nangẽxma i ngẽma maxũ i taguma gũxũ. Natũrũ yíxema tama nũxũ yaxõxẽ ya yima Tupana Nane rũ tama tũxũ nangẽxma i ngẽma maxũ.

Cuáũ rũ ñuxre ga norũ ucuxẽmaã inayacuèxẽẽ ga norũ popera

¹³Pa Chaueneẽgũx ya Tupana Naneãxũ Yaxõgũxex, pexcèx chanaxũmatũ i ñaã ore na nũxũ pecuáxũcèx na pexũ nangẽxmaxũ i ngẽma maxũ i taguma gũxũ. ¹⁴Rũ ngẽmacèx tama taxãneẽ na nũxna ingaicamagũxũ ya Tupana. Rũ nũxũ tacuèxgũ ega tacucèx nũxna icaxgu, rũ nũma tũxũ naxĩnũ i ngẽxguma norũ ngũchaũ yixĩgu i ngẽma naxcèx nũxna icaxũ. ¹⁵Rũ ngẽxguma nũxũ icuèxgu na nũma tũxũ naxĩnũxũ i ngẽxguma tacucèx nũxna icaxgu, rũ nũxũ tacuèx ta na tũxna naxããxũ i ngẽma naxcèx nũxna icaxũ. ¹⁶Rũ ngẽxguma chi texẽ nũxũ dèuxgu i tũmaẽneẽ na pecadu naxũxũ, rũ name nixĩ na naxcèx tayumũxexũ ega tama pecadu i iyanatauxẽẽxũ yixĩgu. Rũ Tupana tá nanamaxẽẽ i ngẽma tũmaẽneẽ ega tama pecadu i iyanatauxẽẽxũ yixĩgu. Nangẽxma i pecadu i tũxũ iyarũtauxẽẽxũ. Rũ ngẽxguma ngẽma pecaduwe naxũãmagu i wũxi i peeneẽ, rũ tama pemaã nũxũ chixu na naxcèx peyumũxègũxũ. ¹⁷Guxũma i chixexũ i ixũxũ, rũ pecadu nixĩ. Natũrũ nangẽxma i pecadu i tama tũxũ iyarũtauxẽẽxũ. ¹⁸Rũ nũxũ tacuèx, rũ yíxema Tupanaxãcũ ixĩxẽ, rũ tama pecadu taxũecha, erũ nũma ya Tupana Nane rũ tũxna nadau. Rũ taxuacũma tũxna nangaicama i ngoxo i Chataná i tũxũ pecaduãxèẽchaũxũ. ¹⁹Nũxũ tacuèxgũ na Tupanaxãcũgũ ixĩgũxũ, natũrũ guxũma i ñoma i naãnecũãx rũ ngoxo i Chatanámxèwã nangẽxmagũ. ²⁰Rũ nũxũ tacuèx ta na ñoma ga naãnewa nanguxũ ga Tupana Nane, rũ tũxna nanaxã ga cuèx na nũxũ icuèxgũxũcèx ya yima aixcũmaxũchi Tupana ixĩcũ. Rũ norũ duũxũgũ tixĩgũ ya yima aixcũmaxũchi Tupana ixĩcũ, erũ Nane ya Ngechuchu ya Cristuarũ duũxũgũ tixĩgũ. Rũ nũma ya Tupana Nane nixĩ i aixcũmaxũchi Tupana yíixũ rũ tũxna naxããxũ i maxũ i taguma gũxũ. ²¹Pa Chauacũgũx, ¡Pegũna pedaugũ na tama nũxũ peyaxõgũxũcèx i tupanachicũgũ! Rũ ngẽxĩcatama nixĩ i chorũ ore i pemaã nũxũ chixuxũ.

Rũ nuãma pexna,
Cuáũ

NORŨ TAXRE GA POPERA GA CUÁŨ ÜMATÜXŨ

Cuáŭrũ moxê

¹ Pa Chaueneêgũ i Yaxôgũxe ya Tupana Pexũ Dexex, pexcêx chanaxümatũ i choma i Cuáũ i yaxôgũxũrũ âxgacũ na chiixũ. Choma rũ aixcũma pexũ changechaũ. Rũ tama i chaxica, natürũ guxũma i ngêma nüxũ cuêxgũxũ i Tupanaârũ ore i aixcũma ixĩxũ, rũ ngêxgumarũũ ta pexũ nangechaũgũ. ² Pexũ tangechaũ erũ toxrũ nüxũ pecuêxgũ i ngêma ore i aixcũma ixĩxũ i guxũgutáma tawa ngêxmaxũ. ³ Rũ nüma ya Tanatũ ya Tupana rũ Nane ya Ngechuchu ya Cristu rũ poraãcũ tá pexũ narũngũxêégũ rũ nüxũ pengechaũtũmũtũgũ rũ pexũ nataãêxêégũ, erũ nüxũ pecuêx i ngêma ore i aixcũma ixĩxũ rũ pegũ pengechaũgũ. ⁴ Rũ poraãcũ chataãê ga yexguma nüxũ chadêuxgu na ñuxãcũ ñuxre i petanũxũgũ rũ aixcũma meã naga na naxĩnũêxũ i ngêma ore i aixcũma ixĩxũ, yema Tanatũ ya Tupana tũxũ muxdrũ. ⁵ Rũ ñuxmax, Pa Chaueneêgũ ya Pexũ Changechaũgũxex, rũ pexna nüxũ chacuêxãchixêê na namexũ na yigũ ingechaũgũxũ. Rũ ngêma rũ tama wũxi i ngexwacaxũxũ i Tupanaârũ mu nixĩ. Natürũ yematama nixĩ ga mu ga noxriarũ ügũgumama Tupana tũxna ãxũ. ⁶ Ngêxguma Tupanaxũ ingechaũgũgu, rũ tanaxũ i guxũma i ngêma tũxũ namuxũ. Erũ nüma rũ noxriarũ ügũgumama tamaã nüxũ nixu na yigũ ingechaũgũxũcêx i wũxichigũ.

Orearũ uruũgũ i womũxêêruũchiga

⁷ Guxũwama i ñoma i naãnewa rũ nanaxĩãne i muxũma i womũxêêruũgũ ixĩgũxũ. Rũ nüxũ nixuchigagũ na tama Tupana duũxũxũ yaxĩxêêxũ ga Ngechuchu ya Cristu. Rũ ngêma ngêmaãcũ idexaxũ, rũ wũxi i womũxêêruũ nixĩ, rũ Cristuarũ uwanũ nixĩ. ⁸ ¡Pexuãêgũ na taxúema pexũ womũxêêgũxũcêx rũ na tama natúcêxma yĩxũcêx i tórũ puracũ! ¡Natürũ meã peyaxôgũama na aixcũma penayaxuxũcêx i guxũma i ngêma Tupana pexna ãxchaũxũ! ⁹ Rũ yixema nangupetũxêxê ga yema Cristu tũxũ ngúexêêxũ, rũ tama aixcũma Tupanaxũ tacuêx. Natürũ yixema tama nüxna ichoxũxê ga yema Cristu tũxũ ngúexêêxũ, rũ aixcũma nüxũ tacuêx ya Tanatũ ya Tupana rũ Nane ya Ngechuchu. ¹⁰ Rũ ngêxguma chi wũxi i duũxũ petanũwa ngxugu rũ tama yema Cristu tũxũ ngúexêêxũmaã pexũ nangúexêêgũ, rũ ¡tãütáma penayaxu i pechiũwa rũ bai i nüxũ perũmoxêégũ! ¹¹ Erũ ngêxguma wũxie tũmachiũwa nayauxgu, rũ tananaãêraxũ rũ natanũxũ tũgũ tixĩxêê nawa i ngêma norũ chixexũ.

Cuáŭrũ ore ga nawa iyacuáxũ

¹² Choxũ nangêxma i muxũma i to i ore i pemaã nüxũ chixuxchaũxũ. Natürũ tama chanaxwêxe na ñaã poperawa pemaã nüxũ chixuxũ, erũ paxa tá petanũwa íchayadauxchaũ na chomatama pemaãxũchi nüxũ chixuxũcêx na ngêmaãcũ wũxigu aixcũma itaãêgũxũcêx. ¹³ Rũ ngêma nuã natanũwa changêxmaxũ i yaxôgũxũ i peeneêgũ ixĩgũxũ i Tupana dexũ, rũ pexũ narũmoxêégũ. Rũ ngêxcatama nixĩ i chorũ ore i pemaã nüxũ chixuxũ.

Rũ nuãma pexna,
Cuáũ

NORŨ TOMAĒXPŨX GA POPERA GA CUÁŨ ÜMATÜXŨ

Cuáŭ rü Gayumaã nataãe

¹ Pa Chaueneë, Pa Gayu i Aixcuma Cuxŭ Changechaŭxêx, rü cuxcêx chanaxümatü i choma i Cuáŭ i yaxôgüxŭârü âëxgacü na chiŭxŭ. ² Pa Chaueneëx, Tupanana chaca na meã cuxna nadauxŭcêx i curü maxŭwa rü cuxunewa, ngêma curü ôwa cuxna na nadauxŭrüü. ³ Rü poraãcŭ chataãe ga yexguma núma naxŭxgu ga ñuxre ga taeneëgü, rü chomaã nüxŭ yaxugügu ga cuchiga na ñuxãcŭ meã cuyaxôxŭ i Tupanaãrü ore i aixcuma ixŭxŭ, rü guxŭguma meã naga na cuxŭnŭxŭ. ⁴ Rü guxŭguma chataãêxŭchi i ngêxguma nüxŭ chaxŭnŭgu na ñuxãcŭ Tupanaãrü ore nüxŭ ixuxŭãcŭma meã namaxêxŭ i chauyacügü. Rü aixcuma nataxuma i to i taãe i ngêmaãrü yexera ixŭxŭ. ⁵ Pa Chaueneë i Cuxŭ Changechaŭxêx, mexŭ cuxü erü nüxŭ curüngŭxêe i ngêma togü i taeneëgü i toxnamana ne ñxŭ i cuxŭtawa ngugüxŭ. ⁶ Rü númagü rü nuã nangugü, rü torü ngutaquêxepataŭwa nüxŭ nixugüe na ñuxãcŭ nüxŭ cungechaŭxŭ rü namaã cumecümaxŭ. Rü chanaxwêxe i nüxŭ curüngŭxêe i ngêma taeneëgü i ngêxguma wena cuxŭtawa nangugügu. Rü ngêxguma cuxna íyaxŭxgu rü ñuxna naxã i ñacü i nüxŭ taxuxŭ i norü namawaŭ! Erü Tupanaãrü me nixŭ na ngêmaãcŭ nüxŭ rüngŭxêeŭxŭ i norü orearü urugü. ⁷⁻⁸ Rü númagü, rü Ngechuchu ya Cristuarü puracü nixŭ i naxŭgüxŭ, rü ngêmacêx norü oremaã nanaxŭãne. Natürü tama nanayauxgü i ngêma tama yaxôgüxŭârü ngŭxêe, rü ngêmacêx name nixŭ i yixema na nüxŭ rüngŭxêeëgüxŭ na ngêmaãcŭ yixema rü ta wüxigu namaã naxŭgüxŭcêx i Tupanaãrü puracü.

Diótepe rü chixexŭ naxü natürü Demétrü rü mexŭ naxü

⁹ Choma rü marü chanaxümatü i wüxi i popera naxcêx i ngêma tupaucatanüxgü i curü ñãnewa ngêxmagüxŭ. Natürü núma i Diótepe rü tama naga naxŭnŭchaŭ i ngêma nüxŭ tixuxŭ, erü nanaxwêxe na númatama namuãxŭ i ngêma tupaucatanüxŭ. ¹⁰ Rü ngêxguma ngema chaxŭxgu rü ta nüxŭ chaxoregü erü tochiga i chixexŭmaã inayarüdexanexŭ. Rü woo tomaã na ngexŭ nawagüxŭ, rü naëtuwa to i chixexŭ naxü, erü tama nanayauxchaŭ i ngêma taeneëgü i ngema ngugüxŭ. Rü nanachuxu na texé nayaxuxŭ i ngêma taeneëgü. Rü yixema nayauxchaŭxê, rü ngutaquêxepataŭwa tŭxŭ ñawoxŭ. ¹¹ Pa Chaueneë i Cuxŭ Changechaŭxêx, ñTãxŭ i nüxŭ cuyadauxŭxŭ i ngêma togü i chixexŭ ügüxŭ! Natürü name nixŭ i nüxŭ cuyadauxŭ i ngêma mexŭ ügüxŭ. Erü yixema guxŭguma mexŭ ŭxe rü Tupanaxãcŭ tixŭ. Natürü yixema chixexŭ üechaxe rü tama Tupanaxŭ tacuêx. ¹² Guxŭma i duŭxŭgü nüxŭ ixuxgu i Demétrü rü wüxi ya mecü nixŭ. Rü toma rü ta nüxŭ tacuêx na meã naga naxŭnŭxŭ i Tupanaãrü ore i aixcuma ixŭxŭ. Rü ngêmacêx toma rü ta nüxŭ tixu na aixcuma mecü yŭxŭ. Rü cuma nüxŭ cucuêx na aixcuma na yŭxŭ i ngêma nüxŭ tixuxŭ.

Cuáŭlãrü ore ga nawa iyacuãxŭ

¹³ Choma choxŭ nangêxmachirêx i muxŭma i chorü ore i cumaã nüxŭ chixuxchaŭxŭ, natürü tama ñãã poperagu cuxcêx chanaxümatüchaŭ. ¹⁴ Erü choma rü paxa ngema chaxŭxchaŭ, rü ngêxguma rü meã ta yigümaã tidexagü. ¹⁵ ñMeã cuxŭ naxüpetü rü tãxŭ i cuxoegaãêxŭ! Tamüçügü i númacŭãx rü moxê cuxcêx ngema namugü. Rü chanaxwêxe i nüxŭ curümoxê i wüxichigü i tamüçügü i ngema ngêxmagüxŭ. Rü ngêxŭcatama nixŭ i chorü ore i cumaã nüxŭ chixuxŭ.

Rü nuãma cuxna,
Cuáŭ

POPERA GA YUDA ÜMATÜXÜ

Yema yaxögüxü nariümoë ga Yuda

¹ Pa Yaxögüxü i Guxüwama Ngëxmagüxü, choma i Yuda nixi i pexcëx chanaxümatüxü i ñaã popera. Rü choma nixi i Chaütiágueneë chixü, rü Ngechuchu ya Cristuarü duüxü chixi. Rü pexcëx chanaxümatü i pema na Tanatü ya Tupana pexü dexü rü pexü ngechaüxü rü Ngechuchu ya Cristu pexna dauxü. ² Rü pexcëx chayümüxë na guxüguma Tupanaãxü pengechaütümüügüxcëx, rü pexü nataãëxëëgüxcëx, rü pexü nangechaüxüxcëx.

Duüxügü i doramaã ngüexëtaegüxüchiga

³ Pa Chaueneëgü ya Pexü Changechaügüxex, noxri rü poraäcü choxü nangüchaü na pexcëx chanaxümatüxü nachiga i ngëma maxü i taguma güxü i tüxü ngëxmaxü. Natürü ñuxma na petanügu nachocuxü i ñuxre i duüxügü i iyatoxëëgüchaüxü i Tupanaärü ore, rü ngëmacëx chanaxwëxe na pexcëx chanaxümatüxü na pexü chaxucuxëxüxcëx rü ípenapoxüxüxcëx i ngëma ore i aixcuma ixixü ga Yudügüma wüxicanatama Tupana norü duüxügüna äxü. ⁴ Rü ngëma duüxügü i pexü nawomüxëëcüma petanügu chocuxü nixi i pexü ngüexëxü rü ñaxü:

“Tupana rü namecümüxüchi rü ngëmacëx täütáma pexü napoxcue ega woo chixri pemaxëgu”, ñaxü. Rü ngëxgumarüü ta tama nüxü nacüëxgüchaü ya törü Cori ya Ngechuchu ya Cristu ya törü yora ixicü. Natürü ngëma duüxügü i ngëmaäcü maxëxü, rü woetama nuxcü mama Tupanaärü ore i ümatüxüwa rü marü nüxü nixu na Tupana tá napoxcuxü. ⁵ Rü woo na marü nüxü pecuáxü natürü pexna nüxü chacüëxächixëëchaü na ñuxäcü namaã nangupetüxü ga yema nuxcümaügüxü ga Yudügüma Moïchéwe rüxixü. Rü törü Cori ya Tupana rü poraäcü nüxü narüngüxëë na Equituanewa ínangüxüxcëx, natürü yixcama rü nanadaí ga yema tama naga íñüëchaüxü. ⁶ Rü ngëxgumarüü ta pexna nüxü chacüëxächixëë na ñuxäcü namaã nangupetüxü ga yema daxücüäx ga orearü ngerüügü ga noxri íxüünechirëxü natürü yixcama nagagutama pecadu ügüxü. Rü yemacëx ga Tupana rü ëänexüwa nanawogü, rü ngëxma nanapoxcue ñuxmatáta nawa nangu i ngëma ngunexü i nagu tüxü yacagüxü. ⁷ Rü yexgumarüü ta nüxü nangupetü ga guma íänegü ga Chodoma rü Gomora rü guma íänegü ga norü ngaicamagügüne. Yerü guma íänecüäxgü, rü poraäcü chixri nügümaã namaxë, rü yemacëx ga Tupana rü üxümaã ínanagu. Rü yemaäcü ínyanaxoxëë ga guma íänegü na yemawa tüxü nüxü nacüëxëxüxcëx na nangëxmaxü i wüxi i poxcu naxcëx i guxüma i ngëma chixexü ügüxü. ⁸ Natürü woo ngëmaxü na nacüëxgüxü i ngëma idoraexü i petanügu chocuxü, natürü norü chixexüga narüxínüëäma. Rü poraäcü chixri nügümaã namaxë, rü tama törü Cori ya Tupanaga naxínüëchaü, rü chixri Tupanaärü orearü ngerüügü i daxücüäxchigagu nidexagü. ⁹ Rü ngëma duüxügü rü naëchitamare nidexagü rü tama Tupanaärü orearü ngerüügü ga Miguérerüü nügüna nadau i norü orewa. Rü guma Miguére rü woo güxü i Tupanaärü orearü ngerüügü i daxücüäxärü äëxgacü na yixü, natürü tama ngoxo ga Chatanámaã naguxchiga ga yexguma Moïchéxüncëx yëma nügümaã yaporagatanücüxü, na nüxü nacüëxgüxüxcëx na texëarü tá yixü ga Moïchéxüne. Natürü nüma ga Miguére rü ínanagürümare:

“Cori ya Tupana tá cuxü nanga”,

ínanagürümare. ¹⁰ Natürü ngëma duüxügü i doramaã i petanügu chocuxü, rü tama Tupanaxü nacüëxgüäcüma chixri nachiga nidexagü, rü chixri norü orearü ngerüügü i daxücüäxchiga nidexagü. Rü ñoma naëxügürüü naxüneärü ngüchaüwemare narüxi, rü ngëmaäcü namaxë. Natürü ngëma chixexü i naxügüxüxcëx, rü Tupana tá nanapoxcue. ¹¹ Rü wüxi i ngechaüxüchi nixi naxcëx i ngëma duüxügü erü ngëmaäcü namaxë. Rü Caí ga naëneëxü ímáxürüü nixigü. Rü äëxgacü ga Baráürüü díërucëx chixexü naxügü. Rü Coréürüü tama Tupanaga naxínüëchaü, rü ngëmacëx Tupana tá nanapoxcue. ¹² Rü ngëxguma tupaucawa törü Coriarü ðnacëx pengutaquëxegügü, rü wüxi i änexüchi nixigü. Erü narücutanüxü, rü poraäcü nachibüë rü naxaxegü, rü nügügüxicatama narüxínüë. Rü ñoma caixanexü i ngearü pucüäxü i paanexüëtüwa üpetüxü natürü tama nanetüxü íxaiyagüxürüü taxuwama nime. Rü ngëma nanetügü i ngëxguma norü owa nanguxgu rü tama íxoxürüü nixigü. Rü ñoma naígu i güxüma i naxchümëxámaã napuxü rü yuxuchixürüü taxuwama nime i ngëma duüxügü. ¹³ Rü ñoma yuape i taxü i norü chixixü i äüächixü naxänacüwa yataxürüü nixigü, erü poraäcü chixexü naxügü. Rü ñoma woramacurigü ya nu ne naxímarecürüü nixigü. Natürü Tupana rü marü namaã nanaxuegu na ngëma waanexüchixüwa güxügütáma nawogüäxü. ¹⁴⁻¹⁵ Rü nuxcümaücü ga Enó ga Adáütáa íxicü rü ngëma duüxügüchiga nidexa ga yexguma Tupana yadexaxëëgu, rü ínanagürü:

“Rü nüxü chadau ya Cori ya Tupana na muxüchixü i norü orearü ngeruüğü i daxüçüäxmaã nûma ücü na duüxüğüna naçaxüçëx i norü maxüchiga rü napoxcueäxüçëx i guxüma i ngëma duüxüğü i chixexü ügüxü rü namaã guxchigagüxü”, ñanagürü. ¹⁶ Rü ngëma duüxüğü rü ñacüçëx idexagüwëxëxüchixü nixüğü, rü toguäxü ix-uxwëxëgüxüchixü nixüğü. Rü noxrütama ngüchaüçëx daugüxü nixüğü. Rü nüğü icüëxüüğüxü nixüğü. Rü nümaxü meã tûmachiga nidexagünetä ya duüxëğü, na tûmaxütawa ñacü na nayauxgüxüçëxmare.

Yuda nayaxucuxëğü ga yema yaxögüxü

¹⁷ Pa Chaueneëğü ya Pexü Changechaüğüxëx, inüxna pecuëxächie ga yema ore ga pemaã nüxü yaxugüğüxü ga törü Cori ya Ngechuchu ya Cristuarü ngüexüğü ga imugüxü! ¹⁸ Rü nümagü rü ñanagürüğü pexü: “Ngëxguma nagüxchaüğü i naäne rü tá nangëxma i duüxüğü i tá nüxü cugüexü i Tupanaärü ore rü noxrütama ngüchaü i chixexügmare maxëxü”, ñanagürüğü pexü. ¹⁹ Rü ngëma duüxüğü nixü i pexü itoyexü na tama wüxigu perüxinüëxüçëx rü tama meã peyaxögüxüçëx. Rü nümagü rü naxüneärü ngüchaüwe narüxü, rü tama nawa nangëxma i Tupanaãë i Üünexü. ²⁰ Natürü pemax, Pa Chaueneëğü ya Pexü Changechaüğüxëx, ¡rü pegü perüngüxëëx na guxüguma yexeraäcü nagu pexüxü rü peyaxögüxü i ngëma ore i üünexü i marü peyauxgüxü! ¡Rü guxüguma Tupanaãë i Üünexüärü ngüxëëmaã peyumüxëğü! ²¹ ¡Rü guxüguma nagu pexü i ngëma Tupanaärü ngechaxü! ¡Rü meã ipenangüxëëx i ngëma ngunexü i nagu tá nûma naxüxü ya törü Cori ya Ngechuchu ya Cristu na nüxü ingechaütümüğüäcûma tûxna naxäãxüçëx i maxü i taguma güxü! ²² ¡Rü pexü nangechaütümüğü i ngëma tama aixcûma yaxögüxü, rü nüxü perüngüxëëğü na meã yaxögüäxüçëx! ²³ Rü togü, ¡rü paxa norü pecaduwa ipenayaxuchi na namaxëxüçëx rü tama yima üxü ya Tupana mexënegu yanatauxëxüçëx! Rü woo ngëma tama yaxögüchaüxü, ¡rü pexü nangechaütümüğü! ¡Natürü pegüna pedaugü na tama norü chixexüğü peyixüçëx! Rü ngëma norü chixexü i pexçëx mexcüraxüxü, ¡rü nüxü pexo!

Tupanaxü yacuëxüüäcûma inayacuëë ga norü popera

²⁴⁻²⁵ Rü yima wüxitäma ya Tupana ya törü Maxëxëëruü ixücü, rü nüxü nangëxma i pora na pexna nadauxüçëx na tama pecadugu peyixüçëx. Rü nüxü nangëxma i pora na iyanaxoxëëäxüçëx i guxüma i perü chixexüğü na petaãëgüäcûma nügüpëxewa pexü nagagüxüçëx i ngextä äëxgacü iyüxüwa. Rü ngëmacëx tanaxwëxe i törü Cori ya Ngechuchu ya Cristuégagu Tupanaxü ticuëxüüğü, erü nûma rü guxüärü yexera name rü napora, rü guxüëtüwa nangëxma, rü guxümaã inacuëx. Rü yemaäcü nixü ga nuxcûmaxüchima, rü ngëmaäcü nixü i ñuxmax, rü guxügutáma ngëmaäcü yü.

Rü nüma pexna,
Yuda

YEMA CUÁŪ NŪXŪ DAUXŪ I YIXCŪRA TÁ NGUPETŪXŪCHIGA

Ore ga Cuáŭxŭ nŭxŭ nacuèxèèxŭ ga Ngechuchu ga Cristu

¹ Ņāā nixŭ i ngēma ore ga Tupana Ngechuchu ya Cristuxŭ nŭxŭ cuèxèèxŭ na nŭxŭ norŭ duŭxŭgŭxŭ nŭxŭ nacuèxèèxŭcèx i ngēma paxa tá ngupetŭxŭ. Rŭ nŭma ga Ngechuchu ya Cristu nixŭ ga norŭ orearŭ ngeruŭ ga daxŭcŭŭxŭ namuxŭ na norŭ duŭcŭ ga Cuáŭmaā nŭxŭ na yaxuxŭcèx. ² Rŭ choma i Cuáŭ chixŭ ga aixcŭma meāma nŭxŭ chadauxŭ rŭ chanaxŭmatŭxŭ ga guxŭma ga yema Tupanaārŭ ore ga Ngechuchu chauxcèx ngoxèèxŭ. ³ Rŭ tataāē ya yixema duŭxŭgŭpèxewa nawa ngŭxe i űāā Tupanaārŭ ore, rŭ ngèxgumarŭŭ ta tataāēgŭ ya yixema nŭxŭ inŭèxè rŭ naga inŭèxè i űāā ore i ŭmatŭxŭ, erŭ paxa tá ningŭ i ngēma nŭxŭ yaxuxŭ.

Cuáŭ nanaxŭmatŭ naxcèx ga yema 7 tŭcumŭ ga yaxŭgŭxŭ ga Áchiaanewa yexmagŭxŭ

⁴ Rŭ choma i Cuáŭ rŭ chanaxŭmatŭ i űāā ore pexcèx i yaxŭgŭxe ya yima 7 ya űāne ya Áchiaarŭ naānewa ngèxmagŭnewa ngèxmagŭxe. Rŭ chanaxwèxe i pexŭ narŭngŭxèè rŭ pexŭ nataāèxèè ya yima 7 ya woetama ngèxmaèchacuŭ. Rŭ ngèxgumarŭŭ ta chanaxwèxe i pexŭ narŭngŭxèè rŭ pexŭ nataāèxèè i ngēma Naāē i Ūnèxŭ i naxŭtawa ne ŭxŭ i perŭ dauruŭ ixŭxŭ i pema i yaxŭgŭxe ya yima 7 ya űānewa na pengèxmagŭxŭ. ⁵ Rŭ ngèxgumarŭŭ ta chanaxwèxe na pexŭ nangŭxèèxŭ rŭ pexŭ nataāèxèèxŭ ya Ngechuchu ya Cristu ga aixcŭma meāma nŭxŭ icucŭ ga Tupanaārŭ ore ga űoma ga naānewa. Rŭ nŭma nixŭ ga nŭxŭra yuwa űadaxŭ. Rŭ nŭma rŭ guxŭma i űoma i naānewa ngèxmagŭxŭ i nachŭŭānèārŭ āèxgacŭgŭarŭ āèxgacŭ nixŭ. Rŭ nŭma rŭ tŭxŭ nangechaŭ, rŭ nagŭmaā tŭxŭ inayanaxoxèè i tŭrŭ pecadugŭ. ⁶ Rŭ űŭxma na guxŭārŭ āèxgacŭ yŭxŭ i nŭmax, rŭ tŭxŭ naxŭchica i ngèx nŭma āèxgacŭ űyŭxŭwa. Rŭ paigŭxŭ tŭxŭ nixŭgŭxèè na Nanatŭ ya Tupanaāxŭ ipuracŭxŭcèx rŭ nŭxŭ icuèxŭtŭgŭxŭcèx. Rŭ name nixŭ i guxŭgutāma Cristuxŭ ticuèxŭgŭ, erŭ nŭma rŭ guxŭgutāma guxŭārŭ āèxgacŭ nixŭ. Rŭ ngēmaācŭ yŭ. ⁷ Rŭ dŭcax, marŭ ningaica na caixanexŭgu inanguxŭ ya Cristu! Rŭ guxŭtāma i duŭxŭgŭ nŭxŭ nadau, rŭ woo ga yema nacanapacŭtŭgŭxŭ rŭ tá ta nŭxŭ nadaugŭ. Rŭ guxŭ i duŭxŭgŭ i guxŭ i nachŭŭānècŭŭxŭ i tama yaxŭgŭxŭ rŭ norŭ muŭmaā rŭ norŭ ngechaŭmaā tá naxauxe i ngèxguma inanguxŭ i nŭmax. Rŭ aixcŭma ngēmaācŭ tá nixŭ. ⁸ Rŭ nŭma ya tŭrŭ Cori ya Tupana ya guxŭārŭ āèxgacŭ ixŭcŭ ya woetama ngèxmaèchacuŭ, rŭ űanagŭrŭ:

“Chowa nixŭ ga inaxŭgŭxŭ ga guxŭma, rŭ nataxuma i űacuŭ i chorŭ yexera ngèxmaèchaxŭ”, űanagŭrŭ.

Cuáŭcèx nangox ga Cristu ya mexèchicŭ

⁹ Rŭ choma i Cuáŭ na pexcèx chanaxŭmatŭxŭ i űāā popera, rŭ peeneè chixŭ. Rŭ ngēma na Ngechuchuna na chaxŭxŭ rŭ chaxāchica i ngèxtā nŭma āèxgacŭ űyŭxŭwa. Rŭ Ngechuchucèx pexrŭŭ ngŭxŭ chinge, natŭrŭ nŭma pexŭ naporaxèèxŭrŭŭ choxŭ naporaxèè na yaxna namaā chaxŭnŭxŭcèx i guxŭma i ngēma ngŭxŭ i choxŭ űpetŭxŭ. Rŭ choma rŭ capaxŭ ga Pátmugu chapoxcu naxcèx na nŭxŭ chixuxŭ ga Tupanaārŭ ore ga Ngechuchuchiga. ¹⁰⁻¹¹ Rŭ wŭxi ga yŭxŭarŭ ngunexŭgu rŭ Tupanaāē i Ūnèxŭ chomaā inacuèx, rŭ changoxetŭ rŭ choweama nŭxŭ chaxŭnŭ ga wŭxi ga naga ga tagaxŭ ga űoma cornetagarŭŭ ixŭxŭ ga űaxŭ choxŭ:

“Chowa nixŭ ga inaxŭgŭxŭ ga guxŭma, rŭ nataxuma i űacuŭ i chorŭ yexera ngèxmaèchaxŭ. Rŭ űŭxma chanaxwèxe na wŭxi i poperagu cunaxŭmatŭxŭ i ngēma nŭxŭ cudauxŭ. Rŭ űŭxŭchi chanaxwèxe i ngēma yaxŭgŭxŭ ya yima 7 ya űāne ya Áchiaarŭ naānewa ngèxmagŭnewa ngèxmagŭxŭtanŭwa cunamu. Rŭ yima 7 ya űāne nixŭ ya Epèchiu rŭ Esmira rŭ Pèrgamu, rŭ Tiatira rŭ Chardi rŭ Firađérfia rŭ Laodichéa”, űanagŭrŭ. ¹² Rŭ chaugŭ űchidau na nŭxŭ chacuāxŭcèx na űacuŭ yŭxŭ ga yema chomaā idexaxŭ. Rŭ yexguma chaugŭ űchidèuxgu rŭ nŭxŭ chadau ga 7 ga weraarŭ űruŭgŭ ga uirunaxcèx ixŭgŭxŭ. ¹³ Rŭ yema 7 ga weraarŭ űruŭgŭarŭ ngāxŭtanŭwa nŭxŭ chadau ga wŭxi ga duŭxŭ ga chauxcèx nangechuchu ga duŭxŭxŭ ixŭcŭraŭxŭ. Rŭ wŭxi ga naxchiru ga máxŭmaā naxāxchiru. Rŭ wŭxi ga goyexŭ ga uirunaxcèxmaā nigoyeremŭ. ¹⁴ Rŭ nayae rŭ nachŭxochi űoma űacuŭ i choxochixŭrŭŭ. Rŭ naxètŭ rŭ űoma űxŭemarŭŭ niyauracŭŭ. ¹⁵ Rŭ nacutŭ rŭ ta niyauracŭŭ űoma cobrexŭchi i meāma ipixŭrŭŭ. Rŭ yexguma yadexagu rŭ natagaxŭchi űoma taxŭ i dexā i chuxchuxŭ āgaxŭrŭŭ. ¹⁶ Rŭ norŭ tŭgŭnemèxèwa nŭxŭ nayexma ga 7 ga woramacurŭgŭ. Rŭ naāxwa nayexma ga wŭxi ga tara ga guxŭcŭwawa téxŭ. Rŭ nachŭwe rŭ űoma űèxŭ

poraăcŭ nguxetŭgurŭđŭ nixŭ. ¹⁷ Rŭ yexguma nŭxŭ chadêuxgu, rŭ napêxegu chayangu ñoma chayuxŭrŭđŭ. Natŭrŭ ga nŭma rŭ norŭ tŭgŭnemêxêmaă choxŭ ñingôgŭ, rŭ ñanagŭrŭ choxŭ: "ŭTăxŭđŭ i cumuđxŭđŭ! Choma nixŭ i chaxira chayexmaxŭđŭ rŭ guxŭđgutăma changêxmaăchaxŭđŭ. ¹⁸ Rŭ choma nixŭ i yuwa ıcharŭdaxŭđŭ rŭ ñuxma rŭ chamaxŭđŭ. Rŭ ŭpa rŭ chayu, natŭrŭ i ñuxma rŭ marŭ guxŭđgutăma chamaxêcha. Rŭ choxmêxwa nangêxma na ñuxgu tá nayuxŭđŭ i wŭxıchŭrŭđŭ i duđxŭđŭ. Rŭ ngêxgumarŭđŭ ta choma nixŭ i namaă ıchacuxăma i ngêma nachica i ngextă ınangêxmagŭxŭwa i guxŭđma i duđxŭđgŭ i yuexŭđŭ. ¹⁹ Rŭ ñuxma rŭ chanaxwêxe i cunaxŭmatŭđŭ i ngêma nŭxŭ cudauxŭđŭ. Rŭ ngêma nixŭ i ñuxma ngêma yaxôgŭxŭđmaă ngupetŭxŭđŭ, rŭ ngêma yıxcŭra tá ngupetŭxŭđŭ. ²⁰ Rŭ ñuxma rŭ tá cuxcêx chanangoxêê i ngêma êxŭguxŭđŭ i ngêma 7 i woramacurıgŭđŭ i chorŭ tŭgŭnemêxêwa nŭxŭ cudauxŭđchiga rŭ ngêma 7 i weraarŭ ŭruŭgŭđŭ i uirunaxcêxchiga. Rŭ ngêma 7 i woramacurıgŭđŭ i nŭxŭ cudauxŭđŭ, rŭ ngêma âexgacŭgŭđŭ i ngêma 7 tŭcumŭđŭ i yaxôgŭxŭđetŭwa ngêxmagŭxŭđchiga nixŭ. Rŭ ngêma 7 i weraarŭ ŭruŭgŭđŭ rŭ ngêma 7 tŭcumŭđŭ i yaxôgŭxŭđŭ i yima 7 ya ıănewa ngêxmagŭxŭđchiga nixŭ".

2

Ore ga yema 7 tŭcumŭđŭ ga yaxôgŭxŭđcêx ŭmatŭxŭđŭ Ore ga yema yaxôgŭxŭđŭ ga Epêchiuarŭđŭ ıănewa yexmagŭxŭđcêx ŭmatŭxŭđŭ

¹ "Rŭ ñuxma chanaxwêxe i ngêma Epêchiuwa ngêxmagŭxŭđŭ i yaxôgŭxŭđărŭđŭ âexgacŭcêx cunaxŭmatŭđŭ, rŭ ñacurŭgŭđŭ nŭxŭđŭ: 'Naă nixŭ i norŭ ore ya yima ngêma yaxôgŭxŭđtanŭgu yarŭxŭđŭđcŭđŭ rŭ norŭ tŭgŭnemêxêmaă nŭxna daucŭđŭ i ngêma yaxôgŭxŭđărŭđŭ âexgacŭgŭđŭ'. ² Rŭ ñanagŭrŭđŭ i nŭmax:

'Choma nŭxŭ chacuêx i guxŭđma i ngêma cuxŭxŭđŭ. Rŭ nŭxŭ chacuêx na ñuxăcŭđŭ poraăcŭ choxŭđŭ cupuracŭxŭđŭ rŭ ñuxăcŭđŭ cunaxŭamaxŭđŭ i ngêma puracŭđŭ woo ngêmacêx muxŭđma i guxchaxŭđgŭ cuxcêx ınguxgu. Rŭ nŭxŭ chacuêx na tama curŭđŭ me yŭıxŭđŭ i ngêma duđxŭđgŭđŭ i chixexŭđŭ ŭgŭxŭđŭ. Rŭ ngêxgumarŭđŭ ta nŭxŭ chacuêx na meă cunangugŭarŭđŭ maxŭđăxŭđŭ i ngêma duđxŭđgŭđŭ i nŭgŭđŭ ıxugŭxŭđŭ na Tupana imugŭxŭđŭ yıxŭgŭxŭđŭ natŭrŭđŭ tama aıxcŭma ıxŭgŭxŭđŭ na Tupana yamugŭxŭđŭ. Rŭ cŭma rŭ nŭxŭđŭ cucuêxama na ıdoratêxmaregŭxŭđŭ yıxŭgŭxŭđŭ. ³ Rŭ woo naguxcha i ngêma puracŭđŭ i chauxcêx cuxŭxŭđŭ, natŭrŭđŭ cunaxŭđma. Rŭ woo chaugagu poraăcŭđŭ ngŭxŭđŭ na quıngexŭđŭ, natŭrŭđŭ yaxna namaă cuxŭđŭ, rŭ tama nŭxŭđŭ curŭchau. ⁴ Natŭrŭđŭ nangêxma i wŭxı i cuxŭxŭđŭ i tama chorŭđŭ me ıxŭxŭđŭ. Rŭ ngêma nixŭ na tama noxrırŭđŭ choxŭđŭ cungechaŭxŭđŭ i ñuxmax. ⁵ Rŭ ngêmacêx i ñuxma na ngêma chixexŭđgŭ cunguxŭđŭ, rŭ name nixŭ i nŭxna cucuêxăchi na ñuxăcŭđŭ choxŭđŭ cungechaŭxŭđŭ ga noxrıx. Rŭ name nixŭ i nŭxŭđŭ curŭxoxo i curŭđŭ chixexŭđŭ rŭ noxrırŭđŭ choxŭđŭ cungechaŭđăcŭma mexŭđŭ cuxŭđŭ. Natŭrŭđŭ ngêxguma chi tama nŭxŭđŭ curŭxoxgu i curŭđŭ chixexŭđŭ, rŭ paxa tá cuxŭđŭ ıchayadau, rŭ tá cuxŭđŭ chaxo na tama ngêma togŭđŭ yaxôgŭxŭđtanŭwa xăchăcaxŭđcêx. ⁶ Natŭrŭđŭ nangêxma i wŭxı i cuxŭxŭđŭ i chorŭđŭ me ıxŭxŭđŭ. Rŭ ngêma nixŭ na naxchi cuxaixŭđŭ i ngêma chixexŭđŭ i naxŭgŭxŭđŭđŭ i ngêma Nicoraıtagŭđŭ. Rŭ choma rŭ ta naxchi chaxai i ngêma chixexŭđŭ i naxŭgŭxŭđŭđŭ'. ⁷ Rŭ yıxema âchıxexê rŭ name nixŭ i naga taxŭđŭđŭ i ngêma Tupanaăđŭ i ŭđnêxŭđŭ nŭxŭđŭ ıxuxŭđŭ namaă i ngêma yaxôgŭxŭđtŭcumŭgŭđŭ". Rŭ ñanagŭrŭđŭ:

"Yıxema nŭxŭđŭ rŭporamaêxêđŭ i chixexŭđŭ rŭ tá tŭxŭđŭ nŭxŭđŭ chamŭxnetaxêêđŭ i norŭ o i ngêma orıx i tŭxŭđŭ maxêxêxŭđŭđŭ i Tupanaărŭđŭ orıxnecŭwa ngêxmaxŭđŭ", ñanagŭrŭđŭđŭ i Naăđŭđŭ i ŭđnêxŭđŭđŭ.

Ore ga yema yaxôgŭxŭđŭ ga Esmiraarŭđŭ ıănewa yexmagŭxŭđcêx ŭmatŭxŭđŭ

⁸ Rŭ yema chomaăđŭ ıdexaxŭđŭ rŭ ñanagŭrŭđŭ ta:

"Chanaxwêxe i Esmirawa ngêxmagŭxŭđŭđŭ i yaxôgŭxŭđărŭđŭđŭ âexgacŭcêx cunaxŭmatŭđŭ, rŭ ñacurŭgŭđŭ tá: 'Naă nixŭ i norŭ ore ya yima nŭxŭđŭra yexmacŭđŭ rŭ guxŭđguma ngêxmaêchacŭđŭ ga paxăachi yucŭđŭ rŭ wenaxarŭđŭ maxŭđcŭđŭ'. ⁹ Rŭ ñanagŭrŭđŭđŭ i nŭmax:

'Choma nŭxŭđŭ chacuêx i guxŭđma i ngêma cuxŭxŭđŭ. Rŭ nŭxŭđŭ chacuêx na ñuxăcŭđŭđŭ ngŭxŭđŭ quıngexŭđŭ. Rŭ nŭxŭđŭ chacuêx na cungearŭđŭ đŭeruăxŭđŭđŭ i ñoma i naănewa, natŭrŭđŭ daxŭguxŭđŭđŭ i naănewa cuxŭđŭ nangêxma i ngêma taguma gŭxŭđŭ. Rŭ nŭxŭđŭ chacuêx na ñuxăcŭđŭ chıxıri cuchıga yadexagŭxŭđŭđŭ i ngêma duđxŭđgŭđŭ i nŭgŭđŭ ıxugŭxŭđŭđŭ na Yudıgŭđŭ yıxŭgŭxŭđŭđŭ. Natŭrŭđŭ i nŭmagŭđŭ rŭ aıxcŭma Chatanaărŭđŭ duđxŭđgŭmare nıxŭgŭđŭ. ¹⁰ Rŭđŭđŭđŭ tăxŭđŭđŭ i cumuđxŭđŭđŭ naxcêx i ngêma ngŭxŭđŭđŭ i tá quıngexŭđŭđŭ! Rŭ ngoxo i Chatanađŭđŭ rŭ tá norŭđŭ duđxŭđgŭxŭđŭđŭ namu na poxcupatađŭđŭ pexŭđŭ napoxcuxêxŭđcêx i ñuxre i pema na ngêmaăcŭđŭ pexŭđŭ naxŭxŭđcêx. Rŭ ñuxre i ngunexŭđŭ tá ngŭxŭđŭ pıngegŭđŭ. Natŭrŭđŭ woo ngêmaăcŭđŭ ngŭxŭđŭ pıngegŭđŭ rŭ chanaxwêxe i choxŭđŭ cuyaxôđma ñuxmatăta cuyux. Rŭ choma rŭ tá cuxna chanaxăđŭ i curŭđŭ âmare i maxŭđŭđŭ i taguma gŭxŭđŭđŭ'. ¹¹ Rŭ yıxema âchıxexê rŭ name nixŭđŭ i naga taxŭđŭđŭđŭ i ngêma Tupanaăđŭ i ŭđnêxŭđŭđŭ nŭxŭđŭ ıxuxŭđŭ namaă i ngêma yaxôgŭxŭđtŭcumŭgŭđŭ". Rŭ ñanagŭrŭđŭđŭ:

"Yıxema ñoma i naănewa nŭxŭđŭ rŭporamaêxêđŭ i chixexŭđŭ, rŭ tăđtăma Tupana ngoxogŭxŭđŭđŭ ıpoxcuxêxŭwa tŭxŭđŭđŭ nawogŭđŭ", ñanagŭrŭđŭđŭđŭ i Naăđŭđŭđŭ i ŭđnêxŭđŭđŭđŭ.

Ore ga yema yaxôgŭxŭđŭđŭ ga Pêrgamuărŭđŭđŭ ıănewa yexmagŭxŭđcêx ŭmatŭxŭđŭđŭ

¹² Rû yema chomaã idexaxû rû ñanagûrû ta:

“Chanaxwêxe i Pérgamuwa ngêxmagûxû i yaxôgûxûârû âêxgacûcêx cunaxûmatû, rû ñacurûgû tá: ‘Naã nixî i norû ore ya yima nûxû nangêxmacû i ngêma tara i guxûcûwawa téxû’.
¹³ Rû ñanagûrû i nûmax:

‘Choma nûxû chacuêx na yima îâne ya Chataná poraãcû namaã îcuáxûnewa na cumaxûxû. Natûrû woo ngêxma na cuxâchiûxû, rû tama choxû îcutêx. Rû woo yexguma chorû orearû urûû ga mecû ga Atîpaxû yamêxgûgu nagu ga guma îâne ga nawa Chataná duûxûgûmaã îcuáxûne, rû tama nûxû curûxo na choxû cuyaxôômaxû. ¹⁴ Natûrû nangêxma i ñuxre i tacû i cuxûxû i tama chorû me îxîxû. Rû ngêma nixî na cugûxûtawa cunangêxmagûxêêxû i ñuxre i curû duûxûgû i tama nûxû rûxoechaûxû i ngêma nguxêêtae ga nuncûma Baráû Yudiûgûarû âêxgacû ga Baráxû namaã ucuxêxû na chixexûgu Yudiûgûxû nayixêêxcêx. Rû yema Yudiûgû rû yema ucuxêgagu nawa naxî ga yema petagû ga togû ügûxû naxcêx ga norû tupananetachicûnêxâgû. Rû yexgumarûû ta yema ucuxêgagu nixî ga naî ga ngemaã namaxêxû ga Yudiûgû. Rû ñuxma i ñuxre i curû duûxûgû i Pérgamuwa ngêxmagûxû rû nagu naxî ga yema nuncûmaûxû ga nguxêêtae ga chixexû, rû tama nûxû narûxoechaû. ¹⁵ Rû ngêxgumarû ta ngema cunangêxmagûxêê i ñuxre i chixexû i tama nûxû rûxoechaûxû i ngêma Nicoraitagûarû nguxêêtae i Baráûârû nguxêêtaeruû chixexû. ¹⁶ Rû ngêmacêx chanaxwêxe i nûxû curûxo i ngêma chixexû. Rû ngêxguma chi tama nûxû curûxoxgu, rû paxa tá ngema cuxûtawa chaxû rû ngêma tara i chauêxwa ngêxmaxûmaã tá ngêma duûxûgûxû chadaî’. ¹⁷ Rû yîxema âchixexê rû name nixî i naga taxînú i ngêma Tupanaãe i Üünexû nûxû îxuxû namaã i ngêma yaxôgûxûtûcumûgû”. Rû ñanagûrû:

“Yîxema nûxû rûporamaêxê i chixexû rû tá tûxna chanaxâ i pâû i daxûcûâx. Rû tá tûxna chanaxâ ya wûxi ya nuta ya chócû i wûxi i naega i ngexwacaxûxû nagu ûmatûxû. Rû yîxema nayaxuxexicatama tixî ya nûxû cuáxe i ngema naêga”, ñanagûrû i Naãe i Üünexû.

Ore ga yema yaxôgûxû ga Tiatíraarû îânêwa yexmagûxûcêx ûmatûxû

¹⁸ Rû yema chomaã idexaxû rû ñanagûrû ta:

“Chanaxwêxe i Tiatírawa ngêxmagûxû i yaxôgûxûârû âêxgacûcêx cunaxûmatû, rû ñacurûgû tá: ‘Naã nixî i norû ore ya yima Tupana Nane ya ñoma üxûemarûû iyauraxetûcûcûcû rû nacutûgû rû ñoma cobre i meãma îpîxûrûû îxîxûne’. ¹⁹ Rû ñanagûrû i nûmax:

‘Choma nûxû chacuêx i guxûma i ngêma mexû i cuxûxû. Rû nûxû chacuêx na ñuxâcû cumûcûgûxû cungechaxûxû, rû ñuxâcû meãma choxû na cuyaxôxû, rû ñuxâcû nûxû na curûngûxêêxû i ngêma togû i yaxôgûxû, rû ñuxâcû yaxna namaã cuxînúxû i guxchaxûgû. Rû nûxû chacuêx i ñuxma na noxriarû yexera cunaxûxû i ngêma cuxû chanaxwêxexû. ²⁰ Natûrû nangêxma i wûxi i cuxûxû i tama chorû me îxîxû. Rû ngêma nixî na ngema cunangêxmaxêêchaxû i ngêma ngexû i Yechabé i nõgû îxuxû na Tupanaârû orearû urûû na yîxû, natûrû norû nguxêêtaemaã chorû duûxûgûxû ngema womûxêêxû na chixri namaxêêxcêx, rû naî i ngemaã inapegûxûcêx, rû nangôxgûâxûcêx i ngêma ônagû i togû norû tupananetachicûnêxâgûcêx dêjûxû na ngemamaã nûxû yacuêxûgûxûcêx. ²¹ Rû choma rû marû ngîxû îchananguxêê rû yaxna ngîmaã chaxînú na nûxû naxoxûcêx i ngêma ngîcûma i chixexû, natûrû tama inaxwêxe na nûxû naxoxû rû înatâãxû i ngêma ngîrû chixexû i naxûxû. ²² Rû ñuxma i ngêma nge rû tá ngîxû chîdaawexêê na ngîrû ngîrûcarewa ngûxû yangexûcêx, rû ngêma duûxûgû i ngîmaã îpexû i ngêma nge rû nûmagû rû tá ta ngûxû na yangegûxûcêx ega tama nûxû naxoxû i ngêma chixexû i ngîmaã naxûgûxû. ²³ Rû tá chanadaî i ngîxâcûgû i ngêma nge. Rû ngêmawa tá nûxû nacuxêgû i guxûma i yaxôgûxû na aîxcûma nûxû chacuáxû i ngêma naãêwa nagu naxînúxû i wûxichigû i duûxû. Rû wûxichigû i pemax rû tá pexû chanaxûtanû ngêma na ñuxâcû pemaxêxûâcûma rû ñuxâcû pemaxûâcûma. ²⁴⁻²⁵ Natûrû pemagû i Tiatíracûâx i tama nagu îxê i ngêma ngêxûârû nguxêêtae i chixexû rû taguma nawa ngûxe i ngêma ore i togû naxugûgu rû Chatanáârû ore i êxûguxû îxîxû, rû pemaã nûxû chixu rû ngêma pexû chanaxwêxexû nixî na meã namaã penguxûgûxû rû naga pexînúxêxû i ngêma chorû ore ñuxmatáta íchangu i chomax. Rû ngêxicatama nixî i pexû chanaxwêxexû. ²⁶ Rû yîxema nûxû rûporamaêgûxe i ngêma chixexû rû naxûgûamaxê i ngêma tûxû chanaxwêxexû ñuxmatáta tayuemare, rû tá chaugûxûtawa tûxû chaxûchica na wûxigu chomaã guxûârû âêxgacû tixîgûxûcêx. ²⁷ Rû yema Chaunatû âêxgacûxû choxû na îxîxêêxûrûû tá tûxna chanaxâ i pora na guxû i nachîûânêgûmaã taporaxêcêx. Rû ngêxguma ñoma i naãnecûâx i duûxûgû tama tûmaga înúêgu rû ñoma wûxi i tûxû ngîxû îpuxêêxûrûû tá namaã tixîgû rû poraãcû tá tanapoxcûe. ²⁸ Rû tá tûxna chanaxâ ya yima woramacuri ya pêxmama nûxû îdaucû’. ²⁹ Rû yîxema âchixexê rû name nixî i naga taxînú i ngêma Tupanaãe i Üünexû nûxû îxuxû namaã i ngêma yaxôgûxûtûcumûgû” ñanagûrû.

3

Ore ga yema yaxôgûxûl ga Chardiarû tânawa yexmagûxûlcêx ûmatûxûl

¹ Rû yema chomaã idexaxûl rû ñanagûrû ta:

“Chanaxwêxe i Chardiwa ngêxmagûxûl i yaxôgûxûârû âêxgacûcêx cunaxûmatû, rû ñacurûgû tá: ‘Ñã nixî i norû ore ya Tupana Nane ya Naãe i Ûnêxûl nawa ngêxmacû ya yima 7 ya woramacuri nûxûl ngêxmacû’. Rû ñanagûrû i nûmax: ‘Choma nûxûl chacuêx i guxûma i ngêma cuxûxûl. Rû nûxûl chacuêx ta rû woo guxûwama duûxûgû nûxûl ixugûgu na Tupanacêx namaxêxûl i ngêma yaxôgûxûl i cuxûtawama ngêxmagûxûl natûrû tama aixcûma nixî i ngêma, erû ngêma yaxôgûxûl rû tama aixcûma choxûl nayaxôgû rû tama aixcûma chauxcêx namaxê. ² Rû name nixî i cubaixâchi rû cugû iquicuêx rû cuyangûxêê i ngêma íraxûl i mexûl i cuxûl íyaxûxûl i marû iyarûxoxchaûxûl. Erû nûxûl chadau rû ngêma cuxûxûl rû tama Tupanapêxewa name. ³ ¡Rû nûxna nacuêxâchi ga yema nguxêêtae ga mexûl ga noxri nûxûl cuxînxûl rû cuyaxuxûl, rû nagu íxû! ¡Rû nûxûl rûxo i ngêma chixexûl i cuxûxûl! Natûrû ngêxguma tama nûxûl curûxoxgu i curû chixexûl, rû ñoma wûxi i ngîtxêaxûl i ngûrûâchi ínguxûrûl tá cuxûtawama chaxû. Rû tãutãma nûxûl cucuêx na ñuxguacû yîixûl. ⁴ Natûrû ngema Chardiwa cuxûl nangêxma i ñuxre i duûxûgû i mexûl i tama ñoma i naãeârû chixexûlmaã nûgû ãûâchiarû maxûâxgûxûl. Rû nûmagû rû tá comûxûlmaã nixâxchiru rû ngêmaãcû tá chomaã ínaxî, erû nûmagû rû duûxûgû i mexûl i chauxcêx maxêxûl nixîgû. ⁵ Rû yîxema nûxûl rûporamaêgûxe i chixexûl, rû tá comûxûlmaã tixâxchiru. Rû tãutãma nawa tûxûl íchapiêga i ngêma chorû popera i nagu chayawûgûxûl i ngêma duûxûgû i nûxûl nangêxmaxûl i maxûl i taguma gûxûl. Rû Chaunatûpêxewa rû guxûma i norû orearû ngerutûgû i daxûcûâxgûpêxewa tá tûxûl chixu na chorû duûxûgû tixîgûxûl’. ⁶ Rû yîxema âchixêxê rû name nixî i naga taxînxûl i ngêma Tupanaãe i Ûnêxûl nûxûl íxuxûl namaã i ngêma yaxôgûxûtûcumûgû”.

Ore ga yema yaxôgûxûl ga Firdêrfiarû tânawa yexmagûxûlcêx ûmatûxûl

⁷ Rû yema chomaã idexaxûl rû ñanagûrû ta:

“Chanaxwêxe i Firdêrfiawa ngêxmagûxûl i yaxôgûxûârû âêxgacûcêx cunaxûmatû rû ñacurûgû tá: ‘Ñã nixî i norû ore ya yima Ûnecû ya aixcûma Cristu íxîcû ya Dabirûl âêxgacû ya tacû íxîcû ya nûxûl nangêxmacû i pora na yawâxnaãxûcêx rû nawâxtaãxûcêx i daxûguxûl i naãne. Rû ngêxguma texêcêx yawâxnaãgu, rû taxucûrûwama texê tûmachêxwa tanawâxta. Rû ngêxguma texêchêxwa nawâxtaãgu, rû taxucûrûwama texê tûmacêx tayawâxna’. ⁸ Rû ñanagûrû i nûmax:

‘Choma nûxûl chacuêx i guxûma i ngêma cuxûxûl. Rû dûcax, cuxûl chanatauxchaxêê na togûmaã nûxûl quixuxûcêx i chorû ore, rû taxucûrûwama texê cuxna tanachuxu na cunaxûcêx i ngêma puracû. Rû choma nûxûl chacuêx na tama aixcûma cuporaxûchixûl, erû noxretama nixî i ngêma yaxôgûxûl i cuxûtawama ngêxmagûxûl. Natûrû cuma rû naga cuxînxûl i chorû ore, rû tama icyayacux na chorû duûxûl quîixûl. ⁹ Rû ngêmacêx i ngêma duûxûgû i Chatanáarû íxîgûxûl i nûgû íxugûxûl na chorû duûxûgû yixîgûxûl natûrû tama aixcûma choxûl íxîgûxûl, rû tá chanamu na cupêxegu nacaxâpûxûgûxûcêx na nûxûl nacuêxgûxûcêx na aixcûma cuxûl changechaûxûl. ¹⁰ Cuma rû meãma cuyanguxêê i ngêma cuxûl chamuxûl na aixcûma cuyaxôdmaxûl naetûwa i ngêma guxchaxûgû i cuxûl ngupetûxûl. Rû ngêmacêx tá cuxûl íchapoxûl na tama cuxna nanguxûcêx i ngêma guxchaxûl i taxûl i ñoma i naãnewa tá ínguxûl na guxûma i ñoma i naãnecûâx i duûxûgûxûl naxûxûcêx. ¹¹ Rû paxa tá ngema cuxûtawama chaxûl. Rû chanaxwêxe i ñuxma meã cumaxûlûrûl meã cumaxeche, na taxûema cuxna napuxûcêx i ngêma curû âmare. ¹² Rû yîxema nûxûl rûporamaêgûxe i guxûma i chixexûl, rû Chaunatû ya Tupanaxûtawama tá tûxûl changêxmagûxêê na tagutãma ngema ítachoxûxûcêx. Rû tûmagu tá chanaxûmatû i naega ya Chaunatû ya Tupana. Rû ngêxgumarûl tá ta tûmagu chanaxûmatû i naega ya Tupanaârû íãne ya Yerucharêû ya ngexwacaxûlne ya Tupanaxûtawama i daxûguxûl i naãnewa írûixûlne. Rû ngêxgumarûl tá ta tûmagu chanaxûmatû i chauxê i ngexwacaxûl’. ¹³ Rû yîxema âchixêxê rû name nixî i naga taxînxûl i ngêma Tupanaãe i Ûnêxûl nûxûl íxuxûl namaã i ngêma yaxôgûxûtûcumûgû”.

Ore ga yema yaxôgûxûl ga Laodichêawa yexmagûxûlcêx ûmatûxûl

¹⁴ Rû yema chomaã idexaxûl rû ñanagûrû ta:

“Chanaxwêxe i Laodichêawa ngêxmagûxûl i yaxôgûxûârû âêxgacûcêx cunaxûmatû rû ñacurûgû tá: ‘Ñã nixî i norû ore ya yima aixcûma íxîcû ya aixcûma yanguxêêcû i ngêma nûxûl yaxuxûl rû ore i aixcûma íxîxûlxicatama íxucû. Rû nûma nixî ga ínaxûgûãxûl ga guxûma ga yema Tupana úxûl’. ¹⁵ Rû ñanagûrû i nûmax:

‘Choma nûxûl chacuêx i guxûma i ngêma cuxûxûl. Rû nûxûl chacuêx na tama wûxi i duûxûl i chauxchi aixû quîixûl, natûrû tama wûxi i duûxûl i aixcûma choxûl ngechaûxûl quixî. Rû chierû noxtacûma wûxi i duûxûl i chauxchi aixû quixîgu rû êxna noxtacûma

wüxi i duüxü i aixcüma choxü ngechaüxü quixügu. ¹⁶ Natürü ñuxma na írarüwatama choxü cungechaüxü, rü ngëmacëx tá cuxü íchatëx. Erü tama noxtacüma wüxi i duüxü i chaxuchi aixü quixü rü tama noxtacüma wüxi i duüxü i aixcüma choxü ngechaüxü quixü. ¹⁷ Rü cuma cugü quixuxgu rü cumuärü dëruäx, rü cumuärü ngëmaxüäx, rü meäma cuxü naxüpetü, rü taxuüma cuxü nataxu. Natürü i cuma rü tama nüxna cucuëxächi na chopëxewa rü wüxi i taxuwama mexü quixü, rü wüxi i ngechaüxüchi quixü, rü wüxi i taxuüma cuxü ngëmaxë quixü, rü ñoma wüxi i ngexetüxürü quixü, rü ñoma wüxi i ngexchiruxürü quixü. ¹⁸ Rü ñuxma rü cuxü chaxucuxë na chauxütawa naxcëx cutaxexüçëx i uiru i marü üxüwa íguxü i nüxícatama íxüxü. Rü ngëmaäcü tá aixcüma cuxü nangëxma i curü ngëmaxü. Rü ngëxgumarüü ta cuxü chaxucuxë na chauxütawa naxcëx cutaxexüçëx i curü mejëxëtüxü na curümexëtüxüçëx na wena quidauchixüçëx. ¹⁹ Choma rü tüxü chaxucuxë rü tüxü ichayarüwëxächixëë ya guxäma ya yixëma tüxü changechaüxë. Rü ngëmacëx name nixü i nüxü curüxü i cucüma i chixexü, rü aixcüma choxü cungechaü rü cunaxü i ngëma cuxü chanaxwëxëxü. ²⁰ Rü dücax, choma rü íäxwa tümacëx chacagüecha. Rü ngëxguma chi texë choxü ínúgu rü chauxcëx tayawäxnagu, rü tá tümamaxütagu chaxücu. Rü tümamaä tá chachibü rü tümä i chomaä. ²¹ Rü yixëma nüxü rüporamaëgüxe i chixexü, rü tá chaugüxütawa tüxü charütögüxëë na chomaä äëxgacü tixügüxüçëx, yexgumarüü ga choma rü nüxü na charüporamaëxü ga chixexü, rü ñuxüchi Chaunatüxütawa na chayarütöxürü na namaä äëxgacü chixüçëx. ²² Rü yixëma ächixëë rü name nixü i naga taxünu i ngëma Tupanaäe i Üünexü nüxü ixuxü namaä i ngëma yaxögüxütücümügü”, ñanagürü ga yema chomaä idexaxü.

4

Tupanaxü nataxëëgü i daxügüxü i naänewa

¹ Rü yemawena ga choma ga Cuáü rü nüxü chadau ga wüxi ga íäx ga iwäxnaxü ga daxügüxü ga naänewa. Rü yema naga ga nacornetagaraüxü ga noxri nüxü chaxünuxü ga chomaä idexaxü, rü ñanagürü choxü:

“¡Nuxä naxüinagü! Rü tá cuxü nüxü chadauxëë i ngëma yixcüra tá ngupetüxü”, ñanagürü.

² Rü yexgumatama ga choma rü Tupanaäe i Üünexü rü chauäëmaä inacüex, rü daxüwa nanaga. Rü yëma daxügüxü ga naänewa nüxü chadau ga wüxi ga tochicaxü ga mexëchixü ga yëma Tupana nawa rütöxü. ³ Rü guma yema tochicaxüwa rütöcü, rü ñoma nuta ya mexëchicü ya yasperü nixü na namexü rü ñoma nuta ya cornalínarü nixü na namexü. Rü yema tochicaxüetüwa nayexma ga wüxi ga chirapa ga ñoma nuta ga esmerádarüü mexëchicü. ⁴ Rü yema tochicaxüçüwawa nayexmagü ga 24 ga togü ga tochicaxügü ga nüxü ínumaëguächixü. Rü yema tochicaxügüwa narütögü ga 24 ga äëxgacügü ga yaxögüxüärü íxügüxü. Rü cömüxümaä nixäxchiru rü uirunaxcëx nixü ga norü ngëxcuerüügü. ⁵ Rü yema nachica ga Tupana írütöxüwa ínaxüxü ga bëjxbëxanexü rü duruanexü rü nagagü. Rü yema tochicaxüpëxewa nayexma ga 7 ga omügü ga yëma naígüxü. Rü yema omügü nixü ga Tupanaäe i Üünexü ga yema 7 ga yaxögüxütücümümaä icuäxü. ⁶ Rü yema Tupanaärü tochicaxüpëxewa rü ñoma dexaétüwarüü íxüümaä nachaxu rü nichipetü woruarü. Rü yema tochicaxüxü ínachomaëguächü ga ägümücü ga daxüçüäx ga maxëxü ga guxüwama äxëtüxü nawëama rü napëxewa. ⁷ Rü wüxi ga yema daxüçüäx ga maxëxü rü nanaxairaxü. Rü yema to rü nanawocaraxü. Rü yema norü tomaëxpüx rü nanaduüxüchíweraxü. Rü yema norü ägümücü rü nanaxüyü i gonagüxüraxü. ⁸ Rü yema ägümücü ga daxüçüäx ga maxëxü, rü wüxichigü nüxü nayexma ga 6 ga naxpëxatügü. Rü guxüwama ga naxpëxatüetüwa rü naxpëxatütüwä rü namuxëtü. Rü ngunecü rü chütacü rü ñanagürügüecha:

“Naxüüne, naxüüne, naxüüne nixü ya törü Cori ya Tupana ga guxüetüwa ngëxmacü rü woetama ngëxmaëchacü”, ñanagürügüecha. ⁹⁻¹⁰ Rü yema daxüçüäx ga maxëxü, rü yexguma nüxü yacuëxüügüxgu ga guma tochicaxüwa rütöcü, rü moxë nüxna naxägügu, rü yema 24 ga äëxgacügü ga yaxögüxüärü rü yima woetama ngëxmaëchacüpëxegu nacaxäpüxügü, rü nüxü nicuëxüügü, rü napëxegu nananu ga norü ngëxcuerüügü. ¹¹ Rü ñanagürügü:

“Pa Torü Cori, Pa Torü Tupanax, cuxü nixü i namexü na ticuëxüügüxü rü cuxü tataxëëgüxü, erü guxüetüwa cungëxma. Yerü cuma cunaxü ga guxüma rü curü ngüchaügü nixü i nangóxü i ñuxmax”, ñanagürügü.

5

Popera ga idixüchiga rü Tupana Nane ga ñoma wüxi ga carnerurüü imäcúchiga

¹ Rü ñuxüchi nüxü chadau ga guma tochicaxüwa rütöcü, rü norü tügünemëxëwa nanange ga wüxi ga popera ga idixüxü. Rü düxëtüwa rü aixepewa rü naxämatü ga yema popera. Rü

7 wa niñaxtachipêxe. ² Rû nûxî chadau ga wûxi ga norû orearû ngeruî ga daxûcûâx ga poraxûchixî ga tagaâcü içaxî rû ñaxî:

“¿Texé tixî ya yîxema mexe na tayagautanûxî i norû ñaxtachipêxexî rû ítayadixgûxî i ñaã popera?” ñaxî. ³ Natürü woo ga daxûguxî ga naãnewa rû bai ga ñoma ga naãnewa rû bai ga yuexûtanûwa, rû taxatama ga texé ga mexe na ítayadixgûxî rû nûxî tadaumatûxî na ñuxî ñaxî ga yema popera. ⁴ Rû choma rû poraãcü chaxaxu yerû taxatama ga texé ga mexé na ítayadixgûxî rû nûxî tadaumatûxî na ñuxî ñaxî ga yema popera. ⁵ Natürü wûxi ga yema 24 ga âëxgacügü ga yaxôgûxîârû, rû ñanagürü choxî:

“¡Tâxî i cuxaxuxî! Erû yima Cristu ya Yudátaa ya airûxî poracû ya âëxgacû ya Dabítaa ixîcü, rû marû nûxî narûyexera i guxûma i chixexî. Rû ngêmacêx nûma nixî i namexî na yagautanûâxûcêx i ngêma 7 i norû ñaxtachipêxexî i ngêma popera rû na íyawêgûâxûcêx”. ⁶ Rû ñuxûchi nûxî chadau ga Tupana Nane ga ñoma wûxi ga carneruxacû ga mêxwa írûdaxûrû yexma chicû naxûtagu ga guma tochicaxûwa rûtocû rû natanûgu ga yema âgûmücû ga daxûcûâx ga maxêxî rû yema 24 ga âëxgacügü. Rû nûxî nayexma ga 7 ga naxatacuxre ga norû poraarû cuèxruî rû 7 ga naxêtü. Rû guma 7 ga naxêtü rû ngêma nixî i Tupanaãê i Üünexî i guxûma i ñoma i naãnewa namuxûârû cuèxruî ixîxî. ⁷ Rû guma pecaduarû útanücêx yucû rû guma tochicaxûwa rûtocücêx nixû, rû nanayaxu ga yema popera ga norû tûgûnemêxêwa yexmaxî. ⁸ Rû yexguma nayauxâgu ga yema popera, rû yema âgûmücû ga daxûcûâx ga maxêxî rû yema 24 ga âëxgacügü rû inacaxgûâpûxû napêxegu ga guma pecaduarû útanücêx yucû. Rû wûxichigü ga yema âëxgacügü rû nûxî nayexma ga wûxi ga norû paxetarû ga arpa. Rû yexgumarû ta nûxî nayexma ga copa ga uirunaxcêx ga pumaratêxemaã napagûxî. Rû yema pumaratêxe rû nayixichi ga yexguma yaxaxgu. Rû yema pumaragû, rû ngêma nixî i Tupanaârû duûxgûârû yumûxêgûârû cuèxruîgü. ⁹ Rû nagu nawiyaegü ga wûxi ga wiyae ga yexwacaxûxî ga ñaxî:

“Cuma nixî i cumexî na cunayaxuxî i ngêma popera rû cuyagautanûxî i ngêma norû ñaxtachipêxexî. Yerû cuma rû marû quimêxchirêx, rû cugûmaã Tupanaãxî naxcêx cutaxe i nagûxûraûxî i duûxgü i nagûxûraûxî i nachiûâneçûâx i nagûxûraûxî i nagawa idexagûxî. ¹⁰ Rû ngêmagûxî cuxûchica i ngextá âëxgacû íquiûxûwa, rû Tupanaârû ngûxêeruîgûxî cuyaxîgûxêê na cumaã wûxigu guxî i naãnemaã inacuêgûxûcêx”,

ñanagürügü. ¹¹ Rû yemawena ichadawenü, rû nûxî chaxînú ga naga ga muxûchixûma ga Tupanaârû orearû ngeruîgü ga daxûcûâx. Rû norû ngâxûwa nayexma ga yema tochicaxî rû yema âgûmücû ga daxûcûâx ga maxêxî rû yema 24 ga âëxgacügü. Rû namuxûchima ga yema Tupanaârû orearû ngeruîgü ga daxûcûâx ga yema yexmagûxî. ¹² Rû tagaãcü ñanagürügü:

“Daa nixî ya yima ñoma wûxi i carneruacûrû imácû ga pecaduarû útanücêx yucû. Rû nûma nixî i namexî na guxûârû âëxgacû yîixî, rû guxûârû yora yîixî, rû guxî i cuèx nûxî ngêmaxî, rû guxûârû yexera naporaxî. Rû nûma nixî i namexî na guxâma nûxî ngechaûgûxî rû nataxêëgûxî rû nûxî icuêxûgûxî”, ñanagürügü. ¹³ Rû nûxî chaxînú ta ga naga ga guxûma ga yema Tupana úxî i daxûguxî i naãnewa rû ñoma i naãnewa rû naãnetûwa rû taxtû i taxûwa ngêmagûxî ga ñagûxî:

“Name nixî na guxûgutâma guxâma nûxî icuêxûgûxî rû nûxî ngechaûgûxî rû nataxêëgûxî ya yima pecaduarû útanücêx yucû rû yima ngêma tochicaxûwa rûtocû, erû nûmagü nixî i guxûguma âëxgacügü yixîgûxî”, ñanagürügü. ¹⁴ Rû yema âgûmücû ga daxûcûâx ga maxêxî rû ñanagürügü:

“Ngêmaãcü yî”, ñanagürügü. Rû yema 24 ga âëxgacügü rû inacaxgûâpûxû rû nûxî nicuêxûgü.

6

Yema 7 ga ñaxtachipêxe- ruûchiga

¹ Rû ñuxûchi nûxî chadau ga yexguma guma pecaduarû útanücêx yucû yagauyegu ga yema nûxîraûxî ga norû ñaxtachipêxexî ga yema popera. Rû nûxî chaxînú ga wûxi ga yema daxûcûâx ga maxîxî ga tagaãcü ñoma duruanexûrû ñaxî choxî:

“¡Nuã naxû!” ñaxî. ² Rû ichadawenü rû nûxî chadau ga wûxi ga cowaru ga cómûxî. Rû yema naetûwa rûtoxî rû nûxî nayexma ga wûxi ga norû wûra. Rû wûxi ga ngêxuerû nûxna naxâ. Rû poraãêcûma norû cowarumaã inaxûachi na duûxgûxî nayexeraxûcêx. ³ Rû yexguma guma pecaduarû útanücêx yucû yagauyegu ga yema norû taxre ga yema poperaarû ñaxtachipêxexî, rû nûxî chaxînú ga yema norû taxre ga yema daxûcûâx ga maxîxî ga ñaxî choxî:

“¡Nuã naxû!” ñaxî. ⁴ Rû yema naxû ga wûxi ga cowaru ga dauxî. Rû yema naetûwa rûtoxî rû wûxi ga tara ga taxî nûxna naxâ. Rû yexgumarû ta pora nayaxu na iyanaxoxêêâxûcêx

na nügü nangechaüügüxü ga duüxügü. Rü yemaäcü nanaxü na nügü nadèjüxcèx ga duüxügü. ⁵ Rü yexguma guma pecaduarü ütanüxcèx yucü yagauyegu ga yema norü tomaëxpüx ga yema poperaarü ñaxtachipëxexü, rü nüxü chaxínü ga yema norü tomaëxpüx ga yema daxüçüâx ga maxüxü ga ñaxü choxü:

“¡Nuã naxü!” ñaxü. Rü ichadawenü rü nüxü chadau ga wüxi ga cowaru ga waxüxü. Rü yema naetüwa rütoxi rü naxmëxwa nüxü nayexma ga wüxi ga faciáru yaruü ga balanza. ⁶ Rü nüxü chaxínü ga wüxi ga naga ga yema daxüçüâx ga maxëxüârü ngäxütanüwa inaxüxü ga ñaxü:

“Wüxi i ngunexüârü puracütanü rü naxätanü i wüxi i kilo i trigu. Rü wüxi i ngunexüârü puracütanü naxätanü i tomaëxpüx i kilo i chebada. ¡Natürü tãxü i cuyanatauxëxü i ngëma chixü rü yima binu!” ñanagürü. ⁷ Rü yexguma guma pecaduarü ütanüxcèx yucü yagauyegu ga yema norü ägümücü ga yema poperaarü ñaxtachipëxexü, rü nüxü chaxínü ga yema norü ägümücü ga yema daxüçüâx ga maxëxü ga ñaxü choxü:

“¡Nuã naxü!” ñaxü. ⁸ Rü ichadawenü rü nüxü chadau ga wüxi ga cowaru ga dexexü. Rü yema naetüwa rütoxi rü Yu nixi ga naega. Rü yema naweama ne üxü, rü Yüexüchica nixi ga naega. Rü yema taxre nanayauxgü ga pora na ñoma ga naãnewa rü wüxi ga yema norü ägümücütücumü ga duüxügümaã inacuëxgüxüxcèx na daimaã rü taiyamaã rü daaweanemaã rü ngoxo idüraexümaã nayüexëëxüxcèx. ⁹ Rü yexguma guma pecaduarü ütanüxcèx yucü yagauyegu ga yema norü wüximëëxpüx ga yema poperaarü ñaxtachipëxexü, rü nüxü chadau ga wüxi ga nachica ga ngextá Tupanacèx naxüdnagü nawa yagugüxü na nüxna naxägüâxüxcèx. Rü yema nachicatüüwa nüxü chadau ga naãëgü ga yema duüxügü ga Tupanaãrü orexü na yaxugüxüxcèx nadèjüxü. ¹⁰ Rü yema naãëgü rü tagaäcü ñanagürügü:

“Pa Torü Cori ya Guxüçütawa Ngëxmacü rü Üüncü rü Ixaixcümäx, çüñuxgura tá ta i nüxna cucaxü rü cunapoxcuexü i ngëma duüxügü i chixexü ga toxü dèjüxü?” ñanagürügü. ¹¹ Rü ñuxüchi ga Tupana rü wüxichigü ga yema duüxügüna nanaxä ga naxchiru ga máxü rü cómüxü. Rü yema duüxügüäëgüxü ñanagürü:

“¡Paxaächü iperüngü ñuxmatáta yangu i peeneëgü i Cristuaxü puracüexü i pexrüü tá dèjüxü!” ñanagürü. ¹² Rü yexguma guma pecaduarü ütanüxcèx yucü yagauyegu ga yema norü ⁶ ga yema poperaarü ñaxtachipëxexü, rü nüxü chadau ga poraäcü na naxiãxächianexü. Rü üexcü rü wüxi ga naxchiru ga waxcharaxürüü nixi. Rü tauemacü rü guxüwama nagürüü naduema. ¹³ Rü woramacurigü rü èxtagü rü daxüwa narüyi rü ñoma ga naãnegu nayi. Rü ñoma orix i doxüxüma buanecü ya tacü rüyixëëxürüü nixi. ¹⁴ Rü guxüma i daxüwa nüxü idaaxü rü inayarütaxu. Rü ñoma wüxi i popera i dixcumüächixü rü iyyarütaxuxürüü nixi. Rü guxüma ga mëxpünegü rü capaxügü rü nixigachi ga nachicawa. ¹⁵ Rü ñoma ga naãnewa yexgugüxü ga nachüüãnegüârü äëxgacügü, rü mëxpünegü rü nutatanügu nicuxgü. Rü wüxigu yexma namaã nicuxgü ga yema togü ga äëxgacügü ga taxügü ga ñoma ga naãnemaã icuëxgüxü, rü churagarüârü äëxgacügü ga taxügü, rü yema duüxügü ga muãrü dïeruãxgüxü, rü yema duüxügü ga ñoma ga naãnewa poraexü, rü guxüma ga duüxügü ga coriãxgüxü, rü guxüma ga duüxügü ga ngearü coriãxgüxü. ¹⁶ Rü guxüma ga nümagü, rü guma mëxpünexü rü guma nutagüxü ñanagürügü:

“¡Toëtügu peyi na toxü ipicuxgüxüxcèx naxchaxwa ya yima ngëma tochicaxüwa rütocü, rü naxchaxwa ya yima pecaduarü ütanüxcèx yucü erü tama tanaxwëxe na toxü napoxcuexü! ¹⁷ Erü marü ñnangu i ngëma ngunexü i äücümäxü i nagu napoxcuexü i ngëma duüxügü i tama Tupanaãrü ixigüxü. ¿Rü texé tá namaã tabora i ngëma?” ñanagürügü.

7

Yema Yudiügü ga nacadüwa cuëxruüãxgüxüchiga

¹ Rü yemawena rü nüxü chadau ga ägümücü ga Tupanaãrü orearü ngeruügü ga daxüçüâx ga ñoma ga naãneãrü ägümücüpëxegu chigüxü. Rü ñnapoxügü ga gucüma ga buanecügü na tama waixüümüãneëtügu naxüxüxcèx, rü tama taxü i taxtüétügu naxüxüxcèx, rü bai i tacü rü nafëtügu naxüxüxcèx. ² Rü yexgumarüü ta nüxü chadau ga wüxi ga Tupanaãrü orearü ngerü ga daxüçüâx ga üexcü ñyarügoxüwama ne üxü. Rü nüxü nayexma ga Tupana ya Maxücüaruü tacüaruü üëgarü. Rü nüma rü tagaäcü nüxna nacagü ga yema togü ga ägümücü ga Tupanaãrü orearü ngeruügü ga nayauxgüxü ga pora na nachixexëëgüãxüxcèx ga guxüma ga waixümü rü guxüma ga taxü ga taxü. ³ Rü ñanagürü nüxü:

“¡Tãxü i yatacüma penachixexëxü i waixümü rü taxü i taxü rü naigü, ñuxmatáta nacadüwa tayaxüaruü cuëxruüãxgü i ngëma Tupanaãrü duüxügü ixigüxü!” ñanagürü. ⁴ Rü nüxü chaxínü ga ñuxre na yixü ga yema cuëxruüãxgüxü. Rü guxüma ga Yudiügütanüwa rü 144,000 nixi. ⁵⁻⁸ Rü yema cuëxruüãxgüxü ga Yudiügü, rü ñaã nixi:

Yudátaagü - 12,000

Rubéütaagü - 12,000

Gadutaagü - 12,000
 Achetaagü - 12,000
 Netarítaagü - 12,000
 Manachétaagü - 12,000
 Chimeütaagü - 12,000
 Lebítaagü - 12,000
 Ichacátaagü - 12,000
 Chaburáütaagü - 12,000
 Yúchetaagü - 12,000
 Beyamítaagü - 12,000

⁹ Rû yemawena ichadawenü, rû nüxü chadau ga muxüchixüma ga nagüxüraüxü ga duüxüga ga nagüxüraüxü ga nagawa idexagüxü ga guxüma ga nachüânewa ne ixü. Rû yema tochicaxüpêxegu rû guma pecaduarü ütanüçex yucüpêxegu nachigü. Rû yema na namuxüchixü rû taxucürüwa texé tayaxugü na ñuxre yixü. Rû naxchiru ga icómüxü rû imáxümaá nixáxchiru. Rû naxmêxwa nanangegü ga wairaátügü. ¹⁰ Rû guxüma ga nümagü rû tagaäcü ñanagürügü:

“Yima törü Tupana ya tochicaxüwa rütocü rû yima pecaduarü ütanüçex yucü nixi ya tüxü maxêëgücü”, ñanagürügü. ¹¹ Rû guxüma ga Tupanaärü orearü ngeruügü ga daxüçüâx rû nüxü ñachimaëguächü ga yema tochicaxü rû yema 24 ga âëxgacügü rû yema ägümücü ga daxüçüâx ga maxêxü. Rû yema tochicaxüpêxegu nanangücuchitanü ga yema orearü ngeruügü, rû Tupanaxü nicuëxüügü. ¹² Rû ñanagürügü:

“Rû ngêmaäcü yîi. Rû nüma nixi i namexü na guxüguma guxâma nüxü icuëxüügüxü, rû nataxêëgüxü, rû moxê nüxna ixägüxü, rû nüxü ingechaügüxü, erü guxü i cuëx nüxü nangêxma, rû guxüçetüwa nangêxma, rû guxüärü yexera napora. Rû ngêmaäcü yîi”, ñanagürügü. ¹³ Rû ñuxüchi wüxi ga yema 24 ga âëxgacügü rû choxna naca, rû ñanagürü:

“¿Texégü tixigü ya yixema cómüchirugüxe, rû ngextá ne taxí?” ñanagürü. ¹⁴ Rû choma chanangäxü, rû ñacharügü:

“Pa Corix, cuma nixi i nüxü cucuáxü na texégü tixigüxü”, ñacharügü. Rû yexguma ga nüma rû ñanagürü:

“Yixemagü tixigü ga nawa ngupetütanüxê ga yema ngüxü ga taxü rû marü tügü iyauxgüchiruxe nagüwa ga guma pecaduarü ütanüçex yucü. Rû ngêmacêx nixi i ticómüchiruxü. ¹⁵ Rû ngêmacêx nixi i Tupanaärü tochicaxüpêxewa tangêxmagüechaxü rû ngunecü rû chütacü rû Tupana íngêxmaxüwa nüxü tapuracüexü. Rû nümatama ya Tupana ya tochicaxüwa rütocü rû tüxna nadau. ¹⁶ Rû marü tagutáma wenaxärü taiya tüxü nangux, rû tagutáma titawae. Rû marü tagutáma üëxü tüxü nigu, rû tagutáma üëxüarü nañanexü tüxü nangux. ¹⁷ Erü yima pecaduarü ütanüçex yucü i ngêma tochicaxüxütawa ngêxmacü, rû tá aixcüma meá tüxna nadau ñoma carnerugüna idauxürü. Rû nawa tá tüxü nagagü i ngêma dexáarü chuchxügü i maxêëruü. Rû Tupana tá tüxü ínanapi i guxüma i tümagüüxêtü”, ñanagürü.

8

Yema norü 7 ga ñaxtachipêxeruüchiga rû yema buetare ga uirunaxcêchiga

¹ Rû yexguma guma pecaduarü ütanüçex yucü yagauyegu ga yema norü 7 ga yema poperaarü ñaxtachipêxexü, rû ngäxü ga ora nachipetüanemare ga daxügüxü ga nañewa. ² Rû ñuxüchi nüxü chadau ga yema 7 ga Tupanaärü orearü ngeruügü ga daxüçüâx ga yema Tupanapêxegu chigüxü. Rû wüxichigü nanayaxu ga norü corneta ga nüxna naxáüne. ³ Rû yemawena ínangu ga wüxi ga to ga Tupanaärü orearü ngeruü ga daxüçüâx. Rû yema nanange ga wüxi ga norü buetare ga uirunaxcêx ga pumaraarü gutêxeruü. Rû yema uirunaxcêx ga pumaraarü gutêxeruütaxmüpêxegu nachi. Rû nanayauxtêxe ga taxü ga pumara ga nüxna naxáxü na yema tochicaxüpêxewa yexmaxü ga pumaraarü gutêxeruütaxmüwa yaguäxüçex, na yemaäcü Tupanana naxáäxüçex ga yema pumaratêxe na yema pumaraema rû wüxigu Tupanaärü duüxügüarü yumüxêmaá Tupanaxütawa nanguxüçex. ⁴ Rû yema pumaratêxe ga yema orearü ngeruüäxü yexmaxü rû daxü naxüema wüxigu namaá ga Tupanaärü duüxügüarü yumüxêgü ñuxmata Tupanaxütawa nangu. ⁵ Rû ñuxüchi ga yema orearü ngeruü rû nanayaxu ga yema buetare ga pumaraarü gutêxeruü. Rû yema pumaraarü gutêxeruütaxmüwa nanayaxu ga äwe ga nañcü, rû gumamaá nanaxüäcü ga guma buetare. Rû ñuxüchi ñoma ga nañeētügu nanaña. Rû yexgumatama poraäcü naduruächiane, rû poraäcü nicuxcuane rû nibêixbêxane rû naxíäxächiane.

Tupanaärü orearü ngeruügü ga daxüçüâxärü cornetachiga

⁶ Rû yexguma ga yema 7 ga Tupanaârû orearû ngeruûgû ga daxûcûâx ga icornetaâxû, rû nügû inamexêêgû na nagu yacuegûxûcêx. ⁷ Rû wûxi ga yema Tupanaârû orearû ngeruû rû nüxîra nayacue ga norû corneta. Rû yexgumatama ñoma ga naâneŧûgu narûyi ga gáuxû rû ûxûema ga nagûmaâ âêûxû. Rû wûxi ga yema norû tomaêxpûxarû ûye ga ñoma ga naâne rû nixa. Rû yexgumarûû ta wûxi ga yema norû tomaêxpûxarû ûye ga naîxnecû rû nixa. Rû guxûma ga natûane rû nixae. ⁸ Rû yema norû taxre ga Tupanaârû orearû ngeruû rû nayacue ga norû corneta. Rû ñuxûchi wûxi ga ŧacû ga taxûchixû ga namêxpûneraûxû ga iyauxraxû, rû yexma taxtû ga taxûgu nanaña. Rû wûxi ga yema norû tomaêxpûxarû ûye ga taxtû rû nagûxû nananguxuchi. ⁹ Rû wûxi ga yema norû tomaêxpûxarû ûyetûcumû ga yema taxtûwa maxêxû, rû nayue. Rû yexgumarûû ta wûxi ga yema norû tomaêxpûxarû ûyetûcumû ga wapurugû, rû inayi. ¹⁰ Rû yema norû tomaêxpûx ga Tupanaârû orearû ngeruû, rû nayacue ga norû corneta. Rû ñuxûchi wûxi ga taxûchicû ga woramacuri ga taemaxûchicû rû daxûwa narûngu. Rû wûxi ga omû ga ixaxûrûû nixî. Rû nagu nangu ga wûxi ga yema norû tomaêxpûxarû ûye ga natûgû rû natûxactûgû. ¹¹ Rû guma woramacuri rû Ûxûxû nixî ga naega. Rû wûxi ga yema norû tomaêxpûxarû ûye ga guxûma ga dexá rû naxûxchiû. Rû muxûma ga duûxûgû rû yema dexáwa nayue yerû naxûxchiû. ¹² Rû yema norû âgûmûcû ga Tupanaârû orearû ngeruû rû nayacue ga norû corneta. Rû wûxi ga yema norû tomaêxpûxarû ûye ga ûexcû rû nixo. Rû yexgumarûû ta wûxi ga yema norû tomaêxpûxarû ûye ga tauemacû rû woramacurigû rû êxtagû rû nixo. Rû yemaâcû wûxi ga yema norû tomaêxpûxarû ûye ga guxûma ga yema rû naxêâne. Rû ga ngunecû rû âgûmûcû ga ora naxêâne. Rû ga chûtacû rû âgûmûcû ga ora nataxuma ga tauemacû rû bai ga woramacurigû rû bai ga êxtagû. ¹³ Rû yemawena ichadawenû rû nüxû chaxînú ga wûxi ga îyû ga daxûgu îxexeûxû ga tagaâcû ñaxû:

“Nangechaûtmûmûgû i ngêma duûxûgû i yea pecaduâxû i naânewa maxêxû i ngêxguma yacueguâgu tá ya norû cornetagu i ngêma togû i tomaêxpûx i Tupanaârû orearû ngeruûgû”, ñaxû.

9

¹ Rû yema norû wûximêêxpûx ga Tupanaârû orearû ngeruû, rû nayacue ga norû corneta. Rû nüxû chadau ga wûxi ga woramacuri ga daxûwa rûngucû ga ñoma ga naânegu ngucû. Rû guma woramacuri nanayaxu ga yema âxmaxû ga taguma iyacuáxûârû chawî. ² Rû nayawâxna ga yema âxmaxû ga taguma iyacuáxû. Rû yema inayagoema ga caxixû ñoma wûxi i taxû i uxearû caxixûrûû. Rû yema caxixû rû nanaxêemaxeê ga ûexcû. ³ Rû yema caxixûwa inachoxû ga munûgû ga naâneŧûgu yixû. Rû yema munûgû rû nanayauxgû ga pora ga nüxna naxâxû na ñoma tuxchinawerûû duûxûgûxû nachixûcêx. ⁴ Rû yema munûmaâ nüxû nixu na tama natûanexû nachixexêêxûcêx rû bai i ŧacû rû nanetûgû rû bai i ŧacû rû naîgû. Natûrû nanamu na nachixexêêgûâxûcêx ga yema duûxûgû ga tama Tupanaârû cuêxruû nacatûwa yexmaxû. ⁵ Natûrû tama nanamu na yema duûxûgûxû nadêixûcêx. Natûrû nanamu na ngûxû nüxû yangexêemaregûxûcêx ga wûximêêxpûx ga tauemacû. Rû yema ngûxû ga nüxû yangexêêgûxû, rû ñoma tuxchinawe duûxûgûxû chixûrûû nixî. ⁶ Rû ngêma ngunexûgûgu rû duûxûgû tá naxcêx nataugû na nayuexû, natûrû ŧaûtama nayue. Rû woo nanaxwêxegûxûchi na nayuexû, natûrû taxucûrûwatama nayue. ⁷ Rû yema munûgû rû ñoma cowaru i guerawa îxûrûû nixîgû. Rû naêruwa nüxû nayexma ga ŧacû ga ñoma ngêxcuerûû ga uirunaxcêxruû îxîgûxû. Rû nachiwe rû nanaduûxûchiveraxûgû. ⁸ Rû nyaegû rû ñoma ngeâxyaerûû nixîgû. Rû napûtagû rû ñoma aipûtagûrûû nixîgû. ⁹ Rû naxûnewa nayexma ga norû poxûrûû ga fierunaxcêx. Rû naxpêxatûgûga rû ñoma muxûchine ya caru ya guerawa cowaru tûgûnegarûû îxîxû. ¹⁰ Rû nareexûgû rû ñoma tuxchinawerûû naxânegu. Rû yema naneguwa rû naxâguchata na wûximêêxpûx ga tauemacû duûxûgûxû ngûxû yangexêêgûxûcêx. ¹¹ Rû yema munûgûârû âêxgacû, rû yema âxmaxû ga taguma iyacuáxûârû dauruê nixî. Rû Yudiugûgawa ga yema munûgûârû âêxgacû, rû Abadôû nixî. Rû Griêgugûgawa rû Apolióû nixî. Rû ngêma rû: “Chixexêêruû”, ñaxûchiga nixî. ¹² Rû yexma nayacuêx ga yema nüxîraûxû ga chixexû ga taxû, natûrû înayaxûma ga to ga taxre. ¹³ Rû yema norû 6 ga Tupanaârû orearû ngeruû rû nayacue ga norû corneta. Rû nüxû chaxînú ga wûxi ga naga ga yema Tupanapêxewa yexmaxû ga uirunaxcêx ga pumaraarû gutêxerûûtaxmûwa inaxûxû. ¹⁴ Rû yema naga rû nanamu ga yema orearû ngeruû ga cornetaâxû, rû ñanagûrû nüxû:

“ÿyawêgûxû i ngêma âgûmûcû i orearû ngeruûgû i Chatanaârû îxîgûxû i taxtû i Eufrátêgu ngâxûgûxû!” ñanagûrû. ¹⁵ Rû yemaâcû niwêgûxû ga yema âgûmûcû ga orearû ngeruûgû na nadaiaûxûcêx ga wûxi ga yema norû tomaêxpûxarû ûyetûcumû ga duûxûgû. Yerû ga yema orearû ngeruûgû rû woetama yemacêx inamemaregû na yema ora rû yema ngunexû rû guma tauemacû rû guma taunecû nadaiaûxûcêx ga yema duûxûgû. ¹⁶ Rû nüxû chaxînú na ñuxre na yîxû ga yema orearû ngeruûgûârû churragû ga cowaruêtûgu îxû. Rû 200

miyónegü nixîgü. ¹⁷ Rû yemaâcü nixî ga nüxü chadauxü ga yema cowarugü ga yexguma changoxetügu. Rû yema churaragü ga yema cowaruétügu ixü rû nüxü nayexma ga norü ngëxcuxüñexü ga poxüruü ixixü ga ñoma üxüxetürüü iyauraxü. Rû yema poxüruü rû nixâmätü rû nidaumatü rû niyëuxmatü rû nidexmatü. Rû yema cowaruerugü rû ñoma aierurüü nixîgü. Rû naâxgüwa inaxüxü ga üxiema rû caxixü rû azufre. ¹⁸ Rû wüxi ga norü tomaëxpüxarü üyetücumü ga duixügü rû nayue namaâ ga yema tomaëxpüxü ga chixexëruü ga üxiema rû caxixü rû azufre ga yema cowarugüëxwa ichoxüxü. ¹⁹ Yerü ga yema cowarugü rû naâxwa rû nareexüwa nixî ga nüxü nayexmaxü ga norü pora na duixügüxü nadëjüxcëx. Yerü ga nareexügü rû ñoma äxtaperüü nixîgü, rû yemamaâ nanangöx ga duixügü rû ngüxü nüxü ningexëë rû nanadai. ²⁰ Natürü ga yema togü ga duixügü ga tama yema poxcuruügümaâ yuexü, rû tama nüxü narüxoe ga yema chixexügü ga naxügüxü. Rû tama nüxü narüxoe na nüxü yacuëxüügüxü ga ngoxogü rû norü tupananetachicünëxägü ga uirunaxcëx rû diërumünaxcëx rû cobrenaxcëx rû nutagünaxcëx rû nañnaxcëx. Rû yemaâcü nüxü nicuëxüügüma ga yema norü tupananetachicünëxägü ga ngearü maxüäxü rû tama nüxü dauxü rû tama nüxü ñnüxü rû tama ixüxü. ²¹ Rû tama nüxü narüxoe na namäëtagüxü, rû yayüüexü, rû nangëäëgüxü rû nangtëëxgüxü.

10

Orearü ngeruü ga nüxü yexmaxü ga popera ga idixixüchiga

¹ Rû nüxü chadau ga wüxi ga to ga Tupanaärü orearü ngeruü ga daxügüxü ga naañewa íruxixü. Rû wüxi ga caixanexüärü ngäxüwa nayexma, rû wüxi ga chirapa naétügu nabo. Rû nachiwe rû ñoma üëxcürüü niyauracüü. Rû naparagü rû ta ñoma üxiëmarüü niyauracüü. ² Rû naxmëxwa nüxü nayexma ga wüxi ga poperaxacü ga íwëgüxü. Rû norü tügünepara rû taxtü i taxüëtügu nachicutü. Rû norü foxwepara rû waixüümüänegu nachicutü. ³ Rû ñuxüchi ga nüma rû tagaâcü aita naxü ñoma wüxi ya ai ya tagaâcü aita ücürüü. Rû yexguma aita naxüxgu rû 7 ëxpüxcüna naduruächiane. ⁴ Rû yexguma yema 7 ëxpüxcüna na naduruächianexüguwena rû chanaxümatüchaü. Natürü nüxü chaxinü ga wüxi ga naga ga daxügüxü ga naañewa inaxüxü ga ñaxü choxü:

“¡Täxü i cunangoxëëxü i ngëma 7 i duruanexü nüxü ixuxü! ¡Rü ngexrüma na cunaxümatüxü!” ñaxü choxü. ⁵ Rû ñuxüchi ga yema Tupanaärü orearü ngeruü ga nüxü chadauxü na taxtü ga taxüëtügu rû waixüümüëtügu nachicutüxü, rû daxü naxunagü ga norü tügünechacüü. ⁶ Rû inaxuneta naggagu ga Tupana ya yima guxüguma maxücü ya yima naxücü i daxügüxü i naäne rû ñoma i naäne rû taxtü i taxü rû guxüma i tacü nawa ngëxmagüxü. Rû ñanagürü ga yema orearü ngeruü:

“Ñuxma rû marü täütäma nuxcü ningü i ngëma Tupana nüxü ixuxü. ⁷ Erü ngëxguma nawa nangxma na ngëma norü 7 i Tupanaärü orearü ngeruü inaxügüxü na yacuëaxü ya norü corneta, rû ngëxguma tá nixî i yanguxü ga yema noxri ëxügüxü ga Tupanaärü uneta, yema nuxcümaügüxü ga norü orearü uruügümaâ nüxü yaxuxü”, ñanagürü. ⁸ Rû yema naga ga noxri nüxü chaxinüxü ga daxügüxü ga naañewa inaxüxü, rû wenaxärü chomaâ nidexa. Rû ñanagürü choxü:

“¡Naxütawa naxü i ngëma Tupanaärü orearü ngeruü i taxtü i taxüëtügu rû waixüümüäneëtügu chicutüxü! ¡Rü nüxna nayaxu i ngëma poperaxacü i marü íwëgüxü i naxmëxwa ngëxmaxü!” ñanagürü. ⁹ Rû naxütawa chaxü ga yema orearü ngeruü, rû nüxna naxcëx chaca ga yema poperaxacü na choxna naxäxüxcëx. Rû nüma rû ñanagürü choxü:

“Ñä nixî. ¡Rü nayaxu rû nangöx! Rû cuëxwa rû berurerüü tá namaicura. Natürü cuanüwa rû tá nanaxüächü”, ñanagürü choxü. ¹⁰ Rû yema orearü ngeruümëxëwa chanayaxu ga yema poperaxacü, rû chanangöx. Rû chauëxwa rû berurerüü namaicura. Natürü yexguma chanangöxguwena rû chauanüwa rû nanaxüächü rû changüxneca. ¹¹ Rû ñuxüchi chomaâ nüxü nixu, rû ñanagürü choxü:

“Name nixî na wenaxärü Tupanaärü orexü quixuxü namaâ i muxüma i nagüxüraüxü i duixügü, rû muxüma i nachüüñecüäxgü i duixügü, rû muxüma i duixügü i to i nagawa idexagüxü, rû muxüma i nachüüñecüäxgü”, ñanagürü choxü.

11

Taxre ga orearü uruüchiga

¹ Rû yemawena chanayaxu ga wüxi ga dexnemenëxä ga ngugürüü ixüñne ga choxna naxäxüne. Rû guma choxna naxäcü rû ñanagürü choxü:

“¡Inachi rû nangugü ya yima Tupanapata rû ngëma pumaraärü gutëxerüütaxmü! ¡Rü yaxugü rû ñuxre yixü i ngëma duixügü i ngëma Tupanaxü icuëxüügüxü! ² ¡Natürü ngëma naäxtü ya Tupanapata, rû täütäma cunangugü! Erü ngëma duixügü i tama Tupanaäxü yaxögüxüna marü nanaxä. Rû nümagü rû tomaëxpüx ya taunecüarü ngäxü tá chixexü

namaã naxügü ya yima îâne ya üinene ya Yerucharéü. ³ Rû choma rû tá chanamu i taxre i chorü orearü uruügü na 1,260 i ngunexü duüxügümaã nüxü yaxugüxücêx i chorü ore. Rû nümagü i ngêma taxre rû tá niwêxchiru na ngêmawa duüxügü nüxü cuêxgüxücêx na ngechaü nüxü nguaxgüxü”, ñanagürü choxü. ⁴ Rû ngêma taxre i orearü uruügü nixü i norü cuêxruü i ngêma taxre i nanetü i orîbu rû ngêma taxre i weraaru üruügü i törü Cori ya ñoma i naãneârü yora ixîcüpêxewa ngêxmagüxü. ⁵ Rû ngêxguma texê chixexü namaã ügüchaügu i ngêma taxre i orearü uruügü, rû nümagü rû üxüema ya naãxwa înacuxechinemaã tüxü tá înagu. Rû ngêmaacü tá înyanaxoxêê i norü uwanügü. Rû ngêmaacü tá tüxü nadai ya yixema chixexü namaã ügüchaüxê. ⁶ Rû ngêma taxre i orearü uruügü rû nüxü nangêxma i pora na îyachaxâchixücêx ya pucü na tama napuxücêx i guxüma i ngêma 1,260 i ngunexügü i nagu Tupanaârü orexü yaxugüxü. Rû ngêxgumarüü ta nüxü nangêxma i pora na nagüxü yaxixêgüâxücêx i dexâ. Rû ngêxgumarüü ta nüxü nangêxma i pora na ñoma i naãnewa namugüâxücêx i nagüxüraüxü i poxcuruügü na ngêmaacü ngüxü duüxügüxü yangexêgüxücêx i ngêxguma ngêma taxre naxwêxgü. ⁷ Natürü ngêxguma ngêma taxre i orearü uruügü naguxêêgügu na nüxü yaxugüxü i Tupanaârü ore, rû ngêma ngoxo i ngêma âxmaxü i taguma iyacuâxüwa îxüxüxü, rû tá ngema taxrena nayuxu. Rû tá nüxü narüyexera, rû tá nanadai. ⁸ Rû ngêma naxünegü i ngêma taxre rû tá yima îâne ga törü Cori nawa curuchawa ipotane ya Yerucharéüârü îtamügüwa nawogü. Rû yima îâne rû nachixe rû ngêmacêx Chodomaârü îânemaã rû Equituanemaã nanaxugü. ⁹ Rû tomaêxpüx i ngunexüârü ngâxü rû muxüma i nagüxüraüxü i duüxügü rû muxüma i guxü i nachiiânecüâx i duüxügü rû muxüma i duüxügü i to i nagawa idexagüchigüxü, rû tá nüxü nadaugü i naxünegü. Rû täitüma nanaxwêxgü na texê înatêgüxü. ¹⁰ Rû ngêma duüxügü i ñoma i naãnewa maxêxü rû tá nataãêgü na marü nayuxü i ngêma taxre. Rû ngêma na poraacü nataãêgüxüchixü rû tá nügüna âmare naxâgü, yerü yema taxre ga orearü uruügü rû poraacü nanachixewe rû naãêwa nananguxêêgü. ¹¹ Natürü yema tomaêxpüx ga ngunexüârü ngâxügüwena, rû Tupana wenaxârü nanamaxêêx ga yema taxre. Rû wenaxârü înarüdagü. Rû guxüma ga yema duüxügü ga nüxü daugüxü rû poraacüxüchi namuüê. ¹² Rû ñuxüchi ga yema taxre ga orearü uruügü, rû nüxü naxîñüê ga wüxi ga naga ga tagaacü daxügüxü ga naãnewa înaxüxü ga ñaxü:

“ÿNuã daxüwa pexî!” ñaxü. Rû yemaacü ga nümagü rû wüxi ga caixanexügu daxügüxü ga naãnewa naxî. Rû norü uwanügü rû yema nüxü narüdaunü. ¹³ Rû yexgumatama poraacü naxîâxâchiane. Rû wüxi ga yema norü 10 arü üye ga guma îâne, rû niwêxgü. Rû 7,000 ga duüxügü nayue namaã ga yema îâxâchiane. Rû yema togü ga duüxügü ga maxêxü rû poraacüxüchi namuüê. Rû Tupana ya daxügüxü i naãnewa ngêxmacüxü nicuêxügu. ¹⁴ Rû yexma nayacuêx ga yema norü taxre ga chixexü. Natürü paxa tá înangu i ngêma norü tomaêxpüx îxîxü.

Guma norü 7 ga cornetachiga

¹⁵ Rû yema norü 7 ga Tupanaârü orearü ngerüü, rû nayacue ga norü corneta. Rû nayexma ga nagagü ga tagaacü daxügüxü ga naãnewa înaxügüxü ga ñagüxü:

“Ñuxma rû yima mecü na namaã înacüêxgüxü i ñoma i naãne, rû nüma nixü ya törü Cori ya Tupana rû Nane ya Cristu. Rû nüma rû guxügutâma namaã înacüêxgü”, ñagüxü. ¹⁶ Rû nümagü ga yema 24 ga âêxgacügü ga norü tochicaxügüwa rütogüxü ga Tupanapêxewa, rû yexma nanangücuchitanü, rû Tupanaxü nicuêxügü. ¹⁷ Rû ñanagürügü:

“Pa Torü Cori ya Tupana ya Guxüârü Yexera Poracüx, cuma rû woetama cuyexmaêcha, rû ñuxma rû ta cungêxmaêcha. Rû moxê cuxna taxâgü, erü marü cugümêxêwa cunangêxmaxêê i guxüma, rû marü icunaxügü na namaã icucuâxü. ¹⁸ Rû ngêma duüxügü i tama cuxrü îxügüxü rû poraacüxüchi nanuê, natürü nawa nangu i ngêma ngunexü i nagu tá cunapox-cuêxü. Rû ngêxgumarüü ta marü nawa nangu na nüxü quicagüxü i guxüma i duüxügü i yuexü. Rû marü nawa nangu na nüxü cunaxütanüxü i ngêma curü duüxügü i curü orearü uruügü, rû ngêma duüxügü i cupêxewa imexü, rû guxüma i ngêma duüxügü i cuxü muüêxü i yaexü rû buexü. Rû marü nawa nangu na icuyanaxoxêêxü i ngêma duüxügü i nachixexêêxü i ñoma i naãne”, ñanagürügü. ¹⁹ Rû ñuxüchi Tupanapata ga daxügüxü ga naãnewa yexmane, rû niwâxna. Rû yema norü aixepewa nüxü chadau ga yema baü ga Tupanaârü uneta ga nutagu ûmatüxü. Rû nibêixbêxane, rû poraacü nicuxcuane, rû naxîâxâchiane rû poraacü gâxü narüyi.

12

Wüxi ga nge rû wüxi ga coya ga taxü

¹ Rû ñuxüchi daxüwa nangox ga wüxi ga cuêxruü ga taxü. Rû iyexma ga wüxi ga nge ga üêxürüü iyaurachirucücü. Rû ngütüücutüwa nayexma ga tauemacü. Rû yema ngîrü ngêxcuerüü ga ngîruwa yexmaxü, rû 12 ga woramacurigü nixügü. ² Rû yema nge

rü itacharaü. Rü poraäcü aita ixü yerü ixíraxacüchaü rü poraäcü inguxnecaxüchi. ³ Rü yemawena daxüwa nangox ga to ga cuèxruü. Rü yéma nayexma ga coya ga taxüchixü ga daxüü ga 7 ga naëru nüxü yexmaxü rü 10 ga naxchatacuxre. Rü wüxichigü ga naëruwa rü nüxü nayexma ga norü ngëxcuerü. ⁴ Rü nareexümaä inayatüchigü ga wüxütücumü ga norü tomaëxpüxaru üye ga woramacurigü, rü ñoma ga naäneetügu nana-wogü. Rü yema coya rü ngîpëxegu nayachi ga yema nge ga íraxacüchaücü, yerü tüxü nangöxchaü ga guxema ngîxäcëxe ga yexguma tabuxgu. ⁵ Rü yema nge rü ixíraxacü, rü nayatü. Rü nüma rü tá guxü i nachiülaneärü äëxgacü nixü, rü tá namaä inacuèx. Natürü ga guma ngîne rü Tupana ngixna nanayaxu rü yema ínatoxüwa nanaga. ⁶ Rü yema nge rü wüxi ga nachica ga ngextá taxüema íxäpataxüwa íña. Rü yéma Tupana ngîxcèx nanamexëë ga wüxi ga ngîchica na yéma ngîxna nadauxüçèx rü ngîxü naxüwemüxüçèx ga 1,260 ga ngunexü. ⁷ Rü yemawena ga daxüwa rü nügü nadai. Rü Miguere ga Tupanaärü orearü ngeruügüarü äëxgacü ixüü rü guxüma ga natanüxü ga orearü ngeruügü, rü nügü nadai namaä ga yema coya ga taxüchixü rü norü orearü ngeruügü. Rü yema coya rü ñuxüchi norü orearü ngeruügü i chixexü rü poraäcü Tupanaärü orearü ngeruügümaä nügü nadai. ⁸ Natürü ga yema coya rü norü orearü ngeruügü rü tama Tupanaärü orearü ngeruügüxü narüporamaëgü. Rü ñuxüchi ga yema coya rü norü orearü ngeruügü rü nangechica ga daxüguxü ga naänewa. ⁹ Rü yemaäcü ínatëxüchi ga daxüguxü ga naänewa ga yema coya ga yema nuxcümaüxü ga äxtape. Rü nüma rü ngoxogu rü Chatanágu naxäega. Rü nüma nixü i guxüma i ñoma i naänecüäx i duüxügüxü nawomüxëëxü. Rü nüma rü norü orearü ngeruügümaä ñoma ga naänegu narüwoü. ¹⁰ Rü ñuxüchi nüxü chaxínü ga wüxi ga naga ga daxüguxü ga naänewa tagaäcü ñaxü:

“Ñuxma rü marü nawa nangu na tóru Tupana rü norü duüxügüxü namaxëxëëxü. Rü ñuxma rü nüma tüxü nüxü nadauxëë na guxüärü yexera naporaxü rü guxüärü äëxgacü yíxü. Rü Nane ya Cristu rü marü tüxü nüxü nadauxëë na guxümaä inacuáxü. Yerü marü daxüguxü ga naänewa ínatëxüchi ga Chataná ga ngunecü rü chütacü tóru Tupanapëxewa taeneëgüxü yeüçürü ixuechaxü. ¹¹ Rü nümagü ga yema taeneëgü, rü marü Chatanáxü narüyexeragü nagügagu ga guma pecaduarü ütänücèx yucü rü nagagu ga Tupanaärü ore ga nüxü yaxüguxü. Yerü ga nümagü rü tama nayanuxügü ga norü maxü, rü ínamemaregü na Tupanacèx nayuexü. ¹² ¡Rü ngëmacèx petaäëgü i guxäma i pema i daxüguxü i naänewa ngëxmagüxe! ¡Natürü pengechaütümüügü i pema i yea naäne i pecaduáxüwa ngëxmagüxe rü taxtü i taxüwa ngëxmagüxe! Erü ngëma ngoxo i Chataná rü marü petanügu narütáe. Rü poraäcü nanu i nüma erü marü noxretama i ngunexü nüxü ínayaxü na chixexü naxüxü, erü paxa tá napoxcu”, ñanagü rü ga yema naga. ¹³ Rü yema coya ga taxüchixü ga Chataná nagu icüxü rü yexguma nügü yacuëxächigu ga ñoma ga naänegu na natáexü, rü ngíwe ningëchigü ga yema nge ga íraxacücü. ¹⁴ Natürü ga Tupana rü ngixü naxüxpexatü ga yema nge. Rü nanaxüyüpexatügüraxü. Rü yemaäcü nachica ga ngextá taxüema íxäpataxüwa íña naxchaxwa ga yema coya ga Chataná nagu icüxü. Rü yema nachicawa nixü ga Tupana ngîxna daxüü, rü ngixü üwemüxü ga tomaëxpüx ga taunecüarü ngäxü. ¹⁵ Rü yema coya ga Chataná rü dexá nügüëxwa ínaxüxüçëë na wüxi ga natü naxüxüçèx, rü yema natümaä ngîxü yachaxëxüçèx ga yema nge. ¹⁶ Natürü ga waixütmü rü ningëx na iyachexëëäxüçèx ga yema dexá ga coya nügüëxwa íxüxüçëëxü. ¹⁷ Rü ñuxüchi ga yema coya ga Chataná, rü poraäcüxüchima ngímaä nanu ga yema nge. Rü ínixü na nügü namaä yadëjxüçèx ga yema togü ga ngîxäcügü ga yema nge. Rü ngëma ngîxäcügü i ngëma coyamaä nügü dëjxü, rü ngëma nixü i ngëma duüxügü i meä Tupanaärü orega ímüexü rü meä yaxügüechaxü i Ngechuchu ya Cristuarü ore i aixcüma ixüxü. Rü ñuxüchi ga yema coya rü norü numaä taxtü ga taxüánacügu nayarünu.

13

Taxre ga ngoxogüchiga

¹ Rü nüxü chadau ga wüxi ga ngoxo ga taxü ga taxtügu íñuächixü ga 7 eruxü rü 10 chatacuxrexü. Rü wüxichigü ga naxchatacuxrewa rü nüxü nayexma ga norü ngëxcuerü. Rü naërugügu naxümatü ga ñuxre ga naegagü ga Tupanamaä guxchigagüxü. ² Rü yema ngoxo ga nüxü chadauxü, rü wüxi ga airüü nixü. Rü naxmëxgü rü chatü ga taxümëxëgürüü nixü. Rü naäx rü wüxi ga aiëxrüü nixü. Rü yema coya ga Chataná rü yema ngoxoxü naporaxëë na naxrüü naporaxüçèx rü naxrüü äëxgacü yíxüçèx na ñoma ga naänemaä inacuáxüçèx. ³ Rü wüxi ga naëruwa ga yema ngoxo, rü nüxü nayexma ga wüxi ga taxü ga norü oxri ga namaä nayuxchaüxü. Natürü ga yema norü oxri rü nüxü nixë, rü naxcèx nitaane. Rü guxüma ga ñoma ga naänecüäx ga duüxügü rü poraäcü yema ngoxomaä nabäixächie, rü nawe narüxü. ⁴ Rü ga duüxügü rü yema coya ga Chatanáxü nicuëxüügü

yerü yema ngoxoxü naporaxêê na âëxgacü yïxücêx. Rû yexgumarüü ta yema ngoxoxü nicuêxüügü, rû ñanagürügü:

“¿Texé tangëxma ya ñaã ngoxorüü poraxe? ¿Rû texé tapora na namaã tügü tadëjxü?” ñanagürügü. ⁵ Natürü ga Tupana rû tama yema ngoxona nanachuxu na nügü yacuêxüüxücêx rû tacü Tupanamaã yaxugüxücêx rû âëxgacü na yïxücêx ga 42 ga tauemacü. ⁶ Rû yemaäcü chixexü naxü ga yema ngoxo. Rû poraäcü tacü Tupanamaã nixugü. Rû Tupanamaã naguxchiga, rû napatamaã rû ta naguxchiga, rû tümamaã naguxchiga ya guxâma ya yïxema daxüguxü i naãnewa ngëxmagüxe. ⁷ Rû yema coya ga Chataná rû yema ngoxoxü naporaxêê na Tupanaärü duüxügümaã nügü nadëjxücêx ñuxmatá tüxü nayexera. Rû âëxgacüxü nayaxïêê na namaã inacuäxücêx ga nagüxüraüxü ga duüxügü ga guxüma ga nachüüanecüâx ga nagüxüraüxü ga nagawa idexagüxü. ⁸ Rû tá ngëma ngoxoxü nicuêxüügü i guxüma i duüxügü i ñoma i naãnewa maxêxü i noxritama naãne üxgu ngeëgagüxü nawa i norü popera ya yima pecaduarü ütanücêx yucü i nagu yawügüâxü i ngëma duüxügü i marü Tupana nüxna naxâxü i maxü i taguma güxü. ⁹⁻¹⁰ Rû ngëxguma texé äxchixëgu, rû name nixi i naga taxïnü i ñaã tá pemaã nüxü chixuxü. Rû ngëxguma texé tümamaã naxuegugu na tüxü yayauxgüxü, rû noxtacüma tá tiyaxu. Rû ngëxguma texé tümamaã naxuegugu na tüxü yamëxgüxü, rû noxtacüma tá tüxü nimëxgü. Rû ngëmacêx ya yïxema Tupanaärü duüxügü ixigüxe, rû woo tacü rû guxchaxü tüxü ngupetügu, rû tanaxwëxe na yaxna namaã taxïnüxü rû tayaxögüamaxü. ¹¹ Rû yemawena nüxü chadau ga wüxi ga to ga ngoxo ga taxrechatacuxrexü ga waixüümüãnewa ixüxüxü. Rû yema naxchatacuxre rû ñoma carneruchatacuxrerü nixi. Natürü ga naga rû wüxi ga coya ga taxüchixügarüü nixi. ¹² Rû yexguma yema nüxüraüxü ga ngoxopëxewa nayexmagu, rû naxrüütama napura. Rû ñoma ga naãnemaã inacuêx, rû nanamu ga ñoma ga naãnewa maxêxü ga duüxügü na yema nüxüraüxü ga ngoxo ga ixëärü oxriäxüxü na yacuêxüügüxücêx. ¹³ Rû yema ngoxo nanaxü ga taxü ga cuëxruüüga duüxügü tama nüxü cuäxü na naxügüâxü. Rû daxüwa nanayixêê ga üxü, rû ñoma ga naãnegu nayi napëxewa ga duüxügü. ¹⁴ Natürü ga Tupana rû tama yema ngoxona nanachuxu na ñoma ga naãnewa maxêxü ga duüxügüxü nawomüxëxü namaã ga yema cuëxruüüga yema nüxüraüxü ga ngoxopëxewa naxüxü. Rû yemaäcü ga yema ngoxo rû duüxügüxü namu na naxügüâxücêx ga naxchicünëxä ga yema nüxüraüxü ga ngoxo ga taramaã chexexü rû poraäcü rüxóxü rû tama yuxü. ¹⁵ Rû Tupana rû tama yema to ga ngoxona nanachuxu na namaxëêäxücêx ga yema nüxüraüxü ga ngoxochicünëxä. Rû yemaäcü ga yema ngoxo rû nanamaxêê ga yema naxchicünëxä na yadexaxücêx rû na nadaiäxücêx ga guxüma ga yema duüxügü ga tama nüxü icuêxüügüxü. ¹⁶ Rû yexgumarüü ta guxüma ga duüxügüxü namu na norü tügünemëxëwa rû êxna nacatüwa nüxü na nayexmaxücêx ga wüxi ga cuëxruüüga yema ngoxoëga ixixü. Rû yemaäcü nanamu ga guxüma ga duüxügü rû woo buxü rû êxna yaxü, rû woo duüxügü i maürü dïerüâxgüxü rû êxna ngearü dïerüâxgüxü, rû woo duüxügü i ngearü coriäxgüxü rû êxna duüxügü i ixäärü coriäxgüxü. ¹⁷ Rû taxucürüwa texé tümäärü tacücêx tataxe rû êxna tümäärü tacümaã tataxe ga yexguma tümäärü tügünemëxëwa rû êxna tümacatüwa tüxü natauxgu ga yema ngoxoëga rû êxna yema ngoxoëgarü cuëxruüüga número. ¹⁸ Rû ñaã orexü na icuäxücêx, rû tanaxwëxe na tüxü nangëxmaxü i tóru cuêx. Rû yïxema tüxü nangëxmaxë i tümäärü cuêx, rû name nixi i tanangugü i ngëma número i ngëma ngoxoëga ixixü. Erü ngëma número rû wüxi i yatüégachirëx nixi. Rû ngëma número rû 666 nixi.

14

Yema 144,000 ga duüxügüarü wiyae

¹ Rû yemawena ichadawenü, rû nüxü chadau ga guma pecaduarü ütanücêx yacü ga guma mëxpüne ga Siðügu äeganetügu chicü. Rû naxütawa nayexma ga 144,000 ga duüxügü ga nacatüwa ixäegaxü namaã ga guma pecaduarü ütanücêx yucüëga rû Nanatü ya Tupanaëga. ² Rû ñuxüchi nüxü chaxïnü ga wüxi ga naga ga tagaxü ga daxügüxü ga naãnewa inaxüxü ga ñoma taxü i cotüna i chuxchuxügarüü ixixü rû ñoma poraäcü yaduruanëxürüü ixixü rû ñoma muxüchixü i duüxügü i arpawa ipaxetägüxürüü ixixü. ³ Rû yema 144,000 ga duüxügü rû nagu nawiyaëgü ga wüxi ga yexwacaxüxü ga wiyae napëxewa ga Tupanaärü tochicaxü rû napëxewa ga yema ägümücü ga daxüçüâx ga maxêxü rû napëxewa ga yema 24 ga âëxgacügü. Rû taxucürüwama texé ga toge nüxü tacuëxëga ga yema wiyae. Rû yema 144,000 ga duüxügüxicatama nixi ga nüxü cuëxgüxü. Rû yema nixi ga Tupana ñoma ga naãnewa deixü na namaxëxëêäxücêx. ⁴ Rû yema nixi ga duüxügü ga tama ñoma ga naãnëärü ngüchaxü i chixexümaã nügü äüächiarü maxüâxgüxü rû tama nüxü rüxoexü na Tupanaäxü yaxögüâxü. Rû nümagü rû yima Tupana Nane ga pecaduarü ütanücêx yucüwe narüxi i ngextá inaxüxüwa. Rû yemagü nixi ga ñoma ga naãnecüâxxtanüwa nüxüra Tupana naxcêx

taxexü na noxrü rü Naneärü duüxügü i üünexü yixigüxcèx. ⁵ Rü yematanüwa rü taguma texé nüxü taxinü na doraxü yaxugüxü, erü Tupanapêxewa rü nataxuma i norü chixexü.

Orearü ngeruüğü ga daxüçüãxârü orechiga

⁶ Rü ñuxüchi nüxü chadau ga wüxi ga to ga orearü ngeruü ga daxüguxü ga naânegu íxexüxü ga iyangexü ga Tupanaärü ore i guxügutáma ixixü, na guxü i nachüãñecüãxgümaã rü nagüxütraüxü i duüxügümaã rü guxüma i duüxügü i nagüxütraüxü i nagawa idex-agüxümaã nüxü yaxuxüxcèx. Rü yemaãcü inayange ga yema Tupanaärü ore na guxüma i ñoma i naânewa maxëxü i duüxügümaã nüxü yaxuxüxcèx. ⁷ Rü tagaãcü ñanagürü:

“¡Nüxü pemuüë ya Tupana rü nüxü picuëxüüğü! Erü marü nawa nangu na guxüma i duüxügüna naçaxü. ¡Rü nüxü picuëxüüğü ya yima naxücü i daxüguxü i naâne rü ñoma i naâne rü taxtü i taxü rü guxüma i natüxücüüğü!” ñanagürü. ⁸ Rü yemawena nangox ga to ga orearü ngeruü ga daxüçüãx, rü ñanagürü:

“Marü nagu nayarüchixe ya yima ñâne ya taxüne ya Babiróniã, rü nagu napogüe rü nayawëxtaügüxëë ya norü igü. Yerü yema ñañecüãx rü nanachixexëë ga guxüma ga to ga nachüãñecüãx ga duüxügü. Rü guxüma ga yema duüxügüxü namu na naxügüãxüxcèx ga yema chixexü ga guma ñañewa naxügüxü ga Tupanapêxewa poraãcü chixexü”, ñanagürü. ⁹⁻¹⁰ Rü yemawena nangox ga to ga orearü ngeruü ga tagaãcü ñaxü:

“Ngëxguma chi texé nüxü icuëxüüğü i ngëma ngoxo rü naxchicünëxãxü ticuëxüüğü rü tügü itaxãngu na tümacatüwa rü êxna tümamëxëwa ngëma ngoxoégamaã tacuëxruüãxü, rü Tupana rü poraãcüxüchi tá tüxü napoxcu namaã i ngëma poxcu i guxüãrü yexera ixixü i numatama ya Tupana norü numaa namexëëxü. Rü üxümaã rü azufre i iyauraxümaã tá ngüxü tüxü ningexëë napêxewa i norü orearü ngeruüğü rü napêxewa ya yima Nane ga pecaduarü ütanüxcèx yucü. ¹¹ Rü naëma ya yima üxü ya nawa Tupana ngüxü tüxü ingexëëne, rü guxügutáma ngema nicaixüqeecha. Rü bai i írarüwa tá tüxü narüna i ngëma ngüxü ya yixema ngëma ngoxoxü rü ngëma ngoxochicünëxãxü icuëxüügüxe rü tügü ixãxë na ngëma ngoxoégamaã taxãgaxü. Rü bai i nguncü rü bai i chütacü tá tüxü narüna i ngëma ngüxü”, ñanagürü. ¹² Rü ngëmacèx ya yixema Tupanaärü duüxügü ixigüxe rü norü orega ñünëxë rü Ngechuchuaxü yaxöögüxe, rü name nixü na yaxna namaã taxinüxü rü tayaxöögümaxü ega woo tacü rü guxchaxü tüxü ngupetügu. ¹³ Rü ñuxüchi nüxü chaxinü ga wüxi ga naga ga daxüguxü ga naânewa inaxüxü ga ñaxü choxü:

“¡Naxümatü i ñañ ore i tá cumaã nüxü chixuxü! Rü ñuxmaücüü tá tataãëgü ya yixema törü Coriaxü meã yaxöögüãcuma yuexe. Erü Tupanaãë i Üünexü rü ñanagürü: ‘Ngü, ngëmáãcü tá tataãëgü ya yixema, erü tá itarüngüë ñuxna i tümäärü puracügü. Rü ngëma mexü i taxügüxü rü tümamaã wüxigu daxüguxü i naânewa tá naxü’”, ñanagürü.

Ñoma i naânewa nanade i ngëma duüxügü i Tupanaärü ixigüxü

¹⁴ Rü ñuxüchi ichadawenü rü nüxü chadau ga wüxi ga caixanexü ga cómüxü. Rü yema caixanexüëtüwa narüto ga Tupana Nane ga duüxüxü ixixü. Rü naëruwa nayexma ga wüxi ga norü ngëxcuerü ga uirunaxcèx. Rü namëxwa nayexma ga wüxi ga cüxchi ga ínapomaguxü ga tãxechixü. ¹⁵ Rü Tupanapatawa ínaxüxü ga wüxi ga to ga orearü ngeruü ga tagaãcü ñaxü nüxü ga guma caixanexüëtüwa rütocü:

“¡Inaxüğü na cunadexü i ngëma duüxügü i cuxrü ixigüxü! Erü marü nawa nangu na cügüxütawa cunagagüxü, erü ngëma curü duüxügü i ñoma i naânewa ngëxmagüxü rü ínamemare na cunadexü”, ñanagürü. ¹⁶ Rü ñuxüchi ga guma yema caixanexüëtüwa rütocü rü ñoma trigu i buxuxürüü naãneëtügu ngëmaã nayabuãchi ga norü cüxchi. Rü nanade ga yema norü duüxügü ga ñoma ga naânewa yexmagüxü. ¹⁷ Rü ñuxüchi daxüguxü i naânewa ngëxmane ya Tupanapatawa ínaxüxü ga wüxi ga to ga orearü ngeruü ga nüxü nayexmacü ga wüxi ga cüxchi ga ínapomaguxü ga tãxechixü. ¹⁸ Rü yema pumaraarü gutëxeruütaxmüwa ínaxüxü ga wüxi ga to ga orearü ngeruü ga üxümaã icuáxü. Rü nüma rü tagaãcü ñanagürü nüxü ga yema to ga orearü ngeruü ga yema cüxchi ga ínapomaguxü ga tãxechixü nüxü yexmaxü:

“¡Inaxüğü na cunadexü i ngëma duüxügü i yéa naânewa ngëxmagüxü i tama Tupanaärü ixigüxü! Erü marü nawa nangu na Tupana napoxcuxëü”, ñanagürü. ¹⁹ Rü yema orearü ngeruü rü ñoma ga naãneëtügu ngëmaã nayabuãchi ga norü cüxchi. Rü nayadexechi ga yema duüxügü ga tama Tupanaärü ixigüxü ga ñoma ga naânewa yexmagüxü. Rü wüxi ga taxü ga nachicagu nanawocu na yexma Tupana norü numaa ndëjxüncëx, ñoma ubagü imëjxüüxürü. ²⁰ Rü yema nachica ga ñañearü íxpemawa yexmaxügnadai. Rü guma nagü ga yema íyaxüchicü, rü 300 ga kilómetru inayarübaichi, rü wüxi ga metruarü ngãxü nixü ga norü mátama ga guma nagü.

¹ Rū ñuxūchi ga daxūguxūl ga nañnewa rū nūxūl chadau ga wūxi ga to ga taxūl ga cuèxruūl ga namaā ibaixāchixūl. Rū nayexma ga 7 ga orearū ngeruūgū ga daxūcūāx ga nūxūl yexmagūxūl ga 7 ga poxcuruūl. Rū yema poxcugu nixī ga yagūxūl ga norū nū ga Tupana. ² Rū yexgumarūl ta nūxūl chadau ga ñoma wūxi ga nanaxtaaétūwaraūxūl ga woruarūl iyauraétūcūūxūl ga ūxiema nawa inachixūl. Rū yēma tayexmagū ga guxema nūxūl rüyexeraxe ga yema ngoxo rū yema ngoxochicūnèxā rū yema ngoxōega rū yema nūmeru ga yema ngoxōega ixixūl. Rū yema nanaxtaaétūraūxūl tachigū. Rū tūxūl nayexmagū ga tūmaārū paxetarūlūgū ga arpa ga Tupana tūxna āxūl. ³ Rū nagu tawiyaeūgū ga Moiché ga Tupanaārū duūxūl ixīcūarū wiyae. Rū yexgumarūl ta nagu tawiyaeūgū ga yema wiyae ga guma Tupana Nane ga pecaduarū ūtanūcèx yucūarū ixixūl ga ñaxūl:

“Pa Torū Cori ya Tupana ya Guxūārū Yexera Poracūx, nataxūchi rū namexēchi i guxūma i ngēma cuxūxūl. Rū cuma rū guxūl gutāma guxūma i nachīūānegūarū āēxgacū quixī. Rū cuma rū aixcūma meāma namaā icucūèx rū taguma quidora. ⁴ ¿Rū texe tāūtāma cuxūl tamūl, Pa Corix? ¿Rū texe tāūtāma cuxūl ticuèxūl? Erū cuma rū cuxicatama nixī i ūūnecū quixūl. Rū guxūma i nachīūānecūūāx rū nuā tá naxī, rū tá cuxūl nicuèxūlūgū. Yerū marū nūxūl nadaugū na quixaixcūmaxūl i guxūma i ngēma nūxūl quixuxūlwa rū aixcūma mea cunangugūxūl i guxūma i ngēma chixexūl ūgūxūl rū ngēma mexūl ūgūxūl”, ñanagūrū ga yema wiyae. ⁵ Rū yemawena ichadawenū rū nūxūl chadau ga daxūguxūl ga nañnewa na yawāxnaxūl ga yema nachica ga ūūnecūl ga Tupanapataarū aixepewa yexmaxūl ga ngexta namaā Inanguxūlūgūxūlwa ga guma nuta ga Tupanaārū mugū nagu ūmatūcū. ⁶ Rū guma Tupanapatawa Inachoxūl ga yema 7 ga orearū ngeruūgū ga daxūcūāx ga nūxūl nayexmagūxūl ga yema 7 ga poxcuruūgū. Rū naxchiru ga mexēchixūmaā rū iyauracūūxūmaā nixāxchiru. Rū yema norū goyeremūlūgū rū uirunaxcèx nixī. ⁷ Rū ñuxūchi wūxi ga yema āgūmūcū ga daxūcūāx ga maxūxūl, rū wūxichigū ga yema 7 ga orearū ngeruūgūna nanaxā ga wūxi ga copa ga uirunaxcèx ga Tupana ya guxūguma maxēchacūarū nu i ācūcūmaxūmaā ixāācuxūl. ⁸ Rū guma Tupanapata rū namaā naxāacu ga yema caixema ga Tupana ya mexēchicū rū poracūwa ne ūxūl. Rū taxucūrūwama texe yexma taxūcū ñuxmata nagū ga yema 7 ga poxcuruūl ga yema 7 ga orearū ngeruūgūaxūl yexmaxūl.

16

copagū ga Tupanaārū namaā ixāācuxūchiga

¹ Rū ñuxūchi nūxūl chaxīnū ga wūxi ga naga ga tagaācū guma Tupanapatawa inaxūxūl ga ñaxūl nūxūl ga yema 7 ga orearū ngeruūgū:

“ñNgema pexī, rū nañneētūwa peyabagūācu i ngēma 7 i copagū i Tupanaārū nu i ācūcūmaxūmaā ixāācuxūl!” ñanagūrū. ² Rū yēma naxū ga wūxi ga Tupanaārū orearū ngeruūl, rū nañneētūgu nayabaācu ga norū copa. Rū guxūma ga duūxūgū ga yema ngoxōēgamaā ixāēgaxūl rū yema ngoxochicūnèxāxūl icuèxūlūgūxūl, rū nawa inayarūgogū ga taixna ga nguxuchixūl ga taguma ixēxūl. ³ Rū yema norū taxre ga orearū ngeruūl, rū taxūl ga taxtūētūgu nayabaācu ga norū copa. Rū nagūxūl nananguxuchi ga dexā, rū ñoma wūxi i duūxūl i texe imāxūgūrūl nixī ga dexā. Rū guxūma ga tacū ga taxtūwa maxēxūl rū nayue. ⁴ Rū yema norū tomaēxpūx ga orearū ngeruūl rū natūgūētūgu rū natūxacūgūētūgu nayabaācu ga norū copa. Rū guxūma ga yema natūgū rū natūxacūgū, rū nagūxūl nanacēxichi. ⁵ Rū ñuxūchi nūxūl chaxīnū ga yema Tupanaārū orearū ngeruūl ga guxūma ga dexāmaā icuāxūl ga ñaxūl:

“Pa Torū Cori ya Tupana ya Ūūnecūl ya Woetama Yexmaēchacū rū Ñuxma Ngēmaēchacū, cuma rū wūxi i mexūl cuxūl na ngēmaācū dexā nagūxūl cunacēxichixēxūl naxchaxwa i ngēma duūxūgū. ⁶ Yerū nūmagū rū nanadai ga yema curū duūxūgū rū curū orearū uruūgū, rū inanaba ga nagū. Rū ñuxma i cuma rū wūxi i mexūl nixī i cuxūxūl na ngēma dexā nagūxūl cunacēxichixēxūl na nawa naxaxegūxūcèx. Yerū yema nixī ga yema nanaxwèxegūxūl rū yemacèx nixī ga curū duūxūgūxūl nadējxūl”, ñaxūl. ⁷ Rū nūxūl chaxīnū ga wūxi ga naga ga yema pumaraarū gutēxeruūtaxmūwa inaxūxūl ga ñaxūl:

“Ngūl, Pa Cori ya Tupana ya Guxūārū Yexera Poracūx, aixcūma nixī i namexūl i ngēma cuxūxūl”, ñaxūl. ⁸ Rū yema norū āgūmūcū ga orearū ngeruūl rū ūèxcūētūgu nayabaācu ga norū copa. Rū yemaācū poraācū nananaiemaxēē ga ūèxcūl na yema norū ñañaxūmaā Inaguāxūcèx ga duūxūgū. ⁹ Rū guxūma ga duūxūgū rū poraācū nūxūl nanguxema, natūrū tama nūxūl narūxoe ga nacūma ga chixexūl rū tama Tupanaxūl nicuèxūlūgū. Rū naguchigagūama namaā ga Tupana ya guxūma i ngēma poxcuruūmaā icuācū. ¹⁰ Rū yema norū wūximēxpūx ga orearū ngeruūl, rū yema ngoxoarū tochicaxūlūgū nayabaācu ga norū copa. Rū guxūwama ga ngextā āēxgacū ūyūxūlwa ga yema ngoxo, rū naxēāne. Rū yema na poraācū nūxūl nangūxūl ga duūxūgū, rū nūgū nangōōrū conūāxgū. ¹¹ Natūrū woo yemaācū nūxūl na nangupetūxūl ga duūxūgū, rū tama nūxūl narūxoechāū ga yema chixexūl ga naxūgūxūl. Natūrū yema na poraācū nūxūl nangūxūl ga norū taixnagū, rū

naguxchigagüma namaã ga Tupana ya daxügücü. ¹² Rü yema norü 6 ga orearü ngeruü, rü yema taxtü ga Euférateügu nayabaäcu ga norü copa. Rü inayache ga yema taxtü na wüxi ga nama na yiüxcèx naxcèx ga yema nachüüänegüarü äëxgacügü ga üèxcü iyarügoxüwa ne iü. ¹³ Rü nüxü chadau rü yema coyaäxwa, rü yema nüxüraüxü ga ngoxoèxwa, rü yema to ga ngoxo ga yema orearü uruünetäexwa, rü wüxièxwächigü inaxüxü ga wüxi ga naäe ga chixexü ga ñoma curururü ixiü. ¹⁴ Rü yema ngoxoäëgu nixi ga naxügüxü ga yema taxü ga cuèxruügü ga duüxügü taxucürüwa ügüxü. Rü yema ngoxogü rü inachoxü na nangutaquëxexëgüäxücèx i guxüma i ñoma i naänewa ngëxmagüxü i nachüüänegüarü äëxgacügü na Tupana ya Guxüärü Yexera Poracümaã nügu nadaixücèx i ngëxguma nawa nanguxgu i naänearü gux. ¹⁵ Natürü dücax, rü pexuäëgu erü törü Cori ya Ngechuchu ya Cristu rü ñanagürü:

“Choma rü ngürüächi taxüetäma choxü inanguxëëyane íchangu, ñoma wüxi i ngítëxäxü inguxürrü. Rü tataäe ya yíxema ímemarexe ñoma wüxi i duüxü i naxchiru ímexëëxürrü na tama tangexchiruxücèx rü taxänexücèx i ngëxguma íchanguxgu”, ñanagürü. ¹⁶ Rü yema ngoxogü, rü nanangutaquëxexëe ga guxüma ga ñoma ga naänewa yexmagüxü ga nachüüänecüäxgüarü äëxgacügü. Rü yema nachica ga nawa nangutaquëxegüxü, rü Armagedóügu naxäega i Yudiügügawa. ¹⁷ Rü yema norü 7 ga orearü ngeruü, rü buanecügmare nayabaäcu ga norü copa. Rü guma Tupanapata ya daxügüxü i naänewa ngëxmanewa inanaxü ga wüxi ga naga ga tagaxü ga yema Tupanaärü tochicaxüwa inaxüxü ga ñaxü:

“Marü ningü”, ñaxü. ¹⁸ Rü nibëixbéxane, rü poraäcü nicuxcuane, rü niduruane. Rü poraäcü naxiäxächiane. Rü noxri Tupana duüxügüxü üxgumama rü taguma nayexma ga wüxi ga iäxächiane ga yemarüü poraxü. ¹⁹ Rü guma iäne ga taxüne ga Babiróniä, rü tomaëxpüxgu ningüxyeane. Rü guma iänegü ga ñoma ga naänewa yexmagüne rü niwëxtaügü. Rü Tupana rü nüxna nacuaaxächi ga guma iäne ga Babiróniärrü chixexü. Rü yemacèx norü numaä poraäcü nanapoxcu ga guma iäne, yerü poraäcüxüchi namaã nanu. ²⁰ Rü guxüma ga capaxügü rü guxünama ga mëxpünegü, rü inayarüxogü. ²¹ Rü daxüwa narüyi ga gáxüxü ga itapütaxü, rü duüxügüétügu nayi. Rü wüxipütachigü ga yema gáxüxü, rü 40 ga kilogu nixi ga nayaxü. Rü ga duüxügü rü Tupanamaã naguxchigagü nagagu ga yema poxcuruü ga gáxüxü, yerü poraäcü nüxü nangux ga yema poxcu ga Tupana namaã napoxcuexü.

17

Íäne ga Babiróniä ga wüxi ga nge ga ngëäexü- chicügu ixixüne

¹ Rü yema 7 ga orearü ngeruügü ga nüxü yexmagüxü ga 7 ga copagü, rü yematanüwa rü wüxi ga orearü ngeruü, rü chauxcèx nixü, rü ñanagürü choxü:

“¡Nuä naxü! Rü tá cuxü nüxü chadauxëe i tacü tá nixi i ngürü poxcu i ngëma nge i ngeäexüchicü i taxü i dexágüétüwa rütöxcü. ² Rü ñoma i naänewa ngëxmagüxü i nachüüänegüarü äëxgacügü, rü ngímaã namaxë, rü yemaäcü poraäcü chixexü naxügü. Rü guxüma i ñoma i naänecüäx, rü ngürü chixexü nüxna naxüe”, ñanagürü. ³ Rü yexguma Tupanaäe i Üünexü yemaäcü choxü ngoxetüxëëgu, rü yema orearü ngeruü rü wüxi ga nachica ga ngextä taxüema íxäpataxüwa choxü naga. Rü yéma ngixü chadau ga wüxi ga nge ga wüxi ga ngoxo ga dauxüetüwa rütöxcü. Rü yema ngoxo rü guxüwama naxäegaxüne, rü yema naëgagü rü Tupanamaã naguxchiga. Rü 7 nixi ga naëru rü 10 ga naxchatacxre. ⁴ Rü yema nge rü wüxi ga naxchiru ga dauxracharaxü rü dauxümaã íxäxchiru. Rü uirumaã rü nutagü ga mexëchicümaã ingäxäe. Rü ngíxmëxwa ngixü nayexma ga wüxi ga copa ga uirunaxcèx. Rü yema copa rü namaã naxääcu ga nagüxüraüxü ga yema Tupanapëxewa chixexü rü nagüxüraüxü ga chixexügü ga yema nge üxü. ⁵ Rü ngicatügu naxümatü ga wüxi ga naëga ga taxüema nüxü cuäxü na ñuxü ñaxüchiga yiüxü. Rü yema naëga rü ñanagürü:

“Rü yima Babiróniä rü guxüma i ngema duüxügü i chixexü ügüxü i ñoma i naänewa maxëxüarü mamá nixi”, ñanagürü. ⁶ Rü ngixü chadau ga yema nge ga na nangäxüxü namaã ga guma nagü ga yema duüxügü ga Tupanaärü ixigüxü rü yema duüxügü ga Ngechuchuarü orexü na yaxugüxcèx dëjxü. Rü yexguma yemaxü chadëuxgu, rü chaëixächi. ⁷ Rü yexguma ga yema orearü ngeruü rü ñanagürü choxü:

“¿Tacücèx cuëaixächi? Dücèx, tá cumaã nüxü chixu na tacüchiga yiüxü i ngëma nge, rü tacüchiga yiüxü i ngëma ngoxo i 7 eruxü rü 10 chatacxrexü i naëtiüwa natoxü. ⁸ Rü ngëma ngoxo i nüxü cüdauxü, rü yema nixi ga nuxcümäxüchi maxchirëxü natürü ñuxma rü marü yuxü rü ngëma äxmaxü i taxuguma iyacuäxüwa ngëxmaxü. Natürü paxa tá ngema íxüxüxü, rü ñuxüchi ngëma nachica i guxügutäma nagu napoxcuxüwa tá üxü. Rü ngëma ngoxoma ä tá naëaixächiäëgü i ngëma duüxügü i ñoma i naänewa maxëxü i tama nawa ngoxëgagüxü i ngëma Tupanaärü popera i noxritama naäne ixügügu Tupana nagu yawügüxü i ngëma duüxügü i nüxü nangëxmaxü i maxü i taguma gúxü. Rü nümagü i ngëma

duñxügü rü aixcúma tá namaã nabaixächiãëgü i ngëxguma nüxü nadaugügu i ngëma ngoxo ga nuxcúmaxüchi maxchiréxü rü yuxü natürü wena táxarü inguxü. ⁹Rü ñaã nixí i wüxi i ore naxcëx i ngëma duñxügü i nüxü natauxchaxü na nüxü nacuëxgüxü. Rü ngëma 7 i naëru i ngëma ngoxo, rü yima nixí ya 7 ya mëxpúnechiga. Rü yima 7 ya mëxpúneëtuwa nixí i natoxü i ngëma nge. Rü ngëxgumarüü ta i ngëma naërugü, rü 7 i nachiüãnegüarü ãëxgacügüchiga nixí. ¹⁰Rü wüximëëxpüx i ngëma ãëxgacügü rü marü togü nüxü narüyexeragü, rü ñuxma rü marü tama ãëxgacügü nixígü. Rü ngëma norü 6 i ngëma ãëxgacügü, rü nüma rü ñuxma rü ãëxgacü nixí. Rü ngëma norü 7 tá nixí i yixcúra inguxü. Natürü ngëxguma ñanguxgu i ngëma norü 7 i nawa iyacuáxü i ngëma ãëxgacügü, rü paxaächimare tá nixí i ãëxgacü yixü. ¹¹Rü ngëma ngoxo ga nuxcúmaxüchi maxchiréxü rü ñuxma rü marü yuxü, rü ngëma nixí i norü 8 i ngëma ãëxgacügü. Rü nüma rü ngëma 7 tanüxü nixí. Natürü i nüma rü ngëma nachica i guxügutáma nagu napoxcuxüwa naxü. ¹²Rü ngëma 10 i naxchatacuxre i nüxü cudauxü, rü 10 i nachiüãnegüarü ãëxgacügüchiga nixí. Natürü i nümagü rü tauta inanaxügüe na duñxügümaã inacuëxgüxü. Natürü yixcúra tá nanayauxgü i pora na wüxitátama i ora ngëma ngoxomaã wüxigu ãëxgacügü yixígüxüxcëx. ¹³Rü ngëma 10 i ãëxgacügü rü wüxigu nagu narüxüñtë na ngëma ngoxona naxägüãxüxcëx i norü pora, na ngëma ngoxo namaã icuáxüxcëx. ¹⁴Rü ñuxüchi i ngëma ãëxgacügü rü ngëma ngoxo rü tá nügü nadai namaã ya yima Tupana Nane ga pecaðuarü ütanüxcëx yucü. Natürü ya yima Tupana Nane rü tá nüxü narüyexera, erü nüma rü guxü i corigüarü Cori nixí, rü guxü i nachiüãnegüarü ãëxgacügüarü ãëxgacü nixí. Rü yixema namücügü ixígüxe, rü yixemagü tixígü ya Tupana tüxü dexe rü tümacëx naçaxe. Rü tümagü rü aixcúma naga taxüñe, ñanagürü choxü. ¹⁵Rü yema orearü ngeruü rü ñanagürü ta choxü:

“Ngëma taxü i dexá i nüxü cudauxü i naëtuwa natoxü i ngëma nge i ngëãëxüchicü, rü nagüxüraüxü i duñxügüchiga nixí, rü guxüma i duñxügü i to i nagawa idexagüxüchiga nixí, rü guxüma i nachiüãnecüãxgü i duñxügüchiga nixí. ¹⁶Rü ngëma 10 i naxchatacuxre i nüxü cudauxü i nüxü ngëmaxü i ngëma ngoxo, rü tá ngëma nge i ngëãëxüchicüchi naxaie. Rü tá ngëma ngena nanapuxü i guxüma i ñacü i ngixü ngëmaxü, rü ngëmaãcü ngexchiruãcúma tá ngëxma irüxãüx. Rü tá ngixü nangöxgü, rü üxüwa tá ngixü nigugü. ¹⁷Yerü ga Tupana rü yema 10 ga ãëxgacügüxü nagu narüxüñtëxë na naxügüãxüxcëx i ngëma nanaxwëxëxü i nüma ya Tupana. Rü ngëmacëx i ngëma ãëxgacügü, rü tá wüxigu nagu narüxüñe na ngëma ngoxoxü naporaxëëgüxü na norü ãëxgacü yixüxcëx ñuxmatáta Tupana yanguxëë i ngëma nüxü yaxuxü. ¹⁸Rü ngëma nge i ngixü cudëuxcü, rü yima nixí ya yima ñane ya taxüne ya guxüma i nachiüãnegüarü ãëxgacügümaã icuáxüne”, ñanagürü.

18

Nagu nayarüchixe ga ñane ga Babiróniã

¹Rü yemawena nüxü chadau ga wüxi ga to ga orearü ngeruü ga daxügüxü ga naãnewa irüxüxü ga taxü ga ãëxgacü ixixü. Rü yema orearü ngeruüarü yauracüxümaã nangóone ga ñoma ga naãne. ²Rü tagaãcü ñanagürü:

“Marü nagu nayarüchixe ya yima ñane ya Babiróniã ya itaëgacüxüne. Rü ñuxma rü ngoxügüchü nixí rü nagüxüraüxü i naãë i chixexügüchü nixí. Rü ñuxma rü ngëxma naxächü i nagüxüraüxü i ngurucügü rü werigü i chixexü i duñxügü naxchi aiexü. ³Yerü guxüma ga nachiüãnecüãxgü, rü guma ñaneärü chixexü nüxna naxüe. Rü norü ãëxgacügü, rü yema poraãcü chixri namaxë. Rü guxüma ga ñoma ga nachiüãnecüãxgü ga taxetanüxügü, rü nügü namuärü ðierüãxëëgü namaã ga yema ñaneärü yemaxügü ga tama Tupanapëxewa mexü”, ñanagürü. ⁴Rü ñuxüchi nüxü chaxüñü ga to ga naga ga daxügüxü ga naãnewa ñaxüxü ga ñaxü:

“¡Düxcëx i guxüma i pema ya chorü duñxügü ixígüxe, rü ípechoxü nawa ya yima ñane na tama ngëma ñanecüãxrüü pipecaduãxgüxüxcëx rü tama nagu peyixüxcëx i ngëma poxcu i tá yima ñanewa nguxü! ⁵Erü ngëma ñanecüãxrü pecaðugü, rü nügüëtuwa narüñucue, rü düxwa marü daxügüxü i naãnewa nangu. Rü ñuxma ya Tupana rü nüxna nacüëxächi i ngëma chixexü i naxügüxü, rü ngëmacëx tá yima ñanexü napoxcu. ⁶Rü ngëma poraãcü chixexü na naxügüxü, rü ngëxgumarüü tá ta nixí na chixexümaã nüxü penaxüñüxü i pemax. ¡Rü ñuxma na ngëma ñanecüãx togümaã chixexü naxügüxü, rü taxreëxpüxcüna tá penachixëë i pemax! ¡Rü ngëma chixexü ga yema ñanecüãx togüxcëx mexëëgüxü, rü pema rü taxreëxpüxcüna tá ngëmaãcü naxcëx penamexëë! ⁷¡Rü ngëma na nügü yacuëxüxüxü rü mexëchixüwa na namaxëxü, rü ngëxgumarüü tá ta nixí na ngüñtã nüxü pingexëëgüxü rü ngechaü nüxü pingexëëgüxü! Erü ñuxma i ngëma ñanecüãx rü nügüãëwa ñanagürügü: ‘Yixema rü ñoma wüxi i ãëxgacürü mexëchixüwa tangëxmagü. Rü tagutáma wüxi i yutexürü tangechaügü’, ñanagürügü nügüãëwa i ngëma ñanecüãx. ⁸Rü ngëmacëx tá nixí i wüxitátama i ngunexügu ñanguxgü i ngëma ñaneärü poxcuruü. Rü ngëma ñanecüãx

rü ngúanemaã tá nayue, rü poraäcü tá nangechaügü, rü poraäcü taiya tá nüxü nangux, rü norü ñane rü üxümaã tá nigu. Erü naporaxüchi ya yima Tupana ya guxüärü Cori ixücü i ngéma ñanexü poxcücü”, ñanagürü ga yema naga. ⁹ Rü ngéma nachüñanegüarü äëxgacügü ga yema ñanewa poraäcü chixri maxëxü rü mexëchixüwa yexmagüxü, rü tá poraäcü norü ngechaümaã yima ñanecëx naxauxe i ngëxguma nüxü nadaugügu i ngéma üxüema i namaã yaxaxü. ¹⁰ Natürü ngéma äëxgacügü rü ngéma poxcücü na namuñëxüchëxwa rü tá yaxüwa nüxü narüdaunü, rü ñanagürügü tá:

“Cungechaütümüü, Pa Itaégacüxüne ya Ñane ya Babirónia ya Guxü i Nachüñanegümaã Porachirénex. Erü wüxitama i oragu cuxcëx ñangu i curü poxcü”, ñanagürügü tá. ¹¹ Rü guxüma i ñoma i nañecüñax i taxetanüxü, rü tá poraäcü norü ngechaümaã naxcëx naxauxe ya yima ñane. Erü marü taxüetáma naxcëx nüxü tataxe i norü ngëmaxügü i ngema nangegüxü. ¹² Rü marü taxüetáma naxcëx nüxü tataxe i norü uiru, rü norü dñërumü, rü norü nutagü i mexëchixü, rü naxpügü i mexëchixü i dauxracharaxü rü idauxcharaü i ngema nangegüxü. Rü ngëxgumarüü tá taxüetáma naxcëx nüxü tataxe i nagüxüraüxü i norü nañchipanügü i yixixü, rü norü ngëmaxügü i marfilnaxcëx rü mürapewa i mexëchixüñnaxcëx rü cobrenaxcëx rü fierunaxcëx rü nutanaxcëx i ngema nangegüxü. ¹³ Rü taxüetáma naxcëx nüxü tataxe i norü canela rü togü i norü üexüwemüxügü i yixixü, rü pumaratëxe i guruü ixüxü, rü togü i pumaragü i yixixü, rü binugü rü chixügü, rü arina i mexëchixü, rü trigu i ngema nangegüxü. Rü ngëxgumarüü ta ngema nanagagü i wocagü, rü carnerugü, rü cowarugü, rü autugü i cowaru itüchigüxü, rü duüxügü i puracüruügü. Rü ngémaäcü woo duüxëgü rü ngema tüxü nagagü na tümamaã nataxegüxütcëx. ¹⁴ Rü ngéma taxetanüxü, rü ñanagürügü tá nüxü ya yima ñane:

“Cuwa rü marü nataxuma i ngéma orix i curü duüxügüarü me ixüxü. Rü marü nataxuma i guxüma i ngéma meruügü ga noxri cuxü yexmaxü, rü tagutáma wenaxärü cuxü nangëxma”, ñanagürügü tá. ¹⁵ Rü ngéma taxetanüxü i guxüma i ngéma orixgümaã rü ngéma meruügümaã taxegüxü rü guma ñanegu nügü muärü diëruñëxüchigüxü, rü yaxüwa tátama nüxü narüdaunü ya yima ñane, erü nüxü namuñë i ngéma poxcü i yima ñanexü üpetüxü. Rü tá poraäcü norü ngechaümaã naxauxe. ¹⁶ Rü ñanagürügü tá:

“Nangechaütümüü ya yima ñane ya itaégacüxüne. Erü noxri rü ñoma wüxi i nge i mexëchixü i naxchiru i dauxracharaxü rü dauxcharaxümaã äxchiruü i uirumaã rü nutagü ya mexëchicümaã ngëxäexürüü nixü. ¹⁷ Natürü ngürüächü nagux i guxüma i ngéma ñaneärü meruügü”, ñanagürügü tá. Rü güxüne ya wapurugüarü äëxgacügü, rü guxüma i norü duüxügü ya yima wapuruwa puracüxü, rü guxüma i duüxügü ya yima wapuruwu ixü, rü guxüma i taxetanüxügü i wapuruwu yarüxüñüxü, rü yaxüwa tátama nayachaxgütanüächü, rü ngema tá nüxü narüdaunü. ¹⁸ Rü ngëxguma nüxü nadaugügu i norü caxixü na yaxaxü ya yima ñane, rü tagaäcü tá ñanagürügü:

“Nataxuma ya ná i ñane ya daa ñane ya itaxégacüxünerüü ixüxüne”, ñanagürügü. ¹⁹ Rü norü ngechaümaã nügüétügu tá waixümü nagünagügü, rü tá poraäcü naxauxe, rü tagaäcü ñanagürügü tá:

“Nangechaütümüü ya yima ñane ya itaxégacüxüne. Rü noxri rü norü yemaxügümaã nügü nimuärü diëruñëxëgü ga güxüne ga wapurugüarü yoragü. Natürü i ñuxma rü ngürüächü wüxi i oragutama rü inayarüxo i güxüma i ngéma. ²⁰ Natürü ñuxma na napoxcuxü ya yima ñane, rü name nixü i petaäëgü i pema i daxügüxü i nañnewa ngëxmagüe, rü pema i Tupana pexü imugüe, rü pema i Tupanaärü orexü ixugüe, rü güxäma i pema i Tupanaärü duüxügü ixügüe. Erü ñuxma na napoxcuxü ya yima ñane, rü ngémaäcü Tupana pexü naxütanü naxcëx ga yema chixexü ga pemaã naxügüxü ga guma ñanecüñax”, ñanagürügü. ²¹ Rü ñuxüchi wüxi ga Tupanaärü orearü ngerüü ga daxüñüxü rü nanangenagü ga wüxi ga nuta ga taxüchicü ga ñoma ñacüarü carüñüü ixücü. Rü yema orearü ngerüü rü taxüü ga taxügu nanaña ga guma nuta ga taxüchicü, rü ñanagürü:

“Ngëxgumarüü tá quixü na icuyarüxoxü, Pa Ñane ya Itaxégacüxüne ya Babiróniäx, rü tagutáma texé wena cuxü nadau. ²² Rü tagutáma wena curü ñamügüwa texé nüxü taxüñü i paxetarügü i arpagü rü quenagü rü cornetagü. Rü ngëxgumarüü ta cuwa nataxütáma i puracütanüxügü i ñacüwa puracüxü, rü tagutáma texé nüxü taxüñü na cuwa ñapuracüxü i chawüarü carüügü. ²³ Rü marü tagutáma texé nüxü tadau i cuwa i omü. Rü marü tagutáma texé nüxü taxüñü i ngügüchigaarü petagüarü cuxcuane. Rü ngémaäcü tá cumaã nangupetü woo ga noxri rü yema taxetanüxü ga cuwa taxegüxü rü güxüma ga togü ga taxetanüxüärü yexera nixügü. Rü ngëmacëx tá poraäcü cupoxcu nagagu ga yema chixexü ga namaã cunawomüxëxü ga güxüma ga togü ga nachüñanecüñax ga duüxügü”, ñanagürü. ²⁴ Yerü guma ñanecüñax ga duüxügü nixü ga nadëixü rü inabaxëgüxü ga nagü ga Tupanaärü orearü uruügü rü yema duüxügü ga Tupanaärü ixügüxü rü güxüma ga duüxügü ga ñoma ga nañngu Tupanaärü oregagu nadëixü.

19

¹ Rú yemawena nüxü chaxínü ga muxüma ga duüxügüga ga daxüguxü ga naänewa tagaäcü ñagüxü:

“¡Ngixá Tupanaxü ticuëxüügü! Erü nüma nixí i tüxü namaxëxëxü. Rú nüma ya tórü Tupana nixí i guxüärü yexera namexëchixü rü naporaxüchixü. ² Rú nüma rü aixcüma meäma nanangugü i guxüma i duüxügüarü maxü, rü aixcüma tá nanapoxcue i ngëma chixexü ügüxü. Rú ngëmacëx marü nanapoxcu ya yima läne ya itaxëgacüxüne ya chixene ya norü chixexümaä nachixexëene i guxüma i ñoma i naäncüäx i duüxügü. Rú ñuxma i nüma ya Tupana rü norü duüxügü ga guma läncüäx dëixüxü naxütanü”, ñanagürügü. ³ Rú ñuxüchi wenaxärü ñanagürügü:

“¡Ngixá Tupanaxü ticuëxüügü! Erü ngema norü caxixü na yaxaxü ya yima läne, rü tagutäma ngëma nayarüxo”, ñanagürügü. ⁴ Rú yema 24 ga äëxgacügü rü yema ägümücü ga daxüdüäx ga maxëxü rü yexma nanangücuchitanü, rü Tupana ya norü tochicaxüwa rütocüxü nicuëxüügü. Rú ñanagürügü:

“Rü ngëmaäcü yí. ¡Rü ngixá nüxü ticuëxüügü ya tórü Cori!” ñanagürügü. ⁵ Rú ñuxüchi yema tochicaxüxütawa inanaxü ga wüxi ga naga ga ñaxü:

“Name nixí i tórü Tupanaxü picuëxüügü i guxüma i pemax Pa Buxügü rü Pa Yaxügüx i norü duüxügü na pixügüxü rü nüxü na pemüëxü”, ñaxü.

Tupana Nane ga pecaduarü ütanicëx yucüariü ngügüarü petachiga

⁶ Rú ñuxüchi nüxü chaxínü ga tacü ga ñoma muxüchixü ga duüxügü idexagüxü rü ixixü ga ñoma taxü i dexá i chuchxü rü ixixü ga ñoma poraäcü yaduruanexü rü ixixü ga ñaxü:

“¡Ngixá Tupanaxü ticuëxüügü! Erü nüma ya tórü Cori ya Tupana ya guxüärü yexera poracü, rü marü ningucuchi na guxümaä inacuáxü. ⁷ ¡Rü ngixá tataäëgü rü guxü i tórü taäëmaä nüxü ticuëxüügü! Erü marü nawa nangu na iyangixü ya yima Tupana Nane ga pecaduarü ütanicëx yucü. Rú ngëma norü duüxügü i ñoma namëxü ixügüxü rü marü nügü inimexëëgü. ⁸ Rú yima Tupana Nane rü ngëma nüxü yaxögüxüxü namu na mexëchixü rü cómüxü rü iyaauracüxü i naxchirumaä na yaxächiruxü. Rú ngëma naxchiru i mexëchixü rü ngëma nixí i ngëma duüxügüarü maxü i mexüchiga”, ñanagürügü. ⁹ Rú ñuxüchi ga Tupanaärü orearü ngeruü, rü ñanagürü choxü:

“Chanaxwëxe i cunaxümatü i ñaä ore i cumaä tá nüxü chixuxü: ‘Tataäëgü ya yixema tüxna naxuxe i norü ngügüarü petawa ya yima Tupana Nane ga pecaduarü ütanicëx yucü’”, ñanagürü. Rú ñuxüchi ñanagürü ta:

“Ngëma ore i cumaä nüxü chixuxü, rü Tupanaärü orexüchitama nixí”, ñanagürü. ¹⁰ Rú choma rü yema orearü ngeruüpëxegu chacaxäpüxü na nüxü chicuëxüxüxüxü. Natürü ga nüma rü ñanagürü choxü:

“¡Täxü i ngëma cuxüxü! Erü choma rü ta Tupanaärü duüxü chixü, ngëxgumarü i cuma rü cueneëgü i Ngechuchuarü ore i aixcüma ixixü ixögüechaxü rü ta chixü. Rú name nixí i Tupanaxü quicuëxü”, ñanagürü. Erü ngëma ore i Ngechuchuchiga ixixü, rü yematama ore nixí ga Tupanaärü orearü uruügü nüxü ixügüxü ga yexguma Tupanaäe i Üünexü nawa ideaxü.

Guma Tupana Nane ga cowaru ga cómüxüetüga tonagücüchiga

¹¹ Rú ñuxüchi nüxü chadau ga daxügüxü ga naäne na yawäxnaxü. Rú yëma nangox ga wüxi ga cowaru ga cómüxü. Rú guma naëtüwa rütocü rü Ixaixcümacü rü Aixcüma Yanguxëëcü nixí i naega. Rú nüma rü aixcüma guxüma i duüxügüarü maxüxü nacüx, rü aixcüma tá guxüma i ngëma chixexü ügüxümaä nügü nadai rü tá nanapoxcue. ¹² Rú naxëtügü, rü ñoma üxüemarüü niyauracüü. Rú naëruwa rü namu ga norü ngëxuerüügü. Rú nacatügu naxümatü ga wüxi ga naega ga nüxücatama nüxü nacuáxü. ¹³ Rú wüxi ga naxchiru ga ducharaxügu nicux. Rú naega rü Tupanaärü Ore nixí. ¹⁴ Rú nawe narüxü ga guxüma ga norü churaragü ga daxüdüäx. Rú nümagü rü naxchiru ga imexëchixü rü cómüxümaä nixächiru. Rú cowarugü ga icómüxüetüga naxí. ¹⁵ Rú naäxna nayexma ga wüxi ga tara ga tëxechixü na yemamaä napíxëëäxüxüxü i guxüma i ngëma duüxügü i tama nüxü yaxögüxü. Rú tá nüma nanaxwëxëdüacüma ngëma duüxügümaä inacuëx. Rú nüma rü tá poraäcü ngëma duüxügü i tama yaxögüxüxü napoxcu namaä i ngëma poxcu ya Tupana ya Guxüxü Rüporamaëcü norü numaa mexëxü. Rú ñoma ubagü i norü maixruüwa imëxütüxü rü tá nixí na napoxcueäxü. ¹⁶ Rú naxchirugu rü naperemagu naxümatü ga wüxi ga naega ga ñaxü:

“Guxüma i nachüänegüarü äëxgacügüarü Äëxgacü, rü guxüma i corigüarü Cori ixixü”, ñaxü. ¹⁷⁻¹⁸ Rú ñuxüchi nüxü chadau ga wüxi ga Tupanaärü orearü ngeruü ga daxüdüäx ga üëxcügu chixü. Rú nüma rü tagaäcü ñanagürü nüxü ga guxüma ga ngurucugü ga yexma ixexütanüxü:

“¡Nuã pexĩ rü pengutaquëxegü naxcëx i ðna i taxü i Tupana pexcëx mexëëxü na penangõxüccëx i nachilãnegüarü äëxgacügümachi, rü churaragüarü äëxgacügümachi, rü yatügü i poraxüchixümmachi, rü cõwarugümachi, rü ngëma cõwaruëtügu i xü i duüxügümachi, rü ngëma duüxügü i coriãxgügümachi rü ngëma ngearü coriãxgügümachi rü ngëma buxügümachi rü ngëma yaxügümachi!” ñanagürü. ¹⁹ Rü ñuxüchi nüxü chadau ga yema nüxiraüxü ga ngoxo rü guxüma ga nachilãnegüarü äëxgacügü ga norü churaragümaã yëma ngutaquëxegüxü na nügü nadëixüccëx namaã ya yima cõwaruëtügu i xüccü rü norü churaragü. ²⁰ Rü yema nüxiraüxü ga ngoxo rü niyaxu. Rü wüxigu namaã niyaxu ga yema to ga ngoxo ga orearü uruünetä i xüxü ga yema nüxiraüxü ga ngoxopëxëwa naxüxü ga cuëxruüügü ga duüxügü tama nüxü cuãxü na naxügüãxü. Rü yema cuëxruüügümaã nixi ga nawomüxëëãxü ga yema duüxügü ga nüxü icuëxüüügüxü ga naxchicünëxã ga yema nüxiraüxü ga ngoxo rü nügü ixägüxü na yema ngoxoëgamaã na yaxüëgagüxü. Rü yema nüxiraüxü ga ngoxo rü yema to ga ngoxo ga orearü uruünetä i xüxü, rü wüxigu maxëxüma nawa nawoü ya yima naxtaa ya üxümaã iyaurachiüne ya azufremaã ixaxüne. ²¹ Rü yema tara ga tëxëchixü ga guma cõwaruëtüwa rütocüëxwa yexmaxümaã nanadai ga yema ngoxogüarü ngüxëëruüügü ga äëxgacügü rü norü churaragü. Rü guxüma ga ngurucugü, rü yemamachimaã nangãxcharaügü.

20

Chataná rü 1,000 ga taunecü ninëix

¹ Rü yemawena nüxü chadau ga wüxi ga Tupanaärü orearü ngeruü ga daxügüxü na naãnewa íruxüxü. Rü naxmëxwa nayexma ga yema äxmaxü i taxuguma iyacuãxüarü chawi rü ñuxüchi wüxi ga cadena. ² Rü yema Tupanaärü orearü ngeruü rü yema coyaxü niyaxu. Rü yematama coya nixi ga yema nuxcümãxüxü ga äxtape ga ngoxo ga Chataná ixixü. Rü yema orearü ngeruü rü 1,000 ga taunecügücëx nayanëix. ³ Rü yema orearü ngeruü rü yema äxmaxü i taxuguma iyacuãxügu nayatëxcuchi. Rü ñuxüchi yexma meãma nanawãxtaü na nüma ga Chataná rü marü taguma wenaxärü duüxügüxü nawomüxëëxüccëx ñuxmatáta 1,000 ya taunecü ngëxma yangeã. Rü ngëxguma marü yanguxëëãgu ya yima 1,000 ya taunecü, rü tá paxaxãchi nayangëx. ⁴ Rü ñuxüchi nüxü chadau ga ñuxre ga tochicaxügü. Rü yema tochicaxüwa tarütogü ga guxema Tupanaxütawa nayauxgüxe ga pora na duüxügüxü ticagüxüccëx. Rü yexgumarüü ta nüxü chadau ga naãëgü ga yema duüxügü ga Ngechucharü orexü na yaxugüxüccëx nadaünaägüxü. Rü yema nixi ga duüxügü ga meãma nüxü ixügüxü ga Tupanaärü ore rü tama yema ngoxoxü icuëxüüügüxü rü bai ga yema ngoxochicünëxãxü icuëxüüügüxü, rü tama nügü ixägüxü na nacatüwa rü ëxna naxmëxwa yema ngoxoëgamaã yaxãëgaxü. Rü nüxü chadau ga wena na namaxëxü, rü 1,000 ga taunecü Cristumaã wüxigu äëxgacü nixigü. ⁵ Rü yemagü nixi ga nüxirama írüdagüxü. Natürü ga yema togü ga yuexü rü täütãma namaxë ñuxmatáta yima 1,000 ya taunecügüwena. ⁶ Rü tataãëgü ya yixëma tuxira írüdagüxe erü Tupanaärü duüxügü tixigü. Rü ngëma Tupanaärü poxco rü marü täütãma tümacëx nixi. Rü tá Tupanaärü rü Cristuarü ngüxëëruüügü tixigü. Rü 1,000 ya taunecü tá Cristumaã äëxgacügü tixigü.

ngoxo i Chataná rü marü nagu nayarüchixe

⁷ Rü ngëxguma marü nangupetügu ya yima 1,000 ya taunecü, rü Chataná rü tá ningëx i ngëma inapoxcuxüwa. ⁸ Rü nüma i Chataná rü tá inãxüxü na yawomüxëëxüccëx i güxüma i ñoma i naãnecüãx i duüxügü rü Goga rü Magoga na ngëmagüxü nangutaquëxëxëëxüccëx na Tupanaärü duüxügümaã nügü nadëixüccëx. Rü ngëma Chatanáärü churaragü, rü ñoma taxtü i taxüarü naxnecüchicutëxerüü tá namuxüchi. ⁹ Rü ngëmaãcü i Chatanáärü churaragü rü tá ñoma i naãneärü tagu nguüchi. Rü tá Tupanaärü duüxügüxü rü yima iãne ya Tupana nüxü ngechaxüne ya Yerucharëxü inachoeüãchi. Natürü Tupana rü daxüwa tá nanayixëë ya üxü, rü yimamaã tá nixae i guxüma i ngëma namaã rüxüwanügüxü. ¹⁰ Rü ngëma ngoxo i ngëma duüxügüxü womüxëëxü, rü nawa tá natãe ya yima naxtaa ya üxümaã iyaurachiüne ya azufremaã ixaxüne. Rü yima nixi ya naxtaa ga marü nawa nawoüne ga yema nüxiraüxü ga ngoxo rü yema to ga ngoxo ga orearü uruünetä i xüxü. Rü yima naxtaawa tá nixi i guxügütãma ngunecü rü chütacü ngüxü yangegüxü.

Ngëma taxü i tochicaxü i cómüxüwa rütocüpëxëwa nangugü i duüxügü

¹¹ Rü ñuxüchi nüxü chadau ga wüxi ga taxü ga tochicaxü ga cómüxü, rü nüxü chadau ga guma nawa rütocü. Rü gumachaxwa nibuxmü ga ñoma ga naãne rü güxüma ga daxüwa nüxü idaüxü, rü inayarütauxe. ¹² Rü nüxü chadau ga yema yuexü ga yaexü rü buexü ga Tupanapëxëgu chigüxü. Rü ningena ga poperagü. Rü yexgumarüü ta ningena ga yema Tupanaärü popera i nagu yawügüxü i ngëma duüxügü i nüxü nangëxmaxü i maxü i taguma güxü. Rü yema yuexü rü yexgumarüü ga ñuxãcü na namaxëxü ga wüxichigü rü yexgumarüü ga ñuxãcü na yema poperawa inaxümatüxüürüüãcüma Tupana namaã nüxü

nixu na ngextá tá naxíxú. ¹³ Rú yema yuexú ga taxtú ga taxúwa yexmagúxú rú wenaxáru ínarúdagú. Rú yema yuexú ga tauquewa yexmagúxú rú wenaxáru ínarúdagú. Rú yemaácú ínarúdagú ga guxúma ga duúxúgú ga yuexú. Rú guxúma ga yema yuexú rú Tupana núxna nicachigú rú yexgumarúú ga ñuxácú na namaxéxú ga wúxichigú rú namaá núxú nixu na ngextá tá naxíxú. ¹⁴ Rú yemawena rú guma naaxtaa ga úxúmaá iyaurachiúnewa nawoú ga yu guxúma ga norú poramaá. Rú guma naaxtaa ga úxúmaá iyaurachiúne, rú ngéma nixí i poxcu i taguma iyacuáxú i túmacèx ixixú ya yíxema tama Tupanaáru duúxúgú ixíxú. ¹⁵ Rú guma naaxtaa ga úxúmaá iyaurachiúnewa tawoú ga guxema ingeégaxe nawa i ngéma Tupanaáru popera i nagu tiwúgúxú ya yíxema túxú nangéxmaxé i maxú i taguma gúxú.

21

Ngexwacaxúxú i ñoma i naáne rú guxúma i daxúwa ngéxmaxú

¹ Rú yemawena núxú chadau na nayexwacaxúxú ga ñoma ga naáne rú guxúma ga tacú ga daxúwa yexmagúxú. Yerú yema núxíra yexmagúxú rú marú nangupetu, rú yema taxú ga taxtú rú marú nataxuma. ² Rú núxú chadau ga guma íane ga mexúne ga Yerucharéú ga yexwacaxúne ga daxúguxú ga naánewa Tupanaxútaawa írúxíxúne ga guxúwama mexéchine ñoma wúxi i pacú i ngéxguma iyangíxgu rú ngítecèx ngígú mexéxcúruú ixíxúne. ³ Rú núxú chaxínú ga wúxi ga naga ga yema tochicaxúwa inaxúxú ga tagaácú ñaxú:

“Tupana rú duúxúgútanúwa nangexma i ñuxmax. Rú natanúwa tá namaxécha. Rú nūmagú rú norú duúxúgú tá nixíxú. Rú nūma ya Tupana rú natanúwa tá nangéxmaécha, na guxúguma norú Tupana yíxúxcèx. ⁴ Rú nūma tá ínanapi i naxgúúétú i guxúma i ngéma duúxúgú. Rú marú táitáma texé tayu, rú texé túmaáru ngechaúmaá taxaxu, rú texé ngúxú tingegú. Erú guxúma i ngéma ngúxú rú marú inayarúxo”, ñanagúru. ⁵ Rú guma yema tochicaxúwa rútocú rú ñanagúru:

“Dúcèx, choma rú chanangexwacaxúxé i guxúma i tacú i ngéxmaxú”, ñanagúru. Rú ñuxúchi ñanagúru tá:

“¡Naxúmatú i ñaa ore! Erú ñaa ore i aixcúma nixí, rú ñaa nixí i ore i mexú na yaxóxú”, ñanagúru. ⁶ Rú yemawena rú ñanagúru choxú:

“Ñuxma rú marú ningu i guxúma. Rú chowa nixí ga inaxúgúxú ga guxúma, rú nataxuma i tacú i chorú yexera ngéxmaéchaxú. Rú yíxema ítaxawe, rú choma rú tá nangetanúácúma túxú chaxaxéemare nawa i ngéma dexá i maxéeru. ⁷ Rú yíxema núxú rúporamaégúxe i chixexú, rú tá tanayauxgú i guxúma i ngéma mexúgú i núxú chixuxú. Rú choma rú tá túmaáru Tupana chixí, rú túma i chauxacúgú. ⁸ Natúru ngéma muéxú i núxú rúxoexú na chowe naxíxú, rú nawa tá nawoú ya yima naaxtaa ga úxúmaá iyaurachiúne ya azufremaá ixaxúne. Rú ngéxgumarúú ta i ngéma tama yaxógúxú, rú ngéma chixexú úgúxú, rú ngéma máétaxúxú, rú ngéma naí i ngemaá ipexú, rú ngéma iyúxúxú rú ngóxwèxegúxú, rú ngéma tupanenetachicúnéxáxú icuèxúúgúxú, rú ngéma idoratéèxgúxú, rú nawa tá nawoú ya yima naaxtaa ga úxúmaá iyaurachiúne ya azufremaá ixaxúne. Rú ngéma nixí i poxcu i taguma iyacuáxú i núxú ínanguxéxú i ngéma tama yaxógúácúma yuexú”, ñanagúru.

Yexwacaxúne ga Yerucharéúchiga

⁹ Rú yema 7 ga orearú ngerúúgú ga núxú yexmagúxú ga 7 ga copagú ga yema 7 ga poxcuruúmaá ixáácúxú, rú yematanúwa rú wúxi ga orearú ngerúú rú chauxcèx nixú, rú ñanagúru choxú:

“¡Nuá naxú! Rú tá cuxú núxú chadauxé i ngéma yaxógúxú i ñoma naméxruú tá ixíxúxú ya yima Tupana Nane ga pecaduarú útanúcèx yucú”, ñanagúru. ¹⁰ Rú yexguma yemaácú Tupanaáe i Únèxú choxú ngoxetúxéègu, rú yema orearú ngerúú rú wúxi ga mexpúne ga taxúnewa choxú naga. Rú choxú núxú nadauxéé ga guma íane ya únène ga Yerucharéú ga daxúgúxú ga naánewa Tupanaxútaawa írúxíxúne. ¹¹ Rú guma íane rú Tupanaáru yauracúxúmaá nangóone. Rú yema norú yauracúxú ga guma íane rú ñoma wúxi ya nuta ya mexéchicúruú nixí. Rú ñoma nuta ya yasperúú nixí na yachipetúxú. ¹² Rú guma íane rú guxúwama ínapoxegu. Rú nataxúchi rú namáchanexúchi ga yema norú poxeguxú. Rú yema norú poxeguxú rú núxú nayexma ga 12 ga norú íax. Rú wúxichigú ga yema íaxwa nayexma ga wúxi ga Tupanaáru orearú ngerúú. Rú wúxichigú ga yema íaxwa nangoxéga ga wúxichigú ga yema 12 ga Acobu nane ga Yudíugú nawa ne íxú. ¹³ Rú tomaéxpúx ga norú íax rú napéxewaama nayexma, rú yema to ga tomaéxpúx rú norú toxwecúwawa nayexma, rú yema to ga tomaéxpúx rú norú túgúneçúwawa nayexma, rú yema to ga tomaéxpúx rú naweama nayexma. ¹⁴ Rú guma íaneáru poxeguxú, rú 12 ga nuta ga taxúchicúéúwa inaxúgú. Rú wúxichigú ga guma nutagúwa nangoxéga ga wúxichigú ga norú ngúexúgú ga guma Tupana Nane ga pecaduarú útanúcèx yucú. ¹⁵ Rú yema orearú ngerúú ga chomaá idexaxú, rú núxú nayexma ga wúxi ga norú ngugúxú ga uirumenéxánaxcèx na yemamaá nangugúáxcèx ga guma íane, rú norú íaxgú, rú norú poxeguxúgú. ¹⁶ Rú guma íane rú

nawüxigumare ga guxücüwawa. Rü norü mēx rü nawüxigumare namaã ga norü tatachinü. Rü yema orearü ngeruü rü yema uirumenēxāmaã nanangugü ga guma iāne. Rü 2,200 kilómetru nixī ga norü mēx. Rü yexgumarüü ta 2,200 kilómetru nixī ga norü tatachinü. Rü 2,200 kilómetru ta nixī ga norü máchane. ¹⁷ Rü yemawena rü inanangu ga yema norü poxeguxü ga guma iāne. Rü 65 metru nixī ga norü máchane. Rü yemaãcü duüxügüarü ngugüümaã nanangugü. ¹⁸ Rü yema norü poxeguxü ga guma iāne, rü nuta ga mexēchicü ga yaspēnaxcēx nixī. Rü nümatama ga guma iāne rü uirunaxcēx nixī. Rü ñoma woruarüü niyauracüü. ¹⁹ Rü guma nutagü ga itacü ga norü poxeguxüpara ixīgücü, rü nagüüdraücü ga nuta ga imexēchicümaã nangēxāē. Rü guma nüxīraücü ga napara rü nuta ga yaspēmaã nangēxāē. Rü guma norü taxre ga napara rü nuta ga safirumaã nangēxāē. Rü guma norü tomaēxpüx ga napara rü nuta ga ágatamaã nangēxāē. Rü guma norü ágümcü ga napara rü nuta ga esmerádamaã nangēxāē. ²⁰ Rü guma norü wüximēxpüx ga napara rü nuta ga onichemaã nangēxāē. Rü guma norü 6 ga napara rü nuta ga cornalínamaã nangēxāē. Rü guma norü 7 ga napara rü nuta ga crisólítumaã nangēxāē. Rü guma norü 8 ga napara rü nuta ga berilumaã nangēxāē. Rü guma norü 9 ga napara rü nuta ga topásiumaã nangēxāē. Rü guma norü 10 ga napara rü nuta ga crisoprásamaã nangēxāē. Rü guma norü 11 ga napara rü nuta ga yachítumaã nangēxāē. Rü guma norü 12 ga napara rü nuta ga amatístamaã nangēxāē. ²¹ Rü yema 12 ga norü iāx ga guma iāneärü poxeguxü rü perlanaxcēx nixī. Rü wüxichigü ga yema iāx rü wüxitama ga perla nixī. Rü yema norü ítamü ga guma iāneärü ngāxüwa dapetüü, rü uiruxicanaxcēx nixī. Rü ñoma woruarüü niyauracüü. ²² Rü guma iānewa rü taxúnema ga ngutaquēxepataxü ga ngextá Tupanaxü nawa yacuēüügünexü chadau, yerü nümatama ga Tupana ya poracü rü Nane ga pecaduarü ütanücēx yücü rü yéma nayexma na duüxügü nüxü icuēüügüxcēx. ²³ Rü yima iāne rü taxucēxma üēxcü rü tauemacü nüxü nabaxi, erü Tupanaärü ngóonexütama nixī i nangóonexēxü. Rü yima Tupana Nane ga pecaduarü ütanücēx yücü nixī ya norü omü ixícü. ²⁴ Rü ngēma Tupanaärü ngóonexü i yima iānexü ngóonexēxü tá nixī i nangóonexēxü naxcēx i guxüma i ñoma i naānecüāx i duüxügü. Rü ngema tá nangugü i guxüma i nachüüānegüarü āēxgacügü i yaxögüxü rü tá Tupanana nayana i norü mexügü. ²⁵ Rü norü iāxgü rü tagutáma narüwāxtagü erü ngema rü guxügüma nangunexecha rü taguma nachüta. ²⁶ Rü ngema tá nanana i guxüma i ñoma i naāneärü mexügü. ²⁷ Natürü tagutáma ngēxma naxücu i tacü i Tupanapēxewa chixexü, rü bai ya texé ya chixexü üxe rü ēxna idoratéxaxe. Rü yíxema Tupana Nane ga pecaduarü ütanücēx yücüarü poperawa ngoxégagüxexicatátama tixígü ya ngēxma chocuxe.

22

¹ Rü ñuxüchi ga yema orearü ngeruü rü choxü nüxü nadauxēē ga wüxi ga natü ga metacüchiüxü rü ichipetüchiüxü ga dexá ga maxēēruü. Rü yema tochicaxü ga nawa natogüxü ga Tupana rü Nane ga pecaduarü ütanücēx yücü, rü nawa nixī ga ne nadaxü ga yema natü. ² Rü guma iāneärü ngāxüwa dapetüxü ga ítamüarü ngāxü nida ga yema natü. Rü norü guxücutüwa narüxügü ga naügü ga maxēēruü. Rü yema naügü rü wüxicanatama naxo ga wüxichigü ga tauemacügu rü yemaãcü 12 ēxpüxcüna naxo ga wüxi ga taunecügu. Rü naätügü ga yema naügü, rü guxü i nachüüānecüāx i duüxügü i yaxögüxüarü taāēxēruü nixī. ³ Rü ngema rü nataxütáma i tacü i Tupana chixexü namaã naxuxuchixü. Rü yima iānewa tá nangēxma i norü tochicaxü ya Tupana rü Nane ga pecaduarü ütanücēx yücü. Rü norü duüxügü rü tá nüxü nicuēüügü. ⁴ Rü ngēma norü duüxügü rü tá nachiwexüchixü nadaugü, rü tá naegamaã nixāegacatü. ⁵ Rü ngema rü tagutáma nachüta. Rü ngēma norü duüxügü, rü taxucēxáma nanaxwēxe i daparina rü ēxna üēxcü na nangóonexüxcēx. Erü nümatama ya törü Cori ya Tupana rü tá nüxü nabaxi. Rü nümagü i ngēma duüxügü rü guxügütáma wüxigu Tupanamaã āēxgacügü nixīgüecha.

Marü ningaica na wena núma naxüxü ya Ngechuchu ya Cristu

⁶ Rü ñuxüchi ga yema Tupanaärü orearü ngeruü rü ñanagürü choxü:

“Ñaa ore rü aixcüma ixixü nixī, rü ñaa nixī i ore i mexü na yaxöxü. Rü nüma ya törü Cori ya Tupana ga nuxcüma norü orearü uruügümaã nüxü ixücü ga tacü tá na ngupetüxü, rü nümatama nixī i ñuxma inamuāxü i norü orearü ngeruü i daxücüāx na norü duüxügüxü nüxü nadauxēēxüxcēx na tacü tá paxa nangupetüxü”, ñanagürü. ⁷ Rü nüma ya törü Cori ya Ngechuchu rü ñanagürü:

“Paxa tá Ichangu. Rü tataāē ya yíxema naga inüxē i ngēma Tupanaärü ore i ñaa poperagu ümatüxü”, ñanagürü. ⁸ Rü chomatama i Cuáü rü nüxü chaxínü rü nüxü chadau i guxüma i ngēma nüxü chixuxü. Rü yemaxü chaxínüguwena rü nüxü chadēpxguwena, rü yema orearü ngeruü ga yemaxü choxü dauxēēxpēxegu chacaxāpüxü na nüxü chicuēüxüxcēx. ⁹ Natürü ga nüma rü ñanagürü choxü:

“¡Tãxũ i ngẽma cuxũxũ! Erũ choma rũ ta Tupanaãrũ duũxũ chixĩ, ngẽxgumarũ i cuma rũ cueneẽgũ i Tupanaãrũ orexũ ixugũxũ rũ ngẽma duũxũgũ i naga Ìnũẽxũ i ngẽma ore i ñaã poperagu ùmatũxũ. Rũ name nixĩ i Tupanaxũ quicuẽxũtũ”, ñanagũrũ. ¹⁰ Rũ ñanagũrũ ta choxũ:

“Tama name na icuyacũxũ i ngẽma Tupanaãrũ ore i ñaã poperagu ùmatũxũ, erũ marũ ningaica na yanguxũ i ngẽma ore. ¹¹ Natũrũ ngẽma chixexũ ùgũxũ, rũ chixexũ tá naxũgũecha. Rũ ngẽma Tupanapẽxewa chixri maxẽxũ, rũ chixri tá namaxẽẽcha. Natũrũ yixema mexũ ùgũxe, rũ name nixĩ na mexũ taxũgũechaxũ. Rũ yixema Tupanapẽxewa ixũũnẽxẽ, rũ name nixĩ na Tupanapẽxewa tixũũnẽchaxũ”, ñanagũrũ. ¹² Rũ ñanagũrũ ga Ngechuchu:

“Dũcẽx, paxa tá íchangu namaã i ngẽma ãmare i wũxichigũna tá chaxãxũ ngẽxgumarũ i na ñuxãcũ tanaxũxũ i tũmax. ¹³ Choma nixĩ i norũ ùgũ i guxũma, rũ chowa nixĩ i yacuãxũ erũ nataxuma i ñacũ i choweama ùxũ. ¹⁴ Rũ tataãẽgũ ya guxãma ya yixema yima pecañarũ ùtanũcẽx yucũgũwa tũgũ iyauxgũchiruxe na Tupanapẽxewa timexũcẽx na yima ããnẽrũ ããxwa tichocuxũcẽx rũ nũxũ tangõxnetagũxũcẽx i ngẽma norũ o i ngẽma naĩ i maxẽeruũ. ¹⁵ Natũrũ tãũtãma yima ããnẽwa nichocu i ngẽma tama yaxõgũxũ, rũ ngẽma iyuũxũ rũ ngõxwẽxegũxũ, rũ ngẽma naĩ i ngemaã ipegũxũ, rũ ngẽma máẽtagũxũ, rũ ngẽma tupananetachicũnẽxãxũ icuẽxũgũxũ. Rũ ngẽxgumarũ ta i ngẽma idoratẽẽxgũxũ i norũ me ixĩxũ na togũxũ nawomũxẽẽgũxũ, rũ tãũtãma nawa nichocu ya yima ããne. ¹⁶ Rũ choma i Ngechuchu, rũ guxãma i pema i yaxõgũxũtanũwa chanamu i chorũ orearũ ngerũ na pemaã nũxũ yaxuxũcẽx i guxũma i ngẽma chorũ ore. Rũ choma nixĩ i Dabítaa chĩĩxũ. Rũ choma nixĩ ya yima woramacuri ya pẽxmama poraãcũ nangõnexeẽcũrũ chĩĩxũ”, ñanagũrũ. ¹⁷ Rũ Tupanaãẽ i Ùũnẽxũ rũ guxũma i yaxõgũxũ, rũ Ngechuchuxũ ñanagũrũgũ:

“¡Nuã naxũ!” ñanagũrũgũ. Rũ yixema nũxũ Ìnũxẽ i ñaã ore, rũ:

“¡Nuã naxũ!” ñanagũrũgũ. Rũ yixema ìtawãxe rũ tũxũ nachixẽgaxe, rũ name nixĩ i nuã taxũ rũ tũxũ nangetanũãcũma nawa taxaxe i ngẽma dexã i maxẽeruũ. ¹⁸ Rũ guxãma ya yixema irũxũnũxẽ i ñaã Tupanaãrũ ore i ñaã poperagu ùmatũxũ, rũ tũmamaã nũxũ chixu rũ ngẽxguma chi texẽ íyatõxẽẽgũ i ngẽma Tupanaãrũ ore i ñaã poperagu ùmatũxũ, rũ Tupana rũ tá tũmacẽx nanayexeraxẽẽ i ngẽma poxcuruũgũ i ñaã poperawa nachiga naxũmatũxũ. ¹⁹ Rũ ngẽxguma chi texẽ nũxũ ùpetũgũ i wũxitama i ñaã Tupanaãrũ ore i ñaã poperagu ùmatũxũ, rũ Tupana rũ tãũtãma tũxũ nũxũ nangõxnetaxẽẽ i ngẽma norũ o i ngẽma naĩ i maxẽeruũ i ñaã poperawa nachiga naxũmatũxũ. Rũ ngẽxgumarũ tá ta tãũtãma tũxũ nimucuchi nawa ya yima ããne ya ùũnẽne i ñaã poperawa nachiga naxũmatũne. ²⁰ Rũ yima nũxũ ixucũ i ñaã ore, rũ ñanagũrũ:

“Ngẽmããcũ, paxa tá íchangu”, ñanagũrũ. Rũ ngẽmããcũ yĩ. Rũ choma i Cuãtũ rũ ñacharũgũ:

“¡Nuã naxũ Pa Cori ya Ngechuchu!” ñacharũgũ. ²¹ Rũ chanaxwẽxe i tõrũ Cori ya Ngechuchu ya Cristu poraãcũ pexũ narũngũxẽẽ i guxãma i pemax. Rũ ngẽmããcũ yĩ.